

# ডিকেম্বর সুস্থানবলী

চার্লস্ ডিকেম্বর প্রণীত

শ্রীসরোজনাথ ঘোষ অনুদিত



শ্রীসতীশচন্দ্র ঘোষোপাধ্যায় প্রকাশিত

কলিকাতা ১৬৬নং বহুবাজার স্ট্রীট, "বঙ্গমতী রোটারী মেসিন যন্ত্রে"

শ্রীপূর্ণচন্দ্র ঘোষোপাধ্যায় মুদ্রিত

[মূল্য ১।।০ দেড় টাকা]




## গ্রন্থ-সূচী

১।	ব্লিক্ হাউস ( উপন্যাস )	...	...	১১
২।	ডেভিড কপারফিল্ড ( উপন্যাস )	...	...	১৭
৩।	নবীন-দম্পতি ( রেখাচিত্র )	...	...	৪১৯
৪।	লৌকিক দম্পতি	"	...	৪২০
৫।	প্রেমিক দম্পতি	"	...	৪২২
৬।	তর্কপ্রিয় দম্পতি	"	...	৪২৪
৭।	অপারিসীম সম্তানাসক্ত দম্পতি	"	...	৪২৫
৮।	উদাসীন দম্পতি	"	...	৪২৬
৯।	প্রশংসনীয় দম্পতি	"	...	৪২৭
১০।	চমৎকার দম্পতি	"	...	৪২৮
১১।	আত্মবাদী দম্পতি	"	...	৪২৯
১২।	সাবধানী দম্পতি	"	...	৪৩০
১৩।	বৃদ্ধ দম্পতি	"	...	৪৩১
১৪।	উপসংহার	"	...	৪৩২



# “ব্লিক্ হাউস”



১

নভেম্বর মাস। লণ্ডন নগরের “লিঙ্কনস্ ইন্ হলে” লর্ড চ্যান্সেলার উপবিষ্ট। রাজপথ তখনও কর্দমাক্ত; চিম্নী-নির্গত ধূম্রজাল আকাশপথ আচ্ছন্ন করিয়া রাখিয়াছে।

চারিদিকে কুহেলিকার গাঢ় আস্তরণ বিস্তৃত। নদীর উপর নভোরেণুজাল ছলিতেছে। রাজপথ, অট্টালিকা, প্রাঙ্গণ সর্বত্রই কুজ্জাটিকা। এমনই অপরাহ্নে লর্ড চ্যান্সেলার বিচারামনে উপবিষ্ট। তাঁহার দরবার-গৃহও কুহেলিকার প্রভাব হইতে আশ্রয় করা করিতে পারে নাই। আজ “জারন্ডাইস্ ও জারন্ডাইসের” অতি পুরাতন মোকদ্দমার বিচারের দিন। কাজেই সংবাদপত্রের সংবাদদাতারা একে একে বিচারগৃহ ত্যাগ করিয়াছেন। যে তারিখে উক্ত মোকদ্দমার বিচার হইবার দিন পড়ে, সে দিন এইরূপই হইয়া থাকে। এই মোকদ্দমাটি এমনই দীর্ঘকালব্যাপী ও জটিল সমস্রাপূর্ণ যে, কেহই অবগত নহে, আসল ব্যাপারটি কি। যাহারা পক্ষভুক্ত, তাহাদের ত কথাই নাই। আদালতের দুই জন ব্যবহারাজীবও এ ব্যাপার সম্বন্ধে একমত প্রকাশ করিতে পারেন না। কত শিশু যুবা হইল, আবার বৃদ্ধা-বস্থার উপনীত হইয়া পরপারে যাত্রা করিল; কিন্তু এই বিচিত্র, অতি পুরাতন মোকদ্দমার আজও পর্য্যন্ত নিষ্পত্তি হইল না। বহুসংখ্যক ব্যক্তি এই মোকদ্দমার পক্ষভুক্ত হইয়া বিশ্বয় প্রকাশ করিয়াছেন। তাঁহারা পূর্বে কোনও দিন স্বপ্নেও ভাবেন নাই যে, এই মোকদ্দমার সহিত তাঁহাদের কোনও সম্বন্ধ থাকিতে পারে। কিন্তু ইহাতে যে তাঁহাদের সংশয় কি আছে, তাহা এ পর্য্যন্ত কেহই অবগত হইতে পারেন নাই। একে একে বহু চ্যান্সেলার এই মোকদ্দমার বিচার করিয়া গিয়াছেন, বিচারকপদে উন্নীত হইবার পূর্বে ব্যবহারাজীবের অবস্থায় তাঁহারা সকলেই পর্য্যায়ক্রমে “জারন্ডাইস্ এণ্ড জারন্ডাইসের” মোকদ্দমার কোন না কোন পক্ষে নিযুক্ত ছিলেন; কিন্তু এই বিরাট ব্যাপারের নিষ্পত্তি এখনও হয় নাই। কোন কালে হইবে কি না, তাহা কেহ বলিতেও পারে না।

আলোচ্য দিবসে প্রধান বিচারপতি উল্লিখিত ইতিহাস-প্রসিদ্ধ মোকদ্দমার বিচার করিতে বসিয়াছিলেন।

বিচক্ষণ ব্যবহারাজীব মিঃ ট্যাঙ্গেলের বক্তৃতার আতিশয্যে ব্যতিব্যস্ত হইয়া প্রধান বিচারপতি বলিয়া উঠিলেন, “মিঃ ট্যাঙ্গেল!”

জারন্ডাইস্ মোকদ্দমার সম্বন্ধে মিঃ ট্যাঙ্গেলের ঠায় অভিজ্ঞ ব্যক্তি আর কেহ ছিল না। বিজ্ঞানমণ্ডল-পরিভ্রমণের পর তিনি উক্ত মোকদ্দমা-সংক্রান্ত নথিপত্র ছাড়া আর কোনও বিষয়েরই আলোচনা করেন নাই। প্রধান বিচারপতির আহ্বানে উকীলপ্রবর বলিয়া উঠিলেন, “হুজুর!”

“আপনার সওয়াল-জবাব শেষ হইয়াছে?”

মিঃ ট্যাঙ্গেল বলিলেন, “না, হুজুর, এখনও অনেক কথা বলিবার আছে। আমার বক্তব্য এখনও শেষ হয় নাই।”

ঈযং হাসিয়া বিচারপতি বলিলেন, “আরও অনেকের বলিবার পালা আছে বোধ হয়?”

অষ্টাদশ জন ব্যবহারাজীব, প্রত্যেকে অষ্টাদশ পৃষ্ঠাব্যাপী সংক্ষিপ্তসার সহ একসঙ্গে অষ্টাদশ লৌহ-মুদ্রার ঠায় উঠিয়া দাঁড়াইলেন এবং বিচারপতিকে অভিবাদনাস্তর স্ব স্ব আসনে পুনরায় বসিয়া পড়িলেন।

বিচারপতি বলিলেন, “অল্প হইতে এক পক্ষ পরে যে বুধবার আসিবে, সেই দিন পুনরায় এ মোকদ্দমার শুনারী হইবে। আজ এই পর্য্যন্ত।”

বিচারপতি উঠিয়া দাঁড়াইলেন। সঙ্গে সঙ্গে ব্যবহারাজীব-সম্প্রদায়ও আসন ত্যাগ করিলেন। লর্ড চ্যান্সেলার বলিলেন, “বিশেষতঃ বালিকা—”

বাধা দিয়া অসময়ে মিঃ ট্যাঙ্গেল বলিয়া উঠিলেন, “বেয়াদপি ক্ষমা করিবেন, হুজুর—বালিকা নহে, বালক।”

পরিষ্কারভাবে বিচারপতি বলিলেন, “বালিকাও বালক উভয়ের সম্বন্ধেই বলিতেছি। উহাদিগকে আমার খাস-কামরায় আনাইয়াছি। তাহাদিগকে পরীক্ষা করিয়া যদি বুঝি যে, কোন গোলযোগ নাই, তবেই তাহাদিগকে তাহাদের খুল্লতাতে নিকট পাঠাইয়া দিব।”

মিঃ ট্যাঙ্গেল পুনরায় বলিয়া উঠিলেন, “বেয়াদপি মাফ করিবেন, হুজুর! খুড়া মৃত।”

চ্যান্সেলার ডেকের উপরিস্থিত কাগজ-পত্রগুলি চশমার সাহায্যে পরীক্ষা করিয়া বলিলেন, “তাহাদের পিতামহের নিকট পাঠাইব।”

ব্যবহারাজীব ট্যাঙ্গেল পুনরায় বাধা দিয়া বলিলেন, “না হুজুর, তিনিও ঝাঁকের মাথায় আত্মবাতী হইয়াছেন।”

এই সময়ে থকাহুতি এক জন কোন্সিলি উঠিয়া দাঁড়াইয়া বলিলেন, “হুজুর, যদি আদেশ করেন ত বলি। যাহার আশ্রয়ে উহাদের যাইবার কথা আছে, আমি তাঁহার পক্ষে



উকীল। তিনি সম্পর্কে উহাদের ভ্রাতা; কি প্রকার ভ্রাতা, তাহা আমি এখন আদালতে জানাইব না, পরে প্রকাশ করিব।”

ব্যবহারাজীবটি এই প্রকার বলিয়াই আসনে বসিয়া পড়িলেন। সকলে তাঁহার দিকে দৃষ্টি নিষ্ক্ষেপ করিতে লাগিল; কিন্তু গৃহমধ্যস্থ কুঞ্জটিকা-জালের প্রভাবে তাঁহাকে কেহই স্পষ্ট দেখিতে পাইল না।

প্রধান বিচারপতি তখন বলিতে লাগিলেন, “আমি এই দুইটি বালক-বালিকার সহিত দেখা করিয়া বুঝিব যে, তাহাদের ভ্রাতার আবাসে বাস করিবার পক্ষে কোনও বাধা আছে কি না। কাল সকালে যখন আমি আদালতে বসিব, তখন এ বিষয়ের পুনরায় উল্লেখ করা যাইবে।”

বিচারপতি মহোদয় গাত্রোথান করিলেন। সে দিনের মত দালত বন্ধ হইল।

২

লেডী ডেডলক্ তাঁহার লিঙ্কনশায়ারশায়ার পল্লীভবন ত্যাগ করিয়া লণ্ডনস্থ প্রাসাদে ফিরিয়া আসিয়াছেন। এখানে কয়েক দিন অবস্থানের পর তিনি প্যারী নগরীতে গিয়া কয়েক সপ্তাহ থাকিবেন। তার পর এই বিলাসিনী নারী কোথায় স্থাপন করিবেন, তাহার স্থিরতা নাই।

শ্রীর লিষ্টার ডেডলক্ ব্যারনেট মাত্র। কিন্তু এমন প্রতাপশালী ব্যারনেট বড় একটা দৃষ্টিগোচর হয় না। তিনি যে বংশে জন্মগ্রহণ করিয়াছেন, তাহা অত্যন্ত প্রাচীন ও সম্ভ্রান্ত। শ্রীর লিষ্টার নিজে বিবেকবান ব্যক্তি। কোনও প্রকার নীচতা ও অভদ্রতা তাঁহার বাক্যে বা ব্যবহারে কোনও দিন প্রকাশ পায় নাই। তিনি যেমন সত্যবাদী, তেমনই নির্ভীক স্পষ্টবক্তা ও জেদী। কোনও বিষয়ে খেয়াল হইলে তাঁহাকে সে কার্য হইতে প্রতিনিবৃত্ত করা কঠিন।

লেডী ডেডলক্ অপেক্ষা শ্রীর লিষ্টার পুরা বিশ বৎসরের বড়। এ জীবনে তিনি আর পঁয়ষট্টি, ছয়টি অথবা সাতষট্টি বৎসরে পদার্থ করিবেন না। বাতরোগ তাঁহাকে আশ্রয় করিয়াছে। সেজন্য তিনি একটু আড়ষ্টভাবেই চলা-ফেরা করেন।

লোকে বলে, লেডী ডেডলক্কে তিনি অত্যন্ত ভালবাসেন। ভালবাসার খাতিরেই তিনি তাঁহার পানিগ্রহণ করেন। কাণামুষ্ণায় শোনা যায় যে, লেডী মহোদয়ের বংশপরিচয় নাকি নাই। তা শ্রীর লিষ্টারের বংশপরিচয় এতই অধিক যে, দুই একটা না থাকিলেও তাঁহার কোনও ক্ষতিবৃদ্ধি নাই। লেডী মহোদয়ের বংশপরিচয় নাই থাকুক, তাঁহার রূপ, সৌন্দর্য্যগর্ভ, উচ্চাকাঙ্ক্ষা, দৃঢ়তা প্রভৃতির অভাব ছিল না। সেই সঙ্গে পদমর্যাদা ও ধনসম্পত্তির সমাবেশ হওয়ায় লেডী ডেডলক্কে সম্মান ও প্রতিপত্তির অভাব ঘটে নাই।

তাঁহার সৌন্দর্য্য-বলয় ভাটার টান আসিলেও এখনও তিনি মুনিজনমনোহারিণী। তাঁহার সুন্দর মুখ সৌষ্ঠব-সৌন্দর্য্যচর্চার ফলে এখনও অতি রমণীয়। সমগ্র দেহ্যষ্টি কমণীয় ও বরণীয়।

পূর্বাংশিচ্ছাদ আমরা লণ্ডনের যে কুন্তলিকাচ্ছাদায় অপরাহ্নের উল্লেখ করিয়াছি, সেই সময়ে লেডী ডেডলক্কে লণ্ডনস্থ প্রাসাদে একটা বৃদ্ধ ভদ্রলোক আসিয়া উপস্থিত হইলেন। তিনি ডেডলক-পরিবারের উকীল; হাইকোর্টের এটর্নী। এই বৃদ্ধের নাম মিঃ টল্কিংহরন। এই পরিবারের বহু গুপ্ত রহস্য এই বৃদ্ধের বক্ষঃপঞ্জরের নিভৃতকন্দরে লুক্কায়িত আছে। তিনি ডেডলক-পরিবারের বিশেষ বিশ্বাসভাজন।

শ্রীর লিষ্টার ডেডলক্ সঙ্গীক মিঃ টল্কিংহরনকে অভ্যর্থনা করিলেন। করকম্পনের সহিত শ্রীর লিষ্টার বলিলেন, “আমার গৃহিণীর সম্পত্তি-সংক্রান্ত মোকদ্দমা আজ আবার প্রধান বিচারপতির সম্মুখে উঠিয়াছিল বোধ হয়। কেমন, নয় কি, মিঃ টল্কিংহরন?”

তিনি উত্তর করিলেন, “আজ্ঞা, হাঁ, আজও দিন ছিল।”

অগ্নিকুণ্ডের সন্নিহিত একখানি সোফায় লেডী ডেডলক্ উপবিষ্টা ছিলেন। ক্রান্তিভরে তিনি বলিয়া উঠিলেন, “আজও বোধ হয় কিছু হয় নাই?”

মিঃ টল্কিংহরন উত্তর করিলেন, “না, বিশেষ কিছুই নয়।”

লেডী মহোদয়া বলিলেন, “কোনও কালেও কিছু হইবে না।”

উকীল বলিলেন, “নূতন এফিডেফিট পড়িয়াছে। নূতন কিছু ঘটিলেই আমার মক্কেলের তরফ হইতে আমি তাহার নকল লইয়া থাকি। বিশেষতঃ আপনি যখন প্যারী যাইতেছেন, তখন সমস্ত আপনাকে দেখাইবার জন্য কাগজপত্র আমি সঙ্গে আনিয়াছি।”

তিনি পকেটের অন্তরাল হইতে কাগজের আড়া বাহির করিয়া টেবলের উপরে রাখা করিলেন। তার পর চশমা-জোড়া পরিয়া আলোকোধারের সম্মুখে চেয়ার টানিয়া লইয়া পড়িতে আরম্ভ করিলেন,—“চ্যান্সারি আদালতে। জন জারনডাইস্—”

বাধা দিয়া লেডী মহোদয়া তাঁহাকে অনুরোধ করিলেন যে, বাজে কথা বাদ দিয়া সংক্ষেপে আসল বিষয়টা তিনি যেন পাঠ করেন।

মিঃ টল্কিংহরন খানিকটা অংশ বাদ দিয়া পড়িতে আরম্ভ করিলেন। লেডী মহোদয়া উপেক্ষাভরে শ্রবণ করিতে লাগিলেন। শ্রীর লিষ্টার প্রজ্বলিত অগ্নিকুণ্ডে দৃষ্টি নিষ্ক্ষেপ করিয়া গুনিতে লাগিলেন। লেডী মহোদয়া পুনঃ পুনঃ সোফার উপর নড়িয়া চড়িয়া বসিতেছিলেন। তার পর টেবলের উপর রাখিত কাগজগুলির উপর দৃষ্টি স্থাপিত করিয়া সহসা বলিয়া উঠিলেন, “এগুলি কে নকল করিয়াছে?”



গৃহকর্ত্রীর অস্বাভাবিক উত্তেজনা লক্ষ্য করিয়া সবিস্ময়ে টল্কিংহরন তাঁহার দিকে চাহিলেন। তার পর বলিলেন, “এ প্রশ্ন কেন করিতেছেন?”

“একঘেয়ে, বিশ্রী ভাবটা দূর করিবার জগুই আমার এ প্রশ্ন। যাক্, আপনি পড়িয়া যান।”

মিঃ টল্কিংহরন পুনরায় পড়িতে লাগিলেন। অধির উত্তাপ বোধ হয় বাড়িতেছিল। লেডী মহোদয়া তাঁহার হস্তস্থিত পাখা দ্বারা স্বীয় আনন আবৃত করিলেন। স্মার লিষ্টার বোধ হয় বিমর্ষিত হইলেন। অকস্মাৎ তিনি বলিয়া উঠিলেন, “ঐ্যা, তার পর কি বলিতেছিলেন?”

মিঃ টল্কিংহরন সবেগে উঠিয়া দাঁড়াইয়া বলিলেন, “আমার আশঙ্কা হইতেছে, লেডী ডেডলক্ বোধ হয় অসুস্থ হইয়াছেন!”

লেডী ডেডলক্ বিবর্ণ-মুখে মৃদুগুঞ্জে বলিলেন, “বোধ হয়, আমার মুচ্ছার উপক্রম হইতেছে। আমার সঙ্গে এখন কেহ কথা বলিবেন না। শীঘ্র আমাকে শয়নকক্ষে লইয়া যাইবার ব্যবস্থা কর।”

মিঃ টল্কিংহরন কক্ষান্তরে চলিয়া গেলেন। ঘণ্টা বাজিয়া উঠিল। কয়েকটি মনুষ্যপদশব্দ শোনা গেল। তার পর সব স্থির। মিঃ টল্কিংহরন স্মার লিষ্টারের বসিবার কক্ষে ফিরিয়া আসিলেন।

স্মার লিষ্টার এটর্নীকে বসিতে ইচ্ছিত করিয়া বলিলেন, “এখন অনেকটা ভাল। আমার বড় ভয় হইয়াছিল। পূর্বে কখনও আমার স্ত্রীকে মুচ্ছিতা হইতে দেখি নাই। এখনকার হাওয়া ভাল নয়। লিঙ্কলনশায়ারের প্রাসাদে কয়দিন তিনি বড়ই অশান্তি ভোগ করিতেছিলেন।”

৩

আমার জীবনের ঘটনাবলী লিপিবদ্ধ করিবার ভার আমার উপর। কিন্তু কিরূপে উহা বর্ণনা করিব, তাহাই বলিতেছি। কারণ, আমার বুদ্ধিচাতুর্য্যের বিশেষ অভাব আছে, বোধ হয়।

বাল্যকালের কথা যতটুকু স্মরণ হয়, আমার ধর্মমাতার আশ্রয়ে প্রতিপালিত হইয়াছিলাম। তিনি বেশ ভাল লোকই ছিলেন। প্রতি রবিবারে তিনি তিনবার করিয়া ধর্ম-মন্দিরে যাইতেন। বুধবার ও শুক্রবারের প্রাভাতিক প্রার্থনায় তিনি নিয়মিতভাবে যোগ দিতেন। ধর্মসংক্রান্ত বক্তৃতা যে দিন হইত, তিনি কদাপি তাহাতে অনুপস্থিত থাকিতেন না। আমার ধর্মমাতা দেখিতে সুন্দরী ছিলেন। তাঁহার হাসিটি ঠিক স্বর্গকন্যাদিগের ঞায় মধুর ছিল; কিন্তু আমি তাঁহাকে কদাচিত্ হাসিতে দেখিয়াছি। তিনি এতই ধর্মপরায়ণা, সচ্চরিত্রা ছিলেন যে, কেহ কোনও মন্দ কাজ করিলে সারা জীবন ধরিয়া তিনি অপ্ৰসন্ন-মুখে থাকিতেন। আমার বড় ইচ্ছা করিত, তাঁহাকে প্রাণ ভরিয়া ভালবাসি; কিন্তু কোনও দিন আমি তাঁহাকে ভালবাসিতে পারি নাই। একজ্ঞ আমার

মনে বড়ই ছুঃখ, বড়ই কষ্ট হইত। তিনি কত ভাল, আর আমি তাঁহার কিরূপ অনুপযুক্ত!

আমি স্বভাবতঃ নির্জনতাপ্রিয় না স্বল্পভাষী ছিলাম না। কিন্তু ধর্মমাতাকে প্রাণ ভরিয়া ভালবাসিতে পারি নাই বলিয়া ক্রমশঃ আমি নির্জনতাপ্রিয় হইয়া পড়িয়াছিলাম। কাহারও সহিত বাক্যালাপ করিতেও যেন আমার আশঙ্কা জন্মিত। এমনই অভ্যাস দাঁড়াইয়াছিল। আমার একটি পুতুল ছিল। তাহারই সহিত আমার প্রাণের কথাবার্তী, সর্বপ্রকার আলোচনা হইত। সে ছিল নিরীক শ্রোতা, আর আমি ছিলাম বক্তা।

আমার জননী কথায় আমি কোনও দিন কাহারও মুখে আলোচিত হইতে গুনি নাই। আমার পিতার কথাও আমি কিছু জানিতাম না। এ বিষয়েও কেহ কোন দিন কোন প্রকার আলোচনা করে নাই। আলোচনা না হইলেও আমার মাতার সম্বন্ধে যেন আমার কৌতূহল ও আসক্তি বেশী ছিল। জীবনে কোনও দিন আমি কৃষ্ণ পরিচ্ছদ পরিয়াছি, এ কথা মনে পড়ে না। আমার মাতার সমাধিক্ষেত্র কোথায়, তাহাও আমি জানিতাম না। কেহ কোনও দিন উহা আমাকে দেখাইয়া দেয় নাই। শুধু ধর্ম-মাতা ছাড়া আর কাহারও জন্য কোনও দিন আমি প্রার্থনা করিতেও শিখি নাই। শ্রীমতী র্যাচেল আমাদের পরিচারিকা। এক এক দিন আমি এ বিষয়ে তাঁহার কাছে প্রস্তাব করিতে উদ্বৃত হইতাম; তিনি আমাকে প্রত্যহ বিছানায় শোয়াইয়া দিয়া আলো লইয়া যাইতেন। আমি কৌশলে এ প্রসঙ্গের অবতারণা করিবামাত্রই তিনি শুধু, “শুভরাত্রি, ইস্কার” এই বলিয়া বিদায় লইতেন। আমার প্রশ্নের উত্তর মিলিত না।

পার্ব্ববর্তী গ্রামের বিদ্যালয়ে আমি দ্বিবাভাগে পড়িতে যাইতাম। সেখানে আরও সাতটি বালিকা পড়িত। তাহারা আমাকে ‘ইস্কার সমারসন’ বলিয়া ডাকিত। সকলেই আমার অপেক্ষা বয়সে বড় ছিল। শুধু তাহাই নহে, আমার অপেক্ষা তাহাদের সকলেরই বিদ্যাবুদ্ধি বেশী বলিয়া আমার ধারণা ছিল। কিন্তু তাহাদের বাড়ীতে আমি কোন দিন যাই নাই। বিদ্যালয়ে প্রবেশ করিবার কয়েক দিন পরে, তাহাদের মধ্যে এক জন আমাকে তাহার বাড়ীতে নিমন্ত্রণ করিয়াছিল, সে সংবাদে আমার আনন্দের অবধি ছিল না। কিন্তু আমার ধর্মমাতা উহা জানিতে পারিয়া তাহাকে এমনই একটা কড়া চিঠি লিখিয়া দিয়াছিলেন যে, আর কখনও আমার কোথাও যাইবার অবকাশ ঘটে নাই।

সে দিন আমার জন্মদিবস। অক্টোবর জন্ম-তারিখের দিন তাহাকে বিদ্যালয়ে যাইতে হয় না। সে দিন তাহার ছুটি। কিন্তু আমার বেলা স্বতন্ত্র। অক্টোবর গৃহে জন্মতারিখ উপলক্ষে কত আনন্দোৎসব হয়, (অবশ্য ইহা আমার শোনা কথা, সহ-পাঠিকারা এ বিষয়ে গল্প করিত, আমি গুণিতাম) কিন্তু



আমার বেলা সে সকল কোনও বালাই নাই! সমগ্র বৎসরের মধ্যে, আমার জন্মতারিখটাই আমার কাছে সর্বাপেক্ষা নিরানন্দময়।

নৈশ ভোজ শেষ হইয়াছিল। অগ্নিকুণ্ডের সম্মুখে আমি ও ধর্মমাতা উভয়ে বসিয়াছিলাম। ঘড়ীর টিকটিক শব্দ, অগ্নিকুণ্ডের ফুটফুট ধ্বনি, নিস্তরু কক্ষের নির্জনতা লক্ষ্য করিতেছিল। অনেকক্ষণ সমস্ত বাড়ীটার মধ্যে অন্য কোনও শব্দ ছিল না বলিয়াই আমার বোধ হইতেছিল। আমি সেলাই করিতে করিতে একবার মুখ তুলিয়া চাহিলাম; দেখিলাম, আমার ধর্মমাতা আমার দিকে বিমর্ষভাবে চাহিয়া আছেন। সহসা তিনি বলিয়া উঠিলেন, “ইস্থার, তোমার জন্মতারিখ না থাকিলেই ভাল হইত। তোমার জন্ম না হওয়াই মঙ্গল ছিল।”

আমার বড় কান্না আসিল। নিরুদ্ধকণ্ঠে বলিলাম, “ধর্মমা! আমার মা কি আমার জন্মদিনেই মারা গিয়াছিলেন?”

তিনি বলিলেন, “না। কিন্তু আমাকে আর কোনও প্রশ্ন করিও না।”

“না, মা, দয়া করিয়া আমার জননীকে স্মরণে আরও কিছু বলুন। আমি তাঁর কাছে কি অপরাধ করিয়াছিলাম? কেমন করিয়া আমি তাঁহাকে হারাইলাম? অন্নের সঙ্গে আমার এ পার্থক্য কেন? সব কথা আমায় দয়া করিয়া বলুন। আপনি যাবেন না, বসুন, সব কথা আমায় বলুন!”

তখন, কষ্টে আমার হৃদয় ভাঙ্গিয়া যাইতেছিল, আমি তাঁহার বসনপ্রান্ত চাপিয়া ধরিলাম; জানু পাতিয়া তাঁহার সম্মুখে বসিলাম। তিনি শুধু বলিতে লাগিলেন, “আমায় ছাড়িয়া দাও”; কিন্তু তিনি নড়িলেন না; চুপ করিয়া দাঁড়াইয়া রহিলেন।

তাঁহার ঘনাক্ষরিত মুখমণ্ডলের এমনই প্রভাব যে, আমি বলিতে বলিতে সহসা থামিয়া গেলাম। আমার ক্ষুদ্র কল্পিত করপুটের সাহায্যে আমি তাঁহার হাত পরিবার উপক্রম করিলাম, ক্ষমাপ্রার্থনার জন্ত আমার হৃদয়ে ব্যাকুলতা জাগিয়া উঠিয়াছিল; কিন্তু যে মুহূর্তে তাঁহার মুখের প্রতি আমার দৃষ্টি পড়িল, অমনই আমি হাত সরাইয়া লইলাম। আমার হৃদয় তখন ছুরু ছুরু করিয়া কাঁপিতেছিল। ডুই হাতে বুক চাপিয়া ধরিলাম। তিনি আমাকে তুলিয়া ধরিলেন। উপবেশন করিয়া, আমাকে তাঁহার সম্মুখে দাঁড় করাইয়া অতি নিম্নস্বরে বলিলেন, “ইস্থার, তোমার মা তোমার লাঞ্চার কারণ, আর তুমিও তাহার লাঞ্চার কারণ। এমন সময় আসিবে—তাঁহার আর বেশী বিলম্ব নাই—যখন তুমি এ সকল কথা ভাল করিয়া বুঝিতে পারিবে, অনুভব করিতে পারিবে। স্ত্রীলোক ছাড়া সে কথা তেমন করিয়া আর কেহ বুঝিতে পারিবে না। আমি তাহাকে ক্ষমা করিয়াছি। সে আমার যে গুরুতর অনিষ্ট করিয়াছে, সে কথা আমি আর এখন উল্লেখ করিব না, তাহার সে

অপরাধ আমি মার্জনা করিয়াছি। হতভাগিনী বালিকা! তুমি যে দিন পৃথিবীতে জন্মগ্রহণ করিয়াছ, সেই দিন হইতেই তোমার ললাটে কলঙ্ক-তিলক অঙ্কিত হইয়া গিয়াছে। সে জন্ত এখন হইতে প্রত্যহ প্রার্থনা কর, যেন অন্নের পাপ তোমাকে না স্পর্শ করে। তোমার মার কথা ভুলিয়া যাও। যাহারা তাহাকে জানিত, তাহারাও যেন তাহার কথা বিস্মৃত হয়। এখন তুমি যেতে পার!”

আমি যেন বরফের গায় জমাট বাঁধিয়া গিয়াছিলাম। তথাপি আমি সে স্থান পরিত্যাগ করিবার জন্ত উদ্যম করিলাম। অমনই তিনি আমাকে বাধা দিয়া বলিলেন, “দেখ, আত্মত্যাগ, পরিশ্রম এবং আত্মগত্যা এই তিনটিই তোমার জীবনের প্রধান অবলম্বন জানিও। তোমার জন্মের সহিত যে অন্ধকার তোমার জীবনে ছায়া বিস্তার করিয়া আছে, তাহাতে এ ভাবে না চলিলে তোমার মঙ্গল নাই। অল্প বালক-বালিকার সহিত তোমার স্বাস্থ্য এইখানে। ইস্থার, মনে রাখিও, অল্প বালক-বালিকার মত পাপ ও ঘৃণার সহবাসে তোমাকে লালিত-পালিত করা হয় নাই। তোমাকে সম্পূর্ণ স্বতন্ত্রভাবে রাখা হইয়াছিল।”

আমি নিজের শয়ন-গৃহে চলিয়া গেলাম। পুতুলটিকে বুক চাপিয়া আমি অশ্রুসিক্ত-নয়নে তাহাকে চুম্বন করিলাম। এই নিক্রীক বস্তুটিই আমার সকল সুখদুঃখের একমাত্র অবলম্বন ছিল। তখনও আমার জ্ঞান-শক্তির সম্পূর্ণ বিকাশ ঘটে নাই, তথাপি আমি বুঝিলাম যে, আমি পৃথিবীতে আসিয়া কোনও দিন কাহারও আনন্দের কারণ হই নাই।

আমার জন্মতারিখের সেই ঘটনা হইতে ধর্মমাতার সহিত আমার মনের ব্যবধান যেন ক্রমেই বাড়িয়া যাইতেছিল। এক এক সময় মনে হইত, আমি তাঁহার বাটীর যে কক্ষ অধিকার করিয়া আছি, তাহা খালি হইয়া যাইয়া মঙ্গত। তাঁহার কাছে অগ্রসর হইতে আমার শক্তি জন্মিলেও দিন দিন আমি তাঁহার প্রতি অধিকতর বৃত্ত হইয়া উঠিতে লাগিলাম। সকলের নিকট হইতে আমি সর্বদা দূরে থাকিতাম; কিন্তু পরিশ্রমে আমি বিন্দুমাত্র উপেক্ষা প্রকাশ করিতাম না।

এক দিন সূর্যালোক-দীপ্ত অপরাহ্নে আমি বিদ্যালয় হইতে বাড়ী ফিরিয়া দেখিলাম, ধর্মমাতা বৈঠকখানাঘরে বসিয়া আছেন। আমাকে দেখিবামাত্র তিনি আমায় ডাকিলেন। আমি কক্ষমধ্যে প্রবেশ করিয়া দেখিলাম যে, তাঁহার পার্শ্বে একটি অপরিচিত ভদ্রলোক উপবিষ্ট।

আমাকে দেখিয়া ধর্মমাতা নিম্নস্বরে তাঁহাকে বলিলেন, “এই সেই বালিকা।” তার পর তাঁহার স্বভাবসিদ্ধ কঠোর স্বরে তিনি বলিলেন, “মহাশয়, এই বালিকার নাম ইস্থার।”

ভদ্রলোকটি চশমা পরিয়া আমার দিকে চাহিলেন, তার পর ডাকিলেন, “এ দিকে এস ত, লক্ষ্মি!” আমি অগ্রসর হইলে, তিনি আমার করকম্পন করিয়া মাথার টুপি খুলিয়া



লইতে বলিলেন। আমি তাঁহার আদেশ প্রতিপালন করিলাম। ভদ্রলোকটি অপলক দৃষ্টিতে আমায় দেখিতে লাগিলেন। আমার চুল দেখিয়া তিনি একবার “আঃ” ও “বেশ!” এই দুইটি শব্দ উচ্চারণ করিলেন। তার পর চশমা খুলিয়া খাপের মধ্যে রাখিতে রাখিতে ধর্মমাতার দিকে চাহিয়া ঘাড় নাড়িলেন। ধর্মমাতা আমায় বলিলেন, “ইস্‌হার, এখন তুমি উপরে যেতে পার।” আমি অভ্যাগত ভদ্রলোকটিকে অভিবাদন করিয়া চলিয়া গেলাম।

উক্ত ঘটনার দুই বৎসর পরে—তখন আমার বয়স চতুর্দশ বৎসর হইবে—একদা রাত্ৰিকালে আমি ও ধর্মমাতা অগ্নিকুণ্ডের ধারে বসিয়াছিলাম। আমি বড় বড় করিয়া পড়িতেছিলাম, তিনি শুনিতেছিলেন। প্রত্যহ রাত্ৰি নয় ঘটিকার সময় আমি তাঁহার ঘরে আসিয়া বাইবেল পড়িয়া তাঁহাকে শুনাইতাম। সেন্ট জন লিখিত বাইবেলের অংশ পড়িতেছিলাম। যীশু যখন ঝুঁকিয়া পড়িয়া ধুলির উপর লিখিতে বাস্তু, সেই সময় পাপিনী নারীকে তাহারা তাঁহার কাছে লইয়া আসিয়াছিল। আমি সেইখানে পড়িতেছিলাম, “যখন তাহারা পুনঃ পুনঃ তাঁহাকে প্রশ্ন করিতে লাগিল, তখন তিনি সোজা হইয়া বসিয়া তাহাদিগকে বলিলেন, ‘তোমাদের মধ্যে যে কখনও কোনও পাপ কাজ করে নাই, সেই সর্বপ্রথম এই নারীর প্রতি লোষ্ট্রাঘাত করুক!’”

অকস্মাৎ আমার পাঠে বাধা পড়িল। ধর্মমাতা আসন ছাড়িয়া অকস্মাৎ উঠিয়া দাঁড়াইয়া দুই হাতে মাথা টিপিয়া ধরিয়া ভীষণ স্বরে ধর্মগ্রন্থের অপরাংশ হইতে আবৃত্তি করিয়া উঠিলেন, “তোমরা সর্বদা সাবধান থাকিবে! অকস্মাৎ আসিয়া তিনি যেন তোমাদিগকে নিদ্রিত না দেখেন। তোমাদিগকে আজ যাহা বলিলাম, তাহা সকলেরই জন্ম বলা হইল। সর্বদা লক্ষ্য রাখিবে, সাবধান থাকিবে!”

উল্লিখিত কথা বলিতে বলিতে ধর্মমাতা অকস্মাৎ ভূমিতলে মুচ্ছিত হইয়া পড়িলেন। তাঁহার চীৎকারে সমস্ত বাড়ীটা প্রতিধ্বনিত হইতেছিল, কাজেই আমার চীৎকার করিবার প্রয়োজন হয় নাই।

তাঁহার সংজ্ঞাহীন দেহ শয্যার উপর স্থাপিত হইল। এক সপ্তাহেরও অধিক সময় তিনি শয্যাশায়িনী রহিলেন। তাঁহার শরীরে বাহ্য কোনও বৈলক্ষণ্য দৃষ্টিগোচর হইল না। তাঁহার বার্নিক্যাচ্ছায়াচ্ছন্ন সুন্দর মুখমণ্ডলে অপরিবর্তনীয় জ্রকুটি তখনও তেমনই ভাবে বিরাজ করিতেছিল। সমস্ত দিন ও রাত্ৰির মধ্যে আমি তাঁহার শিরসস্থ বালিসের উপর মুখ রাখিয়া অশ্রুটস্বরে তাঁহার কাছে সহস্রবার ক্ষমা চাহিয়াছি, তাঁহার গণ্ডে চুম্বন করিয়াছি, ভগবানের নিকট তাঁহার জন্ম প্রার্থনা করিয়াছি। তিনি যে আমায় ক্ষমা করিয়াছেন, আমাকে আশীর্বাদ করিতেছেন, ইঙ্গিতে তাহা প্রকাশ করিবার জন্ম কত অনুনয়-বিনয় করিয়াছি। কিন্তু ভ্রমক্রমেও

তাঁহার মুখমণ্ডলের কোনও পরিবর্তন দেখিতে পাইলাম না। মৃত্যুকাল পর্য্যন্ত একই ভাবে রহিলেন।

আমার ধর্মমাতার দেহ সমাহিত হইবার দিন সেই আগন্তুক ভদ্রলোকটি পুনর্বার উপস্থিত হইলেন। শ্রীমতী র্যাচেল আমাকে ডাকিয়া পাঠাইলেন। সেই একই স্থলে তিনি সে দিনও উপবিষ্ট ছিলেন।

তিনি আমাকে বলিলেন, “আমার নাম কেন্‌জি। বালিকা, আমার নামটি তোমার বোধ হয় স্মরণ আছে; কেন্‌জি ও কারবয়, লিঙ্কনস্‌ ইন।”

আমি তাঁহাকে বলিলাম যে, তাঁহাকে আমি ইতিপূর্বে দেখিয়াছি।

“এস লক্ষ্মি! এখানে বস। আমার কাছে বস। দুঃখে অভিভূত হয়ো না। কোন প্রয়োজন নাই। শ্রীমতী র্যাচেল, কুমারী বারবারীর সকল বিষয়ের সংবাদ আপনি জানেন, তাঁহার মৃত্যুর সঙ্গে সঙ্গে তাঁহার আয়ের পথও বন্ধ হইয়া গিয়াছে। এই বালিকার পিতৃস্বমার মৃত্যু—”

“কি বলিলেন, মহাশয়, আমার পিসী?”

মিঃ কেন্‌জি নম্রস্বরে বলিলেন, “এখন আর লুকাইবার কোন প্রয়োজন নাই। কারণ, তাহাতে কোন লাভের সম্ভাবনা দেখিতেছি না। তিনি প্রকৃতই তোমার পিসীমা ছিলেন, তবে আইনানুসারে নহে। অত ব্যস্ত হইও না! কাঁদিলে চলিবে না! না, না, একটু শাস্ত হও! শ্রীমতী র্যাচেল, আমাদের এই লক্ষ্মী মেয়েটি বোধ হয় জারন্‌ডিস্ এবং জারন্‌ডিসের নাম নিশ্চয়ই শুনিয়াছে।”

শ্রীমতী র্যাচেল বলিলেন, “না, কখনও শুনে নাই।”

চশমা-ঘোড়া চোখের উপর পরিয়া মিঃ কেন্‌জি বলিলেন, “বলেন কি! এ কি সম্ভব যে, বালিকাটি কখনও জারন্‌ডিস্ এবং জারন্‌ডিসের নাম পর্য্যন্ত শুনে নাই?”

আমি মাথা নাড়িয়া জানাইলাম যে, প্রকৃতই আমি উহা অবগত নহি।

মিঃ কেন্‌জি সবিষ্ময়ে বলিয়া উঠিলেন, “কি আশ্চর্য্য! এত বড় মোকদ্‌দমার কথা শুন নাই? এমন বিরাট মোকদ্‌দমা কোন দেশে, কোন সময়ে হয় নাই। এই মোকদ্‌দমার মূল কারণটি ইংলণ্ড ব্যতীত অন্য কোন দেশে সম্ভবপর হইত না। শ্রীমতী র্যাচেল, আপনি শুনুন। এই মোকদ্‌দমার খরচ এ যাবৎ প্রায় এগার লক্ষ টাকা হইয়া গিয়াছে।”

আমি এ সকল সংবাদ কিছুই জানিতাম না, কাজেই চূপ করিয়া রহিলাম। তিনি যে কি বলিতেছেন, তাহাও বুঝিবার শক্তি আমার ছিল না।

একটু নীরব থাকিয়া মিঃ কেন্‌জি বলিলেন, “বড়ই বিস্ময়ের কথা, এত বড় সংবাদটা বালিকা কিছুই জানে না!”

শ্রীমতী র্যাচেল বলিলেন, “মিস্ বারবারী ইস্‌হারকে শুধু প্রয়োজনীয় কথা ছাড়া আর কিছু জানিতে দিতেন না।



কাছেই বিদ্যালয়ের শিক্ষা ছাড়া পৃথিবীর আর কোনও বিষয়ে উহার অভিজ্ঞতা নাই।”

মিঃ কেন্জি বলিলেন, “অবশ্য মোটের উপর এ ব্যবস্থাটা মন্দ হয় নাই।” তার পর আমার দিকে ফিরিয়া তিনি বলিলেন, “মিস্ বারবারী বাতীত তোমার কোনও আত্মীয় পৃথিবীতে নাই। (অবশ্য আইনামুসারে তোমার আত্মীয়ের একান্ত অভাব, তাহা আমি বলিতে বাধ্য) যাক, এখন মিস্ বারবারীর বিয়োগে, এবং শ্রীমতী র্যাচেলের এমন অবস্থা নয় যে—”

বাধ্য দিয়া শ্রীমতী র্যাচেল বলিলেন, “না, না, সে কথা নয়।”

মিঃ কেন্জি বলিয়া চলিলেন, “বুঝিয়াছি।—যে তিনি তোমার ভরণ-পোষণ করিতে পারেন। আমি দুই বৎসর পূর্বে মিস্ বারবারীর কাছে একটি প্রস্তাব করিতে আসিয়াছিলাম। সে প্রস্তাবানুসারে তোমার ভরণ-পোষণের বন্দোবস্ত হইতে পারে। সে সময় মিস্ বারবারী সে প্রস্তাবে প্রত্যাখ্যান করেন। এখন আমি সেই প্রস্তাবের পুনরুত্থাপন করিতেছি। আমি ‘জারন্ডিস্ ও জারন্ডিসের’ প্রতিনিধিরূপে সে প্রস্তাব করিতেছি। শ্রীমতী র্যাচেল, আপনিও শুভুন। মিঃ জারন্ডিস্ এই বালিকার অবস্থার কথা শুনিয়া প্রস্তাব করিতেছেন যে, তিনি ইহাকে প্রথম শ্রেণীর কোনও বিদ্যালয়ে শিক্ষা সমাপ্ত না হওয়া কাল পর্য্যন্ত রাখিবেন এবং সকল প্রকার খরচপত্র দিবেন।”

মিঃ কেন্জির বাক্যে আমি এমনই অভিভূত হইয়াছিলাম যে, সে সময় আমি কোনও কথা কহিতে পারিলাম না।

তিনি বলিয়া চলিলেন, “মিঃ জারন্ডিস্ কোনও সর্ভ করিতে চাহেন না। তিনি শুধু এই চাহেন যে, বালিকা তাঁহার অনুমোদন বাতীত কখনও সে বিদ্যালয় পরিত্যাগ করিবে না। তাহা ছাড়া বিদ্যালয়ে তাহাকে যত্নপূর্বক লেখাপড়া শিখিতে হইবে, চরিত্রকে পবিত্র রাখিতে হইবে। ইহা ছাড়া তাঁহার আর অন্য কোন সর্ভ নাই।”

বাস্তবিক আমার বাকশক্তি তখন সম্পূর্ণরূপে তিরোহিত হইয়াছিল।

মিঃ কেন্জি বলিলেন, “এখন বল ত, লক্ষ্মি! তোমার অভিপ্রায় কি? একটু ভাবিয়া চিন্তিয়া বলিও, তাড়াতাড়ি নাই।”

আমি আর কি বলিব? বলিবার ছিলই বা কি?

সেই সপ্তাহের শেষ ভাগে আমি সে দেশ ত্যাগ করিলাম। যাইবার পূর্বে আমার প্রয়োজনীয় নানাপ্রকার জিনিসপত্র মিঃ কেন্জি কিনিয়া দিলেন। তার পর উইন্ড্‌সর ত্যাগ করিয়া রিডিং অভিমুখে গাড়ী চড়িয়া যাত্রা করিলাম।

চিরপরিচিত গৃহ ছাড়িয়া যাইবার সময় আমার হৃদয় গুণ্ডভাবে পীড়িত হইয়া উঠিল। শ্রীমতী র্যাচেল আমাকে

চুমা দিয়া তাড়াতাড়ি চলিয়া গেলেন। আমি গাড়ীতে চড়িয়া একদৃষ্টে বাড়ীটির পানে চাহিয়া রহিলাম। গাড়ী দ্রুত চলিতেছিল। ক্রমে বাড়ীখানি ছাড়ার শ্রায় আমার চক্ষুর সম্মুখ হইতে অস্তুহিত হইয়া গেল।

আমি গাড়ীর মধ্যে আমার ধর্মমাতার কথাই মনে করিতেছিলাম। শেষ-রজনীর দৃশ্য আমার চক্ষুর সম্মুখে ভাসিয়া উঠিল। আমি যেখানে চলিয়াছি, সে জায়গা কেমন, সেখানকার লোকেরা আমায় কি ভাবে গ্রহণ করিবে, ইত্যাদি নানা প্রকার কথা মনে উদ্ভিত হইতেছিল। আমি তন্ময়ভাবে তাহাই ভাবিতেছিলাম। সহসা গাড়ীর মধ্যে হইতে কেহ বলিয়া উঠিল, “তুমি কাঁদছ কেন?”

আমি চমকিয়া উঠিলাম। গাড়ীর অপর প্রান্তের আসনে এক ব্যক্তি সর্কাঙ্গ বস্ত্র দ্বারা ঢাকিয়া বসিয়াছিলেন বটে; কিন্তু তাঁহার কথা আমি ভুলিয়া গিয়াছিলাম।

আমি বলিয়া উঠিলাম, “আমি? আমি কাঁদিতেছি?”

তিনি আমার দিকে ফিরিয়া বলিলেন, “হাঁ, তুমি।”

আমি স্থলিতবচনে বলিলাম, “কৈ, আমি ত কাঁদি নাই।”

“নিশ্চয়। এই দেখ।” বলিয়া তিনি তাঁহার কোটের হাতা আমার চক্ষুর উপর সস্তূর্ণণে ঘষিয়া আমায় দেখাইলেন যে, উহাতে জলের দাগ রহিয়াছে। তিনি বলিলেন, “এখন দেখিলে ত তুমি কাঁদিতেছ?”

আমি বদিলাম, “হাঁ।”

ভদ্রলোক বলিলেন, “এখন বল ত, তুমি কেন কাঁদিতেছিলে? তুমি কি সেখানে যাইতে চাহ না?”

“কোথায়, মহাশয়?”

“যেখানে তুমি যাইতেছ?”

আমি বলিলাম, “আমি সেখানে যাইতে অনিচ্ছুক নহি।”

“বেশ; ভাল কথা। এখন হইতে প্রকৃত্ত ভাব ধারণ কর।”

ভদ্রলোকটি আর কোন কথা বদিলেন না। রিডিং নগরে পৌঁছিবার কিছু পূর্বে পথিমধ্যে তিনি নামিয়া গেলেন। যাইবার সময় তিনি আমার করকম্পন করিলেন। তিনি চলিয়া গেলে আমি স্বস্তির নিশ্বাস ত্যাগ করিলাম। সেই পথে তাহার পর বহুবার গিয়াছি। প্রতিবারই তাঁহার দেখা পাইব মনে হইত; কিন্তু আর কখনও সে ভদ্রলোকটির দেখা পাই নাই। ক্রমে তাঁহার কথা আমি বিস্মৃত হইয়াছিলাম।

এ দিকে আমার গাড়ী এক স্থলে আসিয়া থামিল। একটি পরিচ্ছন্নবেশধারিণী রমণী গাড়ীর জানালার কাছে আসিয়া বসিলেন, “মিস্ ডনি!”

“না, আমার নাম ইস্তার সমারসন্।”

রমণী বলিলেন, “ঠিক হইয়াছে। মিস্ ডনি।”

আমি তখন বুঝিলাম যে, তিনি আমার কাছে মিস্ ডনি



নামে পরিচয় দিলেন। আমার ভ্রমের জন্য আমি তাঁহার কাছে ক্ষমাপ্রার্থনা করিলাম। আমার বাক্স ও দ্রব্যাদি তখন আর একখানি গাড়ীর উপর রক্ষিত হইল। মিস্ ডনি সেই গাড়ীতে আমাকে লইয়া উঠিলেন। গাড়ী চলিতে লাগিল।

মিস্ ডনি বলিলেন, “ইহার, তোমার জন্য সকল প্রকার বন্দোবস্ত হইয়াছে। তোমার অভিভাবক মিঃ জারনুডিসের অভিপ্রায়ানুসারে সবই ঠিক আছে।”

আমি সবিস্ময়ে বলিলাম—“কি নাম বলিলেন?”

মিস্ ডনি বলিলেন, “তোমার অভিভাবক মিঃ জারনুডিস।”

আমি অত্যন্ত বিস্ময়াভিভূত হইয়াছিলাম। বলিলাম, “আপনি আমার অভিভাবক মিঃ জারনুডিসকে চেনেন?”

“না, ইহার, আমি তাঁহাকে চোখে কখনও দেখি নাই। তাঁহার উকীল, লণ্ডনের প্রসিদ্ধ ব্যবহারাজীব, মেসার্স কেন্জি ও কারবায়ের নিকট তাঁহার পরিচয় পাইয়াছি। মিঃ কেন্জি অত্যন্ত ভাললোক।”

মিস্ ডনির গৃহ গ্রীনলিফে। আমি তাঁহার আশ্রয়ে রহিলাম। সেখানে আসিয়া আমার বিস্ময়ের মাত্রা আরও বাড়িল। ঘড়ীর কাঁটার মত সকল কার্য্য সেখানে হইয়া থাকে।

ক্রমে আমি এইরূপ জীবন-যাত্রায় অভ্যস্ত হইয়া উঠিলাম। আমরা সর্বসমেত বারো জন সেখানে ছিলাম। তাহা ছাড়া দুই জন মিস্ ডনি। ইহার। যমজ ভগিনী। ভবিষ্যতে যে আমাকে শিক্ষয়িত্রীর জীবন-যাপন করিতে হইবে, এখানে কিছুদিন অবস্থানের পর আমি ক্রমে তাহা বুঝিতে পারিলাম। সেই ভাবেই আমার শিক্ষা অগ্রসর হইতে লাগিল। আমি যে সে সকল বিষয়ে শিক্ষালাভ করিয়াই উদ্ধার পাইতাম, তাহা নহে; অণুকেও শিক্ষা দিতাম। আর যে সকল ছাত্রী সেখানে ছিল, কোনও বিষয়েই তাহাদের সহিত আমার পার্থক্য ছিল না। শুধু এই একটি ব্যাপারেই আমার স্বাভাবিক আছে, তাহা প্রথম হইতেই বুঝিয়াছিলাম। শিক্ষার সঙ্গে সঙ্গে আমার জ্ঞান বাড়িতে লাগিল। ক্রমে গৃহস্থালীর কাজও আমি করিতে লাগিলাম। সে সকল কাজে আমার উৎসাহও যথেষ্ট ছিল।

এইরূপে দীর্ঘ ছয় বৎসর আমি গ্রীনলিফে অতিবাহিত করিলাম। অতি সুখে ও শান্তিতে দীর্ঘকাল চলিয়া গেল। এখানে আসিবার পর আমার জন্মতিথির দিবস আমি সকলের নিকট হইতে নানাপ্রকার উপহার পাইতাম। কাহারও মুখে এক দিনের জন্য এমন চিহ্ন দেখি নাই যে, আমার জন্ম না হওয়াই মঙ্গলকর ছিল। সে দিন এত উপহার পাইতাম যে, আমার শয়নকক্ষ সুসজ্জিত ও পুষ্পগন্ধে পরিপূর্ণ হইয়া উঠিত।

এই ছয় বৎসরের মধ্যে আমি কখনও কোথাও গিয়া

থাকি নাই। প্রথম ছয় মাস পরে মিস্ ডনির পরামর্শানুসারে মিঃ কেনজির নিকট পত্রযোগে আমি লিখিয়াছিলাম যে, এখানে আমার পরম সুখেই কাটিতেছে। এ জন্য তাঁহার নিকট আমার রতজতাও জ্ঞাপন করিয়াছিলাম। পত্রের উত্তর আসিয়াছিল, অতি সংক্ষিপ্ত। ইহার পর আমি মিস্ ডনি ও তাঁহার ভগিনী উভয়ের কথোপকথন হইতে জানিতে পারিয়াছিলাম যে, আমার খরচপত্রের জন্য টাকা যথাসময়ে আসিত। এক কপর্দকও কখনও বাকী পড়ে নাই।

গ্রীনলিফে পরম নিশ্চিতভাবে ও শান্তিতে আমার জীবনের ছয় বৎসর কাটিয়া গেল। একদা নভেম্বর মাসের প্রভাতে আমি একখানি পত্র পাইলাম। পত্রের তারিখ বাদ দিয়া আমি পত্রখানি উদ্গত করিলাম :—

“ওল্ড্ স্কোয়ার, লিঙ্কন্স ইন্।

মাদাম,

জারনুডিস ও জারনুডিস।

আমাদের মক্কেল শ্রীযুক্ত জারনুডিস তাঁহার কোনও ওয়ার্ডের জন্য একটি সঙ্গিনী চাহিয়াছেন। তিনি আমাদিগকে বলিয়াছেন যে, আপনি যদি উক্ত মহিলার সঙ্গিনী-রূপে কার্য্য করেন, তাহা হইলে তিনি অত্যন্ত আনন্দিত হইবেন।

আপনার আসিবার সকলপ্রকার বন্দোবস্ত আমরা করিয়াছি। রিডিং হইতে গাড়ী চড়িয়া আপনি লণ্ডনে আসিবেন। আমাদের আপিসের জনৈক কর্মচারী আপনাকে আমাদের আপিসে লইয়া আসিবার জন্য নির্দিষ্ট স্থলে অপেক্ষা করিবে। ইতি—

বিনয়াবনত

কেন্জি ও কারবয়

কুমারী ইহার সমারসন্ সমীপেষু।”

এই পত্রখানি আসিবার পর সমগ্র বাড়ীতে যেকল্প চাঞ্চল্য লক্ষিত হইল, তাহা আমি কখনও বিস্মৃত হইব না। আমি সকলকে ছাড়িয়া চলিয়া যাইতেছি বলিয়া বাড়ীশুদ্ধ সকলেই অধীর হইয়া উঠিল। আমি যে তাহাদের এত প্রিয়, তাহা আমি জানিতাম না। আর পাঁচ দিন মাত্র বাকী। তার পরই আমি এখান হইতে চলিয়া যাইব।

ক্রমে যাত্রার দিন আসিল। অশ্রুসিক্ত-নয়নে ছয় বৎসরের আনন্দ-নিকেতন ত্যাগ করিয়া চলিলাম। বাস্তবিক সে দিনের স্মৃতি ভুলিবার নহে। বাগানের বৃদ্ধ মাদী পর্য্যন্ত আমার জন্য একটি ফুলের তোড়া আনিয়া হাতে দিল। শুধু তাহাই নহে, আমি তাহার নয়নের পুত্তলিকাস্বরূপ ছিলাম, অশ্রুরুদ্ধ-কণ্ঠে বৃদ্ধ তাহা প্রকাশ করিতেও কুণ্ঠিত হইল না।

আমি যেখানে যাইতেছি, অশ্রুসিক্ত-নয়নে সেখানে উপস্থিত হওয়া সঙ্গত নহে। তথাপি বহুক্ষণ পর্য্যন্ত আমি



আনন্দসংবরণ করিতে পারি নাই। লগুন তখনও প্রায় দশ মাইল দূরে, সেই সময় ল্যাবেণ্ডার দ্বারা আমি নয়ন মার্জনা করিয়া প্রফুল্লভাব ধারণ করিবার চেষ্টা করিলাম।

ক্রমে রাজপথে অসংখ্য গাড়ী-ঘোড়া দেখিয়া বুঝিলাম যে, এইবার যাত্রার শেষ সীমায় আসিয়া পৌঁছিয়াছি। কিয়ৎকাল পরে এক স্থলে আসিয়া গাড়ী থামিল।

একটি যুবক সমস্তে গাড়ীর কাছে অগ্রসর হইয়া বলিলেন, “মিস্, আমি কেন্জি ও কারবয়ের আপিস্ হইতে আসিতেছি।”

লোকটি অতি ভদ্র। তিনি আর একটি গাড়ীতে আমাকে তুলিয়া লইলেন। রাজপথ ধূম্রজালে আচ্ছন্ন দেখিয়া আমি তাঁহাকে জিজ্ঞাসা করিলাম যে, কোথাও আগুন লাগিয়াছে কি?

তিনি বলিলেন, “না মিস্; ইহা লগুনের বিশেষত্ব।”

আমি ত শুনিয়া অবাক্। এমন কথা কখনও শুনি নাই। যুবক বলিলেন, “ইহাকে কুজ্জাটিকা বলে।”

আমি বলিলাম, “বটে!”

আমাদের গাড়ী অন্ধকারাচ্ছন্ন জঘন্য পথ অতিবাহন করিয়া চলিল। লগুনের অবস্থা দেখিয়া মনে হইল, এখানে মানুষ থাকে কেমন করিয়া?

যাহা হউক, কিয়ৎকাল পরে আমরা কেন্জি ও কারবয়ের আপিসে পৌঁছিলাম। যুবক একটি ঘরের মধ্যে আমাকে লইয়া গেলেন। তার পর একটি আরাম-কেন্দারা টানিয়া আমাকে বসিবার জল্ অঙ্গুরোধ করিলেন। প্রাচীরে একটি ছোট দর্পণ ঝুলিতেছিল, তিনি সেই দিকে আমার দৃষ্টি আকৃষ্ট করিয়া বলিলেন, “মিস্, যদি প্রয়োজন বোধ করেন, আয়নার মুখ দেখিয়া লইতে পারেন। দীর্ঘ পর্যটনের পর হয় ত দরকার হইতে পারে। বিশেষতঃ প্রধান বিচারপতি মহোদয়ের কাছে এখনই একবার আপনাকে যাইতে হইবে।”

আমি সবিস্ময়ে বলিলাম, “প্রধান বিচারপতির কাছে আমাকে যাইতে হইবে?”

যুবক বিনয়নম্রস্বরে বলিলেন, “মিস্, নিয়মপালনের জল্ একবার তাঁর সম্মুখে যাওয়া দরকার। আর কিছু নয়। মিস্ কেন্জি এখন আদালতে আছেন। তিনি আপনাকে জলযোগ করিবার জল্ অঙ্গুরোধ করিয়াছেন। আপনি অল্পগ্রহ করিয়া যৎকিঞ্চিৎ গ্রহণ করুন।”

একটি ছোট টেবলের উপর কিছু বিস্কুট ও একটি পান-পাত্র রাখিত ছিল। একখানি সংবাদপত্র আমার হাতে দিয়া ভদ্রলোক কক্ষ হইতে নিষ্ক্রান্ত হইলেন।

আমি কাগজখানি পড়িতে লাগিলাম; কিন্তু কোন অর্থ-বোধই যেন হইতেছিল না। অগ্নিকুণ্ডের ধারে বসিয়া বসিয়া আকাশপাতাল কতই চিন্তা করিতে লাগিলাম। গৃহমধ্যে দিনের বেলা বাতি জ্বলিতেছিল। কক্ষমধ্যে নানা প্রকার পুস্তক রহিয়াছে। অন্তমনস্বভাবে তাহাই দেখিতে

লাগিলাম। মনের মধ্যে কত চিন্তাই উদ্ভিত হইতেছিল, তাহার বিরাম নাই, বিশ্রাম নাই, অন্ত নাই। শুধুই চিন্তা।

অগ্নিকুণ্ডে বহ্নিশিখা তেমনই জ্বলিতেছিল, শুধুই জ্বলিতেছিল। বাতীর আয়োকশিখা কাপিতেছিল, তাহার উজ্জল হইয়া উঠিতেছিল।

অবশেষে মিস্ কেন্জি কক্ষমধ্যে প্রবেশ করিলেন। তাঁহার আকৃতিতে বিশেষ কোনও পরিবর্তন দেখিলাম না। কিন্তু তিনি আমার পরিবর্তন দেখিয়া বিস্মিত হইলেন। তার দেখিয়া বোধ হইল, তিনি খুবই আনন্দিত হইয়াছেন। তিনি বলিলেন, “মিস্ সমারসন্, তুমি এখন হইতে যে যুবতীর সহচরী হইলে, তিনি লর্ড চ্যান্সেলারের খাসকামরায় আছেন। প্রধান বিচারপতির সম্মুখে যাইতে তোমায় বাধ-বাধ ঠেকিবে না বোধ হয়?”

আমি বলিলাম, “না মহাশয়, কোনই সঙ্কোচ হইবে না।” ভাবিয়া দেখিলাম, সঙ্কোচ হইবেই বা কেন?

মিস্ কেন্জি আমাকে হাত বাড়াইয়া দিলেন। আমি তাঁহার বাহু অবলম্বন করিয়া অগ্রসর হইলাম। একটি ছোট দরজা খুলিয়া তিনি আমাকে লইয়া চলিলেন। ক্রমে আমরা একটি বেশ সুখসেব্য কক্ষে প্রবেশ করিলাম। একটা প্রকাণ্ড অগ্নিকুণ্ডের ধারে একটি যুবতী ও একটি যুবক দাঁড়াইয়াছিলেন। উভয়ে কি যেন আলোচনা করিতেছিলেন।

আমি কক্ষমধ্যে প্রবেশ করিতেই উভয়ে আমার দিকে চাহিলেন। যুবতীর দিকে চাহিয়া দেখিলাম, এমন চমৎকার রূপ আমি দেখি নাই। যেমন রূপ তেমনই সমুজ্জল, সোনালী কেশপুঞ্জ! তাঁহার নয়নযুগ্ম সুনীল ও মাধুর্য-পূর্ণ। সে মুখমণ্ডল কি পবিত্র, কি বিশ্বা-পূর্ণ এবং স্বাস্থ্যের বিমল বিভায় সমুজ্জল!

মিস্ কেন্জি বলিলেন, “কুমারী আদা, ইনিই কুমারী সমারসন্।”

সুন্দরী প্রসন্ন-হাস্তে দুই বাহু প্রসৃত করিয়া আমার দিকে অগ্রসর হইলেন। তার পর যেন কি ভাবিয়া তিনি আমাকে চুষন করিলেন। তাঁহার ব্যবহার এমনই মধুর, এমনই চিত্তাকর্ষক যে, অল্পক্ষণের মধ্যে আমরা উভয়ে জানালার ধারে বসিয়া প্রাণ খুলিয়া কথা বলিতে আরম্ভ করিলাম।

আমার মনের উপর হইতে একখানি পাষাণের বোঝা নামিয়া গিয়াছিল। তিনি আমাকে বিশ্বাস করিয়া সব কথা বলিলেন, এই চিন্তাতেই আমি সুখ পাইলাম। আমাকে যে তিনি পছন্দ করিয়াছেন, ইহাতেই আমার তৃপ্তি ও আনন্দ! আমার মনে আশা ও উৎসাহের সঞ্চার হইল।

যুবকটি দূর-সম্পর্কে তাঁহার ভাই হন। যুবতী আমাকে বলিলেন যে, তাঁহার ভ্রাতার নাম রিচার্ড কারস্টন্। তিনি দেখিতে অতি সুপুরুষ। মুখখানি বুদ্ধিমত্তার পরিচায়ক। হাস্ত চিত্তাকর্ষক। আমরা যেখানে বসিয়াছিলাম,



তাহারই অদূরে অগ্নিকুণ্ডের পার্শ্বে দাঁড়াইয়া তিনি আমাদের সহিত অত্যন্ত প্রফুল্লভাবে কথাবার্তা বলিতেছিলেন। তাঁহার বয়স খুবই অল্প। বোধ হয়, ঊনবিংশ বর্ষের অধিক হইবে না। মিস্ আদার অপেক্ষা দুই বৎসরের বড়। উভয়েই পিতৃ-মাতৃহীন। কিন্তু বিশ্বয়ের বিষয় এই যে, আজিকার পূর্বে কেহ তাহারও সহিত দেখা করিবার সন্যোগ পান নাই। এইরূপ স্থলে আমরা তিন জনই একই দিনে সমবেত হইয়াছি, ইহা সত্যই কৌতুকময় এবং বিষয়জনক ব্যাপার। সেই বিষয়েই আমরা আলোচনা করিতেছিলাম।

অবশেষে দরজা খুলিয়া এক ব্যক্তি মিঃ কেন্জিকে জানাইলেন যে, প্রধান বিচারপতি মহোদয় তাঁহাকে আহ্বান করিয়াছেন। তৎক্ষণে কেন্জি আমাদের লইয়া ভিন্ন কক্ষে প্রবেশ করিলেন। লর্ড চ্যান্সেলার একটি আসনে উপবিষ্ট ছিলেন। তিনি আমাদের প্রতি একবার তীক্ষ্ণ-দৃষ্টিতে চাহিলেন। সে দৃষ্টি তীক্ষ্ণ হইলেও কর্কশ নহে। লর্ড মহোদয়ের সম্মুখে কয়েকটি কাগজের তাড়া ছিল। তিনি একটি তাড়া তুলিয়া লইয়া ডাকিলেন, “মিস্ আদা ক্রেয়ার?”

মিঃ কেন্জি তাঁহাকে প্রধান বিচারপতির সম্মুখে লইয়া গিয়া পরিচয় করাইয়া দিলেন। মিস্ ক্রেয়ারকে তিনি বসিতে বলিলেন। বিচারপতি মহোদয়ের ব্যবহার দেখিয়াই বুঝিলাম যে, তিনি যুবতীর সৌন্দর্যদর্শনে মুগ্ধ হইয়াছেন। আমার তখন মনে হইল যে, এমন সুন্দরী যুবতীর পিতামাতা কেহ নাই, ইহা অত্যন্ত বিসদৃশ।

কাগজ উল্টাইতে উল্টাইতে লর্ড চ্যান্সেলার বলিলেন, “উল্লিখিত জারন্ডিস্ দেখিতেছি, রিক হাউসেরও মালিক।”

মিঃ কেন্জি বলিলেন, “আজ্ঞা, হাঁ হুজুর।”

বিচারপতি মহোদয় বলিলেন, “কিন্তু নামটি মোটেই প্রীতিদায়ক নয়।”

মিঃ কেন্জি বলিলেন, “কিন্তু মিঃ লর্ড, স্থানটি বর্তমানে অপ্রীতিকর আদৌ নহে।”

“রিক হাউস কোথায়?”

“হার্টফোর্ডশায়ারে, হুজুর।”

বিচারপতি বলিলেন, “মিঃ জারন্ডিস্, রিক হাউসের মালিক যিনি, তিনি বিবাহ করেন নাই?”

মিঃ কেন্জি বলিলেন, “আজ্ঞা, না হুজুর।”

কিয়ৎকাল থামিয়া লর্ড চ্যান্সেলার বলিলেন, “মিঃ রিচার্ড কারস্টন্ উপস্থিত আছেন?”

রিচার্ড তাঁহাকে অভিবাদন করিয়া অগ্রসর হইলেন।

পৃষ্ঠার পর পৃষ্ঠা উল্টাইতে উল্টাইতে লর্ড মহোদয় একবার “হঁ” বলিয়া চুপ করিলেন।

মিঃ কেন্জি অতি মৃদুস্বরে বলিলেন, “রিক হাউসের মালিক মিঃ জারন্ডিস্ একটি উপযুক্ত সহচরী নির্বাচন

করিয়াছেন, হুজুরের বোধ হয়, সে কথা স্মরণ আছে। সেই সঙ্গিনী—”

অনুরূপ মৃদুকণ্ঠে লর্ড মহোদয় যেন বলিলেন, “মিঃ রিচার্ড কারস্টন্‌র জন্ম।” অবশ্য আমি ঠিক শুনি নাই। যাহা হউক, মিঃ কেন্জি বলিলেন, “মিস্ আদা ক্রেয়ারের জন্ম সেই নির্বাচিত সহচরীকে এখানে আনিয়াছি। এই সেই যুবতী, ইহার নাম মিস্ সমারসন্।”

বিচারপতি মহোদয় প্রসন্ন-দৃষ্টিতে আমার দিকে একবার চাহিলেন। তার পর বলিলেন, “আমার মনে হয়, মিস্ সমারসন্ মোকদ্দমা-সংশ্লিষ্ট কোন পক্ষেরই অন্তর্গত নহেন?”

“না হুজুর।”

অবশেষে বিচারপতি মহোদয় বলিলেন, “বেশ, এইবার আমি আদেশ প্রচার করিব। রিক হাউসের মালিক মিঃ জারন্ডিস্ এই যুবতীর জন্ম যে সঙ্গিনী নির্বাচন করিয়াছেন, তাহা আমার মতে খুবই উপযুক্ত হইয়াছে। বর্তমান অবস্থায় ইহার অপেক্ষা সুবিধাজনক বন্দোবস্ত আর কিছুই হইতে পারে না।”

বিচারপতি মহোদয় আমাদের বিদায় করিয়া দিলেন। আমরা সকলেই কক্ষ হইতে নিষ্ক্রান্ত হইলাম। তাঁহার ভদ্র ও মধুর ব্যবহারে আমরা সকলেই আপ্যায়িত হইয়াছিলাম।

আমরা বাহিরে আসিয়া দাঁড়াইলে মিঃ কেন্জি কি একটা কাজের জন্ম পুনরায় ভিতরে চলিয়া গেলেন। আমরা বাহিরের কুজ্জাটিকার মধ্যে দাঁড়াইয়া রহিলাম।

রিচার্ড কারস্টন্ বলিলেন, “তার পর? এখন আমরা কোথায় যাইব, মিস্ সমারসন্?”

আমি বলিলাম, “আপনি কি তা জানেন না?”

তিনি বলিলেন, “কিছুই না।”

আদাকে সম্বোধন করিয়া আমি বলিলাম, “তুমি কিছু জান, ভাই?”

“না, তুমি জান না?”

আমি বলিলাম, “বিন্দুমাত্র না।”

আমাদের অজ্ঞতায় আমরা নিজেরাই হাসিতে লাগিলাম। ঠিক এই সময়ে একটি অদ্ভুতদর্শন রুদ্ধ হাসিতে হাসিতে আমাদের কাছে আসিয়া আমাদের অভিবাদন করিয়া বলিল, “এ দেখছি, জারন্ডিসের সব ওয়ার্ড তোমাদের দেখে আমি ভারী খুসী হয়েছি! তোমাদের অদৃষ্ট ভাল। নিজেদের ভবিষ্যৎ কি, যারা জানে না, তারা যদি এখানে এসে দাঁড়ায়, তাদের মঙ্গল হয়!”

রিচার্ড মৃদুস্বরে বলিলেন, “পাগল না কি!” তিনি বোধ হয় ভাবিয়াছিলেন যে, রুদ্ধ তাঁহার কথা শুনিতে পাইবে না।

কিন্তু কথাটা তাহার কাণে গিয়াছিল। সে তখনই মৃদুহাস্তে বলিয়া উঠিল, “ঠিক কথা। পাগলই বটে, যুবক। এক দিন আমিও ওয়ার্ড ছিলাম। সে সময় আমি পাগল।”



ছিলাম না। তখন আমার যৌবন ছিল, আশাও ছিল। সম্ভবতঃ দেহে সৌন্দর্য্যও মন্দ ছিল না। এখন তাহার কোন মূল্য নাই। যৌবন, আশা ও সৌন্দর্য্য এই তিনের কোনটাই আমাকে রক্ষা করিতে পারে নাই, আমার কোনও কাজেই লাগে নাই। আমি প্রতাহ আদালতে দলিলাদিসহ নিয়মিত সময়ে হাজির হইয়া থাকি। বিচারক আমার বিষয়ে রায় দিবেন, ইহা রোজই আশা করি। রায় এক দিন বাহির হইবেই—সে বোধ হয় বিচারের দিন। আমি আবিষ্কার করিয়াছি যে, যে অধ্যায়ে ষষ্ঠ শিল-মোহরের উল্লেখ আছে, সেইটাই সন্দেহজনক প্রধান। বহুদিন পূর্বে সে শিলমোহর ভাঙ্গা হইয়া গিয়াছে। তোমরা আমার আশীর্বাদ লও।”

আদা একটু ভীতা হইয়াছিলেন। আমি বুদ্ধাকে খুসী করিবার জন্য বলিলাম যে, আমরা তাহার সদয় ব্যবহারে আনন্দিত হইয়াছি।

বুদ্ধা বলিল, “তা’ত হবেই। এই যে, বাক্যবাগীশ কেন্জি আসছেন। বাঃ! সঙ্গে দলিলপত্রও আছে! কেমন আসছেন, মহাশয়?”

“ভাল আছি। বেশ আছি। এখানে গোলযোগ করো না। লোক মন্দ নয়। মনটি খুবই ভাল!” মিঃ কেন্জি আমাদের পথ দেখাইয়া চলিলেন।

বুদ্ধা আমাদের সঙ্গে আসিতে আসিতে বলিল, “না, না, আমি গোলযোগ বাধাই না। মিথাকথা। আমি তোমাদের দু’জনকে সম্পত্তি দান করিব। সেটা বোধ হয়, কাহারও পক্ষে আপত্তিজনক হইবে না। শীঘ্রই আমার বিষয়ে বিচার হইবে, রায় বাহির হইবে। সেই বিচারের দিন সবই ঠিক হইবে। তোমাদের যে ভবিষ্যতে ভাল হইবে, ইহা তাহারই সংকেত। আমার আশীর্বাদ লও।”

আমরা সোপানাবলী বাহিয়া উপরে উঠিয়া গেলাম। বুদ্ধা আমাদের অনুগমন করিল না, সিঁড়ির নীচে দাঁড়াইয়া বহিল। সে তখনও বলিতেছিল, “যৌবন, আশা, রূপ! বিচারালয়, বাক্যবাগীশ কেন্জি! চমৎকার! আমার আশীর্বাদ লও!”

৪

মিঃ কেন্জির আপিসের ঘরে আমরা ফিরিয়া আসিলে তিনি আমাদের বলিলেন যে, আজ রাত্রিতে আমরা শ্রীমতী জেলিবির গৃহে অবস্থান করিব। আমি জিজ্ঞাসা করিলাম, “তিনি কে?”

মিঃ কেন্জি বলিলেন, “তুমি তাঁর নাম শুন নাই?”

আমি বলিলাম, “না, মহাশয়।”

মিঃ কেন্জি বলিলেন যে, শ্রীমতী জেলিবি শ্রীযুক্ত জেলিবির পত্নী। শ্রীমতী জেলিবি সাধারণ্যে বিশেষ পরিচিতা। আক্রমণের বিষয়ে তিনি বিশেষ অভিজ্ঞা।

রিচার্ড প্রশ্ন করিলেন, “মিঃ জেলিবি কি করেন?”

মিঃ কেন্জি বলিলেন, “তাঁহার সম্বন্ধে এইটুকু বলিতে পারি যে, তিনি শ্রীমতী জেলিবির স্বামী। তার বেশী আমার কিছু জানা নাই।”

রিচার্ড বলিলেন, “ও! কেহ বুঝি তাহাকে চিনেই না?”

“না—না, তা ঠিক নয়। মিঃ জেলিবিকে আমি কোন দিন দেখি নাই। তাঁর সম্বন্ধে কোন বিশেষ সংবাদও আমার জানা নাই। হয় ত তিনি কোন মহৎ লোক। যাই হোক না কেন, শ্রীমতী জেলিবির আলোকদীপের প্রভাবে তিনি নিশ্চয় হইয়া গিয়াছেন।” মিঃ কেন্জি আমাদের বুঝাইয়া দিলেন যে, রিক হার্টস্ বহু দূরে অবস্থিত। পথটা খুবই দীর্ঘ। বিশেষতঃ রাত্রিকালে আরও কষ্টকর। কাজেই মিঃ জারন্ডিস্ নিজেই প্রস্তাব করিয়াছেন যে, পশ্চিমঘো শ্রীমতী জেলিবির গৃহে আজ রাত্রিতে আমরা অবস্থান করিব। তার পর তাঁহার বাড়ীতে গাড়ী হইবে। সেখান হইতে আমরা আগামী কলা দ্বিপ্রহরে রিক হার্টস্ অভিমুখে যাত্রা করিব।

মিঃ কেন্জি ঘণ্টাধ্বনি করিলেন। আমরা পূর্বপরিচিত সেই সবক কর্মচারী কক্ষমধ্যে প্রবেশ করিলেন। মিঃ কেন্জি তাহাকে মিঃ গুপি বলিয়া উল্লেখ করিলেন। আমার লটবহর পাশেইরা দেওয়া হইয়াছে কি না, জানিতে চাহিলে মিঃ গুপি তাহাকে বলিলেন যে, নির্দিষ্ট হলে সে সকল দ্রব্য প্রেরিত হইয়াছে।

তখন মিঃ কেন্জি আমাদের সহিত করকম্পন করিয়া বলিলেন, “মিঃ গুপি, তুমি ইহাদিগকে নির্দিষ্ট হলে পৌছাইয়া দাও।”

আমরা কক্ষ হইতে নিষ্ক্রান্ত হইলাম। রিচার্ড মিঃ গুপিকে জিজ্ঞাসা করিলেন, “সে স্থানটি কোথায় ও কত দূর, মহাশয়?”

মিঃ গুপি বলিলেন, “বেশী দূর নয়, থেভিস্ ইনের কাছেই, আপনি বোধ হয় জানেন?”

“আমি লগনে নবাগত, আমি কোন স্থানই চিনি না।”

“চারি পাঁচ মিনিটের মধ্যে আমরা সেখানে পৌঁছিব। চলুন।” তার পর আমার দিকে ফিরিয়া তিনি বলিলেন, “মিস্ লগনের কুয়াশায় আপনার স্বাস্থ্যের উপকার হইবে।”

আমি তাঁহার কথায় একটু লজ্জিত হইলাম। মূহূহান্তে আমার ওষ্ঠপ্রান্তে ভাসিয়া উঠিয়াছিল। নীচে গাড়ী অপেক্ষা করিতেছিল। আমরা তিন জনে ভিতরে বসিলাম। মিঃ গুপি উপরে উঠিলেন।

কিয়ৎকাল পরে আমাদের গাড়ী এক স্থলে আসিয়া থামিল। বাহিরে অনেকগুলি লোক দাঁড়াইয়া জটলা করিতেছিল। বাড়ীর প্রাচীরগারে পিত্তলফলকে লেখা ছিল—“জেলিবি।”

জনতা দেখিয়া আমরা বাস্ত হইয়া উঠিলাম। মিঃ গুপি



বলিলেন, “আপনারা ভয় পাইবেন না। একটি বাচ্চা জেলিবি গোহার রেলিংয়ের ফাঁকে মাথা গলাইয়া দিয়াছে, তাই এত জনতা!”

আমি বলিলাম, “কি সর্বনাশ! আপনি সরিয়া দাঁড়ান, আমি নাগিব।”

মিস্ গুপি বলিলেন, “মিস্, আপনি নিজে সতর্ক থাকিবেন। বাচ্চা জেলিবির ভায়া ছুট। কোন না কোন হান্সামা তাহারা বাধাইবেই।”

আমি গাড়ী হইতে নামিয়া বালকটির দিকে অগ্রসর হইলাম। তাহার অবস্থা দেখিয়া বড় দুঃখ হইল। এক জন গোয়াল তাহাকে টানিয়া বাহির করিবার উপক্রম করিতেছিল। আমি তাহাকে বুঝাইয়া দিলাম, মাথাটা যখন ছুটাইয়া রেলিংয়ের মাঝে প্রবেশ করিয়াছে, তখন তাহার দেহটাও তাহার মধ্য দিয়া বাহির করা অসম্ভব নহে। আমার নির্দেশক্রমে বালকটিকে টানিয়া বাহির করা হইল। তাহার শরীরে বিশেষ কোন আঘাত লাগিল না। বালকটি মুক্তি পাইয়াই তাহার হস্তস্থিত একটি ছোট ষষ্টি দ্বারা মিস্ গুপিকে প্রহার করিতে আরম্ভ করিল।

বাড়ীতে বহু বালক-বালিকার ভিড় দেখিলাম। সকল গুলিই মলিন বসন-পরিহিত ও অস্বভাবিকিত। দেখিয়া বিস্মিত হইলাম।

বাড়ীর কোন লোক এ পর্য্যন্ত সেখানে আসে নাই। শুধু একটা স্ত্রীলোক একগাছি ঝাঁটা লইয়া বালকটিকে মাঝে মাঝে খোঁচা মারিতেছিল। কি যে তাহার অভিপ্রায়, তাহা বুঝিলাম না। মনে হইল, বোধ হয়, শ্রীমতী জেলিবি বাড়ী নাই।

যাহা হউক, উল্লিখিত কাকতালিক ঘটনা আমাদিগকে ভিতরে লইয়া গেল। একটি বালক অন্ধকারে গড়াইতে গড়াইতে নীচে পড়িয়া গেল। একটি কক্ষমধ্যে শ্রীমতী জেলিবি বসিয়াছিলেন। তিনি আমাদিগকে সমাদরে অভ্যর্থনা করিলেন। দেখিতে তিনি সুন্দরা, সুলকায়ী, কিন্তু খর্বাকৃতি। বয়স অনুমান চল্লিশ হইতে পঞ্চাশের মধ্যে।

তিনি বলিলেন, “আপনাদিগকে পাইয়া বড়ই খুসী হইলাম। মিস্ জারনন্ডিসের উপর আমার প্রগাঢ় শ্রদ্ধা আছে। তিনি যাহাদিগকে ভালবাসেন, আমার নিকট তাহারা আরও প্রিয়।”

কক্ষটি যেমন অপরিষ্কার, তেমনই অপরিচ্ছন্ন। মোটের উপর বাড়ীটা যেন রোগের বাসভূমি বলিয়াই আমার মনে হইল। শুধু তাহাই নহে, একটি দৃশ্যে আমার মন বড়ই অপ্রসন্ন হইল। দেখিলাম, একটি শীর্ণকায়ী, অবসাদভারনম্ব বালিকা একটা টেবলের ধারে কলম হাতে করিয়া বসিয়া আছে। সে আমাদিগের প্রতি বিশ্বয়বিষ্কারিত-নেত্রে চাহিয়াছিল। তাহার পরিচ্ছদও অত্যন্ত মলিন ও ছিন্নপ্রায়।

শ্রীমতী বলিলেন যে, তিনি আফ্রিকার ব্যাপারে বড়ই

ব্যস্ত। অবসর মোটেই নাই। তিনি যে প্রণালীতে কাজ চালাইতেছেন, তাহাতে অবিলম্বে নাইগার নদের বাম ভাগের বিস্তীর্ণ ভূমিতে প্রায় দুই শত ঘর স্নস্কায় গৃহস্থের সমাবেশ ঘটবে। আফ্রিকার জনবায়ু প্রভৃতির গুণকীর্তনে শ্রীমতী জেলিবি পঞ্চমুখ দেখিলাম।

তিনি বলিলেন, “আপনি যদি আফ্রিকা-সংক্রান্ত আমার বর্ণনা পড়েন, তাহা হইলে অনেক বিষয় জানিতে পারিবেন। সংপ্রতি আফ্রিকা সম্বন্ধে আমি একটা সাধারণ পত্র এখন লেখাইতেছি। আমার জ্যেষ্ঠা কন্যা লিখিতেছে; আমি বলিয়া যাইতেছি। মেয়েটি এ বিষয়ে আমার যথেষ্ট সহায়তা করে।”

টেবলের ধারে উপবিষ্টা শীর্ণকায়ী বালিকাটি আমাদিগকে অভিবাদন করিল।

শ্রীমতী জেলিবি বলিলেন, “আমি পত্রখানা এখনই শেষ করিয়া ফেলিব। অবশ্য আমার কাজের অন্ত নাই। ক্যাডি, কত দূর বলিয়াছি?”

শ্রীমতী বলিয়া চলিলেন। কন্যা লিখিতে লাগিল। পত্র লেখা শেষ হইলে, শ্রীমতী জেলিবি বলিলেন, “ছ’টা বাজিয়া গিয়াছে দেখিতেছি। আমাদের খাবারের সময় যে সাধারণতঃ পাঁচটা! ক্যাডি, কুমারী ক্লেরার ও সমারসনকে তাহাদের শয়নঘর দেখাইয়া দাও ত।”

আমরা উপরে চলিলাম; আমাদের উভয়ের শয়নকক্ষ পাশাপাশি, মধ্য দরজা আছে। ঘর দুইটি আদৌ সজ্জিত নহে। আসবাবপত্র যৎসামান্য, যাহা আছে, তাহাও অত্যন্ত বিশৃঙ্খলভাবে বিচ্ছিন্ন।

মিস্ জেলিবি বলিলেন, “আপনাদের বোধ হয়, গরম জলের প্রয়োজন আছে?” এই বলিয়া তিনি ঘরের চারিদিকে একটা ঘটা অথবা অন্য কোনও পাত্রের সন্ধান করিতে লাগিলেন। কিন্তু তাহার চেষ্টা ব্যর্থ, সে ঘরে একটিও পাত্র ছিল না। তিনি তখন অন্য কক্ষে চলিয়া গেলেন। আমরা আমাদের বিছানাপত্র খুলিয়া শয্যারচনার দিকে মন দিলাম। ঘর দুইটি অত্যন্ত শীতল, সে দিন শীতও পড়িয়াছিল বেশ। কেমন এক প্রকার ‘জলা’ গন্ধ পাইতেছিলাম। আমরা উভয়েই ঘরের অবস্থা দেখিয়া অত্যন্ত বিমর্ষ হইয়াছিলাম; কিন্তু উদ্বিগ্ন নাই; কাজেই যে যাহার কাজ করিতে লাগিলেন। নিজেদের অবস্থায় হাসি আসিতেছিল। দুই জনে খুব একচোট হাসিয়া লইলাম। ইতিমধ্যে শ্রীমতী জেলিবি আসিয়া দুঃখের সহিত জানাইলেন যে, গরম জলের সন্ধান হইল না। জলের কেবলি যে কোথায় আছে, তাহা খুঁজিয়া পাওয়া গেল না। শুধু তাহাই নহে, গুনিলাম, ‘বয়লারটা’ও খারাপ হইয়া গিয়াছে!

আমরা তাহাকে ব্যস্ত হইতে নিষেধ করিলাম। তাড়া-তাড়ি কাজ সারিয়া আমরা নীচে নামিয়া গেলাম। সেখানে আসিয়া দেখি, একটা স্ত্রীলোক ড্রয়িং-রুমের অগ্নিকুণ্ডে বাতাস



না। ক্রমে সেই অবস্থায় বালিকার শ্রান্ত মস্তক নিদ্রাভারে ঢলিয়া পড়িল। আমি তাহার মাথা আমার কোলের উপর সম্বর্ণে রাখিয়া শালুখানির দ্বারা উভয়ের দেহ আবৃত করিলাম। বসিয়া বসিয়া নিদ্রাভারে আমারও নয়ন মুদ্রিত হইয়া আসিতেছিল। নানা কথা চিন্তা করিতে করিতে অবশেষে আমিও সুষুপ্তি-সাগরে ডুবিয়া গেলাম।

যখন আমি চক্ষু চাহিলাম, দেখিলাম, উষার আলোক কুহেলিকার আবরণ ভেদ করিয়া ঘরের মধ্যে আসিয়া পড়িয়াছে। আমার বিছানায় পেপি শুইয়াছিল। বালক শয্যাভ্যাগ করিয়া তখন আমার পার্শ্বে আসিয়া দাঁড়াইয়াছিল।

৩

মিস্ জেলিবি প্রস্তাব করিল যে, আমরা সকালবেলাটা বেড়াইয়া আসিলে ভাল হয়।

“মার উঠিতে এখনও চের দেবী আছে। ততক্ষণে আমরা বেড়াইয়া ফিরিতে পারিব। প্রাতরাশও সেই সময়ে পাওয়া যাইবে। বাবা যা পান, তাই মুখে দিয়া আপিসে চলিয়া যান। কোন দিনই তাঁর ভাগ্যে পূরা প্রাতরাশ জুটে না। মিস্ সমারসন্, আপনার বোধ হয় শরীর ভাল নাই। সারারাত্রি ঘুমান নাই, বোধ হয়, বড় কষ্ট হইতেছে। আপনি খানিক না হয় ঘুমন।”

আমি বলিলাম, “না, আমার কোন কষ্ট হইতেছে না। আমি বেড়াইয়া আসিব।”

“আচ্ছা, তবে আমি প্রস্তুত হইয়া আসি।”

আদারও ঘুম ভাঙিয়াছিল, তিনিও আমাদের সঙ্গে বেড়াইতে যাইবার জন্য প্রস্তুত হইলেন।

নীচে নাগিয়া আসিয়া দেখিলাম, রিচার্ড ড্রয়ংক্রমে পায়চারী করিয়া বেড়াইতেছেন। আমাদের সঙ্গে এত ভায়ে উঠিতে দেখিয়া তিনি বিস্মিত হইলেন। আমরা বেড়াইতে যাইতেছি শুনিয়া তিনিও প্রস্তুত হইলেন। আমি ও মিস্ জেলিবি অগ্রে চলিলাম, তিনি ও আদা আমাদের অনুবর্তী হইলেন।

মিস্ জেলিবি বলিল, “কোন দিকে যাবেন?”

আমি বলিলাম, “যে দিকে ইচ্ছা।”

বালিকা দ্রুত চলিল, আমিও তাহার সহিত দ্রুত চলিতে লাগিলাম।

বালিকা বলিল, “দেখুন, মিস্ সমারসন্, আমি আর সহ্য করিতে পারি না।”

বুলিলাম, বালিকা তাহার নিজের কথা বলিতেছে। আমি বলিলাম, “একটা কথা মনে রাখিও, তোমার মার প্রতি তোমার একটা কর্তব্য আছে।”

বাধা দিয়া বালিকা বলিল, “সন্তানের কর্তব্যের কথা আর বলিবেন না। মা কি তাঁর নিজের কর্তব্য পালন

করেন? তাঁর সমস্ত কর্তব্য আফ্রিকা ও জনসাধারণে সমর্পিত হইয়াছে! কাজেই বলিতে হয়, আফ্রিকা ও জনসাধারণ তাঁহার প্রতি সন্তানের কর্তব্য প্রদর্শন করুক। আমার সঙ্গে তাহার সম্পর্ক কি? আপনি অবশ্য এ কথা শুনিয়া শিহরিয়া উঠিতেছেন! কিন্তু কথাটা মিথ্যা নয়। যাক্, ও কথার আলোচনা করিয়া কোন লাভ নাই।”

বালিকা আরও দ্রুত চলিতে লাগিল।

সহসা আদা ও রিচার্ড অতি দ্রুতবেগে আমাদের কাছে আসিলেন। আদা বলিলেন যে, এত দ্রুত-গমনের উদ্দেশ্য কি? ঘোড়-দৌড়ের বাজি জিতবার প্রয়োজন ত নাই! অগত্যা মিস্ জেলিবি তাহার গতিবেগ হ্রাস করিল। সে আর একটি কথাও বলিল না। আমিও অপ্রিয় প্রসঙ্গের আলোচনার হাত হইতে উদ্ধার পাইলাম।

প্রফুল্ল-কণ্ঠে রিচার্ড আমাকে বলিলেন, “ভগিনি, আদালত দেখিতেছি আমাদেরকে রেহাই দিবে না। গতকল্য আমরা যেখানে মিলিত হইয়াছিলাম, আজ দেখিতেছি, নানা পথ ঘুরিয়া আবার সেইখানে আসিয়া পড়িয়াছি। ঐ দেখ, সেই বৃদ্ধা নারী ওখানে দাঁড়াইয়া।”

বাস্তবিকই গত কল্য আদালতপ্রাক্ষণে যে বৃদ্ধা নারী আমাদের হস্তমুখে অভিবাদন করিয়াছিল, সেই বৃদ্ধা আমাদের দেখিয়া আজও অভিবাদন করিতেছে!

“কি গো, জারন্ডিসের ওয়ার্ডরা! তোমাদিগকে দেখিয়া আমি বড়ই স্তব্ধ হইলাম!”

আমি বলিলাম, “আপনি যে আজ খুব সকালে বাহির হইয়াছেন?”

“হাঁ, আদালত বসিবার আগেই আমি রোজ এখানে আসি। সমস্ত দিন কি কাজ করিব, সকালে আসিয়া তাহা স্থির করিয়া বই। সমস্ত দিন যে কাজ করিব, তাহার পূর্বে বিশেষ চিন্তার প্রয়োজন।”

মিস্ জেলিবি অক্ষুটস্বরে বলিল, “মিস্ সমারসন্, ইনি কে?”

বৃদ্ধার শ্রবণ-শক্তি অত্যন্ত তীক্ষ্ণ। সে নিজেই বালিকার প্রশ্নের উত্তর দিল।

“মা, আমি এক জন বিচারপ্রার্থিনী। প্রত্যহ আমাকে আদালতে হাজিরা দিতে হয়। ইনিও জারন্ডিস্ দলের এক জন নাকি?”

রিচার্ড উত্তর করিলেন যে, মিস্ জেলিবির সহিত মোকদ্দমার কোন সম্বন্ধ নাই।

বৃদ্ধা বলিল, “আদালতের রায় শুনিবার তবে বালিকাটির প্রয়োজন নাই? না থাক্, তবু এক দিন উহাকেও বুড়া হইতে হইবে।”

বৃদ্ধা তাহার পর আমার হাত ধরিয়া বলিল, “আমার বাড়ীতে যাবে? দেখিয়া আসিবে, আমি কেমন ঘরে থাকি!



তোমাদের মত নবীনা যুবতী, অনন্ত আশা ও আকাঙ্ক্ষা-ভরা লোক বহুদিন আমার কুঠীতে পায়ের ধূলা দেয় নাই।”

বৃদ্ধ আমাকে টানিয়া লইয়া চলিল। তাহার আগ্রহ-প্রার্থনা ও অনুনয়-বিনয়ে উপেক্ষা করিবার সামর্থ্য আমার ছিল না। রিচার্ডেরও কোতূহল জন্মিয়াছিল। কাজেই আমরা সকলেই তাহার অনুগামী হইলাম।

নানা পথ ঘুরিয়া একটি দোকানের নিকট সে আসিল। দোকানটি একটি সরু ও ছোট গলির উপর স্থাপিত। দোকানের বাহিরে লেখা ছিল, “কুক্, ছেঁড়া ঞাকড়া ও শিশি-বোতলের শুদাম।” বৃদ্ধ বলিল, “আমি এখানেই থাকি। এস, ভিতরে এস।” আমরা ভিতরে প্রবেশ করিলাম। দোকানের জানালার উপরে এক স্থানে লেখা ছিল, “রান্নাঘরের প্রয়োজনীয় দ্রব্যাদি কেনা হইয়া থাকে”, অপর স্থলে, “পুরাতন লোহা-লকড় কেনা হয়।” ভিন্ন ভিন্ন স্থলে, “ছেঁড়া কাগজপত্র,” “ভদ্রলোক ও মহিলাদের কাপড়ের আলমারী প্রভৃতি কেনা হইয়া থাকে” ইত্যাদি লেখা আছে। সবই কেনা হয়। কোনও জিনিষই বিক্রয় করা হয় না! ভিতরে শিশি, বোতল শু পীকৃত রহিয়াছে। নানা প্রকার পুরাতন শিশি ও বোতল! পুরাতন অর্ধছিন্ন আইনের গ্রন্থও রহিয়াছে দেখিলাম। অনেকগুলি পুরাতন ব্যাগ প্রাচীর-গায়ে লৌহ-কীলকে সংলগ্ন ছিল। ঘরের এক কোণে বহুসংখ্যক কঙ্কাল ও অস্থি সংগৃহীত রহিয়াছে দেখিয়া রিচার্ড আদা ও আমার কাণে কাণে সে সম্বন্ধে কতিপয় মন্তব্য প্রকাশ করিলেন।

বাহিরে কুয়াসা; ভিতরে অন্ধকার। এক জন বৃদ্ধ একটি লণ্ঠন লইয়া এদিকে ওদিকে ঘুরিয়া বেড়াইতেছিল। সেই আলোকে আমরা গৃহমধ্যস্থ পদার্থগুলি অস্পষ্ট দেখিতে পাইয়াছিলাম। লোকটির চোখে চশমা ছিল। সহসা সে দরজার দিকে ফিরিতেই আমাদের দিকে দেখিতে পাইল। খর্ককায়, অতি কুৎসিতদর্শন এবং অত্যন্ত ক্লম। তাহার মাথাটা এক দিকে হেলিয়াই আছে। নাক-মুখ দিয়া ক্রমা-গত ধূমবাস্প নির্গত হইতেছিল। মনে হইল, তাহার দেহের ভিতরে যেন অগ্নি জলিয়াই আছে!

বৃদ্ধ আমার দিকে অগ্রসর হইয়া বলিল, “হিঃ হিঃ! কিছু বিক্রী করবেন না কি?”

আমরা সঙ্গিনী বৃদ্ধার দিকে চাহিয়া একটু হটয়া আসিলাম। বৃদ্ধা তখন এক তাড়া চাবি বাহির করিয়া একটা দরজা খুলিবার চেষ্টা করিতেছিল। রিচার্ড তাহাকে বলিলেন যে, বৃদ্ধা কোথায় থাকেন, তাহা ত আমরা দেখিয়া গেলাম। এখন আমরা চলিয়া যাইতে পারি। বৃদ্ধা আমাদের প্রস্তাবে কণপাত করিল না। সে এমন কাতর-ভাবে অনুনয় করিতে লাগিল যে, তাহার প্রার্থনার উপেক্ষা করা নিতান্তই কঠিন হইয়া দাঁড়াইল।

বৃদ্ধা সেই অদ্ভুতদর্শন বৃদ্ধকে আমাদের সহিত পরিচয়

করাইয়া দিয়া বলিল, “ইনি বাড়ীওয়াল। ইহারই নাম কুক। প্রতিবেশীরা উহাকে লর্ড চ্যান্সেলার বা প্রধান-বিচারপতি বলিয়া ডাকে। এই দোকানকে তাহার আদালত বলিয়া থাকে। লোকটি অত্যন্ত খামখেয়ালী, অত্যন্ত অদ্ভুত!”

তার পর কণ্ঠস্বর অতি মৃদু করিয়া আমার কাণে কাণে বলিল, “বুঝিয়াছ, লোকটার পাগলের ছিট আছে!”

বৃদ্ধ তাহার কথা শুনিতে পাইয়া একটু হাসিয়া বলিল, “কথাটা ঠিক বটে। ওরা আমাকে প্রধান বিচারপতি বলে ডাকে, আমার দোকানকে আদালত বলে থাকে। কেন, তা জানেন কি?”

রিচার্ড উপেক্ষাভরে বলিলেন, “তা কেমন করিয়া জানিব?”

বৃদ্ধ আমাদের দিকে ঘুরিয়া দাঁড়াইয়া বলিল, “শুনুন, তারা—হিঃ! বাঃ, চমৎকার চুল ত! নীচে তিন ঝুড়ি চুল (সবই মহিলাদের মাথার) আছে; কিন্তু তার মধ্যে এমন চমৎকার চুল একটিও নাই। কি রং, কি ঘন চুল!”

বৃদ্ধ সঙ্গে সঙ্গে আদার কেশরাজির এক গুচ্ছ তাহার হাতে তুলিয়া ধরিয়া পরীক্ষা করিতেছিল। রিচার্ড তাহাকে বাধা দিয়া বলিলেন, “বন্ধু, ঐ পর্য্যন্ত থাক। আমরা সকলে দূর হইতে উহার কেশরাশির প্রশংসা করিয়া থাকি, তুমিও তাই কর, অতটা স্বাধীনতা লইও না।”

এই কথা শুনিবামাত্র বৃদ্ধের নয়নের দৃষ্টির আকস্মিক পরিবর্তন ঘটিল। আদার মুখমণ্ডল আরক্ত হইয়া উঠিয়াছিল। তিনি হাসিতে হাসিতে বৃদ্ধকে ক্রতজ্ঞতা জ্ঞাপন করিলেন।

বৃদ্ধ তখন বলিল, “আমার এখানে হরেক রকমের জিনিষ আছে। আমার প্রতেবেশীরা মনে করে যে, সেগুলি শুধু শুধু নষ্ট হইতেছে। তাই তারা এই দোকানের নাম ‘চ্যান্সারি’ আদালত বলে। আমার নামও এই রকমে গড়িয়া উঠিয়াছে। তা বলুক গে, আমি গ্রাহ্য করি না। আমি মাঝে মাঝে প্রধান বিচারপতি—আমার বন্ধুর কাছে গিয়া বসিয়া থাকি। তিনি আমায় লক্ষ্য করেন না। কিন্তু আমি করি। হিঃ! লেডী জেন্।”

একটা তাকের উপর হইতে একটা বিড়াল লক্ষ্য দিয়া নামিয়া আসিল।

বৃদ্ধা বলিল, “কুক্, তুমি লোক ভাল বটে, কিন্তু বড় জ্বালাতন কর। আমার বন্ধুদের সময় অল্প, আমারও মোটে অবসর নাই, একাই আদালতে যাইতে হইবে। আমার বন্ধুরা জারনডিসের তত্ত্বাবধানে আছেন।”

জারনডিসের নাম শুনিয়া বৃদ্ধ যেন কি-চিন্তা করিতে লাগিল।

রিচার্ড হাসিয়া বলিলেন, “তোমার বন্ধু,—প্রধান বিচার-পতির কাছে তুমি ত প্রায় গিয়া থাক, স্তত্রাং তুমি ত অনেক খবর রাখ।”



একটু অগমনস্বভাবে সে বলিল, “হাঁ, তা’ত বটেই !  
আপনার নামটা—”

“রিচার্ড কারস্টন।”

কনিষ্ঠা অঙ্গুলির প্রথম দাগে বুদ্ধাজুঁঠ রাখিয়া সে বলিল,  
“কারস্টন, হাঁ ! তার পর বারবেরি, ক্রেয়ার, আমার মনে  
হইতেছে ডেডলকও আছেন।”

আমাদের দিকে সবিস্ময়ে চাহিয়া রিচার্ড বলিলেন,  
“বেতনভোগী বিচারপতির গায় ইনিও সকলের মোকদ্দমার  
খোঁজ রাখেন দেখিতেছি !”

বুদ্ধ বলিল, “হাঁ, আমি অনেক কথাই জানি। হাঁ, টম্  
জারন্ডিস্—তার সঙ্গে আমার একটু আত্মীয়তা ছিল।  
আদালতের লোক তাঁকে ঐ নামেই জানিত। ঐ  
স্বীকৃতিপত্রের আদালতের লোকরা যেমন চিনে, তাঁকেও  
সেই রকম চিনিত” এই বলিয়া বুদ্ধ আমাদের পথ-প্রদর্শিকা  
বুদ্ধার দিকে অঙ্গুলি-নির্দেশ করিল। “টম্ জারন্ডিস্ প্রায়ই  
এখানে আসিতেন। মোকদ্দমার দিনে তিনি এই দোকানে  
একবার আসিতেনই। অগাধ দোকানদারদিগকে তিনি  
প্রায়ই বলিতেন, ‘তাই সব, আদালতে কখনও আসিও না।  
এখানে আসিলে সর্বনাশ হইবে।’ ঐ সুন্দরী এখন যেখানে  
দাঁড়াইয়া আছেন, যে দিন তাঁর মৃত্যু হয়, সে দিন ঠিক  
ঐখানেই তিনি দাঁড়াইয়াছিলেন।”

আমরা সবিস্ময়ে তাহার কথা শুনিতেছিলাম।

“সে দিনও তিনি এখানে আসিয়াছিলেন। প্রতিবেশীরা  
পূর্বেই বলিয়াছিল যে, এক দিন না এক দিন তাঁর ঐ দশা  
ঘটিবে। সে দিন তিনি এখানে আসিয়া একখানি  
বেঞ্চের উপর বসিয়া পড়িয়া আমাকে এক বোতল মদ  
আনিতে অনুরোধ করিলেন। বলিলেন, ‘ক্রুক, আজ  
আমার মনটা বড়ই খারাপ হইয়া গিয়াছে। আজ  
মোকদ্দমা আছে। বোধ হয়, রাগ বাহির হইবার আর বিলম্ব  
নাই। আমার তখন ইচ্ছা ছিল না যে, তাঁহাকে একলা  
ফেলিয়া যাই। আমি তাঁহাকে অদূরস্থ মদের দোকানে  
যাইবার জন্ত বলিলাম। তিনি চলিয়া গেলেন। আমি ঐ  
জানালা দিয়া তাঁহাকে লক্ষ্য করিতে লাগিলাম। তিনি  
দোকানের ভিতরে গেলেন। আমি ফিরিয়া যখন এই  
জায়গায় আসিয়া দাঁড়াইয়াছি, অমনই সেই দোকানের দিক  
হইতে একটা পিস্তলের শব্দ পাওয়া গেল। আমি দৌড়াইয়া  
গেলাম। প্রতিবেশীরা ছুটিয়া আসিল। তখন সব শেষ—  
টম্ জারন্ডিস্ আত্মহত্যা করিয়াছেন।”

বুদ্ধ গামিল। কঠোর দৃষ্টিতে আমাদের দিকে চাহিল।  
সে বিবরণ শুনিয়া আদার মুখ মলিন হইয়া গেল। রিচার্ডও  
যেন কেমন হইয়া গিয়াছিলেন। আমার বুকের মধ্যেও যেন  
কেমন একটা ভাব জাগিয়া উঠিতেছিল। শুধু বুদ্ধকে  
দেখিলাম, সে অবিচল। যেন কোন কথা তাহার কাণেই  
প্রবেশ করে নাই।

বুদ্ধার সঙ্গে আমরা তাহার কক্ষে প্রবেশ করিলাম।  
তাহার ঘরটির মধ্যে জিনিষ-পত্র বিশেষ কিছু ছিল না, কিন্তু  
কক্ষটি পরিষ্কার-পরিচ্ছন্ন। কয়েকটি খাঁচার মধ্যে পাখী  
রহিয়াছে দেখিলাম।

আদার ইচ্ছিতে রিচার্ড একটি তাকের উপর বুদ্ধার জন্ত,  
তাহার অগোচরে কিছু টাকা রাখিয়া দিলেন।

বুদ্ধা বলিল, “পাখীগুলির নাম আছে, সে আর এক দিন  
বলিব। আজ ত তোমাদের সময় নাই। আমারও  
আদালতে যাইবার সময় হইয়া আসিল। তোমরা আমার  
ঘরে আসিয়াছ, এ জন্ত আমি বড় সুখী হইয়াছি।”

নিকটবর্তী কোনও গির্জায় সাড়ে নয়টা বাজিবার শব্দ  
হইল। বুদ্ধা তাড়াতাড়ি আমাদের পথ দেখাইয়া নীচে  
নামিয়া গেল।

পূর্ববৎ ক্রকের ঘরের মধ্য দিয়া আমরা বাহিরে  
চলিলাম। বুদ্ধ তখন আপন মনে কি সব গুছাইয়া  
রাখিতেছিল। রিচার্ড, আদা, মিস্ জেলিবি এবং বুদ্ধা  
তাহার পার্শ্ব দিয়া চলিয়া গেলেন। সে কিছুই বলিল না।  
কিন্তু আমি যখন তাহার কাছ দিয়া চলিয়া যাইতেছি, সেই  
সময় সে আমার বাহুমূল স্পর্শ করিল। আমি বুঝিলাম,  
সে আমাকে দাঁড়াইতে ইচ্ছিত করিতেছে। আমি দাঁড়াই-  
লাম। সে দেওয়ালের উপর অঙ্গুলি দিয়া একটি অক্ষর  
লিখিয়া বলিল, “পড় ত”। আমি পড়িলাম। সে তাহার  
পর আর একটি অক্ষর লিখিল এবং আমায় পড়িতে বলিল।  
আমি পড়িলাম। এইরূপে সে কয়েকটি অক্ষর লিখিবার  
পর কথাটা দাঁড়াইল—“জারন্ডিস্”। তার পর ঐ ভাবে  
আবার কতকগুলি অক্ষর লিখিত হইলে আমি পড়িলাম,  
“ব্রিক হাউস্”।

বুদ্ধ হাসিয়া বলিল, “আমি স্মৃতিশক্তি হইতে হ্রস্ব  
লিখিলাম। কিন্তু মিস্, আমি নিজে লেখাপড়া মোটেই  
জানি না।”

আমার বিলম্ব দেখিয়া রিচার্ড ফিরিয়া আসিয়া বলিলেন,  
“মিস্ সমাদ্রসন, আপনি কি আপনার চুল বেচিতেছেন ?  
অমন কাজ করিবেন না। বুদ্ধার ঘরে তিন ঝুড়ি চুল আছে ;  
উহাই যথেষ্ট।”

মিঃ ক্রুককে অভিবাদন করিয়া আমি তাড়াতাড়ি বাহিরে  
চলিয়া আসিলাম। বুদ্ধা আমাদের নিকট বিদায় লইল।  
মিঃ ক্রুক দরজার কাছে দাঁড়াইয়া দাঁড়াইয়া আমাদের দিকে  
চাহিয়া রহিল।

রিচার্ড স্বস্তির নিশ্বাস ত্যাগ করিয়া বলিলেন, “সকাল-  
বেলাটা খুব মজা হইল বটে। কিন্তু ভগিনি, আদালতের  
নাম শুনিতেই আমার গায়ে জ্বর আসে।”

আদা বলিলেন, “আমারও তাই মনে হয়। স্বস্ত-সাব্যস্ত  
লইয়া যে মোকদ্দমা ঘটে, উহা বড়ই খারাপ। আমার কত  
আত্মীয়ের সঙ্গে যে এ ব্যাপারে বিরোধ ঘটিয়াছে, তাহা



কে বলিতে পারে ! হয় ত আমার জন্ম কত লোক উৎসন্ন  
গিয়াছে !”

রিচার্ড বলিলেন, “ঠিক কথা। এ যেন দাবা-খেলা !  
যাই হউক না কেন, আদা, আমি এখন হইতে তোমার  
ঐ নামে ডাকিব, তোমার কোন আপত্তি নাই ত ?”

“না, ভাই রিচার্ড, আমার কোন আপত্তি নাই।”

“আদা, আদালতে যাই ঘটুক না কেন, উহার মন্দ  
ফলটা যেন আমাদের স্পর্শ করিতে না পারে। আমরা  
যখন মিলিত হইয়াছি, তখন আর কেহ যেন আমাদের  
বিচ্ছিন্ন করিতে না পারে !”

আদা বলিলেন, “ভাই রিচার্ড, নিশ্চয়ই নহে। কোন  
শক্তি আমাদের ইহজীবনে বিচ্ছিন্ন করিতে পারিবে না।”

মিস্ জেলিবি আমার হস্ত একটু চাপিয়া ধরিয়া অর্থপূর্ণ  
দৃষ্টিতে আমার দিকে চাহিল। আমি মুহূ হস্তে তাহার  
উত্তর দিলাম।

অর্ধঘণ্টা পরে আমরা বাসায় ফিরিয়া আসিলাম।  
তাহার একঘণ্টা পরে অতি কষ্টে প্রাতরাশ সমাধা করা  
গেল। শ্রীমতী জেলিবি আবার লেখাপড়ায় মন দিলেন।  
ক্যাডি, মাতার পার্শ্বে বসিয়া কলম ধরিল।

বেলা একটার সময় একখানি খোলা গাড়ী আমাদের  
জন্ম আসিল। দ্রব্যাদি অল্প একখানা গাড়ীতে উঠাইয়া  
দেওয়া হইল। শ্রীমতী জেলিবি আমাদের বিদায় দিলেন।  
ক্যাডি লেখা ছাড়িয়া আমার কাছে আসিল, তাহার নয়নে  
অশ্রুচিহ্ন দেখিলাম। সে আমাকে চুম্বন করিল। সুখের  
বিষয়, পেপি তখন ঘুমাইয়াছিল। গাড়ী আমাদের বহন  
করিয়া ছুটিয়া চলিল।

৬

আমরা বিচিত্র লগুন নগরের মধ্য দিয়া চলিলাম।  
ক্রমে ক্রমে আমাদের গাড়ী নগরোপকণ্ঠে আসিল। অদূরে  
গ্রাম্য পথ। মন উল্লাসে অধীর হইল। সবুজ মাঠের মধুর  
দৃশ্য নয়নকে মুগ্ধ করিল। গাড়ী দ্রুতবেগে চলিয়াছে।  
কিয়দূর অগ্রসর হইবার পর দেখিলাম, এক জন গাড়োয়ান  
একটা গাড়ী হাঁকাইয়া চলিয়াছে। ঘোড়াগুলির গলদেশ-  
বিলম্বিত ঘণ্টা হইতে মধুর ধ্বনি উত্থিত হইতেছে। শকট-  
চালক আমাদের অতিক্রম করিয়া চলিয়া গেল। সহসা  
আমাদের গাড়ী পথিমধ্যে থামিল।

রিচার্ড সবিস্ময়ে বলিয়া উঠিলেন, “আমাদের গাড়োয়ান  
ঐ গাড়ীর গাড়োয়ানের দিকে চাহিয়া কি দেখিতেছে ! বাঃ !  
ও লোকটাও গাড়ী থামাইয়া আমাদের দিকেই আদিত্তেছে  
দেখিতেছি। কি খবর, বন্ধু !”

গাড়োয়ান আমাদের গাড়ীর দরজার কাছে আসিয়া  
থামিল। রিচার্ড বলিলেন, “দেখ, দেখ আদা, উহার  
টুপীতে তোমার নাম লেখা !”

আমরা দেখিলাম, শুধু আদা নহে, আমাদের সকলেরই  
নাম তাহার টুপীতে লেখা রহিয়াছে। লোকটি তিনখানি  
পত্র বাহির করিয়া আমাদের হাতে দিল। পত্রত্রয় আমাদের  
তিন জনের নামে। রিচার্ড জিজ্ঞাসা করিলেন যে, এ  
পত্র কে আমাদের দিল ? গাড়োয়ান উত্তরে বলিল,  
“মনিব দিয়াছেন।” গাড়োয়ান আমাদের অভিবাদন  
করিয়া পুনরায় তাহার গাড়ীতে উঠিয়া লগুনের দিকে  
অগ্রসর হইল।

আমাদের গাড়ীর কোচম্যানকে রিচার্ড জিজ্ঞাসা  
করিলেন, “গাড়ীখানা কি মিঃ জারনুডিসের ?”

“হাঁ, হজুর। লগুনে বাইতেছে।”

আমরা আমাদের পত্র খুলিয়া পড়িলাম। তিন জনকে  
একই হস্তাক্ষরে, একই ভাষায়, চিঠি লেখা হইয়াছে। পত্রে  
লেখা ছিল :—

“তোমাদের আগমন-প্রতীক্ষায় আমি বসিয়া আছি।  
আমাদের এ মিলন যেন সুখের হয়। কোনও পক্ষ হইতে  
যেন কোনও প্রকার সঙ্কোচ না থাকে ! পুরাতন বন্ধুর  
শ্রদ্ধা আমরা মিলিত হইব। অতীতের কথা ভুলিয়া যাইব।  
সম্ভবতঃ ইহাতে তোমরাও একটু স্বস্তি বোধ করিবে।  
আমার পক্ষেও তদ্রূপ। আমার ভালবাসা লও।

জন জারনুডিস্।”

আমার হৃদয় কৃতজ্ঞতায় ভরিয়া উঠিল। আমার এই  
উপকারী বন্ধুকে কি বলিয়া হৃদয়ের কৃতজ্ঞতা জ্ঞাপন করিব,  
জানি না। কিন্তু কৃতজ্ঞতা জ্ঞাপন করিতে গেলে তিনি হয় ত  
অসন্তুষ্ট হইবেন। তাঁহার পত্রের ভাবে তাহাই বুঝিলাম ;  
অথচ হৃদয়ের কৃতজ্ঞতা প্রকাশ করিবার জন্ম আমার কত  
খানি আগ্রহ ছিল, তাহা আর কি বলিব !

সমস্ত দিন আমরা মিঃ জারনুডিসের সম্বন্ধে আলোচনা  
করিতে লাগিলাম। আমাদের আর কোনও কথাই ছিল  
না। যদিই বা অল্প কোন প্রসঙ্গ আসিয়া পড়িত, অমনই  
উহা পরিবর্তিত হইয়া তাঁহারই আলোচনার পর্যাবসিত  
হইতেছিল।

যে পথে আমাদের গাড়ী চলিতেছিল, তাহা মন্দ নহে,  
কিন্তু তথাপি আমাদের মনে হইতেছিল, ঘোড়াগুলি যেন  
পারিয়া উঠিতেছে না। অনেক স্থলে চড়াই, উৎরাই ছিল।  
অনেক স্থলে আমরা গাড়ী হইতে নামিয়া পদব্রজে চলিতে  
লাগিলাম। বার্ণেট নামক স্থানে ঘোড়া-বদল হইল। ক্রমে  
দিনের আলো আকাশ-প্রান্তে মিলাইয়া গেল। সেন্ট আমবানে  
যখন আমরা পৌঁছিলাম, তখন রীতিমত সন্ধ্যা হইয়াছে।  
আমরা জানিতাম, এখান হইতে ব্লিক হার্টস্ বেশী দূর নয়।

এই সময় হইতে আমাদের আয়বিক উত্তেজনা বাড়িল।  
রিচার্ড পর্যন্ত অত্যন্ত চঞ্চল হইয়া উঠিলেন। আমাদের  
সর্বশরীর গভীর প্রতীক্ষার চাকলো শিহরিয়া উঠিতেছিল।  
বাস্তবিকই ভিতরে ভিতরে একটা কম্পনও অনুভব



করিতেছিলাম। নগরের রাজপথ অতিক্রম করিয়া যখন খোলা মাঠের রাস্তায় গাড়ী আসিল, তখন কোচম্যান আমাদের দিকে ফিরিয়া হস্তস্থিত চাবুক তুলিয়া দেখাইল, “ঐ ব্লিক হাউস!”

আমরা আসন ত্যাগ করিয়া উৎসাহভরে উঠিয়া দাঁড়াইলাম। নক্ষত্রালোকিত আকাশতলে অদূরে একটি কৃষ্ণ শৈল দেখা যাইতেছিল। তাহার উপর হইতে একটি উজ্জ্বল আলোকরশ্মি আমাদের দৃষ্টি আকর্ষণ করিল।

কোচম্যান গাড়ী দ্রুত চালাইতে লাগিল। সেই আলোকরশ্মি কখনও আমাদের দৃষ্টিপথে পতিত হইতেছিল, তাহা কোথায় অন্তর্হিত হইতেছিল, আবার দেখা যাইতেছিল, আবার হারাইতেছিলাম। তার পর গাড়ী একটা বৃক্ষবীথির ভিতর দিয়া ধাবিত হইল। এখন আলোক-শিখা আরও প্রদীপ্ত দেখিলাম। একটা জানালার ধারে উক্ত উজ্জ্বল আলোক জ্বলিতেছিল, বোধ হইল। বাড়ীটা প্রকাণ্ড বলিয়া মনে হইল।

আমাদের গাড়ী যখন ফটকের মধ্যে প্রবেশ করিল, অমনই ঘণ্টাধ্বনি শ্রুত হইল। সঙ্গে সঙ্গে কুকুরের ডাক শুনিতে পাইলাম। উন্মুক্ত দ্বারপথে আলোক জ্বলিয়া উঠিল। গাড়ী থামিল। কম্পিত হৃদয়ে আমরা গাড়ী হইতে নামিলাম।

“প্রাণাধিকা আদা, প্রিয় ইংহার, এস। তোমাদিগকে দেখিয়া আমার আনন্দ রাখিবার স্থান নাই! রিক্, আমার যদি আর একটা হাত থাকিত, তাহা হইলে তোমাকে দিতাম, ভাই!”

যে ভদ্রলোক আমাদের সাগ্রহে উক্তপ্রকারে অভিনন্দিত করিলেন, তাঁহার এক হস্ত আদার ও অপরটি আমার কটিদেশে স্থাপিত হইল। পিতার ন্যায় স্নেহভরে তিনি পর্যায়ক্রমে আমাদের শিরোদেশে চুম্বন করিলেন। তার পর আমাদের এক প্রশস্ত কক্ষমধ্যে লইয়া গেলেন। সে ঘরের মধ্যে অগ্নি জ্বলিতেছিল। আমাদের সন্নিহিত আসনে বসাইয়া দিয়া তিনি প্রসন্ন-নেত্রে আমাদের দিকে চাহিলেন।

“রিক্, এখন আমার হাত খালি হইয়াছে। আজ আমার বড় আনন্দ। তোমরা বাড়ী আসিয়াছ, এখন একটু গরম হইয়া লও।”

রিচার্ড দুই হাতে আগ্রহভরে তাঁহার করকম্পন করিলেন। তার পর আবেগকম্পিতকণ্ঠে বলিলেন, “আপনার বড় অনুগ্রহ, মহাশয়! আমরা আপনার সৌজন্যে চমৎকৃত হইয়াছি।” রিচার্ড টুপী ও কোট খুলিয়া আগুনের ধারে আসিয়া বসিলেন।

মিঃ জারনডিস্ আদাকে সম্বোধন করিয়া বলিলেন, “পথে আসিতে কষ্ট বোধ হয় নাই ত? শ্রীমতী জেলিবিকে তোমাদের কেমন লাগিল?”

আদা তাঁহার প্রশ্নের উত্তর দিতে লাগিলেন। আমি

সেই অবসরে আমাদের গৃহ-স্বামীকে ভাল করিয়া দেখিয়া লইলাম। মুখখানি বড় সুন্দর। উৎসাহ-প্রদীপ্ত এবং মুহুমূহুঃ তাঁহার আননে ভাবের বৈচিত্র্য প্রকাশ পাইতেছিল। তাঁহার মাথার চুলগুলি পাকিয়া শাদা হইয়া গিয়াছে। মনে হইল, বয়স তাঁহার ঘাটের কাছাকাছি। কিন্তু তত বয়সেও তাঁহার শরীরের ঋজুতা প্রশংসনীয়। অটুট স্বাস্থ্য ও সবলতার চিহ্ন তাঁহার দেহে প্রকাশ পাইতেছিল। তাঁহার কণ্ঠস্বর শুনিয়া আমার মনে হইতেছিল, কোথায় যেন এ স্বর শুনিয়াছি। এখন তাঁহার মুখের ভাবভঙ্গী দেখিয়া সহসা আমার মনে হইল, ছয় বৎসর পূর্বে আমি যখন গাড়ী চড়িয়া রিডিং নগরে আসিতেছিলাম, সেই গাড়ীতে যে ভদ্রলোককে দেখিয়াছিলাম, ইহার সহিত তাঁহার বিশেষ সৌমাদৃশ্য আছে। একটু লক্ষ্য করিবার পর আমার ধারণা দৃঢ়তর হইল। এই আবিষ্কারে আমি শঙ্কিত হইয়া উঠিলাম। তিনি আমার দিকে চাহিলেন। বোধ হয়, তিনি আমার মনের কথা টের পাইয়াছিলেন। একবার তিনি দ্বারের দিকে চাহিলেন। আমার আশঙ্কা হইল, বৃষ্টি তিনি আমাদিগকে ত্যাগ করিয়া এখনই চলিয়া যাইবেন।

কিন্তু আমার সৌভাগ্যক্রমে তিনি স্থান ত্যাগ করিলেন না। আমাকে জিজ্ঞাসা করিলেন যে, শ্রীমতী জেলিবি সম্বন্ধে আমার কি ধারণা হইয়াছে।

আমি বলিলাম, “তিনি আফ্রিকার ব্যাপারে বড়ই লিপ্ত।”  
“তোমার ও আদার উত্তর একই রকমের দেখিতেছি। তোমাদের সকলেরই মনে একটা কৌতূহল জন্মিয়াছে বলিয়া আমার মনে হয়।”

আমি আদা ও রিচার্ডের দিকে চাহিলাম। তাঁহাদের দৃষ্টি দেখিয়া বোধ হইল, জবাবটা যেন আমিই দেই। আমি বলিলাম, “আমাদের মনে হইয়াছিল যে, তিনি গৃহস্থালীর দিকে বড়ই অমনোযোগী।”

জারনডিস্ বলিলেন, “তোমাদের মনের কথাটা আমি জানিতে চাই। আমি হয় ত ইচ্ছা করিয়াই শ্রীমতী জেলিবির ওখানে তোমাদিগকে পাঠাইয়াছিলাম।”

আমি ইতস্ততঃ করিয়া বলিলাম, “আমাদের মনে হইয়াছিল যে, গৃহস্থালী-পালনই সর্বশ্রেষ্ঠ কর্তব্য। গৃহী সে কর্তব্যপালনে অবহেলা করিলে, অল্প কোনও কাজই তাহার অভাব পূর্ণ করিতে পারে না।”

রিচার্ড আমার সাহায্যের জন্য ধূয়া ধরিয়া বলিলেন, “ছোট ছোট জেলিবির বড়ই শোচনীয় অবস্থায় আছে— আমি রুচ শব্দ ব্যবহার করিলাম, তজ্জন্ত আমায় ক্ষমা করিবেন, না করিয়া উপায় নাই, মহাশয়!”

মিঃ জারনডিস্ তাড়াতাড়ি বলিলেন, “শ্রীমতী জেলিবির অভিপ্রায় ভাল। বাতাসটা পূর্বেদিক হইতেই বহিতেছিল।”

রিচার্ড বলিলেন, “আমরা যখন আসি, তখন উত্তরদিক হইতেই বহিতেছিল, মহাশয়।”



অগ্নিকুণ্ডের মধ্যে লৌহদণ্ডটা চালাইতে চালাইতে মিঃ জারনডিস্ বলিলেন, “প্রিয় রিক, আমি শপথ করিয়া বলিতে পারি, বাতাস তখন পূর্বদিকেই ছিল, অথবা হইবার উপক্রম ঘটিয়াছিল। যখন ‘পূবে সর’ হয়, আমি পূর্ব হইতেই তাহা বুঝিতে পারি। পূবে বাতাস বহিলেই আমার শরীর ও মনে একটা অস্বাচ্ছন্দ্য ঘটে।”

রিচার্ড বলিলেন, “বাত আছে না কি, মহাশয়?”

“রিক, আমি নিশ্চয় বলিতেছি, পূবে বাতাস ছিল। আমার দৃঢ়বিশ্বাস তাই। আর ছোট ছোট জেলিবিরি— তাহাদের সম্বন্ধে আমার সন্দেহও আছে—তারা—হা ভগবান! হাঁ, নিশ্চয়ই পূবে বাতাস।”

লৌহদণ্ড হস্তে দুই একবার ঘুরিয়া-ফিরিয়া মিঃ জারনডিস্ উল্লিখিতভাবে খাপছাড়া কথা বলিতে লাগিলেন। তাঁহার অগ্ৰমনস্তাব আমাদিগকে আরও মুগ্ধ করিল। সহসা তিনি এক হস্ত আদার দিকে, অন্য় হস্ত আমার দিকে বাড়াইয়া দিয়া রিচার্ডকে বাতী লইয়া আসিতে বলিলেন। গৃহত্যাগের পূর্বে অকস্মাৎ আমাদের দিকে ফিরিয়া বলিলেন, “ছোট ছোট জেলিবিরিদের কথাই বলিতেছি। তোমরা—আচ্ছা, বল ত, যদি মিছিরি-বুষ্টি বা ঐ প্রকারের কোন জিনিস অজস্র ধারায় বর্ষিত হইত?”

আদা তাড়াতাড়ি বলিল, “দাদা—”

“বড় ভাল, লক্ষী আমার! হাঁ, দাদা, ভাই এই সব শব্দ আমি খুবই পছন্দ করি। হাঁ, আমাকে দাদা জন বলিয়া ডাকিলে আরও ভাল শুনাইবে।”

হাসিতে হাসিতে আদা বলিল, “হাঁ, দাদা জন!—”

“হাঃ, হাঃ! চমৎকার!” বলিতে বলিতে আনন্দে মিঃ জারনডিস্‌র মুখ উজ্জ্বল হইয়া উঠিল। “হাঁ, লক্ষী, কি বলিতেছিলে, বল?”

“বলিতেছিলাম যে, তার চেয়েও ভাল হইয়াছিল। ইহার একেবারে ভিজিয়া গিয়াছিল!”

মিঃ জারনডিস্ বলিলেন, “বটে? তখন ইহার কি করিল?”

আমি আদাকে নিরস্ত হইবার জন্ত ইঙ্গিত করিতে-ছিলাম। তিনি হাসিতে হাসিতে উহা উপেক্ষা করিয়া মিঃ জারনডিস্‌কে বলিলেন, “ইহার একেবারে তাহাদের বন্ধু বনিয়া গেল। খাত্তীর ঞায় কাহাকেও ঘুম পাড়ায়, কাহাকেও কাছে বসাইয়া গল্প বলে, এই রকম করিয়া সকলকে এমনই বশ করিয়া ফেলিল যে, সব চুপচাপ্। তার পর শুনুন দাদা! ইহার বেচারী কেরোলিনকে পর্যন্ত আপনার করিয়া লইয়াছিল। শ্রীমতী জেলিবিরি বড় মেয়ের নাম কেরোলিন। আবার সঙ্গে সঙ্গে আমার মুখের দিকেও কি অঞ্চ মনোযোগও ছিল, দাদা! না, ইহার, তুমি প্রতিবাদ করিও না। তুমি ত জান, আমি এক বর্ণও বাড়াইয়া বলি নাই!”

সহদয়া সুন্দরী মুখ বাড়াইয়া আমাকে সম্মুখে চুমন করিলেন। তার পর মিঃ জারনডিস্‌র দিকে চাহিয়া বলিলেন, “দাদা, আর বতই করুন না কেন, আপনি আমার জন্ত যে সন্নিহীটি বাছিয়া দিয়াছেন, সেজন্ত আমি সর্বাস্তঃকরণে আপনার নিকট রতজ্ঞ।”

মিঃ জারনডিস্ বলিলেন, “রিক, বাতাসটা কোন্ দিকে বলিতেছিলে?”

“আমরা যখন আসি, সে সময় উত্তরদিকে ছিল।”

“তোমার কথাই ঠিক। পূর্বের সংস্পর্শ তাহাতে ছিল না। আমারই ভুল। এস লক্ষীরা, তোমাদের বাড়ী দেখিবে চল।”

বাড়ীটা অত্যন্ত বড় ও সুন্দর। একটি ঘরে আসিবার পর মনে হয়, এই বুঝি শেষ, আর ঘর নাই। কিন্তু তাহা নয়। প্রত্যেক ঘরের চারিদিকে বারান্দা। প্রথমেই আমার জন্ত নির্দিষ্ট শয়ন ও উপবেশন-গৃহ দেখিলাম। তাহার একটু দূরেই আদার জন্ত নির্দিষ্ট শয়নকক্ষ ও প্রসাধনাগার। তার পরই বিস্তৃত বারান্দা। আমাদের ঘরের পরই বড় হল-ঘর। তাহার পর রিচার্ডের জন্ত নির্দিষ্ট কক্ষ। শয়ন, উপবেশন ও অধ্যয়নের জন্ত স্বতন্ত্রভাবে সজ্জিত। তার পরই মিঃ জারনডিস্‌র শয়নকক্ষ। দেখিলাম, কক্ষটি অতি সাধারণভাবে সজ্জিত। কোন প্রকার আসবাবপত্রের বাহুল্য নাই। আদার, আমার ও রিচার্ডের ঘরগুলি সুসজ্জিত।

সমস্ত দেখিয়া শুনিয়া আমরা আদার বসিবার ঘরে ফিরিয়া আসিলাম। মিঃ জারনডিস্ বলিলেন, “তোমরা বাড়ীটা পছন্দ করিয়াছ, ইহাতে আমি খুসী হইয়াছি। জায়গাটা ভালই। আমার বিশ্বাস, তোমাদের আগমনে এ স্থানটি ক্রমে আরও লোভনীয় হইয়া পড়িবে। আমাদের আহারের মোটে আর আধ ঘণ্টা দেবী আছে। এ বাড়ীতে একটি শিশু ছাড়া আর বেশী লোকজন নাই।”

আদা বলিলেন, “ইহার, এখানেও শিশু আছে!”

মিঃ জারনডিস্ বলিলেন, “বয়সে তিনি শিশু নন। তিনি প্রবীণ লোক, এই ধর, আমারই সমবয়সী। কিন্তু সরলতা, নবীনতা ও উৎসাহের দিক দিয়া বিচার করিলে, তিনি শিশুরই মত সুন্দর। সংসারের কোনও প্রকার কুটিলতা তাঁহাতে নাই।”

আমরা তাঁহাকে দেখিবার জন্ত ব্যগ্র হইলাম।

মিঃ জারনডিস্ বলিলেন, “তিনি শ্রীমতী জেলিবিরিকে চেনেন, জানেন। তিনি এক জন গায়কও বটেন। অবশ্য অবৈতনিক। ইচ্ছা করিলেই তিনি উহা ব্যবসায়রূপে অবলম্বন করিতে পারেন। শুধু তাই নয়, তিনি এক জন অবৈতনিক শিল্পী। ইহাতেও তাঁহার অসাধারণ দক্ষতা আছে। নানা-প্রকার গুণ তাঁহাতে বিদ্যমান। তাঁহার ব্যবহারও অত্যন্ত মধুর। সাংসারিক জীবনে তিনি কোনও দিন মাকল্য লাভ-



করিতে পারেন নাই, কোনও বিষয়েই নহে। সে জন্ম তিনি বিন্দুমাত্র ক্লান্ত নহেন—তিনি শিশুরই ত্যায় সদানন্দ সরল।”

রিচার্ড প্রশ্ন করিলেন, “তাঁর নিজের সন্তানাদি আছে?”

“হাঁ, ঠিক, প্রায় ছয়টি। বোধ হয় আরও বেশী, গোটা-বারো হইবে। কিন্তু তাহাদের মঙ্গলামঙ্গলের দিকে তিনি কোনও দিন দৃষ্টিপাত করিতে পারেন নাই। কেমন করিয়া পারিবেন? তাঁহাকে কে দেখে, তাহারই ঠিক নাই। তিনি নিজেই শিশু, বুঝিলে?”

রিচার্ড বলিলেন, “তাঁর সন্তানগণ কি করিল? তাহারা কি আপনা-আপনি মানুষ হইতেছে?”

মিঃ জারনুডিসের মুখের প্রসন্নভাব সহসা অন্তর্হিত হইল। তিনি বলিলেন, “যাহা ইচ্ছা মনে করিতে পার। যাহারা গরীব, তাহাদের সন্তানরা শিক্ষা পায় না। কোনরূপে তাহারা বড় হয় মাত্র। হ্যারল্ড স্কিম্পোলের সন্তানরা কোন রকমে মানুষ হইয়াছে।—আবার বুঝি বাতাসটা ফিরিল। আমার ত তাই মনে হয়!”

রিচার্ড বলিলেন যে, রাত্রিতে বোধ হয় শীত বেশী পড়িবে।

মিঃ জারনুডিস্ বলিলেন, “ব্লিক হাউসের চারিদিক খোলা। যাক্, তোমরা আমার সঙ্গে এস।”

আমাদের জিনিসপত্র পাঁড়িয়াছিল। আমার ঘরে গিয়া আমি বস্ত্র পরিবর্তন করিলাম। জিনিসগুলি গুছাইয়া রাখিতেছি, এমন সময় একটি পরিচারিকা একটি বুড়ি লইয়া আমার ঘরে প্রবেশ করিল। তাহার হাতে দুই তাড়া চাবি ছিল। প্রত্যেক চাবিতে এক একটা চিহ্ন দেখিলাম।

সে বলিল, “মিস্! এগুলি আপনার জন্ম এনেছি।”

“আমার জন্ম?”

“হাঁ, মিস্। ভাঁড়ার প্রভৃতির চাবি।”

আমার বিশ্বয় সীমা অতিক্রম করিল। পরিচারিকা আমার বিশ্বয় দর্শনে একটু আশ্চর্য হইয়া বলিল, “আমার প্রতি হুকুম আছে যে, আপনি নিরালো হলেই এগুলি আপনাকে দিতে হবে। আপনিই মিস্ সমারসন্ ত?”

আমি বলিলাম, “হাঁ, আমার ঐ নামই বটে।”

“বড় তাড়াটায় ভাঁড়ারের চাবি আর ছোটটা গুদামের। কাল সকালে যখন আপনার স্মবিধা হবে, আমায় বলিবেন, আমি আপনাকে সব দেখিয়ে দেব।”

আমি তাহাকে বলিলাম যে, সকালবেলা সাড়ে ছয়টার সময় আমি সব বুঝিয়া লইব। সে চলিয়া গেলে আমি বুড়িটার দিকে একদৃষ্টে চাহিয়া রহিলাম। আমার উপর কত বড় দায়িত্ব পড়িল, তাহাই আমি ভাবিতেছিলাম। কি অখণ্ড বিশ্বাসের পাত্রী হইয়াছি! আদা আমার ঘরে আসিলে তাঁহাকে সব বলিলাম।

আমরা নীচে নামিয়া আসিলাম। মিঃ স্কিম্পোলের

সহিত আমাদের পরিচয় হইল। দেখিলাম, তিনি অতি চমৎকার লোক। মিঃ জারনুডিসের অপেক্ষাও তিনি বেশ। কিন্তু দেখিলে তাঁহাকে অপেক্ষাকৃত বয়ঃকনিষ্ঠ বলিয়া মনে হয়। কথায় বাতায় তিনি আমাদের মুগ্ধ করিলেন। তাঁহার জীবনের ইতিহাস সংক্ষেপে তিনি বিবৃত করিলেন। প্রথমতঃ তিনি চিকিৎসা-শাস্ত্র শিক্ষা করেন। কোনও জন্মগ্ রাজপরিবারে তিনি প্রথমতঃ গৃহ-চিকিৎসক ছিলেন। কিন্তু চিকিৎসা-ব্যাপারে তাঁহার যোরতর উদাসীনতা ছিল। অধিকাংশ সময় তিনি ঘরে বসিয়া হয় সংবাদপত্র পাঠ করিতেন, নয় ত চিত্রাঙ্কনে কালযাপন করিতেন। কায়েই জার্মান প্রিন্স তাঁহাকে কন্ম হইতে অবসর গ্রহণ করিতে বলেন। পৃথিবীতে কোন কাজ না থাকায় তিনি কোন যুবতীর প্রেমে পড়েন ও তাঁহাকে বিবাহ করেন। ক্রমে পুত্র-কন্যায় গৃহ ভরিয়া উঠিল। তাঁহার বহু সন্তান হইল ও আরও কয়েক জন অন্তরঙ্গ স্নহদের চেষ্ঠায় তাঁহার অর্থোপার্জননের কয়েকটি স্মবিধাও ঘটয়াছিল। কিন্তু সময় ও অর্থের মর্যাদা সম্বন্ধে তাঁহার কোনও জ্ঞানই হয় নাই বলিয়া সকলের প্রাণপণ চেষ্ঠা অবশেষে বার্থ হইয়া গেল। অবশেষে তিনি এইখানে আশ্রয় লইয়াছেন। অল্পেই তাঁহার তুষ্টি।

মিঃ স্কিম্পোলের সহিত কথা কহিয়া আমরা বড়ই আনন্দ পাইলাম। বাস্তবিক তিনি সরলতার আধার। তাঁহার কথার মধ্যে আকর্ষণী শক্তি অত্যন্ত প্রবল।

সে দিন অপরাহ্নে আমি চা তৈয়ার করিতেছিলাম। পাশের ঘরে আদা গুন্গুন্স্বরে গান গাইতে গাইতে পিয়ানো বাজাইতেছিলেন। রিচার্ড তাঁহার কাছে দাঁড়াইয়া গান গুনিতেন। এমন সময় মিঃ স্কিম্পোল আমার পাশে আসিয়া বসিলেন ও আদা সম্বন্ধে এমন চমৎকার সুব্য প্রকাশ করিলেন যে, আমার বড় ভাল লাগিল।

তিনি বলিলেন, “আদা ঠিক প্রভাতের মত রমণীয়। তাহার সোণালী কেশগুচ্ছ, নীল নয়ন এবং গণ্ডের গোলাপী আভা দেখিয়া তাহাকে ঠিক গ্রীষ্মের প্রভাতের মত মনোরম লাগে। পাখীরা তাহাকে দেখিয়া তাহাই মনে করিবে। এমন মধুর, এমন পবিত্র, এমন সুন্দর নারীকে আমরা পিতৃ-মাতৃহীন বলিয়া উল্লেখ করিতে পারি না। সে প্রকৃতির কন্যা।”

আমি দেখিলাম, মিঃ জারনুডিস্ আমাদের নিকট দাঁড়াইয়া মনোযোগ সহকারে কথাগুলি গুনিতেন। তাঁহার মুখে প্রসন্ন হাস্য।

তিনি বলিলেন, “বিশ্ব বল আর প্রকৃতিই বল, তিনি যদি পিতামাতা হন, তবে তিনি যে বড়ই উদাসীন, তাহা নিশ্চয়ই বলিব।”

মিঃ স্কিম্পোল উৎসাহভরে বলিলেন, “ও! আমি তা ত জানি না!”



মিঃ জারনুডিস্ বলিলেন, “কিন্তু আমি জানি।”

মিঃ স্কিম্পোল্ বলিলেন, “তুমি পৃথিবীকে চেন, তোমার মতে তাহাই এই নিখিল বিশ্ব। আমি কিন্তু তোমাদের এ বিশ্বকে চিনি না, কাজেই তোমার কথা মানিয়া লইতে হইবে। যাহাই হউক না কেন, যদি আমার কোন মত থাকিত,— বলিতে বলিতে তিনি আদা ও রিচার্ডের দিকে চাহিলেন, তার পর বলিলেন, “তবে আমি এই পথে যাহাতে কোন কষ্টক না থাকে, তাহার ব্যবস্থা করিতাম। শুধু গোলাপফুল দিয়া এই পথটি বিছাইয়া দেওয়া উচিত। কুঞ্জবনের ভিতর দিয়া দীর্ঘ পথ বিস্তৃত হউক, বসন্ত, হেমন্ত, শীত যেন কোন দিন সেখানে উদ্ভিত না হয়। খালি অনন্ত গ্রীষ্মের মধুর প্রভাত! কাল যেন কোন দিন তাহার মাধুর্যকে ক্ষুধ করিতে না পারে। টাকা এই ঘৃণিত শব্দটা যেন কখনও ইহাদের কাছে উচ্চারিত না হয়!”

মিঃ জারনুডিস্ মহাশয়ে বক্তার মাথায় ধীরে ধীরে টোকা মারিলেন। তার পর ছুই এক পদ অগ্রসর হইয়া আদা ও রিচার্ডের দিকে চাহিলেন। তাঁহার দৃষ্টি চিন্তাপূর্ণ, তাহা দেখিবামাত্র বুঝিলাম। কিন্তু তাহা যে অনর্থকরী চিন্তা নহে, তাহা তাঁহার প্রসন্ন মুখমণ্ডল দেখিয়াই মনে করিলাম। তথায় অগ্নিকুণ্ডের আলোকশিখা ব্যতীত অন্য আলোক ছিল না। উভয় কক্ষের মধ্যস্থ দরজার কাছে মিঃ জারনুডিস্ দাঁড়াইয়া ছিলেন। আদা পিয়ানোর সম্মুখে উপবিষ্ট, রিচার্ড তাঁহার পার্শ্বে ঈষৎ আনতদেহে দণ্ডায়মান। প্রাচীরগারে উভয়ের ছায়া কাঁপিতেছিল, একের সহিত অপর মিলিয়া মিশিয়া গিয়াছিল। আদা পিয়ানোর চাবিগুলি ধীরে ধীরে স্পর্শ করিয়া অতি কোমল স্বর বাহির করিতেছিলেন, এত মৃদুকণ্ঠে গাহিতেছিলেন যে, দূরবর্তী শৈলোপরি বাতাসের দীর্ঘ শ্বাস পর্য্যন্ত সঙ্গীতের মতই প্রতিগোচর হইতেছিল। ভবিষ্যতের রহস্য, বর্তমানের স্বরকঙ্কারে যেন কতকটা প্রকাশ পাইবার মত অবস্থায় দাঁড়াইল।

মিঃ জারনুডিস্ দৃষ্টি ফিরাইয়া মুহূর্তমাত্র আমার দিকে চাহিলেন। আমি তখনই বুঝিলাম, তিনি সেই দৃষ্টিপাতেই আমাকে তাঁহার প্রাণের গূঢ়কথা বুঝাইয়া দিলেন। শুধু বুঝাইলেন না, আমার উপর বিশ্বাস করিলেন। আরও বুঝিলাম, আমি তাঁহার অভিপ্রায় বুঝিয়াছি, আমার দৃষ্টিতে তিনি তাহাও পাঠ করিলেন। আমি বুঝিয়াছি, ভবিষ্যতে বর্তমান সম্পর্ক ব্যতীত আরও নিকটতম আত্মীয়তার বন্ধনে আদা ও রিচার্ড শৃঙ্খলিত হইবেন, এ আশা মিঃ জারনুডিস্ রাখেন।

চা-পানের পর মিঃ স্কিম্পোল ও রিচার্ড গৎ বাজাইতে লাগিলেন, আদা গায়িতে লাগিলেন। আমি ও মিঃ জারনুডিস্ শ্রোতার আসন গ্রহণ করিলাম। খানিক পরে মিঃ স্কিম্পোলকে দেখিতে পাইলাম না। ইহার অত্যন্তকাল পরে দেখিলাম, রিচার্ডও নাই। আমি ভাবিতেছি, রিচার্ড এতক্ষণ

আদার গান না শুনিয়া কোথায় কাটাইতেছেন, ঠিক সেই সময় যে পরিচারিকা আমার হাতে চাবি আনিয়া দিয়াছিল, সে দরজার কাছে দাঁড়াইয়া বলিল, “অনুগ্রহ পূর্বক এক মিনিট এ দিকে আসুন, একটা কথা আছে।”

আমি তাহার সঙ্গে হস্তধরে গেলাম। সে বলিল, “মিস, মিঃ কারস্টন্ ব’লে পাঠালেন, আপনি যদি একবার দয়া ক’রে মিঃ স্কিম্পোলের ঘরে আসেন, বড় ভাল হয়। মিঃ স্কিম্পোল হঠাৎ সেখানে গেছেন।”

আমার মনে আশঙ্কা হইল যে, মিঃ স্কিম্পোলের অকস্মাৎ কোন পীড়া হইয়াছে, আর রোগটাও বোধ হয় তীব্র। আমি পরিচারিকাকে শান্ত ও স্থির হইতে বলিলাম। আর কাহাকেও কোন কথা বলিয়া গুণ্ণগোল না করে, সে বিষয়ে তাহাকে বিশেষরূপে উপদেশ দিয়া, তাহার সঙ্গে দ্রুতপদে আমি নির্দিষ্ট ঘরের দিকে চলিলাম। তখন মনে হইতেছিল, যদি তাঁহার মূর্ছা হইয়া থাকে, তবে কি ঔষধ দেওয়া যাইবে? পরিচারিকা দরজা খুলিয়া ফেলিল, আমি কক্ষমধ্যে প্রবেশ করিলাম। কিন্তু বিশ্বয়ের বিষয়, মিঃ স্কিম্পোলকে শয়ান অথবা ভূমিতলে শায়িত দেখিলাম না। তিনি অগ্নিকুণ্ডের পার্শ্বে দাঁড়াইয়া, রিচার্ডের দিকে চাহিয়া মৃদু মৃদু হাসিতেছেন। আর রিচার্ড অত্যন্ত বিচলিতভাবে সোফায় উপবিষ্ট এক ব্যক্তির দিকে চাহিয়া আছেন। সোফায় যে লোকটা বসিয়াছিল, সে ঘন ঘন রুমাল বাহির করিয়া মুখ মুছিতেছিল।

রিচার্ড আমাকে দেখিয়া তাড়াতাড়ি বলিলেন, “মিস্ সমারসন্, আপনি আসিয়াছেন, বড়ই ভাল হইয়াছে। আমাদের এ ক্ষেত্রে আপনিই ঠিক পরামর্শ দিতে পারিবেন। আমাদের বন্ধু মিঃ স্কিম্পোল—ভয় পাবেন না—দেনার দায়ে গ্রেপ্তার হইয়াছেন।”

যে লোকটা সোফাতে বসিয়াছিল, তাহার বোধ হয় খুব সর্দি লাগিয়াছিল, কারণ, সে এত জোরে হাঁচিল যে, আমি চমকিয়া উঠিলাম।

মিঃ স্কিম্পোলকে বলিলাম, “খুব বেশী টাকার দায়ে কি আপনি গ্রেপ্তার হইয়াছেন?”

প্রসন্ন হাশ্বে তিনি বলিলেন, “ঠিক জানি না, মিস্ সমারসন্। বোধ হয়, কত পাউণ্ড, কয়েক শিলিং ও আদ পেনী হইতে পারে। লোকটি এই রকমই যেন বলিতেছিল।”

আগন্তুক বলিল, “চব্বিশ পাউণ্ড, ষোল শিলিং, সাড়ে সাত পেনী।”

মিঃ স্কিম্পোল বলিলেন, “মনে হয় যেন টাকাটা বেশী নয়; কম কম শুনাইতেছে।”

আগন্তুক কিছু বলিল না; কিন্তু আবার প্রচণ্ড শব্দ সহকারে হাঁচিল।

রিচার্ড আমাকে বলিলেন, “মিঃ স্কিম্পোল, আমাদের ভাই মিঃ জারনুডিসের কাছে টাকার জন্য বলিতে কুণ্ঠিত। কারণ, সংপ্রতি তিনি, কেমন মহাশয়—”



হাস্তমুখে মিঃ স্কিম্পোল বলিলেন, “হাঁ, ঠিক কথা। কিন্তু টাকার পরিমাণ কত বা কোন্ সময়ে লইয়াছিলাম, তাহা আমার মনে নাই। অবশ্য চাহিলে জারন্ডিস্ এখনই দিবেন, তাহাতে সন্দেহ নাই। কিন্তু আমার কেমন স্বভাব, নূতনত্বের আমি পক্ষপাতী। নূতন ক্ষেত্রে মহত্বের উদ্ভব দেখিবার জন্য আমার এই চেষ্টি।”

রিচার্ড একান্তে আমাকে জিজ্ঞাসা করিলেন, “মিস্ সমারসন্, এখন কি করা যায় বলুন ত?”

কোন উত্তর দিবার পূর্বে আমি জানিতে চাহিলাম যে, টাকা যদি না দেওয়া যায়, তবে কি হইবে?

সেই লোকটা বলিল, “জেল হবে।”

আমি ও রিচার্ড পরস্পর পরস্পরের দিকে চাহিলাম। বাস্তবিক মিঃ স্কিম্পোলের অপেক্ষা দুর্ভাবনা আমাদেরই অধিক। তিনি পরম নিশ্চিন্ত মনে আমাদের ব্যাপার লক্ষ্য করিতেছিলেন। কিন্তু স্বার্থপরতার লেশমাত্র তাঁহার ব্যবহারে প্রকাশ পাইল না। তিনি জানিতেন, ব্যাপারটা এখন আমাদের ঘাড়ে পড়িয়াছে। ব্যবস্থা যাহা হয় হইবেই।

রিচার্ড অশ্রুটস্বরে বলিলেন, “মিস্ সমারসন্, মিঃ কেন্জি আমাকে দশ পাউণ্ড দিয়াছিলেন। সেটা আমার কাছেই আছে।”

আমারও কাছে পনের পাউণ্ড এবং কয়েক শিলিং ছিল। আমি যে মাসহারা পাইতাম, তাহা হইতে ভবিষ্যতের জন্য কিছু কিছু সঞ্চয় করিয়াছিলাম। যদি কোনও দিন দুর্বিপাকে পড়ি, বা আশ্রয়হীন হই, এজ্ঞ কিছু টাকা কষ্ট করিয়া বাচাইয়াছিলাম। আমার তহবিলের সংবাদও রিচার্ডকে জানাইলাম। বর্তমানে টাকার প্রয়োজন বিশেষ নাই। রিচার্ডকে আরও বলিলাম, তিনি মিঃ স্কিম্পোলকে জানাইয়া রাখুন, ইতিমধ্যে আমি টাকাটা লইয়া আসিতেছি।

আমি ফিরিয়া আসিলে মিঃ স্কিম্পোল আমার করচুপন করিলেন। তিনি যেন বিশেষ বিচলিত হইয়াছেন বলিয়া অনুভব করিলাম। যাহা হউক, টাকাটা গণিয়া দিয়া আমরা রসীদ লইলাম।

লোকটা চলিয়া গেলে আমরা একে একে নীচে নামিয়া গেলাম। প্রথমে আমি গিয়া দেখিলাম, আদা অগ্নিকুণ্ডের ধারে বসিয়া মিঃ জারন্ডিসের সঙ্গে গল্প করিতেছেন। ক্রমে মিঃ স্কিম্পোল ও রিচার্ড সেখানে আসিলেন।

খানিক খেলা, খানিক গান, এইরূপে অপরাহ্ন কাটিয়া গেল। রাতিকালে আহালাদি শেষ হইলে মিঃ স্কিম্পোল তাঁহার শয়নকক্ষে চলিয়া গেলেন। মিঃ জারন্ডিস বাহিরে গিয়াছিলেন। আমরা তিন জনে শয়ন করিতে যাইব ভাবিতেছি, এমন সময় সহসা মিঃ জারন্ডিস্ ফিরিয়া আসিলেন।

ঘরের মধ্যে আসিয়াই তিনি বলিলেন, “এ সব কি ভাবিতেছি? রিক্, ইস্তার, তোমরা সব কি করিয়াছ?”

কেন এমন কাজ করিলে? হা ভগবান! বাতাসটা পূর্ব-দিক হইতেই বহিতেছে দেখিতেছি।”

রিচার্ড বলিলেন, “বাস্তবিক, মহাশয়, আপনার কাছে কথাটা বলা আমাদের পক্ষে সম্ভব হইত না। কারণ, মিঃ স্কিম্পোল আমাদের উপর বিশ্বাস—”

“ভগবান্ তোমাদিগকে রক্ষা করুন। উনি সকলের উপরেই নির্ভর করিয়া থাকেন! আস্তে আস্তে আবার দেখিবে, ঐ রকম একটা কাণ্ড বাধাইয়া রাখা যেন। আজন্ম কালটাই ঐ ভাবে কাটিল! বিপদ উহাঃ গাগিয়াই আছে।”

রিচার্ড প্রাণ খুলিয়া হাসিতে লাগিলেন।

আমি বলিলাম, “আপনি ত বলেন, উনি শিশুর মতই সরল।”

হাসিতে হাসিতে মিঃ জারন্ডিস্ বলিলেন, “কথাটা ঠিক। নেহাৎ শিশু উনি। তাহা না হইলে এত লোক থাকিতে তোমাকে আর রিচার্ডকে উনি বাছিয়া লন? শুধু শিশু ছাড়া কাহারও ধারণায় আসিতে পারে না যে, তোমাদের কাছে টাকা আছে! যদি পনের মাসের টাকা হইত, তবু তিনি ঠিক এই রকম ভাবেই তোমাদের কাছে চাহিতেন।”

কথাটা মিথ্যা নয়, তাহা আমরা সকলে স্বীকার করিলাম।

মিঃ জারন্ডিস্ বলিলেন, “দেখ রিক্, ইস্তার, আদা, তোমাকেও বলিতেছি, শুন। তোমার তহবিল উহার নিকট নিরাপদ নহে। তোমরা আজ আমার নিঃশপথ কর, ভবিষ্যতে এ রকম কাজ তোমরা কেহ কখনও করিবে না। যদি ছটা পয়সাও হয়, তবু উহাকে দিবে না।”

আমরা অঙ্গীকার করিলাম। রিচার্ড অঙ্গীকার করিবার সময় পকেটে হাত দিয়া আমার দিকে সহাস্তে চাহিলেন। তাঁহার পকেট যে কপর্দকশূণ্য আমাকে সে কথাটা তিনি ইঙ্গিতে স্মরণ করাইয়া দিলেন।

তার পর আমরা যে যাহার কক্ষে শয়ন করিতে গেলাম।

৭

ইস্তার যখন নিদ্রিত ও পরে ঘুম ভাঙ্গিয়া জাগিয়া উঠিল, সেই সময়ে লিঙ্কলনশায়রে অবিশ্রান্ত বারিপাত হইতেছিল। সমস্ত রাত্রি জল হইয়া গিয়াছিল। দিবাভাগেও বিরাম নাই। স্থার লিষ্টার ডেড্‌লকের “চেসনিওড্” নামক প্রাচীন প্রাসাদের ছাদের উপর দিয়া জলস্রোত প্রবাহিত হইয়া নিম্নে পতিত হইতেছিল।

চেসনিওড্ প্রাসাদে শ্রীমতী রাউন্স্‌ওয়েল্‌ই গৃহকর্ত্তী। তাঁহাকে বাদ দিয়া চেসনিওডের কল্পনাই করা চলে না, এমনই অবিচ্ছিন্নভাবে তিনি উক্ত প্রাসাদের সহিত সংশ্লিষ্ট। পঞ্চাশ বৎসরেরও অধিককাল তিনি এখানে আছেন।



ডেডলক্-বংশের বর্তমান প্রতিনিধি যিনি, তিনি শ্রীমতী রাউন্সওয়েলকে যথেষ্ট পছন্দ করেন। শুধু তাহাই নহে, এই বৃদ্ধা মহিলার উপর তাঁহার পর্যাপ্ত বিশ্বাস ও শ্রদ্ধা আছে। স্মার লিষ্টার বর্তমানে ফ্রান্সে সঙ্গীক পর্যটন করিতে গিয়াছিলেন। প্রাসাদের তাঁর শ্রীমতী রাউন্সওয়েলের উপর ছিল।

শ্রীমতী রাউন্সওয়েলের জীবনে নানাপ্রকার দুর্ঘটনা ঘটিয়াছে। তাঁহার দুইটি পুত্র। ছোটটি বিবাগী হইয়া যায়, তার পর সে সৈনিকের কার্যা লইয়া কোথায় যে চলিয়া গিয়াছে, আর ফিরিয়া আসে নাই। সে বহুদিনের কথা। কিন্তু এখনও তাহার প্রসঙ্গ আলোচনা করিতে গেলে শ্রীমতী রাউন্সওয়েলের হাত কাঁপে, তাঁহার বাবহারে উত্তেজনা দৃষ্ট হয়। অপর পুত্রটি যথাসময়ে চেস্নিওডের প্রধান রাজাধি-পদ পাইতে পারিত; কিন্তু সে বয়োবৃদ্ধির সঙ্গে নানাপ্রকার কলকজা তৈয়ারীর দিকে ঝুঁকিয়া পড়িতেছে দেখিয়া শ্রীমতী রাউন্সওয়েলের ঘোরতর আপত্তি সত্ত্বেও স্মার লিষ্টার তাহাকে দূরদেশে কোন কারখানায় কাজ শিখিতে পাঠান। তদবধি সে কাজ শিখিয়া সেই অঞ্চলে বিবাহ করে। এখন তাহার দুইটি পুত্র হইয়াছে। পৌত্রগণ মাঝে মাঝে পিতামহীর সহিত সাক্ষাৎ করিতে আসে।

আলোচ্য দিবসে একটি পৌত্র পিতামহীর কাছে বেড়াইতে আসিয়াছিল। সেটিও বেশ বড় হইয়াছে। পৌত্রের সহিত বৃদ্ধা ঘর-সংসারের নানা কথা আলোচনা করিতেছিলেন। পৌত্র বলিল, “ঠাকুরমা, আপনার কাছে এখন যে মেয়েটি ছিল, সেটি দেখিতে বেশ ত! তার নাম কি বলিতেছিলে, রোজা?”

“হাঁ, দাদা। গ্রামের একটি বিধবার মেয়ে ওটি। উহাকে আমার কাছে রাখিয়া কাজ শিখাইতেছি। লেখা-পড়া বেশ জানে। গৃহস্থালীর কাজ-কর্মেও বেশ পাকা হইয়া উঠিয়াছে। আমার এখানেই ও থাকে।”

“আমি আসায় তিনি চলিয়া গেলেন কেন?”

“বোধ হয়, আমাদের কোন গোপনীয় সাংসারিক কথার আলোচনা আছে মনে করিয়া সে উঠিয়া গিয়াছে। মেয়েটি ভারী লাজুক। লজ্জাটা স্ত্রীলোকের ভূষণ। আজকাল উহা বড় একটা দেখা যায় না। আমাদের সময়ে মেয়েদের লজ্জা-সরম বেশ ছিল।”

এমন সময় অন্ধ-শকটের চক্রশব্দ শুনা গেল। শ্রীমতী বলিয়া উঠিলেন, “এ সময়ে গাড়ীতে কে আসিল?”

কিয়ৎকাল পরে রুদ্ধ দ্বারে মৃৎ করাঘাত হইল। শ্রীমতী রাউন্সওয়েল বলিলেন, “ভিতরে এস।” একটি কক্ষনয়না, কক্ষকেশা গ্রাম্য সুন্দরী সলজ্জভাবে কক্ষমধ্যে প্রবেশ করিল। নবপ্রস্তুত গোলাপের স্মায় তাহার সৌন্দর্য্য যেন ঘরটিকে উজ্জ্বল করিয়া তুলিল।

শ্রীমতী রাউন্সওয়েল বলিলেন, “কে আসিয়াছে, রোজা?”

“দুইটি ভদ্রলোক একখানি বগী চড়িয়া আসিয়াছেন। তাঁহারা বাড়ীটা দেখিতে চাহেন। আমি তাঁহাদিগকে বলিয়াছি, বড় অসময়ে তাঁহারা আসিয়াছেন। কিন্তু অপেক্ষাকৃত অল্পবয়স্ক ভদ্রলোকটি এই কার্ডখানি আপনাকে দিতে বলিলেন।”

গৃহকর্তী তাঁহার পৌত্রকে বলিলেন, “ওয়াট, পড় ত।”

সলজ্জভাবে রোজা কার্ডখানি ওয়াটের হাতে দিতে গেল। কিন্তু উহা ভূমিতে পতিত হওয়ায় উভয়েই একই সময়ে উহা কুড়াইতে গেল। তাহাতে উভয়েরই মাথা ঠুকিয়া গেল। রোজা ইহাতে লজ্জায় আরও জড়সড় হইল।

কার্ডে লেখা ছিল, “মিঃ গুপি।”

“গুপি! মিঃ গুপি! এ নাম ত আমি কখনও শুনি নাই!”

রোজা বলিল, “তিনি আমাকে বলিলেন যে, তাঁহারা লণ্ডন হইতে আসিয়াছেন। এখানে কি কাজ ছিল, তাহা হইয়া গিয়াছে। চেস্নিওডের নাম তাঁহারা শুনিয়াছিলেন, কাজেই কৌতূহলের বশবর্তী হইয়া তাঁহারা উহা দেখিতে আসিয়াছেন। দুই জনেই আইন-ব্যবসায়ী। তিনি বলিলেন, যদিও মিঃ টল্কিংহরণের সহিত তিনি কাজ করেন না বটে, কিন্তু তাঁহার সহিত তাঁহাদের বিশেষ জানাশুনা আছে।”

মিঃ টল্কিংহরণ স্মার লিষ্টারের উকীল। শ্রীমতী রাউন্সওয়েলের উইলও তিনি তৈয়ার করিয়া দিয়াছেন। বৃদ্ধার আর অমত হইল না। তিনি আগন্তুকদিগকে প্রাসাদ দেখিবার অনুমতি দিলেন এবং স্বয়ং দেখাইতে চলিলেন। তাঁহার পৌত্রও সমগ্র প্রাসাদটা দেখিবার ইচ্ছা প্রকাশ করিল।

মিঃ গুপি বলিলেন, “আপনার অনুগ্রহে ধন্য হইলাম। সহর হইতে বাহির হইবার অবকাশ আমাদের মোটে নাই। অনেক দিন পরে যখন বাহিরে আসিতে পারিরাছি, তখন এত বড় দর্শনীয় বিষয়টাকে না দেখিয়া যাইবার ইচ্ছা নাই।”

সবকু মিঃ গুপি রোজার পশ্চাতে চলিলেন। তাঁহাদের পশ্চাতে পৌত্রসহ শ্রীমতী ও উদ্যানরক্ষক আসিতে লাগিল।

সাত শত বৎসরের প্রাচীন প্রাসাদের প্রকাণ্ড কক্ষের দরজা-জানালা খুলিয়া দেখিতে দেখিতে মিঃ গুপির কৌতূহল ক্রমে ক্ষীণ হইয়া আসিতে লাগিল।

কক্ষ হইতে কক্ষান্তরে নীত হইয়া আগন্তুকগণ ক্রমে ক্রান্ত হইয়া পড়িলেন। অবশেষে প্রকাণ্ড ড্রয়িংরুমে যখন তাঁহারা প্রবেশ করিলেন, তখন মিঃ গুপির কৌতূহল সম্পূর্ণ নিবৃত্তি পাইয়াছিল। তিনি কক্ষমধ্যে প্রবেশ করিতে ততটা ইচ্ছুক ছিলেন না। সহসা সন্মুখস্থ একটি চিত্রের প্রতি দৃষ্টি পড়ায় তিনি থমকিয়া দাঁড়াইলেন।

মিঃ গুপি উত্তেজিত-কণ্ঠে, কৌতূহলভরে বলিলেন, “এ কার তৈল-চিত্র?”

রোজা বলিল, “ঐ ছবিখানি আমাদের বর্তমান লেডী



ডেডলক মহোদয়ার। এ ছবিখানি যেন তাঁহার সজীব চিত্র। এমন ছবি আর নাই।”

বন্ধুর দিকে চাহিয়া মিঃ গুপি বলিলেন, “আশ্চর্য্য! আমি কখনও লেডী ডেডলককে দেখি নাই; কিন্তু এই ছবি দেখিয়া মনে হইতেছে, কোথায় যেন আমি দেখিয়াছি! মিস্, এই ছবির কোনও প্রতিলিপি মুদ্রিত হইয়াছে?”

“না মহাশয়, এ ছবিকে স্ত্রীর লিষ্টার কোনও দিন এন্‌গ্রেভ করিতে দেন নাই।”

মিঃ গুপি নিয়ন্তরে আপনা-আপনি বলিয়া উঠিলেন, “আশ্চর্য্য! অথচ আমি কোথায় যেন ইহাকে দেখিয়াছি! ছবিখানি তাহা হইলে লেডী ডেডলকের প্রতিলিপি।”

“ছবির দক্ষিণে যেখানি দেখিতেছেন, উহা স্ত্রীর ডেডলকের। তাহার পাশের খানা তাঁহার পিতার।”

কিন্তু মিঃ গুপির কর্ণে সে সকল কথা প্রবেশ করিল না। তিনি শুধু বলিতেছিলেন, “কি আশ্চর্য্য! ছবিখানিকে আমি খুব চিনি! আমি কি তবে স্বপ্নে এই আলো দেখিয়াছি!”

বহুক্ষণ তিনি ছবির সম্মুখে তন্ময় হইয়া দাঁড়াইয়া রহিলেন। অবশেষে উন্মাদ-রক্ষক জানালা বন্ধ করিলে তিনি মুড়ের স্তায় বাহিরে আসিলেন।

তার পর তাঁহারা ডেডলকের শয়ন-কক্ষ প্রভৃতি দেখিয়া বেড়াইলেন। কিন্তু মিঃ গুপির চক্ষুর সম্মুখে লেডী ডেডলকের আলোখানি ভাসিতে লাগিল।

রোজা বলিল, “নীচে যে ছাদ দেখিতেছেন, সকলে উহার খুব প্রশংসা করে। ইহার নাম ‘ভূতের রাস্তা’। এই বংশের কোন ঘটনার সহিত এই নামের সংস্রব আছে।”

মিঃ গুপি কৌতূহলভরে বলিলেন, “গল্পটা কি, মিস্?”

ওয়াট বলিল, “গল্পটা বলুন না?”

রোজা সলজ্জ বলিল, “আমি ঠিক জানি না।”

শ্রীমতী রাউন্সওয়েল বলিলেন, “আগন্তুক কাহাকেও সে গল্প জানিতে দিবার বিধি নাই। এই বংশের কোন একটা কাহিনী।”

মিঃ গুপি বলিলেন, “ম্যাদাম, ছবির সহিত তাহার কোন সংস্রব আছে কি? শুধু এই কথাটা আমি জানিতে চাই। কারণ, আমি যতই ভাবিতেছি, ততই আমার দৃঢ়-প্রত্যয় হইতেছে যে, এ ছবি আমি পূর্বে কোথায় দেখিয়াছি।”

শ্রীমতী তাঁহাকে বুঝাইয়া দিলেন যে, ঐ ছবির সহিত তাহার কোনও সম্বন্ধ নাই, সে কথা নিশ্চিত। মিঃ গুপি বহুসহ বিদায় লইয়া চলিয়া গেলেন।

পৌত্র ও রোজাকে লইয়া বৃদ্ধা তাঁহার গৃহে বসিলেন। তার পর বলিলেন, “গল্পটা শুনিবার জন্ত কৌতূহল হইয়াছে, বলিতেছি, শুন। রাজা প্রথম চার্লসের সময় স্ত্রীর মোরে ডেডলক এই প্রাসাদের মালিক ছিলেন। রাজার শত্রুদের বিরুদ্ধে ডেডলক-বংশ চিরকাল যুদ্ধ করিয়া আসিয়াছেন।

হতভাগ্য প্রথম চার্লসের পক্ষ তিনি সমর্থন করিতেন বটে; কিন্তু তাঁহার পত্নী ঠিক তাহার বিপরীত ছিলেন। রাজা চার্লসের শত্রু যাহারা ছিলেন, তাঁহাদের দলে মোরে ডেডলকের পত্নীর আত্মীয়-স্বজন ছিলেন। তদানীন্তন লেডী ডেডলক গোপনে তাঁহাদিগকে সাহায্য করিতেন। এই প্রাসাদে যে সকল পরামর্শ হইত, তাহা গোপনে শুনিয়া তিনি শত্রুপক্ষকে জানাইতেন। ওয়াট! ছাদের উপর পায়ের শব্দ শুনিতো পাইতেছ?”

রোজা গৃহকর্ত্রীর আরও কাছে ঘেষিয়া বসিল।

“ছাদের উপর বৃষ্টিপাতের শব্দ শুনিতোছি। সেই সঙ্গে একটা প্রতিধ্বনি উঠিতেছে, যেন তাহাতে মনে হয়, কে যেন থামিয়া থামিয়া হাঁটিতেছে।”

মাথা নাড়িয়া বৃদ্ধা বলিয়া চলিলেন, “যাহা হউক, স্ত্রীর মোরে ও তাঁহার পত্নীর মধ্যে প্রীতির বন্ধন দৃঢ় হয় নাই। লেডী অত্যন্ত দাস্তিক ছিলেন। উভয়ের মতি-গতি সম্পূর্ণ বিভিন্ন ছিল। কোন সন্তানাদি না হওয়ায় উভয়ের মধ্যে ব্যবধান আরও বাড়িয়া গিয়াছিল। ঘরোয়া যুদ্ধে লেডীর ভ্রাতার মৃত্যু হওয়ায় তিনি তাঁহার স্বস্তর-বংশের উপর মন্বাস্তিক চটিয়া গিয়াছিলেন। রাজার জন্ত ডেডলক-বংশের কেহ যখন অশ্বারোহণে যাইতেন, তৎপূর্বে লেডী না কি গোপনে আস্তাবলে গিয়া ঘোড়ার পা খোঁড়া করিয়া রাখিতেন। একবার না কি তাঁহার স্বামী হাতে-নাতে তাঁহাকে আস্তাবলে ধরিয়া ফেলেন। ধস্তাধস্তি করিবার সময় হয় লেডী মাটীতে পড়িয়া যান, অথবা ভয় পাইয়া ঘোড়া তাঁহাকে পদাঘাতই করুক, ঠিক জানি না, লেডীর উরুদেশ ভাঙ্গিয়া যায়। সেই সময় হইতে তিনি ক্রমে ক্রমে শুকাইয়া যাইতে থাকেন।

“তাঁহার সৌন্দর্য্যের খ্যাতি বহু দূরব্যাপী ছিল। তাঁহার পীড়ার কথা তিনি কখনও মুখ ফুটিয়া কাহাকেও বলিতেন না। তিনি যে খঞ্জ হইয়াছিলেন, ক্রমেও তিনি তাহা প্রকাশ করেন নাই। তিনি যষ্টি হস্তে ঐ ছাদে অতিকষ্টে বেড়াইতেন। এক দিন তিনি ছাদ হইতে নীচে পড়িয়া যান। তাঁহার স্বামী তাঁহাকে তুলিতে যান। কিন্তু লেডী যথাতরে তাঁহাকে ঠেলিয়া ফেলিয়া বলেন, ‘আমি এইখানে মরিব। মরিবার পরে ভূত হইয়া এখানে বেড়াইব। যত দিন না এই বংশের গর্ভ ধূলিসাৎ হয়, তত দিন আমি এমনই ভাবে এখানে থাকিব। তা ছাড়া যখনই আমার পদশব্দ শুনাইবে, তখনই বুঝিবে, এই ডেডলক-বংশে কোন না কোন সর্বনাশ সমুপস্থিত।’

ওয়াট একবার রোজার দিকে চাহিল। সে দীর্ঘ-নিশ্বাস সহকারে দৃষ্টি নত করিল।

“লেডী তদবস্থায় সেইখানেই মারা যান। সেই সময় হইতেই ঐ ছাদটাকে ভূতের পথ বলিয়া লোকে জানে। ঐ পদধ্বনি—যাহা এইমাত্র শুনিলে, উহা সেই শব্দ। যখনই

ঐ পদধ্বনি শোনা যায়, অমনই এই বংশের কাহারও না কাহারও মৃত্যু হইয়া থাকে।”

ওয়াট বলিল, “আচ্ছা ঠাকুরমা, বংশে কোন দিন লজ্জাজনক কিছু ঘটে নাই?”

বুঝা বলিলেন, “চেস্নিওড়ে ও ব্যাপারটা কখনই ঘটে না, ঘটতে পারে না। ওয়াট, দেখ ত কটা বেজেছে? ওর বাজনাটা চমৎকার, জান ত?”

“হাঁ, ঠাকুরমা!”

“আচ্ছা, এ দিকে এস ত দাদা। এখনও যদিও অঙ্ককার ভাল করিয়া হয় নাই, তবু গুনিতে পাইবে ছাদের উপর শব্দ হইতেছে, গুনিতে পাইতেছ?”

“হাঁ, ঠাকুরমা।”

“আমাদের বর্তমান লেডীও সেই কথা বলেন।”

৮

নিদ্রাভঙ্গের পর আমি উঠিয়া দেখিলাম, উবার আলোকে আমার ঘরটি ভরিয়া গিয়াছে। বেশভূষা সমাধান করিয়া আমি গৃহকার্য্য করিতে লাগিলাম। সমস্ত বাড়ীটার ভার আমার উপর। হুই তাড়া চাবি সবই আমার হাতে। প্রকাণ্ড বাড়ীটার সর্বত্রই শৃঙ্খলা বিরাজ করিতেছিল। এই সুশৃঙ্খল বাড়ীর আমি গৃহকর্ত্রী। কর্তব্যপালন আমাকে প্রাণপণ যত্নেই করিতে হইবে।

প্রাতরাশের সময় আমিই চা তৈয়ার করিয়া দিলাম। মিঃ স্কিম্পোল চা-পান করিবার সময় মধুমক্ষিকার গল্প জুড়িয়া দিলেন। আমি ইতাবসরে আমার আর একটা কাজ সারিয়া ফেলিতে গেলাম। কার্য্য সমাধা করিয়া আমি ফিরিয়া আসিতেছি, এমন সময় মিঃ জারনুডিস্ আমাকে ডাকিলেন। তাঁহার শয়নকক্ষের পার্শ্বেই একটি ক্ষুদ্র, স্নসজ্জিত পুস্তকাগার। সেই ঘরে আমি প্রবেশ করিলাম।

মিঃ জারনুডিস্ আমাকে বসিতে বলিয়া বলিলেন, “দেখ, লন্নি, যখন আমার কিছুই ভাল লাগে না, আমি এইখানে আসিয়া আশ্রয় লই। এটা তুমি জানিয়া রাখিও।”

আমি বলিলাম, “কিন্তু এখানে আপনি বেশী আসিতে পাইবেন না।”

“তুমি আমাকে জান না, আমি যখনই প্রতারণিত হই— বাতাস যখনই পূবদিক হইতে বহিতে থাকে, তখনই আমি এখানে আসি। আমার প্রকৃতির পরিচয় তুমি এখনও কিছু পাও নাই, লন্নি! ও কি! তুমি অমন-করিয়া কাঁপিতেছ কেন?”

বাস্তবিক আমার আত্মসংবরণের শক্তি তখন ছিল না। অনেক চেষ্টা করিলাম। সেই উদ্যতপ্রাণ, সদাশয় মহাত্মার সম্মুখে একা আমি! তাঁহার প্রসন্ন দৃষ্টি যেন আমাকে স্নেহের সাগরে ডুবাইয়া দিতেছিল! আমার হৃদয় কৃতজ্ঞতা, আনন্দ ও তৃপ্তিতে তখন এমনই ভরিয়া উঠিয়াছিল যে, আমি—

সহসা আমি তাঁহার করপুট চুষন করিলাম। সে সময় আমি কি বলিয়াছিলাম, তাহা আমার মনে নাই। বিচলিতভাবে তিনি জানালায় ধারে চলিয়া গেলেন। আমার মনে হইল, তিনি বুঝি জানালা দিয়াই লাফাইয়া পড়িবেন। সহসা তিনি আমার দিকে ফিরিলেন। দেখিলাম, তিনিও আত্মসংবরণের চেষ্টা করিতেছেন। ধীরে ধীরে তিনি আমার মাথায় হাত বুলাইয়া বসিতে বলিলেন।

“যাক্, এ রকম ছেলেমানুষি করিও না!”

আমি বলিলাম, “দ্বিতীয়বার এরূপ চাক্ষু্য কখনও প্রকাশ করিব না, মহাশয়! কিন্তু প্রথম প্রথম এত কঠিন—

তিনি বলিলেন, “না না, খুবই সহজ। কেন নয়, বল? কোন পিতৃমাতৃহীনা সচরিত্রা একটি বালিকার কথা গুনিলাম। আমার মাথায় খেয়াল জন্মিল, আমি তাহার অভিভাবক হইব। ক্রমে সে বড় হইল, বড় হইয়া, আমি যেরূপ প্রত্যাশা করিয়াছিলাম, তাহার অল্পপাতে সে বড় ভাল মেয়ে হইল। তখন আমি তাহার বন্ধু ও অভিভাবকই রহিলাম। ইহাতে এমন কি বাড়াবাড়ি করিবার আছে? যাক্, এখন পুরাতন কথা ছাড়িয়া দাও। এখন আমি দেখিতেছি, একখানি হাসিভরা, বিশ্বাসভরা মুখ, যাহাকে সর্বস্ব দিয়াও বিশ্বাস করা চলে।”

মনে মনে আমি বলিলাম, “ইহার! সাবধান, বিচলিত হইও না।” হুই হস্ত বন্ধে রাখিয়া আমি আত্মসংবরণ করিলাম। মিঃ জারনুডিস্ আমার ব্যবহারে প্রীত হইয়া আমার সঙ্গে সাংসারিক নানা প্রসঙ্গের আলোচনা করিতে লাগিলেন।

“ইহার, তুমি বোধ হয় আদালতের ব্যাপারটা বুঝিতে পার নাই?”

আমি যে বুঝি নাই, তাহা বাড় নাড়িয়া জানাইলাম।

তিনি বলিলেন, “ব্যাপারটা যে কি, তাহা কেহই জানে না। ব্যবহারাজীবরা ব্যাপারটাকে এখন এমন জটিল করিয়া তুলিয়াছেন যে, প্রকৃত ঘটনাটা তাহাতে চাপা পড়িয়া গিয়াছে। একটা উইল-ঘটিত মোকদ্দমা প্রথমে আরম্ভ হয়। সেই উইলের সর্ভানুসারে যাহাদের সহিত উইলের স্বার্থ বিজড়িত ছিল, তাহাদের বিষয় লইয়াই প্রথমতঃ মোকদ্দমা শুরু হয়। এখন সে সব কোথায় গিয়াছে, খালি খরচ। আমরা সকলেই পুনঃপুনঃ খালি দরখাস্ত করিতেছি, দিন পিছাইয়া দিতেছি। এইরূপে এই মোকদ্দমার শ্রাদ্ধ দীর্ঘকাল ধরিয়া গড়াইতেছে। মোকদ্দমার মূল ব্যাপার এখন দাঁড়াইয়াছে, কে ধরচের দায়ী হইবে? আসল ব্যাপারটা এখন একেবারেই চাপা পড়িয়া গিয়াছে!”

আমি বলিলাম, “কিন্তু মহাশয়! সে উইলের কি হইল?”

তিনি বলিলেন, “আমাদের কোন পূর্বপুরুষ অনেক সম্পত্তি অর্জন করেন। তিনি উইল করিয়া সেই সম্পত্তির



বিলি-ব্যবস্থা করিয়া যান। তার পরে সেই সূত্রে বহুকাল পূর্বে এক মোকদ্দমা বাধে। তদবধি উহা চলিতেছে। এ মোকদ্দমায় আমাদের সংশ্রব আছে; কিন্তু কোনও মতেই ইহা হইতে আমরা উদ্ধার পাইতেছি না। আমাদের ইচ্ছা থাকুক আর না থাকুক, এই মোকদ্দমার নাগপাশ হইতে আমাদের মুক্তি নাই। আমার পিতার পিতৃত্ব (খুল্ল-পিতামহ) টম্ জারনুডিসের সময় হইতেই মোকদ্দমা হইতে উদ্ধার পাইবার বিশেষ চেষ্টা হয়। আমি তাঁহার সম্পত্তির উত্তরাধিকারী ছিলাম। এই বাড়ীতেই তিনি থাকিতেন। সে সময় এই বাড়ীর অবস্থা অত্যন্ত শোচনীয় ছিল।”

আমি বলিলাম, “কিন্তু এখন তেমনই মনোরম হইয়াছে!”

“হাঁ, তিনি সর্বদাই এখানে থাকিতেন। কাহারও সহিত তিনি মিশিতেন না। দিনরাত্রি তিনি মোকদ্দমার কাগজপত্র খাটিতেন। যদি কোনরূপে কোন সূত্রে আবিষ্কার করিতে পারেন, বাহাতে এই মোকদ্দমার কঠিন জাল হইতে মুক্তিলাভ করা যায়, ইহাই ছিল তাঁহার জীবনের প্রধান চেষ্টা। এ দিকে বাড়ীর অবস্থা শোচনীয় হইয়া দাঁড়াইল। দেওয়াল ফাটিতে লাগিল, সেই ফাটলের ভিতর দিয়া বাতাস ঘরের মধ্যে প্রবেশ করিত। ছাদ ভেদ করিয়া বর্ষার বারিধারা গৃহতল সিক্ত করিয়া তুলিত। দরজা-জানালা ভাঙ্গিয়া পড়িবার উপক্রম হইল। সেই সময় আমি তাঁহার মৃতদেহ এই বাড়ীতে লইয়া আসিলাম। তাঁহার মস্তিষ্ক গুলীর আঘাতে বাহির হইয়া পড়িয়াছিল। বাড়ীরও অবস্থা তখন চরমে দাঁড়াইয়াছিল।”

তিনি এই কথা বলিবার পর গৃহমধ্যে পাদচারণা করিতে লাগিলেন। যখন আমার দিকে চাহিলেন, তখন দেখিলাম, তাঁহার মুখের অপ্রসন্নভাব দূরীভূত হইয়াছে। আমার পার্শ্বে আসিয়া তিনি উপবেশন করিলেন।

তার পর বলিলেন, “আমি কতদূর বলিয়াছি?”

আমি তাঁহাকে স্মরণ করাইয়া দিলাম যে, রিক হাউসের পরিবর্তনের কথা তিনি সবে আরম্ভ করিয়াছিলেন।

তিনি বলিলেন, “হাঁ। এ সব কথা আমি কাহারও সহিত কোনও দিন আলোচনা করি নাই। যদি তুমি সঙ্গত বিবেচনা কর, তবে রিক ও আদাকে এ সকল কথা বলিতে পার। আমি সম্পূর্ণরূপে তোমার উপরেই নির্ভর করিলাম।”

আমি বলিলাম, “মহাশয়—”

তিনি বাধা দিয়া বলিলেন, “তুমি আমাকে এখন হইতে কর্তা বলিয়া ডাকিও। মহাশয় বলিও না।”

আমার মন আবার আনন্দে উল্লাসে ফীত হইয়া উঠিল। আমি বলিলাম, “কর্তা, আপনি আমাকে অধিক বিশ্বাস করিবেন না। আপনি যতটা ভাবিতেছেন, ততটা বুদ্ধিমতী, চালাক আমি নই। শেষকালে আপনাকে আপশোষ করিতে হইতে পারে।”

দেখিলাম, আমার কথায় তিনি বিস্ময়ের হতাশাস হইলেন না। বরং ঠিক তাঁহার বিপরীত ভাষা দেখিলাম।

হাসিমুখে তিনি বলিলেন যে, আমাকে তিনি খুব জানেন। তাঁহার কাছে আমি খুব বুদ্ধিমতী। অস্তুতঃ আমার ঘটে যেটুকু বুদ্ধি আছে, তাহাই তাঁহার কাছে পর্যাাপ্ত।

আমি বলিলাম, “কর্তা, তাই যেন হয়। কিন্তু আমার মনে সে সন্দেহ সন্দেহ আছে।”

সহাস্ত্রে মিঃ জারনুডিস্ বলিলেন, “হবে গো লস্কি! তোমার বুদ্ধিতেই আমাদের যথেষ্ট হবে। যাক, এখন আমাদের কথা আরম্ভ করি। ধর, রিক খুব বুদ্ধিমান্ সুবক। কিন্তু তাহার সন্দেহ কি করা যায় বল ত?”

কি আশ্চর্য্য। এ বিষয়েও তিনি আমার পরামর্শ চাহেন!

“তাহার কোন না কোন ব্যবসায় অবলম্বন করা আবশ্যিক। নিজের ইচ্ছামত কোন একটা কাজ সে বাছিয়া লউক।”

আমি বলিলাম, “আমার মনে হয়, রিচার্ডকে জিজ্ঞাসা করা উচিত, তিনি কি কাজ পছন্দ করেন।”

তিনি বলিলেন, “ঠিক তাই। আমার মনের উদ্দেশ্যও তাই! তোমার বেশ বুদ্ধি আছে। কথাটা তুমি তাহার কাছে কোশলে উত্থাপন করিও। তোমার দ্বারাই এ কাজটা চমৎকার হইবে।”

ক্রমশঃ আমার দায়িত্ব বাড়িতেছে দেখিয়া একটু আশঙ্কাও গুলিল। অনেক গুরুতর বিষয়ের ভার আমার উপর অর্পিত। আমি ভাবিয়াছিলাম, তিনিই রিচার্ডকে জিজ্ঞাসা করিবেন, তাহা না হইয়া ভারটা আমার উপরেই পড়িল। কি আর করিব, উপায় নাই। কাজেই ভার লইতে হইল।

আসন্ন ত্যাগ করিয়া তিনি বলিলেন, “আজ এই পর্য্যন্ত থাক। আমাদের এখনকার কাজ আজিকার মত হইয়াছে। একটা কথা, ইহার, আমার কাছে তোমার কোন প্রার্থনা আছে?”

আমি তাঁহার দৃষ্টি দেখিয়া তাহার অর্থ বুঝিলাম। বলিলাম, “আমার নিজের সন্দেহ?”

“হাঁ।”

আমি বলিলাম, “কিছুই না। যদি আমার কিছু জানিবার থাকিত, আমার দৃঢ় বিশ্বাস, আপনি মধ্যাচিত্তভাবে আমাকে তাহা বলিতেন। আমি যদি সর্কাস্তঃকরণে এখনও আপনাকে বিশ্বাস না করিয়া থাকি, তবে আমার মত অকৃতজ্ঞ, পাষণ্ড আর কেহ নাই। না, আপনাকে প্রশ্ন করিবার এ জগতে আমার কিছুই নাই।”

তিনি আমার বাহু ধারণ করিয়া আমাকে লইয়া চলিলেন। আদার সন্ধানে আমরা চলিলাম। এই ঘটনার পর হইতে আর আমি তাঁহার সঙ্গে কথা বলিতে উত্তেজনা প্রকাশ করিতাম না। তাঁহাকে এখন অনেকটা চিনিতে পারিয়াছিলাম।

ব্রিক হাউসে প্রথমতঃ আমাদের জীবন কৰ্মময় ছিল। এখানকার বহু অধিবাসীর সহিত আলাপ-পরিচয় হওয়ায় তাঁহাদের বাড়ী বেড়াইতে যাইতে হইত। মিঃ জারনুডিসের সহিত সকলেরই পরিচয় ছিল। যে সকল মহিলার সহিত আমাদের পরিচয় হইয়াছিল, তন্মধ্যে শ্রীমতী পার্ভিগান্ শ্রেষ্ঠ। তিনি খুব দয়ভারী নারী। গলার স্বরও যেমন গম্ভীর, চেহারাখানাও তেমনই জমকালো ছিল।

এক দিন বিবি পার্ভিগানের সহিত আমরা গ্রামে বেড়াইতে গেলাম। ইষ্টক তৈয়ারকারী একঘর লোকের বাড়ী বেড়াইবার পর আমরা আর একটি কুঠীতে গেলাম। দেখিলাম, একটি যুবতী একটি শিশুকে কোলে করিয়া বসিয়া আছে। তাহার দিকে চাহিয়া বুলিলাম, শিশুটির প্রাণ ইহজগতে নাই। যুবতীকে আমরা সাস্তুনা কি দিব? তাহার স্বামী অদূরে দাঁড়াইয়া ধূমপান করিতেছিল। আমার রুমাল দ্বারা শিশুর দেহ আবৃত করিয়া দিলাম। একটি কুৎসিত-দর্শনা নারী সেই সময় ছুটিয়া আসিয়া যুবতীর গলা জড়াইয়া “জেনি! জেনি!” বলিয়া কাঁদিতে লাগিল। সে দৃশ্য বড় করুণ।

রাত্রিকালে রিচার্ডের সঙ্গে আমরা আবার সেই কুঠীতে আসিলাম। সেই কুরূপা নারী বাহিরে উৎকর্ষাভরে দাঁড়াইয়াছিল।

আমাদিগকে দেখিয়া বলিল, “ও, আপনারা আসিয়াছেন? আমি দেখছি, আমার কর্তা আসছে কি না। একবার যদি সে জানতে পারে, আমি বাড়ীতে নাই, তবে আমাকে আর আস্ত রাখবে না!”

আমি বলিলাম, “তোমার স্বামীর কথা বলিতেছ?”

“হাঁ, মিস, আমার স্বামী। জেনি এখন ঘুমুচ্ছে। আহা, বেচারী একেবারে মুন্ডে পড়েছে। এই সাত দিনের মধ্যে একবারও সে কোল থেকে ছেলেকে নামায় নি। শুধু আমি যা ছ’এক মিনিটের জন্ত কোলে নিতাম।”

সে আমাদিগকে ভিতরে প্রবেশ করিতে দিল এবং নিজেও নিঃশব্দে আমাদের সঙ্গে ভিতরে গেল। আমাদের আনিত জিনিসগুলি সে নিদ্রিতা যুবতীর মলিন শয্যাপার্শ্বে রাখিয়া দিল। দেখিলাম, শিশুর মৃতদেহের উপর সে এক-গোছা ফুল রাখিয়া দিয়াছে।

আমরা বলিলাম, “তুমি বড় ভাল মেয়ে, বাছা। ভগবান তোমার মঙ্গল করিবেন।”

সে সবিস্ময়ে বলিল, “কার কথা বলছেন? আমি?—চুপ!—জেনি! জেনি!”

নিদ্রিতা যুবতী ঘুমঘোরে কাঁদিয়া উঠিয়াছিল! কিন্তু পরিচিত কণ্ঠের শব্দ শুনিয়া সে বোধ হয় চুপ করিল। আমরা বিদায় লইলাম, কিন্তু এই অশিক্ষিতা গ্রাম্য-নারীর হৃদয়ের কোমলতা ও দয়া দেখিয়া মুগ্ধ হইলাম।

৯

আদা ও রিচার্ডের মধ্যে প্রথম দিন দিন প্রগাঢ় হইতেছিল তাহা বুলিতেছিলাম, কিন্তু আশ্চর্যের বিষয়, উভয় পক্ষ হইতে কোনও দিন সে সম্বন্ধে বাহিরে কোন ভাব প্রকাশ পাইত না।

রিচার্ড নাবিক হইবেন। কথায় কথায় এক দিন তাঁহার মনের ভাব প্রকাশ করিতেছিলেন। বাল্যকাল হইতেই নাকি তিনি সমুদ্রযাত্রার পক্ষপাতী। মিঃ জারনুডিস তাঁহার কোনও আত্মীয়—স্তার লিষ্টার ডেডলককে এ বিষয়ে পত্র লিখিয়াছিলেন। তিনিও এই নবযুবককে এ বিষয়ে তাঁহার সাধ্যানুসারে সাহায্য করিতে প্রতিকৃত হইয়াছেন।

এক দিন প্রাতরাশের সময় মিঃ জারনুডিস আমাদিগকে জানাইলেন যে, তাঁহার এক বন্ধু সেই দিন অপরাহ্নে সেখানে আসিবেন। তাঁহার নাম মিঃ লরেঞ্জ বয়থরন।

আমি তাঁহার অভ্যর্থনার সমুদয় বন্দোবস্ত করিয়া রাখিলাম। মিঃ জারনুডিস তাঁহার যেক্রম পরিচয় দিয়াছিলেন, তাহাতে বৃদ্ধ ভদ্রলোকটিকে দেখিবার জন্ত আমার অত্যন্ত কৌতূহল হইয়াছিল। সাগ্রহে আমরা তাঁহার আগমন প্রতীক্ষা করিতে লাগিলাম। কিন্তু নৈশভোজের সময় অতীত হইয়া গেলেও তিনি আসিলেন না। আমরা এক ঘণ্টা আহ্বারের সময় পিছাইয়া দিলাম। সহসা বহির্দ্বারে উচ্চ কণ্ঠস্বর শ্রুত হইল।

অতিথি আসিয়াছেন। ভিন্নপথে তাঁহারা চলিয়া গিয়াছিলেন। শেষে অনেক ঘুরিয়া তিনি আসিয়াছেন। আমাদিগকে প্রতীক্ষায় রাখিয়া তিনি বড় অন্ডায় করিয়াছেন বলিয়া আপশোষ করিতে লাগিলেন।

লোকটি দীর্ঘাকার, বলিষ্ঠ এবং প্রিয়দর্শন। মিঃ জারনুডিসের অপেক্ষা তিনি কয়েক বৎসরের বড় গুনিলাম। এমন সদানন্দ লোক কমই দেখিয়াছি। এই বয়সেও তাঁহার উৎসাহের অন্ত ছিল না। তাঁহার হাশ্বধ্বনিতে সমস্ত বাড়ীটা মুখরিত হইয়া উঠিতে লাগিল।

আহারে বসিয়া তিনি নানাপ্রকার গল্প করিতে লাগিলেন। জমীর ব্যাপার লইয়া স্তার লিষ্টারের সহিত তাঁহার মোকদ্দমা চলিতেছে, তাহাও বলিলেন। স্তার লিষ্টার সম্বন্ধে তাঁহার ধারণা দেখিলাম ভাল নয়। স্তার লিষ্টার আদা ও রিচার্ডের দূর-আত্মীয়।

মিঃ বয়থরন আমাদিগকে জিজ্ঞাসা করিলেন যে, লণ্ডনস্থ তাঁহার উকীলের ভবন হইতে কোনও লোক তাঁহার সন্ধানে এখানে আসিয়াছিল কি না।

আমি বলিলাম যে, কেহ আসে নাই।

তিনি বলিলেন, “কাল বোধ হয় কেহ না কেহ আসিবে।”

আদা ও রিচার্ড পিয়ানোর ধারে গেলেন। মিঃ বয়থরন সঙ্গীতের বিশেষ প্রিয়। তিনি একমনে গান গুনিতে লাগিলেন। তিনি যে গানের একান্ত ভক্ত, সে কথা বলিবার



অবকাশমাত্র তাঁহার হয় নাই; তাঁহার মুখভঙ্গী দেখিয়াই তাহা বুঝিতে পারা যায়। আমি কর্তাকে জিজ্ঞাসা করিলাম, মিঃ বয়থরন কখনও বিবাহ করিয়াছিলেন কি না।

তিনি বলিলেন, “না।”

আমি বলিলাম, “কিন্তু তাঁহার বিবাহ করা উচিত ছিল। বিবাহের যোগ্য লোক তিনি।”

হাসিয়া কর্তা বলিলেন, “তুমি তাহা বুঝিলে কিরূপে?”

আমি বলিলাম, অবশ্য বলিবার সময় আমার মুখমণ্ডল একটু আরক্ত হইয়াছিল, “তাঁহার ব্যবহারে এমন একটা কোমলতা আছে, আমাদের সঙ্গে ব্যবহারের সময় এমনই ভদ্রতা ও শালীনতা আছে যে,—”

কথাটা শেষ করিতে পারিলাম না। মিঃ জারনডিস্ মিঃ বয়থরনের দিকে দৃষ্টিপাত করিয়া বলিলেন, “তোমার কথাই ঠিক। একবার তাঁহার বিবাহের সমুদয় আয়োজন হইয়াছিল। সে একটবার মাত্র। অনেক দিন পূর্বের কথা অবশ্য।”

“সে মহিলাটি কি মারা গিয়াছেন?”

“না—তবে তিনি তাঁহার কাছে মৃত বটে। সেই দিনের প্রভাবটা এখনও তাঁহার জীবনে আছে। তুমি কি কল্পনা করিতে পার যে, তাঁহার হৃদয় এখনও কল্পনায় পরিপূর্ণ?”

“হাঁ, কর্তা মহাশয়, আমার তাহাই মনে হয়। তবে আপনি বলিতেছেন বলিয়া আমার পক্ষে সে অনুমান করাটা সহজ হইল।”

মিঃ জারনডিস্ বলিলেন, “তার পর তিনি আর তেমনটি হইতে পারিলেন না। এই বয়সে তাঁহার সঙ্গী কেহ নাই, ভৃত্য ছাড়া তাঁহাকে দেখিবারও কেহ নাই—এইবার তোমার বল দিবার পালা।”

খেলা চলিল। বুঝিলাম, আর বেশী এ বিষয়ে আলোচনা করি, ইহা তাঁহার অভিপ্রেত নহে। আমি আর কোন প্রশ্ন করিলাম না। অবশ্য আমার জানিবার জন্ত ঔৎসুক্য হইয়াছিল, কিন্তু কৌতুহল দমন করাই কর্তব্য। রাতিকালে আমি মিঃ বয়থরনের যৌবনকালের প্রমক্যাহিনীর কথা মনে মনে একটু আলোচনা করিয়াছিলাম।

সকালবেলা মেসার্স কেন্জি ও কারবয়ের নিকট হইতে মিঃ বয়থরনের নিকট একখানি পত্র আসিল। তাহাতে লেখা ছিল যে, তাঁহাদের আপিসের জনৈক কেরানী অজ্ঞ মধ্যাহ্নে তাঁহার সহিত দেখা করিতে আসিবেন। আজ হুগো মিটা-ইবার দিন। আমি সকাল হইতেই বিলের টাকা পরিশোধ প্রকৃতি ব্যাপারে লিপ্ত ছিলাম। আদা, রিচার্ড ও মিঃ জারনডিস্ বেড়াইতে বাহির হইয়াছিলেন। মিঃ বয়থরন লগুন হইতে যে কেরানী আসিবার কথা ছিল, তাহার প্রতীক্ষায় রহিলেন।

আমি গৃহকার্যে ব্যাপ্ত, এমন সময় মিঃ গুপিকে লইয়া ভৃত্য কক্ষমধ্যে প্রবেশ করিল। আমি ভাবিয়াছিলাম, এই

• যুবক কেরানীই এখানে আসিবেন। কেন এমন মনে

হইয়াছিল, তাহা জানি না। কিন্তু তাঁহাকে দেখিয়া একটু খুসী হইলাম।

ভদ্রলোক আজ একটু অধিক সাজসজ্জা করিয়া আসিয়াছিলেন। তাঁহার পরিচ্ছদ নূতন ও পরিষ্কার অঙ্গুলিতে একটি ভারী স্বর্ণাঙ্গুরীয়। কোটের কোমরের ছিদ্রপথে একটি গোলাপ-পুষ্প। তাঁহার অঙ্গ হইতে পুষ্প-নির্যাসের মধুর গন্ধও উথিত হইতেছিল। আমি তাঁহাকে সম্মিহিত আসনে বসিতে অনুরোধ করিলাম। পথে তাঁহার আসিতে কোনও কষ্ট হইয়াছে কি না, তাহাও জিজ্ঞাসা করিলাম। এতক্ষণ তাঁহার দিকে না চাহিয়াই আমি প্রশ্ন করিয়া যাইতে ছিলাম। সহসা নয়ন তুলিয়া চাহিয়া দেখিলাম, ভদ্রলোক আমার দিকে তীক্ষ্ণদৃষ্টিতে চাহিয়া আছেন।

মিঃ বয়থরনের নিকট যাইবার ডাক পড়িল। আমি তাঁহাকে বলিয়া দিলাম যে, কার্যশেষে যথাস্থানে তিনি নীচে আসিবেন, সেই সময় কিছু জলযোগ তাঁহাকে করিতে হইবে, সমস্ত ব্যবস্থা ঠিক আছে। মিঃ জারনডিস্ তাঁহাকে অনাহারে যাইতে দিবেন না। একটু কুণ্ঠিতভাবে মিঃ গুপি বলিলেন, “সে সময় কি আপনি উপস্থিত থাকিবেন?” আমি বলিলাম যে, তখন আমার উপস্থিত থাকিবারই সম্ভাবনা। ইহা শুনিয়া যুবক আমাকে অভিবাদন করিলেন এবং গৃহ-ত্যাগের সময় আর একবার আমার দিকে চাহিলেন।

আমার মনে হইল, ভদ্রলোক যেন অত্যন্ত কুণ্ঠিত হইয়া পড়িয়াছেন। কারণ, তাঁহার জলযোগের সময় উপস্থিত থাকাই প্রয়োজন বলিয়া বোধ করিলাম। বহুক্ষণ পরে মিঃ গুপি নীচে নামিয়া আসিলেন। আমি তাঁহাকে জলযোগ করিতে অনুরোধ করিলাম।

তিনি আসন গ্রহণ করিলেন। তিনি যে একটু চলিত হইয়াছেন, তাঁহার ব্যবহারেই তাহা প্রকাশ পাইল। কাঁটা-চাম্চে হাতে লইয়া ভদ্রলোক আমার দিকে চাহিয়া আছেন দেখিয়া আমি তাঁহাকে বলিলাম যে, এক্ষণে বিলম্ব করিলে সময়ে তিনি লগুনে পৌঁছিতে পারিবেন না।

তিনি তখন ভোজনে বসিলেন। আমাকে বলিলেন, “মিস্, আপনি কিছু খাইবেন না?”

“না, ধন্যবাদ। আপনি আরম্ভ করুন।”

এক গ্লাস সুরা উদরস্থ করিয়া তিনি বলিলেন, “একটু কিছু খান না?”

“না, আমার এখন প্রয়োজন নাই। শুধু আপনার আহ্বারের অস্ববিধা হইবে বলিয়া আমি অপেক্ষা করিতেছি। আপনার আর কিছু চাই কি?”

“না, মিস্, আমার আর কিছু দরকার নাই।” এই বলিয়া তিনি আরও দুই গ্লাস সুরা উদরস্থ করিলেন। আমি ভাবিলাম, এইবার চলিয়া যাই।

আমাকে উঠিতে দেখিয়া মিঃ গুপি উঠিয়া দাঁড়াইয়া বলিলেন, “ক্ষমা করিবেন, মিস্। আপনার সহিত নির্জনে

আমার গোটা কয়েক গোপন কথা আছে। দয়া করিয়া শুনিবেন কি ?”

প্রতিবাদের কিছু না দেখিয়া আমি আবার বসিয়া পড়িলাম। বলিলাম, “আপনার উদ্দেশ্য আমি বুঝিতে পারিলাম না।”

“মিস্, ওটা আমাদের আইনের একটা সংজ্ঞামাত্র। আমি আপনাকে যে কথাটা বলিতে চাই, তাহা কাহারও নিকট প্রকাশ করিবেন না, এইমাত্র অনুরোধ।”

আমি বলিলাম, “বড়ই বিস্ময়ের কথা, আমি আপনার সহিত বিশেষ পরিচিত নই। এক দিন কয়েক ঘণ্টার জন্য আপনার সহিত মাত্র সাক্ষাৎ হইয়াছিল, ইহাতে আপনি আমার নিকট বিশ্বাস করিয়া এমন কি কথা বলিতে চাহেন? যাহা হউক, আমার দ্বারা আপনার কোন ক্ষতি হইবে না, ইহা জানিয়া রাখুন।”

“উহাই যথেষ্ট। ধন্যবাদ। কথাটা বলিবার পূর্বে আমি আর একবার এক গ্লাস সুরাপান করিব, পাছে সঙ্কোচে সব কথাটা প্রকাশ করিতে না পারি, আপনি কিছু মনে করিবেন না।”

ভদ্রলোক ফিরিয়া আসিলেন। তার পর বলিলেন, “আপনি একটু পান করিবেন কি? না? আচ্ছা থাক, তবে আমার কথাটা বলি। কেন্জির ওখানে আমি এখন সপ্তাহে ত্রিশ টাকা পাই। আপনার সহিত যখন আমার দেখা হইয়াছিল, তখন আমার সাপ্তাহিক বেতন ছিল বারো টাকা! অল্পদিনে বেতন বাড়িয়াছে, আরও কিছু বাড়িবার সম্ভাবনা আছে। আমার মারও কিছু সম্পত্তি আছে। তাহার উপস্থিতি তিনি স্বাধীনভাবে জীবন যাপন করেন। শাওড়ী হইবার তাঁহার একান্ত ইচ্ছা। একটু আধটু দোষ তাঁহার আছে, তা সে রকম ক্রটি মানুষমাত্রেরই আছে। আমার নিজের বাসাটিও ভাল। মুক্ত বাতাস ও মুক্ত আলো সর্বদাই পাওয়া যায়। সোজা কথায় বলিতেছি, মিস্ সমারসন, আপনি কি আমার আরজি গ্রহণ করিবেন?”

বলিতে বলিতে তিনি জানু পাতিয়া বসিয়া পড়িলেন। টেবলের পার্শ্বে আমি নিরাপদভাবেই বসিয়াছিলাম, স্মরণ্য আশঙ্কার কারণ নাই দেখিয়া বলিলাম, “আপনি শীঘ্র উঠুন মহাশয়, নহিলে এখনই চাকরকে ডাকিতে বাধ্য হইব।”

যুক্তকরে মিঃ গুপি বলিলেন, “মিস্, আমার সব কথাটা শুনুন।”

“আপনি যতক্ষণ না উঠিবেন, আমি আপনার একটা কথাও শুনিব না। আপনার ধড়ে যদি এতটুকু জ্ঞান থাকে, তবে আপনার আসনে গিয়া বসুন।”

তিনি কাতর নয়নে চাহিয়া আসন গ্রহণ করিলেন।

আমি বলিলাম, “আপনার কথা শেষ করিয়া ফেলুন।”

“বলিতেছি।” মিঃ গুপি বলিলেন, “আপনি অনুগ্রহ করিয়া আমার পাণিগ্রহণ করিবেন?”

“অসম্ভব। ও কথা ছাড়িয়া দিন!”

আমার উপর হইতে দৃষ্টি না সরাইয়া তিনি বলিয়া চলিলেন, “অবশ্য আমার প্রস্তাবের মূল্য বড় কম। কারণ, আমি ধনী নহি। কিন্তু মিস্ সমারসন,—ঘণ্টা বাজাইবেন না, আর একটা কথা শুনুন। যে দিন প্রথম আপনাকে দেখি, সেই মুহূর্ত্তেই আপনার সৌন্দর্য্যে আমি মুগ্ধ হইয়াছিলাম। সেই দিন হইতে আপনার মূর্ত্তি আমার হৃদয়ে চির-মুদ্রিত হইয়া রহিয়াছে। আপনি আমার উপেক্ষা করিবেন না। আমি প্রকৃতই আপনাকে ভালবাসিয়াছি।”

আমি বলিলাম, “মিঃ গুপি, আমি আপনার মনে ব্যথা দিতে চাহি না। কিন্তু এ সকল বিষয়ের আলোচনা নিম্প্রয়োজন। এখন আপনি যাইতে পারেন, ভবিষ্যতে এ সকল চিন্তা মনে স্থান দিবেন না। ভগবানের কাছে প্রার্থনা করি, আপনার ব্যবসায় সাক্ষর্য লাভ করুন।”

আমি ঘণ্টার দড়িতে হাত রাখিলাম।

“আধ মিনিট, মিস্!” গুপি বাধা দিয়া বলিলেন, “আপনি আমার উপর ক্রোধ করেন নাই?”

“না। যদি ভবিষ্যতে আপনি আমাকে বিরক্ত না করেন, তবে আমি অঙ্কার কথা কাহারও নিকট প্রকাশ করিব না।”

“আর এক মুহূর্ত্ত মাত্র, মিস্! যদি কখনও—সুদূর-ভবিষ্যতেও—যদি কখনও আপনার মতের পরিবর্তন ঘটে—৮৭ নং পেন্টন প্লেসে, অথবা যদি তন্মধ্যে আমি মরিয়া যাই বা স্থানত্যাগ করি, তবে ৩০২ নং ওল্ড স্ট্রীট রোডে আমার মাতার নিকট সংবাদ দিবেন।”

আমি ঘণ্টাধ্বনি করিলাম। ভৃত্য আসিয়া মিঃ গুপীকে পথ দেখাইয়া চলিল। তিনি তাঁহার নামের ঠিকানাযুক্ত কার্ডখানা টেবলের উপর রাখিয়া আমার দিকে চাহিতে চাহিতে চলিয়া গেলেন।

আমি আরও কিছুক্ষণ টেবলের উপর বসিয়া কাজকর্ম শেষ করিলাম। আমার মনের অবস্থা এমনই প্রসন্ন যে, উক্ত ঘটনা প্রায় ভুলিয়া গেলাম। কিন্তু নিজের শয়নকক্ষে প্রবেশ করিলাম যেন খুব হাসি পাইল, তার পর আবার কান্নাও আসিল। কে যেন বহুদিন স্তম্ভ হৃদয়-বীণার তন্ত্রীতে অতি কঠোরভাবে আঘাত করিয়াছে!

চ্যান্সারি লেনের পূর্বপ্রান্তে মিঃ স্নাগস্বির দোকান। তিনি আইন-ব্যবসায়ীদিগের প্রয়োজনীয় যাবতীয় দ্রব্য সরবরাহ করিয়া থাকেন। কাগজ, কলম, পেন্সিল হইতে আরম্ভ করিয়া ত্রিফলেক্সা, মোকদ্দমার যাবতীয় বিষয়ের কাগজ-পত্রাদি নকল করার সমুদয় কার্যই সম্পাদন করিয়া থাকেন।

মিঃ স্নাগস্বি সঙ্গীক এই দোকান-বাড়ীর অগ্গাণ্ড ঘরে বাস করেন। তাঁহাদের দুই দেহে এক মন। কণ্ঠস্বরও



একটিমাত্র—অবশ্য প্রতিবেশীদের মতে। তাঁহাদের একটি পরিচারিকা আছে, তাহার নাম গষ্টার। তাহার বয়সক্রম ত্রয়োবিংশ কি চতুর্বিংশতি হইলেও তাহাকে দেখিতে আরও দশ বৎসরের অধিকবয়স্ক বলিয়া বোধ হয়। মুর্ছার ব্যায়রাম আছে বলিয়া অল্প খরচে স্নাগস্বি-দম্পতি তাহাকে রাখিতে পারিয়াছেন।

সে দিন অপরাহ্নে মিঃ স্নাগস্বি দোকানঘরের সম্মুখে দাঁড়াইয়া আকাশের দিকে চাহিয়াছিলেন। তখনও সন্ধ্যার অন্ধকার ঘনাইয়া আসে নাই বটে, তবে গ্যাসের আলোক জ্বলিয়া উঠিয়াছিল।

মিঃ স্নাগস্বি দাঁড়াইয়া থাকুন, ইত্যবসরে আমরা মিঃ টল্কিংহরণের বাড়ীতে একবার ঘুরিয়া আসি। লিঙ্কলনস্ ইন্ ফিল্ড্‌সের একটি বৃহৎ অট্টালিকায় এই প্রসিদ্ধ ব্যবহারাজীব বাস করিতেন। বাড়ীতে যথেষ্ট বড় বড় কক্ষ আছে। পল্লীগ্রামে যখন তিনি না যাইতেন, নগরের এই অট্টালিকাতেই তিনি যাপন করিতেন। অল্প তিনি টেবলে বসিয়া কাজ করিতেছিলেন। তাঁহার মুখ হইতে কেহ কখনও কাহারও গুপ্ত কথা জানিতে পারে নাই। ভারী চাপা মানুষ।

তাঁহার টেবলের উপর, পার্শ্বেই হস্তলিখিত একতড়া কাগজ রহিয়াছে। কিন্তু মিঃ টল্কিংহরণ সেগুলি নাড়া-চাড়া করিতেছিলেন না।

মিঃ টল্কিংহরণের লোকজন বেশী ছিল না। শুধু এক জন আধাবয়সী লোক তাঁহার সকল কার্য সম্পন্ন করিত। সাধারণ লোকের মত তিনি ছিলেন না। কেরাণী তিনি রাখিতেন না। তিনি মক্লেঙ্গনের অশেষ বিশ্বাসভাজন ছিলেন। তাঁহার পেটের ভিতর কি আছে, কাহারও সাধ্য নাই তাহা জানিয়া লয়। মক্লেঙ্গরা তাঁহাকেই জানিত। তিনিই “সর্কে-সর্কা” ছিলেন। যখন কোনও বিষয়ের মুসাবিদা করিতে হইত, তাঁহার নির্দেশানুসারে বারের বিশেষজ্ঞ কেহ তাহা করিত। কোনও বিষয়ের লেখা-নকল করাইয়া লইতে হইলে মিঃ স্নাগস্বির দ্বারা তাহা করাইতেন। সে জন্ত অর্থবারে মিঃ টল্কিংহরণ কোনও দিন উদাসীন ছিলেন না।

কাজ করিতে করিতে সহসা তিনি আসন ত্যাগ করিলেন, চশমাটা ভাল করিয়া নাকের উপর আঁটিয়া দিয়া, টুপিটা মাথায় দিলেন। তার পর হস্তলিখিত কাগজের তড়াটা পকেটে লইয়া বাহির হইলেন। যাইবার সময় আধাবয়সী ভৃত্যকে বলিয়া গেলেন যে, তিনি অবিলম্বেই ফিরিয়া আসিতেছেন।

মিঃ টল্কিংহরণ স্নাগস্বির দোকানের দিকে চলিলেন। নীচের তলায় দরজার কাছে আসিয়া তিনি পরিচারিকা গষ্টারকে দেখিলেন। মনিব বাড়ী আছেন? হাঁ আছেন, পরিচারিকা দ্রুতপদে মিঃ স্নাগস্বিকে ডাকিতে গেল।

স্নাগস্বি আসিয়া দেখিলেন, স্বয়ং মিঃ টল্কিংহরণ দ্বারপ্রান্তে দণ্ডায়মান। ব্যস্তভাবে বৃদ্ধ তাঁহাকে অভ্যর্থনা করিলেন।

“স্নাগস্বি, তোমার সঙ্গে একটা কথা আছে।”

“আসুন, আসুন। আপনার লোকটাকে পাঠাইলেই চলিত।”

উভয়ে একটি নিভৃত কক্ষমধ্যে প্রবেশ করিলেন।

একটা টুলের উপর বসিয়া মিঃ টল্কিংহরণ বলিলেন, “জারন্ডিস্ ও জারনডিস্, স্নাগস্বি।”

গ্যাস জ্বালিয়া দিয়া স্নাগস্বি অর্থলাভের আশায় উৎফুল্ল হইয়া উঠিলেন।

“সংপ্রতি তুমি এই মোকদ্দমা-সংক্রান্ত কতকগুলি এফিডেভিট নকল করিয়া দিয়াছিলে।”

“হাঁ, মহাশয়।”

“তন্মধ্যে একটার হাতের লেখাটা কিছু বিচিত্র রকমের। লেখাটা আমার পছন্দসই হইয়াছিল। কাগজটা আমার সঙ্গে নাই—এ দিক দিয়া যাইবার সময় মনে হইল, লেখাটা কাহার জানিয়া লই। কাগজটা—হাঁ, পকেটেই আছে দেখিতেছি। এটা কে নকল করিয়াছিল হে?”

টেবলের উপর কাগজটা মেদিয়া ধরিয়া মিঃ স্নাগস্বি বলিলেন, “কে নকল করিয়াছিল, জানিতে চান? আজকাল কাজের ভিড় খুব বেশী। আচ্ছা, আমি বই দেখিয়া এখনই বলিয়া দিতেছি।”

বহি লইয়া দেখিতে দেখিতে তিনি বলিয়া উঠিলেন, “এই সে পাইয়াছি। যে লোকটা নকল করিয়াছিল, সে এই গলির ওধারেই থাকে।”

মিঃ টল্কিংহরণ খাতাখানা লইয়া স্বয়ং দেখিলেন। বলিলেন, “নামটা কি? নেমো?”

“হাঁ, মহাশয়, নেমো। ৪২ পৃষ্ঠা। বুধবারের রাত্রিতে নকল করিতে দিয়াছিলাম, বৃহস্পতিবারের সকালে ফেরৎ পাইয়াছিলাম।”

মিঃ টল্কিংহরণ আপন মনে বলিলেন, “নেমো! নেমোর ল্যাটিন অর্থ হইতেছে কেহ নয়।”

মিঃ স্নাগস্বি বলিলেন, “ইংরাজীতে কাহাকেও বুঝাই-তেছে? একটা লোকের নাম।”

ব্যবহারাজীব বলিলেন, “পূর্বে ইহাকে কোন কাজ দিয়াছিলে?”

“হাঁ মহাশয়, আপনারই কাজ দিয়াছিলাম।”

“ভাল কথা, লোকটা কোথায় থাকে বলিলে?”

“এই গলির ওধারে। একটা শিশি-বোতলের দোকান আছে, তাহারই একটা ঘরে লোকটা আছে।”

“আচ্ছা, আমাকে তাহার বাসাটা দেখাইয়া দিতে পার?”

“নিশ্চয়! নিশ্চয়! এ আর কত বড় কথা!”

স্বামী চাপানে বিলম্ব দেখিয়া শ্রীমতী স্নাগস্বি বাপার

কি জানিতে আসিয়াছিলেন। মিঃ স্নাগস্‌বি তাঁহাকে বলিলেন, “মিঃ টলকিংহরণের সহিত আমি বাহিরে যাইতেছি, এখনই ফিরিব।” এই বলিয়া তিনি বেশ পরিবর্তন করিয়া দইলেন। শ্রীমতী স্নাগস্‌বি ঘরের মধ্যে ফিরিয়া গিয়া খোলা খাতাখানি দেখিলেন। ব্যাপার কি?

পথে যাইতে যাইতে মিঃ স্নাগ স্‌বি বলিলেন, “এই লোকটাকে দিয়া কাজ করাইয়া লওয়া ভারি সুবিধা। লোকটা কখনও ঘুমায় না। আপনি যদি বলেন, সমস্ত রাত্রি জাগিয়া কাজ করিয়া দিবে।”

তখন বেশ অঙ্ককার হইয়াছিল। উভয়ে ক্রমশঃ ক্রুকের দোকানে আসিয়া উপস্থিত হইলেন।

আইনের ষ্টেশনারী-বিক্রেতা বলিলেন, “লোকটা এই-খানেই থাকে।”

“ওঃ, এখানেই থাকে। ধন্যবাদ।”

“আপনি ভিতরে যাইবেন না?”

“না, ধন্যবাদ। আমি এখন ফিল্ডের ওখানে যাইতেছি। নমস্কার।”

মিঃ স্নাগস্‌বি পত্নীর নিকট ফিরিয়া গেলেন।

এ দিকে মিঃ টলকিংহরণ ফিল্ডের বাড়ী না গিয়া ফিরিলেন। ধীরে ধীরে পুনরায় ক্রুকের দোকানে ফিরিয়া আসিলেন। তার পর সোজা ভিতরে প্রবেশ করিলেন।

ক্রুকের দোকানে দাঁড়াইয়াছিল। তাহাকে দেখিয়া ব্যবহারাজীব বলিলেন, “তোমার ভাড়াটে বাড়ী আছে?”

“কার কথা বলছেন, পুরুষটি না স্ত্রীলোকটি?”

“পুরুষ। যে লোকটি লেখা নকল করিয়া থাকে।”

মিঃ ক্রুকের একবার আগস্‌টকের পানে চাহিল। বোধ হয়, তাহাকে চিনিতে পারিল। আগস্‌টক যে বড়-ঘরাণা, তাহা সে জানিত। সে বলিল, “আপনি কি তার সঙ্গে দেখা করতে চান, ম’শায়?”

তিনি বলিলেন, “হাঁ।”

ক্রুক বলিল, “তাহাকে ডেকে আনবো? কিন্তু বোধ হয়, সে আসবে না।”

মিঃ টলকিংহরণ বলিলেন, “তবে আমিই তাহার কাছে যাইতেছি।”

“তেজলার ঘর, ম’শায়। বাতীটা নিয়ে যান। ঠিক সোজা!”

ব্যবহারাজীব উপরে উঠিতে লাগিলেন। ক্রুক বলিল, “আমার ভাড়াটে সম্বন্ধে লোকে কি বলে, জানেন মশায়?”

“কি বলে শুনি?”

“লোকে বলে, সে শত্রুর নিকট আপনাকে বেচিয়াছে। কিন্তু আপনিও জানেন, আর আমিও জানি, সে কেনে না। ব্যাপারটা কি, আমি ঠিক বলছি। আমার ভাড়াটে বড় বদমেজাজী এবং সদা বিষম। তাতে মনে হয়, হয় তা এক দিন কেনা-বেচা হতেও পারে। ম’শায়, তাকে যেন বেশী বিরক্ত করবেন না, আমার পরামর্শটা মনে রাখবেন।”

মিঃ টলকিংহরণ উপরে উঠিয়া গেলেন। তেজলার উঠিয়া তিনি একটা অঙ্ককারাচ্ছন্ন দরজার কাছে আসিয়া দাঁড়াইলেন। দ্বারে করাঘাত করা সত্ত্বেও ভিতর হইতে কেহ উত্তর করিল না। তিনি দরজা ঠেলিয়া ভিতরে প্রবেশ করিলেন।

ঘরটি যেমন ক্ষুদ্র, তেমনই কালি ও বুলে পরিপূর্ণ। ঘরের এক ধারে উনানে অতি মৃদু অগ্নিশিখা উথিত হইতেছিল। বাতীর আলোকে দেখা গেল, এক ধারে একখানা কি ছইখানা চেয়ার। একখানা টেবল। অপর কোণে একটা পুরাতন পোর্টমেন্টো। মলিন শয্যার উপর এক ব্যক্তি যেন শুইয়া আছে।

তিনি ডাকিলেন, “ওহে, শোনো!”

কেহ উত্তর দিল না। তিনি পুনঃ পুনঃ ডাকিলেন; কিন্তু লোকটির নিদ্রা ভাঙ্গিল না।

সহসা তাঁহার হাত হইতে বাতীটা পড়িয়া গিয়া নিবিয়া গেল।

১১

অঙ্ককারমণ্য কক্ষমধ্যে দাঁড়াইয়া ব্যবহারাজীব কি করিবেন, ভাবিতেছেন, এমন সময় তিনি চমকিয়া উঠিলেন, “কে ওখানে?”

বাড়ীওয়ালা ক্রুক বলিয়া উঠিল, “আমি। উহার ঘুম ভাঙাইতে খারিলেন না?”

“না।”

“আপনার বাতী কি হইল?”

“নিবিয়া গিয়াছে। এই লও।”

ক্রুক বাতীটা লইয়া অগ্নিকুণ্ডের ধারে গিয়া উহা জ্বালিয়া লইবার চেষ্টা করিল; কিন্তু প্রায় ভস্মে পরিণত অগ্নি হইতে বাতী জ্বলিল না। ক্রুক তখন বাতী জ্বালিতে গেল। ব্যবহারাজীব ঘরের বাহিরে আসিয়া দাঁড়াইলেন।

বাড়ীওয়ালা বাতী জ্বালিয়া আনিলে, মিঃ টলকিংহরণ বলিলেন, “লোকটা কি প্রায়ই এই রকম করিয়া ঘুমায় না কি?”

“জানি না, মশায়, উহার কোন খবরই রাখবার অবকাশ আমার নেই। লোকটাও কারও সঙ্গে বেশী মেশে না।”

উভয়ে পুনরায় কক্ষমধ্যে প্রবেশ করিলেন।

মিঃ টলকিংহরণ সহসা বলিয়া উঠিলেন, “লোকটা বাচিয়া নাই! উহার চোখের দিকে চাহিয়া দেখ!”

এক মুহূর্তের জ্ঞান পরস্পর পরস্পরের দিকে চাহিল।

ক্রুক সহসা বলিয়া উঠিল, “শীঘ্র ডাক্তার ডাকুন! মশায়, সিঁড়ির ধারের ঘরে মিস্ ক্রিট আছেন, তাঁকেও ডাকা হোক। মিস্‌চর লোকটা বিষ খেয়ে মরেছে!”

মিঃ টলকিংহরণ সিঁড়ির ধারে গিয়া ডাকিলেন, “মিস্ ক্রিট, এদিকে শীঘ্র আসুন!”

ক্রুক দেখিল, মিঃ টলকিংহরণ বাহিরে গিয়াছেন, তখন



সে দ্রুতবেগে পুরাতন পোর্টমেন্টের কাছে গেল, তার পর সেখান হইতে আসিয়া আবার শয্যাপার্শ্বে দাঁড়াইল।

একটি ক্ষুদ্রকায় বুদ্ধাকে ঘরের মধ্যে আসিতে দেখিয়া ক্রুক তাহাকে ডাক্তার আনিবার জন্ত যাইতে বলিল। বুদ্ধা দ্রুতপদে চলিয়া গেল। কিয়ৎকালের মধ্যে এক জন আনাড়ী ডাক্তার সহ সে ফিরিয়া আসিল।

পরীক্ষান্তে ডাক্তার বলিলেন, “অনেকক্ষণ হইল প্রাণ বাহির হইয়া গিয়াছে।”

মিঃ টল্কিংহরণ বলিলেন, “কতক্ষণ বলুন ত?”

“সম্ভবতঃ ঘণ্টা তিনেক পূর্বে।”

শয্যাপ্রান্তে আর একটি যুবক দাঁড়াইয়াছিলেন। তিনি বলিলেন, “আমারও সেইরূপ বোধ হইতেছে।” প্রথমোক্ত ব্যক্তি বলিলেন, “আপনিও চিকিৎসক বুঝি?”

যুবক স্বীকার করিলে তিনি বলিলেন, “তবে আর আমার এখানে প্রয়োজন নাই। উনি পাশকরা ডাক্তার।” এই বলিয়া প্রথমোক্ত তথাকথিত চিকিৎসকটি চলিয়া গেলেন।

নবাগত যুবক চিকিৎসক বাতীর আলোক দ্বারা মৃত ব্যক্তিকে উত্তমরূপে পরীক্ষা করিলেন, তার পর বলিলেন, “এ লোকটিকে আমি চিনি। গত দেড় বৎসর যাবৎ সে আমার নিকট হইতে আফিমু কিনিয়া আনিয়াছে। এখানে এ লোকটির কোন আত্মীয়-স্বজন আছেন?” এই বলিয়া তিনি উপস্থিত তিন জনের দিকে চাহিলেন।

ক্রুক বলিল, “আমি বাড়ীওয়ালা। এক সময়ে লোকটা বলিয়াছিল যে, আমি তাহার নিকট আত্মীয়।”

চিকিৎসক বলিলেন, “দেখা যাইতেছে, লোকটা অতিরিক্ত মাত্রায় অহিফেন সেবন করিয়াছে। সমস্ত ঘরের বায়ু পর্য্যন্ত উহার গন্ধে পরিপূর্ণ।”

ক্রুক বলিল, “কেন এমন করিল, ইচ্ছা করিয়া কি?”

“ঠিক বলিতে পারি না। লোকটি সাধারণতই অধিক পরিমাণে অহিফেন সেবন করিত। তাহাতে মনে হয় না, স্বেচ্ছায় সে মরিয়াছে। তবে বলাও যায় না। সম্ভবতঃ লোকটি বড় দরিদ্র ছিল। কেমন নয়?”

ক্রুক বলিল, “তাই ত মনে হয়। ঘরের আসবাবপত্র দেখে সেই ধারণাই হয় বৈ কি। এ ঘর ভাড়া দিবার পর আমি সবে আজ এখানে এলাম। তার অবস্থার কথাও সে কোন দিন আমার কাছে বলে নি।”

“লোকটার কাছে আপনার ভাড়া পাওনা নেই?”

“আছে ছয় সপ্তাহের।”

“সে আর আপনি পাইবেন না। অবস্থা দেখিয়া মনে হয়, লোকটি জ্বালা-যন্ত্রণা হইতে মুক্তি পাইয়া জুড়াইয়াছে। যৌবনে এ ব্যক্তি যে প্রিয়দর্শন ছিল, চেহারা দেখিয়া এখনও তাহা অনুমান করা যায়। আমার মনে হইতেছে, একবার উহার মুখে অশ্লীল কথা শুনিয়াছিলাম,

তাহাতেই বুঝিয়াছিলাম, লোকটি অবনতির পথে অনেক দূর অগ্রসর হইয়াছিল। আমার অনুমান সত্য কি?”

ক্রুক বলিল, “আমাকে জিজ্ঞাসা করা বৃথা। প্রায় সে দেড় বৎসর আমার এখানে ছিল এবং যামল মাকদমার নথি-পত্র নকল করিয়া জীবন যাপন করিত। উহার বেশী সংবাদ আমি জানি না।”

মিঃ টল্কিংহরণ এতক্ষণ চুপ করিয়া আছেন। তিনি বলিলেন, “আমি এই লোকটিকে নকল করে কিছু কাজ দিব বলিয়া একটু পূর্বে এখানে আসিয়াছিলাম। উহাকে জীবনে আমি পূর্বে কখনও দেখি নাই। আমার ষ্টেশনার মিঃ স্নাগস্বির নিকট লোকটির সংবাদ পাইয়াছিলাম। এখানকার কেহই যখন মৃত ব্যক্তির কথা বলিতে পারিতেছেন না, তখন স্নাগস্বিকে সংবাদ দেওয়া যাক।” এই বলিয়া তিনি বুদ্ধার দিকে চাহিয়া বলিলেন, “তুমি যাও ত বাছা, স্নাগস্বিকে ডেকে আন ত।”

বুদ্ধা চলিয়া গেল। অল্পক্ষণ পরেই স্নাগস্বি হাজির হইলেন। অবস্থা দেখিয়া অকস্মাৎ বলিয়া উঠিলেন, “কি মর্দনশ! শেষে এই ঘটিল!”

মিঃ টল্কিংহরণ বলিলেন, “স্নাগস্বি, এই লোকটির ইতিহাস, পূর্বকথা কিছু তুমি জান? লোকটার কিছু ধারণা আছে, আর উহাকে কবর দেওয়াও ত চাই।”

স্নাগস্বি একটু কাসিয়া বলিলেন, “আমি আর কি পরামর্শ দিতে পারি, তবে বোধ হয় গোরস্থানের লোকদের খবর দেওয়াই সম্ভব।”

ব্যবহারাজীব বলিলেন, “পরামর্শ দিবার জন্ত আমি তোমায় ডাকি নাই। তোমাকে ডাকিয়াছি, এই লোকটির সম্বন্ধে তুমি কোন সংবাদ দিতে পার কি না?”

কাসিয়া, গলা পরিষ্কার করিয়া স্নাগস্বি বলিলেন, “না মহাশয়, উহার সংবাদ আমি কিছুই জানি না। শুধু দেড় বৎসর আগে লোকটি আমাদের দোকানে আসিয়াছিল; আমার স্ত্রীকে তাহার হাতের লেখা দেখাইয়া নকল করিবার কোন কাজ পাওয়া যায় কি না, তাহা জানিতে চাহিয়াছিল। লোকটার অবস্থা বড় খারাপ, পেট চলে না, এই সকল কথাও সে আমার স্ত্রীকে বলিয়াছিল। আমার স্ত্রী তাহার হাতের লেখা ও ঠিকানা রাখিয়া দিয়াছিল। তার পর আমার স্ত্রী প্রায়ই আমাকে বলিত, ‘ওগো, একটা কাজ নিম্নরূপের জন্ত ঠিক করে দিলে না?’ লোকটিকে সে নিম্নরূপে বলিয়া ডাকিত। ক্রমে আমি তাহাকে কাজ দিতে আরম্ভ করিলাম। লোকটাকে কাজ দিয়া বেশ নিশ্চিত থাকাইয়াছি। অতি দ্রুত দিখিবার ক্ষমতা ছিল। যত বেশী লেখাই থাক না কেন, ঠিক সময়ে সে কাজ আনিয়া দিত।”

মিঃ টল্কিংহরণ ক্রুকের দিকে চাহিয়া বলিলেন, “কোন কাগজপত্র আছে কি না, সেটা খুঁজিয়া দেখিলে ভাল হয়

না? হয় ত তাহার দ্বারা পরিচয়ের কোন সূত্র আবিষ্কার করা যাইতে পারে। এর পর তদন্ত হইবে, তখন জবাব দিহি করা চাই ত। তুমি পড়িতে জান, ক্রুক?”

বুদ্ধ বলিল, “না, আমি জানি না।”

“স্নাগস্বি, তবে গুঁর হইয়া তুমিই দেখ। নহিলে বাড়ীওয়ালারও পরিণামে বিপদ ঘটতে পারে। আমি যখন এখানে আসিয়া পড়িয়াছি, তখন শেষ পর্য্যন্ত অপেক্ষা করিয়াই যাইব। তবে শীঘ্র কাজ সারিয়া ফেল। সকল কাজই যে বিধিসঙ্গতভাবে হইয়াছে, আমি তাহার সাক্ষী দিতে পারিব। ওহে ক্রুক, তুমি বাতীটা একবার ধর ত।”

স্নাগস্বি বলিলেন, “এই যে এখানে একটা পোর্টমেন্ট আছে।”

মিং টলকিংহরণ উহার পার্শ্বেই দাঁড়াইয়াছিলেন; কিন্তু এমনই ভাব প্রকাশ করিলেন যে, এতক্ষণ যেন তিনি উহা দেখিতেও পান নাই! সত্যই কি তাই? কে জানে!

পোর্টমেন্ট খোলা হইল। কতিপয় অর্ধছিন্ন, যৎসামান্য পরিচ্ছদ, ছেঁড়া খবরের কাগজ, বন্ধকী দোকানের টিকিট ছাড়া আর কিছুই তাহাতে পাওয়া গেল না। একখানি পত্র পর্য্যন্ত নয়। অমুসন্ধানে যখন কিছুই পাওয়া গেল না, তখন গোরস্থানে সংবাদ পাঠানই ঠিক হইল। বুদ্ধাই সে কার্যের ভার গ্রহণ করিল।

ব্যবহারাজীব, ডাক্তার প্রভৃতি যে যাহার স্থানে চলিয়া গেলেন।

সংবাদ পাইয়া পুলিশ আসিয়া কক্ষদ্বারে দাঁড়াইল। শলীতে সংবাদটা ছড়াইয়া পড়িয়াছিল। কোতুহল চরিতার্থ করিবার জন্য অনেকে রাজপথে জটলা করিতে আসিল। গোরস্থানের ধর্ম্মযাজক আসিল। মৃতদেহের কাছে একবার ঘুরিয়া আবার বাহিরে চলিয়া গেল। করোনাদের তদন্ত পরদিবস বসিবে, সে জন্য জুরীদিগকে সেই সংবাদ দিয়া বেড়াইতে লাগিল।

ছিন্নপ্রায় পোর্টমেন্টের পার্শ্বে সমস্ত রাত্রি শব্দধার রক্ষিত হইল। মৃতদেহ শয্যার উপর যেমন পড়িয়াছিল, তেমনই পড়িয়া রহিল। পঁয়তাল্লিশ বৎসর বয়সে জীবন-নাটকের অভিনয় সমাপ্ত করিয়া অজানা রাজ্যে সে প্রস্থান করিয়াছিল। তাহার কোনও চিহ্ন সে আর পশ্চাতে রাখিয়া গেল না।

পরদিবস করোনাদের তদন্ত আরম্ভ হইল। জুরীরা আসিয়া বসিলেন। স্বয়ং করোনারও আসিলেন। মিং টলকিংহরণও সমাদরে তাঁহার পার্শ্বে আসনে বসিতে অনুরুদ্ধ হইলেন। মৃতদেহ দেখিবার পর সাক্ষীর জবানবন্দী আরম্ভ হইল। ক্রুক, স্নাগস্বি ও মিন্ ক্রিটের সাক্ষ্য গ্রহণের পর জানা গেল, একটি বালকও মৃত ব্যক্তিকে জানিত। বালককে ডাকা হইল। তাহার নাম জো। পুরা নাম কি, তাহা সে জানে না। লিখিতে পড়িতে সে শিখে নাই।

তাহার পিতামাতা কেহই নাই। বন্ধু-বান্ধব, আত্মীয়? সংসারে তাহার কেহই নাই। বাড়ী? যত্র তত্র। সত্য কি, তাহা সে জানে না। মিথ্যার পরিচয়ও সে জানে না। তবে এইটুকু সে জানে যে, মিথ্যা বলিলে সাজা পাইতে হয়। স্মতরাং সে মিথ্যা বলিবে না।

করোনার বলিলেন, “এ সাক্ষীর দ্বারা চলিবে না।”

এক জন জুরী বলিলেন, “ইহার সাক্ষ্য গ্রহণে আপনার আপত্তি আছে?”

করোনার বলিলেন, “ও রকম উত্তর চলিবে না। ঠিক বলিতে পারি না, মশায়! চলিবে না। বিচারালয়ে হয় ‘হ্যাঁ’ নয় ‘না’ এই রকম বলা চাই। স্মতরাং উহার সাক্ষ্যে প্রয়োজন নাই।”

বালক জোর সাক্ষ্য গৃহীত হইল না। আর কোন সাক্ষী নাই। কাজেই বিচারে সিদ্ধান্ত হইল, লোকটা অহিফেন সেবন করিত, তবে দৈবাৎ সে মারা গিয়াছে। আত্মহত্যা নয়।

জুররগণ চলিয়া গেলেন। করোনার ও মিং টলকিংহরণ বালককে খাসকামরায় লইয়া গিয়া বে-সরকারীভাবে প্রশ্ন করিতে লাগিলেন।

বালকটির নিকট জানা গেল যে, মৃতব্যক্তিটি প্রায় লোকের নিকট হইতে বিতাড়িত হইত। কেহ পাগল বলিয়াও তাহাকে তাড়া করিত। একটা শীতের রাত্রিতে বালকটি একটি দরজার পাশে দাঁড়াইয়া শীতে ধর ধর করিয়া কাঁপিতেছিল। লোকটি সেই সময় সেইখান দিয়া যাইতে যাইতে তাহাকে দেখিতে পায়। প্রশ্নে সে যখন জানিতে পারে যে, বালকটির ছমিয়ায় কোন বন্ধু-বান্ধব পর্য্যন্ত নাই, তখন সে-ও বলিয়াছিল, “আমারও কেহ নাই।” তার পর অভূক্ত বালককে সে রাত্রির মত বাসস্থান ও আহাৰ্য্য দিয়াছিল। লোকটি তদবধি প্রায়ই তাহার সঙ্গে কথা বলিত। আহাৰ্য্য ও নিদ্রা সম্বন্ধে তাহার অনুবিধা হইতেছে কি না, সে সংবাদও লইত, আবার এমনও প্রশ্ন করিত, মরিতে তাহার ইচ্ছা করে কি না? যখন হাতে অর্থ থাকিত না, তখন সে বলিত, “জো, আজ আমি তোমারই মত গরীব!” কিন্তু যে দিন অর্থ থাকিত, সে দিন বালকটিকে সে কিছু না কিছু দিত।

বালক সিন্ধু নয়নপল্লবের অশ্রুধারা জামার হাতায় মুছিতে মুছিতে বলিল, “তিনি আমার বড় ভালবাসতেন, বড় ভালবাসতেন।”

বালক বিদায় পাইয়া চলিয়া গেল।

মৃতদেহ সমাহিত হইল কি? অবশ্যই। একটি ক্ষুদ্র, পুষ্টিগন্ধময়, অন্ধকারাচ্ছন্ন সমাধিভূমিতে, অপরিচিত মৃতদেহকে কোমল মতে সমাহিত করা হইল।

রাত্রিকালে সেই গোরস্থানের লৌহ-তোরণের সম্মুখে ঝাঝুহুস্তে একটি বালক আসিয়া দাঁড়াইল। কিছুক্ষণ



সমাধিক্ষেত্রের দিকে চাহিয়া চাহিয়া ঝাড়ু দ্বারা সে সোপান-গুলি ধীরে ধীরে পরিষ্কার করিতে লাগিল। কাজ করিতে করিতে আবার সে সমাধিক্ষেত্রের দিকে চাহিল। তার পর ধীরে ধীরে সে চলিয়া গেল।

কে তুমি বালক? তুমি কি জো? তবু ভাল! তোমার সাক্ষ্য গৃহীত হয় নাই, কারণ, তুমি “ঠিক বলিতে” পার নাই—মানুষের অপেক্ষাও মহত্তর হাতে মৃত ব্যক্তির কি অবস্থা ঘটিবে! তোমার অশ্রুট কথার মধ্যে একটা আলোক-রেখার স্তর পাওয়া গিয়াছিল—“তিনি আমায় বড় ভাল-বাস্তেন—বড় ভালবাস্তেন!”

১২

লিঙ্কলনশায়ারের বারিপাত থামিয়া গিয়াছে। চেস্নিওড পুনরায় প্রকৃষ্ট শোভা ধারণ করিয়াছে। শ্রীমতী রাউন্স-ওয়েল গৃহকর্মে পূর্কোপেক্ষা বহু লইতেছেন, কারণ, স্ত্রীর লিষ্টার সঙ্গীক প্যারী হইতে ফিরিয়া আসিতেছেন। জনরব, তাঁহারা স্বদেশে ফিরিয়াই একটা বিরাট ভোজের আয়োজন করিবেন এবং তাহা পল্লীভবন চেস্নিওডেই হইবে বলিয়া স্থিরীকৃত হইয়াছে।

স্ত্রীর লিষ্টার ও লেডী লিষ্টার চতুরস্ববাহিত সুখসেবা শকটে চড়িয়া দেশে ফিরিতেছিলেন। স্ত্রীর লিষ্টার সদাই প্রসন্ন, দুঃখ তাঁহার নিকট ঘেঁষিতে পারে না। যখন কোনও কাজ থাকে না, তখন তিনি মনে মনে নিজের গৌরবের কথা চিন্তা করিয়াই খুসী থাকেন।

শকটে চড়িয়া তিনি তাঁহার নামীয় চিঠিপত্রগুলি পড়িতে-ছিলেন। পড়া শেষ হইলে তিনি গাড়ীর পশ্চাতের গদিতে হেলান দিয়া, সমাজে তাঁহার বিরূপ প্রতিপত্তি, তাহারই বিষয় বোধ হয় চিন্তা করিতেছিলেন।

লেডী লিষ্টার পড়িয়া পড়িয়া ক্রান্ত। বিশ মাইল পথ অতিবাহিত হইল অথচ তিনি একটি পৃষ্ঠার বেশী পড়িয়া উঠিতে পারেন নাই। বহুক্ষণ নিস্তব্ধতার পর তিনি স্বামীকে উদ্দেশ্য করিয়া বলিলেন, “আজ তোমার বেজায় চিঠিপত্র আসিয়াছে দেখিতেছি?”

“কিন্তু কাজের কথা বিশেষ কিছু নাই।”

“আমার মনে হয়, মিঃ টলকিংহরনের পত্রখানা খুব দীর্ঘ, অনেকক্ষণ ধরিয়। তুমি পড়িতেছিলে।”

স্ত্রীর লিষ্টার প্রশংসমান দৃষ্টিতে পত্নীর দিকে চাহিয়া বলিলেন, “তোমার দৃষ্টিতে কিছুই এড়ায় না দেখিতেছি।”

“লোকটা বড়ই বিরক্তিকর।”

“তিনি তোমায় একটা সংবাদ দিতে বলিয়াছেন। কথাটা এতক্ষণ মনে ছিল না, আমার ক্ষমা কর।”—এই বলিয়া তিনি পত্রখানি বাহিতে লাগিলেন। তার পর চশমাটা নাকের উপর ভাল করিয়া বসাইলেন। তাঁহার অনাবশ্যক

• বিলম্ব দেখিয়া লেডী লিষ্টার একটু বিরক্তি বোধ করিলেন

বটে, তবে তাহা বাহিরে প্রকাশ পাইল না। স্ত্রীর লিষ্টার পত্রখানা লইয়া বলিলেন, “এই যে, তিনি লিখিতেছেন,—‘মাননীয় লেডী মহোদয়াকে আমার অভিভাষণ জানাইবেন। আশা করি, বায়ু পরিবর্তনে তাঁহার শরীরের কিছু উপকার হইয়াছে। আপনি তাঁহাকে জানাইবেন যে, আমাদের মোকদ্দমার কোনও এফিডেভিটের যে ব্যক্তি নকল করিয়া-ছিল, আমি তাহার সম্বন্ধে তাঁহাকে কোন কোন সংবাদ দিব। তিনি উহার সম্বন্ধে একটু কৌতূহল প্রকাশ করিয়া-ছিলেন। আপনি বলিবেন, তাহাকে আমি দেখিয়াছি।’”

সম্মুখের দিকে ঝুঁকিয়া পড়িয়া লেডী মহোদয়া বাতায়ন-পাথে বাহিরের দিকে কি যেন দেখিতেছিলেন।

স্ত্রীর লিষ্টার বলিলেন, “শুনিলে ত?”

বাহিরের দিকে দৃষ্টি নিবদ্ধ রাখিয়াই লেডী লিষ্টার বলিলেন, “আমি খানিক হাঁটিব।”

সবিস্ময়ে স্ত্রীর লিষ্টার বলিলেন, “হাঁটিবে?”

স্পষ্ট স্বরে লেডী বলিলেন, “হাঁ, খানিক হাঁটিয়া যাইব। গাড়ী থামাইতে বল।”

গাড়ী থামিল। স্নেহময় স্বামী স্বয়ং নামিয়া পত্নীকে অবতরণের সাহায্য করিলেন। লেডী নামিয়া দ্রুতপদে অগ্রসর হইলেন। স্ত্রীর লিষ্টার পশ্চাতে পড়িয়া রহিলেন। দুই এক মিনিট পরে তিনি পত্নীর সমীপবর্তী হইলেন। লেডী হাসিলেন, তাঁহাকে তখন আরও সুন্দর দেখাইল। স্বামীর হাত ধরিয়। কিয়দূর হাঁটিলেন। ক্রান্তিবোধ করিয়া তার পর পুনরায় গাড়ীতে উঠিলেন।

অশ্রুপূর্ণ কশাঘাত হইল। গাড়ী চলিল। মাঝে মাঝে পথিপ্ৰান্তস্থ হোটেলে নামিয়া তাঁহারা পথশ্রম দূর ও আহা-রাদি করিতে লাগিলেন। তাঁহাদের শিষ্ট ও মধুর ব্যবহারে হোটেলের লোকগুলি পর্য্যস্ত খুসী হইল। লেডীর অপেক্ষা স্ত্রীর লিষ্টার যদিও বয়সে অনেক বড় ছিলেন—দেখিলে তাঁহাকে অনেকটা লেডীর পিতার বয়সী বলিয়া ভ্রম হইত—তথাপি তাঁহাদের ব্যবহারে প্রগাঢ় দাম্পত্য প্রেমের কোনও অভাব ছিল না।

লণ্ডন নগরে এক রাত্রি বিশ্রামের পর তাঁহারা লিঙ্কলন-শায়ারে চেস্নিওড অভিমুখে অগ্রসর হইলেন।

যথাসময়ে গাড়ী আসিয়া গাড়ী-বাবান্দায় থামিল। শ্রীমতী রাউন্সওয়েল সদলবলে প্রভু ও প্রভু-পত্নীর সম্বন্ধনার জন্ত অগ্রসর হইলেন।

শরীরগত কুশল-প্রশ্নাদির পর লেডী লিষ্টার, রোজাকে দেখিয়া বলিলেন, “এটি কে?”

শ্রীমতী রাউন্সওয়েল বলিলেন, “আমারই একটি ছাত্তী, নাম রোজা।”

“এ দিকে এস ত, রোজা! বাঃ, চমৎকার সুন্দরী ত!”

লেডী তাঁহার দুইটি অঙ্গুলি যুবতীর স্বন্ধে স্থাপন করিলেন।

যুবতীর আনন লজ্জায় আরক্ত হইয়া উঠিল।

“তোমার বয়স কত ?”

“উনিশ।”

লেডী মহোদয়ী একটু ভাবিয়া বলিলেন, “উনিশ। সাবধান, কেহ যেন তোষামোদে তোমাকে খারাপ না করিয়া দেয়।”

“আজ্ঞা হ্যাঁ, হুজুর।”

যুবতীর রক্তাভ কপোলে অঙ্গুলিস্পর্শ করিয়া লেডী মহোদয়ী সোপানাবলী আরোহণ করিয়া উপরে উঠিয়া গেলেন।

সে দিন অপরাহ্নে রোজা শুধু লেডী ডেড্‌লকের গুণ-কীর্তনেই পঞ্চমুখ হইয়া উঠিয়াছিল। এমন নিরহঙ্কার, এমন মাধুর্য্যাময়ী, এমন রূপলাবণ্যময়ী আর কে ? কণ্ঠস্বর কি মিষ্ট, স্পর্শে এমন মাদকতা। রোজা এখনও সে স্পর্শ ভুলিতে পারে নাই ! শ্রীমতী রাউন্সওয়েল তাহার সকল কথায় সায় দিলেন। তবে লেডী নিরহঙ্কার কি না, সে বিষয়ে তাঁহার সন্দেহ আছে। ডেড্‌লকবংশের কাহারও নিন্দাবাদ তাঁহার মুখ দিয়া কখনও নির্গত হইবে না। বিশেষতঃ লেডী সম্বন্ধে। শুধু লেডী যদি আরও একটু আন্তরিক—আরও একটু সহৃদয় হইতেন, তাহা হইলে আর কোনও ক্রটি থাকিত না।

“যদি লেডী মহোদয়ীর একটি কণ্ঠা-সস্তানও থাকিত। সময়ে হইলে এত দিন বড়-সড় মেয়েই তাঁর থাকিত। তাহা হইলে লেডী মহোদয়ীর আর কোন অভাবও থাকিত না। ঐটাই তাঁহার অভাব।”

ওয়াট বলিল, “আচ্ছা, ঠাকুরমা, তাহা হইলে কি লেডীর অহঙ্কার আরও বাড়িত না ?”

গৃহকর্ত্রী বলিলেন, “দেখ, ও সকল কথা আমায় বলিতে নাই। লেডী মহোদয়ীর কোন ক্রটি আছে, তাহা আলোচনা করাও আমার অধিকারের বাহিরে। শুনিবার অধিকারও আমার নাই।”

“কমা কর, ঠাকুরমা। কিন্তু বাস্তবিক কি তাঁহার অহঙ্কার নাই ?”

“যদি থাকেই, তাহাতে অণ্ডায়টা কি ? ডেড্‌লকবংশের গর্ভ করিবার ষথার্থ অধিকার আছে।”

ওয়াট বলিল, “ও কথা যেতে দাও, ঠাকুর-মা। আচ্ছা, বাড়ীতে অতিথি-অভ্যাগত অনেক আসিতেছে, আমিও কি হুই এক দিন এখানে থাকিতে পাই না ? তোমার কোন আপত্তি আছে ?”

“কিছু না, দাদা ! তুমি থাকিতে পার।”

“তুমি মত দিলে, এজ্ঞা সহস্র ধন্যবাদ। এই সুন্দর প্রাসাদের চারিদিকটা দেখিবার ইচ্ছা আছে।” এই বলিয়া সে রোজার দিকে প্রসন্ন দৃষ্টিতে চাহিল। রোজা দৃষ্টি অবনত করিল।

লেডী ডেড্‌লকের সঙ্গে যে ফরাসী রমণী পরিচারিকা-স্বরূপ আসিয়াছিল, তাহার নাম হর্টেনসি। বয়স তাহার প্রায় বত্রিশ। তাহার মুখের হা বিস্তৃত না হইলে তাহাকে সুন্দরীই বলা যাইত। রোজাকে লেডী মহোদয়ী সুন্দরী বলিয়া প্রশংসা করায় তাহার উপর ফরাসিনীর একটু রাগ হইয়াছিল। আজ পাঁচ বৎসর সে লেডীর পরিচর্যা করিতেছে ; কিন্তু এত দিনেও সে লেডীর কাছে ঘেসিতে পারে নাই। আর এই মেয়েটা—পুতুলের মত মেয়েটা কি না তাঁহার আদর কুড়াইল ! সে জ্ঞা দিনের মধ্যে দশবার সে অকারণেও রোজাকে বিদ্রূপ করিতে ইতস্ততঃ করে নাই।

প্রাগুক্ত আলোচনার সময় সে সেখানে আসিয়া পড়িল এবং বিদ্রূপভরে বলিল, “ওগো, তোমার বয়স কত বাছা ? দেখ, যেন কেহ তোষামোদ করিয়া তোমায় মাটি না করে !”

রোজা কোন কথা না বলিয়া সে স্থান ত্যাগ করিল।

‘চেস্নিওডে’ নিমন্ত্রিতগণ আসিয়া জুটিতে লাগিলেন। সকল কক্ষই পরিপূর্ণ হইয়া গেল। শুধু একটি ঘর তখনও খালি ছিল। সে ঘরটি তৃতীয় শ্রেণীর হইলেও সুসজ্জিত। এই ঘরটি মিঃ টলকিংহরণের জ্ঞা রক্ষিত। অণ্ডা কাহারও এ ঘরে থাকিবার আদেশ ছিল না। যে কোন মুহূর্ত্তে ব্যবহারাজীব আসিয়া পড়িতে পারেন। তিনি এখনও আসেন নাই।

প্রত্যহ নৈশভোজের পূর্বে লেডী মহোদয়ী সংবাদ লইতেন—মিঃ টলকিংহরণ আসিয়াছেন কি না। পুস্তকাগারে তাঁহার আসনটি শূন্যই পড়িয়া আছে। ভোজনাগারের আসন তিনি আসিয়া পূর্ণ করিতেছেন না।

প্রতি রজনীতে লেডী তাঁহার পরিচারিকাকে প্রশ্ন করিতেন, “মিঃ টলকিংহরণ আসিয়াছেন ?”

“না। এখনও আসেন নাই।”

এক দিন রাত্রিকালে ঐরূপ উত্তর শুনিবার পর লেডী ডেড্‌লক একটু চিন্তাঘিতভাবে রহিলেন। তার পর সম্মুখস্থ দর্পণে নিজের চিন্তাক্রিষ্ট মুখের প্রতিবিম্ব দর্শন করিলেন। সেই সঙ্গে দেখিলেন, আর এক জোড়া রুম্মতারক নয়ন তাঁহার দিকে উৎফুল্লভাবে চাহিয়া আছে।

লেডী মহোদয়ী বলিলেন, “নিজের কাজে মন দাও। অণ্ডা সময় দর্পণে নিজের সৌন্দর্য্য দেখিও।”

হর্টেনসি বলিল, “আমি আপনার সৌন্দর্য্যই দেখিতে ছিলাম।”

লেডী বলিলেন, “সেটা তোমার করিবার কোন প্রয়োজন নাই।”

অবশেষে এক দিন অপরাহ্নে যখন “ভূতের ছাদের” উপর হইতে অণ্ডা নিমন্ত্রিতগণ ভ্রমণ শেষ করিয়া স্বস্থ কক্ষে চলিয়া গেলেন, শুধু স্থার লিষ্টার ও তাঁহার পত্নী তথায় রহিলেন, সেই সময় মিঃ টলকিংহরণ তথায় দেখা দিলেন।



তিনি তাঁহার অভ্যস্ত মনঃসংগতিতে তাঁহাদের অভিমুখে আসিতে লাগিলেন। তাঁহার মুখমণ্ডল পূর্ববৎ ভাবলেশ-বর্জিত। তাঁহার দেহের সর্বত্রই যেন পারিবারিক গুহকথা লুক্কায়িত, তাঁহার পরিধেয় বসনের ভাঁজে ভাঁজে যেন পারিবারিক গোপন ইতিহাস স্তরক্ষিত।

হস্ত প্রসারিত করিয়া স্মার লিষ্টার বলিলেন, “কেমন আছেন, মিঃ টলকিংহরণ?”

তিনি ভাল আছেন। লেডী ও স্মার লিষ্টারও ভাল আছেন নিশ্চয়। চারিদিকের মঙ্গল?

তিন জনেই পাদচারণা করিতে লাগিলেন।

“আমি আরও আগে আসিতে পারিতাম; কিন্তু আপনার সহিত বয়থরনের মোকদমা লইয়া কিছু বিব্রত ছিলাম, তাই দেরী হইয়া গেল।”

স্মার লিষ্টার একটু উদ্ভার সহিত বলিলেন, “বড় বড় মেজাজী লোকটা। যে কোন সমাজের পক্ষে লোকটা ভয়ানক। লোকটার চরিত্র ও মন দুইই খারাপ।”

মিঃ টলকিংহরণ বলিলেন, “বড় জেদী লোক।”

“এ রকম লোকের পক্ষে উহা খুবই স্বাভাবিক। এজন্য আমি এতটুকু বিস্মিত হই নাই।”

ব্যবহারাজীব বলিলেন, “এখন প্রশ্ন এই যে, আপনি কিছু ছাড়িয়া দিতে রাজী আছেন কি না?”

স্মার লিষ্টার বলিলেন, “না। আমি কিছুই ছাড়িব না।”

“কোন প্রয়োজনীয় বিষয় ছাড়িয়া দিতে আমি বলিতেছি না। সে ত হইতেই পারে না। কথা হইতেছে, সামান্য, তুচ্ছ কোন জিনিস ছাড়িবেন কি না।”

স্মার লিষ্টার বলিলেন, “মিঃ টলকিংহরণ, আমার ও বয়থরনের মধ্যে কোন সামান্য জিনিস বলিয়া কথা নাই। আমার স্বত্ব যেখানে আছে, সেটা সামান্য বলিয়া আমি উপেক্ষা করিব না। যত ক্ষুদ্রই হইক, আমার স্বত্ব বজায় রাখিতেই হইবে।”

মাথা নাড়িয়া মিঃ টলকিংহরণ বলিলেন, “যাক্, আমি এখন খোলাখুলি আদেশ পাইলাম। মিঃ বয়থরনু আমা-দিগকে কিছু বেগ দিবেন—”

বাধা দিয়া স্মার লিষ্টার বলিলেন, “ওরূপ প্রকৃতির লোক তাহা ত করিবেই। পঞ্চাশ বৎসর পূর্বে লোকটা কাঁসী-কাঠে বুদ্ধিত—যদি না—”

খামিয়া স্মার লিষ্টার বলিলেন, “যাক্, রাত্রি অনেক হইয়াছে, লেডী ডেডলকের ঠাণ্ডা লাগিতেছে। ওগো, চল আমরা ভিতরে যাই।”

হল-ঘরের দ্বার-পথে দাঁড়াইয়া লেডী ডেডলক মিঃ টলকিংহরণকে উদ্দেশ করিয়া বলিলেন, “একটা লোকের হস্তাক্ষর দেখিলে আমি আপনাকে একবার প্রশ্ন করিয়াছিলাম, ‘তাঁহার কথা আপনি আমাকে জানাইবেন বলিয়াছিলেন।

কথাটা আমার মোটেই মনে ছিল না, কিন্তু আপনি তাহা মনে রাখিয়াছিলেন। আপনার কথা শুনিয়া আবার আমার সে কথা মনে পড়িয়াছে। ঐরূপ হস্তাক্ষর আমি পূর্বে কোথায় যেন দেখিয়াছিলাম; কিন্তু কিছুতেই তাহা মনে করিতে পারিতেছি না। অথচ সে হস্তাক্ষর আমি নিশ্চয় পূর্বে কোথায় দেখিয়াছিলাম।”

মিঃ টলকিংহরণ বলিলেন, “আপনি ও হস্তাক্ষর পূর্বে দেখিয়াছিলেন?”

“নিশ্চয়! আমার ধারণা এইরূপ। আপনি শেষকালে লোকটা যে কে, তা আবিষ্কার করিয়াছেন?”

“হাঁ, লেডী।”

“কি আশ্চর্য্য!”

লেডী মহোদয়া অগ্নিকুণ্ডের ধারে একখানি আসনে বসিলেন। ঠিক তাঁহার সম্মুখে স্মার লিষ্টার আসন গ্রহণ করিলেন। ব্যবহারাজীব অগ্নিকুণ্ডের ধারে দাঁড়াইলেন।

“আমি সন্ধান লইয়া অবশেষে লোকটাকে খুঁজিয়া বাহির করি। কিন্তু সে তখন মৃত।”

“বটে!”—স্মার লিষ্টার বলিলেন বটে, কিন্তু তাঁহার মুখের কোন ভাব-বৈলক্ষণ্য দেখা গেল না।

“তাঁহার বাসগৃহে গিয়া দেখিলাম, সে মরিয়া পড়িয়া আছে। অত্যন্ত দারিদ্র্য দশায় সে দিন যাপন করিত।”

স্মার লিষ্টার বলিলেন, “ও কথা বেশী আলোচনা—”

লেডী বলিলেন, “না, না, গল্পটা সব শোনা যাক্। বাস্তবিক কি শোচনীয় ব্যাপার! লোকটাকে মৃত অবস্থায় দেখিলেন!”

কথাটার পুনরাবৃত্তি করিয়া ব্যবহারাজীব বলিলেন, “নিজের হাতে কিংবা—”

স্মার লিষ্টার বাধা দিয়া বলিলেন, “অ্যা! বলেন কি?”

লেডী বলিলেন, “সব গল্পটা শেষ করুন।”

“প্রিয়তমে, গল্পটা শুনিবার ইচ্ছা তোমার পক্ষে স্বাভাবিক; কিন্তু আমার মতে—”

লেডী বলিলেন, “মিঃ টলকিংহরণ, আপনি বলিয়া ষান, আমি শুনিব।”

এ সকল কাহিনী তাঁহার মত পদস্থ ও সম্ভ্রান্ত ব্যক্তির প্রতিযোগ্য নহে বলিয়া স্মার লিষ্টার আপত্তি তুলিতেছিলেন; কিন্তু পত্নীর আগ্রহাতিশয়ো অগত্যা তাঁহাকে নিরস্ত হইতে হইল।

ব্যবহারাজীব বলিলেন, “আমি বলিতেছিলাম—লোকটা আত্মহত্যা করিয়াছে কি না, অবশ্য তাহা আমার জ্ঞানের বহির্ভূত। লোকটা নিজের দোষেই মরিয়াছিল। হয় ইচ্ছাপূর্বক, নয় ত বুঝিবার দোষে। করোনারের তদন্তে প্রকাশ পাইয়াছিল যে, লোকটা বিষ খাইয়াই মরিয়াছে।”

লেডী জিজ্ঞাসা করিলেন, “এই হতভাগ্যটি উদ্ভলোক-  
জাতীয়, না আর কিছু?”

মাথা নাড়িয়া ব্যবহারাজীব বলিলেন, “সেটা বলা বড়  
শক্ত। মেরুপ জঘন্যভাবে সে জীবন যাপন করিত এবং  
তাহার দীর্ঘ অযত্নরক্ষিত কৃষ্ণ কেশভার ও কৃষ্ণাভ বর্ণ প্রভৃতি  
দেখিলে লোকটা যে অতি নিম্নস্তরের, তাহাই ত ধারণা  
হয়। চিকিৎসক কিন্তু বলিয়াছেন যে, লোকটা কোন সময়ে  
উচ্চতর শ্রেণীর লোকই ছিল।”

“হতভাগ্যের নামটা কি?”

“সে নিজে যে নামে আপনাকে পরিচিত করিয়াছিল,  
লোক তাহাকে সেই নামেই অভিহিত করিত। তাহার  
প্রকৃত নাম কেহ জানে না।”

“যারা তার সেবা-শুশ্রূষা করিয়াছিল, তাহারাও জানে  
না?”

“কেহই কখনও তাহার সেবা-শুশ্রূষা করে নাই। আমরা  
তাহাকে মৃত অবস্থায় দেগিয়াছিলাম।”

লেডী বলিলেন, “আর কোনও কিছু জানিতে পারা যায়  
নাই?”

কি যেন চিন্তা করিতে করিতে ব্যবহারাজীব বলিলেন,  
“না, শুধু একটা পোর্টমেন্ট পাওয়া গিয়াছিল; কিন্তু তাহাতে  
কোনও চিঠিপত্রাদিও ছিল না।”

প্রাগুক্ত আলোচনাকালে লেডী ডেড্লক ও মিঃ টলকিং-  
হরণ পরস্পর পরস্পরের দিকে নিবিষ্টভাবে চাহিয়াছিলেন।  
একরূপ অস্বাভাবিক বিবরণের আলোচনাকালে এমন হইয়াই  
থাকে। স্মার লিষ্টার অবশেষে মন্তব্য প্রকাশ করিলেন যে,  
ঘটনা হইতে বুঝা যাইতেছে, লোকটা বোধ হয় কোন দিন  
লেডীর নিকট কিছু ভিক্ষাপ্রার্থী হইয়া পত্র লিখিয়াছিল, তাই  
হয় ত হাতের লেখাটা লেডীর পরিচিত বলিয়া মনে হইয়াছিল।  
নহিলে একরূপ অবস্থার কোন লোকের সহিত লেডীর জানা-  
শুনা থাকা সম্ভবপর নহে। সুতরাং এ বিষয়ের আলোচনা  
স্থগিত থাকুক।

লেডী মহোদয়া বলিলেন, “ঘটনাটা বড়ই শোচনীয় সন্দেহ  
নাই। লোকের কৌতূহল সাধারণতই একরূপ ক্ষেত্রে জাগ্রত  
হইয়া উঠে। মিঃ টলকিংহরণ, দয়া করিয়া দরজাটা খুলিয়া  
দিবেন?”

ইহার পর কয়েক দিন ধরিয়া উভয়ে উভয়ের সম্মুখীন  
হইয়াছেন। কিন্তু এ প্রসঙ্গের আলোচনা আর হয় নাই।  
বাহিরে কোনও ভাব-বৈলক্ষণ্য কাহারও আননে প্রকাশ না  
পাইলেও এবং কেহ কাহারও ব্যবহার সম্বন্ধে বাহু খরদৃষ্টি  
না রাখিলেও মনে মনে পরস্পর পরস্পরকে সম্ভবতঃ লক্ষ্যের  
বিষয়ীভূত রাখিয়াছিলেন।

বিষয়টা সম্বন্ধে কে কতটা জানে, তাহা জানিবার জন্য  
উভয়ের মনের মধ্যে সম্ভবতঃ একটা কৌতূহল ছিল; কিন্তু  
আপাততঃ কেহ তাহা বাহিরে প্রকাশ করিলেন না।

১৩

রিচার্ড ভবিষ্যতে কোন্ ব্যবসায় অবলম্বন করিবেন,  
এ সম্বন্ধে আমাদের মধ্যে প্রায়ই আলোচনা হইত। মিঃ  
জারনুডিস্ও শেষকালে আমাদের আলোচনায় যোগ দিতেন।  
নৌবিভাগ রিচার্ডের কেমন লাগিবে, তিনি তাঁহাকে এ  
প্রশ্নও করিয়াছিলেন। রিচার্ড ভবিষ্য চিন্তিয়া কিছুই  
স্থির করিতে পারিলেন না।

মিঃ জারনুডিস্ এক দিন আমায় বলিলেন, “একরূপ  
অনিশ্চিতভাবে থাকিলে চলিবে না। জন্মাবধি রিচার্ড  
এইরূপ অনিশ্চয়তার মধ্যে লালিত। সেজ্ঞান তাহাকে আমি  
দোষ দেই না। একরূপ অবস্থায় সকলেরই এমন হইয়া  
থাকে। কিন্তু এখন একটা কিছু ঠিক করা চাই।”

রিচার্ড আট বৎসর কাল সাধারণ বিদ্যালয়ে পাঠ  
করিয়াছিলেন। ল্যাটিন ভাষায় তিনি কবিতা রচনায়ও  
অভ্যস্ত হইয়াছিলেন। কিন্তু এযাবৎ তিনি একবার  
ভবিষ্যও দেখেন নাই, কোন্ দিকে তাঁহার মনের গতি  
প্রধাবিত।

রিচার্ড এক দিন বলিলেন, “আমি কোন্ পথ অবলম্বন  
করিব, বাস্তবিক সে সম্বন্ধে আমার নিজের কোন ধারণা  
নাই। তবে আমি ধর্ম্মযাজক হইতে যে চাহি না, এটা ঠিক।  
ও-বিষয়ে আমার ঘোরতর বিতৃষ্ণা।”

মিঃ জারনুডিস্ বলিলেন, “মিঃ কেন্জির ব্যবসাটা  
তোমার কেমন লাগে?”

রিচার্ড বলিলেন, “তা ঠিক বলিতে পারি না, মহাশয়!  
আমি নৌকা বাহিতে খুব ভালবাসি। যাহারা আইন  
শিখে, তাহারা অনেক সময় জলে জলেই থাকে। ব্যবসাটা  
ভালই!”

মিঃ জারনুডিস্ বলিলেন, “অল্প-চিকিৎসক—”

রিচার্ড বলিলেন, “ঐ ত আমি হইতে চাই!”

অবশেষে স্থির হইল, রিচার্ড ডাক্তারী শিক্ষা করিবেন।  
মিঃ কেন্জি আসিয়াছিলেন। তিনি বলিলেন যে, কোনও  
প্রসিদ্ধ চিকিৎসকের তত্ত্বাবধানে থাকিয়া এ বিদ্যা আয়ত্ত  
করিতে হইবে। সে ভার তিনি লইলেন।

মিঃ জারনুডিস্ আমাদের সঙ্গ করিয়া লণ্ডনে লইয়া  
গেলেন। রিচার্ডের কাজকর্মের সুবিধার জন্তও বটে,  
আমাদিগকে লণ্ডনের যাবতীয় দর্শনীয় বিষয় দেখানও বটে।  
মিঃ বয়থরন্ বিদায় লইলেন। অক্সফোর্ড ষ্ট্রীটে আমাদের  
বাসা লওয়া হইল। সহরের যত বড় বড় রঙ্গালয় ছিল,  
আমরা সর্বত্র নাটকানিনয় দেখিতে যাইতে লাগিলাম।  
তবে সেখানে গিয়া আর একটা নূতন বিপদ বাড়িল। মিঃ  
শুপী আমাদের আলাতন করিয়া তুলিলেন।

এক রাত্রিতে আমি ও আদা বসে বসিয়া আছি। সম্মুখে  
আমরা, রিচার্ড আদার পশ্চাতের আসনে উপবিষ্ট! এমন  
সময় দেখিলাম, পিটের আসনে মিঃ শুপী উপবিষ্ট। তাঁহার,



মুখে বিষাদের কালিমা অঙ্কিত। তিনি হাঁ করিয়া খালি আমারই দিকে চাহিয়া রহিলেন। অভিনয়ের সময় তিনি যে ভ্রমেও অভিনেতাঙ্গিণের প্রতি চাহিয়াছিলেন, আমার ত এমন মনে হইল না। মুখের ভাবটি এমনই বিমর্ষ যে, মহা দুঃখে তিনি যেন ভাসিয়া পড়িয়াছেন।

সে রাত্রিতে অভিনয় দেখিয়া আমার বিন্দুমাত্র তৃপ্তি হইল না। এক জন পুরুষ বিষাদের ভাণ করিয়া হাঁ করিয়া মুখের দিকে সর্কক্ষণ তাকাইয়া থাকিলে কি বিরক্তি জন্মে না?

ইহার পর আমরা যত দিন থিয়েটার দেখিতে গিয়াছি, মিঃ গুপী কোন দিন অনুপস্থিত থাকেন নাই। পিটের আসনে তিনি বসিয়া থাকিবেনই। ইহাতে প্রকৃতই বড় অসুবিধা বোধ করিতে লাগিলাম। এক একবার মনে করিলাম, মিঃ জারনুডিস্কে মিঃ গুপীর কথাটা বলিয়া দেই। কিন্তু তখনই মনে হইল, এ কথা বলিলেই বেচারীর চাকরী যাইবে। কাহারও অন্ন-উপার্জনের পথ রুদ্ধ হয়, ইহা আমার অভিপ্রেত নহে। এক একবার এমনও মনে করিলাম যে, আসল কথাটা রিচার্ডকে বলিয়া দেই। কিন্তু তাহাতেও নিরস্ত হইলাম, কারণ, খুব সম্ভবতঃ রিচার্ড এজ্ঞ মিঃ গুপীকে যদি প্রহার দেন, তবে বেচারার দুর্গতির অবধি থাকিবে না। একবার এমনও মনে হইল যে, উহার মাতাকে পত্র লিখিয়া দেই। কিন্তু সেটাও সঙ্গত মনে করিলাম না। কারণ, চিঠিপত্র একবার আরম্ভ হইলে উহা কোথায় গিয়া শেষ হইবে, কে জানে?

ক্রমে মিঃ গুপীর অত্যাচার আরও বাড়িল। রঙ্গালয় ছাড়াও অন্তত ঠাঁহাকে প্রায়ই দেখিতে পাওয়া যাইতে লাগিল। আমাদের বাড়ীর সম্মুখস্থ রাজপথের গ্যাসপোষ্টের কাছে প্রত্যহ রাত্রিতে তিনি দাঁড়াইয়া থাকিতে লাগিলেন। ভয়ে আমি জানালার ধারে যাওয়া পরিত্যাগ করিলাম। কারণ, যখনই আমি সেখানে গিয়াছি, এমনই মিঃ গুপীর বিষম মুষ্টিখানা সেখানে দেখিতে পাইতাম। শুধু দিবা-ভাগে এ অশান্তি ছিল না। কারণ, সে সময় তিনি নিজের কাজে বোধ হয় যাইতেন। যাক, তবুও রক্ষা!

মিঃ কেন্জির মাতুল-ভ্রাতা মিঃ বেহাম্ বেজার চেল্‌সিতে ভাল ডাক্তার ছিলেন। তদ্ব্যতীত একটি চিকিৎসা-বিদ্যালয়ের সহিতও ঠাঁহার সংস্রব ছিল। তিনি রিচার্ডকে ঠাঁহার বাড়ীতে রাখিয়া উক্ত বিদ্যালয় শিক্ষাইতে সম্মত হইলেন। প্রধান বিচারপতিও এ বিষয়ে সম্মতি দিলেন।

সে দিন মিঃ বেজারের বাড়ীতে আমাদের সকলেরই আহ্বারের নিমন্ত্রণ ছিল। আমরা সকলে গেলাম। শ্রীমতী বেজার আমাদের অভ্যর্থনা করিলেন। দেখিলাম, ডাক্তারের অপেক্ষা ঠাঁহার পত্নী বয়সে কিছু বড়। ডাক্তার বলিলেন, শ্রীমতী বেজারের তিনি তৃতীয় স্বামী।

শুনিয়া মিঃ জারনুডিস্ বলিলেন, “বটে!”

ডাক্তার বলিলেন, “কিন্তু শ্রীমতী বেজারের চেহারা দেখিলে তাহা বুঝায় না। ঠাঁহার যে ইতিপূর্বে আরও দুইবার বিবাহ হইয়াছিল, ঠাঁহার আকৃতিতে তাহা অনুমান করা যায় কি?”

আমি বলিলাম, “মোটাই না!”

নিমন্ত্রণের পর পরমানন্দে আমরা ফিরিয়া আসিলাম। রিচার্ড আর কয়েক দিন পরেই ডাক্তারের ওখানে গিয়া পড়াশুনা করিবেন।

এক দিন আদা আমার বলিলেন, “প্রিয় ইহার, আমি তোমাকে একটা গোপন কথা বলিব, ভাই!”

বলিলাম, “কি কথা, ভাই?”

“ইহার, সেটা অনুমান করিবার সাধ্য তোমার নাই!”

আমি বলিলাম, “আচ্ছা, যদি আমি তা পারি!”

তিনি বলিলেন, “না, তোমার অনুমান করিয়া কাজ নাই।”

আমি যেন কিছুই বুঝি নাই, এমনই ভান করিয়া বলিলাম, “লোকটা কে, বুঝিতে পারিতেছি না।”

অশ্রুটস্বরে আদা বলিলেন, “আমি রিচার্ডের কথা বলিতেছি।”

আমি ঠাঁহার মুখ তখন দেখিতে পাইতেছিলাম না। মনে মনে হাসিয়া প্রকাশে বলিলাম, “বটে! ঠাঁর কথা আমায় কি বলিবে?”

আমার বৃক্ক মুখ লুকাইয়া, সরলতার আধার আদা অতি অশ্রুট গুঞ্জে বলিলেন, “তিনি বলিয়াছেন, যদিও খুব ছেলে-মানুষের মত কথা, তিনি বলিয়াছেন, তিনি আমায় বড় ভালবাসেন।”

“ভাই না কি? এমন কথা ত আমি কখনও শুনি নাই। ভাই, কিন্তু এ কথা আমি আজ নহে, বহু সম্ভ্রম আগেই তোমায় বলিয়া দিতে পারিতাম!”

লজ্জারক্ত প্রসন্ন মুখে সুন্দরী আমার মুখের দিকে চাহিলেন। আমার গলদেশে ঠাঁহার কোমল ভূজবল্লী দ্বারা বেষ্টিত হইল।

আমি বলিলাম, “প্রিয় আদা, আমাকে তুমি কি ভাব, ভাই। ভ্রাতা রিচার্ড তোমাকে যে প্রথমাবধি ভালবাসিয়া আসিতেছেন, তাহা কি কাহারও চক্ষু এড়াইতে পারে?”

আদা আমাকে চুষন করিয়া বলিলেন, “তুমি গোড়া হইতেই জানিতে, অথচ আমাকে কখনও বল নাই?”

“না প্রিয়তমে, আমি শুধু তোমাদের কাছ থেকেই শুনিব বলিয়া প্রতীক্ষা করিতেছিলাম।”

“আচ্ছা, এখন ত তোমায় বলিলাম, এটা কি আমার অন্তায় কাজ করা হইল?”

ঠাঁহার ইচ্ছা যে আমি বলি, “না।” কিন্তু আমি তাহা বলিলাম না। তখন আদা বলিলেন, “আমার সব কথা বলা হয় নাই। আরও আছে।”

আমি বলিলাম, “বটে! আরও আছে? এখানেই শেষ নয়?”

আমার বৃকে মাথা রাখিয়া তিনি বলিলেন, “না, আরও আছে!”

আমি রহস্যভরে বলিলাম, “তবে কি তুমি বলিতে চাও যে—”

আদার নয়নে অশ্রু, মুখে হাসি, তিনি মধুর ভঙ্গীতে আমার মুখের দিকে চাহিয়া বলিলেন, “হাঁ, তাই। তুমিও ত জান! সর্কাস্তঃকরণে আমি ভালবাসি। সে কথা সত্য, ইস্তাহার!”

আমি সহাস্তে বলিলাম যে, তাহাও আমি জানি। আমরা অধিকৃষ্ণের ধারে বসিয়া রহিলাম। আদা কত কথাই বলিয়া চলিলেন। ক্রমে তাঁহার উত্তেজনা হ্রাস পাইল।

“আচ্ছা ভাই, জন্ কি এ সব কথা জানেন?”

আমি বলিলাম, “যদি তিনি অন্ধ না হন, তাহা হইলে নিশ্চয়ই জানেন বৈ কি! আমার বিশ্বাস, আমি যতটুকু জানি, তিনিও তাহা জানেন।”

আদা মৃদুস্বরে বলিলেন, “রিচার্ড চলিয়া যাইবার পূর্বে আমরা কথাটা তাঁহাকে জানাইতে চাই। এজ্ঞ তোমার পরামর্শও চাই। রিচার্ডকে এখানে ডাকিয়া আনিব? তোমার আপত্তি নাই?”

আমি বলিলাম, “রিচার্ড কি ঘরের বাহিরে দাঁড়াইয়া না কি?”

আদা সশ্রিত হাস্তে বলিলেন, “আমি ঠিক বলিতে পারি না। তবে সম্ভবতঃ তিনি দরজার বাহিরে অপেক্ষা করিতেছেন।”

কথাটা ঠিক। রিচার্ড বাহিরেই ছিলেন। আমার দুই পাশে দুই জন বসিলেন। উভয়েই আমাকে যেমন ভালবাসিতেন, তেমনই বিশ্বাস করিতেন। কিন্তু এজ্ঞ এই তরুণ প্রণয়িযুগল অবিশ্রান্ত কত কি বলিতে লাগিলেন। আমি বাধা দিলাম না। সত্য বলিতে কি, আমি উহা উপভোগ করিতেই লাগিলাম। উভয়েই অপরিণতবয়স্ক। এখনও উভয়ের মিলন-পথে দীর্ঘকালের ব্যবধান রহিয়াছে। এত অল্পবয়সে তাঁহাদের বিবাহ হইবে না। যদি প্রথম-যৌবনের এই ভালবাসা ততকাল পর্য্যন্ত টিকিয়া থাকে, যদি তাঁহাদের প্রণয় অকৃত্রিম হয়, তবেই পরিণামে তাঁহাদের জীবন সুখময় হইবে। আমি উভয়কে সে বিষয়ে নানা উপদেশ দিলাম। পরস্পরের প্রতি পরস্পরের যে কর্তব্য, তাহাও বুঝাইয়া দিলাম। দৃঢ়ব্রত হইয়া উভয়কে কর্মপথে অগ্রসর হইতে হইবে। উভয়েই স্বীকার করিলেন, পরস্পর পরস্পরের সুখের জন্য একনিষ্ঠভাবে, দৃঢ়চিত্তে কর্ম করিবেন। রাত্রি অগ্রসর হইল। আমি তাঁহাদের কাছে প্রতিক্ষিত হইলাম যে, কথাটা মিঃ জারনুডিস্কে আমিই জানাইব।

পরদিবস প্রাতরাশের পর আমি কর্তার গৃহে প্রবেশ

করিলাম। তিনি তখন কি পড়িতেছিলেন। আমার কোনও বক্তব্য আছে শুনিয়া তিনি বইখানি মুড়িয়া রাখিলেন।

আমি বলিলাম, “আমি যে কথা বলিতে আসিয়াছি, গতকল্য সন্ধ্যায় তাহা ঘটয়াছে মাত্র!”

“বটে? ব্যাপারটা কি, ইস্তাহার?”

বলিলাম, “প্রথম যে দিন ব্লিক্ হাউসে আমরা আসি, সেই রাত্রির কথা বোধ হয় আপনার স্মরণ আছে। আদা ঘরের মধ্যে বসিয়া গান করিতেছিলেন, মনে পড়ে কি?”

তিনি আমার দিকে চাহিলেন। দৃষ্টি দেখিয়া বুলিলাম, কথাটা তাঁহার মনে পড়িয়াছে।

তখন বলিলাম, “আদা ও রিচার্ড পরস্পরের প্রণয়-সম্বন্ধ। উভয়েই উভয়কে তাহা জানাইয়াছেন।”

বিশ্রিতভাবে কর্তা মহাশয় বলিলেন, “এরই মধ্যে!”

আমি বলিলাম, “আজ্ঞা, হ্যাঁ। সত্য কথা বলিতে কি, আমি প্রত্যহই উহার প্রতীক্ষা করিতেছিলাম।”

“বটে! তুমিও উহা লক্ষ্য করিয়াছিলে না কি?”

অত্যল্পকাল তিনি নীরবে কি চিন্তা করিলেন, তারপর মৃদু হাস্তে আমাকে বলিলেন, “উহাদিগকে ডাকিয়া আন।” আমি তৎক্ষণাৎ তাঁহাদিগকে ডাকিয়া আনিলাম। মিঃ জারনুডিস্ এক হাত দিয়া আদাকে পরম স্নেহভরে নিজের কাছে টানিয়া আনিয়া প্রসন্ন-গম্ভীর-কণ্ঠে রিচার্ডকে ডাকিয়া বলিলেন,—“ব্লিক্, তোমাদের বিশ্বাসভাজন হইয়া আমার আনন্দ রাখিবার স্থান নাই। ভবিষ্যতে উহা যেন অক্ষুণ্ণ থাকে। আমাদের এই চারি জনের মিলন আমার জীবনে পরম সুখ আনয়ন করিয়াছে। অবশ্য পূর্বে হইতেই আমি কল্পনা করিয়া রাখিয়াছিলাম, তুমি ও আদা ভবিষ্যতে পরিণয়-সূত্রে আবদ্ধ হইবে। তোমাদের মিলন আমার একান্ত আকাঙ্ক্ষিত। লজ্জা কি দিদি! নানা কারণে আমি তোমাদের এই মিলন বাঞ্ছনীয় মনে করি। কিন্তু তথাপি সে মিলনে এখনও বহু বিলম্ব আছে!”

রিচার্ড বলিলেন, “যতই বিলম্ব থাকুক না কেন, আমরা তজ্জন্ম দুঃখিত নহি। আমরা তত দিন প্রসন্ন-মনে প্রতীক্ষা করিয়া থাকিব।”

মিঃ জারনুডিস্ বলিলেন, “ঠিক কথা। তাই দরকার। যাক্, এখন তোমাদিগকে একটা কথা বলা দরকার। এখনও তোমরা পরস্পর পরস্পরের মনের প্রকৃত পরিচয় পাও নাই। হাজার রকমে এখন তোমাদের মন পরস্পরের নিকট হইতে বিক্ষিপ্ত হইতে পারে। তোমাদের মনের বর্তমান কুসুম-কোমল বন্ধন হয় ত ছিন্ন হইয়া যাইতে পারে; অথবা এ বন্ধন পরস্পরের নিকট লৌহবৎ দুর্বল মনে হইতে পারে। আমি তাহা ঘটতে দিব না। যদি তোমাদের মনের ঐ প্রকার অবস্থা কখনও ঘটে, তবে



অল্পদিনেই তাহা ঘটবে। কয়েক বৎসর পরে তোমাদের স্বার্থ মনের ভাব প্রকাশ পাইবে। ধরিয়া লইলাম, সে সময় আজিকার মতই তোমাদের মনের মিল থাকিবে। কিন্তু ধর, যদি তোমাদের মনের মিল না ঘটে, যদি তোমাদের মনের পরিবর্তন হয়, যদি এমনই বোঝা যে, সাধারণ ভাই-বোনের অধিক অল্প কোনও প্রকার আকর্ষণ তোমাদের মধ্যে নাই, তখন কিন্তু আজিকার মতই আমার কাছে আসিয়া সে কথা প্রকাশ করিতে কুণ্ঠিত হইও না। ভাবিও না, সেটা কিছু অন্ডায় বা গুরুতর কোনও অপরাধ। আমি তোমাদের বন্ধু ও দূরসম্পর্কীয় আত্মীয়মাত্র। তোমাদের উপর আমার কোনও জোর নাই। কিন্তু তোমরা যে আমাকে বিশ্বাস করিবে, ইহা আমি প্রত্যাশা করি।”

রিচার্ড বলিলেন, “আমার নিজের এবং আদার তরফ হইতেও বলিতেছি যে, আমাদের উপর আপনার যথেষ্ট শক্তি প্রয়োগ করিবার অধিকার আছে। আমরা আপনাকে প্রগাঢ় শ্রদ্ধা-ভক্তি করি। প্রাণ ভরিয়া ভালবাসি। আমাদের ভক্তি-শ্রদ্ধা ও ভালবাসা দিন দিন আরও বাড়িতেছে।”

আদা মিঃ জারনুডিসের স্বপ্নের উপর মুখ রাখিয়া বলিলেন, “স্নেহময় দাদা, আমার পিতার স্থান কখনও আর খালি থাকিবে না। তিনি থাকিলে আমি তাঁহাকে যেমন অকৃত্রিমভাবে ভক্তি করিতাম, ভালবাসিতাম, কর্তব্য পালন করিতাম, আজ হইতে তাহা আপনাতে অর্পিত হইল।”

মিঃ জারনুডিস বলিলেন, “বেশ! এখন ভবিষ্যতের দিকে আমরা আশাপূর্ণ নেত্রে চাহিয়া থাকি! রিক্, তোমার সম্মুখে জগতের কর্মক্ষেত্র প্রসৃত। তোমাকে তথায় প্রবেশ করিতে হইবে। জগতে শুধু ভগবান ও নিজের কর্ম এই দুই বিষয় ছাড়া অল্প কিছুতে নির্ভর করিও না। ভগবানকে বিশ্বাস কর এবং কাজ করিয়া যাও—সফলতা লাভ করিবে। প্রেমে অবিচল থাকাই সঙ্গত। কিন্তু সেই সঙ্গে ইহাও মনে রাখিতে হইবে যে, যে কার্যেই নিযুক্ত হও না কেন, তাহাতেও একনিষ্ঠভাবে, অবিচলভাবে মন দিতে হইবে। কারণ, একনিষ্ঠতা না থাকিলে সে কার্যে সফলতা ঘটে না। অতীত ও বর্তমান যুগের যাবতীয় মহৎ লোকের ক্ষমতা যদিও তোমাতে থাকে, তথাপি তুমি কিছুই করিতে পারিবে না, যদি না তুমি কামনোবাক্যে সে কার্যসাধনে আত্মনিয়োগ কর। যদি তোমার মনে ভ্রমেও এমন চিন্তা উদ্ভিত হইয়া থাকে যে, খেয়ালের দ্বারা এ জগতে কখনও কোন বিষয়ে সাফল্য লাভ করিয়াছ বা ভবিষ্যতে করিবে, তবে সে আশা সম্পূর্ণরূপে মনের মধ্য হইতে উপাড়িয়া ফেল, নতুবা তোমার ভগিনী আদার আশা ত্যাগ কর।”

সহাস্ত্রে রিচার্ড বলিলেন, “আমি আদাকে স্থখী করিবার জন্য পরিশ্রমে উদাসীন থাকিব না।”

“নিশ্চয়। তাহাকে স্থখী করিতে না পারিলে তাহাকে ভালবাসিবার অধিকারও তোমার নাই।”

রিচার্ড গর্ভভরে বলিলেন, “আমি উহাকে কখনও অস্থখী করিব না।”

মিঃ জারনুডিস বলিলেন, “বেশ বলিয়াছ, ভাই। আদা আমার কাছেই থাকিবে। কর্মস্থলে থাকিয়া তুমি সর্বদাই মনে মনে আদাকে ভালবাসিও। এখানে তুমি মাঝে মাঝে আসিবে। একনিষ্ঠভাবে আদাকে ভালবাসিলে এবং ভাল করিয়া কাজ করিলে পনিগামে সবই ভাল হইবে। নহিলে ঘোরতর অমঙ্গল ঘটবে। বস, আমার যাহা বলিবার ছিল বলিলাম। এখন তোমরা দুই জনে খানিক বেড়াইয়া আইস।”

আদা স্নেহভরে মিঃ জারনুডিসকে আলিঙ্গন করিলেন। রিচার্ড সাগ্রহে তাঁহার করমর্দন করিলেন। বাহিরে গিয়া উভয়ে একটু দাঁড়াইলেন, বোধ হয়, আমি সঙ্গে ঘাইব, ইহাই তাঁহারা আশা করিয়াছিলেন।

দরজা খোলাই ছিল। আমরা দুই জনে চাহিয়া দেখিলাম, নবীন প্রণয়যুগল পার্শ্বের রৌদ্র-দীপ্ত কক্ষ অতিক্রম করিয়া বাহিরে চলিয়া গেলেন।

মিঃ জারনুডিস বলিলেন, “ইস্থার, আমি কি ঠিক কাজ করিয়াছি?”

এমন বিজ্ঞ, এমন বুদ্ধিমান যিনি, তিনি আমাকে প্রশ্ন করিতেছেন, তিনি ঠিক কাজ করিয়াছেন কি না!

“আমার বাক্যে রিক্ কিছু জ্ঞানলাভ করিতে পারে। তাহার ভিতরটি ভাল, তবুও কোথাও যদি কিছু অভাব থাকে, সে ইহা হইতে তাহা পূর্ণ করিয়া লইতে পারিবে। আদাকে আমি কোন কথা বলি নাই, ইস্থার। তাহার বিশ্বস্ত বন্ধু ও পরামর্শদাত্রী সর্বদাই তাহার কাছ থাকে।”

তিনি স্নেহভরে আমার মস্তকে হাত রাখিলেন।

প্রাণপণ চেষ্টা সহ্যেও চাঞ্চলা আমি দমন করিতে পারিলাম না।

তিনি বলিলেন, “কিন্তু আমাদেরও লক্ষ্য থাকিবে যে, অন্ডের সেবা করিয়াই আমাদের ছোট্ট মেয়েটির জীবন সমাপ্ত না হয়।”

“সেবা? আমার মত স্থখী জগতে আর কে?”

“সে কথা বিশ্বাস করি, ইস্থার। কিন্তু এমন লোকও ত থাকিতে পারে, অবশ্য ইস্থার না করিতে পারে, যে এই ছোট্ট মেয়েটিকে অল্প সকল বিষয় অপেক্ষা স্বরণীয় বলিয়া মনে রাখিতে পারে।”

একটা কথা বলিতে ভুলিয়া গিয়াছি। ডাক্তার বেজারের ভবনে নিমন্ত্রণের দিন একটি বাহিরের লোক উপস্থিত ছিলেন। তিনি নারী নহেন, একটি পুরুষ। ভদ্রলোকটির গাত্রবর্ণ কৃষ্ণাভ; যুবকটি চিকিৎসাবাসায়ী, সার্জন। ভদ্রলোকটি স্বল্পভাবী, কিন্তু আমার মনে হইয়াছিল, লোকটি ভাল।

১৪

পরদিনস অপরাত্রে রিচার্ড কাজ শিখিবার জন্য তাঁহার ফর্মক্রেডে চলিয়া গেলেন। যাইবার পূর্বে তিনি আদার হার আমার উপর দিয়া গেলেন। আমি তাঁহাদের উভয়েরই মন্তব্য বন্ধ। উভয়েই আমাকে প্রাণ ভরিয়া ভালবাসিতেন, বশাস করিতেন। আমাকে লুকাইয়া কোন কাজ বা কথাই তাঁহাদের ছিল না। যাইবার পূর্বে হির হইয়াছিল, সপ্তাহে আমি রিচার্ডকে একখানি করিয়া পত্র লিখিব। তাহাতে আদার সব কথা থাকিবে। আদা এক দিন অন্তর রিচার্ডকে পত্র লিখিবেন। রিচার্ড স্বয়ং আমাকে লিখিয়া জানাইবেন, তিনি কি ভাবে পরিশ্রম করিতেছেন। তাঁহাদের বিবাহের সময় আমি আদার সহচরী হইব। পরে আমাকেও তাঁহাদের সঙ্গে থাকিতে হইবে। তাঁহাদের বাড়ীর যাবতীয় ভার আমার উপরেই তাঁহারা দিবেন। আমাকে তাঁহারা চিরদিনের জন্য স্মৃতি করিবেন। ইত্যাদি।

অবশেষে রিচার্ড বলিলেন, “আচ্ছা হইহার, যদি মোকদ্দমার ফলে অবশেষে আমরা খুব ধনবান হইয়া যাই। এমন হইতেও ত পারে!”

আদার মুখে চিন্তার রেখা পড়িল।

“প্রিয়তমে আদা, বল তুমি, উহা হইতে পারে না কেন?”

আদা বলিলেন, “তার চেয়ে আমাদের গরীব করিয়া লেই ভাল হয়।”

রিচার্ড বলিলেন, “ও! তা আমি জানি না। যাহাই হউক না কেন, এখনই কিছু হইবে না। কত মাস ধরিয়া মোকদ্দমা চলিতেছে, এ পর্য্যন্ত যখন কিছুই হয় নাই, তখন ফলাফল কত দিনে বাহির হইবে, তাহা ভগবানই জানেন।”

আদা বলিলেন, “সে কথা ঠিক। কিন্তু রিচার্ড, মোকদ্দমার ফলাফলের উপর যদি আমরা নির্ভর করিয়া থাকি, তবে আমরা অসুখী হইব।”

প্রফুল্লভাবে রিচার্ড বলিলেন, “আমরা নির্ভর করিয়া থাকিতে গেলাম কেন? শুধু এই কথা বলিয়াছি, যদি মোকদ্দমার ফলে আমরা বড় মাহুষ হইয়া যাই, তাহাতে আমাদের আপত্তির কি কারণ আছে? আদালত আমাদের ভাগ্যান্বিত। আদালতের বিচারে আমরা যাহা পাইব, তাহাতে আমাদের স্মারসঙ্গত অধিকার আছে। সুতরাং যাহা আমাদের নিজের জিনিস, তাহার সহিত নিশ্চয়ই আমাদের বিরোধ নাই।”

আদা বলিলেন, “না, তা নাই। কিন্তু ও সকল কথা এখন ভুলিয়া যাওয়াই সঙ্গত।”

রিচার্ড বলিলেন, “বেশ, তবে তাই। এখন হইতেও সব কথা ভুলিয়াই গেলাম।”

উক্ত প্রকার আলোচনার পর রিচার্ড বিদায় গ্রহণ করিলেন। তাঁহার অভাব আমরা আজ খুবই অনুভব করিলাম।

আমরা লম্বা লম্বা আসিয়া জীবনী জেলিবি বাড়ী গেলাম। মিঃ জারনুডিস্ আমাদের সঙ্গে গেলেন। সেখানে কাহারও সহিত দেখা হইল না। তাঁহারা কোথায় কোন্ বন্ধুর বাড়ী নিমন্ত্রণে গিয়াছেন।

পরদিনস আমরা বাসায় বসিয়া আছি, এমন সময় কুমারী জেলিবি আমাদের ঘরে প্রবেশ করিল। পেপিকে সে সঙ্গে আনিয়াছিল। বালকের মাথায় বিশপের টুপি, হাতে বালকের দস্তানা। পায় হুকের জুতা, জামা ও প্যান্ট প্রকাণ্ড।

মিস্ জেলিবি মিঃ জারনুডিস্কে বলিল, “মা আপনাকে অভিযাদন জানিয়েছেন। তিনি আসতে পারলেন না। কারণ, তিনি প্রফ দেখিতে বড় ব্যস্ত। নূতন পাঁচ হাজার বিজ্ঞাপন ছাপাচ্ছেন। একখানা আপনাকে তিনি পাঠিয়ে দেছেন।”

কুমারী জেলিবি উহা তাঁহার হস্তে অর্পণ করিল।

মিঃ জারনুডিস্ তাহাকে ধন্যবাদ জানাইয়া আমার দিকে চাহিয়া বলিলেন, “আজ বাতাসটা বড় খারাপ লাগিতেছে।”

তিনি একটু পরেই পাঠাগারে উঠিয়া গেলেন। মিস্ জেলিবি আমাদের সঙ্গে কথা আরম্ভ করিয়া দিল।

“দেখুন, জীবনে সুখ নেই। খালি আফ্রিকার কথা! আমার আর যন্ত্রণার সীমা নাই।”

আমি তাহাকে সান্ত্বনা দিবার চেষ্টা করিলাম। সে বলিল, “মিস্ সমারসন্? আপনার উদ্দেশ্য মহৎ, কিন্তু কোন লাভ নেই। আপনার নিজের যদি হ'ত, আপনিও সহ করতে পারতেন না। পেপি, তুমি পিয়ানোর কাছে ব'সে খেলা কর গে।”

বালক প্রথমতঃ গেল না। কিন্তু তৎপরে দিদির নরনে জল দেখিয়া সে ধীরে ধীরে নির্দিষ্ট স্থানে গিয়া বসিল। মিস্ জেলিবি বলিল, “সামান্য কথাতেই কান্না আসে। আমি একেবারে ভেঙ্গে পড়েছি। আজ বেলা ২টা পর্য্যন্ত আমি বিজ্ঞাপন বিলি করেছি। কাজটার উপর আমার জাতস্বর্ণা। আচ্ছা, ঐ ছেলেটার দিকে একবার চেয়ে দেখুন। অবস্থা দেখে কি হুঃখ হয় না?”

কথাটা অসঙ্গত নয়। বালক গৃহকোণে বসিয়া মিট-মিট করিয়া আমাদের দিকে চাহিতেছিল। সে তাহার বেশের অসামঞ্জস্য কিছুই বুঝে নাই।

মিস্ জেলিবি বলিল, “ওকে আমি ইচ্ছে করেই ওখানে পাঠিয়ে দিয়েছি। পাছে কোন কথা শুনে আবার বাড়ীতে গিয়ে গল্প করে, তাই। আমাদের কথা ওকে শুন্তে দেওয়া হবে না। আমাদের অবস্থা দিন দিন খুব খারাপ হচ্ছে। আর কদিন বাদেই বাবা দেউলে হয়ে যাবেন। তখন মা খুব খুসী হবেন। পৃথিবীতে তখন মা ছাড়া আর কেউ ধন্যবাদ দেবেন না।”



আমরা তাহাকে আশ্বাস দিয়া বলিলাম যে, বোধ হয় অবস্থা এতটা মন্দ হয় নাই। তাহার আশঙ্কা হয় ত অমূলক।

মস্তক আন্দোলিত করিয়া কুমারী জেলিবি বলিল, “বৃথা আশায় কোন লাভ নেই। কাল সকালেই বাবা আমায় বলেছেন যে, তিনি আর পেরে উঠছেন না। তাঁর পারাই খুব কঠিন কাজ। দোকানদাররা যা খুসী, তাই আমাদের কাছে পাঠায়, চাকররা তাদের ইচ্ছামত যা তা নেয়, নষ্ট করে, আমি নিজেও বন্দোবস্ত করবার কোন অবকাশ পাই না, মা’ ত কিছুই দেখেন না, তখন বাবা যে কি ক’রে পেরে উঠবেন! আমি যদি বাবা হতাম, তবে কবে আমি ঘর-বাড়ী ছেড়ে পালাতাম!”

আমি সহান্তে বলিলাম, “প্রিয় জেলিবি, তোমার বাবা সংসারের ভাবনার ব্যস্ত।”

“সে কথা ঠিক, মিস্ সমারসন্। কিন্তু সংসারে তাঁর সুখ-শান্তি কোথায়? খালি বিলের তাগাদা, বাড়ীতে ময়লা, দুর্গন্ধ, গোলমাল। দুঃখ-দারিদ্র্যের চিহ্ন ছাড়া বাড়ীতে আর কিছু আছে কি? বাবার জন্ম আমার বড় কষ্ট হয়; কিন্তু মার জন্ম হয় না। বরং তাঁর উপর রাগ হয়। এমন রাগ যে, ভাষায় তা প্রকাশ করা কঠিন। আমি আর অভ্যাচার সহ্য করবো না। সে বিষয়ে আমি দৃঢ়-প্রতিজ্ঞ। চির-জীবন দাসত্ব করতে আমি রাজি নই। মিঃ কোরেন্ আমায় পাণিগ্রহণের প্রস্তাব করবেন, মার তাই ইচ্ছা; কিন্তু আমি তা হ’তে দেব না। ও রকম ভবঘুরে দেশহিতৈষী লোককে স্বামী বলে গ্রহণ করতে পারবো না। দেশহিতৈষণার অনেক কথা আমার জানা আছে।”

বাস্তবিক শ্রীমতী জেলিবির উপর আমারই ক্রোধ সঞ্চিত ছিল। এই কিশোরী কত দুঃখে যে তাহার জননীর সম্বন্ধে আলোচনা করিতেছে, তাহা আমি জানিতাম। সে জন্ম শ্রীমতী জেলিবির উপর আমার ক্রোধ আরও বাড়িল।

“আমাদের বাড়ীতে আপনারা ছিলেন, এবং আমাদের হাল-চালও আপনারা কতক দেখেছেন, তাই আপনাদের কাছে আসতে আজ আমার লজ্জা হয় নাই। তা ছাড়া ভাবলাম যে, এর পর হয় ত আমার সঙ্গে আপনাদের সহরে দেখা না হ’তেও পারে।”

এই শেষের দিকটায় সে এমন জোর দিয়া উচ্চারণ করিল যে, আমি ও আদা পরস্পরের দিকে না চাহিয়া পারিলাম না।

মিস্ জেলিবি ঘাড় নাড়িয়া বলিল, “আপনাদের সঙ্গে আমার আর দেখা হবে না, সেটা ঠিক। আপনাদের উপর আমার বিশ্বাস আছে, আশা করি, আপনারা আমার গোপন কথাটা এখন প্রকাশ করবেন না। আমি এখন অস্তুর বাগ্‌দস্তা।”

আমি বলিলাম, “তোমার বাবা ও মার অজ্ঞাতসারে?”

সে উত্তেজনার সহিত বলিল, “আপনি আশ্চর্য্য মনে করেন যে! তা’ ছাড়া বর্তমান অবস্থায় আর হতেই বা পারে কি? মার প্রকৃতি কি, আপনি তা’ ত জানেন; তার পর বাবা—তাঁকে আমি এ সব বিষয়ে টেনে এনে একটা হাঙ্গামা বাধাতে চাইনে। তাঁকে দুঃখ দিতে আমার আদৌ ইচ্ছে নেই।”

আমি বলিলাম, “কিন্তু ভাই, তাঁর অগোচরে বা অসম্মতিতে বিবাহ করিলে তাঁহার দুঃখ, ক্ষোভ আরও বেশী হইবে না কি?”

কুমারী জেলিবি বলিল, “না, আমার বোধ হয়, তা হবে না। তিনি যখন আমাকে দেখতে আসবেন, তখন আমি তাঁকে সুখী করবো, শাস্তি দেব। তার পর পেপি প্রভৃতিকে যথাসাধ্য সুখে রাখবারও চেষ্টা করবো।”

কিশোরী তাহার ভবিষ্যৎ সুখময় গার্হস্থ্য চিত্রখানি কল্পনানৈবেদ্যে দেখিতেছিল। তাহার কণ্ঠস্বর আর্দ্র। বুঝিলাম, তাহার হৃদয়টি পিতা, ভ্রাতার জন্ম বিরূপ স্নেহপূর্ণ।

কুমারী জেলিবি তার পর ধীরে ধীরে তাহার প্রণয় ব্যক্ত করিল। নৃত্যগীত শিখিয়া নিজেকে উন্নত করিবার অভিপ্রায়ে কেমন করিয়া সে নিউম্যান স্ট্রীটস্থিত মিঃ টরভিডুপের বিদ্যালয়ে গিয়াছিল, কেমন করিয়া নৃত্যগীত-শিক্ষক মিঃ টরভিডুপের পুত্রের সহিত তাহার প্রেম জন্মে, তাহা সে ধীরে ধীরে ব্যক্ত করিল।

আদা বলিলেন, “মিঃ টরভিডুপের পত্নী তোমাদের বাগ্‌দানের কথা জানেন?”

চক্ষু বিফারিত করিয়া মিস্ জেলিবি উত্তর দিল, “বৃদ্ধ টরভিডুপের আবার পত্নী কোথায়? তিনি ত বিপত্নীক।”

আমি বলিলাম, “তিনি বুঝি খুব ভদ্রলোক?”

ক্যাডি বলিল, “অত্যন্ত। সকল জায়গায় তিনি ভদ্রতার জন্ম বিখ্যাত।”

আদা বলিলেন, “তিনি কি নাচ-গান শেখান?”

“না। তিনি নিজে কোন বিষয়ে শেখান না। তবে তাঁর ব্যবহার চমৎকার!”

তার পর ঈষৎ ইতস্ততঃ করিয়া সে বলিল যে, সে মিস্ ক্রিটের সঙ্গে ঘনিষ্ঠতা বাড়াইয়াছে। আধা-পাণলী বুদ্ধাকে তাহার বড় ভাল লাগিয়াছে, তাই সেখানে সে প্রত্যহ সকালে যায়। প্রিন্সও সেখানে গিয়া থাকে। প্রিন্স তাহার বাগ্‌দস্ত স্বামীর ডাক-নাম। “দেখুন, আপনাদের সঙ্গে প্রথম যখন মিস্ ক্রিটের ঘরে ঘাই, তার পর থেকেই আমাদের ঘনিষ্ঠতা বাড়ে। প্রিন্সের সঙ্গে দেখা-সাক্ষাৎ সেই বুড়ীর বাড়ীতেই হয়, কিন্তু তজ্জন্ম আমার অপরাধ গ্রহণ করবেন না। প্রিন্স টরভিডুপ্ লোক ভাল, তাকে দেখলে আপনারা কখনই তার নিন্দা করতে পারবেন না। আমি এখন সেখানে গান শিখবার জন্ম যাচ্ছি। অবশ্য

আপনাদিগকে সেখানে নিমন্ত্রণ করে নিয়ে যেতে আমার সাহস হয় না। কিন্তু যদি যেতেন, বড় খুসী হতেন।”

মিঃ জারনুডিসের সঙ্গে আমাদের পূর্ব হইতেই বন্দোবস্ত হইয়াছিল যে, সেই দিন মিস্ ক্লিটের বাসায় আমরা যাইব। পূর্ব-ঘটনা তাঁহাকে বলায় তিনি বুদ্ধাকে দেখিবার জন্ত কৌতুহল প্রকাশ করিয়াছিলেন। আমি স্থির করিলাম, ক্যাডির সহিত তাহার নৃত্য-শিক্ষালয়ে আমি যাইব। তার পর মিস্ ক্লিটের বাসায় মিঃ জারনুডিস ও আদার সঙ্গে মিলিত হইব। কিন্তু মিস্ জেলিবিকে প্রতিশ্রুত করাইয়া লইলাম যে, তাহারা দুই ভাই-ভগিনী আজ রাত্রিতে আমাদের সহিত আহ্বার করিবে। উভয়ে তাহাতে সম্মতি প্রকাশ করিল।

যথাসময়ে নির্দিষ্ট স্থলে আমরা পৌঁছিলাম। একটি বৃহৎ কক্ষমধ্যে নানাবিধ যন্ত্র সজ্জিত। কতিপয় বালিকা ও যুবতী—তের চৌদ্দ হইতে বাইশ তেইশ বৎসর বয়স হইবে—গৃহমধ্যে সমবেত। আমি চারিদিকে চাহিয়া শিক্ষককে দেখিবার চেষ্টা করিলাম। এমন সময় ক্যাডি আমার একটি যুবকের সহিত পরিচয় করাইয়া দিল। তাঁহার বয়স অল্প, দেখিতে সুন্দর; কিন্তু কৃশ ও খর্কাকার। মুখখানি বড় সুন্দর ও মেয়েলী গঠন।

যুবক আমাকে সমাদরে অভ্যর্থনা করিলেন। তার পর আমার অনুরোধে তিনি নৃত্য শিখাইতে আরম্ভ করিলেন। একটি বালিকা নাচিতে আরম্ভ করিল। যুবক বেহালা বাজাইতে লাগিলেন। এমন সময় দরজা খুলিয়া এক ব্যক্তি সেই ঘরে প্রবেশ করিলেন। তাঁহার মাথায় পরচুলা, গালপাট্টাও নিজের নয়। গায়ের বর্ণও কৃত্রিম। বেশ-ভূষার পারিপাট্য চমৎকার। লোকটি খুব মোটা। অঙ্গে মূল্যবান পরিচ্ছদ, সোণার ঘড়ী, চেইন, অঙ্গুরীয় সবই আছে। কেবল নাই স্বাভাবিকতা।

যুবক আমার সহিত এই নবাগত ব্যক্তির পরিচয় করাইয়া দিলেন। এই ব্যক্তিই প্রিন্স টরভিড্রপের পিতা।

পিতার আদেশে পুত্র ছাত্রীদিগকে নৃত্য শিখাইতে লাগিলেন। বুড়া টরভিড্রপ অগ্নিকুণ্ডের ধারে দাঁড়াইয়া দেখিতে লাগিলেন। যুবক প্রাণপণ যত্নে শিক্ষা দিতেছিলেন, পিতা চুপ করিয়া দাঁড়াইয়া।

একটি বুদ্ধা আমার পার্শ্বে বসিয়াছিলেন। তাঁহার দুইটি কণ্ঠা নৃত্য শিখিবার জন্ত তথায় আসিয়াছিল। সেই বুদ্ধা বলিলেন, “লোকটা নিজে কিছুই করিবেন না, কিন্তু উহারই নাম বাহিরে লেখা রহিয়াছে।”

আমি বলিলাম, “উহার ছেলের নামও ত একই।”

বুদ্ধা বলিলেন, “যদি সাধ্য থাকিত, তবে পুত্রের নামটিও বাপ কাড়িয়া লইত। ছেলের পোষাকটির প্রতি একবার চাহিয়া দেখুন ত!” দেখিলাম, অত্যন্ত সাদাসিধা, মলিন ও ছিন্নপ্রায়। বুদ্ধা বলিয়া চলিলেন, “অথচ বাপের

বেশ-ভূষার বাহারটা একবার লক্ষ্য করুন। আমার ক্ষমতা থাকিলে আমি লোকটাকে নির্বাসনে পাঠাইতাম।”

বাস্তবিক লোকটির সম্বন্ধে আরও অধিক কথা জানিবার জন্ত আগ্রহ জন্মিল। বলিলাম, “উনি কি এখন ব্যবহার সম্বন্ধে শিক্ষা দিবেন?”

বুদ্ধা বলিলেন, “এখন কি, কোনও কালেই কিছু শিখাইবেন না। লোকটাকে দেখুন না, যেন কত বড় জমীদার! কত বড় অভিজাত বংশের লোক! তার পর ছেলের সঙ্গে বাহিরে এমনই ব্যবহার দেখান হয়, যেন কতই তাকে ভালবাসেন! ইচ্ছা করে লোকটাকে—”

বাস্তবিক দেখিলাম, পিতা শুধু দাঁড়াইয়া, আর পুত্র পিতার স্মৃথের জন্ত প্রাণপণ পরিশ্রম করিতেছেন। বৈচিত্র্য যথেষ্ট। এক জনের অঙ্গে পরিচ্ছদের বাহুল্য; অপরটির বেশভূষা অতি যৎসামান্য ও মলিন। পুত্র নিজ কার্যে ব্যাপৃত, এমন সময়ে পিতা আসিয়া আমার সহিত আলাপ শুরু করিলেন। আমি তাঁহার পুত্রের পরিশ্রমের প্রশংসা করিলাম। তিনি তাহাতে খুব খুসী হইলেন।

মিস্ জেলিবির শিক্ষা সে দিনের মত শেষ হইলে আমি তাহার কাছে গেলাম। পিতা এই সময় পুত্রকে ডাকিয়া বলিলেন, “বাবা, এখন বেলা কত জান?”

পুত্রের কোন ঘড়ী ছিল না। পিতা নিজের সুদৃশ্য ঘড়ী টানিয়া বাহির করিয়া বলিলেন, “এখন দুইটা বাজিয়াছে; তোমাকে তিনটার সময় কেনসিংটন বিদ্যালয়ে শিখাইতে যাইতে হইবে, তাহা মনে আছে ত?”

প্রিন্স বলিলেন, “বাবা, এখনও ঢের সময় আছে। দাঁড়াইয়া দাঁড়াইয়া কিছু খেয়ে নিয়েই আমি যেতে পারবো।”

পিতা বলিলেন, “কিন্তু খুব তাড়াতাড়ি করা চাই। টেবলের উপর ঠাণ্ডা ভেড়ার মাংস খানিকটা তোমার জন্ত রাখিয়াছি।”

“বাবা, আপনাকে এ জন্ত ধন্যবাদ। আপনি কি এখনই যাচ্ছেন?”

“হ্যাঁ, বাবা। ঠিক সময়ে নগরের মধ্যে আমাকে দেখা দেওয়া দরকার।”

পুত্র বলিলেন, “নগরের কোথাও বেশ ভাল করিয়া আহ্বারাদি করিবেন।”

“হ্যাঁ, সে ইচ্ছা আমার আছে। অপেরা কলোনেডের ধারে যে করাসী হোটেল আছে, সেখানেই কিছু খাওয়া যাইবে।”

পিতার করকম্পন করিয়া পুত্র বলিলেন, “বেশ! আচ্ছা, তবে এখন আসি, বাবা!”

“আচ্ছা, তবে এস। তোমাকে আশীর্বাদ করিতেছি!”

বুড়া টরভিড্রপ দরজা খুলিয়া আমাদের পথ দেখাইলেন। পুত্রের ব্যবহারে বাস্তবিকই আমি মুগ্ধ হইয়াছিলাম। পিতার স্মৃথের জন্ত ত্রিশবর্ষীয় যুবক নিজের ব্যক্তিগত স্মৃথের দিকে সম্পূর্ণ উদাসীন। এই যে তাহার



প্রণয়িনী, তাহার সহিত দশ বারটির বেশী কথা পর্য্যন্ত বলিবার অবকাশ নাই! পিতার স্বার্থপরতার তাঁহার উপর আমার বাস্তবিক বিরক্তিই জন্মিল।

ক্যাডি আমায় পথিমধ্যে বলিল যে, তাহার প্রণয়পাত্র লেখাপড়া ভাল শিখেন নাই। হাতের লেখাও ভাল নয়। সারা জীবন নৃত্য-বিছালয়ে কাটাইলে লেখাপড়া শিখিবার অবকাশও জন্মে না। সকাল হইতে সন্ধ্যা পর্য্যন্ত খালি নৃত্য-গীত শিখাইলে আর অবসরই পাওয়া যায় কিরূপে? যাক্, ক্যাডি তাহাতে হুঃখিত নহে। লেখাপড়ার কাজ সে নিজে করিতে পারিবে। সে ত লেখাপড়া শিখিয়াছে।

ক্যাডি তার পর বলিল, “আপনাকে আর একটা কথা বলিব। মিস্ সমারসন, আপনি যে পর্য্যন্ত প্রিন্সকে না দেখেছিলেন, সে পর্য্যন্ত কথাটা আপনাকে আমি বলতে চাই নি। আমাদের বাড়ীটা ত আপনি জানেন। সেখানে গৃহকর্মের উপযুক্ত শিক্ষা আমার হয়নি। ইচ্ছা থাকলেও সেখানে শিখিবার কোন সুবিধাই নেই। গৃহকর্মের অনেক কাজ আমি মিস্ ক্রিটের কাছে থেকেই শিখেছি। বুঝেছেন? সকালবেলা তার ঘরে গিয়ে আমি বর-ঝাঁট দেওয়া, পাখীর ঝাঁটা পরিষ্কার করা, কফি তৈরী করা শিখেছি। এ সব আমি কিছুই জানতাম না। নানা রকম আচারও এখন আমি তৈরী করতে পারি, মিস্ সমারসন। শেলাইএর কাজ আমি জানি না, কিন্তু তাও আমি শিখে ফেলব। যে দিন থেকে প্রিন্সের সঙ্গে আমার বিয়ে হবার কথা ঠিক হয়েছে, বাগ্‌দান হয়ে গেছে, সেই সময় থেকেই আমি এ সব কাজ শিখতে আরম্ভ করেছি। মাকেও আমি অনেকটা সহ্য করতে শিখেছি। এখন তাঁর উপর আর ততটা রাগ আমার নেই।”

যুবতীর কথায় আমার বড়ই আনন্দ জন্মিল। নিজেকে উন্নত করিবার জন্ত তাহার আগ্রহ ও চেষ্টা দেখিয়া আমি বিস্মিত হইলাম। আমার মনের ভাবও আমি তাহাকে প্রকাশ করিয়া বলিলাম। ক্যাডি তাহাতে পুলকিত হইয়া উঠিল।

কথায় কথায় আমরা বৃদ্ধ ক্রুকের দোকানের কাছে আসিলাম। ক্যাডি আমায় বলিল যে, সম্প্রতি সে-বাড়ীতে একটি লোক হঠাৎ মারা গিয়াছে। সে ব্যাপার লইয়া পুলিশ-অফিসে হইয়াছিল। বৃদ্ধা মিস্ ক্রিটও তাহাতে বড় অস্থস্থ হইয়া পড়িয়াছিল।

বৃদ্ধার কক্ষে প্রবেশ করিয়া দেখিলাম, কর্তা ও আদা পূর্বে আসিয়াছেন। জনৈক ডাক্তার মিস্ ক্রিটকে দেখিতে আসিয়াছেন দেখিলাম। ডাক্তার বলিলেন যে, বৃদ্ধার অস্থস্থ সারিয়া গিয়াছে, আর কোন আশঙ্কার কারণ নাই।

আমাকে দেখিয়া বৃদ্ধা আনন্দ প্রকাশ করিল।

বৃদ্ধা ডাক্তারের সহিত আমাদের পরিচয় করাইয়া দিলেন। তাঁহার নাম মিঃ উড্‌কোর্ট। তিনি বেশ সদাশাপী,

মিস্ ক্রিটকে অস্বাভিভাবে চিকিৎসা করিয়া রোগমুক্ত করিয়াছেন।

মিস্ ক্রিট বলিল, “এমন দয়া দেখি না। আমার মোক-দমার রায় শীঘ্র বাহির হইবে, সেই সময় আমি বিষয়-সম্পত্তি দান করিব।”

মিঃ উড্‌কোর্ট বলিলেন, “তুই এক দিনেই ইনি সম্পূর্ণ সুস্থ হইবেন। উহার সৌভাগ্যের কথাটা শুনিয়াছেন?”

মিস্ ক্রিট বলিল, “বড়ই আশ্চর্যের ব্যাপার! এমন ব্যাপার আপনারা কখন শোনে নাই। প্রতি শনিবার, কেন্‌জি সাহেব কিংবা মিঃ গুপী সাত শিলিং মূল্যের নোট দিয়া যায়। বেশীও নয়, কমও নয়—হুগুয়া সাত শিলিং। এ টাকাটা দেয় কে? খুব সম্ভব লর্ড চ্যান্সেলার পাঠিয়ে দেন। রোজ আমাকে আদালতে আসতে দেখে এবং রায় বাহির হতে দেবী আছে দেখে দয়া ক’রে খরচা আমায় পাঠিয়ে দেন। যাই হোক, আমার সৌভাগ্যের কথা বলতে হবে। এ টাকায় যে আমার কত উপকার, তা বলতে পারি না!”

আমি তাহার সৌভাগ্যে আনন্দ প্রকাশ করিলাম। দীর্ঘকাল ধরিয়া টাকা যেন সে পাইতে থাকে, সে ইচ্ছাও প্রকাশ করিলাম। অবশ্য টাকাটা যেখান হইতে আসিতেছিল, বেশী দিন যে সেখান হইতে পাওয়া যাইবে, আমি তাহা ভরসা করি নাই। টাকাটা কে দিতেছেন, তাহা জানিবার জন্ত বিষয়ও প্রকাশ করিলাম না। আমাদের কর্তা মহাশয় তখন পাখীগুলি দেখিতে ব্যস্ত। কোথা হইতে টাকাটা বৃদ্ধার কাছে আসিতেছিল, তাহা কি বুঝি নাই?

এই সময় দোকানদার ক্রুক সেখানে আসিল। অল্পেই সে আলাপ জমাইয়া লইল। তাহাকে এড়াইয়া আসাও কঠিন। তাহার সংগৃহীত সমুদয় জিনিস কর্তাকে না দেখাইয়া সে আমাদের কাছে কিছুতেই ছাড়িয়া দিবে না। কাজেই বাধ্য হইয়া তাহার সকল ঘর ঘুরিয়া দেখিতে হইল। তার পর আমরা সকলে বাসায় ফিরিলাম।

একটা কথা বলিতে ভুলিয়াছি। মিঃ ব্যাড্‌জারের গৃহে আমরা ইতিপূর্বে যে ভদ্র যুবক ডাক্তারকে দেখিয়াছিলাম, মিঃ উড্‌কোর্ট তাঁহারই নাম। আজ তাঁহার সহিত পুনরায় দেখা ও আলাপ-পরিচয় হওয়ার কর্তা তাঁহাকে আমাদের বাড়ীতে ভোজনে নিমন্ত্রণ করিলেন।

১৫

লগুনে আসিবার পর মিঃ স্কিম্পোলের সহিত আমাদের আর দেখা হয় নাই। তিনি লগুনেই ছিলেন। অস্থস্থ হইয়া পড়িয়াছিলেন। এক দিন সকালে তিনি আমাদের বাসায় আসিয়া উপস্থিত হইলেন।

কথায় কথায় তিনি বলিলেন যে, মিঃ বয়থরনের নিকট হইতে তিনি নিমন্ত্রণ-পত্র পাইয়াছেন। আমরা যখন সেখানে যাইব, তিনিও যাইবেন।

আলোচনা-প্রসঙ্গে তিনি বলিলেন, “গুনেহ, কোভিন্স—সেই যে লোকটা আমাকে টাকার জন্ত ব্লিক হাউসে গ্রেপ্তার করিতে গিয়াছিল, সে লোকটা মারা গিয়াছে। আর সে রোদ্রতপ্ত পৃথিবীতে যুরিয়া কিরিয়া বেড়াইবে না! কোন লোককেও আর বিরক্ত করিবে না।”

কথাটা শুনিয়াই মনটা ছ্যাৎ করিয়া উঠিল। তাহার কথা এখনও মনে পড়িতেছে।

মিঃ স্কিমপোল বলিলেন, “যে লোকটা এখন তাহার স্থলে কাজ করিতেছে, কাল তাহারই কাছে সব শুনিলাম। লোকটার তিনটি ছোট ছোট ছেলে-মেয়ে আছে, স্ত্রী নাই। সকলের অপ্রিয় কাজ করিত বলিয়া সে বিশেষ কিছু রাখিয়াও যাইতে পারে নাই। অবস্থা বড়ই খারাপ।”

মিঃ জারনুডিস্ উঠিয়া দাঁড়াইলেন। মাথায় হাত বুলাইতে বুলাইতে তিনি গৃহমধ্যে পাদচারণা করিতে লাগিলেন। মিঃ স্কিমপোল সন্নিহিত পিয়ানো যন্ত্রে একটা গৎ বাজাইতে আরম্ভ করিলেন। আমি ও আদা উভয়েই মিঃ জারনুডিসের দিকে চাহিয়া রহিলাম। তাঁহার মনে তখন কি ভাবের খেলা চলিতেছিল, তাহা আমরা বুঝিয়া-ছিলাম।

পাদচারণা করিতে করিতে পুনঃ পুনঃ থামিয়া, মাঝে মাঝে মাথায় হাত বুলাইয়া, অবশেষে পিয়ানোর চাবীগুলির উপর হাত রাখিয়া মিঃ জারনুডিস্ বলিলেন, “স্কিমপোল, এ আমার ভাল লাগিতেছে না।”

মিঃ স্কিমপোল আলোচ্য বিষয়টির কথা সম্পূর্ণ বিস্মৃত হইয়াছিলেন। তিনি সবিস্ময়ে চাহিলেন।

মিঃ জারনুডিস্ পাদচারণা করিতে করিতে বলিলেন, “দেখ, লোকটার ত কোন অপরাধ নাই। আমাদের নিজেদের কার্য ও বুদ্ধির দোষে আমরা এমন অবস্থার সৃষ্টি করিয়া তুলি—যেজন্য এই সকল লোকের আবির্ভাবের প্রয়োজন ঘটে। তাহাতে তাহাদের উপর প্রতিহিংসা লইবার ইচ্ছাটা সাধু নহে। তাহার যে কার্য ছিল, সেটা কিছুই দোষাবহ নহে। লোকটা পুত্রকন্ডাদের ভরণ-পোষণের জন্ত কাজ করিত। তাহার সম্বন্ধে আরও বেশী কথা জানা দরকার।”

মিঃ স্কিমপোল বুঝিলেন, কাহার কথা হইতেছে। তিনি বলিলেন, “কোভিন্সের কথা বলিতেছ? তা বেশ ত, তার বাসা যেখানে আছে, সেখানে গেলেই সব জানা যাইবে।”

কর্তার ইচ্ছিতে আমরা সকলেই প্রস্তুত হইলাম। মিঃ স্কিমপোল আমাদের পথিপ্ৰদর্শক হইলেন।

চ্যামারি লেনের একটি বাড়ীর সম্মুখে আমরা উপস্থিত হইলাম। বগটা বাজাইবার পর একটি অপ্রিয়দর্শন বালক আসিয়া দ্বার মুক্ত করিল। সে জিজ্ঞাসা করিল, আমাদের কি প্রয়োজন।

মিঃ জারনুডিস্ বলিলেন, “এক জন পেয়াদার মৃত্যু হইয়াছে, তার নামটি কি বলিতে পার?”

বালক বলিল, “তাহার নাম নেকেটি।”

কর্তার প্রশ্নে বালক ঠিকানাও বলিয়া দিল।

নির্দিষ্ট বাড়ীর দিকে আমরা অগ্রসর হইলাম। নীচের তলায় একটি কাস-রোগগ্রস্ত বৃদ্ধার সহিত দেখা হইল। সে বলিয়া দিল যে, তিনতলায় নেকেটির সম্মানগণ অবস্থান করিতেছে।

আমরা উপরে উঠিতেই একটি ঘরের সম্মুখে জনৈক পুরুষকে দেখিলাম। তিনি ঈষৎ বিরক্তিপূর্ণ কণ্ঠে জিজ্ঞাসা করিলেন, আমরা তাঁহার কাছে আসিতেছি কি না। আমরা বুঝাইয়া দিলাম যে, তাঁহাকে আমাদের প্রয়োজন নাই; ত্রিতলে আমরা যাইব। লোকটি আমাদের চারি জনের প্রতি বিরক্তভাবে চাহিয়া রহিলেন।

ত্রিতলে গিয়া আমরা নির্দিষ্ট কক্ষের দ্বারে আঘাত করিলাম। ভিতর হইতে শিশুকণ্ঠে ধ্বনিত হইল, “আমাদের শিকল দিয়ে রেখেছে।”

বাহিরের শিকল খুলিয়া আমরা ভিতরে প্রবেশ করিলাম। সেটিকে ঠিক ঘর বলা যায় না। ছোট একটি কক্ষ, তন্মধ্যে আসবাবপত্র অতি সামান্য। পাঁচ ছয় বৎসরের একটি বালক, একটি দেড় বৎসরের শিশুকে ঘুম-পাড়াইবার চেষ্টা করিতেছে দেখিলাম। ঘরের মধ্যে আঙুন জালিবার কোন ব্যবস্থা নাই। সেই নিদারুণ শীতে অতি মলিন গাত্রাবরণে শিশু দুইটির দেহ আচ্ছন্ন।

আমরা জিজ্ঞাসা করিলাম, “খোকা, তোমাদিগকে কে ঘরে বদ্ধ করিয়া রাখিয়াছে?”

উত্তরে বালক বলিল, “শার্লি।”

“সে তোমার কে হয়?”

“আমার দিদি।”

“তোমার দিদি ছাড়া আর কে আছে?”

“আমি, ইমা, আর দিদি,—তা ছাড়া আর কেউ নেই।”

“শার্লি—তোমার দিদি কোথায়?”

“সে কাপড় কাচতে গেছে।”

ঠিক সেই সময়ে একটি ক্ষুদ্র বালিকা গৃহমধ্যে প্রবেশ করিল। তাহাকে দেখিতে বালিকা, কিন্তু তাহার মুখে-চোখে বিজ্ঞতা ও বুদ্ধির দীপ্তি ফুটিয়া উঠিয়াছে। মুখখানি দেখিতে সুন্দর। তখনও তাহার হাতে সাবানের ফেনা লাগিয়াছিল। সম্ভবতঃ সন্নিহিত কোনও স্থান হইতে ছুটিয়া আসিয়াছিল। তাহার নিশ্বাস তখনও দ্রুত পড়িতেছিল।

বালকটি তাহাকে দেখিয়াই বলিল, “এই যে শার্লি এসেছে!”

বালিকাকে দেখিয়া দেড় বৎসরের শিশুটি হাত বাড়াইয়া তাহার কাছে যাইবার জন্ত ঝুঁকিল। বালিকা পরম মেহ-ভরে ও সবলে শিশু ভগিনীকে কোলে তুলিয়া লইল, তার পর আমাদের দিকে কিরিয়া দাঁড়াইল।



কর্তা বালিকার জন্ম একখানি চেয়ার টানিয়া লইয়া তাহাকে উহাতে উপবেশন করিতে বলিলেন। তার পর মুহূর্ত্তে বলিলেন, “এতটুকু মেয়ে, অপর দুইটি ছোট ভাই-বোনের জন্ম—এত পরিশ্রম করে, ইহা কি সম্ভবযোগ্য ব্যাপার? একবার চেয়ে দেখ—চেয়ে দেখ!”

বাস্তবিক সে দৃশ্য দেখিবার মতই বটে! তিনটি ভাই-ভগিনী—একত্র সমাবিষ্ট! দুই জন অপেক্ষাকৃত বয়ো-জ্যেষ্ঠাকে অবলম্বন করিয়া রহিয়াছে। তৃতীয়টি এখনও অতি বালিকা, কিন্তু তথাপি প্রবীণোচিত দৃঢ়তা ও সাহসের সহিত যেন শিশু ভ্রাতা ও ভগিনী দুইটিকে আঁকড়িয়া রহিয়াছে।

কর্তা বলিলেন, “শার্লি, তোমার বয়স কত?”

বালিকা বলিল, “তের বৎসর, মহাশয়।”

কর্তা বলিলেন, “বাস্তবিক, এই বয়সেই এত!”

তাঁহার কণ্ঠস্বরে যে কোমলতা—যে কারুণ্য স্তুটিয়া উঠিল, তাহা আমি মর্মে মর্মে অনুভব করিলাম।

“শার্লি, এই শিশু দুইটিকে লইয়া তুমি একা এখানে থাক?”

নিভাস্ত বিশ্বাসভরে কর্তার দিকে পূর্ণদৃষ্টিতে চাহিয়া বালিকা বলিল, “বাবা মারা যাবার পর, একাই আছি বৈ কি।”

মুহূর্ত্তের জন্ম অন্তরিক দৃষ্টি ফিরাইয়া কর্তা বলিলেন, “কেমন করে তোমাদের চলে, শার্লি—?”

“বাবার মৃত্যুর পর, আমি বাইরে কাজ করি। আজও আমি কাপড় কাচবার জন্ম গিয়াছিলাম।”

“শার্লি, ভগবান তোমার সহায় হউন। কিন্তু যে টবে কাপড় সিদ্ধ হয়, ধোত হয়, তাহা নাগাল পাইবার মত তুমি লক্ষ্য নও ত!”

তাড়াতাড়ি সে বলিল, “আমার একজোড়া খুব উঁচু কাঠের জুতা আছে। সে জোড়া মার ছিল। তাইতে সুবিধা হয়।”

“তোমার মা কত দিন মারা গেছেন, বাছা?”

“ইমা জন্মাবার পরই মা মারা যান। বাবা তখনই আমায় বলেছিলেন যে, ইমার মার স্থান আমাকে নিয়ে তাকে পালন করতে হবে। আমি চেষ্টা করেছিলাম। বাড়ীতেই কাজ করতাম। তাকে খাওয়ান, নাওয়ান, কাপড় কাচা এ সব ঘরের কাজ করে করে আমার অভ্যাস হয়ে গেল। তখন অবশ্য বাইরে যেতে হয়নি। শেষে যখন যেতে হ’ল, তখন সব কাজই আমি জানি। বুঝতে পেরেছেন?”

“তুমি কি প্রায়ই কাজ করতে যাও?”

“তা যেতে হয় বৈ কি। টাকাটা-সিকেটা না আনলে চলবে কেমন করে, বলুন?” বলিতে বলিতে সে মুহূর্ত্ত করিল।

“ভাই-বোনদের বুঝি তুমি দরজা বন্ধ করে রেখে যাও?”

“আজ্ঞে হ্যাঁ, নৈলে তারা কখন কি করে বসবে, এই জন্ম সাবধান করে রাখি। শ্রীমতী ব্লিন্ডার মাঝে মাঝে এসে তাদের দেখে যান। আবার মিঃ গ্রিডলেও কখন কখন আসেন। তারা তাঁর সঙ্গে খানিক খেলাও করে। টম মোটে ভয় পায় না, তার কষ্টও হয় না, কেমন টম, নর কি?”

টম বলিল, “না, মোটে ভয় করে না।”

“ভাইটি আমার বড় ভাল। ইমা যখন ঘুমিয়ে পড়ে, ও তাকে তখন বিছানায় শোয়াইয়া দেয়। নিজেও শুয়ে থাকে। আমি বাড়ী এসে বাতী জ্বালি। খাবার তৈরী করে ওকে ডাকি। টম আমার সঙ্গে বসে খায়। কেমন না, ভাই?”

“হাঁ শার্লি, হাঁ দিদি!” বলিতে বলিতে বালক দিদির ফ্রকের কাপড়ে নিজের মুখ লুকাইল। আনন্দের আতিশয্যে তাহার চোখে জল আনিয়া দিয়াছিল।

আমরা আসিবার পর বালক-বালিকাদিগের নেত্রে এই প্রথম অশ্রু-চিহ্ন দেখিলাম। বালিকা এতক্ষণ তাহার মার কথা, বাপের কথা, ছঃখ-দৈন্তের কথা বলিয়া আসিতেছিল, তাহাতে তাহার নয়নে জল দেখি নাই। কিন্তু তাহার ভ্রাতা টমের চোখে জল দেখিবার পর, যদিও বালিকা নিশ্চলভাবে বসিয়াছিল, তথাপি প্রদীপালোকে দেখিলাম, তাহার গণ্ড বহিয়া দুই কোঁটা অশ্রু নীরবে গড়াইয়া পড়িতেছে।

আদার সহিত জানালার ধারে দাঁড়াইয়া আমি বাহিরের বাড়ীর ছাদ দেখিবার অভিনয় করিলাম। ইতিমধ্যে শ্রীমতী ব্লিন্ডার আসিয়া কর্তার সহিত আলাপ করিতে লাগিল।

বাড়ীওয়ালী শ্রীমতী ব্লিন্ডারের সহিত আলোচনায় বুঝা গেল যে, মৃত পেয়াদার ব্যবহারে সকলেই সন্তুষ্ট ছিল। লোকটি কর্তব্যপরায়ণ ও ধর্মনিষ্ঠ ছিল। তাহার পুত্র-কন্যাগণের প্রতিও মোটের উপর অশ্রদ্ধা ভাড়াটীয়ারা অকরণ নহে।

সহসা মিঃ গ্রিডলে আমাদের কক্ষে প্রবেশ করিলেন। এই ব্যক্তির সহিত সোপান-পথে আমাদের দেখা হইয়াছিল। তিনি বলিলেন, “ভদ্রমহোদয়, ও মহিলাগণ, এখানে কি করিতেছেন, জানি না। আপনারা আমাকে মাপ করিবেন। আপনারা আমার দিকে তাকাইয়া থাকিবেন, সেজন্ম আমি এখানে আসি নাই। শার্লি, টম, বাছা, আজ তোমরা সব আছ কেমন?”

জন্মলোকটি নত হইয়া শিশু ইমাকে আদর করিতে লাগিলেন। বুঝিলাম, তিনি ইহাদের প্রতি বন্ধুৎ আচরণ করিয়া থাকেন। লোকটির বাহিরে যেরূপ রূঢ়তা, ইহাদের প্রতি ব্যবহারে তাহা কিন্তু প্রকাশ পাইল না।

কর্তা বলিলেন, “আমরা কেহ আপনার প্রতি চাহিয়া থাকিবার জন্ম আসি নাই।”

লোকটি বলিলেন, “হইতে পারে, সে কথা মিথ্যা নাও হইতে পারে, কিন্তু ভদ্রলোক বা ভদ্রমহিলার সহিত আমি তর্ক করিতে চাহি না। আমি জীবনে তর্ক অনেক করিয়াছি, আর তাহাতে লাভ নাই।”

মিঃ জারনুডিস্ বলিলেন, “আপনার বিরুদ্ধ হইবার হয় ত যথেষ্ট কারণ—”

এক্রোধে লোকটি বলিয়া উঠিলেন, “আবার সেই কথা। আমার ঝগড়া করা স্বভাব, মহাশয়! আমি সত্যই বড় অভদ্র।”

“আমার সে কথা মনে হয় না।”

শিশুটিকে ক্রোড় হইতে নামাইয়া মিঃ গ্রিডলে বলিলেন, “আপনি আদালতের জায়বিচার সম্বন্ধে কোন খোঁজ রাখেন?”

“ছঃখের সহিত বলিতেছি, কিছু কিছু জানি বৈ কি।”

“ছঃখের সহিত? তা যদি হয়, তবে আমি আপনার কাছে ক্ষমা প্রার্থনা করিতেছি। আমি শিষ্ট ও ভদ্র নহি, তাহা আমি জানি। আমি দীর্ঘ পঁচিশ বৎসর তপ্ত লৌহের উপর বিচরণ করিতেছি, কাজেই মখমলের কোমলতা কিরূপ, তাহা ভুলিয়া গিয়াছি। উচ্চ আদালতে যান, দেখিবেন, অপশায়ারের লোকটিকে আদালতের সকলেই কৌতুককর জীব বলিয়া উপহাস করে। আমি সেই অপশায়ারের লোক।”

কর্তা ধীরভাবে বলিলেন, “আমি ও আমার আত্মীয়স্বজন-গণ সকলকেই ঐ আদালতের ভোজ দিতে হইয়াছে! সম্ভবতঃ আপনি আমার নাম গুনিয়াছেন—আমার নাম জারনুডিস্।”

অভিবাদন করিয়া লোকটি বলিলেন, “মিঃ জারনুডিস্, আমার তুলনায় আপনি গভীর ধীরতার সহিত অত্যাচার সহ্য করিতেছেন। তবে এ কথা বলি যে, যদি আমি এ ভাবে আদালতের অত্যাচার সহ্য না করিতাম, তাহা হইলে আমি পাগল হইয়া যাইতাম। মনে মনে প্রতিহিংসা পোষণ করিয়া রাখিয়াছি বলিয়া, ক্রোধপ্রকাশ করি বলিয়া আমি এখনও সম্পূর্ণ মুসড়িয়া পড়ি নাই। আপনি হয় ত বলিবেন, আমি অতিরিক্ত উত্তেজনা প্রকাশ করি। কিন্তু কি করিব, সেটা আমার স্বভাব। এখন যদি আমি নীরবে সব সহ্য করি, তবে আমি একেবারে অকর্মণ্য হইয়া পড়িব।”

বাস্তবিক ভদ্রলোকের কথা গুনিয়া আমার চিত্ত ব্যথিত হইয়া উঠিল।

মিঃ গ্রিডলে বলিলেন, “আমার অবস্থাটা একবার বিবেচনা করিয়া দেখুন। আমরা দুইটি ভাই। আমাদের পিতা কৃষিজীবী ছিলেন। তিনি উইল হারা তাঁহার গোলাবাড়ী, গুদাম প্রভৃতি আমাদের মার নামে লিখিয়া পড়িয়া দেন। যত দিন তিনি বাঁচিবেন, যা তাহা ভোগদখল করিতে পারিবেন। তাঁহার মৃত্যুর পর ঐ সকল সম্পত্তি—আমি পাইব, শুধু তিন শত পাউণ্ড মাত্র আমার ভ্রাতাকে আমি

দিতে বাধ্য থাকিব, উইলে এইরূপ নির্দেশ ছিল। মা মারা গেলেন। আমার ভ্রাতা কিছুকাল পরে তাঁহার প্রাণ্য দাবী করিলেন। আমি আমার কতিপয় আত্মীয়ের পরামর্শে তাঁহাকে বলিলাম যে, আমার ভ্রাতার ভরণ-পোষণ প্রভৃতি বিষয়ের জন্ত উক্ত তিন শত পাউণ্ডের কিয়দংশ ব্যয়িত হইয়াছে। সুতরাং পুরা ঐ টাকা তিনি দাবী করিতে পারেন না। উইলসম্বন্ধে কোন প্রতিবাদ হইল না। শুধু প্রতিবাদ দাঁড়াইল, তিন শত পাউণ্ডের কিয়দংশ বাদ যাইতে পারে কি না। আমার ভ্রাতা উহা মীমাংসা করিয়া লইবার জন্ত আদালতের আশ্রয় গ্রহণ করিলেন। বাধ্য হইয়া আমাকেও এই অভিশপ্ত আদালতের শরণাপন্ন হইতে হইল। আইন আমাকে বলপূর্বক টানিয়া আনিল, আমার এড়াইবার কোন উপায় ছিল না। এই সামান্য মোকদ্দমায় সতের জন প্রতিবাদি-শ্রেণীভুক্ত হইয়াছিল! দুই বৎসর পরে মোকদ্দমার প্রথম গুনানী হয়। তার পর আবার দুই বৎসর চূপচাপ। তার পর প্রশ্ন হইল, আমি আমার পিতার পুত্র কি না! অবশ্য সে সম্বন্ধে কোনও প্রতিবাদ হইল না। আদালত তখন বলিলেন যে, পর্যাপ্তসংখ্যক প্রতিবাদী এখনও হয় নাই। স্মরণ রাখিবেন, আমরা সতের জন প্রতিবাদী, তাহাও পর্যাপ্ত নহে! এক জন বাকী ছিল, তাহাকেও মোকদ্দমায় জড়িত করা হইল। তার পর আবার গোড়া হইতে বিচার আরম্ভ হইল। খরচার অস্ত নাই। উত্তরাধিকারসূত্রে যাহা পাইয়াছিলাম, তাহার পরিমাণের তিনগুণ খরচা বেশী হইয়া গেল! খরচার দায় হইতে অব্যাহতি পাইবার জন্ত আমার ভ্রাতা দাবীর অধিকার ত্যাগ করিতে উদ্বৃত্ত হইলেন। আমি উত্তরাধিকারসূত্রে পৈতৃক সম্পত্তি যাহা কিছু পাইয়াছিলাম, মোকদ্দমার খরচার বাবদে তাহা কোথায় অস্তহিত হইল। কিন্তু তথাপি মোকদ্দমা চলিতেছে, এখনও তাহার মীমাংসা হইল না। আমার সর্বস্ব গিয়াছে, একেবারে জাহান্নমে গিয়াছি, তথাপি অব্যাহতি নাই। মিঃ জারনুডিস্, আপনার মোকদ্দমায় হাজার হাজার ব্যক্তি জড়িত; কিন্তু আমারটিও কম নহে, ইহাতে শতাধিক ব্যক্তি বিজড়িত হইয়াছে। আমার জীবনীশক্তি এই মোকদ্দমার নিষ্পেষণে ক্রমেই অবসন্ন হইয়া আসিতেছে।”

মিঃ জারনুডিস্ বলিলেন যে, তিনি মিঃ গ্রিডলের দুর্দশায় সর্কাস্তঃকরণে সহানুভূতি প্রকাশ করিতেছেন। এই ভীষণ পদ্ধতিতে তিনি একাই যে ছঃখ পাইতেছেন, তাহা নহে, তাঁহার সমস্তঃখী লোকও আছে।

মিঃ গ্রিডলে বলিলেন, “দেখুন, আমি পূর্বে এমন ছিলাম না। আমার ভদ্রতা, শিষ্টাচার, বিনয় এক দিন সবই ছিল। লোকে আমার ভদ্র-ব্যবহারের প্রশংসাও করিত। কিন্তু ধর্ম্মাধিকরণের এই প্রকার জায়বিচারই আমাকে এ অবস্থায় আনয়ন করিয়াছে। আমি আদালতের অবমাননার জন্ত কতবার জেলে গিয়াছি, উকীলকে ভয়



দেখাইবার জন্তু কারাগারে অবরুদ্ধ হইয়াছি; কিন্তু আমি জেদ ছাড়ি নাই। দেখি, তাহারা আমার কত দূর টানিয়া লইয়া যায়।”

মিঃ গ্রিড্লে খামিলেন। কিয়ৎক্ষণ পরে বলিলেন, “আমি ঘণ্টাখানেকের জন্তু শিশু কয়টিকে আমার ঘরে লইয়া যাইতে চাই, তাই এখানে আসিয়াছি। তাহাদিগকে লইয়া একটু খেলা করিব। এ সব কথা বলিবার আমার ইচ্ছা ছিল না। তবে হঠাৎ বাহির হইয়া গেল। টম, তুমি ভয় পাইয়াছ?”

বালক বলিল, “না। আপনি আমার উপর ত রাগ করেন নি।”

“ঠিক কথা, বৎস! শার্লি, তুমি এখন কাজে যাইতেছ ত? বেশ। খোকা, তুমি আমার সঙ্গে এস।”

আমাদিগকে অভিবাদন করিয়া লোকটি বালক-বালিকা-গণসহ নীচে নামিয়া গেলেন।

শার্লিকে আমি চুষন করিলাম। কর্তা বাড়ীওয়ালীর সহিত গোপনে কি কয়েকটা কথা আলোচনা করিলেন। তার পর আমাদের সহিত নীচে নামিতে লাগিলেন। শার্লি নাচিতে নাচিতে তাহার কাজে চলিয়া গেল।

১৬

লেডী ডেড্‌লক বড়ই অস্থির-মতি। তিনি আজ চেস্নিওড প্রাসাদে, কাল লণ্ডনের বাড়ীতে—এই ভাবে যাতায়াত করিতেছেন। লর্ড লিষ্টার তাঁহার সহিত পাল্লা দিতে না পারিয়া অবশেষে বাতের আশ্রয় লইয়া চেস্নিওড প্রাসাদেই রহিয়া গেলেন। লেডী শীঘ্রই ফিরিয়া আসিবেন, এইরূপ আশ্বাস দিয়া সংপ্রতি লণ্ডনে গিয়াছেন। তাঁহার জন্তু লণ্ডনের প্রাসাদ সুসজ্জিত হয় নাই। কিন্তু লেডী সে জন্তু তত ব্যস্ত নহেন।

পাঠক, জোঁর কথা বোধ হয় ভুলেন নাই।—যে বালক করোনারে সাক্ষী দিবার জন্তু আহূত হইয়াছিল, অথচ তাহার সাক্ষ্য গৃহীত হয় নাই। সে ঝাড়ুদার, পথ পরিষ্কার করা তাহার ব্যবসায়। সে ঝাড়ু দিয়া বেড়াইতেছিল। আর মাঝে মাঝে বড় লোকের বাড়ীর জানালার ধারে দাঁড়াইয়া উঁকি মারিয়া ভিতরে কি হইতেছিল দেখিতেছিল, আবার নিজের কার্যে মন দিতেছিল।

একদল বাদক রাজপথে বাজাইতে বাজাইতে চলিয়া গেল। জোঁ দাঁড়াইয়া থানিক গুনিল। সকালে এক পশলা যুষ্টি হইয়া গিয়াছিল। পথ কর্দমাক্ত, জোঁ আবার কাজে মন দিল। ক্রমে সন্ধ্যা ঘনাইয়া আসিল।

মিঃ টলুকিংহরণ তাঁহার ঘরে বসিয়া কাজ করিতেছিলেন। ম্যাজিষ্ট্রেটের কাছে একখানি দরখাস্ত তিনি লিখিতেছিলেন। মোকদ্দমায় হায়রাণ হইয়া মিঃ গ্রিড্লে আজ তাঁহাকে ভয় দেখাইয়া গিয়াছেন। তাঁহার

গ্রেপ্তারের পরোয়ানা বাহির করিবার জন্তুই ব্যবহারাজীব-প্রবর পত্র লিখিতে ব্যস্ত। জানালার পথে চাহিবার কোন প্রয়োজন তাঁহার ছিল না।

যদি ক্রমক্রমে সে সময় বাতায়ন-পথে তিনি চাহিয়া দেখিতেন, তাহা হইলে এক বস্ত্রাচ্ছন্ন রমণীকে পথাতিবাহন করিতে দেখিয়া তিনি কি বিস্মিত হইতেন? এমন কত নারীই ত আছে।

কিন্তু এ রমণীটি ঠিক সাধারণের মত নহে। তাঁহার বাহু সাধারণ পরিচ্ছদের সহিত তাঁহার লীলায়িত গতিভঙ্গীর এমন অসামঞ্জস্য ছিল যে, সহসা তাহা মানুষের দৃষ্টিশক্তিকে আকর্ষণ করে, বিশেষতঃ ব্যবহারাজীবের। রমণীকে দেখিলেই মনে হয়, তিনি কোন বড়ঘরের উচ্চপদস্থ পরিচারিকা। কিন্তু কর্দমাক্ত পিচ্ছিল পথে তাঁহার অনভ্যস্ত পদক্ষেপ দেখিলেই মনে হয়, তিনি কোন সম্ভ্রান্ত ভদ্রমহিলা। তাঁহার মস্তকে অবগুণ্ঠন।

কোন দিকে না চাহিয়া রমণী চলিতে লাগিলেন। জোঁ যে চৌমাথার পথে কাজ করিতেছিল, রমণী সেখানে আসিলেন। জোঁ হাত পাতিয়া তাঁহার কাছে ভিক্ষা চাহিল। রমণী কোনও দিকে-না চাহিয়া পথের অপর পার্শ্বে উপনীত হইলেন। তার পর হাতছানি দিয়া বালককে নিকটে আহ্বান করিলেন।

বালক তাঁহার পশ্চাতে পশ্চাতে একটু নিৰ্জ্জন স্থানে উপনীত হইল।

অবগুণ্ঠনের অন্তরাল হইতে রমণী বলিলেন, “সংবাদ-পত্রে যে বালকের কথা পড়েছিলাম, তুমি কি সেই ছোকরা?”

অবগুণ্ঠনারত মুখের পানে চাহিয়া জোঁ বলিল, “তা ত জানি না, আমি কিছুই জানি না।”

“কোন অনুসন্ধানে তুমি সাক্ষী দিয়েছিলে?”

“কই, কিছু ত জানিনে—ওঃ, আপনি বুঝি সেই কথা জানতে চান—আমাকে পাদরী যেখানে নিয়ে গিয়েছিল, জোঁ ব’লে যার নাম, তাকেই বুঝি খোঁজেন?”

“হ্যাঁ।”

“তবে আমি সেই জোঁ।”

“এ দিকে একটু এগিয়ে এস।”

জোঁ বলিল, “যে লোকটি মারা গেছেন, তাঁর খোঁজ চান বুঝি?”

“চূপ! আস্তে কথা বল! হ্যাঁ—তার যখন মৃত্যু হয়, তখন সে বড় ক্রম ছিল বুঝি? ভারী গরীব হয়ে গিয়েছিল?”

জোঁ বলিল, “হ্যাঁ।”

“জোঁমারই মত এত খারাপ লেখতে হয়েছিল? না না, অত খারাপ বোধ হয় নয়?”

জোঁ বলিল, “না, আমার মত কেন হবে? আমি জন্ম-কুৎসিত, তিনি তা হ’তে যাবেন কেন? আপনি তাঁকে চিন্তেন না কি, ঠিক বলুন ত?”

“তোমার আশ্পর্কী ত কম নয়। আমি তাঁকে কতাম?”

“না না ঠাকরুণ, আপনি আমার অপরাধ নেবেন না।”

জোঁর সন্দেহ তখনও নিরাকৃত হয় নাই। সে রমণীকে বড়-ঘরগাই ভাবিয়াছিল।

রমণী বলিলেন, “আমাকে ঠাকরুণ বলিও না। আমি চাকরাণী।”

প্রশংসাপূর্ণনেত্রে চাহিয়া চাহিয়া জোঁ বলিল, “আপনি বড় আয়ুদে চাকরাণী ত!”

“যা বলি, চুপ করে শোন। আমার সঙ্গে বেশী কথা বলো না। একটু দূরে দাঁড়াও। আমি কাগজে যে সব ঘটনার কথা, স্থানের কথা পড়িয়াছি, তুমি সে সব স্থান আমায় দেখিয়ে দিতে পার? যেখানে তিনি লিখতেন, যেখানে তিনি মারা যান, তোমাকে যেখানে নিয়ে গিয়েছিল, তারপর যেখানে তাঁর কবর হয়েছে—সব জায়গা আমায় দেখাতে পার?”

জোঁ ঘাড় নাড়িয়া উত্তরে জানাইল যে, সে পারিবে।

“আগে আগে চল, সব আমায় দেখাও। কথা বলো না, নীরবে সেই সেই জায়গায় গিয়ে দাঁড়াবে। আমি কথা না বলিলে তুমি আমার সঙ্গে কথা বলিবে না। পেছনে চাহিও না। আমি যা বলি, তা যদি কর, আমি তোমাকে পর্যাপ্ত পুরস্কার দিব।”

জোঁ ঝাড়ু ও যষ্টি বহন করিয়া অগ্রে চলিল। প্রথমে কুকুস কোর্টে আসিয়া সে থামিল।

প্রশ্ন হইল, “এখানে কে থাকে?”

“যে লোক তাঁকে কাজ দিত।”

“চল।”

পরে তাহারা কুকুর দোকানের সম্মুখে আসিয়া দাঁড়াইল। জোঁ থামিল।

“এখানে কে থাকে?”

“তিনি থাকতেন।”

কিয়ৎকাল নীরবতার পর প্রশ্ন হইল, “কোন ঘরে?”

“উপরতলার পেছনের দিকের ঘরে। এই কোণ থেকে সেই ঘরের জানালা দেখা যায়। ঐ,—ঐখানে!”

“চল, তার পর কোথায় গেলেন, দেখাও।”

এবার পথটি দীর্ঘ। কৰ্দমাক্ত পথে জোঁ চলিতে লাগিল। নারীও দূরে থাকিয়া অগ্রসর হইলেন। জোঁ একবারও পশ্চাতে চাহিল না, কারণ, সে যে চুক্তিতে আবদ্ধ হইয়াছে, তাহা ভঙ্গ করিলে পুরস্কার সে পাইবে না। ক্রমে সে একটি সুড়ঙ্গবৎ স্থানে আসিল। সম্মুখে লৌহ রেলিংবিশিষ্ট রুদ্ধ ফটক। পথিপার্শ্বস্থ গ্যাসের মূছ আলোক তত্রত্য অন্ধকার সম্পূর্ণ দূরীভূত করিতে পারে নাই।

“এখানে তাঁকে গোর দেওয়া হয়েছে।”

“কোথায়? ওঃ, কি ভীষণ স্থান!”

জোঁ অঙ্গুলি নির্দেশ করিয়া বলিল, “ঐখানে! ঐ যে রান্নাঘর দেখা যাচ্ছে, উহার জানালার পার্শ্বে যে গর্ত, ঐখানে, হাড়ের রাশির মধ্যে। স্কুলের উপরেই তাঁকে ফেলেছে। গেট খোলা থাকলে আমি ঝাড়ু দিয়ে তাঁকে টেনে আনতে এখনও পারি। পাছে কেউ টেনে আনে, তাই গেট সর্বদা বন্ধ থাকে। ঐ ইঁটরটা দেখুন! মাটির ভিতর পালাচ্ছে।”

রমণী শিহরিয়া এক কোণে দাঁড়াইলেন। বালককে নিকটে আসিতে তিনি নিষেধ করিলেন। কয়েক মুহূর্ত পরে তিনি আত্মসংবরণ করিয়া বলিলেন, “এটা কি গোর দেওয়ার জায়গা?”

“তা জানি না।”

হাতের দস্তানা খুলিয়া রমণী অর্থাবার হইতে বালকের পুরস্কারের জন্ত অর্থ বাহির করিতে লাগিলেন। জোঁ দেখিল, কি চমৎকার গুল ও ক্ষুদ্র করপুট! এই কি পরিচারিকার করপল্লব! আবার অঙ্গুলিতে দীপ্তিময় অঙ্গুরীয়!

এক খণ্ড মুদ্রা আলগোছে বালকের হাতে অর্পণ করিয়া রমণী বলিলেন, “জায়গাটা তুমি আমায় আর একবার দেখাও।”

বালক ঝাড়ুর লাঠীটা ফটকের লৌহগরাদের মধ্যস্থ পথে প্রবিষ্ট করাইয়া স্থাননির্দেশ করিল। তার পর সে পশ্চাতে চাহিয়া দেখিল যে, সে এক।

গ্যামালোকে মুদ্রাটি উঁচু করিয়া ধরিতেই সে দেখিল, উহা পীতবর্ণের। তখন সে স্বর্ণমুদ্রাটি নিরাপদে রাখিবার জন্ত মুখের মধ্যে নিষ্ক্ষেপ করিল। তারপর সোপানপথটি ভাল করিয়া পরিষ্কার করিতে লাগিল।

১৭

লগুনে অবস্থানকালে রিচার্ড প্রায়ই আমাদের সহিত দেখা করিতে আসিতেন। তিনি সদানন্দ, চির-প্রফুল্ল। তাঁহার চিত্ত নবীনতর সরসতাপূর্ণ। তাঁহার ব্যবহারে আমরা সকলেই খুসী।

একদা অপরাহ্নে শ্রীযুক্ত বেহাম ব্যাজার সঙ্গীক আমাদের বাসায় আসিলেন। আমি ও আদা তাঁহাদের অভ্যর্থনা করিলাম। কথাপ্রসঙ্গে শ্রীমতী ব্যাজার রিচার্ডের খুব প্রশংসা করিলেন। তৎপরে বলিলেন, “কিন্তু একটা কথা আছে, মিঃ কারস্টন্স উপযুক্ত ব্যবসায় বাছিঘা লন নাই। মনুষ্যচরিত্রে আমার যে অভিজ্ঞতা আছে, তদ্বারা বুঝিতে পারি, চিকিৎসা-ব্যবসায় তাঁহার ধাতে সহিবে না।”

আদা ও আমি পরস্পরের মুখাবলোকন করিলাম।

ডাক্তার-গৃহিণী বলিলেন, “মিঃ কারস্টন্স মুখে কিছু বলেন না বটে, কিন্তু তাঁহার ব্যবহারে বেশ বোঝা যায় যে, এ ব্যবসয়ে তাঁহার মন বসে নাই। কোন যুবকের পক্ষে সেটা প্রশংসার কথা নহে।”



আদা বলিলেন, “ডাক্তার সাহেব, আপনারও কি সেই মত ?”

ডাক্তার বলিলেন, “সত্য কথা বলিতে কি, মিস্ ক্লেয়ার, প্রথমতঃ আমি অতটা লক্ষ্য করি নাই, কিন্তু যে দিন শ্রীমতী ব্যাজার এ বিষয়ে আমার দৃষ্টি আকৃষ্ট করেন, সেই দিনই আমি উহা প্রথম লক্ষ্য করি। এখন আমার বিশ্বাস, তাঁহার ধারণা অমূলক নহে।”

তাঁহারা চলিয়া গেলে, আমি ও আদা এ বিষয়ে আলোচনা করিলাম। বিশেষ বিবেচনার পর আমরা সিদ্ধান্ত করিলাম, ডাক্তার-দম্পতির কথা অগ্রাহ্য করিবার কোন কারণ নাই। কারণ, স্বার্থপ্রণোদিত হইয়া তাঁহাদের এ কথা বলিবার কোন প্রয়োজনই নাই। তবে কর্তাকে কথাটা আপাততঃ জানান হইবে না। আগে রিচার্ডের সঙ্গে আলোচনা করিয়া পরে যাহা কর্তব্য অবধারণ করা যাইবে।

রিচার্ড আসিলে পর, অত্যাশ্চর্য প্রসঙ্গের আলোচনা হইয়া গেলে, আমি রিচার্ডকে জিজ্ঞাসা করিলাম, “রিচার্ড, আপনার কাজকর্ম শেখা কেমন চলিতেছে ?”

“বেশ ভাল।”

আমি গম্ভীরভাবে বলিলাম, “খুব ভালই কি চলিতেছে ?”

“তা মন্দ কি ? কাজটা একঘেয়ে বটে ; তা অল্প কাজও ত সেই রকম।”

আদা উল্লসিত হইয়া উঠিলেন ! আমি তাঁহার উচ্ছ্বাসে বাধা দিয়া বলিলাম, “না রিচার্ড, কথাটা ওভাবে বলিলে চলিবে না।”

আদা ও রিচার্ড উভয়েই সমস্বরে বলিলেন, “কেন ?”

আমি বলিলাম, “মনটা খোলসা করিয়া সকল বিষয়ের আলোচনা করা দরকার। ভবিষ্যতে তাহা হইলে হয় ত অল্পতাপ করিতে হইবে না।”

আদা বলিলেন, “সে কথা ঠিক। তবে ভাল করিয়াই আলোচনা করা যাক।”

আমি বলিলাম, “রিচার্ড, ডাক্তার-দম্পতি কাল এখানে আসিয়াছিলেন। তাঁহারা বলিয়া গেলেন যে, চিকিৎসা ব্যবসায়টা আপনি তেমন আগ্রহের সহিত অবলম্বন করেন নাই।”

“সত্য না কি ? তাঁরা এ কথা বলেছেন ? তাহা হইলে আমি তাঁহাদের ধারণাটাকে ব্যর্থ করিয়া দিতে চাহি না। সত্য বলিতে কি, ওটা আমার খুব পছন্দসই নহে। থাক, ও প্রসঙ্গের আলোচনায় প্রয়োজন নাই। আমি একরকমে সব চালাইয়া লইব।”

আমি বলিলাম, “আদা, আপনি সব শুনিলেন ?”

রিচার্ড ঈষৎ পরিহাসভরে বলিলেন, “কথাটা এই, ব্যবসায়টা ঠিক আমার মনের মত নয়।”

আমি বলিলাম, “এরকম ভাবে চলিবে না। যে কাজ

শিথিতে হইবে, সর্কাস্তঃকরণে তাহা করা দরকার। আপনার কোন বিষয়টা শিথিবার জ্ঞান অগ্রহ প্রবল, তাই বলুন ?”

রিচার্ড বলিলেন, “আমার মনে হয়, আইনটা শিথিলে হয়। ঐটাই আমার কাছে সব চেয়ে ভাল লাগে।”

আমি তাঁহাকে সংকল্প স্থির করিয়া কাজ করিতে বলিলাম। পুনঃ পুনঃ একটা ছাড়িয়া আর একটা অবলম্বন করিলে তাহাতে উন্নতি লাভ করা যায় না, সে কথাটা বুঝাইয়া বলিলাম।

রিচার্ড বলিলেন, “ওগো সরস্বতি! এবার ঠিক মন স্থির করিয়াই বলিতেছি। মানুষের কি ভুল হয় না ? আমিও একবার ভুল করিয়াছি। আর সে ভুল করিব না। আমি আইন শিখিয়া এমন ব্যবহারাজীব হইব, সাধারণতঃ তেমনটি দেখা যায় না।”

কথাটা কর্তাকে জানান প্রয়োজন মনে করিলাম। আমি তাঁহাকে বলিলাম, “রিচার্ড বোধ হয় ঠিক পথ বাছিয়া লন নাই। চিকিৎসাকার্যে তিনি বিশেষ সুবিধা করিতে পারিবেন বলিয়া মনে হয় না।”

মিঃ জারনুডিস্ তখনই রিচার্ডকে ডাকাইলেন। সকল কথা শুনিয়া তিনি বলিলেন, “রিক, এখনও আমরা সম্মানে প্রত্যাভর্তন করিতে পারি। করিবও তাহাই। কিন্তু একটা কথা, এবার অন্য বিষয়ে নিযুক্ত হইবার পূর্বে চারিদিক বিবেচনা করিয়া কাজ করিতে হইবে। যদি আইন পড়িতে চাও, ভালই ; কিন্তু তৎপূর্বে একবার যাচাই করিয়া লওয়া দরকার। তুমি সমস্ত বিষয়টা একবার ধীরে-স্বস্তে বিবেচনা করিয়া তোমার মস্তব্য প্রকাশ করিও। এখনই তাড়াতাড়ি নাই।”

রিচার্ড অভ্যস্ত খেয়ালী। তিনি তখনই মিঃ কেন্জির কাছে গিয়া ভর্তি হইয়া আসেন, এমনই উৎসাহ প্রকাশ করিলেন। কিন্তু কর্তা তাহাতে রাজি হইলেন না। নানা কথার আলোচনার পর রিচার্ড সে দিনের মত বিদায় লইলেন।

আদা বলিলেন, “ভাই জন, আপনি কি রিচার্ডের সম্বন্ধে মন্দ ধারণা করিয়াছেন ?”

“না, প্রাণাধিক।”

“রিচার্ডের পক্ষে এমন ভ্রম হওয়া অস্বাভাবিক নয়। ব্যাপারটা বড়ই জটিল। খুব সাধারণও নয়।”

“না, না, বোনটি আমার ! তুমি অত বিরস হইতেছ কেন ?”

“ভাই জন, আমি অসুখী নই। শুধু আপনি যদি রিচার্ডের সম্বন্ধে মন্দ ধারণা করেন, তাই আমার একটু উৎকর্ষ।”

মিঃ জারনুডিস্ বলিলেন, “লক্ষী বোনটি আমার, যদি রিচার্ডের ব্যবহারে তোমার কোন দুঃখ বটে, তবেই আমি তাহার উপর অসন্তুষ্ট হইতে পারি। কিন্তু তখনও তাহার

সহিত কোনদল না করিয়া আমি নিজেকেই অপরাধী মনে করিব। কারণ, আমিই তোমাদের দুই জনকে একত্র করিয়াছি। যাক, ও সব কিছুই নয়। যথেষ্ট সময় আছে। লম্বা সংশোধনের যথেষ্ট অবকাশ আছে। জয়লাভ হইবেই। আমি তাহার সম্বন্ধে মন্দ ভাবিব? না, দিদি, তা' হইতেই পারে না।”

আদা বলিলেন, “তা আমি জানি। যদি সমগ্র জগতের লোকও রিচার্ডকে কোন দিন মন্দ ভাবে, আমি তা ভাবিতে পারিব না।”

সুন্দরী এমনই দৃঢ়তা, এমনই বিশ্বাসভরে কথাগুলি বলিলেন যে, তাহাতে আমার চিত্ত পুলকিত হইয়া উঠিল। কর্তার মুখের দিকে তিনি দৃষ্টি নিবদ্ধ রাখিয়াছিলেন। তাঁহার মুখখানিতে যেন সত্য মূর্তিমান হইয়া প্রতিভাত হইতেছিল।

কর্তা ভাবমগ্ন কণ্ঠে বলিয়া উঠিলেন, “মায়ের গুণ সময়ে সময়ে পুত্রকন্ডায় দেখা যায়, আবার পিতার পাপও সন্তানের উপর অর্শে দেখিতে পাই। অগ্নি গোলাপ-কলিকা, আজ তবে আসি! শুভ রাত্রি, ভগিনি! সুখে নিদ্রা যাও, মধুর স্বপ্নে তোমাদের রাত্রি অতিবাহিত হউক!”

আদার গমনশীল মূর্তির দিকে চাহিয়া থাকিতে থাকিতে তাঁহার প্রসন্ন মুখমণ্ডলে একটা ছায়াপাত হইতে দেখিলাম। এমন ভাবে কোনও দিন তাঁহাকে আমি আদার প্রতি চাহিতে দেখি নাই।

সে দিন রাত্রিতে আদা রিচার্ডের প্রশংসায় পঞ্চমুখ দেখিলাম। রিচার্ড আদাকে যে কঙ্কণ উপহার দিয়াছিলেন, তাহা চাপিয়া ধরিয়া তিনি শয্যায় শয়ন করিলেন। এক ঘণ্টা পরে আমি যখন আদার নিদ্রিত মুখমণ্ডলে চুসন করিলাম, তখন আমার মনে হইল, তিনি যেন তখনও রিচার্ডকে স্বপ্নে দেখিতেছিলেন। নিদ্রিতাবস্থায় তাঁহার মুখমণ্ডল কি স্নগ্ধপ্ৰভা, কি প্রশান্ত!

সে রাত্রিতে আমার শীঘ্র নিদ্রা আসিল না। বসিয়া বসিয়া সেলাইয়ের কাজ করিতে লাগিলাম। বাস্তবিক আজ আমার মনে যেন তেমন ক্ষুণ্ণি ছিল না। কেন, তাহা ঠিক বুঝিতে পারিলাম না।

কোনও মতেই নিদ্রা আসিতেছে না দেখিয়া আমি সেলাই লুইয়া বসিয়াছিলাম। কাজ দ্রুতবেগে চলিল। রেশম ফুরাইয়া আসিল দেখিয়া নীচের তলায় পড়িবার ঘর হইতে উহা আনিতে চলিলাম। একটা দেয়ালে রেশমের শূতা রাখিয়া আসিয়াছিলাম। একটা বাতী জ্বালিয়া লইলাম। ঘরের মধ্যে প্রবেশ করিয়া দেখিলাম, কর্তা তখনও সেই ঘরে বসিয়া আছেন। সম্মুখস্থ অগ্নিকুণ্ডের ভস্মরাশির প্রতি নিবদ্ধদৃষ্টি হইয়া তিনি নিশ্চলভাবে উপবিষ্ট। দেখিয়াই বুঝিলাম, তিনি গভীর চিন্তায় নিমগ্ন। বইখানা পার্শ্বে নিষ্কিপ্ত। শুভ কেশরাশি ললাটের উপর আসিয়া

পড়িয়াছে। মনে হইল, চিন্তাকালে অল্পমনস্কভাবে তিনি পুনঃ পুনঃ কেশরাশির মধ্যে অঙ্গুলি সঞ্চালন করিতেছিলেন। মুখমণ্ডলে অবসাদের ছায়া ঘনসন্নিবিষ্ট। তদবস্থায় তাঁহাকে উপবিষ্ট দেখিয়া আমি কয়েক মুহূর্ত নিশ্চলভাবে দাঁড়াইলাম। কোন কথা না বলিয়াই আমি চলিয়া যাইতেছিলাম, কিন্তু সহসা তিনি আমাকে দেখিতে পাইয়া ডাকিলেন, “ইস্থার!”

কি জন্ম আমি সে সময় সেই কক্ষে আসিয়াছি, তাহা বলিলাম।

“এত রাত্রিতেও তুমি কাজ করিতেছ?”

“মোটো ঘুম আসিল না, তাই কাজ করিতেছিলাম, যদি শেষে শ্রান্তিবশতঃ ঘুমটা আসে। কিন্তু কর্তা, আপনি এত রাত্রি পর্যন্ত জাগিয়া কেন? দেখিয়া বোধ হইতেছে, আপনি অত্যন্ত পরিশ্রান্ত। কোন কিছু দুর্নিমিত্ত হইয়াছে কি? এতক্ষণ জাগিয়া আছেন কেন?”

“এমন বিশেষ কিছু নয়। অন্ততঃ তুমি কারণটা বুঝিতে পার, এমন কোন ঘটনা হয় নাই।”

তাঁহার কণ্ঠস্বর যেন অনুশোচনা-পূর্ণ। এমন স্বর কোনও দিন আমি শুনি নাই, সম্পূর্ণ অভিনব। কি এমন ব্যাপার, যাহা আমি সহজে বুঝিতে পারিব না?

তিনি বলিলেন, “একটু দাঁড়াও, ইস্থার। তোমার কথাই আমি ভাবিতেছিলাম।”

“আমি কি আপনার কোন কষ্টের কারণ হইয়াছি, কর্তা?”

তিনি প্রসারিত কর তরঙ্গায়িত করিলেন। অতি সহজেই তিনি পূর্বাবস্থা প্রাপ্ত হইলেন। মুহূর্তে তাঁহার মুখমণ্ডলের অবস্থা পরিবর্তিত হইল।

কর্তা বলিলেন, “আমি কি ভাবিতেছিলাম জান? তোমার ইতিহাস আমি যতটুকু জানি, তোমার জানা দরকার। অবশ্য আমি খুব অল্পই জানি। তাহাতে স্ফাতব্য বিশেষ কিছুই নাই বলিলেই হয়।”

আমি বলিলাম, “কিন্তু আপনি পূর্বে একবার এ সম্বন্ধে—”

গভীরভাবে আমার অসমাপ্ত কথার উত্তরে তিনি বলিলেন, “আমি চিন্তা করিয়া দেখিলাম যে, তুমি আমার কাছে যখন কিছুই চাহিবে না, তখন আমি যৎকিঞ্চিৎ তোমার সম্বন্ধে জানি, তাহা তোমাকে বলাই কর্তব্য।”

“তাই যদি আপনি বিবেচনা করিয়া থাকেন, তবে বলুন।”

“হাঁ, তোমার জানা দরকার। তোমার সম্বন্ধে কোন নর বা নারীর কোনরূপ ভ্রান্ত ধারণা জন্মিতে না পারে, অন্ততঃ নিজের সম্বন্ধে তোমার একটা স্পষ্ট ধারণা যাহাতে হয়, সেটা করা দরকার।”

আমি বলিলাম। একটু চেষ্টা করিয়া আমি আমার



মনকে সংযত করিলাম। তার পর বলিলাম, “ছেলেবেলার কথা আমার যতটুকু মনে আছে, বলিতেছি। একটা কথা আমার বেশ স্মরণ হয়; সে কথাটা এই,—‘ইস্হা, তোমার মা তোমার লজ্জার কারণ। আর তুমিও তাঁর লজ্জার হেতু। শীঘ্রই এমন সময় আসিবে, যখন কথাটা তুমি ভাল করিয়া বুঝিতে পারিবে। শুধু নারী ব্যতীত সে কথা অপরে তেমন ভাবে অনুভব করিতে পারিবে না।’ আমি ছুই হস্তে মুখমণ্ডল আবৃত করিলাম। কিন্তু আর এক রকম লজ্জায় অভিভূত হইয়া তখনই হাত সরাইয়া লইলাম। তাঁহাকে বলিলাম যে, তাঁহার আশীর্বাদে এ পর্য্যন্ত সে অবস্থা আমাকে অনুভব করিতে হয় নাই। আমাকে নিরস্ত করিবার জন্ত তিনি হাত উঠাইলেন। বুঝিলাম, তিনি ধন্ব-বাদ চাহেন না। আমিও নিরস্ত হইলাম।

তিনি বলিলেন, “নয় বৎসর পূর্বে আমি একখানি পত্র পাই। একটি মহিলা, নিভৃত নিবাস হইতে পত্রখানি লিখিয়াছিলেন। -পত্রখানি অত্যন্ত উত্তেজনা-পূর্ণ। এমন চিঠি আমি আর কখনও পাই নাই। পত্রে লেখা ছিল যে, একটি পিতৃ-মাতৃহীনা বালিকাকে তিনি পালন করিতেছিলেন। বালিকার বয়স দ্বাদশ বৎসর। অত্যন্ত গোপনে তিনি তাহাকে লালনপালন করিয়া আসিতেছেন। তাহার জন্মকথা তাহাকে জানিতে দেন নাই। তাহার প্রকৃত অস্তিত্ব বুঝিবার যাহা কিছু ছিল, সব তিনি মুছিয়া ফেলিয়াছেন। তাহার যৌবনলাভের পূর্বেই—নারীত্ব বিকাশিত হইবার আগেই যদি তিনি ইহধাম ত্যাগ করেন—তাহা হইলে বালিকা নিতান্ত নির্দীক্ষিত হইয়া পড়িবে, কেহ তাহাকে জানিবে না, কেহ তাহার পরিচয় পাইবে না। পত্রের লেখিকা তাই জানিতে চাহিয়াছেন যে, আমি তাঁহার আরক্কা কার্য সম্পূর্ণ করিবার জন্ত তাহার ভার লইতে রাজি আছি কি না।”

আমি নীরবে তাঁহার কথা শুনিয়া যাইতে লাগিলাম। অত্যন্ত মনোযোগের সহিত তাঁহার দিকে চাহিয়াও রহিলাম।

“বাল্যের কথা তোমার কিছু কিছু স্মরণ থাকিতে পারে। যেরূপ কঠোরতার সহিত তিনি তোমার সহিত ব্যবহার করিতেন, তাহাও তোমার অবিদিত নাই। নিষ্পাপ বালিকার কঠোর প্রায়শ্চিত্ত কিরূপে হইতেছিল, তাহাও তোমার বেশ জানা আছে। আমি বালিকাটির ভবিষ্যৎ ভাবিয়া চঞ্চল হইলাম। তাহার তমসাবৃত জীবনটাকে আলোকিত করিবার কল্পনা করিলাম। সংকল্প স্থির করিয়া পত্রের উত্তর দিলাম।”

কর্তার হাতখানি টানিয়া লইয়া আমি তাহা চুষন করিলাম।

“পত্রে আরও লেখা ছিল যে, আমি কখনও যেন লেখিকার সহিত সাক্ষাৎ করিতে না চাই। বহুদিন হইতে তিনি

জগতের সহিত সকল সংস্রব তুলিয়া দিয়াছিলেন। তবে আমার নিযুক্ত কোনও বিশ্বস্ত পাত্রের সহিত তিনি দেখা করিতে পারেন। আমি মিঃ কেন্জিকে প্রেরণ করিলাম। মহিলাটি উপযাচকভাবেই বলিয়াছিলেন যে, তিনি ছদ্মনামে অবস্থান করিতেছেন। তিনি এ কথাও বলিয়াছিলেন যে, এ ক্ষেত্রে যদি রক্তের কোনও সম্বন্ধ থাকে, তবে সেই ক্ষেত্রে তিনি বালিকাটির মাতৃস্বসা। ইহা ছাড়া তিনি আর কিছুই বলিতে সম্মত হন নাই। প্রিয় ভগিনি, আমি যাহা জানি, সব তোমায় বলিলাম।”

আমি কিয়ৎকাল তাঁহার হাতখানি আমার করপুটে ধরিয়া রাখিলাম।

তিনি বলিয়া চলিলেন, “আমি যাহার ভার লইয়াছিলাম, প্রায়ই আমি তাহাকে দেখিতে যাইতাম। তবে সে আমাকে দেখিতে পাইত না। আমি জানিতাম, সে সকলেরই প্রিয়, কর্মনিপুণা ও সুখী। আমি তাহার জন্ত যাহা করিয়াছি, তাহার লক্ষ গুণ প্রতিদান সে আমাকে দিয়াছে। প্রতিদিন তাহার নিকট হইতে কোটি গুণ পাইতেছি।”

আমি বলিলাম, “আর সে-ও তাহার অভিভাবককে পিতার ন্যায় জ্ঞান করিয়া প্রতিদিন তাঁহার মঙ্গলকামনা করিয়া থাকে।”

পিতৃশব্দ উচ্চারণে তাঁহার মুখে আবার যেন পুরাতন চিন্তার রেখা ফুটিয়া উঠিল। পূর্কের ন্যায় যত্নে তিনি সে ভাব তখনই দমন করিলেন। আমার মনে হইল, কথাটাতে তিনি যেন বড় একটা আঘাত পাইয়াছেন। আমি সবিস্ময়ে ভাবিলাম, কেন এমন হইল, কিছুই বুঝিতেছি না। সত্যই আমি কিছুই বুঝিতে পারি নাই।

আমার ললাটে চুষন করিয়া তিনি বলিলেন, “পিতৃশব্দে ন্যায়ই আমি তোমাকে আশীর্বাদ করিতেছি, যাও, এখন একটু ঘুমাও। এত রাত্রিতে আর কাজ করিও না। আমাদের জন্ত তোমার কাজের অন্ত নাই।”

সে রাত্রিতে আমি আর কাজ করিলাম না; চিন্তাও করিলাম না। ভগবান আমার প্রতি কত করুণ, তাহা ভাবিয়া রতজ্ঞতাপূর্ণ হৃদয়ে তাঁহার উদ্দেশে অর্ঘ্য নিবেদন করিলাম। তার পর ঘুমাইয়া পড়িলাম।

পরদিনে আমাদের বাড়ীতে একজন অতিথি আসিলেন। তিনি সেই ডাক্তার আলান্ উডকোট। তিনি বিদায় লইতে আসিয়াছিলেন। চীনদেশে তিনি যাইতেছেন। জাহাজের ডাক্তার নিযুক্ত হইয়া তিনি চীন ও ভারতবর্ষে গমন করিবেন। দীর্ঘকাল তিনি এ দেশে অনুপস্থিত থাকিবেন।

তিনি তেমন ধনবান নহেন। তাঁহার বিধবা মাতা পুত্রের শিক্ষার জন্ত যথাসর্বস্ব ব্যয় করিয়াছিলেন। লগুনে চিকিৎসা-ব্যবসায় তি নি বিশেষ কিছুও উপার্জন করিতে পারিতেছিলেন না। দিবারাত্রি তাঁহার ডাক ছিল বটে, কিন্তু তাহার অধিকাংশ সময়ই দরিদ্র পরিবারে চিকিৎসায়

অতিবাহিত হইত। চিকিৎসা-শাস্ত্রে দক্ষতা সঙ্গেও সুপারিশের অভাবে অর্থাগম তেমন হইতেছিল না। আমার অপেক্ষা তিনি সাত বৎসরের বড় শুনলাম।

তিন চারি বৎসর ধরিয়া তিনি ব্যবসা করিতেছেন। যদি আর তিন কি চারি বৎসর তিনি এইভাবে কাটাইয়া যাইতে পারিতেন, তাহা হইলে সমুদ্রযাত্রা করিবার তাঁহার কোন প্রয়োজন হইত না। কিন্তু সঞ্চিত এমন অর্থ নাই বা সম্পত্তি নাই, যাহার উপর নির্ভর করিয়া তিনি আর এক দিনও কাটাইতে পারেন। তাই তাঁহাকে বাধ্য হইয়া চাকরী লইয়া স্মদুর প্রাচ্যরাজ্যে যাইতে হইতেছে। ইতিপূর্বে আরও কয়েকবার তিনি আমাদের বাসায় আসিয়াছিলেন। তিনি চলিয়া যাইতেছেন শুনিয়া আমরা সকলেই দুঃখপ্রকাশ করিলাম। আমরা শুনিয়াছিলাম, এই নবীন চিকিৎসক বেশ সুখ্যাতির সহিত কাজ করিতেছিলেন। বিশেষজ্ঞগণেরও তাঁহার সম্বন্ধে উচ্চ ধারণা ছিল।

জননীকে সঙ্গে করিয়া তিনি বিদায় লইতে আসিয়াছিলেন। তাঁহার মাতা প্রৌঢ়া, দেখিতে বেশ সুন্দরী। কিন্তু তাঁহাকে বড়ই গর্বিতা বলিয়া মনে হইল। কোনও বনিয়াদি বংশের কন্যা তিনি। রাজবংশের সহিত তাঁহার পিতৃবংশের ঘনিষ্ঠ সম্বন্ধও আছে শুনলাম।

কথাপ্রসঙ্গে শ্রীমতী উড্‌কোর্ট বলিলেন যে, তাঁহার পুত্র আলান্ যেখানেই যান না কেন, নিজের বংশমর্যাদাকে খর্ব করিয়া কখনও কাহারও সহিত পরিণয়-সূত্রে আবদ্ধ হইবেন না। ভারতবর্ষে না কি অনেক রূপবতী ইংরাজ-ললনা আছেন। ইন্দিরার প্রসন্ন দৃষ্টি লাভের জন্ত তাঁহারা তথায় গিয়াছেন। এমন রূপবতী ও ঐশ্বর্যশালিনী ইংরাজ-ললনা সহজেই আলানের অদৃষ্টে জুটিতে পারে। কিন্তু যাহার বংশ-গৌরব নাই, এমন কোন নারীকে বিবাহ করিয়া তাঁহার পুত্র কখনই তাঁহার আভিজাত্য-গর্ভকে খর্ব করিবেন না। এই বংশমর্যাদা ও জন্ম এই দুইটি বিষয় লইয়া বৃদ্ধা এমনই-ভাবে কথা বলিতে লাগিলেন যে, মুহূর্তের জন্ত আমার মনে হইল, কথাটা যেন আমাকে উদ্দেশ করিয়াই বলা হইতেছে!

মিঃ উড্‌কোর্ট তাঁহার মাতার কথোপকথন-ভঙ্গিতে যেন একটু বিরত হইয়া উঠিয়াছিলেন। কিন্তু বাক্যে বা ব্যবহারে তিনি তাহা প্রকাশ করিলেন না। কৌশলক্রমে তিনি আলোচনার প্রসঙ্গটাকে ঘুরাইয়া দিলেন। তার পর আমাদের নিকট হইতে বিদায় লইয়া মাতা ও পুত্র চলিয়া গেলেন।

গৃহকার্যে সে দিন আমাকে বিশেষ ব্যস্ত হইতে হইল। সারাদিন কাজ করিতেছি, এমন সময় ক্যাডি আমার ঘরে প্রবেশ করিল। তাহার হাতে একতোড়া গোলাপফুল। আমি তাহাকে দেখিয়া বিস্মিত হইলাম।

আমি বলিলাম, “ব্যাপার কি, ক্যাডি? হাতে এত বড় সুন্দর তোড়া যে?”

ক্যাডি বলিল, “বাস্তবিক ফুলের তোড়াটা বড় সুন্দর।”

আমি বলিলাম, “কে দিলে? প্রিন্স না কি?”  
মাথা নাড়িয়া সে বলিল, “না, না, প্রিন্স নয়।”  
আমি বলিলাম, “তবে কি তোমার দুই জন উপাসক আছে না কি?”

ক্যাডি বলিল, “বটে! এর মানে তাই বোঝায় না কি?”  
তার পর হাসিতে হাসিতে সে বলিল, আধঘণ্টার ছুটি পাইয়া সে আমার সহিত দেখা করিতে আসিয়াছে। তারপরই প্রিন্সের সঙ্গে তাহার দেখা করিতে হইবে। বলিতে বলিতে প্রতিবারই সে ফুলের তোড়াটা আমার হাতে দিতে গেল। অথবা আমার চুলের উপর কেমন মানায়, তাহা দেখিতে লাগিল। তারপর বিদায় লইবার সময় সে আমার পোষাকে ফুলটি গাথিয়া দিয়া বলিল যে, উহা আমারই জন্ত আনীত হইয়াছে।

“আমার জন্ত?—” বিস্ময়ে আমি অভিভূত হইলাম।  
আমার মুখে একটা চুম্বন দিয়া বলিল, “হাঁ, আপনারই জন্ত। এই তোড়াটা কোন লোক আপনার জন্ত রাখিয়া গিয়াছেন!”

“রাখিয়া গিয়াছে?”  
“মিস্ ক্রিটের বাসায়। সে লোকটি মিস্ ক্রিটের একান্ত উপকারী। তিনি এক ঘণ্টা হইল, জাহাজে গিয়াছেন। যাত্রার সময় এই তোড়াটি রাখিয়া গিয়াছেন। না, না, খুলিবেন না, ঐখানে থাকুক!” ক্যাডি আবার ফুলের তোড়াটি সম্বন্ধে যথাস্থানে সন্নিবিষ্ট করিয়া দিল। তার পর বলিল, “সে সময় আমি উপস্থিত ছিলাম। লোকটি ইচ্ছা-পূর্বকই ফুলটি রাখিয়া গিয়াছেন।”

১৮

রিচার্ডের পক্ষে সংকল্প স্থির করা সহজ কার্য হইল না। তিনি আইন শিখিবেন স্থির করিয়াছিলেন; কিন্তু ডাক্তার ব্যাজারের গৃহে যাইবার পর সহসা তাঁহার মনে হইল যে, চিকিৎসাশাস্ত্র অধ্যয়নে তাঁহার অনিচ্ছা ত নাই। ব্যবসাটা ত নিন্দনীয় নহে, অর্থ উপার্জন করা যায়, মানসম্মতও যথেষ্ট। না, তিনি এ ব্যবসা ছাড়িতে পারেন না। অন্ততঃ আরও কিছুদিন দেখা যাক না! রিচার্ড অতঃপর দ্বার রুদ্ধ করিয়া গ্রন্থ অধ্যয়নে নিযুক্ত হইলেন ও অস্থিগুলি লইয়া মনোযোগ সহকারে নাড়াচাড়া করিতে লাগিলেন। তাড়াতাড়ি তাঁহার জ্ঞান কিছু বাড়িয়া গেল। মাসাধিককাল তাঁহার আগ্রহ ও উত্তেজনা প্রবলবেগে বহিতে লাগিল। তার পর আবার তাহার বেগ মন্দীভূত হইয়া আসিল। আবার কিছুদিন পরে উৎসাহভরে পাঠে নিরত হইলেন। আইন ও চিকিৎসা-বিজ্ঞান এই দুইটির কোনটি অবলম্বন করিবেন, ইহা স্থির করিতে না করিতে অবশেষে কিছুকাল পরে তিনি ডাক্তার ব্যাজারের নিকট হইতে বিদায় গ্রহণ করিলেন। তার পর “মেসার্স কেন্‌জি ও কারবয়” কোম্পানীর সহিত ভাগ্যান্বত



ভীত কঠোরতা ছিল, এ মুখে তাহার সম্পূর্ণ অভাব। লেডী ডেড্‌লকের মুখমণ্ডলে যে গর্ব ও দান্তিকতা দেখিলাম, তাহা আমি অন্য কাহারও স্থানে দেখি নাই। অথচ আমি ইহার সমাবসন, আমি বাল্যকালে একাকীই জীবনগাপন করিয়াছি, আমার জন্মদিনে কোনও উৎসবানন্দ ছিল না, এ কথাটা এই বিলাসিনী লেডী মহোদয়াকে দেখিয়া পুনঃ পুনঃ আমার মনে সমুদিত হইতে লাগিল। কিন্তু সত্য বলিতে কি, ইহাকে ইতিপূর্বে আমি কখনও দেখি নাই।

এই কথা মনে হইবামাত্র আমার সর্বশরীর কম্পিত হইয়া উঠিল। মনের ভিতর নিদারুণ উত্তেজনা অনুভব করিলাম। সম্মুখস্থ ফরাসী চাকরানীটা হয় ত আমার ভাবান্তর লক্ষ্য করিয়াছে ভাবিয়া আমি একটু অশ্বস্তি অনুভব করিলাম। কিন্তু সে যে আমাকেই লক্ষ্য করিতেছিল, এমন কোন প্রমাণ নাই। মন্দিরে প্রবেশ করা পর্যন্ত সে চারিদিকেই চাহিয়া চাহিয়া দেখিতেছিল। অনেক চেষ্টার পর আমি আত্মসংবরণ করিলাম। অনেকক্ষণ পরে আমি লেডী ডেড্‌লকের মুখের দিকে চাহিলাম। তখন বক্তৃতার পূর্ববর্তী গান আরম্ভ হইতেছিল। লেডী মহোদয়া আমার দিকে চাহিয়াও চাহিলেন না। তিনি যে আমাকে লক্ষ্য করিয়াছেন, তাহার আকৃতি দেখিয়া তাহাও বুঝা গেল না। ইহাতে আমার বক্ষের স্পন্দন থামিয়া গেল। ইহার পর তিনি যখন দুই-একবার আদা ও আমার দিকে দৃষ্টিপাত করিয়াছিলেন, তখন আর আমি তেমন চাঞ্চল্য অনুভব করি নাই।

অবশেষে মন্দিরের কার্য সমাপ্ত হইল। স্মার লিষ্টার, নিজে লাঠীর সাহায্য ব্যতীত হাঁটিতে না পারিলেও, তদবস্থায় পত্নীর জ্ঞাত হাত বাড়াইয়া দিলেন। তার পর তাঁহাকে লইয়া স্মার লিষ্টার টাটুঘোড়া-যোজিত ক্ষুদ্র শকটে আরোহণ করিলেন। ভূতগণও ক্রমে ক্রমে চলিয়া গেল।

উল্লিখিত ঘটনার পরের শনিবারে মিঃ জারনুডিসের সহিত আমি ও আদা পার্কে বেড়াইতেছিলাম। খানিক বেড়াইবার পর আমরা তিন জনে এক স্থলে বসিয়া গান করিতে লাগিলাম। সহসা আকাশে মেঘ গর্জন করিয়া উঠিল। পাতায় পাতায় বৃষ্টির বড় বড় কঁোটা পড়িবার শব্দও অনুভূত হইল।

কয়দিন খুবই গ্রীষ্মাধিক্য হইয়াছিল। ঝটিকা এমন আকস্মিকভাবে প্রবাহিত হইল যে, আমরা অরণ্যের সীমা ছাড়াইবার পূর্বে মুহূর্ত্তঃ বিদ্যৎবিকাশ ও বজ্রনাদ হইতে লাগিল; বৃষ্টিধারাও প্রবলবেগে নামিয়া আসিল। বৃক্ষতলে দাঁড়াইয়া থাকা বৃক্তিসঙ্গত নহে মনে করিয়া আমরা দ্রুতপদে উদ্ভানরক্ষকের অদূরবর্তী গৃহ লক্ষ্য করিয়া অগ্রসর হইলাম।

উদ্ভানরক্ষকের গৃহে পৌছিলাম। আকাশ তখন এমন মেঘাচ্ছন্ন যে, গৃহের মধ্যস্থিত কোনও পদার্থ-ই দৃষ্টিগোচর হয় না। শুধু উদ্ভানরক্ষক দুইখানি চেয়ার আনিয়া

আমাকে ও আদাকে বসিতে দিল। দরজার সম্মুখে বসিয়া আমরা ঝড়ের অবস্থা দেখিতে লাগিলাম। বাতাস কেমন করিয়া সুপ্তোখিত দানবের ন্যায় প্রচণ্ড হইয়া উঠিতেছে, তাহা দেখিতে লাগিলাম। গাছের ডালপালা প্রবল ঝঞ্জার প্রভাবে কেমন নত হইতেছে, বাহুবিস্তার করিতেছে, বাতাস-তাড়িত বৃষ্টিধারা কেমন ছুটিয়া চলিয়াছে। আকাশে মেঘমালা কেমন দ্রুত ধাবিত হইতেছে, দেখিতে লাগিলাম। সে দৃশ্য যেমন মধুর, তেমনই ভয়াবহ!

“এমন খোলা জায়গায় বসিয়া থাকা কি বিপজ্জনক নয়?”

প্রশান্তভাবে আদা বলিলেন, “না ইহার, কোন ভয় নাই।”

আদা আমাকে লক্ষ্য করিয়া উত্তর দিলেন, কিন্তু আমি ত কথা বলি নাই।

আবার আমার বুকের স্পন্দন আরম্ভ হইল। পূর্বে সে কণ্ঠস্বর আমি কখনও শুনি নাই। সে মুখমণ্ডল যেমন আমার অপরিচিত, কণ্ঠস্বরও তাহাই। কিন্তু কথাটা শুনিবামাত্র অতি বিচিত্রভাবে আমার হৃদয় ভরিয়া উঠিল। সঙ্গে সঙ্গে আমার নিজের জীবনের সহস্র ঘটনার চিত্র মানসপটে ভাসিয়া উঠিল।

সেই কুটীরে লেডী ডেড্‌লকও আমাদের পূর্বে আসিয়া আশ্রয় গ্রহণ করিয়াছিলেন। তিনি অন্ধকারের মধ্য হইতে বাহিরে আসিলেন। তিনি আমার চেয়ারের পশ্চাতে হাত দিয়া দাঁড়াইলেন। আমি মুখ ফিরিয়া চাহিলাম।

তিনি বলিলেন, “আমি কি আপনাকে ভয় দেখাইলাম?”

“না, ভয় কিসের? ভয় পাবেই বা কেন?”

লেডী ডেড্‌লক বলিলেন, “আমি বোধ হয় মিঃ জারনুডিসের সঙ্গে কথা বলিতেছি?”

“লেডী ডেড্‌লক, আপনার স্মৃতি-শক্তির প্রার্থন্যে আমি অনুগৃহীত হইলাম।”

“গত রবিবার আমি গির্জায় আপনাকে দেখিয়া চিনিয়াছিলাম। কিন্তু স্থানীয় ব্যাপার লইয়া স্মার লিষ্টারের সহিত কাহারও গোলযোগ চলিতেছে, সে জ্ঞাত আপনার সহিত আলাপ করিবার সুযোগ ঘটে নাই। এ জ্ঞাত আমি বিশেষ দুঃখিত।”

কর্তা বলিলেন, “তা আমি জানি। সুতরাং আমি সে জ্ঞাত কিছু মনে করি নাই।”

লেডী মহোদয়া উপেক্ষাভরে হাত বাড়াইয়া দিলেন। সেটা বোধ হয় তাঁহার অভ্যাস। তাঁহার সৌন্দর্য্য মুগ্ধকর, ব্যবহারেও আকর্ষণী-শক্তি আছে। রক্ষক তাঁহার জ্ঞাত আর একখানি কেদারা আনিয়া দিল। আদা ও আমার মধ্যবর্তী স্থানে তিনি বসিলেন।

“আপনি যে বুকের কথা স্মার লিষ্টারের কাছে

লিখিয়াছিলেন, তাঁহার সম্বন্ধে সকল ব্যবস্থা কি হইয়া গিয়াছে? স্থার লিষ্টার তাঁহার জন্ম কিছু করিতে পারেন নাই বলিয়া অত্যন্ত দুঃখিত।”

কর্তা বলিলেন, “হ্যাঁ, একরকম বন্দোবস্ত করা গিয়াছে।”

“এটি বুঝি মিস্ ক্লেয়ার?”

কর্তা যথারীতি আদার সহিত তাঁহার পরিচয় করাইয়া দিলেন।

তার পর আমার দিকে ফিরিয়া বলিলেন, “মিঃ জারন্ডিস্, এই যুবতীর সহিতও আমার পরিচয় করাইয়া দিন।”

কর্তা বলিলেন, “এটি যথার্থই আমার ওয়ার্ড। ইহার নাম মিস্ সমারুসন্। ইহার সম্বন্ধে আমি কোনও বিচার-পত্রের নিকট দায়ী নই।”

লেডী বলিলেন, “ইহার পিতামাতা কেহই নাই বুঝি?”

“হ্যাঁ।”

“এমন অভিভাবক পাইয়া উনি খুবই সৌভাগ্যবতী।”

লেডী ডেড্‌লক্ আমার দিকে চাহিলেন, আমিও তাঁহার প্রতি চাহিলাম। আমি বলিলাম, তাঁহার অল্পমান যথার্থ। মহা লেডী মহোদয়া আমার দিক হইতে মুখ ফিরাইয়া লইলেন। আমার বোধ হইল, যেন তিনি আমাকে দেখিয়া বিশেষ সন্তুষ্ট হইলেন না। লেডী কর্তাকে বলিলেন, “মিঃ জারন্ডিস্, আমরা যখন পরস্পর মিলিত হইতাম, সে বহুদিনের কথা, কেমন নয় কি?”

তিনি বলিলেন, “হ্যাঁ, দীর্ঘ কালের কথা বটে। গত রবিবারে আপনার সহিত দেখা না হওয়া পর্য্যন্ত সেই রকমই ত মনে ছিল।”

ঈষৎ তাচ্ছল্যভরে লেডী বলিলেন, “আপনিও দেখিতেছি, শেষে চাটুকার হইয়া উঠিলেন! অন্ততঃ আমার সম্বন্ধে তেমন একটা খ্যাতি আছে।”

“লেডী ডেড্‌লক্, আপনার খ্যাতি এমন বাড়িয়াছে যে, তজ্জন্ম আপনার কিছু দণ্ড পাওয়া দরকার। কিন্তু আমার কাছে আপনার কোন ঋণ নাই।”

ঈষৎ হাস্তে লেডী বলিলেন, “বটে! তাই না কি? কথাটা সত্য।”

কিয়ৎকাল বাহিরের বৃষ্টিধারার প্রতি চাহিয়া লেডী মহোদয়া বলিলেন, “আমরা যখন বিদেশে ছিলাম, সে সময় আমার ভগিনীর সহিত আপনার বিশেষ পরিচয় ছিল। আমার অপেক্ষাও সে আপনার অধিক পরিচিতা ছিল, কেমন, নয় কি?”

কর্তা বলিলেন, “হ্যাঁ, আমাদের প্রায়ই সাক্ষাৎ হইত।”

লেডী ডেড্‌লক্ বলিলেন, “আমরা যে যাহার পথে চলিতাম। আমাদের উভয়ের মতি-গতির পার্থক্য যতটা বেশী ছিল, মতের মিল ততটা ছিল না। সেটা গভীর পরি-তাপের কথা সন্দেহ নাই। কিন্তু কোনও উপায় ছিল না।”

লেডী ডেড্‌লক্ পুনরায় বৃষ্টিধারা দেখিতে লাগিলেন।

ঝড়ের বেগ তখন অনেকটা মন্দীভূত হইয়া আসিয়াছিল। বৃষ্টির ধারাও কমিয়া আসিয়াছিল। দূরবর্তী শৈলোপরি মাঝে মাঝে বজ্রধ্বনি শোনা যাইতেছিল। সূর্যের স্তিমিত দীপ্তি সিন্ধু বৃক্ষপত্রের উপর ঝক্-ঝক্ করিয়া উঠিল। আমরা বসিয়া আছি, এমন সময় দেখিলাম, পনি-যোজিত ক্ষুদ্র ফিটনখানি আমাদের দিকে অগ্রসর হইতেছে।

উদ্যানরক্ষক বলিল, “রাণী ঠাকুরাণি! লোকটা গাড়ী লইয়া আসিতেছে।”

গাড়ীখানি সন্নিহিত হইলে আমরা দেখিলাম, তন্মধ্যে দুই জন আরোহী উপবিষ্ট। গাড়ী থামিলে অঙ্গাবরণ প্রভৃতি লইয়া প্রথমেই ফরাসী রমণীটি নামিল, তৎপরে সেই সুন্দরী যুবতীটি অবতরণ করিল।

লেডী মহোদয়া বলিলেন, “তোমরা দুই জনে আসিলে যে?”

ফরাসিনী বলিল, “আমি আপনার পরিচারিকা। খবর পাইলাম, আপনি সহচরীকে আহ্বান করিয়াছেন, তাই আমি আসিলাম।”

সুন্দরী যুবতী বলিল, “আমার মনে হইল, ঠাকুরাণী আমাকেই ডাকিয়া পাঠাইয়াছেন।”

প্রশান্তভাবে লেডী বলিলেন, “আমি তোমাকেই ডাকিয়া-ছিলাম, বাছা। শালখানা আমার গায় জড়াইয়া দেও।”

সুন্দরী যুবতী লেডী মহোদয়ার আদেশ পালন করিল। ফরাসিনী ওষ্ঠে ওষ্ঠ চাপিয়া নীরবে এক পার্শ্বে দাঁড়াইয়া রহিল।

মিঃ জারন্ডিন্কে উদ্দেশ করিয়া লেডী ডেড্‌লক্ বলিলেন, “পূর্বের মত বন্ধুত্বটাকে জাগাইয়া তুলিবার সুযোগ হইবে না বলিয়া আমি দুঃখিত। কিন্তু আমি গাড়ী পাঠাইয়া দিলে তাহাতে চড়াইয়া এই যুবতী দুইটিকে পাঠাইয়া দিবেন। গাড়ীখানি এখনই ফিরিয়া আসিবে।”

কিন্তু কর্তা সে প্রস্তাবে সন্মত না হওয়াতে লেডী মহোদয়া আদার নিকট বিদায় লইলেন। আমার সঙ্গে বিদায়-সস্তাষণ করিলেন না। কর্তার বাহু অবলম্বন করিয়া তিনি গাড়ীতে উঠিলেন।

সুন্দরী যুবতীকে ডাকিয়া বলিলেন, “বাছা, তুমিও এস। তোমাকে আমার প্রয়োজন আছে। হাঁকাও।”

গাড়ী চলিয়া গেল। ফরাসিনী যেমন দাঁড়াইয়াছিল, ঠিক তেমনই দাঁড়াইয়া রহিল। বুঝিলাম, সে যেমন গর্কিতা, তাহার দর্প তেমনই চূর্ণ হইয়াছে। গাড়ী চলিয়া না যাওয়া পর্য্যন্ত সে স্থিরভাবে দাঁড়াইয়া রহিল। তাহার মুখের ডাব দেখিয়া মমের অবস্থা কিছু বুঝা গেল না। তার পর সে জুতাঝোড়া খুলিয়া রাখিয়া নগ্নপদে মাঠ পার হইয়া চলিয়া গেল।

কর্তা বলিলেন, “এই রমণীটি পাগলী না কি?”



রক্ষক সত্বে সেখানে দাঁড়াইয়াছিল। সে বলিল, “না মহাশয়! হর্টেন্‌সি পাগলী নয়। তাহার মাথা খুব ঠিক আছে। কিন্তু তাহার ক্রোধ দুর্দমনীয়। যদি কেহ তাহাকে ছাড়াইয়া যায়, তবে সে তা কোনমতে সহ্য করিতে পারে না।”

কর্তা বলিলেন, “কিন্তু জুতা খুলিয়া, খালি পায়ে হাঁটিবার প্রয়োজন কি ছিল?”

লোকটি বলিল, “জলের ঠাণ্ডাতে তাহার শরীরের গরম রক্তটা শীতল হইয়া যাইবে।”

উদ্যানরক্ষকের স্ত্রী বলিল, “অথবা যখন সে দেখিল, তার সব যাইতেছে, তখন সে নিজের রক্তের উপর দিয়া এমনই নিশ্চিন্তভাবে হাঁটিয়া যাইবে, তাই বা বুঝাইল!”

কয়েক মুহূর্ত পরে আমরা বাহির হইলাম। ব্যুষ্টিপাতে চারিদিকে যেন সজীবতার সঞ্চার হইয়াছিল। পাখীর গান বন্ধ হয় নাই, বরং আরও মধুর শুনাইতে লাগিল। দেখিলাম, ম্যাদম সেলি হর্টেন্‌সি নথপদে ভিজা দাসের উপর দিয়া দৃঢ়পদে প্রাসাদের অভিমুখে চলিতেছে।

১৯

গ্রীষ্মের অবকাশ। লণ্ডনের বিচারালয়গুলি বন্ধ। ব্যবহার-জীবগণ চারিমাসের অবকাশে নানাদিকে ধাবিত হইয়াছেন। আইন-সংক্রান্ত যাবতীয় কাজকর্মই তখন বন্ধ। মিঃ স্নাগস্বির কাজকর্ম সে সময় বড় মন্দ। কারণ, আইন-আদালত-ঘটিত কাগজপত্রাদি সরবরাহ তিনিই করিয়া থাকেন। আদালত যখন বন্ধ, তখন খরিদদারই বা কোথায়, আর বিক্রয়ই বা করিবেন কাহাকে?

সে দিন মিঃ স্নাগস্বির বাড়ীতে নিমন্ত্রণের যোগাড় হইয়াছিল। স্নাগস্বি-দম্পতি কয়েকটি বন্ধুকে নিমন্ত্রণ করিয়াছেন। পরিচারিকা গষ্টার বৈঠকখানা-ঘরটিকে ঝাড়িয়া মুছিয়া পরিচ্ছন্ন করিতেছিল। চ্যাডব্যাণ্ডদম্পতি আজ তাঁহাদের বাড়ীতে নিমন্ত্রিত হইয়াছেন। তাঁহাদের আহ্বারের জন্ত ভাল ভাল জিনিস সংগৃহীত হইয়াছিল।

মিঃ স্নাগস্বি তাঁহার সর্বোৎকৃষ্ট পরিচ্ছন্ন পরিধান করিয়াছিলেন। তিনি জিজ্ঞাসা করিলেন, “তাঁরা কটার সময় আসবেন?”

শ্রীমতী বলিলেন, “ছটায়।”

“ছটা ত বেজে গেছে।”

শ্রীমতী স্নাগস্বি তিরস্কারে বলিলেন, “তুমি কি তাঁদের বাদ দিয়েই খেতে চাও না কি?”

ব্যস্তভাবে স্নাগস্বি বলিলেন, “না, না, আমি তা বলছি না। আমি শুধু এমনি জিজ্ঞাসা করছিলাম।”

এমন সময় গষ্টার ঘরের মধ্যে আসিয়া জানাইল যে, চ্যাডব্যাণ্ডদম্পতি উঠানে আসিয়া পড়িয়াছেন।

দম্পতি কক্ষমধ্যে প্রবেশ করিলেন। মিঃ চ্যাডব্যাণ্ড

দীর্ঘাকার পীতবর্ণ মনুষ্য। মুখে হাসি আছে। শ্রীমতী চ্যাডব্যাণ্ড অত্যন্ত গম্ভীরা, স্বল্পভাষিনী ও কিছু রুঢ়ভাবাপন্ন।

নানাপ্রকার আলোচনার পর সকলে ভোজনে উপবিষ্ট হইলেন। গষ্টার তাঁহাদিগকে জিনিসপত্রাদি আনিয়া দিতেছিল। সহসা পরিচারিকা মিঃ স্নাগস্বির কাণে কাণে বলিয়া গেল যে, তাঁহাকে একবার বাহিরে আসিতে হইবে, কাজ আছে।

স্নাগস্বি আসন ছাড়িয়া বলিলেন, “আধ মিনিটের জন্ত বাহিরে যাইতেছি। মাপ করিবেন। দোকানে একটু কাজ আছে।”

নীচে নামিয়া আসিয়া তিনি দেখিলেন, তাঁহার আপিসের দুই জন শিক্ষানবীশ কর্মচারী একটি পুলিশ কনষ্টেবলের সহিত কি কথা বলিতেছে। কনষ্টেবল একটা অপরিচ্ছন্ন বালকের হাত ধরিয়া রহিয়াছে।

মিঃ স্নাগস্বি বলিলেন, “ব্যাপার কি? কি হয়েছে?”

কনষ্টেবল বলিল, “এই ছোঁড়াটাকে এত বলছি, ব্যাটা তবু এক পা নড়বে না।”

বালক বলিল, “কেন মশায়? সারাজীবন ধরেই ত ন’ড়ে ন’ড়ে বেড়াচ্ছি। জন্মে অবধি কোথাও ত স্থান পাইনে, এখান থেকে ওখানে, ওখান থেকে সেখানে, এই করেই ত বেড়াচ্ছি, মশায়। আর এখন যাব কোথায়? যাবার জায়গা নেই!”

বালক তাহার নয়নের উদ্গত অশ্রু বাহু দ্বারা মুছিয়া ফেলিল।

কনষ্টেবল বলিল, “ব্যাটা কিছুতেই নড়বে না। বার বার ওকে ব’লে দিয়েছি, এখান থেকে চ’লে যা, তা কোনমতেই যাবে না। তাই ওকে জেলে নিয়ে যাচ্ছি। ব্যাটা বদমাসের ধাড়ী!”

মাথার চুল টানিতে টানিতে বালক বলিল, “কোথায় যাব আমি?”

খুব জোরে নাড়া দিয়া কনষ্টেবল বলিল, “ও সব চালাকী চলবে না। নইলে এক চড়ে তোকে ঠাণ্ডা ক’রে দেব। আমার হুকুম, তোকে এ জায়গা ছেড়ে যেতে হবে। এক ঘণ্টায় ত তোকে আমি অন্ততঃ পাঁচশবার বলেছি।”

“কিন্তু কোথায় যাব?”

মিঃ স্নাগস্বি কাসিতে কাসিতে বলিলেন, “ওহে কনষ্টেবল! কথাটা ঠিক বলেছে। সত্যই ও কোথায় যাবে, তুমি বাংলা দিতে পার?”

কনষ্টেবল বলিল, “তা আমি জানিনে। আমার উপর হুকুম হয়েছে যে, ছোঁড়াটা এ জায়গা ছেড়ে চ’লে যাবে। এখানে ও থাকতে পারে না।”

শুনিতোছ জো! এত বড় নগরের আলোকিত রাজপথেও তোমার স্থান নাই। তোমাদের মত যাহারা এই পৃথিবীতে জন্মগ্রহণ করে, তাহারা শুধু চলিতে থাকিবে,

স্থিরভাবে থাকিবার স্থান তাহাদের নাই! অতএব অগ্রসর হও!

মিঃ স্নাগ্‌স্বি নিকরুত্তর। তিনি শুধু কাসিতে লাগিলেন। এ দিকে রাজপথে বাদামুবাদ হইতেছে শুনিয়া চ্যাডব্যাণ্ড-দম্পতি ও শ্রীমতী স্নাগ্‌স্বি সিঁড়ির কাছে নামিয়া আসিলেন। গাটার ত এক ধারে দাঁড়াইয়াই ছিল।

কনষ্টেবল অবশেষে বলিল, “কথাটা হচ্ছে এই, আপনি কে এই ছোঁড়াটাকে চেনেন?”

শ্রীমতী স্নাগ্‌স্বি চীৎকার করিয়া বলিয়া উঠিলেন, “না, উনি চেনেন না।”

মিঃ স্নাগ্‌স্বি পত্নীর দিকে ফিরিয়া বলিলেন, “ওগো গ্যানি! একটু থাম। ছোঁড়াটিকে আমি যে জানি না, এমন নয়। যা জানি, তাতে ক্ষতি হবার মত কিছু নেই। বরঞ্চ ঠিক তার বিপরীত, বুঝেছ কনষ্টেবল?”

এই বলিয়া তিনি জো সন্মুখে যতটুকু জানিতেন, তাহা বর্ণনা করিলেন। শুধু তিনি যে আধখানা গিনি তাহাকে পুরস্কার প্রদান করিয়াছিলেন, শুধু সেইটুকু চাপিয়া গেলেন।

কনষ্টেবল বলিল, “তবে ত ছোঁড়াটা যা বলেছে, তা একেবারে মিথ্যা নয়। আমি যখন তাকে হলুবরণের খানায় নিয়ে যাই, তখন সে বলেছিল যে, ও আপনাকে চেনে। সে সময় এক জন যুবক সেখানে ছিলেন, তিনি বললেন যে, আপনার সঙ্গে তাঁর আলাপ আছে। আপনি এক জন মানী গৃহস্থ, তাও আমায় জানালেন। যদি আমি অনুসন্ধান আসি, তবে তিনিও আমার সঙ্গে আসতে রাজি হবেন। এখন দেখছি, তিনি তাঁর কথা রাখতে পারেন না—না, না, ঐ যে তিনি আসছেন!”

মিঃ গুপী তথায় দেখা দিলেন। পরস্পরের অভিবাদনাদি শেষ হইল।

তিনি বলিলেন, “আমি আপিস হইতে আসিবার সময় পথে গোলমাল দেখিয়া দাঁড়াই। আপনার নাম শুনিয়া আমি পুলিশকে বলিলাম যে, আমি মিঃ স্নাগ্‌স্বিকে চিনি। ব্যাপারটার অনুসন্ধান হওয়া দরকার বিধায় আমি নিজেও আসিতে সম্মত হই।”

মিঃ স্নাগ্‌স্বি বলিলেন, “আপনার যেমন সাধু অন্তঃ-করণ, সেইরকম কাজই করেছেন। এজন্য আমি কৃতজ্ঞতা প্রকাশ করছি।”

কনষ্টেবল জোকে লক্ষ্য করিয়া বলিল, “এখন আমি বুঝতে পারছি, ছোকরা, তুমি কোথায় থাক। সে জায়গাটা বড় ভাল না হে, ছোকরা?”

জো বলিল, “তার চেয়ে ভাল জায়গা আমি পাব কোথায়? আমার মত ভবঘুরেকে কে ভাল জায়গায় স্থান দেবে?”

কনষ্টেবল বলিল, “তুই ভারী গরীব, না রে ছোঁড়া?”

জো বলিল, “হ্যাঁ মশায়, বড় গরীব!”

“মশায়রা বিচার করে দেখুন। ছোঁড়ার কাছ থেকে দুটি আধ ক্রাউন পেয়েছি।”

জো বলিল, “মিঃ স্নাগ্‌স্বি, ঐ দুটোই আমার সন্মল। একটি ঠাকরুণ আমায় একটা মোহর দিয়েছিলেন। যে লোকটা সে দিন মারা গিয়েছে, তার ঘর ও কোথায় তার কবর দেওয়া হয়েছে, দেখাতে পারলে তিনি আমার বকশীস করবেন বলেছিলেন। আমি সব দেখিয়ে দিলে তিনি আমায় মোহরটা দেন। ওটা ভাঙ্গিয়ে, আমি বাড়ীভাড়া দেই। ভাঙ্গাবার সময় দোকানদার আমার পাঁচ সিলিং কেটে নিয়েছিল। আর একটা ছোঁড়া পাঁচ টাকা চুরী করে নেয়।” এই বলিয়া জো কাঁদিতে লাগিল।

কনষ্টেবল বালকটির দিকে ঘৃণাভরে চাহিয়া বলিল, “তোমার এ সব কথা কে বিশ্বাস করবে বল দেখি?”

জো কাঁদিতে কাঁদিতে বলিল, “আমি যা জানি, তাই বললাম। আর কিছুই জানিনে।”

দর্শকদিগের দিকে চাহিয়া কনষ্টেবল বলিল, “ছোঁড়াটা কি বজ্জাত, তা আপনারা দেখলেন ত? শুনুন মিঃ স্নাগ্‌স্বি, এবার যদি আমি ওকে ছেড়ে দেই, আপনি ওর ভার নিতে পারবেন?”

শ্রীমতী বলিয়া উঠিলেন, “না, ও সব হবে না।”

স্বামী অনুন্নয়পূর্ণ কণ্ঠে বলিলেন, “তুমি একটু থাম লক্ষ্মি! কনষ্টেবল, আচ্ছা, ও যাতে অগত্রে যায়, তার ব্যবস্থা করা যাচ্ছে। বাচ্ছা, তোমাকে এ স্থান ছেড়ে যেতে হবে, বাবা!”

হতভাগ্য জো বলিল, “তা যা বলবেন, তাই করবো।”

কনষ্টেবল বলিল, “হ্যাঁ, তাই কর। তুই বেশ জানিস, এ ছাড়া তোমার আর কোন পথ নেই। এর পরে আবার ধরা পড়লে এত সহজে আর পার পাবি না। এই নে তোমার টাকা-কড়ি।” এই বলিয়া সে বালকের হস্তে তাহার অর্থ প্রদান করিল। তার পর বলিল, এখনই এখান থেকে পাঁচ মাইল দূরে চলে যা। তোমারও ভাল, আমাদেরও ভাল।”

কনষ্টেবল চলিয়া গেল।

জো'র কাহিনী, লেডী-ঘটিত বিবরণ অসম্ভব হইলেও উপস্থিত সকলেরই কৌতূহল তাহাতে উদ্ভিক্ত হইয়াছিল। মিঃ গুপী তাহাকে প্রশ্নের উপর প্রশ্নের দ্বারা বিবৃত করিয়া তুলিলেন। শ্রীমতী স্নাগ্‌স্বি মিঃ গুপীকে ভিতরে আসিয়া চাম্পান ও জলযোগের জন্ত অনুরোধ করিলেন। গুপী তাহাতে অসম্মত হইলেন না; জো'র হাত ধরিয়া ভিতরে প্রবেশ করিলেন।

কথা শুনিতে শুনিতে গুপী বলিলেন, “হয় ছোঁড়াটা আগাগোড়া বানাইয়া বলিতেছে, নয় ত নিশ্চয়ই ব্যাপারটার কিছু গোলযোগ আছে। কেন্‌জি ও কারবয়ের ওখানে যোগ দেওয়া অবধি এমন কৌতূহলোদ্দীপক ব্যাপার আমার চোখে আর পড়ে নাই।”



এই সময়ে শ্রীমতী চ্যাডব্যাণ্ড শ্রীমতী স্নাগ্‌স্বির কাণে কাণে কি বলিলেন। তাহাতে শ্রীমতী বলিয়া উঠিলেন, “বটে!”

শ্রীমতী চ্যাডব্যাণ্ড বলিলেন, “হাঁ, অনেক কাল ছিলাম!”

শ্রীমতী স্নাগ্‌স্বি গুপীকে বলিলেন, “শ্রীমতী চ্যাডব্যাণ্ড, আমার এই বন্ধুটি, অনেক দিন হ’তে কেন্‌জি ও কারবয়কে জানেন, শুনছেন?”

গুপী বলিলেন, “তাই না কি?”

শ্রীমতী চ্যাডব্যাণ্ড বলিলেন, “আমার বর্তমান স্বামীর সহিত বিবাহ হইবার অনেক আগে থেকে।”

মিঃ গুপী বালককে ক্রম করা স্থগিত রাখিয়া বলিলেন, “ম্যাদাম, আপনি কি কোন মোকদ্দমার সংস্রবে আসিয়াছিলেন না কি?”

“না।”

“তবে কি আপনার কোন জানা লোক মোকদ্দমা করিতে গিয়াছিলেন, তাহাতে জানেন?”

“তাও ঠিক নয়।”

“তবে কি? কোন স্থানে তাঁহাদের সহিত আপনাদের পরিচয় ঘটে?”

শ্রীমতী বলিলেন, “আপনার বয়স দেখিয়া আমার অনুমান হয়, সে সময় আপনি কেন্‌জি ও কারবয়ের ওখানে প্রবেশ করেন নাই। ইহার সমারসন্ নামী একটি বালিকার লালন-পালনের ভার আমার উপর ছিল। মেসার্স কেন্‌জি ও কারবয়ই আমায় সে কার্যে নিযুক্ত করিয়াছিলেন।

উত্তেজিতভাবে মিঃ গুপী বলিলেন, “বলেন কি? মিস্ সমারসন্!”

“হাঁ। মিস্ ইহার সমারসন্।”

গুপী বলিলেন, “ম্যাদাম, সেই যুবতী যখন প্রথমে লণ্ডনে আসেন, তখন এই অধমই তাঁহাকে অভ্যর্থনা করিয়াছিল।”

জ্যো পরিত্রাণলাভের জন্য ব্যস্ত হইয়া উঠিয়াছিল। মিঃ গুপী তাহাকে এক আনা পয়সা বকসীস করিলেন। বালক তথা হইতে বাহির হইয়া চলিয়া গেল।

অনেক দূর চলিয়া একটা পোলের ধারে একখানি পাথরের উপর বসিয়া সে কিছু জলযোগ করিতে লাগিল।

দূরে সেন্টপল্‌স ধর্ম্মন্দিরের উজ্জ্বল চূড়া অস্তগামী সূর্য্য-কিরণে জ্বলজ্বল করিতেছিল। এত বড় নগরের কোথাও তাহার স্থান নাই। সূর্য্য পশ্চিমাকাশে চলিয়া পড়িতেছিলেন, নদীর স্রোত দ্রুতবেগে বহিয়া চলিয়াছে, দুই ধারে জনস্রোত চলিয়াছে, সকলেই কোন না কোন উদ্দেশ্যে চলিয়াছে। কিন্তু তাহার স্থান কোথায়?

২০

সে দিন আপিসে বসিয়া মিঃ গুপী কাজ করিতেছিলেন।

কেন্‌জি ও কারবয় গ্রীষ্মাবকাশে পল্লী-নিবাসে গিয়াছেন।

গুপী মিঃ গুপী ও মিঃ রিচার্ড কারস্টেন আপিসের ভার লইয়া

অবস্থান করিতেছিলেন। মিঃ গুপী এই নবাগত আইন অধ্যয়নকারী যুবকটিকে প্রতিযোগী বলিয়া মনে করিতেন। সন্দেহ রোগটা তাঁহার অত্যন্ত প্রবল ছিল। কেহ যদি কেন্‌জি ও কারবয়ের আপিসে কাজ শিখিতে আসিল, অমনই গুপীর মনে হইত, সেই লোকটি তাঁহাকে সরাইবার জগুই আসিয়াছে। কিন্তু মিঃ কারস্টেনকে সর্বদাই জারন্‌ডিস্ ও জারন্‌ডিসের মোকদ্দমাসংক্রান্ত কাগজপত্র ঘাঁটিতে দেখিয়া মিঃ গুপী একটু নিশ্চিন্ত ছিলেন। কারণ, তাঁহার বিশ্বাস ছিল, ও সব দেখিলে সব গোল হইয়া যাইবে এবং তাহাতে ব্যর্থতাও আসিবে। সেটা মিঃ গুপীর পক্ষে মঙ্গলের কথা।

কেন্‌জির আপিসে আর এক জন ছোকরা কর্মচারী ছিল, তাহার নাম ইয়ং স্মলউইড্। তাহার বয়স পঞ্চদশ হইতে পারে। বালকটি সকল বিষয়ে মিঃ গুপীকে নকল করিত। গুপীই তাহার আদর্শ। তাঁহার মত বেশভূষা করা, কথা বলা, হাঁটা সবই সে নকল করিয়াছিল।

মিঃ গুপী আপনার ঘরে বসিয়া কাজ করিতেছেন, এমন সময় কেহ ডাকিল, “ওহে গুপী!”

গুপী দেখিলেন, জানালার ধারে নীচে তাঁহার পূর্বতন বন্ধু মিঃ জবলিং দাঁড়াইয়া।

তিনি বলিলেন, “তুমি হঠাৎ কোথা থেকে হে?”

“ডেপটফোর্ড থেকে আসছি। আরি সহ করা যায় না। এবার নাম না লেখালে আর চলে না। এখন একটা আধা ক্রাউন ধার দিতে পার? বড় ক্ষিদে পেয়েছে।”

মিঃ গুপী তাহাকে টাকা ছুড়িয়া দিয়া বলিলেন, “আজ রাত্রিতে আমার সঙ্গেই আহার কর না?”

জবলিং বলিল, “তোমার কত দেবী হবে?”

“বেশী নয়, আধ ঘণ্টা। শত্রুটা গেলেই বাহির হইব।”

“শত্রু আবার কে হে?”

“একটা নূতন এসেছে। সে-ও উকীল হবে। তুমি একটু অপেক্ষা করবে?”

“কিছু পড়বার মত কাগজ-টাগজ দাও; ততক্ষণ পড়তে থাকি।”

জবলিং কাগজ পাইয়া এক ধারে গিয়া পড়িতে বসিল।

শত্রু চলিয়া গেলে, মিঃ গুপী সদলবলে একটা হোটলে খানা খাইতে গেলেন।

জবলিং বলিল, “তোমার সেই তিনি কেমন আছেন, ভাই?”

মিঃ গুপী বলিলেন, “ও কথা বাদে অন্য প্রসঙ্গের আলোচনা কর, আমার আপত্তি নাই।”

জবলিং ক্ষমা চাহিল।

হোটলে বসিয়া তিন বন্ধুতে পানাহার করিতে লাগিল।

জবলিং বলিল, “দেখ ভাই, কাজ-কর্ম ত এখন কিছু নাই। পেটটাকে ত চালাইতে হইবে। টাকা কোথায় পাই? কাজেই নাম না লিখাইয়া আর উপায় কি?”

মিঃ গুপী বলিলেন, “দেখ, তোমার সঙ্গে আমরা অনেকবার অনেক রকম আলোচনা করিয়াছি। তুমি আইনের কাজ শিখিতে শিখিতে চলিয়া যাওয়ার পর হইতেই বন্ধুর স্মলউইডের সঙ্গে তোমার কথা আলোচনা করা গিয়াছে। আমি একটা বিষয়ের প্রস্তাব করিতেছি। তুমি আগস্‌বিকে জান ?”

জবলিং বলিল, “হাঁ, ঐ নামের এক জন আছে বটে, তবে আমাদের আপিসের সঙ্গে কোন সম্পর্ক ছিল না। বলেই আমার সঙ্গে তার আলাপ হয়নি।”

“সে এখন আমাদেরই। তার সঙ্গে এখন খুব জানা-শোনা হইয়াছে। স্বামি-স্ত্রী দুই জনেই আমার খুব বাধা। টলকিংহরণের যত কাজ আগস্‌বির হাতে। সুতরাং নকল করার কাজ সে খুব জোগাড় দিতে পারিবে।”

জবলিং মাথা নাড়িল।

গুপী বলিয়া চলিলেন, “অবশ্য তুমি বলিবে, উহাতে আর কত উপায় করা যাইবে ? সে কথা সত্য। কিন্তু নেই আমার চেয়ে ত কাণা মামাও ভাল। অন্ততঃ নাম লেখানর চেয়ে ঢের ভাল।”

জবলিং কি বলিতে যাইতেছিল, কিন্তু মিঃ গুপী তাহাকে বাধা দিয়া বলিলেন, “আরও একটা কথা আছে। তুমি বোধ হয়, বুড়া কুককে জান ?”

“হাঁ, তাকে আমি দেখেছি, তবে আলাপ নেই।”

“আচ্ছা, মিস্ ফ্রিটকে চেন ?”

জবলিং বলিল, “তাকে আর কে না জানে ?”

“সে কথা ঠিক। ইদানীং সেই বুড়ীকে আমি কর্তাদের নির্দেশমতে সপ্তাহে কিছু টাকা দেই। কুকের বাড়ীতে সে ভাড়াটিয়া, তার বাড়ীভাড়ার টাকাও আমাদের দিতে হয়। সেটা আমি নিজের হাতেই কুকের নিকট দিয়া থাকি। এজ্ঞ বুড়ার সঙ্গে আমার বেশ আলাপ হয়ে গিয়েছে। তার বাড়ীতে একটি ঘর খালি আছে। অল্প ভাড়ায় সে ঘরটি তুমি পাবে, আমি বলিলেই তোমাকে দিবে। তুমি ছয়নামে যত দিন ইচ্ছা সেখানে থাকতে পার। সে তোমাকে কোন কথাই জিজ্ঞাসা করিবে না। বুড়াটার কাছে নানা রকম কাগজপত্র আছে। রাতদিনই ব্যাটা সেই সব কাগজপত্র নাড়া-চাড়া করে। আমার ইচ্ছা, তার কাজের উপর একটু লক্ষ্য রাখিতে পারিলে ভাল হয়।”

অনেক আলোচনার পর জবলিং বন্ধুর নির্দেশমত কাজ করিতে সম্মত হইল।

মিঃ গুপী তার পর বলিলেন, “আর একটা কথা, তুমি যে ঘরটা ভাড়া লইতে যাইতেছ, সেই ঘরে, কিছুদিন আগে একটা লোক মারা গিয়াছে।”

জবলিং বলিল, “তাই না কি ?”

“হাঁ। তাহাতে তোমার কোন ভয় নাই। লোকটা হঠাৎ মারা পড়ে।”

জবলিং বলিল, “না, আমার মনে সেজ্ঞ ভয় হইবে কেন ? তবে ও ঘরে না মরিয়া অল্প মরিলেই ভাল হইত।”

বন্দোবস্ত পাকা হইয়া গেলে গুপীর নির্দেশানুসারে স্মলউইড দেখিতে গেল, বুড়া কুক বাঁসায় আছে কি না। সে অনতি-বিলম্বে ফিরিয়া আসিয়া বলিল যে, বুড়াকে বাহিরের ঘরে বসিয়া থাকিতে সে দেখিয়াছে।

জবলিংকে লইয়া মিঃ গুপী কুকের বাড়ী গমন করিলেন। তাঁহারা দেখিলেন, বুদ্ধ তখনও নিদ্রা যাইতেছে। তাহার চিবুক কুকের উপর বুলিয়া পড়িয়াছে। সম্মুখে টেবলের উপর একটা জিনের শূণ্য বোতল। ঘরের মধ্যে ঘদের গন্ধ ভরভর করিতেছিল।

মিঃ গুপী বুদ্ধকে নাড়া দিয়া ডাকিলেন, “মিঃ কুক, ওঠ, ওঠ !”

কিন্তু সুরাপানে বুদ্ধ এমনই বিভোর যে, সহসা তাহার চৈতন্য হইল না। অনেক চেষ্টার পর বুদ্ধের নেশা ভাঙ্গিল। খালি-বোতলটার প্রতি চাহিয়া সে বলিল, “তাই ত, কিছু নাই যে !”

গুপী বলিলেন, “তুমি আরও চাও ? বল ত, আমি এক বোতল আনিয়া দেই।”

কুক বোতলটা লইয়া মিঃ গুপীর হাতে গুঁজিয়া দিল। তাহার অভিপ্রায় ও আগ্রহ বুঝিয়া তিনি তখনই বাহিরে গেলেন। অত্যল্পকাল পরেই বোতলভরা সুরা লইয়া তিনি ফিরিয়া আসিলেন। বুদ্ধ সাদরে বোতলটি লইল। তার পর মৃদুস্বরে বলিল, “এ ত চৌদ্দ পেনী দামের নহে, এর দাম যে আঠারো পেনী।”

মিঃ গুপী বলিলেন, “তোমার হয় ত ইহা আরও ভাল লাগিতে পারে, তাই এটাই নিয়ে এলাম।”

“আপনি বড়ই ভদ্রলোক।”

মিঃ গুপী এই অবকাশে বন্ধুকে মিঃ উইভিল নামে কুকের সহিত পরিচয় করাইয়া দিলেন। বুদ্ধ তাহার ভাবী ভাড়াটিয়াকে একবার ভালরূপ নিরীক্ষণ করিয়া তাহার অনুমোদন জ্ঞাপন করিল। ঘরটি দেখা হইলে ভাড়াও স্থির হইয়া গেল। মিঃ উইভিল পরদিবস আদিরা গৃহ অধিকার করিবেন। তথা হইতে বাহির হইয়া মিঃ আগস্‌বির সহিত তাহারা দেখা করিল। আগস্‌বি নকলের কাজ দিতে সম্মতি প্রকাশ করিলেন। সকলপ্রকার বন্দোবস্ত হইয়া গেল।

পরদিবস যথাসময়ে মিঃ উইভিল ওরফে জবলিং কুকের গৃহ অধিকার করিল। আস্বাবপত্রও কিছু কিছু আসিল।

মাউন্টপ্লেজান্ট নামক পল্লীর কোন অংশে স্মলউইড পরিবারের বাস। পূর্বোক্ত পরিচ্ছেদে বর্ণিত স্মলউইডের পিতামহ ও পিতামহী সেই গৃহে বাস করিতেন। এই স্মলউইড পরিবারের আকারগত একটা বৈশিষ্ট্য ছিল।



অল্পবয়সে উপার্জন এবং অত্যন্ত অধিক বয়সে বিবাহ করার প্রথা এই পরিবারে প্রবর্তিত ছিল বলিয়া এই পরিবারের কাহারও আকৃতি সম্পূর্ণ পরিপুষ্ট লাভ করে নাই। এতাবৎকাল এই বংশে একটির অধিক বংশধরও জন্মগ্রহণ করে নাই। বানরের মুখাবয়বের সহিত স্মলউইড্-বংশের মুখাবয়বের বিশেষ সাদৃশ্যও ছিল।

বার্থলোমিউ স্মলউইড্‌র পিতা ও তাহার পূর্বপুরুষগণের রীতি অনুসারে অল্পবয়সে উপার্জন করিতে আরম্ভ করিয়া অধিক বয়সে বিবাহ করিয়াছিল। সেই বিবাহের ফলে যমজ সন্তান জন্মগ্রহণ করে ;—বার্থলোমিউ এবং জুডিথ।

বুদ্ধ পিতামহ স্মলউইড্‌ পৌত্র বার্থলোমিউ ও পৌত্রী জুডিথকে লইয়া শেষের দিনগুলি কাটাইতেছিল। তাহার পত্নী বিকৃতমস্তিষ্ক হইয়া তখনও জীবিত ছিল। এই বৃদ্ধটি যেমন অর্থগ্ৰহ, তেমনই সঙ্করী। লোকে বলিত, বুড়ার অনেক টাকা আছে।

জুডিথ এই দুইটি বুড়া-বুড়ীর উপযুক্ত সঙ্গিনী ছিল। জুডিথ ও কনিষ্ঠ স্মলউইড্‌ দুই জনকে একত্র জোড়া দিলেও পুরা একটি যুবাযুগ বলিয়া ধারণা জন্মে না। তা' ছাড়া জুডিথের আকৃতিও এমনই সুন্দর যে, শাখামৃগ-জাতির সহিত তাহার কোনও পার্থক্য ছিল না বলিলেই হয়। এটা অবশ্য তাহাদের বংশের ধারা। বাল্যকালে জুডিথ ছোট ছোট ছেলে-মেয়েদের সঙ্গে বার দুই খেলা করিতে গিয়াছিল ; কিন্তু কোন পক্ষ কাহাকেও বরদাস্ত করিতে পারে নাই। তদবধি সে আর খেলিতে যায় নাই। জুডিথ হাস্য করিতে জানিত না। মাহুষ হাসে কেমন করিয়া, সে ধারণাই তাহার ছিল না! হাস্যের প্রধান অন্তরায় ছিল তাহার দস্তরাজি। কাজেই সে চেষ্টা সে কখনও করে নাই। তাহার ফলে, তাহার মুখাবয়বের একটা বিচিত্র ভঙ্গি গড়িয়া উঠিয়াছিল।

জুডিথ সে দিন টেবলের উপর চায়ের সরঞ্জামগুলি গুছাইয়া রাখিতেছিল। এমন সময় তাহার বৃদ্ধ পিতামহ প্রণ করিল, “শার্লি কোথায়?”

শার্লি তাহাদের বালিকা পরিচারিকা। জুডিথের আস্থানে বালিকা ছুটিয়া আসিল। তাহার হাত হইতে তখনও সাবানের জল ঝরিয়া পড়িতেছিল। তাহার হাতে একগাছি ঝাঁটা।

জুডিথ বলিল, “তুমি কি কচ্ছিলে?”

বালিকা বলিল, “উপরের ঘর ঝাঁট দিচ্ছিলাম, মিস্।”

“যাও, তাড়াতাড়ি ভাল ক'রে পরিষ্কার কর গে।”

জুডিথ রুটীতে মাখম লাগাইতে লাগিল। এমন সময় বাহিরে পদশব্দ হইল। জুডিথ দরজা খুলিয়া দিল। তাহার ভ্রাতা বার্ট স্মলউইড্‌ প্রবেশ করিল।

পিতামহ বলিল, “বার্ট, তুমি এলে না কি? তোমার বন্ধুর ওখানে ছিলে না কি?”

স্মলউইড্‌ মাথা নাড়িল।

“তার খরচেই আহার করে এলে না কি, বার্ট?”

“হ্যাঁ।”

“সে ভাল কথা। যতটা পার, তার খরচেই চালিয়ে নাও। কিন্তু সাবধান, নিজের এক পয়সা খরচ করো না।” বার্ট সে কথার কোন উত্তর দিল না।

বুদ্ধ বলিল, “তোমার বাবা থাকিলে সে-ও তোমাকে ঐ রকম পরামর্শ দিত। সে আমার বড় ভাল ছেলে ছিল। তোমার বাবাকে তুমি দেখ নাই। আজ পনের বৎসর সে মারা গেছে। তোমাদের মাও তোমাদের প্রসব করেই এ জগৎ ত্যাগ করেছে। তোমরা দুটিই এখন শুধু আছ।”

জুডি এ কথা হাজারবার গুনিয়াছে। সুতরাং সে আপন মনে চা তৈয়ার করিতে লাগিল।

বুদ্ধ বলিল, “তোমার বাবা ও আমি একসঙ্গে কাজ করেছি। আমি চ'লে গেলে, জুডিথ ও তুমি একসঙ্গে কাজ করবে। তুমি আইনের কাজ শিখছো, জুডি ফুল তৈরি করা শিখুক। যা উপায় হবে জমাবে। খরচ ক'রে খেতে হবে না। আমি যা রেখে যাব, যথেষ্ট হবে।”

চা প্রস্তুত করিয়া জুডি শালিকে ডাকিল। সে আসিলে বলিল, “চা ও রুটী খেয়ে কাজে লেগে যাও।”

শার্লি তাড়াতাড়ি চা-পান করিয়া কাজে চলিয়া গেল। এমন সময় দ্বারে আবার আঘাত পড়িল। বুদ্ধ বলিল, “কে এল দেখ তু।”

দ্বার মুক্ত হইলে একটি ভদ্রলোক কক্ষমধ্যে প্রবেশ করিলেন। বুদ্ধ বলিল, “কে? মিঃ জর্জ! কেমন আছেন?”

“ভাল। এটি তোমার পৌত্রী বুঝি? মিস্, তুমি আমার অভিবাদন লও।”

বুদ্ধ তাহার পৌত্র বার্টকে পরিচয় করাইয়া দিল।

নবাগত ভদ্রলোকটির বয়স প্রায় পঞ্চাশ হইবে। স্নগঠিত ও বদ্বিষ্ঠ দেহ। মুখসৌষ্ঠব রমণীয়। লোকটিকে দেখিলেই মনে হয়, জীবনে তাঁহাকে যথেষ্ট সংগ্রাম করিতে হইয়াছে। তাঁহাকে লক্ষ্য করিয়া দেখিলে স্পষ্টই অনুমিত হয় যে, কোন সময়ে তিনি সেনাদলে ছিলেন।

স্মলউইড্‌ পরিবারের সহিত জর্জ নামধেয় ভদ্রলোকটির পার্থক্য যে কত অধিক, তাহা বর্ণনা করা যায় না। সর্ব-বিষয়েই তাঁহার আচরণ ইহাদিগের তুলনায় সম্পূর্ণ বিপরীত। আকৃতি, কণ্ঠস্বর, আলাপ-আপ্যায়ন সকল বিষয়েই গুরুতর পার্থক্য।

বুদ্ধ স্মলউইড্‌ এই সময় তাহার স্ত্রীরা, অপ্রকৃতিস্থা পত্নীকে উদ্দেশ্য করিয়া গালি দিয়া উঠিল।

জর্জ সে দিকে মুখ ফিরাইয়া বলিলেন, “আহা, বুড়ীকে গালাগালি দিও না। উহার অবস্থা দেখিলে দয়া হয়। স্মলউইড্‌, তোমার পত্নীকে গালাগালি দিবার পূর্বে তোমার মার কথাটা মনে করিও।”

একটু বিক্রপভরে বুদ্ধ বলিল, “মিঃ জর্জ, আপনি বোধ হয় মাতৃভক্ত সন্তান, কেমন নয়?”

মিঃ জর্জের মুখমণ্ডল আরক্ত হইল, তিনি বলিলেন, “আমি কোন দিন মাতৃভক্ত সন্তান ছিলাম না। অবশ্য আমার হওয়া উচিত ছিল; কিন্তু হইতে পারি নাই। সত্য বলিতে কি, আমি বড়ই কুপুল। এজন্য কেহ কখনও আমার প্রশংসা করে নাই।”

বুদ্ধ বলিল, “বড়ই বিস্ময়ের কথা।”

মিঃ জর্জ বলিলেন, “ও কথা থাক, যতই আলোচনা কম হয়, ততই ভাল। কাজের কথা এখন হউক। আমাদের মধ্যে সর্ভ যা ছিল, তা মনে আছে ত? প্রতি দুই মাসের স্তদ দিব; কিন্তু আমাকে তামাক খাইতে দিবে। সব ঠিক আছে হে, কর্তা! তুমি অনায়াসে তামাক আনিতে পাঠাইতে পার। এই নাও নূতন বিল, আর এই লও দুই মাসের স্তদ।”

মিঃ জর্জ সোজাভাবে বসিয়া রহিলেন। বুদ্ধ স্মল-উইড পোজী জুড়ির সাহায্যে দুইটি চামড়ার খলে বাহির করিল। নূতন দলিল একখানি খলের মধ্যে সম্বলে রাখিয়া অপর খলে হইতে আর একটা দলিল বাহির করিয়া মিঃ জর্জের হাতে দিল। অবশ্য তৎপূর্বে সে নূতন দলিলখানি উত্তমরূপে পড়িয়া লইয়াছিল। টাকাগুলি দুই তিনবার গণিয়া লইয়া সে বাক্সে রাখিয়া দিল। তার পর বলিল, “তামাক দিতে আমি ভয় পেয়েছি? না, মহাশয়, আমরা এত কশাই নই। জুড়ি, যাও ত, মিঃ জর্জের জন্ম তামাক, ব্রাণ্ডি আর জল নিয়ে এস।”

যমজ ভ্রাতা-ভগিনী এতক্ষণ বসিয়া বসিয়া সব দেখিতেছিল। এইবার উভয়েই সে কক্ষ ত্যাগ করিল।

জর্জ বলিলেন, “তুমি সারা দিন এইভাবে বসিয়া কি কর?”

“কিছু না, আমি আগুনের দিকে চেয়ে ব’সে থাকি।”

জর্জ বলিলেন, “সে যখন আগুন জ্বলে, তখন ত?”

“হাঁ মহাশয়, ঠিক তাই।”

“পড়া-শুনা কর না? নিজে পড়িতে না পার, কেহ পড়ে, তুমি শুনিতে পার ত?”

বুড়া মাথা নাড়িয়া বলিল, “ও সব ছাই-ভস্ম আমাদের সংসারে নেই। পরমা ওতে হয় না। খালি বাজে প’ড়ে সময় নষ্ট করা—ওটা বোকামি।”

জর্জ বলিলেন, “ওহে শুনছ?”

“বলুন না। আমি শুনতে পাচ্ছি।”

“যদি এক দিন টাকা দিতে বিলম্ব হয়, তুমি কি আমাকে অন্তের নিকট বেচিয়া ফেলিবে?”

বুড়া স্মলউইড দুই হাত বাড়াইয়া বলিল, “না বন্ধু, তা কি পারি! সে আমার দ্বারা হবে না, বন্ধু। তবে আমার সহরের বন্ধুটি—যার নিকট থেকে টাকা নিয়ে আপনাকে ধার দেওয়া গেছে, তিনি হয় ত তা পারেন।”

জর্জ বলিলেন, “ও! তাঁর সম্বন্ধে তুমি ঠিক কিছু বলিতে পার না, কেমন?” তার পর বুদ্ধের অশ্রাব্যস্বরে বলিলেন, “বুড়ো, মিথ্যাবাদী রাস্কেল!”

“বন্ধু, লোকটার উপর নির্ভর করা যায় না। আমি তাঁকে বিশ্বাস করি না। কড়ার-মত ঠিক সময়েই তাঁকে টাকা দিতে হবে, না হলেই খতের নির্দেশমত তিনি কাজ করবেন।”

জর্জ বলিলেন, “শয়তানও তাঁকে সন্দেহ করিবে না।”

এমন সময় শার্লি ট্রে করিয়া তামাক, নল, ব্রাণ্ডি ও জল আনয়ন করিল। জর্জ তাহার দিকে চাহিয়া বলিলেন, “তুমি এখানে কোথা থেকে এলে? এ বাড়ীর কারও মুখের মত তোমার মুখের আদল আসে না ত!”

শার্লি বলিল, “আমি এখানে চাকরী করি, মহাশয়!”

জর্জ বলিলেন, “তোমার আবির্ভাবে তবু বোঝা যায় যে, এ বাড়ীতে স্বাস্থ্য আছে।” বালিকা চলিয়া গেল।

ব্রাণ্ডিপান করিয়া নবাগত বলিলেন, “তোমার ধারণা, লোকটি আমার উপর রুঢ় ব্যবহার করিবেন?”

“আমার আশঙ্কা সেই রকম বটে। আমি জানি, তিনি তাই ক’রে থাকেন। অন্ততঃ বিশ্বাস এ রকম ঘটেছে।”

বুড়া স্মলউইড এতক্ষণ কিমাইতেছিল। “বিশ্বাস” শব্দ তাহার কাণে যাইবামাত্র সে বলিয়া উঠিল, “বিশ হাজার পাউণ্ড, বিশখানা বিশ পাউণ্ড নোট বাক্সে আছে, বিশখানা গিনী, বিশলাখ, বিশ টাকা স্তদে—”

বুড়া বুদ্ধাকে লক্ষ্য করিয়া চেয়ারের গদি তুলিয়া মারিল। তার পর সজোরে গালাগালি দিয়া বলিতে লাগিল, “মাগী কোথাকার, ছুঁচো কোথাকার! খালি বাজে কথা বক্বে! তোকে পুড়িয়ে ফেলাই উচিত।”

বুড়া এমনই বিচলিত হইয়াছিল যে, কিছুকাল সে হাঁফাইতে লাগিল। তাহার অনুরোধে জর্জ তাহাকে চেয়ারে আবার ভাল করিয়া বসাইয়া দিলেন।

মিঃ জর্জ বলিলেন, “সহরে তোমার যে বন্ধুটি থাকেন, তাঁহার নামের আত্মকর ত ডি?”

বুদ্ধ বলিল, “মিঃ জর্জ, আপনিই কি কথা বলিতেছেন?”

আগন্তুক কিছুকাল বুদ্ধকে ভালরূপে নিরীক্ষণ করিয়া বলিলেন, “এ জীবনে আমি ছাড়া বোধ হয় কেহ তোমার নিকট হইতে তামাকটুকুও আদায় করিতে পারেন নাই।”

“মিঃ জর্জ, সত্য বটে, আমার এখানে লোকজন কেহ আসে না। এলেও আমি আতিথ্যসৎকার করি না। কোথা থেকে পাব বলুন? গরীব মানুষ। তবে আপনার কথা স্বতন্ত্র। আপনি সর্ক্বেতেই যখন আমায় স্বীকার—”

“থাম, থাম। তামাকের দাম কিছুই নয়। শুধু তোমার নিকট হইতে কিছু আদায় করা আমার মতলব ছিল, তাই ঐ রকম সর্ক্বে তোমায় আবদ্ধ করিয়াছিলাম।”

“আপনি বড়ই চালাক, মহাশয়!”



“সেটা মিথ্যা নয়। চিরকালই আমার এ খ্যাতি আছে। চালাক বলিয়াই এত জায়গা থাকিতে আমি এখানে আসিয়াছি। চালাক বলিয়াই আমি এক সময়ে জীবন-সংগ্রামে জয়ী হইতে পারিয়াছিলাম।”

“হতাশ হবেন না, মহাশয়! আবার আপনার উন্নতি হতে পারে।”

জর্জ হাসিতে হাসিতে ব্রাণ্ডিপান করিতে লাগিলেন।

বুদ্ধ বলিল, “আপনার কোন আত্মীয়-স্বজন নেই কি? এই সামান্য টাকাটা শোধ করে দেন, এমন কোন বন্ধু আছেন কি? অথবা আর এক কাজ করা যেতে পারে, যদি ছজন আত্মীয় জামীন হন, তবে আমার বন্ধুকে ধরে-করে আরও কিছু বেশী টাকা আপনার কাছে ধর দেওয়ান যেতে পারে। দুই জন ভাল লোক হলেই হবে। মিঃ জর্জ, আপনার এমন কোন বন্ধু নাই কি?”

“থাকিলেও আমি তাঁহাদিগকে বিরক্ত করিতে চাই না। জীবনের সার ভাগ বুঝা নষ্ট করিয়া এখন আত্মীয়-স্বজনের মিকট হাতপাতা আমার স্বভাবের বিরুদ্ধ। সে আমি পারিব না।”

“মিঃ জর্জ, আপনি যদি কাপ্তেনকে খুঁজে বার কর্তে পারেন, তাহলে আপনার সুবিধে হতে পারত। আমরা যখন প্রথমে কাগজে বিজ্ঞাপন দিয়েছিলুম, সেই সময় যদি আপনি আসতেন, তা হলে আমাদেরও সুবিধা হত, আপনারও হত।”

জর্জ বলিলেন, “তোমার কথামত, আমার উন্নতি ঘাহাতে হয়, তাহাতে আমার মত ছিল বটে; কিন্তু মোটের উপর, আমি বলিতেছি যে, সে না হইয়া ভালই হইয়াছে। তজ্জন্ত আমি খুসী আছি।”

বুড়া স্মলউইড বলিল, “মিঃ জর্জ, এ কথা কেন বলছেন?”

“দুইটি কারণে।”

“সে দুটি কারণ কি, মিঃ জর্জ? আপনি কি—?”

“নগরের সেই বন্ধুটির কথা ত?”

“হাঁ, ঠিক বলিয়াছেন। এখন কারণ দুটি কি বলুন?”

“প্রথমত: ধর, তোমরা আমাকে দলে লইলে। তোমরা বিজ্ঞাপন দিয়াছিলে যে, মিঃ হড্‌ন (কাপ্তেন হড্‌ন) আসিলে এমন কোন সংবাদ পাইবেন, ঘাহাতে তাঁহার উপকার হইবে।”

“বেশ। তাহাতে কি হইল?”

জর্জ ধূমপান করিতে করিতে বলিলেন, “কিন্তু তিনি আসিলে দেনার দায়ে জেলে যাইতেন। তাহাতে তাঁহার বিশেষ লাভ ত হইত না।”

“সে কথা আপনি বলেন কি করে? তাঁর দেনা যা ছিল, তাঁর ধনবান আত্মীয়গণ হয় ত তাঁর দেনা শোধ দিতেন। তিনি আমাদের সাহায্য নিয়েছিলেন, তাঁর কাছে আমাদের অমেক টাকা পাওনা। টাকার জন্ত আমি তাঁর গলা টিপে মারতে রাজি। এখনও আমি রোজ তাঁর কথা ভাবি, আর তাঁর গলায় ফাঁস দিতে ইচ্ছে হয়।”

জর্জ বলিলেন, “আমি জানি, দেনার তাঁহার মাথার চুল বিক্রয় হইয়া গিয়াছিল; বহুদিন আমি তাঁর দক্ষিণ হস্তস্বরূপ ছিলাম। তাঁহার সুখ-সৌভাগ্য, রোগ ও দারিদ্র্য সর্বাবস্থায় আমি তাঁহার পাশে ছিলাম। যখন সর্বস্ব হারাইয়া তিনি পিস্তলের গুলীতে আত্মহত্যা করিতে গিয়াছিলেন, তখন আমার এই বাহুই তাঁহাকে রক্ষা করিয়াছিল।”

বুদ্ধ চীৎকার করিয়া বলিল, “তখন গুলীর আঘাতে সে মরে গেলেই ভাল ছিল।”

আগন্তুক প্রশান্তভাবে বলিলেন, “হাঁ, তাহা হইলে সব শেষ হইয়া যাইত বটে। এক সময়ে তাঁহার স্বাস্থ্য, সৌন্দর্য্য, আশা-ভরসা সবই ছিল। যখন সবই তাঁহার গিয়াছিল, সে অবস্থায় তাঁহাকে খুঁজিয়া না পাওয়ায় আমি খুসীই ছিলাম। এই গেল প্রথম কারণ।”

বুদ্ধ বলিল, “দ্বিতীয় হেতুটাও বোধ হয় ঐ রকম কিছু হবে?”

“তাহা নয়। সেটা স্বার্থ-সংক্রান্ত। তাঁহার দেখা পাইলে আমি পরলোকে তাঁহার সহিত সাক্ষাৎ করিতাম। এখন তিনি সেইখানে।”

“আপনি কেমন করে জানলেন?”

“ইহ-জগতে তিনি নাই।”

“ইহ-জগতে নাই, তাই বা আপনি কি করে বুঝলেন?”

“দেখ বুদ্ধ, টাকার শোকে অমন ক্ষেপিয়া উঠিও না।

অনেক দিন পূর্বে তিনি জেলে ডুবিয়া মরিয়াছেন। আমার দৃঢ়বিশ্বাস। তিনি জাহাজের পার্শ্বে গিয়া দাঁড়াইয়াছিলেন। অবশ্য সেটা ইচ্ছাকৃত কি না, জানি না। যাক সে কথা, এখন তোমার সুন্দরী পৌত্রীকে এই নলটা সাবধানে রাখিতে দিও। কারণ, দুই মাস পরে আবার দরকার হইবে। সে সময় যদি নূতন কেনার দায় হইতে বাঁচিতে চাও, তবে সাবধানে রাখিয়া দিও। আজ আসি, স্মলউইড।”

“নমস্কার, বন্ধু!”

“তোমার নগরের বন্ধুটি আমায় তা হলে ছাড়বেন না, কেমন? আমি যদি সময়মত টাকা না দেই, তিনি আমার সঙ্গে ক্লট ব্যবহার করিবেন?”

বুদ্ধ মিটমিট করিয়া চাহিতে চাহিতে বলিল, “সেই রকম ত আশঙ্কা হয়, বন্ধু!”

জর্জ হাসিয়া উঠিলেন। তার পর বিদায় লইয়া গেলেন।

চার বন্ধ করিতে করিতে বুদ্ধ ভদ্রলোক বলিয়া উঠিল, “তুমি বদমাসের ধাড়ী। আচ্ছা, তোমায় আমি দেখে নেব—দেখে নেব!”

মিঃ জর্জ রাজপথে নামিয়া ঘুরিয়া ঘুরিয়া বেড়াইলেন। খানিক এক ধিয়েটারে গিয়া বসিলেন। তার পর অভিনয় শেষ হইলে পদব্রজে চলিতে লাগিলেন। নানা পথ অস্তি-বাহনের পর তিনি অবশেষে একটি চূপকামকরা ছোট বাড়ীর

সম্মুখে আসিয়া দাঁড়াইলেন। বাহিরে লেখা ছিল, “জর্জের  
অঙ্গশিক্ষাগার।”

এই দোকানের মধ্যে তিনি প্রবেশ করিলেন। তখন  
সেই শিক্ষাগারে কোনও শিক্ষার্থী ছিল না। শুধু একটা  
লোক ভূমিতলে শুইয়াছিল।

জর্জ ডাকিলেন, “ফিল্!”

নিদ্রিত ব্যক্তি উঠিতে উঠিতে বলিল, “সব ঠিক আছে।”

জর্জ বলিলেন, “দোকানঘর বন্ধ কর।”

লোকটি খঞ্জ। কিন্তু তাহার দেহে অসাধারণ শক্তি।  
সে দ্বার বন্ধ করিয়া আসিলে জর্জ নিজের শয্যা পাড়িয়া  
লইলেন। ফিল্ও নিজের শয্যা বিছাইল।

২২

ব্যবহারাজীব মিঃ টল্কিংহরণ তাঁহার লগুনস্থিত আবাসে  
বসিয়া, রাত্রিকালে পুরাতন লোহিত পানীয় পান করিতে  
ছিলেন। তিনি একা নহেন। সম্মুখে মিঃ স্নাগ্‌স্বি উপবিষ্ট।  
তাঁহারও হস্তে গেলাস!

মিঃ টল্কিংহরণ বলিলেন, “স্নাগ্‌স্বি, তোমার গল্পটা  
আর একবার বল ত। কাল শুনিয়াছিলাম, আজ আবার  
শুনিতে ইচ্ছা করিতেছি।”

স্নাগ্‌স্বি বলিলেন, “এ বিষয়টায় আপনার একটু আগ্রহ  
আছে বলিয়াই আমি আপনাকে সংবাদটা দিয়াছিলাম।”

“বেশ করিয়াছ। এখন গল্পটা আর একবার বল।  
বালকটা যে যে কথা বলিয়াছিল, সেইগুলি আবার বল।”

মিঃ স্নাগ্‌স্বি জো-ঘটিত সকল বিবরণ বিবৃত করিলেন।  
বলিতে বলিতে সহসা তিনি চমকিয়া উঠিলেন। ঘরের মধ্যে  
তৃতীয় কোন ব্যক্তি এতক্ষণ ত ছিল না। তিনি দেখিলেন,  
দীর্ঘাকার বলিষ্ঠ একটি প্রৌঢ়বয়স্ক ব্যক্তি অদূরে দাঁড়াইয়া  
গভীর মনোযোগের সহিত তাঁহার কথা শুনিতেন। তাঁহার  
হস্তে একগাছি ষটি। লোকটি কোথা হইতে সহসা  
সেখানে আবিভূত হইলেন, মিঃ স্নাগ্‌স্বি তাহা ভাবিয়া  
পাইলেন না।

মিঃ টল্কিংহরণ বলিলেন, “তুমি বলিয়া যাও  
স্নাগ্‌স্বি, উনি মিঃ বকেট। উহার জন্ম তুমি কোন চিন্তা  
করিও না। গল্পটা যাহাতে উনি নিজের কাণে শুনেন,  
আমি তাহার ব্যবস্থা করিয়াছি। মিঃ বকেট, আপনি ত  
সব শুনিলেন, এখন কি মনে করেন?”

“কথাটা খুবই সোজা। এখন বালকটাকে খুঁজিয়া  
বার করা দরকার। আমাদেরই লোক তাহাকে সরাইয়া  
দিয়াছে। যাহা হউক, মিঃ স্নাগ্‌স্বি আমার সঙ্গে যদি  
তাহার পুরাতন আস্তানায় যান, তবে তাহাকে সহজে খুঁজিয়া  
বাহির করিতে পারিব। নহিলে একটু কষ্ট হইবে।”

\* মিঃ স্নাগ্‌স্বি বুঝিলেন, মিঃ বকেট গোয়েন্দা-পুলিসের  
কোনও কর্মচারী। ইহাতে তিনি একটু অশান্তি অনুভব

করিলেন। পুলিসের হুকুমায় পড়িতে স্নাগ্‌স্বি আদৌ  
রাজী নহেন।

মিঃ টল্কিংহরণ বলিলেন, “স্নাগ্‌স্বি, তোমার বিশেষ  
কোন অস্ত্রবিধা না হইলে মিঃ বকেটের সঙ্গে যাও। আমি  
তোমার উপর এ জন্ম খুসী থাকিব।”

মিঃ বকেট বলিলেন, “মিঃ স্নাগ্‌স্বি, আমি বালকটির  
কোন অনিষ্ট করিব না। শুধু কয়েকটি প্রশ্ন জিজ্ঞাসা করিব  
বলিয়া তাহাকে খুঁজিয়া এখানে আনিব, সে জন্ম তাকে  
পুরস্কারও দিব। সুতরাং আপনি মনে কোনও সন্দেহ  
রাখিবেন না। তাহার কোনও অনিষ্ট ঘটবে না।”

মিঃ স্নাগ্‌স্বি তখন যাইতে সম্মত হইলেন।

মিঃ বকেট স্নাগ্‌স্বির হাত ধরিয়া বাহির হইলেন এবং  
যত্নস্বরে বলিলেন, “কথাটা কিন্তু গোপন রাখা দরকার,  
বুঝেছেন?”

স্নাগ্‌স্বি বলিলেন, “নিশ্চয়, নিশ্চয়।”

পথ চলিতে চলিতে মিঃ বকেট বলিলেন, “আপনি কি  
গ্রিডলে নামক কোন লোককে চেনেন?”

“না, মহাশয়! কেন বলুন ত?”

“এই লোকটি কোনও ভদ্রলোককে ভয় দেখাইয়াছিল,  
তাহাকে গ্রেপ্তার করিবার জন্ম আমি আদেশ পাইয়াছি।”

মিঃ স্নাগ্‌স্বি বুঝিলেন, এই গোয়েন্দা-পুলিসটি সহজ  
লোক নহে। ইহার কাজে, কথায়, ব্যবহারে একটা বৈচিত্র্য  
আছে। মুখ দেখিয়া লোকটির মনের ভাব বুঝিবার সামর্থ্য  
কাহারও নাই। গতি দেখিয়াও বুঝা যায় না, উদ্দেশ্য কি  
এবং লক্ষ্যই বা কোথায়।

জো ‘টম্ অল্ এলোন’ পল্লীতে থাকিত। মিঃ বকেট  
সঙ্গিসহ সেই পল্লীতে উপনীত হইলেন। তথায় যে পুলিস-  
প্রহরী ছিল, তাহার হস্তের আধারে লগুনটা লইয়া সে অগ্রে  
চলিল, মিঃ বকেট নিজেরটা কোমর হইতে খুলিয়া লইয়া  
জ্বালিয়া লইলেন।

সে পল্লীটি অতি জঘন্য। ইতর লোকের বাস তথায়  
অধিক। তিনটি প্রাণীকে দেখিয়া পল্লীর অধিবাসিগণ  
তাঁহাদের আশেপাশে ঘুরিতে লাগিল। পল্লীর দুর্গন্ধপূর্ণ  
বাপ্পে স্নাগ্‌স্বি হাঁপাইয়া উঠিতেছিলেন। তাঁহার অবস্থা  
দেখিয়া মিঃ বকেট তাঁহাকে উৎসাহ দিলেন। ইন্স্পেক্টরের  
প্রশ্নে জো-সঙ্গে যে যাহা জানিত, সকলেই তাহা বলিয়াছিল।  
অনেকেই তাহাকে চিনিত না। তবে তাহার আকৃতি-  
প্রকৃতির বর্ণনা করায় কেহ কেহ ছই একটি কথামাত্র বলিতে  
পারিল, তাহাতে তাহার প্রকৃত সন্ধান কিছু পাওয়া গেল না।

অনুসন্ধানের ক্রমে প্রকাশ পাইল যে, একটা বাড়ীর অন্ধ-  
কারাবৃত এক কোণে একটা বালক শয়ন করিয়া থাকে।  
এই বালকই বা জো। সেই বাড়ীর অধিকারিণী ও মিঃ  
স্নাগ্‌স্বির বর্ণনা মিলাইয়া দেখিয়া মিঃ বকেট স্থির করিলেন  
যে, এই বালকটিকে দেখিতে হইবে।



বালকের সন্ধান লইয়া জানা গেল যে, সে একটি পীড়িত রমণীর জন্ত ডাক্তারখানা হইতে ঔষধ আনিতে গিয়াছে। এখনই ফিরিবে।

অপর একটি ঘরের দরজা খুলিয়া মিঃ বকেট বলিলেন, “এ ঘরে আবার কারা গো?” তিনি দেখিলেন, দুইটি মাতাল মাটিতে গুইয়া ঘুমাইতেছে, অপর ধারে দুইটি রমণী উপবিষ্ট। মিঃ বকেট তাহাদিগকে বলিলেন, “এরা কি তোমাদেরই লোক, বাছা?”

একটি রমণী বলিল, “আজ্ঞে হ্যাঁ, আমাদের স্বামী।”

“তোমরা কি ইট তৈয়ার কর না কি?”

“আজ্ঞে হ্যাঁ”

“এখানে আসিয়াছ কেন? তোমরা লণ্ডনের লোক নহ বলিয়াই আমার ধারণা।”

“আপনার অনুমান যথার্থ। আমরা হার্টফোর্টশায়ারে সেন্ট আম্বানে থাকি। সেখানে কোন কাজ নাই, তাই কাজের সন্ধানে এখানে এসেছি। কিন্তু এখন বুমিতেছি, মা আসিলেই ভাল হইত।”

মিঃ বকেট ভূতলশায়ী লোক দুইটির প্রতি চাহিয়া বলিলেন, “এরকম ভাবে চলিলে ভাল হইবে কিরূপে?”

রমণী দীর্ঘনিশ্বাস ত্যাগ করিয়া বলিল, “জেনি ও আমি জানি যে, ভাল নয়; কিন্তু কি করিব বলুন।”

সেই অপ্রশস্ত মলিন গৃহের মধ্যে মানুষ সোজাভাবে দাঁড়াইতে পারে না। সেই কক্ষে অপরা রমণীর ক্রোড়ে একটি শিশু শারিত। মিঃ বকেট সবিস্ময়ে বলিলেন, “এই শিশুটির বয়স কত? দেখিলেই মনে হয়, যেন সবে কাল জন্মিষ্ঠ হইয়াছে।”

প্রথমা রমণী বলিল, “তিন সপ্তাহ উহার বয়স।”

“এটি কার ছেলে?”

প্রথমা বলিল, “আমার।”

দ্বিতীয়া রমণী শিশুর উপর নত হইয়া তাহার মুখে চুম্বনপ্রদান করিতেছিল। মিঃ বকেট তাহাকে লক্ষ্য করিয়া বলিলেন, “বাছা, তোমার ব্যবহার দেখিয়া মনে হইতেছে, তুমিই যেন উহার মাতা।”

“এমনি একটা ছোট ছেলে আমার ছিল, মশায়। সেটি মারা গেছে!”

প্রথমা রমণী বলিয়া উঠিল, “জেনি! জেনি! মারা গেছে ভালই! এমন ভাবে বেঁচে থাকার চেয়ে ম’রে যাওয়াই ভাল! ঢের ভাল, জেনি, ঢের ভাল!”

বকেট একটু কঠোরভাবে বলিলেন, “তুমি ত বড় নির্ভর, বাছা! নিজের ছেলের মৃত্যু কামনা করিতেছ?”

“কত দুঃখে আমি এ কথা বলেছি, সে ভগবান জানেন! আমার ছেলে যে আমার বুকের কলিজা!”

“তবে ও-সব কথা বলিও না।”

অশ্রুপূর্ণনেত্রী রমণী বলিল, “সাধে কি বলি! ছেলোট

এমন ক’রে প’ড়ে আছে—তার দুর্দশা দেখেই বলতে ইচ্ছে করে। ওকে দেখলেই মনে হয়, আর বুমি ঘুম ভেঙ্গে জাগবে না। যদি না জাগে, হয় ত আমি পাগল হয়ে যাব। জেনির ছেলে যখন মারা যায়, আমি তার কাছে ছিলাম। সে যে কি কষ্ট, তা আমি জানি। কিন্তু তবু কেন সন্তানের মৃত্যুকামনা করি, বলুন ত? চেয়ে দেখুন, ওদের দিকে চেয়ে দেখুন! তার পর এই বাড়ী-ঘরের দিকে চান। আপনি যে ছেলোটর খোঁজ করুতে এসেছেন, সে ছেলোটর কথা ভাবুন, সে আমারই জন্ত ঔষধ আনতে গিয়েছে! এই রকম ছেলেদের জীবনের কথা ভেবে দেখে বলুন, আমার কামনাটা কি সাধে আমার মনে এসেছে!”

মিঃ বকেট বলিলেন, “তোমার ছেলেকে ভদ্রলোকের মত লালন-পালন করিও, তোমার বুড়া বয়সে সে তোমার অবলম্বন হইবে।”

“বড় কঠিন কাজ, মশায়! অনেক বাধা, অনেক বিষ। আমার স্বামীই ত প্রথম বাধা। সে ছেলোটিকে মেরেই আধমরা ক’রে রাখবে। তার বাপের হাতে আমি রোজ মার খাই, এ দৃশ্য দেখে বাড়ীর প্রতি তার আর আকর্ষণ থাকবে না। সে সর্বদাই বাইরে বাইরে থাকবে। তাকে যে মানুষ ক’রে তুলতে পারবো, সে সম্ভাবনা নাই, তাই মনে হয়, জেনির ছেলোট যেমন মারা গেছে, এও তেমনি যাক!”

জেনি বলিল, “লিজি, তুমি বড় শ্রান্ত হয়েছ, তোমার অস্থখ বেড়েছে। একটু চুপ কর।”

এমন সময় বাহিরে পদশব্দ শোনা গেল। মিঃ বকেট সে দিকে আলোক নিক্ষেপ করিলেন। মিঃ আগ্‌স্‌বি বলিয়া উঠিলেন, “ঐ ত, জো!”

জো বিষয়বিমূঢ়, শঙ্কিত জো দাঁড়াইয়া দাঁড়াইয়া কাঁপিতেছিল।

মিঃ আগ্‌স্‌বি তাহাকে আশ্বাস দিয়া বলিলেন, “জো, একটা কাজের জন্ত তোমাকে দরকার আছে! ভয় নাই, তুমি সে জন্ত টাকা পাবে।” মিঃ বকেট তাহাকে বাহিরে লইয়া গিয়া কয়েকটি প্রশ্ন করিলেন। উত্তরে তিনি সন্তোষলাভ করিলেন। তিন জনে অতঃপর বিদায় লইয়া মিঃ টল্কিংহরণের বাসায় আসিলেন। বাহিরের দ্বার রুদ্ধ ছিল। মিঃ বকেট ঘণ্টাধ্বনি না করিয়া প্রবেশের প্রস্তাব করিলেন। তাহার কাছে অতিরিক্ত চাবী ছিল, সেই চাবীর দ্বারা দরজা খুলিয়া ভিতরে প্রবেশ করিলেন।

ক্রমে তাহার একটি হলঘরে প্রবেশ করিলেন। তথা হইতে ব্যবহারাজীবের লাইব্রেরী-ঘরে প্রবেশ করা যায়।

মিঃ বকেট তখনও জো’র হাত ধরিয়াছিলেন। ধীরে ধীরে তিন জনে সেই ঘরে প্রবেশ করিলেন। ঘরের মধ্যে দুইটি বাতী জলিতেছিল; কিন্তু মিঃ টল্কিংহরণ তখায় নাই। ঘরের মধ্যে প্রবেশ করিয়াই জো সহসা ধমকিয়া দাঁড়াইল।

বকেট অক্ষুটস্বরে তাহাকে জিজ্ঞাসা করিলেন,  
“ব্যাপার কি?”

জো বলিয়া উঠিল, “ঐ তিনি দাঁড়াইয়া!”

“কে?”

“সেই লেডী!”

ঘরের মধ্যস্থলে অবগুষ্ঠনারূত একটি রমণী-মূর্তি দাঁড়াইয়াছিল। মূর্তি স্থির, ধীর, নিষ্পন্দপ্রায়। দীপালোকশিখা তাহার উপর নৃত্য করিতেছিল। মূর্তি নড়িল না, ঘরের মধ্যে জনসমাগম অমুভব করিয়াও প্রস্তর-মূর্তির মত দাঁড়াইয়া রহিল।

বকেট বলিলেন, “ইনি যে সেই লেডী, তুমি কেমন করিয়া বুঝিলে?”

একদৃষ্টে চাহিয়া চাহিয়া জো বলিল, “ঘোমটা দেখে আমি চিন্তে পেরেছি। গাউন ও টুপীটাও আমার চেনা।”

“ভাল করিয়া দেখিয়া তবে বলিও, বাচ্ছা। দেখ, ভুল যেন না হয়।”

জো বলিল, “আমি ঠিক বনছি। ঐ ঘোমটা, টুপী আর গাউন আমি ভুলতে পারি না।”

বকেট বলিলেন, “তুমি আঙ্গটীর কথা কি বলেছিলে?”

জো তেমনই নিবন্ধ-দৃষ্টিতে মূর্তির দিকে চাহিয়া বলিল, “ডান হাতে ঝকঝকে আঙ্গটী ছিল।”

মূর্তি—দক্ষিণ হস্তের দস্তানা খুলিয়া ফেলিল।

জো মাথা নাড়িয়া বলিল, “না, এ হাতে আঙ্গটী নেই। আর সে রকম হাতই নয়।”

খুসী হইয়া বকেট বলিলেন, “বাচ্ছা, ঠিক ভাবিয়া বলিও।”

জো বলিল, “সে হাত, এ হাতের চেয়ে ঢের বেশী সাদা, ছোট, নরম ও সুন্দর।”

“আচ্ছা, সেই লেডীর গলার স্বর তোমার মনে আছে?”

বালক বলিল, “শুনলে বলতে পারি।”

মূর্তি কথা বলিল, “আমি কথা বলি, তুমি শুনে যাও। সে কণ্ঠস্বর কি এই রকম?”

জো সবিস্ময়ে বলিল, “না, এ রকম কণ্ঠস্বর নয়।”

মিঃ বকেট তখন মূর্তিটির দিকে অঙ্গুলি নির্দেশ করিয়া বলিলেন, “তবে তুমি যে বলিলে, উনি সেই লেডী, তাহার অর্থ কি?”

বালক বলিল যে, সে অবগুষ্ঠন, টুপী এবং গাউন দেখিয়া বলিয়াছিল—ইনিই সেই রমণী। কিন্তু জিনিসগুলি তাঁহার হইলেও আসলে তিনি ইনি নহেন। হাত, অঙ্গুরীয় এবং কণ্ঠস্বর সেই মহিলার যাহা বিশেষত্ব, তাহা এই মহিলাতে নাই। এই মহিলার দৈর্ঘ্য তাঁহারই মত, স্ততরাং পরিচ্ছদাদি দেখিয়া সে মনে করিয়াছিল—তিনিই হইবেন।

বকেট বলিলেন, “তোমাকে পরীক্ষা করিয়া, তোমাকে দিয়া বিশেষ কোন স্মৃতি হইল না। যাহা হউক, পাঁচ

শিলিং তোমাকে দেওয়া গেল।” এই বলিয়া তিনি বালকের হাতে টাকা দিয়া তাহাকে বাহিরে লইয়া গেলেন। স্নাগ্‌স্বি সবিস্ময়ে সমুদয় ব্যাপার দেখিতেছিলেন। এমন সময় মিঃ টল্কিংহরণ তথায় প্রবেশ করিলেন। মূর্তি তখন অবগুষ্ঠন উন্মোচন করিল।

মিঃ টল্কিংহরণ বলিলেন, “ম্যাদমসেলি হর্টেন্সি, আপনাকে ধন্যবাদ! আপনাকে আর কষ্ট দিব না।”

রমণী বলিল, “কিন্তু মনে রাখিবেন, আমি এখনও কোথাও চাকরী পাই নাই।”

“ব্যবহারাজীব বলিলেন, “কোন চিন্তা করিবেন না, আমি আপনাকে প্রশংসাপত্র ভালই দিব।”

ম্যাদমসেলি হর্টেন্সি বিদায় লইল।

বকেট বলিলেন, “আমি ঠিক ধরিয়াছিলাম। আর কোন সন্দেহ নাই। এই পরিচ্ছদে অন্য কোন নারী আসিয়াছিলেন। বালক যাহা বলিল, তাহাতে এখন আর সন্দেহের বিদ্যুৎ অবকাশ নাই।”

স্নাগ্‌স্বি বলিলেন, “তবে আমি এখন যাইতে পারি? আমার স্ত্রী হয় ত ব্যস্ত হইয়া পড়িয়াছেন।”

ব্যবহারাজীব তাঁহাকে ধন্যবাদ দিলেন। বকেট স্নাগ্‌স্বিকে সঙ্গে করিয়া বহির্দ্বারে লইয়া গেলেন। ঘনিষ্ঠভাবে করকম্পন সহকারে বিদায়দানকালে ইনস্পেক্টর বলিলেন, “আমি জানি, আপনি বাজে কথা বলেন না, কথা গোপন রাখিতেও জানেন। স্ততরাং আজিকার এ-সব কথা নিশ্চয়ই প্রকাশ করিবেন না।”

যথেষ্ট উত্তর দিয়া স্নাগ্‌স্বি বাড়ীর দিকে চলিলেন। এক একবার তাঁহার মনে হইতেছিল যে, তিনি স্বপ্ন দেখিয়াছেন কি না।

২৩

দেড় মাস পরে আমরা মিঃ বয়থরনের পল্লী-ভবন হইতে ফিরিয়া আসিলাম। পার্কে ও অরণ্যে আমরা প্রায়ই বেড়াইতে যাইতাম; কিন্তু লেডী ডেডলকের সহিত কখনও দেখা হইত না। শুধু ধর্ম-মন্দিরে তাঁহাকে দেখিতাম। সেখানে অনেক সুন্দর মুখের সমাবেশ দেখিলেও, তাঁহার মত সুন্দর আর কাহাকেও দেখিতাম না। কি জানি কেন, তাঁহাকে দেখিলেই আমার পূর্বকথা মনে হইত। ভয়-মিশ্রিত প্রশংসার সহিত আমি তাঁহাকে দেখিতাম। এক একবার আমার মনে ধারণা হইত যে, আমার জায় তিনিও যেন আমার প্রতি কৌতূহলাবিষ্ট। কিন্তু নিবিষ্টচিত্তে তাঁহার দিকে চাহিলে আমার সে ভ্রম দূরীভূত হইত। তখন নিজের মনের এই প্রকার দুর্বলতা দেখিয়া নিজেই লজ্জিত হইতাম।

মিঃ বয়থরনের আবাস ভ্যাগের পূর্বে একটা সামান্য ঘটনা সংঘটিত হইয়াছিল। তাহা আমি এই স্থলে বিবৃত করিতেছি।



আমি আদার সহিত বাগানে বেড়াইতেছিলাম, এমন সময় সংবাদ পাইলাম যে, আমার সহিত কেহ দেখা করিতে চাহে। প্রাতঃরাশকক্ষে প্রবেশ করিয়া দেখিলাম যে, লেডী ডেডলকের সেই ফরাসিনী পরিচারিকা আমার সহিত দেখা করিতে আসিয়াছে।

সে আমাকে বলিল, “আপনার সহিত দেখা করিতে আসিয়াছি, সে জন্য আমার অপরাধ লইবেন না।”

আমি বলিলাম, “তোমার কুণ্ঠিত হইবার কোন প্রয়োজন নাই। আমার কাছে তোমার কিছু আবশ্যক আছে কি?”

“আজ্ঞা হ্যাঁ। সেই জন্যই আপনার কাছে আসিয়াছি। আমি লেডী মহোদয়ার কাজ ছাড়িয়া দিয়াছি। তিনি অনেক উচ্চে থাকেন। অবশ্য আমাকে এ জন্য ক্ষমা করিবেন। তাঁর বিরুদ্ধে আমি নালিশ করিতে আসি নাই। সেটা আমার উদ্দেশ্য নয়।”

“আচ্ছা, তোমার বক্তব্য বলিয়া যাও।”

সে বলিল, “দেখুন, আমার ইচ্ছা, কোনও সুন্দরী শিক্ষিতা যুবতীর নিকট আমি কাজ করি। এখন আমার কাজ নাই। তাই আপনার শরণাপন্ন হইয়াছি। আমাকে যদি চাকরী দেন।”

আমি বলিলাম, “কিন্তু দুঃখের সহিত—”

যুবতী বাধা দিয়া বলিল, “এক কথায় আমায় তাড়াইবেন না, হতাশ করিবেন না। এখানে চাকরী লইলে ওখানকার মত জাঁকজমকে থাকিতে পারিব না, তাহা আমি জানি। আমি চাইও তাই। ওখানকার মত এ চাকরীতে হয় ত আমার সেরূপ সম্মান না থাকিতে পারে, তাহাতে আমার কিছু ক্ষতি নাই। মাহিনা হিসাবেও আমার এখানে প্রত্যাশা অল্প, কিন্তু তাহাতেও কিছু আসে যায় না। আমি অল্পেই এখানে সন্তুষ্ট থাকিব।”

এরূপ একটি সহচরী রাখা যে আমার মত রমণীর পক্ষে সম্ভবপর নহে, সে কথাটা মনে করিয়াই আমি বলিলাম, “আমাদের এ রকম সহচরীর কোন প্রয়োজন ত নাই।”

সে বলিল, “কেন নাই? আমি প্রাণ-মন দিয়া আপনার সেবা করিব। দেখিবেন, আমি কিরূপ বিশ্বাসের সহিত কাজ করি। এখন টাকার কথা তুলিবেন না। আমি অমনই আপনার কাছে কাজ করিব।”

তাহার আন্তরিকতা দেখিয়া একটু আমি ভীত হইলাম। সে তথাপি আমার কাছে থাকিবার জন্য পীড়াপীড়ি করিতে লাগিল।

“মাদামসেলি, আমি দক্ষিণ দেশের অধিবাসিনী। সহজেই আমরা বিচলিত হই। এক মুহূর্তেই আমাদের মনে ঘৃণা ও ভালবাসার সঞ্চার হইয়া থাকে। আমাদের রাণীর যে মেজাজ, তাহাতে আমার ধাতে উহা সহ্য না। আমার মেজাজও তিনি সহিতে পারেন না। যাক, সে সব ত শেষ হইয়া গিয়াছে। আমি আপনার সেবা করিতে চাই।

আপনি যাহা স্বপ্নেও ভাবিতে পারেন না, আমি আপনার জন্য এমন সব কাজ করিব। আমাকে কাজ দিলে, কোনও দিন আপনাকে অন্ততাপ করিতে হইবে না।”

কিন্তু আমি তাহাকে বুঝাইয়া বলিলাম যে, তাহার মত রমণীকে রাখিবার সামর্থ্য ও প্রয়োজন আমার নাই। তখন সে বলিল, “কি করিব বলুন। আপনি যখন রাখিলেন না, তখন কাজেই অন্তত আমায় চাকরী খুঁজিয়া লইতে হইবে। আপনার করপল্লবে আমার চুঘন করিবার বাসনা, তাহাতে আপনার আপত্তি আছে কি?”

আমি হাত বাড়াইয়া দিলাম। সে আমার হাতটি স্পর্শ করিয়া তাহাতে চুঘন করিল।

রমণী চলিয়া গেলে আমি একটা স্বস্তির নিশ্বাস ত্যাগ করিলাম। ইহার পর সে অঞ্চলে আর তাহাকে দেখি নাই।

দেড় মাস তথায় বাস করিবার পর আমরা সে স্থান ত্যাগ করিলাম। রিচার্ড প্রতি শনিবার অথবা রবিবার আসিতেন। কোন কোন দিন ঘোড়ায় চড়িয়াও সহসা আসিতেন। সোমবার দিন আবার চলিয়া যাইতেন। খুব পরিশ্রম সহকারে কাজকর্ম করিতেছেন, তিনি আমাদের কাছে বলিতেন বটে, কিন্তু তাঁহার সম্বন্ধে আমার মনে একটা ভীষণ উদ্বেগই ছিল। আমার মনে হইত, তাঁর পরিশ্রম সবই অপথে যাইতেছে। কোন মন্দ কিছু অর্থে দখিতে পাইতাম না বটে, কিন্তু তাঁহার মুখে যে সব কথা আসিতাম, তাহাতে মনে উৎসাহ ও আশার সঞ্চার হইত না। মোকদ্দমায় জয়লাভ করিলে তাঁহার ও আদার মধ্যে অর্থ লাভ ঘটিবে, এইরূপ আশা তাঁহাকে পাইয়া বসিতাম। কিন্তু মাঝখানে “যদি” থাকিয়াই সব গোল বাধা হইত। তিনি মোকদ্দমা-সংক্রান্ত নথিপত্র সব পড়িয়া দেখিতেছেন। যতই পড়িতেছেন, ততই না কি তিনি আশাবিস্ত হইতেছেন। এখন তিনি প্রায়ই আদালতে যান। মিস্ ক্লিটের সহিত সর্বদাই সাক্ষাৎ হয়।

আদা রিচার্ডকে কিছু বলিতেন না। রিচার্ডের উপর তাঁহার অখণ্ড বিশ্বাস ছিল। কর্তা ইদানীং প্রায়ই বাতের যন্ত্রণার উল্লেখ করিতেন এবং পাঠাগারেই অধিকাংশ সময় কাটাইতেন। রিচার্ডের সম্বন্ধে কোন কথাই বলিতেন না। আমি ক্যাডি জেলিবির সহিত দেখা করিতে গুণে গিয়া মনে করিলাম, রিচার্ডের সম্বন্ধে এ বিষয়ে একটু ভাল করিয়া আলোচনা করিব। কারণ, আমার মন থাকিয়া থাকিয়া একটা কু গাহিতেছিল।

নির্দিষ্ট স্থলে রিচার্ডের সহিত দেখা হইল। এখন হইতে আমরা পরস্পরকে তুমি বলিয়া সম্বোধন করিতাম। আমি বলিলাম, “রিচার্ড, তাহা হইলে এখন তোমার আইনে মন বসিয়াছে ত?”

রিচার্ড বলিলেন, “হ্যাঁ, এখন বেশ আছি।”

“আগেও ত ভাই তুমি এমনই বলিয়াছিলে।”

“আমার উত্তরে তাহা হইলে তুমি সন্তুষ্ট হও নাই, কেমন? ভাল, তবে বলিতেছি, মন এখনও বসে নাই। মোকদ্দমাটা শেষ না হইলে মন বসিতেই পারে না। বুঝিয়াছ?”

“তুমি কি মনে কর, এ মোকদ্দমা শেষ হইবে?”

রিচার্ড বলিলেন, “তাহাতে সন্দেহমাত্র নাই।”

কোন কথা না বলিয়া আমরা কিয়দূর অগ্রসর হইলাম। সহসা রিচার্ড বলিলেন, “ইস্থার, ভাই, আমার মনের দৃঢ়তা থাকিলে ভাল হইত। আদা-সম্বন্ধে আমার দৃঢ়তা খুবই আছে। সে কথা বলিতেছি না। কিন্তু কাজের সম্বন্ধে আমার মনের দৃঢ়তা থাকা আবশ্যিক। চিকিৎসা-ব্যবসায়ে অথবা আইন-ব্যবসায়ে যদি আমি চপলমতিভের পরিচয় না দিতাম, তবে আজ আমার দেনা হইত না।”

“সে কি রিচার্ড, তোমার দেনা?”

“হাঁ, কিছু দেনা আমার হইয়াছে। আজকাল বিলিয়র্ড খেলা প্রভৃতিতে আমি কিছু মাতিয়াছি। সব কথা বলিয়া ফেলিলাম। ইস্থার, তুমি এখন বোধ হয় আমাকে ঘৃণা করিবে?”

“আমি? রিচার্ড, তুমি কি আমার জান না?”

রিচার্ড বলিলেন, “তোমার দয়া অসীম। আমি বড় স্থির হইয়া আছি। স্থির হই কি করিয়া বল ত? এক এক সময় নিজের উপরেই ঘৃণা হয়। কিন্তু কি করিব বল, আমার জন্মই বিশৃঙ্খলার মধ্যে। শৃঙ্খলা আনি কিরূপে? চিরবিশ্বস্তহৃদয়া আদার আমি অনুপযুক্ত।”

রিচার্ড কাঁদিতে লাগিলেন। আমি তাঁহার হাত ধরিয়া বলিলাম, “রিচার্ড, অত বিচলিত হইও না। তোমার অন্তঃকরণ মহৎ। আদার প্রেম তোমাকে ক্রমে তাহার উপযুক্ত করিয়া তুলিবে।”

“রিচার্ড বলিলেন, “হাঁ, তা আমি জানি। আমি তাহাকে প্রাণ দিয়া ভালবাসি। কিন্তু তথাপি আমি তাহার প্রতি অন্য় করিয়া আসিতেছি। কিন্তু এমন চিরদিন থাকিবে না। এক দিন মোকদ্দমার বিচার শেষ হইবে। আমাদের অনুকূলেই রায় বাহির হইবে। তখন তুমি ও আদা দেখিবে, আমি কি করিতে পারি। আমি কাগজপত্র সব দেখিয়াছি। দেখিও, আমরা জয়লাভ করিব। বিলম্ব ঘটবে বলিতেছ? তা আমার বিশ্বাস, নীচুই এ বিষয়ের চরম মীমাংসায় আমরা উপনীত হইতে পারিব।”

আমি জিজ্ঞাসা করিলাম, “রিচার্ড, কবে হইতে কেন্জি ও কারবর কোম্পানীতে রীতিমত ব্যবহারাজীবের কাজ করিতে আরম্ভ করিবে?”

রিচার্ড বলিলেন, “ইস্থার, উকীল আমি হইব না। তে দিন কাগজপত্র ঘাঁটিয়া আমি বুঝিয়াছি, ব্যবহারাজীবের কাজ আমার উপযুক্ত নহে। আইনের তৃষ্ণা আমার মিটিয়াছে। শুধু তাই নয়, আমার এখন ধারণা হইয়াছে

যে, কোনও প্রকার ব্যবসায়ে আমার মন লাগিবে না। মোকদ্দমা শেষ হইয়া গেলে উহার প্রয়োজন আর হইবে না। তবে এখন দেখিতেছি, সেনাদলে কাজ করিবার জন্য আমার মন ব্যাকুল হইয়াছে।”

আমি বলিলাম, “বল কি?”

রিচার্ড বলিলেন, “হ্যাঁ, সেনাদলে একটা কমিশন যোগাড় করিতে পাইলেই আমি সে কার্য গ্রহণ করিব। তাহাতে দেখিয়াছি, আমার খরচা অনেক কম হইবে। বৎসরে প্রায় হয় হাজার টাকা খরচ কম লাগিবে।”

রিচার্ডের ভবিষ্যৎ ভাবিয়া আমি বাস্তবিকই অধীর হইলাম। এমন অব্যবস্থিতচিত্ত লোক সংসারে শুধু অশান্তিই আনয়ন করে। অথবা রিচার্ডের মত উদার, মহৎ-হৃদয় যুবক আমি কমই দেখিয়াছি। আমি রিচার্ডকে বলিলাম যে, আদালতের মীমাংসার উপর তিনি যেন অধিক নির্ভর না করেন। কারণ, তাহাতে শুধু ব্যর্থতাই আসিবে। কিন্তু বুঝিলাম, রিচার্ডকে মোকদ্দমা পাইয়া বসিয়াছে। তিনি সর্কাস্তঃকরণে বিশ্বাস করেন, যথাকালে আমাদের রায় বাহির হইলে তিনি ও আদা বিপুল সম্পত্তির অধিকারী হইবেন।

সোহোকোয়ারে পৌঁছিলে, রিচার্ড বিদায় লইলেন। এইখানে ক্যাডির সহিত আমার দেখা হইবার কথা। ক্যাডি আমায় দেখিতে পাইয়া ছুটিয়া আসিল।

কুশল-সন্তাষণাদির পর ক্যাডি বলিল, “মিস্ সমারুসন্, আপনার উপদেশমত আমি মাকে আমাদের বিবাহের কথা বলিব স্থির করিয়াছি। অবশ্য আমার ভবিষ্যতের জন্য মা সম্পূর্ণ উদাসীন। প্রিন্সকে আপনার কথা বলায় তিনি বলিয়াছেন যে, আপনার পরামর্শমতই সব কাজ করা দরকার। আপনার উপর তাঁহার অগাধ বিশ্বাস দেখিলাম।”

আমি বলিলাম, “সত্য না কি?”

“হাঁ, ইস্থার। তিনি বলেন যে, আমিও আমার মাকে বিবাহের কথা বলিব, পরে তিনিও তাঁহার পিতার নিকট এ প্রস্তাব উত্থাপিত করিবেন। তবে তাঁহার পিতাকে বলিবার সময় তিনি আপনার সাহায্য প্রার্থনা করেন। তিনি বলিলেন যে, মিস্ সমারুসন্ সে সময়ে উপস্থিত থাকিলে কথাটা অতি সহজে তিনি উত্থাপিত করিতে পারিবেন। আপনি কি এ বিষয়ে আমাদের সাহায্য করিবেন?”

আমি বলিলাম, “নিশ্চয়, প্রয়োজন হইলে আমি তোমাদিগকে প্রাণ দিয়াও সাহায্য করিতে পারি।”

ক্যাডি আনন্দে অধীর হইয়া উঠিল।

অতঃপর ক্যাডির সঙ্গে আমি প্রিন্সের বাড়ী গমন করিলাম। প্রিন্স যখন শুনিলেন যে, আমি সানন্দে তাঁহাদের প্রস্তাবে সম্মত হইয়াছি, তখন তাঁহারও আনন আনন্দে উজ্জল হইয়া উঠিল।

আমরা তিন জনে বৃদ্ধ টরভিড্রপের কক্ষে গমন করিলাম। বৃদ্ধের নিকট পুত্র প্রস্তাব করিতে তিনি প্রথমতঃ নানাপ্রকার



তোমাদের উভয়ের মধ্যে শুধু আত্মীয়তা ছাড়া অন্য কোন বন্ধন না রাখাই কর্তব্য।”

রিচার্ড বলিলেন, “ভার চেয়ে বলুন না যে, আমার উপর আপনার আর মোটেই বিশ্বাস নাই। আর আদাকেও উহা করিতে পরামর্শ দিতেছেন?”

“না রিক্, সেরূপ ভাব আমার মনে আসে নাই। তবে তোমার জীবনের আরম্ভটা সুবিধাজনকভাবে হয় নাই। একটু চেষ্টা করিলেই তাহা সংশোধিত হইবে। তোমরা উভয়েই এখন অত্যন্ত অল্পবয়স্ক, সুতরাং ভ্রাতা-ভগিনীর সম্বন্ধ ব্যতীত এখন অন্য কোনও প্রকার সম্বন্ধ তোমাদের মধ্যে বর্জিত না হওয়াই উচিত। ক্রমে সেটা পরিণত হইবে, তাহাই ভাল।”

রিচার্ড বলিলেন, “আপনি আমার উপর বড়ই নির্দয়।”

“না, রিক্, আমি ইহাতে নিজেকেই বেশী কষ্ট দিতেছি। তোমার প্রাণে যাহাতে ব্যথা লাগে, তাহাতে আমিও ততোধিক বেদনা পাই। প্রতিবেদক তোমার হাতেই আছে। আদা, ভাবিয়া দেখ, রিকের মঙ্গলের জন্ত তাহাকে মুক্তি দেওয়া কি উচিত নয়? আদার কথা স্মরণ করিয়া, রিক্, তোমারও তাহাকে কোন বন্ধনে বাধিয়া রাখা উচিত নহে। পরস্পরের মঙ্গলের জন্ত পরস্পরের এ ত্যাগ স্বীকার করা দরকার।”

রিচার্ড বলিলেন, “পূর্বে ত আপনি এ কথা বলেন নাই, আজ এ কথা কেন বলিতেছেন?”

“আমার অভিজ্ঞতা বাড়িয়াছে। তখন যাহা বুঝি নাই, এখন তাহা বুঝিতেছি। তোমাকে কোন দোষ দিতেছি না, রিক্। তবে অভিজ্ঞতা অনেক হইয়াছে।”

“আমার সম্বন্ধে কি?”

“তোমাদের দুই জনের সম্বন্ধেই। তোমরা অঙ্গীকারে বদ্ধ হইতে পার, এখনও সে সমস্ত তোমাদের আসে নাই। যা উচিত নয়, আর আমি তাহা হইতেও দিব না। গত। ভুলিয়া যাও, নূতন ভাবে জীবন-যাত্রা আরম্ভ কর, সব। হইবে।”

রিচার্ড উৎকণ্ঠাপূর্ণ দৃষ্টিতে আদার দিকে চাহিলেন।

“আমি তোমাদিগকে অথবা ইহারকে কোনও দিন এ সব। বলি নাই। এখন আর না বলিয়া পারিলাম না। মরা হইতেই প্রথমে যখন আসিয়াছিল, সে সময় মাদের অবস্থা যেমন ছিল, আজ সেইভাবে তোমরা পনের নিকট বিদায় লও। শুধু সময়ের প্রতীক্ষা কর। ল সব ভাল হইবে। যদি তাহা না কর, তোমরা গুরুতর। করিবে, আর আমাকেও সেই অন্তিমের ভাগী করিয়া। বে।”

আদা রিচার্ডের দিকে কোমল দৃষ্টিতে চাহিয়া বলিলেন, “রিচার্ড, ভাই জন যাহা বলিলেন, তাহার উপর আর কথা। লে না। আমার সম্বন্ধে তোমার কোন চিন্তা নাই; কারণ, আমি এখানে নিরাপদে থাকিব। তুমি আমাকে অত্যন্ত

ভালবাস জানি। আমিও তোমাকে ভালবাসি। সুতরাং তুমি অন্য রমণীর প্রেমে নিমগ্ন হইবে না, তাহা আমি বিশ্বাস করি। আমারও কোনও পরিবর্তন হইবে না, সেটাও ঠিক। অবশ্য আমাদের ক্ষণস্থায়ী বিচ্ছেদ কষ্টকর হইবে বটে; কিন্তু কর্তব্যের অনুরোধে তাহাও সহ্য করিতে হইবে। মিঃ জারনুডিসের প্রস্তাবানুসারেই আমাদেরিগকে চলিতে হইবে, চলা উচিত। সুতরাং আপাততঃ আমরা সাধারণ ভাই-বোনের মতই পরস্পরের নিকট বিদায় গ্রহণ করিব।”

আদা হার্টফোর্ডশায়ারে রহিলেন। মিঃ জারনুডিস ও রিচার্ডের সঙ্গে আমরা লগনে ফিরিয়া আসিলাম। রিচার্ডের প্রয়োজনীয় দ্রব্যাদি সংগ্রহ করিয়া দেওয়া আবশ্যিক। রিচার্ড সম্ভবতঃ এই ব্যাপারে কর্তার উপর একটু অপ্রসন্ন হইয়া-ছিলেন। তিনি আমার কাছে মনের সকল কথাই খুলিয়া বলিতেন। নিজের অপরাধের কথাও লুকাইতেন না। লগনে আসিয়া এক এক সময় ভবিষ্যতের আশায় তাঁহাকে উৎফুল্ল হইয়া উঠিতে দেখিতাম।

এখানে একটি সৈনিকের নিকট হইতে তিনি অস্ত্রবিদ্যা শিক্ষা করিতেছিলেন। কর্তা ও রিচার্ডের ঘরে এই ভদ্র-লোকটি সম্বন্ধে অনেক কথাই পূর্বে শুনিয়াছিলাম। তিনি এক দিন আমাদের বাসায় আসিলে আমি ইচ্ছা করিয়াই কর্তার সঙ্গে তিনি যে ঘরে বসিয়াছিলেন, সেখানে প্রবেশ করিলাম। দেখিলাম, লোকটি প্রিয়দর্শন। বীরপুরুষের মতই আকৃতি বটে।

সে দিন রিচার্ড তখনও বাসায় আসেন নাই। আমরা উভয়ে কক্ষমধ্যে প্রবেশ করিলে ভদ্রলোকটি যেন একটু বিব্রত হইয়া পড়িলেন।

কর্তা বলিলেন, “আপনি ঘড়ীর কাঁটার সঙ্গে আসিয়াছেন দেখিতেছি।”

তিনি বলিলেন, “সৈনিকের পক্ষে এ সকল বিষয়ে বিশেষ লক্ষ্য রাখা দরকার। বহু দিনের অভ্যাস।”

কর্তা বলিলেন, “আপনার না কি একটা অস্ত্রাগার আছে, সেখানে অনেকে শিখিতে যান, ব্যবস্যাটা খুব বড় না কি?”

“তেমন বড় নয়, লক্ষ্য স্থির করিবার জন্ত একটা গ্যালারী-ঘর আছে বটে।”

কর্তা বলিলেন, “মিঃ কারস্টনকে কেমন দেখিতেছেন? ভাল ষোদ্ধা হইতে পারিবেন কি?”

বন্ধোদেশে বাহু রক্ষা করিয়া সৈনিক পুরুষ জর্জ বলিলেন, “ভালই শিখিতেছেন। তবে যদি সমগ্র মন দিয়া শিখিতেন, তাহা হইলে চমৎকার ষোদ্ধা হইতে পারিতেন।”

কর্তা বলিলেন, “মনোযোগ বিশেষ নাই বোধ হয়?”

“প্রথমতঃ খুব মনঃসংযোগ করিয়াছিলেন; কিন্তু শেষের দিকে তেমন উৎসাহ আর দেখিতে পাই না। বোধ হয়, মনের মধ্যে অন্য কোন চিন্তা আছে। হয় ত কোন বুভুতীই চিন্তার বিষয়।” তাঁহার উৎসাহ কক্ষতার নয়নবুগল

সর্বপ্রথম আমার উপর স্থাপিত হইল। একজন তিনি আমার দিকেই চাহেন নাই।

আমি সহজে বলিলাম, “মিঃ জর্জ, মিঃ কারস্টনের চিত্রক্ষেত্রে আমার কোন প্রভাব নাই জানিবেন। হয় ত আপনার মনে সন্দেহ হইয়া থাকিতে পারে, তাই এ কথা বলিলাম।”

ভদ্রলোকের মুখমণ্ডল সহসা আরক্ত হইয়া উঠিল। তিনি বলিলেন, “মিস, আমায় ক্ষমা করুন।”

তিনি তিন চারিবার আমার দিকে দৃষ্টিপাত করিয়া কর্তাকে বলিলেন, “এই মহিলার নাম বোধ হয় আপনি বলিয়াছিলেন—”

“হাঁ, মিস্ সমারসন্।”

জর্জ পুনরায় আমার দিকে তাকাইলেন।

আমি বলিলাম, “এ নামটি আপনার পূর্বে কখন ?”

“না, মিস, আমি পূর্বে কখনও এ নাম শুনি নাই। কিন্তু আপনাকে কোথায় যেন দেখিয়াছি।”

আমি তাঁহার দিকে চাহিয়া বলিলাম, “বোধ হয় নয় ; কারণ, আমি যঁহাকে একবার দেখি, তাঁহাকে কখনও ভুলি না।”

“মিস, আমারও তাই।” বলিয়া তিনি আবার আমার দিকে নিবিষ্ট দৃষ্টিতে চাহিলেন। “তাই ত, কোথায় আমি এ চেহারা দেখিয়াছি, মনে করিতে পারিতেছি না !”

কর্তা এই সময়ে জিজ্ঞাসা করিলেন, “আপনার ছাত্র-সংখ্যা কি বেশী ?”

“সময়ে সময়ে বেশী হয় বটে। তবে সাধারণতঃ সংখ্যা ১ ব বেশী নয়।”

কথায় কথায় মিঃ জর্জ কর্তাকে বলিলেন, “বড় আদালতে আপনার একটা বড় মোকদ্দমা আছে না ?”

“হাঁ, তা আছে বৈ কি।”

“আমার এক বন্ধু ঐ রকম এক মোকদ্দমায় পড়িয়া যথাসর্বস্ব হারাইয়াছেন। এক দিন তিনি আমার শিক্ষাগারে পিস্তল ছুড়িতে আসেন। হঠাৎ তাঁহার মানসিক অবস্থা দেখিয়া আমি তাঁহাকে বাধা দেই। তিনি অবশু আমার উদ্দেশ্য বুঝিয়া আর ঐ প্রকার পদ্ধতি অবলম্বন করেন নাই।”

কৌতুহলভরে কর্তা প্রশ্ন করিলেন, “কে সে ভদ্রলোকটি ?”

“লোকটি অপ্রশাস্য হইতে আসিয়াছেন। চাষ-বাস প্রভৃতি প্রথমে তাঁহার ভালই ছিল। এখন সব হারাইয়া তিনি অল্প রকম মানুষ হইয়াছেন।”

কর্তা বলিলেন, “তাঁহার নাম গ্রিডলে নয় কি ?”

“হাঁ, মহাশয়।”

ভদ্রলোক আবার আমার প্রতি দুই চারিবার চাহিলেন। আমি তখন মিঃ জর্জকে বুঝাইয়া দিলাম, কি অবস্থায় আমাদের সহিত তাঁহার প্রথম পরিচয় হয়।

ভদ্রলোক পুনরায় আমার দিকে চাহিয়া বলিলেন, “বুঝিতে পারিতেছি না, কেন এমন হইতেছে। কিন্তু কেবলই মনে হইতেছে, কোথায় যেন আমি আপনাকে দেখিয়াছি।”

কর্তা বলিলেন, “মিঃ গ্রিডলের মানসিক অবস্থার কথা শুনিয়া আমি বাস্তবিক বড়ই হুঃখিত হইলাম। শুনিয়াছি, নূতন বিপদ উপস্থিত হওয়ায় তিনি এখন লুকাইয়া বেড়াই-তেছেন।”

“আমিও তাহাই শুনিয়াছি।”

“তিনি কোথায় আছেন, জানেন ?”

“না, মহাশয়। তাঁহার সম্বন্ধে কোন কথা এখন আমি জানি না। তবে আশঙ্কা হয়, লোকটা আর বেশী দিন বাঁচিবেন না। এই রকম শক্ত লোক হঠাৎ এক দিন মারা পড়ে।”

এই সময়ে রিচার্ড কক্ষমধ্যে প্রবেশ করিলেন। আমাদের আলোচনা সব বন্ধ হইয়া গেল। মিঃ জর্জ রিচার্ডের সঙ্গে চলিয়া গেলেন।

রাত্রিতে রিচার্ড যাত্রা করিবেন। স্নতরাং সমস্ত দিবা-ভাগটা আমাদের অবকাশ ছিল। রিচার্ডের অহুরোধে আমি তাঁহার সঙ্গে আদালতে গেলাম। সে দিন জারনুডিস্ ও জারনুডিসের মোকদ্দমা উঠিবার কথা ছিল। মিস্ ফ্লিটের সঙ্গে দেখা হইল। তিনি আমাদের দিকে দেখিয়া বিশেষ সুখী হইলেন।

যথাসময়ে মোকদ্দমার ডাক হইল। বিশেষ কিছুই হইল না। আবার দিন পড়িল। রিচার্ডের দিকে চাহিয়া দেখিলাম, সেই সুন্দর মুখ বিবর্ণ হইয়া গিয়াছে। তথাপি তিনি বলিলেন, “আর কত দিন চলিবে ? এবার শীঘ্র শেষ হইবার সম্ভাবনা।”

মিঃ গুপীকে দেখিলাম। তিনি বিষাদভরে আমাকে নমস্কার করিলেন। মোকদ্দমার পরে তিনি আমার কাছে আসিয়া বলিলেন, “মিস্ সমারসন্, আমার জনৈক মহিলা বন্ধু আপনার সহিত দেখা করিতে চান। তিনি আপনাকে চেনেন।”

আমি চক্ষু তুলিয়া চাহিতেই দেখিলাম, এ কে ? এ যে আমার বাল্যের হিতৈষিনী শ্রীমতী র্যাচেল। আমার পালক-মাতার পরিচারিকা র্যাচেল !

“কেমন আছ, ইস্তহার ? আমায় মনে পড়ে ?”

আমি র্যাচেলের দিকে হাত বাড়াইয়া দিলাম। শ্রীমতী র্যাচেলের বিশেষ কোন পরিবর্তন হয় নাই। শুনিলাম, তিনি এখন শ্রীমতী চ্যাডব্যাণ্ড। মিঃ চ্যাডব্যাণ্ডের সহিত তাঁহার বিবাহ হইয়াছে।

মিঃ গুপী ও শ্রীমতী র্যাচেলের নিকট হইতে বিদায় লইয়া আমি ও রিচার্ড জনপ্রবাহ ঠেলিয়া বাহিরে যাইবার চেষ্টা করিতে লাগিলাম। সেই সময় সহসা মিঃ জর্জের সহিত দেখা হইল। তিনি আমাদের দিকে দেখিয়া বলিয়া



উঠিলেন, “এই যে, আপনারা এখানে। আচ্ছা, এখানে একটি মাথা-পাগলা খর্বকায়ী রমণী—”

আমি অল্পসঙ্গে মিস্ ফ্রিটকে দেখাইয়া দিলাম। তিনি আমার পার্শ্বেই দাঁড়াইয়াছিলেন।

জর্জ বলিলেন, “আপনার বোধ হয় স্মরণ আছে, আজ সকালে মিঃ গ্রিডলের কথা হইতেছিল?”

আমি বলিলাম, “খুব মনে আছে।”

“তিনি আমার বাসায় আত্মগোপন করিয়া আছেন। সে কথাটা আমি তখন প্রকাশ করিতে পারি নাই। কারণ, আমার উপর সে ভার তখন ছিল না। গ্রিডলের অন্তিম-কাল উপস্থিত। তিনি এখন ঐ বৃদ্ধার সহিত দেখা করিতে চান। উভয়ে দীর্ঘকাল ধরিয়া ধর্ম্মাধিকরণে একই উদ্দেশ্যে যাতায়াত করিতেছিলেন, সে জ্ঞান তাঁহার বিশ্বাস, এই বৃদ্ধা তাঁহার মনের অবস্থা সম্যক বুঝিতে পারিবেন। তাঁহারই নির্দেশমতে আমি উক্ত বৃদ্ধার সন্ধানে আসিয়াছি।”

আমি বলিলাম, “বৃদ্ধাকে কথাটা বলিব কি?”

জর্জ বলিলেন, “দয়া করিয়া যদি সে ভার লয়েন, তবে তাড়ই অনুগ্রহীত হইবে। ভগবানের বিশেষ দয়া, তাই হঠাৎ আপনার সহিত এখানে দেখা হইয়া গেল। নহিলে ঐ ভার সঙ্গে কেমন করিয়া যে আমি পরিচিত হইতাম, তাহা ভাবিয়া পাই না।”

আমি জর্জের সহিত মিস্ ফ্রিটের পরিচয় করাইয়া দিয়া তাঁহার আগমনের উদ্দেশ্য ব্যক্ত করিলাম। বৃদ্ধা তখনই যাইবার জ্ঞান প্রস্তুত হইলেন।

একখানি ঠিকি গাড়ী ভাড়া করিয়া মিঃ জর্জের বাসার দিকে চলিলাম। অনেক ঘুরিয়া ফিরিয়া আমরা জর্জের বাসায় উপস্থিত হইলাম। বাহিরের দরজা ভিতর হইতে রুদ্ধ ছিল। মিঃ জর্জ ঘণ্টাধ্বনি করিলেন। বাহিরে একটি ভদ্রবেশধারী বৃদ্ধ দাঁড়াইয়াছিলেন। তিনি মিঃ জর্জকে জিজ্ঞাসা করিলেন, “এটা কি মিঃ জর্জের অঙ্গকীড়াগার?”

মিঃ জর্জ বলিলেন, “আজ্ঞা হাঁ, মহাশয়। আমারই নাম জর্জ।”

“বটে?—আমি জনৈক চিকিৎসক। পাঁচ মিনিট আগে একটি লোক আমাকে ডাকিতে গিয়াছিল, জনৈক পীড়িতের চিকিৎসার প্রয়োজন।”

জর্জ বলিলেন, “কথাটা সত্য। আপনি আমার সহিত ভিতরে চলুন।”

একটি অদ্ভুতদর্শন লোক দ্বার মুক্ত করিল। আমরা সকলেই ভিতরে প্রবেশ করিলাম। সহসা চিকিৎসকবেশী ভদ্রলোকটি মাথার টুপী খুলিয়া ফেলিলেন। মুহূর্ত্তে তাঁহার চেহারা যেন ভোজবলে পরিবর্তিত হইয়া গেল। বৃদ্ধ চিকিৎসকের পরিবর্তে বেশ বলিষ্ঠ প্রৌঢ়কে দণ্ডায়মান দেখিলাম।

লোকটি জর্জকে ডাকিয়া বলিলেন, “দেখ, তুমিও আমাকে

জান, আমিও তোমাকে জানি, সংসারটাকে তুমিও দেখে আমিও দেখেছি। আমার নাম বকেট। গ্রিডলের না একটা ওয়ারেন্ট আছে। অনেক কাল তুমি তাকে আশ্রয় দিয়া রক্ষা করিয়াছ। তোমার কৌশল প্রশংসনীয়।”

জর্জ আগন্তকের দিকে চাহিয়া ওষ্ঠ দংশন করিলেন।

আগন্তক জর্জের পার্শ্বে পার্শ্বে যাইতে যাইতে বলিলে “তোমার বুদ্ধি-বিবেচনা বেশ আছে, তুমি লোকও ভাল, বিষয়ে আমার সন্দেহমাত্র নাই। এক দিন অন্তর্ধারণ করি তুমি দেশের সেবাও করিয়াছ; সুতরাং তুমি সাধারণ ব্যক্তি নহ। আমার বিশ্বাস, তুমি এ বিষয়ে কোন গোলযোগ বাধাইবে না! বরং প্রয়োজনকালে তুমি আমার সাহায্য করিবে। ওহে ফিল্, সাবধান, ও-সব চালাকী চলিবে না আমি তোমাকে চিনি। সাবধান।”

সেই অদ্ভুতদর্শন কুদ্ভাকার লোকটি আগন্তকের দিকে যে ভাবে চাহিয়াছিল, তাহাতে তাহার মতলব যে ভাল নহে, তাহা প্রকাশ পাইতেছিল।

জর্জ ডাকিলেন, “ফিল্!”

“আজ্ঞে, কর্তা।”

“চুপ করিয়া থাক।”

মিঃ বকেট তখন বলিলেন, “সমবেত ভদ্রলোক ও ভদ্রমহিলাগণ, আপনারা আমার অপরাধ মার্জনা করিবেন। আমার নাম ইন্স্পেক্টার বকেট, আমি গোয়েন্দা বিভাগে কাজ করি; এখানে আমার একটা গুরুতর কর্তব্য পালন করিতে হইবে। জর্জ, কোথায় গেলে আমার আসামীকে পাইব, তাহা আমি জানি। কাল রাত্রিতে আমি ছাদের উপর ছিলাম। সেখান হইতে আমি সবই দেখিয়াছি। লোকটির সঙ্গে দেখা করিয়া আমি তাহাকে আমার কর্তব্য বলিব। তবে কাহারও যাহাতে কোন অসুবিধা হয়, এমন ব্যবস্থা আমি করিব না। জর্জ, তুমি আমাকে কথা দাও যে, তুমি আমাকে সাহায্য করিবে, তাহা হইলে আমার ক্ষমতায় যতদূর আছে, আমি তোমাদিগকে সকল প্রকার সুবিধা করিয়া দিব।”

জর্জ বলিলেন, “আমি তোমাকে কথা দিতেছি। কিন্তু বকেট, কাজটা তোমার ভাল হয় নাই।”

বকেট বলিলেন, “সে কথা ঠিক, জর্জ। আমার কাষটি স্তর্হু নহে। কিন্তু কি করিব বল, কর্তব্য গুরুতর।”

আলোচনার পর স্থির হইল, জর্জ মিস্ ফ্রিটকে লইয়া অগ্রে রোগীর কক্ষে প্রবেশ করিবেন।

উভয়ে চলিয়া গেলে, আমি, রিচার্ড ও মিঃ বকেট বাহিরে অপেক্ষা করিতে লাগিলাম। কিয়ৎকাল পরে বহির্দ্বারে পুনরায় ঘণ্টাধ্বনি হইল। কর্তা স্বয়ং আসিয়া উপস্থিত।

মিঃ জর্জ পীড়িতের কক্ষ হইতে নিষ্কাশিত হইয়া আমাদিগকে ভিতরে লইয়া চলিলেন।

একটি সাধারণ কোচের উপর মিঃ গ্রিডলে শায়িত।

তাঁহার আকৃতির কি ভীষণ পরিবর্তন! মুখমণ্ডল কি বিবর্ণ। অন্তর্গামী সূর্য্য-কিরণ কক্ষমধ্যে প্রবেশ করিতেছিল।

এখানেও তিনি স্তূপীকৃত কাগজপত্রের মধ্যে আপনাকে নিয়োজিত রাখিয়াছিলেন, তাঁহার পর্য্যাপ্ত প্রমাণ বিচ্যমান। সম্মুখস্থ টেবলের উপর কাগজপত্র ইতস্ততঃ বিক্ষিপ্ত!

মিস্ ক্লিট শয্যোপরি উপবিষ্ট। রোগীর করপল্লব রমণীর প্রকোষ্ঠমধ্যে অবস্থিত।

তাঁহার কণ্ঠস্বরে সে দৃঢ়তা আর নাই, আমাকে ও রিচার্ডকে দেখিয়া তিনি অভিনন্দনস্বরূপ গ্রীবাদেশে ঈষৎ আন্দোলিত করিলেন। মিঃ জারনুডিস্কে ক্ষুদ্র নমস্কার করিলেন।

“মিঃ জারনুডিস্, আমাকে দেখিতে আসিয়াছেন, সে জন্ম আপনাকে ধন্যবাদ। আর বেশীক্ষণ আমি এ পৃথিবীতে থাকিব না। আপনি সর্ব্বপ্রকার অগ্নায়কে উপেক্ষা করিতে পারেন, এজন্য আমি আপনাকে অন্তরের সহিত শ্রদ্ধা করি।”

উভয়ে করকম্পন করিলেন। কর্ত্তা তাঁহাকে সাম্বনা-স্বচক দুই-চারিটি কথা বলিলেন।

গ্রিড্লে বলিলেন, “ইতিপূর্বে যদি আপনার সহিত আমার আলাপ না থাকিত, তবে আমি আজ আপনার সহিত সাক্ষাৎ করিতাম না। ইহাতে বিশ্বয়ের বিষয় কিছুই নাই। আপনি জানেন, একা আমি কি ভীষণ যুদ্ধই করিয়াছি। আমার উপর কি অবিচার হইয়াছে, তাহা আমি আদালতকে বলিতে কোনও দিন ভয় পাই নাই। আমাকে এমন ভাবে ভাঙ্গিয়া পড়িতে হইয়াছে,—এ দুর্ব্বলতা আপনাদের নিকট প্রকাশ করিতে এখন আমার কোন লজ্জা নাই। কারণ, বিনা যুদ্ধে আমি এ অবস্থায় উপনীত হই নাই।”

কর্ত্তা বলিলেন, “আপনি যে বীরত্ব—যে সাহস দেখাইয়াছেন, তাহা অতুলনীয়।”

ম্লান হাশ্বে পীড়িতের আনন উদ্ভাসিত হইল। মিস্ ক্লিটের হাত ধরিয়া, তাহাকে কাছে আকর্ষণ করিয়া গ্রিড্লে বলিলেন, “এই আমার শেষ। আমার সকল দুঃখ, সকল প্রচেষ্টা শেষ হইয়াছে, এই নারীই স্বাভাবিকভাবে আমার অন্তিম শয্যার পাশে আসিয়া দাঁড়াইয়াছেন। বহু—বহু বর্ষ আমরা উভয়ে একই প্রকার নৈরাশ্র সহ্য করিয়া আসিয়াছি। আদালত আমাকে সকল বিষয় হইতে বঞ্চিত করিয়াছে, শুধু এই বন্ধনটিকে ছিন্ন করিতে পারে নাই।”

অশ্রুপ্লাবিত নেত্রে, রুদ্ধকণ্ঠে মিস্ ক্লিট বলিলেন, “গ্রিড্লে, তুমি আমার আশীর্ব্বাদ গ্রহণ কর!”

“মিঃ জারনুডিস্, আমার মনে এই অহঙ্কার ছিল যে, তাহারা কোন দিন আমার হৃদয়কে ভাঙ্গিয়া ফেলিতে পারিবে না। আমার প্রতিজ্ঞা ছিল যে, কখনও আমি হৃদয়ের এ দুর্ব্বলতা প্রকাশ হইতে দিব না। জীবনের শেষ দিন পর্য্যন্ত আমি তাহাদের অত্যাচারের, অগ্নায়ের প্রতিবাদ করিতে পারিব, এই সংকল্প আমার ছিল। কিন্তু তাহা

আর হইল না। আমার শক্তি বিলুপ্ত হইয়াছে। কত দিন হইতে আমার হৃদয় ক্ষয় হইয়া আসিতেছিল, তাহা আমিও বুঝিতে পারি নাই। যেন এক ঘণ্টার মধ্যেই আমার সব শেষ হইয়া আসিতেছে। কিন্তু তাহারা যেন আমার এ দুর্ব্বলতার কথা জানিতে না পারে। এখানে যাহারা উপস্থিত আছেন, আমার অহুরোধ, তাঁহারা যেন এই কথা প্রকাশ করেন যে, শেষ পর্য্যন্ত আমি তাহাদিগকে উপেক্ষা করিয়াই গিয়াছি।”

মিঃ বকেট্ গৃহের এক কোণে বসিয়াছিলেন। তিনিও সাম্বনাস্বচক বাক্য উচ্চারণ করিলেন। বলিলেন, “মিঃ গ্রিড্লে, এমন ভাবে আপনি আমাদিগকে ছাড়িয়া যাইবেন না। ভয় কি? আপনি একটু হতাশ্বাস হইয়াছেন। সে দুর্ব্বলতাকে আপনি এখনই জয় করিতে পারিবেন। অমন করিয়া হতাশ হইবেন না। আপনি তাহাদের সকলকেই আপনার তেজ দেখাইতে পারিবেন। বিশ্বাস আমি আপনার কাছে ওয়ারেন্ট লইয়া আসিব।”

রোগী নৈরাশ্রভরে মস্তকান্দোলন করিলেন।

মিঃ বকেট্ বলিলেন, “না, না, ও ভাবে মাথা নাড়িবেন না। আপনার মত লোকের কাছে আমি এ প্রত্যাশা করি না। আমি কতবার আপনাকে আদালতকে অপমান করিতে দেখিয়াছি। প্রধান বিচারপতিকে বাক্যবাণে বিদ্ধ করিয়া ফেলিতেছেন, সেই দৃশ্য দেখিবার জন্মই আমি শতবার আদালতে গিয়াছি। উকীলদিগকে আপনি ভয় দেখাইয়াছেন, সপ্তাহে দুই তিনবার এমন ব্যাপার ঘটয়াছে। এই রমণী তাঁহার সাক্ষী। মিঃ গ্রিড্লে, উৎসাহে, উদ্দীপনায় আপনার চিত্ত ভরিয়া উঠুক, আমি আপনার সে উৎসাহ দেখিতে চাই।”

জর্জ্ মৃদুস্বরে বলিলেন, “মিঃ বকেট্, আপনি উহার সম্বন্ধে কি করিতে চাহেন?”

মিঃ বকেট্ বলিলেন, “তা জানি না।” তিনি পুনরায় রোগীকে উৎসাহিত করিবার চেষ্টা করিলেন।

“মিঃ গ্রিড্লে, আপনি শেষে হতাশ হইলেন? না, না, আপনাকে আমি এভাবে যাইতে দিব না। আপনি উৎসাহ চান, উত্তেজনা চান। তাহা হইলেই আপনার ভিতরে যে শক্তি আছে, তাহা জাগিয়া উঠিবে। আচ্ছা, আমি আপনাকে উত্তেজনার অবসর দিতেছি। মিঃ টল্কিংহেরণ আপনার নামে নালিশ করায় আমি আপনাকে গ্রেপ্তার করিতে আসিয়াছি। চলুন, আপনি আমার সঙ্গে! বিচারকের সম্মুখে আপনি সতেজ ক্রোধ প্রকাশ করিবেন, তাহাতে আপনি আবার বাঁচিয়া উঠিবেন। উঠুন, অবসাদকে ঝাড়িয়া ফেলুন। আপনার মত তেজস্বী ব্যক্তি এমনভাবে মুসড়িয়া পড়িলে চলিবে কেন? না, তাহা হইতেই পারে না। আপনি আদালতের সকলেরই প্রিয়। সকলে আপনার কথা শুনিবার জন্মই আদালতে যায়। জর্জ্, তুমি তাই গ্রিড্লেকে একটু সাহায্য কর। ধরিয়া তোল!”



“আমাদের কাপ্তেন গো। কাপ্তেন হড্‌ন।”

“ও, তাই বটে।”

দাদামহাশয় ও নাতিনী তীক্ষ্ণ দৃষ্টিতে মিঃ জর্জের প্রতি চাহিল। তিনি বলিলেন, “স্পষ্ট করিয়া কথাটা বলিয়া দে। আমি হেঁয়ালী বুঝি না।”

বুদ্ধ বলিল, “কথাটা কি জানেন? আমার বিশ্বাস, কাপ্তেন এখনও বাঁচিয়া আছেন, মরেন নাই।”

“যত সব বাজে কথা!”

“বাজে কথা নয়, মিঃ জর্জ। আমার উকীল বন্ধুটি কাপ্তেনের সম্বন্ধে খোঁজ-খবর করিতেছেন।”

জর্জ বলিলেন, “উকীলের সে খোঁজে কি আবশ্যক? তিনি তবে কোন দাঁও মারিবার মতলবে আছেন।”

“না, না, মিঃ জর্জ। তিনি প্রসিদ্ধ উকীল। তিনি কাপ্তেন হড্‌নের হাতের লেখা চান। একবার দেখেই ফিরিয়ে দেবেন। কাছে রাখতে চান না। তাঁর কাছে যে লেখা আছে, তার সঙ্গে একবার মিল ক’রে নিতে চান।”

“বেশ, তার পর?”

“তার পর কাগজে আমার বিজ্ঞাপন দেখে তিনি আমার কাছে আসেন। কিন্তু আমার কাছে শুধু হাতের স্বাক্ষর ছাড়া অন্য কোন লেখা ত নেই। কিন্তু মিঃ জর্জ, আপনার কাছে তাঁর অনেক চিঠিপত্র, অন্য হাতের লেখা কিছু থাকতে পারে। তা হ’লে তাঁর কার্যসিদ্ধি হবে। হাতের যে রকম লেখা হোক না কেন, তাতেই চলবে।”

জর্জ বলিলেন, “সে হাতের লেখা ছই একখানা কাগজ হয় ত আমার কাছে থাকিতে পারে।”

“প্রিয় বন্ধু!”

“হয় ত নাও থাকিতে পারে।”

স্মলউইডের মুখ স্তান হইয়া গেল।

“কিন্তু আমার কাছে সে হাতের লেখা বুড়ি বুড়ি থাকিলেও কারণ না জানিয়া আমি কাহাকেও দেখাইব কেন?”

“মিঃ জর্জ, আমি ত আপনাকে কারণটা বলেছি।”

জর্জ মাথা নাড়িয়া বলিলেন, “উহা পর্যাপ্ত নহে। আমি সমস্ত কারণটা জানিতে চাই, তারপর যদি আমার মনোনীত হয়, আমি দেখাইতে পারি।”

“তবে সেই উকীলের কাছে চলুন না? আমি তাঁকে ব’লে এসেছি যে, হয় ত বেলা দশটা এগারটার মধ্যে আমি সেখানে যেতেও পারি। এখন সাড়ে দশটা। চলুন না মিঃ জর্জ, সেখানে যাই।”

“আচ্ছা, আমি যাইতে পারি। কিন্তু স্মলউইড, এ ব্যাপারে তোমার স্বার্থটা যে কি, তাহা বুঝিতেছি না।”

“আমার স্বার্থ যে অনেক, তা বুঝেন না? আমি যে কাপ্তেনের কাছে অনেক টাকা পাব। যদি একটা কিনারা হয়, তাতে আমার লাভ। এখন চলুন।”

“আচ্ছা, আমি কাপড় ছাড়িয়া আসিতেছি।”

জর্জ কয়েক মিনিট পরে ফিরিয়া আসিয়া ফিল্ডকে বলিলেন, বুদ্ধকে সে চেয়ার সমেত গাড়ীতে যেন উঠাইয়া দিয়া আসে।

তিন জনে গাড়ীতে আসিয়া আরোহণ করিলেন। গাড়ী চলিতে লাগিল।

২৭

ঠাহাদিগকে অধিক দূর যাইতে হইল না। লিঙ্কলন্‌ ইন্‌ ফিল্ডের সমীপবর্তী হইয়া গাড়ী থামিল। জর্জ বলিলেন, “এ কি, তুমি মিঃ টল্কিংহরণের কাছে যাইতেছ?”

“হাঁ, বন্ধু, তাই বটে। মিঃ জর্জ, আপনি কি তাঁকে চেনেন?”

“নাম শুনিয়াছি বটে। চেহারাও দেখিয়াছি। কিন্তু তাহার সহিত আমার পরিচয় নাই। তিনিও আমাকে জানেন না।”

গাড়ী হইতে স্মলউইডকে চেয়ার সমেত নামাইয়া ব্যবহারাজীবের ঘরে বাহকরা লইয়া গেল। জর্জও তাহার সঙ্গে গেলেন। মিঃ টল্কিংহরণ তখন সে ঘরে ছিলেন না। তখনই আসিবেন।

জর্জ গৃহমধ্যে আস্বাবপত্রগুলি দেখিতেছিলেন। আল-মারীর গায়ে বড় বড় অক্ষরে লেখা “স্মার লিষ্টার ডেডলক্‌, চেস্‌নিওড।”

জর্জ বারংবার উহা আবৃত্তি করিতে করিতে একখানি আসনে বসিয়া পড়িলেন। স্মলউইড বলিল, “অগাধ টাকা, বুঝেছেন?”

জর্জ বলিল, “কাহার কথা বলিতেছ? এই ভদ্রলোকের, না, স্মার লিষ্টারের?”

“এই ভদ্রলোকের।”

সেই সময় ব্যবহারাজীব কক্ষমধ্যে প্রবেশ করিলেন। স্মলউইডকে নমস্কার করিয়া তিনি বলিলেন, “এই যে, তুমি সার্জেন্টকে সঙ্গে এনেছ। বসুন সার্জেন্ট, বসুন।”

স্মলউইড বলিল, “আজ্ঞে হ্যাঁ, সঙ্গে এনেছি।”

“এখন উনি কাজের কথা কি বলেন?”

“আপনিই উহাকে জিজ্ঞাসা করুন।”

উকীল বলিলেন, “আপনার নাম, জর্জ?”

“আজ্ঞা হ্যাঁ।”

“আপনার বক্তব্য বলুন।”

“মহাশয় অগ্রে আপনার উদ্দেশ্যটা কি, অমোকে বলুন, তবে ত বুঝিতে পারিব।”

“পুরস্কারের কথা বলিতেছেন?”

“সব বিষয়েই বলিতেছি।”

ব্যবহারাজীব বলিলেন, “আমার ধারণা ছিল, স্মলউইড আপনাকে সকল কথা স্পষ্ট করিয়া বলিয়াছে। কাপ্তেন

হুডনের সঙ্গে আপনার বন্ধু ছিল। তাঁর অস্থির সময় আপনি তাঁহার সেবাও করিয়াছিলেন, কেমন নয় কি ?”

জর্জ বলিলেন, “আজ্ঞে হ্যাঁ, মহাশয়।”

“তাহা হইলে আপনার কাছে তাঁহার লেখা কোন না কোন কাগজ আছে নিশ্চয়। আমি সেই লেখার সহিত আমার কাছে যে হস্তাক্ষর আছে, তাহা মিলাইয়া লইতে চাই। সে জন্ম আপনাকে তিন, চারি অথবা পাঁচখানা গিনি আমি দিতে পারি। এ পুরস্কারটা নিতান্ত কম নহে।”

স্মলউইড্ বলিল, “নিশ্চয়ই নয়, কি বলেন, মিঃ জর্জ ?”

“যদি টাকাটা অল্প বলিয়া মনে করেন, তবে কি হইলে আপনি রাজি হইবেন, তাহা বলুন।”

মিঃ জর্জ সমানভাবে স্থির হইয়া বসিয়া রহিলেন। একটি কথাও তাঁহার মুখ হইতে উচ্চারিত হইল না।

মিঃ টল্কিংহরণ বলিলেন, “এখন বলুন, কোন কাগজ আপনার কাছে আছে কি না ? আর থাকিলে আপনি তাহা আমাকে দিবেন কি না ? তার পর লেখাটা মিলাইয়া দেখিয়া আপনি বলিতে রাজি আছেন কি না যে, ছই লেখা একই রকমের।”

জর্জ প্রশংসিত গুনিয়া বলিলেন, “মহাশয়, আমাকে মাপ করিবেন। এ ব্যাপারে আমি নাই।”

“কেন ?”

জর্জ বলিলেন, “দেখুন, আমি ব্যবসাদারী বুঝি না। ওটা আমার ধাতে সহ্য না। আপনি খোলসা করিয়া বলুন দেখি, কাপ্তেনের হাতের লেখা আপনি কেন মিলাইয়া দেখিতে চাহেন ?”

ব্যবহারাজীব গম্ভীরভাবে বলিলেন, “কারণটা আপনাকে খুলিয়া বলিতে পারিব না। অবশ্য ব্যাপারটা বিশেষ গুহ্য নহে, তবে আমাদের ব্যবসাই এই যে, কাহারও বিষয় অন্নের নিকট আমরা প্রকাশ করি না। আপনি যদি মনে করেন, কাপ্তেন হুডনের ইহাতে কিছু অনিষ্ট হইবে, তবে এইটুকু আপনাকে বলিতে পারি, সে সব কোনও আশঙ্কার সম্ভাবনা নাই।”

“কাপ্তেন ত ইহজগতে নাই, মহাশয়। সে কথা আমি বলিতেছি না।”

টল্কিংহরণ বলিলেন, “তাই না কি ?”

জর্জ বলিলেন, “দেখুন, আমি ব্যাপারটা বুঝিতে পারিতেছি না। এ সকল বিষয়ে আমার মাথা খেলে না। আমার এক বন্ধুকে এ সকল বিষয়ে জিজ্ঞাসা না করিয়া আমি আপনাকে শেষ জবাব দিতে পারিতেছি না। স্মলউইড্, তুমি এখন বাড়ী যাইবে ?”

“একটু অপেক্ষা করুন। আমি উকীল মহাশয়ের সহিত একটা কথা বলিয়া লই।”

জর্জ গৃহের অপর প্রান্তে সরিয়া গেলেন।

স্মলউইড্ অক্ষুণ্ণে বলিল, “মহাশয়, লোকটা বড়ই

বেয়াড়া। ওর বুকের পকেটে কাগজগুলি আছে। আপনি জোর করিয়া কাড়িয়া লইবার চেষ্টা করুন। সহজেই কার্য-সিদ্ধি হয়ে যাবে।”

উকীল বলিলেন, “না, না, বলপ্রকাশটা সম্ভব নয়।”

“না, না, তা, সে কথা আমি বলছি না। আচ্ছা, ও যদি সহজে না দেয়, আমার হাতে এমন কল আছে যে, তা টিপলেই বাহাদনকে কারদায় পড়তে হবে। যাহু তখন কি করেন, দেখা যাবে।” প্রকাশে জর্জকে ডাকিয়া স্মলউইড্ বলিল, “মিঃ জর্জ, চলুন, আমার নীচে নিয়ে চলুন, আমি যাচ্ছি।”

জর্জ স্মলউইড্কে নীচে নামাইয়া দিয়া গন্তব্য পথে একা চলিলেন। তাঁহার বন্ধু মিঃ ব্যাগ্‌নেটের সহিত তিনি দেখা করিতে চলিলেন। এই বন্ধুর পরামর্শমতই তিনি সকল কার্য করিয়া থাকেন।

একটি ছোট-খাট বাণ্যবস্ত্রের দোকানে তিনি আসিয়া দাঁড়াইলেন। বন্ধুপত্নী শ্রীমতী ব্যাগ্‌নেট দোকানে কাজ করিতেছিলেন। জর্জকে দেখিয়া রমণী সাদরে তাঁহার অভ্যর্থনা করিলেন।

কিয়ৎকাল পরে মিঃ ব্যাগ্‌নেট সপুত্র কক্ষমধ্যে প্রবেশ করিলেন। জর্জ বলিলেন, “ভাই, তোমার কাছে আমার কিছু বক্তব্য আছে, তোমার পরামর্শ চাই।”

গৃহকর্তা বলিলেন, “আগে খাওয়া-দাওয়া কর, তার পর কাজের কথা হইবে।”

আহার-শেষে জর্জ বন্ধু ও বন্ধুপত্নীর নিকট সকল কথা প্রকাশ করিয়া বলিলেন। বন্ধু, পত্নীর সহিত পরামর্শ করিয়া বলিলেন যে, অন্ধকারে থাকিয়া কোনও কাজ করা ভদ্র-লোকের কর্তব্য নহে। সুতরাং, জর্জ কখনই কোনও পত্র অথবা হাতের লেখা উকীলকে দিতে পারেন না। জর্জেরও মন তাহাই বলিতেছিল। এখন তিনি নিশ্চিত হইলেন।

সন্ধ্যার সময় তিনি বন্ধুগৃহ ত্যাগ করিয়া টল্কিংহরণকে আপনার বক্তব্য প্রকাশ করিবার জন্ম চলিলেন।

বাড়ীর কাছে আসিয়া তিনি সিঁড়ি বাহিয়া উপরে উঠিলেন। কিন্তু উকীলের বহির্দ্বারের কক্ষদ্বার রুদ্ধ দেখিয়া তিনি অল্প দরজার সন্ধান করিতেছেন, এমন সময় মিঃ টল্কিংহরণ সোপান বাহিয়া তাঁহার পশ্চাতে আসিয়া দাঁড়াইলেন এবং ক্রুদ্ধকণ্ঠে বলিলেন, “কে তুমি ? কি কচ্ছ ওখানে ?”

জর্জ বলিলেন, “আমি জর্জ।”

“আমার ঘরের দরজা বন্ধ, সেটা দেখিতে পাও নাই কি ?”

“না, মহাশয়, সেটা সত্যি আমি বুঝিতে পারি নাই।”

“তোমার মতের পরিবর্তন হইয়াছে কি ? না সেই মতই প্রবল আছে ?”

“পরিবর্তন হয় নাই।”

“আমিও তাহাই ভাবিয়াছিলাম। আচ্ছা, তুমি যাইতে



মিঃ রাউন্সওয়েল মুখমণ্ডল এবার আরক্তিম হইয়া উঠিল। তিনি বলিলেন, “গ্রাম্য বিদ্যালয়ে যে শিক্ষা পাওয়া যায়, আমার ভাবী পুত্রবধুর পক্ষে হয় ত তাহা পর্যাপ্ত না হইতে পারে।”

শ্রীর লিষ্টার আর ধৈর্য্য ধারণ করিতে পারিলেন না। তিনি বলিয়া উঠিলেন, “মিঃ রাউন্সওয়েল, শিক্ষা ও কর্তব্য সম্বন্ধে আপনার ও আমার মতের যথেষ্ট পার্থক্য বিদ্যমান। সুতরাং সে বিষয়ের আলোচনা কাহারও পক্ষে প্রীতিপ্রদ হইবে না। আমার পত্নী এই যুবতীকে নিজের কাছে রাখিয়া যথেষ্ট অনুগ্রহের পরিচয় দিয়াছেন। সেই যুবতী যদি লেডীর সংস্রব ত্যাগ করিয়া অন্তর যাইতে চাহে, তাহাতে আমার বিন্দুমাত্র আপত্তি নাই। আপনার সরল কথায় আমি অত্যন্ত বাধিত হইয়াছি। আমরা কোন সর্ভ করিতে রাজি নহি। সুতরাং এ সম্বন্ধে অধিক আলোচনা না হইলেই সুখী হইব।”

আগন্তুক লেডী মহোদয়ার বক্তব্য শুনিবার জন্ত ক্ষণমাত্র বিলম্ব করিলেন। কিন্তু তিনি কোন উচ্চবাচ্যই করিলেন না। তখন মিঃ রাউন্সওয়েল আসন ত্যাগ করিয়া বলিলেন, “আপনারা এতক্ষণ দয়া করিয়া আমার বক্তব্যে যে কর্ণপাত করিয়াছেন, সেজন্ত আমি আপনাদিগকে ধন্যবাদ জ্ঞাপন করিতেছি। আমি পুত্রকে বিশেষ করিয়া উপদেশ দিব যে, সে যেন তাহার হৃদয়কে বর্তমানে সংযত করিতে শিখে। আচ্ছা, তবে এখন আসি, নমস্কার!”

শ্রীর লিষ্টার ও লেডী ডেডলক তাঁহাকে রাত্ৰিকালে আহ্বারের জন্ত নিমন্ত্রণ করিলেন। কিন্তু প্রাতঃকালে অন্তর বিশেষ কার্য আছে বলিয়া মিঃ রাউন্সওয়েল সবিনয়ে সে নিমন্ত্রণ প্রত্যাখ্যান করিলেন।

তিনি বিদায় লইলে, লেডী মহোদয়া আপনার কক্ষাভিমুখে অগ্রসর হইলেন। একটি কক্ষমধ্যে রোজা বসিয়া বসিয়া কি লিখিতেছিল। লেডী তাহাকে ডাকিয়া বলিলেন, “বাছা, আমার কাছে এস, সত্যই কি তুমি প্রেমে পড়িয়াছ?”

সুন্দরী লজ্জানত নেত্রে ভূমিতলে দৃষ্টি নিবদ্ধ করিল।

“পাত্রটি কে? রাউন্সওয়েলের পৌত্র বৃদ্ধি?”

“হ্যাঁ, রাণীমা। কিন্তু আমি এখনও ঠিক বৃদ্ধিতে পারিতেছি না, আমি তাহাকে ভালবাসি কি না?”

“আঃ পাগলী! সে তোমাকে ভালবাসে, তা জান?”

“সে আমাকে বোধ হয় পছন্দ করে, রাণীমা!” বলিয়াই যুবতী সহসা কাঁদিয়া ফেলিল।

“শোনো বাছা, তোমার বরষ অল্প, তুমি অভিনয় শেখ নাই। আমাকে তুমি ভালবাস বোধ হয়।”

“হ্যাঁ, রাণীমা, আমি আপনাকে প্রাণ দিয়ে ভালবাসি। কত ভালবাসি, তা কথায় প্রকাশ করা আমার সাধ্যাতীত।”

“আচ্ছা রোজা, প্রেমাস্পদের খাতিরে তুমি এখনই আমায় ছাড়িয়া যাইতে চাহ কি?”

“না, রাণীমা, কখনই নয়!”

“বাছা, সত্য করিয়া বল, কিছু গোপন করিও না। তোমার কোন ভয় নাই। আমি তোমাকে সুখী দেখিতে চাই, করিবও তাহা। যদি পৃথিবীতে কাহাকেও সুখী করা আমার অদৃষ্টে থাকে, তবে তোমাকে আমি সুখী করিব।”

রোজার নয়নযুগল বাহিয়া দরদরধারে অশ্রু গড়াইতে লাগিল। নতজানু হইয়া সে রাণীর করপল্লব চুম্বন করিল। লেডী মহোদয়া যুবতীর করপল্লব আপনার উভয় হস্তে চাপিয়া ধরিলেন। তার পর অগ্নিকুণ্ডের দিকে চাহিয়া তাহার হস্ত ত্যাগ করিলেন। তাঁহাকে অশ্রুমনস্ক দেখিয়া রোজা সে কক্ষ ত্যাগ করিল। লেডীর দৃষ্টি তখনও প্রজ্বলিত অগ্নিকুণ্ডে নিবদ্ধ।

তিনি কি খুঁজিতেছিলেন? কি দেখিতেছিলেন? যে করপল্লব ইহজগৎ হইতে অন্তর্হিত হইয়াছে অথবা যাহার অস্তিত্ব পৃথিবীতে কখনও ছিল না, কিংবা যে স্পর্শ ইন্দ্র-জালের দ্বারা তাঁহার জীবনকে রূপান্তরিত করিয়া দিয়াছে, এমনই কোন বিষয় তিনি ভাবিতেছিলেন কি? কিংবা অদূরবর্তী ছাদ—যেখানে ভূতের পদধ্বনি শোনা যায়—সেই ছাদে কোনও পদশব্দ শুনিতে পাইয়াছিলেন? সে পদধ্বনি কি কোনও পুরুষের অথবা কোনও রমণীর? না, কোন শিশুর ক্ষুদ্র পদের অক্ষুটধ্বনি ক্রমেই নিকটে সরিয়া আসিতেছিল? নিশ্চয়ই কোনও মহৎ দ্রুৎ এই নারীকে অভিভূত করিয়াছিল; নহিলে রুদ্ধহার কক্ষমধ্যে এমন গর্জিতা নারী এমন মোহাবিষ্ট হইয়া থাকিবেন কেন?

২৯

শ্রীর লিষ্টার সপরিবারে লণ্ডনের প্রাসাদে আসিয়াছিলেন। এ সময়টা তিনি সহরেই থাকিতেন।

টল্কিংহরণ কাজকর্ম উপলক্ষে সর্বদাই আসিতেন। লেডীর সঙ্গে প্রায়ই দেখা হইত। বাহিরে পরস্পর পরস্পরের প্রতি বিশেষ উদাসীন প্রকাশ করিতেন; কিন্তু মনে মনে লেডী যে ব্যবহারাজীবকে একটু ভয়ের দৃষ্টিতে দেখিতেন, সেটা মিথ্যা নহে এবং মিঃ টল্কিংহরণও তাহা জানিতেন।

সে দিন শ্রীর লিষ্টার ও লেডী ডেডলক কক্ষমধ্যে উপবিষ্ট, এমন সময় পরিচারক মার্কারী তথায় আসিয়া বলিল, “রাণীমা, গুপী নামক এক ব্যক্তি আপনার সহিত দেখা করিতে চান।”

রাণী বলিলেন, “তাঁহাকে একটু অপেক্ষা করিতে বল।”

শ্রীর লিষ্টার বলিলেন, “সেটা ঠিক হয় না। আমি বরং যাইতেছি, তাহার সহিত তোমার যে কাজ আছে, সারিয়া লও।”

শ্রীর লিষ্টার সে কক্ষ ত্যাগ করিলেন।

গুপী কক্ষমধ্যে প্রবেশ করিলেন। লেডী তাঁহার আগমনের কারণ জিজ্ঞাসা করিলেন।

গুপী একটু বিরতভাবে বলিলেন, “আপনার সহিত আমার কিছু কথা আছে, যদি দয়া করিয়া শোনেন।”

“আপনিই ত সেই লোক। যিনি পুনঃ পুনঃ আমায় চিঠি লিখিয়াছিলেন?”

“আজ্ঞা হ্যাঁ, আমিই সেই ব্যক্তি।”

“দেখুন, আপনার দুঃসাহস অধিক। আপনার কথা আমি শুনিতে রাজী আছি। কিন্তু যদি আপনার বক্তব্যের সহিত আমার কোন সংস্রব না থাকে—থাকিবার কোনই সম্ভাবনা নাই—তাহা হইলে আমি আপনাকে তৎক্ষণাৎ বিদায় করিয়া দিব। এখন যাহা বলিবার আছে, বলুন।”

লেডী একখানি পাখা লইয়া গুপীর দিকে প্রায় পৃষ্ঠ রাখিয়া বসিলেন।

গুপী প্রথমে আত্মপরিচয় দিয়া বলিলেন, তিনি কেন্জি ও কারবয় কোম্পানীতে ব্যবহারাজীবের কার্য্য শিখিতেছেন। তার পর বলিলেন, “আপনি মিস্ ইস্তার সমার্সন নামী কোনও যুবতীকে চেনেন?”

লেডী পূর্ণদৃষ্টিতে গুপীর দিকে চাহিয়া বলিলেন, “গত হেমন্তকালে, সে দিন আমি একটি যুবতীকে দেখিয়াছি বটে; তাহার নাম ইস্তার সমার্সন।”

অতঃপরে মুখ ফিরাইয়া গুপী বলিলেন, “আজ্ঞা, তাহাকে দেখিতে কাহার মত বলিয়া আপনার মনে হয়?”

“তাহা ত বলিতে পারি না।”

“আপনার বংশের কাহারও আকৃতির সহিত সাদৃশ্য নাই কি?”

“না।”

গুপী বলিলেন, “বোধ হয়, মিস্ সমার্সনের চেহারা আপনার মনে নাই!”

“না, বেশ মনে আছে। কিন্তু তাহার সহিত এ বিষয়ের সম্পর্ক কি?”

“বলিতেছি, শুনুন। মিস্ সমার্সনকে আমি প্রথম যখন দেখি, তখনই আমার বুকের মধ্যে সে ছবি অঙ্কিত হইয়াছিল। কিছুদিন পূর্বে ঘটনাক্রমে আমি আপনাদের চেম্বিন্ড প্রাসাদে গিয়াছিলাম। তথায় আপনার একখানি তৈলচিত্র দেখিয়া মিস্ সমার্সনের সহিত আপনার আকৃতির সাদৃশ্য দেখিয়াছি। তাহাতে আমার ধারণা আরও দৃঢ় হইয়াছে।”

লেডী বিরক্তভাবে বলিলেন যে, তাহাতে গুপী কি বলিতে চাহেন।

“ক্রমে আমার বক্তব্য সব বলিতেছি। মিস্ সমার্সনের জন্ম ও তাঁহার লালন-পালন সম্বন্ধে একটা রহস্য আছে। আমি কেন্জির ওখানে আছি, সে জন্ম এ সকল সংবাদ আমার জানা আছে। অবশ্য তাহা অতি গোপনীয়। আমি আগেই বলিয়াছি যে, মিস্ সমার্সনের সৌন্দর্য্যে আমি মুগ্ধ। যদি

অনুসন্ধান প্রকাশ পায় যে, আপনার দূরসম্পর্কীয় কোন আত্মীয়ের সহিত মিস্ সমার্সনের সম্পর্ক আছে, তাহা হইলে জারনুডিসের মোকদ্দমায় তাঁহাকে একজন দাবীদার বলিয়া খাড়া করা যাইতে পারে। তার পর তাঁহার উপর আমার একটা দাবীও হইতে পারে। আমি তাঁহার নিকট বিবাহের প্রস্তাব করিয়াছিলাম, তিনি আমাকে প্রত্যাখ্যান করিয়াছেন। কিন্তু যদি রহস্যভেদ করিতে পারি, তখন তিনি আমাকে উপেক্ষা করিতে পারিবেন না।”

লেডীর মুখমণ্ডলে সহসা ক্রোধের একটা অগ্নিশিখা ঘন জলিয়া উঠিল।

গুপী বলিলেন, “যে রমণী মিস্ সমার্সনকে মানুষ করিয়াছিল, সেই পরিচারিকার সহিতও আমার ঘটনাক্রমে আলাপ-পরিচয় হইয়াছে। মিস্ জারনুডিস্ মিস্ সমার্সনের ভার গ্রহণের পূর্বে বালিকাবস্থায় তিনি যাহার কাছে লালিত-পালিত হইয়াছিলেন, সেই রমণীর নাম মিস্ বারবেরী।”

মুহূর্ত্তমাত্র লেডীর মুখের রেখা পরিবর্তিত হইল। কিন্তু তাহা অতি অল্পকালস্থায়ী।

গুপী বলিলেন, “আপনি কি লেডী বারবেরীকে চেনেন? কখনও তাঁহার নাম শুনিয়াছিলেন?”

“ঠিক বলিতে পারি না। বোধ হয় যেন শুনিয়াছি।”

“মিস্ বারবেরীর সহিত আপনাদের বংশের কাহারও কোন সংস্রব ছিল কি?”

লেডী মস্তক সঞ্চালন করিলেন।

“কোন সম্বন্ধ নাই? ও! আপনি জানেন না, তাই বোধ হয়। হয় ত সম্বন্ধ থাকিতেও পারে? তাই বলুন।—যাক, এই মিস্ বারবেরী কাহারও সহিত বড় একটা কথাবার্তা বলিতেন না। তাঁহার যে ক্রিসংসারে কোন আত্মীয়-স্বজন আছে, এমন কথা কাহাকেও জানিতে দিতেন না। শুধু একবার তাঁহার পরিচারিকার কাছে তিনি বলিয়া ফেলিয়াছিলেন যে, বালিকার আসল নাম ইস্তার সমার্সন নহে, ইস্তার হডন।”

“হা ভগবান!”

গুপী একদৃষ্টে চাহিলেন। নিমেষমধ্যে লেডী আত্ম-সংবরণ করিলেন। গুপী বলিলেন, “ও নাম কি আপনার জানা?”

“হ্যাঁ, পূর্বে শুনিয়াছি।”

“আপনার দূরসম্পর্কীয় কোন আত্মীয় হইবেন কি?”

“না।”

“তার পর আমার অনুসন্ধানের শেষ ফল আপনাকে বলিতেছি। চ্যান্সারি লেনে একটি ভদ্রলোক—অজ্ঞাতনামা লেখক মোকদ্দমার কাগজ-পত্র নকল করিয়া জীবিকার্জন করিতেন। ছুখে-কণ্ঠে সেই ভদ্রলোকটির একদিন যৃত্যু ঘটে। লোকটির নাম তখন জানা যায় নাই বটে; কিন্তু আমি আবিষ্কার করিয়াছি। তাঁহার নাম হডন।”



“আমাকে সে কথা শুনাইয়া লাভ ?”

“বলিতেছি, শুনুন। লোকটির মৃত্যুর পর একটি ছদ্ম-বেশধারিণী লেডী তাহার অন্তঃস্থানে হঠাৎ রক্তক্ষেত্রে আবির্ভূতা হন। ঘটনাস্থল—এমন কি, সমাধিক্ষেত্র পর্য্যন্ত তিনি দেখিয়া আসিয়াছেন। ঝাড়ুদার একটি বালক তাঁহাকে সে সকল স্থান দেখাইয়াছিল। যদি প্রয়োজন হয়, সে বালককে আমি আপনার সম্মুখে লইয়া আসিতে পারি।”

লেডীর তাহাকে কোন প্রয়োজন নাই।

গুপী বলিলেন, “বালকটি সেই মহিলার হাতের দ্যুতিময় হীরকাসুরীয় প্রভৃতিও লক্ষ্য করিয়াছিল। দস্তানা তিনি যখন খুলিয়া ফেলেন, সেই সময় বালক তাহা দেখিয়াছিল। ঠিক যেন উপত্যাসের মত, নয় কি ?”

লেডী তখন আলম্বরে পাখা নাড়িতেছিলেন। তাঁহার হাতের হীরকাসুরীয়গুলিও উজ্জ্বল দীপ্তি দান করিতেছিল।

“মরিবার সময় তিনি এমন কোন বস্ত্র পর্য্যন্ত রাখিয়া যান নাই, যদ্বারা তাঁহাকে সনাক্ত করা যায়। কিন্তু তিনি এক তাড়া চিঠি রাখিয়া গিয়াছেন।”

লেডী মুহূর্তের জ্ঞও তাঁহার দৃষ্টি গুপীর উপর হইতে অপসৃত করেন নাই।

“সে পত্রগুলি তখনই লুকাইয়া ফেলা হইয়াছিল। আগামী কল্য রাত্রিকালে পত্রের তাড়া আমার হস্তগত হইবে।”

“আপনি এ সকল কথা আমায় শুনাইতেছেন কেন ? ইহার সহিত আমার কোনই সংস্রব নাই।”

গুপী বলিলেন, “ব্যাপারটা আপনি ভাল করিয়া তলাইয়া দেখিবেন। মিস্ সমারসনের প্রকৃত নাম মিস্ হডন, তাঁহার সহিত আপনার আকৃতির অসাধারণ সামঞ্জস্যও আছে। তাহা ছাড়া, দুইটি নামই আপনার পরিচিত। একরূপ ক্ষেত্রে, পত্রগুলি পাইলে যদি আপনার কোন কাজে লাগে, তাহা হইলে বলুন, আমি সেগুলি লইয়া আসি। তবে মনে রাখিবেন, ব্যাপারটা অত্যন্ত গোপনীয়।”

লেডী বলিলেন, “আচ্ছা, আপনি অমুগ্রহ করিয়া পত্রগুলি লইয়া আসিবেন।”

তাঁহার সম্মুখে একটি সুদৃশ্য হাতবাক্স ছিল। লেডী তাঁহার ডালা মুক্ত করিলেন। গুপী বলিলেন, “ওরূপ কোন মতলব করিয়া আমি আপনার কাছে আসি নাই, মাপ করিবেন।”

যুবক অভিবাদনাস্তর বিদায় গ্রহণ করিল।

শ্রীর লিথার তখন পুস্তকাগারে বসিয়া কাগজ পাড়িতে পাড়িতে চুলিতেছিলেন। তাঁহাকে চমকিত—বিচলিত করিবার মত কিছুই কি ছিল না ? ছিল, কিন্তু তাহা শুধু বায়ুর হিলোল, বিকোভ মাত্র। তাহাও আবার রুদ্ধগৃহের অভ্যন্তরে।

শব্দই বল, দীর্ঘশ্বাসই বল, আর হৃদয়ভেদী আর্ত

চীৎকারই বল, সবই শূন্য—বায়বীর পদার্থ। মধ্যমধ্যে তাহাদের আন্দোলন চলিলেও শ্রীর কণ্ঠে তাহার ক্ষীণ প্রতিধ্বনি কি পৌঁছিতে পারিত। নতজানু রমণীর বুকফাটা ক্রন্দন কাজেই কক্ষের কাছেরে প্রকাশ পাইল না।

“মা আমার ! মা আমার ! জীবনের প্রথমেই তাহা হইলে তোমার পরিসমাপ্তি হয় নাই ! পাষণ্ডহৃদয়া ভগিনী তাহা হইলে আমার মিথ্যা কথা বলিয়াছিল ! অথচ সেই তাহাকে কঠোরভাবে প্রতিপালন করিয়াছিল ! আমার পরিচয়—আজ তাহার পরিচয় নহে, আজ সে আমার কাছে পরিত্যক্ত ! মা আমার ! প্রাণাধিকা কণ্ঠে আমার !”

৩০

রিচার্ড চলিয়া যাইবার কিছুকাল পরে এক ঘোঁসী বিধবা আমাদের বাড়ীতে অতিথিস্বরূপ আসিলেন। তিনি শ্রীমতী উড্‌কোর্ট, প্রবাসী ডাক্তারের জননী। মিস্ হডন ডিম্ তাঁহাকে শ্রীমতী ব্যাজারের বাড়ী হইতে নিমন্ত্রণ আনিয়াছিলেন।

বৃদ্ধা লোক মন্দ নহেন। কিন্তু আমার সহিতই তিনি ঘনিষ্ঠতা আরম্ভ করিলেন। এতটা ঘনিষ্ঠতা বয়সান্ত কালের আমার পক্ষে যেন কঠিন হইয়া উঠিল। সময় পাইলেই তিনি আমার কাছে বসিয়া তাঁহার পুত্রের প্রসঙ্গ উত্থাপন করিতেন। নিজের আভিজাত্য সম্বন্ধে নানা কাহিনীর উল্লেখ করিতেন। তাঁহার পুত্র যে বংশমর্যাদা বিস্মৃত হইয়া আদর্শ পাত্রীকে পত্নীস্বরূপ কখনই গ্রহণ করিবেন না, সে কথা আমার জানাইতেন। অথচ সে সকল কথা জানাইয়া উত্থাপন যে কোন লাভ আছে, তাহা আমি বুঝিতাম না।

এক দিন বৃদ্ধা আমাকে বলিলেন, “তোমার অদৃষ্টে বহু সুখভোগ আছে।”

আমি বলিলাম, “আপনি কি দৈবজ্ঞ ?”

“দেখ, আমি বলিয়া রাখিতেছি, তোমার খুব বড়-বরে বিবাহ হইবে। ভারী ধনবান, কিন্তু বয়সে তোমার অপেক্ষা পঁচিশ বৎসরের তিনি বড় হইবেন। তুমি চমৎকার পত্নী হইবে। তোমার স্বামী তোমাকে প্রাণ দিয়া ভালবাসিবেন।”

আমি বলিলাম, “আপনি যে চিত্র আঁকিতেছেন, তাহা খুব সুখের। কিন্তু আমার অদৃষ্টে যে তাহা ঘটিবে, তাহা আপনি জানিলেন কিরূপে ?”

“তার কারণ আছে, মা লক্ষ্মি ! তুমি কাজকর্মে সুনিপুণা, পরিষ্কার-পরিচ্ছন্ন। তা ছাড়া, তোমার অবস্থাটিও ত ভাবিয়া দেখিতে হইবে। সেই জন্মই মনে হয়, আমি যে ভবিষ্যবাণী করিয়াছি, সেই রকমই ঘর ও বর তোমার হইবে ! সেরূপ বিবাহ ঘটিলে আমিই সর্বাগ্রে তোমায় অভিনন্দন করিব।”

বাস্তবিক সে রাত্রিতে আমার ভাল নিদ্রা হয় নাই। মনটা একটু বিচলিতও হইয়াছিল।

কয়েক দিন পরে শ্রীমতী উড্‌কোর্ট বিদায় লইলেন। তাঁহাকে বিদায় দিয়া মনে একটা অভাবও যেমন অনুভব করিলাম, তেমনই খানিকটা আরামের নিশ্বাস ফেলিয়াও বাঁচিলাম।

তাঁহার প্রস্থানের পর ক্যাডি জেলিবি আসিয়া উপস্থিত হইল। সে জানাইল, এক মাসের মধ্যেই তাহার বিবাহ হইবে।

তাহারই মুখে শুনিলাম, তাহার পিতা দেউলিয়া হইয়া গিয়াছেন। গল্প করিতে করিতে ক্যাডি জানাইল যে, তাহার পিতা তাহাকে বলিয়াছেন যে, গৃহস্থালীর কর্মে পটু না হইয়া যদি সে বিবাহ করে, তবে তাহার মহাপাপ হইবে। বরং প্রণয়পাত্রকে স্বহস্তে হত্যা করাও তাহার তুলনায় ভাল।

আমি বলিলাম, “তোমার মা জানেন, তোমার বিবাহের দিন কবে?”

“ইহার, তুমি ত জান ভাই, আমার মা কেমন মেয়ে-মানুষ! বছর তাঁহাকে সে কথা জানাইয়াছি। কিন্তু তিনি পরার্থে জীবন দিয়াছেন, তাঁহার কাণে কি মেয়ের সুখ-দুঃখের কথা প্রবেশ করে?”

ক্যাডিকে আমি গৃহস্থালী সম্বন্ধে নানা উপদেশ দিতে লাগিলাম। তাহার বেকরূপ আগ্রহ, তাহাতে সে স্বল্পায়াসেই অনেক বিষয় আয়ত্ত করিয়া ফেলিয়াছিল।

আমরা লগুনে গেলাম। কর্তা ক্যাডির জন্ম আমাকে দ্রব্যাদি কিনিয়া দিবার ইচ্ছিত করিয়াছিলেন। আমি তাহার বাক্স-তোরঙ্গ সব প্রয়োজনীয় পরিচ্ছদাদিতে পূর্ণ করিয়া দিলাম।

বিবাহের পূর্বদিবস আমি ও ক্যাডি তাহার পিতার সহিত সাক্ষাৎ করিতে গেলাম। ক্যাডির হৃদয় পিতৃস্নেহে পূর্ণ। সে আমায় বলিল, “ইহার, বাবাকে এ সময়ে ছাড়িয়া যাইতে ইচ্ছা নাই। কে তাঁহার দেখাশুনা করিবে! মা ত তাঁর কোন খোঁজ-খবরই লন না। বাবার জীবনটা কি ব্যর্থ!”

মিঃ জেলিবি প্রাচীরের দিকে মুখ করিয়া বসিয়াছিলেন। তিনি ডাকিলেন, “মা, ক্যাডি!”

ক্যাডি তাঁহার ক্রোড়ে মাথা রাখিয়া বলিল, “কি বাবা!”

“মা, জীবনে কখনও কোনও ‘মিশনে’র কাজ লইও না!” একটিমাত্র কথায় তাঁহার হৃদয়টা দর্পণের মত দেখিতে পাইলাম। কোথায় তাঁহার ব্যথা, তাহাও বুঝিলাম।

পরদিবস ষথাসময়ে বিবাহ হইয়া গেল। বিবাহ-ভোজের পর বিদায়ের পালা আসিল। ক্যাডি তাহার স্বামীর সহিত বাস করিতে যাইবে।

ক্যাডি তাহার মাতাকে বলিল, “মা, তুমি আমার উপর রাগ কর নাই? যাইবার পূর্বে একবার সে কথাটা আমায় বল।”

“কি ছেলেমানুষ তুমি, ক্যাডি! আমার কি রাগ করিবার অবকাশ আছে?”

“আমি চলিয়া গেলে, বাবাকে একটু যত্ন করিও, মা!”

মা একটু হাসিলেন। তার পর বলিলেন, “মেয়ে আমার ভারী কল্পনাশ্রিয়, তুমি স্বচ্ছন্দে এস। সুখী হও।”

ক্যাডি তৎপরে তাহার পিতার নিকট হইতে বিদায় লইল। মিঃ জেলিবি রুমাল হাতে লইয়া প্রাচীরের দিকে মুখ ফিরাইয়া লইলেন। গৃহপ্রাচীর যেন তাঁহাকে সাধনা দান করিতেছিল।

মিঃ টেরভিডুপের নিকট তাঁহার পুত্রও বিদায় লইলেন। প্রিন্স বলিলেন, “বাবা, এক সপ্তাহ পরে আমরা আপনার কাছে ফিরিয়া আসিব।”

পিতা বলিলেন, “হ্যাঁ, বাবা, ঠিক সেই দিন আমি তোমাদের প্রতীক্ষা করিব। দেখিও, আমার ভুলিও না।”

ক্যাডি ও প্রিন্স সম্মুখে বলিল, “কখনই না।”

গাড়ী চড়িয়া সম্পতি বিদায় লইল।

সকলে চলিয়া গেলে আমি কর্তাকে বলিলাম, “এ বিবাহ সুখের হইবে বলিয়া আমার বিশ্বাস।”

“আমারও তাহাই ধারণা। দেখা যাক।”

তার পর আমরা ব্লিক্ হাউসে প্রত্যাবর্তন করিলাম।

৩১

গৃহে ফিরিয়া আসিবার পর এক দিন আমার ঘরে প্রবেশ করিয়া দেখিলাম, শার্লি তাহার নিয়মিত হাতের লেখা পাকাইতেছে। সে আমার নির্দেশমত প্রত্যহ কয়েক ঘণ্টা করিয়া লেখাপড়া লইয়া থাকিত।

শার্লি বলিল, “মিস্, জেনী নামী একটি গরীব স্ত্রীলোককে আপনি জানেন?”

“ইষ্টক-প্রস্তুতকারীর স্ত্রী ত?”

“হ্যাঁ, মিস্। সে আমাকে জিজ্ঞাসা করিতেছিল, আমি আপনার পরিচয় কি না।”

“সে এখনও এখানে আছে? আমার ধারণা ছিল, সে এ অঞ্চল ছাড়িয়া চলিয়া গিয়াছে।”

“তাই গিয়েছিল বটে। সে ও লিজ, আর একটি স্ত্রীলোক, তাকেও বোধ হয় আপনি চেনেন—আবার ফিরে এসেছে।”

“তোমার সঙ্গে কোথায় তাহার দেখা হইল?”

“ডাক্তারখানার কাছে, মিস্।”

আমি জিজ্ঞাসা করিলাম যে, জেনীর কোন অসুখ করিয়াছে কি না। শার্লি বলিল যে, না, তাহাদের কাহারও অসুখ করে নাই। সেণ্ট আলবানে আর কেহ আসিয়াছে। সে একটি বাগক, তাহার পিতামাতা, আত্মীয়স্বজন কেহ নাই।



“জেনী বুঝি সেই বালকের জন্মই ঔষধ লইতে আসিয়াছিল, শার্গি?”

“হাঁ, মিস্। জেনী বলিল যে, এই বালকটি এক দিন তাহাদের জন্ম ঔষধ আনিয়া দিয়াছিল।”

বালিকার আননে আগ্রহব্যঞ্জক দৃষ্টি দেখিয়া তাহার মনের ভাব বুঝিলাম। বলিলাম, “শার্গি, চল ত আমরা দুজনে গিয়ে ব্যাপারটা কি দেখে আসি।”

শার্গি তখনই প্রস্তুত। আমার প্রসাধন ক্ষিপ্ৰহস্তে সমাপ্ত করিয়া সে আমার সঙ্গে যাইবার জন্ম তৈয়ার হইল। উভয়ে রাজপথে নিষ্ক্রান্ত হইলাম।

সে রাত্রিতে ভীষণ শীত পড়িয়াছিল। বাতাসের বেগও অত্যন্ত প্রবল। সমস্ত দিন অবিশ্রান্ত ঝুটি হইয়া গিয়াছিল। আকাশ যদিও তখন আংশিকভাবে মেঘমুক্ত হইয়াছিল বটে, কিন্তু জ্বর্যোগের চিহ্ন সম্পূর্ণ বিলুপ্ত হয় নাই।

সে দিন শনিবার। আমরা পল্লীর যে প্রান্ত লক্ষ্য করিয়া চলিয়াছি, তত্রতা অধিবাসীরা সে দিন অল্পের সুরাপান করিতেছে, তাহা আমি জানিতাম। নির্দিষ্ট স্থলে পৌঁছিয়া দেখিলাম, পল্লী অপেক্ষাকৃত নির্জন।

জেনীর কুটার আমি চিনিলাম। উভয়ে কুটারদ্বারে আসিলাম। গৃহমধ্যে মুছ আলোক জ্বলিতেছিল। দ্বারে করাঘাত করিয়া আমরা ভিতরে প্রবেশ করিলাম।

একটি ক্ষুদ্র অগ্নিকুণ্ডে আগুন জ্বলিতেছিল। জেনী তাহার শয্যার উপর উপবিষ্ট। অদূরে একটি মলিনবসন, শীর্ণকায় বালক উপবিষ্ট। বালকের বগলে একটি শতছিদ্র মলিন টুপী।

অবগুণ্ঠন সরাইয়া লইয়া আমি কথা কহিলাম। বালকটি যেন চমকিয়া উঠিল। তাহার মুখে বিস্ময় ও ভয় যুগপৎ উদ্ভিত হইল।

বালকের ভাব-বৈলক্ষণ্য দেখিয়া আমি আর অগ্রসর হইতে পারিলাম না; থমকিয়া দাঁড়াইলাম।

সে বলিয়া উঠিল, “গোরস্থানের কাছে আমি আর যাব না। সেখানে আর কখনও যাচ্ছি না, তা আপনাকে বলছি।”

আমি অবগুণ্ঠন মুক্ত করিয়া জেনীর সহিত কথা কহিলাম। সে মুছ কণ্ঠে বলিল, “ম্যাদাম, ওর কথা ধরিবেন না। উহার জ্ঞান এখনই ফিরিয়া আসিবে।” বালককে লক্ষ্য করিয়া বলিল, “জো, জো, কি হয়েছে?”

বালক বলিল, “উনি কেন এসেছেন, তা আমি জানি।”

“কে? কার কথা বলছ?”

“ঐ মহিলা। উনি আমাকে গোরস্থানের কাছে ডেকে নিয়ে যাবার জন্ম এসেছেন। তা আমি যাচ্ছি না। ও নামটাই আমার ভাল লাগে না। উনি হয় ত আমাকে সেখানে নিয়ে গিয়ে গোর দিয়ে আসবেন।”

বালক কাঁদিতে লাগিল।

জেনী কোমল স্বরে বলিল, “সারাদিন ঐ রকম আবোল-তাবোল বক্ছে। ও কি! অমন ক’রে চাইছ কেন? জো, ইনি আমাদের লেডী।”

বালক সন্দ্বিষ্টনেত্রে আমার দিকে চাহিয়া বলিল, “তাই না কি? কিন্তু ওঁকে দেখে আমার আর এক জনের কথা মনে পড়ছে। সে রকম টুপী বা গাউন এঁর নেই বটে, কিন্তু চেহারা দেখে আর এক জনকে মনে পড়ছে।”

শার্গি এতক্ষণ চুপ করিয়া দাঁড়াইয়াছিল। এইবার সে বালকের নিকট সরিয়া গিয়া তাহাকে একখানি কাষ্ঠাসনে বসাইয়া দিল। তার পর গুণ্ঠনকারিণীর গায় তাহার ছিন্ন গাত্রাবরণ দ্বারা তাহার দেহ যথাসম্ভব আবৃত করিয়া দিল।

শার্গির দিকে চাহিয়া বালক বলিল, “শোন, তুমি সত্যি ক’রে বল দেখি, ইনি সেই লেডী কি না?”

শার্গি মস্তক হেলাইয়া বুঝাইয়া দিল যে, বালক আমাকে দেখিয়া যাহাকে ভাবিতেছে, আমি তিনি নই।

বালক অক্ষুণ্ণ স্বরে বলিল, “ও! তবে তিনি নন!”

আমি বলিলাম, “আমি তোমাকে দেখিতে আসিয়াছি। যদি তোমার কোন সুবিধা করিতে পারি, তাই আসিয়াছি। তোমার কি কষ্ট হইতেছে?”

ধরা-গলায় বালক বলিল, “আমি যেন শীতে জ’মে যাচ্ছি। আবার যেন সব শরীরটা জ্বলে যাচ্ছে। আবার জ’মে যাচ্ছি। এক ঘণ্টার মধ্যে এই রকম হচ্ছে। ঘুমে আমার মাথা যেন চ’লে পড়ছে। আমি যেন পাগল হয়ে যাব, এমনি বোধ হচ্ছে। সব শরীরে ব্যথা, হাড়গুলো যেন ভেঙ্গে যাচ্ছে।”

জেনীকে প্রশ্ন করিলাম, “বালকটি এখানে কখন আসিয়াছে?”

“আজ সকালে সহরের এক প্রান্তে ওকে আমি দেখতে পাই। লগুনে ওকে আমি আগে দেখেছিলাম। কেমন জো, তাই নয় কি?”

“হাঁ, টম্ অল্ এলেনের ওখানে।”

বালকটির দেহ ক্লাস্তিতরে টলিয়া টলিয়া পড়িতেছিল। তাহার কণ্ঠস্বর নিদ্রালসজ্জিত।

“লগুন থেকে কবে এসেছে, জান?”

বালক নিজেই উত্তর করিল, “কাল এসেছি। আমি চ’লে যাচ্ছি।”

“ও কোথায় যাইতেছে?”

এবারও বালক উত্তর দিল, “যে কোন জায়গায়। আমাকে ক্রমশই এগিয়ে যেতে হবে। যে লোকটা আমায় টাকা দিবেছিল, সে আমার তাই ব’লে দিয়েছে। শ্রীমতী স্বাগসবি, খালি আমাকে চৌকী দেবে, খালি আমার কাছ থেকে কথা বের ক’রে নিতে চায়। কেন, আমি তার কি করেছি? সবারই সেই চেষ্ঠা। আমার ঘুমোবারও ঘো নাই, সব সময় কেউ না কেউ এসে আমার খোঁচাবে। তাই আমি চলেছি। যেখানে হোক চ’লে যাব।”

বালক শার্লির দিকে চাহিয়াই বকিয়া চলিয়াছিল।

রমণীকে এক পার্শ্বে ডাকিয়া আমি বলিলাম, “বালকটিকে লইয়া কি করা যায়? এ অবস্থায় উহাকে পথে ছাড়িয়া দেওয়া যায় না।”

বালকটির দিকে করুণ-নেত্রে চাহিয়া জেনী বলিল, “কিছুই বুঝতে পাচ্ছি না, ঠাকরুণ। সারাদিন ওকে আমি এখানে রেখেছি। ঔষধ-পথ্যও দিয়েছি। অল্প কোথাও যদি ওকে রাখা যায়, সেই ব্যবস্থার জন্ত লিজ পাড়ায় গিয়েছে। রাত্রে ওকে ত এখানে স্থান দেওয়া সম্ভবপর হবে না। আমার স্বামী বাড়ী এসে যদি ওকে দেখতে পায়, তবে হয় ত একটা হাঙ্গামাও বাধাতে পারে, ঐ যে, লিজ ফিরে আসছে।”

লিজ আসিয়া জানাইল যে, বালকটির রাজিবাসের সে কোনও বন্দোবস্ত করিতে পারে নাই। কেহই আশ্রয় দিতে রাজি নয়। তখন আমি শার্লিকে বলিলাম যে, বালকটিকে নিরাশ্রয় অবস্থায় ফেলিয়া যাইতে আমার আদৌ ইচ্ছা নাই। এ সকল বিষয়ে শার্লি খুবই তৎপর। সে বালককে সঙ্গে আসিতে বলিল। তাহাকে লইয়া আমরা পথে বাহির হইলাম। আমি বালককে বলিলাম যে, আমাদের বাড়ীতে সে আশ্রয় পাইবে।

সে বলিল, “আমি আশ্রয় চাই না। ইটের পাজা বেশ গরম। তাহার অন্তরালে বেশ থাকা যাবে।”

শার্লি বলিল, “সেখানে থাকিলে মানুষ মারা যায়, তা জান?”

“মানুষ কোথায় মরে না? বাড়ীতেও ত মানুষ মরে। উনি জানেন, ঘরের মধ্যেও মানুষ ম’রে থাকে। আমি ওঁকে সে ঘর দেখিয়েছি। ‘টম্ অল্ এলেনে’র বাড়ীতেও অনেক লোক মরে, দেখেছি। বাঁচার চেয়ে বেশী লোকই মরে। আমি ত তাই দেখেছি।” বালক তার পর অশ্রুটস্বরে বলিল, “উনি যদি তিনি না হন, তবে কে? এ রকম কি তিন জন আছে?”

শার্লি আমার দিকে দ্রষ্টব্য ভীতভাবে চাহিল। আমারও কেমন আশঙ্কা হইতে লাগিল। বালকের অস্বাভাবিক দীপ্তি-বিশিষ্ট দৃষ্টি দর্শনে আমি অস্বাচ্ছন্দ্য অনুভব করিলাম।

কিন্তু আমার ইঙ্গিতানুসারে সে আমাদের সঙ্গেই আসিতে লাগিল। সোজা আমরা বাড়ীর দিকে চলিলাম।

বালকটিকে হস্তধরে রাখিয়া আমি কর্তাকে সংবাদ দিতে গেলাম। বালক একটা জানালার উপর উপবেশন করিল।

বাড়ীর সকলেই, মায় দাস-দাসী তথায় সমবেত হইল। মিঃ স্কিম্পোল কোনও সংবাদ না দিয়াই অপরাহ্নে ব্লিক হাউসে আসিয়াছিলেন। তিনিও আসিলেন।

কর্তা বালককে ছই একটি প্রশ্ন করিয়াই বলিলেন, “বড়ই শোচনীয় দৃশ্য! হারল্ড, তুমি কি বল?”

মিঃ স্কিম্পোল বলিলেন, “ওকে তুমি বিদায় করিয়া দাও।”

কঠোর স্বরে কর্তা বলিলেন, “তোমার কথার অর্থ কি?”

“প্রিয় হারল্ডিস, তুমি ত জান, আমি শিশুর মত সরল, অত শত বুঝি না। কিন্তু এ সকল বিষয়ে আমার ঘোর আপত্তি আছে। যখন আমি চিকিৎসা-ব্যবসায় করিতাম, তখন এ সকল ব্যাপারে সর্বদাই আমার ঘোরতর আপত্তি ছিল। ওকে গৃহে স্থান দান করা নিরাপদ হইবে না। উহার শরীরে একটা মারাত্মক ব্যাধি—জ্বর আছে।”

স্কিম্পোল এই কথা বলিয়া ড্রমিংরুমে প্রবেশ করিলেন।

আমাদের দিকে চাহিয়া তিনি বলিলেন, “আমার কথাটা বিশ্বাস কর। যদি তুমি ওকে রাস্তায় বাহির করিয়া দাও, তাহাতে উহার দুর্দশা বাড়িবে না। কারণ, ও পথে পথেই থাকে। তবে তুমি ওকে ইচ্ছামত অর্থ-সাহায্য করিতে পার। দু আনা, দু টাকা, দুশ টাকা ইচ্ছা দিতে পার। যাই কর না কেন, ওকে বিদায় করিয়া দাও।”

কর্তা বলিলেন, “আর ওর কি দশা হইবে? বালক কি করিবে?”

“তা জানি না। তবে যাহা হউক, একটা ব্যবস্থা করিয়া লইবে।”

ছই জনে তর্ক করিতে লাগিলেন। আমি বলিলাম, “ছেদোটর অবস্থা ক্রমেই খারাপ বলিয়া মনে হইতেছে।”

মিঃ স্কিম্পোল বলিলেন, “অবস্থা শোচনীয় হইবার পূর্বে উহাকে বাড়ীর বাহির করিয়া দাও। সেটাই যুক্তিসঙ্গত।”

এমনই প্রসঙ্গমুখে তিনি কথাটি বলিলেন যে, তাহা আমি এ জীবনে বিস্মৃত হইতে পারিব না।

কর্তা আমার দিকে চাহিয়া বলিলেন, “আমি বালকটিকে লইয়া একাই হাঁসপাতালে ভর্তি করিয়া দিয়া আসিতে পারি। কিন্তু রাত্রি অনেক হইয়া গিয়াছে। তাহাতে আঙ্গিকার রাত্রিটাও ভাল নয়। বালকটিও অত্যন্ত ক্লান্ত। আস্তাবলের কাছে যে গুদামঘরটি আছে, তাহাতে এক জন গুইবার জায়গা হইবে। উহাকে আজ রাত্রিতে সেইখানেই রাখা যাক। তার পর কাল সকালে অল্প ব্যবস্থা করিব। হাঁসপাতালে দেওয়া যাইবে। তাই করা যাক।”

স্কিম্পোল বলিলেন, “হারল্ডিস, তুমি কি আবার বালকটির কাছে যাইতেছ না কি?”

কর্তা বলিলেন, “হ্যাঁ!”

“তোমার স্বাস্থ্যটি অটুট। বাস্তবিক আমার দীর্ঘা হয়। তুমিও কিছু মান না। মিস্ সমারসনও তজ্রপ। সকল সময়েই তোমরা সর্বত্র যাইতে প্রস্তুত এবং যা তা করিতেও পার। আমার সে ক্ষমতা নাই—আমি পারিই না।”

কর্তা বলিলেন, “বালকটির জন্ত তুমি কোন ঔষধেরও ব্যবস্থা করিতে পার না?”

“বালকটির পকেটে একটি ঔষধের বোতল আমি দেখিয়াছি। তাহাই সে এখন সেবন করুক। যেখানে সে ঘুমাইবে, তাহার চারিদিকে খানিকটা ভিনিগার যেন ছড়াইয়া



দেওয়া হয়। ঘরটি নীতল ও উহার শরীর গরম রাখাই এখন দরকার। মিস্ সমারসন, এ সকল বিষয়ে খুব পাকা। তিনি সব ব্যবস্থাই করিয়া দিবেন।”

হলধরে গিয়া আমরা জোকে সব বলিলাম। কিন্তু বালক তাহাতে উৎসাহ অথবা নিরুৎসাহ কিছুই প্রকাশ করিল না। ঘরটিকে তাড়াতাড়ি তাহার বাসের যোগ্য করিয়া দেওয়া হইল। ভৃত্যবর্গ তাহার প্রতি যথেষ্ট সহানুভূতি দেখাইতে লাগিল। উত্তমরূপে বালককে বস্ত্রাবৃত করিয়া চাকররা তাহাকে নির্দিষ্ট কক্ষে লইয়া গেল। শার্লি তাহার প্রয়োজনীয় বাহা কিছু ক্ষিপ্ৰপদে আনিয়া দিতেছিল। কর্তা স্বয়ং দাঁড়াইয়া সব ব্যবস্থা করিয়া দিলেন। যদি রাত্রিতে বিকারের ঘোরে বালক ঘরের বাহিরে আসিয়া পড়ে, এ জন্ত বাহির হইতে দ্বার রুদ্ধ করা হইল। বালক কোন প্রকার শব্দ করিলে যাহাতে কেহ না কেহ গুনিতে পায়, কর্তা তাহারও ব্যবস্থা করিলেন। তার পর ঘরে আসিয়া হাঁসপাতালের কর্তৃপক্ষের নিকট একখানি পত্র লিখিয়া সেই রাত্রিতেই তাহা এক জনের হেফাজত করিয়া দিলেন। যেন কল্য সকালেই বালককে হাঁসপাতালে পাঠাইতে বিলম্ব না হয়।

সকলে ড্রয়িংরুমে মিলিত হইলাম। তার পর শার্লি আমাদের সংবাদ দিল যে, বালকটি চূপ্‌চাপ আছে। আমার কক্ষ হইতে বালকের কক্ষস্থিত লণ্ঠনটি জ্বলিতে দেখিলাম। বালককে আশ্রয় দিতে পারিয়াছি, এই চিন্তায় আমি তৃপ্ত হইয়া শয়ন করিতে গেলাম।

প্রভাতের প্রারম্ভেই যেন অধিক লোকের কথাবার্তা ও দৌড়ঝাঁপের শব্দ পাইলাম। আমি শয্যায় উঠিয়া বসিলাম। আমি বেশ পরিবর্তন করিতে করিতে জানালা দিয়া এক জন পরিচারককে জিজ্ঞাসা করিলাম, বাড়ীতে কোন গোলযোগ হইয়াছে না কি? বালক যে ঘরে শুইয়াছিল, তাহার জানালার লণ্ঠনটা তখনও জ্বলিতেছিল।

পরিচারক বলিল, “মিস্, বালকটার কথাই বলছি।”

“তার অবস্থা খারাপ না কি?”

“সে নেই, মিস্।”

“ম’রে গেছে?”

“না, মরে নি। কোথায় চ’লে গেছে!”

অনুসন্ধান করিলাম। কিন্তু কত রাত্রিতে বা কোন সময়ে সে কোথায় গিয়াছে, কোনই সন্ধান হইল না। কোথা দিয়া কেমন করিয়া সে গেল, তাহাও বুঝিতে পারিলাম না। বাড়ীর কোনও জিনিষপত্র যে হারাইয়াছে, তাহাও বুঝা গেল না। বুঝিলাম যে, জ্বরের ঘোরে সে কোনরূপে বাহিরে চলিয়া গিয়াছে। স্কিম্পোল বলিলেন যে, বালকটি বুঝিয়াছিল, তাহার শরীরে আশঙ্কাজনক জ্বর হইয়াছে, তাই সে সরিয়া পড়িয়াছে।

অনুসন্ধানের কোনই ফল হইল না। প্রত্যেক বাড়ী ও প্রত্যেক স্থল খোঁজা হইল। নদী-নালা কিছুই বাদ

গেল না। গত রজনীর দুইটি রমণীকেও প্রশ্ন করা হইল। তাহারা কিছুই বলিতে পারিল না। বন-জঙ্গল পাতি পাতি করিয়া খোঁজা হইল। বহুদূর পর্য্যন্ত লোক দৌড়িল। কিন্তু কোথাও তাহার সন্ধান মিলিল না। পাঁচ দিন পর্য্যন্ত এইরূপ অনুসন্ধান চলিল। তার পরও চলিয়াছিল, তবে আমি আর সে দিকে মন দিতে পারি নাই।

পঞ্চম দিবস অপরাহ্নে আমার ঘরে বসিয়া শার্লি লিখিতেছিল, আমি অন্য দিকে বসিয়া কাজ করিতেছিলাম, সহসা আমার বোধ হইল যে, টেবলটা কাঁপিয়া উঠিল। আমি চাহিয়া দেখিলাম, শার্লির আপাদমস্তক কাঁপিয়া কাঁপিয়া উঠিতেছে।

“শার্লি, তোমার খুব শীত পাইতেছে?”

সে বলিল, “বোধ হয় তাই, কিছু বুঝিতে পারিতেছি না। বসিতে কষ্ট হইতেছে। কালও ঠিক এই সময়ে এই রকম বোধ হয়েছিল। বোধ হয়, আমার অস্থখ করেছে।”

সেই সময় বাহিরে আদার কর্তৃক গুনিলাম। আমি দ্রুতপদে আমাদের উভয় কক্ষের মধ্যবর্তী দ্বার বন্ধ করিয়া দিলাম। আর একটু বিলম্ব হইলেই তিনি আমার কক্ষে প্রবেশ করিতেন।

আদা ভিতরে প্রবেশ করিবার জন্ত আমায় ডাকিতে লাগিলেন। আমি বলিলাম, “আদা, প্রিয়তমে, এখন নয়। এখন চ’লে যাও তাই। কোন ভয়ের কারণ নেই। আমি আর একটু পরেই আসিতেছি।”

কিন্তু সেই সময় হইতে দীর্ঘকাল আদার সহিত আমার দেখা হয় নাই। কেন, তাহা পরে বলিতেছি।

শার্লি শয্যাশায়ী হইল। বারো ঘণ্টার মধ্যেই তাহার অবস্থা খুবই খারাপের দিকে দাঁড়াইল। আমি তাহাকে আমার শয়নগৃহে লইয়া গিয়া আমারই শয্যায় শোয়াইয়া দিলাম। তাহার পর গুঞ্জন করিতে লাগিলাম। কর্তাকে জানাইলাম, কেন আমি বাহিরের সহিত সকল সংশ্রব ছিন্ন করিয়া নির্জনে শার্লিকে গুঞ্জন করিতেছি। আদাকে কেন আমার ঘরে আসিতে দিতে চাহি না, বা তাহার সহিত দেখা করিলাম না, তাহাও তাঁহাকে খুলিয়া বলিলাম। আদা প্রথমতঃ পুনঃ পুনঃ আমার রুদ্ধদ্বারে আসিয়া আমার সহিত দেখা করিবার জন্ত নানাপ্রকার অনুরোধ-উপরোধ, এমন কি, অশ্রুপাত পর্য্যন্ত করিল, কিন্তু আমি কোনও মতেই টলিলাম না। তাহাকে দীর্ঘ পত্র লিখিয়া জানাইলাম যে, তাহাকে না দেখিয়া থাকা আমার পক্ষে অত্যন্ত কষ্টকর। তথাপি বাধ্য হইয়া আমাকে এই অবস্থা বরণ করিয়া লইতে হইয়াছে। যদি আদা আমাকে শান্তিতে থাকিতে দিতে চাহেন, তবে তিনি যেন আমার ঘরে আসিতে না চাহেন। শুধু বাগানের ধারে আসিতে পারেন, আমি জানালা দিয়া তাহার সহিত কথা কহিব। আদা তাহাতেই রাজি হইলেন এবং ঘণ্টার মধ্যে পাঁচবার বাগানে আসিয়া আমার খবর লইতে লাগিলেন।

আমার বসিবার ঘরে আমার জন্ম শয্যা বিস্তৃত হইল। ছুই ঘরের মধ্যস্থ দরজা খুলিয়া ছুই ঘর এক করিয়া ফেলিলাম। বাড়ীর দাসদাসীরা আমার হুকুম তামিল করিবার জন্ত উৎসুক হইয়া রহিল; কিন্তু আমি তাহাদের কাহাকেও ঘরের কাছে আসিতে দিলাম না। শুধু একটি রমণীকে কাছে আসিতে দিলাম। আদার সহিত তাহার দেখা-সাক্ষাৎও বন্ধ করিয়া দিয়াছিলাম। সাবধানতা সকল প্রকারে অবলম্বন করিয়া আমি নিশ্চিন্ত হইলাম।

শার্লির অবস্থা ক্রমেই শোচনীয় হইয়া দাঁড়াইল। বালিকার জীবন একটি ক্ষীণ সূত্রে ছলিতে লাগিল। ষমে ও মাহুমে প্রাণপণ লড়াই চলিল। শার্লির সহিষ্ণুতা অনন্ত-সাধারণ। তাহার মাথা ক্রোড়ে করিয়া অনেক সময় ভগবানের কাছে নীরবে প্রার্থনা করিতাম। তাহাকে যে নিজের কনিষ্ঠ সহোদরার গায় স্নেহ করি। ভগবান, তাহার জীবন ভিক্ষা দাও!

সারিয়া উঠিলেও শার্লি যে তাহার পূর্ব-সৌন্দর্য্য ফিরাইয়া পাইবে না, সে হুশিচিন্তাতেও আমি ক্রমে অভিজ্ঞ হইয়া পড়িলাম। ভীষণ ব্যাধি তাহার আননে গভীর ক্ষত-চিহ্ন-সমূহ রাখিয়া যাইবে। কিন্তু তাহার জীবনের আশঙ্কা যেমন প্রবল হইতে লাগিল, অমনই সে চিন্তাও আর মনে স্থান পাইল না। তাহার অবস্থা ক্রমেই শোচনীয় হইয়া উঠিল।

শার্লি মরিল না। ধীরে ধীরে তাহার দেহে জীবনলক্ষণ-সমূহ ফুটিয়া উঠিতে লাগিল। মৃত্যু শিয়রে আসিয়া ফিরিয়া গেল।

সে দিন জানালার ধারে দাঁড়াইয়া আমি আদাকে আশার বাণী শুনাইলাম। তার পর যে দিন পার্শ্বস্থ কক্ষে শার্লি ও আমি একত্র বসিয়া চা পান করিলাম, সে কি মহোৎসবের দিন! কিন্তু সে দিন রাত্রিতে আমার অত্যন্ত শীতবোধ হইল।

শার্লি তখন বিছানায় নিদ্রিত। আমি বুঝিলাম,— শার্লির ব্যাধি আমারও দেহে সংক্রামিত হইয়াছে। পরদিন প্রত্যুষে উঠিয়া বুঝিলাম—এইবার আমার পালা আসিয়াছে।

বৈকালে অবস্থা আরও খারাপ বোধ হইল। তখন শার্লির নিকট কথাটা পাড়িলাম।

“শার্লি, তোমার শরীরে এখন বেশ বল হইয়াছে?”

“আমি বেশ সুস্থ আছি।”

“শার্লি, তোমাকে একটা গোপন কথা বলিব। তাহা গল্প করিতে পারিবে?”

“হাঁ, মিস্। আমার শরীরে কোন গ্লানি নাই। আমি পূর্ববৎ সুস্থ হইয়াছি।”

সে উৎসাহভরে কথা বলিতেছিল; কিন্তু আমার মুখের দিকে চাহিয়াই তাহার আনন মলিন হইয়া গেল। সে আমার অবস্থা বুঝিল, বলিল, “মিস্, আমার জন্মই আপনার রোগ হইল।”

আমি বলিলাম, “শার্লি, অধীর হইও না। আমার যদি শক্ত পীড়া হয়, তোমার উপরই আমি নির্ভর করিব। কিন্তু তুমি অধীর হইলে ত চলিবে না!”

“আমাকে একটু কামিতে দিন, তার পর আমি সব পারিব, মিস্!”

শার্লি কৌপাইয়া কৌপাইয়া খানিক কামিল। আমি বাধা দিলাম না। তার পর সে প্রশান্তভাবে বলিল, “এখন আপনি আমার সম্পূর্ণ বিশ্বাস করিতে পারেন। বাহা বলিবার আছে, বলুন।”

“শার্লি, এখন আমার অবস্থা তেমন খারাপ নয়। তোমার ডাক্তার রাত্রিতে যখন আসিবেন, আমি তাঁহাকে বলিব, আমার শরীর খারাপ। আর তুমি আমার সেবা করিবে।”

বালিকা সর্কাস্তঃকরণে আমার ধন্যবাদ প্রদান করিল।

“তার পর যখন সকালে মিস্ আদাকে বাগানে দেখিবে, তখন আমি যদি উত্তর দিতে না পারি, জানালা হইতে তুমি বলিবে, আমি ঘুমাইতেছি, তাই জানালার কাছে আমি যাইতে পারি নাই। মোট কথা এই, আমি যেমন কাহাকেও এ ঘরে আসিতে দেই নাই, তুমিও তেমনই এ ঘরে কাহাকেও আসিতে দিবে না।”

শার্লি প্রতিজ্ঞা করিল, সে আমার নির্দেশমত কাজ করিবে। আমি শয্যায় শয়ন করিলাম। শরীর অত্যন্ত ভারী বোধ হইতেছিল। সেই রাত্রিতে ডাক্তার আসিলে আমি তাঁহাকে বলিলাম। তাঁহাকে অল্পরোধ করিলাম, যেন এখনই আমার অসুখের কথা বাড়ীর কাহাকেও তিনি না জানান।

পরদিন প্রভাতে আদার প্রশ্নের উত্তর আমি নিজেই দিলাম। তার পরদিন আমার আর উঠিবার সামর্থ্য রহিল না। আদার কণ্ঠস্বর বাগানে শুনিলাম। শার্লি জানাইল, আমি নিদ্রিত, পরিশ্রান্ত হইয়া নিদ্রিত। আদা মুহূর্ত্তে বলিলেন, “শার্লি, সাবধান, ঘুম ভাঙ্গে না যেন।”

আমি বলিলাম, “শার্লি, আদাকে কেমন দেখিলে?”

“বড়ই হতাশ হইয়া গেলেন। অনেকক্ষণ জানালার দিকে চাহিয়া দাঁড়াইয়াছিলেন!”

আমি শার্লিকে ডাকিয়া বলিলাম, “দেখ, শার্লি, আমার অসুখের কথা যখন তিনি জানিবেন, অমনই ঘরে আসিবার চেষ্টা করিবেন। সাবধান, তাঁহাকে কোনমতেই এ ঘরে আসিতে দিবে না। যদি এক মুহূর্ত্তের জন্তও তিনি এ ঘরে আসেন, তবে জানিবে, আমি তখনই মরিয়া যাইব। সাবধান!”

সে দৃঢ়-কণ্ঠে বলিল, “তা আমি কখনই আসিতে দিব না। দেখিবেন, কখনই দিব না!”

“শার্লি, তোমাকে আমি বিশ্বাস করি। এখন একটু আমার কাছে বস। তোমার হাতটা আমার গায় দাও। আমি চোখে কিছুই দেখিতে পাইতেছি না; আমি অন্ধ হইয়া গিয়াছি।”



৩২

সে দিন অত্যন্ত গুমোট করিয়াছিল। রাত্রিটাও ভাল নয়। বাতাসটা যেন ভারী হইয়া রহিয়াছে। বুড়া কুকুর ভাড়াটিয়া মিঃ উইভিল্‌ ওরফে জবলিং সে দিন বড়ই ব্যস্তভাবে ক্রমাগত উপর-নীচ করিতেছিল। একবার সে উপরে নিজের ঘরে যাইতেছে, আবার সদর-দরজায় আসিয়া দাঁড়াইতেছে। যেন সে কাহারও প্রতীক্ষা করিতেছিল।

মিঃ আগস্‌বিও মনের অবস্থা ভাল ছিল না। তিনি গুপ্ত কাহিনীর ভায়ে অত্যন্ত বিব্রত হইয়া পড়িয়াছিলেন। ব্যাপারটা ভাল বুঝিতেও পারেন নাই। অথচ আংশিক-ভাবে তাহাতে তিনি জড়িত। রহস্য ভেদ করিতে না পারিয়া তিনি প্রায়ই বুড়া কুকুর শিশি-নোতলের দোকানের দিকে বেড়াইয়া যাইতেন। এই স্থানটি তাঁহার অজ্ঞাতসারে প্রায়ই তাঁহাকে আকর্ষণ করিত। আজও তিনি সেই দিকে আসিয়াছিলেন। মিঃ উইভিল্‌কে দেখিয়া তিনি বলিলেন, “কে ও, মিঃ উইভিল্‌ না কি?”

“হাঁ, মিঃ আগস্‌বি।”

“ঘুমাইবার পূর্বে একটু বায়ু-সেবন করিতেছেন বুঝি? আমারও অবস্থা প্রায় সেইরূপ।”

উইভিল্‌ বলিল, “কিন্তু বাতাসের নাম-গন্ধও নাই।”

“সে কথা সত্য।” দুই একবার নিশ্বাস জোরে টানিয়া লইয়া আগস্‌বি বলিলেন, “চর্কির গন্ধ পাচ্ছেন না? কি রকম একটা গন্ধ যেন পাওয়া যাইতেছে।”

“আমি পাচ্ছি বটে। অনেকক্ষণ থেকে গন্ধটা নাকে আসছে। বোধ হয়, ঐ দোকানে কেহ চপ্‌ ভাজিতেছে।”

“চপ্‌? তাই কি আপনার মনে হয়? তা যদি হয়, তবে যে পাচক উহা ভাজিতেছে, তার দিকে একটু নজর রাখা দরকার। কারণ, তাহা হইলে সে সব চপ্‌ পুড়াইয়া ফেলিতেছে।”

“তাই হবে। মোটের উপর আজ যেন কিছুই ভাল লাগিতেছে না। বাতাসটা যেন ভারী হইয়া আছে।”

“ঠিক তাই।”

মিঃ আগস্‌বি একটু থামিয়া বলিলেন, “দেখুন, মিঃ উইভিল্‌, আপনার এ দিকটা যেমন নির্জন, তেমনই প্রীতিকর। বিশেষতঃ আপনি যে ঘর ভাড়া লইয়াছেন, আমি হইলে সেটাতে এক রাত্রিও বাস করিতে পারিতাম না। তবে আপনি ত সে দৃশ্য চোখে দেখেননি, তাই আপনার মনে সে রকম কোন ভাব নাই। যাক্‌, রাত্রি দশটা বাজে, আমি চলি। নমস্কার! আমার স্ত্রী আবার আমার অপেক্ষা করিতেছেন।”

মিঃ আগস্‌বি চলিয়া গেলেন। তিনি জানিতেন না যে, অদূরবর্তী দোকানের কাছে তাঁহার পত্নী গোপনে থাকিয়া তাঁহার গতিবিধি লক্ষ্য করিতেছিলেন। স্বামী চলিয়া গেলে পত্নী তাঁহার পশ্চাতে পশ্চাতে অলক্ষ্যে চলিলেন।

উইভিল্‌ রমণীকে লক্ষ্য করিয়াছিল। সে যেন মনে বলিল, “ম্যাদাম্‌, এক দিন তোমার সম্বন্ধ দেখাওনা হবে। তোমার মতলবটা কি, তখন বুঝিব; জল মুখিম, লোকটা কি আসবে না, না কি।”

বলিতে বলিতেই লোকটি আসিয়া উপস্থিত। তাহার হাত ধরিয়া উইভিল্‌ ভিতরে চলিয়া গেল। দরজাও বন্ধ হইল।

নবাগত ব্যক্তি গুপী। উভয়ে কক্ষমধ্যে প্রবেশ করিলে উইভিল্‌ বলিল, “তোমার গতিক দেখে মনে হচ্ছিল, আজ আর আসবে না বুঝি!”

“কেন, আমি ত বলিয়াছিলাম, দশটার সময় আসিব।”

“তোমার হিসাবে দশটা বটে, কিন্তু আমার মনে হচ্ছিল, দশবার দশটা বেজে গেছে। এরকম বিকী রাত আমি কখনও দেখিনি।”

“কেন, কি হইয়াছে?”

“না বাবা, এ ঘরে আর আমি থাকতে পারছি না। এমন ঘরে মানুষ থাকে, যে ঘরে মানুষ আত্মঘাতী হয়, সেখানে থাকা চলে না।”

গুপী তাহার দিকে চাহিয়া বলিলেন, “মিঃ আগস্‌বির সঙ্গে তুমি কথা কহিতেছিলে না?”

“হাঁ।”

“আমিও তার কথা শুনিয়া পথের মাঝে দাঁড়াইয়াছিলাম। সে আমাকে দেখিতে পায়, এ ইচ্ছা ছিল না।”

উইভিল্‌ বলিল, “সেখ, এ রকম ঢাকাঢাকি লুকোচুরি ভাল লাগে না। লোকে নরহত্যা করেও এত ঢাকাঢাকি করে না। এ আমার অসহ্য হয়ে উঠেছে।”

“যাক্‌, ও সব এখন ছাড়িয়া দাও। কাজের কথা বল।”

অধিকুণ্ড খাঁচাইয়া উজ্জ্বল করিয়া উইভিল্‌ বলিল, “সেই চিঠির ভাঙার কথা ত! বাস্তবিক, ক্রম রাত্রি ১২টার সময় কাগজগুলি আমায় দিবে কেন বলিল, বুঝিলাম না।”

“বাস্তবিক, আমিও কারণটা বুঝিতে পারিজেছি না। আচ্ছা, এমন অসময়ে সে ভাড়াটা কেন দিতে চাছিল জানি না। সে আজ কি কাজে এত ব্যস্ত?”

“কিছুই না। আমায় বলেছিল, আজ তার জন্মদিন। আজ রাত্রি বারোটার সময় ভাড়াটা আমার দেবে। ততক্ষণে লোকটা মদে চুর হয়ে থাকবে। আজ দ্বাদশদিন মদ খেয়েছে।”

“কথাটা সে ভুলিয়া যায় নাই ত?”

“ভুলে যাবে? ভুল তার হয় না। রাত্রি আটটার সময় তার সঙ্গে আমার দেখা হয়েছিল। দোকানের দরজা-জানালা তখন সে বন্ধ করছিল। আমিও তাকে সাহায্য করেছিলাম। সেই সময় সে ভাড়াটা নিয়ে আমার দেখিয়েছিল। সাধারণ টুপীর ভিতর সেগুলো ছিল। টুপীটা দেওয়ালে রেখে সে ভাড়াটা নিয়ে অধিকুণ্ডের মাঝে দাঁড়িয়ে ঘুরিয়ে

ফিরিয়ে দেখছিল। খানিক আগেও তার পায়ের শব্দ শুনেছি। গুণ্ণু ক'রে গান গাচ্ছিল, তাও কাছে গেছে। তার পর আর তার কোন সাড়া-শব্দ পাইনি।

“বারোটোর সময় তার কাছে তোমার বাইবার কথা ত?”

“হ্যাঁ।”

“আচ্ছা টনি, সে এখনও পড়তে শেখেনি?”

“পাগল আর কি! ও আবার পড়তে পারবে! আলাদা আলাদা অক্ষর দেখলে চিন্তে পারে বটে, আমার কাছে সেইটুকু শিখেছে। কিন্তু জোড়া-তাড়া দিয়ে পড়তে পারে না। সে যে রকম বুড়ো হয়েছে এ বয়সে তা অসম্ভব। তার উপর পোড় মাতাল।”

“আচ্ছা টনি, সে হড্‌ন নামটা পড়িল কি উপায়ে?”

“সে বানান ক'রে পড়তে পারেনি। তবে তার চোখের কমতা অসাধারণ। সে চিন্তে পারে খুব। সে ধ'রে ধ'রে কটা অক্ষর এক জায়গায় ক'রে আমায় কথাটার অর্থ জিজ্ঞাসা করেছিল।”

“আসল লেখাটা পুরুষের না মেয়ের হাতের?”

“অর্ধেক মেয়েমানুষের। কোন সম্ভ্রান্ত মহিলার লেখা।”

সহসা গুপী দৃষ্টি তাহার সার্চের কপের উপর পড়িল। তিনি সবিস্ময়ে বলিয়া উঠিলেন, “ব্যাপার কি টনি, চিন্মিতে আগুন লাগিয়াছে না কি?”

“চিন্মিতে আগুন?”

“দেখ দেখি, খালি কালো বুল! চারিদিকে বুল জমিয়াছে!”

উইভিল্ একবার চারিদিকে খুরিয়া ফিরিয়া আসিয়া বলিল যে, কোথাও কোন গোলযোগ নাই। গুপী জিজ্ঞাসা করিলেন, “বুড়া তোমায় বলিয়াছিল যে, সে মৃত ব্যক্তির পোর্টমেন্ট হইতে চিঠির তাড়া চুরি করিয়াছিল?”

“হ্যাঁ, তাই ত তোমাকে লিখিয়াছিলাম, খুব সাবধানে যাতায়াত করিও। বুড়া ভারী বুদ্ধ!”

গুপী বলিলেন, “চিঠিগুলি তোমার ঘরে আনিয়া নকল করিবে, মিলাইবে, আর ভিতরে কি আছে, বুড়াকে বলিবে, এই সৰ্ব্ব তোমার সঙ্গে হইয়াছিল, কেমন নয়?”

“তুমি আস্তে কথা বলতে পার না? হ্যাঁ, আমাদের মধ্যে এই রকম বন্দোবস্ত হয়েছে।”

“দেখ, একটা কাজ করতে হবে। ঠিক ঐ তাড়ার মত আর একটা চিঠির তাড়া করিতে হইবে। আসলটা আমার কাছে থাকিবে, নকলটা সে বখম দেখিতে চাহিবে, দেখাইবে।”

“কিন্তু বুড়া যদি ধ'রে ফেলে? সে যে রকম চতুর, তার সঙ্গে জুয়াচুরী চলিবে না।”

“যেই যদি ফেলে, তখন দেখা দাইবে। বাস্তবিক সে কাগজ ত আর ওর নয়। চুরি করিয়া লইয়াছিল। তখন

বলিবে, উকীলের হাতে দেওয়া গিয়াছে। দরকার হইলে দেখানও দাইবে।”

“কাজেই।”

গুপী তাহার দিকে একদৃষ্টে খানিক চাহিয়া বলিলেন, “তোমার কথার ভাবে বোধ হইতেছে, তুমি যেন আমার কথা বিশ্বাস করিতেছ না।”

গভীরভাবে উইভিল্ বলিল, “ব্যাপারটা আমার ভাল লাগছে না। মৃত ব্যক্তির গুপ্ত জিনিস লইয়া নাড়াচাড়া করাটা আমার পছন্দসই নয়।”

গুপী অনেক কৌশলে বন্ধুর মনে উৎসাহ সঞ্চার করিলেন। অদূরে গির্জার ঘড়ীতে বারোটো বাজিবার শব্দ হইল।

উইভিল্ বলিল, “এইবার আমি যাই। সময় হয়েছে।”

সে নীচে নামিয়া গেল। কিন্তু পরমুহূর্তেই ক্রতপদে ফিরিয়া আসিল।

গুপী বলিলেন, “কি, পাইয়াছ?”

“না, বুড়াকে তথায় দেখলাম না।”

তাহার আননে আশঙ্কার ছায়া দেখিয়া গুপীও ভীত হইলেন, “ব্যাপার কি?”

“বুড়াকে দেখলাম না, তার কথাও শুনলাম না। দরজা খুলেই একটা মাংস-পোড়া গন্ধ পেলাম। কালো বুল চারিদিকে পড়েছে দেখলাম। কিন্তু বুড়ো নেই!”

গুপী বাতিটা তুলিয়া লইলেন। উভয়ে নীচে নামিয়া গেল। দোকানঘরের দরজা খুলিয়া ফেলিল। পোরা বিড়ালটা মস্তীর দিকে চাহিয়া গর্জন করিতেছিল। সম্মুখে অগ্নিকুণ্ড, কিন্তু তাহা নির্কাপিতপ্রায়। ঘরের মধ্যে ঘূমের শ্বাসরোধকারী দুর্গন্ধ। টেবল, চেয়ার, শিশি, বোতল প্রভৃতি যথাস্থানে রুস্ত। একটা চেয়ারের উপর বুকের কোট ও টুপী রক্ষিত।

উইভিল্ বলিল, “চেয়ারের কাছে লাল ফিতাটা প'ড়ে আছে। চিঠির তাড়া ঐ ফিতা দিয়ে বাঁধা ছিল।”

গুপী বলিলেন, “দেখ, দেখ, বিড়ালটা কি করিতেছে!”

“বোধ হয় ক্ষেপে গেছে। এ যে ভুতুড়ে বাড়ী, এখানে সবই সম্ভব!”

উভয়ে সন্তর্পণে অগ্রসর হইল। মার্জারটা তখনও ভূমিতলে চাহিয়া চাহিয়া গর্জন করিতেছিল। অগ্নিকুণ্ডের সম্মুখে, ছইখানা চেয়ারের মাঝখানে ওটা কি? আলোটা তুলিয়া ধর।

ভূমিতলের খানিকটা কাঠ পোড়া। একধারে ভয়ঙ্কর পত্রস্তুপ। ওখানা কি? একটা মোটা পোড়া কাঠ না কি? কি সর্বনাশ! বুড়া এখানে, আগুনের মধ্যে, পুড়িয়া ছাই হইয়া আছে! পলাও! পলাও! চীৎকার কর!

সমগ্র পল্লী চীৎকার-কনিন্তে জরিয়া গেল। কিন্তু বুড়া ত আর ফিরিল না। সে যথাকালে প্রধান বিচারপতির কাছে হাজিরা দিতে চলিয়া গিয়াছে।



৩৩

পরদিন প্রভাতে পল্লীর সকলেই জানিতে পারিল যে, বৃদ্ধ ক্রুক্ এমন মাতাল হইয়াছিল যে, গৃহমধ্যস্থিত অগ্নিকুণ্ডে পুড়িয়া মরিয়াছে। মিঃ স্নাগস্‌বি ঘটনাস্থলে গেলেন। তৎপর দোকানে জনতা দেখিয়া সেখানে তিনি প্রবেশ করিলেন। তথায় মিঃ গুপীকে দেখিয়া তিনি ব্যাপার কি জিজ্ঞাসা করিলেন। কথা বলিতে বলিতে তিনি দেখিলেন যে, তাঁহার পত্নীও সে স্থলে উপস্থিত। মিঃ স্নাগস্‌বি সবিস্ময়ে বলিলেন, “তুমি? তুমি এত সকালে এখানে এসেছ যে?”

পত্নী বলিল, “তুমিই বা এখানে কেন?”

স্নাগস্‌বি পত্নীর নয়নের দৃষ্টি দেখিয়া বিস্মিত হইলেন। ইদানীং তিনি স্ত্রীকে প্রায়ই এমনই ভাবে তাঁহার প্রতি চাহিতে দেখিয়া আসিতেছেন। স্নাগস্‌বি বলিলেন, “তুমি এমন করে আমার দিকে চাও কেন?”

“তা কি করব বল। আমি ঐ ভাবে না তাকাইয়া পারি না।”

স্নাগস্‌বি বলিলেন, “কিন্তু মদের দোকানে তুমি প্রাতরাশ না করিয়াই কেন আসিলে, তাহা বুঝিলাম না।”

“তুমিই বা কেন আসিলে?”

“ব্যাপারটা কি, জানিবার জন্ম আমি আসিয়াছি। তোমাকে আমি সব কথাই ত বলি।”

“তা ত ঠিকই। তুমি সবই আমাকে বল বৈ কি!”

“বলি না? সবই ত বলি।”

শ্রীমতী বলিল, “চল, এখন বাড়ী যাই। বাড়ীতে গেলে তুমি নিরাপদ হইবে। এখানে তোমার মাথার ঠিক নাই।”

“তাই চল, যাই।”

গুপী ও উইভিল্‌ও সেখানে ছিল। কিছু জলযোগের পর উভয়ে পথে বাহির হইল। গুপী বলিলেন, “দেখ, এই সময় আমরা নিরালায় কয়েকটি কথার আলোচনা করিয়া লই।”

উইভিল্‌ বলিল, “ভাই, ষড়যন্ত্রে আমি আর নেই। ও সব কাল রাতেই খতম করেছি। অন্য কথা যদি থাকে ত বল।”

গুপী বলিলেন, “আচ্ছা, অত ভয় পাও কেন? যা বলি, শোন। ঐ ঘরটাতে কয়েক দিন আরও তোমাকে থাকিতে হইবে।”

“না, সে আমি পারিব না।”

“তুমি বুঝিতেছ না। বুড়াটার সম্পত্তি যদি পাইতে চাও ত এখানে গিরে থাক। গুনেছি, ত্রিসংসারে ওর কেউ নেই।”

“না, ভাই, ও ঘরে আর এক মুহূর্তও থাকিব না। অসম্ভব? তুমি নিজে গিরে থাক না?”

“তা কি হয়? আমার অভ্যাস নেই। তা ছাড়া, ও ঘর তোমার। তুমি অনায়াসে থাকিতে পার। আমার পক্ষে ত তা সম্ভব নয়।”

“তুমি অনায়াসে ওখানে থাকবে চল। আমি বন্দোবস্ত

ক’রে দেব। কিন্তু আমি ওখানে আর এক রাজিও বাস করুছি না।”

“তা’ হলে তুমি বলতে চাও যে, ও ব্যাপারে আর তুমি নেই?”

“বস, ঠিক কথা বলেছ।”

তাহারা এইরূপে আলাপ করিতেছে, এমন সময় দেখিতে পাইল যে, একটা ভাড়াটিয়া গাড়ী সেই দিকে আসিতেছে। কোচবাক্সে এক ব্যক্তি উপবিষ্ট, সে ছোকরা স্মলউইড। গাড়ীর মধ্যে তাহার পিতামহ ও পিতামহী এবং ভগিনী জুড়ি।

ছোকরা, গুপীকে দেখিতে পাইয়া উল্লাসভরে বলিল, “এই যে, মশাই! নমস্কার! নমস্কার! কেমন আছেন?”

গুপী সবিস্ময়ে ভাবিলেন, “এরা এ দিকে কি মনে করিয়া?”

বৃদ্ধ স্মলউইড গাড়ী থামাইয়া বলিল, “মশায়, আপনারা দুজনে যদি দয়া ক’রে আমাকে ঐ চপের দোকানে নামিয়ে দেন, বুড়ো মানুষ। এইটুকু সাহায্য করুন।”

সকলে মিলিয়া ধরাধরি করিয়া বৃদ্ধ-দম্পতিকে দোকান-ঘরে লইয়া গেল।

বৃদ্ধ বলিল, “এখানে একটা দুর্ঘটনা হয়েছে। গুনেছেন কি?”

“গুনা কথা নয়। আমরা আবিষ্কার করেছি।”

“বটে! ওহে বার্ট, শোন, ইনি কি বলছেন! এঁরা দু’জনে না কি আবিষ্কার করেছেন! ধন্যবাদ, মহাশয়, ধন্যবাদ! শ্রীমতী স্মলউইডের ভ্রাতার মৃতদেহ আবিষ্কার করার জন্ম আপনাদিগকে ধন্যবাদ!”

গুপী বলিলেন, “আপনার স্ত্রীর ভাই?”

“হ্যাঁ গো হ্যাঁ। আমাদের পরস্পরের মধ্যে বনিবনাও ছিল না। ক্রুক্ আমাদের আদৌ পছন্দ করিত না। লোকটা খামখেয়ালী ছিল কি না। বুড়ো যদি কোন দলিল-পত্র না ক’রে গিয়ে থাকে, তাহা হইলে আমার স্ত্রীই তার তাজ সম্পত্তির মালিক। আমি আদালতে দরখাস্ত করিব।”

গুপী, ছোকরা স্মলউইডের দিকে চাহিয়া বলিলেন, “কই হে বার্ট, তুমি ত কোন দিন আমায় এ কথা বল নাই?”

উত্তরে বৃদ্ধ বলিল, “তা ও জানবে কেমন ক’রে। আমরা সে কথা গোপনে রেখেছিলাম।”

বাবহারাজীব টল্কিংহরণের মুহূর্তী সেই সময় ঘটনাস্থলে উপস্থিত হইল। গুপী সংবাদ লইয়া বুঝিলেন যে, প্রকৃতই এই বৃদ্ধ-দম্পতি ক্রুকের আত্মীয়। আদালতে তাহা প্রমাণ হইবে। গুপী তখন দেখিলেন যে, এ দিকে আর কোন আশা নাই। পরলোকগত বৃদ্ধের ওয়ারিশান এখন উপস্থিত, তখন সে দিকে লাভের গুড়ে বালি।

লেডী ডেড্‌লকের কাছে আজ গুপীর চিঠি লইয়া যাইবার কথা। তিনি শ্রীর লিষ্টারের প্রাসাদালিমুখে যাত্রা করিলেন। তখন সন্ধ্যা প্রায় সাতটা হইবে।

যথাসময়ে গুণী লেডীর সকাশে নীত হইলেন।

গুণী বলিলেন, “আমি অসময়ে আসিয়াছি, ক্ষমা করিবেন।”

“কেন, আমি ত বলিয়াছিলাম, যখন ইচ্ছা আপনি আসিতে পারেন।”

গুণী সংক্ষেপে বলিল, “চিঠি আনিবার কথা ছিল, কিন্তু আমি তাহা পাই নাই।”

“আপনি সেই কথা জানাইতে আসিয়াছেন?”

“আজ্ঞা হাঁ। ঠাহার নিকট হইতে সেগুলি পাইবার কথা ছিল, অকস্মাৎ ঠাহার মৃত্যু হইয়াছে; সঙ্গে সঙ্গে—”

“চিঠি গুলিও গিয়াছে?”

“আজ্ঞা, আমার ত তাহাই বিশ্বাস ও ধারণা।”

“আর আপনার কিছু বক্তব্য আছে?”

গুণী আর কিই বা বলিবেন? বলিবার ছিলই বা কি?

“বেশ, আপনি তবে আসুন। নমস্কার।”

মার্করী গুণীকে বহির্দিশে লইয়া যাইতে আদিষ্ট হইল।

ঠিক সেই সময়ে একটি বৃদ্ধ লাইব্রেরী-ঘরের দিকে আসিতেছিলেন। গৃহমধ্যে লেডীকে সে সময় দেখিয়া টল্কিংহরণ একবার ঠাহার দিকে চাহিলেন। লেডীও চাহিলেন।

“ক্ষমা করিবেন, লেডী ডেডলক্। এ সময়ে আপনাকে এখানে দেখিব ভাবি নাই। ভাবিয়াছিলাম, এখন ঘরে কেহ নাই। আপনি আমার ক্ষমা করিবেন।”

বৃদ্ধ চলিয়া যাইতেছিলেন। লেডী ঠাহাকে বাধা দিয়া বলিলেন, “যাইবেন না। এই যুবকের সহিত আমার আর কোন কথা নাই। আপনি এখানে থাকিতে পারেন।”

গুণী স্বলিত-বচনে বৃদ্ধ ব্যবহারাজীবের কুশল জিজ্ঞাসা করিলেন।

“ভাল আছি, তুমি বৃষ্টি কেন্জি ও করবয়ের ওখানে কাজ কর?”

“আজ্ঞা হ্যাঁ। আমার নাম গুণী।”

গুণী কাঁচুমাচু-মুখে নীচে নামিয়া গেলেন। মিঃ টল্কিংহরণ লেডী মহোদয়াকে, গাড়ীতে তুলিয়া দিয়া আসিলেন। তার পর লাইব্রেরী-ঘরে প্রবেশ পূর্বক কি চিন্তা করিতে লাগিলেন।

৩৪

একখানি খোলা চিঠি হাতে লইয়া জর্জ ভাবিতেছিলেন, “এটা কাঁকা আওয়াজ, না সত্য সত্যই গুণী!”

নানা ভাবে পত্রখানি পাঠ করিয়াও জর্জের তৃপ্তি জন্মিল না। অদূরে ফিল্মস্টোর কাছ করিতেছিল, তাহাকে জিজ্ঞাসা জর্জ পত্রখানি পড়িলেন, “মহাশয়, আমিই আপনি যে মিঃ ম্যাথিউ ব্যাগনেটের ১৪৫নং/০ ধার লইয়াছিলেন, তাহা আগামী কল্য শোধ দিবার কথা। প্রাপ্য টাকা

উক্ত সময়ে পরিশোধ করিয়া দিলে বাধিত হইব। ইতি কল্পনা স্মলউইড।” কিন্তু, তোমার মনে কি হয়?”

“কর্তা, গতক বড় ধাবাপ।”

“কেন বল দেখি?”

“আজ্ঞে, প্রায় দেখেছি, টাকা চাইবার পরই একটা গণ্ডগোল বাধে।”

“শোন, ফিল্ম, আমার যা দেয়, তা আমি দিয়েছি। মোট টাকার আসল ও সুদ আমি আমার অংশের মত শোধ করে দিয়েছি। আর একটা কথা ছিল যে, এই খতটা তামাদি হইলেই বদলাইয়া দিবে। অনেকবার বদলানও হইয়াছে। এখন তোমার মতটা কি বল দেখি?”

“আমার কথা এই যে, এবার একেবারে খতম করবার সময় এসেছে। আর বদলাইয়া দেবে না।”

“আমারও সেই রকম মনে হইতেছে।”

“কর্তা, জন্মরা স্মলউইড কি সেই লোকটা, যাকে চেয়ারে করে এখানে তুলে এনেছিলাম?”

“হ্যাঁ, সেই বটে।”

“সে বেটা ভয়ানক চশমখোর, জোক। বুড়াটা বজ্রাতের ধাড়ী। ওর কাছে নিস্তার নেই।”

বক্তব্য শেষ করিয়া ফিল্ম বলিল, “একটা উপায় আছে, কর্তা!”

“কি রকম বল ত?”

“আজ্ঞে, একেবারে যদি চূণকাম—বেমালুম সাফ করে ফেলতে পারেন!”

“বড় চমৎকার উপায় বাহির করিয়াছ ত! তার ফলে ব্যাগনেট পরিবারের কি অবস্থা হইবে, তাহা জান? আমার জন্ম তারা সর্বস্বাস্ত হবে। ভারী চমৎকার পরামর্শ তুমি দিয়েছ, ফিল্ম!”

কথা শেষ হইতে না হইতেই সঙ্গীক মিঃ ব্যাগনেট তথায় উপস্থিত হইলেন। শ্রীমতী ব্যাগনেট বলিলেন যে, ঠাহারা একটু বেড়াইতে বাহির হইয়াছিলেন। আজ জর্জ টাকার খত বদলাইয়া দিবার তারিখ। তাই ঠাহারা আপনাকে হইতেই আসিয়াছেন। “জর্জ, খতটা দাও, মিঃ ব্যাগনেট সহি করিয়া দিবেন।”

জর্জ বলিলেন, “আমিও তোমাদের ওদিকে যাইতে-ছিলাম।”

শ্রীমতী বলিলেন, “তা জানি, তুমি যাবে। কিন্তু আমরা সকাল সকাল আজ বাড়ী থেকে বেরিয়েছি। তোমার বন্ধুর একটু চলাফেরা করা বেশী দরকার। কিন্তু জর্জ, তোমার কি হয়েছে, জর্জ? মুখে হাসি নেই। যেন শুকিয়ে গিয়েছে।”

জর্জ বলিলেন, “আজ আমার মনের অবস্থাটা ভাল নেই।”

শ্রীমতী বলিলেন, “তোমাদের সেই খতের কোন গোলযোগ হয় নাই ত? তা হলে যে আমার ছেলেমেয়েরা না খেতে পেয়ে মারা যাবে।”



জর্জের মুখমণ্ডল আরও স্নান হইয়া গেল।

শ্রীমতী ব্যাগনেট বলিলেন, “দেখ জর্জ, তুমি বুঝি সেই খতখানার বিষয়ে কোন গোলযোগ বাধিয়ে দিবেছ? হাঁ, তোমার চেহারা দেখলে তাই বোঝা যায় বটে! তুমি যদি ক’রে থাক, বড়ই লজ্জার কথা। আমাদের সঙ্গে ভারী চাতুরী করেছ! সত্যি কথা, জর্জ!”

শ্রীমতীর চোখে জল আসিল। তিনি কত কথাই বলিয়া গেলেন। তাঁহার স্বামী সোজাভাবে দাঁড়াইয়া রহিলেন।

জর্জ বলিলেন, “তোমরা যতটা ভাবিতেছ, ঠিক হৃদশাটা তত দূর হয় নাই। এই কয়েক মিনিট আগেই আমি এই পত্রখনা পাইয়াছি।” এই বলিয়া তিনি চিঠিটা পড়িলেন।

মিঃ ব্যাগনেট পত্নীকে সম্বোধন করিয়া বলিলেন, “এইবার আমার মনের কথাটা তুমি জর্জকে শুনিয়া দাও।”

“জর্জ, তুমি কেন বিয়ে করনি। বিয়ে করলে আজ তোমার এমন হৃদশা হ’ত না।”

“ঠিক বলেছে। সত্যি, তুমি কেন বিয়ে করনি।”

জর্জ বলিলেন, “বিবাহ না করিয়া ভালই করেছি। এখন কি করা যায় বল দেখি। আমার যা আছে, তাহা ত দেখিতেছ। এ সব কিছুই আমার নয়। সবই তোমার, ব্যাগনেট। তুমি একবার বল, আমি সব বেচিয়া ফেলিতেছি। তাও যদি বুঝিতাম যে, পুরানো জিনিসগুলি বেচিলে দেনা শোধ হয়ে যাবে, আমি তাও করিতাম। যাক, একটা কথা ঠিক, আমি তোমাদিগকে বিপদে ফেলিব না। তার আগে আমি আত্মবিক্রয় করিতে রাজি। এখন এই পুরানো জিনিসগুলি কেউ নেবে কি না, তাহাই ভাবিতেছি।”

মিঃ ব্যাগনেট বলিলেন, “ওসো, আমার মনের কথাটা জর্জকে আরও একটু ভাল ক’রে বুঝিয়ে দেও।”

“জর্জ, তোমার তত দোষ নেই। শুধু বিনা সমলে ব্যবসায় আরম্ভ করেছ, এই যা ত্রুটি।”

অনুভব করে জর্জ বলিলেন, “সেটাই আমার দোষ।”

“থাম! আগে আমায় শেষ করতে দাও। যখন তুমি জামিন চেয়েছিলে, আমি সেই সময়ের কথা বলছি। সে যা হবার, তা’ ত হয়ে চুকে গেছে। এখন সে জন্ত অনুভব করা বুঝা। তুমি সত্যবাদী ও সরল প্রকৃতির লোক। এখন পতন শোচনা নাস্তি।

শ্রীমতী এক হস্ত জর্জের দিকে—অন্য হস্ত স্বামীর দিকে বাড়াইয়া দিল।

মিঃ ব্যাগনেট বলিলেন, “দেখ, এখন এক কাজ করা যাক। চিঠিটার জবাব দিবে দাও। আর চল, আমরা দু’জনে স্মলউইডের কাছে গিয়ে কোন বন্দোবস্ত হয় কি না, তার ব্যবস্থা করা যাক।”

জর্জ টুপী লইয়া প্রস্থ হইলেন।

উভয়ে কথামত স্মলউইডের বাড়ী গিয়া হাবির হইলেন। বৃদ্ধ উভয়কে সম্বন্ধনা করিল। কিন্তু কাহাকেও বসিতে বলিল না। শুধু পৌছাইয়া বসিল, “তোমার ও নলটা নিয়ে এস।”

জর্জ বলিলেন, “আজ খুশলামের বেতন প্রয়োজন নেই।”

“তাই না কি? জুডি, তুমি তবু মিথ্যা এস।”

জর্জ বলিলেন, “দেখ, তোমার আর্থনিক বৃত্তি আমাদের সঙ্গে ভাল ব্যবহার করিতেছেন না। তিনি একটা চাল চালিয়াছেন।”

বৃদ্ধ বলিল, “কিন্তু তিনি ত সে রকম লোক নন।”

“তবে এ চিঠি কেন লেখা হইল?”

“জুডি, তুমি নলটা এনেছ? দাও, আমার হাতে দাও। আপনি জিজ্ঞাসা করছেন, এ চিঠিটা কেন লেখা হয়েছিল?”

জর্জ বলিলেন, “হাঁ, আমার প্রেরণ তাই। দেখ, আমি অনেক টাকা তোমাকে দিয়েছি। তা ছাড়া, তোমার সঙ্গে আমার বন্দোবস্ত এই ছিল যে, খত তামাদি হইবার আগেই আমি আবার সেটা বদলাইয়া দিব। সেই কথামত কাজ তুমি কর। আগে ত তোমার কাছ থেকে আমি কখনও এমন পত্র পাইনি। তা ছাড়া মিঃ ব্যাগনেট জামিন আছেন, এতে তাঁর অনিষ্ট হইবার কথা। তাঁর দেনা এক পয়সা নেই। সবই আমার দেনা।”

“তাই না কি? তা ত আমি জান্তাম না?”

জর্জ ক্রোধে জলিয়া উঠিলেন। কিন্তু আত্মসম্বরণ করিয়া বলিলেন, “তুমি সব জানিয়াও এখন তাকামী করিতেছ।”

স্মলউইড ক্রুর দৃষ্টিতে চাহিয়া বলিল, “মিঃ জর্জ, আমার দ্বারা আপনার কোন উপকারের সম্ভাবনা নাই! আমি আপনাকে চূর্ণ করিবার জন্ত এই ব্যবস্থা করিয়াছি।”

এই বলিয়া সে নলটা ভাঙিয়া চুরিয়া তুমিতলে নিক্ষেপ করিল।

জুই বন্ধ পরস্পরের প্রতি দৃষ্টিপাত করিলেন।

বৃদ্ধ বলিল, “এখন জাহান্নমে যাও। তোমার সঙ্গে আর কোন কথা নেই। এখন আমার উকীলের কাছে গিয়ে তোমার স্বাধীনতার ধ্বজা উড়িয়ে দেখাও গে! যদি সেখানে গেলে কোন উপায় হয়, তার চেষ্টা দেখ। জুডি, দরজা খুলে উদ্দের বাহিরের পথ দেখিয়ে দাও। যদি কেতে না চায়, লোক ডাকাডাকি করো।”

ব্যাগনেট জর্জকে এক প্রকার টানিয়াই বাহিরে আনিলেন।

জর্জ বলিলেন, “চল, একবার উকীলের কাছেই যাই।

লিফট ইনে পৌছিয়া তাঁহার আশ্রিতে পারিলেন যে, টেক্সনর তখন কাছের ব্যস্ত আছেন, দেখা হইবে না।

তিনি তাঁহাদের সহিত দেখা করিতে সম্মত নহেন। এক ঘণ্টা প্রতীক্ষার পর তাঁহারা আবার সুহরীকে বলিলেন যে, উকীলের সহিত দেখা না করিয়া তাঁহারা ফিরিবেন না।

কিয়ৎকাল পরে উকীলের কর-হইতে একটি রমণী সকল বাহির হইলেন। এই রমণী সুন্দর ও ব্যাক্যাবতী। তিনি শ্রীমতী রাউলভকে। সুহরী এই প্রবীণা রমণীকে প্রত্যক্ষ করে তির্যক দিয়া কাছিরের পথ দেখাইবার জন্য আগ্রহের হইল। রমণী সুই জন বৈনিককোষধারী পুরুষকে স্তম্ভিত দেখিয়া পলাইলেন।

জর্জ তখন প্রাচীর-বিলম্বিত একটি তারিখসম্বলিত চিত্র অভিনিবেশ সহকারে দেখিতেছিলেন। সুহরী, রমণীর প্রবেশ বুঝাইয়া দিল যে, উহার আগমুক। মিঃ ব্যাগনেট বলিলেন, "হ্যাঁ ম্যাদাম, আমরা পূর্বে কোম্পানী ছিলাম।"

জর্জ তখনও স্তম্ভিত মহানিবেশ করিয়া ছবি দেখিতেই ব্যস্ত।

"আমি তাই ভেবেছিলাম। আপনাদের চেহারা দেখলেই আমার মন উত্তেজিত হয়ে উঠে। ভগবান আপনাদের মঙ্গল করুন। আমার এই গুণ্ডা আপনারা মার্জনা করবেন। আমার একটি ছেলে অনেক দিন আগে মেনাদলে মোগ দিয়াছিল। সে দেখিতে অতি সুন্দর পুরুষ ছিল, আর সাহস ছিল অসাধারণ। মহাশয়, আপনাদের একটু কষ্ট দিলাম, কিছু মনে করবেন না। ভগবান আপনাদের মঙ্গল করুন!"

মিঃ ব্যাগনেট বলিলেন, "ভগবান আপনারও মঙ্গল করুন!"

সুন্দর রমণীর বাক্যে এমন একটি আগ্রহ, কণ্ঠস্বরে এমন একটি করুণ ভাব ফুটিয়া উঠিতেছিল যে, করুণ সকলেই বিচলিত হইয়াছিল। শুধু জর্জই এতই নিবিষ্টচিত্তে ছবি দেখিতেছিলেন যে, রমণী কক্ষ হইতে নিষ্কাশিত না হওয়া পর্যন্ত তিনি মুখ তুলিয়া চাহিলেন না।

ব্যাগনেট বলিলেন, "জর্জ, ভাই, তুমি এত বিমর্ষ হ'লে কেন? আমরা বৈনিক, এত অধীর হ'লে কি আমাদের চলে? তুমি অত চিন্তিত্ব করো না।"

সুহরী দেখিল যে, লোক দুইটি উকীলের সহিত দেখা না করিয়া নড়িবে না। তখন সে পুরুষের টলকিংহরণকে তাঁহাদের কথা বলিল। অগত্যা তিনি জিজ্ঞাসিককে ডাকিয়া পাঠাইলেন।

উভয়কে দেখিয়া তিনি বলিলেন, "তোমরা কি চাও, বল ত? বৈনিক, আমি ত তোমায় বলিয়া দিয়াছিলাম যে, তুমি কখনও আমার এখানে এসো না।"

জর্জ সহজে তাঁহার আগমনের উদ্দেশ্য ব্যক্ত করিলেন। উকীল বলিলেন, "তা আমি কি করিতে পারি বল, আমার কোন হাত নেই।"

অনেক কালাহ্বাদের পর জর্জ বলিলেন, "আপনার সঙ্গে গোপনে আমার কথা আছে।"

উকীল কাতারনের খবর দিয়া পাড়াইয়া বলিলেন, "বাহা বলিবার আছে, চটপট বলিয়া লও।"

জর্জ বলিলেন, "দেখুন, আমার কলটিকে আমি এ বিপদ থেকে মুক্তি দিতে চাই। যদি সেই কলকলগুলি দিয়ে ওঁকে রেহাই দেন, আমি তাতে রাজি আছি।"

"সে কলকলগুলি কোথায় নাকি আছে?"

"হ্যাঁ, মহাশয়।"

"দেখ সার্জেন্ট, এখনও মন স্থির করুন। এইবার শেক কথা। তুমি চিঠিগুলি এখন রেখেও যেতে পার, আবার কিছির নিয়েও যেতে পার। যদি এখানে গেলে যাও, আমি পুরুষের কলকল রাখতে রাজি আছি। তোমার কিছু ব্যাগনেট নিরাপদে থাকিবে, কেহ তাহাকে কোন বিষয়ে বিরক্ত করিবে না এ রকম অঙ্গীকার-পত্র আমি এখনই লিখে দিতে পারি। এতে রাজি আছ?"

জর্জ বলিলেন, "আমাকে ইচ্ছাতে স্বীকার পাইতেই হইবে।"

উকীল তখনই লেখাপড়া করিয়া দিলেন। জর্জ কোণের মধ্য হইতে চিঠির ভাড়া কাছির করিয়া দিলেন।

পত্র পড়িয়া উকীল উহা টেবলের উপর রাখিয়া দিলেন। তাঁহার মুখের একটি রেখাও পরিবর্তিত হইল না।

উভয়ে বিদায় লইয়া বাহিরে আসিলেন।

কয়েক মণ্ডাহ আমি শয্যাশায়ী রহিলাম। কোথা দিয়া, কেমন করিয়া দিনগুলি চলিয়া ফাইতেছিল, সে ধারণা আমার কিছুমাত্র ছিল না। আমি যেন একটা মসীকর হ্রদের জল-রাশি উত্তীর্ণ হইতেছি, এমনই একটা অস্বভূতি অনুভবিত।

আমার কাতর কণ্ঠস্বরে আমি সর্বদাই দরদর-কাছে গুলিতে পাইতাম। তাহাকে কাছে আসিতে দিতাম না বলিয়া সে আমাকে নির্ভর বলিয়া অভিহিত করিত। আমি শালিকে পুনঃ পুনঃ সাক্ষাৎ করিয়া দিতাম। সে তাহার কর্তব্য গভীর নিষ্ঠা ও দৃঢ়তার সহিতই পালন করিয়াছিল।

কিয়ৎকাল পরে আমার দৃষ্টিশক্তি অনেকটা স্বাভাবিক অবস্থা প্রাপ্ত হইল। তখন আমার লেখা চিঠি আমি নিজেই পড়িতে আরম্ভ করিলাম।

ক্রমে মেহে বলও ফিরিয়া আসিতে লাগিল। শালির সহিত একত্র বলিয়া যে দিন আমি চা-পান করিলাম, সে কি আনন্দের দিন!

শালি আমার কি গুণবাহী করিয়াছিল। স্মৃতিটুকু মেয়ের কি কর্তব্যপারগতা, কি প্রাণভরা মেহ। সে-সব-খাম্বিক কি চমৎকরণভাবেই পরিষ্কার-রক্ষিত ছিল। দেখিয়া আমার আনন্দ হইল।

করুণ চরিত্রকে চাহিতে চাহিতে আমি বলিলাম,



“শার্গি, তবু যেন একটা কি জিনিস ঘরের মধ্যে নাই বলে আমার মনে হচ্ছে!”

বেচারী বালিকা চারিদিকে চাহিয়া বলিল যে, “কৈ, কোন জিনিসের অভাব আছে বলিয়া মনে করিতে পারিতেছি না।”

“ঘরের মধ্যের সব ছবিগুলি কি আছে?”

শার্গি বলিল, “সব কথানাই আছে।”

“অল্প আসবাব-পত্র?”

“সবই আছে, কেবল ঘরটাকে একটু পরিচ্ছন্ন রাখবার জন্ত ছ’ একটা জিনিস সরিয়ে সরিয়ে রেখেছি, মিস্।”

আমি বলিলাম, “তবু কিছু মনে হচ্ছে, ঘরের মধ্যে কি যেন নেই। হ্যাঁ, এইবার বুঝতে পেরেছি, আয়নাখানা নেই বটে!”

শার্গি কি একটা জিনিস আনিবার ছলনায় পাশের ঘরে প্রবেশ করিল। তাহার চাপা গলার ক্রন্দন-শব্দ আমার কাণে গেল।

আমারও মনে ঐ প্রকার একটা আশঙ্কার ছায়া পড়িয়াছিল। এখন নিশ্চিন্তরূপে বুঝিলাম, আমার আশঙ্কা সত্যে পরিণত হইয়াছে। আমি এ আঘাতে মুসড়িয়া পড়িলাম না, সে জন্ত ভগবানকে ধন্যবাদ। শার্গিকে ডাকিলাম। সে আসিল। প্রথমতঃ হাসিবার ভান করিল। আমি তাহাকে বুকের কাছে টানিয়া আনিয়া বলিলাম, “তাতে কি হয়েছে? আমার আগেকার চেহারা না থাকলেও কোন ক্ষতি নেই।”

ক্রমে ক্রমে শার্গির সাহায্যে এ-ঘর ও-ঘর করিতে লাগিলাম। সে ঘরেও দর্পণ ছিল না।

কর্তা এখন আমার সহিত দেখা করিবার জন্ত জেদ ধরিলেন। তাঁহাকে নিষেধ করিবার এখন আর কোনই হেতু ছিল না। এক দিন প্রভাতে তিনি আসিয়াই সাদরে আমার শিরশ্চুম্বন করিলেন। তাঁহার হৃদয়ে আমার জন্ত কত স্নেহ সঞ্চিত ছিল, তাহা আমি জানিতাম। আমার আকৃতির পরিবর্তনে তাঁহার স্নেহের কোন ব্যতিক্রম দেখিলাম না।

সোফায় বসিয়া তিনি আমার দেহকে ধারণ করিয়া রাখিলেন। কিয়ৎকাল তাঁহার মুখ দেখিতে পাইলাম না। যখন দেখিলাম, তখন সে আননে প্রসন্নতার স্নিগ্ধ দীপ্তি!

“ইহার, শেষে তোমাকেও এতটা সহিতে হইল?”

বলিলাম, “কর্তা, ভালর জন্তই ইহা ঘটিল।”

“ভাল?—হ্যাঁ, তা হ’তে পারে। ভালর জন্তই বলিতে হইবে বটে। তবে আদা ও আমার হৃৎকের সীমা ছিল না। বাড়ীর কাহারও মুখে হাসিটি ছিল না। রিক্, বেচারী রিক্ তোমার জন্ত ভাবিয়াই খুন। সে পত্রের পর পত্র লিখিয়াছে।

আমি সবিনয়ে বলিলাম, “রিচার্ড আপনাকে পত্র লিখিয়াছিলেন, আশ্চর্য্য!”

“হ্যাঁ। তোমাকে পত্র লিখিলে উত্তর পাইবার সম্ভাবনা

নাই দেখিয়া সে আমার লিখিয়াছিল। অবশ্য সে পত্র উদ্ভক্ত পূর্ণমাত্রায় বিরাজিত। স্নেহের লেশমাত্র তাহাতে নাই। কিন্তু সে দোষ তাহার নয়। জারনন্ডিস্ ও রনন্ডিস্ নামক মোকদ্দমাই তাহাকে গ্রাস করিয়াছে। তাই সে আমাকে বিষদৃষ্টিতে দেখে। আমাকে সে সন্দেহ করে। উকীলরা তাহাকে সেই রকম পরামর্শই দিয়াছে। সে শুনিতেছে যে, আমার স্বার্থের সহিত তাহার স্বার্থের সম্বন্ধ আছে। বেচারী সে, কি করিবে বল। আমার যদি সাধ্যায়ত্ত হইত, তবে তাহার পূর্বের প্রাণ-স্বাভের জন্ত আমার সর্বস্ব তাহাকে দিতে পারিতাম। এই কাল মোকদ্দমাই সর্বনাশ করিয়াছে।”

“কর্তা, রিচার্ড আপনাকে সন্দেহের চক্ষে দেখে। আপেক্ষা দুর্ভাগ্যের বিষয় আর কি হইতে পারে!”

“বাস্তবিক ইহার, বড়ই দুর্ভাগ্যের কথা। এই মোকদ্দমায় সহিত যাহারা জড়িত, তাহাদের কাহারও মঙ্গল নাই। সর্বাপেক্ষা দুঃখের কথা এই যে, এই পচা মোকদ্দমায় রিক্ আস্থাবান হইয়াছে। তাহার বিশ্বাস, সে এই মোকদ্দমার ফলে অতুল ঐশ্বর্য্য লাভ করিবে। যাক্, এখন আমাদের কর্তব্য এই যে, রিক্কে প্রতি আমরা কঠোর ব্যবহার আদৌ করিব না। তাহাকে কোন দোষও দিব না। তাহার ফুলের মত এমন চমৎকার হৃদয়টা এই মোকদ্দমার বাতাসে শুকাইয়া গিয়াছে, ইহার মত পরিতাপের কথা আর নাই।”

“কিন্তু কর্তা, রিচার্ডের কি এক দিন চৈতন্য হইবে না? সে কি এক দিন বুঝিবে না যে, সে মরীচিকার পশ্চাতে ঘুরিয়া বেড়াইতেছে?”

“সে আশা ত করি, ইহার। কিন্তু ভগবান্ করুন, যেন সে অভিজ্ঞতা সে অসময়ে লাভ না করে। যাক্, কথা এখন ছাড়িয়া দাও।”

কর্তার বক্ষে আমি মাথা রাখিলাম। বোধ হইল, যেন আমি পিতার স্নেহময় বক্ষে আশ্রয় পাইয়াছি। ভাবিলাম, একবার বললাভ করিয়া রিচার্ডকে ফিরাইবার চেষ্টা করিব।

কর্তা বলিলেন, “আদা তোমার সহিত দেখা করিবার জন্ত প্রায় পাগল হইয়া উঠিয়াছে। তাহাকে কখন আনিব?”

আমি বলিলাম, “দেখুন, এত দিন যখন আদার সঙ্গে দেখা করি নাই, তখন আরও কিছু দিন যাক্। আমি ও শার্গি দিনকতক কোথাও গিয়া বায়ুপরিবর্তন করিয়া আসি। তার পর আদার সঙ্গে দেখা করিব।”

কর্তা তাহাতেই রাজী হইলেন। বলিলেন যে, “বয়স্করন পূর্ব হইতেই আমাকে তাঁহার পল্লীভবনে যাইবার জন্ত পত্র লিখিয়া রাখিয়াছে। সে লিখিয়াছে, তুমি যদি তার বাড়ী না যাও, তবে সত্যই সে তার বাড়ীটা ভাঙিয়া ফেলিবে। একখানা ইটও আশ্রয় রাখিবে না।”

বয়স্করনের পত্র পড়িলাম। স্থির করিলাম সেইখানেই যাইব।

কর্তা বলিলেন, “দেখ, আর এখানে থাকিবার অসুখতি নাই। ডাক্তার যে কয় মিনিট থাকিতে বলিয়াছিলেন, তাহা শেষ হইয়াছে। আমি এখন ঘাইতেছি। ভাল কথা, মিস্ ফ্লিট তোমার অসুখের সংবাদ পাইয়া বিশ মাইল পদব্রজে এখানে আসিয়াছিল। বয়থরনের ওখানে ঘাইবার আগে একবার তাহার সহিত দেখা করিও।”

বুঝা যে আমাকে এতদূর পর্য্যন্ত দেখিতে আসিয়াছিল, এ সংবাদে আমি আনন্দিত হইলাম। স্থির হইল, এক দিন সে এখানে আমার সহিত দেখা করিতে আসিবে। দুই জনে একসঙ্গে আহাৰাদিও করিব।

ক্রমেই আমি বলভাভ করিতে লাগিলাম। আদা বাগানে আসিতেন। আমি জানালার পর্দার অন্তরালে দাঁড়াইয়া তাঁহার সহিত বাক্যলাপ করিতাম। তাঁহাকে আমার ক্ষতপূর্ণ মুখ দেখাইবার মত সাহস তখনও আমার হয় নাই।

নির্দিষ্ট দিনে মিস্ ফ্লিট আসিল। আমাকে দেখিয়া সে খুবই খুসী হইল। কাগজের তাড়া তাহার সঙ্গেই ছিল। সে একখানা রুমাল চাহিল। শার্লি একখানা রুমাল দিলে তদ্বারা বুঝা কাগজ-পত্র ঝাঁধিয়া ফেলিল। তার পর বলিল, “ভাল কথা, রুমালের কথায় একটা কথা মনে পড়িল।” বলিয়াই সে শার্লির মুখের দিকে চাহিল। বুঝিলাম, শার্লি তাহাকে বলিতে নিষেধ করিতেছে।

আমি সহাস্তে বলিলাম, “ব্যাপারটা আমার বলিতে হইবে, এমন কৌতূহল দমন করিতে পারিতেছি না।”

শার্লি তখন বলিল, “আপনি বলিতে পারেন।”

বুঝা বলিল, “সে এক মজার কথা। তেমন বিশেষ কিছু নয়, তবু আমার বড় ভাল লাগিয়াছে। আমরা গাড়ীতে আসিতেছি, পথে একটি স্ত্রীলোকের সঙ্গে দেখা হইল।”

শার্লি বলিল, “মিস, সে আমাদের জেনী!”

“হ্যাঁ সেই বটে! এই বালিকা তাকে জেনী বলেই ডেকেছিল। সেই জেনী বলিতেছিল যে, তোমার অসুখের সময় একটি অবগুণ্ঠনারূতা মহিলা জেনীর কুটীরে আসিয়া তোমার সংবাদ লইতেছিলেন। তার পর জেনীর কাছে তোমার একখানা রুমাল আছে জানিয়া মহিলাটি সেখানা গ্রহণ করেন। জেনী কোনমতেই দিবে না, তিনিও ছাড়িবেন না। জেনী বলিয়াছিল, তাহার মৃত শিশুটিকে তুমি সেই রুমাল দিয়া ঢাকিয়া দিয়াছিলে, সেজন্য ঐ রুমালখানি তাহার কাছে মহামূল্যবান সামগ্রী। কিন্তু লেডীটি শেষকালে রুমালখানি না লইয়া ছাড়েন নাই। জেনী এখন তোমাকে জানাতে চায় যে, টাকার জন্ত সে রুমালখানা হাতছাড়া করে নাই। সে লেডীটিকে চেনে না।”

আমি বলিলাম, “কথাটা এখন মনে পড়িতেছে বটে। তার পর কি হইল?”

শার্লি বলিল, “লেডী রুমালখানার পরিবর্তে কিছু টাকা

ফেলিয়া রাখিয়া গিয়াছেন। কিন্তু জেনী তাহাতে অত্যন্ত দুঃখিত।”

আমি সবিস্ময়ে বলিলাম, “কে এই লেডী? আমি ত কিছুই বুঝিতে পারিতেছি না।”

এই লেডীর কথাটা আমি মনে রাখিলাম না। আমার মনে হইয়াছিল, বোধ হয়, ক্যাডিই এ কাজ করিয়া থাকিবে। বুঝার সহিত একত্র ভোজন করিতে বসিলাম। অন্ত্যস্ত অনেক বিষয়ের আলোচনা হইল। আমি তাহাকে বলিলাম, “এখনও কি তুমি কোর্টে যাও?”

“সে কি না গিয়ে পারি। যত দিন বাঁচিব, ঘাইতে হইবে। ও যে নেশা জমিয়া গিয়াছে। ভাল কথা, তোমাদের রিচার্ডও যে রোজ কোর্টে যান। রোজই আমার সঙ্গে দেখা হয়। এই বেলা যদি তাঁকে ওখান থেকে না সরায়, তবে রক্ষা নেই। তাঁর স্বাস্থ্য অনিবার্য।”

রিচার্ড সম্বন্ধে বুঝার মন্তব্য শুনিয়া আমার মন বিচলিত হইল।

হাসিতে হাসিতে বুঝা আবার বলিল, “তুমি ত একবারও আমার ডাক্তারের সাফল্যের সম্বন্ধে কোন কথা বলিলে না?”

আমি বলিলাম, সে কি বলিতেছে, বাস্তবিকই আমি বুঝিতে পারিতেছি না।

“আমার ডাক্তার, মিঃ উডকোর্টের কথা বলিতেছি।”

আমি বলিলাম, “তিনি ত এখন বহু দূরে, কাজেই সে কথা আমার মনে হয় নাই।”

“তাঁর কথা কিছু শোন নাই?”

আমি বলিলাম, “না।”

“বাঃ, সকলেরই মুখে তাঁর কথা, আর তুমি কিছু জান না?”

“কেমন করিয়া জানিব। আমি ত দীর্ঘকাল রোগশয্যায়।”

“সে কথা সত্য। দোষ আমারই। যাক, আমি বলিতেছি। প্রাচ্য সমুদ্রে একটা জাহাজ ডুবিয়া ভারী দুর্ঘটনা হইয়াছিল। অত উত্তেজিত হইও না। আগে সবটা শোন। ডাক্তার নিরাপদে আছেন। কিন্তু জাহাজডুবি হইয়া শত শত লোক মারা যায়। চারিদিকে ভীষণ ঝড়। কিন্তু তদবস্থায় ডাক্তার কত লোকের জীবন যে রক্ষা করেন, তার সংখ্যা নাই। পীড়িতদিগকে তিনি যে ভাবে গুণ্ঠনা করিয়াছিলেন, তাহার তুলনা নাই—হয় না। সকলে তাঁহাকে তখন দেবতা বলিয়া ভাবিয়াছিল। সমগ্র দেশ তাঁহার প্রশংসায় পরিপূর্ণ। কাগজে সকল সংবাদ বাহির হইয়াছে। আমার কাছেই একখানা কাগজ আছে। এই তাড়ার মধ্যেই আছে।”

বুঝা সংবাদপত্রটি বাহির করিয়া আমার হাতে দিল। আমি সে মহৎ আত্মত্যাগের কাহিনী পাঠ করিলাম। পড়িতে পড়িতে লোকটির প্রতি শ্রদ্ধায় আমার চিত্ত পরিপূর্ণ হইল।



চিরহুঃখিনী মা আমাকে বলিলেন যে, আমার পীড়ার কথা শুনিয়া তিনি প্রায় উন্মাদিনী হইবার অবস্থায় দাঁড়াইয়াছিলেন। ঠিক সেই সময়েই তিনি প্রথম জানিতে পারেন যে, তাঁহার সম্ভান জীবিত আছে। আমিই যে তাঁহার সেই সম্ভান, তাহা তিনি পূর্বে ধারণাও করিতে পারেন নাই। আজ তিনি অবসর পাইয়া আমার কাছে আসিয়াছেন। আমার সহিত এই তাঁহার শেষ সম্ভাষণ। এ জীবনে আমরা কখনও পরস্পরের সাহচর্য লাভ করিতে পারিব না, পত্র-বিনিময় করিব না। এ পৃথিবীতে আর কখনও উভয়ের মধ্যে কথার আদান-প্রদানও হইবে না। একখানি চিঠি তিনি লিখিয়া আনিয়াছেন। সে পত্র পাঠ করিয়া আমি যেন তাহা ছি ডিয়া ফেলি। তাঁহার নিজের জন্ম নহে। শুধু তাঁহার স্বামী ও আমার জন্মই উহা ছি ডিয়া ফেলা আবশ্যিক। এখন হইতে আমি যেন তাঁহাকে মৃত মনে করি। যদি এ কথা আমার মনে বিশ্বাস হয় যে, তিনি প্রকৃতই আমাকে স্নেহ করেন, মাতৃয়ের মমতা তাঁহার হৃদয়ে আমার জন্মই সঞ্চিত আছে, তবে আমি যেন তাঁহার স্মৃতিকে মনে রাখি। কি যন্ত্রণা, কি দুঃসহ বেদনা বক্ষে লইয়া তাঁহাকে চলিতে হইতেছে, সে কথা মনে করিয়া আমি যেন তাঁহাকে একটু অমুকম্পা করি। এ জীবনে তাঁহার আর কোন আশাও নাই, ভরসাও নাই। তাঁহার গুপ্তকথা প্রকাশ পাইবে কি অপ্রকাশ থাকিবে, ইহার জন্ম তিনি একাই সংগ্রাম করিবেন! এ বিষয়ে অল্প কোনও মানুষ তাঁহাকে বিন্দুমাত্র সাহায্য করিতে পারিবে না।

আমি বলিলাম, “স্নেহময়ী মা আমার! এ গুপ্তকথা কি প্রকাশ হইবার বলিয়া মনে কর?”

মা বলিলেন, “প্রকাশ পাইবার বেশী বিলম্ব নাই। শুধু আকস্মিক ঘটনা-চক্রে উহা এত দিন প্রকাশ পায় নাই। হয় ত কালই আবার প্রকাশ পাইতে পারে।”

“তুমি কি কোন একটা লোককে সন্দেহ কর?”

“চুপ! আমার জন্ম অশ্রুপাত করিও না। আমি উহার যোগ্য নহি। একটু লোককে আমি ভয় করি।”

“সে কি শত্রু?”

“মিত্র নয়। সে এমনই নির্ভিকার যে, শত্রু কি মিত্র বুঝিবার যো নাই। স্মার লিষ্টারের সে উকীল। স্নেহের ভালবাসার কোন আকর্ষণ নাই—ঠিক যেন যন্ত্রচালিতবৎ, অথচ বিশ্বাসী। বড় বড় পরিবারের গুপ্তরহস্য আবিষ্কারেই তাহার আনন্দ। সে এইরূপে সকলকে মুঠার মধ্যে রাখিতে চায়।”

“তার মনে কি কোনও সন্দেহের উদ্দেশ্য হইয়াছে?”

“একটা নয়, বহু।”

“তোমার সম্বন্ধেই?”

“হ্যাঁ! সে সর্বদাই চারিদিকে চোখ রাখিয়াছে। সর্বদাই আমার কাছে কাছে ঘোরে। আমি তাহাকে কিছু

দিনের জন্ম ধমকাইয়া রাখিতে পারি; কিন্তু তাহাকে ঝাড়িয়া ফেলা দুঃসাধ্য।”

“লোকটার মনে কি এতটুকু দয়া বা সহানুভূতি নাই?”

“না, তা নাই। তা হাড়া, ক্রোধও তার নাই। নিজের ব্যবসা ছাড়া পৃথিবীর অন্যান্য সকল বিষয়েই সে উদাসীন। তাহার ব্যবসাই হইতেছে অস্ত্রের গুপ্ত কথা আবিষ্কার করা। শুধু তাই নয়, সেই আবিষ্কারের বলে সে প্রাধান্য—কর্তৃত্ব করিতে চাহে।”

“তাহাকে কি তুমি বিশ্বাস করিতে পার না?”

“সে চেষ্টা আমি কখনও করিব না। যে তমোময় পথ ধরিয়া চলিয়াছি, সেই পথ আমার যেখানে লইয়া যাইবে, আমি তথায় যাইব। হয় ত তাহা অবিলম্বেই ঘটিবে, নয় ত বিলম্ব আছে।”

“মা, তুমি কি এ বিষয়ে দৃঢ়সংকল্প?”

“হ্যাঁ। আমি এত কাল শঠের সহিত শাঠ্য, চপলের সহিত চপলতা, দাস্তিকের সহিত দস্তুর পাল্লা দিয়া চলিয়া আসিয়াছি। হয় ত এ বিপদ হইতে উত্তীর্ণ হইয়া আমি দীর্ঘকাল বাঁচিতে পারি। যে অবস্থাকে আমি স্বয়ং বরণ করিয়া লইয়াছি, তাহার নাগপাশ হইতে উদ্ধারমান কোন সম্ভাবনাই নাই।”

আমি বলিলাম, “মিঃ জারনুডিস্—”

বাধা দিয়া “মাতা বলিলেন, “তাঁহার মনে কি কোন প্রকার সন্দেহ হইয়াছে?”

আমি বলিলাম, “না, তাঁহার মনে কোন সন্দেহ হয় নাই। সে বিষয়ে নিশ্চিন্ত থাক।”—এই বলিয়া তিনি আমার সম্বন্ধে যতটুকু জানিতেন, তাহা বলিলাম।—“তিনি এমনই সুবিবেচক যে, যদি তিনি জানিতেন—”

মা বলিলেন, “তাঁহার কাছে সব কথা প্রকাশ করিও এ বিষয়ে আমি তোমাকে সম্পূর্ণ স্বাধীনতা দিতেছি। কিন্তু সে কথা আমাকে জানাইবার কোন প্রয়োজন নাই। এখনও আমার মধ্যে অহঙ্কারের সমাধি হয় নাই, কিছু কিছু এখনও আছে।”

মাতৃস্নেহের স্বাদ কোন দিন পাই নাই। আজ সে জন্ম আমার হৃদয় সম্পূর্ণভাবে আলোড়িত হইয়া গিয়াছিল। তথাপি যতটুকু পারি, আত্মসংবরণ করিয়া মাকে বলিলাম যে, যদি মিঃ জারনুডিসের পরামর্শ লওয়া যায়, তাহা হইলে সেই মহৎ-প্রাণ, উদার-হৃদয় মহাত্মভবের দ্বারা অনেকটা সাহায্য পাওয়া যাইতে পারে। কিন্তু মাতা বলিলেন, তাহা অসম্ভব। তাঁহাকে কেহই সাহায্য করিতে পারিবে না। মরুভূমির তপ্ত বায়ু পার হইয়া তাঁহাকে একাই মাত্রা শেষ করিতে হইবে।

“বাহা আমার! মা আমার! এই আমার শেষ সম্বোধন! এই আমার শেষ চুপন! এই হাত দুইখানি আর কখনও আমার স্বর্গদেশে স্থাপিত হইবে না! এ

জীবনে আর আমাদের দেখা হইবে না! আমার উদ্দেশ্যকে কার্যে পরিণত করিবার জন্ত আমি এত দিন যা ছিলাম, আবার ঠিক আমাকে তাই হইতে হইবে! এই আমার পুরস্কার! ইহাই আমার অদৃষ্টলিপি! যদি কখনও তুমি এমন কথা শুন যে, লেডী ডেডলকের প্রশংসায় ভুবন ভরিয়া গিয়াছে, চারিদিক হইতে সাক্ষ্যের সংবাদ আসিতেছে, লেডী ডেডলকের মত সুখী আর কেহ নাই, তখনই একবার তোমার অভাগী মাকে মনে করিও। মনে রাখিও, ছদ্মবেশের অন্তরালে একখানি বিবেকমণ্ড, অভিশপ্ত চিত্ত অহর্নিশি কি নিদারুণ মনস্তাপ ও মন্ত্রণা সহ্য করিতেছে। মনে রাখিও, সম্মানবাৎসল্যকে চাপিয়া রাখিয়া পলে পলে সেই দুর্ভাগিনী নারী কি বিরোগাস্ত নাটকের অভিনয়ই না করিতেছে! তখন যদি পার, তবে তাহাকে ক্ষমা করিও; ভগবানের কাছে তাহার জন্ত করুণা ও ক্ষমা ভিক্ষা করিও। ভগবান কি তাহাকে ক্ষমা করিবেন?"

কিয়ৎকাল পরস্পর পরস্পরকে আলিঙ্গনে বদ্ধ করিয়া রাখিলাম। মা'র চিত্তের এমনই দৃঢ়তা যে, তিনি আমার বাহুপাশ হইতে আপনাকে মুক্ত করিয়া লইয়া আমার বুকের উপর উহা রক্ষা করিলেন। তার পর শেষবার আমাকে চুম্বন করিয়া তিনি অরণ্যমধ্যে অন্তর্হিত হইলেন। আমি তখন একা। অদূরে বৃহৎ প্রাসাদ দেখা যাইতেছিল।

আমি অত্যন্ত অভিভূত হইয়া পড়িয়াছিলাম। অবশেষে মনে হইল, আমার চাঞ্চল্যকে দমন করিতে হইবে। যাহাতে শার্লি না বুঝিতে পারে, আমি কাঁদিয়া কাঁদিয়া চক্ষু লোহিত করিয়া ফেলিয়াছি—তাহার ব্যবস্থা করিলাম। বিষয়টিকে সম্পূর্ণ গোপন রাখিতে হইবে। প্রায় এক ঘণ্টা পরে আমি যখন বুঝিলাম যে, আমার মানসিক চাঞ্চল্য কেহই লক্ষ্য করিতে পারিবেন না, তখন আমি গৃহের দিকে ফিরিলাম। অতি দীর্ঘপদে আমি অগ্রসর হইতেছিলাম। গেটের কাছে শার্লি আমার প্রতীক্ষা করিতেছিল। তাহাকে বলিলাম যে, লেডী ডেডলক চলিয়া গেলে আমি একা আরও খানিক বেড়াইয়াছি। স্নেহ প্রলোভন দমন করিতে পারি নাই। কিন্তু অতিরিক্ত ভ্রমণে শরীরটা বড়ই পরিশ্রান্ত হইয়াছে, আমি এখনই শয়ন করিব। নিজের ঘরে আসিয়া আমি মা'র চিঠিখানি পড়িলাম। তাহা হইতে বুঝিলাম, মা আমাকে পরিত্যাগ করেন নাই। তাঁহার জ্যেষ্ঠা ভগিনী, আমার পালিকা মাতা, আমার মৃতদেহে জীবনের লক্ষণ দেখিতে পাইয়া কর্তব্যবোধে আমাকে গোপনে লালন-পালন করেন। মাতা আমাকে মৃত অবস্থায় জুমিষ্ঠ হইতে দেখিয়া মনে করিয়াছিলেন, আমার অস্তিত্ব নাই। আমার পালিকা মাতা আমাকে লইয়া সেই যে অন্তর্হিত হইয়াছিলেন, আর তিনি তাঁহার সহোদরার মুখদর্শন করেন নাই। আমার মাতা অল্প কয়েক দিন মাত্র জানিতে পারিয়াছেন যে, আমি জীবিত আছি। প্রথমে আমাকে যখন ধর্মমন্দিরে দেখেন, তখনই

তিনি চমকিত হইয়াছিলেন। যদি তাঁহার সম্মান বাচিয়া থাকিত, তবে সে সময়ে আমারই বরসী হইত, এ কথা তখনই তাঁহার মনে উদ্ভিত হইয়াছিল। কিন্তু সে সময়ে তিনি আমার অস্তিত্বের সংবাদ জানিতেন না।

পত্রে আরও অনেক কথা ছিল; কিন্তু সে সকল কথা আমার জীবন-কাহিনীর বখাষ্মলে বর্ণিত হইবে।

জননী পত্রখানি প্রথমেই ভাঙ্গে পরিণত করিলাম। ছাইগুলিরও অস্তিত্ব পর্যন্ত বিলুপ্ত করিলাম। সত্য কথা বলিতে কি, কেন আমি বাঁচিলাম, এত বড় হইলাম, ইচ্ছা ভাবিয়া আমার মন অত্যন্ত বিমর্ষ হইয়া গেল। আমি না বাঁচিলে অনেকে পরম আরামে নিশ্বাস ত্যাগ করিতে পারিতেন। আমি আপনাকেই আমার মাতার বিষ্ময়রূপ মনে করিলাম। আমার জন্মই হয়, ত আমার জননী নিন্দিতা—লাঞ্ছিত হইবেন, একটা অভিজাতবংশের মস্তক—সম্মম ধূলিতলে লুটাইয়া পড়িবে। আমার মনের এমনই অবস্থা হইল যে, আমার মৃত্যুই মঙ্গলের ছিল। কেন আমি বাঁচিলাম!

নানা দুর্ভাবনা সত্ত্বেও ঘুমাইয়া পড়িলাম। প্রভাতে নিদ্রাভঙ্গের পরও মনে হইতে লাগিল, আমি অস্তুর বিষ্ময়রূপই এ জগতে আসিয়াছি। বাল্যকালে আমার পালিকা মাতা আমাকে যে কথা বলিয়াছিলেন, আজ তাহা মনে পড়িল। ভালরূপেই তাহার অর্থ আজ হৃদয়ঙ্গম করিলাম।

সে দিন সন্ধ্যা হইয়া গেলে আমি একা ভ্রমণে বাহির হইলাম। পার্কের মধ্যে প্রবেশ করিয়া প্রাসাদের অভিমুখে অগ্রসর হইলাম। কাহারও সহিত আমার দেখা হইল না। ধীরে ধীরে অগ্রসর হইতেই সম্মুখে প্রাসাদের ছাদটি দেখিতে পাইলাম। সে দিকটা সম্পূর্ণ জনহীন। বাহিরে উচ্চানের পথে চলিতে চলিতে দেখিলাম, একটি কক্ষে আলো জ্বলিতেছে। দেখিয়া বুঝিলাম, সেটি আমার মাতার শয়ন-কক্ষ। বাগানে ফুলের মধুর গন্ধ; মন বিমোহিত হইল। পদচারণা করিতে করিতেই ইতিহাসপ্রসিদ্ধ ভূতের ছাদটি দেখিতে পাইলাম। তাহার পার্শ্বেই আমার মার শয়নকক্ষটি অবস্থিত। একবার আলোকিত জানালার দিকে চাহিয়াই চলিতে আরম্ভ করিলাম। কিন্তু পথের সে স্থলটিতে এমনই পদশব্দ হইতে লাগিল যে, জনপ্রবাদটির কথা তখনই মনে পড়িল। ভূতের ছাদটি যে দিকে অবস্থিত, সে দিকে যদি সত্যই কোন পদশব্দ শোনা যায়, তবে ডেডলক-বংশের দুর্ঘটনা ঘটে। মনে হইল, আমিই ত এ বংশের দুর্দশার কারণস্বরূপ জন্মিয়াছি। আতঙ্কে আমার শরীর শিহরিয়া উঠিল। আমি কোন দিকে না চাহিয়া দ্রুতপদে প্রত্যাবর্তন করিলাম।

মনটা অত্যন্ত অগ্রসর হইল। বাড়ীতে আসিয়াই দুইখানি পত্র পাইলাম, একখানি আদার। সে কাল এখানে আসিবে। দ্বিতীয়খানি কর্তার। তিনি লিখিয়াছেন, গৃহকর্তার অভাবে গৃহস্থালী নষ্ট হইতে বসিয়াছে! দুইখানি



পরে স্নেহের যে সূখ-সমুদ্র উন্মুল হইয়া উঠিয়াছিল, তাহাতে আমার মনের নিরানন্দ ভাবটা কিছু সরিয়া গেল। বুঝিলাম, আমার শূন্য ভগবানের অভিপ্রেত নহে। আমার সূখের জন্ম ভগবান কত প্রকারেই আয়োজন করিয়া রাখিয়াছেন। আমার জন্মের জন্ম আমি দায়ী নহি। আর একটি রাণীও যেমন সে সঙ্কে নির্দোষ, আমিও তাহাই। বিশেষতঃ ভগবানের কাছে এজন্ম আমাকে কখনও জবাবদিহী করিতে হইবে না। ভগবানের কাছে প্রার্থনা করিলাম, তিনি যেন আমাকে শক্তি প্রদান করেন। আমার দুঃখিনী মাতার জন্মও পরম পিতার নিকট সকাতে প্রার্থনা করিলাম। তিনি আমার মাতাকে সাধুনা দিন, রক্ষা করুন।

আদা অপরাহ্ন পাঁচটার সময় আসিবে। আমি তাহাকে আগাইয়া আনিবার জন্ম চলিলাম। আমার পীড়ার পর আমার সোদরোপমা আদার সহিত প্রথম সাক্ষাৎ হইবে। সে কি আমার পরিবর্তন দর্শনে বিচলিত হইবে না? আমার সে মুষ্টি ত আর নাই! আমি আবার পথ হইতে ফিরিলাম।

খানিক পরে শার্লি বলিল, “ঐ তিনি আসছেন।”

আমি তাড়াতাড়ি উপরে পলাইয়া গেলাম। আদাও ছুটিয়া উপরে আসিল। আমাকে আবেগভরে বুকে চাপিয়া ধরিল। তাহার মুখে সেই সরল, প্রসন্ন হাস্য ভালবাসার আলোকে উদ্দীপ্ত।

আমার চিত্ত আনন্দ ও রুতজ্ঞতায় পূর্ণ হইয়া উঠিল। অশ্রুপ্লাবনে উভয়েরই গণ্ডদেশ প্লাবিত হইয়া গেল।

৩৭

শুধু কথাটা যদি শুধু আমারই হইত, তবে নিশ্চয়ই আমি আদার নিকট তাহা প্রকাশ করিতাম। কিন্তু উহা ত আমার নহে। কথাটা আমার অভিভাবকের নিকটও প্রকাশ করা তখন সম্ভব বলিয়া বিবেচিত হইল না। নিতান্ত প্রয়োজন না হইলে বলা উচিত নহে বলিয়াই আমার মনে হইল। কিন্তু একা এত বড় বিরাট বোঝা বহন করা কি কষ্টকর নহে? আদা—আমার প্রাণাধিকা ভগিনী যখন নিদ্রা যাইত, তখন মার কথা মনে করিয়া আমি জাগিয়া বসিয়া থাকিতাম, কিছুতেই নিদ্রা আসিত না। দুই চারি দিন এই ভাবে কাটিলে আমি অতিকষ্টে মনের উপর প্রভাব বিস্তার করিলাম। আদার নিকট আমাকে পূর্ববৎ হইতেই হইবে।

আদা কথা-প্রসঙ্গে ডেডলক-পরিবারের কথা তুলিল। তাঁহাদের কেহ প্রাসাদে আছেন কি না। এ প্রশ্নের আলোচনার সভ্য প্রকাশ হইয়া যাইতে পারে, তাই অতি সাবধানে আমি কথা কহিলাম। লেডী আসিয়াছেন, আমার সহিত দেখাও হইয়াছিল। আদা জিজ্ঞাসা করিলেন, কি কথাবার্তা হইয়াছিল। বলিলাম, আমার পীড়ার কথা

শুনিয়া তিনি দুঃখপ্রকাশ করিয়াছিলেন, ইত্যাদি। আদা বলিলেন যে, লেডী খুব সুন্দরী বটেন; কিন্তু বড়ই দাড়িকা। কথাটা আমার নিকট কিরূপ প্রীতিকর, তাহা সহজেই অনুমেয়। শার্লি আমাকে সে বিপদ হইতে উদ্ধার করিল। সে বলিল যে, লেডী ডেডলক মাত্র দুই রাত্রি প্রাসাদে অবস্থান করিয়াছিলেন; তার পর অল্প নগরে ভ্রমণ করিতে গিয়াছেন। আমার সহিত যে দিন তাঁহার দেখা হইয়াছিল, তাহার পরদিবস প্রাতেই তিনি এ স্থান ত্যাগ করিয়াছেন। শার্লি আমাদের অপেক্ষা অনেক সংবাদ রাখে। কারণ, তাহারা যেদিন যেখানে যাহা ঘটে, তাহার আলোচনা করিয়া থাকে। তাহারা দৈনিক ঘটনা যাহা জানিতে পারে, আমরা তাহা মাসের মধ্যেও জানিতে পারি মা।

বয়স্করনের বাড়ীতে মাসখানেক থাকিব স্থির হইয়াছিল। প্রাণাধিকা আদা মাত্র এক সপ্তাহ আসিয়াছে। এক দিন সন্ধ্যায় বাতী জলিবার পর শার্লি আমাকে আদার অলঙ্ঘ্য হাতছানি দিয়া ডাকিল। তাহার ভাবে বুঝিলাম, সে যেন একটা বড়-গোছের সংবাদ আনিয়াছে।

আমি একান্ত উপস্থিত হইলে সে তাহার দীর্ঘায়ত নয়নযুগল আরও বিস্ফারিত করিয়া অক্ষুট স্বরে আমাকে বলিল, “মিস, আপনি যদি অনুগ্রহ করে একবার ডেডলক আরম্ভ হোটেলে যান, বড় ভাল হয়। সেখানে এক জন আপনার সঙ্গে দেখা করিতে চান।”

আমি বলিলাম, “শার্লি, কে সে বল ত? হোটেলে আমার সঙ্গে দেখা করিতে চায়, এমন লোক কে আছে?”

শার্লি বলিল, “তা ত আমি জানি না, মিস। তবে এক জন ভদ্রলোক আপনার সঙ্গে সাক্ষাৎপ্রার্থী। আপনি আর বেশী কোন আপত্তি না করে সেখানে একবার যান না।”

আমি বলিলাম, “কে আমাকে যেতে বলেছে, শার্লি?”

“তিনি গো, মিস, তিনি।”

“তুমি সে সংবাদ জানিলে কিরূপে?”

“হোটেলওয়ালার গ্রাবলু সাহেব সংবাদ পাঠিয়েছেন।”

ব্যাপারটা ভালরূপ বুঝিতে না পারিয়া, আমি হোটেলে যাওয়াই সম্ভব বলিয়া মনে করিলাম। আমি অবগুষ্ঠনে মুখমণ্ডল আবৃত করিয়া সেই দিকে চলিলাম।

হোটেলওয়ালার বাহিরে দাঁড়াইয়াছিল। সে আমাকে দেখিয়া সমাদরে বসিবার ঘরে লইয়া অল্প দ্বারপথে কক্ষান্তরে প্রবেশ করিল। মুহূর্তে আর একটা দরজা খুলিয়া গেল। দেখিলাম, সম্মুখে রিচার্ড!

তাঁহার সম্মুখে সস্তাষণে আত্মপায়িত হইলাম।

আমি অবগুষ্ঠন আংশিক উন্মোচন করিলাম। রিচার্ড বলিলেন, “ইস্তাহার, তুমি ঠিক তেমনই আছ।”

এবার সমস্ত অবগুষ্ঠনটা সরাইয়া ফেলিলাম। আমার সমস্ত মুখমণ্ডল দেখিয়া রিচার্ডের কোনও ভাববৈলক্ষ্য্য দৃষ্ট হইল না।

## রিকার্ড

রিচার্ড বলিলেন, “দেখ ইস্‌হার, তোমাকেই এখন আমার বিশেষ প্রয়োজন। কারণ, তুমি যাহাতে আমার অবস্থাটা বুঝিতে পার, আমার তাহাই প্রধান কামনা।”

আমি বলিলাম, “আমিও তোমাকে উত্তরে এই কথা বলিব যে, তুমিও যাহাতে অল্পকে বুঝিতে পার, আমারও সেই অভিপ্রায়।”

রিচার্ড বলিলেন, “তুমি জন্ জারনুডিসের কথা বলিতেছ?”

“নিশ্চয়ই।”

“তবে আমি বলি, এই প্রসঙ্গের আলোচনা করিবার জগুই আমার আগ্রহ বেশী। কারণ, সে দিক দিয়া তোমরা আমায় যাহাতে বুঝিতে পার, তাহাই আমার কামনা। অর্থাৎ তুমি আমাকে ভুল বুঝিও না। মিঃ জারনুডিস্ অথবা অপর কেহ আমাকে ভুল বুঝিলেন কি না, তাহার জগু আমার কোন মাথাব্যথা নাই।”

রিচার্ডের কথার ভাবে সত্যই আমার হৃদয় ব্যথিত হইল। রিচার্ড তাহা বুঝিতে পারিলেন। তাই তিনি বলিলেন, “প্রিয় ইস্‌হার, ও কথা এখন থাক; পরে আলোচনা করা যাইবে। এখন তোমাদের এই পল্লীভবনে আমি চুপচাপ যাইতে চাই। আদাকে একটু চমকিয়ে দিতে চাই। জন্ জারনুডিসের প্রতি বিশ্বস্তা থাকিয়াও বোধ হয়, তুমি এটুকু করিতে পার, ইস্‌হার!”

“প্রিয় রিচার্ড, তুমি ত জান, তাঁহার বাড়ীর দ্বার তোমার জগু মুক্ত, তিনি সাদরে তোমাকে সকল সময়েই গ্রহণ করিতে বাস্তু। তাঁহার গৃহ ও তোমার গৃহে কোন পার্থক্য তাঁহার কাছে নাই। এখানেও তুমি ইচ্ছা করিলেই আসিতে পার। সকলেই তোমাকে সাগ্রহে গ্রহণ করিবে।”

রিচার্ড সানন্দে বলিলেন, “চমৎকার বলিয়াছ। তুমি ছাড়া এ কথা এমন ভাবে আর কে বলিতে পারে?”

আমি জিজ্ঞাসা করিলাম যে, সৈনিকের কাজ কেমন লাগিতেছে।

রিচার্ড বলিলেন, “বেশ লাগিতেছে। অল্প কাজ যেমন ভাল লাগিত, এটাও ঠিক সেই রকম লাগিতেছে। যখন বৈষয়িক বিষয়ের সব ব্যবস্থা হইয়া যাইবে, তখন আর ইস্‌হার প্রয়োজনীয়তা থাকিবে না। সে সময় ছাড়িয়া দিলেই চলিবে। তবে ও সব কথা এখন থাক—ভাল লাগে না।”

যৌবনের তেজ, উৎসাহ, আনন্দ ও রূপ পূর্ণ-মাত্রায় বিদ্যমান। মিস্ ক্রিটের সহিত কোনই সামঞ্জস্য নাই, অথচ রিচার্ডের দৃষ্টির সহিত সেই বৃদ্ধার নয়নের দৃষ্টির বিন্দু-মাত্র বৈলক্ষণ্য নাই।

রিচার্ড বলিলেন, “আমি এখন ছুটীতে আছি। কাজেই মোকদ্দমার তদ্বির করিতে চলিয়া আসিয়াছি। বোধ হয়, শীঘ্রই সফললাভ ঘটবে।”

আমি মন্তক আন্দোলিত করিলাম।

রিচার্ড দেখিলেন, এ প্রসঙ্গ আমার স্পষ্টিকর নহে তখন তিনি বলিলেন, “আমার সঙ্গে আর কে আছেন বল ত?”

আমি বলিলাম, “মিঃ স্কিম্পোলের কঠোর গুনিলাম না?”

“হ্যাঁ, তিনিই আমার সঙ্গে আছেন।”

আমি জিজ্ঞাসা করিলাম, তাঁহারা যে এখানে আসিতেছেন, তাহা আর কে জানে? রিচার্ড বলিলেন যে, কেহই অবগত নহে। তিনি স্কিম্পোলের সহিত দেখা করায় তিনিই আমাদের বর্তমান ঠিকানা বলিয়া দিয়াছিলেন। তার পর রিচার্ড এখানে আসিতে সংকল্প করায় স্কিম্পোলও তাঁহার সমভিব্যাহারী হন। অবশু রিচার্ডই তাঁহার ব্যবহারী ব্যয়ভার বহন করিতেছেন।

স্কিম্পোল আপনাকে যতই শিশুর মত সরল এবং জাগতিক বিষয়ে অনভিজ্ঞ প্রতিপন্ন করিতে চাহেন, তাঁহার ব্যবহারে ঠিক তাহা প্রকাশ পায় না। তিনি পরের স্কন্ধে চাপিয়া বিলক্ষণ সাংসারিক বুদ্ধিমত্তারই পরিচয় দিয়া থাকেন। আমি মনে মনে সব বুঝিলেও এ সম্বন্ধে কখনও কোন কথা বলি নাই।

স্কিম্পোলের সহিত দেখা হইল। তিনি ত রিচার্ডের প্রশংসায় পঞ্চমুখ। তাঁহার কথাবার্তার যেরূপ ধরণ-ধারণ দেখিলাম, তাহাতে রিচার্ডের উচ্ছৃঙ্খলতায় যে আরও প্রশ্রয় দিবেন, তাহাতে সন্দেহ নাই। মোকদ্দমা-বিষয়েও স্কিম্পোল যে ভাবে আলোচনা করিলেন, তাহাতে রিচার্ডের মত চপলমতি যুবককে একরূপ লোকের প্রভাব হইতে রক্ষা করা অত্যাবশ্যক বলিয়া বিবেচিত হইল। স্কিম্পোলের মত বুদ্ধি রিচার্ডের আর কেহ নাই। বিশেষতঃ বর্তমান সময়ে রিচার্ডকে সংপরাশ্রয় দেওয়া যখন বিশেষ আবশ্যক, সেই সময় স্কিম্পোলের মত চপলপ্রকৃতি, আত্মস্বপ্নপরায়ণ ও কাণ্ডাকাণ্ডজ্ঞানবর্জিত উচ্ছৃঙ্খল ব্যক্তির সাহচর্য্য রিচার্ডের খোরতর অনিষ্ট সংসাধন করিবে বলিয়া আমার আশঙ্কা জন্মিল।

যাহা হউক, আমরা তিন জনে আদার সহিত মিলিত হইলাম। রিচার্ডকে দেখিয়া আদা যে পরমানন্দ লাভ করিয়াছিলেন, তাহাতে সন্দেহ নাই।

পরদিবস প্রাতে রিচার্ড আমার সঙ্গে কিছু আলোচনা করিবেন স্থির হইল। তার পর স্কিম্পোল ও রিচার্ড হোটেল ফিরিয়া গেলেন।

প্রাতঃকালে রিচার্ড আসিলেন। উভয়ে পার্কের মধ্যে বেড়াইতে লাগিলাম। রিচার্ড বলিলেন, “স্থানটি পরম রমণীয়। আমার সব কাজের বন্দোবস্ত হইয়া গেলে আমি এখানে আসিয়া বিশ্রাম করিব।”

আমি বলিলাম, “এখনই কি সে ব্যবস্থা হয় না?”

“না, ইস্‌হার, এখন তাহা হয় না। আমাদের পক্ষে বর্তমানে তাহা সম্ভবপর নয়।”



“রিচার্ড, আমাদের কথাবার্তার ভঙ্গীটা আশা-প্রদ নয়।”

“তুমি তা ত বলিবেই বোন, আমি জানি, তুমি এই কথাই বলিবে।”

“রিচার্ড, একা আমি তোমাকে বলি নাই। এই মোকদ্দমার ফলে যে কোনই লাভ হইবে না, ইহাতে আশা-ভরসার যে কিছুই নাই, এ কথা আমি ছাড়াও অল্পে বহুবার তোমাকে সতর্ক করিয়া দিয়াছেন।”

অধীরভাবে রিচার্ড বলিলেন, “তুমি জন্ জারনুডিসের কথা তুলিতেছ? ভাল, এক দিন, তা শীঘ্রই হউক বা বিলম্বেই হউক, তাঁহার সম্মুখীন হইব, কারণ, তিনিই প্রধান। যাহাতে শীঘ্র তাঁহার সহিত বোঝাপড়া করিতে পারি, ইহাই আমার অভিপ্রায়। প্রিয় ইস্তহার, তুমি এমন অন্ধ কেন? তুমি কি দেখিতেছ না যে, তিনি এ মোকদ্দমায় সংশ্লিষ্ট, তাঁহার স্বার্থও ইহাতে বেশী আছে। আমি যাহাতে মোকদ্দমার বিষয় বেশী না জানিতে পারি, ইহা ত তাঁহার উদ্দেশ্য থাকিবেই। কিন্তু সে ব্যবস্থাটা ত আমার মঙ্গলের জন্ম নহে।”

“রিচার্ড, ভাই! তুমি এ কি বলিতেছ? তুমি তাঁহাকে জানিয়া গুনিয়া, তাঁহার আবাসে বাস করিয়া, তাঁহার সমগ্র হৃদয়ের পরিচয় পাইয়াও কেমন করিয়া এই নির্জনে, আমার কাছেও এমন কথা বলিলে, ভাই?”

রিচার্ডের মুখমণ্ডল আরক্ত হইয়া উঠিল। তাঁহার স্বাভাবিক উদার হৃদয়ে বোধ হয়, এ জন্ম অমুতাপ জন্মিল। কিয়ৎকাল নীরব থাকিবার পর তিনি বলিলেন, “ইস্তহার, তুমি ত জান, আমার মন তত নীচ নয়। তাহা ছাড়া, মনে কিছু কিছু সন্দেহ যখন জাগিয়াছে, বয়সও অল্প, সুতরাং ষা’ তা মুখ দিয়া বাহির হইয়া যায়।”

“রিচার্ড, তোমার মন ছোট নহে, তাহা আমি ভালই জানি।”

“ইস্তহার, এই জন্মই তোমাকে আমি এত ভালবাসি। ইস্তহার। এ বিষয়টাই ভাল নয়, তা আমি জানি।”

আমি বলিলাম, “রিচার্ড, তোমাকে ভাল রকমই জানি, সুতরাং তোমার সম্বন্ধে কোন প্রকার নীচ ধারণা আমার মনে নাই; কিন্তু এই মোকদ্দমার চিন্তাই তোমাকে এত বদলাইয়া ফেলিয়াছে, তাহা কি তুমি নিজেই বুঝিতে পার না?”

“ভগিনি, অন্ততঃ তুমি আমাকে ভুল বুঝিবে না জানিয়া আমি তৃপ্তি পাইলাম। যদি এই মোকদ্দমার প্রভাব আমার চিন্তকে অভিভূত করিয়া থাকে, তবে তিনিও ইহার প্রভাব হইতে আত্মরক্ষা করিতে পারেন নাই। যদি আমারও কিছু পরিবর্তন হইয়া থাকে, তবে তাঁহারও তাহা হইয়াছে। অবশ্য এ কথা বলিতেছি না যে, তিনি মানী, সচরিত্র ভদ্রলোক নহেন। সে বিষয়ে তাঁহার মত লোক দেখিতে পাওয়া যায় না। কিন্তু স্বার্থটা এমনই বিক্রী ব্যাপার যে, তাঁহারও মনে একটু দাগ পড়িয়াছে। সকলেরই এমন হয়। তিনি

শতবার এ কথা বলিয়াছেন, তুমি নিজেই সে কথা গুনিয়াছ। তবে তিনি কি করিয়া ইহার প্রভাব হইতে পরিজ্ঞান পাইবেন?”

“তাঁহার মত অসাধারণ চরিত্রের লোক কোথায় পাইবে? তিনি সকল স্বার্থের সংশ্রবশূণ্য।”

“প্রিয় ইস্তহার, আমি ঠিক তাহা মনে করি না। বাহিরে নির্লিপ্ত ভাব প্রকাশ করা বুদ্ধিমানের লক্ষণ। তাহাতে অপরে অসতর্ক হয়। নিজের কার্যোদ্ধার সহজেই করিয়া থাকে।”

রিচার্ডের কথা গুনিয়া আমি অত্যন্ত হুঃখিত হইলাম। কতী বলিয়াছিলেন যে, রিচার্ডকে যেন আমরা কেহ মন্দ না ভাবি। কারণ, তাহার মত চঞ্চলমতি যুবক ভ্রান্ত ধারণার বশবর্তী ত সহজেই হইতে পারে।

রিচার্ড বলিয়া চলিলেন, “ইস্তহার, আমি অসাক্ষাতে জন্ জারনুডিসের কুৎসা রটনা করিতে আসি নাই। আমি শুধু আমার কার্যের কৈফিয়ৎ দিতে আসিয়াছি। আগে বয়স অল্প ছিল, নিজের স্বার্থ বুঝি নাই, তাই তিনি যাহা বলিতেন, তাহাই বিশ্বাস করিয়া লইয়াছিলাম। তাহার পর তিনি বুঝিলেন যে, আদা ও আমার বিচ্ছেদ ঘটাই আবশ্যিক। সেই ব্যবস্থা তিনি করিলেন। কিন্তু আমি তাঁহার এ সিদ্ধান্ত মানিতে পারি না। তাঁহার অসঙ্গত নির্ধারণ অনুসারে আমি চলিতে রাজী নই। আমার ও আদার স্বার্থ আমি রক্ষা করিবই, তাহাতে তিনি সন্তুষ্ট হই হউন, আর অসন্তুষ্ট হই হউন। আমি অনেক চিন্তার পর এই সিদ্ধান্তে উপনীত হইয়াছি। সে কথা আমি তাঁহাকে লিখিয়াছিও। তিনি তাঁহার পথে চলুন, আমি আমার পথে চলিব। আমাদের উভয়ের একই লক্ষ্য নহে।”

“রিচার্ড, তুমি যে পত্র তাঁহাকে লিখিয়াছ, তাহার কথা তিনি আমায় বলিয়াছেন; কিন্তু তিনি তাহাতে বিন্দুমাত্র রাগ বা ক্ষোভ প্রকাশ করেন নাই।”

“তাই না কি! তিনি যে মহৎ লোক, তাহাতে আমার সন্দেহ নাই। তুমি বোধ হয়, আমার ব্যবহারে রুচুতা লক্ষ্য করিয়াছ; কিন্তু ইস্তহার, তুমি ত মোকদ্দমার নথিপত্র দেখ নাই। দেখিলে তুমি কখনই আমার উপর অবিচার করিতে পারিতে না।”

আমি বলিলাম, “রিচার্ড, তোমার কথা সত্য হইতে পারে; কিন্তু কাগজে যাহা দেখিয়াছি, তাহা কি তুমি স্বার্থ বলিয়া বিশ্বাস করিতে পার?”

“কিন্তু সূত্রের কোথাও না কোথাও সত্য নিশ্চয়ই আছে। উহা আবিষ্কার করা দরকার। আদাকে যুষ্মরূপ দিয়া সে সত্য আবিষ্কারের পথ বন্ধ করা কর্তব্য নহে। এক দিন না এক দিন সত্য আবিষ্কৃত হইবেই।”

“রিচার্ড, আবহমানকাল হইতে এই মোকদ্দমা চলিতেছে। কত লোক ইহার জন্ম ধ্বংসস্থল পতিত হইয়াছে। তুমি

কি মনে কর, তুমি কোনও দিন সে সত্য আবিষ্কার করিতে পারিবে? এত ব্যর্থতা দেখিয়াও তোমার আশা হয়?”

“তাই বলিয়া কখনও যে ইহার অবসান হইবে না, ইহাও ত মনে করা ঠিক নয়। আমার যৌবন আছে, উৎসাহ আছে। দৃঢ়তা সহকারে অক্লান্ত চেষ্টা করিলে এক দিন সাফল্য লাভ করিতে পারিবই। পূর্বে কেহ আমার মত কায়মনোবাক্যে এমন চেষ্টা করে নাই। আমার জীবনের ইহাই সাধনা, ইহাই একমাত্র লক্ষ্য।”

“হায় রিচার্ড! কি দুর্ভাগ্য!”

“ইহার, আমার জ্ঞান তুমি ভয় করিও না। এ মোকদ্দমার শেষ দেখিবার আমার অন্ততম উদ্দেশ্যও আছে। আমি এখন জারনুডিস্কে আমার প্রতিযোগী ভাবিতেছি, মোকদ্দমা-নিষ্পত্তি হইয়া গেলে, তাঁহার সম্বন্ধে যদি আমার ব্রাহ্ম ধারণাই জন্মিয়া থাকে, তাহা দূরীভূত হইবে। তখন আমি তাঁহার কাছে ক্ষমা চাহিব, তাঁহার ক্ষতিপূরণ করিয়া দিব।”

একটু থামিয়া রিচার্ড বলিলেন, “আদাকে আমি বুঝাইতে চাই যে, আমি খেয়ালের বশবর্তী হইয়া কোন কাজ করিতেছি না। তুমি আমার সব কথা তাহাকে বলিবে। সে জনকে ভক্তি-শ্রদ্ধা করে, সব কথা শুনিলে সে আমার মনের প্রকৃত উদ্দেশ্য বুঝিবে।”

আমি বলিলাম, “রিচার্ড, তুমি আমাকে সম্পূর্ণ বিশ্বাস কর, কিন্তু আমার কোন পরামর্শ লইবে কি?”

“এ বিষয়ে তোমার কোন পরামর্শ লইব না। তাহা ছাড়া আর সব বিষয়েই তোমার কথা শুনিব।”

“তোমাকে একটা কথা জিজ্ঞাসা করিব, উত্তর দিবে কি?”

“নিশ্চয়ই।”

“তোমার দেনা হইয়াছে?”

“হাঁ। কিন্তু ভয় নাই, আমি যথাসময়ে দেনা শোধ করিয়া ফেলিব।”

আমি রিচার্ডকে অনেক বুঝাইলাম। এক্রপ ভাবে জীবনযাপন যে কখনই মঙ্গলজনক হইবে না, তাহা বলিলাম। তিনি আমার সকল কথাই ধৈর্য্য সহকারে শুনিলেন, কিন্তু কোন ফল হইল না।

অবশেষে আমি বিদায় লইয়া সকল কথা আদাকে জানাইবার জ্ঞান বাসায় ফিরিলাম।

আদাকে সকল কথা খুলিয়া বলিলাম। তিনি শুনিয়া অত্যন্ত দুঃখিত হইলেন। তার পর রিচার্ডকে একখানি পত্র লিখিলেন। সে পত্রে তিনি অনেক উপদেশ দিলেন; অনেক প্রার্থনা করিলেন। রিচার্ড যে মহাত্ম্যে পতিত হইয়া ক্রমশঃ ধ্বংসের পথে চলিয়াছেন, তাহাও জানাইলেন। এই মোকদ্দমায় জয়লাভ করিয়া তিনি ঐশ্বর্য্যলাভের যে স্বপ্ন দেখিতেছেন, তাহা সার্থক হইবার নহে। মিঃ জারনুডিসের মত মহৎপ্রাণ, মহানুভব ও স্নেহময় আত্মীয়কে

শত্রু মনে করা যে কত বড় হৃদয়হীনতার পরিচায়ক, তাহাও তিনি পত্রের ছত্রে ছত্রে লিখিলেন।

পত্র পাইয়া রিচার্ড তখনই আমাদের কাছে আসিলেন; কিন্তু বিশেষ পরিবর্তন কিছুই ঘটিল না। তিনি আত্মপক্ষ-সমর্থনের জ্ঞান নানাপ্রকার যুক্তিতর্কের অবতারণা করিলেন।

সে দিন রিচার্ড ও স্কিম্পোল আমাদের আতিথ্য গ্রহণ করিলেন। আমি একবার স্কিম্পোলকে নাড়িয়া চাড়িয়া দেখিলাম—যদি কোন ফল হয়। কিন্তু স্কিম্পোল এ বিষয়ে অত্যন্ত চতুর। তিনি রিচার্ডকে সুপরামর্শ দিতেও সম্মত নহেন। তিনি জগতের কিছুই বুঝেন না, ইহাই আমাদের জানাইতে চাহেন।

আমরা তখন উদ্ভানে পদচারণা করিতেছিলাম। এক ব্যক্তিকে আমাদের দিকে অগ্রসর হইতে দেখিয়া রিচার্ড দ্রুতপদে তাঁহার দিকে অগ্রসর হইলেন। স্কিম্পোলের কাছে শুনিলাম, আগন্তকের নাম ভোলেস্। তিনি এক জন ব্যবহারাজীব। স্কিম্পোলই ইতিপূর্বে রিচার্ডকে এই ব্যক্তির সহিত পরিচয় করাইয়া দিয়াছিলেন। ভোলেস্ই এখন রিচার্ডের তরফের উকীল।

রিচার্ড ব্যস্তভাবে তখনই আমাদের কাছে আসিয়া বলিলেন যে, আজই সন্ধ্যায় তিনি লণ্ডনে যাইবেন। তাঁহার মোকদ্দমার দিন কল্যই। তাঁহাদের চা-পানের যোগাড় করিয়া দিলাম। কি ব্যাকুল আগ্রহেই রিচার্ড তাঁহার উকীল সমভিব্যাহারে যাত্রা করিলেন!

৩৮

নির্দিষ্ট দিনে আমরা “ব্লিক্ হাউসে” ফিরিয়া আসিলাম। আমার শরীর সম্পূর্ণ সুস্থ ও সবল হইয়াছিল। আবার গৃহস্থালীর যাবতীয় কার্য্যভার স্বন্ধে তুলিয়া লইলাম। সে দিন আমার চিত্ত আনন্দে ভরিয়া উঠিল।

প্রথম কয়েক দিবস এত কাজ ছিল যে, নিখাস ফেলিবার অবকাশমাত্র পাইলাম না। বাস্তবিকই এত কাজ বাকী পড়িয়াছিল যে, তাহার ইয়ত্তা নাই! কয়েক দিবসের চেষ্টায় সমস্ত গোলযোগ মিটাইলাম, হিসাব পরিষ্কার করিলাম।

যখন একটু নিখাস ফেলিবার অবকাশ পাইলাম, তখন একবার লণ্ডনে যাইবার বন্দোবস্ত করিলাম। চেসনিওডে যে পত্র ধ্বংস করিয়াছি, তাহাতে লিখিত কোন বিষয় সম্বন্ধে একটা ব্যবস্থা করিবার জ্ঞানই এবার আমার লণ্ডন-যাত্রা। ক্যাডিকে আগেই পত্র লিখিলাম যে, সে নির্দিষ্ট দিনে যেন আমার সহিত মিলিত হয়।

লণ্ডনে আসিবামাত্রই ক্যাডির সহিত দেখা হইল। বিবাহের পর তাহার সহিত এই প্রথম সাক্ষাৎ। ক্যাডি খুব সুখেই আছে বলিল। সে এখন তাহার স্বামীর শিক্ষকতা-কার্য্যে সাহায্য করে। নিজে নৃত্য-গীত শিখিয়া কেলিয়াছে।



শুধুরকে ক্যাডি ও তাহার স্বামী পূর্ববৎ মতই করিয়া থাকে। ক্যাডির পিতা প্রত্যহ বৈকালে কন্যাকে দেখিতে আসেন। তাহাতে ক্যাডি বড়ই সুখী। তাহার সুখময় জীবনের কথা শুনিয়া আমার হৃদয় আনন্দে পূর্ণ হইল।

ঘণ্টাখানেক নৃত্যগীতের পর বালকবালিকাদের ছুটা হইলে ক্যাডির স্বামী অল্পত্র শিক্ষা দিতে চলিয়া গেল। ক্যাডিকে সঙ্গে লইয়া আমি বাহির হইলাম। কিয়দূর গল্প করিতে করিতে অগ্রসর হইবার পর ক্যাডি বলিল, “আমরা কোন্ দিকে যাইতেছি?”

“ওল্ড্ ষ্ট্রীট্ রোডে। উকীলের মুহুরীটিকে কয়েকটি কথা বলিবার আছে। আমি প্রথম যে দিন লণ্ডনে আসি, সেই ব্যক্তি আমাকে লইতে আসিয়াছিল। তোমাদের বাড়ীতে সেই আমাদিগকে লইয়া গিয়াছিল।”

ক্যাডি বলিল, “তবে ত ঠিকই হইয়াছে। আজও আমার তোমার সঙ্গে থাকাই স্বাভাবিক।”

ওল্ড্ ষ্ট্রীটে আসিয়া মিঃ গুপীর মাতা শ্রীমতী গুপীর বাড়ীর সন্ধান করিলাম। বৈঠকখানা-ঘরে গুপীর মাতা যেন কাহার প্রতীক্ষা করিতেছিলেন। আমরা যাইবামাত্র তিনি সাদরে আহ্বান করিলেন। রমণী বুদ্ধা, দৃষ্টি চঞ্চল, কিন্তু সর্বদাই মুখে হাসি। ছোট বৈঠকখানা-ঘরটি পূর্ব হইতেই সজ্জিত হইয়াছিল। দেওয়ালে গুপীর একটি তৈল-চিত্র।

স্বয়ং মানুষটিও ঘরের মধ্যে ছিল। নানা বর্ণের পোষাকে গুপী সুসজ্জিত। ঘরের এক কোণে গুপী বসিয়া বসিয়া আইনের কাগজপত্র পড়িতে যেন বিশেষ ব্যস্ত দেখিলাম।

“মিস্ সমার্সন, এ যে মরুভূমিতে গ্রামলক্ষিণ্ড ওয়েসিস্। মা, ঐ মহিলাটিকে বসিবার জগু চেয়ার একখানা দাও।”

গুপীর মাতা মুহূর্ত্তে যেরূপ হাসিতেছিলেন, তাহাতে দৃশ্যটা একটু উৎকট বলিয়াই তখন বোধ হইল।

আমি বলিলাম, “আপনাকে ইতিপূর্বে একখানি পত্র লিখিয়াছি, নিশ্চয়ই পাইয়াছেন?”

গুপী পত্রখানা বাহির করিয়া একবার ওষ্ঠপ্রান্তে স্পর্শ করিলেন, তার পর উহা কোটের পকেটেই রাখিয়া দিলেন। গুপীর মাতা এ দৃশ্যে এমনই বিচলিত হইলেন যে, তিনি হাসিতে হাসিতে কন্যার দ্বারা ক্যাডির দেহে মূহু আঘাত করিতে লাগিলেন।

“মিঃ গুপী, আপনার সহিত আমার নিরুজ্জনে একটা কথা আছে।”

গুপী-জমনীর আনন্দ ও ক্ষুণ্ণি যেন কুল ছাপাইয়া পড়িবার উপক্রম করিল। হাসিতে কোনও ধ্বনি বাহির হইল না বটে, কিন্তু বুদ্ধার মস্তক ঘন ঘন আন্দোলিত হইতে লাগিল। মুখে রুমাল চাপিয়া ধরিয়া বুদ্ধা ক্যাডির দেহে পুনঃ পুনঃ কনুই স্পর্শ করিতে লাগিলেন। তার পর অতিকষ্টে ক্যাডিকে লইয়া পার্শ্বস্থ কক্ষে প্রস্থান করিলেন।

গুপী বলিলেন, “মিস্ সমার্সন, মা তোমার সুখের জগু এতই ব্যাকুল যে, তিনি অনেক সময় সামঞ্জস্য রক্ষা করিয়া চলিতে পারেন না। সেটা ক্ষমা করিবেন।”

আমি যখন পুনরায় অবগুণ্ঠনে মুখমণ্ডল আবৃত করিলাম, তখন গুপীর আনন অত্যন্ত আরক্ত হইয়া উঠিল।

আমি বলিলাম, “আমি কয়েক মুহূর্ত্তের জগু আপনার সহিত কয়েকটি বিষয়ের আলোচনা করিতে চাচ্ছিলাম। এক সময়ে আপনি কয়েকটি কথা আমাকে গোপনে জানাইয়াছিলেন, সেই সময়েই আমি একটা স্পষ্ট বোকা-পড়া করিয়া লইতে চাই। নহিলে বাস্তবিকই আপনাকে বিব্রত করিয়া রাখা হইবে।”

গুপী অত্যন্ত বিচলিত হইয়া উঠিলেন, তাহা বুঝিতে পারিলাম। অনেকক্ষণ চেষ্টার পর তিনি বলিলেন, “আপনি সে সময় আমার প্রস্তাবে উপেক্ষা প্রকাশ করিয়াছিলেন। কেমন, তাই নয় কি? অবশ্য সে সময় কোন সাক্ষী ছিল না।” বলিয়া গুপী অত্যন্ত কাসিতে লাগিলেন। আজ তাঁহাকে কাসিতে পাইয়াছিল!

আমি বলিলাম, “মিঃ গুপী, আপনার প্রস্তাবে আমি সম্পূর্ণ উপেক্ষাই প্রকাশ করিয়াছিলাম, সে সময়ে বিন্দুমাত্র সংশয় নাই।”

“ধন্যবাদ-মিস্। এত দূর পর্য্যন্ত কোন গোলযোগ নাই। বেশ স্পষ্ট।” আবার কাসিতে গুপীর দম প্রায় বন্ধ হইয়া আসিল। অনেক কষ্টে গুপী বলিলেন, “সেই উপেক্ষাই আমার কাছে চরম। বোধ হয়, সেইখানেই উহা খতম হইয়া গিয়াছে?”

“ঠিক কথা। এখন আপনাকে আমি যে কথা বলিবার জগু আসিয়াছি, তাহার আলোচনা করিতে ইচ্ছা করি।”

“আপনি স্বচ্ছন্দে বলুন। আপনার কোন আদেশ প্রতিপালন করিবার থাকিলেও বলিবেন, আমি তখনই তাহা প্রতিপালন করিব।”

“আপনি সে সময়ে আমাকে বলিয়াছিলেন যে, আমার জন্মের ইতিহাস, অগাণ্ড পরিচয় আপনি আবিষ্কার করিয়া আমার সহায়তা করিবেন। আমি পিহুমাভূতীনা বলিয়াই আপনার মনে হয় ত এইরূপ সঙ্কল্প জন্মিয়া থাকিবে। যাহা হউক, আপনাকে আমার এই সনির্বন্ধ অনুরোধ যে, আপনি সে দিকে কোনও চেষ্টা করিবেন না। ওরূপ কল্পনা একে-বারেই পরিত্যাগ করুন। উহাতে আমার কোন উপকার করিতে পারিবেন না। আমার জন্মের সমস্ত সংবাদ আমি জানি। স্মৃতরাং সে চেষ্টা করিয়া কোন লাভ নাই। হয় ত ইতিমধ্যে আপনি উহা জানিবার চেষ্টা ছাড়িয়া দিয়া থাকিবেন। যদি না দিয়া থাকেন, তবে আমার সনির্বন্ধ অনুরোধ, আপনি নিশ্চেষ্ট হউন। অস্তিত্ব: আমাকে শান্তিতে থাকিতে দিবার জগু আপনি নিরন্ত হউন।”

দেখিলাম, গুপী যেন লজ্জিত হইয়াছেন। তাঁহার ব্যবহারেও বুঝিলাম যে, তিনি আমার সন্তোষসাধনে সচেষ্ট।

আমি বলিয়া চলিলাম, “আর একটা কথা। আমি খুব গোপনে আপনার কাছে আসিয়াছি। আপনি এক দিন আমার কাছে বলিয়াছিলেন যে, আমার যদি গোপনে কোন কিছু বক্তব্য থাকে, তবে আমি যেন নিরুদ্ধেগে আপনার নিকট আসি। তাই আমি আসিয়াছি। আমার অসুখ হইয়াছিল, তাহা জানেন; সুতরাং আপনার নিকট আসিতে আমার যেটুকু কুণ্ঠা ছিল, এখন আর তাহাও নাই। আপনি অনুগ্রহ পূর্বক এখন আমার অমুরোধ রাখিলে কৃতার্থ হইব।”

গুপী বলিলেন, “মিস সমার্সন, আপনি আমাকে বিশ্বাস করুন, আমি প্রাণ-মন দিয়া আপনার ইচ্ছানুসারে কাজ করিব। আমি আপনার ইচ্ছার বিরুদ্ধে পদমাত্রও অগ্রসর হইব না। আমি শপথ সহকারে বলিতেছি যে, আপনার যাহাতে তৃপ্তি জন্মে, তেমন কাজই করিব; তাহার বিরুদ্ধাচরণ কিছুই করিব না। আমি যাহা বলিলাম, তাহা অখণ্ড সত্য।”

উঠিয়া দাঁড়াইয়া আমি বলিলাম, “আপনার কথায় সুখী হইলাম। ক্যাডি, আমার হইয়াছে, এইবার তুমি এস।”

সেইরূপ নীরবে হাসিতে হাসিতে গুপীর মাতা, ক্যাডির সঙ্গে সেই ঘরে প্রবেশ করিলেন। আমরা বিদায় লইলাম। গুপী দ্বার পর্য্যন্ত আসিলেন। আমরা রাজপথে আসিলাম।

পর-মুহূর্ত্তেই গুপী অনাবৃতমস্তকে আমাদের কাছে আসিয়া বলিলেন, “মিস সমার্সন, আপনি আমার কথায় নির্ভর করিতে পারেন।”

“আমি আপনাকে সম্পূর্ণ বিশ্বাস করি।”

গুপী এক পা আগাইয়া দিয়া বলিলেন, “এই মহিলাটি আপনার সঙ্গে ছিলেন। সুতরাং আপনার সন্তোষের জন্ত আমি ইহারই সম্মুখে পুনরায় অঙ্গীকারে আবদ্ধ হইতেছি।”

আমি ক্যাডির দিকে ফিরিয়া বলিলাম, “দেখ, ক্যাডি, তুমি বোধ হয় বিস্মিত হইবে না যে, এই ভদ্রলোকের সহিত কোন দিন আমার কোন প্রস্তাব—”

“বিবাহের কোন প্রস্তাব হয় নাই।”

আমি বলিলাম, “কোন বিবাহের প্রস্তাব হয় নাই।”

“নাম করিয়া বলুন। মিডিল স্কলের পেন্টনভিজি-নিবাসী মিঃ উইলিয়ম গুপীর সহিত।”

আমি তাহাই বলিলাম।

“ধন্যবাদ, মিস্। ঠিক হইয়াছে। ভাল কথা, মহিলাটির পূরা নাম কি?”

আমি বলিলাম।

“বোধ হয় বিবাহিত? আচ্ছা, বিবাহিত, ধন্যবাদ। পূর্বে নাম ছিল ক্যারোলিন্স জেলিবি। নিবাস থেভিস্টাইন। এক্ষণে নিউম্যান ষ্ট্রীট। অত্যন্ত বাধিত হইলাম।”

গুপী বাড়ীর দিকে ছুটিয়া গেলেন। পুনরায় ফিরিয়া আসিয়া বলিলেন, “সেই কথাটার বিষয়ই বলিতেছি। আমার বর্তমান অবস্থা যেরূপ, তাহাতে সে প্রস্তাবকে নূতন করিয়া বলা যায় না। কেমন, যাম কি?”

আমি বলিলাম যে, না, তাহা হইবার নহে। তিনি আমাকে ধন্যবাদ দিয়া মাতার নিকট ফিরিয়া গেলেন। পর-মুহূর্ত্তেই আসিয়া আবার বলিলেন, “আপনি ঠিক কাজই করিয়াছেন, মিস্। তবে যদি বন্ধুত্বের নিকুঞ্জবনে একটি মূর্ত্তি প্রতিষ্ঠিত করা যায়, আপনি আমাকে সম্পূর্ণ বিশ্বাস করিতে পারেন।”

গুপীর বন্ধুর অন্তরালে ঝটিকা বহিতেছিল। তাহা বুঝিলাম। তাঁহার ব্যবহার পথিকের দৃষ্টি আকর্ষণ করিবার মত। সুতরাং আমরা এবার দ্রুতপদে সে স্থান পরিত্যাগ করিলাম। দূর হইতে দেখিলাম, গুপী তখনও রাজপথে পদচারণা করিতেছেন।

৩৯

উকীল ভোলেসের আপিস-ঘরে রিচার্ড দ্রুতপদে প্রবেশ করিয়া বলিলেন, “এবারও কিছু হইল না! কিছুই না!”

ভোলেস্ বলিলেন, “কিছুই হইল না, এমন কথা বলিবেন না, মহাশয়। প্রায়টা নানা ভাগে বিভক্ত হইয়া যাইতে পারে।”

বিরক্তভরে রিচার্ড বলিলেন, “কি হইল, তাহা ত বুঝিলাম না?”

“কার্য্য অনেক দূর অগ্রসর হইয়াছে। আমরা চাকার নীচে কাঁধ দিয়াছি, মিঃ কারস্টন, চাকা এখন ঘুরিতেছে।”

“তাহা ত দেখিতেছি। এখন চারি পাঁচটা মাস কাটান যাইবে কিরূপে?”

যুবক কক্ষমধ্যে পদচারণা করিতে লাগিলেন।

উকীল বলিলেন, “গুন্ডন মহাশয়! আপনি বড়ই চঞ্চল, অস্থিরমতি। একজন্ম আমি অত্যন্ত হুঃখিত। অত ব্যস্ত এবং হতাশ হইলে চলে না। আপনি আরও সহিষ্ণু হউন। নহিলে শীঘ্র ভাঙ্গিয়া পড়িবেন।”

“মিঃ ভোলেস্, আপনাকে অনুকরণ করিতে হইবে না কি?”

“মহাশয়, আমাকে অনুকরণ করিবেন কেন? আদর্শ হইবার যোগ্যতা আমার নাই। কিন্তু যখন কথাটাই তুলিলেন, তখন বলিতে বাধা নাই। আমার সহিষ্ণুতা অনুকরণের যোগ্য না হইলেও উপেক্ষণীয় নহে।”

“মিঃ ভোলেস্, আপনাকে খর্ব করিবার জন্ম আমি কোন কথা বলি নাই। আপনি হুঃখিত হইবেন না।”

“না, তা আমি হই নাই। কারণ, জানি, এখন আপনার মন অত্যন্ত উত্তেজিত। যাক, ও কথা ছাড়িয়া দিন। আপনি জিজ্ঞাসা করিতেছিলেন, তিন চারি মাস অবকাশ—এ সময়টা



কিভাবে ঘাপন করিবেন? আমার মতে আপনি কোথাও গিয়া বিশ্রাম করুন, আমোদ-প্রমোদ করুন। আপনার বয়সে সকলেই ইহা করিয়া থাকে। আমি এ সময়ে আপনার মোকদমার ব্যাপার লইয়াই থাকিব। আপনি যখনই আমাকে চাহিবেন, এখানে আসিলেই আমায় পাইবেন।”

রিচার্ড বলিলেন, “আপনার উপর আমার অগাধ বিশ্বাস। আপনি যে আমার জন্ত প্রাণপণ চেষ্টা করিতেছেন, তাহা আমি বুঝি।”

“মিঃ কারস্টন, আমি হতাশ হইতে জানি না। আশা আমি কখনই ছাড়ি না। বিশেষতঃ এইরূপ মোকদমায় হাল ছাড়িয়া দিতে আমি কোনমতেই রাজী নই। কারণ, জানি, পরিণামে এ মোকদমায় আমি নিশ্চয়ই জয়লাভ করিব।”

রিচার্ড বলিলেন, “আগে যদি বুঝিতাম, তবে আমি কখনই জন্ জারনুডিসের ওখানে যাইতাম না। তিনি যে স্বার্থলেশশূন্য বন্ধু, পূর্বে এই রকমই বুঝিয়াছিলাম। তখন সংসারের কূটচক্র কিছুই ত জানিতাম না।”

“ও-কথা বলিবেন না। ধৈর্য্য ধরুন, হতাশ হইবেন না, উত্তেজিত হইবেন না।”

ক্রুদ্ধভাবে রিচার্ড বলিলেন, “আপনি বলেন কি, মিঃ ভোলেন্স? তিনি ইচ্ছা করিলে কি মোকদমা এত দিনে মিটিয়া যাইত না?”

উকীল বলিলেন, “অবশ্য তিনি তেমন চেষ্টা করেন নাই, এ কথা ষথার্থ। যতটা করা উচিত ছিল, তা করেন নাই। কিন্তু হয় ত তাঁর উদ্দেশ্য ভালই ছিল। মনের কথা কে বলিতে পারে?”

“আপনি পারেন। আপনি কি তাঁর মনের ভাব বুঝিতে পারেন নাই, বলিতে চান?”

“সত্য কথা বলিতে কি, আমি যখন আপনার পক্ষের উকীল, তখন প্রকৃত ব্যাপার আপনাকে জানানই আমার কর্তব্য। নহিলে আমার অপরাধ হইবে। প্রকৃতই আপনার স্বার্থ ও মিঃ জারনুডিসের স্বার্থ এক নহে। এ কথাটা প্রকাশ না করিয়া বলিলে আমাকে প্রত্যবায়গ্রস্ত হইতে হইবে।”

“নিশ্চয়ই, আমাদের উভয়ের স্বার্থ পরস্পরবিরোধী। ইহা কি আগেই আপনি আবিষ্কার করেন নাই?”

“দেখুন, মিঃ কারস্টন, প্রয়োজনের অতিরিক্ত কথা আমি বলি না। বিশেষতঃ তৃতীয় ব্যক্তির সম্বন্ধে।”

ব্যবহারাজীব নিজের সততা সম্বন্ধে দীর্ঘ বক্তৃতার পর বলিলেন যে, খরচের জন্ত তিন শত টাকার প্রয়োজন। টাকাটা তাঁহার পাওয়া চাই। তিনি ধনবান নহেন, সে কথা পূর্বেই তিনি জানাইয়া রাখিয়াছেন।

রিচার্ড অনেক ভাবিয়া চিন্তিয়া একখানা চেক লিখিয়া দিলেন। তার পর উকীলের কক্ষ ত্যাগ করিলেন। অত্যন্ত চিন্তিত ভাবেই তিনি বাহিরের বাতাসে নির্গত হইলেন।

আদালতের এক গাছতলায় গুপী ও উইভিল্ দাঁড়াইয়া ছিল। তাহারা রিচার্ডকে তদবস্থায় যাইতে দেখিল।

গুপী বলিলেন, “লোকটি ঋণে আকর্ষণ-নিমজ্জিত। তবুও মোকদমার আশা ছাড়িবেন না!”

হুই বন্ধু অতঃপর পরলোকগত জুকের বাড়ীর দিকে চলিল। বাড়ীর দ্বার বন্ধ ছিল। কর্নাঘাত করায় উহা মুক্ত হইল। তার পর উভয়ে ভিতরে প্রবেশ করিয়া দেখিল, বৃদ্ধ স্পলুউইড সপরিবারে গৃহ দখল করিয়া আছে। সেখানে ব্যবহারাজীব টলকিংহরণকেও উপস্থিত দেখা গেল। গুপী তাঁহাকে নমস্কার করিয়া উপরের ঘরে চলিয়া গেলেন। দ্রব্যাদি সেখান হইতে সরাইয়া লইবার কথা।

বন্ধুগণ নির্দিষ্ট কক্ষে গিয়া দ্রব্যাদি সরাইতেছেন, এমন সময় টলকিংহরণ সেখানে উপস্থিত হইয়া বলিলেন, “মিঃ গুপী, তোমার সহিত আমার একটা কথা আছে।”

গুপী বলিলেন, “ইনি আমার বিশেষ বন্ধু, ইহার সাক্ষাতে আপনার বক্তব্য বলিতে পারেন।”

“বটে?”

“আজ্ঞে হ্যাঁ।”

টলকিংহরণ বলিলেন, “আমার বক্তব্য হেঁয়ালিপূর্ণ নহে, বলিতেছিলাম কি, তোমার সৌভাগ্যে আমি খুসী। বাস্তবিক তোমার ভাগ্য ভাল, মিঃ গুপী।”

গুপী বলিলেন, “মিঃ টলকিংহরণ, আমার অভিযোগ করিবার কিছু নাই।”

“অভিযোগ? বড় দরের বন্ধু! অবাধ প্রবেশাধিকার! অস্তঃপুরে গিয়া বড় ঘরের মহিলাদের সঙ্গে যখন তুমি আলাপ-পরিচয়! সত্য বলিতে কি, মিঃ গুপী, আমার তোমার সঙ্গে অবস্থার বিনিময় করিতে রাজি, তা জান।”

গুপী বলিলেন, “দেখুন মহাশয়, আমি যেখানে কাজ করি, তাঁহাদের সবই বড় বড় মক্কেল। সুতরাং বড় দরের মহিলাদের সঙ্গে ঘনিষ্ঠতা অনিবার্য। ইহাতে বিশ্বয়ের বিষয় কিছুমাত্র নাই। এর বেশী আর কোন কথা আলোচনা করার অভিপ্রায় আমার নাই, ক্ষমা করিবেন।”

গুপী তখন প্রাচীর-বিলম্বিত চিত্রগুলি নামাইতেছিলেন। অনেক বড় বড় ঘরাণার চিত্র সংগৃহীত ছিল। টলকিংহরণ চিত্রগুলির কাছে দাঁড়াইয়া বলিলেন, “তাই ত, গুপী, তুমি দেখিতেছি, যাবতীয় বিলাসিনী মহিলার ছবিও সংগ্রহ করিয়াছ! এই যে, লেডী ডেডলকের ছবিও আছে দেখিতেছি!”

টলকিংহরণ অধিক বাক্যব্যয় না করিয়াই সে গৃহ ত্যাগ করিলেন।

গুপী তাড়াতাড়ি দ্রব্যাদি গুছাইয়া লইয়া বলিলেন, “টনি, চল, শীঘ্র এ স্থান ত্যাগ করি। সত্যই কোন বড় ঘরাণার সহিত আমার গোপনে কোন বিষয়ের আলোচনা চলিতেছিল। পরিণামে কোন গুরুতর রহস্য তাহার ফলে উদ্ঘাটিত হইত। কিন্তু আমি কোন কারণে সে ইচ্ছা ত্যাগ করিয়াছি।

নাহিলে তোমাকে আসল ব্যাপারটি বলিতাম। এখন আর ভাড়া হইবার নহে। আমি এখন প্রতিজ্ঞাবদ্ধ। কাজেই আমি শপথ ভঙ্গ করিব না। তুমি আমার বন্ধু। তোমাকেও আমি অনুরোধ করিতেছি, তুমি বাহা কিছু গুনিয়াছ বা জান, যুগাকরে কাহারও নিকট প্রকাশ করিবে না।”

৪০

চেসনিওডের গৃহকর্ত্রী শ্রীমতী রাউলওয়েল প্রাসাদটিকে সুসজ্জিত করিতেছিলেন। কোনও আদেশ না পাইলেও তিনি অনুমান করিয়া লইয়াছিলেন যে, শীঘ্রই গৃহস্বামী ফিরিয়া আসিবেন এবং বহু আত্মীয়-স্বজনও তাঁহার সমভিব্যাহারে আসিবেন। তদনুসারে শ্রীমতী প্রাসাদটাকে অতিথিদিগের বাসোপযোগী করিয়া রাখিতেছিলেন।

পত্নীসহ স্ত্রীর লিষ্টার যথাসময়ে পল্লীনিবাসে ফিরিয়া আসিলেন। শ্রীমতী রাউলওয়েলকে জনৈক সহিস বলিল, “লেডীর শরীর ভাল নয়।”

“বল কি? লেডীর শরীর অসুস্থ? কি হইয়াছে?”

সহিস বলিল, “শেষবার তিনি এখানে যখন আসেন, তখন থেকেই তাঁর শরীর খারাপ। ইদানীং তিনি বড় একটা বেড়াতেও যান না। প্রায়ই ঘরের মধ্যে থাকেন।”

গৃহকর্ত্রী বলিলেন, “টমাস, চেসনিওডের বিগুন্ধ বায়ু দুই দিনেই আমাদের রানীর স্বাস্থ্য ফিরাইয়া দিবে। এই পৃথিবীতে এমন স্বাস্থ্যকর জলবায়ু আর কোথাও নাই।”

স্ত্রীর লিষ্টারের সঙ্গে তাঁহার জ্ঞাতী-ভ্রাতা-ভগিনী ও বহু-সংখ্যক অতিথি আসিয়াছিলেন। চেসনিওডে উৎসব আরম্ভ হইল।

লেডী ডেডল্‌ক্‌ এ সকল উৎসবে বড় একটা যোগ দেন না। অপরাহ্নের পূর্বে তিনি প্রায়ই গৃহ হইতে বাহির হন না। তাঁহার শরীরটা ভাল নাই।

অতিথিদিগের মধ্যে মিঃ টল্কিংহরণ তখনও আসিয়া পৌঁছেন নাই। স্ত্রীর লিষ্টারের ভগিনী ভলুম্‌নিয়া তাঁহার প্রসঙ্গ উত্থাপন করিলেন। ব্যবহারাজীব কাজে বড় ব্যস্ত বলিয়াই বোধ হয় উপস্থিত হইতে পারেন নাই। লেডী ডেডল্‌ক্‌ সে দিন অপরাহ্নে ড্রয়িং‌রুমে একটি বাতায়নের ধারে বসিয়াছিলেন। টল্কিংহরণের নাম গুনিবামাত্র তিনি উৎকর্ণ হইলেন। লেডীর মনে হইল, এই লোকটা যদি আজ জগৎ হইতে চিরবিদায় লইত!

ভৃত্য আসিয়া সংবাদ দিল যে, এত দিন পরে আজ বৃদ্ধ ব্যবহারাজীব প্রাসাদে পৌঁছিয়াছেন।

স্ত্রীর লিষ্টার বলিলেন, “টল্কিংহরণ লোকটা বড় ভাল। আমি তাহাকে অত্যন্ত পছন্দ করি।”

ঠিক সেই সময় পরিচারক মারকরি বাতী লইয়া গৃহমধ্যে প্রবেশ করিল। সঙ্গে সঙ্গে টল্কিংহরণও আসিলেন।

স্ত্রীর লিষ্টার বলিলেন যে, এখন বাতীর প্রয়োজন নাই। অন্ধকার তাঁহার ভাল লাগিতেছে। লেডী ডেডল্‌ক্‌ ও ভলুম্‌নিয়াও সেইরূপ মন্তব্য প্রকাশ করিলেন।

স্ত্রীর লিষ্টার বলিলেন, “নমস্কার, টল্কিংহরণ, কেমন আছ?”

টল্কিংহরণ আসন গ্রহণ করিয়া এক টিপ নমস্কার লইলেন।

এবার নির্বাচনের পালা। পার্লামেন্টের সদস্য নির্বাচনে স্ত্রীর লিষ্টার এক জন প্রতিযোগী ছিলেন। স্ত্রীর লিষ্টার জিজ্ঞাসা করিলেন, “ব্যাপার কি, টল্কিংহরণ?”

ব্যবহারাজীব নির্বিকারভাবে বলিলেন, “আপনি এবার হারিয়াছেন। শ্রীমতী রাউলওয়েলের পুত্র সে স্থলে নির্বাচিত হইয়াছেন।”

“শ্রীমতী রাউলওয়েলের পুত্র কি বিশেষ চেষ্টা করিয়া ছিলেন?”

“হাঁ। লোকটির বন্ধুতা করিবার অসাধারণ ক্ষমতা আছে। তিনি আপনার বিরুদ্ধে অনেক চেষ্টা করিয়াছিলেন। তাঁহার পুত্রও তাঁহার সহায়তা করিয়াছিল।”

“তাঁহার পুত্র?”

“হাঁ।

“যে ছেলোট লেডীর পরিচারিকার পাণিপ্রার্থী?”

“হাঁ, সেই। তাঁহার একটি বই পুত্র ত নাই।”

স্ত্রীর লিষ্টার বলিলেন, “যাক্, ও প্রসঙ্গের আলোচনা অনাবশ্যক। মাই লেডী, তোমার সঙ্গে সেই যুবতীর সম্বন্ধে একটা কথা—”

দৃঢ়কণ্ঠে লেডী বলিলেন, “আমি তাহাকে ছাড়িয়া দিতে রাজি নই।”

স্ত্রীর লিষ্টার বলিলেন, “আমার সে উদ্দেশ্য নাই। বরং মেয়েটি বাহাতে হাত-ছাড়া না হয়, তাহাই আমার সংকল্প। ওরূপ ভীষণ লোকের সংস্রবে উহাকে ছাড়িয়া না দেওয়াই ভাল। তুমি মেয়েটিকে বুঝাইয়া দিও যে, এখানেই ভাল পাত্র দেখিয়া তাহার বিবাহ দেওয়া যাইবে।”

লেডী উত্তরে একবার মন্তব্য হেলাইলেন।

টল্কিংহরণ বলিলেন, “তাহারা অত্যন্ত গর্কিত। আমার বিশ্বাস, তাহারা হইত ত মেয়েটিকে পরিত্যাগ করিবে। মেয়েটি যদি চেসনিওডে থাকে, তবে তাহারা কখনই উহাকে গ্রহণ করিবে না।”

স্ত্রীর লিষ্টার বলিলেন, “তাই না কি? তুমি অবশ্য ভালই জান। কারণ, তুমি সংপ্রতি তাহাদের কাছ হইতেই আসিতেছ।”

ব্যবহারাজীব বলিলেন, “আমি সত্যই বলিতেছি। যদি লেডী ডেডল্‌ক্‌ অনুমতি কবেন, তবে আমি একটি গল্প শুনাইতে পারি।”

ভলুম্‌নিয়া গল্পের নামে উৎসাহিত হইলেন। লেডী



ডেডলক্ শিরঃসঞ্চালন দ্বারা তাহার অনুমোদন জ্ঞাপন করিলেন। ভনুম্নিয়া বলিলেন, “ভূতের গল্প না কি?”

“না। রক্তমাংসের গল্প। শ্মার লিষ্টার, অতি অল্প দিন মাত্র আমি সমুদয় বৃত্তান্ত জানিতে পারিয়াছি। গল্পটি খুব ছোট। আমি যাহা বলিয়াছি, এই গল্পে তাহা প্রমাণিত হইবে। আসল নামধাম আমি এখন প্রকাশ করিব না। লেডী ডেডলক্ বোধ হয় আমাকে বর্কর মনে করিবেন না।”

চন্দ্রালোক-রশ্মি গৃহমধ্যে পড়িয়াছিল। ব্যবহারাজীব দেখিলেন, লেডী সম্পূর্ণ প্রশান্ত ভাবে বসিয়া আছেন।

“শ্রীমতী রাউলওয়েলের পুত্রের ত্যায় অবস্থাপন্ন কোনও ব্যক্তির একটি কথা কোনও সম্ভ্রান্ত মহিলার প্রিয়পাত্রী হয়। সম্ভ্রান্ত মহিলা অর্থে, শ্মার লিষ্টারের সমাবস্থাপন্ন কোনও বড়লোকের ঘরশী। এই মহিলাটি যেমন নবতী, তেমনই সুন্দরী। বালিকাটির প্রতি তাঁহার বিশেষ আকর্ষণ ছিল। তিনি সর্বদাই তাহাকে কাছে কাছে রাখিতেন। উক্ত সম্ভ্রান্ত মহিলার একটি গোপন কথা ছিল। বহু দিন পর্যন্ত তিনি সে ব্যাপারটিকে গোপন রাখিতে পারিয়াছিলেন। প্রথম-যৌবনে তিনি কোনও যুবকের সহিত প্রণয়স্বত্রে আবদ্ধ হন। বিবাহ হইবার কথাও হইয়াছিল। সেই যুবকটি সেনা-দলের কাপ্তেন ছিল। সেই যুবককে উক্ত মহিলাটি বিবাহ করেন নাই। কিন্তু একটি সম্ভ্রান্তের জননী হইয়াছিলেন। সেই যুবক কাপ্তেনই সম্ভ্রান্তটির জনক।”

বৃদ্ধ জ্যেষ্ঠালোকের দিকে চাহিলেন। লেডী ডেডলক্ তেমনই নিশ্চলভাবে উপবিষ্ট।

“কাপ্তেনটির মৃত্যু হইয়াছে, এই সংবাদ পাইয়া মহিলাটি নিশ্চিত হইলেন। কিন্তু ঘটনা-পরম্পরায়,—বিস্তৃত বিবরণ বলিয়া আমি আপনাদের ধৈর্য্য নষ্ট করিতে চাহি না,—ক্রমে গুপ্তকথা প্রকাশ পাইল। আমি গল্পটি যেমন শুনিয়াছি, তাহাই বলিতেছি। এক দিন সেই মহিলার নির্বুদ্ধিতায় সব প্রকাশ পায়। এই ব্যাপার উপলক্ষে গার্হস্থ্য গণ্ডগোল অশান্তি কিরূপ চরমসীমায় উঠিল, তাহা সহজেই অনুমেয়। স্বামীর হৃদয়ে কিরূপ প্রচণ্ড আঘাত লাগিল, শ্মার লিষ্টার, আপনি তাহা সহজেই অনুমান করিতে পারিবেন। কিন্তু সে কথা এখন আলোচ্য নহে। মিঃ রাউলওয়েলের গ্রাম-নিবাসী লোকটি যখন এই ঘটনার কথা জানিতে পারিলেন, তিনি সেই সম্ভ্রান্ত মহিলার নিকট সেই বালিকাটিকে রাখিতে সম্মত হইলেন না। সম্ভ্রান্ত মহিলাটি তখন তাহার নিকট অতি সাধারণ রমণী। সমস্ত গল্পটা এই। আশা করি, লেডী ডেডলক্, এই বেদনাদায়ক গল্পটির জন্ত আমাকে মার্জনা করিবেন।”

গল্পটা শুনিয়া সমবেত শ্রোতৃগণ সম্ভ্রান্তপ্রকাশ করিলেন না। সম্পূর্ণ অবিশ্বাস্ত ব্যাপার বলিয়া সকলেই গল্পটাকে উড়াইয়া দিলেন। রাত্রি দশটা বাজিয়া গেল। ঘরে আলো

জ্বলিল। যে বাহার ঘরে উঠিয়া গেলেন। লেডী ডেডলক্ এক গ্লাস জল পান করিয়া দৃঢ়চরণে কক্ষত্যাগ করিলেন।

৪১

মিঃ টলকিংহরণ উপর-তলার নির্দিষ্ট কক্ষে প্রবেশ করিলেন। তাঁহার মুখ দেখিলেই বোধ হয়, তিনি যেন একটা গুরুতর কর্তব্য পালন করিয়া স্বচ্ছন্দচিত্ত হইয়াছেন।

কিয়ৎকাল তিনি কক্ষমধ্যে পদচারণা করিলেন। সম্মুখে টেবলের উপর কাগজ, কলম, দোয়াতদান রক্ষিত। আলোকাধারে আলোক জ্বলিতেছিল; কিন্তু আজ যেন তাঁহার লিখিবার ইচ্ছা ছিল না। তিনি পদচারণা করিতে করিতে সহসা দেখিলেন, দ্বারের সম্মুখে একজোড়া উজ্জ্বল চক্ষু তাঁহার দিকে চাহিয়া রহিয়াছে। বহুদিন তাঁহার মুখমণ্ডল এমন আরক্ত হইয়া উঠে নাই! সে চোখ কাহার, তাহা তিনি ভালরূপেই জানিতেন। তিনি লেডী ডেডলক্।

লেডী কক্ষমধ্যে প্রবেশ করিয়া দ্বার রুদ্ধ করিয়া দিলেন। রাণীর মুখমণ্ডলে উত্তেজনার চিহ্ন। আতঙ্ক কি ক্রোধ জনিত, তাহা ব্যবহারাজীব ঠিক বুঝিতে পারিলেন না।

“লেডী ডেডলক্?”

আরাম-কেন্দ্রায় বসিবার পূর্বে রাণী কোন কথা বলিলেন না। উভয়েই পরস্পরের দিকে চাহিলেন।

“আপনি এতগুলি লোকের কাছে আমার গল্প বলিলেন কেন?”

“লেডী ডেডলক্, আমি যে সব জানিতে পারিয়াছি, সেই কথাটা আপনাকে জানাইবার জন্যই আমি ইহা করিয়াছি।”

“কত দিন হইতে ইহা আপনি জানিয়াছেন?”

“সন্দেহ বহুদিন হইতেই আমার হইয়াছিল। সম্পূর্ণ বিষয়টা আমি অল্পদিন হইল জানিয়াছি।”

“মাসাধিক কাল হইল জানিয়াছেন?”

“কয়েক দিন হইল জানিয়াছি।”

“বেচারা বালিকাটির সম্বন্ধে কথাটা কি সত্য?”

“ব্যবহারাজীব এমন ভাবে চাহিলেন, যেন তিনি কথাটা ঠিক বুঝিতে পারেন নাই।”

“বালিকার অঙ্গীয়গণ কি আমার কাহিনী শুনিয়াছেন? লোকের মুখে মুখে কথাটা রটিয়া গিয়াছে কি?”

“না, লেডী ডেডলক্। ওটা শুধু আমার অনুমানমাত্র। ঘটনাটা জানিতে পারিলে কি হইতে পারে, আমি তাহাই বর্ণনা করিয়াছি।”

“তবে অপরে ইহা অবগত নহে?”

“না।”

“নির্দোষ বালিকাটিকে তৎপূর্বেই কি রক্ষা করা যায় না?”

“সে কথা আমি ঠিক বলিতে পারি না।”

ব্যবহারাজীব এই রমণীর অদ্ভুত আশ্চর্যমনকমতা দেখিয়া বিস্মিত হইয়াছিলেন।

“মহাশয়, আমি ব্যাপারটাকে খোলসা করিয়া বলিতেছি। আপনার আনুমানিক সিদ্ধান্তের বিরুদ্ধে আমি কোন কথা বলিব না। আমি জানিতাম, এক দিন না এক দিন কথাটা প্রকাশ পাইবেই। মিঃ রাউন্সওয়েল্ যখন এখানে আসিয়াছিলেন, তখন হইতেই এ কথাটা আমি ভাল করিয়াই বিয়াছিলাম। আমি জানিতাম যে, যদি মিঃ রাউন্সওয়েল্ আমার প্রকৃত পরিচয় পান, তবে তিনি বালিকাটিকে তাঁহার ক্রয়ের অযোগ্য বলিয়া মনে করিবেন। কিন্তু বালিকাটি সম্পূর্ণ নির্দোষ। সত্যই তাহার আমি মজলাকাঙ্ক্ষিনী। যে মণীকে আপনি এখন আপনার মুঠার মধ্যে পাইয়াছেন, তাহা তাহার প্রতি আপনার দয়া প্রকাশ করিবার ইচ্ছা থাকে, তবে সে দয়ার কথা সে রমণী মনে রাখিবে।”

বৃদ্ধ গভীর মনোযোগ সহকারে লেডীর কথা শুনিতে লাগিলেন।

“আপনি আমাকে পূর্বাঙ্কেই প্রস্তুত করিয়াছেন, সে জ্ঞান আমি আপনার নিকট কৃতজ্ঞ। এখন আপনি আমাকে আর কে করিতে বলেন? যে কোন প্রকার স্বার্থত্যাগ করিতে আমরা বলিবেন, আমি তাহাতেই প্রস্তুত। স্বামীকে মুক্তি দবার জ্ঞান আপনি আমাকে যাহা করিতে বলিবেন, আমি তাহাতেই সম্মত আছি। আপনার নির্দেশমত আমি লিখিয়া দিতেও রাজি আছি।”

লেডী লেখনী ধারণ করিলেন। হাঁ, তিনি তাহা পারেন। যেরূপ দৃঢ়তা সহকারে, অকম্পিত হস্তে তিনি লেখনী ধারণ করিয়াছেন, তাহাতে উহা যে তাঁহার অসাধ্য, তাহা নহে।

“লেডী ডেডলক্, আপনি নিরস্ত হউন, কোন কষ্টই আপনাকে করিতে হইবে না।”

“আপনি জানেন, বহু দিন হইতেই আমি এ জ্ঞান প্রস্তুত হইয়া আছি। নিজেকে ক্ষমা করিবার স্পৃহা আমার নাই। কেহ আমাকে ক্ষমা করে, তাহাও আমি চাহি না। আপনি যাহা করিয়াছেন, তাহার অপেক্ষা বেশী কিছু অনিষ্ট আমার করিতে পারেন না। এখন বাকী যাহা আছে, তাহা করুন।”

“করিবার কিছুই আর নাই, লেডী ডেডলক্। আপনার বক্তব্য শেষ হইলে আমি গুটিকয়েক কথা বলিব।”

লেডী ডেডলক্ বলিলেন, “অনুতাপ, আনুমানি অথবা আমার অন্ত কোন প্রকার মনোরত্তির কথা আমি আলোচনা করিব না। যদি আমি মুক না হই, আপনি বধিরতা অবলম্বন করিবেন। সে কথা ছাড়িয়া দিলাম। আপনার শুনিবার তাহা উপযুক্ত নহে।”

উকীল প্রতিবাদের চেষ্টা করিলেন; কিন্তু লেডী ডেডলক্ হস্তেজিতে তাঁহাকে নিরস্ত করিয়া বলিলেন, “আমি সম্পূর্ণ ভিন্ন বিষয়ে আপনার সহিত আলাপ করিতে যাইতেছি। আমার জহরতের অলঙ্কারগুলি তাহাদের

নির্দিষ্ট স্থানেই আছে। সেইখানেই আপনি খুঁজিলে পাইবেন। আমার পরিচ্ছদসমূহ সন্মুখেও ঐ একই কথা। অন্যান্য মূল্যবান জব্বাদিও যথাস্থানে রহিল। সামান্য কিছু অর্থ শুধু আমার কাছে থাকিবে; তাহাও যথেষ্ট নহে। আমার নিজের পরিচ্ছদ আমি পরিধান করি নাই, কারণ, তাহা হইলে হয় ত কেহ না কেহ আমার চিনিতে পারিবে। এখন হইতে আমি জগতের চক্ষে মুত। আপনি এই কথাটা সকলকে জানাইয়া দিবেন। ইহা ছাড়া আপনার নিকট আমার অন্ত কোন বক্তব্য নাই।”

বিন্দুমাত্র বিচলিত না হইয়াই মিঃ টল্কিংহেরণ বলিলেন, “লেডী ডেডলক্, আপনি আমার ক্ষমা করিবেন। সত্যই আমি আপনার কথা বুঝিতে পারিতেছি না। আপনি—”

“এখানকার সকলেই যেন জানিতে পারে যে, আমি চিরদিনের জ্ঞান হারাইয়া গিয়াছি। আজ রাজিতেই আমি চেসনিওড পরিত্যাগ করিব, এই দণ্ডেই চলিয়া যাইব।”

বৃদ্ধ মাথা নাড়িলেন। লেডী আসন ত্যাগ করিলেন; কিন্তু তথাপি তেমনি ভাবে দাঁড়াইয়া টল্কিংহেরণ মাথা নাড়িতে লাগিলেন।

“কি? আমি যাহা বলিলাম, তাহা শুনিবেন না? আমাকে বাইতে দিবেন না?”

প্রশান্তভাবে তিনি বলিলেন, “না, লেডী ডেডলক্।”

“আপনি বুঝিতে পারিতেছেন না যে, আমি অস্তিত্ব হইলে আপনারা সকলেই নিশ্চিত হইতে পারিবেন? কি কলঙ্ক এই প্রাসাদকে কলঙ্কিত করিয়াছে, তাহা ছুলিয়া বাইতেছেন কেন? স্থান ও পাত্রকে বিশ্বৃত হইলে চলিবে কেন?”

“লেডী ডেডলক্, তাহা হইবার নহে।”

কোন কথা না বলিয়া লেডী দরজার দিকে অগ্রসর হইলেন। ব্যবহারাজীব তেমনই মুহূর্ত্তে, তেমনই অবিচলিতভাবে বলিলেন, “লেডী ডেডলক্, আমার কথা অনুগ্রহ পূর্ব্বক শুনুন। নহিলে আপনি সিঁড়ি দিয়া নামিবার পূর্ব্বকই আমি বিপৎ-সূচক ঘণ্টাট বাজাইয়া দিয়া সমগ্র প্রাসাদকে জাগাইয়া তুলিব। তখন বাধ্য হইয়াই বাড়ীর প্রত্যেক অভাগত, চাকর-চাকরাণী সকলের নিকট আমাকে কথাটা প্রকাশ করিতে হইবে।”

এবার সত্যই তিনি জয়ী হইলেন। লেডী ডেডলকের দেহ ঈষৎ টলিয়া উঠিল, তাঁহার পদস্থলনের উপক্রম ঘটিল। তিনি যেন ঈষৎ বিচলিতভাবে মাথায় হাত দিলেন। অন্তের কাছে এ সকল কিছু কিছুই নহে; কিন্তু মুহূর্ত্ত দৃষ্টিপাতে অভিজ্ঞ ব্যবহারাজীব বুঝিলেন যে, লেডীর মনে দ্বন্দ্ব জাগিয়াছে।

তিনি তখনই বলিয়া চলিলেন, “আমার কথাটা আপনি সব আগে শুনুন।” এই বলিয়াই তিনি তাঁহাকে বসিবার



জন্ম ইঙ্গিত করিলেন। লেডী একটু ইতস্ততঃ করার পর আসন গ্রহণ করিলেন।

“লেডী ডেডলক্, আপনার সহিত আমার যে সম্বন্ধটা দাঁড়াইয়াছে, তাহা সত্যই শোচনীয়। কিন্তু সেটা আমার সৃষ্ট নয় বলিয়াই আমি সে জন্ম ক্ষমা চাহিতেছি না। স্মার লিষ্টারের সহিত আমার সম্বন্ধ কি, তাহা আপনার সুবিদিত। সুতরাং এ বিষয়ের আবিষ্কার করা যে আমার বিশেষ কর্তব্য, তাহা আপনার বহু পূর্বেই বোঝা উচিত ছিল।”

ভুলিসংলগ্ন-দৃষ্টি না তুলিয়াই লেডী ডেডলক্ বলিলেন, “মহাশয়, আমাকে যাইতে দিন। এখানে আমাকে অনর্থক কেন আটকাইয়া রাখিতেছেন? আমার বলিবার আর কিছুই নাই।”

“লেডী ডেডলক্, আমার কিছু বলিবার আছে, সেটা অল্পগ্রহ পূর্বক আপনি গুনিলে আমি চরিতার্থ হইব।”

“তবে আমি ঐ জানালার কাছে গিয়া দাঁড়াই। এখানে নিশ্বাস ফেলিতে আমার বড় কষ্টবোধ হইতেছে।”

বুদ্ধ তীক্ষ্ণদৃষ্টিতে লেডীর গতিবিধি পর্যবেক্ষণ করিতে লাগিলেন। না, জানালা দিয়া লাফাইয়া পড়িবার মত লেডীর চেষ্টা নাই। তথাপি বুদ্ধ সতর্কভাবে সেই দিকে দৃষ্টি রাখিলেন। তাঁহার পশ্চাতে ও সন্নিহতে দাঁড়াইয়া বাবহারাজীব বলিলেন, “লেডী ডেডলক্, আমি এখন কি করিব, তাহা ভাবিয়া ঠিক করিতে পারি নাই। সে সম্বন্ধে কোন চিন্তা করি নাই। ইতিমধ্যে, আমার অল্পরোধ, আপনার গুপ্ত-কথা এত দিন যেমন গোপন রাখিয়াছিলেন তেমনই রাখুন। আমিও এখন কোন কথা প্রকাশ করিব না।”

বুদ্ধ থামিলেন; কিন্তু লেডীও কোন কথা বলিলেন না।

“ক্ষমা করিবেন, লেডী ডেডলক্, ব্যাপারটা বিশেষ গুরুতর। আশা করি, আপনি আমার কথা গুনিতেন?”

“হ্যাঁ।”

“ধন্যবাদ। আপনার চরিত্রের দৃঢ়তা দেখিয়া আমি যথার্থই অনুমান করিয়াছি। এ প্রশ্ন না তুলিলেও চলিত; কিন্তু আমি কোন বিষয় পাকাপাকি না করিয়া অগ্রসর হই না। এ সবই স্মার লিষ্টারের জন্ম, তাহা মনে রাখিবেন।”

নিঃস্বরে লেডী বলিলেন, “তবে কেন আপনি এখনও আমাকে এই প্রাসাদে থাকিতে অনুরোধ করিতেছেন?”

“সে-ও ঐ একই কারণের জন্ম। স্মার লিষ্টার যে অত্যন্ত গর্ভিত লোক, সে কথা আপনাকে বলাই বাহুল্য। তিনি যে আমাকে নিতান্তই বিশ্বাস করেন, তাহাও আপনি জানেন। তাঁহার পত্নীর সম্বন্ধে স্মার লিষ্টারের বেরূপ উচ্চ ধারণা, তাহাতে সেই পত্নীর অধঃপতনের সংবাদ পাইলে তিনি অত্যন্ত বিস্মিত হইবেন। আকাশ হইতে চাঁদ খসিয়া পড়িলেও তিনি এত বিশ্বয়-বোধ করিবেন না।”

লেডীর শ্বাসপ্রশ্বাসের শব্দ দ্রুততর হইল; কিন্তু তিনি বিন্দুমাত্র বিচলিত ভাব প্রকাশ করিলেন না।

“শুনুন, লেডী ডেডলক্, যদি বিষয়টা আপনার সংক্রান্ত না হইত, তবে আমি নিজ হস্তেই এই ব্যাপারের মূলোৎপাটন করিতাম। কাহারও কোনও সাহায্য লইতাম না। কিন্তু স্মার লিষ্টার আপনাকে মজিয়া আছেন। তিনি আপনাকে সর্বাস্তঃকরণে বিশ্বাস করেন, ভালবাসেন। সেই জন্ম বর্তমান অবস্থাতে আমি সংকল্প স্থির করিতে পারি নাই। তিনি যে আপনার কথা বিশ্বাস করিবেন না, তাহা নহে (অবশ্য তাঁহার এমনই ধারণা যে, গুনিয়াও তিনি ইহা অবিশ্বাস্ত বলিয়া উড়াইয়া দিবেন), এ আঘাত-তিনি সহ্য করিতে পারিবেন না।”

“আমি পলায়ন করিলে কি সব দিক রক্ষা হয় না? এখনও ভাবিয়া দেখুন?”

“আপনি পলায়ন করিলে সব সত্য কথা প্রকাশ হইয়া পড়িবে। লোকমুখে কথাটা আরও বাড়িয়া যাইবে। তখন এই সম্ভ্রান্ত বংশের মানরক্ষা করা আদৌ সম্ভবপর হইবে না। না, তাহা হইতেই পারে না।”

বুদ্ধের কণ্ঠস্বরের দৃঢ়তা দেখিয়া সে সম্বন্ধে যে প্রতিবাদ আর চলিতে পারে না, তাহা স্থির হইয়া গেল।

“স্মার লিষ্টারের বংশগৌরব, সম্মান এবং স্মার লিষ্টার স্বয়ং—এ সবই একই কথা। সুতরাং তাঁহাকে উহাদের হইতে বিশ্লিষ্ট করিয়া দেখা চলে না। অতএব আমাকে বিশেষ সতর্ক হইয়া কাজ করিতে হইবে। যদি সম্ভব হয়, তবে কথাটাকে চাপা দিতে হইবে। যদি স্মার লিষ্টার পাগল হইয়া যান বা মৃত্যুশয্যায় শায়িত হন, তবে তাহা কেমন করিয়া সম্ভবপর হইবে? কাল সকালে যদি আমি তাঁহাকে এ সংবাদ দেই, তবে তাঁহার কি পরিবর্তন ঘটবে, তাহা সহজেই অনুমেয়। সকলেই তাহার কারণ অনুসন্ধান করিবে। যদি আপনাদের বিবাহবন্ধন ছেদন করিয়া দেওয়া যায়, তবে তখনই চারিদিকে ঢাক-ঢোল বাজিয়া উঠিবে। অবশ্য ইহাতে আপনার কোন ক্ষতি না হইলেও স্মার লিষ্টারের শ্রবণ—আপনার স্বামীর কি দুর্দশা হইবে, আমি শুধু তাহাই ভাবিতেছি।”

ব্যবহারাজীব ক্রমেই স্পষ্টভাবে বলিয়া চলিলেন, “আর একটা কথা আছে। স্মার লিষ্টার আপনাকে এমনই অনুরক্ত যে, হয় ত সব কথা জানিয়াও তিনি আপনাকে ত্যাগ করিতে পারিবেন না। যদি তাহাই হয়, তবে কোন কথা তাঁহার না জানাই ভাল। তাঁহার পক্ষেও ভাল, আমার পক্ষেও ভাল। এই সকল বিষয় চিন্তা করিয়া আমি কোনও সিদ্ধান্তে উপনীত হইতে পারি নাই। আমার অভিজ্ঞতার ফলে আমি বুঝিয়াছি যে, বিবাহ হইতেই ষত অনর্থের সূত্রপাত হয়। স্মার লিষ্টার যখন বিবাহ করেন, তখনই আমার আপত্তি ছিল। যাক্, সে কথায় এখন প্রয়োজন নাই। এখন ঘটনাচক্র যেমন চলিতেছে, তদনুসারে আমাকে চলিতে হইবে। আপাততঃ আপনি চূপ-চাপ থাকুন। আমিও তাই থাকিব।”

আকাশের দিকে চাহিয়া লেডী বলিলেন, “এখন কি আপনার রূপাপ্রার্থী হইয়াই আমাকে এমনই ভাবে জীবন যাপন করিতে হইবে ?”

“হ্যাঁ, লেডী ডেডলক্, তাহাই আপনার লম্বাটলিপি।”

“এমন ভাবে থাকার কোন সার্থকতা আছে কি ?”

“আমার দৃঢ়বিশ্বাস, এই ভাবেই আপনাকে চলিতে হইবে। উহা অত্যাবশ্যক।”

ধীরে ধীরে লেডী বলিলেন, “আলোকিত রঙ্গমঞ্চে দাঁড়াইয়া আমাকে এই প্রতারণাপূর্ণ অভিনয় দেখাইয়াই যাইতে হইবে ? তার পর আপনি যে দিন ইচ্ছিত করিবেন, সেই দিন সব শেষ হইয়া যাইবে ?”

“আমি পূর্বাভায়েই আপনাকে সতর্ক করিয়া দিব। সে বিষয়ে আমার কোন ভ্রুটি হইবে না।”

“পূর্বেও আমাদের দেখা-সাক্ষাৎও চলিতে থাকিবে ?”

“ঠিক পূর্বেও, তাহার একচুলও ব্যতিক্রম হইবে না।”

“এত দিন আমার পাপ যেমন গোপন রাখিয়াছিলাম, এখনও তাহাই করিতে হইবে ?”

“এত দিন যেমন চলিয়াছে, এখনও তেমনই চলিবে। সে কথা আমার না বলিলেও চলে। এত দিন গুপ্তকথার ভাবে আপনার মনের অবস্থা যেমন ছিল, এখনও অবশ্য তদপেক্ষা বোঝা বিশেষ ভারী হইবে বলিয়া মনে হয় না। আমি জানি, আমরা কখনও পরস্পরকে বিশেষ বিশ্বাস করি নাই।”

লেডী কিছুক্ষণ নীরবে আকাশ-পানে চাহিয়া বলিলেন, “আজ রাত্রিতে আর কিছু আলোচনার প্রয়োজন নাই, বোধ হয় ?”

টল্কিংহরণ বলিলেন, “এখন আমি আপনার কাছে এই জানিতে চাই যে, আমার এ প্রস্তাবানুসারে আপনি কাজ করিবেন কি না। আপনার অঙ্গীকার আমি চাই।”

“আমি স্বীকৃত হইলাম।”

“উত্তম। আর লিষ্টারের দিক দিয়াই আমি সব কথা বলিলাম। যদি লেডী ডেডলক্ আমাকে বিশ্বাস করিয়া সব বলিতেন, তবে তাঁহার সম্বন্ধেও আমি ব্যবস্থা করিতে পারিতাম ; কিন্তু দুর্ভাগ্যক্রমে তাহা হয় নাই।”

“মহাশয়, আপনার বিশ্বস্ততায় আমার অবিশ্বাস নাই।”

কিয়ৎকাল নিস্তব্ধভাবে থাকিয়া লেডী ডেডলক্ দ্বারা-ভিমুখে অগ্রসর হইলেন। টল্কিংহরণ চিরাচরিত প্রথা অনুসারে দুই হস্তে দ্বার মুক্ত করিলেন। চিরকাল যেমন সম্ভ্রমভরে তিনি লেডী ডেডলক্‌র সহিত ব্যবহার করিতেন, আজ তাহার কোনও ব্যতিক্রম হইল না। তেমনই অবনত-ভায়ে তিনি লেডী ডেডলক্‌কে অভিবাদনও করিলেন। রমণী চলিয়া গেলে বৃদ্ধ ভাবিলেন, এই নারীর সহনশক্তি কি অদ্ভুত !

কিন্তু পালক রজনী ধরিয়। এই রমণী নির্জন কক্ষমধ্যে আলুলায়িত হইয়া যে মানসিক পরিশ্রম সহ করিতেছিলেন, তাহার ভিত্তির কে জানে ?

মিঃ টল্কিংহরণ টল্কিংহরণ প্রাসাদ ত্যাগ করিয়া লণ্ডনস্থ ভবনে প্রত্যাবর্তন করিলেন। তিনি সিঁড়ি বাহিয়া উপরে যাইতেছেন, এমন সময় মিঃ স্নাগস্বিকে দেখিতে পাইলেন। স্বাগত-প্রশ্নের পর তিনি স্নাগস্বিকে এখানে আগমনের কারণ জিজ্ঞাসা করিলেন। খর্সাকার ব্যক্তি বলিল, “আপনার সঙ্গে দেখা করবার জন্তেই এসেছিলাম। ফিরে যাচ্ছিলাম, এমন সময় দেখলুম, আপনি আসছেন।”

“ব্যাপার কি, স্নাগস্বি ?”

“আপনার সঙ্গে একটা কথা আছে, বলতে পারি কি ?”

“স্বচ্ছন্দে এখানেই বল।”

“একটি বিদেশিনী নারীর কথাই বলবার আছে।”

“সে আবার কে ?”

“সেই যে ফরাসিনী—সে দিন রাত্রিতে বকেট ও আমি ছোকরাটিকে নিয়ে আপনার ঘরের মধ্যে এসেছিলাম—সেই স্ত্রীলোকটি।”

“ও, বটে ! বটে ! ম্যাদমসেলি হর্টেন্সি।”

“আজ্ঞে হ্যাঁ। ও ফরাসী কটমট নাম বড় একটা মনে থাকে না। সেই স্ত্রীলোকটিই বটে।”

“তার সম্বন্ধে তুমি আবার কি বলিতে চাও ?”

“মশায়, আমার পারিবারিক শান্তি এত দিন বেশ ছিল। কিন্তু সম্প্রতি ঐ স্ত্রীলোকটি কোন রকমে আমার নামটা জানতে পেরে এক দিন আমার বাড়ীতে গিয়ে হাজির। আর কোর্টে ত ঘন ঘন যাতায়াত আরম্ভ করেছে। এতে আমার স্ত্রীটি কিছু চটিয়া গিয়াছেন। আপনাকে আর কি বেলী বলব। স্ত্রীলোকের মন—বুঝতেই পাচ্ছেন।”

কাসিয়া হাঁচিয়া স্নাগস্বি কথাটা শেষ করিলেন।

“এই কথা, আর কিছু নাই ?”

“কথাটা এই বটে, কিন্তু আমার পক্ষে পর্যাপ্ত হজুর।”

“তাই ত, ম্যাদমসেলি হর্টেন্সি পাগল হইল না কি ? নহিলে এমন করিয়া বেড়াইবে কেন ?”

“আজ্ঞে, পাগলই হউক আর যাই হউক, আমি ত অস্থির হয়ে পড়েছি।”

“আচ্ছা, আমি তাকে বারণ করিয়া দিব। এবার তোমার ওখানে গেলেই আমার এখানে পাঠাইয়া দিও।”

মিঃ স্নাগস্বি বিদায় লইলেন। টল্কিংহরণ উপরে উঠিতে উঠিতে আপন মনে বলিলেন, এই মেয়েমানুষ জাতটাই খারাপ। যত গুণগোল এই মেয়েমানুষদিগকে লইয়া। মনিবটিকে ঠিক করিতে না করিতেই আবার তাঁর



অর্ধভগ্ন নানাপ্রকার আস্বাবে পরিবৃত্ত হইয়া স্কিমপোল তখন কফি পান করিতেছিলেন। কিছু আঙ্গুর ফলও দেখিলাম। তিনি আমাদের সমাদরে আহ্বান করিলেন। কিছু আঙ্গুর আমাদের খাইবার জন্ত দিলেন।

কর্তা বলিলেন, “বড় চমৎকার ফলগুলি ত! কেহ উপহার পাঠাইয়াছে না কি?”

“না, না! একটি ভদ্রগোছের মালী এগুলি বেচিতে আনিয়াছিল। তখনই সব লইলাম। লোকটি দামের জন্ত প্রতীক্ষা করিবে কি না, জিজ্ঞাসা করায় বলিয়াছিলাম যে, যদি সময়ের কোন মূল্য না থাকে, তবে বসিয়া থাকিতে পারে। বোধ হয়, লোকটার সময় বাজে কাজে নষ্ট করিবার মত নয়। কারণ, সে তখনই চলিয়া গিয়াছিল।”

কর্তা অর্ধ-পূর্ণ দৃষ্টিতে সহাস্ত্রে আমাদের দিকে চাহিলেন। বুঝিলাম, তাঁহার দৃষ্টি যেন বলিতেছিল, “দেখ, এমন শিশু-চরিত্র লোক কি সাংসারিক বুদ্ধিজীবী হইতে পারে?”

কথায় কথায় রিচার্ডের প্রসঙ্গ উত্থাপিত হইল। স্কিমপোল বলিলেন, “রিককে আমি বড় ভালবাসি। জারনুডিস্, তোমার সঙ্গে আজকাল তাহার বনিবনাও না হইতে পারে, কিন্তু আমি তাহাকে ভালবাসি।”

কর্তা বলিলেন, “তা তুমি প্রাণ খুলিয়া করিতে পার। তবে তাহার পকেটের দিকে একটু দৃষ্টি রাখা দরকার।”

“বন্ধু, তুমি কি বলিতেছ, আমি ঠিক বুঝিতে পারিতেছি না।”

“কথাটা এই, তুমি যদি তার সঙ্গে এখানে-ওখানে যাও, যাইতে পার। কিন্তু তোমার খরচটা তাহার স্বন্ধে চাপাইও না।”

“বন্ধু, জন্, আমি কি করিব বল? সে যদি আমাকে সঙ্গে করিয়া লইয়া যায়, আমাকে যাইতেই হইবে। টাকা আমি কোথা হইতে দিব? আমার ত টাকা-কড়ি নাই। যদি সঙ্গে টাকাও থাকে, হিসাব করা আমার সাধ্যাতীত।”

জারনুডিস্ বলিলেন, “রিকের সঙ্গে ভবিষ্যতে তুমি যদি কোথাও যাও, টাকা আমার কাছ হইতে লইও। কিন্তু সে কথা তাহাকে ঘৃণাক্ষরেও জানিতে দিও না। হিসাবপত্রের ভার রিচার্ডের উপর চাপাইলেই চলিবে।”

“আচ্ছা বন্ধু, তুমি যাহা বলিবে, আমি তাহাই করিব। তবে আমার ধারণা ছিল, রিচার্ড মহাধনী। একটা কাগজে সহি করিলেই রূপস্বাপ্ করিয়া টাকার বৃষ্টি হইয়া যাইবে।”

আদা বলিলেন, “না। তিনি সত্যই দরিদ্র।”

কর্তা বলিলেন, “সত্যই রিচার্ডের আর্থিক অবস্থা ভাল নয়। তবে সে মোকদ্দমার উপর যথেষ্ট নির্ভর করিয়া বসিয়া আছে। হারল্ড, তুমি তাহাকে এ বিষয়ে মোটেই উৎসাহ দিও না।”

স্কিমপোল বলিলেন, “তা কেমন করিয়া হইবে? আমি ত ব্যবসাদার নহি, কাজেই ও সকল ব্যাপারের কিছুই

বুঝি না। রিচার্ড ত আমার কাছে বলেন যে, মোকদ্দমায় জয়লাভ করিয়া তিনি অতুল ঐশ্বর্য্য পাইবেন। আমি কি বুঝিব বল, তাঁহার কথায় বিশ্বাস করিয়া উৎসাহ দিয়া থাকি।”

স্কিমপোল অতঃপর তাঁহার পত্নী ও তিনটি কন্যাকে লইয়া আসিলেন। তিনি নিজেই বলিলেন, তিনটি কন্যাই তাঁহার মত শিশুচরিত্র। সংসারের কোন ধার ধারে না। কথার ভাবে আমরাও তাহাই বুঝিলাম।

শ্রীমতী স্কিমপোলকে এক প্রান্তে ডাকিয়া কর্তা কি বলিতে লাগিলেন। টাকার ঝন্সকার শব্দ আমাদের কাণে এড়াইল না। স্কিমপোল বস্ত্র পরিবর্তন করিতে গেলেন। অল্পক্ষণ পরেই ফিরিয়া আসিয়া তিনি বলিলেন, “মা-লক্ষ্মীয়া, তোমরা তোমাদের গর্ভধারিণীকে দেখিও। আমি জারনুডিসের সঙ্গে দুই চারি দিনের জন্ত চলিলাম। বাড়ী থাকিলে আমাকে লোকে বিরক্ত করিবে, তাহা জান ত?”

কনিষ্ঠা কন্যা বলিল, “হ্যাঁ বাবা, সেই বদলোকটা!”

মধ্যমা বলিল, “লোকটার বিবেচনা নেই। বাবা তখন দেওয়ালে টানান ফুলগুলির সঙ্গে নীল আকাশের তুলনা করিতেছিলেন, আর সে আসিয়া তাঁহাকে বিরক্ত করিতে লাগিল।”

জ্যেষ্ঠা বলিল, “বাতাস তখন শস্ত্রশব্দে পূর্ণ।”

স্কিমপোল বলিলেন, “না, লোকটার কাব্যরস-বোধ একেবারেই নাই, সেটা ঠিক। লোকটা অত্যন্ত নীরস-গত্ময়। আমার মেয়েরা তার উপর বড়ই চটিয়া গিয়াছে।”

তিনটি কন্যা সম্মুখে বলিয়া উঠিল, “লোকটা একেবারেই ভাল নয়।”

স্কিমপোল বলিলেন, “একেবারে কবিত্ববাহিত। লোকটা একটা রুটীওয়াল। আমাদের একজোড়া চেয়ারের দরকার হয়। লোকটা আমাদের উহা ব্যবহার করিতে দিয়াছিল। ব্যবহারে ক্রমে ছইখানাই ভাঙ্গিয়া যায়, তখন সে উহা ফিরাইয়া চায়। আমরা ফেরৎ দিলাম। কিন্তু লোকটা তাহাতে খুসী হইল না। ভাঙ্গিয়া গেল কেন, তাহার কারণ জানিতে চাহিল। আমি বুঝাইয়া বলিলাম যে, ব্যবহার করিলেই ক্রমে জিনিষ পুরাতন হয়, এবং শেষে ভাঙ্গিয়া যায়। লোকটা কিছুতেই তাহা বুঝিবে না। শেষে সে আমাকে গাল-মন্দ দিতে লাগিল। আমি তাহাকে আবার বলিলাম, ‘বন্ধু, আমাদের কার্য্যকরী শক্তির প্রভেদ যতই থাকুক না কেন, আমরা সকলেই প্রকৃতি মাতার সন্তান। এই সূর্য্য-লোকিত প্রভাতে তুমি আমায় দেখিতেছ, (তখন আমি সোফায় শায়িত) আমার সম্মুখে ফুলের রাশি, টেবলের উপর ফল সজ্জিত, মাথার উপর মেঘহীন আকাশ, বাতাস পুষ্প-গন্ধভরা, চারিদিকেই প্রকৃতির লীলা! বন্ধু, আমি তোমায় অহরোধ করিতেছি, এমন সময় তোমার ক্রুদ্ধ মূর্ত্তি আমার

সম্মুখে স্থাপিত করিও না, উহা নেহাৎ অশোভন দেখাইবে! কিন্তু লোকটা কোনমতেই থামিল না। তাই আমি এ স্থান ছাড়িয়া চলিয়াছি। সে লোকটা তাহা হইলে আমার আর বিরক্ত করিতে পারিবে না।”

কর্তা প্রাণাভাব সহিত বন্দোবস্ত করিতে স্ত্রী ও কন্যারাই রহিল। এ ঘটনা তাঁহাদের কাছে নিত্য, স্মরণ্য তাঁহাদের নিকট বিশ্বয়ের কারণ নহে।

স্বিম্পোল বিদায় লইয়া আমাদের সহিত চলিলেন।

গৃহে ফিরিয়া আমরা নৈশ ভোজের জন্য প্রস্তুত হইতেছি, এমন সময় পরিচারক একখানি কার্ড লইয়া আসিল। কর্তা পড়িলেন, “শ্রীর লিষ্টার ডেডলক্।”

আমরা সকলেই অত্যন্ত বিস্মিত হইলাম। আমার মনের অবস্থা কিরূপ হইল, তাহা ভুক্তভোগী ব্যতীত অস্তুর বৃষ্টির মত সাধ্য নাই। সমস্ত ঘরটা যেন বন-বন করিয়া ঘুরিতে লাগিল। যদি সে সময় আমার ক্ষমতা থাকিত, তবে আমি তখনই সে কক্ষ ত্যাগ করিতাম।

কর্তা শ্রীর লিষ্টারকে আসন গ্রহণ করিতে অনুরোধ করিলেন।

“শ্রীর লিষ্টার, আপনার শুভাগমনে আজ আমি ধন্য।”

শ্রীর লিষ্টার বলিলেন, “আমি এই পথে লিঙ্কলন্ শায়ার হইতে ফিরিতেছিলাম। আপনারা যখন চেসনিওডে গিয়াছিলেন, আমাদের সঙ্গে দেখাসাক্ষাৎ আলাপ-পরিচয় হয় নাই। আমার প্রতিবেশী আপনাদিগকে তাহা করিতে দেন নাই। সে জন্য আমি অত্যন্ত দুঃখিত। এবার যখনই ঘাইবেন, আমার অনুরোধ, আপনারা অনুগ্রহ করিয়া আমার গৃহে পদার্পণ করিবেন। সেই কথা জানাইবার জন্য আমি এখানে আসিয়াছি।”

কর্তা খুবই বিনয় ও ভদ্রতা প্রকাশ করিলেন।

আমি একবারও শ্রীর লিষ্টারের দিকে ফিরিয়া চাই নাই। এমন কি, তাঁহাদের কথোপকথনও মনোযোগ দিয়া শুনি নাই। শ্রীর লিষ্টার যতক্ষণ ছিলেন, দারুণ অশান্তি আমি ভোগ করিতেছিলাম।

আসন ত্যাগ করিয়া শ্রীর লিষ্টার বলিলেন, “কথাটা আমি লেডী ডেডলক্কে জানাইয়াছিলাম। তিনি আমাকে বলিয়াছেন যে, এক দিন মিঃ জারনুডিস্ ও তাঁহার পালিতা কুমারীদিগের সহিত তাঁহার কিছু কথাবার্তা হইয়াছিল। এক দিন হঠাৎ দেখা হইয়াছিল বলিয়াই সে স্মরণ্য ঘটনা ছিল।”

শ্রীর লিষ্টার বিদায় লইলেন। আমিও নিশ্বাস ছাড়িয়া রাখিলাম। আমি মনে করিলাম যে, এখন কর্তাকে সব কথা জানাইয়া রাখা প্রয়োজন। আর গোপন রাখিলে চলিবে না।

সেই রাত্রিতে সকলে নিদ্রিত হইলে আমি কর্তার পাঠাগারে গেলাম। তিনি তখনও পড়িতেছিলেন। রোজই এই সময়ে তিনি অধ্যয়ন করেন।

আমি দ্বারে করাঘাত করিয়া বলিলাম, “ভিতরে আসিতে পারি কি?”

তিনি বলিলেন, “নিশ্চয়ই! ব্যাপার কি?”

আমি বলিলাম, “বিশেষ কিছু নয়। তবে আমার সম্বন্ধে কয়েকটি কথা আপনাকে জানাইতে চাই।”

কর্তা সাগ্রহে আমার বক্তব্য শুনিবার জন্য চেয়ার ফিরাইয়া লইলেন। বলিলেন, “ইহার, তোমার কথা মানেই আমাদের সকলেরই কথা। আমি সর্বদাই তোমার কথা শুনিতে প্রস্তুত।”

“তা জানি, কর্তা। আপনার পরামর্শ ও উপদেশ আজ আমার বিশেষ প্রয়োজন।”

তিনি যেন এতটার জন্য প্রস্তুত ছিলেন না। কর্তার মুখে উৎকণ্ঠা-পূর্ণ আশঙ্কার ছায়া ঘনাইয়া উঠিল।

“আজ যিনি আসিয়াছিলেন, তিনি চলিয়া যাওয়ার পরই আপনার সহিত কথাবার্তা বলিবার জন্য আমি ব্যাকুল হইয়াছি।”

“শ্রীর লিষ্টার ডেডলক্!—তাঁহার সহিত এ বিষয়ের সম্বন্ধ আছে না কি?”

“হ্যাঁ!”

অত্যন্ত বিস্ময়ভরে তিনি আমার দিকে চাহিয়া রহিলেন। আমি কি ভাবে প্রসঙ্গটির সূচনা করিব, তাহাই ভাবিতে লাগিলাম।

“ইহার, শ্রীর লিষ্টারের সহিত তোমার যে কোন প্রকার যোগই থাকিতে পারে, ইহা আমার কল্পনারও অতীত।”

“কিছু দিন পূর্বে আমারও তাহাই বিশ্বাস ছিল বটে।”

কর্তার মুখের হাসিটি সহসা অস্বহিত হইল। তিনি গম্ভীরভাবে ধারণ করিলেন। তার পর দ্বার রুদ্ধ আছে কি না, স্বয়ং পরীক্ষা করিয়া আসিলেন।

“কর্তা, সে দিন বড়বৃষ্টির সময় লেডী ডেডলক্ তাঁহার ভগিনীর কথা কি বলিয়াছিলেন, তাহা মনে আছে?”

“খুব মনে আছে।”

“তিনি আপনাকে বলিয়াছিলেন যে, দুই ভগিনীর মতের অমিল হওয়াতে তাঁহারা যে যাহার মতে কাজ করিয়াছিলেন?”

“হ্যাঁ, সে কথাও মনে আছে।”

“কিন্তু কর্তা, কি লইয়া তাঁহাদের মতানৈক্য হয়, জানেন?”

তিনি আমার দিকে চাহিয়া বলিলেন, “এ সব কি প্রশ্ন? আমি তা জানি না। কেন তাঁহাদের কলহ হইয়াছিল, তাহা তাঁহারা দুজন ছাড়া অণু জানিবে কিরূপে? এই দুইটি সন্দেহী গর্ভিতা নারীর গুপ্তকথা কাহারও জানিবার উপায় নাই বলিয়া আমার ধারণা। তুমি তা লেডী ডেডলক্কে দেখিয়াছ। কিন্তু যদি তুমি তাঁহার ভগিনীকে দেখিতে! তিনি ভারী স্থিরপ্রতিভা, একগুঁয়ে এবং গর্ভিতা ছিলেন!”



“কর্তা, আমি তাঁহাকে খুবই চিনিতাম। অসংখ্যবার আমি তাঁহাকে দেখিয়াছি।”

“বল কি? তুমি তাঁহাকে দেখিয়াছ?”

কয়েক মুহূর্ত নীরবে থাকিয়া তিনি বলিলেন, “তবে শোন ইহার, বয়থরন্ সন্মুখে তুমি বহুদিন পূর্বে আমার যে প্রণয় করিয়াছিলে, আমি উত্তরে বলিয়াছিলাম যে, তিনি বিবাহ করিতে করিতে করেন নাই, এবং তাঁহার প্রণয়িনী মরেন নাই; কিন্তু তাঁহার নিকট মৃতবৎ। আর সেই সময় হইতেই বয়থরনের জীবনপ্রবাহ ভিন্ন পথে চলিয়াছে, তিনি তাঁহার প্রণয়িনীকে কখনও ভুলেন নাই। সেই প্রণয়পাত্রী কে, তাহা তুমি জান কি?”

“না, কর্তা।” বলিতে বলিতে আমার হৃদয়ে একটা আশঙ্কা জাগিয়া উঠিল।

“তিনি লেডী ডেডলকের সহোদরা।”

“আপনি দয়া করিয়া বলুন, উভয়ের বিচ্ছেদ ঘটিল কেন?”

“কেন, তাহা কেহ জানে না। বয়থরনের প্রণয়িনী নিজেই বিচ্ছেদ ঘটাইয়াছিলেন। কারণটা কাহাকেও জানিতে দেন নাই। পরিশেষে বয়থরন্ অনুমান করিয়াছিলেন (সেটা অনুমান মাত্র) যে, সহোদরার ব্যবহারে তিনি এমনই কোন ব্যথা পাইয়াছিলেন যে, তিনি সংসারের সকল বন্ধন ছিন্ন করিয়া ফেলেন। তিনি বয়থরনকে লিখিয়া জানাইয়াছিলেন যে, তিনি তাঁহার নিকট মৃত। পরিশেষে ঘটনাছিলও তাহাই। বয়থরন্ও অত্যন্ত গর্ভিত এবং দৃঢ়চেতা, তিনিও আর বিবাহ করেন নাই। তাঁহার প্রণয়িনী তাঁহাকে এ কথাও জানাইয়াছিলেন যে, যে অবস্থাকে তিনি স্বেচ্ছায় বাধ্য হইয়া বরণ করিয়া লইয়াছেন, তাহা হইতে তাঁহার উদ্ধারলাভের কোন উপায় নাই। তিনি যে আত্মোৎসর্গ করিয়াছেন, তাহাই তাঁহার ললাটলিপি। সেই অবস্থাতেই তাঁহার সারা জীবন চলিয়া যাইবে। বাস্তবিক তাহাই ঘটয়াছিল। বয়থরন্ আর কখনও তাঁহার সহিত দেখা করেন নাই, তাঁহার কোন সংবাদও পান নাই। তিনি কেন, এ সংসারে আর কেহই তাঁহার কোন সংবাদ পান নাই।”

দুঃখে অভিভূত হইয়া আমি বলিয়া উঠিলাম, “হায়! আমি কি হতভাগী, আমার জন্মই এই দুর্দশা ঘটয়াছে!”

“তুমি ইহার কারণ? সে কি কথা, ইহার?”

“হাঁ, কর্তা। অবশু আমি নির্দোষ, ইচ্ছা করিয়া আমি কাহারও দুঃখের কারণ হই নাই। সেই নির্দোষিতা, আত্মগোপনপরায়ণা মহীয়সী নারীকে আমি জ্ঞানসঞ্চারের সময় হইতেই দেখিয়াছি।”

চমকিতভাবে তিনি বলিলেন, “না, না!”

“সত্যই কর্তা! তাঁহারই সহোদরা আমার জননী!”

আমার মাতার লিখিত পত্রের কথা তাঁহাকে শুনাইতে চাহিলাম; কিন্তু তিনি তখন কোন কথা শুনিতে সম্মত

হইলেন না। তিনি অতি স্নেহভরে আমার সহিত কথা বলিতে লাগিলেন। সেই গভীর হৃদয়ের অন্তরালে আমার জন্ম কতখানি স্নেহ, করুণা সঞ্চিত ছিল, তাহা আমি জানি না? কর্তা আমাকে স্নেহভরে আমার শরীরের পর্য্যন্ত আগাইয়া দিলেন। রুতজ্ঞতায় ভালবাসায় আমার হৃদয় ভরিয়া উঠিল।

৪৪

পরদিবস সকালে কর্তা আমাকে তাঁহার কক্ষে আহ্বান করিলেন। আমি বাকী কথাগুলি তাঁহাকে বলিলাম। তিনি বলিলেন যে, এখন আর অণু কিছুই করণীয় নাই, শুধু গুপ্ত কথাটা মাহাতে কোনরূপে প্রকাশ না পায়, তাহার উপায় অবলম্বন করিতে হইবে। স্ত্রীর লিষ্টারের সহিত যাহাতে আমার ভবিষ্যতে আর দেখা না হয়, সে বিষয়ে বিশেষ সতর্কও থাকিতে হইবে। তিনি এ কথাও বলিলেন যে, আমার মাতার ব্যবহারাজীবের সন্দেহ যদি যথার্থই উদ্ভিক্ত হইয়া থাকে, তবে ঘটনাটা প্রকাশ পাইতেও পারে। তবে তাঁহার বিশ্বাস যে, হয় ত সে সন্দেহ অমূলক। শোকটাকে তিনি খুবই জানেন। তিনি যেকোন চতুর ও সজ্ঞ, তাহাতে তাঁহার অসাধ্য কার্য কিছুই নাই। কর্তা আমাকে পুনঃ পুনঃ বুঝাইয়া দিলেন যে, ভবিষ্যতে যাহাই ঘটুক কেন, আমার দায়িত্ব কিছুই নাই। আমার দোষ কিছু থাকিতে পারে না, নাইও।

“উকীলের মনে তোমার সন্মুখে কোনও সন্দেহ জাগিতে পারে না। এ বিষয়ে তোমাকে জড়াইবার তাঁহার পক্ষে কোন সম্ভাবনাও নাই।”

আমি বলিলাম, “উকীলের সন্মুখে সে কথা খাটে বাকী কিছু আর দুইটি ব্যক্তিকে সন্দেহ করি। তাহারা হইলে আমার জন্মরহস্যের কিছু কিছু জানিতে পারিয়াছে বাকী আমার সন্দেহ হয়।” এই বলিয়া আমি গুপীর কথা তাঁহাকে বলিলাম। তবে গুপীকে আমি শেষবারে যে অনুরোধ করিয়া আনিয়াছি, তাহাতে হয় ত সে আমার সন্মুখে আর বেশী আলোচনা করিবে না।

কর্তা বলিলেন, “আপাততঃ তাহার দ্বারা কোন অনিষ্টের সম্ভাবনা নাই। অপর লোকটি কে?”

আমি ফরাসিনী পরিচারিকার কথা তাঁহার কাছে বিবৃত করিলাম। সে যে আমার কাছে থাকিবার জন্ম কিরূপ আগ্রহ প্রকাশ করিয়াছিল, তাহাও আমি তাঁহাকে বলিলাম।

“হ্যাঁ, এই রমণীটিই আশঙ্কার পাত্র বটে। তবে হয় ত তোমার নিকট চাকরী পাইবার জন্মই তাহার আগ্রহটা ঐ প্রকার হইয়াছিল, ইহা মনে করাও ত অসঙ্গত নহে।”

“কিন্তু তাহার ব্যবহারটা অত্যন্ত অপূর্ব বলিয়া আমার মনে হইয়াছিল।”

কর্তা বলিলেন, “তাহার ব্যবহারটা অস্বাভাবিকই বটে। কিন্তু কি করিবে বল। তোমার দোষ ত কিছুই নাই। শুধু ভবিতব্যতার দিকে চাহিয়া থাক, দেখ কি হয়।”

একটু চিন্তা করিয়া তিনি বলিলেন, “আমার দ্বারা যদি কোন সাহায্য সম্ভবপর হয়, আমি অবশ্য তাহাও করিব।”

আমি সর্কাস্তঃকরণে তাঁহাকে আমার কৃতজ্ঞতা প্রকাশ করিলাম। আমি উঠিয়া যাইবার উপক্রম করিলে, তিনি আমাকে একটু অপেক্ষা করিতে বলিলেন।

ফিরিয়া চাহিবামাত্র তাঁহার মুখমণ্ডলে একটা অপূর্ণ আলোক লক্ষ্য করিলাম।

কর্তা বলিলেন, “স্নেহের ইস্থার, অনেক দিন হইতেই আমার মনে একটা চিন্তা জাগিয়াছে। সে কথাটা তোমাকে জানাইবার আমার একান্ত আগ্রহ আছে।”

“সত্য না কি?”

“কিন্তু সেটা প্রকাশ করিতে পারিতেছি না, কেমন একটা বাধ-বাধ ঠেকিতেছে। আমার ইচ্ছা, বিশেষ বিবেচনা ও চিন্তার পর—বিশ্লেষণের পর তোমাকে বলিব। আমি যদি পত্রে সে সব কথা তোমাকে জানাই, তোমার কোন আপত্তি আছে?”

“কিছুমাত্র নয়। আপনি স্বচ্ছন্দে সিদ্ধিতে পারেন।”

প্রসন্ন হস্তে তিনি আমাকে বলিলেন, “আচ্ছা, অল্প সময় আমাকে যেমন খোলা, অকৃত্রিম ও সেকেলে বলিয়া মনে কর, এখন আমার মুখের ভাব ও কথায় ঠিক তেমনই বোধ হইতেছে কি? ষথার্থ বলিও।”

আমি সাগ্রহে বলিলাম, “নিশ্চয়।”

তিনি পূর্ণ-দৃষ্টিতে আমার দিকে চাহিয়া বলিলেন, “আমি কোন কথা লুকাইতেছি, কোন কথা অস্পষ্ট করিয়া বলিতেছি বলিয়া কি তোমার বোধ হইতেছে?”

আমি অকুণ্ঠিত-চিত্তে বলিলাম, “না।”

“ইস্থার, আমি যাহা বলিব, তাহা কি তুমি বিশ্বাস করিতে পারিবে?”

“সর্কাস্তঃকরণে।”

“স্নেহের ইস্থার, তোমার হাতখানা দাও।”

তিনি ধীরে ধীরে আমার করপুট গ্রহণ করিলেন। তার পর আমার দিকে প্রসন্ন-দৃষ্টিতে চাহিলেন। সে দৃষ্টিতে শুধু স্নেহ, বিশ্বস্ততা, পবিত্রতা উছলিয়া উঠিতেছিল। তিনি বলিলেন, “আমার জীবনে তুমি বহুল পরিবর্তন ঘটাইয়াছ, ইস্থার। প্রথম যে দিন তোমাকে গাড়ীতে দেখি, সেই মুহূর্ত হইতেই আমার জীবনে পরিবর্তন ঘটয়াছে। তোমার স্থিতি আমাকে যাবতীয় মঙ্গলাকুষ্ঠানে ব্রতী করিয়াছে।”

“কর্তা, আপনি আমার মঙ্গলের জন্ত না করিয়াছেন কি?”

“সে কথা এখন তুলিও না, ইস্থার!”

“সে কথা কি কখনও ভুলিবার?”

“হ্যাঁ, এখন, অন্ততঃ কিছুক্ষণের-জন্ত সে কথা ভুলিতে হইবে। এখন তুমি ভাবিয়া দেখ, আমার কোন পরিবর্তন সম্ভবপর কি না। সেটা কি তুমি বিশ্বাস করিতে পার?”

আমি বলিলাম, “হ্যাঁ, আপনাকে আমি সম্পূর্ণ বিশ্বাস করি।”

“বস্। আর আমি বেশী কিছু চাহি না। কিন্তু শুধু একটি কথায় আমি তোমাকে স্থিরসিদ্ধান্তে উপনীত হইতে বলি না। বিশেষ ভাবিয়া চিন্তিয়া তুমি যখন বুঝিবে যে, আমার পরিবর্তন অসম্ভব, তখন আমি তোমাকে পত্র লিখিয়া আমার মনের ভাব জানাইব। যদি তোমার মনে বিন্দুমাত্রও সন্দেহের ছায়াপাত হয়, তবে আমি তোমাকে কখনই পত্র লিখিব না। যদি বিশেষ বিবেচনার পর তোমার স্থির-বিশ্বাস জন্মে, তখন আজ হইতে সপ্তাহ পরে শার্লিকে পত্র আনিতে আমার কাছে পাঠাইও। যদি স্থির-বিশ্বাস না জন্মে, তাহাকে পাঠাইও না। মনে রাখিও, সম্পূর্ণ বিশ্বাস না জন্মিলে কখনই চিঠির জন্ত পাঠাইও না।”

আমি বলিলাম, “কর্তা, আমার মতের পরিবর্তন হইবে না। এখনও আমার যে বিশ্বাস, তখনও তাহাই থাকিবে, তাহা আমি বলিয়া রাখিলাম। আমি চিঠি আনিতে নিশ্চয়ই শার্লিকে পাঠাইব।”

আমার কবকম্পন করিয়া কর্তা নীবব থাকিলেন, আর কোনও কথা বলিলেন না। সে সপ্তাহে এ সম্বন্ধে কোনও কথা আর উঠিল না। সপ্তাহের নির্দিষ্ট সময়ে আমি নিরালস্য শার্লিকে ডাকিয়া বলিলাম, “কর্তার ঘরে গিয়া বল, তুমি আমার চিঠি লইতে আসিয়াছ।” শার্লি চলিয়া গেল। আমি উৎকণ্ঠাভরে তাহার প্রত্যাবর্তনের প্রতীক্ষা করিতে লাগিলাম। সে ফিরিয়া আসিল। আমি পত্রখানি টেবলের উপর রাখিয়া তাহাকে চলিয়া যাইতে বলিলাম। সে আদেশ পালন করিল। পত্রে হাত না দিয়া কিছুক্ষণ আমি তাহার দিকে চাহিয়া রহিলাম।

অবশেষে আমি পত্রখানি পাঠ করিলাম। আমাকে যে তিনি কত ভালবাসেন, কত স্নেহ করেন, পত্রের ছত্রে ছত্রে তাহা ফুটিয়া উঠিয়াছে। আমার জন্ত, আমার সুখের, তৃপ্তির, আনন্দের জন্ত তাঁহার কতদূর আগ্রহ, ব্যাকুলতা, তাহা পড়িতে পড়িতে আমার চক্ষু অশ্রুভারাক্রান্ত হইল। চিঠিখানি আমি তিনবার পড়িলাম। পত্রে তিনি যাহা লিখিবেন, তাহা আমি পূর্বেই অনুমান করিয়াছিলাম। তিনি আমাকে ব্লিক্ হাউসের কর্ত্রীপদে নিয়োগ করিতে চাহেন, তাহাতে আমার আপত্তি আছে কি না!

স্নেহ, ভালবাসায় পূর্ণ থাকা সত্ত্বেও উহা ঠিক প্রেমপত্র নহে। তিনি যে কোন সময়ে আমাকে এই সব কথা বলিতে পারিতেন। প্রত্যেক ছত্রে আমি যেন তাঁহার স্নেহপ্লুত কণ্ঠস্বর শুনিতে পাইতেছিলাম, তাঁহার প্রসন্ন মূর্তি ভাসিয়া



উঠিতেছিল! আমার এখন নবযৌবন, তাঁহার কেশরাশি শুভ্র, স্নাতরাং তিনি আমাকে বিশেষ বিবেচনা করিয়া কর্তব্য অবধারণ করিতে অনুরোধ করিয়াছেন। এ বিবাহের দ্বারা আমার কোন লাভ হইবার সম্ভাবনা নাই, প্রত্যাখ্যান করিলেও লোকমানের কিছুমাত্র আশঙ্কা নাই, তাহা তিনি পত্রে বিশেষভাবেই লিখিয়াছেন। নূতন বন্ধন, নূতন সম্পর্কে যে তাঁহার স্নেহের পরিমাণ কিছু বাড়িবে, তাহা নহে। আমি যে সিদ্ধান্তেই উপনীত হই না কেন, তাহাকেই তিনি যথার্থ ও সঙ্গত বলিয়া গ্রহণ করিবেন। আমি তাঁহাকে সম্প্রতি বিশ্বাস করিয়া আমার জীবনের কথাগুলি বলার পরই তিনি এই পথটিকে অবলম্বন করিয়াছেন। আদার বিবাহ হইয়া গেলে, আমাদের জীবন-যাত্রার প্রবাহকে ভিন্নপথে পরিচালিত করা আবশ্যিক হইয়া পড়িবে, এ কথাটা তিনি অনেক দিন হইতেই ভাবিতেছিলেন। কাজেই তিনি বর্তমান সিদ্ধান্তে উপনীত হইয়াছেন। যদি আমি তাঁহাকে আমার পরিত্রাভা ও যথার্থ অভিভাবকরূপে বরণ করিয়া লইতে ইচ্ছা করি, তবে তিনি সমাদরে আমাকে অবশিষ্ট জীবনের সঙ্গিনী-রূপে লাভ করিয়া ধন্য হইবেন। কিন্তু আমি যেন বিশেষ বিচার-বিতর্ক না করিয়া কোনও সিদ্ধান্তে উপনীত না হই। যদি তাঁহার এ প্রস্তাব আমার মনঃপূত না হয়, তাহাতেও কুন্তিত হইবার কিছু নাই। চিরদিনই তিনি আমার হিতার্থী, স্নেহসম্পন্ন থাকিবেন। তাহাতে বর্তমান অবস্থার পরিবর্তন হইবারও কোন আশঙ্কা নাই।

কিন্তু পত্রের মধ্যে কোথাও তিনি এমন ইঙ্গিত করেন নাই যে, পীড়ার পূর্বে যখন আমার চেহারা ভাল ছিল, তখনও তিনি আমাকে বিবাহ করিবার সংকল্প করিয়াছিলেন, এখন আমার চেহারার আকর্ষণী শক্তি না থাকা সত্ত্বেও তিনি আমাকে পূর্ববৎ ভালবাসিতেন, আমার লজ্জাকর জন্মরহস্য প্রকাশ পাওয়ার তিনি সহায়-ভূতি-প্রণোদিত হইয়াই আমাকে জীবনসঙ্গিনী করিতে যাইতেছেন, এমন ভাবের কোন কথাই ইঙ্গিতে তিনি পত্রে প্রকাশ করেন নাই।

কিন্তু তিনি না লিখিলেও আমি ইহা জানিতাম। এখন ত আরও ভাল করিয়া বুঝিতে পারিতেছি। এই নিঃস্বার্থপর, মহাপ্রাণ বন্ধুর প্রতি আমার একটিমাত্র করণীয় কাজ আছে। তাঁহাকে সুখী করাই আমার একমাত্র কর্তব্য।

তথাপি আমি না কাদিয়া থাকিতে পারিলাম না। পত্র পাঠ করিয়া শুধু যে আমার হৃদয় ভরিয়া উঠিয়াছিল, তাঁহার প্রস্তাবের বৈচিত্র্যে মন কানায় কানায় পূর্ণ হইয়াছিল বলিয়াই যে কাদিলাম, তাহা নহে, কি যেন চিরজীবনের মত হারাইলাম, শুধু সেই জগৎই প্রাণ কাদিয়া উঠিল। সেটা যে কি, তাহা পরিষ্কার বুঝিলাম না। আমি যে আজ অত্যন্ত সুখী, অত্যন্ত কৃতজ্ঞ এবং আমার ভবিষ্যৎ যে সুখময়, তাহা বুঝিলাম, তথাপি না কাদিয়া পারিলাম না।

ক্রমে ক্রমে আমার চিরপরিচিত দর্পণের গিমা দাঁড়াইলাম। আমার চক্ষু রক্তবর্ণ, স্নেহ ফীত হইয়াছে দেখিলাম। মনে মনে বলিয়া উঠিলাম, “ইহার, এ কি তুমি সেই!” দেখিলাম, আমার দর্পণ-প্রতিবিম্বিত মুখমণ্ডল পুনরায় অশ্রু-পাতের উল্লোগ করিতেছে। আমি তাহার দিকে অঙ্গুলি উত্তোল করিলাম। অমনি বর্ষণোত্ত জলরাশি সরিয়া গেল।

আমার কেশরাশি আলুলায়িত করিয়া দিয়া আপন মনে বলিলাম, “যখন তোমার রূপের পরিবর্তন হইয়াছিল, তখন তুমি এইরূপ প্রশান্তভাবেই আমাকে সান্ত্বনা দিয়াছিলে! যখন ব্লিক্ হার্ডসের সর্বময়ী কর্ত্রী হইবে, তখন সদানন্দময়ী মূর্তি ধারণ করা তোমার চাই। এখন হইতেই তাহা আরম্ভ করা যাক!”

কেশরাশির প্রসাধন করিতে লাগিলাম। তখনও এক একবার গুমরিয়া উঠিতেছিলাম; কিন্তু সে শুধু পূর্বে কাদিয়াছিলাম বলিয়া, ঝড় থামিয়া গেলেও এক একটা দম্কা বাতাস মাঝে মাঝে আসে না কি?

“ইহার, তুমি ত এখন সুখী। তোমার সর্বশ্রেষ্ঠ হিতার্থীদের দ্বারা তুমি পরিবৃত। চির-পরিচিত গৃহ এখন হইতে তোমারই অধিকারে আসিবে। সেখানকার কর্ত্রী হইয়া যে তোমার শ্রেষ্ঠ বন্ধু, মনুষ্যমধ্যে যিনি উত্তম, তাঁহাকে সুখী করিতে পারিবে।”

তখনই মনে পড়িল, কর্ত্রী যদি অপর কাহাকেও বিবাহ করিতেন, তবে আমার কেমন বোধ হইত! আমি তখন কি করিতাম! নিশ্চয়ই একটা বোরতর পরিবর্তন অনুভব করিতাম। চাবির গোছাকে চুষন করিয়া আমি বুড়ির মধ্যে রাখিয়া দিলাম।

কেশপ্রসাধন করিতে করিতে ভাবিতে লাগিলাম যে, পীড়ার গভীর ক্ষতরেখাসমূহ দেখিয়া এবং জন্মরহস্য অবগত হওয়ার পর আমি শুধু গৃহকর্মে আপনাকে নিমগ্ন রাখাই আমার করণীয় বলিয়া মনে করিয়াছিলাম। সকলকে মধুর ব্যবহারে প্রীত করা, সুখী করাই আমার জীবনের কর্তব্য কর্ম। আমি যে এক দিন ব্লিক্ হার্ডসের কর্ত্রী হইব, এমন বিচিত্র ব্যাপারের কল্পনা কোনও দিন আমার মনে উদ্ভিত হয় নাই। দর্পণের দিকে চাহিয়া মূর্তিকে উদ্দেশ্য করিয়া বলিলাম, “তোমার কি মনে নাই, মুখের ক্ষতচিহ্ন দেখিয়া শ্রীমতী উডকোর্ট তোমার বিবাহসম্বন্ধে কি—”

ঐ নাম স্মৃতিপথে উদ্ভিত হইবামাত্র সব কথা মনে পড়িল। শুষ্ক পুষ্পপত্রগুলি এখন আর কাছে না রাখাই সঙ্গত। অতীতের স্মৃতি ভাবিয়া সেগুলি রক্ষা করিয়াছিলাম; কিন্তু এখন আর তাহা না রাখাই উচিত।

যে গ্রন্থের মধ্যে সমস্ত পত্রগুলি রাখিয়াছিলাম, পার্শ্বের ঘরে সে বইখানি ছিল। বইখানি আনিতে গেলাম। খোলা দরজা দিয়া দেখিলাম, শয্যায় শুইয়া আদরিণী আদা গভীর নিদ্রায় নিমগ্ন। বইখানি হাতে লইয়া অতি সন্তর্পণে আদার

মুখচুপন করিলাম। পত্রগুলি একবার তাহার ওষ্ঠে স্পর্শ করিলাম। রিচার্ডের প্রতি তাহার প্রেমের গভীরতা তখনই মনে পড়িল। দ্রুতপদে আপনার কক্ষে ফিরিয়া আসিয়া দীপশিখায় গুপ্তপত্রগুলি ভয়ে পরিণত করিয়া ফেলিলাম।

পরদিবস প্রভাতে প্রাতরাশের সময় কর্তাকে দেখিলাম। তাহার মুখমণ্ডলে কোনও পরিবর্তন নাই। সেই প্রসন্ন হাস্য, সদানন্দ, অকুণ্ঠিত ব্যবহার। পত্রের কথা তিনি একবারও তুলিলেন না।

তৎপরদিবসও সেই একই ভাব। এইরূপে এক সপ্তাহ চলিয়া গেল। আমি মনে মনে একটু উৎফুল্ল হইয়া উঠিলাম। উত্তরে পত্র লেখা আমার কর্তব্য বলিয়া মনে হইল। প্রতি রাত্রিতেই উত্তর লিখিবার চেষ্টা করিতাম; কিন্তু এক ছত্রও লিখিতে পারিলাম না। এইরূপে আরও এক সপ্তাহ চলিয়া গেল। তিনি আমাকে সে সম্বন্ধে একটু প্রশ্নও করিলেন না।

মিঃ স্কিম্পোল চলিয়া গেলেন। আমরা এক দিন অপরাহ্নে অস্বারোহণে বেড়াইতে যাইব। আদা বেশ-পরিবর্তনের জন্য কক্ষান্তরে চলিয়া গেলেন। আমার বেশভূষা অগ্রেই শেষ হইয়াছিল। ড্রয়িংরুমের দ্বারপার্শ্বে কর্তা দাঁড়াইয়াছিলেন।

আমি তাঁহার কাছে যাইতেই প্রসন্ন হাস্তে তিনি আমার দিকে ফিরিয়া চাহিলেন।

আমি এখন তাঁহাকে সকল কথা বলিবার জন্য প্রস্তুত হইয়াছিলাম। বলিলাম, “কর্তা, শার্লি আমাকে যে পত্র আনিয়া দিয়াছিল, তাহার জবাব কবে চান?”

তিনি বলিলেন, “জবাব যখন তৈরি হইবে, তখন লইব।”

আমি বলিলাম, “জবাব প্রস্তুত।”

“শার্লিকে কি তবে উত্তর আনিবার জন্য পাঠাইব?”

“না, কর্তা, আমি নিজেই সে উত্তর আনিয়াছি।”

আমি তাঁহার কর্তৃত্ব বাহবেষ্টনে আবদ্ধ করিলাম, তার পর তাঁহার মুখমণ্ডলে চুপন-রেখা মুদ্রিত করিলাম। তিনি উত্তরে বলিলেন, “যে, আমি তবে ব্লিক হাউসের রাণী।” আমি বলিলাম, “হাঁ।” কিন্তু অবস্থার ও ব্যবস্থার তখনই কোন পরিবর্তন হইল না। তিন জনে অস্বারোহণে বাহির হইলাম। প্রাণাধিকা আদাকে কিন্তু আমি কিছুই জানাইলাম না।

৪৫

একদা আমি ও আদা প্রাতঃকালে বাগানে বেড়াইতেছি, এমন সময় শার্লি আসিয়া বলিল যে, মিঃ জারনুডিস্ আমাকে স্মরণ করিয়াছেন। আদার নিকট বিদায় লইয়া আমি কর্তার বসিবার ঘরে প্রবেশ করিলাম। দেখিলাম, রিচার্ডের ব্যবহারাজীব মিঃ ভোল্‌স্‌ উপবিষ্ট।

অভিবাদন-প্রত্যভিবাদনের পর কর্তা ব্যবহারাজীবকে তাঁহার বক্তব্য প্রকাশ করিতে বলিলেন। মিঃ ভোল্‌স্‌ বলিলেন, “কুমারী সমারুস্‌ মিঃ রিচার্ডের বন্ধু, তাই আমি এখানে আসিয়াছি। যুবকের আর্থিক অবস্থা বড়ই শোচনীয় হইয়া দাঁড়াইয়াছে। ঋণে তিনি আকণ্ঠ নিমজ্জিত। আমিও কিছু টাকা তাঁহাকে দিয়াছি। কিন্তু আমার আর্থিক অবস্থা এমন নয় যে, ক্রমাগতই আমি টাকা ধার দিতে পারি। এখন এমন অবস্থা দাঁড়াইয়াছে যে, কোন প্রতীকারের ব্যবস্থা না করিলে সেনাবিভাগ ত্যাগ করিয়া তাঁহাকে চলিয়া আসিতে হইবে। সুতরাং তাঁহার আত্মীয়-বন্ধুবর্গকে আসল ব্যাপারটা পূর্ন হইতে জানাইয়া না রাখিলে শেষে তাঁহারা আমায় অপরাধী করিতে পারেন, তাই আমি আপনাদিগকে অবস্থাটা জানাইবার জন্য আসিয়াছি।”

কর্তা বলিলেন, “বেচারা এখন কপর্দকশূন্য। কিন্তু উপায় কি? তুমি ত জান, ইহার, এখন সে আমার নিকট হইতে কোন সাহায্যই লইবে না। যদি সেরূপ কোন প্রস্তাব করা যায়, তবে সে একটা কাণ্ড করিয়া বসিবে।”

ভোল্‌স্‌ বলিলেন, “সে কথা সত্য। আর মুশ্বিলও তাই। দেখিতেছি, এখন উদ্ধারের কোনই উপায় নাই। তবে পাছে আমাকে লোকে দোষারোপ করে, তাই আমি গোপনে আপনাদিগকে সংবাদ দিলাম। আমি কাচ্চা-বাচ্চা লইয়া ধর করি। সুনামই আমাদের মত লোকের একমাত্র সম্পত্তি।”

আমি কর্তাকে একান্তে ডাকিয়া গোপনে বলিলাম যে, আমি ডিলু নগরে গিয়া একবার রিচার্ডকে বুঝাইবার চেষ্টা করিব। হয় ত কিছু সফলও লাভ করা যাইতে পারে। কর্তা প্রথমে আমার কণ্ঠ হইবে বলিয়া রাজি হইলেন না। শেষে অনুমতি দিলেন।

অতঃপর তিনি ভোল্‌স্‌কে বলিলেন, “মিস্‌ সমারুস্‌ রিচার্ডের সঙ্গে এ সম্বন্ধে পত্রব্যবহার করিবেন! হয় ত এখনও তাঁহাকে রক্ষা করা যাইতে পারে।”

ভোল্‌স্‌ বলিলেন, “বেশ কথা। তবে আমি যে এখানে আসিয়াছিলাম, তাহা মিঃ রিচার্ডকে জানাইবার কোন প্রয়োজন নাই।”

ব্যবহারাজীব বিদায় লইলেন।

আমি কোথায় ও কেন যাইতেছি, আদাকে বলিতে হইল। তিনি ইহাতে অত্যন্ত দুঃখিত ও বিমর্ষ হইলেন। কিন্তু রিচার্ডকে কোনও দোষ দিলেন না। আদা একখানি দীর্ঘ পত্র লিখিয়া আমার হাতে দিলেন।

স্থির হইল, শার্লি আমার সঙ্গে যাইবে।

লগুন হইতে মেল-গাড়ীতে চড়িয়া আমরা কেন্ট অভিমুখে যাত্রা করিলাম। মনে কত প্রকার চিন্তাই হইতে লাগিল। রিচার্ডকে কি অবস্থায় দেখিব, কি কথা বলিব, তিনিই বা কি জবাব দিবেন, ইত্যাকার নানা চিন্তায় পথ অতিবাহন করিতে লাগিলাম।



মতি প্রত্যবে আমরা ডিল্ নগরে পৌঁছলাম। সমুদ্র-তীরে এই নগরটি অবস্থিত। খেত কুসুমটিকায় তখন সমুদ্র সমাচ্ছন্ন। বন্দরস্থিত জাহাজগুলি অস্পষ্ট দেখা যাইতেছিল।

একটা উৎকৃষ্ট হোটেলে আমরা আশ্রয় লইলাম। তখন নিদ্রা যাইবার সময় নহে। কাজেই প্রাতরাশ করিতে বসিলাম। আমাদের ঘরটি ঠিক একটি কেবিনের মত। শার্দি খুব উৎসাহিতা হইয়া উঠিল। কুহেলিকার ধূম-যবনিকা ক্রমে যেন সরিয়া যাইতে লাগিল। বন্দরে অসংখ্য জাহাজ নোঙ্গর করিয়া আছে দেখিলাম। কয়েকখানা খুব অতিকায় জাহাজও দেখিলাম। ভারতবর্ষ হইতে সম্প্রতি একখানা বড় জাহাজ ফিরিয়া আসিয়াছে। তখন সূর্য্য উঠিয়াছিল। ভারত-প্রত্যাগত দীর্ঘদেহ জাহাজ-খানিই আমাদের দৃষ্টি আকৃষ্ট করিল। তাহার চারিদিকে বহুসংখ্যক নৌকা। এই নবাগত জাহাজের আরোহীরা তীরে আসিবার জ্ঞ কত না ব্যগ্র! শার্দি ভারতবর্ষের জলবায়ু, ব্যাঘ্র, সর্প প্রভৃতির গল্প শুনিবার জ্ঞ আমাকে ধরিয়া বসিল। আমি বই পড়িয়া এ সম্বন্ধে যতটুকু সংবাদ সংগ্রহ করিয়াছিলাম, তাহাকে জানাইলাম।

প্রথমে ভাবিলাম যে, রিচার্ডকে পত্র লিখিয়া জানাই, আমি এখানে আসিয়াছি। কিন্তু ক্ষণপরেই মনে করিলাম, একেবারে হঠাৎ তাঁহার সঙ্গে দেখা করাই ভাল। তিনি সেনানিবাসে থাকিতেন। সেখানে গিয়া দেখা করা কত দূর সম্ভব, তাহাও একবার চিন্তা করিলাম। কিন্তু শেষে যাওয়াই স্থির করিলাম।

সেনা-নিবাসের কাছে আসিয়া দেখিলাম, তখনও সব নিস্তক। অদূরে জনৈক সার্জেন্ট দাঁড়াইয়াছিল। তাহার কাছে রিচার্ডসম্বন্ধে প্রশ্ন করিলে, সে জনৈক লোক আমাদের সঙ্গে দিল। একটা ঘরের কাছে আসিয়া সে শব্দ করিল এবং আমাদের রাখিয়া চলিয়া গেল।

কক্ষমধ্য হইতে উত্তর আসিল, “কে?” আমি শার্দিকে বাহিরে রাখিয়া বলিলাম, “ভিতরে আসিতে পারি, আমি ডেম্ ডর্ডেন্।”

কক্ষমধ্যে প্রবেশ করিয়া দেখিলাম, চারিদিকে কাপড়-চোপড়, বই-ছুতা ইত্যন্তঃ বিক্ষিপ্ত। ভূমিতলে পোর্টমেন্টটি পড়িয়া আছে। রিচার্ড তখন টেবলে বসিয়া কি লিখিতেছিলেন, সামরিক পরিচ্ছদ তাঁহার অঙ্গে ছিল না। তাঁহার মস্তকের কেশরাশি অপ্রসাধিত! রিচার্ড আমাকে সমাদরে বসাইলেন।

“ইহার, তুমি এখানে? এখানে তোমাকে দেখিব, ইহা ত স্বপ্নেরও অগোচর! বাড়ীর সব ভাল? আদা ভাল আছে?”

“ভাল, আদা বেশ আছে।”

“আমি তোমাকে পত্র লিখিতেছিলাম, ইহার।”

রিচার্ডের আর সে চেহারা নাই। এমন স্তপুরুষ যেন একেবারে মুহুড়াইয়া পড়িয়াছেন। মুখের সে লাবণ্য

নাই। রিচার্ড অর্ধলিখিত চিঠিখানি শতধাঙে ছিন্ন করিয়া ফেলিলেন।

“বেশ! তুমি পত্রখানা লিখিলে, একবার আমা পড়িতেও দিলে না?”

“এই ঘরখানি দেখিলেই সব বুঝিতে পারিবে। আমা এই ঘরটিতে সবই লেখা আছে!”

আমি তাঁহাকে আশ্বাস দিলাম। আমি দৈবাৎ তাঁহা সম্বন্ধে অনেক কথা জানিতে পারিয়া তাঁহার সহিত পরামর্শ করিতে আসিয়াছি।

“তোমার মত কথাই তুমি বলিয়াছ, ইহার। কিন্তু সব বুঝা। আজ হইতে আমার ছুটা। এক ঘণ্টা পরে আঁ এ স্থান ত্যাগ করিতাম। একবার ধর্ম্মযাজক হইবার ইচ্ছা আছে। তাহা হইলে আর কিছুই বাকী থাকিবে না।”

আমি বলিলাম, “অবস্থা কি এমনই দাঁড়াইয়াছে, রিচার্ড “সত্যই, ইহার। আমার অবস্থা এমনই শোচনীয় যে আমার উপরওয়ালারা আমাকে ছাড়িয়া দিতে পারিলে নিশ্চিত হন। তাঁহাদিগকে আমি দোষ দিই না। ঋ প্রভৃতির কথা বাদ দিলেও, এ কার্যের আমি সম্পূর্ণ অনুপযুক্ত। কার্যে আমার অনুরাগ, উৎসাহ কিছুই নাই শুধু একটা বিষয়ে আমার উৎসাহ আছে, তা ত তুমি জানই আমি পশ্চাতে না থাকিলে ভোলেস্ একাই বা কি করিবেন!”

আমার মুখ দেখিয়া রিচার্ড আমার মনের ভাব হৃদয়ঙ্গম করিয়াছিলেন। তিনি আমাকে বলিলেন, “ডেম্ ডর্ডেন্, তোমার কাছে আমার এই প্রার্থনা, দুটি বিষয়ে তুমি আমায় কোন অনুরোধ করিও না। প্রথম—জনু জারন্দি-দেব প্রসঙ্গ; দ্বিতীয়টি কি, তাহা তুমি জান। তুমি আমাকে উন্মত্ত মনে করিতে পার, কিন্তু কি করিব বল, সে আমি কোনমতেই পারিব না। আমি বুঝিতেছি সব, তথাপি নিবৃত্ত হইবার উপায় নাই। জীবনে আমার ঐ একমাত্র লক্ষ্য।”

তাঁহার মনের অবস্থা যেরূপ দেখিলাম, তাহাতে তাঁহার মতের বিরুদ্ধে কোন কাজ করিলে তাঁহার জেদ আরও বাড়িয়া যাইবে, তাহাতে কোনও উপকার হইবার সম্ভাবনা নাই। আমি আদার পত্রখানি বাহির করিয়া তাঁহাকে দিলাম।

পত্র পড়িতে পড়িতে তিনি জানালার ধারে চলিয়া গেলেন। পড়া শেষ হইলে তিনি যখন আমার কাছে ফিরিয়া আসিলেন, দেখিলাম, তাঁহার নয়নে অশ্রু।

রিচার্ড বলিলেন, “এ পত্রে আদা কি লিখিয়াছেন, তাহা বোধ হয় তুমি জান, ইহার?”

“হাঁ, রিচার্ড।”

“সে বলিয়াছে, তাহার মাহা কিছু সম্প্রতি সে পাইবে, তাহার আয় লইয়া আমি যেন দেনা শোধ করি; কিন্তু চাকরী যেন পরিত্যাগ না করি।”

“তোমার মঙ্গলই তাহার জীবনের একমাত্র কামা, চার্ভ। এমন অস্বঃকরণ আর কাহার আছে?”

“সে কথা ষথার্থ। হায়! আজ যদি আমার মৃত্যু হইত!”

রিচার্ড জানালার ধারে গিয়া বাহুমধ্যে মুখমণ্ডল কাইয়া দাঁড়াইয়া রহিলেন। তাঁহার এ অবস্থা দেখিয়া আমার অত্যন্ত কষ্ট বোধ হইতে লাগিল; কিন্তু বাধা দিলাম না। যদি আদার স্মৃতিতে রিচার্ডের মতপরিবর্তন ঘটে। হয় আমার অভিজ্ঞতা কতটুকু? সহসা রিচার্ড উত্তেজিতভাবে বলিয়া উঠিলেন, “এ দেখিতেছি জন্ জারন্ডিসের খেলা। বই বাড়ীতে থাকিয়া আদা এইরূপ উদারতা দেখাইতেছে, হাতে জারন্ডিসের ষড়যন্ত্র আছে। আমাকে কিনিয়া হবার এটাও একটা চক্রান্ত!”

আমি বলিয়া উঠিলাম, “রিচার্ড! ছিঃ! এ সব তুমি ছেলেমানুষের মত বলিতেছ? এমন গ্লানিকর কথা আমার কাছে বলিও না!” বাস্তবিক আমি চটিয়া গিয়া ছিলাম। রিচার্ডের উপর জীবনে এই আমার প্রথম ক্রোধ। মুহূর্ত্ত পরেই আমি দুঃখিত-চিত্তে বলিলাম, “এ রকম স্মরে তুমি আমার কাছে তাঁহার নিন্দা করিও না। তোমার উচিত নয়।”

রিচার্ড নিজেকে দোষ দিতে লাগিলেন। তিনি যে ঘোরতর অন্যায় করিয়াছেন, তাহাও প্রকাশ করিতে কুণ্ঠিত হইলেন না। রিচার্ড আমার নিকট ক্ষমাও চাহিলেন।

অবশেষে তিনি বলিলেন, “আদার প্রস্তাবে সম্মত হওয়া অসম্ভব। সৈনিকের কাজ শেষ হইয়াছে, আর এখানে পাকা আদৌ চলিবে না। তবে এত দুঃখের মধ্যেও আমার এইটুকু তৃপ্তি যে, আমার সঙ্গে সঙ্গে আদার স্বার্থও আমি দেখিতেছি। ভোলেস্ আমার জন্ প্রাণপণ চেষ্টা করিতেছেন।”

রিচার্ডের ভাবগতিক দেখিয়া আমি শঙ্কিত হইলাম। তিনি আমাকে বিষন্ন দেখিয়া বলিলেন, “ইহার, কোনও চিন্তা করিও না। আমি একেবারে নিরুপায় নই। উত্তমার্গের নিকট অধিক সূদে আমি টাকা ধার করিতেছি। শুধু খত লিখিয়া দিলেই সে সন্তুষ্ট থাকিবে, ভোলেস্ আমায় বলিয়াছেন। যাক্, তুমি একখানা চিঠি লইয়া আদার নিকট যাও। আমার জন্ কোন চিন্তা করিও না। সব ভাল হইবে।”

আর কোন উপায় না দেখিয়া আমি হোটেলের ফিরিলাম। রিচার্ডও তথায় আমাদের সহিত মিলিত হইবেন, স্থির হইল।

আমরা সমুদ্রের তীরপথে চলিতেছিলাম। এক স্থলে খুব জনতা দেখিলাম। কতিপয় নৌবিভাগীয় কর্মচারীকে ধরিয়া অনেকগুলি লোক দাঁড়াইয়া। আমি শার্লিকে বলিলাম, বোধ হয়, ভারত-প্রত্যাগত জাহাজের আরোহীরা নামিতেছে। শার্লির অনুরোধে সেইখানে দাঁড়াইয়া আমরা জনতা দেখিতে লাগিলাম।

ভদ্রলোকগণ গল্প করিতে করিতে অগ্রসর হইতেছিলেন। ইংলণ্ডে প্রত্যাবর্তন করার তাঁহাদের মুখে আনন্দচিহ্ন যেন ফুটিয়া উঠিয়াছিল।

“শার্লি! শার্লি! শীঘ্র এস।” বলিয়া আমি দ্রুত অগ্রসর হইলাম। বালিকা সবিস্ময়ে আমার অনুবর্তিনী হইল।

সোজা নিজের কক্ষে আসিয়া আমি নিখাস ত্যাগ করিলাম। এমন দ্রুতভাবে কেন আমি পলাইয়া আসিলাম? কেন?—নবাগতদিগের মধ্যে আমি আলান্ উড্‌কোর্টের মূর্ত্তি দেখিতে পাইয়াছিলাম। পাছে তিনি আমাকে চিনিতে পারেন, সেই আশঙ্কায় আমি পলাইয়া আসিয়াছিলাম। তিনি আমার পরিবর্তিত মুখমণ্ডল দর্শন করেন, এ ইচ্ছা আমার ছিল না।

হোটেলের ফিরিয়া ভাবিয়া দেখিলাম, আমার কার্যটি সফল হয় নাই। আমার পলায়নের কোনও হেতুই ছিল না। আমার ক্ষতলাঞ্জিত মুখমণ্ডল তিনি দেখিলেই বা কি, আর না দেখিলেই বা কি!

দেশপ্রত্যাগত নাবিকের দল এই হোটেলের দিকেই আসিতেছে দেখিলাম। সিঁড়িতে কণ্ঠস্বর শোনা গেল। হ্যাঁ, এ তাঁহারই গলার স্বর বটে। প্রথমতঃ ইচ্ছা হইল, তাঁহার সহিত সাক্ষাৎ ষটিবার পূর্বেই যেন এখান হইতে চলিয়া যাইতে পারি। কিন্তু পরক্ষণেই সে ইচ্ছাকে দমন করিলাম, “কেন? এ ভীকৃত্য কেন?”

একখানি কাগজে আমি লিখিলাম যে, রিচার্ডের সঙ্গে দেখা করিবার জন্ আমি এখানে আসিয়াছি। তার পর মিঃ উড্‌কোর্টের কাছে কাগজখানি পাঠাইয়া দিলাম। তখনই তিনি আমার সহিত দেখা করিতে আসিলেন। প্রথমেই আমি তাঁহার প্রত্যাবর্তনে আনন্দ প্রকাশ করিতেছি, সে কথা তাঁহাকে জানাইলাম। তিনি আমার জন্ অনেক দুঃখ প্রকাশ করিলেন।

আমি বলিলাম, “জাহাজ ভাঙিয়া যাওয়ায় আপনি অনেক কষ্ট পাইয়াছেন, আপনার জীবনও বিপন্ন হইয়াছিল। কিন্তু সেটাকে এখন আর ঠিক দুর্ভাগ্য বলা যায় না। আপনার বীরত্ব সেই সময়ে ষথার্থভাবে আত্মপ্রকাশ করিয়াছিল। সংবাদপত্রে আমরা সে বিবরণ পড়িয়াছি। রোগ-মুক্ত হইবার পরই আমি মিস্ ফ্লিটের নিকট সে সংবাদ প্রথম পাই।”

“মিস্ ফ্লিট এখনও সেই ভাবে আছেন?”

“ঠিক একই ভাবে চলিয়াছে।”

এখন আমি অবশুর্গন একেবারে সরাইয়া দিয়াছিলাম।

“আপনার কঠিন পীড়া হইয়াছিল, সে সংবাদে আমি অত্যন্ত দুঃখিত।”

“হ্যাঁ, কঠিন পীড়াই হইয়াছিল।”

“কিন্তু এখন ত বেশ সারিয়া উঠিয়াছেন?”



“হ্যাঁ, স্বাস্থ্য ও প্রকৃষ্ণতা ফিরিয়া পাইয়াছি। আমাদের কর্তা এ বিষয়ে কিরূপ অবহিত, তা বোধ হয় আপনি জানেন। এখন বেশ আনন্দে দিন যাইতেছে। তাঁহার নিকট হইতে জীবনের যাহা কিছু কাম্য, সবই আমি পাইতেছি।”

আমি অসঙ্কোচে তাঁহার ভবিষ্যৎ জীবনযাত্রা-প্রণালীর সম্বন্ধে আলোচনা করিলাম। জিজ্ঞাসা করিলাম, আর বোধ হয় তাঁহাকে দূর প্রবাসে যাইতে হইবে না। তিনি বলিলেন যে, এখনও কিছু নিশ্চয় করিয়া বলা যায় না। ভারতবর্ষে গিয়া যে মোতাগা লক্ষীর বিশেষ প্রসন্ন দৃষ্টিলাভে তিনি সমর্থ হইয়াছেন, এ কথা ঠিক নহে। দরিদ্র ডাক্তার হইয়া তিনি ভারতবর্ষে গিয়াছিলেন, সেই ভাবেই ফিরিয়া আসিয়াছেন।

ইতিমধ্যে রিচার্ড আসিয়া আমাদের সহিত মিলিত হইলেন। আমি লক্ষ্য করিলাম, উড্‌কোর্ট রিচার্ডের সহিত আলাপ করিতে করিতে পুনঃ পুনঃ তাঁহার দিকে চাহিতে-ছিলেন। আমার সন্দেহ হইল, রিচার্ড সম্বন্ধে তাঁহার মনে কোন প্রকার আশঙ্কা জাগিয়াছে। রিচার্ড কিন্তু পূর্ব-বন্ধুকে ফিরিয়া পাইয়া খুব উৎসাহ প্রকাশ করিতেছিলেন।

রিচার্ড প্রস্তাব করিলেন যে, আমরা সকলেই একসঙ্গে লণ্ডন-যাত্রা করিব। কিন্তু উড্‌কোর্ট বলিলেন যে, তিনি আমাদের সঙ্গে যাইতে পারিবেন না, কারণ, জাহাজের কাজের জন্য তাঁহার আরও কিছু বিলম্ব হইবে। সে দিন তিনি আমাদের সহিত ভোজন করিলেন। আমাদের যাইবার সময় ঘনাইয়া আসিল। রিচার্ড মালপত্রগুলি উঠিয়াছে কি না দেখিতে গেলেন।

সেই সময় আমি রিচার্ড সম্বন্ধে গোটাকয়েক কথা উড্‌কোর্টকে বলিলাম। তিনি মনোযোগ দিয়া সব শুনিলেন।

আমি বলিলাম, “আপনি রিচার্ডকে অভিনিবেশ সহকারে দেখিতেছিলেন। তাঁহার কোন পরিবর্তন ঘটিয়াছে বলিয়া কি আপনি অনুমান করেন?”

তিনি বলিলেন, “পরিবর্তন যথেষ্ট হইয়াছে। আমি রোগা-মোটার কথা বলিতেছি না। কিন্তু তাঁহার মুখে যে পরিবর্তন দেখিয়াছি, তাহা ইতিপূর্বে কোন যুবকের মুখে দেখি নাই। উৎকর্ষা, ক্রান্তি ও নৈরাশ্রমিশ্রিত একটা স্নান ছায়া তাঁহার মুখে দেখিলাম।”

“তাঁহার কোন রোগ হইয়াছে বলিয়া কি মনে করেন?”

“না, শরীর বেশ সুস্থ ও সবল আছে।”

“মিঃ উড্‌কোর্ট, আপনি লণ্ডনে যাইতেছেন ত?”

“কাল কিংবা পরশ্ব যাইব।”

“রিচার্ডের একটি বন্ধুর বিশেষ প্রয়োজন। তিনি আপনাকে ভালবাসেন। আপনি লণ্ডনে গিয়া তাঁহাকে দেখিলে সুখী হইব। যতটা পারেন, আপনার সঙ্গটা

তাঁহাকে দিবেন। ইহাতে তাঁহার কি উপকার যে আর্পা করিবেন, তাহা বলিয়া শেষ করা যায় না। এ জন্য আদমিঃ জারনুডিস্ এবং আমি কি পরিমাণে আপনার নিক রুতজ্ঞ থাকিব, তাহা বলিয়া আপনাকে বুঝাইতে পারিব না।

“মিস্ সমারসন, জানিয়া রাখুন, আমি প্রবৃত্ত বন্ধু কাজ করিব। আমি আজ হইতে তাঁহাকে আমার শ্রেষ্ঠতঃ সুহৃদ বলিয়া গ্রহণ করিলাম। প্রাণ দিয়াও আমি তাঁহার মঙ্গলের চেষ্টা করিব।”

ডাক্তারকে এমন বিচলিত হইতে আমি পূর্বে কখনও দেখি নাই।

আমার নয়ন অশ্রুপূর্ণ হইল। বলিলাম, “ভগবান্ আপনার মঙ্গল করুন। আদা তাঁহাকে প্রাণ দিয়া ভালবাসেন। আমরা সকলেই রিচার্ডকে প্রাণ ভরিয়া স্নেহ করি। তবে আদার মত কেহ নয়। আমি তাহাকে আপনার কথা বলিব। ভগবান্ আপনার মঙ্গল করুন!”

রিচার্ড ফিরিয়া আসিলেন। আমাদের কথা তৎপূর্বেই বন্ধ হইয়াছিল।

রিচার্ড বিদায়ের পূর্বে বলিলেন, “উড্‌কোর্ট, লণ্ডনে যেন দেখা হয়।”

“নিশ্চয়ই, তুমি ছাড়া লণ্ডনে আমার অন্য কোন বন্ধু নাই। কোথায় তোমার দেখা পাইব?”

“সাইমণ্ড ইন্—ভোলেসের বাড়ী আমার দেখা পাইবে।”

“উত্তম। শীঘ্রই আমি দেখা করিব।”

উভয়ে বরকম্পন করিলেন। ডাক্তার একবার রিচার্ডের স্বন্ধে হাত রাখিয়া আমার দিকে চাহিলেন। সে দৃষ্টির অর্থ বুঝিয়া আমি তাঁহাকে উদ্দেশে ধন্যবাদ জ্ঞাপন করিলাম।

## ৪৬

এক দিন প্রভাতে লণ্ডনের কোন দরিদ্র পল্লীর মধ্য দিয়া জনৈক ভদ্রলোক চলিতেছিলেন। সে পল্লীটি যে সকল রকমেই হয়, আবর্জনাপূর্ণ, তাহা পথঘাট ও পথিপার্শ্বস্থ গৃহগুলি দেখিলেই বুঝিতে পারা যায়। পথিক চারিদিকে চাহিতে চাহিতে পথ চলিতে লাগিলেন। অবস্থা দেখিয়া তাঁহার হৃদয় অনুকম্পায় পূর্ণ হইয়া উঠিতেছিল। তিনি দেখিলেন, কর্দমাক্ত রাজপথে জনসমাগমমাত্র নাই। শুধু একটি গৃহের দ্বারপ্রান্তে একটি রমণী বসিয়াছিলেন। তিনি সেই দিকে পদচালনা করিলেন। পথিক বুঝিলেন, অপরা রমণীটিও তাঁহারই মত পথিক। দীর্ঘপর্যটনে ক্রান্ত হইয়া কাহারও দ্বারপ্রান্তে বিশ্রাম করিতেছে। পথিক নিকটবর্তী হইয়া দেখিলেন, রমণীর পার্শ্বে একটি কাপড়ের ব্যাগ এবং একটা পুঁটলী।

পথিক, আলান উড্‌কোর্ট। তিনি রমণীর পার্শ্ব দিয়া যাইবার সময় বলিলেন, “কি হইয়াছে, বাছা?”

“কিছু না, মশায়।”

“তুমি বুঝি বড় শ্রান্ত ? পথে ব’সে আছ কেন ?”

“ধন্যবাদ ! আমি বিশেষ শ্রান্ত নই।”

দরিদ্র, পীড়িত, আর্জ, দেখিলেই ডাক্তার উড্‌কোর্ট তাহাদের সংবাদ লইয়া থাকেন। ইহা তাঁহার প্রকৃতিসিদ্ধ গুণ। চিকিৎসক রমণীর সম্মুখে দাঁড়াইয়া বলিলেন, “তোমার কপালটা দেখি, আমি ডাক্তার। তোমার ভয় নেই। আমি তোমায় ব্যথা দিব না।”

রমণী কিছু নয় বলিয়া আঘাতচিহ্নটিকে ঢাকা দিবার চেষ্টা করিল। কিন্তু অভিজ্ঞ চিকিৎসককে কঁকি দেওয়া সহজ নহে। তিনি বলিলেন, “বেশ কেটে গেছে দেখিতেছি। চামড়াটা একেবারে উঠে গেছে। বড় ব্যথা এখানে নিশ্চয়।”

রমণীর গণ্ড বহিয়া ছুই বিন্দু অশ্রু গড়াইয়া পড়িল। সে বলিল, “হ্যাঁ, ব্যথা আছে বৈ কি।”

“আচ্ছা, আমি এটাকে বাঁধিয়া দেই। আমার রুমালে তোমার কোন ব্যথা লাগিবে না।”

“না, তা লাগিবে না।”

ডাক্তার পকেট হইতে একটি আধার বাহির করিয়া ঔষধ ও যন্ত্রের সাহায্যে ক্ষতটিতে প্রলেপ দিয়া রুমাল দ্বারা বাঁধিয়া দিলেন।

“তোমার স্বামী বুঝি ইট তৈয়ার করে ?”

রমণী বলিল, “আপনি কি করিয়া জানিলেন ?”

“তোমার ব্যাগ ও কাপড়ে মাটির দাগ দেখিয়া বুঝিতে পারিলাম। তাহা ছাড়া যাহারা ইট তৈয়ার করে, তাহারা মাঝে মাঝে খুচরা কাজের জন্ত এখানে ওখানে যায়। আমি জানি, তাহারা তাহাদের স্ত্রীর উপর বড়ই নির্দয় ব্যবহার করিয়া থাকে।”

রমণী প্রতিবাদের জন্ত ডাক্তারের মুখের দিকে চাহিল। কিন্তু সে গম্ভীর মুখমণ্ডল দর্শন করিয়া সে আবার চক্ষু নত করিল।

ডাক্তার বলিলেন, “তোমার স্বামী এখন কোথায় ?”

“গেল রাত্রিতে তার একটু বিপদ ঘটেছে, মশায়। কিন্তু সে ভাড়াটে বাড়ীতে এসে আমার খোঁজ করবে।”

ডাক্তার বলিলেন, “এমন ভাবে যদি সে তাহার হাতের অপব্যয় করিতে থাকে, তবে এক দিন সে আরও বিপদ ডাকিয়া আনিবে। যাক, সে নির্দয় হইলেও তুমি তাহাকে ক্ষমা করিও। তোমার ছোট ছেলে-মেয়ে নাই ?”

“আমার নিজের ঠিক নাই, তবে লিজের যে ছেলোট আছে, প্রায় আমার ছেলেরই মত।”

“তোমারটি মারা গিয়াছে বুঝি ? আহা !”

এতক্ষণে ব্যাণ্ডেজ বাঁধা শেষ হইয়াছিল। ডাক্তার বলিলেন, “তোমার দেশ কোথায় ? নিজের বাড়ী-ঘর নিশ্চয়ই আছে ?”

“আজ্ঞে হ্যাঁ। এখান থেকে বাইশ তেইশ মাইল দূর। সেন্ট আলুবানে আমাদের ঘর। সে জায়গা আপনি

চেনেন, মশায় ? আপনি চম্কে উঠেছিলেন ব’লে যেন আমার মনে হ’ল ?”

“হ্যাঁ, জায়গাটার নাম আমি জানি। একটা কথা তোমাকে জিজ্ঞাসা করিতেছি। ঘর ভাড়া দিবার মত টাকাকড়ি তোমার কাছে আছে কি ?”

রমণী টাকা দেখাইয়া বলিল, তাহার ভাড়া দিবার সংস্থান আছে। তার পর নমস্কার করিয়া রমণী চলিয়া গেল।

ডাক্তার অগ্রসর হইতেই দেখিলেন যে, একটি মূর্তি সতর্কভাবে আসিতেছে। তিনি দেখিলেন, সেটি একটি শীর্ণকায় বালকের মূর্তি। বালক আত্মগোপনের জন্ত এমন সচেত্ন যে, সে পশ্চাতে স্থিত ডাক্তারকে লক্ষ্যই করিল না।

বালকটিকে দেখিয়া উড্‌কোর্টের মনে হইল, ইহাকে তিনি যেন কোথায় পূর্বে দেখিয়াছেন। কিন্তু কোথায় দেখিয়াছেন, তাহা কিছুই মনে করিতে পারিলেন না। তিনি ধীরে ধীরে চলিয়াছেন, এমন সময় পশ্চাতে পদশব্দ শুনিয়া ফিরিয়া দেখিলেন, বালকটি ছুটিয়া আসিতেছে আর তাহার পশ্চাতে সেই রমণী আসিতেছে।

রমণী চীৎকার করিয়া বলিল, “ওকে ধরুন, পালাতে দিবেন না। ধরুন !”

ডাক্তার বালকের দিকে ধাবিত হইলেন। বালক ক্ষিপ্ৰ-গতিতে একটা মণ্ডল দিয়া তাঁহাকে এড়াইয়া দৌড়িতে লাগিল। রমণী তখনও তাহার পশ্চাতে ছুটিতে লাগিল। আলান কিছু বুঝিতে না পারিয়া বালকের পশ্চাতে দৌড়িতে লাগিলেন। তিনি ভাবিলেন, বালকটি বোধ করি রমণীর কিছু চুরি করিয়া পলাইতেছে। বালকটি পুনঃ পুনঃ তাহার কুল কাটাইয়া পলাইতে লাগিল। ইচ্ছা করিলে তিনি বালকটিকে ঐ সময়ে আহত করিয়া ভূমিতলে পাড়িয়া ফেলিতে পারিতেন ; কিন্তু সে দিকে তাঁহার মন ধাবিত হইল না ; অবশেষে পলাতক ক্রান্ত হইয়া ভূমিতলে লুটাইয়া পড়িল। উড্‌কোর্ট তাহার পার্শ্বে দাঁড়াইয়া রমণীর প্রতীক্ষা করিতে লাগিলেন।

রমণী কাছে আসিয়া বলিল, “জো ! জো ! শেষে তোমায় পেলাম !”

মনোযোগ সহকারে বালকের দিকে চাহিয়া ডাক্তার বলিলেন, “জো, জো ! ধাম। সত্যই কি সে ! করোনারের কাছে কিছুকাল আগে এই বালকটিকে দেখিয়াছিলাম।”

জো বলিল, “হ্যাঁ, আপনাকে আমি আগে দেখেছি। কিন্তু তাতে কি ? আমার মত হতভাগাকে কি তোমরা একটু বিশ্রাম কর্তে দেবে না ? আমি কিছুই করি নি, তবে আমার উপর এত অত্যাচার করা কেন ? আমাকে কি শেষে জলের মধ্যে গিয়ে বাস কর্তে হবে ?”

উড্‌কোর্ট বালকের কথায় অত্যন্ত দুঃখিত হইলেন। তিনি বলিলেন, “বাস্তবিক, ও কি করিয়াছে ?”



রমণী শুধু উত্তরে বলিল, “জো, জো! এত দিন পরে তোমায় পেয়েছি!”

“ও কি করিয়াছে? তোমার কিছু চুরি করিয়াছে কি?”

“না, মহাশয়, আমার চুরি করিবে কেন? ও বরং আমার অনেক উপকার করেছে।”

ডাক্তার সবিস্ময়ে একবার রমণী ও আরবার বালকটির দিকে চাহিতে লাগিলেন।

রমণী বলিল, “জো আমার ওখানে সেন্ট আল্‌বানে গিয়েছিল। সেখানে গিয়ে ওর অসুখ হয়। সেই অবস্থায় একটি যুবতী মহিলা ওকে নিয়ে যান। কিন্তু ওকে দয়া করতে গিয়ে শেষে তাঁর ভয়ানক ব্যায়রাম হয়—”

আলান্‌ সভয়ে বালকের নিকট হইতে কয়েক পদ পিছাইয়া গেলেন।

“হ্যাঁ, মহাশয়, সত্যি কথা। ওর দুঃখ দেখে তিনি ওকে বাড়ীতে নিয়ে যান। কিন্তু ও সেখান থেকে পালিয়ে যায়। তার পর আর ওর কোন সংবাদই কেউ পায় নি। সেই সুন্দরী মহিলাটি ওর জন্মই অসুখে পড়েন। তাঁর এমন সুন্দর চেহারা—এখন দেখলে আর চিন্তে পারা যায় না। শুধু তাঁর দেবতার মত স্বভাব আর মবুর কণ্ঠস্বর ছাড়া তাঁকে চিন্তার কোন উপায় নেই। হতভাগা ছোকরা, তুই তা কি জানবি! শুধু তোর জন্মই আজ তাঁর এই দুর্দশা।”

বালক সব কথা শুনিয়া হতবুদ্ধি হইয়া ভূমিতলে শুইয়া রহিল।

আলান্‌ রমণীকে হস্তেঙ্গিতে নিবৃত্ত হইতে বলিলেন।

“রিচার্ড আমাকে বলিয়াছে—অর্থাৎ আমি এ ব্যাপার জানি।” বলিতে বলিতে ডাক্তার মুখ ফিরাইয়া কি যেন দেখিতে লাগিলেন। সেটা ভানমাত্র, তিনি অত্যন্ত বিচলিত হইয়া পড়িয়াছিলেন, শুধু আত্মসংবরণ করিয়া লইলেন। কয়েক মুহূর্ত পরে ফিরিয়া বালকের নিকট আসিয়া বলিলেন, “এই রমণী কি বলিল, তাহা শুনিলে? এখন ওঠ, শীঘ্র ওঠ!”

জো ভূমিশয়া ত্যাগ করিয়া উঠিবার চেষ্টা করিল।

ডাক্তার বলিলেন, “এই স্ত্রীলোকটি যাহা বলিল, সব সত্য। তুমি কি সেই সময় হইতে এখানে আছ?”

“এখানে সবে আমি আজ এসেছি।”

“এখন এখানে আসিলে কেন?”

জো একবার সতর্ক দৃষ্টিতে চারিদিকে চাহিল, তার পর বলিল, “কিছু জানিনে, কোন কাজও পারিনে। বড় গরীব আমি, শরীর ভাল না, তাই কোন লোকজন যখন এখানে থাকে না, সেই সময় এ দিকে এসেছি। ভেবেছিলুম, অন্ধকারে এক জায়গায় লুকিয়ে পড়ে থাকবো। রাত্রিবেলা আগস্‌বির কাছে গিয়ে কিছু চেয়ে নেব। তিনি আমাকে সব সময়ই চাইলে কিছু না কিছু দেন, তবে তাঁর বউ বড় ভয়, সে আমাকে বড় কষ্ট দেয়।”

ডাক্তার বলিলেন, “এখন তুমি কোথা হইতে আসিতেছ?”

বালক চুপ করিয়া রহিল। কোন উত্তর দিল না।

উডকোর্ট বলিলেন, “সেই মহৎপ্রাণা সুন্দরী তোমাকে তাঁহার বাড়ীতে লইয়া গেলেন, দয়া করিয়া আশ্রয় দিলেন, আর তুমি কেন সেখান হইতে চলিয়া আসিলে?”

জো সহসা উত্তেজিতভাবে জানাইল যে, সেই সুন্দরীকে সে পূর্বে কখনও দেখে নাই, তাঁহার কথাও আগে জানিত না। তাহার জন্ম তিনি পীড়িত হইয়াছিলেন, এ কথা সে শুনেও নাই। সে মরিয়া গেলেও তাঁহার কোন অনিষ্ট করিবে না। তিনি তাহার প্রতি যেরূপ দয়া প্রকাশ করিয়াছিলেন, জীবনে সে কখনও তেমন দয়া কাহারও নিকট পায় নাই। ডাক্তার বুঝিলেন, বালকের অন্তস্তল হইতে সে কথাগুলি বলিয়াছে। উহা স্বত্রিমতাভরা নহে।

ডাক্তার বলিলেন, “তবে সে রাত্রিতে তুমি অমনভাবে চলিয়া আসিলে কেন?”

জো অবশেষে বলিল, “আমি নিজে আসিনি, আমার নিয়ে এসেছিল।”

“কে নিয়ে এসেছিল?”

“সে আমি বলতে পারব না।”

“ভয় নাই, জো, আমার বল, আমি তোমায় সকল বিপদ হইতে রক্ষা করিব। কোন ভয় নাই।”

জো কোনমতেই নাম বলিতে চাহিল না। অবশেষে ডাক্তারের পুনঃ পুনঃ অহুরোধে সে তাঁহার কাণে কাণে কি বলিল।

“বটে! তুমি কি করিয়াছিলে?”

“কিছু না। তবে আমি জায়গা ছেড়ে যাচ্ছিলাম। এখন দেখছি, গোরস্থান ছাড়া আমার জায়গা কোথাও নেই, মহাশয়!”

“না, না, আমরা তোমায় রক্ষা করিব। আচ্ছা, সে তোমাকে লইয়া গিয়া কি করিল?”

“হাঁসপাতালে নিয়ে গেছল। অসুখ ভাল হ’লে তারা আমায় ছেড়ে দিলে। তিনি আমার হাতে গোটাকয়েক টাকা দিয়ে বলেন, ‘যা, চ’লে যা। কেউ তোকে চায় না। লণ্ডনের চল্লিশ মাইলের মধ্যে যেন তোকে আর না দেখি। আমি যেখানেই যাই না কেন, তিনি আমায় দেখতে পাবেন। তাই পালাচ্ছি।’ জো থাকিয়া থাকিয়া ভয়ে শিহরিয়া উঠিতে লাগিল।

ডাক্তার রমণীর দিকে ফিরিয়া বলিলেন, “জো অকৃতজ্ঞ নয়, কারণ ছিল বলিয়া উহাকে চলিয়া আসিতে হইয়াছিল। অবশ্য কারণটা তেমন গুরুতর নয়।”

জো, ডাক্তারকে ধন্যবাদ জ্ঞাপন করিল। বলিল, “আপনি সেই মহিলাকে জানাবেন, তিনি আমার খুব দয়া করেছিলেন, সে জন্ম আমি কৃতজ্ঞ।”

উডকোর্ট বলিলেন, “জো, এখন তুমি আমার সঙ্গে চল। তোমার কোন ভয় নেই। কেউ তোমার কোন

অনিষ্ট করিতে পারিবে না। তুমি রাস্তার এ দিক দিয়ে চল, আমি অপর দিক দিয়া যাইতেছি, তাহা হইলে কেহ তোমায় সন্দেহ করিবে না।”

ডাক্তারের আশ্বাস-বাণীতে নির্ভর করিয়া জো তাঁহার সঙ্গে চলিল। রমনী আবার উড্‌কোর্টকে ধম্ববাদ করিয়া সে স্থান ত্যাগ করিল।

৪৭

আলান্ উড্‌কোর্ট চলিতে চলিতে ভাবিলেন, এই বালকটিকে কোথায় রাখিবেন। সুসভ্য দেশে বরং একটা অপরিচিত কুকুরের আশ্রয় মিলে, তথাপি এই শ্রেণীর মানব-শিশুর স্থান সহজে মিলে না। ডাক্তার বারংবার পশ্চাতে চাহিয়া দেখিতেছিলেন, জো সঙ্গে আসিতেছে কি না।

একটি চা-র দোকানে আসিয়া ডাক্তার জোকে তথায় লইয়া গেলেন। জো রুটী ও কফি খাইবার সময় সভয়ে এক একবার চারিদিকে তাকাইতে লাগিল।

তাহার শারীরিক অবস্থা তখন এমনই শোচনীয় যে, ফুদাও তাহার যেন ছিল না। দুই-এক চুমুক কফিপানের পর সে শিহরিয়া উঠিতে লাগিল। ডাক্তার তাহার নাড়ী ও বুক পরীক্ষা করিয়া দেখিলেন। নিকটে কোনও ডাক্তার-খানা নাই দেখিয়া দোকানদারের নিকট হইতে খানিকটা বাণ্ডি কিনিয়া লইলেন। অতি সমুপর্ণে তিনি বালককে উহা পান করিতে দিলেন। ক্রমে ক্রমে বালক একটু সবল হইয়া উঠিল। তার পর সে রুটীর অবশিষ্টাংশ এবং কফি শয় করিয়া ফেলিল। ডাক্তার তাহার সহিত কথায় কথায় অনেক ব্যাপার জানিয়া লইলেন। এমন কি, অবগুণ্ঠনাবৃত্তা মহিলার সংক্রান্ত যাহা যাহা জো জানিত, সবই সে বলিয়া ফিল। আহা! শেষ হইলে ডাক্তার জোকে লইয়া আবার লিতে লাগিলেন।

ডাক্তার প্রথমতঃ মিস্ ফ্রিটের সন্ধানে চলিলেন। কিন্তু ককের বাড়ীতে মিস্ ফ্রিট যে এখন নাই, তাহা তিনি জানিতেন না। সেখানে গিয়া তিনি জানিতে পারিলেন যে, বুদ্ধা, শ্রীমতী ব্লিন্ডারের বাড়ীতে উঠিয়া গিয়াছেন। ডাক্তার ঠিকানা জানিয়া সেই দিকে চলিলেন। মিস্ ফ্রিট তাঁহার পূর্ব-পরিচিত ডাক্তারকে দেখিয়াই ছুটিয়া আসিয়া তাঁহার অভ্যর্থনা করিলেন।

স্বাগত-সম্ভাষণের পর ডাক্তার বলিলেন, “এই বালকটিকে এখন কোথায় রাখি বলুন ত? এর জন্ত আমার ভারি ভাবনা হইয়াছে। আপনার জানাশুনা অনেক জায়গা আছে, একটা স্থির করুন।”

মিস্ ফ্রিট বলিলেন, “গ্রিড্‌লে যেখানে ছিলেন, সেইখানেই রাখা যাইতে পারে। জেনারেল জর্জ আমাদের এ বিষয়ে সাহায্য করিতে পারেন।”

বুদ্ধার সমভিব্যাহারে ডাক্তার, জোকে লইয়া জর্জের “শিক্ষাগারে” গেলেন। তাঁহার সহিত উড্‌কোর্টের পরিচয় হইল।

বালকটিকে আশ্রয় দিবার কথা উঠিলে জর্জ উহার পরিচয় লইলেন। ডাক্তার যাহা জানিতেন, সংক্ষেপে বলিলেন।— “জো অল্পত্র থাকিতে রাজী নয়। একটি লোককে সে যমের মত ভয় করে। সেই ব্যক্তি উহাকে এ দেশ ছাড়িয়া চলিয়া যাইতে আদেশ করিয়াছে।”

জর্জ বলিলেন, “সে লোকটির নাম বলিতে মানা আছে কি?”

“না, মানা নাই। তাহার নাম বকেট।”

“ডিটেক্টিভ বকেট?”

“হ্যাঁ, সেই।”

“তাকে আমি বেশ চিনি।”

ডাক্তার বলিলেন, “মিস্ জারনুডিস্ ও মিস্ সমারসন্ এই বালকটির হিতাকাঙ্ক্ষী। আমি তাঁহাদিগকে জো’র কথা জানাইব। ইতিমধ্যে ইহাকে কোন নিরাপদ স্থানে রাখিতে হইবে। টাকা দিলে কেহ ইহাকে রাখিতে রাজী হইবেন কি? আপনি এমন কোন লোককে জানেন কি?”

জর্জ বলিলেন, “দেখুন, মিস্ সমারসন্কে খুসী করিবার জন্ত আমি সবই পারি। বালকটিকে আমার এই ক্ষুদ্র কুটারের এক প্রান্তে আশ্রয় দিতে পারি, অবশ্য আপনি যদি অমত না করেন। তবে বালকটির কোন সংক্রামক ব্যাধি নাই ত?”

ডাক্তার সে বিষয়ে নিঃসন্দেহ। তিনি বলিলেন, “উহার শরীরে কোন সংক্রামক ব্যাধি নাই সত্য, তবে বালকটির অবস্থা আশাপ্রদ নহে। বাঁচিবে কি না, ঠিক বলা যায় না।”

“আপনি কি মনে করেন, আশু উহার প্রাণবিয়োগের সম্ভাবনা?”

“সেই রকমই ত আশঙ্কা হইতেছে।”

“তবে আর বিলম্বে কাজ নাই। ফিল, শীঘ্র বালককে ভিতরে লইয়া যাও।”

একটি ছোট ঘরের মধ্যে শয্যা পাতিয়া জোকে তথায় শোয়াইয়া দেওয়া হইল। ডাক্তার বলিলেন, “জো, তুমি এখানে নিরাপদে থাকিবে, কেহ তোমায় বিরক্ত করিবে না। ইনি মিঃ জর্জ, তোমার দেখাশুনার ভার লইলেন। তোমার কোন ভয় নাই।”

বন্দোবস্ত ঠিক হইয়া গেলে, মিস্ ফ্রিট সানন্দে বিদায় লইলেন। ফিল বালকের গুশ্রযায় রত হইল।

জর্জ ডাক্তারকে বলিলেন, “আপনি মিস্ সমারসন্কে ভালরূপে চেনেন?”

“হ্যাঁ।”

“কোন সন্দেহ আছে কি?”

“না, তা নাই।”



জর্জ বলিলেন, “আমার কৌতূহলকে মার্জনা করিবেন। মিস্ সমারসন্ এই বালকটির প্রতি বিশেষ মনোপরায়ণা। আপনিও তাঁহার প্রতি অসাধারণ স্নেহ দেখাইতেছেন, তাই মনে করিয়াছিলাম, তাঁহার সহিত আপনার কোন আত্মীয়তা আছে কি না। আপনি নিশ্চিন্ত থাকিবেন, বালক এখন আমার তত্ত্বাবধানে রহিল। আমি তাঁহাকে আপনার জনের মতই দেখিব।”

“আমার পক্ষেও সেই কথা, মিঃ জর্জ।”

জর্জ বলিলেন, “দেখুন, আপনি যখন বালক সম্বন্ধে সব কথাই বলিলেন, তখন আমার মনের কথাটাও বলি। বালকটিকে, বকেট বে বাড়ীতে নিয়ে গিয়েছিল, আমি তা চিনি। যার কাছে নিয়ে গিয়েছিল, তাকেও জানি। সে ব্যক্তির নাম টল্কিংহরণ।”

আলান বলিলেন, “লোকটা কেমন?”

“লোকটা কেমন? অতি বদ। লোককে মন্থনা দিবার গুরু-মহাশয় তিনি। দয়া, মায়ী, স্নেহ তাঁর শরীরে আছে বলিয়া মনে হয় না। তাঁর কথা বলিতে গেলেই আমার শরীর জলিয়া উঠে।”

উড্‌কোর্ট বলিলেন, “কথাটা তুলিয়া আমি তবে ত আপনার মনে বড়ই কষ্ট দিয়াছি।”

“এতে আপনার দোষ কিছু নাই। আমার উপর লোকটির কোন কারণে কিছু অধিকার জন্মিয়াছে। ইচ্ছা করিলেই সে আমাকে এই বাড়ী হইতে তাড়াইয়া দিতে পারে। টাকা দিতে গেলেও লইবে না, দেখাও করিবে না। লোকটা আমায় পাগল করিয়া দিবে। সোজা পথে একবার তাহাকে পাই ত আমি তাহাকে আচ্ছারূপে শিক্ষা দিয়া দিতে পারি।”

অল্পক্ষণ আলাপের পর ডাক্তার বিদায় লইলেন। তার পর জারনুডিসের নিকট গিয়া সকল ব্যাপার বিবৃত করিলেন। মিঃ জারনুডিস তাঁহার সহিত জোকে দেখিতে আসিলেন। তিনি বলিলেন, জোর কথা যাহাতে বেশী জানাজানি না হয়, তাহা করা দরকার। জো তাঁহার নিকট সকল কথাই প্রকাশ করিল। কথাপ্রসঙ্গে সে পুনঃ পুনঃ স্নাগ্‌স্বির নাম উল্লেখ করিল।

ডাক্তার স্থির করিলেন যে, সে যখন স্নাগ্‌স্বির নাম পুনঃ পুনঃ উচ্চারণ করিতেছে, তখন একবার তাঁহাকে ডাকিয়া আনা দরকার।

দোকানে বসিয়া স্নাগ্‌স্বি কাজ করিতেছিলেন। ডাক্তার তাঁহাকে অভিবাদন করিয়া বলিলেন, “আপনি আমার চিনিতে পারিতেছেন না, মিঃ স্নাগ্‌স্বি?”

স্নাগ্‌স্বির হৃৎকম্প উপস্থিত হইল। ইদানীং তাঁহার এইরূপ আরম্ভ হইয়াছিল। তিনি বলিলেন, “না, বাস্তবিক আমার স্মরণ হইতেছে না।”

ডাক্তার বলিলেন, “হুইবার আপনি আমায় দেখিয়াছেন। একবার এক দরিদ্র রোগশয্যা পার্শ্ব, আরবার—”

স্নাগ্‌স্বির সব মনে পড়িল। তিনি আগন্তুককে লইয়া পার্শ্বস্থ একটি কক্ষে প্রবেশ করিয়া দ্বার রুদ্ধ করিলেন।

“আপনি বিবাহ করিয়াছেন কি?”

“না।”

স্নাগ্‌স্বি বলিলেন, “খুব আন্তে কথা বলিতে পারিবেন কি? কারণ, আমার স্ত্রীটিকে নিকটে কোথাও লুকাইয়া কথা শুনিবার চেষ্টা করিতেছেন। এ যদি না হয়, আমি পাঁচশত পাউণ্ড বাজি হারিব।”

অতি বিমর্ষভাবে স্নাগ্‌স্বি উপবেশন করিয়া বলিলেন, “দেখুন, মশায়, আমার নিজের জীবনে কোন গোপনীয় কাজ করি নাই। আমার স্ত্রীকে আমার জীবনের সব কথাই বলিয়াছি। তাহাকে লুকাইবার মত আমি কোন কাজ কখনও করি নাই; করিলেও তাহা গোপন করিতাম না। কিন্তু সত্য বলিতে কি, এখন আমার জীবন দুর্ভাগ্য হইয়া উঠিয়াছে। চারিদিকে খালি ঢাকাঢাকি লুকোচুরি চলিয়াছে—এ আমার অসহ।”

ডাক্তার হৃৎ প্রকাশ করিলেন। পরে বলিলেন, তিনি জোকে জানেন কি না? মিঃ স্নাগ্‌স্বি যন্ত্রণাহতক ধ্বনিটাকে চাপা দিয়া বলিলেন, “তাকে আর চিনি না? ছুনিয়াতে আমার স্ত্রী যদি কাহারও বিরোধী হয়, তবে সে ঐ জো!”

ডাক্তার সবিস্ময়ে কারণ জিজ্ঞাসা করিলেন।

“কেন? তা জানি না, মশায়! আপনি বিবাহ করেন নাই, তাই এই প্রশ্ন করিলেন। যদি সপত্নীক হইতেন, তবে হয় ত জিজ্ঞাসা করিতেন না।”

যাহা হউক, অবশেষে স্নাগ্‌স্বি ডাক্তারের বক্তব্য শ্রবণ করিলেন। তার পর বলিলেন, “কোন ব্যক্তি আমাকে বলিয়াছেন যে, আমি যেন জোর কথা কাহাকেও না বলি। তার পর আপনি আসিয়া বলিতেছেন, আমি যেন তাহার কথা সেই বিশিষ্ট ব্যক্তিকে কোনও মতে না জানাই। এ যে দেখিতেছি, পাগলা গারদের ব্যাপার হইয়া উঠিল!”

অনেক আলোচনার পর বুদ্ধ স্নাগ্‌স্বি জোকে বৈকালে দেখিয়া আসিতে চাহিলেন। বালকের অবস্থা শুনিয়া তাঁহার করুণার্জ হৃদয় ব্যথিত হইয়াছিল।

স্নাগ্‌স্বি পত্নীর দৃষ্টি এড়াইয়া অতি কষ্টে জোকে দেখিতে গেলেন। জো তাঁহাকে দেখিয়া অত্যন্ত খুসী হইল। সে তখন বেশ আরামে আছে, তাহার কোন অসুবিধা নাই জানাইল। স্নাগ্‌স্বি তাহার হাতে একটি অর্ধ স্বর্ণ-মুদ্রা অর্পণ করিলেন।

জো বলিল, “আমার ভাগ্য কিরে গেছে, মিঃ স্নাগ্‌স্বি। এখন কত আরামে আছি, তা আপনি বুঝতে পারবেন না। তবে সেটার জন্ত আমি বড় হুঃখিত।”

স্নাগ্‌স্বি তাহাকে জিজ্ঞাসা করিলেন, কিসের জন্ত সে হুঃখিত? উত্তরে বালক বলিল, “সেই লেডীর বাড়ী গিয়েছিলুম

ব'লে তাঁর অসুখ হয়েছিল। এই লেডী অনেকটা তাঁর মত দেখতে হলেও তিনি নন। আমার জন্ম অসুখ হয়েছিল ব'লে তিনি আমায় কিছু বলেন নি। আমার ছুখে তিনি বরং বড় কষ্ট পেয়েছেন। আমায় দেখে তিনি বলেন, 'জো, তোমায় ত আমরা জানিয়েছিলাম।' কাল তিনি এসে আমায় দেখে গেছেন। আমায় কত আদর করেন। মিঃ জারনুডিস্ও এসেছিলেন। তিনি আমায় অনেক মিষ্টি কথা ব'লে গেছেন। মিঃ উডকোর্ট রোজ আসেন, আমায় ওষুধ দেন। আমার কষ্ট দূর করবার জন্ম কত চেষ্টা কচ্ছেন। আমি প্রায় তাঁর চোখে জলও দেখি।"

স্নাগস্বি তাহার হাতে আর একটি স্বর্ণ-মুদ্রা অর্পণ করিলেন।

"আপনি খুব বড় বড় ক'রে লিখতে পারেন, স্নাগস্বি?"

"হ্যাঁ, জো, পারি বই কি?"

জো'র মুখে আনন্দের হাসি ফুটিয়া উঠিল। সে বলিল, 'আমি কি ভাবছি জানেন? আমাকে যখন স'রে যেতে বলেছিল, আমি যত দূর পারি, গিছলাম। আপনি বড় বড় হরপে লিখে দেবেন,—যেন সকলে অনেক দূর থেকে দেখতে পায়, যে, আমি ইচ্ছে ক'রে তাঁর গায় অসুখ ছেড়ে দেইনি। সে জন্মে আমি বড় দুঃখিত। আরও লিখে দেবেন—আমি তার কিছুই জানতাম না। খুব বড় বড় হরপে লিখবেন, বুঝেছেন?"

"আচ্ছা, জো।"

জো আবার হাসিল। "ধন্যবাদ, স্নাগস্বি। আমি আপনার কথায় বড় আরাম বোধ করছি।"

করণ-হৃদয়, স্নেহপরায়ণ স্নাগস্বি আবার আর এক-খণ্ড মুদ্রা বালকের হস্তে অর্পণ করিলেন। তিনি বৃষ্টিতে পারিয়াছিলেন, এই পৃথিবীতে এ জীবনে তাঁহার সহিত বালকের আর দেখা হইবে না।

কথাটা খুবই সত্য। গাড়ী আর চলিতে পারিতেছিল না। কোনরূপে ঠেলিয়া ঠুলিয়া আর কত চলিবে। পথ প্রায় শেষ হইয়া আসিয়াছিল। আর অধিক দিন বিলম্ব নাই।

ফিল্ স্কোয়াড্ ধাত্রীর কাজ করিতেছিল। সে প্রায়ই আশ্বাস দিয়া বলিত, "ধোকা, ভয় নেই। মনে জোর কর।" মিঃ জারনুডিস্ বহুবার জোকে দেখিতে আসিলেন। ডাক্তার উডকোর্ট সর্বদাই তাহার পাশে থাকিতেন।

আজ জো অত্যন্ত অভিভূত হইয়া আছে। উডকোর্ট মতর্কভাবে বালকের অবস্থা পর্যবেক্ষণ করিতেছিলেন। তিনি ধীরে ধীরে বালকের শয্যায় উপবেশন করিলেন। তার পর বালকের বক্ষঃস্থল পরীক্ষা করিলেন। এখনও গাড়ীর চাকা চলিতেছে, তবে অত্যন্ত মন্থর।

জর্জ হারপ্রাস্তে স্থিরভাবে দণ্ডায়মান। ফিল্ও হাতুড়ি ঝেলিয়া চুপ করিয়া আর্দ্র।

ডাক্তার বলিলেন, "জো! কি হয়েছে? ভয় পেয়ো না!"

জো চমকিতভাবে বলিল, "আমি ভাবছিলুম, আবার বুঝি 'টম্ অল্-এলোনে'র বাড়ীতে আমি গেছি। মিঃ উডকোর্ট, আপনি ছাড়া আর কেউ এখানে নেই?"

"না।"

"আমাকে সেখানে নিয়ে যায় নি?"

"না।"

"ধন্যবাদ।"—বালক চক্ষু মুদ্রিত করিল।

ডাক্তার তাহার কাণের কাছে মুখ লইয়া বলিলেন, "জো, তুমি প্রার্থনা জান?"

"না, মশায়। কখনও শুনিনি।"

"ছোট-খাট প্রার্থনাও জান না?"

"না, কিছুই জানিনে। একবার মিঃ চ্যাডব্যাণ্ড আমাকে প্রার্থনা ওনোচ্ছিলেন, কিন্তু সে সব আমি কিছুই বুঝতে পারিনি। তিনি যেন নিজের সঙ্গেই কথা বলছিলেন। আমাকে বুঝোবার জন্ম নয়। প্রার্থনা কেমন ক'রে করে, তাও জানিনি।"

অনেক কষ্টে অনেকক্ষণ ধরিয়া বালক কথাগুলি বলিল। তার পর চুপচাপ পড়িয়া রহিল। কিয়ৎকাল পরে সে সহসা শয্যা ছাড়িয়া উঠিতে গেল।

"জো, কি হয়েছে? চুপ কর।"

উদ্ভ্রান্ত দৃষ্টিতে বালক বলিল, "আমার এখন সেই গোরস্থানে যাবার সময় হয়েছে।"

"শুয়ে পড় জো! কোন্ গোরস্থানে তুমি যেতে চাও?"

"সেই তিনি—যিনি আমায় খুব যত্ন করতেন, ভাল-বাসতেন, তাঁকে যেখানে গোর দিয়েছে, সেইখানে আমার যাবার সময় হয়েছে। তাঁর পাশেই আমি শুয়ে থাকব। আমার গোর যেন সেখানেই দেওয়া হয়। তিনি আমায় বলতেন, 'জো, আমি গরীব, তুমিও গরীব।' আমি এখন তাঁকে বলতে চাই যে, আমি আজ তাঁর মতই গরীব। তাই তাঁর পাশেই স্থান নিতে চাই।"

"হবে, জো, ক্রমে তা হবে।"

"আমি নিজে যদি মাই, তবে হয় ত তারা আমাকে সেখানে গোর দেবে না। আপনি শপথ ক'রে বলুন যে, সেখানে আমার কবর দেবেন?"

"নিশ্চয়।"

"ধন্যবাদ মশায়। গেটের চাবী আগে চেয়ে নিতে হবে, কারণ, সব সময় ফটক চাবীবন্ধ থাকে। সেখানে একটা সিঁড়ি আছে। আমি সেটা ঝাঁট দিয়ে পরিষ্কার করতাম—বড় অঙ্ককার, মশায়। আলো আসছে কি?"

"শীঘ্রই আসিবে, জো।"

হ্যাঁ, ক্রমশই আসিতেছিল। গাড়ী সহস্র খণ্ডে ভাঙিয়া গিয়াছিল। বন্ধুর পথও শেষ হইয়া আসিয়াছে।

"জো, বেচারী জো!"



“আপনার কথা শুনতে পাচ্ছি, কিন্তু বড় অঙ্ককার।  
কিছুই দেখতে পাচ্ছি না, আপনার হাতখানা দেখি।”

“জো, আমি যা বলি, তুমি উচ্চারণ করিতে পারিবে।”

“হাঁ, আপনি যা বলবেন, তাই বলবো।”

“বল, আমাদের পিতা।”

“আমাদের পিতা!—হ্যাঁ, বড় ভাল কথা।”

“যিনি স্বর্গে আছেন।”

“স্বর্গে আছেন—আলো আসছে কি?”

“হ্যাঁ, এলো বই কি। তোমার নাম ধনু হউক।”

“ধনু হোক—তোমা—”

আলোকধারা অঙ্ককারকে প্রাবিত করিয়া দিল! মৃত্যু  
আসিয়াছে!

যমরাজ, তুমি ধনু। এমন মৃত্যু আমাদের আশে-পাশে—  
প্রতিদিনই ঘটতেছে। কে তাহার সংবাদ লয়?

৪৮

চেস্নিওড হইতে সপত্নীক স্মার লিষ্টার লণ্ডনে আসিয়াছেন।  
লেডী ডেডলক্ পরিপূর্ণ উচ্চমে সম্ভ্রান্ত সমাজে আপনাকে  
আরও সমুজ্জল করিয়া তুলিয়াছেন। আমোদ-প্রমোদ,  
ভোগ-বিলাস পূর্কোপেক্ষা উৎসাহ সহকারে চলিতেছিল।

লেডী ডেডলক্ একটা বিষয়ে কৃতনিশ্চয় হইয়াছিলেন।  
তিনি স্থির করিয়াছিলেন যে, রোজাকে আপনার কাছে  
রাখিবেন না।

সে দিন তিনি রোজার সহিত একটা কক্ষে বসিয়াছিলেন।  
লেডী যুবতীকে ঘরের দ্বার বন্ধ করিয়া দিতে বলিলেন।  
তার পর বলিলেন, “রোজা, তোমায় আমি একটি কথা  
বলিব, ঘৃণাকরেও কিন্তু সে কথা কাহারও নিকট প্রকাশ  
করিতে পাইবে না।”

যুবতী সাগ্রহে প্রতিজ্ঞাপাশে আবদ্ধ হইল।

লেডী বলিলেন, “তুমি আমার কত প্রিয়, তাহা জান  
কি? কিন্তু আমি যদি তোমাকে আমার নিকট হইতে  
বিদায় করিয়া দেই, তোমাকে ঘাইতে হইবে।”

“রাণীমা! আমি কি আপনার বিরাগের মত কোন  
কাজ করেছি?”

“না, বাছা, তা নয়। আমি তোমাকে সুখী করিতে  
নাই। এ সংসারে যদি কাহাকেও সুখী করিবার অধিকার  
আমার থাকে, তবে আমি তোমাকে সুখী দেখিতে  
নাই। আমার ধারণা, আমার কাছে না থাকিলে তোমার  
জলই হইবে। কেন এ কথা বলিতেছি, তাহার কারণ  
যদি তোমাকে খুলিয়া বুঝাইতে পারিব না। সে জন্ত আমি  
স্থির করিয়াছি, তোমাকে এখান হইতে বিদায় দিব। তোমার  
প্রণয়ভাজনের পিতার নিকট আমি পত্র লিখিয়াছি। তিনি  
যাজ এখানে আসিবেন। শুধু তোমার মঙ্গলের জন্ত আমি  
এ সব করিতেছি।”

লেডী যুবতীর অশ্রুসিক্ত আনন চুম্বন করিয়া বলিলেন,  
“বাছা, যাহারা তোমাকে ভালবাসে, সেখানে গিয়া তুমি  
সুখী হও, এই আমার আশীর্বাদ।”

রোজা বলিল, “মা, আমার সময় সময় মনে হয়, আপনি  
সুখী নহেন।”

“আমি!”

“আমি চ’লে গেলে, আপনি সুখী হবার চেষ্টা করবেন,  
রাণীমা!”

“বাছা, আমি ত বলিয়াছি, আমি যাহা কিছু করিতেছি  
তোমারই মঙ্গলের জন্ত। আমার জন্ত নয়। আমার কার্য  
তাহাতেই শেষ হইবে। এখন আমাকে যেমন দেখিতেছ  
তোমার প্রতি আমার মনের ভাব সেইরূপ। কিন্তু পরে বি  
হইবে, তাহা ভাবিও না। শুধু আমার বর্তমান অবস্থা দেখিয়  
সেই কথাটা স্মরণ রাখিও, এ সব কথা কাহারও নিকট বলি  
না। ইহার পর তোমার সহিত আমার আর কোন কথা নাই।”

লেডী, যুবতীর বাহুপাশ হইতে আপনাকে মুক্ত করিয়া  
কক্ষ ত্যাগ করিলেন। সেই দিন অপরাহ্নে সিঁড়িতে নামিবার  
সময় উর্ভয়ের যখন আবার দেখা হইল, তখন লেডী ডেডলক্  
এমন ব্যবহার করিলেন যে, তাহাতে যুবতীর প্রতি তাঁহা  
প্রাণে কোমলতা, স্নেহ, প্রীতি যে সঞ্চিত আছে, তাহা  
বিন্দুমাত্র আভাস পাওয়া গেল না। তাঁহার মূর্তি তখন  
দর্পিতা বিলাসিনীর ন্যায়।

পরিচালক মার্কারি সংবাদ দিল, মিঃ রাউল্ডসওয়েল আসি  
য়াছেন। স্মার লিষ্টারের সঙ্গে পরামর্শ করিবার জন্ত  
সর্বপ্রাণে পুস্তকাগারে গমন করিলেন।

বৃদ্ধ টল্কিংহরণ তখন স্মার লিষ্টারের সঙ্গে কি আলা  
করিতেছিলেন। এই শয়তান কি মুহূর্তের জন্তও তাঁহারে  
বিশ্রাম দিবে না?

লেডী বলিলেন, “স্মার লিষ্টার, তোমার সঙ্গে আমার  
কথা ছিল, কিন্তু দেখিতেছি, তুমি ব্যস্ত—”

টল্কিংহরণ বলিলেন, “আমি সরিয়া যাইতেছি।”

লেডী বলিলেন যে, তাঁহার চলিয়া যাইবার প্রয়োজন  
নাই। বৃদ্ধ, লেডীকে বসিবার জন্ত চেয়ার সরাইয়া দিয়া  
নিজে অদূরবর্তী জানালার ধারে গিয়া দাঁড়াইলেন।

লেডী বলিলেন, “আমার নির্দেশমত মিঃ রাউল্ডসওয়েল  
এখানে আসিয়াছেন। রোজা-নারী মেয়েটির আমি একটা  
হেস্ত-নেস্ত করিতে চাই। উহাকে লইয়া আমি বড় বিব্রত  
হইয়া পড়িয়াছি।”

স্মার লিষ্টার বলিলেন, “তা আমাকে কি করিতে হইবে,  
বল?”

“এখানে তাঁহাকে ডাকিয়া পাঠাও। ব্যাপারটা শেষ  
করিয়া ফেলা যাক।”

স্মার লিষ্টার টল্কিংহরণকে অস্বরোধ করিলেন। মার্কারি  
তাঁহার নির্দেশমত রাউল্ডসওয়েলকে ডাকিতে গেল।

লোহ-ব্যবসায়ী কক্ষমধ্যে প্রবেশ করিলে, তার লিষ্ঠার স্বাগতসম্ভাষণ করিয়া বলিলেন, “লেডী ডেডলুক আপনার সহিত কথা বলিতে ইচ্ছা করেন।”

লেডী বলিলেন, “মহাশয়, আপনার পুত্রের মনের অবস্থা সম্বন্ধে কি আপনি কোন সন্ধান লইয়াছিলেন?”

আগন্তুক বলিলেন, “আপনার সহিত আমার শেষ দেখা যখন হয়, তখন আমি বোধ হয় আপনাকে বলিয়াছিলাম যে, আমার পুত্রকে আত্মসংবরণ করিতে উপদেশ দিব।”

“আপনি তাহাকে কি তাহা বলিয়াছিলেন?”

“আজ্ঞা হ্যাঁ।”

“সে কি আপনার কথামত কাজ করিয়াছে?”

“এ বিষয়ে আমি আপনাকে নিঃসংশয়ে উত্তর দিতে পারিতেছি না। আমার মনে হয়, আমার পুত্র এখনও আমার নির্দেশানুসারে কাজ করিতে পারে নাই।”

লেডী বলিলেন, “বিষয়টা আমি চিন্তা করিয়া দেখিয়াছি। ইহাতে আমি অত্যন্ত ক্লান্তি ও বিরক্তি বোধও করি। তবে কথা এই, যদি আপনার পুত্র এখনও আত্মসংযম করিতে না পারিয়া থাকে, তাহা হইলে আমার মনে হয়, মেয়েটির প্রধান হইতে চলিয়া যাওয়াই ভাল।”

“আমার পুত্র যে প্রকৃতই তাহাকে ভুলিতে পারিয়াছে, এমন কথা আমি শপথ করিয়া আপনাকে বলিতে পারি না।”

“তবে মেয়েটাকে এখানে রাখিবার আর প্রয়োজন নাই। রোজা খুব ভাল মেয়ে, তাহার বিরুদ্ধে অভিযোগ করিবার কিছুই নাই। কিন্তু বোকা মেয়ে প্রেমে পড়িয়াছে, সে কিছুতেই সে কথাটা ভুলিতে চাহে না। কাজেই আমি তাহাকে আর আমার কাছে রাখিতে ইচ্ছুক নহি।”

তার লিষ্ঠারও পত্নীর কথার প্রতিধ্বনি করিয়া বলিলেন, “তবে তাহার যাওয়াই মঙ্গল।”

লেডী বলিলেন, “আপনি কি এখনই তাহাকে আপনার সঙ্গে লইয়া যাইতে চাহেন?”

ব্যবসায়ী ঘাড় নাড়িয়া বলিলেন, “আজ্ঞা, হ্যাঁ।”

রোজাকে আহ্বান করা হইল। অশ্রুপূর্ণনেত্রে সে সকলের নিকট বিদায় লইল।

কক্ষমধ্যে অন্ধকার ঘনাইয়া আসিতেছিল। টল্কিংহরণ বিস্মিতভাবে লেডীর দিকে চাহিয়া ভাবিলেন, “এই নারী কি অপূর্ণ শক্তিময়ী! কেমন চমৎকার নিজের ভূমিকা অভিনয় করিয়া গেলেন!”

লেডী ডেডলুক সে কক্ষ ত্যাগ করিয়া গেলেন। ব্যবহারাজীব চিরাচরিত প্রথা অনুসারে দ্বার মুক্ত করিয়া দাড়াইলেন। তিনিও অভিনয়ে সিদ্ধহস্ত।

তার লিষ্ঠার অন্তর আমন্ত্রিত। লেডী আজ একা আহ্বার করিবেন। তিনি পরিচারক দ্বারা সন্ধান লইয়া জানিলেন যে, টল্কিংহরণ তখনও লাইব্রেরী-গৃহ ত্যাগ করেন নাই। ভোজ শেষ হইল। পরিচারক আসিয়া

জানাইল, ব্যবহারাজীব তাহার সহিত একবার দেখা করিতে চাহেন। লেডী অস্বস্তি দিলেন। বুদ্ধ কক্ষমধ্যে প্রবেশ করিলেন।

লেডী বলিলেন, “আপনি কি চান?”

উকীল বলিলেন, “আপনার ব্যবহারে আমি বিস্মিত হইয়াছি।”

“বাস্তবিক?”

“নিশ্চয়ই। এ জন্ম আমি প্রস্তুত ছিলাম না। আপনি আমার কাছে যে অঙ্গীকারসূত্রে আবদ্ধ ছিলেন, তাহা হিন্ন করিয়াছেন, নূতন পন্থা অবলম্বন করিয়াছেন। আমি বলিতে বাধ্য যে, আপনার এ কার্যের আমি আদৌ সমর্থন করিতে পারিতেছি না।”

লেডী প্রশান্তভাবে বলিলেন, “আপনার কথা আমি সম্যক বুঝিতে পারিলাম না।”

“খুব পারিয়াছেন। আমার বিশ্বাস, সব বুঝিয়াছেন। লেডী ডেডলুক, এখন কথা কাটাকাটির সময় নয়। আপনি এই যুবতীটিকে ভালবাসিতেন।”

“ভাল, তাই। কিন্তু আপনি কি বলিতে চাহেন?”

“আপনি যে কারণ দর্শাইয়া তাহাকে এখান হইতে বিদায় করিলেন, সেটা আসল কারণ নয়, তাহা আপনিও জানেন, আমিও জানি। পাছে ভবিষ্যতে আপনার সম্বন্ধে কোন কথা রটে, তাই পূর্ক হইতে আপনি তাহাকে নিরাপদ স্থানে পাঠাইয়াছেন!”

“ভাল, মানিলাম, তাই।”

“কিন্তু লেডী ডেডলুক, সেটা আমার মতে ভাল হয় নাই। ইহাতে বিপদের আশঙ্কা আছে। ইহা করিবার কোন প্রয়োজন ছিল না। শুধু এই ঘটনা উপলক্ষ করিয়া একটা সন্দেহ সাধারণের মনে উদ্ভিক্ত হইতে পারে। তাহা ছাড়া, এই কাজ করায় আপনি আমার সহিত যে সর্ভে আবদ্ধ ছিলেন, তাহা ভঙ্গ করিয়াছেন। কথা ছিল, আপনি এত কাল যে ভাবে ছিলেন, ঠিক তেমন ভাবেই চলিবেন। কিন্তু আপনার অঙ্ককার ব্যবহারে পরিবর্তন ঘটয়াছে। ইহা স্পষ্টই বুঝা যাইতেছে।”

লেডী কি বলিতে যাইতেছিলেন, টল্কিংহরণ বাধা দিয়া বলিলেন, “দেখুন, আপনার অবিস্মৃতিকারিতার ফলে আপনার গুপ্তকাহিনীটা এখন শুধু একা আপনার নহে, এ গোপন ব্যাপারটির জন্ম আমি নিজে দায়ী। ইহা তার লিষ্ঠার বংশের সহিত সংশ্লিষ্ট। যদি শুধু একা আপনার বিষয় হইত, আপনার কাছে আমি এখানে আজ এ সকল তর্ক তুলিতাম না।”

লেডী বলিলেন, “সে কথা ঠিক। কিন্তু জানিয়া-গুনিয়া আমি একটি নিরপরাধা বালিকার জীবনের সকল সুখ নষ্ট করিতে পারি না। সে জন্ম আমার অর্থে যাহাই ঘটুক না কেন, আমি এই উপায়ই অবলম্বন করিয়াছি। এ সকল হইতে আমার কেহ বিচ্যুত করিতে পারিবে না।”



“তাই না কি ? তবে ত আপনাকে আর বিশ্বাস করা চলে না।”

“আপনার বোধ হয় স্মরণ আছে, চেসনিওডেও আমি ঠিক এমনই ভাবের কথা বলিয়াছিলাম।”

“হ্যাঁ, সে কথা মনে আছে ; কিন্তু একটা বালিকার খাতিরে এত বড় একটা বংশের কলঙ্কপ্রকাশ সম্বন্ধে অবকাশ দেওয়া যাইতে পারে না।”

উভয়ে পরস্পরের দিকে নীরবে কিয়ৎকাল চাহিয়া রহিলেন, তার পর বৃদ্ধ বলিলেন, “লেডী ডেডলক্, একটা অপ্রীতিকর কথা বলিবার জগুই আমি আপনার সহিত এই রাত্রিতে দেখা করিতে আসিয়াছি। সে কথাটা এখনও বলা হয় নাই। আমাদের পূর্বের সর্ভ এখন আর নাই। সুতরাং এখন আমি আমার পথে চলিব। কথাটা বোধ হয় বুঝিতে পারিয়াছেন ?”

“আমি সম্পূর্ণ প্রস্তুত আছি, মহাশয়।”

“তবে আমার আর কিছু বলিবার নাই।”

লেডী ডেডলক্ হস্তেঙ্গিতে ব্যবহারাজীবকে চলিয়া যাইতে নিষেধ করিয়া বলিলেন, “আপনি তাহা হইলে আমাকে নোটিশ দিতেছেন ?”

“ঠিক তা নয়, তবে প্রকারান্তরে তাহাই বটে।”

“আজ রাত্রিতেই স্মার লিষ্টারকে সকল কথা খুলিয়া বলিবেন ত ?”

“না, আজ নয়।”

“কল্য বলিবেন কি ?”

“এ প্রশ্নের ঠিক উত্তর আমি এখন দিতে পারিতেছি না। কখন যে আমি বলিব, তাহার স্থিরতা নাই। আর তাহা বলিয়াও কোন লাভ নাই। হয় ত কালও বলিতে পারি। ইহার বেশী আপনাকে এখন কোন কথা বলিব না। আপনাকে পূর্বাঙ্কে প্রস্তুত হইতে অবকাশ দিলাম, ইহাই যথেষ্ট। নমস্কার।”

লেডী বিবর্ণমুখে বলিলেন, “আপনি কি এখানে আর বেশীক্ষণ থাকিবেন ? শুনিয়াছিলাম, আপনি লাইব্রেরী-ঘরে লিখিতেছিলেন। আপনি কি সেখানে ফিরিয়া যাইতেছেন ?”

“আমি এখন বাড়ী যাইব।”

ব্যবহারাজীব লাইব্রেরী-কক্ষ হইতে টুপিটা লইয়া স্বীয় গৃহাভিমুখে চলিলেন। তখন রাত্রি পোনে আটটা। পদব্রজে বৃদ্ধ রাজপথ অতিবাহন করিতে লাগিলেন। দূরে আকাশপ্রান্তে রুক্ষপক্ষের প্রতিপদের চন্দ্র উঠিয়াছিল।

লেডী ডেডলক্ কক্ষমধ্যে আর থাকিতে পারিলেন না। তাঁহার বকের মধ্যে সমুদ্র-মগ্নন আরম্ভ হইয়াছিল। তাঁহার নিশ্বাস যেন বন্ধ হইয়া আসিল। রমণী গাত্রাবরণে দেহ আচ্ছাদিত করিয়া চন্দ্রালোকে বাহির হইয়া পড়িলেন। প্রাসাদ-সংলগ্ন উদ্যানের চাৰি মার্কারি মুক্ত করিয়া দিল, চাৰিটি নিজের কাছে রাখিয়া পরিচারককে তিনি বিদায়

করিয়া দিলেন। বড় মাথা ধরিয়াকে, কিছুক্ষণ তিনি উদ্যানে পরিভ্রমণ করিবেন। হয় ত এক ঘণ্টা বা ততোধিক কালবিলম্ব হইতে পারে। না, তাঁহার রক্ষীর কোন প্রয়োজন নাই। পরিচারক চলিয়া গেলে তিনি একটা গাছের ঘন ছায়ার নীচে গিয়া দাঁড়াইলেন।

টলকিংহরণ নিজাবাসে প্রবেশ করিলেন। এঘর ওঘর করিয়া তিনি নিজের শয়ন-কক্ষের দিকে চলিলেন। তথায় যাইবার পূর্বে একটা ছোট কারা-গৃহের জায় প্রাক্ষণ অতিক্রম করিলেন। তথায় চাঁদের আলো আসিয়া পড়িয়াছিল। তিনি উর্দনেত্রে একবার চাঁদের বিমল শোভা দেখিলেন। রাত্রি কি শাস্ত !

ও কি ? কে বন্দুক বা পিস্তল ছুড়িল ? কোথায় ?

জনবিবল রাজপথে ছুই একটি পথচারী লোক চমকিয়া থামিল। কোন কোন বাড়ীর রুদ্ধ বাতায়ন ও দ্বার সম্বন্ধে উদ্ঘাটিত হইল। ব্যাপার কি দেখিবার জগু লোকেরা বাহিরে আসিল। বন্দুক বা পিস্তলের শব্দে পল্লীর যেখানে ষত কুকুর ছিল, ভীষণ চীৎকার করিয়া উঠিল। কিয়ৎকাল গোলযোগের পর আবার সব স্থির হইয়া গেল।

টলকিংহরণ কি নিদ্রাঘোর ত্যাগ করিয়া বাহিরে আসিয়াছিলেন ? তাঁহার রুদ্ধ বাতায়ন দেখিয়া তাহাও অনুমান হয় না।

ক্রমে প্রভাত হইল। ব্যবহারাজীবের পরিচারক ঘর পরিষ্কার করিবার জগু আসিল। অগ্রগামী ব্যক্তি সহসা কক্ষমধ্যে প্রবেশ করিয়া সভয়ে পিছাইয়া আসিল। বৃদ্ধ ব্যবহারাজীব ভূমিতলে নিপতিত। তাঁহার বক্ষোদেশ ভেদ করিয়া পিস্তলের গুলী নির্গত হইয়া গিয়াছে। উপুড় হইয়া তিনি পড়িয়া আছেন।

৬৯

সে দিন ব্যাগনেট দম্পতির বাড়ীতে ছোটখাট ভোজের আয়োজন ছিল। শ্রীমতী ব্যাগনেটের আজ জন্মতিথি উৎসব।

ব্যাগনেট পত্নীকে বলিলেন, “দেখ, জর্জ বেলা সাড়ে চারিটার সময় আসিবে বলিয়াছে। সে ঠিক আসিবে।”

তিনটি পুত্র-কন্যা মাতার জন্মতিথি-উৎসব উপলক্ষে সাজসজ্জা করিয়াছিল। শ্রীমতী ব্যাগনেটও একটি নূতন পরিচ্ছদ পরিধান করিয়াছিলেন।

জর্জের প্রসঙ্গে পত্নী বলিলেন, “দেখ, আজকাল জর্জ যেন কেমন একটু আনমনা হইয়া আছেন। তেমন স্ফুর্তি নাই।”

ব্যাগনেট বলিলেন, “কোন উকীলের পাল্লায় পড়িয়া আমার বকুটি বড় বিব্রত হইয়াছে।”

এ প্রশ্নের আলোচনা তখন বন্ধ হইল। কারণ, আহাৰাদির আয়োজন ও পর্যবেক্ষণে স্বামি-স্ত্রী উভয়েই মনোনিবেশ করিলেন।

বেলা সাড়ে চারিটার সময় জর্জ আসিয়া উপস্থিত হলেন।

দাগ-সন্ধানাদির পর শ্রীমতী ব্যাগনেট বলিলেন, জর্জ, তোমার কি হইয়াছে ?

“কেন, কি হইবে ?”

“তোমার চেহারা রুগ্ন, শুষ্ক, মুখ শাদা হইয়া গিয়াছে। আমার কি ?”

লগ্নাটে হাত বুলাইয়া জর্জ বলিলেন, “আমার মুখ শাদা হইয়া গিয়াছে, তাহা ত আমি জানিতাম না। তবে আমারটা এই যে, যে বালকটি আমার আশ্রয়ে ছিল, কাল মারা গিয়াছে। তাহাতেই আমি কেমন যেন হইয়া গিয়াছি। সত্যই আমি সে জন্ত মনে আঘাত পাইয়াছি।”

শ্রীমতী বলিলেন, “আহা! বেচারী মারা গিয়াছে!”

“আজ জন্মতিথি বলিয়া আমি সে কথা তোমাদিগকে জানাইতে চাই নাই। কিন্তু আমার মনমরা ভাব দেখিয়া তোমরা ধরিয়া ফেলিয়াছ। থাক, শ্রীমতী ব্যাগনেট, তোমার মদিনে সামান্য একটা ক্রুচ্ আনিয়াছি।”

দাগ-বালিকারা আনন্দে করতালি দিয়া উঠিল। পতি উহার প্রশংসা করিল। শ্রীমতী ব্যাগনেট বলিলেন, জর্জ, এটা বড় ভাল জিনিস। তোমাকে সহস্র ধন্যবাদ। এখন এটা তুমিই পরাইয়া দাও।”

কিন্তু জর্জের হাত কাঁপিয়া গেল। ক্রুচ্টা পড়িতে গিয়া উহার ধরিয়া ফেলিয়া বলিলেন, “দেখেছ, আমি ত বিচলিত হইয়া পড়িয়াছি যে, এই সামান্য কাজটা করিতে পারিলাম না, আশ্চর্য্য!”

শ্রীমতী ব্যাগনেট বলিলেন, “ইহার ঔষধ—ধূমপান।” বলিয়াই তিনি ক্রুচ্টা নিজেই বস্ত্রে আঁটিয়া তামাক ও নলের দ্বারা কানে গেলেন।

জর্জ বলিলেন, “বালকটির মৃত্যুতে সত্যই আমি অভিভূত হইয়াছি। সংসারের ভাল ও মন্দ কিছুই অভিজ্ঞতা তাহার হয় নাই।”

শ্রীমতী বলিলেন, “ও বিষয়ের আলোচনা এখন বন্ধ থাক, জর্জ, তুমি ধূমপান কর।”

জর্জ তামাক ধরাইয়া লইলেন। তার পর শ্রীমতী ব্যাগনেটের স্বাস্থ্যকামনায় সকলেই কিছু কিছু সুরাপান করিল। আসন্ন বৈশাখ মাস আসিতেছে, এমন সময় দ্বার-পথে একটি মনুষ্যমূর্তি দেখা গেল।

লোকটি কক্ষমধ্যে প্রবেশ করিয়া বলিল, “জর্জ, কেমন আছ ?”

জর্জ উচ্চৈঃস্বরে বলিলেন, “আরে কে ও, বকেট যে।”

ঘরের দ্বার বন্ধ করিয়া দিয়া বকেট বলিলেন, “হ্যাঁ, আমি। এই পথ দিয়া ঘাইতেছিলাম। আমার কোন বন্ধুর পুরাতন একটা বেহালার দরকার ছিল, তাই খুঁজিতে আসিয়াছিলাম। সহসা জানালা দিয়া তোমাকে দেখিতে

পাইলাম, তাই আসিলাম।” এই বলিয়া বকেট সকলকে অভিবাদন করিলেন। ছেলে-মেয়েদের দিকে চাহিয়াও তাহাদিগকে আদর করিলেন।

মিঃ বকেটকে সমাদরে বসিতে বলা হইল। তিনি জর্জের পাশের আসনেই উপবেশন করিলেন। বলিলেন, “আমি ছেলে-মেয়ে বড় ভালবাসি।” তার পর তিনি তাহাদের কত বরস, নাম কি—সব জানিয়া লইলেন।

বকেট বেশ মজলিসী লোক। তাহার কথার ভঙ্গীতে ও মিষ্ট ব্যবহারে সকলেই তাহাকে পরমাত্মীয় জ্ঞান করিল।

শ্রীমতী ব্যাগনেট জর্জের বন্ধু বলিয়া বকেটকে আদর আপ্যায়ন করিতে লাগিলেন। জর্জ আজ তেমন ফুর্জিতে নাই, সে কথাটাও শ্রীমতী বলিয়া ফেলিলেন।

বকেট বলিলেন, “জর্জের ফুর্জি নাই, এ ত একটা আশ্চর্য্য কথা! এমন কথা ত আমি কখনও শুনি নাই। কি ভাই জর্জ, তুমি আজ মনমরা কেন? তোমার মনে কোন দুর্ভাবনা ত থাকিতেই পারে না।”

জর্জ বলিলেন, “কই, তেমন বিশেষ কিছু নয়।”

বকেট বলিলেন, “তোমার মনে কি আছে, তা তুমিই জান। কিন্তু এই সব ছেলে-মেয়েদের দেখিলে মনে কোন দুশ্চিন্তা থাকে না।”

শ্রীমতী বলিলেন, “আপনার পুত্র-কন্যা আছে ?”

বকেট বলিলেন, “না, ম্যাদাম্, সেটি আমার নাই। আমি ও আমার স্ত্রী ছাড়া আর কেহই নাই। আমার স্ত্রীও ছেলে-মেয়ে বড় ভালবাসেন; কিন্তু আমরা সে সৌভাগ্যে বঞ্চিত। কি করিব বলুন। সকলের অদৃষ্টে সকল রকম সৌভাগ্য হয় না বলিয়া ত মরিতে পারি না।”

তার পর জর্জের পিঠ চাপড়াইয়া বলিলেন, “এখন কেমন বোধ হচ্ছে ?”

জর্জ বলিলেন, “বেশ আছি।”

“এই ত বীরের মত কথা। তোমার মত শরীর ও স্বাস্থ্য যাহাদের আছে, তাহারা মনমরা হইয়া থাকিবে কোন দুঃখে? তোমার মনেও এমন কোন চিন্তা নাই, যে জন্ত তোমার ফুর্জি অস্তর্হিত হইতে পারে।”

কিছু সুরা ও ধূমপানের পর ব্যাগনেট-নন্দন বাশী বাজাইল। বকেট তাহাতে যোগ দিলেন। তিনিও এক-কালে ভাল বাশী বাজাইতে পারিতেন। বকেটের কথা-বার্তায় পরিজনস্ব সকলেই পরম শ্রীত হইল। এমন কি, জর্জ প্রথমতঃ বকেটের আগমনে বিশেষ খুসী হন নাই, তিনিও বকেটের সে দিনের ব্যবহারে চমৎকৃত হইয়া গেলেন। লোকটির যে এত গুণ আছে, তাহা তিনি জানিতেন না।

অবশেষে জর্জ উঠিলেন। তিনি গৃহে ফিরিবেন। বকেটও বন্ধুর সঙ্গে ঘাইবেন বলিয়া প্রতীক্ষা করিতেছিলেন। তিনিও উঠিলেন। পরদিবস আসিয়া তিনি একটা বেহালা কিনিয়া লইবেন, কথা স্থির রহিল।



রাজপথে আসিয়া বকেট জর্জের বাহু আপনার বাহুর মধ্যে টানিয়া লইয়া বলিলেন, “চল ভাই, জর্জ, এইবার যাওয়া যাক।”

জর্জের ইচ্ছা ছিল, তিনি একাই পথ চলেন; কিন্তু বকেটের সঙ্গে এড়াইতে পারিলেন না। পথ চলিতে চলিতে একটা বাড়ীর একটি কক্ষে লইয়া গিয়া বকেট জর্জকে বলিলেন, “ভাই, কর্তব্য গুরুতর। যখন বন্ধুত্ব করিবার কথা, তখন বন্ধুত্ব করিব। কিন্তু একের জন্ত অপরের ক্ষতি হয়, তাহাতে আমি রাজি নই। আমি যথাসাধ্য চেষ্টা করিয়া তোমাকে আনন্দ দিয়াছি, কেমন, ঠিক নয় কি? জর্জ, এখন জানিও, তুমি বন্দী।”

বজ্রাহতের শ্রায় জর্জ বলিলেন, “বন্দী? কেন?”

বকেট বলিলেন, “দেখ ভাই, তোমাকে একটা কথা স্মরণ করাইয়া দেওয়া আমার কর্তব্য। এখন তুমি যে কথা বলিবে, তাহা তোমারই বিরুদ্ধে যাইবে। সুতরাং বিশেষ বিবেচনা করিয়া কথা বলিও। তুমি খুনের কথা শোন নাই?”

“খুন?”

“জর্জ, সাবধান, যা তা বলিও না। আমি তোমাকে কোন প্রশ্ন করিতেছি না। আজ অপরাহ্নে তুমি মনমরা হইয়াছিলে। আমি শুধু বলিতেছিলাম, কোন খুনের কথা শুন নাই কি?”

“না, কোথায়, কে খুন হয়েছে?”

“লিঙ্কলনস্ ইন ফিল্ডে একটি ভদ্রলোক হত হইয়াছেন, তাঁর নাম টল্কিংহরগ। কাল রাত্ৰিতে কে তাঁহাকে গুলী করিয়া মারিয়াছে। আমি তোমাকে সেই অপরাধে গ্রেপ্তার করিতেছি।”

সৈনিকের ললাটে বড় বড় ঘর্মবিন্দু দেখা দিল। মুখ-মণ্ডল বিবর্ণ হইয়া গেল। তিনি বলিলেন, “বকেট! মিঃ টল্কিংহরগ সত্যই নিহত হইয়াছেন? আর সেই জন্ত তুমি সন্দেহক্রমে আমাকে গ্রেপ্তার করিতেছ? অসম্ভব!”

“অসম্ভব নহে। কারণ, ইহাই প্রকৃত ঘটনা। কাল রাত্ৰি দশটার সময় এই হত্যাকাণ্ড হইয়াছে। কাল রাত্ৰিতে সেই সময় তুমি কোথায় ছিলে, তাহার প্রমাণ নিশ্চয় দিতে পারিবে।”

“কাল রাত্ৰিকালে!” সহসা জর্জের মাথায় যেন বিদ্রোহ খেলিয়া গেল। “সত্যই ত! কাল রাত্ৰিকালে আমি ত ঐখানেই গিয়াছিলাম।”

বকেট বলিলেন, “আমি ত তাহাই বুঝিয়াছি। আজ-ফাল প্রায়ই তুমি ঐ বাটীতে যাইতে। ওখানে তোমাকে নেকেই দেখিয়াছে। তাহা ছাড়া নিহত ব্যক্তির সহিত গামার বাদানুবাদও হইয়াছিল, তাহার সাক্ষীও আছে। জর্জ, স্যার লিটার হত্যাকারীকে ধরিবার জন্ত দেড় আশ টাকার পুরস্কার ঘোষণা করিয়াছেন। তোমার

সঙ্গে আমার কোন বিরোধ নাই। কিন্তু একটা কর্তব্য আমার আছে। যদি ঐ দেড় হাজার টাকা পুরস্কারটা পাওয়া যায়, তবে তাহা অস্ত্রে কেন নয় বল। আমি না ধরি, আর এক জন ত ধরিবে। তাই তোমাকে ধরিয়াছি।”

জর্জ সহসা উন্নত মস্তকে বলিলেন, “চল, প্রস্তুত।” “একটু অপেক্ষা কর” বলিয়া বকেট একখোলা হাতকড়া বাহির করিলেন। বলিলেন, “অপরাধটা অত্যন্ত গুরুতর। সুতরাং আমাকে কর্তব্য পালন করিতে হইবে।”

সৈনিকের নয়ন একবার উদ্দীপ্ত হইয়া উঠিল; কিন্তু পরক্ষণেই তিনি দুই হাত বাড়াইয়া দিয়া বলিলেন, “পরাও।”

হাতকড়া লাগাইয়া প্রাচীর-বিলম্বিত একটা অপরাধী টানিয়া লইয়া তিনি জর্জের দেহ তদ্বারা আচ্ছাদিত করিয়া বলিলেন, “তোমার মনের অবস্থা কি হইতে পারে তাহা ভাবিয়া আমি এটাও লইয়া আসিয়াছিলাম।”

জর্জ বলিলেন, “এতই যদি করিলে, তবে আর একটা উপকার কর। আমার মাথার টুপীটা চোখের উপর নামাইয়া দাও।”

তার পর দৃঢ়চরণে গন্তব্য স্থানে যাত্রা করিলেন।

৩০

দিন হইতে প্রত্যাবর্তনের পর আমি ক্যাডির নিকট হইতে একখানি পত্র পাইলাম। ইতিমধ্যে তাহার একটি সন্তান জন্মিয়াছিল, আমি তাহার ধর্মমাতার পদ গ্রহণ করিয়াছিলাম। ক্যাডি পত্রে লিখিয়াছিল, তাহার শরীর কিছুদিন হইতে বড়ই অসুস্থ, তাই সে আমার একবার দেখিতে চায়। আমি তখনই লগুনে যাত্রা করিলাম। পরদিন আবার লগুনে তাহার কাছে গেলাম। উপযুক্তপরি দুই তিন দিন লগুনে যাতায়াত করার পর কর্তা বলিলেন, “এ রকমে চলিবে না, ইহার ইহাতে তোমার শরীর ভাঙি পড়িবে। তার চেয়ে লগুনে গিয়া আমাদের পুরাতন বাসাটা অধিকার করা যাউক।”

আমি বলিলাম, কর্তা, “আমার জন্ত ইহার কিছুমাত্র প্রয়োজন নাই। আমার শরীর যথেষ্ট ভাল, কোন কষ্টই হয় না। বরং ভাল থাকি।”

“তবে আমার জন্তই প্রয়োজন, নতুবা আদার জন্তও দরকার ত! কাল বোধ হয়, এক জনের জন্ম-তারিখ, কেমন, নয় কি?”

“সত্যই ত। কাল আদার জন্মতিথি। কাল সে একুশ বৎসরে পা দিবে।”

“আদা সাবালিকা হইবে, সুতরাং সে জন্তও লগুনে গিয়া একটা বিলি-ব্যবস্থা ও কিছু আমোদ-প্রমোদ করা দরকার নয় কি? ভাল কথা, ক্যাডিকে কেমন দেখিলে?”

আমি বলিলাম, “সে বড় অসুস্থ। সারিয়া উঠিতে অনেক সময় লাগিবে, কর্তা।”

“সময় লাগিবে বুঝিলাম, কিন্তু কত দিন লাগিবে মনে কর?”

“কয়েক সপ্তাহের মধ্যে সে আরোগ্য লাভ করিবে বলিয়া মনে হয় না।”

“বটে!”—কর্তা কিয়ৎকাল চিন্তিতভাবে পাদচারণ করিয়া বলিলেন, “যে ডাক্তার তাহাকে দেখিতেছেন, তিনি কি স্ম-চিকিৎসক? তোমার কি মনে হয়?”

সত্য বলিতে কি, আমি সেটা জানিতাম না। তবে প্রসঙ্গের সঙ্গে আলোচনার পর বুঝিয়াছিলাম যে, আর কোন ডাক্তারের পরামর্শ লইলে ভাল হয়। আমি কর্তাকে সে কথা বলিলাম।

তিনি বলিলেন, “উডকোর্টকে দেখান যাইতে পারে।”

এ কথাটা আমার মনে আসে নাই। সুতরাং আমি একটু বিষয় প্রকাশ করিয়াই ফেলিয়াছিলাম।

“ওগো রাণি! তাঁকে দেখাইতে তোমার কোন যাপত্তি আছে কি?”

“না, না, কর্তা, আপত্তি কিসের? সে ত ভালই হইবে।”

“রোগীও বোধ হয় আপত্তি করিবে না?”

আমি জানিতাম, মিঃ উডকোর্টের প্রতি ক্যাডির বরং শ্রদ্ধাই আছে। তিনি তাঁহার সুপরিচিত। মিস্ ফ্লিটের পীড়ার সময় ক্যাডি সর্বদা তাঁহাকে দেখিতে পাইত। সে কথা আমি কর্তাকে জানাইলাম।

“বেশ কথা। আজ তিনি এখানে আসিয়াছিলেন। আমি কাল এ বিষয়ের জ্ঞান তাঁহার সহিত দেখা করিব।”

আমি যে অবিলম্বে ব্লিক হাউসের কর্তার পদে প্রতিষ্ঠিত হইব, এ সংবাদটা আদা ও ক্যাডিকে জানান হয় নাই। এইবার সংবাদটি তাহাদিগকে জানাইবার সময় আসিয়াছে। এখন আর কালবিলম্ব করিলে এক জনের প্রতি অধর্ম করা হইবে। সেই রাজিতেই আমি আদাকে সকল কথা বলিলাম। গুনিয়া আমার প্রাণাধিকা আমার প্রতি আরও মনোবৃত্তি প্রকাশ করিতে লাগিলেন। আমিও গুপ্তকথা প্রকাশ করিয়া আনন্দলাভ করিলাম।

পরদিন আমরা লণ্ডনে গমন করিলাম। উডকোর্ট স্নান-ভোজে আমন্ত্রিত হইলেন। সে দিন শুধু রিচার্ডই যত্নপস্থিত। আদার জন্মতিথির উৎসব শেষ হইলে আমি ক্যাডির রোগশয্যার পার্শ্বে গেলাম।

প্রায় আট কি নয় সপ্তাহ ধরিয়া আমি ক্যাডির কাছেই নয়ত রহিলাম। আদার সঙ্গে বড় একটা দেখা হইত না। আদাও তাহাকে দেখিতে আসিতেন। মাঝে মাঝে সারা ত্রি আমি ক্যাডির সেবা করিয়াছি—বাসায় যাইতে পারি হই, এমন দিনও আসিয়াছিল।

মিঃ উডকোর্ট ক্যাডির চিকিৎসার ভার লইয়াছিলেন। তিনি ছুই বেলাই তাহাকে দেখিতে আসিতেন। তাঁহার চিকিৎসার ক্যাডি দিন দিন সুস্থ হইয়া উঠিতে লাগিল।

ডাক্তারের সঙ্গে এতদূরলক্ষ্যে প্রায়ই আমার সঙ্গে দেখা হইত, তবে তিনি যখন আসিতেন, সেই সময় বিশ্রামার্থ আমি আমাদের বাসায় ফিরিয়া আসিতাম।

ক্যাডির আরোগ্যলাভের সঙ্গে সঙ্গে আমার প্রাণাধিকা আদার যেন কিছু পরিবর্তন আমি লক্ষ্য করিলাম। আমার মনে হইল, তিনি যতটা প্রফুল্লতার ভাব দেখাইতে চেষ্টা করেন, সেটা যেন ঠিক আন্তরিক নহে। যেন মনের কোথাও একটা দুঃখ আসিয়া আসন গ্রহণ করিয়াছে। কেন তাঁহার এই পরিবর্তন ঘটিল, তাহা জানিবার জ্ঞান আমার উৎকর্ষা বাড়িল। অবশেষে আমার মনে হইল, আমি ব্লিক হাউসের কর্তৃপদে প্রতিষ্ঠিত হইব, এই সংবাদ জানিয়া কি আদার মনে দুঃখ আসিয়াছে? ইদানীং ক্যাডির রোগের জ্ঞান গৃহস্থালীর অনেক কাজ করিবার অবকাশ পাইতাম না। পুনরায় কাজে মন দিলাম, এবং গল্প-গুজবে আদার মন প্রসন্ন রাখিবার চেষ্টা করিতে লাগিলাম; কিন্তু কখনো তাঁহাকে পূর্ববৎ দেখিতে পাইলাম না।

আদা, আমি ও কর্তা একদা রাত্রিতে বসিয়া গল্প করিতেছি, এমন সময় কর্তা বলিলেন, “উডকোর্ট শেষকালে সত্যি ক্যাডিকে নিরাময় ও সবল করিয়া তুলিলেন?”

আমি বলিলাম, “ক্যাডি এজ্ঞান সারাজীবন তাঁহার নিকট কৃতজ্ঞ থাকিবে।”

কর্তা বলিলেন, “এমন কোন উপায় যদি জানা থাকিত যে, মানুষকে কোটিপতি করা যায়, তাহা হইলে উডকোর্টকে ধনী বানাইতাম, কেমন, সত্য নয় কি?”

আমি হাসিয়া তাঁহাকে বলিলাম, “সেটা হয় ত ঠিক হইত না। কারণ, ঐশ্বর্যের চাপে তাঁহার মনুষ্যত্ব হয় ত নষ্ট হইয়া যাইত। অধিক অর্থ হইলে অনেক আতুর ও দরিদ্র তাঁহার সাহায্য হইতে হয় ত বঞ্চিত হইত।”

কর্তা বলিলেন, সেটা ঠিক বটে। ও কথাটা আমি ভুলিয়া গিয়াছিলাম। কিন্তু সংসারযাত্রা স্বচ্ছন্দে নির্বাহিত হয়, এমন ভাবে ধনবান তিনি হউন, ইহা কি আমাদের বাঞ্ছনীয় নয়? তাঁহার এমন ভাব থাকা দরকার, যাহাতে তিনি সুখে শান্তিতে তাঁহার বাঞ্ছিতা নারীকে লইয়া দিনযাপন করিতে পারেন।”

অবশ্য সে কথা স্বতন্ত্র। ইহাতে আমাদের কাহারই মতের অনৈক্য ছিল না।

কর্তা বলিলেন, “উডকোর্টকে আমি অত্যন্ত শ্রদ্ধা করি। তাঁহার সম্বন্ধে আমার ধারণা অত্যন্ত উচ্চ। ভবিষ্যতে তিনি কি করিবেন, সে সম্বন্ধে আমি তাঁহাকে প্রশ্ন করিয়াছিলাম। তাঁহার মত স্বাধীনচেতা, আত্মনির্ভরশীল ব্যক্তিকে সাহায্য করিবার কথা বলা অত্যন্ত কঠিন। যদি আমি বুদ্ধিতে পারিতাম, কিরূপে তাঁহাকে সাহায্য করিলে তাঁহার পছন্দ হইবে, তবে তাহাও আমি করিতাম। আর

একবার বিদেশে যাইবার ইচ্ছা তাঁহার আছে। কিন্তু তাহা হইলে এমন একটা লোককে হারাইতে হয়।”

আমি বলিলাম, “কিন্তু বিদেশে গেলে হয় ত তাঁহার উন্নতি হইতে পারে?”

“হাঁ, তা পারে; এ দেশে তাঁর বিশেষ কোন উন্নতির সম্ভাবনা যে আছে, বোধ হয়, তাহা তিনি মনে করেন না। আমার মনে হয়, তিনি যেন কোন বিষয়ে হতাশ্বাস হয়েছেন। তুমি কিছু জান কি?”

আমি মাথা নাড়িয়া বলিলাম যে, কিছুই জানি না।

কর্তা বলিলেন, “তবে হয় ত আমার এ অনুমানটা মিথ্যা।”

আমি তখন গুন গুন স্বরে আমার প্রিয় একটি গানের চরণ গাহিতেছিলাম। উহা শেষ করিয়া বলিলাম, “আপনার বিশ্বাস কি যে, মিঃ উডকোট সত্যি আবার জলঘাতা করিবেন?”

“ঠিক জানি না। তবে ভাবে বোধ হয়, তিনি ভিন্নদেশে গিয়া দীর্ঘকাল ধরিয়া ভাগ্যপরীক্ষা করিবেন।”

আমি বলিলাম, “তিনি যেখানেই যান না কেন, আমরা সর্বস্বত্বকরণে তাঁহার মঙ্গল কামনা করিতেছি। যদিও ধনৈর্ঘর্য্য দিবার ক্ষমতা নাই, তথাপি তিনি সে জ্ঞ দারিদ্র্যের অভাব বোধ করিবেন না।”

কর্তা বলিলেন, “নিশ্চয় না।”

আমি ইদানীং কর্তার পার্শ্বস্থ আসনেই বসিতাম। সেই পত্র লেখার পর হইতে আমি উক্ত স্থান অধিকার করিয়াছিলাম। সে রাত্রিতেও সেই আসনে আমি বসিয়াছিলাম। আদা আমার সম্মুখের আসনেই বসিয়াছিলেন। দেখিলাম, তাঁহার নয়ন অশ্রুপূর্ণ। আমি তাঁহাকে লইয়া উপরে চলিয়া গেলাম। তাঁহার মনের দুঃখ যে কি, তাহা জানিবার আমি কোন চেষ্টাই করিলাম না।

আদা বলিলেন, “ইস্কার, তোমরা যখন দুজনে একত্র ছিলে, সেই সময় যদি আমি তোমাদিগকে আমার কথাটা বলিতে পারিতাম।”

আমি বলিলাম, “প্রাণাধিকা আদা, কেন বলিলে না? না বলিবার কারণ কি, ভাই?”

মাথা নত করিয়া আদা আমাকে তাঁহার বক্ষে চাপিয়া ধরিলেন।

আমি বলিলাম, “দেখ, আমরা অনেকটা সেকালের ভাব-যুক্ত, আমার কাছে কোন কথা বলিতে তোমার ইতস্ততঃ করিবার প্রয়োজন নাই। আমাদের জীবনটা বাহাতে সুখে ও শান্তিতে কাটে, সে জ্ঞা যিনি এত ব্যবস্থা করিয়া রাখিয়াছেন, তাঁহারও কাছে তোমার কোন কথা চাপিয়া রাখিবার প্রয়োজন আছে কি? তিনি কিরূপ হৃদয়বান্ মহৎ লোক, তাহা ত তুমি জান!”

“নিশ্চয় তা জানি, ইস্কার।”

“তবে, ভাই, দুঃখের বিষয় এমন আর কি আছে, যাহা তুমি আমাদের কাছে বলিতে পার না?”

“তাই কি সত্য, ইস্কার? এই যে এত দিন পিতার গ্লান শ্রমে, আদর, ভালবাসা পাইলাম, তোমার এই যে বন্ধন, এ সকল কি কিছুই নয়? যখন আমি সে সকল কথা ভাবি, তখন আকুল হইয়া উঠি! হায়, আমি কি করি বল!”

আমি সবিস্ময়ে আদরিলী আদার দিকে চাহিলাম। কিন্তু তাঁহার কোন কথার উত্তর দেওয়ার প্রয়োজনীয়তা বুঝিলাম না। শুধু নানা পুরাতন কথায় তাঁহাকে প্রফুল্ল রাখিবার চেষ্টা করিলাম। ক্রমে আদা ঘুমাইয়া পড়িলে আমি কর্তার কাছে ফিরিয়া আসিলাম। রাত্রির মত বিদায় লইয়া শয়ন-গারে ফিরিয়া আসিয়া আদার পার্শ্বে বসিলাম। মুখমণ্ডলে দৃষ্টি পতিত হইলে বুঝিলাম, আদার যেন কিছু পরিবর্তন হইয়াছে। ইদানীং এ কথা প্রায়ই আমার মনে হইত। নিদ্রাঘোরে তিনি অচেতন; কিন্তু কেন তাঁহার এ পরিবর্তন, তাহার কোন হেতু আমি খুঁজিয়া পাইলাম না। কেবলই বোধ হইতেছিল, আদার চিরপরিচিত সেই স্বপ্নমাটুকু যেন আদার সুন্দর মুখমণ্ডল হইতে অন্তর্হিত হইয়াছে। রিচার্ডের কথা সহসা মনে আসিল। আদা রিচার্ডের প্রেমের পরিণাম যে কি হইবে, তাহা ভাবি আমার মন যেন দুঃখভারে পীড়িত হইয়া উঠিল।

ইদানীং ক্যাডির রোগশয্যার পার্শ্ব হইতে বাড়ী ফিরি আসিলে আমি দেখিতে পাইতাম, আদা সূচিকার্য্যে নিযুক্ত কিন্তু কাহার জ্ঞা তিনি কোন্ জিনিষ সীবন করিতেছেন, তা আমি দেখিতে পাই নাই। আজও যে টেবলের টানার মত সেটি রক্ষিত আছে, তাহার চাবি খোলা ছিল; কিন্তু তথ্য আমি তাহা মুক্ত করিয়া দেখিলাম না। শুধু এ বুঝিলাম, যাহাই তিনি বয়ন করুন না, সেটা তাঁহার জ্ঞা নহে।

অনেক কথা ভাবিতে ভাবিতে আমি ঘুমাইয়া পড়িলাম

৫১

উডকোট লগুনে আসিবার পরই প্রতিশ্রুতিমত রিচার্ডে সন্মানে উকীল ভোলেসের আফিসে গিয়াছিলেন। সে কথা তিনি আমাকে পরে বলিয়াছিলেন। প্রথমেই উকীলে সহিত দেখা হইলে তিনি রিচার্ডের ঠিকানা চাহেন। উকীল উপযাচক হইয়া উডকোটকে বুঝাইয়া দেন যে, তাঁহার বন্ধু রিচার্ড বড়ই বিপন্ন। যে খেলায় তিনি নামিয়াছেন, তাহাতে প্রচুর অর্থের প্রয়োজন। সম্পত্তি হইতে যতটুকু অর্থ আদায় হইবার সম্ভাবনা, ততদূর পর্য্যন্ত তিনি মোকদ্দমা চালাইবেন; কিন্তু তাহার বেশী চালাইতে গেলে আরও অর্থের প্রয়োজন। উডকোট সে সকল কথা জানিবার জ্ঞা তথায় যান নাই। তিনি শুধু রিচার্ডের ঠিকানা চাহেন। অবশেষে উকীল



চাহাকে জানাইলেন যে, পাশের বাড়ীতে রিচার্ড থাকেন।  
কিন্তু পরামর্শের প্রয়োজন বিধায় তিনি এত নিকটেই  
নাছেন।

উড্‌কোর্ট নির্দিষ্ট কক্ষাভিমুখে অগ্রসর হইয়া দেখিলেন,  
রিচার্ড একখানি বই লইয়া বসিয়া আছেন। দৃষ্টি পুস্তকে  
মাবদ্ধ, কিন্তু মন অন্ত্র ঘুরিয়া বেড়াইতেছিল। আমি  
সন্ধানিবাসে রিচার্ডকে যে অবস্থায় দেখিয়া আসিয়াছিলাম,  
রক্তার তাঁহাকে তদপেক্ষা অসুস্থ দেখিলেন। মুখমণ্ডল  
খুন্দাপেক্ষা বিবর্ণ ও প্রফুল্লতাবর্জিত।

অনেকক্ষণ দাঁড়াইবার পর তবে রিচার্ড উড্‌কোর্টকে  
দখিতে পাইলেন। লাফাইয়া উঠিয়া তিনি বলিলেন,  
উড্‌কোর্ট, তুমি!”

ডাক্তার বলিলেন, “এখন কেমন আছ? পৃথিবীর  
স্বাস্থ্য কি?”

“ভাল নয়। অন্ততঃ আমার সম্বন্ধে।”

“তোমার কোন্ বিষয়ের কথা বলিতেছ?”

“মোকদ্দমা সংক্রান্ত।”

“সে চিরন্তন মোকদ্দমায় ভাল কাহারও হইয়াছে,  
তাহা ত এ পর্যন্ত শুনি নাই।”

রিচার্ড বিষম্মুখে বলিলেন, “তাই ত কথা!”

কিয়ৎকাল পরে তিনি মিঃ উড্‌কোর্টকে বুঝাইয়া দিলেন  
য, আদাকে তিনি তাঃ বাসেন, তাহাকে বিবাহ করিবেন,  
সুতরাং শুধু নিজের সম্পত্তি উদ্ধারই তাঁহার ব্রত নয়।  
আদার সম্পত্তি যাহাতে আদা পান, সেই জন্তই তাঁহার এই  
প্রাণান্তকর পরিশ্রম ও অর্থব্যয়। রিচার্ড যেরূপ আন্ত-  
রিকতার সহিত এ বিষয়ের আলোচনা করিয়াছিলেন, তাহা  
শুনিয়া উড্‌কোর্টও বিচলিত হন। আদার সঙ্গে এ বিষয়ে  
আলোচনা করিবার সময় উড্‌কোর্ট অনেকক্ষণ আর কোন  
কথাই বলেন নাই। শুধু আদা ও রিচার্ডের কথা।  
ক্যাডির অসুখের সময়েই তিনি আমাকে এ সকল  
কথা বলেন। উহা শুনিয়া আমার আশঙ্কা হইয়াছিল  
য, ভোলেস্ আদার ক্ষুদ্র সম্পত্তিটুকুও গ্রাস করিয়া  
ফেলিবে।

ক্যাডি আরোগ্যলাভ করিলেই আমি এক দিন আদার  
কাছে প্রস্তাব করিলাম যে, আমরা রিচার্ডকে দেখিতে  
যাইব। কিন্তু আমি সবিস্ময়ে লক্ষ্য করিলাম যে, এ কথায়  
আদা বিশেষ উৎসাহিতা হইলেন না, বরং তাঁহার একটু  
ইতস্ততঃ ভাব লক্ষ্য করিলাম।

আমি বলিলাম, “আমি ক্যাডির কাছে যে কয় দিন  
ছিলাম, তার মধ্যে তোমার সহিত রিচার্ডের কোন মনো-  
মালিষ্ঠ হয় নাই ত?”

“না, ইহার।”

“তাঁর কাছ থেকে কোন পত্রাদি পেয়েছ কি?”

“হ্যাঁ, তা পেয়েছি।”

তাঁহার প্রেমজ্যোতিরুদ্ভাসিত আনন অশ্রুসিক্ত দেখিয়া  
আমি বাস্তবিকই বিস্মিত হইলাম। সত্যই আমার আদরিণী  
রাণীকে এখনও ঠিক স্বভাবে পারিলাম না। আমি একা  
রিচার্ডের সঙ্গে দেখা করিতে যাইবার প্রস্তাব করিলাম,  
তাহাতেও তিনি রাজি হইলেন না। শেষে তিনি আমার  
সঙ্গে যাইতে সম্মত হইলেন।

সেই দিনই আমরা রওনা হইলাম। দিনটা মেঘমণ্ডিত,  
মাঝে মাঝে দুই চারি ঘণ্টা বৃষ্টি পড়িতেছিল। অনেক  
কষ্টে আমরা বাড়ী খুঁজিয়া পাইলাম। উভয়ে রিচার্ডের  
ঘরের মধ্যে দরজা খুলিয়া প্রবেশ করিলাম। রিচার্ড তখন  
গৃহেই ছিলেন। চারিদিকে কাগজপত্র ছড়ান।

আমাদিগকে দেখিয়া তিনি সমাদরে আহ্বান করিলেন,  
বলিলেন, “আর একটু আগে আসিলে উড্‌কোর্টের সঙ্গে  
দেখা হইত। তিনি রোজই আসেন। কাজ থাকে  
সঙ্গেও প্রতিদিনই আসেন, এমন চমৎকার বন্ধু আমি  
পাইব না।”

আমি ভাবিলাম, “ভগবান্ তাঁহার মঙ্গল করুন।  
আমার কাছে তিনি যাহা অঙ্গীকার করিয়াছিলেন, তাহা  
প্রতিপালন করিতেছেন।”

কথায় কথায় আমি বলিলাম, “রিচার্ড, এ স্থানটা ভাল  
নয়, তোমার স্বাস্থ্য অন্ত্র গেল ভাল হইত।”

মুহূ হাসিয়া রিচার্ড বলিলেন, “তাঁত হবে না, শুধু  
একটামাত্র পথ আছে, হয় মোকদ্দমার শেষ, নয় ত  
মোকদ্দমাকারীর শেষ, এইরূপেই এখানকার সহিত আমার  
সম্বন্ধ সমাপ্ত হইবে।”

রিচার্ডের সে প্রফুল্ল আনন নাই। চোখ দুইটি আরও  
উজ্জল, আরও বিস্মৃত হইয়াছে। আমার হৃদয় তাঁহার জন্ত  
কাঁদিয়া উঠিল। আদা তাঁহার দিকে মুখ ফিরাইয়া  
বসিয়াছিলেন।

রিচার্ড একটা সোফার উপর হেলান দিয়া বিমর্ষভাবে  
বলিলেন, “এক এক সময় এমন ক্লান্তি, এমন অবসাদ  
বোধ হয়।”

আদা ধীরে ধীরে উঠিলেন। ধীরে ধীরে রিচার্ডের  
দিকে অগ্রসর হইয়া জাহ্নু পাতিয়া তাঁহার সম্মুখে বসিলেন।  
দুই কোমল বাহুর দ্বারা রিচার্ডের গলা বেঁধেন করিয়া আমার  
দিকে মুখ ফিরাইয়া বলিলেন, “প্রাণের ইহার, আমি আর  
বাড়ী যাইব না।”

সহসা আমার মাথার মধ্যে বিদ্যৎ খেলিয়া গেল।

“না, আর ফিরিব না। আমার প্রেমময় স্বামীর  
সহিত আমি থাকিব। প্রায় দুই মাসের উপর হইল,  
আমাদের বিবাহ হইয়াছে। আমাকে ছাড়িয়া, ইহার, তুমি  
বাড়ী যাও। আর আমি গৃহে ফিরিব না।” বলিতে বলিতে  
আদা তাঁহার স্বামীর বক্ষে মুখ লুকাইলেন। আমি বুঝিলাম,  
মৃত্যু ব্যতীত এ প্রেমের পরিবর্তন অসম্ভব।

রিচার্ড বলিলেন, “প্রিয়তমে, ইহারকে বল, কিরূপে ইহা ঘটয়াছিল।”

আদা আমার কাছে আসিলেন। উভয়ে উভয়কে আলিঙ্গন-পাশে বন্ধ করিলাম। আদা বলিলেন, “ইহার, তুমি আমার ক্ষমা করিবে ত? জন মার্জনা করিবেন কি?”

আমি বলিলাম, “ঐহাকে ত তুমি জান, আদা। মুহূর্তের জন্তও ঐহাকে সন্দেহ করিও না। আর আমার কথা?—ক্ষমা করিবার ইহাতে কি আছে, ভাই?”

আদা আমার পার্শ্বে বসিয়া বলিলেন, “আমার যাহা কিছু সবই ত রিচার্ডের। আমি ঐহাকে ভালবাসি, সুতরাং ঐহাকে বিবাহ করা ছাড়া আমার উপায় ছিল না।”

রিচার্ড বলিলেন, “ইহার, সে সময় তুমি এত ব্যস্ত যে, স সময়ে তোমাকে কোন কথা বলাই যায় না, তা ছাড়া দীর্ঘকাল বিবেচনা করিয়াই যে আমরা এই পথ অবলম্বন করিয়াছিলাম, তাহাও নহে। এক দিন সকালবেলা দুজনে বাহির হইয়াই বিবাহ করিয়া আসি।”

আদা বলিলেন, “উহা শেষ হইবার পর, আমি রোজই ভাবিয়াছি, কি করিয়া তোমাকে কথাটা বলিব। এক এক সময় মনে হইত, তোমাকে সোজা বলিলেই হয়; আবার মনে হইত, না, বলিয়া কাজ নাই, কারণ, জনের নিকট কথাটা লুকাইয়া রাখা উচিত হইবে না। এই রকম নানা চিন্তায় আমি কৰ্তব্য স্থির করিতে পারি নাই।”

ভাবিলাম, আমি কি স্বার্থপর যে, এ কথাটা একবারও আমার মনে আসে নাই। উত্তরে কি বলিয়াছিলাম, মনে নাই। তবে দুঃখও হইয়াছিল, আনন্দও হইয়াছিল। যাহা হউক, আমি মনে যাহাই ভাবি না কেন, তাহাদের সুখকে—আনন্দকে ম্লান করিয়া দিবার মত কোন কথা বলি নাই।

খানিক পরে আদা ঐহার বক্ষঃস্থল হইতে সমস্ত লুকায়িত পরিণয়জ্ঞাপক অঙ্গুরীয়টি বাহির করিয়া অঙ্গুলিতে ধারণ করিলেন।

তার পর বিদায়ের পালা। আদা আমার গলা ধরিয়া কত অশ্রু বিসর্জন করিলেন। আমারও চক্ষু কি ছাই গুলু ছিল! রিচার্ডের অবস্থাও শোচনীয়।

কোনমতে সে দিনের মত বিদায় লইয়া নীচে নামিয়া আসিলাম। এইবার রুদ্ধ অশ্রুস্রোত প্লাবনধারার স্তর বাহিরে ছুটিয়া আসিল। এত দিন পরে আমার আদাকে যেন হারাইলাম। অতি কষ্টে চক্ষু মার্জনা করিয়া গৃহে ফিরিলাম। পা চলিতেছিল না।

গাড়ী ভাড়া করিয়া বাড়ী ফিরিলাম। সেন্ট আল্বানের সেই বালক জোঁটির অবস্থা ভাল নয় শুনিয়া কৰ্ত্তা তাহাকে দেখিতে গিয়াছিলেন। কাজেই গৃহমধ্যে একা বসিয়া আবার কাঁদিতে লাগিলাম।

আদাকে যে অবস্থায় এবং সৰূপ আবেষ্টনের মধ্যে ফেলিয়া আসিয়াছি, তাহাতে আমার মন একবিন্দু স্থির হইল না।

বৈকালে গোপনে ঐহাকে আর একবার দেখিয়া আসি স্থির করিলাম। শালিকে কথাটা জানাইলাম। সন্ধ্যা পূর্বেই দুই জনে বাহির হইলাম।

বাড়ীর কাছে যখন পৌঁছিলাম, তখন অন্ধকার ঘনাই আসিয়াছে। শালিকে বাহিরে রাখিয়া নিঃশব্দ-ক্ষিপ্ৰচর্য্য দম্পতির কক্ষের দিকে চলিলাম। রুদ্ধ দ্বারপথে কা রাখিয়া তাহাদের কথা শুনিয়া আবার তেমনই ভাবে নীচ নামিয়া আসিলাম। এবার অপেক্ষাকৃত মনটা হালুক হইল।

বাড়ী ফিরিয়া গেলাম। কৰ্ত্তা ফিরিয়া আসিয়াছেন তিনি জানাবার ধারে দাঁড়াইয়া কি যেন চিন্তা করিতে ছিলেন। আমাকে দেখিয়াই ঐহার মুখমণ্ডল প্রসন্ন হইল।

সহসা আমাকে নিরীক্ষণ করিয়া তিনি বলিলেন, “তুমি কাঁদছিলে, ইহার?”

“হাঁ কৰ্ত্তা, একটু কাঁদিয়াছি। আদা বড়ই অমৃতপ্ত, সে আপনার কাছে ক্ষমা চাহিয়াছে।”

আমার মুখের দিকে চাহিয়া তিনি যেন ব্যাপারটা বুঝিতে পারিলেন। বলিলেন, “সে কি বিয়ে করেছে?”

আমি যাহা জানিতাম, সবই বলিলাম।

কৰ্ত্তা বলিলেন, “ক্ষমার কোন কথাই নাই। ভগবান তাহাকে আশীর্বাদ করুন, তাহার স্বামীও যেন ভগবানের আশীর্বাদ লাভ করে। কিন্তু হায়! বেচারার রিক্, বেচার আদা!”

কিছুক্ষণ উভয়ে কোন কথাই বলিলাম না। অবশেষে একটা দীর্ঘশ্বাস ফেলিয়া তিনি বলিলেন, “রিক্ হাউস ক্রমশঃই জনশূন্য হয়ে পড়ছে!”

“কিন্তু কৰ্ত্তা, ইহার কৰ্ত্তী ত আছে। সে সকলকে খুঁট করিতে পারিবে বলিয়া আশা হয়।” কথাটা বলিষ্ঠে আমার বাধ-বাধ ঠেকিতেছিল; কিন্তু ঐহার খেদোষি শুনিয়া আমি আর থাকিতে পারিলাম না।

কৰ্ত্তা বলিলেন, “হাঁ, সে তা পারিবে।”

সেই পত্র লেখার পর শুধু আসনের স্থান পরিবর্তন ব্যতীত বাক্য বা ব্যবহারে অল্প কোন প্রকার পার্থক্যই ছিল না। এই কথার পরও পূর্বপদ্ধতির কোনও ব্যতিক্রম ঘটিল না। তিনি স্নেহময় পিতার স্তর দৃষ্টি আমার উপর স্থাপন করিলেন। আগে যেমন আমার হাত ধরিতেন, তেমনই ভাবে স্পর্শ করিয়া বলিলেন, “হ্যাঁ, সে তাহাতে কৃত-কার্য্য হইবে। কিন্তু যাই বল না কেন, দিন দিন ক্রম-পতিতেই রিক্ হাউসের লোকসংখ্যা হ্রাস পাইতেছে!”

উত্তরে আমি আর কিছু বলিতে পারিলাম না। সে জন্ত আমার দুঃখ হইল। হতাশও হইলাম। আমার মনে যাহা ছিল, তাহা সম্যক প্রকাশ করিতে পারিলাম না। কেন? কে জানে?

৩২

উল্লিখিত ঘটনার পর এক দিন চলিরা গেল। তৎপরদিবস সকালে আমরা প্রাতরাশের আয়োজন করিতেছি, এমন সময় মিঃ উড্‌কোর্ট জরুপদে আসিরা বলিলেন, খুনের অপরাধে জর্জ হাজতে আছেন। কথায় কথায় বুঝিলাম যে, ম্যার লিষ্টারের উকীল পিস্তলের গুলীতে নিহত হইয়াছেন। সন্দেহক্রমে জর্জ সেই অপরাধে ধৃত হইয়াছেন। সঙ্গে সঙ্গে আমার মার কথাটাও মনে পড়িল। আমি ভয়ে বিশ্বয়ে বিচলিত হইয়া পড়িলাম।

কতকটা প্রকৃতিস্থ হইবার পর আমি বলিলাম, “কর্তা, জর্জকে কখনই হত্যাকারী বলিয়া মনে হয় না।”

কর্তা বলিলেন, “নিশ্চয়ই না। একরূপ লোক গুপ্তভাবে নরহত্যা করিতে পারে না। আমি ত কোনমতেই তাহাকে অপরাধী ভাবিতে পারি না।”

উড্‌কোর্ট বলিলেন, “আমারও তাই মত। কিন্তু আমাদের বিশ্বাসে অবিশ্বাসে কিছু যাইবে আসিবে না। ঘটনা যেরূপ, তাহাতে তাঁহার নির্দোষতা প্রমাণ করাই কঠিন। মৃত ভদ্রলোকটির প্রতি তাঁহার আক্রোশ ছিল। বহুস্থলে প্রকাশ্যভাবে তিনি সে কথা বলিয়াছেন। জর্জ নিজেও স্বীকার করিয়াছেন যে, হত্যাকাণ্ডের কয়েক মিনিট আগু-পাছু তিনি উকীলের বাড়ীতে একা গিয়াছিলেন। আমি সন্দেহকরণে বিশ্বাস করি, তিনি এ ব্যাপারে সম্পূর্ণ নিরীপ্ত। কিন্তু উল্লিখিত কারণে সন্দেহ তাঁহার উপর পড়িয়াছে।”

কর্তা বলিলেন, “তাই ত, ব্যাপার বড় গুরুতর। কিন্তু তাঁহার এ অবস্থায় আমরা তাঁহাকে কখনই পরিত্যাগ করিব না।”

উড্‌কোর্ট বলিলেন যে, তিনি এখনই জর্জের সঙ্গে দেখা করিতে যাইবেন। কর্তাও যাইবেন। আমিও যাইবার জন্ত প্রস্তুত হইলাম। এই সৈনিকটিকে সত্যই আমি বিশেষ শ্রদ্ধার দৃষ্টিতে দেখিতাম।

কারাগারের নির্জন কক্ষে তিনি অবরুদ্ধ ছিলেন। দ্বার মুক্ত হইবার শব্দে তিনি উঠিয়া দাঁড়াইলেন। আমাদের কাছে দেখিয়া তিনি পূর্ববৎ ধীরপদে, উন্নত-মস্তকে অগ্রসর হইয়া আমাদের অভিবাদন জানাইলেন। আমি অগ্রসর হইয়া কর বাড়াইয়া দিলাম। তিনি আমাদের অভিপ্রায় বুঝিতে পারিয়া বলিলেন, “আমার মনের ভার এবার নামিয়া গেল, এখন পরিণামের জন্ত আমি বিলুপ্ত উৎকণ্ঠিত নই।”

তাঁহাকে বন্দীর মত দেখাইতেছে না। তাঁহার স্বৈর্য ও সামরিক অঙ্গভঙ্গী দেখিয়া মনে হইতেছিল, তিনি যেন কারারক্ষক।

কর্তা বলিলেন, “জর্জ, তোমার জন্ত কি কি জিনিস চাই?”

“কিছুই না। এখানে ধূমপান যখন নিবেধ, তখন অন্য কোন জিনিসই আমার চাই না। ধন্যবাদ!”

“তোমার যখন যাহা প্রয়োজন হইবে, আমাকে জানাইও।”

“ধন্যবাদ; কিন্তু আমার ভবঘুরে জীবন, সুতরাং কারাগার বা গৃহ দুই-ই আমার কাছে সমান।”

কর্তা বলিলেন, “এখন তোমার মোকদ্দমার কথা কি বল?”

জর্জ বলিলেন, “বকেট্‌ সে সব কথা জানেন। তবে সমুদয় সাক্ষ্য জোগাড় না হইলে বিচার হইবে না শুনিলাম।”

কর্তা সবিশ্বয়ে বলিলেন, “তুমি বেশ ত! নিজের মোকদ্দমার সম্বন্ধে তুমি এত উদাসীন?”

“কি করিব বলুন, যখন কোন উপায় নাই, তখন ঐরূপে মনকে প্রবোধ দেওয়া ছাড়া গত্যস্তর নাই।”

“কথা ঠিক; কিন্তু নির্দোষ ব্যক্তিও নিজের রক্ষার জন্ত বন্দোবস্ত করে।”

জর্জ বলিলেন, “আমি তাহা করিয়াছি। হাকিমের কাছে বলিয়াছি যে, আমি নিরপরাধ, কিছুই জানি না। তবে আমার সম্বন্ধে যে সকল কথা বলা হইয়াছে, সেগুলি ঠিক। ইহা ছাড়া আমি আর কিছুই জানি না।”

কর্তা বলিলেন, “শুধু কথায় ত হইবে না।”

“তবে কি হইবে?”

“এক জন উকীল দিতে হইবে। আমরা তোমার তরফে এক জন বিচক্ষণ উকীলকে দিব স্থির করিয়াছি।”

জর্জ বলিলেন, “ক্ষমা করিবেন, ঐটা পারিব না। উকীল আমি চাই না।”

“সে কি, উকীল দিবে না?”

“আজ্ঞা, না।”

“কেন বল ত?”

“ও জাতটার প্রতি আমার শ্রদ্ধা নাই। এ বিষয়ে বেশী কথা বলিবার ইচ্ছা আমার নাই; ক্ষমা করিবেন।”

উড্‌কোর্ট, কর্তা ও আমি তিন জনে অনেক বুঝাইলাম; কিন্তু জর্জ কোনমতেই উকীল দিতে সম্মত হইলেন না। তিনি বলিলেন যে, হাতকড়ি পরাইয়া যেদিন তাঁহাকে হাজতে আনা হইয়াছে, সেই দিন হইতেই লোকচক্ষুতে তিনি অপমানিত হইয়াছেন। উকীলের সাহায্যে হয় ত মুক্তিলাভ করা যাইতে পারে; কিন্তু তেমন মুক্তি তিনি প্রার্থনীয় মনে করেন না। যদি সকল কথা শুনিয়া বিচারক তাঁহাকে নির্দোষ মনে না করেন, তবে আইনের কাঁকিতে অব্যাহতি লাভ করিয়া বাঁচিবার ইচ্ছা তাঁহার নাই।

এমন সময় কারাকক্ষের দ্বার মুক্ত হইল। জনৈক সৈনিকপ্রকৃতি পুরুষ ও একটি রমণী একটি বুড়ি হস্তে ঘরে প্রবেশ করিলেন। জর্জ পরিচয় দিলেন, ব্যাগনেট-দম্পতি, তাঁহার বিশেষ বন্ধু। তাঁহাদেরই গৃহে তিনি ধৃত হন।



এই নবাগত দম্পতি আমাদের কথোপকথনের কিয়দংশ শ্রবণ করিয়াছিলেন। আমরা তাঁহাদিগকে বলিলাম যে, জর্জ কোনমতেই তাঁহার পক্ষে উকীল নিযুক্ত করিতে চান না।

শ্রীমতী ব্যাগনেট আমায় বলিলেন, “আপনারা বাহিরে একটু অপেক্ষা করুন, আমি একবার বুঝাইয়া দেখি।” এই বলিয়া তিনি ঝোড়া হইতে কিছু খাণ্ড বাহির করিয়া জর্জকে খাইতে দিলেন।

বাহিরে যাইবার সময় আমি বলিলাম, “জর্জ, আপনি বিশেষ বিবেচনা করুন। শুধু আত্মরক্ষার জন্ত নয়, হত্যাকাণ্ডের রহস্য-ভেদ করাও কর্তব্য।”

জর্জ আমার দিকে চাহিয়া বলিয়া উঠিলেন, “বড়ই আশ্চর্য; কিন্তু তখন আমার এই রকমই মনে হইয়াছিল।”

কর্তা প্রশ্ন করিলেন, “ব্যাপার কি?”

জর্জ বলিলেন, “হুঁত্যাগ্য বশতঃ আমি যখন হত্যার দিন ঐ উকীলের বাড়ী রাত্রিতে গিয়াছিলাম, আমি তখন মিস্ সমার্সনের চেহারার মত একটি নারীমূর্তিকে সিঁড়ির ধারে দেখিয়াছিলাম। তিনি সিঁড়ি দিয়া নামিয়া আমার পাশ দিয়া যখন অন্ধকারে অস্তিত্ব হইলেন, তখন মিস্ সমার্সন ভাবিয়া আমি কথা কহিবার চেষ্টা করিয়াছিলাম।”

অকস্মাৎ আমার সর্বশরীর শিহরিয়া উঠিল। এরূপ অপূর্ণ শিহরণ আমি জীবনে কখনও অনুভব করি নাই।

“আমি উপরে উঠিতেছিলাম, মূর্তি নীচে নামিতেছিল, তাহার সর্বাত্মক ক্রমবসনে আচ্ছাদিত। অবশ্য আসল ঘটনার সহিত এ ব্যাপারের কোন সংশ্রব নাই। শুধু সেই সময় তাহাকে মিস্ সমার্সনের মূর্তি বলিয়া আমার ভ্রম হইয়াছিল।”

আমরা কারা-কঙ্কের বাহিরে আসিয়া ব্যাগনেট-দম্পতির প্রত্যাবর্তন প্রতীক্ষা করিতে লাগিলাম। অবিলম্বে তাঁহারা আসিলেন।

শ্রীমতী ব্যাগনেটের নয়নে অশ্রুবিন্দু দেখিলাম। তিনি বলিলেন, “মিস্, জর্জকে কোনমতেই স্বীকার করান যাবে না। তবে একটা কাজ করিলে উদ্দেশ্য সিদ্ধ হয়।”

আমি বলিলাম, “তুমি রমণীরত্ন, সে উপায়টা কি, বল।”

“জর্জ যে বলে, তার আত্মীয়-স্বজন কেউ নেই, ও সব বাজে কথা। আমি ওর অনেক সংবাদ জানি। ওর মা বেঁচে আছেন। তাঁকে আনতে পায়েই কার্যসিদ্ধি।”

বলিয়াই শ্রীমতী তাঁহার স্বামীকে বলিলেন, “তুমি ছেলে-মেয়েদের ভার নিও। আমি এখনই লিঙ্কলন শায়ারে যাচ্ছি।”

কর্তা পকেটে হাত দিয়া বলিলেন, “অত দূরে যাবে কি করে? টাকাকড়ি ত দরকার।”

শ্রীমতী ব্যাগনেট একটা ক্ষুদ্র মুদ্রাধার খুলিয়া টানিয়া

সহকারে তিনি বলিলেন, “যথেষ্ট হবে। আমি সৈনিক-রমণী। আমি যেমন বুঝি, তেমনই ভাবে ধাব। লিগনুম্, চন্ডুম্, জর্জের মাঝে নিয়ে তবে ফিরব।”

রমণী দ্রুতপদে চলিয়া গেলেন। কর্তা বলিলেন, “মিঃ ব্যাগনেট, আপনি পত্নীকে ঐ ভাবেই খাইতে দিবেন?”

“উপায় নাই, মহাশয়। ঐ এক গৌ। যাহা ধরিবেন, তাহা না করিয়া ছাড়িবেন না।”

“তবে আর কথা নাই। কিন্তু আপনি ভাগ্যবান!”

৫৩

পরলোকগত টল্কিংহরণের মৃতদেহ সমাহিত হইবে। স্থার লিষ্টার স্বয়ং এই ঔর্জ্জবেদিক ক্রিয়ায় যোগ দিয়াছিলেন। বহু গাড়ী-ঘোড়া সমবেত হইয়াছিল।

মিঃ বকেট ইত্যবসরে স্থার লিষ্টারের প্রাসাদে গমন করিলেন। সেখানে তাঁহার অব্যবহৃত ঘর। একটা স্বতন্ত্র চাবি তিনি পাইয়াছিলেন, তাহার সাহায্যে তিনি ইচ্ছামত যে কোন কক্ষে প্রবেশ করিতে পারিতেন। প্রাসাদে প্রবেশের জন্ত তাঁহাকে ঘণ্টাও বাজাইতে হইত না, কার্ডও পাঠাইতে হইত না। স্থার লিষ্টারের এ বিষয়ে ঢালা হুকুম ছিল।

বকেট প্রাসাদে প্রবেশ করিবামাত্র পরিচারক মার্করি তাঁহার হস্তে একখানি পত্র দিল। বকেট নিজে কাহাকেও বড় একটা পত্র লিখিতেন না, এবং তাঁহাকেও কেহ পত্রাদি লিখিত না। তথাপি চক্ৰিশ ঘণ্টার মধ্যে তিনি দুখানা পত্র পাইয়াছেন।

মার্করিকে বিদায় দিয়া স্থার লিষ্টারের বৃহৎ পুস্তকাগারের সম্মিহিত ক্ষুদ্র প্রকোষ্ঠে তিনি প্রবেশ করিলেন। টেবলের উপর পত্রটা খুলিয়া রাখিয়া তিনি অনুচ্চকণ্ঠে বলিলেন, “এখানাও সেই একই হাতের লেখা, আর বোধ হয়, সেই একই কথা লেখা আছে।”

ঘর রুদ্ধ করিয়া তিনি পড়িলেন—“লেডী ডেডলক্ । আর কোনও কিছু লেখা ছিল না।

ডিটেক্টিভ স্বগত বলিলেন, “এই বেনামা সংবাদ না পেলেও টাকটা হাতে আসিত।”

গুপ্ত খাতার মধ্যে পত্রখানা রাখিয়া তিনি দরজা খুলিলেন। পরিচারক তাঁহার আহাৰ্য্য তথায় দিয়া গেল। পরিতোষরূপে ভোজন করিয়া তিনি স্থার লিষ্টারের পড়িবার ঘরের দরজা মুক্ত করিয়া ভিতরে প্রবেশ করিলেন। টেবলের উপর সে দিনের পত্রসমূহ রক্ষিত ছিল। উপরের লেখাগুলি পড়িয়া বকেট আপন মনে বলিলেন, “না, সে হাতের লেখা পত্র নেই। শুধু আমাকেই লেখা হয়েছে! কাল স্থার লিষ্টারকে কথাটা বলা যাবে।”

ভোজন-শেষে বকেট একটু ঘুমাইলেন। তার পর পরিচারকের আস্থানে তিনি স্থার লিষ্টারের সম্মুখে নীত হইলেন।

ব্যারনেট বলিলেন, “আজ কোন নতুন খবর আছে?”  
“আজ্ঞা না, আজ কিছু বলিবার মত নাই।”

“আপনার যখনই প্রয়োজন হইবে, আমার কাছে আসিবেন। এ হত্যাকাণ্ডের কিম্বা হওয়া চাই। টাকার জন্ত কোন চিন্তা নাই।”

বকেট কোন কথা বলিলেন না।

শ্রীর লিষ্টার বলিলেন, “আমার বিশ্বস্ত বন্ধুকে এমন নৃশংসভাবে যে হত্যা করিয়াছে, তাহাকে রাজদ্বারে অভিযুক্ত করিয়া উপযুক্ত শাস্তি দেওয়াইতে না পারিলে আমি নিশ্চিত হইব না। আমার সহোদর ভাই যদি থাকিত, আর সে যদি এ কার্য করিত, তবে আমি তাহাকেও মার্জনা করিতাম না।”

বকেটের মুখমণ্ডল পূর্বাশ্রয় গভীর হইল।

মিস্ ভলুমনিয়া জিজ্ঞাসা করিলেন, যে সৈনিকপুরুষটি ধত হইয়াছে, সে অপরাধী বলিয়া প্রমাণিত হইবে কি না, এবং তাহার সহকারী আর কেহ আছে কি না ইত্যাদি।

বকেট বলিলেন, “দেখুন মিস্, এ সময়ে সকল প্রশ্নের উত্তর দেওয়া সম্ভবপর নয়। আমি যাহা জানি, তাহা হয় ত প্রকাশ করিতে পারিতাম; কিন্তু সেটা আমার কর্তব্য নয়। শ্রীর লিষ্টারকে অবশ্য আমি যথাসময়ে সকল কথা নিবেদন করিব; কিন্তু আজ নয়।”

শ্রীর লিষ্টার বলিলেন, “ভলুমনিয়া, তুমি কোন কথা জানিতে চাহিও না। ডিটেক্টিভ মহাশয় ঠিকই বলিয়াছেন। উনি কর্তব্যপরায়ণ।”

মিস্ ভলুমনিয়া চুপ করিয়া গেলেন।

বকেট বলিলেন, “শ্রীর লিষ্টার, এই ভদ্র মহিলার কাছে আমার অনুসন্ধানের ফলাফলের কথা বলিতে পারিতাম; কিন্তু এখন বলিব না, তবে এইটুকু জানিয়া রাখুন যে, আমার অনুসন্ধান শেষ হইয়াছে। ঘটনাটি অত্যন্ত রহস্যজনক এবং চমৎকার। সামান্য একটু ষা বাকী আছে, কয়েক ঘণ্টার মধ্যে তাহা সংগৃহীত হইবে।”

ব্যারনেট বলিলেন, “শুনিয়া অত্যন্ত সুখী হইলাম। আপনার যশের কথা শুনিয়াছিলাম, তাহা সত্য দেখিতেছি।”

বকেট বলিলেন, “ঘটনাটাকে চমৎকার যে বলিয়াছি, সেটা আমার দিক হইতে। কিন্তু অল্প দিক দিয়া বিচার করিতে গেলে এ রকম ঘটনার যথেষ্ট মনোহুঃখের কারণও ঘটবে। আমরা বহু পরিবারের অনেক বিচিত্র ঘটনার কথা জানিতে পারি। সে সব কথা শুনিলে, মিস্, আপনারা চমকিয়া উঠিবেন।”

শ্রীর লিষ্টার বলিলেন, “দেখুন, আপনার অনুসন্ধানের ফল যখন সুবিধা মনে করিবেন, আমায় জানাইবেন। আমি সর্বদাই আপনার কথা শুনিবার জন্য প্রস্তুত।”

বকেট বলিলেন, “আগামী কল্য সকালে আপনার বোধ হয় সময় হইবে, সেই সময় হয় ত সব কথা বলিতে

পারিব। ভাল কথা, একটা বিষয় আমি জানিতে চাই। পুরস্কার ঘোষণার সংবাদটা সিঁড়ির উপর কে মারিয়া দিয়াছে?”

শ্রীর লিষ্টার বলিলেন, “আমার আদেশেই উহা সিঁড়ির উপর লটকাইয়া দিয়াছি। কারণ, আমি সকলকে বুঝাইয়া দিতে চাই যে, অপরাধটা অত্যন্ত গুরুতর।”

বকেট আর কোন কথা না বলিয়া বিদায় লইলেন। হল-ঘরে পরিচারক মার্কারি ছিল, বকেট তাহার সহিত কথা জমাইয়া লইলেন। বন্ধু যখন বেশ জমিয়া আসিল, কথা-প্রসঙ্গে বকেট প্রশ্ন করিলেন, “লেডী মহোদয় বেড়াইতে গিয়াছেন বুঝি?”

মার্কারি উত্তরে বলিল, “হাঁ।”

“রোজই বুঝি বেড়াইতে যান?”

“হ্যাঁ।”

আবার নানা কথার আলোচনা চলিল। মার্কারি কত দিন এখানে চাকরী করিতেছে, পিতা কি কাজ করিতেন, ইত্যাদি।

এমন সময় লেডী ডেডলক্ ফিরিয়া আসিলেন। হলঘর দিয়া তিনি উপরে উঠিবার সময় বকেটকে দেখিতে পাইলেন। পরিচারক জানাইয়া দিল যে, তিনি ডিটেক্টিভ বকেট।

“আপনি কি শ্রীর লিষ্টারের সঙ্গে দেখা করিতে চান?”

“না, লেডী, দেখা হইয়াছে।”

“আমার সঙ্গে কোন কথা আছে কি?”

“উপস্থিত কোন প্রয়োজন নাই।”

“নতুন কোন কিছু আবিষ্কার করিতে পারিলেন?”

“কিছু কিছু।”

চলিতে চলিতেই কথা হইতেছিল। লেডী উপরে উঠিয়া গেলেন। পুরস্কারের বিজ্ঞাপনটাও তাহার চোখে পড়িল; কিন্তু পড়িবার জন্ত তিনি থামিলেন না।

বকেট বলিলেন, “খাসা সুন্দরী উনি। কিন্তু স্বাস্থ্য খুব ভাল নয় বলিয়া বোধ হয়।”

মার্কারি জানাইল, সে কথা ঠিক। মাঝে মাঝে বড় শিরঃপীড়া হয়।

তাই না কি? বড়ই হুঃখের কথা বলিতে হইবে। শিরঃপীড়ায় ভ্রমণ খুব উপকারী। মার্কারি বলিল যে, রানী রোজই পদব্রজে বেড়াইয়া থাকেন। যখন পীড়া অধিক হয়, তখন দুই ঘণ্টাকাল পর্যন্ত বেড়াইতে থাকেন। রাত্রিতেও ভ্রমণ করেন।

রাত্রিভ্রমণ মন্দ নহে। বিশেষতঃ চন্দ্রালোকে। হ্যাঁ, সে কথা ঠিক। চন্দ্রালোকে লেডী ভ্রমণ ত করেনই।

“মার্কারি, তুমি পায়চারি কর না? ওঃ, বেশী সময় পাও না বুঝি?”

তা ত বটেই, তাহা ছাড়া মার্কারি সেটা বড় একটা পছন্দ করে না। বরং গাড়ী চড়িয়া বেড়াইতে তাহার সাধটা বেশী।

কথায় কথায় বকেট প্রশ্ন করিলেন, “ঘটনার রাত্রিতে লেডী বেড়াইতে গিয়াছিলেন বোধ হয়?”

“নিশ্চয়। আমিই ত বাগানের ফটক খুলিয়া দিয়া-ছিলাম।”

“তুমি সঙ্গে যাও নাই, আমি সেটা দেখিয়াছিলাম।”

মার্করি বলিল, “আমি ত আপনাকে দেখিতে পাই নাই।”

“আমি খুব ভাড়াতাড়ি যাইতেছিলাম। আমার এক খুড়ী চেসনিওডে থাকেন, তিনি এখানে আসিয়াছেন। অনেক টাকা-কড়ি তাঁর আছে, বয়সও নব্বই। কাজেই দেখা করিতে যাইতেছিলাম। তখন কত রাত্রি যেন? দশটা বোধ হয় বাজে নাই।”

“না, তখন সাড়ে ন’টা।”

“ঠিক, তোমার কথাই ঠিক। আমার মনে হয়, লেডী যেন একটা কালো আঙ্গরাখার গা ঢাকিয়া রাখিয়াছিলেন।”

“হ্যাঁ, ঠিক কথা।”

উল্লিখিত আলোচনার পর বকেট ধীরে ধীরে উপরের তলায় চলিলেন। মার্করির করকম্পন করিতে কিন্তু তিনি ভুলিলেন না।

৫৪

পরদিবস প্রভাতে উঠিয়া বকেট প্রসাধনানন্তর প্রাতরাশ সমাপন করিলেন। তার পর মার্করিকে বলিলেন যে, এখন তিনি স্মার লিষ্টারের দর্শনপ্রার্থী। মার্করি বলিয়া গেল যে, স্মার লিষ্টার ডেডলক্ অবিলম্বে লাইব্রেরী-ঘরে তাঁহার সহিত দেখা করিবেন।

লাইব্রেরী-কক্ষে প্রবেশ করিয়া তিনি দেখিলেন, স্মার লিষ্টার তথায় উপস্থিত। সম্ভরণে দ্বার রুদ্ধ করিয়া বকেট তাঁহার সম্মুখে দাঁড়াইলেন।

“স্মার লিষ্টার, আমার একটু কাজ বাকী ছিল, তাহাও শেষ হইয়াছে। যে হত্যাকারী, তাহার বিরুদ্ধে সকল প্রমাণ সংগৃহীত হইয়াছে।”

“সৈনিক পুরুষটিই তবে অপরাধী?”

“না, স্মার লিষ্টার, তিনি নন।”

সবিস্ময়ে স্মার লিষ্টার বলিলেন, “লোকটাকে গ্রেপ্তার করা হইয়াছে ত?”

বকেট বলিলেন, “হত্যাকারী পুরুষ নহে, রমণী।”

চেয়ারে হেলান দিয়া সবিস্ময়ে ব্যারনেট বলিলেন,— “সে কি?”

বকেট বলিলেন, “স্মার লিষ্টার, আমি যে ঘটনার কথা বলিতে যাইতেছি, তাহার মধ্যে এমন অনেক বিষয় আছে—যাহা আপনার পক্ষে প্রীতিকর নহে। সুতরাং আমার কর্তব্য আপনাকে পূর্ক হইতেই সতর্ক করিয়া দেওয়া। আপনি উদ্ভলোক, সুতরাং আঘাত পাইলেও আপনাকে

তাহা সংবরণ করিতে হইবে। সত্যবোধের প্রকৃতিই তাই আঘাত বত গুরুতরই হউক না কেন, উহা সহ করাই অস্বাভাবিক ব্যক্তির লক্ষণ। সুতরাং আপনার আশা আছে, আপনি আমার কাছে যে কথা জানিবেন, তাহা শুনিয়া আশ্চর্য হইবেন না।”

স্মার লিষ্টার নীরবে ডিটেকটিভের দিকে চাহিয়া রহিলেন।

বকেট বলিয়া চলিলেন, “আমি সকল কথা জানিতে পারিয়াছি বলিয়া আপনি ক্ষুণ্ণ হইবেন না। কারণ, আমি অনেকের অনেক কথা জানি, সুতরাং এটা জানিয়া আমার অভিজ্ঞতা বিন্দুমাত্রও বাড়ে নাই। সংসারে আমি বিস্ময়ে বিষয় কিছুই দেখি না। আপনাকে এত কথা বলিবার উদ্দেশ্য যে, আপনি ধীরভাবে আমার কথা শুনিয়া কাছ করিবেন।

স্মার লিষ্টার বলিলেন, “আপনার সতর্কতার জন্ত ধন্যবাদ। আপনি বসিবেন না?”

“কোন প্রয়োজন নাই। যাক, প্রস্তাবনা শেষ হইল। এখন আরম্ভ করি। লেডী ডেডলক্—”

স্মার লিষ্টার আসন ছাড়িয়া সহসা উঠিয়া দাঁড়াইলেন এবং কঠোর দৃষ্টিতে বকেটের দিকে চাহিলেন।

“লেডী ডেডলক্ সর্বত্র সমাদৃত।”

রুদ্ধস্বরে স্মার লিষ্টার বলিলেন, “আমার পত্নীর নাম এ বিষয়ে জড়াইবার কোন প্রয়োজন নাই, মহাশয়।”

“তাঁহার নামের উল্লেখ না করিতে পারিলেই আমি সুখী হইতাম, কিন্তু তাহার যে কোন উপায় নাই। উহা অসম্ভব।”

“অসম্ভব?”

“আজ্ঞা, হ্যাঁ, একান্তই অসম্ভব। আমার কাহিনী তাঁহাকে লইয়াই। সকল ঘটনার মূলে যে তিনি।”

বুদ্ধের নয়ন হইতে অগ্নি নির্গত হইতে লাগিল। তিনি কঠোর স্বরে বলিলেন, “আপনি সরকারী কর্মচারী, কণ্ঠ্য পালন করুন। কিন্তু গণ্ডী ছাড়াইয়া যাইবেন না। উহা আমি কখনই সহ্য করিব না। আমার পত্নীর নাম এ সম্পর্কে উচ্চারণ করার জন্ত আপনি দায়ী। তাঁহার নাম সাধারণের সম্পত্তি নহে।”

“স্মার লিষ্টার, আমার যাহা বলা উচিত, তাহাই বলিতেছি এবং বলিতে বাধ্য। তাহার অতিরিক্ত কিছুই বলিব না।”

“আচ্ছা, তবে বলুন!”

অতিনিয় স্বরে বকেট বলিলেন, “কর্তব্যের অনুরোধে আমি বলিতে বাধ্য যে, মিঃ টেলকিংহরন বহুদিন হইতে লেডী ডেডলক্কে সন্দেহের দৃষ্টিতে দেখিয়া আসিতেছিলেন।”

“তিনি যদি এ সন্দেহের কথা ঘুগাকরেও আমার জানাইতেন, তবে আমি নিজে তাঁহাকে ধ্বংস করিতাম। কিন্তু তিনি তাহা বলিতে সাহস করেন নাই।”



বকেট বলিলেন, “নিহিত উকীল অতি স্বল্পভাষী ও সস্তীর ছিলেন। আমি তাঁহার মুখেই শুনিয়াছি যে, কোন হস্তাক্ষর দেখিয়া তিনি আবিষ্কার করেন, আপনার সহিত বিবাহের পূর্বে লেডীর এক জন প্রণয়প্রার্থী ছিলেন। তাঁহার সহিতই লেডীর বিবাহ হওয়া উচিত ছিল, সে বিষয়ে সন্দেহ নাই। তাঁহার কাছেই আমি শুনিয়াছি যে, উল্লিখিত ব্যক্তির মৃত্যুর পরেই লেডী ডেডলক্ মৃত ব্যক্তির বাসাবাড়ীতে গিয়াছিলেন, এবং গোপনে সমাধিস্থানও দেখিয়া আসিয়াছিলেন। পরিশেষে আমি স্বয়ং অহুসন্ধান করিয়াও জানিতে পারি যে, সত্যই লেডী মহোদয়া তাহা করিয়াছিলেন। তাঁহার পরিচালনার বেশ পরিয়া লেডী গোপনে গিয়াছিলেন। এ সম্বন্ধে আমি প্রকৃষ্ট প্রমাণও পাইয়াছি। মৃত্যুর অব্যবহিত পূর্বে পর্যন্ত মৃত উকীল এই বিষয়ে পুনঃ পুনঃ অহুসন্ধান লইয়াছিলেন। তাঁহার সহিত লেডী ডেডলকের বিশেষ মনোমালিন্য হইয়াছিল। ঘটনার রাত্রিতেও এ বিষয়ে তাঁহাদের উভয়ের মধ্যে আলোচনা হয়। আপনি লেডী ডেডলক্কে জিজ্ঞাসা করিয়া দেখিলে জানিতে পারিবেন যে, সেই রাত্রিতেই উকীল চলিয়া যাইবার পর রুদ্ধ অঙ্গাবরণে সেই আবৃত করিয়া লেডী মহোদয়া কোন কথা বলিবার জন্ম তাঁহার বাড়ীতে গিয়াছিলেন কি না।”

শ্রীর লিষ্টার বকেটের দিকে চাহিয়া প্রস্তরমূর্ত্তিবৎ বসিয়া রহিলেন।

ডিটেক্টিভ বলিয়া চলিলেন, “লেডী মহোদয়াকে আমার নাম করিয়া কথাটা জিজ্ঞাসা করিবেন। তিনি যদি অস্বীকার করেন, তবে বলিবেন যে, তাহাতে কোন ফল হইবে না। ইনস্পেক্টর বকেট সব জানে। সৈনিক তাঁহাকে তাহার পাশ দিয়া যাইতে দেখিয়াছে। আর তিনিও সৈনিকটকে সিঁড়িতে দেখিয়াছিলেন। শ্রীর লিষ্টার, আপনাকে এত কথা বলিবার কারণটা কি, তা জানেন?”

ব্যারনেট মুখমণ্ডল বাহু দ্বারা আবৃত করিয়া তাঁহাকে বসিতে ইঙ্গিত করিলেন। তার পর বহুকষ্টে প্রকৃতিস্থ হইয়া স্থিরভাবে বসিলেন।

“শ্রীর লিষ্টার, আপনি লেডী মহোদয়াকে জিজ্ঞাসা করিয়া আমার কথার সত্যাসত্য নির্ণয় করুন। তাঁহাকে প্রশ্ন করিলে এ কথাও জানিতে পারিবেন যে, উকীল মহোদয় আপনাকেও সব কথা জানাইবার জন্ম সঙ্কল্প করিয়াছিলেন। লেডী মহোদয়া সৈ কথাও জানেন। সম্ভবতঃ ঘটনার রাত্রি প্রভাত হইলেই তিনি সব কথা আপনাকে জানাইতেন। আমি পাঁচ মিনিট পরে আপনাকে কি কথা বলিব বা কি করিব, তাহা আপনি এখনও জানেন না।”

এই সময় হলঘরে মহুস্ককর্ষ শ্রুত হইল। বকেট কাণ পাতিয়া শুনিবার পর বলিলেন, “শ্রীর লিষ্টার, বড়ই দুঃখের কথা আপনার ঘরোয়া কথাটা প্রকাশ পাইয়াছে। আমিও

তাই আশঙ্কা করিয়াছিলাম। উকীল মহোদয়ের আকস্মিক মৃত্যুই ইহার কারণ। কথাটা বেশী প্রকাশ করিবার ইচ্ছা যদি না থাকে, তবে লোকগুলিকে এখানে ডাকিয়া আনা দরকার। আপনি একটু চূপ করিয়া বসুন, আমি উহারিগকে ডাকিয়া আনি। তার পর আমি যাহা বলিব, আপনি তাহাতে শুধু একবার করিয়া ঘাড় নাড়িবেন। স্বাস্থি আছেন?”

ব্যারনেট সাঞ্জুচে বলিলেন, “নিশ্চয়। আপনি যাহা ভাল বুঝেন, করুন।”

ডিটেক্টিভ দ্রুতপদে বাহিরে গেলেন। একটি কক্ষমধ্যে কয়েকটি পুরুষ ও রমণী দাঁড়াইয়া। মার্করি তাহাদের সহিত বচসা করিতেছে। বকেট সেই ঘরে গিয়া মার্করিকে কি আদেশ করিলেন। লোকগুলিকে লাইব্রেরী-কক্ষে লইয়া আসিয়া বকেট দ্বার রুদ্ধ করিয়া দিলেন। মার্করি চলিয়া গেল।

বকেট বলিলেন, “তোমরা সকলেই বোধ হয় আমার চেন। যদি না জান, তবে বলি, আমি ইনস্পেক্টর বকেট। তোমরা শ্রীর লিষ্টারের দর্শনপ্রার্থী। ভাল কথা, আমি তোমাদিগকে এখানে আনিয়াছি। এখন ওহে বুড়া, তোমার নাম ত শ্বলউইড্। হ্যাঁ, তা আমি জানি।”

শ্বলউইড্ উচ্চৈঃস্বরে কি একটা কথা বলিল। বকেট বলিলেন, “দেখ, আমরা কালা নই। আস্তে কথা বল। তোমার স্ত্রী কালা, তার সঙ্গে যখন কথা বলিবে, চৈচাইও। এখন খুব আস্তে আস্তে বল।”

সভয়ে শ্বলউইড্ বলিল, “আজ্ঞে, কর্তা, তাই বলিব।”

“তার পর, মশায়, আপনার নাম চ্যাডব্যাণ্ড, আপনি এক জন পাদরী? কেমন নয়?”

“আজ্ঞা হ্যাঁ। আর ইনি আমার পত্নী—শ্রীমতী চ্যাডব্যাণ্ড।”

“উনি ত শ্রীমতী শ্বাগস্‌বি।”

রমণী ঘাড় নাড়িল।

“আজ্ঞা, তোমরা এখানে কেন? কি হইয়াছে?”

বুড়া শ্বলউইড্ বলিল, “আমার শালা ক্রুকের সমস্ত সম্পত্তি এখন আমার স্ত্রীর। আমি একতাত্তা লুকোনো চিঠি পাই। সেই বাড়ীতে একটা ভাড়াটে ছিল। চিঠিগুলি তাঁর প্রণয়িনী তাঁকে লিখেছিলেন। টল্কিংহরণ সেই ভাড়াটাই চেয়েছিলেন। তাঁকে দেবার আগে আমি একবার সব প’ড়ে নিয়েছিলাম। রমণীটির নাম হনোরিয়া। অবশ্য এ বাড়ীতে এ নামের কোন লেডী নেই। আর তাঁর হাতের লেখাও এই লেখার সঙ্গে মিলবে না। তা হতেই পারে না।”

ধূর্ত্ত রুদ্ধ হাঁপাইতে লাগিল।

বকেট বলিলেন, “শ্রীর লিষ্টারের সঙ্গে যে বিষয়ের সম্বন্ধ আছে, তাই তুমি বল।”

রুদ্ধ বলিল, “এ বিষয়ের সঙ্গে তাঁর সম্বন্ধ নেই বুঝি? কাপ্তেন হডন, হনোরিয়া ও তাঁহাদের সন্তান—এ সকলের

সহিত স্ত্রীর লিষ্টারের সখ্য নাই? এখন বলুন, সে চিঠির তাড়া কোথায়? তাতে আমার দরকার আছে। সেগুলি যে চুরী ধাবে, আর কোন উচ্চবাচ্য হবে না, তা চলবে না। সেগুলি আমি বন্ধু টলকিংহরণের হাতেই দিয়েছিলাম।”

বকেট বলিলেন, “তার দেখা ত তুমি পেয়েছ।”

“সে জন্ম নয়। কে চিঠিগুলো পেয়েছে, আমি তাই জানতে চাই। এই হত্যা-ব্যাপারের ভালরূপ অনুসন্ধান যাতে হয়, আমাদের উদ্দেশ্য তাই। জর্জের যদি এ ব্যাপারে কোন হাত থাকে, তবে সে একা এ কাজ করেনি। অতের প্ররোচনায় সে এ কাজ করেছে।”

বকেট এবার ক্রোধভরে বলিলেন, “দেখ আমার একটা কথা আছে। খুনের তদারকের ভার আমার উপর। তোমাদের মুখ যদি এমন ভাবে চলিতে থাকে, তবে এখনই তাহা বন্ধ করিয়া দিব। কারণ, তোমাদের কথায় খুনের কিনারায় বাধা জন্মিতে পারে। আমরা তোমরা চেন না কি? ইচ্ছা করিলে এই মুহূর্তেই আমি হত্যাকারীকে বাহির করিয়া দিতে পারি।”

বকেটের কথায় বুদ্ধ ভয় পাইয়া চুপ করিল।

বকেট বলিলেন, “খুনের কিনারা করার ভার আমার উপর। সে জন্ম তোমাদের মাথা ঘামাইতে হইবে না। তোমরা সংবাদপত্রের দিকে নজর রাখিও। যথাসময়ে সকল কথা জানিতে পারিবে। চিঠির তাড়ার কথা যদি জানিতে চাও, তবে গুনিয়া রাখ, সেটা আমার কাছে আছে। এই দেখ।”

তাড়া দেখিয়া স্মলউইড্ স্বীকার করিল, সেই চিঠিই বটে।

“দেখ বুড়া, অত হাঁ করিও না, উহা তোমায় মোটেই ভাল দেখায় না। এখন তোমার মতলবটা কি বল?”

“আমি পাচশ পাউণ্ড চাই।”

“না, তা তুমি পাবে না, আড়াইশ পাউণ্ড পাইতে পার। আচ্ছা, এখন ধর্মস্বাক্ষর মহাশয়, আপনার বক্তব্য কি?”

চ্যাডব্যাণ্ড বলিল, “আমরা যে পাপকাহিনী জানি, সেই কথা গুপ্ত রাখিবার জন্ম অর্থ চাই।”

“ভাল কথা, কিন্তু গুপ্তকথাটা কি, তাহা ত জানা চাই।”

“আচ্ছা, বলিতেছি। র্যাচেল, বল ত।”

মিসেস্ চ্যাডব্যাণ্ড বলিল, “মিস্ হডন, লেডী মহোদয়ার কন্ঠাকে আমি প্রতিপালন করেছিলাম। লেডীর ভগিনীর কাছে আমি ছিলাম। সে মেয়ে এখনও বেঁচে আছে, আমি চিনি।”

“বেশ, তোমরা কুড়ি পাউণ্ড পাবে। তার পর শ্রীমতী স্নাগস্বি, তোমার মতলব কি?”

শ্রীমতী আত্মপূর্বিক তাঁহার নিজের সন্দেহের কথা প্রকাশ করিলেন। জোঁকে জারজ সন্ধান মনে করিয়া তিনি কিরূপে স্বামীর সকল কার্যে গোপনে হস্তক্ষেপ করিয়াছেন, তাহা বলিলেন।

সব কথা গুনিয়া বকেট বলিলেন, “তোমরা সংবাদ বেচিয়া টাকা চাও বুঝিলাম। কিন্তু মীচে গোপন করিতে ছিলে কেন? উহাতে তোমাদের উদ্দেশ্য সিদ্ধ হইত না ত?”

“আমরা স্ত্রীর লিষ্টারের দর্শন পাইবার জন্ম ঐরূপ করিয়াছিলাম। আমাদেরকে ক্ষমা করুন।”

বকেট বলিলেন, “ভাল কথা, তোমরা এখন যাও। কাল তোমাদের সঙ্গে ব্যবস্থা করিব। কিন্তু মনে রাখিও, যদি চালাকী করিতে যাও, আমি তোমাদিগকে উপযুক্ত শাস্তি দিতে ভুলিব না।”

সকলকে বিদায় দিয়া বকেট স্ত্রীর লিষ্টারকে বলিলেন, “দেখুন, আমার মতে উহাদের মুখ বন্ধ করা দরকার। আপনার অভিপ্রেত হইলে আমি সে ব্যবস্থা করিতে পারিব। শ্রীমতী স্নাগস্বিই সকল দলে আছে। উহার সাহায্যে সব কথা বাহির করিয়া লইয়াছে। বুদ্ধ উকীল এই সকল পাগলা ঘোড়াকে ঠিক রাখিয়াছিলেন। তিনি বাঁচিয়া থাকিলে এই সকল কথা প্রকাশ পাইত না। এ যেন, ‘বামুন গেল ঘর, ত লাজল তুলে ধর।’ জীবনটাই এই রকম আর কি। যাক, আমি যাদের প্রতীক্ষা করিতেছিলাম, বোধ হয়, তাহারা এতক্ষণে এখানে আসিয়াছে।”

বকেট তাঁহার ঘড়ী দেখিলেন। স্ত্রীর লিষ্টার একটু চঞ্চল হইয়া উঠিলেন।

উৎসাহপূর্ণ-কণ্ঠে বকেট বলিলেন, “হ্যাঁ, তাহারা এতক্ষণ আসিয়াছে। স্ত্রীর লিষ্টার, আপনার সাক্ষাতে আমি হত্যাকারীকে গ্রেপ্তার করিব। কিন্তু আপনি কোন কথা কহিবেন না, চুপচাপ বসিয়া থাকুন। একটু শব্দ বা গোলযোগ কিছুই হইবে না দেখিবেন। তার পর বৈকালে আপনার এখানে আসিয়া আপনার পারিবারিক ব্যাপারটা সংগোপনে রাখিবার বন্দোবস্ত করিব—অবশ্য আপনি যদি আমাকে তাহা করিতে বলেন, তবেই আমি কার্যে হস্তক্ষেপ করিব। আপনি এখন প্রস্তুত হউন। এ ঘটনার গোড়া হইতে শেষ পর্যন্ত আপনাকে দেখাইয়া দিতেছি।”

বকেট দ্বার খুলিয়া মার্করিকে আহ্বান করিলেন, তার পর তাহার কাণে কাণে কি বলিয়া দিয়া আবার দরজা বন্ধ করিয়া দিলেন। তার পর দরজার পার্শ্বে চুপ করিয়া দাঁড়াইয়া রহিলেন।

তুই এক মিনিট পরেই দরজাটি খুলিয়া গেল, সঙ্গে সঙ্গে একটি ফরাসী রমণী গৃহমধ্যে প্রবেশ করিল। সে ম্যাদম-সেলি হর্টেনসি।

যে মুহূর্তে সে ঘরের মধ্যে আসিল, মিস্ বকেট তখনই দ্বার বন্ধ করিয়া দিয়া পিঠ দিয়া উহা চাপিয়া ধরিলেন। রমণী ফিরিয়া চাহিবামাত্রই স্ত্রীর লিষ্টারকে দেখিতে পাইল। সে বলিল, “আমায় মাপ করুন। উহারা আমায় বলিয়াছিল যে, এ ঘরে কেহ নাই।”

সে দরজার দিকে কিরিবায়াত্র বকেটকে দেখিতে পাইল, অমনই তাহার আনন মলিন হইয়া গেল।

“শ্রার লিষ্টার, এই বিদেশিনী যুবতী আমার ভাড়াটিয়া। কয়েক সপ্তাহ হইতে ইনি আমার ওখানেই আছেন।”

ম্যাদমসেলি বিক্রপপূর্ণ-কণ্ঠে বলিল, “তাতে শ্রার লিষ্টারের কি প্রয়োজন, মশারু?”

“আছে কি না, একটু পরেই দেখিতে পাইবে।”

বিক্রপের হাশু পুনরায় রমণীর আননে উদ্ভাসিত হইল, সে বলিল, “আপনার কথাগুলি রহস্ত্রে ভরা, আজ মদ খেয়েছেন কি?”

“সে বিষয়ে তোমার কোন আশঙ্কা নাই, সুন্দরি।”

“আমি এই ঘৃণিত বাড়ীতে আপনার স্ত্রীর সঙ্গে এসেছিলাম। কয়েক মিনিট হ’ল আপনার স্ত্রী আমার কাছ থেকে কোথায় গেছেন। নীচের তলায় যারা ছিল, তারা আমায় ব’লে দিলে যে, এই ঘরে আপনার স্ত্রী আছেন। এখানে এসে দেখি, তিনি নেই। এ রকম ছেলেখেলায় কি দরকার, তা’ ত বুঝলাম না।”

বকেট কোন কথা না বলিয়া তাহাকে অঙ্গুলিসঙ্কেত করিলেন।

হাসিয়া ম্যাদমসেলি বলিল, “আপনি বড় নির্বোধ। যাক, পথ ছাড়ুন, আমি নীচে যাই।”

বকেট বলিলেন, “দেখ, তুমি সোজা ঐ সোফার উপরে গিয়ে ব’স।”

“না, আমি তা করব না।”

গভীরভাবে বকেট বলিলেন, “কথাটি বলিও না, সোজা ঐখানে গিয়ে বইস।”

“কেন?”

“তুমি খুনের আসামী। সেই অপরাধে তোমায় আমি গ্রেপ্তার করিলাম। তুমি সবই জান, এখন চ্যাকামী করিও না। তুমি রমণী বলিয়া তোমার সঙ্গে একটু ভদ্র ব্যবহার করিতেছি। যদি ভাল কথায় না শোন, বাহিরে যাহারা আছে, তাহারা তোমার প্রতি ভদ্র ব্যবহার করিবে না। তাই বলিতেছি, যাহা বলিলাম, তাহা কর।”

ম্যাদমসেলি মুখে বলিল, “তুমি শয়তান!” কিন্তু সোফায় গিয়া উপবেশন করিতে ভুলিল না।

বকেট সম্ভ্রষ্টভাবে বলিলেন, “হাঁ, এবার ঠিক হইয়াছে। এখন একটা পরামর্শ শোন, কথাটি বলিও না, চূপ করিয়া বসিয়া থাক। সেটা তোমার পক্ষে মঙ্গলকর।”

ম্যাদমসেলি হর্টেন্সির নয়নে ব্যাঙ্গীর জ্বাল তীব্র, হিংস্র দৃষ্টি ফুটিয়া উঠিল। বকেট সে দিকে লক্ষ্য না করিয়া বলিলেন, “শ্রার লিষ্টার, আমার এই ভাড়াটিয়াটি সে সময়ে লেডী ডেড লকের পরিচারিকা ছিল। তাহার চাকরী গেলে সে লেডী মহোদয়ীর উপর ভীষণ ক্রুদ্ধ হইয়াছিল।”

“মিথ্যা কথা, আমি নিজে চাকরী ছাড়িয়াছি, কেহ ছাড়িয়া দেয় নাই।”

ম্যাদমসেলি গর্জন করিতে লাগিল।

“তুমি চূপ করিয়া আমার কথা না শুনিলে তোমারই অনিষ্ট হইবে। চূপ করিয়া যদি না থাক, তোমার কথা তোমারই বিরুদ্ধে যাইবে। আমি তোমার সঙ্গে কথা বলি নাই।”

হর্টেন্সি সক্রোধে বলিল, “ঐ রকম অসচ্ছরিত্রা লেডীর কাছে আমি চাকরী করেছিলাম ব’লে এখন আমার আপশোধ হচ্ছে।”

“তোমার মত মেয়েমানুষ আমি কোথাও দেখি নাই। শ্রার লিষ্টারের মত ভদ্রলোকের সাক্ষাতে তুমি এই সব কথা বলিতেছ? ছিঃ!”

ম্যাদমসেলি বলিল, “ভারী ভদ্রলোক উনি! আমি উহাকে গ্রাহ্য করি না। ওঁর বাড়ী, ওঁর নাম শুনিলেই আমার ঘৃণা বোধ হয়। কি ভদ্রলোক গা!”

বকেট বলিলেন, “শ্রার লিষ্টার, এই বিদেশিনীর সাহায্যে আমরা সেই ব্যাপারটির অনুসন্ধান করি। তাহার ফলে এই স্ত্রীলোকটি মিঃ টলকিংহরণের উপর দাবী-দাওয়া করিতে থাকে। অবশ্য তিনি উহাকে যথেষ্ট পারিশ্রমিক দিয়াছিলেন।”

“মিথ্যাকথা, আমি তার এক পয়সাও নেই নি।”

বকেট বলিলেন, “ফের তুমি কথা বলিতেছ? যাক, এই নারী অবশেষে আমার বাড়ীর ভাড়াটিয়া হয়। আমার চক্ষুতে ধূলি নিক্ষেপ করিবার জন্ত কি না, সে কথা বলিতেছি না, কিন্তু সে আমার বাড়ীতেই থাকিতে চাহিল। সেই সময় সে প্রত্যহ উকীল মহাশয়ের বাড়ীতে গোপনে যাতায়াত করিত। যাক, তার পর হত্যাকাণ্ড হইয়া গেল। আমার উপরেই উহার কিনারা করিবার ভার পড়িল। আমি চারিদিক দেখিয়া শুনিয়া এবং সন্ধান লইয়া জর্জকে গ্রেপ্তার করিলাম। কারণ, সে দিন তিনি ঘটনার সময় সেই বাড়ীতে আসিয়াছিলেন। আপনি হয় ত জিজ্ঞাসা করিবেন, প্রথমে জর্জের উপর আমার সন্দেহ হইয়াছিল কি না? উত্তরে আমি বলিব যে, না, তাঁহাকে আমি হত্যাকারী ভাবি নাই। তবে যদি কোন সন্দেহ থাকে, তাই আমি তাঁহাকে ছাড়ি নাই। তার পর শুনুন!”

ম্যাদমসেলি হর্টেন্সি তাহার ক্রুদ্ধতার নয়নযুগল বকেটের উপর স্থাপন করিয়া বসিয়া রহিল। তাহার দৃষ্টিতে ক্রকুটি।

“শ্রার লিষ্টার, রাত্রিতে বাড়ী গিয়া দেখিলাম, এই স্ত্রীলোকটি আমার স্ত্রীর সহিত বসিয়া আহার করিতেছে। আমাদের বাড়ীতে আসা অবধি এই রমণী আমার স্ত্রীকে খুব ভালবাসে, এইরূপ অভিনয় করিতেছিল। কিন্তু সেই রাত্রিতে তাহার ভালবাসার মাত্রা বেন ছাপাইয়া গেল। মৃত উকীলের জন্তও সে এমনি ছুঃখ প্রকাশ করিতে লাগিল।”



যে, তখনই আমার মনে দৃঢ় বিশ্বাস জন্মিল যে, উক্ত কার্য এই রমণী ছাড়া আর কেহই করে নাই।”

ম্যাদমসেলি দাঁড়ে দাঁত রাখিয়া বলিয়া উঠিল, “শয়তান!”

“ঘটনার রাত্রিতে স্ত্রীলোকটি কোথায় ছিল, তাহা জানা দরকার। সে আমাদের বলিয়াছিল যে, সে থিয়েটারে অভিনয় দেখিতে গিয়াছিল। আমি অনুসন্ধান জানিলাম যে, সত্যই সে হত্যাকাণ্ডের পূর্বে এবং পরে অভিনয়ক্ষেত্রেই উপস্থিত ছিল। আমি গোড়া হইতেই জানিতাম, খুব পাকা খেলোয়াড়ের সঙ্গে পাল্লা দিতে হইতেছে। সহজে আমি প্রমাণ সংগ্রহ করিতে পারিব না। কাজেই আমাকে কঁাদ পাতিতে হইল। এমন কঁাদ আমি কখনই পাতি নাই। আমার ঘরে গিয়া স্ত্রীর মুখে একটা কাগজ গুঁজিয়া দিলাম, পাছে তিনি কোন বিশ্বয়ধ্বনি করেন। তার পর সব কথা অতি সন্তর্পণে তাঁহাকে বলিলাম। ম্যাদমসেলি, ও সব চলিবে না।” বলিয়াই তিনি হর্টেন্সির পাশে আসিয়া দাঁড়াইলেন।

রমণী বলিল, “এ কি?”

“তুমি যে জানালা দিয়ে লাফ মারিবে, সেটি হইবে না। চূপ করিয়া বসিয়া থাক। আমি তোমার কাছেই বসিতেছি। আমি বিবাহিত, সুতরাং তোমার আপত্তির কারণ নাই।”

যুবতী গতাস্তর না দেখিয়া চূপ করিয়া বসিয়া রহিল।

“শুনুন, স্ত্রীর লিষ্টার। এ ব্যাপারে স্ত্রীমতী বকেট আমায় বেরূপ সাহায্য করিয়াছিলেন, তাহা বলিবার নয়। এই যুবতীকে অসতর্ক করিবার অভিপ্রায়ে আমি বাড়ী যাওয়া ছাড়িয়া দিয়াছি, তবে রুটীর দোকানে, গোয়ালবাড়ীতে আমাদের প্রায়ই দেখা হইত। আমি স্ত্রীকে উপদেশ দিয়াছিলাম যে, জর্জের উপর আমার সন্দেহ জন্মিয়াছে, এ কথাটা যেন তিনি সকল সময়েই উহার কাছে প্রকাশ করেন, আর স্ত্রীলোকটির উপর দিবানিশি নজর রাখিতে হইবে, তাহাও বলিয়া দিয়াছিলাম। তাহার মনে সন্দেহ জন্মিতে দেওয়া হইবে না অথচ মুহূর্তের জন্তও সে যেন দৃষ্টিপথের বাহিরে না যায়, একরূপ উপদেশ আমি গৃহিনীকে বিশেষ করিয়া দিয়াছিলাম। আমার স্ত্রী অক্ষরে অক্ষরে আমার আদেশ প্রতিপালন করিয়াছেন।”

ম্যাদমসেলি বলিয়া উঠিল, “সব মিথ্যা কথা, আগা-গোড়া মিথ্যা!”

“স্ত্রীর লিষ্টার, আমার অনুমান ঠিক হইল। এই রমণী অবশেষে লেডী ডেডলক্‌কে এই হত্যার ভার চাপাইবার চেষ্টা করিল।”

স্ত্রীর লিষ্টার চেয়ার ছাড়িয়া উঠিলেন, আবার বসিয়া পড়িলেন।

“আমি সর্বদাই এখানে আছি জানিয়া এই রমণী আরও উৎসাহিত হইল। আমার ইচ্ছাও ছিল তাই। আমার পকেট-বইখানা খুলিয়া দেখুন, ইহার মধ্যে অনেকগুলি চিঠি

পাইবেন, সবই বেনামা, আর প্রত্যেকটিতে লেখা আছে ‘হত্যাকারিণী লেডী ডেডলক্‌’ আমার স্ত্রী গুপ্ত স্থান হইতে লক্ষ্য করিয়া দেখিয়াছেন, প্রত্যেক পত্র এই নারীর লিখিত। আধঘণ্টার মধ্যে আমার স্ত্রী কাগজ, কলম, কালী সবই সংগ্রহ করিয়াছেন। এমন কি, এই স্ত্রীলোকটি যখন প্রত্যেক পত্র ডাকে দেয়, তাহাও স্ত্রীমতী বকেট যত্ন দেখিয়াছেন।”

ম্যাদমসেলি হর্টেন্সি ক্রমেই অস্থির হইয়া উঠিল।

“অবশ্য ঘটনার রাত্রিতে লেডী ডেডলক্‌ সেই স্থলে উপস্থিত ছিলেন। এই বিদেশিনী তাঁহাকে দেখিতে পাইয়াছিল। সম্ভবতঃ সে তখন সিঁড়ির উপরভাগে ছিল। লেডী ডেডলক্‌, জর্জ এবং এই রমণী তিন জনই তিন জনের কাছাকাছি ছিলেন। যাক, সেটা আমি ধরিতেছি না। পিস্তলের যে গুলীতে টল্কিংহরণ হত হইয়াছিলেন, তাহা যে কাগজে মোড়া ছিল, তাহার কিয়দংশ আমি কুড়াইয়া পাই। উহা চেসনিওডের ছাপান বিজ্ঞাপনের কিয়দংশ মাত্র। সেটা একটা বিশেষ প্রমাণ নয়। কিন্তু তাহা ছাড়া অন্য প্রমাণও আছে।”

ম্যাদমসেলি হর্টেন্সি বলিয়া উঠিল, “তোমার সব মিথ্যা কথা। খালি বানাইয়া বলিতেছ। তোমার কথা কি শেষ হবে না?”

রমণীর কথায় কণপাত না করিয়া বকেট বলিয়া চলিলেন, “স্ত্রীর লিষ্টার ডেডলক্‌, আমার বক্তব্যের শেষ হইয়া আসিতেছে। তাড়াতাড়ি কোন কাজ আমরা করি না। গতকল্যও আমি এই রমণীর গতিবিধি লক্ষ্য করিয়াছিলাম। কাল যখন উকীলের অস্ত্রোষ্টিক্রিয়ার সময় এই স্ত্রীলোকটি ঘটনাস্থলে আমার স্ত্রীর সহিত দাঁড়াইয়াছিল, আমি গোপনে উহার গতিবিধি লক্ষ্য করিতেছিলাম। সেই সময়েই আমি উহাকে গ্রেপ্তার করিতাম। উহার ভাবভঙ্গী দেখিয়া, লেডী ডেডলক্‌কে দেখিয়া উহার মুখের ভাব বেরূপ ভীষণ আকার ধারণ করিয়াছিল, তাহাতেই আমার মনে আর সন্দেহের অবকাশমাত্র ছিল না। আমি যদি কাঁচা লোক হইতাম, তবে তখনই উহার হাতে হাতকড়ি লাগাইতাম। তার পর কাল সন্ধ্যার সময় লেডী মহোদয় যখন বাসায় আসিলেন, তখন তাঁহার মূর্তি দেখিয়া বুঝিয়াছিলাম, এমন সুন্দরী, এমন লোকসমাদৃত্য মহিলা কখনই কোন গর্হিত কাজ করিতে পারেন না। তখন এই শয়তানীর প্রতি সত্যই আমার এমন রাগ হইয়াছিল যে, কাঁচা লোক হইলে তৎক্ষণাৎ ইহাকে হাজতে লইয়া যাইতাম। কিন্তু তাহাতে একটা বড় জিনিস আমি হারাইতাম। সেটা হইতেছে, যে পিস্তল দ্বারা উকীল নিহত হইয়াছিলেন। অস্ত্রোষ্টিক্রিয়ার পর আমার এই বন্দিনী আমার পত্নীর নিকট প্রস্তাব করে যে, সন্নিহিত কোনও পল্লীগ্রামে গাড়ী চড়িয়া গিয়া কোন হোটেলে আহারাদি করিয়া আসিবে। যে হোটেলে তাহার

পান-স্নান করে, তাহার সম্মুখে একটা জলাভূমি ছিল। চা-পান করিতে করিতে বন্দিনী শয়নকক্ষ হইতে তাহার টুপীটা আনিবার জন্ত চলিয়া যায়। তাহার আসিতে একটু বিলম্বও হয়। বাড়ী ফিরিয়া আসিয়া আমার স্ত্রী এই ঘটনার কথা আমায় প্রকাশ করেন। সেই রাত্ৰিতেই আমি কয়েক জন পুলিশ-প্রহরীকে লইয়া ঘটনাস্থলে যাই এবং জল ছাঁকিয়া পিন্ডলটি আবিষ্কার করি। চন্দ্রালোক ছিল বলিয়া আমাদের কাজে কোন অসুবিধা হয় নাই।”

বকেট কথা শেষ করিয়াই স্কুশোলে রমণীর মণিবন্ধে হাতকড়া লাগাইয়া দিলেন।

বন্দিনী তারস্বরে বলিয়া উঠিল, “তোমার সেই বিশ্বাস-ঘাতিনী পত্নীটি কোথায়?”

“তিনি পুলিশ আপিসে গিয়াছেন। সেইখানে তাঁহার সহিত তোমার দেখা হইবে।”

বাস্তবীর চায় দস্ত নিষ্পেষিত করিয়া সে বলিল, “আমি একবার তাহার মুখচুম্বন করিতে চাই!”

“তুমি তাহাকে দংশন করিবে?”

চক্ষু দুটি বিস্ফারিত করিয়া রমণী বলিল, “আমার ইচ্ছা তাই। তাকে এত ভালবাসি যে, আমি তাকে টুকরা টুকরা করে ছিঁড়ে ফেলতে চাই।”

“ভাল কথা। তোমাদের জাতটাই এই রকম। একবার যদি মতের অমিল হইল, অমনি আর রক্ষা নাই। কিন্তু আমার উপর তোমার কোন রাগ নাই ত?”

“না। তবে তুমি শয়তান।”

“আচ্ছা, তবে এখন চল। বাহিরে গাড়ী দাঁড়াইয়া আছে।”

বিদ্রূপভরে রমণী বলিল, “তুমি ত ধর্মের অবতার দেখিতেছি; কিন্তু তুমি সে ব্যক্তিটির দেহে কি জীবন সঞ্চার করতে পারবে?”

বকেট বলিলেন, “না, তা সম্ভব নয়।”

“আচ্ছা, মহিলাটির স্নানাম ফিরাইয়া দিতে পারবে?”

বকেট বলিলেন, “তোমার সন্ধ্যা বড় ভয়ানক।”

“ঐ ব্যক্তিটির পূর্বতেজ বা অহঙ্কার ফিরিয়ে আনতে পারবে?”

“বাজে কথা রাখ, আমার সঙ্গে এস।”

“তুমি ঐ সব পারবে না ত? বেশ, এখন আমাকে লইয়া তোমার যা ইচ্ছা করিতে পার। মৃত্যু? আমার কাছে উহার কোন মূল্য নাই। চল যাই। বৃদ্ধ, তবে বিদায়। তোমার জন্ত আমার দুঃখও হয়, দুঃখও হয়।”

বকেট রমণীকে লইয়া চলিয়া গেলেন। কেহ বুদ্ধিতে পারিল না যে, হর্টেন্সি বন্দিনী।

শ্রীর লিষ্টার একা স্তম্ভভাবে বসিয়া রহিলেন। তার পর যখন দেখিলেন, ঘরে আর কেহ নাই, তিনি তখন উঠিয়া পাড়াইলেন। চেয়ার সরাইয়া দিয়া দুই চারি পদ অগ্রসর হইলেন। আবার থামিলেন, উর্কে দৃষ্টি নিষ্কেন্দ্র করিলেন।

তিনি কি দেখিতেছিলেন, কে জানে! তৃণশ্রামল চেসনিওড, ইতিহাসপ্রসিদ্ধ প্রাসাদ, বহুশত বৎসরের সঞ্চিত ভৈলচিত্রসমূহ, পিতৃ-পিতামহদিগের স্মৃতিস্মরণ। সকলে কি সহস্র অঙ্গুলি নির্দেশ করিয়া তাঁহাকে দেখাইতেছিল? কে জানে!

তিনি বাহাই কেন দেখুন না, একটি নাম তখনও তিনি স্পষ্টভাবে উচ্চারণ করিলেন। বহু বৎসর এই নারীই তাঁহার গর্ভের—আনন্দের বিষয় ছিল। ইহাকে তিনি প্রাণ দিয়া ভালবাসিয়া আসিয়াছেন। প্রাণ-মন দিয়া এই নারীকে তিনি পূজা করিয়াছেন, জগৎ যাহাতে তাঁহার গুণকীর্তনে লক্ষ্যমুখ হয়, তাহার ব্যবস্থা করিয়া আসিয়াছেন। এই নারীও তাঁহাকে ভালবাসা বিলাইয়া আসিয়াছেন, তাহাতে সন্দেহমাত্র নাই। যশের সর্বোচ্চ শিখরে যে নারী প্রতিষ্ঠিত ছিলেন, আজ তাঁহাকে কলঙ্কের গভীরতম কূপে কোনমতেই নিষ্কিন্ত হইতে দিতে তিনি পারিবেন না। না, কোনমতেই নয়।

মূর্ছা আসিয়া যখন তাঁহার চৈতন্য অপহরণ করিতেছিল, তখনও তিনি সেই পত্নীর নাম স্পষ্টভাবে উচ্চারণ করিলেন। সে কণ্ঠস্বরে শুধু বক্রুণা, সমবেদনা উচ্ছ্বসিত হইয়া উঠিতেছিল, তাহাতে বিন্দুমাত্র তিরস্কার ছিল না।

৩৩

উল্লিখিত অধ্যায়-বর্ণিত হত্যাকারিণীকে গ্রেপ্তার করিবার পূর্ব-রাত্ৰিতে লিঙ্কলন শায়ার হইতে একখানি গাড়ী আরোহী-সহ লগুনে আসিতেছিল।

সেই গাড়ীতে শ্রীমতী রাউন্সওয়েল আসিতেছিলেন,— তাঁহার পার্শ্বে শ্রীমতী ব্যাগনেট উপবিষ্টা।

বৃদ্ধা রাউন্সওয়েল দীর্ঘকাল পুত্র জর্জের সন্ধান না পাইয়া কিরূপ উত্তেজিত হইয়াছিলেন, তাহা বলাই বাহুল্য।

শ্রীমতী ব্যাগনেট বৃদ্ধাকে বুঝাইয়া দিয়াছিলেন যে, জর্জ এখন হাজতে আছেন। অপরাধটা কি, তাহাও বলিয়াছিলেন। আশ্রয়ক্ষার জন্ত যাহাতে উকীল নিযুক্ত করা যায়, সে বিষয়ে জর্জকে বুঝাইতে হইবে।

শ্রীমতী রাউন্সওয়েল বলিলেন, “তা নিশ্চয়। আমার সর্বস্ব দিয়াও আমি ভাল উকীল নিযুক্ত করিব। তাহাকে নির্দোষ প্রতিপন্ন করাইতেই হইবে। শ্রীর লিষ্টারও সে বিষয়ে চেষ্টা করিবেন। আমি, আমিও কিছু জানি। আমি নিজেই সে আবেদন করিব।”

শ্রীমতী ব্যাগনেট বৃদ্ধার অসংলগ্ন বাক্যে বিস্মিত হইলেন। ভাবিলেন, পুত্রের এত বড় বিপদে মাথা বোধ হয় ঠিক নাই। কিন্তু তিনি বারকয়েক—“আমার লেডী, আমার লেডী” উচ্চারণ করিলেন কেন?

প্রভাতে গাড়ী জেলের কাছে পৌছিল। কারাগারের মধ্যে প্রবেশাধিকার পাইয়া উভয়ে ভিতরে গেলেন।

জর্জ তখন কি লিখিতেছিলেন। বৃদ্ধা নিশ্চলভাবে কক্ষমধ্যে দাঁড়াইলেন, কিন্তু তাঁহার মূর্তিতে সম্মানবাৎসল্যের যে চিত্র সমুজ্জ্বল হইয়া উঠিল, তাহা শ্রীমতী ব্যাগনেটের দৃষ্টিকে পবিত্র করিয়া দিল।

“জর্জ রাউন্সওয়েল, প্রাণাধিক, এ দিকে ফিরিয়া চাও।”

সৈনিক চমকিয়া ফিরিয়া চাহিলেন। মুহূর্তমধ্যে তিনি বালকের ন্যায় মাতার কর্ণলগ্ন হইলেন। তার পর নতজানু হইয়া বসিলেন।

“জর্জ, প্রাণাধিক পুত্র! এত দিন কোথায় ছিলে, বাবা?”

একটু শাস্ত হইয়া জর্জ বলিলেন, “মা, আমাকে ক্ষমা কর।”

ক্ষমা! এখনও কি তাহা বাকি আছে! চিরদিনই যে তিনি প্রাণাধিক পুত্রকে ক্ষমা করিয়া আসিয়াছেন। তিনি জানিতেন, তাঁহার পুত্র কখনও কোন অন্যায় কাজ করিতে পারেন না।

“মা, আমি তোমায় বড় কষ্ট দিয়াছি। তাই আজ এই প্রতিফল। তোমাকে পত্র লিখিবার ইচ্ছা ছিল, কিন্তু উন্নতি না করিয়া তোমাকে সংবাদ দিব না, এই আমার প্রতিজ্ঞা ছিল, সে উন্নতি আর হয় নাই। কাজেই তোমাদের নিকট হইতে আপনাকে বিচ্ছিন্ন করিয়া রাখিয়াছিলাম।”

“তোমার কোন দোষ হয় নাই, বাবা। সে জন্ম তুমি দুঃখ করিও না।”

“মা, তুমি সকলের শ্রদ্ধার পাত্রী, দাদা দিন দিন অবস্থার উন্নতি করিতেছেন, কাগজে তাহা পড়িতাম। মনে হইত, আমিও উন্নতি করিব। কিন্তু ভাগ্যক্রমে তাহা হইল না। কাজেই আত্মগোপন করিয়াছিলাম, কিন্তু মা, তোমাকে কখনও ভুলি নাই, কোন অন্যায় কাজও কখনও করি নাই। আমি ভাবিয়াছিলাম, এই ভাবেই শেষ জীবন কাটাইব, কিন্তু আমার বন্ধুপত্নী তাহা হইতে দিলেন না। সে জন্ম আমি দুঃখিত নহি,—বরং আজ অন্তরের কৃতজ্ঞতা প্রকাশ করিতেছি।”

মাতা অতঃপর পুত্রকে আপনার পক্ষসমর্থনের জন্ম উকীল নিযুক্ত করিবার প্রস্তাব করিলেন। জর্জ বলিলেন, “মা, তুমি যাহা বলিবে, আমি তাহাই করিব। আর তোমার অবাধ্য হইব না। শ্রীমতী ব্যাগনেট তুমি আমার মাকে দেখিও।”

মাতা বলিলেন, “জর্জ, তোমার ভ্রাতাকে আসিবার জন্ম সংবাদ পাঠাই।”

জর্জ বলিলেন, “মা, একটা অচুরোধ রাখিবে?”

“কি বাবা?”

“মা, আমার দাদাকে এ সংবাদ দিও না।”

“কেন বাবা?”

“না মা, সেটা আমি এখন বরদাস্ত করিতে পারিব না।

তিনি আমার মত নন। এখন তাঁহার মান, সম্মম,

প্রতিপত্তি যথেষ্ট। আমি এই অপরাধ ক্ষম্বে লইয়া তাঁহার সহিত দেখা করিতে পারিব না, আর তিনিও ইহাতে স্তব্ধ হইতে পারিবেন না। হওয়া অসম্ভব। না, মা, এ কথা এখন তাঁহার নিকট গোপন রাখিতে হইবে।”

“আচ্ছা, আপাততঃ তাই ভাল। কিন্তু তুমি যে বাচিয়া আছ, তাহা তাহাকে পরে জানাইতে হইবে।”

“হ্যাঁ মা, আমি নিজেই তাহা করিব। তিনি কি ভাবে আমাকে গ্রহণ করেন, সেটা আমি নিজেই পরীক্ষা করিয়া দেখিব।”

অতঃপর শ্রীমতী ব্যাগনেট বৃদ্ধাকে লইয়া কারাকক্ষ ত্যাগ করিলেন।

বৃদ্ধা রাউন্সওয়েল ডেডলক-প্রাসাদে পৌঁছিয়া একাকিনী উপরে চলিয়া গেলেন। যে ঘরে লেডী ডেডলক বসিয়া ছিলেন, তথায় তিনি উপস্থিত হইলেন। লেডী ডেডলক তাঁহাকে দেখিয়া বিস্মিত হইলেন। শ্রীমতী রাউন্সওয়েল অপ্রত্যাশিতভাবে লগুনে আসিলেন কেন?

“লেডী মহোদয়া, বড় দুঃখেই আসিতে হইয়াছে। আপনার সহিত একটা কথা আছে।”

এই শাস্তস্বভাবা, গম্ভীরপ্রকৃতি বৃদ্ধা আজ এমন উত্তেজিত কেন? সর্বশরীর এমন কাঁপিতেছেই বা কি জন্ম? তাঁহার প্রতি এমন ভাবে চাহিতেছেনই বা কেন?

“ব্যাপার কি? তুমি ব’স, একটু বিশ্রাম কর।”

“মাই লেডী, মাই লেডী, আমার ছোট ছেলেকে বহুদিন পরে ফিরিয়া পাইয়াছি। কিন্তু এখন সে কারাগারে।”

“ঋণের জন্ম?”

“না লেডী, তাহা নয়। ঋণের জন্ম হইলে আমি নিজেই টাকা শোধ করিয়া দিতে পারিতাম।”

“তবে কি জন্ম?”

“খুনের অভিযোগ তাহার উপর পড়িয়াছে; কিন্তু বাহা আমার আমারই মত নির্দোষ। মিঃ টলকিংহরণের হত্যার অপরাধে অভিযুক্ত।”

বৃদ্ধা অমন করিয়া তাঁহার দিকে চাহিতেছে কেন? এত নিকটে সরিয়া আসিবারই বা প্রয়োজন কি? হাতে ওখানা কি?

“লেডী ডেডলক, দয়াবতী রাণি! আমার অবস্থা বুঝিয়া দয়া করুন। আপনার জন্মের পূর্ক হইতে আমি এই সংসারের সহিত সংশ্লিষ্ট। এ পরিবারের আমি অন্তর্গত ও ভক্ত। কিন্তু আমার পুত্র এখন অন্তাররূপে অভিযুক্ত। সেটা বিবেচনা করিয়া দেখিবেন।”

“আমি ত তাহাকে অপরাধী বলিতেছি না।”

“না, লেডী, আপনি তাহা বলেন নাই। কিন্তু অল্পে বলিতেছে এবং সে জন্ম সে কারাগারে, তাহার জীবন বিপন্ন। রাণি! আপনি একটি কথা বলিলে সে মুক্তি পাইবে।”

এ কি ভ্রান্ত ধারণা! তিনি একটি কথা বলিলেই



কারাগারের দ্বার মুক্ত হইয়া যাইবে, এ বিশ্বাস বৃদ্ধার হইল কিরূপে? তাঁহার দীর্ঘায়ত মনোরম নয়ন-ধুগল বিশ্বরে, আতঙ্কে বৃদ্ধার প্রতি আরোপিত হইল।

“মাই লেডী, কাল রাত্রিতে আমি চেসনিওড হইতে যাত্রা করিয়া পুত্রকে দেখিতে আসিয়াছি। আসিয়া তাহাকে কারাগারে দেখিলাম। ভূতের পথটিতে এ বৎসর যেমন পুনঃ পুনঃ পদধ্বনি শুনিয়াছি, এমন কখনও শুনি নাই। সন্ধ্যার অন্ধকার ঘনাইয়া আসিলেই প্রায়ই পদধ্বনি শুনিতে পাইয়াছি। আপনার শয়নগৃহে সে পদধ্বনি বেশী শুনা গিয়াছে। গত রাত্রিতে পদধ্বনি গুরুতর ও দ্রুততর হইয়াছিল। তার পর এই পত্রখানি আমি পাই।”

“ও কিসের পত্র?”

“আস্তে! আস্তে!”—চারিদিকে সন্ধিগ্ন দৃষ্টিতে চাহিয়া গৃহকর্তী অশ্রুট স্বরে বলিলেন, “এ পত্রের কথা আমি কাহারও নিকট বলি নাই। ইহাতে যাহা লেখা আছে, আমি তাহার একটাও বিশ্বাস করি না। আমি জানি, ইহা সত্য নহে। নিশ্চয় সত্য নহে। কিন্তু আমার পুত্র বিপন্ন, সুতরাং তাহার প্রতি আপনার দয়া হওয়া দরকার। যদি আপনি কোন কথা জানেন, যদি কাহারও প্রতি সন্দেহ আপনার থাকে, তবে তাহা গোপন না করিয়া প্রকাশ করিয়া ফেলুন। সারাজীবন ধরিয়া বিশ্বস্তভাবে যে আপনাদের সেবা করিয়াছে, তাহার পুত্রকে রক্ষা করিবার যদি কোন উপায় থাকে, কথাটা প্রকাশ করিয়া তাহার জীবন রক্ষা করুন।”

পত্রখানা হাতে করিয়া লেডী বলিলেন, “চিঠিখানা কি আমি পড়িতে পারি?”

“আমি চলিয়া গেলে পড়িবেন। তার পর কর্তব্য অবধারণ করিবেন।”

“সত্য বলিতেছি, এ ব্যাপারের কিছুই আমি জানি না। গোপন করিবার কিছুই আমার নাই। তোমার পুত্র সম্বন্ধে কোন কথাই আমি জানি না। আমি কখনও বলি নাই যে, তোমার পুত্র অপরাধী।”

“চিঠিখানি পড়িবার পর আপনি বুদ্ধিতে পারিবেন, মিথ্যাবাদ তাহার স্বক্বে চাপান হইয়াছে। তখন আপনার দয়া হইবে।”

বৃদ্ধা কক্ষ ত্যাগ করিলেন। লেডী পত্রখানা খুলিয়া দেখিলেন। মৃত ব্যক্তির দেহ কি প্রকারে আবিষ্কৃত হইয়াছিল, ছাপার অক্ষরে তাঁহা লিখিত। সকলের শেষে তাঁহারই নাম লিখিত। লেডী ডেডলক্ হত্যাকারিণী!

পত্রখানা তাঁহার হস্তখলিত হইয়া ভূমিতলে পড়িয়া গেল। কতক্ষণ তিনি নিশ্চলভাবে বসিয়াছিলেন, তাহাও স্মরণ হয় না। অবশেষে এক জন ভূতের আবির্ভাবে তাঁহার চৈতন্য হইল। পরিচারক জানাইল, গুপ্তী নামক একটি যুবক তাঁহার দর্শনপ্রার্থী।

লেডী বলিলেন, “তাহাকে লইয়া আইস।”

পত্রখানা কুড়াইয়া লইয়া লেডী আশ্রয় হইলেন। গুপ্তী প্রবেশ করিলেন।

যুবক বলিলেন, “বিশেষ প্রয়োজনে আমি আপনাকে বিরক্ত করিতে আসিয়াছি, আশা করি, আমার অপরাধ লইবেন না।”

“বলিয়া যাও।”

“মিস্ সমার্সনের নির্দেশে আমি তাঁহার জীবনচরিত-সংক্রান্ত ইতিহাসের আলোচনায় নিরস্ত হইয়াছিলাম। সেই কারণেই লেডী মহোদয়াকে আমি আর বিরক্ত করি নাই। তবে আজ একটি বিশেষ কারণে বাধ্য হইয়া আসিতে হইয়াছে। আমি যে বিষয়ের সন্ধানে ছিলাম, অল্প ব্যক্তিও যে তাহাই খুঁজিতেছিলেন, তাহা জানিতাম না। অবশ্য তিনি এখন পরলোকগত। কিন্তু তিনি জোগাড়স্বয়ং করিয়া অনেকটা কাজ হাসিল করিয়াছিলেন। এখন তিনি যে দল পাকাইয়া এই কাজ করিয়াছিলেন, তাহাদের অনেকে আসল ব্যাপারটা কতক জানিতে পারিয়াছে। সেজন্য আপনাকে সতর্ক করিয়া দেওয়া আমার কর্তব্য। আজ সকালে কি কতকগুলি লোক এখানে আসে নাই? আপনার সহিত দেখা করে নাই?”

“না।”

“তবে জানিয়া রাখুন, তাহারা আসিয়াছিল। আমি স্বয়ং তাহাদিগকে এখান হইতে বাহির হইতে দেখিয়াছি।”

“কিন্তু তাহাদের সহিত আমার সম্বন্ধ কি?”

“আমি আপনাকে সতর্ক করিয়া দিতে আসিয়াছি। হয় ত কোন প্রয়োজন না-ও থাকিতে পারে। তবে আমি মিস্ সমার্সনের কাছে যে প্রতিজ্ঞায় আবদ্ধ ছিলাম, তাহা পালন করিয়া গেলাম। আমার সন্দেহ হয় যে, যে চিঠির তাড়া পুড়িয়া গিয়াছে বলিয়া আপনাকে জানাইয়াছিলাম, তাহা সত্যই ভয়ানক হইয়া নাই। আজ যাহারা আসিয়াছিল, তাহারা টাকা আদায় করিবার অভিপ্রায়েই আসিয়াছিল। সম্ভবতঃ তাহারা টাকা পাইয়াছে বা পাইবে। তবে এখন আসি।”

গুপ্তী চলিয়া গেলে লেডী ঘণ্টাধ্বনি করিলেন।

“শ্রার লিষ্টার কোথায়?”

মার্করি বলিল যে, তিনি এখন লাইব্রেরী-ঘরে একা আছেন।

“সকালে শ্রার লিষ্টারের কাছে কেহ আসিয়াছিল কি?”

কার্যোপলক্ষে অনেকগুলি লোকই আসিয়াছিল। মার্করি তাহাদের আকৃতির বিবরণ প্রদান করিল।

যথেষ্ট হইয়াছে, সে এখন চলিয়া যাইতে পারে।

বস্! সবই প্রকাশ পাইয়াছে! বহুলোকের মুখে তাঁহারই নাম উচ্চারিত হইতেছে। স্বামীও সব কথা শুনিয়াছেন। হয় ত তাঁহার কলঙ্কের কথা সংবাদপত্রে-

মুক্ত হইয়া ছড়াইয়া পড়িবে। তাহা ছাড়া আবার তাঁহাকেই হত্যাকারিণী বলিয়া অনির্দেশ শত্রু প্রচার করিতেছে।

উকীল তাঁহার শত্রু ছিল। সত্যই তিনি বহুবার তাহার মৃত্যু-কামনা করিয়াছেন। মরিয়াও সে তাঁহার সহিত শত্রুতাচরণ করিতে ভুলে নাই। এখন যদি তিনি নরহত্যা বলিয়া অভিযুক্ত হন! উঃ—লেডী শিহরিয়া উঠিলেন। কান্সডের স্পর্শ যেন তিনি গলদেশে অনুভব করিলেন।

ভূমিতলে লুটাইয়া পড়িয়া তিনি যন্ত্রণায় ছটফট করিতে লাগিলেন। বিভীষিকা তাঁহাকে অস্থির করিয়া তুলিল। প্রকৃত নরহত্যা হইলেও কেহ এমন যন্ত্রণা ভোগ করে না।

যতই চিন্তা করিতে লাগিলেন, লেডী ডেডলক ততই অধীর হইয়া উঠিতে লাগিলেন। তিনি বুঝিলেন, এই শত্রুর কবল হইতে তাঁহার মুক্তি নাই। যে শক্তিবলে এত দিন তিনি আত্মমর্যাদা অক্ষুণ্ণ রাখিয়া চলিতেছিলেন, আজ যেন সে শক্তি কে অপহরণ করিয়াছে। লেডী ডেডলক অধীর হইয়া নিয়মিত পত্রখানি লিখিয়া উহা শীল-মোহর করিয়া রাখিলেন।

“যদি তাঁহার হত্যার অপরাধে কেহ আমাকে অভিযুক্ত করে, তবে বিশ্বাস করিও, আমি সত্যই নির্দোষ। ইহা ছাড়া আমার সাধুতায় বিশ্বাস করিও না। হত্যাপরাধ ব্যতীত অন্য যে সকল অপরাধের বোঝা আমার স্বন্ধে চাপিয়াছে, তাহা মিথ্যা নয়। তিনি যে রাত্রিতে হত হন, সেই দিন আমাকে সতর্ক করিয়া গিয়াছিলেন। তোমার নিকট আমার পাপের কথা প্রকাশ করিবেন বলিয়াছিলেন। তিনি চলিয়া গেলে, আমি বেড়াইবার অছিলায় তাঁহার বাসায় যাই। আমার উদ্দেশ্য ছিল যে, তিনি যেন আর আমাকে দৃষ্টিইয়া না মারেন, এই কথা তাঁহাকে বলিব। অর্থাৎ অবিলম্বেই তিনি যেন আমার সব কথা তোমাকে বলিয়া দেন। আর যেন কালহরণ না করেন।

“তাঁহার বাসায় গিয়া দেখিলাম, ঘর অন্ধকার এবং শব্দশূন্য। দুইবার আমি ঘণ্টাধ্বনি করি; কিন্তু কোন উত্তর না পাইয়া আমি বাড়ী ফিরিয়া আসি।

“এখন আমি গৃহীনা। আর আমি তোমার ভার-বোঝা হইয়া থাকিব না। এ অযোগ্য রমণীকে প্রাণ ভরিয়া ভালবাসিয়াছিলে, আমি তোমাকে অনুন্নয় করিতেছি, আমার কথা একেবারে ভুলিয়া যাইও। আমার অপরাধ গুরুতর, আমার ব্যবহারে তোমার যে ক্রোধোদয় হইবে, তাহার জন্ত কেহ তোমাকে এক বিন্দু দোষ দিতে পারে না। লজ্জায় ঘৃণায় তোমার নিকট হইতে ছুড়াগিনী পলায়ন করিতেছে। এই শেষ বিদায়!”

অবশুণ্ণে মুখাবৃত করিয়া, হীরকালঙ্কার ও অর্থ সবই রাখিয়া তিনি নীচে নামিয়া গেলেন। হলঘরে তখন কেহ ছিল না। সকলের অলক্ষ্যে তিনি গৃহত্যাগ করিলেন।

মিস্ ভলুমনিয়া নিঃশব্দে স্মার লিষ্টারের পাঠাগারে প্রবেশ করিয়া এটা ওটা নাড়িয়া দেখিতে দেখিতে সহসা তিনি হোঁচট খাইয়া পড়িয়া গেলেন। কিসের উপর পড়িয়াছেন, দেখিবামাত্র তিনি চীৎকার করিয়া উঠিলেন।

এ যে স্বয়ং স্মার লিষ্টার!—পরিচারকবর্গ ছুটিয়া আসিয়া স্মার লিষ্টারের সংজ্ঞাশূন্য দেহ শয্যায় স্থাপন করিল। লেডীর সন্ধান পড়িল। কিন্তু কেহ তাঁহাকে খুঁজিয়া পাইল না। তিনি বাড়ী নাই। শুধু একখানি পত্র স্মার লিষ্টারের নামে লেখা, টেবলের উপর রহিয়াছে।

প্রাণপণ গুণ্ণায় যখন ক্রমে তাঁহার চৈতন্য ফিরিয়া আসিল, তখন রাত্রি সমাগতা। কয়েক ঘণ্টার মধ্যে স্মার লিষ্টারের দেহে এমন পরিবর্তন ঘটয়াছিল যে, তাঁহার বয়স বিশ বৎসর বাড়িয়া গিয়াছিল। তাঁহার বাকশক্তি পর্য্যন্ত যেন লোপ পাইয়াছিল।

শয্যাপ্রান্তে গৃহকত্রীকে দেখিয়া স্মার লিষ্টারের মুখমণ্ডল অপেক্ষাকৃত যেন প্রসন্ন হইল। বাক্যের দ্বারা বুঝাইবার চেষ্টা ব্যর্থ হওয়ায় তিনি ইচ্ছিতে একটা পেন্সিল চাহিলেন। বৃদ্ধা রাউলওয়েল ছাড়া এই ইচ্ছিতও কেহ বুঝিতে পারিল না। তিনি একখানি শ্লেট ও একটা পেন্সিল আনিয়া দিলেন।

তিনি শ্লেটে লিখিয়া জিজ্ঞাসা করিলেন, “তিনি কোথায়? চেস্‌নিওডে না লওনে?”

তাঁহাকে জানান হইল যে, লওনের লাইব্রেরী-ঘরে তিনি অচেতন হইয়া পড়িয়াছিলেন। তখন যেন সব কথা তাঁহার স্মরণ হইল। ব্যাকুলভাবে চারিদিকে চাহিয়া তিনি লিখিলেন, “আমার লেডী?”

“স্মার লিষ্টার, তিনি আপনার অনুস্থতার সংবাদ জানিবার পূর্বেই বাহিরে গিয়াছেন, এখনও ফিরেন নাই।”

উত্তেজিতভাবে স্মার লিষ্টার পুনঃ পুনঃ লেডীর কথা লিখিতে লাগিলেন। তখন স্থির হইল, লেডী যে পত্র লিখিয়া রাখিয়া গিয়াছেন, তাহা স্মার লিষ্টারকে দেওয়া হইক।

গৃহকত্রী চিঠি খুলিয়া স্মার লিষ্টারের সম্মুখে ধারণ করিলেন। বহু চেষ্টার পর পত্রখানা দুইবার পড়িয়া তিনি উহা উন্টাইয়া রাখিলেন। কাহাকেও দেখিতে দিবেন না, এই যেন তাঁহার অভিপ্রায়। তার পর এক-ঘণ্টা মূর্চ্ছিতের স্মার পড়িয়া রহিলেন।

তার পর আবার শ্লেট লইয়া কি যেন লিখিবার চেষ্টা করিতে লাগিলেন। একটা ‘বি’ লিখিয়া তাহার পূর্বে একটা ‘মিঃ’ বসাইয়া দিলেন। গৃহকত্রী বলিলেন, ‘মিঃ বকেটকে সংবাদ দিব?’

হ্যাঁ, এই কথাই তিনি বলিতে বাইতেছিলেন!

বকেট তখনই আসিয়াছেন! নিয়ন্তলে অপেক্ষা করিতে-ছিলেন। আত্মসম্মতি উপরে আসিলেন।

বকেট তাঁহাকে ভদ্রবহু দেখিয়া বলিলেন, “শ্রীর লিষ্টার, আপনাকে এ অবস্থায় দেখিয়া আমি অত্যন্ত দুঃখিত হইলাম। আপনি অবিলম্বে সূস্থ হউন। বংশের পৌরব-রক্ষার্থ সূস্থ হওয়া আপনার দরকার।”

শ্রীর লিষ্টার পত্রখানা বকেটের হাতে দিলেন। পড়িয়া তিনি বলিলেন, “শ্রীর লিষ্টার, আপনার মনের কথা আমি বিয়াছি।”

শ্রেণীতে তিনি লিখিলেন, “সম্পূর্ণ ক্রমা। খুঁজিয়া—” বকেট তাঁহার হাত ধরিয়া লেখা বন্ধ করিলেন।

“শ্রীর লিষ্টার, আমি খুঁজিয়া বাহির করিব। তবে কিছু বেলম্ব হইয়া গিয়াছে। এখন আর মুহূর্ত্ত-মাত্রও নষ্ট করা যায় না।”

বকেট শ্রীর লিষ্টারের দৃষ্টির গতি দ্বারা একটি ছোট বাক্স দেখিয়া আসিলেন। তার পর একটা ছোট চাবি দ্বারা উহা খুলিয়া ফেলিয়া বলিলেন, “নোটের তাড়া লইব? আচ্ছা। পঞ্চাশ-খানা দশ পাউণ্ডের, একশত কুড়িখানা পঞ্চাশ পাউণ্ডের আর একশত ষাটখানা চল্লিশ পাউণ্ডের। এগুলি খরচের জন্ত লইব? বেশ। উহাতেই যথেষ্ট হইবে। হিসাব পরে দিন। অর্থব্যয়ে কুণ্ঠিত হইব না বলিতেছেন? না, নিশ্চয় নয়।”

এত ক্ষিপ্ত ও দ্রুতগতিতে বকেট কাজ করিতেছিলেন যে, শ্রীমতী রাউন্সওয়েলের মাথা ঘুরিয়া গেল। তখন কক্ষ-মধ্যে আর কেহই ছিল না।

বুজুর দিকে ফিরিয়া বকেট বলিলেন, “আপনি বোধ হয় জর্জের মাতা?”

“হ্যাঁ বাছা, আমি সেই দুর্ভাগিনী।”

“আমিও তাহাই অনুমান করিয়াছি। আপনাকে একটা কথা বলিব। আপনার ছেলের জন্য কোন চিন্তা নাই, তিনি মুক্তি পাইয়াছেন। কাঁদিবেন না। শ্রীর লিষ্টারের পরিচর্যার ভার আপনার। শ্রীর লিষ্টার ডেডলক্, আপনি আমার উপর যে ভার দিয়াছেন, তাহা আমি পালন করিব। আপনার সাংসারিক গোলযোগেরও সাহায্যে উপশান্তি ঘটে, তাহাও আমি করিব।”

সে কক্ষ ত্যাগ করিয়া বকেট লেডী ডেডলকের কক্ষে প্রবেশ করিলেন। সন্ধানের কোন সূত্র পান কি না, তাহা জানিবার জন্তই তিনি সেই কক্ষে গিয়াছিলেন। আলমারী, ড্রয়ার ইত্যাদি খুলিতে লাগিলেন। “সহসা একটা কোমল দস্তানা দেখিয়া সেটা তিনি উল্টাইয়া দিলেন। দেখিলেন, একখানা রুমাল রহিয়াছে।

“দস্তানার মধ্যে সাদা রুমাল? ব্যাপারটা দেখিতে হইল। বাঃ, একটা নামও লেখা আছে দেখিতেছি—ইহার সমারসন! এটা সঙ্গে রাখিতে হইল।

পাঁচ মিনিটের মধ্যে পর্যবেক্ষণ সমাপ্ত করিয়া তিনি রাস্তায় আসিলেন। দ্রুতপদে নিকটস্থ গাড়ীর আড্ডায়

আসিয়া তিনি একখানা গাড়ী ভাড়া করিয়া, কোথায় বাইরে হইবে, গাড়োয়ানকে বলিয়া দিলেন। দ্রুতবেগে শকট ধাক্কিত হইল। বকেট পথের এদিক ওদিক দেখিতে দেখিতে চলিলেন। কোনও পদার্থ ই তাঁহার দৃষ্টি এড়াইল না।

জর্জের বাসায় আসিয়া তিনি দ্রুতপদে উপরে চলিয়া গেলেন। সৈনিক তখন ধূমপান করিতেছিলেন।

“জর্জ, কথা বলিবার সময় নাই। চট করিয়া বল ত মিস্ সমারসন এখানে কোথায় থাকেন?”

জর্জ এইমাত্র সেই স্থান হইতে ফিরিয়া আসিয়াছেন। তিনি অক্সফোর্ড স্ট্রিটের নাম ও সংখ্যা বলিয়া দিলেন।

“চলিলাম, জর্জ, শুভরাত্রি।”

দ্রুতপদে গাড়ীতে চড়িলেন। বেগে গাড়ী নির্দিষ্টস্থলাভিমুখে ধাবিত হইল।

বাড়ীর সকলেই তখন নিদ্রাগত। শুধু মিঃ জার্নডিস্ তখনও জাগিয়া ছিলেন। বণ্টাধ্বনি শুনিয়া তিনি নিজেই আসিয়া দরজা খুলিয়া দিলেন।

বকেট বলিলেন, “কোন ভয় করিবেন না।”

ভয় কিসের? উভয়ে হলধরে আসিয়া দাঁড়াইলেন। “আমি ইন্সপেক্টর বকেট। বোধ হয়, আমাকে দেখিয়া থাকিবেন। এই রুমালখানা দেখুন, মিস্ ইহার সমারসনের এক রুমাল। পনের মিনিট আগে এই রুমালখানা লেডী ডেডলকের ঘরের একটা দেয়ালের মধ্যে পাইয়াছি। এক মুহূর্ত্ত সময় নষ্ট করিবার নাই, জীবন-মরণ সমস্ত। আপনি লেডী ডেডলক্কে জানেন?”

“হ্যাঁ।”

“আজ একটা গোপন ঘটনা প্রকাশ পাইয়াছে। অবশ্য সেটা পারিবারিক। শ্রীর লিষ্টারের মূর্ছা হইয়াছিল। অনেকটা সময় ব্যথা নষ্ট হইয়াছে। আজ অপরাহ্নে লেডী ডেডলক্ অদৃশ্য হইয়াছেন। একখানা চিঠি রাখিয়া গিয়াছেন। পত্রখানা একবার চোখ বুলাইয়া দেখুন।”

পত্র পড়িয়া মিঃ জার্নডিস্ বলিলেন, “তাঁহার মত কি?”

“ঠিক বলিতে পারি না। আত্মহত্যার মত বোধ হইতেছে। যাহাই হউক না কেন, প্রতি মুহূর্ত্তই বিপদের মাত্রা বাড়িতেছে। শ্রীর লিষ্টার আমার উপর ভার দিয়াছেন, তাঁহাকে খুঁজিয়া বাহির করিতে হইবে, জীবন রক্ষা করিতে হইবে, তিনি তাঁহাকে সম্পূর্ণ ক্রমা করিয়াছেন। সঙ্গে টাকা আমার যথেষ্ট আছে, সম্পূর্ণ ক্রমতাও পাইয়াছি। এখন আমি মিস্ সমারসনের সাহায্য চাই।”

মিঃ জার্নডিস্ ইতস্ততঃ করিতে লাগিলেন।

বকেট বলিলেন, “এখন বিচারের সময় নাই। লেডী ডেডলক্ আট দশ ঘণ্টা আগে বাহির হইয়াছেন। প্রত্যেক মুহূর্ত্ত আমার কাছে অমূল্য, এখন ইতস্ততঃ করিলে পরিণামে হয় ত আপনিই অল্পতাপ করিবেন; কিন্তু তখন আর কোন উপায় থাকিবে না। লেডী ভাবিয়াছেন, ঘরের



দায়ে তিনি অভিযুক্ত হইবেন, তাই অপমান ও লাঞ্ছনার দায় হইতে তিনি মুক্তিলাভ করিতে চান। এখন যদি এই ক্ষুদ্রী যুবতী—যাঁহার প্রতি তাঁহার এত আকর্ষণ—মিস্ সমারসনকে সঙ্গে লইতে পারি, তাহা হইলে লেডীকে হয় ত বাঁচাইতে পারা যাইবে। চিন্তার আর সময় নাই, আপনি কর্তব্য অবধারণ করুন।”

সবই সত্য কথা। জারনুডিস্ ইস্থার সমারসনের সঙ্গে পরামর্শ করিতে গেলেন। অল্পক্ষণ পরেই তিনি ফিরিয়া আসিয়া জানাইলেন যে, মিস্ সমারসন বেশপরিবর্তন করিয়া এখনই আসিতেছেন।

৫৭

আমি গাঢ় নিদ্রায় অভিভূত, এমন সময় কর্তা আসিয়া আমায় জাগাইলেন। তাড়াতাড়ি বাহিরে আসিলে তিনি সংক্ষেপে স্ত্রীর লিষ্টার ও লেডী ডেডলকের কথা আমায় জানাইলেন। আমার মা পলায়ন করিয়াছেন। ইন্স্পেক্টার বকেট নামক এক ব্যক্তি তাঁহাকে খুঁজিয়া বাহির করিতে নিযুক্ত হইয়াছেন। আমাকে সঙ্গে যাইতে হইবে, কারণ, মাকে যদি ফিরাইতে পারা যায়, তবে আমার ঘরাই তাহা সম্ভবপর হইবে বলিয়া তিনি বিশ্বাস করেন। এ সংবাদে আমার মনের অবস্থা যে কিরূপ হইল, তাহা বলিয়া শেষ করা যায় না।

তথাপি তাড়াতাড়ি বেশ পরিবর্তন করিয়া আমি দীর্ঘ-যাত্রার জন্য প্রস্তুত হইলাম। বকেট নীচে অপেক্ষা করিতেছিলেন; আমি তাঁহার কাছে উপস্থিত হইলাম। মা যে পত্রখানা লিখিয়া গিয়াছিলেন, সেখানাও তিনি আমায় পড়িয়া শুনাইলেন। দশ মিনিটের মধ্যে আমাদের গাড়ী রাজপথ অতিক্রম করিয়া চলিল।

বকেট আমায় বুঝাইয়া দিলেন যে, তাঁহার প্রশ্নের যথা-যথ উত্তরের উপর সব নির্ভর করিতেছে। আমার মাতার সহিত সর্বদা আমার পত্রব্যবহার হইত কি না, সবশেষ কোথায় তাঁহার সহিত আমার দেখা হইয়াছিল, আমার রুমাল কি করিয়া তাঁহার হস্তগত হইল ইত্যাদি প্রশ্নের আমি যথাযথ উত্তর দিলাম। তিনি প্রশ্ন করিলেন, এমন কোন লোক আছেন কি না—যাঁহার উপর লেডী ডেডলক নির্ভর করিতে পারেন। আমি বরথরনের নাম করিলাম। ঐ প্রশ্নে সব গল্পটাই আমায় সংক্ষেপে বলিতে হইল।

কিয়দুর অগ্রসর হইবার পর একটা আলোকিত বাড়ীর সম্মুখে গাড়ী থামিল। সেখানে আমাকে নামাইয়া বকেট একটি আরাম-কেন্দারায় আমায় বসিতে বলিলেন। তখন রাত্রি একটা। দুই জন পুলিশ-কর্মচারী টেবলের ধারে বসিয়া কি লিখিতেছিলেন। তৃতীয় আর এক জন পুলিশের বেশধারী ব্যক্তিকে ডাকিয়া বকেট কি বলিয়া দিলেন। সে চলিয়া গেল। তাঁহার নির্দেশানুসারে অপর দুই জন কি

লিখিয়া যাইতে লাগিলেন। বুঝিলাম, আমার মাতার বিবরণ। লেখা শেষ হইলে আর এক ব্যক্তিকে ডাকিয়া ছলিয়াখানি তাহার হাতে অর্পণ করা হইল। সে চলিয়া গেল।

বকেট আমার বলিলেন যে, নৈশ অভিযানের উপযুক্ত রকম পোষাক আমি পরিয়া আসিয়াছি কি না। আমি তাঁহাকে জানাইলাম, প্রচণ্ড শীতকেও আমি জুকেণ করি না। তাহা ছাড়া গরম কাপড় পরিয়া আমি আসিয়াছি।

বকেটকে অতি ভদ্র ও করুণহৃদয় বোধ হইল। তাঁহার উপর নির্ভর করিতে ইচ্ছা যায়। মনে ভরসা হয়। আমি যেন অনেকটা আশ্বস্ত হইলাম। পৌনে দুইটার সময় বাহিরে অশ্বপদ ও গাড়ীর চাকার শব্দ শুনিলাম। বকেট বলিলেন, “মিস্ সমারসন, এইবার প্রস্তুত হউন।”

বাহিরে একটা ফিটন্ দাঁড়াইয়া ছিল। আমি ভিতরে বসিলাম, তিনি বাহিরে কোচবাক্সে বসিলেন। একটা আঁধারে লগ্নন তাঁহার হাতে ছিল। তাঁহার নির্দেশ অনুসারে কোচম্যান গাড়ী হাঁকাইল।

ক্রমে একটা নদীর ধারে আমরা আসিলাম। গাড়ী থামিল। বকেট কয়েকটি লোকের সহিত কি কথা বলিলেন। বুঝিলাম, তাহারা পুলিশের লোক। বকেট নদীতে জাল ফেলিয়া ইতিমধ্যেই অনুসন্ধান করাইয়াছেন। না, কোনও মৃতদেহ পাওয়া যায় নাই। আমি নিশ্চিত হইলাম।

বকেট আমাকে জানাইলেন যে, তিনি সকল দিকই সন্ধান করিতেছেন। আমি যেন তাঁহার কাব্যকলাপ দেখিয়া ভীতা না হই।

গাড়ী ফিরিয়া চলিল। আর এক স্থানে ঐরূপে গাড়ী থামাইয়া সন্ধান লওয়া হইল। তার পর পোলের উপর দিয়া গাড়ী চলিল। বকেট সকল সময়েই তাঁহার তীক্ষ্ণ দৃষ্টি চারিদিকে নিক্ষেপ করিতেছিলেন। পোলের উপর উঠিয়া তাঁহার সতর্কতা আরও বাড়িল। পোলের কোনও ক্ষুদ্রতম অংশও তাঁহার প্রখর দৃষ্টি এড়াইতে পারিল না।

গাড়ী দ্রুতবেগে অগ্রসর হইতে লাগিল। খানিক পরে বুঝিলাম, আমরা সেন্ট আলবান্‌স্ অভিমুখে চলিয়াছি। বার্ণেটে ঘোড়া বদল করা হইল। প্রচণ্ড শীত পড়িয়াছিল। তুষারপাতে সমগ্র দেশটা যেন আচ্ছন্ন করিয়াছে। কিন্তু সে সময় তুষারপাত হইতেছিল না।

বকেট বলিলেন, “মিস্ সমারসন, এ পথ আপনার পরিচিত।”

আমি বলিলাম, “হ্যাঁ। কোন সংবাদ পাইলেন?”

“বিশেষ নির্ভরযোগ্য কোন সংবাদ পাই নাই। কিন্তু সে সময় এখনও আসে নাই।”

পথে যত সরাই বা পাহানিবাস ছিল, বকেট প্রত্যেকটিতে অনুসন্ধান করিতেছিলেন।

সাড়ে পাচটা যখন, সেই সময় সেন্ট আল্‌বান্সের অনতিদূরে আসিয়া উপস্থিত হইলাম। একটা পাহনিবাসে গাড়ী থামিবামাত্র বকেট আমাকে এক পেছালা গরম চা আনিয়া দিলেন।

আমি তাঁহাকে ধন্যবাদ করিলাম।

“আপনি বড় ক্লাস ও অবদর হইয়াছেন দেখিতেছি। বিশ্বের কথা নয়। জোরে কথা বলিবেন না। ব্যস্ত হইবেন না, সব মজল। তিনি আমাদের আগেই এই পথে গিয়াছেন।”

আমি আনন্দধ্বনি করিয়া উঠিলাম। তিনি অঙ্গুলি-সঙ্কেতে আমায় নিরস্ত করিলেন।

“আজ রাত্রি প্রায় আটটা কি নয়টার সময় তিনি এই পথে পদব্রজে গিয়াছেন। বরাবর আমি তাঁহার সন্ধান পাইয়া আসিতেছি, তবে এক একবার সন্ধান হারাইয়াছি। কিন্তু শেষে যে সংবাদ পাইয়াছি, তাহাতে বুঝিয়াছি যে, তিনি আমাদের আগে আগেই চলিয়াছেন। চল, জোরে গাড়ী চালাও।”

প্রভাতের পূর্বেই সেন্ট আল্‌বানে নামিয়া গাড়ীতে নতুন ঘোড়া জুতিয়া রাখিবার হুকুম দেওয়া হইল। তার পর আমাকে সঙ্গে করিয়া বকেট বাড়ীর অভিমুখে চলিলেন।

পাহাড়ে আরোহণ করিতে করিতে তিনি চারিদিকে চাহিয়া দেখিতে লাগিলেন। তখন দিবার আলোক উজ্জ্বল হইয়া উঠিতেছিল। তিনি বলিলেন যে, এক রাত্রিতে জোর সঙ্গে তিনি আমাকে এই পথে যাইতে দেখিয়াছিলেন।

সে কথা তিনি কেমন করিয়া জানিলেন, বুঝিতে না পারিয়া আমি বিশ্বয় প্রকাশ করিলাম।

“পথে যাইবার সময় আপনি এক জন লোকের দেখা পাইয়াছিলেন কি?”

কথাটা আমার স্মরণ হইল।

“সে ব্যক্তি আমি।”

আমার বিশ্বয় দেখিয়া তিনি বলিয়া উঠিলেন, “আমি বালকটির সন্ধানে এখানে আসিয়াছিলাম।”

“সে কি কোন অপরাধ করিয়াছিল?”

“না। লেডী ডেভলকের কথাটা গোপন রাখিবার জন্ত আমি তাহার সন্ধানে আসিয়াছিলাম। ছোকরার মুখটা বড়ই আলুগা হইয়া পড়িয়াছিল। তাই তাহার মুখ-বন্ধের প্রয়োজন ছিল। এক দিন সন্ধান লইতে গিয়া দেখিলাম, সে পলায়ন করিয়াছে। তখন তাহার পশ্চাতে আসিতে হইল। শেষে দেখিলাম, আপনারা তাহাকে আশ্রয় দিয়াছেন। কাজেই কোশলে তাহাকে লইয়া যাইতে লইল।”

বাড়ীর সম্মুখে আসিয়া বকেট একবার চারিদিকে তাকাইয়া বলিলেন, “সেই বৃদ্ধ ভদ্রলোকটি আসিলে, এখনও কি ঐ বয়ে তাঁহাকে থাকিতে দেন?”

আমি বলিলাম, “মি: কিম্পোলকে আপনি চেনেন না কি?”

“চিনি বই কি। উনিই ত সে রাত্রিতে আমার সাহায্য করিয়াছিলেন। লোক দেখিলেই আমরা চিনিতে পারি। একখানা পাঁচ পাউণ্ডের নোট তাঁহাকে দিতেই তিনি বালকটি কোথায় আছে, আমায় দেখাইয়া দেন, দরজাও খুলিয়া দেন। লোকটি যেন শিশু, কিছুই যেন বোঝেন না। এ রকম লোককে কখনও বিশ্বাস করিবেন না।”

বাড়ীর সকলেই আমাকে দেখিয়া বিস্মিত হইল। প্রশ্নের উত্তরে সকলেই বলিল যে, কেহই এ যাবৎ এ বাড়ীতে আসে নাই। তাহাদের কথা সত্য বলিয়া মনে হইল।

বকেট বলিলেন, “তবে ইটওয়ালাদের পল্লীতে চলুন। সেখানকার অহুসন্ধান আপনাকেই করিতে হইবে।”

তখনই আমরা নির্দিষ্ট পল্লীর অভিমুখে যাত্রা করিলাম। কুটীরদ্বারে পৌঁছিয়া ভিতরে প্রবেশ করিলাম। তিনটি প্রাণী তখন প্রাতরাশ করিতেছিল। জেনী তথায় উপস্থিত ছিল না। অপরা রমণী—লিজ আমায় দেখিয়া উঠিয়া দাঁড়াইল। অপর দুইটি পুরুষ আমাকে দেখিয়া নমস্কার করিল। আমার পশ্চাতে বকেট যখন তথায় প্রবেশ করিলেন, তখন তাহারা চমকিয়া উঠিল। রমণীর ভঙ্গী দেখিয়া বোধ হইল, সে তাঁহাকে চিনে।

আমাদিগকে বসিতে তাহারা অহুরোধ করিল। আমি পুরুষদের সম্মুখে আমার প্রশ্ন জিজ্ঞাসা করিতে একটু সঙ্কোচ বোধ করিলাম। তথাপি বলিলাম, “লিজ, আমি অনেক দূর হইতে আসিতেছি। একটা কথা তোমাকে জিজ্ঞাসা করিব। একটা মহিলা—”

বকেট বলিয়া উঠিলেন, “এখানে আসিয়াছিলেন, তাহা তোমরা জান। ইনি তাহারই কথা বলিতেছেন। গত রাত্রিতে তিনি এখানে ছিলেন।”

জেনীর স্বামী বলিয়া উঠিল, “আপনাকে কে বললে যে এখানে কেউ এসেছিল?”

“মাইকেল জ্যাকসন।”

লোকটা গব্বগব্ব করিয়া উঠিল, বলিল, “সে নিজের চরকায় তেল দিক্ গিয়ে।”

লিজ তেমনই দাঁড়াইয়াছিল। তাহার ভঙ্গী দেখিয়া বোধ হইল, সাহস থাকিলে সে গোপনে আমার সহিত কোন কথা বলিতে পারিত। সে ইতস্ততঃ করিতেছিল, এমন সময় তাহার স্বামী তাহাকে ধমক দিয়া স্বকার্যে মনোনিবেশ করিতে আদেশ দিল।

“জেনীর দেখা পাইলে ভাল হইত। সে নিশ্চয় আমার প্রশ্নের উত্তর দিত। যে মহিলার কথা আমি জিজ্ঞাসা করিতেছি, তাঁহার বিষয়ে সে নিশ্চয়ই আমায় সব বলিত। জেনী কি শীঘ্রই আসিবে? সে কোথায়?”

লিঙ্গ আমার প্রশ্নের উত্তর দিবার জন্ত ব্যস্ত হইয়াছিল ; কিন্তু তাহার স্বামী তাহার পায়ে এমনই লাথি মারিল যে, অগত্যা সে থামিয়া গেল। জেনীর কথা তাহার স্বামী বলুক, এই যেন তাহার অভিপ্রায়।

জেনীর স্বামীও সেই প্রকৃতির। সে সংক্ষেপে বলিল যে, জেনী এখন আসিবে না। সে লগুনে গিয়াছে।

আমি বলিলাম, “কাল রাত্রিতে গিয়াছে কি?”

“হ্যাঁ, কাল রাত্রিতেই গিয়াছে।”

“মহিলাটি যখন এখানে আসিয়াছিলেন, সে সময় কি জেনী এখানে ছিল? লেডী তাঁহাকে কি বলিয়াছিলেন? মহিলাটি গেলেনই বা কোথায়? তোমরা অল্পগ্রহ করিয়া আমার কথার জবাব দাও, জানিতে পারিলে আমার বড় উপকার হইবে।”

রমণী বলিল, “আমার স্বামী যদি আমায় বলতে বলেন, তবে—”

স্বামী গর্জন করিয়া বলিল, “সে তোমার মাথা ভেঙ্গে দেবে। পরের কথায় তোর কাজ কি রে মাগী!”

একটু থামিয়া স্বামীটি বলিল, “জেনী যখন এখানে ছিল, সেই সময় মহিলাটি এখানে আসেন। তিনি জেনীকে রোমালের কথা জিজ্ঞাসা করেন। সেই রোমালের বদলে তিনি টাকা দিতে গিয়েছিলেন, কাজেই আমরা তাঁকে চিনতে পারি। তিনি জিজ্ঞাসা করেন, আপনি এখন ঐ বাড়ীতে আছেন কি না। যখন শুনলেন নেই, তখন বললেন, খানিক এখানে বিশ্রাম কর্তে পারেন কি না। হ্যাঁ পারেন, শুনে তিনি ঘণ্টাখানেক বিশ্রাম করেন। আন্দাজ সওয়া বারোটার সময় তিনি এখান থেকে যাত্রা করেন। সময়টা ঠিক মনে নেই, তিনি এক দিকে গেলেন, জেনী অন্য দিকে গেল। আমরা যা জানি, সব বললাম।”

“আচ্ছা, তিনি কি তখন কাঁদিয়াছিলেন?”

“তাঁর জুতো-কাপড়ের অবস্থা শোচনীয় ছিল বটে; কিন্তু কই, চোখের জল ফেলতে তাঁকে দেখিনি।”

আমি বলিলাম, “মহিলাটির চেহারা তখন কেমন ছিল, এ কথা যদি তোমার স্ত্রীকে জিজ্ঞাসা করি, তাহাতে বোধ হয় তোমার কোন আপত্তি হইবে না?”

সে তাহার পত্নীকে বলিল, “অল্পকথায় বুঝিয়ে দিতে পার।”

“তাঁহার চেহারা বড়ই বিবর্ণ, অত্যন্ত পরিশ্রান্ত বলিয়া বোধ হয়েছিল।”

“বেশী কথা বলিয়াছিলেন কি?”

“না। গলার স্বর ধরে গিয়েছিল।”

“এখানে কিছু খেয়েছিলেন?”

“একটু জল পান করেছিলেন। জেনী চা ও রুটী এনে দিয়েছিল; কিন্তু তিনি তা স্পর্শও করেন নি।”

“যখন তিনি এখান থেকে যান—”

জেনীর স্বামী সহসা বাধা দিয়া বলিল, “তিনি সোজা উত্তরদিকে গেছেন। পথে আপনি আর কাউকে জিজ্ঞাসা করতে পারেন। এর বেশী আমরা আর কিছু জানি না।”

বুঝিলাম, আর এখানে কোন আশা নাই। বকেট তখন উঠিয়া দাঁড়াইলেন। তাহাদিগকে ধন্যবাদ করিয়া বাহিরে আসিলাম। বকেট আমার বলিলেন যে, উহারা আরও অনেক কথা জানে, কিন্তু বলিতেছে না। আর লেডী মহোদয়ার ঘড়ীটাও উহাদের কাছে আছে।

আমি জিজ্ঞাসা করিলাম, তিনি কেমন করিয়া তাহা জানিলেন? তিনি বলিলেন, উহাদের কথার ভাবে। সম্ভবতঃ লেডী উহা তাহাদিগকে উপহার দিয়া থাকিবেন।

“সম্ভবতঃ জেনীকে লেডী আপনার সন্মানে লগুনে পাঠাইয়াছেন। বিনিময়ে ঘড়ীটা জেনীর স্বামীকে উপহার দিয়াছেন। অবশ্য টাকা খরচ করিলে উহাদের নিকট হইতে কথা বাহির করিতে পারিতাম; কিন্তু স্মার লিষ্টারের টাকা বৃথা উহাদিগকে দিব কেন? তাহাতে আমাদের বিশেষ কোন লাভ হইবে না।”

বাড়ী আসিয়া কর্তাকে তাড়াতাড়ি ছুই ছত্র লিখিয়া দিয়া গাড়ীতে আসিয়া আরোহণ করিলাম। উহা দ্রুত ধাবিত হইল। বেলাবুদ্ধির সঙ্গে সঙ্গে প্রবল তুষারপাত হইতে লাগিল। পথ-ঘাট সব আচ্ছন্ন হইয়া গেল। দূরের পদার্থও দৃষ্টিগোচর হয় না, এমনই প্রবল বেগে তুষারপাত হইতেছিল। তুষারপাতের আধিক্যে ঘোড়াগুলিরও পদস্থলন হইতে লাগিল।

আমার ক্ষুধা অথবা নিদ্রা কিছুই ছিল না। ঘোড়ার পদস্থলন প্রভৃতি অনিবার্য ব্যাপারে যেটুকু বিলম্ব হইতেছিল, তাহাতেই আমি অধীর হইয়া উঠিতেছিলাম। ইচ্ছা হইতেছিল, ছুটিয়া অগ্রসর হই। কিন্তু বকেটের সতর্কতায় সে নিরীকৃত্য প্রকাশ করিতে পারিলাম না। কোন একটা গৃহ দেখিলেই গাড়ী হইতে নামিয়া তিনি সন্ধান লইতেছিলেন।

একটা পান্থনিবাসে আসিয়া ঘোড়া-বদলের সময় তিনি বলিলেন, “মিস্ সমারসন, আপনি প্রফুল্ল থাকুন, কোন ভয় নাই। তিনি যে এ পথে আসিয়াছেন, তাহাতে সন্দেহ নাই। আমি প্রমাণ পাইয়াছি।”

“এত দূর পর্য্যন্ত কি তিনি পদব্রজে পথাতিবাহন করিয়াছেন?”

“হ্যাঁ। আমার মনে হয়, আপনি বয়থরন নামক যে ভদ্রলোকের নাম করিয়াছেন, তাঁহারই কাছে যাইতেছেন।”

সমস্ত দিন প্রবল তুষারপাত হইল। তার পর গাট-কুজ্জটিকা-জালে দিগন্ত সমাচ্ছন্ন হইয়া গেল। এমন রাস্তা আমি কখনও দেখি নাই। সময় সময় আশঙ্কা জন্মিতোছিল, বুঝি, আমরা ভুল পথে যাইতেছি। উৎকর্ষা জুর্জাবনা আমার চিত্তকে একান্ত অভিভূত করিয়া রাখিয়াছিল।



এক একবার মনে হইতেছিল, বুঝি বকেটও হতাশাস হইয়া পড়িতেছেন। যদিও তিনি প্রত্যেক স্থানে নামিয়া পূর্ববৎ সন্ধান লইতেছিলেন, কিন্তু তাঁহাকে অত্যন্ত গম্ভীর দেখিলাম। বিপরীত দিক হইতে যে সকল গাড়ী আসিতেছিল, তাহাদের আরোহী ও গাড়োয়ানদিগকে তিনি প্রশ্ন করিতেছিলেন যে, অত্ৰ কোন গাড়ী এই দিক হইতে তাহারা যাইতে দেখিয়াছে কি না, ইত্যাদি। উত্তরে তিনি যে উৎসাহের কিছু পাইতেছিলেন, এমন বোধ হইল না।

আর একটি আস্তানায় ঘোড়া-বদলের সময় তিনি আমার জানাইলেন যে, যে পোষাকের সন্ধান এত দূর পর্য্যন্ত তিনি পাইয়া আসিয়াছেন, সে পরিচ্ছদ-ধারিণীর সন্ধান একবারে হারাইয়া গিয়াছে। ইহাতে তিনি বিস্মিত হইয়াছেন। কিন্তু তাহাতে হতাশ হইবার কিছু নাই। আর এক স্থানে সে সন্ধান মিলিতে পারে।

কিন্তু পরবর্তী স্থানে নূতন কোন সন্ধান মিলিল না। সে পোষাকের সন্ধান আর পাওয়া গেল না।

সন্ধানের অন্ধকার ঘনাইয়া আসিল। গাড়ী ছুটিতে লাগিল আর একটি পাহুনিবাসে গাড়ী থামিল। আলোকিত লণ্ঠনটি বকেট আমার সম্মুখে ধরিয়া দাঁড়াইলেন।

“কি, তাঁহাকে এখানে পাওয়া গিয়াছে কি?”

“না। এখানে কেহ নাই। কিন্তু আমি সন্ধান পাইয়াছি। হতাশ হইবেন না। আমার নাম বকেট, আমি যে কাজ ধরি, না করিয়া ছাড়ি না, সেটা মনে রাখিবেন।”

প্রাঙ্গণে খুব তাড়া-ছড়া পড়িয়া গিয়াছিল। একটা লোক আসিয়া জিজ্ঞাসা করিল, “কোন দিকে যাবেন?”

“বলিলাম ত, আগে যাইব।”

আমি বলিলাম, “সে কি? আমরা কি লগুনে ফিরিয়া যাইতেছি?”

“হ্যাঁ, মিস্ সমার্সন্। সোজা লগুনে। অধীর হইবেন না। আমি এখন অপরটির সন্ধান যাইব।”

“অপরটি? কে সে?”

“যাকে আপনি জেনী বলিয়া উল্লেখ করিয়াছেন। আমি তাহারই অনুসন্ধান করিব। ঘোড়া নিয়ে এস হে!”

বকেটের হাত ধরিয়া বলিলাম, “এই রাত্রিতে, তুমারের মধ্যে মহিলাটিকে ছাড়িয়া যাইতেছেন? তিনি যে মারা যাইবেন?”

“ভয় নাই, মিস্, আমি তাঁহাকে ছাড়িয়া যাইতেছি না। কিন্তু আমি এখন অপরটির সন্ধান যাইব। যাও, পরের টটিতে ঘোড়া পাঠাইয়া দাও। আরও চারিটি ঘোড়ার এক বসাইয়া দাও। আপনি ভয় পাইবেন না, মিস্।”

এই পরিবর্তনে সকলেই বিস্মিত ও চকিত হইয়াছিল। অধারোহী নির্দিষ্ট স্থানাভিমুখে ধাবিত হইল।

বকেট বলিলেন, “এখন আমি কোন কথা বলিব না; কিন্তু আমাকে বিশ্বাস করুন।”

বিশ্বাস না করিয়া উপায় কি? আমাদের গাড়ী আবার ফিরিয়া লগুনাভিমুখে চলিল।

৫৮

শ্রার লিষ্টারের লগুনস্থ প্রাসাদে প্রচারিত হইয়াছিল যে, লেডী ডেডলক্ লিঙ্কলন্ শায়ারে গিয়াছেন, শীঘ্রই ফিরিয়া আসিবেন।

কিন্তু সহরে একটা জনরব উঠিয়াছিল যে, শ্রার লিষ্টার শীঘ্রই বিবাহবন্ধন ছেদনের দরখাস্ত পেশ করিবেন। আবার অনেকে সে কথাটা গুজব বলিয়া উড়াইয়াও দিতেছিল। বাহিরের অবস্থা ত এইরূপ।

এখন ভিতরের অবস্থাটা দেখা যাক। শ্রার লিষ্টার শয্যাশায়ী, অল্প অল্প কথা বলিতে পারিতেছিলেন।

বাড়ীতে কোন গোলমাল হইলেই তিনি শ্লেট-পেনশিল লইয়া লিখিতেছিলেন। গৃহকর্তী পার্শ্বেই উপবিষ্টা। অমনই বলিতেছিলেন, “না, তিনি এখনও ফিরেন নাই। গত রাত্রিতে তিনি গিয়াছেন।”

আবার শ্রার লিষ্টার শুইয়া শুইয়া বাহিরে তুমারপাত দেখিতেছিলেন। ক্ষণে ক্ষণে লেডী ডেডলকের শয়নকক্ষ তাঁহার অভ্যর্থনার জন্ত প্রস্তুত রাখিতে গৃহকর্তীকে ইঙ্গিত করিতেছিলেন। শ্রান্তদেহে তিনি যে ফিরিয়া আসিতেছেন!

পুলকে সম্বোধন করিয়া বৃদ্ধা বলিলেন, “আমার মনে হয়, লেডী আর এ বাড়ীতে আসিবেন না।”

“মা, তোমার এ আশঙ্কা অমূলক।”

“না বাছা, এ জীবনে তিনি ডেডলক্-গৃহে পদার্পণ করিবেন না।”

“মা, তোমার ভয় বড় বেশী।”

“না বাছা, আমি ষাট বৎসর এই পরিবারে আছি। আমার অনুমান কখনও মিথ্যা হয় নাই। ডেডলক্-বংশ একেবারে নির্বংশ হইতে চলিয়াছে। এত দিনে অভিশাপ ফলিল বোধ হয়।”

লেডীর গৃহ সুসজ্জিত রাখিয়া গৃহকর্তী শ্রার লিষ্টারের কক্ষে ফিরিয়া আসিলেন। ভলুম্‌নিয়া এতক্ষণ তাঁহার পার্শ্বে ছিলেন।

চুপ করিয়া বসিয়া থাকা কষ্টকর বলিয়া ভলুম্‌নিয়া গৃহকর্তীকে তাঁহার পুত্রের কথা জিজ্ঞাসা করিবেন।

শ্রার লিষ্টার একবার তীব্র দৃষ্টিতে চাহিলেন।

বৃদ্ধা বলিলেন, “শ্রার লিষ্টার, মিস্ আমার ছোট ছেলের কথা আমার বলিতেছেন। সে ফিরিয়া আসিয়াছে।”

চীৎকার করিয়া শ্রার লিষ্টার বলিলেন, “জর্জ? তোমার পুত্র জর্জ ফিরে এসেছে?”

“ভগবান্কে ধন্যবাদ! হ্যাঁ শ্রার লিষ্টার।”

বাধা দিলেও ব্যারনেট কথা গুনিলেন না। তিনি কথা বলিবেনই। আশার আলোক তাঁহার আননে উদ্ভাসিত হইল।

তিনি জোর করিয়া বলিলেন, “এ কথা আমার কেন বল নাই, মিসেস্ রাউন্সওয়েল?”

“সবে কাল এসেছে। তখন আপনি যে অসুস্থ, বলিবার সময় পাই নাই।”

“সে কোথায়?”

“এখানেই আছে।

“শীঘ্র তাকে এখানে ডাক।”

শ্রীমতী রাউন্সওয়েল পুত্রকে খুঁজিয়া আনিলেন।

“জয় ভগবান! সত্যই তুমি জর্জ রাউন্সওয়েল! আমার চিনিতে পার, জর্জ?”

“আপনাকে চিনিতে না পারিলে আমার অপরাধ হইবে।”

“জর্জ, তোমাকে দেখিলেই ছেলেবেলার চেস্নিওডের কথা মনে পড়ে। তখন তুমি ছোট ছিলে। সে দিনের কথা বেশ মনে পড়ে।”

বৃদ্ধের চোখে অশ্রু ঝরিতে লাগিল।

“শ্রার লিষ্টার, আপনি আমার বাহু অবলম্বন করুন, আমি আপনাকে ভাল করিয়া বসাইয়া দেই।”

“তাই দাও, জর্জ, তাই দাও।”

বলিষ্ঠ বাহুর সাহায্যে জর্জ শিশুর গায় শ্রার লিষ্টারকে বাতায়নের দিকে মুখ ফিরাইয়া বসাইয়া দিলেন।

“ধন্যবাদ, তোমার মার গায় তুমি কোমল, তোমার শক্তিও অসাধারণ।”

জর্জকে মাইতে নিষেধ করিয়া শ্রার লিষ্টার বলিলেন, “তুমি সৈনিকের কাজ নিয়েছিলে?”

“আজ্ঞা হ্যাঁ।”

“জর্জ, তুমি আমার বড়ই অসুস্থ দেখিতেছ।”

“শ্রার লিষ্টার, সে জন্ত আমি আন্তরিক দুঃখিত।”

“এ রোগটা আমার পুরাতন। তার উপর নূতন আক্রমণ হইয়াছে। আবার দুঃখের কথা, আমার লেডীর সঙ্গে আমার একটু মনোবাদ নয়, একটু মতান্তর হইয়াছে। সেটা শুধু আমার বুঝিবার ভুলে। তাই তিনি এখন এখানে নাই। কয়েক দিন বাদেই তিনি এখানে আসিবেন। ভাল কথা ভলুম্নিয়া, তুমি গুনিয়া রাখ, আমি শ্রীমতী রাউন্সওয়েল ও তাঁহার পুত্র জর্জের কাছে বলিতেছি, যদি আমি ভাল না হই, যদি আমার মৃত্যু ঘটে অথবা আমার বাকশক্তি বন্ধ হয়, তবে, লেডী ফিরিয়া আসিলে তাঁহাকে বলিবে যে, তাঁহার বিরুদ্ধে আমার কোন অভিযোগ নাই। আজীবন আমি তাঁহাকে প্রাণ দিয়া ভালবাসিয়াছি। আমার স্নেহ তাঁহার উপর অবিচল আছে। কোনমতেই তাহার হ্রাস হয় নাই, হইবে না। আমি যাহা বলিলাম, বর্ণে বর্ণে তুমি তাঁহাকে জানাইও। যদি না বল, তবে তোমাকে মিথ্যাবাদিনী বলিব।”

ভলুম্নিয়া অঙ্গীকার করিলেন, তিনি তাঁহার আদেশ অক্ষরে অক্ষরে পালন করিবেন।

“আরও বলিও, তাঁহার সহিত আমার মতের কোনও পার্থক্য নাই। কোন দিন তাঁহার সহিত আমার মতানৈক্য হয় নাই। সকলকে এ কথা বিশেষরূপে জানাইয়া দিও যে, তিনি আমার হৃদয়ের একচ্ছত্র রানী, তাঁহার সুখের জন্ত আমি সবই করিতে প্রস্তুত। আমি যদি সুস্থ হই, তখন নিজেও এ কথার প্রচার করিব।”

শ্রার লিষ্টার পরিশ্রান্তভাবে উপধানে মাথা রাখিলেন। ক্রমে রাত্রি অধিক হইল। সপুত্র শ্রীমতী রাউন্সওয়েল শ্রার লিষ্টারের গৃহে রহিলেন।

সারা রাত্রি একই ভাবে কাটিয়া গেল। শ্রার লিষ্টার নিদ্রাহীন চোখে জাগিয়া রহিলেন।

প্রভাতে শ্রার লিষ্টার বলিলেন, “কোন সংবাদ নাই?”

“না।”

“চিঠিপত্র?”

তাও নয়। কিন্তু সে কথা উচ্চারণ করিতেও জর্জের ইচ্ছা হইল না।

প্রভাতের সূর্য আকাশকে উজ্জ্বল করিয়া তুলিল।

৩৯

শেষ রাত্রি আন্দাজ চারিটার সময় আমরা লণ্ডনে প্রবেশ করিলাম। গাড়ী বদল করিয়া আমরা ভাড়াটিয়া গাড়ীতে উঠিলাম।

বকেট বলিলেন, “এইবার আমরা তাঁহাকে ধরিতে পারিব। একটু সময় লাগিতে পারে বটে, কিন্তু কোন চিন্তা করিবেন না। আপনি আমার উপর সম্পূর্ণ নির্ভর করিতে পারেন।”

তা আমি পারি। লোকটির শক্তি অদ্ভুত।

বকেট বলিলেন, “আপনার মত মেয়ে আমি দেখি নাই। আমি সমাজে বড় বড় দরের মহিলার সংস্রবে আসিয়াছি, কিন্তু এই কয় ঘণ্টায় আপনার যে পরিচয় পাইয়াছি, তাহাতে আপনার মত আর একটি রমণী এ বাবৎ আমার চোখে পড়ে নাই। আপনি আদর্শের উপযুক্ত।”

এই প্রশংসায় একটু লজ্জা বোধ করিলাম।

গাড়ী চলিতে লাগিল। কিয়দূর আসিয়া একটি পুলিশ থানায় নামিয়া বকেট কি সন্ধান লইলেন। আবার আমরা চলিলাম। প্রতি থানায় অথবা পথের মোড়ে মোড়ে নামিয়া তিনি আঁধারে লঠন দেখাইবামাত্র উত্তরে অগ্ৰহ হইতে সেইরূপ আলোকরশ্মিও আসিতে দেখিলাম। তার পর বকেট আলোকপ্রদর্শকের সঙ্গে কি পরামর্শ করিয়া আবার গাড়ীতে আসিয়া বসিতে লাগিলেন। এমনই ভাবে আমরা অগ্রসর হইতে লাগিলাম।

এক স্থলে দাঁড়াইয়া একটু বেশী সময় বকেট কোন পুলিশ কাপ্টেনের সঙ্গে কি পরামর্শ করিলেন। ভাবে বোধ হইল, এবার তিনি সঠিক সংবাদ পাইয়াছেন। তিনি আমার কাছে আসিয়া বলিলেন, “মিস্ সমারসন্! এখন যাহাই

কেন ঘটুক না, আপনি নিশ্চিতই বিনিমিত হইবেন না। আপনাকে আর সতর্ক করিবার অধিক প্রয়োজন নাই। এবার আমরা তাঁহাকে পাইয়াছি। এখন আপনার সাহায্য আবশ্যিক। এখন একটু হাঁটিতে হইবে।”

আমি গাড়ী হইতে নামিলাম। স্থানটি দেখিয়া যেন মনে হইল, উহা আমার অপরিচিত নহে। আমি বলিলাম “এটাকে হুববরন বলে না?”

“হ্যাঁ। এই মোড়টা চেনেন কি?”

আমি বলিলাম, “এটা যেন চ্যান্সারি লেন বলিয়া মনে হইতেছে।”

“ঠিক তাই।”

পথ চলিতে চলিতে কোথাও ঘড়ীতে সাড়ে পাঁচটা বাজিল। সরু গলিপথে আমরা যথাসম্ভব দ্রুত-গতিতে চলিতে লাগিলাম। সহসা দেখিলাম, বিপরীত দিক হইতে আগ্রাখায় দেহাবৃত করিয়া এক ব্যক্তি আসিতেছে। পথটি অপ্রশস্ত, সুতরাং আমাদিগকে পথ দিবার জ্ঞান মূর্তি পথিপ্ৰান্তে দাঁড়াইল। সেই মুহূর্তেই বিশ্বয়ধ্বনি সহকারে আমার নাম উচ্চারিত হইল। কণ্ঠস্বর আমার সুপরিচিত, চাহিয়া দেখিলাম—উড্‌কোর্ট।

এ মিলন অত্যন্ত অপ্রত্যাশিত, শুধু তাই নয়, যন্ত্রণা অথবা সুখ কি না, বলিতে পারি না, কিন্তু নৈশ অভিযান-কালে তাঁহাকে দেখিয়া চক্ষু অশ্রুসিক্ত হইল।

“প্রিয় মিস্ সমারসন, এই দারুণ দুর্ঘ্যোগে, রাত্রিতে আপনি এমন সময় পথে বেড়াইতেছেন!”

কর্তার কাছে তিনি গুনিয়াছিলেন, কোনও বিশেষ জরুরী কাজে আমি অতুল গিয়াছি। কৈফিয়ৎস্বরূপ তিনি স্বয়ং সে কথা আমার বলিলেন। আমি বলিলাম যে, এইমাত্র গাড়ী ছাড়িয়া আমরা পদব্রজে চলিয়াছি।

বকেট বলিলেন, “মিঃ উড্‌কোর্ট, আমরা পরের রাত্তায় যাইব—আমি ইনস্পেক্টার বকেট।”

আমার আপত্তি না মানিয়াই মিঃ উড্‌কোর্ট তাঁহার আগ্রাখাটি আমার গায় জড়াইয়া দিলেন। বকেট সাহায্য করিতে করিতে বলিলেন, “এটা খুব ভাল চাল। খুব ভাল।”

উড্‌কোর্ট বলিলেন, “আপনাদের সঙ্গে আমি যাইতে পারি কি?”

বকেট বলিলেন, “স্বচ্ছন্দে।”

উভয়ে আমার উভয় পার্শ্বে চলিতে লাগিলেন।

উড্‌কোর্ট বলিলেন, “এইমাত্র আমি রিচার্ডের কাছ হইতে আসিতেছি। রাত্রি দশটা হইতে একত্রকণ সেখানে আসিয়াছিলাম।”

“বলেন কি? রিচার্ডের অসুখ হইয়াছে না কি?”

“না, না, অসুখ নয়, তবে খুব ভাল নাই। মনমরা হওয়ার দরুণ মূর্ছা গিয়াছিলেন। আদা আমাকে ডাকিয়া পঠাইয়াছিলেন। তাঁর চিঠি পাইয়াই আমি সেখানে যাই।

অল্প চেষ্টাতেই রিচার্ড সুস্থ হন। তার পর তিনি গাঢ়নিদ্রায় অভিভূত না হওয়া পর্যন্ত আমি সেখানে ছিলাম। আদাও ঘুমাইয়া পড়িয়াছেন জানিয়া আমি চলিয়া আসিলাম।”

একদিন মাত্র আমি তাঁহাকে বলিয়াছিলাম, রিচার্ডকে তিনি যেন সাহায্য করেন। সেই সময় হইতে প্রকৃত বন্ধুর আয় উড্‌কোর্ট তাঁহাদের কত উপকারই না করিতেছেন! এ অমূল্য বন্ধুত্বের স্মৃতি কত পবিত্র—কত মধুর!

আর একটা অপ্রশস্ত গলিপথে আমরা প্রবেশ করিলাম।

বকেট বলিলেন, “মিঃ উড্‌কোর্ট, প্রয়োজনবশে আমরা আগসবি নামক এক ব্যক্তির বাড়ীতে যাইতেছি। ওঃ, আপনি তাঁহাকে চেনেন না কি?”

“হ্যাঁ, একটু চিনি বই কি।”

“তবে ভালই হইল। আপনি মিস্ সমারসনের কাছে দাঁড়ান, আমি একটা কথা জিজ্ঞাসা করিয়াই আসিতেছি।”

সর্বশেষে যে পুলিশ-কর্মচারীর সহিত বকেট পরামর্শ করিয়াছিলেন, সে ব্যক্তি আমাদের পশ্চাতে কখন আসিয়া দাঁড়াইয়াছিল, তাহা জানিতে পারি নাই। একটা ক্রন্দনধ্বনি শুনিতে পাইলাম।

পুলিস বলিল, “মিস্, আপনি ভয় পাইবেন না। আগসবির চাকরাণী কাঁদিতেছে।”

বকেট বলিলেন, “এখন যদি ওর ঐ রকম ফিট হইতে থাকে, তবেই ত মুশ্বিল। ওরই কাছে ত খবর আছে। ওর জ্ঞানসঞ্চার করা দরকার।”

উড্‌কোর্ট বলিলেন, “মিস্ সমারসন, আমাকে আপনার নিকটে থাকিতে দিতে বোধ হয় আপত্তি নাই?”

আমি বলিলাম, “ডাক্তার, আপনাকে ধন্যবাদ। আমার নিজের কোন কথা আপনাকে গোপন করিবার নাই। যদি কিছু গোপন করিয়া থাকি, সেটা আমার নয় বলিয়া।”

“তা আমি জানি। সে জ্ঞান আপনি কুণ্ঠিত হইবেন না। গোপন কথা জানিবার কৌতূহল আমার নাই। শুধু আপনি যতক্ষণ আমায় বিশ্বাস করিতে পারিবেন, ততক্ষণ আপনার কাছে থাকিব।”

“আমি সর্বাস্তঃকরণে আপনাকে বিশ্বাস করি।”

অল্পক্ষণ পরেই বকেট ফিরিয়া আসিয়া আমাদিগকে ডাকিয়া লইয়া গেলেন।

বকেট বলিলেন, “মিঃ উড্‌কোর্ট, আপনি ডাক্তার গুনিলাম। ভালই হইল। আগসবির চাকরাণীটার জ্ঞান-সঞ্চার কিসে হয়, যদি তাহার ব্যবস্থা করেন, বড় ভাল হয়। একখানা চিঠি উহার কাছে আছে, সেইটাই আমার প্রয়োজন। তাহার বাক্সে উহা নাই। সম্ভবতঃ উহার হাতের মধ্যেই আছে। কিন্তু বলপূর্বক উহা লইতে গেলে স্ত্রীলোকের শরীরে আঘাত লাগিতে পারে।”

তিন জনে সম্মুখের বাড়ীতে প্রবেশ করিলাম। একটা ক্ষুদ্রকার ব্যক্তি আমাদিগকে পথ দেখাইয়া রান্নাঘরের দিকে



লইয়া গেলেন। সেইখানে স্নাগসবির পত্নী বসিয়াছিলেন। তিনি আমার দিকে অপ্রসন্ন দৃষ্টিপাত করিলেন কেন, বুঝিলাম না।

বকেট বলিলেন, “স্নাগসবি, তুমি ডাক্তারকে লইয়া গষ্টারের কাছে যাও।”

বকেট আমাকে বসিতে অনুরোধ করিলেন। স্ত্রীলোকটি যে আমার সহিত শিষ্ট ব্যবহার করিতেছে না, তিনি তাহা বুঝিয়াছিলেন। আমাকে বলিলেন, “মিস্, আপনি শ্রীমতী স্নাগসবির ব্যবহারে চুঃখিত হইবেন না, উনি একটা ব্রাস্ত ধারণার বশবর্তী হইয়া আছেন। সময়ে সে ভ্রম ঘুচিবে, তখন অনুতাপ করিবেন।”

বকেট শ্রীমতীর দিকে গিরিয়া বলিলেন, “মিসেস্ স্নাগসবি, একদিন ওথেলো অভিনয়টা তোমার দেখিয়া আসা দরকার।”

“কেন?”

“কেন? তোমার মন ভাল না। এই মহিলাকে তুমি সম্মান করিতেছ না কেন? ইনি কে জান? ইনি সেই নবীন মহিলা।”

ভাব দেখিয়া বোধ হইল, শ্রীমতী কথাটা বুঝিয়াছেন। কিন্তু আমি বুঝিলাম না।

“জো ইহারই ব্যাপারে মিশ্রিত হইয়াছিল। তোমার স্বামী, মিঃ টল্কিংহরন, পরলোকগত মুহুরী সকলে এই একই ব্যাপারে সংশ্লিষ্ট। বুঝিয়াছ? তুমি বিবাহিতা স্ত্রীলোক হইয়াও যে চক্ষু-কর্ণ বুজিয়া বসিয়া থাক, সে দোষ তোমার। বাস্তবিক তোমার ব্যবহারে আমি নিজেই লজ্জাবোধ করিতেছি।”

শ্রীমতী চোখে ক্রমাল দিয়া কাঁদিতে লাগিলেন।

“শুধু কি তাই? না, তা নয়। এই ব্যাপারে সংশ্লিষ্ট আরও একটি প্রাণী, ছিন্নমলিন-বেশে, অবসন্ন-দেহে, আজ রাত্রিতে এখানে আসিয়া তোমার চাকরাণীর সহিত কি বাক্যালাপ করে। শুধু তাই নয়, একখানি পত্রও চাকরাণীর হাতে দেওয়া হয়। সে পত্রখানার কি আছে, তাহা জানিবার জন্ম আমি হাজার টাকা দিতে পারি। কিন্তু তুমি কি করিলে? গোপনে তুমি লুকাইয়া তাহাদের কথা শুনিতেছিলে, তার পর বাঘের মত তোমার চাকরাণীর উপর কাঁপাইয়া পড়িলে। আর সে ভয়ে অজ্ঞান হইল। তুমি ত জান না, এক জনের জীবন-মরণ তোমার চাকরাণীর কথার উপর নির্ভর করিতেছে। কিন্তু সে এখনও অজ্ঞান হইয়া আছে। কথা বাহির করা যায় কিরূপে?”

বকেটের কথা শুনিয়া আমার মাথা ঘুরিয়া গেল। ঠিক এমন সময় উডকোর্ট একখানা কাগজ লইয়া সেখানে আসিলেন। বকেটের হাতে উহা দিয়া তিনি আবার চলিয়া গেলেন।

“মিসেস্ স্নাগসবি, তুমি একটু বাহিরে যাও। এই মহিলাটির সঙ্গে আমার একটা কথা আছে।”

তিনি চলিয়া গেলে, বকেট কাগজখানা আমার হা দিয়া বলিলেন, “বিচলিত হইবেন না। এ কাহার হাতে লেখা?”

চিনিলাম, উহা আমার মাতারই হস্তাক্ষর। পেন্টি লেখা। স্থানে স্থানে ছিঁড়িয়া গিয়াছে। উপরে আ নাম ও ঠিকানা লেখা।

“আপনি যদি বিচলিত না হন, তবে পত্রখানা আ আগাগোড়া পড়িয়া শুনান। হাতের লেখা নিশ্চি আপনার সুপরিচিত।”

পত্রখানা এক জায়গায় বসিয়া লিখিত নহে। পড়িলাম “হুইটি উদ্দেশ্য লইয়া কুটীরে আসিয়াছিলাম। প্রঃ যদি সম্ভব হয়, তবে আমার প্রাণাধিকাকে একবার দেখি শুধু চোখের দেখা, কথা বলিব না, আমি যে নিকটে আ তাহাও জানিতে দিব না। দ্বিতীয় উদ্দেশ্য, কেহ যাহা আমায় খুঁজিয়া না পায়, আমার সম্মান বিলুপ্ত হয়, তাহ ব্যবস্থা করা। শিশুর জননী এ বিষয়ে আমাকে যে সাহ করিয়াছে, সে জন্ম তাহাকে অপরাধী ভাবিও না। আম প্রাণাধিকার মঙ্গলের জন্ম করিতেছি, এ কথা তাহা বিশেষরূপে বুঝাইয়া দেওয়ায় সেই বিশ্বাসের বশেই আমায় সাহায্য করিয়াছে। তাহার মৃত সম্মানের ব তোমার মনে আছে বোধ হয়। পুরুষদিগের মত লই আমাকে বিনিময়ে কিছু দিতে হইয়াছিল; কিন্তু সে স্বেচ্ছ আমার সাহায্য করিয়াছে, বিনিময়ে কপর্দকমাত্র গ্রহণ ক নাই।”

বকেট বলিয়া উঠিলেন, “আমার অনুমান মিথ্যা নাই।”

অন্যত্র লেখা ছিল,—“বহুদূর পর্য্যটন করিয়াছি। ঘণ্ট পর ঘণ্টা পদব্রজে চলিয়াছি। আমি জানি, শীঘ্রই আম প্রাণ বাহির হইয়া যাইবে। মৃত্যু ছাড়া আমার অন্য কা কিছু নাই। যখন গৃহ ত্যাগ করি, তখন মনের অব খুবই খারাপ ছিল, কিন্তু পাপের মাত্রা আর বাড়াই নাই ভীষণ শীত, তুষারপাত ও ক্লান্তি আমার মৃত্যুর পর্য্যাপ্ত কারণ; কিন্তু তাহা ছাড়াও অন্য ভাবেও আমার জীবনান্ত হইবে। যে শক্তিবলে এত দিন আমি সব সহ্য করিয়া- ছিলাম, সে শক্তি অন্তর্হিত হইয়াছে, এখন আতঙ্ক ও বিবেকের দংশনের ফলেই আমার মৃত্যু হইবে।”

“সাহস অবলম্বন করুন, আর বেশী বাকী নাই।”

আমি পড়িয়াছিলাম। শেষাংশটি যেন অন্ধকারের ছায়ায় লিখিত।

“আমার সম্মান যাহাতে বিলুপ্ত হয়, তাহার সকল চেষ্টাই আমি করিয়াছি। শীঘ্রই আমার কথা সকলেই ভুলিয়া যাইবে, স্মরণও তাহার অপঘণ হইবে না। আমাকে কেহ চিনিতে পারিবে, এমন কোনও জিনিষ আমার কাছে নাই। এই কাগজখানা, তাও এখনই অন্যের হাতে দিলাম। যেখানে

গিয়া আমি অস্তিম শরন করিব, যদি তত দূর চলিবার শক্তি থাকে, তবে সেইখানেই আমি যাইব। সেইখানে দেহ রাখিতে আমার সর্বদাই মনে হইয়াছে। বিদায়! ক্ষমা কর!”

বকেট ধীরে ধীরে আমায় আসনে বসাইয়া বলিলেন, “উৎকল হউন, ভয় নাই। আমাকে কঠোরহৃদয় ভাবিবেন না। যত শীঘ্র পারেন, ভিজা জুতাটা পরিয়া ফেলুন।”

আমি একা বসিয়া রহিলাম। সকলে তখন সেই চাকরাণীর সংজ্ঞা ফিরাইতে ব্যস্ত। অল্পক্ষণ পরে উডকোর্ট ও বকেট ফিরিয়া আসিলেন। পরিচারিকাটি এখন অনেক মুগ্ধ হইয়াছে। এখন কোমলভাবে প্রশ্ন করিলে, এই পত্র সে কোথায় ও কাহার নিকট পাইয়াছে, তাহা বলিতে পারিবে।

আমি তাঁহাদের নির্দেশমত পরিচারিকাটির পার্শ্বে গিয়া বসিলাম। সন্নেহে তাহার মুখ আমার স্বক্লেদে রাখিলাম। বেচারী কাঁদিয়া ফেলিল।

আমি বলিলাম, “বাছা, এ পত্র তুমি কেমন করিয়া পাইলে, বল ত?”

আমার সন্নেহ ব্যবহারে সে আশ্বস্ত হইয়া বলিল, “সন্কার অনেক পরে একটা কাজে আমি বাইরে গিয়ে-ছিলুম। তখন অনেক রাত্রি। বাড়ী ফিরে এসে দেখি, একটা সাধারণ চেহারার জীলোক আমাদের বাড়ীটা দেখছে। আমাকে দেখে সে আমায় ডেকে বললে যে, আমি এখানেই থাকি কি না। আমি উত্তর দিলে সে আমায় জানালে যে, সে পথ হারিয়ে গেছে। তার চেহারা এত বিবর্ণ এবং তাকে এমন শ্রান্ত দেখলাম যে, আমারই দয়া হ’তে লাগল।”

একটু খামিয়া গষ্ঠীর বলিল, “কিন্তু তার কথা বড় ভাল, বিস্তৃত কথা। তার অবস্থা দেখে বড় কষ্ট হ’ল। সে আমাকে গোরস্থানের পথটা কোন্ দিকে, জিজ্ঞাসা করল। আমি জিজ্ঞাসা করলাম, কোন্ গোরস্থান? সে বললে, যেখানে গরীবদের গোর দেয়। আমাদের বাড়ীর কাছে যে গেটওয়ালা গোরস্থানটা আছে, ঐ যে যার সামনে সিঁড়ি আছে, সেই গোরস্থানের কথাই জিজ্ঞাসা করছিল।”

দেখিলাম, বকেটের মুখ গম্ভীর হইল। সে গাভীর্ষ্য দর্শনে আমার আশঙ্কা জন্মিল।

গষ্ঠীর বলিয়া চলিল, “সে গোরস্থানের কথায় আমার ভয় হইল। ঘুমের ঔষধ খাইয়া সে দিন যে লোকটা ম’রে যায়, তার দেহ ঐখানেই ত গোর দেওয়া হয়—আপনারাই সে কথা বলেছিলেন, কর্তা। তাই আমি ভয় পেয়েছিলাম। এখন যেন ভয় পাচ্ছে!”

আমি বলিলাম, “তোমার ভয় নাই। তার পর কি হইল, বল?”

“হ্যাঁ, বলছি। তার পর, আমি তাকে সেখানে যাবার পথ খ’লে দিলাম। মেয়েমানুষটির চোখে যেন আলো ছিল

না, সব শরীর কাঁপছিল। সে পত্রখানা নিয়ে আমার হাতে দিয়ে বললে যে, ডাকে দিলে লাভ নাই, যদি ঠিকানায় আমি চিঠিখানা পৌঁছে দিতে পারি, পুরস্কার মিলবে। আমিও স্বীকার করলুম। তার কাছে কিছু ছিল না ব’লে আমায় দিতে পারলে না। আমিও গরীব, তাই কিছু না পেয়েও আমার দুঃখ হ’ল না। তার পর সে চ’লে গেল।”

“চ’লে গেলেন?”

“হ্যাঁ, আমি যে পথ দেখিয়ে দিয়েছিলাম, সেই পথেই চ’লে গেল। তার পরই কর্তারা আমার উপর কাঁপিয়ে পড়েন। আমি ভয়ে মুচ্ছা যাই!”

বকেট ক্ষিপ্ৰহস্তে আমার গায় ওভারকোটটা জড়াইয়া দিলেন। উডকোর্ট ইতস্ততঃ করিতে লাগিলেন। আমি তাঁহাকে বলিলাম, “এ সময়ে আমায় ছাড়িয়া যাইবেন না!” বকেট বলিলেন, “আপনিও আসুন, ডাক্তার। আপনার সাহায্যের প্রয়োজন হইতে পারে। আর দেবী করা নয়।”

স্বপ্নাবিষ্টের মত আমি চলিতেছিলাম। তখন উষার প্রকাশ মাত্র। চলিতে চলিতে অবশেষে আমরা একটা অপ্রশস্ত অন্ধকারময় স্থানে আসিয়া দাঁড়াইলাম। একটা লৌহ-তোরণের উপর একটা আলো তখনও জ্বলিতেছিল। ফটক রুদ্ধ। তাহার পশ্চাতে গোরস্থান। যাহাদের জ্ঞাতি-গোত্র কেহ নাই, সংসারে যাহারা অপরিজ্ঞাত, পরিত্যক্ত, সেই সকল হতভাগ্যের জগুই এই সমাধিক্ষেত্র। গেটের সম্মুখস্থ সোপানোপরি একটা নারীমূর্তি শায়িত। বেশ দেখিয়া বুঝিলাম, সে জেনী—মৃত সন্তানের জননী।

আমি দৌড়িবার উপক্রম করিলাম। তাঁহারা আমায় ধরিয়া ফেলিলেন। উডকোর্ট বলিলেন যে, আগে বকেটের গোটা কয়েক কথা শুনিয়া তবে যেন আমি অগ্রসর হই। উডকোর্টের কথা কি আন্তরিকতা-ভরা, যেন অশ্রুসজল!

“মিস্ সমার্সন, আমার কথা আপনি বোধ হয়, বুঝিতে পারিবেন। তাঁহারা পরস্পরের বেশ বদলাইয়া লইয়াছিলেন, সেটা মনে রাখিবেন।”

হ্যাঁ, সে কথা সত্য। কুটীরে বসিয়াই সে কার্য সম্পন্ন হইয়াছিল। চিঠির ভাবেই তাহা বুঝা যায়। কিন্তু তখনও কথাটার ভিন্ন অর্থ আমার মাথায় আসে নাই।

“এক জন এ দিকে, অপরটি অল্প দিকে গিয়াছিল, শুধু ছলনার জগু, সে কথাটাও মনে রাখিবেন।”

কথাটা মনে মনে আঙড়াইলাম, কিন্তু অর্থবোধ হইল না। আমি তখন শুধু দেখিলাম যে, অদূরে জেনীর মৃত দেহ। সেই শুধু আমার মাতার সংবাদ জানে। সেই মার পত্রখানি আমাকে দিবার জগু আনিয়াছিল। সে ছাড়া আর কেহ আমাদের মাতার সন্ধান দিতে পারিবে না। এখন সে ইহলোকের বাহিরে, কে আমাদের মাতার পথ দেখাইয়া মার কাছে লইয়া যাইবে? আমি উডকোর্টের গম্ভীর শোকাক্ত মুখমণ্ডল দেখিলাম, অনাবৃত মস্তকে দুইটি পুরুষ গম্ভীর ভাবে

দণ্ডায়মান, তাহাও দেখিলাম; কিন্তু অনুভবশক্তি তখন আমার ছিল না।

গুলিলাম, তাঁহারা বলাবলি করিতেছেন, “উনি কি যাইবেন?”

“হ্যাঁ, যাওয়াই ভাল। সর্বাগ্রে উহার হস্ত ঐ দেহে স্পর্শ করুক। আমাদের অপেক্ষা উহার অধিকার বেশী।”

আমি গেটের দিকে চলিলাম। নতদেহে, শায়িতা মূর্তির মাথা ঘুরাইয়া দিলাম। কেশরাশি অপমৃত হইবামাত্র মুখ দেখা গেল। সে মুখ আমার জন্মনির। যত্ন সে আননে দৃঢ়চাপ বহুপূর্বে আকিয়া দিয়া গিয়াছিল!

৬০

আমার জীবন-কাহিনীর অল্প অধ্যায়ের কথা এবার বলিব। উল্লিখিত ঘটনার পর আমি শস্যশায়িনী হইয়াছিলাম; কিন্তু দীর্ঘকাল রোগ ভোগ করি নাই। অসুখের সময় লগুনেই ছিলাম। কর্তার নিমন্ত্রণে উডকোর্টের মাতা আমাদের বাসায় আসিয়াছিলেন।

আমি স্নেহমত স্নহ হইয়া কার্যভার গ্রহণ করিলে এক দিন কর্তা আমায় ডাকিয়া বলিলেন, “বুড়া ঠাকুরগ, (তিনি আমায় এই নামেই ডাকিতেন) একটা কথা আছে। কোম কাজের জন্ত লগুনে ছমাস থাকিব স্থির করিয়াছি। হয় ত আরও বেশী সময় লাগিতে পারে।”

“ব্লিক হাউসের কি দশা হইবে?”

“সে যেমন আছে, তেমনই থাকুক। আদার নিকটে এখন তোমার থাকা দরকার। তোমার সাহায্য তাহার পক্ষে অত্যাৱশ্যক।”

আমি বলিলাম, “কর্তা, আজ কি মিঃ উডকোর্টের সঙ্গে আপনার দেখা হইয়াছিল?”

“তাঁর সঙ্গে আমার রোজই দেখা হয়।”

“রিচার্ড সন্ধ্যা কি তিনি এখনও সেই কথা বলেন?”

“হ্যাঁ। অবশ্য রিকের শরীরে কোন ব্যাধি নাই; কিন্তু তথাপি ডাক্তার তাহার সন্ধ্যা নিশ্চিত নহেন। কেই বা হইতে পারে?”

আমার অসুখের সময় আদা দুই তিনবার করিয়া আমাদের বাসায় আসিতেন। কর্তার প্রতি রিচার্ডের এমনই বিরাগ জন্মিয়াছিল যে, আদার বেশী যাওয়া-আসা তিনি পছন্দ করিতেন না। আদা পাছে কর্তব্যপ্রষ্ট হন, স্বামীর প্রতি স্ত্রীর কর্তব্য ঘাহাতে পালনে তৎপর হন, এ জন্ত তিনি নিজেই আদাকে বলিয়াছিলেন যে, রিকের অনভিমতে কোন কাজ করা উচিত নয়।

আমি বলিলাম, “হায়! কবে যে রিচার্ডের এই ভ্রম যাইবে!”

কর্তা বলিলেন, “শীঘ্র তাহার সম্ভাবনা নাই। কারণ, হস্তই সে ব্যর্থকাম হইবে, ততই আমাদের উপর আক্রোশ

তাহার বাড়িবে। আমাকেই সে তাহার যাবতীয় দুঃখ-কষ্টের কারণ বলিয়া ভাবিবে।”

আমি বলিলাম, “বড়ই দুঃখের কথা।”

কর্তা বলিলেন, “তোমরা রিককে কিছু বুঝাইতে যাইও না। সে বুঝিবে না, সময়ে সে বুঝিবে, স্তত্রাং ব্যস্ত হইবার প্রয়োজন নাই। এখন একটা কথা জিজ্ঞাসা করি, স্ত্রীমতী উডকোর্টকে কেমন লাগিতেছে?”

আমি বলিলাম যে, লোক তিনি মন্দ নন। পূর্বাপেক্ষা এখন তাঁহাকে ভালই লাগিতেছে।

কর্তা বলিলেন যে, উডকোর্ট-জননীকে তিনি আমাদের বাসায় আরও কিছু দিন থাকিতে অনুরোধ করিয়াছেন। মাতাপুত্র প্রত্যহ সাক্ষাৎ হয়, তাও বটে, আর উডকোর্টের দেখা পাওয়া যায়, এটাও তাঁহার বাঞ্ছনীয়। আমাকে এ সম্বন্ধে মত জিজ্ঞাসা করায় আমি জানাইলাম যে, তাঁহার মতে যেটা ভাল, আমিও তাহাতে সম্মত আছি।

কথার কথায় বলিলাম, “উডকোর্ট অল্প দেশে ভাগা-পরীক্ষায় যাইবেন বলিয়াছিলেন, তাহার কি হইল?”

“বাহ হয়, এখন আর যাইবেন না।”

“অল্প কোন সুবিধা হইয়াছে বুঝি?”

“হ্যাঁ, একরকম তাই বৈ কি। প্রায় ছয় মাস পরে ইয়র্কশায়ারের কোন স্থানে দরিদ্রদিগের একটি ভাল ডাক্তারের প্রয়োজন হইবে। জায়গাটি ভাল, মনোরম এবং জনবহুলও বটে। নদী আছে, পথ-ঘাট সুন্দর, পল্লী ও নগর, কলকারখানা, জলাভূমি কোনও বিষয়েরই অভাব সেখানে নাই। উডকোর্টের মনের মত এবং উপযুক্ত স্থান সেটি।”

আমি জিজ্ঞাসা করিলাম, “সে কাজটি কি উডকোর্টের হইবে?”

কর্তা হাসিয়া বলিলেন, “আমি গণক নই। তবে মনে হয়, কাজটা তাঁহার হইতে পারে। তাঁহার সুস্বাস্থ্য আছে, জাহাজ-ডোবা অনেক লোক সেখানে আছে। যে উপযুক্ত, সেই ঐ কাজ পাইবে। অবশ্য কাজটা যে খুব লোভনীয়, তাহা নয়, কারণ, পরিশ্রমের অল্পপাতে পারিশ্রমিক পর্যাপ্ত নয়। তবে আশা হয়, সেখানে ভাল লোকের সমাবেশ হইবে, বাঞ্ছনীয় পদার্থের অভাব হইবে না।”

“কর্তা, সে দেশে ও তত্রতা গরীবদিগের সৌভাগ্য, যদি তাহারা উডকোর্টকে পায়।”

“সে কথা ঠিক।”

এ বিষয়ে তার পর আর কোন আলোচনা হইল না।

ইদানীং আমি প্রত্যহ আদা ও রিচার্ডকে দেখিতে যাইতাম। তাঁহারা আমায় দেখিলে আনন্দিত হইতেন। রিচার্ড প্রায়ই বাহিরে বাহিরে থাকিতেন। মাঝে মাঝে মোকদ্দমার কাগজপত্র দেখিতেন ও কি লিখিতেন।

আদা যে অর্থ বিবাহের যৌতুকস্বরূপ লইয়া স্বামি-গৃহে গিয়াছিলেন, ক্রমেই তাহা নিঃশেষ হইয়া আসিতেছিল। আদা



স্থানী কাজ অল্পব্যয়ে চালাইতে গেলেও ক্রমে যে আর্থিক  
ঋণ আসিয়া পড়িতেছিল, তাহা সুস্পষ্ট দেখিতে পাইলাম।

এক দিন রিচার্ডের ওখানে গিয়াছি, তথায় উকীল  
ভালেসের সঙ্গে দেখা হইল। আদা ও রিচার্ড আহারের  
আয়োজনে ব্যস্ত। আমাকে একা দেখিয়া উকীল আমার  
কাছে আসিয়া স্বাগত-সম্ভাষণ করিলেন। কথায় কথায়  
তিনি বলিলেন, “মিস্ সমারসন্স, মিঃ কারস্টোনকে কেমন  
দেখিতেছেন?”

“বড় অসুস্থ বলিয়া বোধ হয়। মনে আদৌ শাস্তি নাই।”  
“ঠিক কথা।”

খানিক পরে উকীল বলিলেন, “এ বিবাহটা যুক্তিসঙ্গত  
হয় নাই।”

আমি তাঁহাকে বুঝাইয়া দিলাম, “উভয়ে বাল্যকাল হইতে  
পরস্পরের প্রণয়সক্ত ছিল। সে সময়ে অবস্থাও এমন  
শোচনীয় হইয়া দাঁড়ায় নাই।”

উকীল বলিলেন, “তথাপি আমি বলিব, এ বিবাহ  
উভয়ের কাহারও পক্ষে মঙ্গলজনক হয় নাই।”

আমি বলিলাম, “এ বিবাহ আজ সুখের হইত—যদি এই  
মোকদ্দমা হইতে রিচার্ডের মনকে ফিরান যাইত।”

কথাটা চাপা পড়িল। রিচার্ডের আহ্বানে তিনি  
চলিয়া গেলেন। ক্রমে আমাদের ভোজনের সময় আসিল।  
সকলে আহারে বসিলাম। রিচার্ডের সে প্রকৃষ্টতা, সে  
উৎসাহ, সে স্বাস্থ্য কিছুই নাই। নাই দেখিতেছি, কিন্তু  
প্রতীকারের উপায় কোথায়?

আহারাদির পর রিচার্ড উকীলের সঙ্গে অল্প কক্ষে চলিয়া  
গেলেন। তাঁহাদের কাজ আছে। আমি ও আদা বসিয়া  
রহিলাম।

আদা বলিলেন, “ইহার, কেমন করিয়া সু-গৃহিণী হইতে  
হয়, আমায় শিখাইয়া দাও। আমি পতিব্রতা নারীর কর্তব্য  
পালন করিতে চাই।”

হায়, আদা, তোমায় আমি শিখাইব? কিন্তু মুখে কিছু  
বলিলাম না।

“আমি যখন রিচার্ডকে বিবাহ করি, তখন ভবিষ্যৎসম্বন্ধে  
আমি অন্ধ ছিলাম না। তাঁর বিপদ যে কি, তাহা জানিতাম।”

“প্রাণাধিকা আদা, তা কি আমি বুঝি না।”

“বিবাহের পর মনে ভাবিয়াছিলাম, তাঁহার ভাস্তি  
দেখাইয়া দিব। কিন্তু সে আশা না থাকিলেও আমি  
রিচার্ডকে বিবাহ করিতাম। ইহার, যে বিপদের আশঙ্কা  
তোমরা করিয়াছিলে, আমার মনেও সে আশঙ্কা যথেষ্ট ছিল।”

আমি চুপ করিয়া রহিলাম।

“প্রতিদিনই তাঁহার অবস্থা খারাপ হইতেছে, আমি  
দেখিতেছি। তিনি যখন ঘুমান, আমি তাঁহাকে লক্ষ্য করি।  
তাঁহার প্রত্যেক মুখভঙ্গী দেখিয়া তাঁহার মনের কথা আমি  
বলিয়া দিতে পারি। কিন্তু বিবাহের সময় আমি মনে মনে

প্রতিজ্ঞা করিয়াছিলাম যে, আমি তাঁহার কোনও কার্যে  
কখনই অসন্তোষ প্রকাশ করিব না। বাড়ী আসিয়া আমার  
মুখ দেখিয়া, যেন কখনও তাঁহাকে বিমর্ষ হইতে না হয়। এই  
জন্যই আমি তাঁহাকে বিবাহ করিয়াছিলাম। এই চিন্তাতেই  
আমি বাঁচিয়া আছি, সকল দুঃখ সহ করিতে পারিতেছি।”

আদা কাঁপিতেছিলেন। তাহার পরে যে কথা তিনি  
বলিলেন, তাহা আমি অস্বপ্নমান করিয়াছিলাম।

“তা ছাড়া আর একটা বিষয়েও আমার আশা আছে।”

মুহূর্ত্ত থাকিয়া তিনি বলিলেন, “আর কিছুকাল পরে আমার  
বুকের উপর এমন একটি জিনিষের আবির্ভাব হইবে, যাহাকে  
প্রত্যাহ্বান করা চলে না। আমার অপেক্ষাও সেই জিনিষ-  
টির প্রভাব রিচার্ডকে প্রভাবিত করিবে। তখন রিচার্ড  
তাঁহার পথ দেখিতে পাইবেন।”

আমাকে আলিঙ্গনে বদ্ধ করিয়া আদা ফণমাত্র চুপ  
করিলেন। তার পর বলিলেন, “যদি সেই ক্ষুদ্র জীবটিও ব্যর্থ-  
কাম হয়, তবে আরও একটা আশা আছে। আরও বহু দিন  
পরে, যখন আমি বুড়া হইয়া পড়িব, অথবা লোকান্তরে চলিয়া  
যাইব, তখন একটি সুন্দরী যুবতী, তাঁহারই কন্যা তাঁহার  
গৌরবে গৌরবান্বিতা হইবে। অথবা যদি পুত্র-সন্তান হয়,  
তবে সে বৃদ্ধ পিতার হাত ধরিয়া বেড়াইবে, তাঁহাকে সুখী  
করিবে। বলিবে, ‘জয় জগদীশ! সর্বনাশকর উত্তরাধিকার  
ব্যাপারের মধ্য দিয়া আমার বাবাকে পাইয়াছি!’”

কি বিশ্বাসভরা হৃদয়! কি প্রেমপূর্ণ প্রকৃতি!

“এই আশাতেই আমি বাঁচিয়া আছি, ইহার। কিন্তু  
যখন রিচার্ডের দিকে চাই, তখন আমার চিত্ত এক একবার  
দমিয়া যায়।”

আমি তাঁহাকে সাস্তুনা দিলাম। জিজ্ঞাসা করিলাম,  
কেন তাঁহার এমন দুশ্চিন্তা হয়?

আদা বলিলেন, “তাহা জানি না। তবে এক একবার  
মনে হয়, হয় ত রিচার্ড তাঁহার সন্তানের আবির্ভাবকাল পর্য্যন্ত  
বাঁচিয়া থাকিবেন না।”

৩১

রিচার্ডের সেইরূপ হ্রবহহার সময়েও মিঃ স্কিম্পোল প্রায়ই  
সেখানে আসিতেন। আদা সেটা পছন্দ করিতেন না।  
আমিও ভাবিলাম, এ অবস্থায় এ লোকটি যদি রিচার্ডের স্বন্ধে  
চাপিয়া থাকে, তবে আদা ও রিচার্ডের পক্ষে বড়ই কষ্টকর  
হইবে। সুতরাং মিঃ স্কিম্পোলকে কৌশলে নিষেধ করিয়া  
দিতে হইবে স্থির করিলাম।

এক দিন ছিপ্রহরে স্কিম্পোলের সহিত দেখা করিবার  
জন্য শার্লির সহিত আমি সমরস্ টাউনে যাত্রা করিলাম।

তিনি আমাকে সাদরে আহ্বান করিলেন।

নানা কথার পর আমি তাঁহার নিকট কথাটা পাড়িলাম।  
স্কিম্পোল অত্যন্ত চতুর। তিনি বলিলেন যে, আমোদের

জন্মই তিনি রিচার্ডের ওখানে যাইতেন। এখন রিচার্ডের স্বখন সে অবস্থা নাই, টাকা খরচ করিবার সামর্থ্যও স্বখন কমিয়া আসিয়াছে, তখন আর তিনি তথায় যাইবেন না। যেখানে দুঃখ-কষ্ট, সেখানে কিম্বোপোলের কোন সম্বন্ধ নাই। তিনি প্রজাপতির মত মনের আনন্দে শুধু যেখানে আনন্দ, সেখানেই ঘুরিয়া বেড়ান। নিরানন্দের সহিত তাঁহার কোন সম্পর্ক নাই।

লোকটার অনেক প্রকার ভণ্ডামী দেখিয়াছি। বিরক্তিও বেশ জন্মিল। যাহা হউক, বুঝিলাম, এ ব্যক্তি আর ও দিকে যাইবে না। কর্তার সঙ্গেও কিম্বোপোলের মনাস্তর ঘটয়াছিল। তাঁহার ব্যবহারে কর্তা প্রকৃতই অসন্তুষ্ট হইয়াছিলেন।

এই ঘটনার পর কিম্বোপোলের সহিত আমার জীবনে আর দেখা হয় নাই। শুনিয়াছি, পাঁচ বৎসর পরে তিনি মারা যান। কিম্বোপোল সম্বন্ধে কথা এখানেই শেষ হইল।

কয়েক মাস কাটিয়া গেল। রিচার্ডের চেহারা ক্রমে আরও খারাপ হইয়া আসিতে লাগিল। কিন্তু আদালত-গমন কোন দিন বন্ধ হইল না।

প্রায়ই আদার ওখানে সময় যাপন করিতে লাগিলাম। যে দিন রাত্রিকালে যাইতাম, শার্শি আমার সঙ্গে থাকিত, গাড়ী চড়িয়া বাসায় ফিরিয়া আসিতাম। কোন কোন দিন কর্তা পথিমধ্যে কোথাও আমার প্রতীক্ষা করিতেন। তাঁহার সঙ্গে প্রত্যাভর্তন করিতাম।

এক দিন কথা ছিল যে, রাত্রি আটটার সময় তিনি নির্দিষ্ট স্থলে আমার জন্ম অপেক্ষা করিবেন। কিন্তু কার্যক্রমে আমার বিলম্ব হইয়া গেল। আদার জন্ম যে সেলাইটা করিতে-ছিলাম, তাহা শেষ না করিয়া উঠিতে পারিলাম না। তখন মিঃ উডকোর্ট তথায় ছিলেন। রাত্রি হইয়াছে দেখিয়া তিনি আমার সঙ্গে চলিলেন। নির্দিষ্ট স্থলে কর্তাকে দেখিলাম না। বহুদিন উডকোর্ট নির্দিষ্ট স্থলে আমাকে কর্তার কাছে পৌঁছিয়া দিয়া বাসায় চলিয়া গিয়াছেন। আজ কর্তাকে না দেখিয়া আমরা অর্ধঘণ্টা সেই স্থলে তাঁহার প্রতীক্ষায় রহিলাম। কিন্তু তাঁহার কোন চিহ্ন না দেখিয়া অগত্যা মিঃ উডকোর্টই আমাকে বাসায় পৌঁছিয়া দিতে স্বীকৃত হইলেন।

ইতিপূর্বে আর কখনও তাঁহার সহিত আমি একা দীর্ঘ-পথ ভ্রমণ করি নাই। বাসায় আসিয়া দেখিলাম, কর্তা তখনও ফিরেন নাই। উডকোর্ট-জননীও বাড়ী ছিলেন না।

একটা খোলা জানালার ধারে উভয়ে দাঁড়াইয়াছিলাম। মিঃ উডকোর্ট আমার সহিত কথা বলিতেছিলেন। বুঝিলাম, তিনি আমাকে ভালবাসেন। আমার ক্ষতলাঙ্ঘিত মুখ কোনও দিন তাঁহার ভালবাসাকে হ্রাস পাইতে দেয় নাই। তিনি প্রথমাবধিই আমাকে ভালবাসিয়াছেন, সে ভালবাসা কোনও দিন বিলুপ্ত হইবার নহে। মুহূর্ত্তমধ্যে এ সব কথা তাঁহার মুখ হইতেই উচ্চারিত হইতে শুনিলাম। বড় বিলম্বে এ সংবাদ আমার কর্ণে প্রবেশ করিল! বড় বিলম্বে!

“ধনবান্ না হইয়া আমি স্বখন দেশে ফিরিলাম, দেখিলাম, আপনি রোগশয্যা হইতে উঠিয়াও অল্পের সুখদুঃখের জন্য লালায়িত, সখচ স্বার্থমাত্র নাই—”

“ধামুন, মিঃ উডকোর্ট! আপনার নিকট হইতে এরূপ উচ্চ প্রশংসা লাভ করিবার যোগ্য আমি নই। নিজের জন্ম অনেক রকম চিন্তা তখন আমার মনে ছিল।”

“সে কথা ভগবান জানেন। আমার কথাগুলি শুধু প্রেমিকের প্রশংসাবাক্য নহে, খাঁটি সত্য। আপনি জানেন না, ইহার সমারসনের মধ্যে অপরে কি প্রত্যাশা করিয়া থাকে। কত মানুষ যে তাঁহার স্পর্শে জাগিয়া উঠিয়াছে, তাহার সন্ধান আপনি কেমন করিয়া পাইবেন! কত সময় যে তাঁহার প্রশংসায় ভরপূর, কত লোকের ভালবাসা তিনি যে আকর্ষণ করিয়াছেন, তাহার ইতিহাস কে জানে?”

“অল্পের নিকট ভালবাসা পাওয়া যে আনন্দের, তাহা বলিয়া শেষ করিতে পারি না। মিঃ উডকোর্ট! সে জন্ম আমি আপনাকে পরম সৌভাগ্যশালিনী মনে করিতেছি। সে জন্ম আজ আমি সুখ-দুঃখ-বিমিশ্রিত অশ্রুধারা ফেলিতেছি। সুখ কেন?—না, এত ভালবাসা আমি লাভ করিয়াছি। দুঃখ এই যে, আমি উহার যোগ্য নই। কিন্তু আপনার কথা চিন্তা করিয়া দেখিবার স্বাধীনতাও যে আমার নাই!”

উডকোর্ট বলিলেন, “একটা কথা আপনাকে বলি, আমি বরাবরই মনে করিয়াছিলাম যে, স্বখন আমার অবস্থা একটু ভাল হইবে, সেই সময় আমি আমার মনের কথা আপনাকে জানাইব। আমার এমন আশঙ্কা ছিল যে, আপনি আমার কথায় কর্ণপাত করিবেন না। আজ রাত্রিতে আমার আশা ও আশঙ্কা দুই পূর্ণ হইয়াছে। আমি আপনাকে বড় বিপর করিয়া তুলিলাম। যাক্, যথেষ্ট বলিয়াছি। আর নয়।”

তাঁহার আশাভঙ্গ হওয়ায় সত্যই আমি দুঃখিত হইলাম। বলিলাম, “বিদায় লইবার পূর্বে আমি একটা কথা আপনাকে বলিতে চাই। আপনার উদারতা কত গভীর, তাহা আমি জানি, বুঝি। মৃত্যুর শেষ মুহূর্ত্ত পর্যন্ত ইহার স্মৃতি আমি সযত্নে হৃদয়ে ধারণ করিব। আমার কি পরিবর্তন হইয়াছে, তাহা আপনি জানেন। আমার জীবনের ইতিহাসও আপনার অপরিজ্ঞাত নয়। এ সব সম্বন্ধে আপনি কি বিশ্বস্তভাবে আমার ভালবাসেন, তাহা আমি বুঝি। আপনার কথা আমার হৃদয়ে মুদ্রিত থাকিবে, এবং তাহারই স্মৃতি আমাকে সৎপথে পরিচালিত করিবে।”

তিনি বাহর দ্বারা মুখমণ্ডল আবৃত করিয়া ঘুরিয়া দাঁড়াইলেন। তাঁহার সে অশ্রুধারা কত মূল্যবান, তাহা কি আমি বুঝি নাই?

“আদা ও রিচার্ডের সেবার সময় আমরা পরস্পর মিলিত হইব। সে সময়ে, অথবা জীবনের বিভিন্ন দৃশ্বে যদি কখনও আমাকে এমন অবস্থায় দেখেন যে, পূর্কোপেক্ষাও আমি ভাল হইয়াছি, তখন মনে ভাবিবেন যে, অল্পকাল রাত্রির প্রভাবেই

আমি তেমন মহৎ কাজ করিতে পারিরাছি। এই রাত্রির কথা আমি এ জীবনে বিস্মৃত হইব না, ইহা ঠিক জানিবেন। আমি যে আপনার প্রিয়পাত্রী, সেটা আমার গর্ভের ও আনন্দের বিষয়।”

আমার করপল্লব লইয়া তিনি তাহা চুষন করিলেন। তিনি তখন প্রকৃতিস্থ। আমার সাহস তাহাতে বাড়িল, বলিলাম, “আপনার কথার দ্বারা বুঝিলাম যে, আপনার অবস্থা-পরিবর্তনের সম্ভাবনা ঘটিয়াছে।”

“হ্যাঁ, মিঃ জারনুডিসের সাহায্যে আমার আশা ফলবতী হইয়াছে।”

“ভগবান্ তাঁহার মঙ্গল করুন। মঙ্গলময়ের আশীর্ব্বাদে আপনি সাফল্য লাভ করুন।” সঙ্গে সঙ্গে হাত বাড়াইয়া দিলাম।

তার পর বলিলাম, “কিন্তু আপনি চলিয়া গেলে রিচার্ডের কি অবস্থা হইবে?”

“আমার যাইবার এখন প্রয়োজন হইবে না। তাহা না হইলেও আমি রিচার্ডকে ছাড়িয়া যাইতাম না।”

“মিঃ উডকোর্ট, বিদায়ের পূর্বে আপনাকে আর একটা কথা জানাইয়া দিতেছি। আমার ভবিষ্যৎ সমুজ্জ্বল! হুঃখ করিবার কিছুই আমার নাই। ভবিষ্যতে আমার কাম্য যাহা কিছু, সবই পাইয়া সুখী হইব।”

তিনি বলিলেন যে, এ কথায় তিনি খুবই আনন্দিত।

“বাল্যকাল হইতেই যিনি অক্লান্তভাবে শুধু আমার মঙ্গলের জন্ত চেষ্টা করিয়া আসিয়াছেন, সেই পুরুষশ্রেষ্ঠের সহিত আমি অবিচ্ছিন্নভাবে সংশ্লিষ্ট। কৃতজ্ঞতা, ভালবাসা, প্রেম যাই বলুন না কেন, সকল প্রকার দাবী তাঁহারই।”

“সে বিষয়ে আমি আপনার সহিত একমত। আপনি মিঃ জারনুডিসের কথা বলিতেছেন।”

“আপনি তাঁহার গুণের কথা জানেন; কিন্তু অল্প-লোকেই তাঁহার চরিত্রের মহত্ত্ব ও বিশেষত্বের সংবাদ রাখেন। তাঁহার প্রকৃতির সর্বশ্রেষ্ঠ গুণগুলির সম্যক পরিচয় আমি পাইয়াছি।”

সে বিষয়ে উডকোর্টেরও বিন্দুমাত্র মতবৈধ নাই।

“শুভরাত্রি, বিদায়।”

“প্রথমটা আজিকার মত ত? আর দ্বিতীয়টি বর্তমান আলোচ্য বিষয়ে, অবশ্য?”

“আমি বলিলাম, “হ্যাঁ।”

“শুভরাত্রি, বিদায়!”

৬২

সে রাত্রিতে কাহারও সহিত সাক্ষাৎ করিতে আমার সাহস হইল না। নিজের প্রতিমূর্ত্তিকে দেখিতেই সাহস হইল না, পাছে অশ্রুসিক্ত আরক্ত নয়নদুগলকে ভিন্নকার করিতে হয়। কর্তার সেই পত্রখানা লইয়া আর একবার পাঠ

করিলাম। সবটাই আমার মুখস্থ ছিল, তথাপি আবার পড়িলাম। তার পর উপধাননিয়ে উহাকে রাখিয়া শয়ন করিলাম।

সকালে উঠিয়া শার্ণির সহিত বেড়াইতে গেলাম। অনেক ফুল কিনিয়া আনিলাম। প্রাতরাশের টেবলটিকে ফুলের দ্বারা সাজাইয়া প্রতীক্ষা করিতেছি, এমন সময় কর্তা ও উডকোর্ট-জননী তথায় আসিলেন। কর্তা বলিলেন, “তোমাকে আজ ফুলের চেয়েও তাজা বোধ হইতেছে, ইহার।”

জলযোগের পর আমি কর্তার পড়িবার ঘরে চাবীর গুচ্ছ ঘুরাইতে ঘুরাইতে প্রবেশ করিলাম।

“টাকা চাই না কি!”

আমি বলিলাম, “না, টাকার প্রয়োজন নাই, যথেষ্ট আছে।”

কলমটি রাখিয়া দিয়া তিনি আমার দিকে চাহিলেন। তাঁহার মুখমণ্ডল সদাপ্রফুল্ল, তাহা পূর্বেই বলিয়াছি, কিন্তু আজ যেন সেই প্রসন্ন মুখমণ্ডলকে প্রসন্নতর মনে হইল। ভাবিলাম, বোধ হয়, আজ সকালে বদাণুতার কাজ বেশী করিয়াছেন।

বলিলাম, “কর্তা, একটু কথা আছে। আমার ব্যবহারের কোন পরিবর্তন দেখিতেছেন কি?”

“কি রকম?”

“অর্থাৎ আপনার সেই পত্রের উত্তর দিবার পর হইতে আমার ব্যবহারের কোন পরিবর্তন হইয়াছে বলিয়া মনে করেন কি?”

“না, আমার যাহা কিছু বাঞ্ছনীয়, তুমি তাহার প্রত্যেকটি খুঁটিনাটির সহিত করিতেছ, অভিযোগ করিবার কিছু নাই।”

“আপনার কথায় আমার আনন্দ হইল। আপনি বলিয়াছিলেন, এইট কি ব্লিক হাউসের কর্তা? আমি বলিয়াছিলাম, হ্যাঁ।”

আমার মুখের দিকে সহাস্তবদনে চাহিয়া তিনি বলিলেন, “সে ত ঠিক কথাই।”

“তার পর একবার ছাড়া এ বিষয়ের আলোচনা আর হয় নাই।”

“হ্যাঁ, তখন আমি বলিয়াছিলাম, ব্লিক হাউস্ ক্রমেই ছুঁকল হইয়া পড়িতেছে। লোক কমিয়া যাইতেছে।”

আমি তাঁহাকে স্মরণ করাইয়া দিলাম যে, আমি বলিয়াছিলাম, উহার কর্তা কোথাও যাইতেছেন না।

তিনি তেমনই প্রসন্ন হাশ্বে আমার দিকে চাহিয়া রহিলেন।

আমি বলিলাম, “অনেক সময় চলিয়া গিয়াছে। প্রস্তাবটা আবার আমি নূতন করিয়া তুলিতেছি। যে দিন আপনি অনুমতি করিবেন, সেই দিন আমি কর্তার পদ গ্রহণ করিব।”

প্রসন্ন হাশ্বে তিনি বলিলেন, “আগামী মাসে হইবে।”

“বেশ, তাই।”



কর্তা বলিলেন, “আমার জীবনের সর্বোৎকৃষ্ট আনন্দের, গৌরবের ও লোভনীয় দিন আগামী মাসেই নির্ধারিত করিলাম। সেই দিন আমি ব্লিক হাউস উহার কর্তীর হস্তে সমর্পণ করিব। আমার সে শুভ দিনটি সকলেরই হর্ষ উদ্রেক করিবে। পৃথিবীতে সে দিন আমার মত সুখী, ভাগ্যবান আর কেহই থাকিবে না।”

বাহবেষ্টনে তাঁহার গলদেশ আবদ্ধ করিয়া আমি তাঁহাকে চুম্বন করিলাম।

একটি ভৃত্য আসিয়া সংবাদ দিল, মিঃ বকেট আসিয়াছেন। আমরা সমাদরে তাঁহাকে অভ্যর্থনা করিলাম। তিনি বলিলেন, তাঁহার সহিত একটি চলচ্ছিত্রহীন বুদ্ধ আসিয়াছে, তাহাকে চেয়ারে বসাইয়া উপরে আনিতে হইবে।

আমাদের আপত্তি ছিল না। বকেট পরিচয় দিলেন, লোকটির নাম স্মলউইড। বুদ্ধ ক্রুকের সম্পত্তির সেই এখন স্ত্রীর সম্বন্ধে উত্তরাধিকারী হইয়াছে। পুরাতন কাগজাদির মধ্যে একখানি দলিল পাওয়া গিয়াছে। সেই দলিলে মিঃ জারনুডিসের নাম লেখা। উপযুক্ত মূল্য পাইলে বুদ্ধ কাগজখানি তাঁহাকে দিতে পারে।

কর্তা বলিলেন, “বেশ, আমার উকীলকে দেখাইব, যদি উহার কোন মূল্য থাকে, তবে বুদ্ধকে উপযুক্ত পুরস্কার দিব।”

দলিলখানি রাখিয়া দিয়া বকেট বুদ্ধ সহ চলিয়া গেলেন। কর্তা আমাকে সঙ্গে লইয়া উকীল কেন্জির সহিত সাক্ষাৎ করিতে গেলেন। কর্তাকে দেখিয়া সকলে বিস্মিত হইলেন। তিনি কখনও আদালতে বা উকীলের বাড়ী যাইতেন না।

দলিলখানি কেন্জির হস্তে দিয়া কর্তা সকল কথা বলিলেন। উকীল উহা পড়িয়া বলিলেন, এ দলিলখানি সর্বোপেক্ষা আধুনিক এবং রেজেক্ট করা। ইহার মূল্য অধিক। ইহাতে মোকদ্দমার গতি ফিরিয়া যাইবে। তবে জারনুডিসের সম্পত্তির অংশ এই দলিলের বলে কমিয়া যাইবে এবং রিচার্ড ও আদার পক্ষে মঙ্গলজনক হইবে।

কেন্জি গুপীকে বলিয়া দিলেন, রিচার্ডের উকীল ভোলেস্কে এখনই যেন ডাকিয়া আনে। অল্পক্ষণমধ্যেই বুদ্ধ ভোলেস্কে আসিলেন।

দলিলখানা পড়িয়া উভয়েই স্থির করিলেন যে, ইহা দ্বারা মোকদ্দমার অনেকটা সুবিধা হইবে।

কর্তা দীর্ঘনিশ্বাস ফেলিয়া বলিলেন, “যদি আদা ও রিচার্ড সমস্ত সম্পত্তি পায়, আমার কিছুমাত্র আপত্তি নাই, বরং সুখী হইব। কিন্তু কেন্জি, আপনি কি মনে করেন যে, সত্যই কোন উপকার হইবে? এ মোকদ্দমার কোন দিন অবসান হইবে?”

উকীলরা কিছুক্ষণ চূপ করিয়া রহিলেন। শুধু গোটা-কয়েক কাজে কথা ভোলেস্কে ও কেন্জির মুখ হইতে বাহির হইল। তাহার মূল্য কি, তাহা আমরা জানিতাম।

৬৩

জর্জ লগুন হইতে তাঁহার দোকানপাট তুলিয়া স্থার লিটারের সঙ্গে চেস্নিওডে আসিয়াছিলেন। তাঁহার সহিত সর্বদাই তিনি থাকিতেন।

আজ অস্বাভাব্যে তিনি তাঁহার জোষ্ঠের সহিত সাক্ষাৎ-কামনায় চলিয়াছিলেন। নির্দিষ্ট সন্ধ্যায় আসিয়া তিনি এক ব্যক্তিকে তাঁহার ভ্রাতার কথা জিজ্ঞাসা করিলেন, সে তাঁহাকে চিনে কি না।

“তাঁকে আবার কে চিনে না?”

“তাঁর খুব নাম আছে বুঝি?”

“নিশ্চয়।”

“আচ্ছা, এখন তিনি কোথায়?”

“হয় ব্যাঙ্কে, নয় ত কারখানায়, তা নয় ত বাড়ীতে আছেন। কাজের জন্ত মাঝে মাঝে অল্প জায়গায় যেতে হয়, তবে তাঁর ছেলের সঙ্গে দেখা হ’তে পারে।”

জর্জ ভাবিলেন, ভ্রাতার যখন এত ঐশ্বর্য্য, এত প্রতিপত্তি, তখন তাঁহার সহিত সাক্ষাৎ করিতে যাওয়া সম্ভব কি? কিন্তু তিনি অগ্রসর হইলেন।

একটা সুবৃহৎ কারখানার ফটকের সম্মুখে তিনি আসিলেন। প্রচুর লৌহ স্তম্ভে স্তম্ভে স্থানে স্থানে পড়িয়া রহিয়াছে। নানাপ্রকার লৌহবিনির্মিত দ্রব্য চারিদিকে সংখ্যাভীতভাবে রহিয়াছে।

জর্জের মাথা ঘুরিয়া গেল। একটু প্রকৃতিস্থ হইলে তিনি দেখিলেন, এক ব্যক্তি সে দিকে অগ্রসর হইতেছে।

“ও কে? ছেলেবেলা আমি যেমন ছিলাম, অনেকটা সেই রকম। এ নিশ্চয় আমার ভাইপো। বংশের ছাপ ইহার মুখে দেখিতেছি।”

যুবক নিকটে আসিয়া বলিলেন, “আপনি কাকেও খুঁজছেন কি, মহাশয়?”

“হ্যাঁ, কিন্তু একটা কথা জিজ্ঞাসা করি; আপনি কি রাউন্সওয়েলের পুত্র?”

“হ্যাঁ, মহাশয়।”

“আমি আপনার পিতার সঙ্গে দেখা করিতে চাই। একটা কথা আছে।”

যুবক বলিল যে, তিনি ঠিক সময়েই আসিয়াছেন। কারণ, এখন তাঁহার পিতা এইখানেই আছেন। এই বলিয়া সে জর্জকে পথ দেখাইয়া চলিল। জর্জ ভাবিতেছিলেন, “এটি ঠিক আমার ছেলেবেলার প্রতিমূর্তি! ঠিক এমনটিই আমি ছিলাম।”

আপিস-ঘরের মধ্যে একটি ভদ্রলোককে উপবিষ্ট দেখিয়া জর্জের মুখমণ্ডল আরক্ত হইয়া উঠিল।

“কি নাম বলিব, মহাশয়?”

জর্জ একটু ভাবিয়া বলিলেন, “ষ্টিল (ইম্পাত)।”

তিনি আসন গ্রহণ করিতেই ভিতরস্থ ভদ্রলোকটি বলিলেন, “মিঃ ষ্টিল, আপনার কি প্রয়োজন বলিতে পারেন।”

জর্জ বলিলেন, “মিঃ রাউলওয়েল, আমি যেমন আশা করিয়াছিলাম, সেইরূপ অভ্যর্থনাই পেয়েছি। আমি এক সময়ে সেনাদলে ছিলাম। আমার একটি অন্তরঙ্গ বন্ধু আপনারই সহোদর। বোধ হয়, আপনার সে ভ্রাতাটি আপনাদিগকে কষ্ট দিয়া পলায়ন করিয়াছিল, সে তদবধি আর ফেরে নাই, অথচ কোন উন্নতিও করে নাই।”

জর্জ কথাগুলি বলিবার সময় নত-নেত্রেই বলিতেছিলেন। জ্যেষ্ঠের নয়নে নয়ন মিলাইতে সাহস করিতেছিলেন না।

শেঠ-বণিকের কণ্ঠস্বর পরিবর্তিত হইল। তিনি বলিলেন, “আপনি ঠিক বলিতেছেন, আপনার নাম মিঃ ষ্টিল?”

সৈনিকের মুখে কথা সরিল না। শুধু ভ্রাতার দিকে পূর্ণদৃষ্টিতে চাহিলেন। জ্যেষ্ঠ চেয়ার ছাড়িয়া সহসা উঠিয়া দাঁড়াইলেন, নাম ধরিয়া ডাকিলেন, তার পর দুই বাহু-বন্ধনে ভ্রাতাকে আকর্ষণ করিলেন।

অশ্রুপূর্ণ-নেত্রে সৈনিক পুরুষ বলিলেন, “দাদা, আমার চেয়েও তুমি ক্ষিপ্ত। কেমন আছ দাদা? আমি কখনও ভাবি নাই, আমাকে দেখিয়া সত্যিই তুমি এতটা আনন্দিত হইবে।”

পুনঃ পুনঃ করকম্পন ও আলিঙ্গনাবদ্ধ হইয়া দুই ভ্রাতা কয়েক মুহূর্ত কাটাইলেন। তাহার পর জর্জ এখানে আসিবার পূর্ববর্তী ঘটনানিচয় জ্যেষ্ঠকে বিবৃত করিলেন।

তিনি বলিলেন, “তোমাকে পাইয়া আমার কি আনন্দ হইয়াছে, তাহা বাড়ী গেলে দেখিতে পাইবে। আজ আমাদের বাড়ীতে উৎসব, আর সেই উৎসবদিনে তুমি সমাগত। আজ আমার পুত্র ওয়াটের সঙ্গে আমার এই চুক্তি থাকিবে যে, আজ হইতে ঠিক এক বৎসর পরে, এই দিনে আমি তাহার বিবাহ দিব। কণ্ঠটি পূর্ক হইতেই মনোনীত। তাহাকে আমার কণ্ঠের সহিত জন্মণীতে পাঠাইতেছি। কাগই তাহাদের যাইবার দিন। পরিমার্জনের জগুই তাহাদিগকে তথায় পাঠাইতেছি। উহাতে শিক্ষা সমাপ্ত হইবে। তত্পলক্ষে বাড়ীতে ভোজের উৎসব আছে। আজ তুমি সেই উৎসবের নায়ক হইলে।”

ভ্রাতার ব্যবহারে জর্জ অভিভূত হইলেন। অতঃপর ভ্রাতাকে সঙ্গে লইয়া জ্যেষ্ঠ বাড়ী গেলেন। ভ্রাতৃপুল্লীরা যেমন সুশিক্ষিতা, তেমনই সুশীলা। সকলে তাঁহাকে পাইয়া বিশেষ উৎকুল হইয়া উঠিলেন। বাড়ীতে উৎসবের শ্রোত বহিতে লাগিল। ভ্রাতৃপুল্লের ব্যবহারে তিনি আরও প্রীত হইলেন। সে যেমন অল্পগত সন্তানের লায় তাঁহার সঙ্গে সঙ্গে ফিরিতেছিল। রাত্রিতে উৎকুল শয্যা শয়ন করিয়া জর্জ নানাপ্রকার স্বপ্ন দেখিতে লাগিলেন।

পরদিবস জ্যেষ্ঠ কনিষ্ঠকে লইয়া আপিস-কক্ষে দ্বার রুদ্ধ করিয়া দিলেন। তিনি কনিষ্ঠকে ব্যবসায়ের কোন্ কোন্ বিষয় পনিচালনের ভার দিবেন, তাহার উল্লেখ করিতে লাগিলেন।

জর্জ বাধা দিয়া বলিলেন, “দাদা, তোমার সাধু সংকল্পের জগু লক্ষ ধন্যবাদ। আমি এতটা আশা করি নাই। কিন্তু

আমার জীবনযাত্রার ব্যবস্থা হইয়া গিয়াছে। সে কথা বলিবার পূর্বে একটা কথা তোমাকে জিজ্ঞাসা করি। মা কিসে আমাকে ত্যাজ্যপুত্র করিতে পারেন?”

“জর্জ, তোমার কথাটা আমি ঠিক বুঝিতে পারি-লাম না।”

“আমাকে মা কি উপায়ে ত্যাজ্যপুত্র করিতে পারেন, তাই আমি জানিতে চাই। তিনি যাহাতে আমাকে ত্যাজ্য-পুত্র করিতে পারেন, তাহার ব্যবস্থা করা দরকার।”

“অর্থাৎ উইল হইতে যাহাতে তিনি তোমার নাম কাটিয়া দেন, তাই তুমি চাও?”

“হ্যাঁ।”

“প্রিয় জর্জ, সেটা কি করা প্রয়োজন মনে কর?”

“নিশ্চয়ই। সে ইচ্ছা যদি না থাকে, তবে আমার মত নীচাস্তঃকরণ আর কেহ নাই। তোমার সন্তানদিগকে বঞ্চিত করিবার জগু আমি ফিরিয়া আসি নাই। আমার অধিকার আমি বহুপূর্বেই বিসর্জন করিয়াছি। যদি উন্নত-মস্তকে আমাকে থাকিতে হয়, যদি আমাকে কাছে রাখিতে চাও, তবে উইল হইতে আমার নাম বাদ দেওয়াইতে হইবে। তুমি বুদ্ধিমান, বিচক্ষণ, যাহাতে ইহা করাইতে পার, তাহার ব্যবস্থা কর।”

“জর্জ, কিসে তাহা না হইতে পারে, আমি তাহাই জানি। কারণ, তাহাতেই তোমার উদ্দেশ্য সিদ্ধ হইতে পারে। মার কথা মনে কর, বৃদ্ধবয়সে তোমাকে ফিরিয়া পাইয়া তাঁহার মনের অবস্থা এখন কিরূপ, তাহাও ভাবিয়া দেখ। তুমি কি মনে কর, পৃথিবীতে এমন কোন ব্যাপার আছে—যাহার অনুরোধে মা এ ব্যবস্থায় রাজি হইতে পারেন? কখনই নয়। তাঁহার কাছে এ প্রস্তাব তুলিবার সামর্থ্যই আমার নাই। এ কাজ যদি তুমি করিতে যাও, তবে ঘোরতর অন্তায় করা হইবে। না, সে চিন্তা ছাড়িয়া দাও, ভাই। তবে অন্য উপায়ে তোমার উদ্দেশ্য সিদ্ধ হইতে পারে।”

“কিরূপে?”

“উইলের সর্ভে তুমি যাহা পাইবে, যদি তোমার ইচ্ছা হয়, তুমি নিজে উইল দ্বারা তাহার ব্যবস্থা করিতে পার।”

একটু ভাবিয়া জর্জ বলিলেন, “হ্যাঁ, তা পারি। তবে তুমি ভাই, এ কথাটা তোমার স্ত্রী ও সন্তানগণের কাছে বলিও।”

“আচ্ছা, বলিব।”

“ধন্যবাদ। আমি ভবঘুরে হইতে পারি; কিন্তু হীনচেতা নই, এ কথাটা বুঝাইয়া দিও।”

কৌতূহলহাস্য দমন করিয়া জ্যেষ্ঠ ভ্রাতার কথায় রাজি হইলেন।

“ধন্যবাদ। আমার মনের উপর হইতে পাষণ নামিয়া গেল! কিন্তু ত্যাজ্যপুত্র হওয়ারই আমার বাসনা ছিল।”

নৈরাশ্যকে সরাইয়া দিয়া জর্জ বলিলেন, “দাদা, তুমি তোমার পরিশ্রম ও সহিষ্ণুতা-সজাত ব্যবসারে আমাকে অংশ দিতে চাহিয়াছ, সে জন্ম তোমাকে পূজা করিতে ইচ্ছা হইতেছে। কিন্তু সত্য কথা বলিতে কি দাদা, আমি একটা বুনো গাছ। এমন সুসজ্জিত উদ্যানে তাহাকে রোপণ করা বুধা—সে সময় আর নাই।”

“আচ্ছা, সে ভার আমার রহিল, ভাই, তোমার সে জন্ম কোন চিন্তা করিতে হইবে না।”

“তা জানি, দাদা, তুমি অসাধ্যসাধন করিতে পার। কিন্তু তাহার কোন প্রয়োজন নাই। স্মার লিষ্টারের পক্ষে এখন আমার সাহায্যের প্রয়োজন। যৎসামান্য যাহা পারি, তাঁহাকে সুখী করিবার ইচ্ছা আমার আছে।”

“তুমি যদি স্মার লিষ্টারের বাড়ীতেই থাকিতে চাও, সে কথা স্বতন্ত্র—”

“হ্যাঁ, দাদা, তাই আমার কর্তব্য। তোমার হয় ত সেটা পছন্দসহি হইবে না; কাহারও নির্দেশক্রমে চলা তোমার অভ্যাস নাই, কিন্তু আমার আছে। সেনাদলে থাকিয়া সে অভ্যাস আমার হইয়াছে। সে জন্ম আমি স্মার লিষ্টারের প্রস্তাবে সম্মত হইয়াছি। আশা করি, সে জন্ম তুমি দুঃখিত হইবে না।”

“না ভাই, তোমার মন যাহা চায়, তাই কর। তোমাকে কাছে পাইয়াছি, এই আমার পক্ষে যথেষ্ট।”

“আর একটা কথা, দাদা। চিঠিপত্র লেখা আমার বড় একটা আসে না। পত্রখানা আমি লিখিয়া আনিয়াছি। আমি সহজ, সরলভাবে সত্য কথাটা বলিতে চাই, তুমি পড়িয়া দেখ, ঠিক হইয়াছে কি না।”

জ্যেষ্ঠ পত্র পড়িলেন,—

“ইনস্পেক্টর বকেট একখানি পত্র সম্বন্ধে আমাকে প্রস্তাব করিয়াছিলেন। এক তাড়া কাগজের মধ্যে সে চিঠিখানি পাওয়া গিয়াছে। সেই পত্রখানি আমি আনিয়াছিলাম। যখন বিদেশে ছিলাম, আমার কোনও বন্ধু একখানি পত্র ও সেই পত্র কিরূপে কোথায় দিতে হইবে, তাহার উপদেশ দিয়াছিলেন। সে পত্রখানি কোনও যুবতী অসামান্য সুন্দরীর নামে লিখিত। তিনি তখনও অবিবাহিতা ছিলেন। আমি আমার কর্তব্য পালন করিয়াছিলাম।

“আপনাকে জানাইয়া রাখিতেছি যে, সে পত্রখানি হস্তাক্ষরের প্রমাণস্বরূপ আমার নিকট হইতে গৃহীত হইয়াছিল। আমি সেটা কোনরূপ ক্ষতিজনক হইবে ভাবি নাই। জানিলে কখনই তাহা দেখাইতাম না। বরং তাহার জন্ম বন্ধুকের গুলীতে মরিতে প্রস্তুত ছিলাম।

“আর একটা কথা নিবেদন করিতেছি, একটি হতভাগ্য ভদ্রলোক যে তখনও জীবিত ছিলেন, তাহা আমি জানিতাম না। জানিলে স্বেচ্ছন করিয়াই হউক, তাঁহার আবাসস্থল খুঁজিয়া বাহির করিয়া আমার শেষ কপর্দকটি

তাঁহার জন্ম ব্যয় করিতাম। কিন্তু সরকারী বিবরণে জানিয়াছিলাম, তিনি জলে ডুবিয়া মারা গিয়াছেন।

“আর একটা কথা লিখিয়া আমি বিদায় লইতেছি। আপনাকে আমি সর্বাস্তঃকরণে শ্রদ্ধা-ভক্তি করি। চিরদিনই আমি আপনার মহৎ গুণরাশির পূজা করিব। ইতি  
বিনয়াবনত—জর্জ”

ভ্রাতা বলিলেন, “চলিতে পারে।”

তখন ডাকযোগে পত্র প্রেরিত হইল। জর্জ ভ্রাতার নিকট বিদায় লইলেন।

৫৪

এক দিন সকালে কর্তা একখানি মোহরাঙ্কিত পত্র আমার হাতে দিয়া বলিলেন, “আগামী মাসের জন্ম।” দেখিলাম, উহার মধ্যে দুই শত পাউণ্ড আছে।

আমি ধীরে ধীরে প্রয়োজনীয় পরিচ্ছদাদি ক্রয় করিয়া বাক্য চর্চা করিতে লাগিলাম। অবশ্য কিনিবার সময় কর্তার পছন্দমত জিনিসই ক্রয় করিতাম। তাঁহার এ বিষয়ে বেশ অভিজ্ঞতা ছিল। তাঁহাকে খুসী করিবার জন্ম আমার আলমারী, বাক্স ভরাইয়া ফেলিলাম। আমি হেঁচ না করিয়া ধীরে স্ত্রে, নীরবে বিবাহের আনুষ্ঠানিক পরিচ্ছদাদি কিনিতেছিলাম। কারণ, আমার ধারণা ছিল, আদা এ ব্যাপারে একটু দুঃখ বোধ করিবে। তাহা ছাড়া কর্তাও এ সম্বন্ধে চূপচাপই ছিলেন। আমাদের বিবাহব্যাপারে যে ধুমধাম কিছুই হইবে না, খুব সাদাসিদাভাবেই কাটাটি নির্বাহ হইবে, সে বিষয়ে আমার সন্দেহমাত্র ছিল না। আদার বিবাহ যে ভাবে নির্বাহিত হইয়াছিল, আমাদের বিবাহক্রিয়াও তেমনই বিনা আড়ম্বরে নিষ্পন্ন করিবার ইচ্ছা আমার ছিল।

গুণ্ডু উডকোর্ট-জননীকে আমি কথাটা জানাইয়াছিলাম। তাঁহাকে বলিয়াছিলাম যে, কর্তার সহিত আমার বিবাহ। তিনি এ সংবাদে বিশেষ সন্তোষ প্রকাশ করিয়াছিলেন। পূর্বাভিষ্কা তিনি আমার প্রতি আরও সদয় দেখিলাম।

সময় ক্রমেই নিকটবর্তী হইতেছে। এক দিন কর্তা, মিঃ উডকোর্টের কার্যব্যপদেশে ইয়র্কশায়ারে চলিয়া গেলেন। তাঁহার সেখানে যাওয়া একান্তই আবশ্যিক, এ কথা তিনি আমায় বলিয়া গিয়াছিলেন।

এক দিন কর্তার নিকট হইতে একখানা চিঠি পাইলাম। তিনি আমাকে ইয়র্কশায়ারে যাইবার জন্ম লিখিয়াছেন। কোন্ পথে, কি ভাবে আসিতে হইবে, সব লিখিয়া দিয়াছেন। আদার নিকট হইতে বেশীক্ষণ আমাকে দূরে থাকিতে হইবে না, তাহাও তিনি আমায় লিখিয়াছেন।

পরদিবস প্রত্যুষে রওনা হইলাম। আমাকে কেন তথায় যাইতে হইতেছে, জানিতাম না। সে জন্ম একটু



বিস্মিত হইলাম। নানারকম সম্ভাবনা মনে আসিল বটে, কিন্তু পরে বুঝিয়াছিলাম, তাহার একটিও ঠিক হয় নাই।

অবশেষে নির্দিষ্ট স্থানে পৌঁছিলাম। ভাবিয়াছিলাম, বোধ হয়, কর্তার কোনরূপ অসুখ হইয়াছে। কিন্তু তাঁহাকে আমার প্রতীক্ষায় দাঁড়াইয়া থাকিতে দেখিয়া আমার সে আশঙ্কা দূরীভূত হইল। তখন সন্ধ্যা হইয়াছে। সারাদিন গাড়ীতেই কাটিয়াছে। তাঁহার সদাপ্রসন্ন মুখমণ্ডল আরও মধুর দীপ্তিতে সমুজ্জ্বল।

হোটেলের নৈশভোজন সমাপ্ত হইল। উভয়ে নিরালা হইলে কর্তা বলিলেন, “তোমাকে এখানে কেন আনিলাম, তাহা জানিবার জন্ত বড় কৌতূহল হইতেছে, না?”

“সে কথা সত্য, কর্তা।”

“কাল সকালে সব কথা বলিব। তবে আজ এইটুকু জানিয়া রাখ যে, উডকোর্টের দরিদ্রপ্রীতি দর্শনে আমি মুগ্ধ হই। বিশেষতঃ আমাদের সকলের প্রতি তাঁহার সেবা, হতভাগ্য জোর প্রতি করুণা দেখিয়া আমার মনে একটি সংকল্পের উদয় হয়। স্থির হয়, তিনি এই দেশে আসিয়া তাঁহার কর্মক্ষেত্র প্রসারিত করিবেন। তাঁহার বাসের জন্ত একটা বাড়ীরও প্রয়োজন। খুব সম্ভায় এই জায়গাটা পাওয়া গেল। তার পর স্থানটিকে বাসযোগ্য করা হইল। গত পরশ্ব সংবাদ পাইলাম, সব সম্পূর্ণ হইয়াছে। কিন্তু গৃহস্থালীর কার্যে আমার পটুতা নাই। তবে সব ঠিক হইয়াছে কি না, বুঝিব কিরূপে? তাই এ বিছায় পারদর্শিনী সর্বশ্রেষ্ঠ গৃহকর্তাকে সংবাদ দিয়া আনাইলাম। তাঁহার মতে যদি স্থির হয় যে, সব সম্পূর্ণ হইয়াছে, তবেই মঙ্গল। এখন তিনি আসিয়া উপস্থিত। কাল সকালে সব দেখিয়া তিনি অনুমোদন করিলেই পাকা হইয়া যাইবে।” বলিতে বলিতে কর্তার মুখমণ্ডলে আনন্দ ও উল্লাস উচ্ছ্বসিত হইয়া উঠিতে লাগিল।

আমার উপর তাঁহার এই অখণ্ড বিশ্বাস ও নির্ভরতা দেখিয়া হৃদয় ভরিয়া উঠিল। অনেক কথা বলিবার ছিল; কিন্তু একটি শব্দও উচ্চারণ করিতে পারিলাম না।

প্রভাত হইল। কি মধুর স্নিগ্ধোজ্জ্বল গ্রীষ্মের প্রভাত! প্রাতঃরাশের পর তাঁহার বাহু অবলম্বন করিয়া বাড়ীটা দেখিতে গেলাম। সমস্ত পর্য্যবেক্ষণের সময় আমার মতামত দিতে হইবে। একটি ক্ষুদ্র গেটের মধ্য দিয়া একটি মনোরম পুষ্পাচ্ছাদনে প্রবেশ করিলাম। দেখিলাম, বাড়ীতে যে প্রণালীতে আমি ফুলের গাছ পুতিয়াছি, ঠিক সেই প্রণালী এখানেও অবলম্বিত হইয়াছে। যে গাছের পর যে চারা রোপণ করিয়াছি, এখানেও ঠিক তাই।

আনন্দ-সমুজ্জ্বল-আননে কর্তা বলিলেন, “তোমার প্রণালীটি খুব চমৎকার। তাই আমি এখানেও উহা অনুকরণ করিয়াছি।”

একটি সুন্দর অর্চার্ডের পার্শ্ব দিয়া আমরা চলিলাম। সবুজ গাছে চেরীফল-সমূহ ছলিতেছিল। বাড়ীর সম্মুখে

আপেল বৃক্ষরাজি দেখা যাইতেছিল। কুটীরটি অতি মনোরম। চারি পার্শ্বে যেন চিরশান্তি বিরাজিত। কুটীরটির চতুর্দিকে উন্মুক্ত, শ্রামল প্রান্তর। অদূরে নদীর রক্তরেখা দেখা যাইতেছে অনতিদূরে নগরের সৌধরাশি দাঁড়াইয়া। কুটীরের ঘরগুলিও প্রশস্ত। চারিদিকে বারান্দা। তরুপত্রি নানাবিধ লতা উঠিয়াছে। প্রাচীরের চিত্রিত কাগজ, ছবি, এবং আসবাবপত্র সবই যেন আমার রুচি অনুসারে সুসজ্জিত। সর্বত্রই আমার রুচির বিকাশ দেখিয়া আমি বিস্মিত ও পুলকিত হইলাম।

সমস্ত পর্য্যবেক্ষণ করিয়া আমি আনন্দ প্রকাশ করিবার ভাষা খুঁজিয়া পাইলাম না। কিন্তু মনে একটা সন্দেহের উদ্বেক হইল। সর্বত্র আমার স্মৃতিবিজড়িত বিষয় দর্শনে তিনি কি মনে শান্তি পাইবেন? তাঁহার মনের শান্তি দিতে গেলে আমার স্মৃতি হইতে সম্পূর্ণ দূরে থাকাই তাঁহার পক্ষে কল্যাণকর হইবে। আমি ত জানি, উডকোর্ট আমাকে কতখানি ভালবাসিতেন। স্মতরাং এ ব্যবস্থাটা কি মঙ্গল হইয়াছে?

সব দেখাইয়া কর্তা বলিলেন, “এখন ইহার নামটা চাই।”

“কর্তা, কি নাম দিয়াছেন?”

তিনি আমাকে গেটের ধারে লইয়া গেলেন। এইটিই প্রধান প্রবেশপথ। এতক্ষণ তিনি এ দিকটায় আসেন নাই। গেটের বাহিরে যাইবার পূর্বে তিনি দাঁড়াইয়া বলিলেন, “প্রাণাধিকা, নামটা কি, তুমি এখনও তাহা অনুমান করিতে পার নাই?”

“না।”

গেটের বাহিরে গিয়া তিনি দেখাইলেন, তোরণ-গাত্রে লেখা আছে—“রিক হাউস।”

নিকটেই পত্রাচ্ছন্ন একটি স্থানে বসিবার আসন ছিল। তিনি আমাকে তথায় লইয়া গেলেন। আমার একখানি হাত টানিয়া লইয়া প্রশান্ত-মুখে তিনি বলিবেন, “প্রাণাধিকা, বৎসে, আমি তোমার সুখের, তৃপ্তির জন্তই সব করিয়াছি। আমি তোমাকে যে পত্র লিখিয়াছিলাম, তাহার উত্তর তুমি দিয়াছিলে। তাহাতে শুধু আমার দিকটাই বেশী করিয়া উল্লিখিত ছিল। কিন্তু তোমার দিকটাও ত দেখিতে হইবে। তুমি যখন বালিকা ছিলে, সেই সময় হইতেই আমি তোমাকে আমার পত্নী-পদে বরণ করিবার স্বপ্ন দেখিতাম, বিভিন্ন অবস্থায় হয় ত এক দিন আমার সে স্বপ্নকে সার্থক করিয়া লইতে পারিতাম। সেই উদ্দেশ্যেই আমি তোমাকে সেই পত্রখানি লিখিয়াছিলাম। তুমি উত্তরও দিয়াছিলে। আমি যাহা বলিতেছি, তাহা বুঝিতেছ, প্রাণাধিকা?”

আমার শরীর তখন ভীষণভাবে আন্দোলিত হইতেছিল; কিন্তু একটি কথাও আমার শ্রুতি এড়ায় নাই।

“সব গুনিয়া যাও, বাছা, কিন্তু বাধা দিও না। এখন আমার কথা কহিবার পালা। তখনও আমার সন্দেহ

হইয়াছিল যে, আমার এই কার্যে সত্যই তুমি সুখী হইবে কি না। এমন সময় উডকোর্ট দেশে ফিরিলেন, শীঘ্রই আমার সন্দেহের নির্বৃন্দন হইয়া গেল।”

আমি তাঁহার গলদেশ বেঁটন করিয়া আমার মাথা তাঁহার বক্ষোদেশে রাখিয়া কাঁদিতে লাগিলাম। “মা, আমার, ইয়া এইখানে এইভাবে থাক। আমি তোমার গুণ অভিভাবক নই, তোমার পিতার স্থানীয়। এখানে তুমি সম্পূর্ণ নিশ্চিতভাবে থাকিতে পার।”

তিনি বলিয়া চলিলেন, “আমার কথাটা বুঝিয়া দেখ, বৎসে! আমি তোমাকে চিনি, তুমি আমার কাছে আনন্দিত-ভাবেই কাশ্যপন করিবে। তোমার বিশ্বস্ততা, কর্তব্য-বোধ সবকিছু বিন্দুমাত্র সন্দেহেরই অবকাশ নাই। কিন্তু আমি দেখিতেছিলাম, তুমি কোথায় থাকিলে, কাহার হইলে সুখী হইবে। তুমি যখন কিছুই বুঝিতে পার নাই, তখন আমি তাঁহার হৃদয়ের গুপ্তরহস্য ভেদ করিয়াছিলাম। আলান উডকোর্ট বহুদিন পূর্বেই তাঁহার মনের কথা আমায় জানাইয়াছিলেন; কিন্তু তিনি আমার মনের ভাব কিছুই জানিতে পারেন নাই। সবে কাল তোমার আসিবার কয়েক ঘণ্টা আগে আমি তাঁহাকে বলিয়াছি।”

তিনি আমার লগাট চুম্বন করিলেন। আমি তখনও কোঁপাইয়া কোঁপাইয়া কাঁদিতেছিলাম।

“বৎসে, প্রাণাধিকা, থাম, কাঁদিও না। আজ আনন্দের দিন। এই শুভদিনের প্রতীক্ষায় আমি ছিলাম। আর কয়েকটি কথা বলিলেই সব শেষ হয়। আমি উডকোর্ট-জননীর সহিতও স্বতন্ত্র পরামর্শ করিলাম। বলিলাম, “ম্যাদাম্, আপনার পুত্র ইহারের অল্পবয়সী। আমারও বিশ্বাস, সেও তাঁহাকে ভালবাসে। কিন্তু তথাপি আমার ধারণা, সে কর্তব্য স্নেহের অল্পরোধে আমাকে বিবাহ করিবে, আত্মবিসর্জন দিবে। অথচ ঘৃণাকরেও মনের কথা প্রকাশ করিবে না। তাহার কথায়, কার্যে বা ব্যবহারে কেহ কোন দিন কোন প্রকার ত্রুটিও ধরিতে পারিবে না। আপনি যদি দ্বিবারাত্রি প্রাণপণ চেষ্টা দ্বারা উহাকে পরীক্ষা করেন, তথাপি আপনার মনে সে সন্দেহ কোনক্রমেই আসিবে না। তার পর আমাদের ইতিহাস, তোমার জন্মের সব কথাই আমি তাঁহাকে বলিলাম: ‘ম্যাদাম্, আপনি এ সকল জানিয়া গুনিয়া আমাদের বাড়ী আসিয়া থাকুন, আমার ইহারকে লক্ষ্য করিতে থাকুন। তার পর বলুন, জন্মেতে কি আসিয়া যায়। এমন মেয়ে লক্ষের মধ্যে পাইবেন না।’ ইহার ফল কি হইল জান? আমি তোমাকে বেরূপ শ্রদ্ধাভক্তি করি, ভালবাসি, তিনি তাহার অপেক্ষা তোমায় কম ভালবাসেন না, কম শ্রদ্ধা করেন না।”

সন্দেহে তিনি আমার মাথা তুলিয়া ধরিয়া পিতার স্থায় আমার লগাট চুম্বন করিলেন।

“আর একটা কথা বলিয়াই আমি প্রসঙ্গে শেষ করিব। উডকোর্ট যখন তোমার কাছে প্রস্তাব করেন, তাহা আমি জানিতাম। আমার অনুমতি লইয়াই তিনি প্রস্তাব করিয়াছিলেন, তবে তখন আমি তাঁহাকে কোন আশ্বাস দেই নাই, কারণ, তোমাঙ্গিকে বিশ্বিত করিব বলিয়াই আমি মনস্থ করিয়াছিলাম, উহাই আমার শ্রেষ্ঠ পুরস্কার। সেই জন্ত রূপণের মত আমি চূপ করিয়াছিলাম। তিনি তখনই আসিয়া আমার সকল কথা বলিয়াছিলেন। আমার আর কিছু বলিবার নাই। আলান উডকোর্ট তোমার পিতার মৃত্যুশয্যার পার্শ্বে ছিলেন। তোমার মাতার মৃত্যুকালেও তিনি ছিলেন। এই বাড়ীই ‘রিক হার্ডম’। আজ আমি এই বাড়ী উহার মনি-বিবিনীকে অর্পণ করিলাম। ভগবান জানেন, আমার জীবনে আজই সর্বশ্রেষ্ঠ দিন!”

তিনি উঠিয়া দাঁড়াইলেন। আমি উঠিলাম। তখন আমরা একা নহি। আমার স্বামীও আমার পার্শ্বে দাঁড়াইয়া।

কর্তা বলিলেন, “আলান, স্বেচ্ছায় আমি তোমাকে সর্বশ্রেষ্ঠ রত্ন দান করিতেছি। এমন স্ত্রী, মানুষ কদাচিত্ লাভ করিয়া থাকে। তুমি ইহার উপযুক্ত স্বামী। তাহার সহিত এই বাড়ীটিও লও। ইহা তোমাদের বিবাহের যৌতুক। আলান, তুমি জান, তোমার পত্নী অল্পরূপ নামধারী বাড়ীতে কি পরিবর্তন, কি আনন্দ আনিয়া দিয়াছিল। সময়ে সময়ে তোমাদের আনন্দের ভাগ আমাকে দিও। ইহাতে আমার কোন স্বার্থ ত্যাগ করিলাম? কিছুই না, কিছুই না।”

তিনি আমাকে আবার চুম্বন করিলেন। এবার তাঁহার চক্ষুতে অশ্রু দেখিলাম। পূর্বাপেক্ষা কোমল স্বরে তিনি বলিলেন, “ইহার, প্রাণাধিকা, এত কাল পরে, এই ব্যাপারে একটা বিদায়ের পালা আছে। আমার ভ্রমে তুমি বিপন্ন হইয়াছিলে, তাহা আমি জানি। তোমার হৃদয়ের পূর্বস্নেহের স্থানে আমাকে স্থাপন করিয়া আমাকে ক্ষমা করিও। মাঝখানের কথাটা তোমার চিত্তক্ষেত্র হইতে মুছিয়া ফেলিও। আলান, আমার প্রাণাধিকাকে গ্রহণ কর!”

নবপল্লবসমাক্ষর কুঞ্জবনের বাহিরে তিনি চলিয়া গেলেন। বাহিরের সূর্যালোকে দাঁড়াইয়া প্রকুলভাবে তিনি বলিলেন, “নিকটেই আমার খুঁজিয়া পাইবে। আজ পশ্চিমে বাতাস বহিতেছে! আমাকে কেহ ধন্যবাদ দিও না। আমি পুনর্বার আমার চির-কৌমাৰ্য্য অবলম্বন করিয়াছি। যদি আমার সতর্কতা কেহ ভুলিয়া যাও, তবে আমি আর কখনও এখানে ফিরিয়া আসিব না।”

সমস্ত দিন কি আনন্দ, কি তৃপ্তি, কি সুখই অল্পভব করিলাম! চারিদিকেই বেন ভগবানের আশীর্বাদ দেখিতেছিলাম। কৃতজ্ঞতা হৃদয় ভরিয়া উঠিল। এই

মাস শেষ হইবার পূর্বেই আমাদের বিবাহ হইবে। কিন্তু এই বাড়ীতে কবে ফিরিয়া আসিব, তাহা আদা ও রিচার্ডের উপর নির্ভর করিতেছে।

আমরা লগনে ফিরিয়া আসিলাম। উডকোর্ট গুড সংবাদটা রিচার্ডকে দিবার জন্য তখনই চলিয়া গেলেন। আমি কর্তাকে চা তৈয়ার করিয়া দিয়া তাঁহারই পার্শ্বস্থ আসনে বসিলাম। এত দীর্ঘ সে আসন ভ্যাগ করিতে আমার ইচ্ছা ছিল না।

বাড়ী আসিয়া শুনিয়াছিলাম, একটি যুবক তিনবার আমার সহিত দেখা করিতে আসিয়াছিলেন। কিন্তু রাত্রি দশটার পূর্বে আমরা ফিরিব না শুনিয়া তিনি সেই সময় আসিবেন বলিয়া গিয়াছেন। কার্ড রাখিয়া গিয়াছেন, তাহাতে লেখা ছিল, মিঃ গুপী।

বুঝিলাম, এই যুবক কেন আমার সহিত দেখা করিতে চাহেন। তখন কর্তাকে তাঁহার সম্বন্ধে সকল কথাই বলিলাম। কর্তা আদেশ দিলেন, লোকটি আসিলেই ঘেন খবর পাওয়া যায়।

যথাসময়ে গুপী আসিলেন। কর্তাকে দেখিয়া তিনি ঘেন একটু বিপন্ন হইলেন। যাহা হউক, কোনরূপে ঘেনের ভাবটা দমন করিয়া তিনি বলিলেন, “ইনি আমার মাতা, আর এটি আমার বন্ধু উইলিয়াম ওরফে জবলিং।”

গুপী বলিলেন, “টনি, তুমি কথাটা আরম্ভ কর।”

বন্ধু বলিল, “তুমিই বল।”

একটু চিন্তা করিয়া গুপী বলিলেন, “মিঃ জারনুডিস, মিস্ সমারসনের সঙ্গেই আমার দরকার ছিল, তা আপনি যখন আছেন, তখন ভালই হইল। হয় ত মিস্ সমারসন আমার কথা আপনাকে বলিয়া থাকিবেন।”

“হ্যাঁ, কিছু কিছু শুনিয়াছি।”

“তবে ত অনেকটা সুবিধাই হইল। দেখুন, আমি এটোটা পরীক্ষায় প্রশংসাপত্র পাইয়াছি। দেখিতে চান কি?”

“কোন প্রয়োজন নাই, আপনার কথায় বিশ্বাস করিলাম।”

“আমার মা আমাকে কিছু টাকা দিয়াছেন। একটা বাড়ীও আমি স্বতন্ত্রভাবে ভাড়া লইয়াছি। তথায় ছয়টি ভাল ঘর আছে। আমার বন্ধু জবলিং আমার মুহুরী হইবেন। আমার মাও আমার বাড়ীতে থাকিবেন। সুতরাং সঙ্গীর অভাবও হইবে না।”

গুপীর মাতা মুখে ক্রমাল দিয়া অবিশ্রান্ত হাসিতেছিলেন আর আমার দিকে চাহিয়া ইসারা করিতেছিলেন। কষ্টে আমরা হাস্য সংবরণ করিয়া রহিলাম।

গুপী বলিলেন, “মিস্ সমারসনের মুষ্টি আমার হৃদয়ে অঙ্কিত। তাঁহার কাছে বিবাহের প্রস্তাবও করিয়াছিলাম।”

“সে কখন আসি শুনিয়াছি।”

“কিছুদিন আমি তাঁহার চিত্র মন হইতে মুছিয়া ফেলিয়া উন্নতির চেষ্টায় ছিলাম। এখন সে উন্নতি আমি করিয়াছি। তার পর দেখিলাম, তাঁহাকে বিস্মৃত হওয়া আমার সাধ্যাতীত। সুতরাং আমি পুনরায় বিবাহের প্রস্তাব করিতেছি।”

কর্তা বলিলেন, “আপনার উদারতা অসাধারণ!”

“হ্যাঁ, আমি উদারতার পক্ষপাতী, সুতরাং তাঁহাকে বিবাহ করিতে চাই।”

কর্তা বলিলেন, “মিস্ সমারসনের তরফ হইতে আমি আপনাকে জবাব দিতেছি। আপনার চমৎকার প্রস্তাব শুনিয়া তিনি কৃতার্থ এবং উত্তরে আপনাকে বিদায়-সম্ভাষণ জানাইতেছেন। আপনার মঙ্গল তিনি কামনা করেন।”

দৃষ্টিহীন নয়নে চাহিয়া গুপী বলিলেন, “কথাটা ঠিক বুঝিলাম না। তিনি প্রস্তাব গ্রহণ করিলেন, না প্রত্যাখ্যান করিলেন, অথবা বিবেচনা করিবেন বলিয়া সময় লইতেছেন?”

কর্তা বলিলেন, “সম্পূর্ণরূপে প্রত্যাখ্যানই করিলেন বলিতে হইবে।”

অবিশ্বাসভরে গুপী চারিদিকে চাহিয়া বন্ধুকে বলিলেন, “জবলিং, মাকে বাহিরে লইয়া যাও।”

কিন্তু বৃদ্ধা তাহাতে রাজি নহেন। তিনি বলিলেন, “তোমাদের সঙ্গে আমি যাইব না।” কর্তার দিকে চাহিয়া বলিলেন, “তুমি এখান থেকে যাও। আমার পুত্র কি উপযুক্ত পাত্র নয়? তোমাদের লজ্জিত হওয়া উচিত। যাও, চলে যাও!”

কর্তা বলিলেন, “অগ্নি ভদ্রে, এ বাড়ী-ঘর আমার। আমাকে এখান হইতে চলিয়া যাইতে বলা আপনার কর্তব্য নয়।”

গুপী-জননী বলিলেন, “সে আমি গ্রাহ্য করি না। তুমি চলে যাও। আমরা যদি তোমাদের উপযুক্ত না হই, তবে তোমাদের যোগ্য যে, তাকে খুঁজে আন দেখি। যাও, খুঁজে আন।”

বৃদ্ধার একরূপ অস্বাভাবিক উত্তেজনা দেখিয়া আমরা চমৎকৃত হইলাম।

গুপী তাঁহার মাতাকে ঠেলিতে ঠেলিতে বলিলেন, “মা, তুমি আসবে কি না বল?”

“না, কখনই নয়। যতক্ষণ না ঐ লোকটা বেরিয়ে যাবে, আমি নড়িব না।”

উভয় বন্ধুতে অনেক কষ্টে বৃদ্ধাকে বাহিরে লইয়া গেল। বৃদ্ধা তখনও বলিতেছিল, “যাও, চলে যাও, খুঁজে আন গে, কত ভাল পাত্র পাও একবার দেখি।”

৬৩

কর্তা কেন্জির নিকট হইতে সংবাদ পাইলেন যে, অল্প জারনুডিসের মোকদ্দমা উঠিবে। আয়িও আলান কোর্টে যাইব স্থির হইল। নির্দিষ্ট সময়ে আমরা আদালতের দিকে



যাইতেছি, এমন সময় পথিমধ্যে ক্যাডি আমাদের ডাকিল। তাহাকে আমি পত্রযোগে আমার ভাবী বিবাহের সংবাদ জানাইয়াছিলাম, কিন্তু দেখা করিবার অবকাশ পাই নাই। সে আমাদের দেখিয়া অত্যন্ত আনন্দ প্রকাশ করিল। ইহাতে পথে অর্ধ-ঘণ্টা বিলম্ব হইল।

আদালতে গিয়া দেখি, তিলমাত্র স্থান নাই। সকলের মুখে শুনিলাম, মোকদ্দমা হইয়া গিয়াছে। আজ রায় বাহির হইয়াছে। কিয়ৎকাল পরে কেন্জি ও ভোলেসকে আসিতে দেখিলাম। তাঁহাদের কাছে শুনিলাম, ঢাকের কড়িতে মনসা বিকাইয়া গিয়াছে অর্থাৎ মোকদ্দমার খরচে সমস্ত সম্পত্তি গিয়াছে।

আলান বলিলেন, “সর্বনাশ, এ আঘাত রিচার্ড সহ্য করিতে পারিবেন না।”

ভোলেস বলিলেন, “রিচার্ড আদালত-গৃহের এক কোণে বসিয়া আছেন।” আলান আমাদের বাড়ী যাইতে বলিয়া রিচার্ডের সন্ধানে গেলেন। বাসায় আসিয়া আমি কর্তাকে সকল কথা বলিলাম। কর্তা চিন্তিত হইলেন।

তাড়াভাড়া আদার সহিত দেখা করিতে গেলাম। আদা সংবাদ দিলেন, রিচার্ডের মুখ হইতে রক্ত উঠিয়াছিল। তিনি ঘরে শুইয়া আছেন, আমাকে অনেকবার খুঁজিয়াছেন।

ঘরের মধ্যে নিঃশব্দে প্রবেশ করিয়া দেখিলাম, রিচার্ড শয্যায় শায়িত। পূর্বাপেক্ষা ক্লম, কিন্তু আনন্দ প্রসন্ন। আলান তাঁহার দিকে নিবন্ধ দৃষ্টিতে চাহিয়া দাঁড়াইয়া।

আমি বসিলাম। ধীরে ধীরে চক্ষু চাহিয়া তিনি বলিলেন, “ইহার, এসেছ, আমায় চুমা দাও।”

ধীরে ধীরে রিচার্ড আমাদের আসন্ন বিবাহের কথা পাড়িলেন, তিনি একটু বল পাইলেই আমাদের ওখানে যাইবেন। কর্তা আমার ও আদার প্রতি কি স্নেহশীল, তাহারও উল্লেখ করিতে লাগিলেন।

তাঁহার পক্ষে বেশী কথা বলা নিষেধ। আমরা চুপ করিয়া রহিলাম।

সন্ধ্যা ঘনাইয়া আসিল। ক্ষুদ্র হল-ঘরে কর্তা দাঁড়াইয়া আছেন দেখিলাম। রিচার্ড বলিলেন, “কে ওখানে?”

কর্তা ভিতরে আসিলেন। রিচার্ড বলিলেন, “আপনি! আপনি! আপনি বড় ভাল!”

রিচার্ডের চক্ষুতে এই প্রথম অশ্রুপাত হইল।

“প্রাণাধিক, রিক্, মেঘ সরিয়া গিয়াছে। এখন চারিদিক পরিষ্কার। আমাদের সকলেরই চোখে ধাঁধা লাগিয়াছিল। তাতে কিছু আসে যায় না। এখন কেমন আছ, ভাই?”

“বড় দুর্বল! কিন্তু শীঘ্রই সবল হইব। আবার নূতন করিয়া জীবন আরম্ভ করিব।”

“ঠিক কথা, ভাই, ঠিক কথা!”

“এবার আর পুরাতনভাবে নয়। আমার বিশেষ শিক্ষা হইয়াছে। বড়ই কঠিন শিক্ষা। কিন্তু জানিবেন, আমি শিক্ষা পাইয়াছি।”

কর্তা তাঁহাকে আশ্বাস দিতে লাগিলেন।

“মহাশয়, ইহার ও উডকোর্টের বাড়ী আমার জন্ম আমার বড় সাধ। আমার শরীরে বল হইলে আমি সেখানে যাইব। আমার মনে হয়, সেখানে গেলেই যেন আমি শীঘ্র সুস্থ হইব।”

“আমরাও তাহাই ভাবিয়াছি। কি বল, ইহার? তোমার স্বামীর ইহাতে অমত হইবে না বোধ হয়?”

রিচার্ড হাসিলেন। তাঁহাকে স্পর্শ করিয়া হাত তুলিলেন। বলিলেন, “আমার কথা আমি কিছু ভাবিতেছি না। শুধু মনে মনেই ভাবিতেছি।”

আদাকে তিনি বাহু দ্বারা চাপিয়া ধরিলেন। তাড়াতাড়ি ছাড়িয়া দিলেন।

আদা উর্দ্ধদিকে চাহিয়া কি যেন উচ্চারণ করিলেন।

“আমি রিক্ হাউসে গেলে অনেক কথা বলিব। আপনি যাবেন?”

“নিশ্চয় যাইব, রিক্।”

“ধন্যবাদ, ধন্যবাদ। আপনি ঠিক তেমনই আছেন! এবার আমি নূতন জীবন আরম্ভ করিব।”

আমার স্বামী আদার নিকটে সরিয়া আসিলেন। কর্তাকে ইঙ্গিতে কথা কহিতে নিষেধ করিলেন।

“এ স্থান হইতে পল্লী-সৌন্দর্যের মধ্যে গিয়া আমি বললাভ করিয়া বলিব, আদা আমার কি করিয়াছে, আদা আমার কি রত্ন। আমার সহস্র দোষ-ত্রুটির কথা বলিব, আমার সম্মান এখনও জন্মগ্রহণ করে নাই। তাহাকে সুপথ দেখাইবার জন্ত আমি নিজেকে সুশিক্ষিত করি। কখন আমি তথায় যাইব?”

কর্তা বলিলেন, “প্রাণাধিক রিক্, বললাভ করিলেই তুমি যাইতে পারিবে।”

“আদা, প্রিয়তমে!”

তিনি উঠিবার উপক্রম করিলেন। আলান তাঁহাকে এমন ভাবে তুলিয়া ধরিলেন, যাহাতে রিচার্ড আদার বক্ষে মুখ রাখিতে পারেন। তিনি তাহাই চাহিতেছিলেন।

“আমার আদা, আমি তোমায় কত কষ্ট দিয়াছি! দুঃখ-দারিদ্র্যের মধ্যে তোমাকে টানিয়া আনিয়াছি। তোমার সর্বস্ব উড়াইয়া দিয়াছি। আমায় ক্ষমা করিও, আদা! নূতন জীবন আরম্ভ করিবার পূর্বে তোমার ক্ষমা আমি চাই!”

আদা নত হইয়া তাঁহাকে চুম্বন করিতেই রিচার্ডের মুখ হান্তসমুজ্জ্বল হইল। ধীরে ধীরে মাথাটি আদার বক্ষে ঢলিয়া পড়িল। তিনি নিবিড়ভাবে আদার গলদেশে বাহুবন্ধনে আবদ্ধ করিলেন। তার পর একটি দীর্ঘশ্বাসের সঙ্গে সঙ্গে নূতন জীবন আরম্ভ করিলেন।

যখন সব স্থির হইয়া গেল, সেই সময় বৃদ্ধা মিস্ ফ্রিট  
কাদিতে কাদিতে আমার কাছে আসিয়া বলিলেন, তিনি  
ঠাঁহার পাঁচা খুলিয়া সব পাখীকে উড়াইয়া দিয়াছেন।

৬৬

চেস্‌নিওডের পরিবর্তন সম্বন্ধে কেহ কোন কথাই  
আলোচনা করিত না। সকলেই জানিত, সুন্দরী লেডী  
ডেডলকের মৃতদেহ পার্কের মধ্যে সমাহিত। ঠাঁহার মৃত্যু  
কি ভাবে হইয়াছিল, কেহই জানিত না। উহা চিররহস্যাক-  
কারে আবৃতই রহিয়া গেল।

বিশাল উদ্যানমধ্যে মাঝে মাঝে অশ্বপদধ্বনি শ্রুতি-  
গোচর হইয়া থাকে। তখন দেখা যায়, রোগশীর্ণ  
জরাজীর্ণ স্ত্রীর লিষ্টার অশ্বপৃষ্ঠে সমারুঢ়, ঠাঁহার পার্শ্বে এক  
দীর্ঘদেহ বলিষ্ঠকায় প্রৌঢ়। উদ্যানের কোন নির্দিষ্ট অংশে  
আসিলেই ঘোড়া আপনা হইতে থমকিয়া দাঁড়াইত।  
মাথার টুপী খুলিয়া অস্বারোহীবা খানিক নিস্তকভাবে  
তথায় অপেক্ষা করিতেন। তার পর আবার অশ্ব ধাবিত  
হইত।

বয়থরনের সহিত স্ত্রীর লিষ্টারের বিরোধ তেমনই  
চলিতেছিল। স্ত্রীর লিষ্টার যখন চিরদিনের জন্ত চেস্‌নিওডে  
কিরিয়া আসিলেন, তখন বয়থরন পথের স্বত্ব ছাড়িয়া দিতে  
সম্মত হইয়াছিলেন, ইহাতে স্ত্রীর লিষ্টার অত্যন্ত ক্রুদ্ধ হইয়া-  
ছিলেন। ঠাঁহার দুর্ভাগ্য ও পীড়ার অবকাশে অগ্রে ঠাঁহাকে  
দয়া করিবে, ইহা অসম্ভব। কাজেই বয়থরন আবার  
পূর্ববৎ আচরণ আরম্ভ করিয়াছিলেন। উভয় ভগিনীর  
ভাগ্য-স্বত্রে উভয়ে বিজড়িত হইয়া উভয়ে কিরূপ মনোবেদনা  
পাইয়াছেন, তাহা এখন পরস্পরের অগোচর ছিল না। কিন্তু  
সে কথা প্রকাশ করিয়া কেহ কাহারও নিকট অবনত হইলেন  
না। তবে লোকে বলে, বয়থরন বাহুতঃ স্ত্রীর লিষ্টারের  
বিরোধী হইলেও, ঠাঁহার ব্যবহারে কতখানি আন্তরিকতা  
ছিল, তাহা সন্দেহ। যাহাই হউক, আবহমান কালের  
বিবাদ তেমনই চলিতে থাকায় উভয় পক্ষই সন্তুষ্ট  
ছিলেন।

পার্কের মালীর ঘরের এক পার্শ্বে খঞ্জ ফিলু স্থান সংগ্রহ  
করিয়াছিল। সে ছুটিচিন্তে মালীর কাজ করিয়া যাইত।

বৃদ্ধা রাউন্সওয়েল প্রতি রবিবারে পুত্রের হাত ধরিয়া  
মন্দিরে উপাসনা করিতে যাইতেন। উভয়েই স্ত্রীর লিষ্টারের  
স্বপ্নের দিকে একান্ত অবহিত ছিলেন।

প্রাসাদের অধিকাংশ ভাগ রুদ্ধ থাকিত। সাধারণের  
জন্ত প্রাসাদের দ্বার মুক্ত হইত না। স্ত্রীর লিষ্টার  
বিশাল ড্রয়িংরুমে, লেডী ডেডলকের তৈলচিত্রের সম্মুখে,  
পুস্তান আসনখানিতে বসিয়া থাকিতেন। ভলুম্নিয়া  
ঠাঁহাকে কাগজ বা বই পড়িয়া শুনাইতেন।

এমনই ভাবে চেস্‌নিওডের কর্মপ্রবাহ চলিতেছিল।

৬৭

প্রাণাধিকা আদাকে আমার বক্ষে জড়াইয়া ধরলাম। বহু  
সপ্তাহ আমি তাহার সান্নিধ্য ত্যাগ করি নাই। ক্ষুদ্র সম্ভান  
পৃথিবীতে ভূমিষ্ঠ হইল। পিতার মৃত্যুর অব্যবহিত পরেই  
সে পৃথিবীর আলোক দর্শন করে। আদার পুত্রসম্ভান  
হইয়াছিল, কর্তা, স্বামী ও আমি তাহার নাম রিচার্ড  
রাখিয়াছিলাম।

শিশুর মধুর হাসি আদার দক্ষ হৃদয়কে কথঞ্চিৎ নীতল  
করিল। ভগবানের আশীর্বাদ দেখিয়া হৃদয় ভক্তিভরে  
আপ্লুত হইল।

ক্রমে শিশুটি বড় হইতে লাগিল। আমাদের পল্লী-উদ্যানে  
প্রাণাধিকা আদা শিশু-ক্রোড়ে পরিভ্রমণ করিবার মত স্বাস্থ্য  
লাভ করিলেন। আমাদের বিবাহক্রিয়া তখন সম্পন্ন  
হইয়াছে। আমাদের মত সুখী তখন কে?

এই সময়ে কর্তা আমাদের ওখানে গেলেন। আদাকে  
জিজ্ঞাসা করিলেন, কবে তাহার বাড়ী ফিরিবে?

তিনি বলিলেন, “হুইট বাড়ীই তোমার গৃহ। কিন্তু  
জ্যেষ্ঠের দাবী তোমার উপর অধিক। তোমার পুত্র ও  
তুমি যখন সবল ও সুস্থ হইবে, তখনই তোমার বাড়ী দখল  
করিও।”

আদা ঠাঁহাকে “স্নেহময় দাদা” বলিতেই তিনি বাধা দিয়া  
বলিলেন, না, এখন আমি তোমার অভিভাবক। তদবধি  
তিনি আদা ও তাহার পুত্রের “কর্তা” হইলেন। শিশুরা  
ঠাঁহার ‘কর্তা’ নাম ছাড়া আর কিছু জানিত না। শিশুরা  
অর্থে, আমারও হুইট কন্যাসম্ভান পর পর জন্মগ্রহণ  
করিয়াছিল।

সাত বৎসর পরে শার্লি পল্লীর এক জন কলওয়ালাকে  
বিবাহ করিয়াছিল। সে তাহাকে খুবই ভালবাসিত।

ক্যাডি প্রায়ই অবকাশকালে আমাদের এখানে  
কাটাইয়া যাইত। তাহাদের অবস্থার উন্নতি হইয়াছিল।  
তাহার নিজের গাড়ী-ঘোড়া হইয়াছিল।

প্রথমে কিছু অর্থ সঞ্চিত হইলেই কর্তার জন্ত একটি  
পাঠাগার নির্মাণ করাইলাম। তিনি আসিলেই সেখানে  
বসিতেন।

আদা কৃষ্ণপরিচ্ছদ কখনই ত্যাগ করিলেন না। কিন্তু  
ঠাঁহার মুখের সে বিষণ্ণতা ক্রমে অন্তর্হিত হইয়া গেল।  
বালক রিচার্ড বলিত, তাহার দুই মা,—আমি ও আদা।

আমরা ব্যাঙ্কে যথেষ্ট অর্থ সঞ্চয় করিতে পারি নাই বটে,  
কিন্তু তাই বলিয়া আমাদের অভাব কিছুই হইল না। সে  
অঞ্চলের সকলেই আমার স্বামীকে দুই হাত তুলিয়া আশীর্বাদ  
করিত। প্রতিদিনই তিনি আতুর, পীড়িত ও অভাবগ্রস্তের  
সেবায় নিযুক্ত থাকিতেন। তাহাদের পরিপূর্ণ হৃদয়ের  
কৃতজ্ঞতা লাভ করিয়া আমার স্বামী কৃতার্থ, ইহার অপেক্ষা  
অধিক সুখ জীবনে আর কি আছে?

সঙ্গে সঙ্গে আমিও লোকের শ্রদ্ধা পাইতেছিলাম। সে কি পূজার অর্থা!

সে দিন কর্তা, আদা ও তাহার পুত্রের আসিবার কথা। তাঁহাদের প্রতীক্ষায় আমি বাহিরের গেটের ধারে গিয়া বসিয়াছিলাম। স্বামী এমন সময় বাড়ী ফিরিলেন। তিনি বলিলেন, “আমার রাণি! এখানে বসে কি হচ্ছে?”

বলিলাম, “এমন চাঁদের আলো, রাত্রি এমন মধুর! বসে বসে খালি ভাবছি।”

“কি ভাবছ, প্রাণাধিকা?”

“সে কথা তোমায় বলতে লজ্জা হচ্ছে। কিন্তু তবু বলবো। আমি ভাবছিলাম, আগে আমার চেহারাটা কেমন ছিল।”

“তার পর? ভেবে কি ঠিক করলে?”

“ভাবছিলাম, আমার পূর্বের চেহারা থাকলে তুমি আমাকে এর চেয়ে কি বেশী ভালবাসতে পারতে?”

“আগে যেমন চেহারা ছিল?”

“হ্যাঁ, আগে যেমন ছিল।”

“তুমি কি এখন তোমার চেহারা আরনায় দেখে থাক?”

“হ্যাঁ, তা ত করি, তুমি জান।”

“তুমি কি বুঝতে পারছ না যে, আগের চেয়েও তুমি এখন সুন্দরী?”

সে কথা আমি জানিতাম না। এখনও যে জানি, এমন কথা বলিতে পারি না। কিন্তু এ কথা জানি যে, আমার কণ্ঠাগুলি সুন্দরী। আমার প্রাণাধিকা আদা সুন্দরী, আমার স্বামী সুপুরুষ, কর্তার আনন সদাপ্রসন্ন, মধুর। সুতরাং আমি সুন্দর না হইলেই বা কি আসিয়া যায়?

সমাপ্ত



# ডেভিড কপারফিল্ড

## প্রথম পরিচ্ছেদ

এই পৃষ্ঠাগুলি হইতেই প্রকাশিত হইবে যে, আমার জীবনে আমিই নায়ক হইব, অথবা অন্তের প্রভাব আমার জীবনে বিদ্যমান থাকিবে। আমি শুনিয়াছি এবং বিশ্বাস করি যে, আমি এক দিন—সে দিন শুক্রবার—নিশীথকালে আমার জন্ম হয়। ঘড়িতে যখন চং চং করিয়া ১২টা বাজিয়াছিল, ঠিক সেই সময়ে আমি ভূমিষ্ঠ হইয়া কাঁদিতে থাকি।

যে দিন ও যে সময়ে আমি জন্মগ্রহণ করি, ধাত্রী ও প্রতিবেশিনী কোন জ্ঞানবুদ্ধা নারী তাহাতে বলিয়াছিলেন যে, আমি জীবনে ভাগ্যহত হইব। আমি ভূতপ্রেতযোনির দেখা পাইব, ইহাও না কি তাঁহারা ভবিষ্যদ্বাণী করিয়াছিলেন। শুক্রবারের রাত্রিকালে যে সন্তানই জন্মগ্রহণ করুক না কেন, ইহাই না কি তাহাদের বিধিলিপি।

আমার জীবনের ইতিহাসই প্রমাণ করিবে, উক্ত ভবিষ্যদ্বাণী সার্থক কি ব্যর্থ হইয়াছিল—আমি নিজে কিছুই এখানে বলিব না।

সন্ধ্যাকালের ব্লাগারষ্টোনে আমি জন্মগ্রহণ করি। আমার জন্মগ্রহণের পূর্বে আমি আমার জনককে হারাইয়াছিলাম। তাঁহার মৃত্যুর ৬ মাস পরে আমার জন্ম হয়। তিনি আমাকে দেখিতে পান নাই, এ চিন্তা এখনও আমার মনে একটা বিচিত্র অনুভূতি জাগায়। তাঁহার সমাধিসৌধ আমি শিশুকালে গোরস্থানে দেখিয়াছি। রাত্রিতে সেই সমাধিমূলে বসিয়া আমি একটা গভীর দুঃখ ও আকর্ষণ অনুভব করিতাম।

আমার পিতার মাসীমাতা—আমার পিতামহীই আমাদের সংসারে কেন্দ্রশক্তিরূপিণী ছিলেন। তাঁহার কথা আমি ক্রমে ক্রমে বলিব। মিস্ ট্রেউড বা মিস্ বেট্‌সি বলিয়া আমার হতভাগিনী মাতা তাঁহাকে ডাকিতেন। মা তাঁহাকে খুব ভয় করিয়াই চলিতেন। আমার বাবার এই মাসীমাতা তাঁহার অপেক্ষা বয়সে ছোট এক জন স্ত্রী যুবককে বিবাহ করিয়াছিলেন। শুনা যায়, তিনি না কি মিস্ বেট্‌সিকে প্রহার করিয়াছিলেন। শুনা যায়, স্বর-কন্নার কোন বিষয় উপলক্ষে উভয়ের মধ্যে কলহ হয়। তাহার ফলে তিনি না কি তাঁহার স্ত্রীকে জানালা দিয়া ফেলিয়া দিতে উদ্বৃত্ত হইয়াছিলেন। ইহাতে মিস্ বেট্‌সি রফা বন্দোবস্ত করিয়া স্বামীসহ চিরদিনের জন্য বিচ্ছিন্ন হন। কিছু টাকা লইয়া পুরুষটি ভারতবর্ষে চলিয়া যান। সেখানে কোনও

বাবু অথবা বেগমের সহিত হস্তিপৃষ্ঠে তিনি বেড়াইয়া বেড়াইতেন, এমন রটনাও আমাদের পরিবারে হইয়াছিল। যাহা হউক, দশ বৎসর পর তাঁহার মৃত্যুসংবাদ আসে। ইহাতে আমার এই পিতামহীর মনে আঘাত লাগিয়াছিল কি না, কেহ জানিত না। কারণ, স্বামীর সহিত বিচ্ছিন্ন হইবার পরই তিনি তাঁহার কুমারী নামই গ্রহণ করিয়াছিলেন। সমুদ্রের ধারে একটা পল্লীর মধ্যে এক কুটার ক্রয় করিয়া তথায় একক জীবন তিনি যাপন করিতেন। কাহারও সহিত দেখাসাক্ষাৎ করিতেন না।

আমার বাবা এক সময়ে তাঁহার অত্যন্ত স্নেহের পাত্র ছিলেন। কিন্তু আমার মাতাকে বিবাহ করার পর তিনি বাবার উপর বিরক্ত হন। আমার মা না কি “মোমের পুতুল” বলিয়াই পিতামহীর এই বিরাগ। তিনি কোন দিন আমার মাকে দেখেন নাই। তবে তিনি জানিতেন, আমার জননী বয়স কুড়ির অধিক নহে। বিবাহের পর মিস্ বেট্‌সির সহিত আমার বাবার আর দেখা হয় নাই। আমার বাবা মার অপেক্ষা দ্বিগুণ বয়োজ্যেষ্ঠ ছিলেন। বিবাহের এক বৎসর পরেই বাবা মারা যান। তখন আমি ৬ মাস মাতৃস্নেহে।

আমার জন্মকালে আমাদের পরিবারের অবস্থা এইরূপই ছিল। আমার পক্ষে তখনকার কথা জানিবারও সুযোগ ছিল না।

অগ্নিকুণ্ডের ধারে মা বসিয়াছিলেন, তাঁহার স্বাস্থ্য ভাল ছিল না। মনের অবস্থাও তদ্রূপ। তিনি তখন কাঁদিতে ছিলেন—যে পিতৃহীন অতিথি আসিতেছে, তাহার ভবিষ্যৎ ভবিষ্যাই তাঁহার চোখে জল ঝরিতেছিল। তখন মার্চ মাসের অপরাহ্ন। বিষণ্ণ-চিত্তে বসিয়া বসিয়া তিনি ভবিষ্যৎ চিন্তা করিতেছেন, এমন সময়ে তিনি এক অপরিচিত নারীমূর্তি দেখিতে পাইলেন। তিনি উদ্ভানপথে ভিতরে প্রবেশ করিতেছিলেন।

মা ভাবিলেন, নিশ্চয়ই তিনি মিস্ বেট্‌সি। অন্তর্গামী সূর্যালোক তাঁহার দেহের উপর পড়িয়াছিল। বেরূপ গভীর মূর্তিতে তিনি আসিতেছিলেন, তাহাতে তিনি যে মিস্ বেট্‌সি, সে বিষয়ে মার মনে আর সন্দেহ রহিল না।

সাধারণ খুঁটানের ন্যায় মিস্ বেট্‌সির চালচলন ছিল না। ইহা বাবার নিকট মা শুনিয়াছিলেন। মা তাহার প্রমাণও পাইলেন। হারের কড়া না নাড়িয়া তিনি সোজা জানালায় ধারে আসিয়া দাঁড়াইলেন। মা উত্তেজিত অবস্থায় চেয়ার

ছাড়িয়া উঠিয়া পড়িলেন। তিনি মাকে ইঙ্গিতে ডাকিয়া দরজা খুলিয়া দিতে বলিলেন। মা সে আদেশ নীরবে পালন করিলেন।

মিস্ বেটসি বলিলেন, “তুমি বোধ হয়, মিসেস্ ডেভিড কপারফিল্ড?” মার অঙ্গে তখনও কালো পোষাক ছিল।

ক্ষীণ-কণ্ঠে মা বলিলেন, “হাঁ।”

নবাগতা বলিলেন, “মিস্ ট্রটউড, তুমি তার নাম নিশ্চয় শুনেছ?”

অবশ্যই, মা সে নামের সহিত সুপরিচিত। কিন্তু তিনি যে বিশেষ আনন্দ লাভ করিয়াছেন, সে কথাটা প্রকাশ করিয়া বলিবার সাহস তাঁহার ছিল না।

“এখন তুমি তাকে দেখতে পেলো।”

মিস্ বেটসির এই কথায় আমার মা নত-মস্তকে তাঁহাকে ভিতরে প্রবেশ করিবার জগু আহ্বান করিলেন।

বাবার বৈঠকখানাঘরে উভয়ে প্রবেশ করিলেন। আসনে উপবেশন করিবার পর মা চেষ্টা সত্ত্বেও উচ্ছ্বসিত ক্রন্দনাবেগ সঙ্গরণ করিতে পারিলেন না।

তাড়াতাড়ি মিস্ বেটসি বলিলেন, “আহা, কর কি, কেঁদ না—চুপ কর!”

কিন্তু মা তাহা পারিলেন না। তিনি হাপুস-নয়নে কাঁদিতে লাগিলেন।

মিস্ বেটসি বলিলেন, “বাছা, তোমার টুপীটা খুলে ফেল ত। তোমার মুখখানা ভাল ক’রে দেখি।”

এরূপ একটা অদ্ভুত প্রস্তাবে মা কিন্তু ইচ্ছা সত্ত্বেও বাধা দিতে পারিলেন না। তিনি আদেশ প্রতিপালন করিলেন। তাঁহার হাত কাঁপিতেছিল। টুপী খোলার সঙ্গে সঙ্গে মার প্রভূত কেশরাজি বিশৃঙ্খল অবস্থায় মুখের চারি পার্শ্বে এলাইয়া পড়িল।

সবিশ্বয়ে মিস্ বেটসি বলিয়া উঠিলেন, “আশ্চর্য্য! তুমি এখনও খুকীটি আছ দেখছি!”

বয়সের ভুলনায় মাকে দেখিতে আরও ছোট দেখাইত। তিনি লজ্জায় মাথা নত করিলেন। বাস্তবিক এ বয়সে বিধবা এবং সন্তানের জননী হওয়া যেন তাঁহার পক্ষে সম্ভবপর ছিল না। মা বুঝিলেন, মিস্ বেটসি তাঁহার চুলগুলি যেন হাত দিয়া পরীক্ষা করিয়া দেখিতেছেন। সে স্পর্শ যেন কোমল, সহৃদয়তাপূর্ণ। কিন্তু তাঁহার দিকে দৃষ্টি ফিরাইতেই মা দেখিলেন, মিস্ বেটসি সোজাভাবে বসিয়া— তাঁহার দৃষ্টি ক্রকুটিপূর্ণ।

সহসা মিস্ বেটসি বলিয়া উঠিলেন, “দোহাই ভগবানের, কুকারি নাম কেন দিলে?”

মা বলিলেন, “আপনি বাড়ীর নাম জিজ্ঞাসা করছেন?”

“হ্যাঁ—কুকারি নাম কেন? কুকারি নাম দিলেই ভাল হ’ত। তোমাদের ছদ্মনামের কারণও সংসারের জ্ঞান ছিল না দেখছি।”

মা বলিলেন, “মিঃ কপারফিল্ড যখন বাড়ীটা কেনেন, তিনি সখ করেই ঐ নাম দিয়েছিলেন। পাখী চারদিকে ছিল বলেই বোধ হয় তিনি ঐ নাম বেছে দিয়েছিলেন।”

সে দিন অপরাহ্নে বাতাস প্রবল বেগেই বহিতেছিল। কতকগুলি দীর্ঘদেহ আমগাছ বায়ুতাড়নে ভীষণভাবে আন্দোলিত হইতেছিল। ঝটিকার আবির্ভাব দেখিয়া উভয়ে সেই দিকে চাহিলেন। কোন কোন গাছের উচ্চডালে পাখীর বাসা ছিল। শাখার দোলনে বাসাগুলিও হুলিতেছিল।

মিস্ বেটসি বলিলেন, “পাখীগুলো গেল কোথায়?”

মা বলিলেন, “আমরা এখানে আসার পর পাখী একটাও দেখিনি। আমরা ভেবেছিলাম—মিঃ কপারফিল্ড ভেবেছিলেন, নীড়গুলি অনেক দিনের পুরাতন। পাখীরা অনেক আগেই নীড় ছেড়ে চ’লে গেছে।”

“সব দিকেই ডেভিড কপারফিল্ড! মাথা থেকে পা পর্যন্ত ডেভিড কপারফিল্ড! পাখী একটাও নেই, অথচ সেই নামে বাড়ীর নাম রাখা।”

মা বলিলেন, “মিঃ কপারফিল্ড এ জগতে নেই। এখন আপনি যদি তাঁর বিরুদ্ধে এমন নিষ্ঠুরের মত আমার কাছে বলেন—”

মা পুনরায় আসনে ক্লান্তভাবে বসিয়া পড়িলেন।

যখন তিনি শাস্ত হইলেন, তখন দেখিলেন, মিস্ বেটসি বাতাসের ধারে দাঁড়াইয়া আছেন। তখন প্রদোষ-অন্ধকার ঘনাইয়া আসিয়াছিল।

মিস্ বেটসি আসনের কাছে ফিরিয়া আসিয়া বলিলেন, “ভাল কথা, যখন তুমি—”

মা স্থলিতকণ্ঠে বলিলেন, “কি হবে, জানি নে। আমি হয় ত ম’রে যাব।”

মিস্ বেটসি বলিলেন, “না, না। এখন একটু চা পান কর।”

নৈরাশ-পূর্ণ-কণ্ঠে মা বলিলেন, “জাতে কি কোন ফল হবে?”

মিস্ বেটসি বলিলেন, “নিশ্চয় হবে। ওটা তোমার কল্পনা, বাছা। আচ্ছা, মেয়েটিকে কি ব’লে ডাকবে তুমি?” সরলভাবে মা বলিয়া উঠিলেন, “ম্যাডাম্, মেয়েই যে হবে, তা কে বললে?”

মিস্ বেটসি বলিলেন, “আঃ বোকা মেয়ে! আমি সে কথা বলিনি। আমি বলছি, তোমার চাকরানীর কথা।”

মা বলিলেন, “পেগটী।”

ঈষৎ উষ্ণভাবে মিস্ বেটসি বলিলেন, “পেগটী! বাছা, তুমি কি বলতে চাও, কোন মানুষ খৃষ্টানমন্দিরে গিয়ে পেগটী নাম নিতে পারে?”

ক্ষীণকণ্ঠে মা বলিলেন, “ওটা তার রাশ-নাম। মিঃ কপারফিল্ড তাকে ঐ নামে ডাকতেন। কারণ, তার আসল নাম আমারই নাম ব’লে ঐ নাম তাকে দিয়েছিলেন।”

বৈঠকখানার দরজা খুলিয়া মিস্ বেটসি ডাকিলেন, “পেগটী, শোন। চা আনো। তোমার মনিবের শরীরটা ভাল নেই। দেবী করো না।”

যেন তিনিই এ বাড়ীর কর্তা, এমনই ভাবে মিস্ বেটসি আদেশ জ্ঞাপন করিলেন। অপরিচিত কণ্ঠস্বর শুনিয়া পেগটী একটি বাতী জ্বালিয়া বৈঠকখানার দিকে আসিল। মিস্ বেটসি দরজা ভেজাইয়া দিয়া পূর্বের স্থায় গম্ভীরভাবে আসন গ্রহণ করিলেন।

তার পর তিনি বলিলেন, “তুমি মেয়ের কথা বলছিলে। আমার সন্দেহ নেই, তোমার মেয়েই হবে। শোন বাছা, মেয়ে যেমন ভূমিষ্ঠ হবে—”

মা মাঝখানে বলিয়া উঠিলেন, “ছেলেও হ’তে পারে।”

মিস্ বেটসি বলিলেন, “আমার বিশ্বাস, মেয়ে হবে। আমার ওপর কথা বলো না। যেমন মেয়েটির জন্ম হবে, আমি তার বন্ধু হব, আমি তার ধর্ম-মা হব। তোমাকে আমার অনুরোধ, তার নাম হবে বেটসি ট্রটউড কপারফিল্ড। এই বেটসি ট্রটউডের জীবনে কোন ভুল-ভ্রান্তি ঘটতে দেওয়া হবে না। তাকে আদর-যত্নে পালন করা হবে। আমি নিজেই তার সকল ব্যাপারের ভার নেব।”

প্রত্যেক ছত্রের পর মিস্ বেটসির মাথার উপর এক একটা ঝাঁকানি মা দেখিলেন। যেন নিজের জীবনের ভুল-ভ্রান্তিগুলি তাঁহার মনে সমুজ্জ্বল হইয়া উঠিয়াছিল। যেন নবাগতা বালিকার জীবনকে সে সকল ভ্রম-প্রমাদ হ’তে তিনি রক্ষা করিতে বন্ধপরিকর। মা নীরবে মিস্ বেটসির কথা শুনিতে লাগিলেন।

কিছুকাল পরে মিস্ বেটসি বলিলেন, “বাছা, ডেভিড তোমার সঙ্গে ভাল ব্যবহার করত ত? ছুজনে বেশ সুখে ছিলে ত?”

মা বলিলেন, “আমরা খুব সুখেই ছিলাম। মিঃ কপারফিল্ড আমাকে অত্যন্ত ভালবাসতেন।”

মিস্ বেটসি বলিলেন, “সে তোমাকে নষ্ট ক’রে দিয়েছে দেখছি।”

“কঠিন সংসারে আমাকে একা ফেলে রেখে গিয়ে তিনি সত্যি আমাকে নষ্ট ক’রে দিয়েছেন।”

মার চোখে অশ্রুধারা নামিয়া আসিল।

মিস্ বেটসি বলিলেন, “কৈদ না, বাছা। তোমাদের সমানে সমানে মিলন হয় নি। সমানে সমানে মিলের কথাই আমি বলছিলাম। তোমার মা-বাপ কেউ নেই, না?”

“হ্যাঁ।”

“তুমি শিক্ষয়িত্রী ছিলে?”

“হ্যাঁ, আমি যে পরিবারে গভর্ণেস্ ছিলাম, মিঃ কপারফিল্ড সেখানে বেড়াতে গিয়েছিলেন। তিনি আমার প্রতি বিশেষ করুণা দেখান। আমার প্রতি যথেষ্ট যত্ন নেবার

পর শেষে তিনি বিয়ের প্রস্তাব করেন। আমিও রাজি হই। তার পর আমাদের বিয়ে হয়।”

মিস্ বেটসি জকুটিপূর্ণ দৃষ্টি অগ্নিকুণ্ডের উপর মেলিয়া বলিয়া উঠিলেন, “আহা, বাছা আমার! তুমি কাজ জান?”

খালিত-কণ্ঠে মা বলিলেন, “বুঝলাম না, আপনার কথা।”

মিস্ বেটসি বলিলেন, “গৃহস্থালীর কাজ জান?”

মা বলিলেন, “ভাল জানিনে। কিন্তু মিঃ কপারফিল্ড আমাকে শেখাবার—”

“সে নিজেই বড় জানত!”

“আমি শিখবার চেষ্টা করছিলাম। শিখতে পারতাম। কিন্তু হঠাৎ তিনি মারা গেলেন—”

মার কণ্ঠ অশ্রুবাশ্পে রুদ্ধ হইল।

মিস্ বেটসি বলিলেন, “ও রকম ক’রে কেঁদো না, শরীর খারাপ হবে। তাতে তোমারও ভাল নয়, আর যে মেয়েটি হবে, তারও ভাল হবে না। চূপ কর, বাছা।”

মা কিছু শাস্ত হইলেন। তার পর মিস্ বেটসি বলিলেন, “ডেভিড একটা বার্ষিক মুনাফা পেত। সে তোমার জন্ম কি ব্যবস্থা ক’রে রেখে গেছে?”

“তিনি খুব বিবেচক ছিলেন। বছরে আমার জন্ম প্রায় ১৪শ টাকার ব্যবস্থা ক’রে গেছেন।”

“ভারী ব্যবস্থা ক’রে গেছে। এর চেয়ে না করাই ভাল ছিল।”

কিন্তু সত্যি মার অবস্থা তখন খারাপ হইয়া আসিয়াছে। পেগটী চা লইয়া আসিয়া গৃহস্থামিনীর অবস্থা দেখিয়াই বুকিতে পারিল, সময় আসন্ন। তখনই আমার মাকে উপর-তলে লইয়া গেল। তাহার ভ্রাতৃপুত্র হ্যাম পেগটীকে ডাক্তার ও ধাত্রীকে আনিবার জন্ম প্রেরণ করিল।

ধাত্রী ও চিকিৎসক মিস্ বেটসিকে দেখিয়া বিস্মিত হইলেন। তাঁহার পরিচয় কেহই জানিতেন না। মা পেগটীকে কোন কথা বলেন নাই। কাজেই মিস্ বেটসির পরিচয় সকলের কাছে অজ্ঞাতই রহিয়া গেল।

ডাক্তার মিঃ চিলিপ উপরে গিয়া মাকে পরীক্ষা করিয়া আসিলেন। অপরিচিতা প্রৌড়ার সম্মুখে নীরবে বসিয়া থাকিতে তাঁহার অত্যন্ত অশ্রু বোধ হইতেছিল সত্য, কিন্তু উপায় ছিল না।

মিস্ বেটসি মাঝে মাঝে খানিকটা তুলা দিয়া কাপ বন্ধ করিতেছিলেন, আবার উহা খুলিয়া ফেলিতেছিলেন। মিঃ চিলিপ পুনঃ পুনঃ তাঁহাকে ঐরূপ করিতে দেখিয়া জিজ্ঞাসা করিলেন, “ম্যাডাম, আপনার কাণে কি যন্ত্রণা হচ্ছে?”

মিস্ বেটসি অপ্রসন্ন-মুখে বলিয়া উঠিলেন, “নির্বোধ!” তার পর তুলা পুনরায় কাণে গুঁজিলেন।

ডাক্তার খানিক পরে আবার দ্বিতলে গেলেন। অর্ধ-ঘণ্টা পরে তিনি ফিরিয়া আসিলে, মিস্ বেটসি বলিলেন, “ব্যাপার কি?”



মিঃ চিলিপ বলিলেন, “খুব ধীরে ধীরে অগ্রসর হওয়া যাচ্ছে, ম্যাদাম্!”

বিজ্ঞপ্তপূর্ণকণ্ঠে মিস্ বেটসি বলিলেন, “চমৎকার!”

ইহাতে ডাক্তার অত্যন্ত কুণ্ঠিত হইয়া পড়িয়াছিলেন। কিন্তু উপায় ত নাই।

এইরূপে বার দুই তিন উপর-নীচ করিবার পর ডাক্তার রাত ১২টার নীচে নামিয়া আসিলেন। মিস্ বেটসিকে তিনি বলিলেন, “আপনাকে অভিনন্দিত করছি।”

মিস্ বেটসি বলিলেন, “কেন বলুন ত?”

ডাক্তার বলিলেন, “কাজ নির্বিন্দে শেষ হয়েছে। সব ভাল আছে।”

মিস্ বেটসি বলিলেন, “সে কেমন আছে?”

“শীঘ্রই তিনি সুস্থ হবেন। চিন্তার কোন কারণ নেই।”

“সে কেমন আছে, তাই বলুন না।”

ডাক্তার বিন্মিত দৃষ্টিতে চাহিয়া রহিলেন।

মিস্ বেটসি বলিলেন, “শিশু কেমন আছে?”

“ও, ম্যাদাম্! আমি ভেবেছিলাম, সে খবর আপনি পেয়েছেন। খোকা হয়েছে, সে ভালই আছে।”

মিস্ বেটসি আর কোনও কথা না বলিয়া টুপী লইয়া সেই রাত্তিতেই বাহির হইয়া পড়িলেন। আর তিনি কখনও দেখা দেন নাই।

আমি শয্যায়, মা তাঁহার শয্যায় পড়িয়া রহিলেন। মিঃ বেটসির কথা বড় হইয়া মার কাছে শুনিয়াছি; কিন্তু কল্পনালোক ব্যতীত আর কোথাও তাঁহার সাক্ষাৎ পাই নাই।

### দ্বিতীয় পরিচ্ছেদ

শৈশব-স্মৃতির সাহায্যে এ বয়সে মনে করিতে গেলেই সর্ব-প্রথম আমার জননী মধুর সুন্দর শ্রী এবং শোভাময় কেশরাজির কথাই চিত্তপটে ভাসিয়া উঠে। পেগটীর চেহারা তখন কি রকম ছিল, তাহা এখন মনে পড়ে না। তবে পেগটীর কৃষ্ণতার নয়নযুগল বেশ মনে আছে। তাহার গওদেশ এবং বাহু একরূপ দৃঢ় ও আরক্ত ছিল যে, আমার বিশ্বয় লাগিত, পাখীরা কেন আপেল ভ্রমে তাহার গণ্ডে চঞ্চুর আঘাত করিত না?

আমি বলিয়াছি, শৈশব-স্মৃতিতে মা ও পেগটী ছাড়া আর কিছুই রেখাপাত হয় নাই। সত্যই কি আর কিছু মনে নাই? দাঁড়াও, ভাবিয়া দেখি।

মেঘাস্তরাল হইতে আর একটি জিনিষ স্মৃতিপটে আবির্ভূত হইতেছে—আমাদের গৃহ, আমার কাছে নূতন নহে, সম্পূর্ণ পরিচিত আমাদের গৃহ। আমার বেশ মনে পড়িতেছে যে, নিম্নতলে পেগটীর রান্নাঘর ছিল। তাহার পশ্চাতে খানিক কাঁকা জায়গা। একটা কাঠের দণ্ডের উপর পারাবতদিগের

জন্তু কক্ষ নির্দিষ্ট; কিন্তু একটিও পারাবত ছিল না। এক কোণে কুকুবিগের জন্তু নির্দিষ্ট ঘর, কিন্তু কুকুরের অভাব ছিল।

পেগটীর রন্ধনশালা হইতে আরম্ভ করিয়া সদর-দরজা পর্যন্ত দীর্ঘ চলিবার পথ ছিল। সেই পথের ধারে একটি ভাঁড়ার ঘর। বৈঠকখানার সংখ্যা দুইটি। উহার একটিতে আমি, মা ও পেগটী তিন জন বসিয়া থাকিতাম। পেগটী প্রায়ই আমাদের কাছে কাজ সারিয়া বসিয়া থাকিত। এক দিন রবিবারের রাত্তিতে মা বাইবেল পড়িতেছিলেন। আমি ও পেগটী শুনিতেছিলাম। মা পড়িয়া শুনাইলেন, কেমন করিয়া লাজেরাস্ মৃতদিগের মধ্য হইতে উথিত হইয়াছিলেন। এই কথা শুনার পর আমি এমন ভয় পাইয়াছিলাম যে, মা ও পেগটী রাত্তিকালে আমাকে ঘুম ভাঙাইয়া নিশীথ রজনীতে বাতায়নপথে সমাধিক্ষেত্রের দৃশ্য দেখাইয়াছিলেন। সমাধিক্ষেত্রে সকলেই গাঢ় স্তম্ভিতে মগ্ন, এই কথাটা প্রমাণ করিয়া দিবার জন্তু তাঁহারা চেষ্টা করিয়াছিলেন। বাস্তবিকই আমি দেখিয়াছিলাম, জ্যেৎস্নার গাঙ্গুরীয়াপূর্ণ আলোকে মৃত নরনারীরা সমাধিক্ষেত্রে নিথর, নীরব।

আমাদের সমাধিক্ষেত্রের তৃণ-রাজি যেরূপ শ্যামল, এমন আর কোথাও আছে বলিয়া জানা নাই। এমন ছায়াচ্ছন্ন বৃক্ষরাজিও অল্পতুল্য। এমন নীরব সমাধি-প্রস্তরগুলিও বোধ হয় আর কোথাও নাই। প্রভাতে উঠিয়া আমি দেখিতাম, ভেড়ার দল তথায় বিচরণ করিতেছে। শয্যার উপর হইতে আমি সাগ্রহে সে দৃশ্য দেখিতাম; সূর্য্য-গোলককে আকাশে উদিত হইতে দেখিয়া আমি মনে মনে বলিতাম, সূর্য্য কি খুসীমনে আছে? সে কি সময় নির্দেশ করিয়া দিতে পারে?

গির্জা আমাদের বাড়ীর অদূরে। রবিবারে পেগটী আমাকে গির্জায় লইয়া যাইত। মাও যাইতেন। আমার বিশ্বয়বিফারিত দৃষ্টি পাদরী মহাশয়ের উপর স্থাপিত হইলে পেগটী আমার দিকে জ্রুকৃষ্টি করিয়া চাহিত। অথচ সে যখন পাদরীর দিকে চাহিয়া থাকিত, তাহাতে দোষ হইত না। একটা কিছু ত করিতে হইবে, ভাবিয়া মার দিকে চাহিতাম। কিন্তু তিনি যে আমার ভাব বুঝিতে পারিয়াছেন, তাহা জানিতে না দিয়া অন্য দিকে চাহিয়া থাকিতেন—যেন আমার দেখিতেই পান নাই। পাশের বালকটির দিকে চাহিতাম; সে আমার দিকে চাহিয়া ভেঙ্গচাইত। উপায় না দেখিয়া আমি গির্জার উপর দিকে চাহিতাম। প্রাচীরপাত্রে কত কি লেখাই উৎকীর্ণ রহিয়াছে!

খানিক পরে আমার চক্ষু মুদ্রিত হইয়া আসিত। পাদরী মহাশয়ের সঙ্গীত কাণে প্রবেশ করিতে করিতে হঠাৎ আমার সংজ্ঞা লোপ পাইত। তার পর আসন হইতে আমার তন্নাক্ষর দেহ ভূমিতলে লুটাইয়া পড়িত। পেগটী তখন আমাকে কোলে করিয়া বাড়ী লইয়া আসিত।

প্রীতির পর শীত আসিল। আমার মনে পড়ে, মা ক্রান্তদেহে চেয়ারের উপর হেলান দিয়া বসিয়া পড়িতেন। মা তাঁহার সমুজ্বল কেশগুলি আজুলে জড়াইয়া ধরিতেন, আমি তাহা লক্ষ্য করিতাম। আমার অপেক্ষা কেহই ভাল জানিত না—মা নিজেকে সুন্দর দেখিতে কত ভালবাসেন। সৌন্দর্যের জন্ত তাঁহার যে গর্বভাব আছে, তাহা আমি জানিতাম।

শৈশবকাল হইতে এই কথাগুলি সমুজ্বল হইয়া আছে। আরও মনে আছে, মা ও আমি, উভয়েই পেগটীকে ভয় করিয়া চলিতাম। পেগটীর প্রায় সব কথাই আমরা মানিয়া চলিতাম।

এক দিন বৈঠকখানা-ঘরে রাত্রিকালে আমি ও পেগটী বসিয়াছিলাম। কুস্তীরের কাহিনী আমি পেগটীকে পড়িয়া শুনাইতেছিলাম। আমার খুব ঘুম পাইতেছিল সত্য, কিন্তু মা তখনও বাড়ী ফিরেন নাই—প্রতিবেশীদের সহিত দেখা করিতে গিয়াছিলেন—কাজেই তিনি না ফেরা পর্যন্ত আমি কোনও মতেই ঘুমাইব না স্থির করিয়াছিলাম। পেগটী হুচ-হুতা লইয়া বয়নকার্যে নিযুক্ত ছিল।

খুব ঘুম পাইলেও আমি জোর করিয়া জাগিয়া রহিলাম। একবার চক্ষু নিমীলিত করিলেই আর আমার জ্ঞান থাকিবে না।

ঠাৎ আমি বলিয়া উঠিলাম, “পেগটী, তোমার বিয়ে হইবে?”

পেগটী বলিয়া উঠিল, “মাষ্টার ডেভি, বিয়ের কথা তোমার মাথায় এল কেন?”

সে এমন চমকিয়া উঠিয়াছিল যে, আমার ঘুমের ঘোর একদম টুটুয়া গেল। সেলাই ছাড়িয়া সে আমার দিকে চাহিয়া রহিল।

আমি বলিলাম, “তোমার বিয়ে হইবেছিল কি না, বল না। তুমি দেখতে খুব সুন্দরী। নয় কি?”

আমার মা যে শ্রেণীর সুন্দরী, পেগটীকে আমি সে শ্রেণীর সুন্দরী বলিয়া মনে করিতাম না। তাহাকে স্বতন্ত্র শ্রেণীর সুন্দরী বলিয়াই আমার ধারণা ছিল।

পেগটী বলিল, “আমি সুন্দরী! শোন, আমি সুন্দরী নই। কিন্তু বিয়ের কথা তোমার মাথায় কেন এল?”

“তা জানিনে!—তবে এক সময়ে এক জনের বেশী লোককে তুমি যেন বিয়ে করো না। বুঝেছ, পেগটী?”

পেগটী বলিল, “নিশ্চয় করব না।”

“কিন্তু এক জনকে বিয়ে করার পর সে যদি ম’রে যায়, তখন তুমি আর এক জনকে বিয়ে করতে পার। পার না কি, পেগটী?”

পেগটী বলিল, “তা হ’তে পারে। যত যদি হয়, ইচ্ছা যদি থাকে। সেটা মনের অবস্থার কথা।”

আমি বলিলাম, “তোমার মতটা কি, পেগটী?”

আমি তাহার দিকে কৌতূহলপূর্ণ দৃষ্টিপাত করিলাম। সেও তেমনই কৌতূহলভরে আমার দিকে চাহিয়া রহিল।

পেগটী আমার দিক হইতে দৃষ্টি ফিরাইয়া লইয়া বলিল, “মাষ্টার ডেভি, আমার বিয়ে হয় নি—ইবার আশাও নাই। কাজেই ও ব্যাপারটা সম্বন্ধে আমার কোন ভাবনা নাই।”

এক মিনিটকাল নীরবে থাকিয়া আমি বলিলাম, “পেগটী, তুমি রাগ করলে?”

সত্যই আমার মনে হইয়াছিল, সে আমার উপর বুকি রাগ করিয়াছে। কিন্তু আমার সে ধারণা ভ্রান্ত। সে তাহার মৌনকার্য্য রাখিয়া দিয়া দুই বাছ মেলিয়া আমার মাথা তাহার মধ্যে গ্রহণ করিল। সে আমাকে রীতিমত চাপিয়া ধরিয়া বলিল, “তোমার কুমীরের গল্প আমাকে ভাল ক’রে শুনিয়া দেও—আমি সবটা শুনি নি।”

তাহার এই ভাবান্তরের কারণ আমি বুঝিতে পারিলাম না। সহসা কেন যে কুস্তীরের গল্পে সে আগ্রহ অহুভব করিল, তাহাও বুঝিলাম না।

যাহা হউক, আমি কুস্তীরের গল্প পড়িতে লাগিলাম। আমার ঘুমের আবিলতা তখন সম্পূর্ণ তিরোহিত হইয়াছিল। গল্প শেষ হইতে অনেক সময় লাগিল। মেছো কুমীরের গল্প শেষ করিয়া, নরভুক্ত কুস্তীরের গল্প পড়িতে যাইব, এমন সময় বাগানের ঘণ্টা বাজিয়া উঠিল। আমরা দরজার কাছে গেলাম। মাকে দেখিলাম। আজ যেন তাঁহাকে আরও সুন্দর দেখাইতেছিল। তাঁহার পার্শ্বে একটি ভদ্রলোক। তাঁহার কালো চুল ও জুলুপি অত্যন্ত সুন্দর। গত রবিবারে এই ভদ্রলোকটি গির্জা হইতে মার সঙ্গে আমাদের বাড়ী আসিয়াছিলেন।

মা আমাকে কোলে তুলিয়া লইয়া চুমা খাইলেন। ইহাতে ভদ্রলোকটি মন্তব্য প্রকাশ করিলেন যে, আমি সম্রাটের অপেক্ষাও ভাগ্যবান ব্যক্তি। অথবা ঐরূপ কোন কথা বলিলেন। পরবর্তী কালে আমার বোধশক্তির সাহায্যে আমি ঐ ভাবেই কথাটা ব্যক্ত করিলাম।

মার স্বক্ৰম হইতে আমি বলিয়া উঠিলাম, “তার মানে?”

ভদ্রলোক আমার মাথায় সাদরে করাঘাত করিলেন। কিন্তু উহা আমার ভাল লাগিল না। বিশেষতঃ আমাকে স্পর্শ করিবার সময় তাঁহার বাছ আমার মার দেহ স্পর্শ করিল। ইহাতে আমার ঈর্ষা বোধ হইল। আমি তাঁহার বাছ যথাসাধ্য জোরে সরাইয়া দিলাম।

মা যেন তিরস্কার-পূর্ণ-কণ্ঠে বলিলেন, “ও কি, ডেভি!”

ভদ্রলোক বলিলেন, “বেশ ছেলে। ওর এই ভক্তিতে আমি বিস্ময় বোধ করছি না।”

আমার মার মুখে এমন বিচিত্র বর্ণ-বিজ্ঞাস পূর্ণ কথনও দেখি নাই। আমার ক্রূততার জন্ত মা আমাকে মৃদু তিরস্কার করিলেন। শালের মধ্যে আমাকে লইয়া

তিনি ভদ্রলোককে ধন্যবাদ জ্ঞাপন করিলেন। তাঁহাকে বাড়ী পৌঁছিয়া দিবার জন্ত কৃতজ্ঞতা প্রকাশ করিলেন। সঙ্গে সঙ্গে করমর্দনের জন্ত হাত বাড়াইয়া দিয়া তিনি অপাঙ্গে আমার দিকে দৃষ্টিপাত করিলেন।

মার দস্তানায় আবৃত হাতের উপর নত হইয়া ভদ্রলোক আমাকে লক্ষ্য করিয়া বলিলেন, “খোকা, শুভ রাত্রি।”

আমি বলিলাম, “শুভ রাত্রি।”

ভদ্র লোক হাসিতে হাসিতে বলিলেন, “তোমায় আমার বন্ধুত্ব হ'ল। তোমার হাত দেখি।”

আমার দক্ষিণ হস্ত মার বাম বাহুতে আবদ্ধ ছিল। তাই আমার বাম কর প্রসারিত করিলাম।

ভদ্রলোক হাসিয়া বলিলেন, “ডেভি, ও হাত নয়।”

মা আমার ডান হাত বাহির করিয়া আগাইয়া দিলেন। কিন্তু আমি কোনমতেই দক্ষিণ হস্ত বাড়াইতে রাজি ছিলাম না; বাম হাতই বাড়াইয়া দিলাম। তিনি বেশ আগ্রহ-ভরে করকম্পন করিয়া বলিলেন যে, আমি খুব সাহসী বালক। তার পর তিনি চলিয়া গেলেন।

বাগানের দ্বার বন্ধ করিবার পূর্বে মা একবার তাঁহার কৃষ্ণতার নয়ন তুলিয়া আমাদের দিকে চাহিলেন। সে দৃষ্টি আমার ভাল লাগিল না।

পেগটী এতক্ষণ একটিও কথা বলে নাই, একটি অঙ্গুলীও সঞ্চালিত করে নাই। সে দ্বার বন্ধ করিয়া দিল। সকলে ভিতরে প্রবেশ করিলাম। মা সাধারণতঃ যে হাতলওয়ালা চেয়ারে বসেন, তাহাতে না বসিয়া গৃহের অন্ত প্রান্তে একটি আসনে বসিয়া গুন্ গুন্ করিয়া গান গাহিতে লাগিলেন।

কক্ষের মাঝখানে সোজাভাবে দাঁড়াইয়া পেগটী বলিল, “ম্যাদাম, আজ অপরাহুটা খুব ভালই কেটেছে বোধ হয়।”

মা প্রফুল্ল-কণ্ঠে বলিলেন, “অশেষ ধন্যবাদ, পেগটী। সত্যই আজ সন্ধ্যাবেলা সুখেই কেটেছে।”

পেগটী বলিল, “আগন্তুক বা আর কারও সঙ্গে পেলে বেশ সুখের পরিবর্তনই ঘটে।”

মা বলিলেন, “সত্যই তাই।”

পেগটী তেমনই নিস্পন্দভাবে ঘরের মাঝখানে দাঁড়াইয়া রহিল। মা তেমনই গুন্ গুন্ করিয়া গান গাহিয়াই চলিলেন। আমার ঘুম পাইয়াছিল; ঘুমাইয়া পড়িলাম। তবে গাঢ় নিদ্রা নহে। আমি তাহাদের কথার শব্দ গুনিতে পাইতেছিলাম, তবে অর্থ বুঝিতেছিলাম না। হঠাৎ অর্ধ-নিদ্রাভঙ্গে আমি দেখিলাম, মা ও পেগটী উভয়েরই নয়নে অশ্রু; উভয়েই কথা বলিতেছে।

পেগটী বলিতেছিল, “এমন ধারা লোক নয়। মিঃ কপারফিল্ড এটা পছন্দ করতেন না। এ কথা আমি দিবি ক'রে বলতে পারি। বলছিও তাই।”

মা বলিয়া উঠিলেন, “জগদীশ্বর! তুমি আমায় পাগল ক'রে দেবে, পেগটী! নির্জের চাকরের কাছে কেউ আগে

এমন মন্দ ব্যবহার পেয়েছে? আমি কি... আগে আমার বিয়ে হয়নি, পেগটী?”

পেগটী বলিল, “ভগবান জানেন!”

মা বলিলেন, “তবে তুমি কেন বলছ? তুমি ত আমার জান, তবে কেন এমন কথা বলছ—কেন আমায় কষ্ট দিচ্ছ? তুমি জান, এ জগতে আমার আর কোন বন্ধু নেই, তবু তুমি আমায় কঠোর কথা বলে কষ্ট দেবে?”

পেগটী বলিল, “কারণ আছে। এ চলবে না। না!—কোনমতেই চলতে পারে না। এমন কোন মূল্য নেই, যার বদলে এ হ'তে পারে! না!—না!”

আমার মনে হইল, পেগটী এখনই তাহার হাতের জলন্ত বস্তিকা ছুড়িয়া ফেলিয়া দিবে। এমন জোরে সে কথা বলিতেছিল।

মা বলিলেন, “তুমি কেন আজ আমায় এমন ক'রে বলছ?” বলিতে বলিতে তিনি অশ্রুপাত করিতে লাগিলেন। তিনি বাষ্পরুদ্ধ-কণ্ঠে বলিলেন, “এমন অন্তায় ক'রে আমার কেন তিরস্কার করছ? পেগটী, তুমি যেন ধ'রে নিয়েছ, সব স্থির হয়ে গেছে। অথচ আমি তোমাকে বারবার বলছি যে, সাধারণ ভদ্রতাসূচক কথা ছাড়া আর কিছুই হয়নি, তবু তুমি তা বুঝবে না। তুমি বলছ, প্রশংসার কথা। সে আমি কি করতে পারি বল? মানুষ যদি বোকার মত ভাব প্রকাশ করে, সেটা কি আমার দোষ? তোমাকেই আমি জিজ্ঞাসা করছি, এ ক্ষেত্রে আমি কি করব? তুমি কি চাও যে, আমি মাথা কামিয়ে মুখে কালো রং ঢেলে, শরীর পুড়িয়ে রাখব? আমার মনে হয়, পেগটী, তাতে তুমি খুসীই হবে!”

আমার মনে হইল, পেগটী মার এইরূপ অভিযোগে মনে অত্যন্ত ব্যথা পাইয়াছে।

মা বলিয়া উঠিলেন, “বাবা আমার!”—সঙ্গে সঙ্গে তিনি আমি যে চেয়ারে বসিয়াছিলাম, তথায় আসিয়া আমায় আদর করিতে করিতে বলিলেন, “আমার ক্ষুদে ডেভি, আমার বুকের ধন! আমি না কি তোকে ভালবাসিনে—আমার এমন মাণিককে না কি আমি উপেক্ষা করি!”

পেগটী বলিল, “এমন কথা বলা ত দূরের কথা, কেউ আভাস পর্যন্ত দেয়নি।”

মা বলিয়া উঠিলেন, “তুমিই বলেছ, পেগটী! তুমি জান যে, তুমি বলেছ। তুমি যে কথা বললে, তা থেকে এ ছাড়া আর কি মানে হ'তে পারে? অথচ তুমি ভাল করেই জান যে, ডেভির জন্মই তিন মাস আগে আমি একটা নতুন পোষাক পর্যন্ত কিনতে পারিনি। অথচ আমার বাইরে বেরুবার পোষাক নেই বললেই চলে। এ কথা তুমি জান—অস্বীকার করতে পার না।”

মা আবার আমার দিকে ফিরিয়া আমার গণ্ডে তাঁহার মুখ রাখিয়া গভীর স্নেহভরে বলিলেন, “ডেভি, আমি কি তোমার ছুটু মা? সত্যি আমি স্বার্থপর, জঘন্য, ধারণা মা?



বল, বাবা, বল। বল হাঁ, তা হলে পেগটী তোকে ভাল-বাসবে। আমার চাইতে পেগটীর ভালবাসা মূল্যবান, ডেভি। আমি তোকে মোটেই ভালবাসিনে।”

এই কথায় আমরা তিন জনেই কাঁদতে লাগিলাম। মনে হয়, আমিই সর্বাপেক্ষা বেশী শব্দ করিয়া কাঁদিতে আরম্ভ করিলাম। কিন্তু এ কথা বলিব যে, আমাদের কাহারও সে ক্রন্দনে কৃত্রিমতা ছিল না। সত্যি আমার বুক যেন ভাঙিয়া গিয়াছিল। আঘাতের প্রথম উত্তেজনায় আমার কোমল মন এমনই অবস্থা প্রাপ্ত হইয়াছিল যে, আমি পেগটীকে “জানোয়ার” বলিয়া গালি দিয়াছিলাম। পেগটী তখন এমনই অভিভূত হইয়া পড়িয়াছিল যে, ফুলিয়া ফুলিয়া সে কাঁদিতেছিল। তাহার জামার বোতামগুলি নিশ্চয়ই তখন ছিঁড়িয়া গিয়াছিল। মার সঙ্গে আপোষ করিয়া অবশেষে সে নতজানু হইয়া আমার সঙ্গে আপোষ করিয়া ফেলিল।

আমরা সকলেই অত্যন্ত অবসন্ন-চিত্তে শয্যায় শয়ন করিলাম। অনেকক্ষণ পর্যন্ত আমি ঘুমের মধ্যেও ফুলিয়া ফুলিয়া ফোঁপাইয়া উঠিয়াছিলাম। অবশেষে একটা বড় পোষের ফোঁপানি আমাকে শয্যার উপর বসাইয়া দিল। দেখিলাম, মা আমার শিরেরে বসিয়া। তাঁহার কোলে অবশেষে ঘুমাইয়া পড়িলাম।

পরের সপ্তাহের রবিবার অথবা আরও কিছুকাল পরে কি না, তাহা আমার মনে নাই, সেই ভদ্রলোকটিকে আবার আসিতে দেখিলাম। সময়, তারিখ মনে নাই বটে, তবে তিনি গিঙ্কায় গিয়াছিলেন এবং আমাদের সঙ্গে আমাদের বাড়ী আসিয়াছিলেন। আমাদের বাড়ীতে একটি চমৎকার ফুলের গাছ ছিল। সেই গাছ দেখিবার জগুই তিনি আসিয়াছিলেন। তবে আমার মনে হইল, গাছের প্রতি তাঁহার বিশেষ লক্ষ্য নাই; কিন্তু তিনি মাকে বলিলেন যে, এক গুচ্ছ ফুল মা যেন তুলিয়া তাঁহাকে দেন। মা বলিলেন, তিনি নিজেই পছন্দ করিয়া ফুল বাছিয়া লউন। কিন্তু তাহাতে তিনি রাজি হইলেন না। কেন, তাহা আমি বুঝিলাম না। অবশেষে মা এক গুচ্ছ ফুল তুলিয়া ভদ্রলোককে দিলেন। তিনি বলিলেন যে, জীবনে ঐ ফুল তিনি হাত-ছাড়া করিবেন না। আমি ভাবিলাম, লোকটা কি বোকা। হুই এক দিনেই ফুল গুকাইয়া ঝরিয়া পড়িবে, অথচ সারাজীবন ঐ ফুল তিনি রাখিতে চাহেন!

আগে পেগটী প্রায়ই এইরূপ অপরাহ্নকালে আমাদের কাছে কাছেই থাকিত। কিন্তু এখন আর থাকিত না। মা পেগটীকে খুবই স্নেহ করিতেন। যেমন করা উচিত, তদপেক্ষা অনেক স্নেহ-বিশ্বাস তাহার উপর মার ছিল। আমরা তিন জন পরস্পরের অত্যন্ত অমুরাগী। কিন্তু পূর্বে আমরা যেমন ছিলাম, ঠিক তেমন অবস্থা ছিল না। মার যে সকল ভাল পোষাক ছিল, তাহা পরিধান করিয়া ঐশ্বর্যবানদিগের সহিত দেখা করিতে যাইতেন। ইহাতে

পেগটী প্রায়ই আপত্তি জানাইত। কেন যে সে আপত্তি করিত, তাহা আমি বুঝিতে পারিতাম না।

রক্ষ-জুলপি ওমালা ভদ্রলোকটি প্রায়ই আমাদের বাড়ী আসিতে লাগিলেন। প্রথম দিন তাঁহাকে দেখিয়া আমার মনে যে ধারণা হইয়াছিল, সে ধারণা আমার অপরিবর্তিতই রহিয়া গেল। তাঁহাকে দেখিলেই আমার মনে একটা অস্বস্তি, একটা ঈর্ষার ভাব জাগিত। কিন্তু আমি তাহার কারণ আবিষ্কার করিতে পারিতাম না।

একদা শরতের প্রভাতে, বাগানের সম্মুখে বেড়াইতে ছিলাম। মিঃ মর্ডষ্টোন—ভদ্রলোকটির ঐ নাম—অশ্বপৃষ্ঠে আসিলেন। মাকে অভিবাদন করিয়া তিনি অশ্বজু সংযত করিলেন। তিনি বলিলেন যে, তিনি লোয়েষ্টফে যাইতেছেন। কয়েক জন বন্ধুর সহিত সাক্ষাৎই তাঁহার উদ্দেশ্য। নৌকা চড়িয়া জলবিহার করিবেন। ভদ্রলোক প্রস্তাব করিলেন যে, আমাকে অশ্বপৃষ্ঠে লইয়া তিনি যাইতে চাহেন।

প্রকৃতি এমন মধুর শান্তশ্রী ধারণ করিয়াছিল এবং ঘোড়াটির অবস্থা এমন লোভনীয় মনে হইতেছিল যে, বাইবার জগু আমার আগ্রহ হইল। আমি আদিষ্ট হইয়া উপর-তলায় পেগটীর কাছে গেলাম। সে আমায় সাজাইয়া দিবে। এ-দিকে মিঃ মর্ডষ্টোন অশ্বপৃষ্ঠ হইতে অবতরণ করিয়া মার সহিত বাগানে বেড়াইতে লাগিলেন। আমার বেশ মনে আছে, পেগটী বাতায়নপথে মুখ বাড়াইয়া সে দৃশ্য দেখিতেছিল। আমিও তাহার ঞায় উঁকি মারিয়া দেখিতে-ছিলাম। পেগটীর মধুর প্রকৃতি সন্তোষ আমন পরিবর্তিত হইয়া গিয়াছিল যে, আমার কেশপ্রসাধনের সময় সে উঁকি দিকে আমার সীঁথি করিয়া দিয়াছিল।

অশ্বপৃষ্ঠে চাপিয়া মিঃ মর্ডষ্টোনের সঙ্গে মহানন্দে আমি পথ চলিতে লাগিলাম। মাঝে মাঝে আমি তাঁহার মুখের দিকেও চাহিতেছিলাম। লোকটির চোখে যেন গভীর দৃষ্টি ছিল না। তাঁহার দিকে চাহিলেই আমার মনে যেন ভীতির সঞ্চার হইত। তথাপি লোকটি দেখিতে সুপুরুষ।

সমুদ্রতীরে কোন হোটেলেরে আমরা গেলাম। একটি ঘরে দুই জন ভদ্রলোক ধূমপান করিতেছিলেন। আমাদের কাছে দেখিয়াই তাঁহারা উভয়েই লাফাইয়া উঠিয়া বলিলেন, “এই যে, মর্ডষ্টোন। কিন্তু তোমার দেরি দেখে ভেবেছিলাম, তুমি বোধ হয় বেঁচে নেই।”

মিঃ মর্ডষ্টোন বলিলেন, “না, এখনও মরি নি।”

আমার গায় হাত দিয়া এক জন বলিলেন, “এটি কে হে?”

মিঃ মর্ডষ্টোন বলিলেন, “ওর নাম ডেভি।”

ভদ্রলোকটি বলিলেন, “কপারফিল্ড?”

ভদ্রলোকটি বলিয়া উঠিলেন, “কি বললে! সুন্দরী

মিসেস কপারফিল্ডের ভার, বোঝা? কি সুন্দরীই এই বিধবা।”

মিঃ মর্ডষ্টোন বলিলেন, “কুইনন্, সাবধান খেক। কেউ কেউ খুব চালাক।”

হাসিতে হাসিতে সেই ভদ্রলোকটি বলিলেন, “কে সে?”

আমিও তাড়াতাড়ি তাঁহাদের দিকে চাহিলাম। লোকটাকে জানিবার জন্য আমারও আগ্রহ জন্মিয়াছিল।

মিঃ মর্ডষ্টোন বলিলেন, “সেফিল্ডের ক্রকস।”

প্রথমতঃ ভাবিয়াছিলাম, বুঝি আমিই লক্ষ্যস্থল। কিন্তু সেফিল্ডের ক্রকসএর কথা শুনিয়া নিশ্চিত হওয়া গেল।

কিন্তু সেফিল্ডের ক্রকসের নামে দুই জন ভদ্রলোকই প্রাণ ভরিয়া হাসিতে লাগিলেন। মিঃ মর্ডষ্টোনেরও মুখে হাসি ধরিল না। কুইনন্ নামক ভদ্রলোক খানিক পরে বলিলেন, “সেফিল্ডের ক্রকস ব্যাপারটা সম্বন্ধে কি অভিমত পোষণ করে?”

মিঃ মর্ডষ্টোন বলিলেন, “জানি না। তবে মনে হয়, ক্রকস বর্তমানে ব্যাপারটা কিছু অনুমান করতে পারে নি। কিন্তু সাধারণতঃ সে অনুকূল অভিমত পোষণ করে না, এটা আমার ধারণা।”

এ কথায় আবার হাতের তরঙ্গাঙ্কাস বহিল। মিঃ কুইনন্ ক্রকসের কল্যাণকামনায় এক বোতল সেরী আনাইলেন। যখন সুরা আসিল, তিনি একখানি বিস্কুট ও সামান্য সুরা আমায় দিলেন। আমি উহা পান করিবার পূর্বে তিনি আমাকে দিয়া বলাইলেন, “সেফিল্ডের ক্রকস গোল্লায় থাক।” সকলেই প্রশংসা সহকারে আমার এই আবৃত্তি উপভোগ করিলেন। তাঁহাদের হাত্রে আমাকেও যোগ দিতে হইল। আমাকে হাসিতে দেখিয়া তাঁহারা আরও হাসিতে লাগিলেন। মোট কথা, আমরা বেশ আনন্দে সময় কাটাইলাম।

তার পর পাহাড়ে উঠিয়া দূরবীক্ষণের সাহায্যে দূরের দৃশ্য দেখিয়া পরে হোটেলে ফিরিলাম। ভদ্রলোক দুইটি অত্যন্ত ধূমপায়ী। তাঁহারা অনুক্ষণই ধূমপান করিতেছিলেন।

যে প্রমোদ-তরঙ্গী সমুদ্রকূলে অপেক্ষা করিতেছিল, আমরা সকলে তথায় গেলাম। তাঁহারা কাজ করিতে লাগিলেন। আমি চারিদিক দেখিতে লাগিলাম। পোতখানির নাম “স্কাইলাইট”।

আমি লক্ষ্য করিলাম, মিঃ মর্ডষ্টোন সারাদিনই খুব গভীরভাবেই কাটাইলেন। তাঁহার বন্ধুগুলি অত্যন্ত আমোদপ্রিয় ও চঞ্চল। তাঁহারা পরস্পরের সঙ্গে হাসি-ঠাট্টা চালাইলেও, মিঃ মর্ডষ্টোনের সঙ্গে বেশ বেলাপনা করিতেছিলেন না। আমার মনে হইল, তিনি তাঁহার বন্ধুদিগের অপেক্ষা চতুর। আমি লক্ষ্য করিলাম, সারাদিনের মধ্যে মিঃ মর্ডষ্টোন বড় একটা হাসেন নাই। শুধু সেফিল্ডের ক্রকসের প্রশংসাই তাঁহার মুখে হাসি ফুটিয়াছিল।

আমরা সন্ধ্যা ঘনাইয়া না আসিতেই বাড়ী ফিরিলাম। সে দিনের মধুর অপরাহ্নের কথা এখনও আমার মনে আছে।

আমি বাড়ী পৌছিয়া যখন গৃহান্তরে চা পান করিতে গেলাম তখন দেখিলাম, কুঞ্জবীথির মধ্যে মার পাশে পাশে মিঃ মর্ডষ্টোন বেড়াইতেছেন। তিনি চলিয়া গেলে মা আমাকে সকল কথা জিজ্ঞাসা করিলেন। আমি সবই বলিলাম। তাহারা তাঁহার সম্বন্ধে কি কি কথা বলিয়াছে, তাহাও মাে জানাইলাম। মা হাসিতে হাসিতে বলিলেন যে, তাহারা অবিবেচক ও নির্কোষ, তাই এ প্রকার আলোচনা করিতেছে। কিন্তু তিনি যে এ সব কথা শুনিয়া খুসী হইলেন, তাহা আমি বুঝিতে পারিলাম।

সত্যই তিনি প্রীতিলাভ করিয়াছিলেন। তখনও বুঝিয়াছিলাম, এখনও তাহাই বুঝিতেছি। আমি মাকে জিজ্ঞাসা করিলাম যে, তিনি সেফিল্ডের ক্রকসকে জানেন কি না। কিন্তু তিনি বলিলেন যে, তিনি জানেন না। সম্ভবতঃ ছুরি-কাঁটা-চামচ-নির্মাতা কেহ হইতে পারে।

আমি শয়ন করিলাম। মা আমার কাছে আসিয়া দাঁড়াইলেন। আমার শয্যার পার্শ্বে জাহ্নু পাতিয়া বসিয়া, করপুটে কপোল গুস্ত করিয়া হাসিতে হাসিতে বলিলেন, “ডেভি, ওঁরা কি বলেছিল, আবার বল ত। আমার বিশ্বাস হয় না।”

আমি বলিলাম, “মনোমোহিনী —”

মা আমার মুখে হাত চাপা দিলেন।

তিনি হাসিতে হাসিতে বলিলেন, “না, না, ও কথা বলেনি। ডেভি, মনোমোহিনী কথা বলতেই পারে না। আমি এখন বুঝছি, ওটা তারা বলেনি।”

আমি দৃঢ়তা সহকারে প্রতিবাদ করিয়া বলিলাম, “হাঁ, তারা বলেছে, মনোমোহিনী মিসেস্ কপারফিল্ড। আরও বলেছে, সুন্দরী।”

আমার ওষ্ঠে অঙ্গুলী রাখিয়া মা বলিয়া উঠিলেন, “না, না, তারা সুন্দরী বলতে পারে না।”

আমি বলিলাম, “হাঁ, তারা বলেছে—সুন্দরী তরুণী বিধবা।”

মা করপুটে মুখ ঢাকিয়া হাসিতে হাসিতে বলিলেন, “কি নির্কোষ অসভ্য লোক। খুব অসভ্য নয় কি, ডেভি? ডেভি, বাবা—”

“কি, মা!”

“পেগটীকে এ সব কথা বলা না। সে ওদের উপর চটে যাবে। আমি নিজেই তাদের উপর ভয়ানক চটে গেছি। কিন্তু আমার ইচ্ছে যে, পেগটী যেন এ সব কথা না শোনে।”

অবশ্য আমি মার কাছে অঙ্গীকার করিলাম যে, আমি বলিব না। তার পর মা আমার মুখে চুমা দিলেন, আমিও দিলাম। তার পর গভীর নিদ্রা।

ঠিক মনে নাই। হয় ত দুই মাস পরেরই কথা। কিন্তু এক একবার মনে হইতেছে, পরের দিনই উহা ঘটয়াছিল। ঘটনাটি কি, তাহা বলিতেছি।

একদা অপরাহ্নে আমি ও পেগটী বসিয়াছিলাম। মা অভ্যাসমত ভ্রমণে বাহির হইয়াছিলেন। আমি কুম্বীরের গল্লের বই লইয়া বসিয়াছিলাম। পেগটী বার কয়েক আমার দিকে দৃষ্টিপাত করিয়া কি যেন বলিতে গেল। কয়েকবার চেষ্টার পর সে বলিয়া উঠিল, “মাষ্টার ডেভি, আমার সঙ্গে আমার ভাইয়ের বাড়ী ইয়ারমাউথে যাবে তুমি? ধর, এক পক্ষকাল আমরা সেখানে থাকব। তোমার তাতে কি ভাল লাগবে না?”

আমি জিজ্ঞাসা করিলাম, “তোমার ভাই ভাল লোক ত, পেগটী?”

হাত তুলিয়া পেগটী বলিয়া উঠিল, “সে খুব ভাল লোক। তা ছাড়া সমৃদ্ধ আছে, নৌকা, জাহাজ আছে, জেলেরা রয়েছে। সমুদ্রের ধার চমৎকার। খেলা করতে চাও, স্থান আছে।”

আনন্দপূর্ণ জীবনযাত্রার আভাস পাইয়া আমার মন আনন্দ লাভ করিল; বলিলাম, “কিন্তু মা কি বলিবেন?”

পেগটী বলিল, “আমি এক গিনি বাজি রাখতে পারি, তিনি তোমাকে যেতে দেবেনই। আচ্ছা, তিনি বাড়ী এলেই আমি জিজ্ঞাসা করবো।”

টেবলের উপর কনুই রাখিয়া আমি বলিলাম, “আমরা যখন এখানে থাকবো না, তখন তিনি কি করবেন? তিনি অবিশিষ্ট একলা থাকতে পারবেন না।”

পেগটী তখন তাহার মোজার গোড়ালিতে ছিদ্র আবিষ্কারেই যেন মগ্ন—এমনই ভাবে সে উহা লক্ষ্য করিতেছিল।

“শোন, পেগটী! তুমি জান, তিনি একা থাকতে পারবেন না।”

অবশেষে পেগটী আমার দিকে মুখ তুলিয়া তাকাইয়া বলিল, “হা ভগবান! তুমি বুঝি তা জান না? মিসেস্ গ্রেপারের ওখানে তিনি দিন পনের থাকবেন, ঠিক হয়েছে। মিসেস্ গ্রেপারের বাড়ী অনেক লোকজন আসবে।”

তাই যদি হয়, তবে আমার যাইতে কোন আপত্তি নাই। আমি মাতার প্রত্যাবর্তন-প্রতীক্ষায় অধীরভাবে কাটাইতে লাগিলাম। মা মিসেস্ গ্রেপারের বাড়ীতেই আজ বেড়াইতে গিয়াছিলেন। মা আমিলে তাঁহাকে সব কথা বলিলাম। আমি ভাবিয়াছিলাম, তিনি কিছু বাধা দিবেন, বিস্মিত হইবেন। কিন্তু সেরূপ কোন লক্ষণ দেখা গেল না। সহজেই তিনি সম্মত হইলেন। সেই রাত্রিতেই সব কথা স্থির হইয়া গেল। একপক্ষকালের জন্ত আমার আহা-রাদির ব্যয় যাহা পড়িবে, মা দিতে রাজি হইলেন।

আমাদের যাত্রার দিন ঘনাইয়া আসিল। আমি আগ্রহাতিশয়ে সে দিনের প্রতীক্ষায় ছিলাম। পাছে যাত্রায় কোন বাধা পড়ে, এজন্য আমি অধীর হইয়া উঠিয়াছিলাম।

গাড়ীতে যাইবার কথা ছিল। প্রাতরাশের পর গাড়ী আসিয়া দাঁড়াইল। আমি তখন যাত্রার জন্ত অধীর হইয়া পড়িয়াছিলাম। প্রিয় গৃহ ছাড়িয়া যাইতেছি বলিয়া তখন অন্য কোনও প্রকার ভাব অনুভব করি নাই।

গাড়ীতে চড়িবার সময় মা আমাকে চুমার চুমার ডরাইয়া দিলেন। আমি কাঁদিয়া ফেলিলাম। মারও চোখে অশ্রুবিন্দু নামিয়া আসিল। তিনি আমাকে বুকে জড়াইয়া ধরিয়াছিলেন। আমার মনে হইল, তাঁহার বক্ষঃস্থল দ্রুত স্পন্দিত হইতেছে।

গাড়ী চলিতে আরম্ভ করিতেই মা আবার ছুটিয়া আসিয়া গাড়ী থামাইলেন এবং আমাকে আবার চুমা দিলেন। আমি ইহাতে আনন্দ অনুভব করিলাম।

দেখিলাম, মিঃ মর্ডষ্টোন পথে দাঁড়াইয়া। তিনি মার কাছে গিয়া অবিচলিত থাকিবার জন্ত বুঝাইতে লাগিলেন। আমি ভাবিলাম, তাঁহার এখানে আসিবার কি প্রয়োজন ছিল?

পেগটী অন্য দিকে চাহিয়াছিল। সে যে খুব ধূসী হইয়াছে, তাহা বুঝিলাম না। গাড়ীতে উঠিবার সময় হইতেই তাহার মুখের ভাব অপ্রসন্ন ছিল।

আমি অনেকক্ষণ ধরিয়া পেগটীর দিকে চাহিয়া রহিলাম। পরীর গল্লের বালকের স্মরণে যদি আমাকে হারাইয়া ফেলে, তাহা হইলে আমি তাহার বোতাম—জামা হইতে যাহা মাঝে মাঝে ছিঁড়িয়া পথে নিক্ষেপ হইতেছিল, লক্ষ্য করিয়াই আমি তাহাকে খুঁজিয়া পাইতে পারিব এমনই একটা স্বপ্নাবেশে আমি পেগটীর দিকে চাহিয়া রহিলাম।

### তৃতীয় পরিচ্ছেদ

গাড়ীর ঘোড়াটি অত্যন্ত মধুরগতিবিশিষ্ট। সে মাথা নত করিয়াই চলিতেছিল। চালকও ঘোড়াটির মত নত-মস্তকে গাড়ী হাঁকাইতেছিল। মাঝে মাঝে সে সম্মুখে চলিয়া পড়িতেছিল, তাহাতে বোধ হইল, সে না থাকিলেও গাড়ী আপনা হইতে ইয়ারমাউথে গিয়া পৌঁছাবে। লোকটা কথা বলিতেও নারাজ।

পেগটী এক বুড়ি খাবার তাহার জাহুর উপর লইয়া বসিয়াছিল। ঐ মধুরগতি গাড়ীতে আমরা যদি লণ্ডন পর্য্যন্ত যাইতাম, তাহা হইলে যে খাওয়া পেগটী সংগ্রহ করিয়াছিল, তাহাতে আমাদের চলিয়া যাইত—অভাব হইত না। আমরা পেট ভরিয়া খাইলাম, ঘুমাইলাম। পেগটী বুড়িটির হাতলের উপর চিবুক রাখিয়া ঘুমাইতেছিল। একবারও তাহার হাত বুড়ির হাতল হইতে লুপ্ত হয় নাই। আমি আগে জানিতাম না যে, কোনও নারী এমন ভাবে নাক ডাকাইয়া ঘুমাইতে পারে।

পথের অলি-গলির মধ্য দিয়া গাড়ী চলিতেছিল। কতবার যে নামা-উঠা করিতে হইয়াছিল, তাহা বলা যায় না। ইহাতে



আমি অত্যন্ত ক্লান্তি বোধ করিযাছিলাম। তার পর যখন ইয়ারমাউথ দূরে দেখা গেল, তখন আমার মনে আনন্দ হইল।

সহরের পথে অগ্রসর হইবামাত্র মাছের গন্ধ পাইলাম। নাবিকরা চারিদিকে ঘোরা-ফেরা করিতেছে দেখিলাম।

পেগটী সহসা চীৎকার করিয়া বলিল, “ঐ আমার হ্যাম্!”

সে আমাদের জন্ম প্রতীক্ষা করিতেছিল। সে আমাকে চিনিতে পারিল; কিন্তু আমি তাহাকে পূর্বে আমাদের বাড়ী দেখি নাই। কিন্তু সে আমার সম্বন্ধে সকল কথাই জানিত। হ্যাম আমাকে পৃষ্ঠদেশে বহন করিয়া বাড়ী লইয়া চলিল। সে ছয় ফুট দীর্ঘ, বলিষ্ঠ দেহ। কিন্তু তাহার মুখে শিশুর সারল্য।

আমাকে পৃষ্ঠদেশে এবং একটা বাল্ল কুম্বিগত করিয়া সে অগ্রসর হইল। পেগটী একটা ছোট বাল্ল নিজে লইয়া চলিল। কিছু দূর চলিবার পর হ্যাম বলিল, “মাষ্টার ডেভি, ঐ আমাদের বাড়ী।”

আমি চারিদিকে চাহিলাম, কিন্তু কোথাও কোনও বাড়ী দেখিতে পাইলাম না। শুধু দেখিলাম, অদূরে একটা কালো বড় নৌকা দেখা যাইতেছে। জমীর উপর উহা স্থাপিত। তাহার উপর একটা লোহার চিমনী, তন্মধ্য হইতে ধূম নির্গত হইতেছিল। ইহা ছাড়া বসতির কোন লক্ষণ দেখা গেল না।

“ঐ জাহাজের মত যেটা, ঐটে বাড়ী না কি?”

হ্যাম বলিল, “হাঁ, মাষ্টার ডেভি, ঐ আমাদের বাড়ী।”

আলাদীনের প্রাসাদ বা পাহাড়ের ডিঘ হইলেও আমি এত পুলকিত ও মুগ্ধ হইতাম না। এইখানে বাস করিতে হইবে, এই চিন্তাতেই উৎফুল্ল হইয়া উঠিলাম। পার্শ্বদেশে একটা দরজা। নৌকার উপর ছাদের মত ছাউনি। ছোট ছোট বাতায়নও অনেকগুলি দেখিলাম। সন্ধ্যাপেক্ষা আনন্দের কথা, এই বৃহৎ জাহাজের মত নৌকাখানি শত শতবার জলের উপর ভাসিয়াছে। নৌকাখানি যে ডাক্সার উপর কখনও থাকিবে, ইহা পূর্বে কেহ কল্পনা করে নাই। ইহাতেই আমার মন অভিভূত হইয়া পড়িল। নৌকাখানিকে যে বাসভবনে রূপান্তরিত করিতে পারা যায়, ইহা পূর্বে কেহ কল্পনা করিতে পারিয়াছিল কি?

ভিতরে চমৎকার পরিচ্ছন্নতা বিরাজিত। টেবল, বড় ঘড়ী, এবং একটা আলমারী ঘরের মধ্যে দেখিলাম। চা-র সরঞ্জাম এক ধারে সজ্জিত। ঘরের দেওয়ালে সব রকমের রঙ্গীন ছবি। বাইবেলের অনেক ঘটনা অবলম্বনে অনেক ছবি ফ্রেমে বাধাইয়া দেওয়ালে ঝুলাইয়া রাখা হইয়াছে।

পেগটী একটা ছোট দরজা খুলিয়া, আমি যেখানে শয়ন করিব, তাহা দেখাইল। উহাই আমার শয়নাগার। চমৎকার ঘর, কোন জিনিষেরই অভাব নাই। যেখানে দাঁড় থাকিত,

সেইখানে একটা জানালা বসাইয়া ঘরটিকে আলোকিত করিবার ব্যবস্থা হইয়াছে।

ঘরের প্রাচীর চূণকাম করা। একটা জিনিষ দেখি করিলাম, চারিদিকেই মাছের গন্ধ। আমি কুম্বিগত করিয়া যখন নাসিকায় স্থাপন করিলাম, তখন বোম্বা, কুম্বিগত ও গলদা চিংড়ির গন্ধ পাইতেছি। পেগটীকে এ কথা বলায় সে বলিল যে, তাহার ভ্রাতা গলদা চিংড়ি ব্যবসা করে। কাঁকড়া, গলদা চিংড়ি এবং ঐ জাতীয় কুম্বিগত প্রকার মৎস্য তাহার ব্যবসার অন্তর্গত।

খেতবস্ত্রপরিহিতা এক জন নারী আমাদেরকে অভ্যর্থনা করিল। তাহার পাশে একটা বালিকাকে দেখিলাম। মেয়েটি দেখিতে সুন্দরী। তাহার গলায় নীল স্ফটিকের মালা ছিল। তাহাকে চুম্বা দিতে গেলাম, কিন্তু সে পলায়ন করিল; কিছুতেই চুম্বা দিতে দিল না।

পেগটীর দাদা বাড়ীতে আসিল। তাহাকে নতুন দেখিলাম। লোকটি আমাকে খুব যত্ন করিল। পেগটী তাহার সহিত আমার পরিচয় করাইয়া দিল।

সে বলিল, “খোকাবাবু, তোমাকে পেয়ে বড় খুসী হলুম। আমরা তেমন মার্জিত নই, কিন্তু সর্বদাই আমরা প্রস্তুত।”

তাহাকে ধন্যবাদ দিয়া বলিলাম যে, আমি তাহাদের কাছে মনের আনন্দেই থাকিব।

মিঃ পেগটী বলিল, “তোমার মা কেমন আছেন? খুব সুস্থিতে তিনি আছেন, দেখে এসেছ?”

আমি মনগড়া হিসাবেই বলিলাম, মা খুব খুসী আছেন এবং তাহাদিগকে অভিনন্দন জানাইয়াছেন।

মিঃ পেগটী বলিল, “তঁার কাছে আমি খুব কৃতজ্ঞ। খোকাবাবু, তুমি যদি এক পক্ষকাল এখানে থাক, আমি, হ্যাম, ক্ষুদ্রে এমিলি আমরা সকলেই তোমাকে পেয়ে খুব গর্ব অনুভব করব।”

খানিক পরে বস্ত্র পরিবর্তন করিয়া গরম জলে প্রসাধন করিয়া বাড়ীর কর্তা ফিরিয়া আসিল। চা-পানের পর দরজা বন্ধ করিয়া দেওয়া হইল। অগ্নিকুণ্ডের ধারে আমরা পরম আরামে বসিলাম। সমুদ্রে বাতাসের বেগ বৃদ্ধি হইতেছে শোনা গেল। কুম্বিগতক্রমে চারিদিকে বিস্তৃত হইয়া পড়িতেছে। নৌকাবাড়ীর কাছে অল্প কোন বাসভবন নাই। ইহাতে একটা বিচিত্র কল্পনা মনে জাগিতে লাগিল। ছোট এমিলির লজ্জা ভাসিয়াছিল। সে আমার পাশেই বসিয়াছিল। মিসেস পেগটী অদূরে বসিয়া সীবন-যত্ন চালাইতেছিল। পেগটীও সূচ-সূতা লইয়া বসিয়াছিল। হ্যাম আমার পাশে বসিয়া তাস লইয়া খেলার কসরত দেখাইতেছিল। মিঃ পেগটী ধূমপান করিতে ব্যস্ত।

আমি বলিলাম, “মিঃ পেগটী।”

“কি বলছ!”

“তোমার ছেলের নাম হ্যাম দিলে কেন?”

মিঃ পেগটী কিছুক্ষণ চিন্তা করিয়া বলিল, “ওর নাম আমি দেইনি।”

জিজ্ঞাসা করিলাম, “তবে কে ঐ নাম দিলে?”

মিঃ পেগটী বলিল, “কেন, ওর বাপ ওর নাম রেখেছে।”

“আমি ভেবেছিলাম, তুমি ওর বাবা।”

মিঃ পেগটী বলিল, “আমার ভাই জো ওর বাবা ছিল।”

খানিক নীরব থাকিয়া বলিলাম, “তিনি নেই, মারা গেছেন?”

মিঃ পেগটী বলিল, “জলে ডুবে মারা গেছে।”

মিঃ পেগটী ছামের পিতা নহে শুনিয়া আমি ভারী বিস্মিত হইলাম। তখন ভাবিলাম, এখানকার আর আর সকলের সম্বন্ধে উহার আত্মীয়তা সম্বন্ধে আমি যে ধারণা করিয়াছি, তাহাও হয় ত সত্য নহে। আমার এমন কোতূহল হইয়াছিল যে, সব কথা জানিয়া লইবার জন্ত ব্যগ্র হইয়া উঠিলাম।

এমিলির দিকে চাহিয়া বলিলাম, “এমিলি তোমার মেয়ে ত?”

“না, খোকাবাবু, আমার ভগিনীপতি টম্ উহার বাবা।”

সবিস্ময়ে বলিয়া উঠিলাম, “তিনিও ম’রে গেছেন, মিঃ পেগটী?”

মিঃ পেগটী বলিল, “সেও সমুদ্রজলে ডুবে মরেছে।”

আমি বলিলাম, “তোমার নিজের কোন ছেলে-মেয়ে নেই, মিঃ পেগটী?”

বৃহৎস্ব করিয়া মিঃ পেগটী বলিল, “না, মাষ্টার! আমি চিবকুমার।”

“বিয়ে করনি! তবে উনি কে? মিঃ পেগটী?”

মিঃ পেগটী বলিল, “উনি মিসেস্ গমিজ।”

“গমিজ, মিঃ পেগটী?”

ঠিক এই সময় আমার ধাত্রী পেগটী আমার দিকে চাহিয়া ইঙ্গিতে বলিল, আমি যেন আর কোন প্রশ্ন না করি। আমি চুপ করিয়া রহিলাম। আর একটিও প্রশ্ন করিলাম না। যতক্ষণ শয়ন করিতে না গেলাম, চুপ করিয়াই বসিয়া রহিলাম। তার পর আমার শয়নকক্ষে গিয়া পেগটী বুঝাইয়া দিল, ছাম ও এমিলি উভয়েই শৈশবে পিতৃমাতৃহীন হয়। ছাম ভ্রাতৃপুত্র, এমিলি ভাগিনেয়ী। মিসেস্ গমিজ, মিঃ পেগটীর কোনও সহকর্মীর পত্নী। স্বামীর মৃত্যুর পর মিঃ পেগটী তাহার ভরণপোষণের ভার লইয়াছে। তাহার ভ্রাতা মিঃ পেগটী দরিদ্র হইলেও অত্যন্ত উদার এবং পরহুঃখকাতর। তাহার এই উদারতার কেহ প্রশংসা করিলে মিঃ পেগটী ক্ষেপিয়া যায়, এ কথাটাও পেগটী আমায় জানাইয়া রাখিল। নৌকাবাড়ীর অপর অংশেও ছোট ছোট ঘর ছিল। মেয়েরা তাহাতে শয়ন করিতে গেল। আমি শুইয়া শুইয়া বাতাসের গর্জন শুনিতে লাগিলাম। তার পর ঘুমাইয়া পড়িলাম।

প্রাতঃকালে গাত্রোথান করিলাম। রাত্রির ঝটিকার কোনও ক্ষতি হয় নাই। শয্যাভ্যাগ করিয়া বাহিরে আসিলাম। এমিলিও আসিল। উভয়ে সমুদ্রতটে গেলাম। নানাপ্রকার পাথরের ছুড়ি কুড়াইতে উভয়ে ব্যস্ত হইলাম।

এমিলিকে বলিলাম, “তুমিও বোধ হয় নাবিকের কাজ ভাল জান।” কথা কহিবার কিছু না পাইয়াই ঐ কথা তুলিয়া আলাপ জমাইতে গেলাম।

মাথা নাড়িয়া এমিলি বলিল, “না, সমুদ্র দেখলে আমার ভয় হয়।”

আমি নির্ভীকভাবে বলিলাম, “ভয় করে! আমার ত ভয় হয় না!”

এমিলি বলিল, “সমুদ্র বড় নিষ্ঠুর। আমাদের অনেক লোকের সর্বনাশ করেছে ঐ সমুদ্র। আমি দেখেছি, আমাদের বাড়ীর মত একটা বড় নৌকাকে সমুদ্র খণ্ড খণ্ড ক’রে ভেঙ্গে দিয়েছে।”

“আমি আশা করি, এখানা সে নৌকা নয়—”

এমিলি বলিল, “ঘাতে বাবা ডুবে মরেছিলেন? না, সেখানা নয়। আমি সে নৌকা দেখিনি।”

“তোমার বাবাকেও দেখনি?”

মাথা নাড়িয়া এমিলি বলিল, “আমার মনে পড়ে না।”

আমার সঙ্গে মিল আছে দেখিতেছি। তখন আমিও তাহাকে বলিলাম যে, আমার পিতাকে আমিও দেখি নাই। মার সঙ্গে কত আনন্দে আমার দিন কাটিয়াছে, সে কথা তাহাকে বলিলাম। সেই ভাবেই আমাদের জীবন কাটিবে, এই কথা তাহাকে বলিলাম। বাবার সমাধি আমাদের গির্জার মধ্যে আছে, গাছের ছায়া তাহার উপর পড়িয়াছে, পাখীর গান সেখানে শুনিতে পাওয়া যায়। তবে এমিলির সঙ্গে আমার পার্থক্য এই যে, সে তাহার মাতাকে পিতার পূর্বেই হারাইয়াছে। তাহার পিতার সমাধিক্ষেত্র কোথায়, তাহা সে জানে না। কেহ তাহা অবগত নহে। সমুদ্রের অতলস্পর্শ গর্ভে কোথাও তিনি সমাহিত হইয়াছেন।

এমিলি উপলব্ধি কুড়াইতে কুড়াইতে বলিল, “তা ছাড়া তোমার বাবা ভদ্রলোক, মা ভদ্রমহিলা। আমার বাবা এক জন জেলে, মা জেলের মেয়ে। জ্যেষ্ঠা ডান্ ও জেলে।”

আমি বলিলাম, “ডান্ বুঝি মিঃ পেগটী?”

“জ্যেষ্ঠা ডান্ ঐখানে” বলিয়া এমিলি নৌকাবাড়ী দেখাইয়া দিল।

“হাঁ, আমি তারই কথা বলছি। নৌকাটি বড় ভাল বলে মনে হয়।”

এমিলি বলিল, “ভাল? আমি যদি কখনও ভদ্রমহিলা হ’তে পারি, আমি আকাশ-রঙ্গের কোট, হীরের বোতাম, নানকিনের পাজামা, কাল মখমলের ওয়েষ্টকোট এবং ভাল টুপী কিনে দেব। সোণার খড়ী ও চেন থাকবে। রূপার

অনেক দূরে আমার থাকিতে হইবে। ঘর হইতে বাহির হইলাম। পূর্বের সব জিনিষ ঠিক আছে কি পরিবর্তন হইয়াছে, দেখিবার 'বসনা' হইল। অঙ্গনে ঘুরিয়া বেড়াইতে লাগিলাম। কুকুরের খালিঘরে দেখিলাম, একটি বড় কুকুর আসিয়াছে। তাঁহারই মত ভারী মুখ এবং কালো কেশ এই কুকুরের। আমাকে দেখিয়াই কুকুরটা ক্রুদ্ধ হইয়া উঠিল এবং আমার উপর ঝাঁপাইয়া পড়িবার উপক্রম করিল।

### চতুর্থ পরিচ্ছেদ

যে কক্ষে আমার শয্যা রচিত হইয়াছিল, যদি তাহার কথা কহিবার শক্তি থাকিত, তবে আজ আমি তাহাকে সাক্ষী মানিতাম, সে রাত্রিতে কিরূপ বিষাদক্ষুণ্ণ-মনে আমি সেই কক্ষে শয়ন করিতে গিয়াছিলাম। আমি যখন সোপানোপরি আরোহণ করিয়া উপরে উঠিতেছিলাম, তখন কুকুরটা ক্রমাগত চীৎকার করিতেছিল। এই অপরিচিত কক্ষমধ্যে আসিয়া আমি দেখানে বসিলাম। সঙ্গে সঙ্গে চিন্তাভারে আচ্ছন্ন হইয়া পড়িলাম।

নানা কথা ভাবিতেছিলাম—ক্রন্দনও চলিতেছিল। কেন কাঁদিতেছিলাম, তাহা আমি জানিতাম না। অবশেষে আমি বিচার করিয়া দেখিলাম যে, আমি ছোট এমিলির বিষম প্রেমে পড়িয়া গিয়াছি। তাহার নিকট হইতে আমাকে বিচ্ছিন্ন করিয়া আনা হইল। অথচ এখানে আমাকে কেহ চাহে না। হৃৎখে অভিভূত হইয়া কাঁদিতে কাঁদিতে ক্রমে আমি ঘুমাইয়া পড়িলাম।

কাহারও কথা আমার ঘুম ভাঙ্গিয়া গেল। “এই যে এখানে!” মা ও পেগটী আমার সন্ধানে আসিয়াছিলেন। তাঁহাদের মধ্যে এক জন আমার ঘুম ভাঙ্গাইয়াছিলেন।

মা বলিলেন, “ডেভি, কি হয়েছে?”

ভাবিলাম, মা এ কথা আমাকে জিজ্ঞাসা করিতেছেন কেন? ইহা ত বড়ই বিশ্বয়কর ব্যাপার। মুখে বলিলাম, “কৈ। কিছু না ত!” সঙ্গে সঙ্গে আমি উপুড় হইয়া পড়িলাম। পাছে আমার কম্পিত ওষ্ঠ মা দেখিতে পান। ইহাতে বোধ হয় তিনি প্রকৃত সত্যকে আবিষ্কার করিতে পারিলেন।

মা বলিলেন, “ডেভি, ডেভি, বাবা আমার!”

মার অল্প কোনও কথা আমাকে এতটা অভিভূত করিতে পারিত না। আমি বিছানার চাদরে আমার চোখের জল গোপন করিয়া, মাকে আমার নিকট হইতে হাত দিয়া দূরে সরাইয়া রাখিলাম। তিনি আমাকে টানিয়া তুলিবার চেষ্টা করিতেছিলেন।

মা বলিলেন, “পেগটী, এ তোমার কাজ। কি নিষ্ঠুর তুমি! এ কাজ তোমার, তাতে সন্দেহ নেই। আমি আশ্চর্য হইছি, আমার ছেলেকে আমার বিরুদ্ধে উত্তেজিত করে,

অথবা আমি মাকে ভালবাসি, তার বিরুদ্ধে উত্তেজিত করে, তোমার বিবেক খুসী হ'ল কি করে। এর অর্থ কি, পেগটী?”

বেচারী পেগটী তাহার বাহু উর্ধ্বে উৎক্লিষ্ট করিয়া, নয়ন-সুগল উপরে তুলিয়া ম্লান-কণ্ঠে বলিল, “ভগবান্ তোমাকে ক্ষমা করুন। মিসেস্ কপারফিল্ড। এইমাত্র যে কথা বললে, তার জন্য তুমি নিশ্চয় হুঃখিত হবে এক দিন।”

মা বলিয়া উঠিলেন, “যা দেখছি, তাতেই আমাকে অস্থির করে তুলেছে। আমার মধুচন্দ্রের সময়, আমার সাংঘাতিক শত্রুও এমন কাজ করতে কুণ্ঠিত হ'ত। আমার এ সময়ে একটু শান্তি ও সুখ পাই, তাতেও কেউ হস্তারক হয় না! ডেভি, ছুঁ ছেলে! পেগটী বুনো পশু! হায়! হায়! এ কি সাংঘাতিক জগৎ। একটু শান্তিও কি পাবার যো নেই!”

আমায় কেহ স্পর্শ করিল। বুঝিলাম, ঐ স্পর্শ পেগটী বা আমার মার নহে। মিঃ মর্ডেট্টোনের স্পর্শ বলিয়া বুঝিলাম। তিনি আমার হাত ধরিয়া রহিলেন।

শুনিলাম, তিনি বলিতেছেন, “ক্রারা! এসব কি? তুমি সব ভুলে গেলে? দৃঢ়তা অবলম্বন কর, প্রিয়তমে!”

মা বলিলেন, “এডওয়ার্ড, আমি বড়ই হুঃখিত হইছি। আমি খুব ভাল ব্যবহারই করতে চেয়েছিলাম, কিন্তু এমনই আমার বিধিলিপি!”

“সত্য কথা! এত শীঘ্র এ রকম হবে, ভাবা যায়নি, ক্রারা!”

মা বলিলেন, “এখনই এমনই আঘাত—বড় কঠোর আঘাত, নয় কি?” বলিয়া তিনি তাঁহাকে চুষন করিলেন। দেখিলাম, মা তাঁহার স্বল্পদেশে মাথা রাখিলেন। মার হাত উহার কণ্ঠলগ্ন হইল। আমি বুঝিলাম, ঐ লোকটি মাকে যেমন ভাবে ইচ্ছা, তেমনই ভাবে গড়িয়া তুলিবে।

মিঃ মর্ডেট্টোন বলিলেন, “প্রিয়তমে, তুমি নীচে মাথা ডেভিড ও আমি পরে নেমে আসছি।” পেগটীর দিকে অঙ্ককার মুখ ফিরাইয়া তিনি বলিলেন, “বন্ধু, তোমার মনিবের নাম তুমি জান না?”

মা তখন নীচে নামিয়া গিয়াছেন।

পেগটী বলিল, “উনি বহুদিন আমার মনিব; ওঁর নাম আমি অবশ্যই জানি।”

তিনি বলিলেন, “কথা ঠিক। কিন্তু আমি উপরে আসবার সময় শুনলাম, তুমি তাঁর যে নাম ধরে ডাকছিলে, সে নাম তাঁর নয়। উনি আমার পদবী গ্রহণ করেছেন, এ কথা তুমি জান। কথাটা মনে থাকবে কি?”

উত্তর না দিয়া, পেগটী একবার আমার দিকে চাহিয়া চলিয়া গেল। সেখানে আর তাহার থাকিবার প্রয়োজন নাই, ইহা সে বুঝিয়াছিল। আমরা দুই জন যখন ঘরের মধ্যে রহিলাম, তখন তিনি দরজা বন্ধ করিয়া দিলেন;



আমার দিকে একদৃষ্টে চাহিয়া রহিলেন। আমিও তাঁহার দিকে চাহিয়া রহিলাম। সে সময় আমার বুক দ্রুততালে স্পন্দিত হইতেছিল। সে শব্দ আমার কাণে আসিল।

ওষ্ঠে ওষ্ঠ চাপিয়া তিনি বলিলেন, “ডেভিড, যদি কোন বদমেজাজী ঘোড়া বা কুকুরকে বশ করতে হয়, আমি কি করি জান ?”

বলিলাম, “জানি না।”

“আমি তাকে প্রহার করি।”

আমার নিশ্বাস ঘন ঘন পড়িতে লাগিল।

“আমি তাকে আমার কথামত কাজ করিয়ে তবে ছাড়ি। যদি তাতে তার শরীরের সবটুকু রক্তপাত হয়, তাতেও আমি পাছু হঠি না। তোমার মুখে ও কিসের চিহ্ন ?”

বলিলাম, “ময়লা।”

তিনি জানিতেন, আমার আননে অশ্ৰুচিহ্ন রহিয়াছে; আমিও তাহা জানিতাম। কিন্তু বিশ্বাসও যদি তিনি ঐ প্রশ্ন করিতেন, প্রতিবারই যদি ঘৃষি চালাইতেন, তাহা হইলে, আমার শিশু-হৃদয় চূর্ণ হইলেও, আমি ঐ এক কথাই বলিতাম।

পশ্চীরভাবে বসিয়া তিনি বলিলেন, “তুমি ছোট ছেলে হলেও বেশ বুদ্ধি তোমার আছে। আমাকেও তুমি ভাল করে বুঝে ফেলেছ দেখছি। মুখ ধুয়ে ফেল, তার পর আমার সঙ্গে নীচে এস।”

সম্মুখেই মুখ ধুইবার ব্যবস্থা ছিল। তিনি আমাকে যে আদেশ করিলেন, যদি তাহা পালন না করি, তাহা হইলে বিন্দুমাত্র সন্দোহ না করিয়া তিনি আমায় তখনই মারিতে থাকিবেন, তাহা বুঝিলাম।

তাঁহার আদেশমত কাজ করিবার পর মিঃ মর্ডষ্টোন বৈঠকখানায় গিয়া বলিলেন, “প্রিয়তমে ক্লারা, এখন থেকে তুমি আর অশুখী হবে না। ব্যবস্থা আমি সবই ঠিক করে দেব।” তখনও আমার হাত মিঃ মর্ডষ্টোনের মুষ্টিমধ্যে আবদ্ধ ছিল।

একটা স্নেহপূর্ণ কথা যদি আমি সে দিন শুনিতে পাইতাম, আমার সমগ্র জীবন হয় ত পরিবর্তিত হইয়া যাইতে পারিত। বুঝিতে পারিতাম, আমি নিজ গৃহেই আসিয়াছি। যদি আদর-আপ্যায়নের সহিত সকলে আমাকে ‘মাপনার বলিয়া গ্রহণ করিত, তাহা হইলে আমি মিঃ মর্ডষ্টোনকে ঘৃণা না করিয়া শ্রদ্ধা করিতে পারিতাম। মা আমাকে সেই অবস্থায় দাঁড়াইয়া থাকিতে দেখিয়া জুঃখিত হইয়াছেন বুঝিলাম। আমি যখন নিঃশব্দে একখানা চেয়ারে গিয়া বসিলাম, মার দৃষ্টিও আমার অনুসরণ করিল। আমার পূর্ন-প্রফুল্লতার অভাব দেখিয়া মা যে বিশেষ বিষন্ন হইয়া পড়িলেন, তাহা বুঝিলাম। কিন্তু তিনি কোন কথাই বলিলেন না।

আমরা ৩ জন একসঙ্গে আহার করিলাম। মিঃ মর্ডষ্টোন দেখিলাম, মার জল্প তাঁহার দরদবোধ অত্যন্ত অধিক। মাও দেখিলাম, তাঁহার বিশেষ অনুরক্ত হইয়া পড়িয়াছেন। তাঁহাদের আলোচনা হইতে বুঝিতে পারিলাম যে, মিঃ মর্ডষ্টোনের একটি জ্যেষ্ঠা ভগিনী আছেন। আজই অপরাহ্নে তিনি এখানে আসিবেন এবং স্থায়িত্বাবে থাকিবেন। মিঃ মর্ডষ্টোনের পূর্নপুরুষের মদের ব্যবসায় আছে। লগুনে এই ব্যবসায়ের প্রধান কারখানা। মিঃ মর্ডষ্টোন উহা হইতে একটা নির্দিষ্ট টাকা পাইয়া থাকেন। তাঁহার ভগিনীরও একটা অংশ ঐ ব্যবসায়ে আছে।

আহারাদির পর আমি অগ্নিকুণ্ডের ধারে বসিয়াছিলাম। কেমন করিয়া পেগটার কাছে যাইব, এই চিন্তাই করিতে ছিলাম। বাড়ীর কর্তা অসন্তুষ্ট না হন, এমনভাবে পলায়ন করিতে হইবে। এমন সময় একটা গাড়ী আসিয়া থাকিল। কর্তা বাহিরে গেলেন। মাও তাঁহার সঙ্গে গেলেন। আমিও সঙ্গে চলিয়াছিলাম। এমন সময় মা আমাকে বুকে জড়াইয়া ধরিয়া কাণে কাণে বলিলেন যে, আমার নতন পিতার যেন আমি বাধ্য হই। গোপনে এবং তাড়াতাড়ি এই উপদেশ দিয়াই মা চলিয়া গেলেন, যেন কোন অদ্যায় কাজ করিয়া ফেলিয়াছেন।

মিস্ মর্ডষ্টোন আসিয়াছেন। তাঁহার আকৃতিতে প্রসন্নতার কোন ছাপ নাই। ভ্রাতার ঞ্চারই তিনি দেখিতে। গলার স্বরও ভ্রাতার অনুরূপ। মিস্ মর্ডষ্টোনের মত কোনও নারী আমি এ পর্যন্ত দেখি নাই।

বৈঠকখানা-ঘরে তাঁহাকে সমাদরে অভ্যর্থনা করিয়া আনা হইল। মার সঙ্গে তাঁহার পরিচয় হইল। তার পর আমার দিকে চাহিয়া তিনি বলিলেন, “বৌ, এটি কি তোমারই ছেলে ?”

মা স্বীকার করিলেন।

মিস্ মর্ডষ্টোন বলিলেন, “সাধারণতঃ ছেলে-মেয়ে আমি মোটেই দেখতে পারি না। খোকা, তুমি কেমন আছ ?”

এমন উৎসাহসূচক কথা শুনিয়াও আমি বলিলাম যে, আমি ভালই আছি। আশা করি, তিনিও ভাল আছেন। কথাটা এমন অনাসক্তভাবে বলিলাম যে, তিনি ছুই কথাতেই আমাকে শেষ করিয়া দিলেন—“শিষ্টাচার এখনও শেখনি।”

কথাটা সুস্পষ্টভাবে বলিয়াই তিনি নিজের শয়নগৃহ দেখিতে চাহিলেন। সেই মুহূর্ত্ত হইতে ঐ ঘর আমি সভয়ে এড়াইয়া চলিতাম।

চিরস্থায়ী বন্দোবস্ত করিয়াই মিস্ মর্ডষ্টোন এখানে বাস করিতে আসিয়াছিলেন। মাকে সাহায্য করাই প্রধান কাজ। ভাঁড়ার ঘর তিনি প্রথমেই দখল করিয়া লইলেন। পুরাতন ব্যবস্থার সব ওলটপালট হইয়া গেল। মিস্

মর্ডষ্টোনের ব্যবহারে একটা জিনিষ প্রকাশ পাইল যে, পরিচারিকার বাড়ীর কোথাও কোন পুরুষকে গোপনে লুকাইয়া রাখিয়াছে। এই অনুমানে নির্ভর করিয়া তিনি বাড়ীর সর্বত্র, মায় কয়লার ঘর পর্যন্ত অনুসন্ধান করিয়া বেড়াইলেন। একবার নহে, বহুবার, যখন তখন এই অনুসন্ধানকার্য চলিল।

মিস্ মর্ডষ্টোন খুব ভোরে শয্যা ত্যাগ করিতেন। উঠিয়াই তিনি অনির্দিষ্ট লোকের সন্ধানে চারিদিকে ঘুরিতেন। পেগটী বহিরা ফেলিল যে, ঘুমাইবার সময়ও মিসের এক চক্ষু খোলা থাকে। কিন্তু আমি তাহার সহিত এ বিষয়ে একমত হইতে পারি নাই।

এখানে আসিবার প্রথম দিন প্রভাতে তিনি ঘণ্টা বাজাইতে আরম্ভ করিলেন। তখনও উষার উদয় হয় নাই। মা অত ভোরেই প্রাতরাশে আসিলেন। মিস্ মর্ডষ্টোন মার চিবুকে একটা ঠোনা মারিয়া (চুমার পরিবর্তে বোধ হয়) বলিলেন, “প্রিয় ক্লারা, তোমার সব হাঙ্গামা ঘাড়ে নেবার জন্মই আমি এসেছি। তুমি যেমন সুন্দর, তেমনি পরিণাম-জ্ঞানহীনা--কাজেই আমাকে সব করতে হবে। তোমার চাবীর গোছা আমায় দাও, আমি সব জিনিষ দেখাশোনা করব।”

তদবধি মিস্ মর্ডষ্টোন বাড়ীর মালিক হইয়া উঠিলেন। মা আর কোন কাজে হাত দিতেন না।

মা কিন্তু খুব প্রসন্নভাবে এ ব্যাপারটা গ্রহণ করিলেন না। এক দিন মিস্ মর্ডষ্টোন ভ্রাতার সহিত পরামর্শ করিয়া গৃহস্থালীর কাজের কি পরিবর্তন করিলেন। মিস্ মর্ডষ্টোন তাহাতে সায় দিলেন। ইহাতে মা বলিয়া উঠিলেন যে, তাঁহার মত লওয়া উচিত ছিল।

মিস্ মর্ডষ্টোন কঠোর কণ্ঠে বলিলেন, “আমি তোমার ব্যবহারে বিস্মিত হচ্ছি।”

মা বলিলেন, “এডোয়ার্ড, তোমার পক্ষে কথা বলা খুবই সহজ। কিন্তু তোমার নিজেরও এটা ভাল না লাগবারই কথা। মুখে দৃঢ়তার কথা বলা খুব সহজ।”

ভ্রাতা ও ভগিনী উভয়েই দৃঢ়তার ভক্ত। আমি উহাকে অত্যাচার বলিয়াই মনে করিতাম। মিস্ মর্ডষ্টোন যাহা ধরিতেন, তাহাই করিতেন। তাঁহার কাছে সকলকেই নত হইতে হইবে।

মা বলিলেন, “আমার নিজের বাড়ীতে এ রকম সহ্য করা—”

মিস্ মর্ডষ্টোন বলিলেন, “নিজের বাড়ী! ক্লারা!”

“আমাদের নিজের বাড়ী। এই কথাই আমি বলতে চেয়েছি। আমি যা বলতে চেয়েছি, তা নিশ্চয় তুমি বুঝতে পেরেছ। বিয়ের আগে আমিই সব কাজ করেছি। প্রমাণ আছে, পেগটীকে জিজ্ঞাসা কর, আমি ভাল ভাবে সব কাজ চালাতাম কি না।”

মিস্ মর্ডষ্টোন বলিলেন, “এডোয়ার্ড, এ ব্যাপার এখানেই শেষ হোক। কাল সকালেই আমি চলে যাব।”

তাঁহার ভ্রাতা বলিলেন, “জেন্ মর্ডষ্টোন, চুপ কর! তুমি কি আমাকে চেন না, তাই এমন কথা বললে!”

মা অশ্রুসিক্ত নয়নে বলিলেন, “আমি কাকেও যেতে বলছি না। কেউ চলে গেলে আমি বড় দুঃখিত হব। আমি বেশী কিছু বলছি না—অন্যায়ও বলছি না। আমাকে কেহ সাহায্য করলে আমি তাঁর কাছে কৃতজ্ঞ থাকি। শুধু আমার সঙ্গে পরামর্শ ক’রে কাজ করা হবে, এই আমি চাই। এডোয়ার্ড, আমি অনভিজ্ঞা ব’লে তুমি আমাকে ঘৃণা করবে, এ আমার অসহ্য।”

মিস্ মর্ডষ্টোন বলিলেন, “এডোয়ার্ড, এ আলোচনা এখনই বন্ধ হোক। আমি কালই চলে যাব।”

বজ্রগর্জনে মিস্ মর্ডষ্টোন বলিলেন, “জেন্ মর্ডষ্টোন, তুমি চুপ করবে কি না! এত সাহস কেন তোমার?”

মিস্ মর্ডষ্টোন ক্রমাল বাহির করিয়া তাঁহার চোখের উপর ধরিলেন।

মার দিকে চাহিয়া মিস্ মর্ডষ্টোন বলিলেন, “ক্লারা, তুমি আমায় অবাঞ্ছিত করেছ! আমি অভিভূত হয়ে পড়েছি। হাঁ, আমি অনভিজ্ঞা, কলাকৌশলহীনা জেনেও খুসী হয়ে তোমাকে বিয়ে করেছি। তোমার চরিত্র সংশোধন ক’রে নেব, এই আমার ধারণা ছিল। দৃঢ়তা যাতে তোমার চরিত্রে আসে, তাও করাও ভেবেছিলাম। জেন্ মর্ডষ্টোন দয়া ক’রে আমাকে সাহায্য করবার জন্ম এখানে এলেন, আমার জন্মই এসেছেন, তার প্রতিদানে তোমার এ কি নীচতা—”

মা বলিয়া উঠিলেন, “থাম! থাম! আর বলো না! আমি অকৃতজ্ঞ, এ কথা বলো না। আমি নিশ্চয়ই অকৃতজ্ঞা নই। এ কথা আগে আমাকে কেউ বলতে পারে নি। অনেক দোষ হয় ত আমার আছে, তা ব’লে ওটা কেউ বলতে পারবে না।”

“আমার বোন যখন ঐ রকম নীচ প্রতিদান পেলেন, তখন আমার সমস্ত উৎসাহ শীতল হয়ে গেছে—মত বদলে গেছে।”

মা অত্যন্ত কাতরভাবে বলিলেন, “ও কথা বলো না! আমি সহ্য করতে পারছি না, এডোয়ার্ড! আমার স্নেহ আছে, আমার প্রাণে স্নেহ ভাল ক’রেই আছে। পেগটীকে জিজ্ঞাসা কর, সে বলবে, আমার স্নেহ আছে।”

“দুর্বলতা দেখলে আমি সহ্য করতে পারি না।”

মা বলিলেন, “ছেড়ে দাও, এস, আমরা মিলে-মিশে যাই। এ রকম ভাবে আমি থাকতে পারব না! এডোয়ার্ড, আমার দোষ আছে। তুমি আমাকে সংশোধন ক’রে নিও। জেন্, আমি তোমার কোন কাজে প্রতিবাদ করছি না। তুমি চলে গেলে আমার বুক ভেঙ্গে যাবে।”

উত্তেজনার আভির্ভাব্যে আর মা কথা বলিতে পারিলেন না।

মিস্ মর্ডষ্টোন বলিলেন, “জেন মর্ডষ্টোন, বা কথা হয়ে গেল, এস, সকলে ভুলে যাই। ছোট ছেলের সামনে এ দৃশ্য না ঘটলেই ভাল হ’ত। ডেভিড, তুমি শোও পে যাও।”

অশ্রুধারাসিক্ত নেত্রে আমি স্বরপথ খুঁজিয়া পাইতে ছিলাম না। মার হুঃখে আমার ভারী কষ্টবোধ হইতেছিল। যাহা হউক, কোনমতে আমি হাতড়াইয়া হাতড়াইয়া পথ করিয়া লইলাম। অন্ধকারে নিজের ঘরে গেলাম। এমন কি, পেগটার কাছে শুভরাত্রি পর্য্যন্ত জানাইতে পারিলাম না। এক ঘণ্টা পরে সে আমার সন্ধানে আসিয়া আমাকে জাগাইয়া দিল। সে বলিল যে, মা অত্যন্ত বিমর্ষ ভাবে শয়ন করিতে গিয়াছেন। মিস্ ও মিস্ মর্ডষ্টোন এখনও বসিয়া আছেন।

পরদিন প্রাতঃকালে বৈঠকখানা-ঘরে যাইতেই মার কষ্টস্বর শুনিলাম। তিনি মিস্ মর্ডষ্টোনের কাছে সাহুনেয় ক্রমা চাহিতেছেন। বুঝিলাম, উভয়ের মধ্যে মিটমাট হইয়া গিয়াছে। ইহার পর আমার মা কোনও বিষয়ে আর মতামত প্রকাশ করেন নাই। মিস্ মর্ডষ্টোনের যাহা অভিমত, তাঁহারও অভিমত সেইরূপই দেখিতে পাইলাম।

মিস্ মর্ডষ্টোন যাহা ধরিবেন, তাহাই করিবেন। কোনও মতে তাঁহার কথা টলিবে না। এ জগৎ অপরাধীর কঠোর শাস্তি অবশ্যপ্রাপ্য।

প্রতিবেশীরা মা ও আমার দিকে প্রায়ই তাকাইয়া থাকিত। তাহারা আমাদের পথে দেখিলে ফিস্ ফিস্ করিয়া আপনাদের মধ্যে কি যেন আলোচনা করিত। প্রতিবেশীরা অল্পদিনের মধ্যেই এই যুগল ভ্রাতা-ভগিনীকে পরিচয় পাইয়াছেন। মার সে সরল, লঘু, স্বচ্ছন্দ গতিবেগ আর ছিল না।

মাঝে মাঝে আমাকে বোর্ডিং-এ পাঠাইবার আলোচনা হইত। ভ্রাতা ও ভগিনীই এই কথা তুলিয়াছিলেন। মাও তাঁহাদের কথায় সন্মতি দিয়াছিলেন। তবে চূড়ান্ত মীমাংসা এখনও হয় নাই। আমি বাড়ীতেই লেখাপড়া করিতে ছিলাম।

মা নামে আমার পড়াইতে বসিতেন। আসলে মিস্ মর্ডষ্টোন এবং তাঁহার ভগিনীই উহার তত্ত্বাবধান করিতেন। ইহাতে আমাদের উভয়েরই জীবনে বিশ্বাস আসিয়া গিয়াছিল। আমি ও মা যখন ছিলাম, তখন লেখাপড়ায় আমার বিশেষ আগ্রহ ছিল। কিন্তু এখন আমার পড়াইতে মন বসিত না।

দ্বিতীয় বৈঠকখানায় আমি বই, খাতা ও প্লেট লইয়া সে দিন প্রবেশ করিলাম। মা ছিলেন, দুই ভ্রাতা ও ভগিনীও ছিলেন। এই দুই জনকে দেখিয়া আমার মাথার মধ্য হইতে অধীত পাঠাগুলি জ্বলাইয়া গেল।

একখানি বই মার হাতে দিলাম। তাকাতাড়ি বসিয়া যাইতেই একটা কথা আটকাইয়া গেল। মিস্ মর্ডষ্টোন আমার দিকে চাহিলেন। আর একটা কথা এড়াইয়া গেল। মিস্ মর্ডষ্টোন আমার দিকে চাহিলেন। হঠাৎ আমি আরক্ত আননে থামিয়া পড়িলাম। মা হয় ত আমাকে বইখানি দেখাইয়া আমার ভুল সংশোধন করিতেন। কিন্তু সাহস করিলেন না। তিনি বলিলেন, “ও ডেভি, ডেভি!”

মিস্ মর্ডষ্টোন বলিলেন, “ক্লারা, শব্দ হও। ডেভি ডেভি ক’রে আদর দিও না। ওটা ছেলেমানুষী। হয় ত পড়া করেনি, নয় ত পড়া করেছে।”

মিস্ মর্ডষ্টোন বসিয়া চলিলেন, “ওর পড়া মোটেই হয়নি।”

মা বলিলেন, “সত্যি ও পড়া করেনি।”

মিস্ মর্ডষ্টোন বলিলেন, “ক্লারা, বই ওর হাতে দেও, পড়া তৈরী করুক।”

মা বলিলেন, “হাঁ, তাই দেব। ডেভি, আবার বল, বোকার মত থেকে না।”

আমি পড়া-বলিতে লাগিলাম। কিন্তু আবার ভুল হইয়া গেল। খালি মনে পড়িতেছিল, মিস্ মর্ডষ্টোনের টুপী, মিস্ মর্ডষ্টোনের ড্রেসিং গাউন। আর সব পড়া জ্বলাইয়া যাইতে লাগিল। মিস্ মর্ডষ্টোন অধীর হইয়া উঠিয়াছিলেন বুঝিলাম। মিস্ মর্ডষ্টোনের অবস্থাও সেইরূপ দেখিলাম। মা বই রাখিয়া দিলেন। নূতন করিয়া ঐ পাঠ আবার অভ্যাস করিতে হইবে।


ক্রমেই পাঠের বাকী অংশ স্তূপীকৃত হইতে লাগিল। যতই পাঠ্য অংশ জমিতে লাগিল, ততই আমি বোকা বসিয়া যাইতে লাগিলাম। কূল-কিনারা কোন দিকে দেখিতে পাইলাম না।

পড়া বলিতে না পারিলে মিস্ মর্ডষ্টোন আসন ছাড়িয়া উঠিয়া আসিতেন, বই হাতে লইয়া আমার দিকে ছুড়ির মারিতেন। কাণ মলিয়া দিতেন। ঘাড় ধরিয়া ঘর হইতে বাহির করিয়া দিতেন।

পাঠ বলিতে পারিলেও নিস্তার ছিল না। তখনই একটা প্রকাণ্ড ষোগের অঙ্ক আমার উপর চাপাইয়া দেওয়া হইত। সে অঙ্ক কষিবার সামর্থ্য আমার হইত না।

আমার পড়াশুনা ভাসাই হইত, যদি যুগল মর্ডষ্টোন না থাকিত। কিন্তু দুই ভ্রাতা-ভগিনীর প্রভাব ঠিক গল্পের সর্প যুগলের মত। একই পাখীর উপর দুইটি ভীষণ সর্পের দৃষ্টি। পাখীর নড়িবার উপায় নাই। পড়া-বলিতে না পারিলেও, মিস্ মর্ডষ্টোন সকল সময়েই আমার উপর পাঠ্যের বোকা চাপাইয়া দিতেন। এক মুহূর্ত্ত আমাকে বিশ্রাম করিবার অবকাশ দিতে তিনি রাজি ছিলেন না।

হয় মাস ধরিয়া এইরূপ ব্যাপার চলিল। ইহাতে আমার প্রকৃতি পরিবর্তিত হইয়া গেল। কোনও বিষয়ে আমার





শুষ্টি ছিল না। মাতার নিকট হইতে প্রতিদিনই আমি দূরে সরিয়া যাইতে লাগিলাম। আমি জড়ভরত হইয়া যাইতাম। শুধু একটি কারণে হইতে পারি নাই।

শিতলের একটি কক্ষে কাবার কতকগুলি বই ছিল। সেই ঘরে আমি যাইতে পাইতাম। আমার শরনকক্ষের পার্শ্বেই সেই ঘর ছিল। সেই ঘরে অনেকগুলি চমৎকার গ্রন্থ ছিল। রডারিক্ ব্যান্ডম্, পেরিপ্রিমি প্রিক্ল, হাম্ফ্রি ক্লিংকার, টম্ জোন্স, দি ভিকার অব ওয়েকফিল্ড, ডন্ কুইক্সো, জিল ব্লাস্ এবং রবিনসন্ ক্রুশো। আমি ঐ গ্রন্থগুলির সহিত সঙ্গ করিতাম। উহারাই আমার কল্পনাশক্তিকে সজীব রাখিয়াছিল। আনবা-রজনী এবং দৈত্যের কাহিনী আমার কোন অনিষ্ট করে নাই! কি করিয়া তখন যে ঐ বইগুলি পড়িয়াছিলাম, তাহা আমার এখন মনে হয় না। এই গ্রন্থপাঠই আমার একমাত্র আনন্দের ব্যাপার ছিল।

একদিন সকালে আমি বৈঠকখানা-ঘরে বই লইয়া প্রবেশ করিয়া দেখিলাম, মা অত্যন্ত উৎকণ্ঠিত হইয়া পড়িয়াছেন! মিস্ মর্ডষ্টোন বেশ দৃঢ়ভাবযুক্ত। মিঃ মর্ডষ্টোন দেখিলাম, একটি বেত্রের প্রান্তদেশে কি যেন বাঁধিতেছেন। আমি ঘরে যাইবামাত্র তিনি বেতখানি লইয়া বাতাসে আফালন করিলেন।

মিঃ মর্ডষ্টোন বলিলেন, “ক্রারা, আমি নিজে অনেকবার বেত খাইয়াছি।”

মিস্ মর্ডষ্টোন বলিলেন, “সে কথা সত্য।”

মা মৃদুস্বরে বলিলেন, “ঠিক কথা প্রিয় জেন্, কিন্তু তাতে কি এডোয়ার্ডের কোন কল্যাণ হইবেছিল, বলতে পার ?”

গম্ভীরভাবে মিঃ মর্ডষ্টোন বলিলেন, “এডোয়ার্ডের তাতে কোন ক্ষতি হইবেছিল কি, ক্রারা ?”

ভগিনী বলিলেন, “সেইটেই বিচার্য বিষয়।”

মা বলিলেন, “তা ত ঠিক কথা।” এই পর্য্যন্ত বলিয়া তিনি আর কোন কথা বলিলেন না।

আমার মনে আশঙ্কা জন্মিল যে, এই আলোচনার সহিত আমার সংস্রব আছে। এক্ষণে মিঃ মর্ডষ্টোন আমার দিকে দৃষ্টিপাত করিতেই আমি তাঁহার চোখের দিকে চাহিলাম।

তিনি বলিলেন, “ডেভিড, শোন, আজ তুমি বেশ সাবধানে চল্বে।” বলিয়াই তিনি আর একবার চাবুক আফালন করিলেন। তার পর চাবুকটি পার্শ্বে রাখিয়া তিনি একখানি বই তুলিয়া লইয়া পড়িতে লাগিলেন।

ইহাতে ফল এই হইল যে, শুধু দুই একটা শব্দ বা ছত্র নহে, সমগ্র পাঠটি আমার মন হইতে বিলুপ্ত হইয়া গেল। আমি আজ ভাল করিয়াই পড়া তৈয়ার করিয়াছিলাম এবং ভাল পড়া বলিয়া সকলের প্রশংসাতাজন হইব, ইহা আশা করিয়াছিলাম। কিন্তু আরম্ভেই আমার সব গোল হইয়া গেল। প্রত্যেক পাঠ্য পুস্তক সম্বন্ধেই আমার ব্যর্থতা

স্বপ্নীকৃত হইতে লাগিল। মিস্ মর্ডষ্টোন গোড়া হইয়া আমার পড়া বলার দিকে লক্ষ্য রাখিয়াছিলেন। পাঠই আমি ভুলিয়া গেলাম। আমার অবস্থা দেখিয়া মা কাঁদিয়া ফেলিলেন।

মিস্ মর্ডষ্টোনের সতর্ক-বাণী শোনা গেল, “ক্রারা!”

মা বলিলেন, “আজ আমার শরীর-মন ভাল নেই, জেন্।”

মিঃ মর্ডষ্টোন গম্ভীরভাবে ভগিনীর দিকে চাহিয়া বেত্রহস্তে উঠিয়া দাঁড়াইলেন। গম্ভীরভাবে বলিলেন, “শোন জেন্, ক্রারার পক্ষে সহ করা সত্যই অসম্ভব। আজ ডেভিড যে ব্যবহার করেছে, তাতে আর সহ করা যায় না। ডেভিড, চল, তুমি ও আমি উপরে যাই।”

তিনি আমাকে লইয়া অগ্রসর হইতেই মা আমাদের দিকে ছুটিয়া আসিলেন। মিস্ মর্ডষ্টোন বলিলেন, “ক্রারা, তুমি বড় নিরোধ।” বলিয়াই তিনি পথরোধ করিয়া দাঁড়াইলেন! মা কর্ণে অঙ্গুলি প্রদান করিয়া কাঁদিতে লাগিলেন।

আমার ঘরে লইয়া গিয়া মিঃ মর্ডষ্টোন সহসা আমার ঘাড় বাঁকাইয়া ধরিলেন।

আমি কাঁদিয়া ফেলিয়া বলিলাম, “মিঃ মর্ডষ্টোন! আমায় মারবেন না! আমি পড়া তৈরী করতে চেষ্টা করছি, মশাই; কিন্তু আপনি ও মিস্ মর্ডষ্টোন সাম্নে থাকলে আমি পড়া ভুলে যাই। তখন বলতে পারি না।”

“তাই না কি, ডেভিড? আচ্ছা, এবার দেখা যাক।”

তিনি আমার ঘাড় জোরে চাপিয়া ধরিয়াছিলেন। কষ্টে ঘাড় ছাড়াইয়া লইলাম বলিয়া সহসা তিনি আঘাত করিতে পারিলেন না। আমি সান্নয়নে বলিলাম যে, তিনি যেন আমায় না মারেন। কিন্তু পরমুহূর্তে তিনি সবেগে আমার পৃষ্ঠে বেত্রাঘাত করিলেন। তিনি যে হাতে আমাকে ধরিয়া রাখিয়াছিলেন, আমি তাহা অকস্মাৎ দাঁতে চাপিয়া ধরিলাম এবং জোরে দংশন করিলাম।

তখন তিনি আমাকে নির্দয়ভাবে বেত্রাঘাত করিতে লাগিলেন। চীৎকার-গণ্ডগোলে আকৃষ্ট হইয়া মা ছুটিয়া আসিলেন, পেগটী আসিল। ইতিমধ্যে তিনি ঘরের মধ্যে আমাকে ফেলিয়া দিয়া দ্বার বন্ধ করিয়া দিলেন। আমি মাটিতে পড়িয়া যন্ত্রণায় চীৎকার করিতে লাগিলাম। রাগে আমি মেঝের উপর গড়াগড়ি দিতে লাগিলাম।

যখন শান্ত হইলাম, তখন বোধ হইল, সমগ্র অটালিকা যেন অস্বাভাবিক নীরবতায় ভরিয়া উঠিয়াছে। ক্রোধ থামিয়া গেলে বুঝিলাম, আমি কি অন্টার কাজই করিয়াছি।

আমি অনেকক্ষণ ধরিয়া কাণ পাতিয়া রহিলাম। কিন্তু কোনও শব্দ শুনিতে পাইলাম না। হামাগুড়ি দিয়া উঠিয়া দর্পণে নিজের চেহারা দেখিলাম। কি বিস্মী দেখিতে হইয়াছি! আমার শরীরে বেত্রাঘাত-চিহ্ন নির্দয়ভাবে

আমাকে পীড়া দিতে লাগিল। কিন্তু আমি দংশন করিয়াছি, এই অপরাধ আমার কাছে অত্যন্ত তীব্র হইয়া উঠিল, বেয়াঘাতের যন্ত্রণা তাঁহার কাছে কিছুই নহে।

ক্রমে অন্ধকার ঘনাইয়া উঠিতে লাগিল। বাতায়ন বন্ধ করিয়া দিলাম। মাঝে মাঝে আমি কাঁদিতেছিলাম, আবার চুপ করিয়া ভাবিতেছিলাম। এমন সময় দরজা খুলিয়া মিস্ মর্ডষ্টোন কিছু রুটী, মাংস ও দুগ্ধ লইয়া আসিলেন। কোন কথা না বলিয়াই তিনি টেবলের উপর ইহা রাখিয়া দিলেন। আমার দিকে অগ্নিপূর্ণ দৃষ্টি নিক্ষেপ করিয়া তিনি আবার দরজা বন্ধ করিয়া দিয়া চলিয়া গেলেন।

অন্ধকার গাঢ় হইবার পর আমি ভাবিলাম, আর কেহ আসিবে কি না। সে রাত্রিতে যখন আর কেহই আসিল না, তখন আমি বেশ বদলাইয়া শয্যায় শয়ন করিলাম। দৃষ্টি ভাবিতেছিলাম, উহার আশ্রয় লইয়া এবার কি করিবে? আমি কি কোন অবৈধ অপরাধ করিয়াছি? আমাকে কি জেলে দিবে? কাঁসী আমাকে দিবে না ত?

দুঃখভাবার পূর্বেই মিস্ মর্ডষ্টোন দরজা খুলিয়া ঘরে ঢুকিয়া আমায় বলিলেন যে, বাগানে আমি আধ ঘণ্টা বেড়াইয়া আসিতে পারি। তাহার বেশী নহে। এই বলিয়া দরজা খুলিয়া রাখিয়া তিনি চলিয়া গেলেন।

তাঁহার কথা মত কার্য্য করিলাম। যে কয় দিন বন্দী ছিলাম, এই ভাবেই বেড়াইতাম। যদি মাকে নির্জনে দেখিতে পাইতাম, তাঁহার পা ধরিয়া আমি ক্ষমা চাহিতাম। কিন্তু এক মিস্ মর্ডষ্টোন ছাড়া আমি আর কাহারও দেখা পাইতাম না। সন্ধ্যাকালে নিয়মিত প্রার্থনা করিবার সময়। মিস্ মর্ডষ্টোন আমাকে বৈঠকখানা-ঘরের বাহিরের দরজার কাছে লইয়া যাইতেন। আমি যেন ভীষণ দস্যু, এমনই ভাবে নজরবন্দী রাখিয়া আবার আমাকে ঘরে ফিরাইয়া আনিতেন। মা আমার নিকট হইতে যথাসাধ্য দূরে থাকিতেন, ইহা লক্ষ্য করিলাম। তাঁহার মুখ একবারও দেখিতে পাই নাই। মিস্ মর্ডষ্টোনের হাতে ব্যাণ্ডেজ বাঁধা হইয়াছিল, ইহাও দূর হইতে দেখিয়াছিলাম।

দীর্ঘ পাঁচ দিন এমনই ভাবে কাটিল। সে যে কি কষ্ট, তাহা বলিয়া বুঝান যায় না। শৈশবের এই দৃশ্য বৃদ্ধ হইয়াও মস্তুরের জন্ম বিস্মৃত হইতে পারি নাই।

নির্জন ঘরের মধ্যে বসিয়া বাহিরের শব্দ শুনিলাম। বর্গাকার, দরজা বন্ধ ও খোলার শব্দ, মনুষ্যকণ্ঠের গুঞ্জন, সোপানে পদশব্দ, সবই আমি কাণ পাতিয়া শুনিলাম।

রাত্রিকালে অবস্থা আরও শোচনীয় হইত। অনেক রাত্রি পর্য্যন্ত জাগিয়া থাকিয়া নানা প্রকার চিন্তা করিতাম। ঘুমাইয়া চুঃস্বপ্ন দেখিতাম। দিনের বেলা বাতায়নের কাছে গিয়া দাঁড়াইতে লজ্জা হইত, পাছে কেহ আমাকে দেখিয়া ফেলিবে। পাছে বাহিরের ছেলেরা ভাবে, আমি ঘরে বন্দী হইয়া রহিয়াছি।

নিজে একটা কথাও উচ্চারণ করিতাম না। শুধু যথা-সময়ে আহাৰ ও চুপ করিয়া পড়িয়া থাকা। ইহা যে কিরূপ কষ্টকর, তাহা ভুক্তভোগী ছাড়া কে বুঝিবে?

এক দিন বৈকালে বৃষ্টি আসিল। বৃষ্টি অবিশ্রান্ত চলিতে লাগিল। তার পর সন্ধ্যা ঘনাইয়া আসিল। আজও সে দিনের কথা সুস্পষ্ট মনে আছে।

আমার বন্দি-জীবনের শেষের রাত্রিতে সহসা আমার ঘুম ভাঙ্গিয়া গেল। কে যেন আমার নাম ধরিয়া অতি অস্ফুট স্বরে ডাকিতেছে। আমি শয্যায় বসিলাম। অন্ধকারে হাত বাড়াইয়া বলিলাম, “কে, পেগটী?”

তখনই কোনও উত্তর আসিল না। একটু পরেই আবার শুনিলাম, আমার নাম উচ্চারিত হইতেছে। স্বর এত রহস্যপূর্ণ এবং ভীতিব্যঞ্জক যে, ভয়ে আমার মূৰ্ছা হইত। কিন্তু বুঝিলাম, দরজার চাবীর ছিদ্রপথে স্বর আসিতেছে।

আমি অন্ধকারে হাতড়াইয়া দরজার কাছে আসিলাম। ছিদ্রপথে মুখ রাখিয়া অস্ফুট স্বরে বলিলাম, “পেগটী, তুমি কি আমার ডাকছ?”

সে বলিল, “হাঁ, ডেভি, আমার মাণিক ডেভি, আমি পেগটী। খুব আস্তে, নৈলে বেরাল জানতে পারবে।”

বুঝিলাম, পাছে মিস্ মর্ডষ্টোন জানিতে পারেন, তাই এত সতর্কতা। তাঁহার ঘর কাছেই।

বলিলাম, “পেগটী, মা কেমন আছেন? তিনি কি আমার উপর খুব রেগেছেন?”

বুঝিলাম, দরজার ও-পারে পেগটী কাঁদিতেছে। আমিও কাঁদিতে লাগিলাম। পেগটী বলিল, “না, তেমন রাগ করেন নি।”

“আমার সম্বন্ধে কি হবে, জান কি, পেগটী?”

পেগটী উত্তর দিল, “শুনে যাবে। লগুনের কাছেই।”

আমি তাহাকে আবার উচ্চারণ করিতে বলিলাম। কারণ, কথাটা যেন সে আমার গলার মধ্যেই ঢালিয়া দিয়াছিল। চাবীর ছিদ্রপথে মুখ রাখিয়া আমি কথা বলিতেছিলাম। এবার আমার কাণ ছিদ্রপথে সন্নিবিষ্ট করিলাম। পেগটী আবার কথাটার পুনরুক্তি করিল।

“আমি বলিলাম, “কবে, পেগটী?”

“কাল।”

“সেই জন্ম বুঝি মিস্ মর্ডষ্টোন আমার ড্রয়ার থেকে কাপড়-চোপড় নিয়ে গেল?”

আমি ভুলিয়া গিয়াছিলাম যে, আমার কাপড়-চোপড় বুড়ী লইয়া গিয়াছে।

পেগটী বলিল, “হাঁ!”

“মার সঙ্গে দেখা হবে না?”

পেগটী বলিল, “হবে, সকালবেলা।”

তার পর দরজার চাবীর ছিদ্রপথে মুখ লাগাইয়া পেগটী আবেগভরে বলিল, “প্রিয় ডেভি, তোমার সঙ্গে আগের মত

ব্যাভার করতে পারছি না। এখন আমার আচরণ দেখে ভেবো না, আমি তোমায় ভালবাসি না। আমার সাধের ডেভি, আগে যেমন ভালবাসতাম, এখন তার চেয়ে কম ভালবাসি না। আমার আচরণ যা দেখছে, সে তোমার ভালর জন্মেই করছি। আরও এক জন্মেও বটে। শুনু, ডেভি—শুনতে পাচ্ছ ?”

আমি ফোঁপাইতে ফোঁপাইতে বলিলাম, “হাঁ, পেগটী!”

অত্যন্ত বিচলিত-কণ্ঠে পেগটী বলিল, “আমার বাছা, ডেভি! আমি যা বলতে চাই, তা মনে রেখো। আমায় তুমি ভুলে যেয়ো না। আমি তোমায় কখনো ভুলবো না। ডেভি, তোমার মাকে আমি খুব যত্নই করবো। এমন দিন আসবে, যখন তোমার মা, এই পেগটীর হাতের উপরই মাথা রাখবে। আমি তোমাকে চিঠি লিখে জানাব। অবশ্য আমি ভাল লিখতে পড়তে জানিনে! তবু আমি—”

পেগটী দ্বারের ছিদ্রপথে চুম্বনসৃষ্টি করিতে লাগিল—যেন সে আমার গণ্ডে চুমা খাইতেছে।

আমি বলিলাম, “ধন্যবাদ! পেগটী, তোমাকে ধন্যবাদ! একটা শপথ কর আমার কাছে, পেগটী—করবে? তুমি মিঃ পেগটী, স্কুদে এমিলি, মিসেস্ গমিজ এবং হাম্কে চিঠি লিখে জানাবে যে, তারা আমায় যত খারাপ ছেলে মনে করেছে, আমি তা নই। তাদের আমি ভালবাসা দিচ্ছি, তাও জানিও। বিশেষ করে এমিলিকে। পেগটী, দয়া করে এ কাজটা করবে?”

পেগটী অঙ্গীকার করিল। তার পর উভয়েই দ্বারের উপর পরস্পরের জন্ম চুমা পাঠাইলাম। সেই রাত্রি হইতে পেগটীর জন্ম আমার মন ভরিয়া উঠিল—সে যে কি ভাব, তাহা আমি বলিয়া বুঝাইতে পারিব না। সে আমার মায়ের স্থান অধিকার করিতে পারে নাই—তাহা কাহারও পক্ষে সম্ভবপর নহে। কিন্তু আমার হৃদয়ের শূন্যস্থানে পেগটী একটা বিশিষ্ট আসন অধিকার করিয়াছিল। এমন ভাব আমি অণু কোনও মানুষের জন্ম অনুভব করি নাই। তাহার যদি মৃত্যু হইত, তবে আমি তাহার জন্ম কি করিতাম, তাহা ভাবিয়া আমি স্থির করিতে পারি না।

সকালবেলা মিস্ মর্ডষ্টোন প্রতিদিনের মত আসিলেন এবং আমায় জানাইলেন যে, আমাকে স্কুলে যাইতে হইবে। তিনি ভাবিয়াছিলেন, এ সংবাদে আমি অত্যন্ত বিস্মিত হইব, কিন্তু আমি তাহা হইলাম না। তিনি আরও বলিয়া দিলেন যে, বেশভূষা করা হইলে, আমাকে নীচে বৈঠকখানা ঘরে গিয়া প্রাতরাশ সম্পন্ন করিতে হইবে।

আমি তদনুসারে নীচে নামিয়া গেলাম। তথায় আমার মাকে দেখিলাম। তাহার মুখ অত্যন্ত বিবর্ণ, চক্ষু আরক্ত। মার কোলে ঝাঁপাইয়া পড়িয়া তাহার কাছে ক্ষমা চাহিলাম।

তিনি বলিলেন, “ডেভি, আমি যাকে ভালবাসি, তেমন লোককে তুমি আঘাত করতে পার, এ আমি কখনো

ভাবিনি। এখন থেকে ভাল হ’তে চেষ্টা করো। আমি তোমায় ক্ষমা করেছি। কিন্তু আমি মনে এত ব্যথা পেয়েছি, ডেভি! তোমার মাথায় এমন বদ রাগ জমা করা দিল, তা আমি জানতাম না।”

তাহারা মাকে বুঝাইয়াছে যে, আমি অতি বদ ছেলে। সে জন্মেই মার মনে দুঃখ বেশী হইয়াছে। আমি চলিয়া যাইতেছি, সে জন্ম তাহার দুঃখ তত নাই। একথাটা মনে হইতেই আমার মনে কাঁটা খচখচ করিতে লাগিল। আমি প্রাতরাশে বসিয়া বিদায়-ভোজ চেষ্টা করিয়া খাইতে লাগিলাম। কিন্তু অশ্রদ্ধারা গড়াইয়া পড়িয়া কাঁটা ও মাখনকে ভিজাইয়া দিল। চোখের জল চাঁর পাত্রেও পড়িতে লাগিল। দেখিলাম, মা মাঝে মাঝে আমার দিকে চাহিতেছেন, আবার মিস্ মর্ডষ্টোনের দিকেও তাকাইতেছেন। মিস্ মর্ডষ্টোন তীক্ষ্ণ দৃষ্টিপাত করিতেছে দেখিয়া মা তাহার দৃষ্টি ফিরাইয়া লইলেন।

ফটকের কাছে গাড়ীর শব্দ হইতেই মিস্ মর্ডষ্টোন বলিয়া উঠিলেন, “মাষ্টার কপারফিন্ডের বাস ঐখানে আছে।”

আমি পেগটীর জন্ম চারিদিকে চাহিলাম। কিন্তু তাহাকে দেখিতে পাইলাম না। মিঃ মর্ডষ্টোনকেও দেখিলাম না। দরজার কাছে আমার পূর্বপরিচিত শকটচালককে দেখিলাম। সে বাস তুলিয়া লইয়া চলিয়া গেল।

মিস্ মর্ডষ্টোনের সতর্ক-কণ্ঠে ধ্বনিয়া উঠিল, “ক্লারা!”

মা বলিলেন, “আমি প্রস্তুত, জেনু। ডেভি, বিদায়। তোমার ভালর জন্ম তুমি যাচ্ছ। এস, বাছা! ছুটির সময় বাড়ী আসবে। তখন তুমি ভাল ছেলে হয়েই ফিরবে।”

মিস্ মর্ডষ্টোন আবার বলিয়া উঠিলেন, “ক্লারা!”

মা আমাকে বাহুপাশে তখনও বাঁধিয়া রাখিয়াছিলেন। তিনি বলিলেন, “এই যে, ডিয়ার জেনু। বাবা আমার, তোমাকে আমি ক্ষমা করেছি। ভগবান তোমার মঙ্গল করবেন।”

আবার মিস্ মর্ডষ্টোন বলিয়া উঠিলেন, “ক্লারা!”

মিস্ মর্ডষ্টোন গাড়ীর কাছে আমাকে লইয়া গেলেন। পথে বলিতে বলিতে চলিলেন, যদি আমার অমঙ্গল না চাই, তাহা হইলে আমি যেন অনুতপ্ত হই। তার পর গাড়ীতে চড়িয়া বসিলাম। মন্থরগতিতে গাড়ী চলিতে লাগিল।

### পঞ্চম পরিচ্ছেদ

প্রায় আধ মাইল গাড়ী চলিয়া গিয়াছে, ইতিমধ্যে আমার ক্রমাল ভিজিয়া উঠিয়াছিল। এমন সময় গাড়ী থামিল।

কেন থামিল, দেখিবার জন্ম চাহিতেই দেখিলাম, সন্নিহিত একটা ঝোপের পাশ হইতে পেগটী দ্রুতপদে গাড়ীতে উঠিল। তাহার উভয় বাহুর মধ্যে সে আমাকে টানিয়া



লইল। সে এমন ভাবে চাপিয়া ধরিল, যেন আমার নিশ্বাস বন্ধ হইয়া আসিল। পেগটী একটিমাত্র কথাও বলিল না। তার পর এক হাত খুলিয়া লইয়া সে তাহার জামার পকেটে স্থাপন করিল। কতকগুলি পিঠা পকেট হইতে বাহির করিয়া সে আমার পকেটে ভরিয়া দিল। তার পর একটি মুদ্রাদারও আমার পকেটে রাখিয়া দিল। সে কিন্তু মুখে একটা কথাও বলিল না। তার পর আবার আমাকে বুকে চাপিয়া ধরিয়া সে গাড়ী হইতে নামিয়া গেল। তাহার পোষাকের একটি বোতামও বোধ হয় অবশিষ্ট ছিল না। কারণ, আমি অনেকগুলি গাড়ীর মধ্যেই কুড়াইয়া পাইলাম। বহুদিন পর্যন্ত সে বোতামগুলি আমি স্মরণচিহ্নস্বরূপ রাখিয়া দিয়াছিলাম।

শকটচালক আমার দিকে চাহিল। যেন তাহার মনে এই প্রশ্ন জাগিয়া উঠিয়াছে যে, পেগটী আবার ফিরিয়া আসিবে কি না। আমি মাথা নাড়িয়া বলিলাম যে, সে আর আসিবে না। গাড়োয়ান তখন ঘোড়ার পিঠে চাবুক মারিয়া বলিল, “হেট, চল্।”

অনেক কাঁদিবার পর ভাবিলাম, কাঁদিয়া কোন লাভ নাই। রডরিক্ র্যাণডক্, রয়াল ব্রিটিশ নেভীর ক্যাপ্টেন কেহই এমন অবস্থায় কাঁদেন নাই। শকটচালক আমার মনের অবস্থা বুঝিয়া আমাকে আর্জ রুমালখানি ঘোড়ার পিঠে গুকাইবার জ্ঞান বলিল। আমি তাহাকে ধন্যবাদ দিয়া রুমাল দিলাম।

আমি তার পর আমার মুদ্রাদার খুলিয়া দেখিতে লাগিলাম। শক্ত চামড়ার আধার! উহার মধ্যে তিনখানি চকচকে শিলিং মুদ্রা দেখিলাম। কাগজের একটি মোড়ক খুলিয়া ছইখানি আধা গিনিও পাইলাম। কাগজে আমার মার হাতের লেখা—“ডেভিকে আমার স্নেহাশীর্ষাদ সহ দিলাম।” ইহাতে আমি এমন অভিভূত হইয়া পড়িলাম যে, গাড়োয়ানকে আমার রুমালখানি দিবার জ্ঞান বলিলাম। কিন্তু সে উহা আমাকে দিল না। আমি জামার হাতায় চক্ষু মুছিয়া আবার ধৈর্য্য ধারণ করিলাম।

কিছু দূর যাইবার পর আমি শকটচালককে জিজ্ঞাসা করিলাম, সারা পথই কি সে আমাকে লইয়া যাইবে?

সে প্রশ্ন করিল, “কোথায়?”

আমি বলিলাম, “সেখানে?”

সে “নবায় জিজ্ঞাসা করিল, “সেখানে, কোন্খানে?”

আমি বলিলাম, “লণ্ডন পর্য্যন্ত?”

অশ্ববল্লা আকর্ষণ করিয়া সে বলিল, “অর্ধেক পথ যেতে হলেই ঘোড়াটা ম’রে কাঠ হয়ে যাবে।”

আমি বলিলাম, “তবে কি ইন্নারমাউণ্ পর্য্যন্ত যাবে না কি?”

সে বলিল, “তাই বটে। সেখানে গিয়ে ডাকগাড়ীতে আমি তোমায় তুলে দেব। তার পর তুমি যেখানে যেতে চাও সেখানে যাবে।”

শকটচালকের নাম মিঃ বার্কিস্। লোকটা বেশী গল্পবাজ নহে। আমি তাহার দৃষ্টি আকর্ষণের জ্ঞান একখানি কেব্ তাহাকে দিলাম। সে একগ্রাসে তাহা খাইয়া ফেলিল। হস্তী যেমন অনেকটা খাওয়া একগ্রাসে গিলিয়া ফেলে, তেমনই ভাবে লোকটা উহা খাইয়া ফেলিল, অথচ তাহার বিরাট মুখমণ্ডলে কোনও পরিবর্তন দেখা গেল না।

জানুর উপর হাত রাখিয়া মিঃ বার্কিস্ জিজ্ঞাসা করিল, “এই পিঠা কি উনি নিজে করেছেন?”

আমি বলিলাম, “তুমি পেগটীর কথা বলছ?”

“হাঁ, তাঁর কথাই জিজ্ঞাসা করছি।”

“পেগটীই আমাদের বাড়ীর সব খাবার তৈরী করে।”

মিঃ বার্কিস্ বলিল, “তাই না কি? উনিই সব করেন?”

মনে হইল, লোকটা যেন শিস্ দিতে উত্তত হইয়াছে, কিন্তু সে শিস্ দিল না। সে ঘোড়ার কর্ণ-যুগলের দিকে চাহিয়া বসিয়া রহিল। মনে হইতেছিল, উহাতে সে যেন নূতনত্বের আবিষ্কার করিয়াছে। এইভাবে সে অনেকক্ষণ বসিয়া রহিল। তার পর বলিল, “বোধ হয় মিষ্ট হৃদয় নেই?”

আমি ভাবিলাম, সে বুঝি আরও মিষ্ট চাহিতেছে। কারণ, তাহার কথাটা “সুইট হার্টস্” (মিষ্ট হৃদয়) কথার মানে আমি জানিতাম না। বলিলাম, “মিঃ বার্কিস্, মিষ্টানের (সুইট মিট্) কথা বলছ?”

মিঃ বার্কিস্ বলিল, “হার্টস্—হৃদয়। কেউ তাঁর সঙ্গে বেড়ায় কি না!”

“পেগটীর সঙ্গে?”

“হাঁ, তাঁর কথাই বলছি।”

“না, না, তার কেউ মিষ্টহৃদয় নেই।”

“তাই না কি!”

মিঃ বার্কিস্ আবার শিস্ দিবার উপক্রম করিল, কিন্তু শব্দ বাহির হইল না। শুধু ঘোড়ার কাণের দিকেই চাহিয়া রহিল।

অনেকক্ষণ চিন্তার পর মিঃ বার্কিস্ বলিল, “তা হ’লে তিনি সব রকম পিঠে তৈরী করেন—রাগ্নার কাজ সবই তাঁর?”

আমি বলিলাম যে, সে কথা সত্য।

মিঃ বার্কিস্ বলিল, “বেশ! তুমি বোধ হয় তাঁকে পত্র লিখবে?”

বলিলাম, “নিশ্চয় লিখবো।”

সে আমার দিকে দৃষ্টি ফিরাইয়া বলিল, “বেশ! তুমি যদি তাঁকে চিঠি লেখ, মনে ক’রে লিখে দিও যে, বার্কিস্ রাজি আছে। লিখবে ত?”

আমি বলিলাম, “হাঁ, লিখে দেব যে, বার্কিস্ রাজি আছে। আর কিছু লিখতে হবে না ত?”

“হাঁ—হাঁ, বার্কিস্ রাজি আছে।”

আমি বহুদূরে চলিয়া যাইব, তাই সংসা সে কথা মনে করিয়া বলিলাম, “কিন্তু তুমি ত ব্রন্ডারষ্টোনে কালই ফিরে



ধাবে, বার্কিস্? তুমি'ত নিজেই সে খবরটা তাকে জানাতে পার। তাতে ভালই হবে।”

কিন্তু সে আমার প্রস্তাবে কর্ণপাত না করিয়া শুধু বার-কয়েক আবৃত্তি করিল, “বার্কিস্ রাজি আছে। কথাটা তুমিই লিখে দিও।”

অগত্যা আমি রাজি হইলাম।

ইয়ারমাউথে গাড়ী পৌঁছিলে, হোটেলে আমি ডাকগাড়ীর জন্ত প্রতীক্ষা করিতে লাগিলাম। সে দিন বৈকালে একখণ্ড কাগজ সংগ্রহ করিয়া আমি পেগটীকে লিখিলাম—

“প্রিয় পেগটী, আমি এখানে নিরাপদে পৌঁছিয়াছি। বার্কিস্ রাজি আছে। মাকে ভালবাসা দিও। তোমার স্নেহমুগ্ধ কপারকিল্ড। পুনশ্চ—সে বলিয়াছে যে, সে তোমাকে এ কথা জানাইতে চাহে যে—বার্কিস্ রাজি আছে।”

ইয়ারমাউথে পেগটীর আত্মীয়-স্বজনের সঙ্গে আমার দেখা হইতে পারে ভাবিয়াছিলাম। লণ্ডনগামী গাড়ীখানা হোটেলের প্রাঙ্গণে অবস্থান করিতেছিল। আমি বসিয়া বসিয়া ভাবিতেছি, এমন সময় একজন মহিলা বাহিরে আসিয়া বলিলেন, “লনডারষ্টোন থেকে, খোকা, তুমি এসেছ?”

বলিলাম, “হাঁ, ম্যাডাম।”

মহিলাটি বলিলেন, “তোমার নামটা কি?”

আমি বলিলাম, “কপারকিল্ড, ম্যাডাম।”

মহিলাটি বলিলেন, “ও নাম ত নয়। ঐ নামে কারও খাবার ব্যবস্থা এখানে করা হয় নি।”

আমি বলিলাম, “ম্যাডাম, তবে কি মর্ডষ্টোনের নামে করা হইয়াছে?”

মহিলাটি বলিলেন, “তুমি যদি মাষ্টার মর্ডষ্টোনই, তবে প্রথমে অল্প নাম বলছিলে কেন?”

আমি তাঁহাকে সকল কথা খুলিয়া বলিলাম। তিনি তখন ঘণ্টা বাজাইলেন। চাকর আসিলে তিনি বলিলেন, “উইলিয়ম্, কফি-ঘরে নিয়ে যাও।”

সে তাড়াতাড়ি আসিয়া যখন দেখিল, আমি এক জন বালক, তখন সে বিস্মিত হইল।

কফিপানের ঘরটি খুবই বড়। বড় বড় মানচিত্রে প্রাচীর পূর্ণ। আমি একটি আসনে উপবেশন করিলাম। পরিচারক আমার সম্মুখস্থ টেবলে চপ্, শাকসবজী-সিদ্ধ রাখিল।

অল্পকালের মধ্যে পরিচারক উইলিয়মের সহিত আমার ভাব হইয়া গেল। সে বলিল, “কাল এক জন মোটা লোক এখানে এসেছিলেন। তাঁর নাম টপ্‌সেয়ার। তুমি তাঁকে চেন?”

বলিলাম, “না, আমি ত চিনি না।”

পরিচারক বলিল, “তিনি কাল এসেছিলেন। মদ খেতে খেতে তিনি অজ্ঞান হয়ে পড়েন। পরে মারা যান।”

সে আমার টেবলের উপর মদ রাখিয়াছিল। এই লোকটির কাহিনী শুনিবার পর আমার ভয় হইল। তাহাকে সুরার পরিবর্তে জল দিবার জন্ত অনুরোধ করিলাম।

সে বলিল, “আমাদের এখানে নিয়ম এই, কোন খাবার জিনিষ ফরমাস্ করার পর তা ফেলে রাখলে কর্তারা চ'টে যান। বেশ, তুমি যদি মদ না খাও, এটা আমিই খেয়ে ফেলছি। এতে আমার খুব অভ্যাস আছে। কোন অনিষ্ট হবে না।”

আমি তাহাকে উহা পান করিবার জন্ত অনুরোধ দিলাম। ভাবিয়াছিলাম, মদ খাইয়া লোকটা না মারা পড়ে। কিন্তু দেখিলাম যে, চক্ চক্ করিয়া সমস্ত সুরাটা গলাধঃকরণ করিয়া লোকট সোজা হইয়াই রহিল, বরং তাহাকে প্রকৃত্তর দেখাইতে লাগিল।

আমার ডিসে তখন অনেক চপ্ ছিল। লোকটা বলিল, “এটা চপ্ ত? মদ খাবার পর চপ্ খেলেই মদের দোষটা কেটে যায়। খাব?”

আমি বলিলাম, “অনায়াসে।”

সে একখানা চপ্ ও একটা আলু পরিতোষসহকারে ভোগ লাগাইল। সেটা শেষ হইলে, আর একটা। তার পর আরও একটা। আমি খুসীমনে তাহার আহার দেখিতে লাগিলাম।

লোকটা তার পর পুডিং লইয়া আসিল। আমাকে খাইতে দেখিয়া সে বলিল, “কিসের পুডিং?”

তার পর সে মুখ নীচু করিয়া উহা দেখিতে লাগিল।

“ছানার পুডিং? বটে?” বলিয়া সে এক চামচ পুডিং মুখে ফেলিয়া বলিল, “এই পুডিংই আমার বড় প্রিয়।” বলিয়াই সে বলিল, “আচ্ছা দেখা যাক, কার আগে শেষ হয়।”

সে বড় চাম্চে করিয়া এক-একবারে অনেকটা তুলিয়া লইতেছিল। তাহার সঙ্গে আমি পারিব কেন? পুডিং খাইয়া কেহ যে এত খুসী হইতে পারে, ইহা আমি পূর্বে দেখি নাই।

আহার-শেষে সে আমাকে জিজ্ঞাসা করিল যে, আমি কোথায় যাইতেছি?

বলিলাম, “লণ্ডনের কাছে।”

সে বলিল, “তাই না কি? কথাটা শুনে কিন্তু খুসী হলাম না।”

জিজ্ঞাসা করিলাম, “কেন?”

সে বলিল, “ঐখানটার খুব ছর্নাম আছে। একটি ছেলের বুকের পাঁজরা ওখানে ভেঙ্গে দিয়াছিল। আচ্ছা, তোমার বয়স কত বল ত?”

বলিলাম যে, আমার বয়স আট নয় হইতে পারে।

সে বলিল, “হাঁ, ঠিক ঐ বয়সেরই ছেলে ছিল। ছেলেটার আট বছর ছ'মাস বয়সে তার প্রথম পাঁজরা

ভাঙ্গে। আট বছর আট মাস বয়সে দ্বিতীয় পাঁজরা ভেঙ্গে যায়।”

তাহার এই বর্ণনা শুনিয়া আমি উদ্ভিগ্ন হইলাম।

এমন সময় ডাকগাড়ীর শৃঙ্গনাদ শুনিলাম। আমার মুদ্রাধার বাহির করিয়া জিজ্ঞাসা করিলাম যে, আমাকে কিছু দিতে হইবে কি না।

সে বলিল, “একখানা চিঠির কাগজের দাম বাকি। তুমি কি চিঠির কাগজ কিনেছ?”

আমার শুখন মনে পড়িল, আমি পেগটীকে যে চিঠি লিখিয়াছিলাম, তাহারই দাম চাহিতেছে। লোকটা নিজেই আমাকে উহা আনিয়া দিয়াছিল। যাহা হউক, একখানি চিঠির কাগজের দাম তিন পেনী শুনিলাম।

লোকটা বলিল, “শুধু দিতে হয় কি না, তাই চিঠির কাগজের দাম ঐ রকম। তবে তোমাকে যে কালি এনে দিবেছি, সেটার দাম আর দিতে হবে না। ওটা আমারই লোকসান।”

আমি বলিলাম, “তা তোমাকে কত দিতে হবে বল ত?”

সে অনেক ভণিতা করিল, অনেক রকম কথা বলিল। শেষে বলিয়া উঠিল, “আমি এক পয়সা নিতাম না, যদি ভাল জায়গায় থাকতে পেতাম বা এখানকার কর্তারা আমার সঙ্গে ভাল ব্যবহার করতেন। কিন্তু আমাকে খেতেও দেয় না, আর কয়লার ওপর শুয়ে থাকতে হয়।” বলিতে বলিতে লোকটা কাঁদিয়া ফেলিল।

আমার অত্যন্ত দুঃখবোধ হইল। তাই আমার তিনটি শিলিং মুদ্রা হইতে একটি লইয়া তাহাকে প্রদান করিলাম। সে অত্যন্ত নম্রভাবে এবং শ্রদ্ধাসহকারে উহা গ্রহণ করিল।

আমি যখন গাড়ীতে উঠিতেছিলাম, তখন গৃহকর্ত্রী শকটচালককে যে কথা বলিলেন, তাহাতে আমার সত্যই লজ্জাবোধ হইল। সমস্ত খাবার আমি খাইয়া ফেলিয়াছি, পাতে এক টুকরাও পড়িয়াছিল না, এই কথাটা রটিয়া গিয়াছিল। গৃহকর্ত্রী বলিলেন, “জর্জ, ছেলোটর দিকে একটু নজর রেখ, ওর পেট ফেটে না যায়।”

হোটেলের পরিচারকরা আমাকে দেখিবার জন্ত সমবেত হইয়াছিল। তাহারা আমার দিকে চাহিয়া হাসিয়া চলিয়া পড়িতে লাগিল। উইলিয়মও সে দলে যোগ দিয়া হাসিতেছিল। সেই যে আমার সম্বন্ধে কথাটা রটাইয়াছে, তাহা বুঝিলেও আমি তাহার উপর ক্রোধ দেখাইতে পারিলাম না।

গাড়ী ছাড়িলে আমার প্রোগ্রাস-ভোজনের কথাটা গাড়ীর যাত্রিমহলেও ছড়াইয়া পড়িল। সকলেই ঔৎসুক্যভরে আমার দিকে চাহিতে লাগিল। ঠাট্টা-বিদ্রূপও চলিতে লাগিল।

ব্যাপারটা আমার পক্ষে খুব ক্লান্ত হইয়াই উঠিল। কেহ কেহ এমন প্রশ্নও আমাকে জিজ্ঞাসা করিল যে, কুলে ছই

তিন জনের মত খাবার বরাদ্দ করা হইয়াছে কি না। সর্বাপেক্ষা আশঙ্কার ব্যাপার এই দাঁড়াইয়াছিল যে, আহারের সময় আমাকে প্রায় অভুক্ত অবস্থাতেই থাকিতে হইবে। কারণ, বিরাট ভোজনা বলিয়া যে দুর্নাম রটিয়াছিল, তাহা খণ্ডন করিবার জন্ত ভোজনাগারে ক্ষুধিবৃত্তির উপযোগী আহাৰ্য্যও আমি গ্রহণ করিতে পারিব না। তাহাতে হয় ত সারারাত্রি আমাকে ক্ষুধার যন্ত্রণা ভোগ করিতে হইবে।

ঠিক তাহাই ঘটিল। রাত্রিকালে আহারের সময় গাড়ী নির্দিষ্ট স্থানে থামিলে, সাহস করিয়া আমি কোন জিনিস লইতে পারিলাম না। অগ্নিকুণ্ডের পাশে বসিয়া আমি বলিলাম যে, আমার ক্ষুধা নাই, কিছুই লইব না। কিন্তু ইহাতেও বিদ্রূপের পরিমাণ হ্রাস পাইল না। এক জন স্থলকায় ব্যক্তি গাড়ীতে আসিবার সময় সকল সময়েই শ্রাণ্ডউইচের বাজ হইতে শ্রাণ্ডউইচ বাহির করিয়া পথে আহার করিতেছিলেন—বোতলের সুরাও বাদ যায় নাই। তিনি আমার আহারে অনিচ্ছা দেখিয়া মন্তব্য করিলেন যে, বোয়া সাপগুলি একবারেই এত অধিক ভোজন করে যে, শীঘ্র তাহার ক্ষুধার উদ্রেক হয় না।

আমরা ইয়ারমাউথ হইতে অপরাহ্ন তিনটার সময় যাত্রা করিয়াছিলাম। পরদিন সকাল আটটায় আমাদের লণ্ডনে পৌঁছিবার কথা। তখন গ্রীষ্মকাল। অপরাহ্নকালটি অত্যন্ত মনোরম ছিল। গ্রামের মধ্য দিয়া যখন গাড়ী চলিতেছিল, তখন পল্লীভবনগুলি দেখিতে পাইতেছিলাম। মনে হইতে লাগিল, কুটীরের লোকগুলি এখন কি করিতেছে, কেমন ভাবে জীবনযাত্রা নির্বাহ করিতেছে। বালক-বালিকার দল গাড়ী দেখিয়া তাহার পশ্চাতে ছুটিয়া আসিতেছিল, কেহ কেহ গাড়ীর পশ্চাতে চাপিয়া খানিক দূর আসিতেছিল। তাহাদিগকে দেখিয়া আমার মনে হইতেছিল, উহাদের পিতামাতা বাঁচিয়া আছেন কি না। উহারা সুখী কি না।

আমার মনে চিন্তার অস্ত ছিল না। সকল সময় বাড়ীর কথা মনে পড়িতেছিল। মা, পেগটী, ঘরের মানা দৃশ্য আমার শিশুচিত্তকে পীড়া দিতেছিল। মিঃ মর্ডষ্টোনকে দংশন করিবার পূর্বে আমি বাড়ীতে কত ভাল ছেলে ছিলাম, সে চিন্তাও মনে পড়িতেছিল। এক-একবার মনে হইতেছিল, কোন্ সূদূর অতীতে আমি মিঃ মর্ডষ্টোনকে দংশন করিয়াছিলাম—সে যেন অনেক দিনের পুরাতন ঘটনা।

রাত্রিকালে শীত অনুভব করিতে লাগিলাম। ছই জন যাত্রীর মাঝখানে আমি বসিয়াছিলাম—পাছে আমি পড়িয়া যাই বলিয়া। তাহারা নিদ্রাবশে চলিতেছিলেন এবং এমন ভাবে মাঝে মাঝে আমাকে চাপিয়া ধরিতেছিলেন যে, আমাকে বলিতে হইতেছিল, “ও! একটু সরে বসুন।” কিন্তু তাহাতে তাহারা বিরক্ত হইতেছিলেন। কারণ, তাহাদের নিদ্রার ব্যাঘাত তাহাতে ঘটতেছিল।



আমার সম্মুখে একটি বয়স্ক মহিলা বসিয়াছিলেন। উহার কাছে একটি বুড়ি ছিল। অল্প রাখিবার সুবিধা না পাইয়া তিনি আমার পায়ের নীচে ঝোড়াটা বসাইয়া দিয়াছিলেন। কারণ, আমার পা ছোট, নীচে অনেকটা ফাঁক ছিল। ইহাতে আমাকে অস্বস্তি হইয়াছিল। পাছে আমার পা লাগিয়া ঝোড়ার কাচের জ্বিনিসগুলি ভাঙ্গিয়া যায়, তজ্জন্ম মাঝে মাঝে তিনি বলিতেছিলেন, “শোকা, বেশী নড়া-চড়া করো না।”

অবশেষে রাত্রি প্রভাত হইল—সূর্যোদয় হইল। ইহাতে যাত্রীদিগের নিদ্রাও লঘু হইয়া আসিল। ক্রমে সকলেই জাগিয়া উঠিলেন। কিন্তু মজা এই, প্রত্যেকেই বলিতে লাগিলেন, তাঁহাদের রাত্রিতে সুনিদ্রা হয় নাই। অথচ, প্রত্যেকেই নাসিকাধ্বনিসংকারে বেশ নিদ্রা দিয়াছিলেন।

দূর হইতে লণ্ডন সহর দেখিয়া আমার বিশ্বয় জন্মিল। আমার প্রিয় নায়কগণ ঐ সহরে কত কি কাজ করিয়াছেন, কল্পনানৈজে তাঁহাদের কার্যকলাপের ক্ষেত্র লণ্ডন সহরকে দেখিয়া আমার মন উদ্বেল হইয়া উঠিল। ক্রমেই সহরের সন্নিহিত হইতে লাগিলাম। অবশেষে হোয়াইট চ্যাপেল অঞ্চলের একটি সরাইখানায় আমাদের গাড়ী থামিল। এইখানেই আমাদের নামিবার কথা। ঠিক মনে নাই, রু বুল বা রু বোর হোটলেই আমাদের আশ্রয় লইবার ব্যবস্থা ছিল। গাড়ীর রং ঐ বর্ণের।

গাড়ীর রক্ষক আমাকে দেখিয়া হাঁকিতে লাগিল, “একটি ছোট ছেলে—মর্ডস্টোন নামে একটি ছেলে আছে। তাকে এখানে নামিয়ে দেবার কথা। রেজেষ্ট্রী-কেতাবে ঐ নাম আছে কি? র‌গারস্টোন থেকে সে আসছে।”

কেহ উত্তর দিল না।

আমি নৈরাশ্রভরে ভাকাইয়া বলিলাম, “দেখুন মশাই, কপারফিল্ড ব’লে একবার হাঁকুন ত।”

গার্ড তাহাই করিল। কিন্তু তথাপি কেহ কোন উত্তর দিল না।

আমি উৎকণ্ঠিতভাবে চারিদিকে চাহিতে লাগিলাম। এক জন বলিল যে, আমার গলায় একটা চাক্তি ঝুলাইয়া আস্তাবলে বাধিয়া রাখা হউক, যদি শেষে কেহ আসিয়া আমায় দাবী করে।

একটা সিঁড়ি লাগাইয়া দেওয়া হইল। বয়স্ক মহিলাটি আগে নামিলেন। তার পর আমি নামিলাম। যাত্রীরা সকলেই নামিয়া গাড়ী খালি করিয়া দিল। বাস-বিছানা নামাইয়া দিয়া গাড়ী প্রাঙ্গণ হইতে চলিয়া গেল। তখনও কেহ আমার জন্ম আসিল না।

আমি টিকিট-ঘরে গিয়া এক পাশে বসিলাম। সেখানে এক জন কেরাণী কাজ করিতেছিল। আমি দুর্ভাবনার অস্থির হইয়া উঠিলাম। যদি কেহ আমার খোঁজ করিতে না আসে, তাহা হইলে আমি কি করিব? আমার কাছে মাত্র

সাত সিলিং আছে। তাহাতে কয় দিন চলিবে? তার পর অভুক্ত অবস্থায় আমি কি করিব? মিঃ মর্ডস্টোন যদি এইরূপ কৌশল করিয়া আমায় নির্দাসিত করিবে, কেন? গ্রামে পথ চিনিয়া ফিরিয়াই বা যাইব কি করিয়া? ফিরিয়া গেলেও এক পেগটী ছাড়া কে আমার সাহায্য করিবে? আমি যদি সেনাদলে ভর্তি হইতে চাই, এতটুকু ছেলেকে কেন কর্তারা লইবেন? নাবিক হিসাবেও কেহ আমাকে লইতে চাহিবে না।

এইরূপ সহস্র চিন্তায় আমি অস্থির হইয়া উঠিয়াছি, এমন সময় এক জন লোক সেই ঘরে আসিয়া কেরাণীর কাণে কাণে কি বলিলেন। কেরাণীটি আমায় তেলিয়া দিয়া দেখাইল।

লোকটি আমার হাত ধরিয়া বাহিরে আসিলেন। আমি একবার আড়চোখে তাঁহার দিকে চাহিলাম। মিঃ মর্ডস্টোনের মতই লোকটির মুখমণ্ডল। তবে গাল তুবড়াইয়া গিয়াছে আর জুলপিও নাই—মুখমণ্ডল ক্ষৌরিত।

তিনি বলিলেন, “তুমিই বুঝি নূতন ছেলে?”

বলিলাম, “হাঁ, মহাশয়।”

অবশ্য আমি ঠিক জানিতাম না। তবুও অনুমান করিয়াই বলিলাম।

তিনি বলিলেন, “সালেম স্কুলের আমি এক জন শিক্ষক।”

আমি অভিবাদন করিলাম, কিন্তু ভয়ে আমার শরীর যেন হিম হইয়া আসিল। আমার বাস প্রভৃতি পড়িয়া রহিল দেখিয়া মনে করিলাম, তাঁহাকে সে কথা বলি। কিন্তু দাহস করিয়া প্রথমে বলিতে পারিলাম না। অবশেষে বলিয়া ফেলিলাম।

উভয়ে আবার ফিরিলাম। তিনি কেরাণীকে বলিয়া দিলেন যে, দ্বিপ্রহরে লোক আসিয়া উহা লইয়া যাইবে।

কিছু দূর চলিবার পর আমি বলিলাম, “সেখানে যাচ্ছি, সেটা কি অনেক দূর?”

“ব্লাকহিদের কাছে।”

আমি বিনয়নম্র স্বরে বলিলাম, “অনেক দূর?”

“তা দূর আছে বৈ কি। ছ’ মাইল। আমরা গাড়ীতেই যাব।”

আমি এত শ্রান্ত ও ক্লান্ত হইয়াছিলাম যে, আরও ছয় মাইল পথের কথায় ভাঙ্গিয়া পড়িলাম। আমি দাহস করিয়া তাঁহাকে বলিলাম যে, সারা রাত্রি আমি অভুক্ত ছিলাম। এখন তিনি যদি দয়া করিয়া আমায় কিছু খাবার কিনিয়া খাইতে অনুমতি দেন তা ভালই হয়।

আমার মুখের দিকে ক্ষণকাল চাহিয়া তিনি বলিলেন যে, তাঁহার পরিচিত কোন লোকের বাসা কাছেই। সেখানে রুটী প্রভৃতি কিনিয়া খাওয়া চলিবে। দুধও সেখানে পাওয়া যাইবে। প্রাতরাশ সেখানেই সম্পন্ন করা ভাল।

একটি রুটীর দোকান হইতে পাঁউরুটী তিন পেন্স দিয়া কিনিয়া লইলাম। একটা মুদীর দোকান হইতে ডিম ও মাংস লইলাম। দ্বিতীয় শিলিং ভাঙ্গাইয়া তাহা হইতেই ক্রয়কার্য্য চালাইলাম। তার পর লণ্ডন-সেতুর উপর দিয়া হাট্টিয়া মাষ্টার মহাশয়ের কথিত পরিচিত ব্যক্তির ভবনে পৌঁছলাম। পঁচিশটি দরিদ্র নারীর জন্ম যে আশ্রমটি ছিল, তাহারই একাংশে আমরা গেলাম।

একটি ক্ষুদ্র দ্বার খুলিয়া শিক্ষক মহাশয় আমাকে ভিতরে লইয়া গেলেন। দেখিলাম, এক জন নারী জল গরম করিতেছেন। বৃদ্ধা মাষ্টার মহাশয়কে দেখিয়া কি যেন বলিলেন। তার পর আমাকে দেখিয়া করে করে ঘর্ষণ করিয়া শিষ্ট সন্তুষ্টের চেষ্টা করিলেন।

মাষ্টার মহাশয় বলিলেন, “এই ছোট ছেলেটির সকাল-বেলায় খাবার তৈরী ক’রে দিতে পারবে?”

বৃদ্ধা বলিলেন, “নিশ্চয় পারব।”

মাষ্টার মহাশয় বলিলেন, “মিসেস্ ফিবিটসন্ আজ কেমন আছেন?” বলিয়াই তিনি পাশের একখানা বড় চেয়ারে উপবিষ্ট আর এক জন অতি-বৃদ্ধার দিকে চাহিলেন। আমি এতক্ষণ তাঁহাকে দেখিতে পাই নাই।

প্রথম বৃদ্ধা বলিলেন, “ভাল নেই। আজ অবস্থা আরও খারাপ। আজ কোন গতিকে যদি আগুন নিভে যায়, তবে তাঁরও জীবন নিভে যাবে।”

উভয়েই সেই বৃদ্ধার দিকে চাহিলেন। আমি চাহিয়া দেখিলাম। যদিও আজ বড় গরম, কিন্তু মনে হইল, তিনি যেন আগুন ছাড়া থাকিতেই পারিতেছেন না।

যাহা হউক, আমার প্রাতরাশ প্রস্তুত হইল। সানন্দে আমি মাষ্টার বসিলাম। প্রথম বৃদ্ধা তখন মাষ্টার মহাশয়কে বলিলেন, “বানীটা তোমার সঙ্গেই আছে ত?”

তিনি বলিলেন, “আছে।”

বৃদ্ধা উৎসাহভরে বলিলেন, “তবে একটু বাজাও।”

মাষ্টার মহাশয় তাঁহার কোটের পকেট হইতে তিন টুকরা বানী বাহির করিয়া উহা ক্ষু-সংবদ্ধ করিলেন। তার পর বাজাইতে আরম্ভ করিলেন। এতকাল পরেও আমার মনে হইতেছে, তেমন আনাড়ীর মত আর কেহ বানী বাজাইয়াছে বলিয়া আমি শুনি নাই। এমন বিস্তীর্ণ কর্কশ আওয়াজ আমি কখনও শুনিয়াছি বলিয়া মনে হয় না।

বানী শুনিতে শুনিতে আমার ঘুম আসিল। কতক্ষণ তিনি ঘুমাইয়াছিলেন, জানি না। আমার তক্তা ভাঙিলে পর দেখিলাম, তিনি বানীর পেঁচ খুলিতেছেন। যথাস্থানে বানীটি রাখিয়া তিনি আমাকে লইয়া বাহির হইলেন। গাড়ী নিকটেই ছিল। তাহার ছাদে গিয়া বসিলাম। কিন্তু আমার এমন ঘুম পাইতেছিল যে, অবশেষে আমাকে ভিতরে পাঠাইয়া দেওয়া হইল। সেখানে যাত্রী ছিল না। আমি গাড়িনিদ্রায় অভিভূত হইলাম।

গাড়ী থামিতে আমি জাগিয়া উঠিলাম। আমরা নির্দিষ্ট স্থানে আসিয়া পড়িয়াছি। “সালেম হাউস” অদূরে অবস্থিত। চারিপার্শ্বে প্রাচীরবেষ্টিত স্থানে বিছালয়টি অবস্থিত। দেখিতে প্রীতিপ্রদ বলিয়া মনে হইল না।

গেটের ভিতর দিয়া আমরা প্রবেশ করিলাম। ঘণ্টা বাজাইতে এক জন লোক আসিয়া দ্বার খুলিয়া দিল। লোকটি হঠপুঠ। তাহার স্বল্পদেশ বুষের মত, একটা পা কাঠের। মাথার চুলগুলি ছোট করিয়া ছাঁটা।

মাষ্টার মহাশয় বলিলেন, “নতুন ছাত্র।”

কাঠের পা-ওয়াল লোকটি আমার আপাদ-মস্তক দেখিয়া লইল। তার পর গেট বন্ধ করিয়া আমাদিগকে লইয়া চলিল।

ছায়াচ্ছন্ন বৃক্ষবীণির মধ্য দিয়া আমরা চলিতেছিলাম। সহসা একটা ছোট ঘরের কাছে দাঁড়াইয়া খঞ্জ লোকটি বলিল, “হ্যালো, মিঃ মেল্! মুচি জুতা-জোড়া ফিরিয়ে দিবে গেল। বলেছে, এ জুতো মেরামত করবার মত কিছু নেই। এই নাও।”

খঞ্জ লোকটা একজোড়া জুতা মাষ্টার মহাশয়ের দিকে ফেলিয়া দিল। তিনি উহা কুড়াইয়া লইয়া অপ্রসন্নভাবে এক-বার জুতাজোড়ার প্রতি চাহিলেন। তার পর আমাদের সঙ্গে আসিতে লাগিলেন।

স্কুল-বাড়ীটা নির্জন বোধ হইতেছিল। মিঃ মেল্কে আমি সে কথা বলিতে তিনি বলিলেন যে, এখন ছুটির সময়। ছেলেরা যে যাহার গৃহে ছুটি উপভোগ করিতে গিয়াছে। স্কুলের স্বত্বাধিকারী মিঃ ক্রিকেল পত্নী ও কন্যা সহ সমুদ্রতটে বিশ্রামস্থল উপভোগ করিতেছেন। অবকাশসময়ে আমাকে এখানে পাঠাইবার প্রধান কারণ, কুকর্মের জন্ম আমাকে শাস্তি দেওয়া। মাষ্টার মহাশয় সকল কথাই আমায় খুলিয়া বলিলেন।

স্কুল-ঘরের দিকে চাহিয়া আমার মন বিবাদে পূর্ণ হইয়া গেল। ক্লাশগুলিতে প্রবেশ করিয়া দেখিলাম, বেঞ্চগুলি ইতস্ততঃ বিক্ষিপ্ত, কোথাও কালী পড়িয়াছে, ঘরের মধ্যে কাগজপত্র বিক্ষিপ্ত, ধূলিধূসরিত কক্ষতল।

মিঃ মেল্ আমাকে রাখিয়া উপরতলে গিয়াছিলেন। আমি চারিদিকে ঘুরিয়া ঘুরিয়া দেখিতেছিলাম। সহসা এক স্থানে দেখিলাম, একখানি পোষ্টকার্ডে সুন্দর হস্তাক্ষরে লেখা আছে, “সাবধান, সে দংশন করিয়া থাকে।”

ভাবিলাম, নিকটে কোথাও কুকুর আছে বলিয়া এই সতর্ক-বানী লেখা হইয়াছে। আমি ভয়ে একটা বোকের উপরে উঠিয়া দাঁড়াইলাম। এমন সময় মিঃ মেল্ ফিরিয়া আসিলেন। তখন আমি চারিদিকে স্তম্ভপূর্ণে উকি মারিয়া দংশনকারী জীবের অস্তিত্বের সন্ধান করিতেছিলাম।

মিঃ মেল্ আমাকে তদবস্থায় দেখিয়া জিজ্ঞাসা করিলেন, কি করিতেছি।

আমি বলিলাম, “আমি একটা কুকুর এখানে আছে কি না, দেখিতেছি।”

তিনি বলিলেন, “কুকুর? কোন্ কুকুর?”

“তবে কি সেটা কুকুর নয়?”

“কি বলছ তুমি?”

“ঐ যে লেখা আছে, সাবধান, সে দংশন করে?”

তিনি গম্ভীরভাবে বলিলেন, “না, কপারফিল্ড, ওটা কুকুরের জন্ত লেখা হয়নি। একটা ছেলের জন্ত। আমার উপর হুকুম আছে যে, ঐ বিজ্ঞাপনটা তোমার পিঠে ঝুলিয়ে দিতে হবে। প্রথমেই তোমার সঙ্গে এ রকম ব্যবহার করতে আমার কষ্টবোধ হচ্ছে; কিন্তু এ কাজ আমায় করতেই হবে।”

তিনি আমাকে বেঞ্চের উপর হইতে নামাইয়া প্লাকার্ডটা আমার পৃষ্ঠদেশে ঝুলাইয়া দিলেন। উহা আমার সঙ্গে সঙ্গেই ফিরিতে লাগিল।

ঐ প্লাকার্ডের জন্ত আমার মনে কি লজ্জা ও দুঃখের যন্ত্রণা হইতেছিল, তাহা অস্তুর কল্পনারও অতীত। কেহ উহা পড়িতেছে কি না, তাহা আমার জানিবার উপায় না থাকিলেও আমি সর্বদা কল্পনা করিতাম, নিশ্চয়ই কেহ না কেহ উহা পড়িতেছে। পশ্চাৎ ফিরিয়া কাহাকেও দেখিতে না পাইলেও মনে শাস্তি হইত না। আমি সকল সময়েই মনে করিতাম, পশ্চাতে কেহ না কেহ দাঁড়াইয়া আছে। এক-পা খোঁড়া নিষ্ঠুর লোকটি সকল সময়েই আমার দুঃখে ইচ্ছন প্রদান করিত। লোকটার হাতে কর্তৃত্ব ছিল। আমি যখনই কোন বৃক্ষ বা দেওয়ালে হেলান দিয়া দাঁড়াইতাম, সে অমনই উচ্চস্বরে চীৎকার করিয়া বলিত, “ওহে ছোকরা—কপারফিল্ড, তোমার পিঠের ঐ জিনিষটা ভাল করে দেখাও। তা যদি না কর, তোমার নামে আমায় দরখাস্ত লিখতে হবে।”

স্কুলের ক্রীড়াপ্রাঙ্গণে আমি যখন বেড়াইতাম, তখন সকলেই—চাকর, মুদী, কসাই যাহারা স্কুলে আসিত, সকলেই আমায় দেখিত, আমার পৃষ্ঠদেশের লেখা পাঠ করিত। সকলেই জানিত, আমি দংশন করিতে অভ্যস্ত। সুতরাং আমার নিকট হইতে দূরে থাকা উচিত।

ক্রীড়াপ্রাঙ্গণে প্রবেশ করিবার একটি পুরাতন দরজা ছিল। দেখিলাম, সেই দরজার চৌকাঠে নানাবিধ নাম ক্ষোদিত—প্রত্যেক ছেলের নাম কুঁদিয়া কুঁদিয়া লেখা। একটি ছেলের নাম দেখিয়া তাহার সম্বন্ধে অনুসন্ধান করিয়া জানিলাম, তাহার নাম জে, টিয়ারফোর্থ। শুনিলাম, ছেলেটি খুব স্বাধীন-চেতা। মনে ভাবিলাম, এই ছেলেটি আসিয়া আমার পিঠের লেখাটি বড়-গলায় পড়িবে। তার পর আমার চুল ধরিয়া টানিবে। আর একটি ছেলের নাম—ট্র্যাডলস্। সে যেরূপ প্রকৃতির ছেলে শুনিলাম, তাহাতে এই ব্যাপার লইয়া নানা খেলাই খেলিবে। এমন ভাব দেখাইবে, যেন আমাকে

দেখিয়া ভয় পাইয়াছে। জর্জ ডিম্পল্ যেরূপ প্রকৃতির ছেলে, তাহাতে সে এই বিষয় গান করিতে থাকিবে।

নামগুলি পড়িয়া পড়িয়া বুঝিলাম, ৪৫টি ছাত্র এই বিদ্যালয়ে আছে। মিঃ মেলের নিকট জানিলাম, তাহার প্রত্যেকেই আমার সহিত নানা ভাবে ব্যবহার করিবে। সকলেই বলিবে—“সাবধান, এ দংশন করে!”

সর্বত্রই আমি এইরূপ দৃশ্য কল্পনা-নেত্র দেখিতে পাইতাম। রাত্রিকালে শয্যায় শুইয়া আমি স্বপ্ন দেখিতাম, আমি যেন মার কাছে গিয়াছি। তিনি যেন নিমন্ত্রণে চলিয়াছেন। কিন্তু সকল সময়েই মানুষ আমার পৃষ্ঠদেশে ঐ লেখাটা দেখিতে পাইতেছে।

এই ভাবে নিরানন্দময় জীবন কাটিতে লাগিল। স্কুল খুলিবার দিন আসন্ন হইতেছিল, আমিও ক্রমে আরও উৎকণ্ঠিত হইয়া পড়িতেছিলাম। প্রত্যহ মিঃ মেলের কাছে আমি পাঠ লইতাম, পাঠ দিতাম। কিন্তু মিঃ ও মিস্ মর্ডষ্টোন না থাকায় আমি লেখাপড়ায় ভাগ্যই হইতেছিলাম।

মিঃ মেল অনেক সময় আপিসের বিল প্রভৃতি লইয়া পরিশ্রম করিতেন। কার্য শেষ হইলে, তিনি তাহার বাঁশীটি লইয়া বাজাইতে আরম্ভ করিতেন। তখন মনে হইত, তাহার সমস্ত প্রাণ যেন বাঁশীর ছিদ্রপথে বাহির যাইতে চাহে।

মিঃ মেল আমাকে বেশী কিছু বলিতেন না—আমা সঙ্গে রুঢ় ব্যবহারও করিতেন না। উভয়ে কোনও কথা-বার্তা না বলিয়াই পরস্পরের কাছে থাকিতাম। সময় সময় দেখিতাম, তিনি হাত-পা ছুড়িতেন, মুষ্টিবদ্ধ হাত উর্ধ্বে উৎক্ষিপ্ত করিতেন। প্রথমতঃ ইহাতে ভয় পাইতাম, কিন্তু উহা আমার অভ্যস্ত হইয়া গিয়াছিল।

### ষষ্ঠ পরিচ্ছেদ

উল্লিখিত ভাবে এক মাস অতীত হইল। তার পর এক দিন দেখিলাম, কাঠের পা-ওয়াল লোকটা এক বালতি জল ও ঝাড়ন লইয়া চারিদিকে ঘোরাফেরা করিতে লাগিল। বুঝিলাম, মিঃ ক্রিকেল ও ছাত্রদের ফিরিয়া আসিবার সময় হইয়াছে। আমার ভুল হয় নাই; কারণ, ঝাড়ন অবশেষে ক্লাশঘরে দেখা দিল, আমরাও তথা ইহতে নির্বাসিত হইলাম। তার পর আরও দেখিলাম যে, দুই তিন জন যুবতী ঘন ঘন যাতায়াত করিতে আরম্ভ করিল। ইহাদের দেখা পূর্বে পাওয়া যায় নাই।

এক দিন মিঃ মেল আমায় জানাইলেন যে, সেই দিন অপরাহ্নে মিঃ ক্রিকেল আসিয়া পৌঁছিবেন। অপরাহ্নে চাপানের পর শুনিলাম, তিনি আসিয়াছিলেন। রাত্রিতে শয়ন করিবার পূর্বে কাঠের পা-ওয়াল লোকটা আমার তাহার কাছে লইয়া গেল।



আমরা যে অংশে বাস করিতাম, তাহার অপেক্ষা মিঃ ক্রিকেলের অংশ ভাল এবং আরামপ্রদ। তাঁহার গৃহ-সম্বন্ধিত উদ্যানটি মনোরম। বিদ্যালয়ের ক্রীড়া-প্রাঙ্গণের তুলনায় শ্রামবর্ণ। কারণ, ক্রীড়াপ্রাঙ্গণটি ছোট-খাট মরুভূমি বলিলেই চলে।

আমি মিঃ ক্রিকেলের সম্মুখে বেপমান-দেহে গমন করিলাম। আমি এমনই লজ্জাকুণ্ঠায় অধীর হইয়া পড়িয়াছিলাম যে, প্রথমে মিসেস্ ও মিস্ ক্রিকেলকে লক্ষ্য করিতে পারি নাই। তাঁহারা উভয়েই সেখানে উপস্থিত ছিলেন। দেখিলাম, এক জন মোটা-সোটা লোক আর্ম-চেয়ারে উপবিষ্ট। তাঁহার কোঠের পকেটে মোটা চেইন। ইনিই মিঃ ক্রিকেল। তাঁহার পার্শ্বে একটি গেলাস ও একটা বোতল।

মিঃ ক্রিকেল বলিলেন, “এই বুঝি সেই ছোকরা—এরই বুঝি দাত উকা দিয়া ঘ’ষে দিতে হবে? ঘুরিয়ে দাঁড় করাও ত।”

কাঠের পা-ওয়াল লোকটা আমাকে পশ্চাৎ ফিরিয়া দাঁড় করাইল। পৃষ্ঠদেশের সেই প্ল্যাকার্ডটাই দেখান-উদ্দেশ্য। ভাল করিয়া দেখিবার পর আবার আমাকে মুখ সম্মুখে ফিরাইয়া দাঁড়াইতে হইল। এবার তাঁহার পার্শ্বেই ঘাইতে হইল। মিঃ ক্রিকেলের মুখমণ্ডল যেন অগ্নিময়, তাঁহার চক্ষু-যুগল ক্ষুদ্র, তাঁহার ললাটের শিরাগুলি মোটা, নাক ছোট, খুনি দীর্ঘ। তাঁহার মাথায় টাক, শুধু ছুই পার্শ্বে শুভ্র পক্ক কেশ। তাঁহার কণ্ঠস্বর কিন্তু গুরুগভীর নহে, যেন ফিস্-ফিস্ করিয়াই কথা কহেন।

মিঃ ক্রিকেল বলিলেন, “এই ছোকরা সম্বন্ধে কি রিপোর্ট আছে, বল।”

কাঠের পা-ওয়াল লোকটা বলিল, “এ পর্য্যন্ত এর বিরুদ্ধে কিছু পাওয়া যায় নি। কোন সন্ধানও ঘটে নি।”

আমার মনে হইল, মিঃ ক্রিকেল যেন হতাশ হইয়া পড়িলেন। মিসেস্ ও মিস্ ক্রিকেলের মুখের ভাব দেখিয়া মনে হইল, তাঁহারা যেন হতাশ হন নাই।

আমাকে হাতছানি দিয়া তিনি ডাকিলেন, “এ দিকে আসুন, মশাই!”

কাঠের পা-ওয়াল লোকটা অঙ্গভঙ্গী নকল করিয়া বলিল, “এ দিকে এস!”

আমার কাণ ধরিয়া মিঃ ক্রিকেল বলিলেন, “তোমার উপপিতাকে আমি জানি। তিনি লোক ভাল, তাঁর চরিত্রও ভাল। তিনি আমার জানেন, আমিও জানি। তুমি আমার চেন? কি বল?” বলিতে বলিতে তিনি আমার কাণে বেশ জোর দিয়া মোচড় দিলেন।

কাণের জ্বালায় অস্থির হইয়া আমি বলিলাম, “এখনও আপনার পরিচয় পাইনি।”

“এখনও পাওনি? বটে! কিন্তু শীঘ্র সে পরিচয় পাবে।”

কাঠের পা-ওয়াল লোকটা বলিল, “হ্যাঁ, শীঘ্র পরিচয় পাবে।”

পরে দেখিয়াছি, মিঃ ক্রিকেলের প্রত্যেক কথার পুনরুক্তি করাই লোকটার কাজ।

আমি সত্যই খুব ভীত হইলাম। কাণ আমার জ্বলিয়া ঘাইতেছিল;—এত জোরে তিনি আমার কাণ মলিয়া দিয়াছিলেন।

অবশেষে কাণ ছাড়িয়া দিয়া তিনি পূর্ববৎ অস্পষ্টস্বরে বলিলেন, “আমি কেমন লোক, তা তোমাকে জানিয়ে দেব। আমি সোজা লোক নই!”

কাণ ছাড়িবার সময় তিনি আরও জোরে মোচড় দিলেন। কাঠের পা-ওয়াল লোকটা বলিতেছিল, “আমি সোজা লোক নই।”

মিঃ ক্রিকেল বলিলেন, “আমি যখন বলি, এ কাজ আমি করবো, আমি নিশ্চয় তা করি। আমি যখন বলি, এ কাজ করাতেই হবে, আমি তা করিয়ে নেবই।”

কাঠের পা-ওয়াল লোকটা তাহার প্রভুর কথাটার পুনরাবৃত্তি করিয়া গেল।

মিঃ ক্রিকেল বলিলেন, “আমি একগুঁয়ে লোক, সেটা জেনে রাখ। আমার কর্তব্য আমি করবোই। আমার রক্ত-মাংসে যারা গড়ে উঠেছে—” বলিয়াই তিনি পত্নী ও কণ্ঠার দিকে চাহিলেন—“যদি আমার বিরুদ্ধে কোন কাজ করে, তাদের আমি নিজের ব’লে মনে করবো না। তাদের আমি ত্যাগ করি। ওহে, সে লোকটা আর এখানে এসেছিল?”

কাঠের পা-ওয়াল লোকটা বলিল, “না।”

মিঃ ক্রিকেল বলিলেন, “না! সে আমাকে জানে কি না, তাই আসেনি। সে না এলেই ভাল। আমি তাকে আসতে নিষেধই করি।” বলিতে বলিতে তিনি টেবলের উপর মুঠো ঘাত করিলেন। তার পর মিসেস্ ক্রিকেলের দিকে দৃষ্টিপাত করিয়া বলিলেন, “সে আমার চেনে কি না। ছোকরা, এখন তুমিও আমাকে একটু একটু চিন্তে শুরু করেছ, বোধ হয়। যাও এখন। ওকে নিয়ে যাও।”

দেখিলাম, মিসেস্ ও মিস্ ক্রিকেল চক্ষু মুছিতেছেন। আমি নিজের জগু ও তাঁহাদের জগু অত্যন্ত চূর্ণিত হইলাম। তাই যখন আমি সেখান হইতে চলিয়া যাইবার আদেশ পাইলাম, তখন আমি নিশ্বাস ছাড়িয়া বাঁচিলাম। কিন্তু আমার মনে একটা আবেদনের কথা জাগিয়া উঠিয়াছিল। সেটা আমার নিজেরই কথা। স্মরণ্য আমি সাহস করিয়া বলিয়া উঠিলাম, “মহাশয়, আপনি যদি অগ্রগ্রহ করেন—”

মিঃ ক্রিকেল বলিলেন, “আবার কি?” বলিয়াই তিনি আমার দিকে এমন ভাবে চাহিলেন, যেন তখনই দৃষ্টিপাতে আমার ভয়ঙ্কর করিয়া ফেলেন।

আমি বলিলাম, “মহাশয়, আমি যা করেছি, সে জ্ঞত খুবই দুঃখিত। কিন্তু আপনি যদি আদেশ দেন, তা হ’লে অন্ত্যস্ত ছাত্র আসবার আগেই আমার পিঠের এই লেখাটা নামিয়ে নিতে পারি—”

জানি না, আমাকে ভয় দেখাইতেছেন, অথচ প্রকৃতপক্ষে রাগিয়া উঠিয়াছেন কি না; কিন্তু যে ভাবে চেয়ার ছাড়িয়া তিনি আমায় তাড়া করিলেন, তাহাতে আমি আর মুহূর্ত-মাত্র বিলম্ব না করিয়া দৌড়িয়া নিজের শয়নকক্ষে গেলাম। দেখিলাম, কেহ আমাকে তাড়া করিয়া আসিতেছে না। তখন শয্যায় শয়ন করিয়া কাঁপিতে লাগিলাম।

পরদিন সকালবেলা মিঃ সার্প ফিরিয়া আসিলেন। তিনি প্রধান শিক্ষক—মিঃ মেলুএর উপরওয়াল। মিঃ মেলু ছাত্রদিগের সঙ্গে আহার করিলেন। কিন্তু মিঃ সার্প মিঃ ক্রিকেলের সঙ্গেই আহারে বসিলেন। লোকটি একটু খজ এবং ক্রম। কিন্তু তাঁহার নাসিকাটি প্রকাণ্ড। মাথাটা তিনি এমন ভাবে বহন করেন, যেন সে ভার তাঁহার কাছে গুরু। তাঁহার কেশরাজি কুঞ্চিত এবং সুন্দর। কোন কোন ছাত্রের নিকট শুনিলাম, মিঃ সার্প পরচুলা ব্যবহার করেন এবং সপ্তাহে এক দিন উহাকে কৃত্রিম উপায়ে কুঞ্চিত করিয়া থাকেন।

খবরটা টমি ট্রাডেলস্‌ই আমাকে জানাইল। সেই সর্বপ্রথম ছুটির পর ফিরিয়া আসিয়াছে। সে আমাকে তাহার পরিচয় দিয়া আমার সম্বন্ধে সকল কথা জানিতে চাহিল।

ট্রাডেলস্‌ প্রথম ফিরিয়া আসিয়াছে—ইহা যেন আমারই সৌভাগ্যক্রমে। আমার পৃষ্ঠের লেখা দেখিয়া আনন্দ লাভ করিল কি না, বুঝা গেল না; কিন্তু সে আমার পৃষ্ঠদেশ-বিলম্বিত প্ল্যাকার্ড দেখিয়া এত খুসী হইয়াছিল যে, সে আমাকে অন্ত্যস্ত ছেলের সহিত পরিচয় করাইয়া দিল। তাহার ফলে ছেলেরা আমাকে লইয়া যতটা বিদ্রূপ করিবে আশঙ্কা করিয়াছিলাম, তাহারা তাহা করিল না। ছোট বড় সকল ছাত্রই আমার সহিত আলাপ করিল এবং কয়েকজন ছাত্র আমাকে বেরিয়া নৃত্য করিল বটে, কেহ কেহ আমাকে দংশনকারী কুকুরের মত জানিয়া ব্যবহার করিবার চেষ্টা করিল বটে, তাহাতে আমার চোখে জলও আসিয়াছিল মত, কিন্তু যেক্রম ভীষণ অবস্থা ঘটবার আশঙ্কা হইয়াছিল, তাহা হইল না।

ষ্টয়ারফোর্থ না আসা পর্য্যন্ত আমি প্রকাশ্যভাবে বিদ্যালয়ে গৃহীত হই নাই। এই ছাত্রটি দেখিতে সুন্দর এবং লেখাপড়াতেও ভাল। আমার অপেক্ষা সে অস্ততঃ ছয় বৎসরের বড়। হাকিমের সম্মুখে আসামীকে যে ভাবে লইয়া যায়, ছাত্ররা আমাকে সেইভাবে ষ্টয়ারফোর্থের কাছে লইয়া গেল। সে সব কথা শুনিয়া বলিল যে, একরূপ শাস্তিদান অত্যন্ত অন্ত্যস্ত এবং লজ্জাজনক। তাহার

এই উক্তি হইতে আমি চিরদিনের জ্ঞত তাহার অন্ত্যস্ত হইয়া পড়িলাম।

সে বলিল, “তোমার কাছে টাকাকড়ি কি আছে, কপারফিল্ড?”

আমি বলিলাম, “সাত শিলিং আমার পুঁজি।”

সে বলিল, “টাকাটা তুমি আমার কাছে রাখিবে। অবশ্য যদি তোমার ইচ্ছা হয়। যদি না হয়, রেখ।”

আমি তৎক্ষণাৎ পেগটী-প্রদত্ত মুদ্রাধার খাতিয়া তাহার হাতে সব টাকা প্রদান করিলাম।

সে জিজ্ঞাসা করিল, “এখন কিছু খরচ করতে চাও?”

বলিলাম, “না, ধন্যবাদ!”

ষ্টয়ারফোর্থ বলিল, “তোমার ইচ্ছা যদি থাকে বলতে পার। কি তোমার অভিপ্রায়, বললেই হবে!”

আমি আবার বলিলাম, “না, আমার কোন ইচ্ছা নাই।”

ষ্টয়ারফোর্থ বলিল, “কয়েক শিলিং দিয়ে কিছু সুরা কেনা যেতে পারে। ঘুমোবার সময় একটু একটু পান করা যাবে। তুমি আমার ঘরেই থাকবে, তার ব্যবস্থা দেখছি।”

সুরার কথাটা আমার আগে মনে হয় নাই। এখন কথাটা মনে লাগিল। তাহাকে বলিলাম যে, তাহাই করা যাইবে।

“আচ্ছা তু’ শিলিংএর সুরা ত গেল। এক শিলিং দিয়ে বিসকুট কেনা যাবে। আর এক শিলিংএর বাদাম পিঠে, কেমন?”

বলিলাম, “আমারও তাই সাধ।”

ষ্টয়ারফোর্থ বলিল, “তার পর আর এক শিলিং দিয়ে কিছু ফল কেনা যাবে। কি বল, কপারফিল্ড?”

সে হাসিতেছিল বলিয়া আমিও হাসিলাম; কিন্তু মনে মনে আমি একটু শঙ্কিত হইয়া উঠিলাম।

ষ্টয়ারফোর্থ বলিল, “এ দিয়ে যা কিছু কেনবার কেনা যাবে, এই হ’ল আমার কথা। তোমার জ্ঞত আমি যথাসাধ্য করব, এ কথা জেনে রাখ। আমার যখন খুসী, বাইরে যেতে পারি। সেই সময় দরকারী জিনিস গোপনে কিনে আনব।” বলিতে বলিতে সে টাকাগুলি তাহার পকেটে রাখিল এবং আমাকে নিশ্চিত হইবার জ্ঞত আশ্বাস দিল।

সে তাহার কথা-মত কাজ করিল। অবশ্য কাজটা যে ভাল নহে, তাহা আমার মনই বলিয়া দিতেছিল। মার দেওয়া দুখানি অর্ধ-ক্রাউন মুদ্রার অপব্যবহার হইতেছিল, ইহা আমি ভাল করিয়াই বুঝিয়াছিলাম। শুধু যে কাগজ-খানায় মার লেখা ছিল, সেখানা আমি সযত্নে রক্ষা করিয়াছিলাম। উহা আমার কাছে অমূল্য সম্পত্তি।

উপরে আমাদের শয়নকক্ষে যখন ষ্টয়ারফোর্থ ও আমি মিলিত হইলাম, তখন দেখিলাম, সাত শিলিং মুদ্রার বিনিময়ে সে অনেক জিনিসই আনিয়াছে। আমার শয্যার উপর

জিনিষগুলি সে রাখিল। জ্যোৎস্নাধারা তাহার উপর আসিয়া পড়িল। সে বলিল, “এই নেও, কপারফিল্ড, তোমার সব জিনিষ।”

আমি তাহাকে সে সকল জিনিষ বিতরণ করিবার জন্ত অস্বস্তি করিলাম। সে আমার বালিসের উপর বসিয়া সমবেত বালকদিগকে উহা সমান অংশে ভাগ করিয়া দিল। আমি তাহার বাম পার্শ্বে বসিয়াছিলাম।

চন্দ্রালোকিত ঘরের মধ্যে নিঃশব্দে আমাদের পান-ভোজন চলিতে লাগিল। বালকরা ফিস্ ফিস্ করিয়া গল্প করিতে লাগিল। তাহাদের নিকট হইতে স্কুল সম্বন্ধে অনেক নতুন কথা আমি জানিতে পারিলাম।

মিঃ ক্রিকেল এক জন জবরদস্ত শিক্ষক, সে কথা সত্য। তিনি বালকগণকে বেত্রাঘাত করিতে মজপুত। নির্ভূর-ভাবে তিনি বেত্রচালনা করিয়া থাকেন। উহা ছাড়া তাঁহার আর কোনও বিষয়ে জ্ঞান নাই। স্কুলের নিয়তন শ্রেণীর ছাত্রও যে লেখাপড়া জানে, মিঃ ক্রিকেল তাহাও জানেন না। আগে সামান্য দোকানদারী তিনি করিতেন। সে ব্যবসা নষ্ট হওয়ায় এখন স্কুল চালাইতেছেন—মিসেস্ ক্রিকেলের টাকা-কড়ি উড়াইয়া দিতেছেন। এ সকল কথা তাহারা কিরূপে জানিতে পারিল, তাহা ভাবিয়া আমি বিস্মিত হইলাম।

গুনিলাম, কাঠের পা-ওয়াল লোকটার নাম—টঙ্গে। লোকটা ঘোর অসভ্য ও চাষা। আগে মিঃ ক্রিকেলের দোকানে লোকটা কাজ করিত। এখন সে-ও মিঃ ক্রিকেলের গায় এই শিক্ষাদান-ব্যবসা অবলম্বন করিয়াছে। লোকটা মিঃ ক্রিকেলের কাজেই ঠ্যাং হারাইয়াছিল, তাঁহার জন্ত অনেক প্রকার অসাধ্য কার্যও করিয়াছিল, তাই মিঃ ক্রিকেল তাহাকে সহকন্ঠিরূপে গ্রহণ করিয়াছেন। টঙ্গে লোকটা স্কুলের সকল ছাত্র ও শিক্ষককে শত্রু মনে করিয়া থাকে। লোকের অনিষ্ট করিতে পারিলেই তাহার আনন্দ। গুনিলাম, মিঃ ক্রিকেলের এক প্রাপ্তবয়স্ক পুত্র ছিল। সে টঙ্গেকে দেখিতে পারিত না। সেই পুত্র পিতার রূঢ় ব্যবহারের প্রতিবাদ করিয়াছিল। বিশেষতঃ, তাহার জননী উপর পিতার আচরণের বিরুদ্ধে অনেক কথা বলিয়াছিল। ইহাতে মিঃ ক্রিকেল পুত্রকে বাড়ী হইতে তাড়াইয়া দেন। তদবধি মিসেস্ ও মিস্ ক্রিকেল অত্যন্ত দুঃখে জীবনযাপন করিতেছেন।

একটা কথা গুনিয়া বিস্ময় বোধ করিলাম—মিঃ ক্রিকেল একটামাত্র ছাত্রকে ভয় করিয়া চলেন। তাহার গায় কখনও তিনি হাত তুলিতে সাহস করেন নাই। সে ছাত্র জে, ষ্টিয়ারফোর্থ। এ কথা জিজ্ঞাসা করিলে ষ্টিয়ারফোর্থ তাহার সমর্থন করিল। একবার মিঃ ক্রিকেল তাহার গায় হাত দিয়া দেখুন, কি মজা হয়। ষ্টিয়ারফোর্থের এই কথায় এক জন বালক জিজ্ঞাসা করিল, যদি তিনি ষ্টিয়ারফোর্থকে

মারেন, তাহা হইলে সে কি করিবে? ষ্টিয়ারফোর্থ বলিল, সে এমন প্রহার দিবে যে, মিঃ ক্রিকেল বুঝিতে পারিবেন। কালির বোতল দিয়া মিঃ ক্রিকেলের মাথায় এমন আঘাত করিবে যে, তাহাকে অজ্ঞান হইয়া পড়িতে হইবে। অন্ধকার ঘরে আমরা কয়েক মুহূর্ত্ত রুদ্ধনিশ্বাসে বসিয়া রহিলাম।

কথায় কথায় জানিতে পারিলাম যে, মিঃ শার্প ও মিঃ মেল, উভয়েই অতি সামান্য বেতন পাইয়া থাকেন।

আলোচনা-প্রসঙ্গে জানা গেল যে, স্কুলের সকলেই জানে, মিস্ ক্রিকেল ষ্টিয়ারফোর্থের প্রেমে পড়িয়াছেন। ভাবিলাম, ষ্টিয়ারফোর্থের বেরূপ সুন্দর মুখ ও মিষ্ট কণ্ঠস্বর, তাহাতে তাহাকে ভালবাসা অসম্ভব নহে। মিঃ মেল অত্যন্ত দরিদ্র, তাহাও গুনিলাম। তাঁহার বৃদ্ধা মাতা অতি দুঃখে জীবনযাপন করেন। এ কথা গুনিয়া আমার সে দিনের কথা মনে পড়িল। বৃদ্ধার গৃহে প্রাতরাশ—মিঃ মেলের বাঁশী বাজান। কিন্তু আমি সে কথা মুখ ফুটিয়া কাহাকেও বলিতে পারিলাম না।

পান ও ভোজন শেষ হইয়াছিল। সকলেই যে যাহার শয্যায় গুইয়া পড়িল। শুধু আমি ও ষ্টিয়ারফোর্থ আরও অনেকক্ষণ বসিয়া গল্প করিতে লাগিলাম। অবশেষে আমাদের শয়নের সময় আসিল।

ষ্টিয়ারফোর্থ বলিল, “কপারফিল্ড, গুভরাত্রি—বিদায়। আমি তোমার খবরদারী করব, কোন ভয় নেই।”

আমি মৃদু গুঞ্জে বলিলাম, “তোমার অশেষ দয়া। এ জন্ত আমি তোমার কাছে কৃতজ্ঞ।”

হাই তুলিতে তুলিতে ষ্টিয়ারফোর্থ বলিল, “তোমার বোন আছে?”

বলিলাম, “না।”

“বড় আপশোষের কথা, ভাই। যদি তোমার বোন থাকত, সে নিশ্চয় চমৎকার সুন্দরী হ’ত। তা হ’লে আমি তার সঙ্গে আলাপ করতাম। আচ্ছা, এখন তা হ’লে শোয়া যাক—বিদায়।”

“গুভরাত্রি!”

যে যাহার শয্যায় শয়ন করিলাম। ষ্টিয়ারফোর্থের কথা ভাবিতে ভাবিতে আমি অনেকক্ষণ জাগিয়া রহিলাম। কি সুন্দর ইহার আকৃতি! কি মিষ্ট ইহার কণ্ঠস্বর! আমার মনে হইল, সে শক্তিমান পুরুষ। আমার মন তাহার প্রতি আরও আকৃষ্ট হইল।

### সপ্তম পরিচ্ছেদ

পরদিন স্কুল রীতিমত বসিল। ক্রাশে তখন বালকদিগের উচ্চ চীৎকার আরম্ভ হইয়াছে। হঠাৎ সব গুণ্গোল থামিয়া গেল। ক্রাশগুলি নিস্তব্ধ। দেখিলাম, মিঃ ক্রিকেল প্রাতরাশের পর আসিয়া দাঁড়াইয়াছেন। দরজার পার্শ্বে দাঁড়াইয়া দৈত্যের মত তিনি বালকদিগের প্রতি চাহিলেন।



টক্ষে তাঁহার পার্শ্বে দাঁড়াইয়া। “চুপ” শব্দটা উচ্চারণ করিবার প্রয়োজনই হইল না।

মিঃ ক্রিকেল বলিতে লাগিলেন, টক্ষে তাহার প্রতিধ্বনি করিতে লাগিল, “ছাত্রগণ, তোমাদের পড়া নূতন করে আরম্ভ হ'ল। খুব সাবধান হয়ে তোমরা চলবে। পড়ায় মন দাও। আমিও তাজা হয়ে এসেছি। না হ'লে তাজা শাস্তি পাবে! আমি রেহাই কাকেও দিব না। এমন দাগ রেখে দেব যে, মুছবে না। মনে থাকে যেন আমার কথা। নাও, কাজে লেগে যাও।”

মিঃ ক্রিকেল তার পর আমার পাশে আসিয়া দাঁড়াইলেন। বলিলেন যে, আমি যেমন দংশনবিজ্ঞায় ওস্তাদ, তিনিও তেমনই বেতমারায় ওস্তাদ।

লকলকে বেত উত্তত করিয়া তিনি দেখাইলেন। দাঁতের অপেক্ষা বেতের জ্বালা বেশী কি না জিজ্ঞাসা করিলেন। সঙ্গে সঙ্গে সপাসপ আঘাত চলিতে লাগিল। আমার চোখে ধারা-বর্ষণ নামিল।

একা আমিই যে এইরূপে অভ্যর্থিত হইলাম, তাহা নহে। অল্পক্ষণের মধ্যে অর্ধেক ছাত্র—বিশেষতঃ যাহারা বয়সে ছোট—তাহাদের পৃষ্ঠে বৃষ্টিধারার মত বেত পড়িতে লাগিল। পড়া আরম্ভ হইবার পূর্বেই বেত্রাঘাতের জ্বালায় ছাত্রগণ শুধু কাঁদিয়া, যন্ত্রণাসূচক ধ্বনি করিয়া অস্থির হইয়া উঠিল।

মিঃ ক্রিকেল বেতমারা ব্যবসাকে যেমন ভালবাসিতেন, এমন আর কোন বিষয়ের অনুরাগী তিনি ছিলেন না। পরিণত বয়সে যখন তাঁহার কথা মনে হয়, আমার শরীরের সমস্ত রক্ত ক্রোধে জ্বলিয়া উঠিতে থাকে। এমন নির্ধূর পশুপ্রকৃতির মানুষের হাতে ছাত্রবৃন্দের ভার থাকার মত মহাপাপ আর নাই। এই রকম লোকের সাহচর্যে তরুণ ছাত্রের যত অনিষ্ট হয়, এমন আর কিছুতেই সম্ভবপর নহে।

এক দিন খেলার সময় ট্রাডেলুস্ মিঃ ক্রিকেলের ঘরের একটা জানালার শার্শি ভাঙিয়া ফেলিয়াছিল। শাস্তিস্বরূপ সমস্ত বৎসরটাই প্রত্যহ তাহার পৃষ্ঠে বেত পড়িয়াছিল। শুধু একটা ছুটির দিন, তাহার হুই হাতের উপর ক্রুরের আঘাত করা হইয়াছিল।

ট্রাডেলুসের একটা মহৎ গুণ ছিল, সে অস্তুর অপরাধ মাথায় পাতিয়া লইত, তথাপি কে অপরাধ করিয়াছে, তাহা প্রকাশ করিত না। এক দিন গীর্জাঘরে ষ্টিয়ারফোর্থ হাদিসরা উঠিয়াছিল। গীর্জার অধ্যক্ষ ট্রাডেলুসকেই অপরাধী বলিয়া ধরিয়া লইয়াছিলেন। তিনি তাহাকে গীর্জাঘর হইতে টানিয়া লইয়া একটা ঘরে বন্ধ করিয়া রাখিয়াছিলেন। এইরূপে দণ্ডিত হইয়াও ট্রাডেলুস প্রকৃত অপরাধীকে ধরাইয়া দেয় নাই।

আমরা প্রায়ই দেখিতাম, মিঃ ক্রিকেলের হাত ধরিয়া ষ্টিয়ারফোর্থ গীর্জা হইতে ফিরিতেছে। ইহাতে আমার মনে

আনন্দ হইত। অবশু মিঃ ক্রিকেল, এমিলির মত সুন্দরী নহেন। তথাপি তাঁহার মধ্যে একটা আকর্ষণ ছিল, ইহা মনে হইত।

ষ্টিয়ারফোর্থ আমার বিশেষ বন্ধুহানীয়া হইয়া আমাকে রক্ষা করিয়া আসিতেছিল। তাহার সহিত আমার ঘনিষ্ঠতা দেখিয়া কেহ আমাকে বিরক্ত করিতে সাহসী হইত না। তবে মিঃ ক্রিকেলের নির্যাতন হইতে সে আমাকে রক্ষা করিতে কোন দিন চেষ্টা করে নাই। শুধু আমাকে সে বলিত, আমি যদি তাহার মত একটু সাহস দেখাইতে পারি, তাহা হইলে নির্যাতন হইতে মুক্তি পাওয়া সম্ভবপর।

আমার পিঠের উপর প্লাকার্ড থাকায় মিঃ ক্রিকেলের বেত্রাঘাতে অনেকটা অসুবিধা হইতেছে দেখিয়া অবশেষে তিনি উহা আমার পৃষ্ঠদেশ হইতে খুলিয়া ফেলিয়াছিলেন।

ষ্টিয়ারফোর্থের সহিত আমার বন্ধুত্ব ক্রমেই বাড়িয়া চলিল। এক দিন ক্রীড়া-প্রাক্ষণে আমি ষ্টিয়ারফোর্থের সহিত আমার গৃহপাঠ্য গল্পের কোন নাযকের সহিত তাহার উপমা দিয়াছিলাম। সে সময় ষ্টিয়ারফোর্থ কোন কথা বলে নাই। পরে শয়নসময়ে সে আমাকে জিজ্ঞাসা করিয়াছিল, সে বই আমার কাছে আছে কি না। উহা ছিল না। সে তখন বলিল, “গল্পগুলি তোমার মনে আছে?”

আমার স্মৃতিশক্তি প্রথর ছিল। বলিলাম, “আছে।” তখন প্রতি রাত্রিতে তাহাকে সেই সকল গল্প আমাকে শুনাইতে হইত। আরব্যরজনীর সে গল্পগুলি সে শুনিবেই।

ইহাতে একটা অসুবিধা আমার হইত। অনেক রাত্রি পর্য্যন্ত জাগিয়া গল্প বলার ফলে আমার নিদ্রার আশা মিটিত না। কারণ, প্রত্যহ ভোরে আমাকে উঠিতে হইত। ইহাতে আমার অঙ্কঘারও বিষয় ঘটত। ষ্টিয়ারফোর্থ কঠিন অঙ্কগুলি আমাকে কবিতা দিত। ইহাতে আমার অনেক সাহায্য হইত।

পেগটা আমাকে চিঠি লিখিবে বলিয়াছিল। সে গাএ আসিল, সঙ্গে কেবু এবং বিগুদ সুরাও কিছু পাঠাইয়াছিল। আমি জিনিষগুলি ষ্টিয়ারফোর্থের পায়ের কাছে রাখিয়া দিয়া বলিলাম, সে যেরূপ ভাবে ইচ্ছা করিবে, সেই ভাবেই ব্যবহৃত হইবে।

ষ্টিয়ারফোর্থ বলিল, “কপারুফিল্ড, মদটা শুধু তোমার জন্ত থাকবে। তুমি রাত্রিতে গল্প বলার সময় যখন ক্লান্ত হয়ে পড়বে, তখন পান করবে। এই আমার ব্যবস্থা।”

আমি প্রতিবাদ করা সত্ত্বেও ষ্টিয়ারফোর্থ সে কথা গ্রাহ করিল না। সে সুরার বোতল নিজের ট্রাঙ্কে বন্ধ করিয়া রাখিল। আমি যখন রাত্রিতে গল্প বলিতে বলিতে শ্রান্ত হইয়া পড়িতাম, তখন সে উহা বাহির করিয়া আমাকে নির্দিষ্ট পরিমাণ পান করিতে দিত।

আমাদের বিদ্যালয় শিক্ষা সম্বন্ধে ছাত্রবৃন্দের বিশেষ সহায়তা করিতে না পারিলেও আমি কিছু কিছু জ্ঞান

অর্জন করিতে লাগিলাম। মিঃ মেল আমাকে সাহায্য করিতেন। তিনি সত্যই আমাকে ভালবাসিতেন। কিন্তু আমি দেখিতাম, ষ্টিয়ারফোর্থ তাঁহাকে গ্রাহ্য করে না। মাঝে মাঝে তাঁহার মনকে সে আঘাত করিত, অল্প বালককেও সে বিষয়ে উৎসাহিত করিত। আমি ইতিমধ্যে ষ্টিয়ারফোর্থের কাছে মিঃ মেলের দুই বুদ্ধা দরিদ্র আত্মীয়ের কথা বলিয়া ফেলিয়াছিলাম। এক-এক সময় আমার আশঙ্কা হইত, কোন দিন যদি সে কথা ষ্টিয়ারফোর্থ প্রকাশ করিয়া ফেলে!

এক দিন মিঃ ক্রিকেল অসুস্থতার জন্ত স্কুলে না আসিয়া নিজের বাসায় ছিলেন। মিঃ শার্প তাঁহার ছদ্ম কেশরাজির প্রদান করিতে গিয়াছিলেন। সুতরাং স্কুলের ভার মিঃ মেলের উপর পড়িয়াছিল।

বালকগণ ক্লাশে এত গোলমাল করিতে লাগিল যে, মিঃ মেল তাহাদিগকে শাস্ত করিতে পারিলেন না। ক্রমে চীৎকার, অশিষ্টতা চরমসীমায় উঠিল। মিঃ মেল আমার পাঠ লইয়া গেলেন। কিন্তু গোলযোগে তিনি চুপ করিয়া টেবলের উপর মাথা রাখিলেন। কোন কোন বালক তাঁহাকে ভেঙ্‌চাইতেও ইতস্ততঃ করিল না। ক্রমে গল্প, খেলা, চীৎকার, উচ্চহাস্য এমন সীমা অতিক্রম করিল যে, মিঃ মেলের মত লোকেরও সহিষ্ণুতা টলিয়া গেল। সহসা তিনি টেবলের উপর বই চাপড়াইয়া বলিয়া উঠিলেন, “চুপ! এমবের মানে কি? আর ত সহ্য করা যায় না। মানুষকে পাগল করে দেয়! ছেলেবা, তোমরা আমার সম্বন্ধে কি করে এ সব কচ্ছ?”

আমার বই লইয়াই তিনি টেবলের উপর আঘাত করিয়াছিলেন। আমি তাঁহার পাশেই দাঁড়াইয়াছিলাম। দেখিলাম, বালকরা সহসা থামিয়া গেল। কেহ বিশ্মিত, কেহ ভীত, কেহ কেহ বোধ হয় দুঃখিতও হইয়াছিল।

ষ্টিয়ারফোর্থ ক্লাশের সকলের শেষ বেঞ্চে বসিয়াছিল। সে প্রাচীরে হেলান দিয়া বিশ্রাম করিতেছিল। তাহার দুই হাত কোটের পকেটে। সে মিঃ মেলের দিকে মুখ বন্ধ করিয়া চাহিয়াছিল। ভাব দেখিয়া বোধ হইতেছিল, সে যেন শিস্ দিতেছিল। মিঃ মেল তাহার দিকে চাহিলেন।

তিনি বলিলেন, “মিঃ ষ্টিয়ারফোর্থ, চুপ কর!”

আরম্ভমুখে ষ্টিয়ারফোর্থ বগিয়া উঠিল, “আপনি চুপ করুন। কাকে আপনি চুপ করতে বলছেন?”

মিঃ মেল বলিলেন, “ব’স, ব’স।”

ষ্টিয়ারফোর্থ বলিল, “আপনি বসুন। নিজের চরকায় তেল দিন।”

কেহ টিটকারী দিল, কেহ প্রশংসা করিল। কিন্তু মিঃ মেলের মুখ সাদা হইয়া গেল। ইহাতে আবার চারিদিক নিস্তব্ধ হইল।

মিঃ মেল বলিলেন, “ষ্টিয়ারফোর্থ, তুমি যদি ভেবে থাক যে, তোমার ক্ষমতার কথা আমি জানি না—তোমার প্রভাবে ছেলেরা কি রকম প্রভাবিত, তোমার ছোটরা তোমার ইচ্ছিতে আমার বিরুদ্ধে এই সব অত্যাচার করছে, তা হলে তুমি ভুল করেছ। আমি সব জানি।”

ষ্টিয়ারফোর্থ শান্তভাবে বলিল, “আমি আপনার সম্বন্ধে কোন কথাই ভাবিনি, সুতরাং আমার কোন ভুল হয়নি।”

“তুমি প্রিয়পাত্র বলে সেই অধিকার এখানে চালাচ্ছ—” বলিতে বলিতে মিঃ মেলের ওষ্ঠ কম্পিত হইতে লাগিল— “সেজন্য এক জন ভদ্রলোককে অপমান পর্য্যন্ত করতে তোমার বাধে না।”

ষ্টিয়ারফোর্থ বলিল, “ভদ্রলোক? কোথায় তিনি?”

এমন সময় কেহ চীৎকার করিয়া উঠিল, “মিক্ ষ্টিয়ারফোর্থ, ভারী অন্ডায়!”

সে কণ্ঠস্বর ট্রাডেলসের। মিঃ মেল তখনই তাহাকে থামিবার জন্ত আদেশ করিলেন।

মিঃ মেল বলিতে লাগিলেন, তাঁহার ওষ্ঠ তখনও আবেগে কাঁপিতেছিল।

“যে সংসারে ভাগ্যলক্ষীর দেখা পায় নি, তাকে অপমান করা, বিশেষতঃ যে ব্যক্তি কখনও তোমার সামান্যমাত্র অপকার করে নি, বিরক্তজনক কাজ করে নি, তাকে অপমান করা হচ্ছে, এ কথাটা বুঝবার মত বয়স এবং জ্ঞান তোমার হয়েছে। এ কাজটা তোমার অন্ডায় ও নীচতাসূচক। তোমার ইচ্ছা হয় বসতে পার, ইচ্ছা হয় দাঁড়াতে পার। কপারফিল্ড, তোমার পড়া বল।”

ষ্টিয়ারফোর্থ সম্মুখে অগ্রসর হইয়া বলিল, “কপারফিল্ড, একটু থাম। মিঃ মেল, আমি আপনাকে শেষ কথা বলে রাখছি। আপনি আমাকে যখন হীন নীচ বলেছেন, তখন আমিও বলি, আপনি এক জন ভিথিরী। চিরদিন আপনি ভিথিরী, তা জানেন ত। কিন্তু আপনি নির্লজ্জ ভিথিরী!”

ঠিক মনে হইতেছে না, সে মিঃ মেলকে প্রহার করিতে উদ্বৃত হইয়াছিল, অথবা মিঃ মেল তাহাকে আঘাত করিতে চেষ্টা করিয়াছিলেন কি না, অথবা কোন পক্ষেরই সরূপ মনোভাব আদৌ ছিল কি না; কিন্তু তখনই সমস্ত ক্লাশ নিস্তব্ধ হইতে দেখিলাম। যেন সকলে প্রস্তুত পরিণত হইয়াছে। দেখিলাম, মিঃ ক্রিকেল আমাদের মধ্যে আসিয়া দাঁড়াইয়াছেন। তাঁহার পাশে টঙ্কে। মিসেস ও মিস ক্রিকেলও দ্বারপার্শ্ব হইতে উকি মারিতেছেন। তাঁহাদের মুখে আতঙ্কের ছায়া। মিঃ মেল দুই হাতে মুখ ঢাকিয়া ডেস্কের উপর অবনত হইয়া পড়িলেন। কয়েক মুহূর্ত তিনি সেই ভাবেই রহিলেন।

মিঃ ক্রিকেল মিঃ মেলের বাহুমূলে নাড়া দিয়া বলিলেন, “মিঃ মেল, আপনি আত্মবিশ্বস্ত হননি, বোধ হয়?”

মুখ তুলিয়া, মাথা নাড়িয়া মিঃ মেল বলিলেন, “না, মশাই, না। আমি আত্মবিশ্বস্ত হইনি। মিঃ ক্রিকেল, আপনি যদি আরও একটু আগে এসে দাঁড়াতেন, তা হ’লে আরও ভাল হ’ত। আমাকে এতটা করতে হ’ত না।”

মিঃ মেলের কণ্ঠস্বর কম্পিত হইয়া উঠিল।

কঠোর দৃষ্টিতে মিঃ মেলের দিকে চাহিয়া, মিঃ ক্রিকেল টঙ্কের স্বন্ধে একখানি হাত রাখিয়া ডেক্সের উপর বসিলেন। তার পর ষ্টিয়ারফোর্থের দিকে চাহিয়া বলিলেন, “মিঃ মেল যখন কিছু বলবেন না, তখন তুমিই বল, ব্যাপারটা কি?”

ষ্টিয়ারফোর্থ প্রশ্নটা এড়াইয়া গিয়া তাহার প্রতিযোগীর দিকে স্নানাপূর্ণ দৃষ্টিপাত করিল। তখন তাহাকে এমনই মহানু দেখিতে হইল যে, মিঃ মেল যেন তাহার কাছে নিশ্চিন্ত হইয়া গেলেন।

অবশেষে ষ্টিয়ারফোর্থ বলিল, “প্রিয়পাত্র কথাটা উনি কি জ্ঞান বলেছেন শুনি?”

মিঃ ক্রিকেলের ললাটের শিরাগুলি স্ফীত হইয়া উঠিল। তিনি বলিলেন, “প্রিয়পাত্র? কে এ সব কথা বলেছে?”

ষ্টিয়ারফোর্থ বলিল, “উনি বলেছেন।”

সহকারীর দিকে ক্রুদ্ধ দৃষ্টিপাত করিয়া মিঃ ক্রিকেল বলিলেন, “মশাই, এ কথা আপনি বলেছেন কেন?”

মুহূর্ত্তে মিঃ মেল বলিলেন, “মিঃ ক্রিকেল, এ জ্ঞানই বলেছি যে, কোন ছাত্র প্রিয়পাত্র বলেই আমাকে হেয় করবে, এমন অধিকার থাকতে পারে না।”

মিঃ ক্রিকেল বলিলেন, “আপনাকে হেয় করেছে? কিন্তু আমি আপনাকে জিজ্ঞাসা করছি। কি নাম আপনার?” বলিয়াই বেত্রসহ হাত তিনি বুকের উপর রাখিয়া মুদিতনেত্রে বলিলেন, “আপনি যখন প্রিয়পাত্র বা পেয়ারের ছাত্র ব’লে উল্লেখ করেন, তখন আমার প্রতি যথোচিত সম্মান দেখিয়েছেন কি? আমি এই প্রতিষ্ঠানের অধ্যক্ষ, আপনার মনির, সে কথাটা ভুলে গেলেন কি ক’রে?”

মিঃ মেল বলিলেন, “না, সেটা যুক্তি-সঙ্গত কাজ হয়নি। আমি যদি উত্তেজিত না হতুম, তা হ’লে ও কথা আমি বলতাম না।”

এই সময়ে ষ্টিয়ারফোর্থ বলিল, “তার পর উনি আমাকে হীন, নীচ বলেছেন। আমি তাতে ওঁকে ভিক্ষুক বলেছি, আমার রাগ না হ’লে ও কথা আমি বলতুম না। কিন্তু আমি ব’লে ফেলেছি, তার শাস্তি নিতেও আমি রাজি আছি।”

এই কথাতেই ছাত্ররা সত্যই অভিভূত হইল। আমিও ষ্টিয়ারফোর্থের জ্ঞান যেন গৌরব অনুভব করিলাম।

মিঃ ক্রিকেল বলিলেন, “ষ্টিয়ারফোর্থ, আমি সত্যই বিস্মিত হচ্ছি। অবশ্য তোমার সংসাহস ও স্পষ্টবাদিতা দেখে আমি খুসী হয়েছি। কিন্তু তবু বলব, সালেম হার্ডসের যারা কাজ করেন, তাঁদের সম্বন্ধে শব্দটা প্রয়োগ করা তোমার সঙ্গত হয়নি।”

ষ্টিয়ারফোর্থ মুহূর্ত্ত হাসিল।

মিঃ ক্রিকেল বলিলেন, “ওটা ঠিক উল্লেখ হইয়া না। তোমার কাছে এর চেয়ে স্পষ্ট জবাব আমি চাই, ষ্টিয়ারফোর্থ।”

ষ্টিয়ারফোর্থ বলিল, “উনি সেটা অস্বীকার করুন।”

মিঃ ক্রিকেল বলিলেন, “উনি ভিখারী, তা অস্বীকার করবেন? কোথায় উনি ভিক্ষা করতে যান?”

ষ্টিয়ারফোর্থ বলিল, “নিজে না করুন, ওঁর ঘনিষ্ঠ আত্মীয়েরা ত ভিক্ষা করেন। ও একই কথা।”

সে আমার দিকে চাহিল। মিঃ মেল মুহূর্ত্তে আমার স্বন্ধে হাত চাপড়াইলেন। আমি চাহিয়া দেখিলাম—তখন অনুশোচনায় আমার মুখ আরক্ত হইয়া উঠিয়াছিল। মিঃ মেল তখন ষ্টিয়ারফোর্থের দিকেই চাহিয়াছিলেন। কিন্তু আমার স্বন্ধে মুহূর্ত্ত করাত করিতে বিরত হইলেন না।

ষ্টিয়ারফোর্থ বলিল, “মিঃ ক্রিকেল, আপনি আশা করেন, আমি যা বলেছি, তা সত্য ব’লে আমি প্রতিপন্ন করব। আমি বলছি, ওঁর মা দরিদ্রনিবাসে পরের দান নিয়ে বাস কচ্ছেন।”

মিঃ মেল তখনও ষ্টিয়ারফোর্থের দিকে চাহিয়া আমার পৃষ্ঠে মুহূর্ত্ত করাত করিতেছিলেন। আমি যেন গুনিলাম, তিনি আত্মগতভাবেই বলিতেছিলেন, “ঠিক, যা তেবেছি, তাই।”

মিঃ ক্রিকেল তাঁহার সহকারীর দিকে ফিরিয়া কৃত্রিম শিষ্টাচারসহ বলিলেন, “মিঃ মেল, এই ভদ্রলোক যা বলছেন, তা আপনি গুণছেন। এখন অনুগ্রহ ক’রে ছাত্রদের কাছে ওর ভ্রমসংশোধন ক’রে দিন।”

মিঃ মেল বলিলেন, “ওঁর ভুল হয়নি। সংশোধন করবার কিছু নেই। উনি যা বলেছেন, সর্ব্বৈব সত্য।”

মিঃ ক্রিকেল মাথা বাঁকাইয়া বলিলেন, “প্রকাশ্যভাবে তা হ’লে আপনি স্বীকার করুন যে, এখন ছাড়া, এ সংবাদ আমি পূর্বে জানতাম না।”

মিঃ মেল বলিলেন, “সরাসরিভাবে আপনি জানতেন না, এটা আমার মনে হয়।”

মিঃ ক্রিকেল বলিলেন, “কেন, আপনি নিজে তা কি ঠিক জানেন না?”

তাঁহার সহকারী বলিলেন, “আমার ধারণা, আমার আর্থিক অবস্থা ভাল নয়, এটা আপনি জানতেন। আমি এখানে কত টাকা পাই, তাও আপনার নিশ্চয় জানা আছে।”

“মিঃ মেল, আপনি যদি মনে ক’রে থাকেন, এটা দাতব্য স্কুল, তা হ’লে আমি বলব, অতঃপর আমাদের বিচ্ছিন্ন হওয়াই বাঞ্ছনীয়। যত শীঘ্র তা হয়, ততই ভাল।”

মিঃ মেল আসন ছাড়িয়া বলিলেন, “এখনই উপযুক্ত সময়।”



মিঃ ক্রিকেল বলিলেন, “আপনার পক্ষে এটাই ঠিক সময়।”

কক্ষের চারিদিকে দৃষ্টিপাত করিয়া, আমার পৃষ্ঠে পূর্ববৎ মৃদু করাঘাত করিতে করিতে মিঃ মেল বলিলেন, “মিঃ ক্রিকেল, বিদায়! তোমাদের সকলের কাছেই বিদায় চাইছি। জেম্‌স্‌ স্টিয়ারফোর্থ, আমি তোমার শুভকামনা ক’রে বলছি, এক দিন তুমি বুঝবে, আজ তুমি কি করলে, তখন হয় ত তোমার লজ্জা হবে। আপাততঃ তোমরা আমায় বন্ধু বলেই ভেবে।”

আবার তিনি আমার স্বক্ষে মৃদু করাঘাত করিলেন। কয়েকখনি বই ও বাঁশীটা লইয়া তিনি চাবিটা ডেকের উপর রাখিলেন। তার পর স্কুল ত্যাগ করিয়া চলিয়া গেলেন।

মিঃ ক্রিকেল এক লম্বা বক্তৃতা দিয়া স্টিয়ারফোর্থের কবকম্পন করিলেন। আমরা সকলেই তাহার জয়ধ্বনি করিলাম। তখন দেখিলাম, টমি ট্রাডেল্‌সের নয়নে অশ্রুধারা ঝরিতেছে। মিঃ ক্রিকেল সে জন্ত তাহার পৃষ্ঠে বেত্রাঘাত করিলেন।

মিঃ ক্রিকেল চলিয়া গেলে আমরা সকলেই পরস্পরের দিকে নীরবে দৃষ্টিপাত করিতে লাগিলাম। আমি সত্যই অত্যন্ত অনুতপ্ত হইয়াছিলাম। আমি যদি সে দিনের ঘটনা না জানাইতাম, তাহা হইলে স্টিয়ারফোর্থও এ কথা জানিতেই পারিত না।

ট্রাডেল্‌স বলিল যে, মিঃ মেলএর সঙ্গে ভারী খারাপ ব্যবহার করা হইয়াছে।

স্টিয়ারফোর্থ বলিল, “ওগো খুকী, কে তার সঙ্গে মন্দ ব্যবহার করলে?”

ট্রাডেল্‌স বলিল, “কেন, তুমি।”

স্টিয়ারফোর্থ বলিল, “আমি কি করলাম?”

ট্রাডেল্‌স বিক্রপভরা কণ্ঠে বলিল, “কি করেছ তুমি? তুমি তাঁর মনে আঘাত দিয়েছ, তাঁকে চাকরী ছাড়িয়েছ।”

স্টিয়ারফোর্থ উপেক্ষা-ভরে বলিল, “তাঁর মনের আঘাত? আমি জানি, তাঁর মন দু’দিনে ভাল হয়ে যাবে। মিস্ ট্রাডেল্‌স, তাঁর মন তোমার মত নয়। তবে তাঁর চাকরী গেল—এ চাকরী কি ভারী মূল্যবান, গুনি? তুমি কি ভাবছ, ওঁর কথা আমি বাড়ীতে জানাব না? উনি কিছু টাকা পান, সে ব্যবস্থা আমি করবো না, ভাবছ?”

স্টিয়ারফোর্থের এই উদারতার আমরা মুগ্ধ হইলাম। সকলেই জানিত, স্টিয়ারফোর্থ ধনী মাতার পুত্র। এই বিধবা তাঁহার একমাত্র সন্তানকে বিশেষ স্নেহ করেন। সে যাহা চাহে, তাহার মাতা তখনই তাহা পূর্ণ করেন।

কিন্তু সে দিন সন্ধ্যাতে গল্প বলিবার সময় কিছুতেই আমি মিঃ মেলের কথা ভুলিতে পারি নাই। সকল সময়েই মনে হইতেছিল, তাঁহার বাঁশী আজ বড় করুণ সুরেই যেন বাজিতেছে।

বৎসরের এই অর্দ্ধাংশ কালে স্কুলে আর একটি ঘটনা ঘটিয়াছিল। সে কাহিনী অত্যন্ত জরুরী।

এক দিন অপরাহ্নকালে টঙ্গে আসিয়া সংবাদ দিল যে, আমার সঙ্গে কেহ কেহ দেখা করিতে আসিয়াছেন।

গুনিয়াই মনে হইল, আমার মা বোধ হয় আসিয়াছেন। মিস্ মর্ডেণ্টোন ও তাঁহার ভ্রাতাও আসিতে পারেন।

দরজা খুলিয়া ঘরে প্রবেশ করিতেই দেখিলাম, মিঃ পেগটী ও হ্যাম্‌ দাঁড়াইয়া আছে। তাহারা আমাকে দেখিয়া যেন দেওয়ালের সঙ্গে মিশিয়া যাইতেছিল। আমি না হাসিয়া থাকিতে পারিলাম না। পরস্পর পরস্পরের কব-কম্পন করিলাম। কথা বলিতে গিয়া আনন্দের আতিশয্যে আমার চোখে জল আসিল। আমি খালি হাসিতে লাগিলাম। সেই সঙ্গে ঘন ঘন ক্রমালে চোখ মুছিলাম।

মিঃ পেগটী আসিয়া অবধি একবারও মুখ খুলে নাই। সে আমাকে দেখিয়া বিশেষ চঞ্চল হইয়া উঠিয়াছিল। হ্যাম্‌কে সে কথা বলিবার জন্ত শৌচা দিল।

হ্যাম্‌ বলিল, “মাষ্টার ডেভি, কেঁদো না। তুমি ত বেশ বড় হয়ে উঠেছ।”

অশ্রু মার্জনা করিয়া বলিলাম, “তাই না কি! আমি বড় হয়েছি?”

কাঁদিবার কিছু ছিল না। শুধু পুরাতন বন্ধুগণকে দেখিয়া আমার অন্তর উবেল হইয়া উঠিয়াছিল।

হ্যাম্‌ বলিল, “মাষ্টার ডেভি, সত্যি তুমি দেখতে যেন বড় হয়েছ!”

মিঃ পেগটী বলিল, “নিশ্চয় বড় হয়েছ!”

তাহারা আবার আমায় হাসাইল। তখন তিন জনেই হাসিতে লাগিলাম। অবশেষে আমি বলিলাম, “মিঃ পেগটী, মা কেমন আছেন, জান? পেগটীর খবর কি, সে কেমন আছে?”

মিঃ পেগটী বলিল, “খুব ভাল আছে।”

“খুদে এমিলি, মিসেস্ গমিজ?”

“সবাই ভাল আছে।”

কিছুক্ষণ আমরা নীরব রহিলাম। ইতিমধ্যে মিঃ পেগটী দুইটি প্রকাণ্ড গলদা চিংড়ি, একটা বিরাটাকার কাঁকড়া এবং এক বুলি-বোঝাই কুচাচিংড়ি বাহির করিল।

মিঃ পেগটী বলিল, “তুমি যখন আমাদের গুহানে গিরেছিলে, সে সময় এই সব জিনিষ খেতে ভালবাসতে ব’লে আমরা সাহস ক’রে এনেছি। বুড়ী-মা এগুলি সিদ্ধ ক’রে দিয়েছে।”

আমি ধন্যবাদ জানাইলাম।

হ্যাম্‌ হাসিতেছিল। মিঃ পেগটী বলিল, “আমরা তোমাকে দেখতে এখানে এসে পড়েছি। আমার বোন আমাকে লিখেছিল যে, যদি কখনও এ-দিকে আসি, যেন মাষ্টার ডেভির খবর নিয়ে যাই। এমিলি আমার বোনকে চিঠি লিখে জানাবে যে, তুমি ভাল আছ।”

আমি আবার তাহাদিগকে ধন্যবাদ জ্ঞাপন করিলাম। সঙ্গে সঙ্গে বলিলাম যে, এমিলি বোধ হয় এত দিনে বড় হইয়াছে। তাহার কুচিরও হয় ত পরিবর্তন ঘটিয়াছে।

মিঃ পেগটী বলিল, “সে এখন বড়-সড়ই হয়েছে। হামুকে জিজ্ঞাসা ক’রে দেখ।”

হামু সঙ্গতিসূচক হাশু করিল।

মিঃ পেগটী বলিল, “তার মুখ এমন সুন্দর হয়েছে।”

হামু বলিল, “তার পর লেখা-পড়া।”

মিঃ পেগটী বলিল, “তার হাতের লেখা! কি সুন্দরই তার লেখার ছাঁদ!”

মিঃ পেগটী তাহার প্রিয়পাত্রীর গুণবর্ণনায় পঞ্চমুখ হইয়া উঠিল। গুনিয়া আমারও মনে আনন্দ জন্মিল। মিঃ পেগটীর বলিষ্ঠ দেহ এমিলির কথা বলিবার সময় আন্দোলিত হইতেছিল। তাহার সরলতাপূর্ণ নেত্রগুণ ভাবাবেগে সমুজ্জ্বল হইয়া উঠিল। তাহার বিশাল, বিস্তৃত বক্ষোদেশ ঘন ঘন স্ফীত হইয়া উঠিল। হামুও তাহাতে যোগ দিল।

তাহারা আরও বলিয়া যাইত; কিন্তু সহসা ষ্টিয়ারফোর্থ সেখানে আসিয়া পড়ায় তাহাদের আলোচনা অর্ধপথে থামিয়া গেল। ষ্টিয়ারফোর্থ একটা গানের কলি শিস্ দিয়া আবৃত্তি করিতে করিতে আসিয়াছিল। গৃহের এক কোণে দুই জন অপরিচিতের সহিত আমাকে আলোচনায় নিরত দেখিয়া সে শিস্ দেওয়া বন্ধ করিল। সে বলিয়া উঠিল, “ও, কপারফিল্ড, তুমি ব্যস্ত আছ, তা আমি জানতাম না।”

সে চলিয়া যাইতে উদ্ভত হইলে, আমি তাহাকে ধামাইলাম। আমার এই হিতকারী বন্ধুটিকে আমার পুরাতন বন্ধুগণের সহিত পরিচয় করাইয়া দিবার প্রবল আগ্রহ দমন করিতে পারিলাম না।

বলিলাম, “ষ্টিয়ারফোর্থ, যেও না, ভাই। এরা আমার বন্ধু—ইয়ারমাউথে থাকেন, নৌকা এঁদের বাসভবন। ভারী ভাল লোক। আমার ধাত্রীর এঁরা বন্ধু ও আত্মীয়। ত্রেভসেস থেকে আমাকে দেখতে এসেছেন।”

ষ্টিয়ারফোর্থ বলিল, “ওঁদের দেখে আমি খুসী হলাম। কেমন আছেন, আপনারা?”

তাহার ব্যবহারে এমন একটা সহজ সরলতা ও অমায়িকতা ছিল যে, আমি গর্বে স্ফীতহৃদয় হইয়া উঠিলাম। তাহার সুন্দর মুখমণ্ডল, রমণীয় স্ত্রী যে কোনও লোককে আকৃষ্ট করে। আমার পুরাতন বন্ধুরা তাহার ব্যবহারে খুব খুসী হইল বলিলাম।

আমি বলিলাম, “মিঃ পেগটী, তুমি যখন বাড়ীতে চিঠি লিখবে, তখন তাদের জানিয়ে দিও, মিঃ ষ্টিয়ারফোর্থ আমার প্রতি বিশেষ সদয়। ও এখানে না থাকলে আমার এখানে থাকাই দায় হ’ত।”

হাসিতে হাসিতে ষ্টিয়ারফোর্থ বলিল, “দূর পাগল! না, না, আপনারা ও সব কথা শুনবেন না। তাঁদের কাছে ও সব কথা লিখবেন না যেন!”

আমি বলিলাম, “মিঃ পেগটী, আমি যদি ষ্টিয়ারফোর্থকে কি সফোকে যাই, আর মিঃ ষ্টিয়ারফোর্থ সেখানে যায়, তা হ’লে জেনে রাখ, আমি ঠিক ওকে ইয়ারমাউথে নিয়ে যাব। ষ্টিয়ারফোর্থ, ওঁদের বাড়ী তুমি দেখনি—নৌকা হতে ওঁরা বাড়ী তৈরী করেছেন।”

ষ্টিয়ারফোর্থ বলিল, “নৌকার বাড়ী? ঠিক হয়েছে। ওঁরা যে রকম লোক, বাড়ীও তার উপযুক্ত।”

হামু বলিল, “ঠিক বলেছেন, মশাই। মাষ্টার ডেভি, ভদ্রলোক যা বলেছেন, ঠিক কথাই বলেছেন!”

মিঃ পেগটী খুসী হইয়াছিল। তবে ভাষায় তাহার সন্তোষ প্রকাশ করিতে পারিতেছিল না।

অবশেষে সে বলিল, “আমরা জেলে—প্রাণপণ ক’রে আমাদের কাজ ক’রে যাই। ধন্যবাদ, আপনাকে ধন্যবাদ।”

ষ্টিয়ারফোর্থ বলিল, “মিঃ পেগটী, যারা ভাল লোক, তারা নিজের কাজ ভাল ক’রেই ক’রে থাকে।”

মিঃ পেগটী বলিল, “আমাদের বাড়ী সাধা-সিধা, দেখবার মত তাতে কিছু নেই। আপনি যদি কখনো দয়া ক’রে মাষ্টার ডেভির সঙ্গে গরীবের কুটীরে যান, আমরা খুবই খুসী হব।”

তাহারা বিদায় লইল। ক্ষুদ্রে এমিলির কথা ষ্টিয়ারফোর্থকে বলিবার জন্য আমার খুবই আগ্রহ হইয়াছিল, কিন্তু পাছে সে হাসিয়া উঠে, তাই বলিতে পারিলাম না।

মিঃ পেগটী যে সকল মৎস্য প্রভৃতি আনিয়াছিল, আমরা সকলে মিলিয়া তাহা পরিতোষ সহকারে ভোজন করিলাম।

বৎসরের অর্ধকাল স্থলে কেমন করিয়া অতিবাহিত হইয়াছিল, তাহার সকল কথা এখন আর সুস্পষ্ট মনে নাই। তবে ক্রমে ক্রমে ছুটির দিন আগাইয়া আসিতে লাগিল। আমার আশঙ্কা ছিল যে, আর আমি গৃহে যাইতে পাইব না। সে আশ্বাস আমিবে না। কিন্তু এক দিন ষ্টিয়ারফোর্থ জানাইল যে, বাড়ী যাইবার জন্য আমার আশ্বাস আসিয়াছে।

তার পর এক দিন সত্যই আমি ইয়ারমাউথ রেলগাড়ীতে স্থান পাইলাম। রাতিকালে গাড়ীর মধ্যে শয়ন করিয়া বারবার আমার তন্দ্রা টুটিয়া গেল। কত রকমের স্বপ্ন দেখিলাম—সালেম হাউস, মিঃ ক্রিকেল—ক্রীড়া-প্রাঙ্গণ।

অষ্টম পরিচ্ছেদ

রাত্রি-প্রভাতের পূর্বেই একটা চটিতে গাড়ী আসিয়া থামিল। এই পাহনিবাসে আমি পূর্বে আসি নাই। এখানে উত্তম শযায় শয়ন করিলাম।

বেলা ৯টার সময় মিঃ বার্কিসের গাড়ী আমাকে গৃহে লইবার জন্ত আসিবে। বেলা ৮টায় উঠিয়া আমি প্রস্তুত হইলাম। মিঃ বার্কিস্ নিরুপিত সময়ে হাজির হইল। আমার বাহু গাড়ীর মধ্যে তুলিয়া দেওয়া হইল। গাড়ী চলিতে লাগিল।

আমি বলিলাম, “মিঃ বার্কিস্, তুমি বেশ ভাল আছ দেখছি।”

সে তাহার কোটের হাতা দিয়া নিজের গণ্ডদেশ একবার ঘষিয়া লইল। কিন্তু কোনও উত্তর দিল না।

আমি বলিলাম, “মিঃ বার্কিস্, তোমার কথা আমি পেগটীকে লিখে জানিয়েছিলাম।”

সে বলিল, “আঃ।”

কিছু ইতস্ততঃ করিয়া আমি বলিলাম, “কাজটা কি ঠিক হয়নি, মিঃ বার্কিস্?”

মিঃ বার্কিস্ বলিল, “কেন? না।”

“খবর দেওয়া ভাল হয়নি?”

সে বলিল, “খবর ঠিকই দিয়েছ। কিন্তু ঐ পর্য্যন্ত। এখানেই শেষ।”

কথাটা বুঝিতে না পারিয়া বলিলাম, “শেষ হয়ে গেছে, মিঃ বার্কিস্?”

আমার দিকে অপাঙ্গে দৃষ্টিপাত করিয়া সে বলিল, “কিছু ফল হয়নি। কোন উত্তর পাওয়া যায় নি।”

আমি চক্ষু বিস্ফারিত করিয়া বলিলাম, “তুমি কি মনে করেছিলে যে, পত্রের উত্তর পাবে?”

মিঃ বার্কিস্ বলিল, “যখন কোন মানুষ বলে যে, সে রাজি আছে, তখন সে আশাই করে যে, একটা উত্তর সে পাবে।”

“তার পর?”

মিঃ বার্কিস্ বলিল, “তার পর লোকটা সেই অবধি উত্তরের প্রতীক্ষা করছে।”

শকটচালক অশ্বের কাণের উপর দৃষ্টি গুস্ত করিয়া রাখিয়াছিল।

“তাকে তুমি সে কথা জানিয়েছ, মিঃ বার্কিস্?”

“না। তার কাছে যাবার সময় আমার হয়নি। ছটার বেশী কথাও আমি তার সঙ্গে এ পর্য্যন্ত বলিনি। ও কথাটা তাকে গিয়ে আমি বলতে পারিনি।”

আমি সন্দেহদোলায় ছলিতে ছলিতে বলিলাম, “কথাটা আমি তাকে বলতে পারি কি?”

মিঃ বার্কিস্ বলিল, “তা তুমি বলতে পার—অবশ্য যদি ইচ্ছা হয়। তুমি বলতে পার—বার্কিস্ উত্তরের অপেক্ষা করে আছে। কি তার নাম?”

“তার নাম?”

মাথা নাড়িয়া বার্কিস্ বলিল, “হ্যাঁ।”

“পেগটী।”

মিঃ বার্কিস্ বলিল, “ডাক নাম, না, আসল পদবী?”

“তার ডাক নাম ক্লারা।”

“তাই না কি?”

মিঃ বার্কিস্ আর কোন কথা কহিল না। চুপ করিয়া বসিয়া যেন মনে মনে শিস্ দিতে লাগিল। খানিক পরে সে বলিল, “তুমি বলবে, পেগটী, বার্কিস্ উত্তরের অপেক্ষা করে আছে। সে বলবে—সেটা কি? তুমি বলবে, বার্কিস্ রাজি আছে।”

বলিতে বলিতে সে তাহার কনুই দিয়া আমার পাঁজরায় আঘাত করিল। তার পর আর সে কোন কথা বলিল না। অর্দ্ধঘণ্টা পরে সে এক টুকরা খড়্গমাটী লইয়া গাড়ীর একাংশে লিখিল, “ক্লারা পেগটী।”

গৃহে ফিরিয়া যাওয়ার মধ্যে একটা বিচিত্র অনুভূতি আছে। আগে যখন মা, আমি ও পেগটী এই তিন জন ছিলাম, আর কেহ ছিল না, তখন কি আনন্দের দিনই না গিয়াছে। এখন যেন সে সকল স্বপ্ন বলিয়া মনে হয়।

আমাদের বাড়ী ক্রমে দৃষ্টিপথে পড়িল। গাছগুলির অন্তরাল হইতে আমাদের গৃহ দেখা যাইতেছিল।

বাগানের ফটকের কাছে বার্কিস্ আমার বাহু নামাইয়া দিয়া চলিয়া গেল। আমি উদ্যানপথে বাড়ী চলিলাম। বাতায়নের দিকে চাহিলাম—ভয় হইতেছিল, পাছে মিঃ ও মিস্ মর্ডষ্টোনের সহিত চোখোচোখি হয়। কিন্তু কাহারও মুখ দেখা গেল না। আমি দরজা খুলিয়া নিঃশব্দে লঘুপদে ভিতরে প্রবেশ করিলাম।

মার কণ্ঠস্বর কাণে গেল। তিনি যেন মৃদুকণ্ঠে গান গাহিতেছিলেন। আমাকে কোশলে ঘুম পাড়াইবার সময় যেমন ঘুম-পাড়ানিয়া গান গাহিতেন, তেমনই গান।

আমার মনে হইল, মা যেন একাই আছেন। আমি মৃদু চরণে সেই ঘরে প্রবেশ করিলাম। তিনি অগ্নিকুণ্ডের ধারে বসিয়াছিলেন। তাঁহার কোলে শিশু। মা তাহাকে স্তম্ভ পান করাইতেছিলেন। শিশুর ছোট হাতটি তাঁহার অঙ্গসোপরি গুস্ত। মা শিশুর মুখের দিকে তাকাইয়া ছিলেন।

আমি কথা বলিতেই তিনি চমকিয়া উঠিলেন। আমাকে দেখিয়াই তিনি আদর করিয়া আমার নাম ধরিয়া আমাকে ডাকিলেন—ছুটিয়া আসিয়া আমাকে টানিয়া লইয়া মুখে চুম্বা দিলেন। তাঁহার বক্ষোদেশে আমার মাথা রাখিলেন। কোলের শিশুর হাতটি তিনি আমার ওষ্ঠের উপর মৃদু চাপিয়া ধরিলেন।

আমার মনে হইল, তখন আমার মৃত্যু হইলেই ভাল হইত।



মা বলিলেন, “এটি তোমার ভাই। ডেভি, আমার যাক, আমার মাগিক!” মা পুনঃ পুনঃ আমার চুমা দিতে লাগিলেন—বুকে চাঁপিয়া ধরিলেন।

এমন সময় পেগটী ছুটিয়া আসিল। সে আমাদের দুই জনকে লইয়া প্রায় পনের মিনিট পাগলের মত ব্যবহার করিতে লাগিল।

বুঝিলাম, এত শীঘ্র আমি আসিব, তাহা কেহ ভাবে নাই। বাকিস্ অনেক আগেই আমায় পৌছাইয়া দিয়া গিয়াছে। মিঃ ও মিস্ মর্ডষ্টোন কোথায় বেড়াইতে গিয়াছেন। রাত্রির পূর্বে তাঁহারা বাড়ী ফিরিবেন না। আমি ইহা আশা করি নাই। আমরা তিন জন যে নিরুপদ্রবে আবার কিছুক্ষণ থাকিতে পাইব, তাহা আমার কল্পনারও অতীত ছিল। ভাবিলাম, আবার পূর্বের দিন যেন ফিরিয়া আসিয়াছে।

আমরা অগ্নিকুণ্ডের ধারে বসিয়া আহার করিতে লাগিলাম। পেগটী আমাদের আহার্য পরিবেষণ করিতে গেলে, মা তাহাতে আপত্তি জানাইয়া তাহাকেও আমাদের সহিত আহারে বসাইলেন। আমার পুরাতন প্লেটে আমাকে আহার্য দেওয়া হইল। এত দিন পেগটী উহা অগ্রত লুকাইয়া রাখিয়া দিয়াছিল। আমার পুরাতন পানপাত্র বাহির হইয়া আসিল। যে ছোট কাঁটা-চামচ আমি ব্যবহার করিতাম, তাহাও পেগটী বাহির করিয়াছিল।

আহারে বসিয়া মিঃ বাকিসের কথাটা পেগটীকে বলিবার সুবিধা মনে করিলাম। আমার বক্তব্য শেষ হইবার পূর্বেই পেগটী হাসিতে হাসিতে মুখে রুমাল চাপা দিল।

মা বলিলেন, “পেগটী, ব্যাপার কি?”

পেগটী শুধু হাসিতেই লাগিল। সে হাসি আর ধামে না। সে মুখে রুমাল জোরে চাপিয়া ধরিতেই মা তাহা জোর করিয়া খুলিয়া ফেলিলেন।

হাসিতে হাসিতে মা বলিলেন, “কি করিস্ বল ত, পেগটী! কথাটা বলই না।”

পেগটী হাসিতে হাসিতে বলিল, “লোকটা আমায় বিয়ে করতে চায়।”

মা বলিলেন, “এ বিয়ে ত ভাল। কেমন, নয় কি?”

পেগটী বলিল, “আমি জানিনে। আমায় কিছু জিজ্ঞাসা করবেন না। সে যদি সোনা দিয়েও তৈরী হয়, তবু আমি তাকে নিতে পারিনে। অল্প কাকেও আমার নেবার উপায় নেই।”

মা বলিলেন, “তবে সে কথাটা তাকে বলে দিলেই হয়।”

রুমাল হইতে মুখ তুলিয়া পেগটী বলিল, “কাকে বলব? সে ত এ বিষয়ে আমাকে একটা কথাও বলে নি। সে যদি সাহস করে কোন দিন আমার কাছে কোন প্রস্তাব করত, আমি তার গালে এক চড় বসিয়ে দিতুম।”

তাহার আরও মুখমণ্ডল পূর্ববৎই ছিল। তথাপি সে মুখের উপর আবার রুমাল চাপা দিল। সঙ্গে সঙ্গে প্রচণ্ড

হাসির বন্যা বহিয়া চলিল। এইরূপে আমাদের ভেজ অগ্রসর হইল।

মা যদিও হাসিতেছিলেন, তথাপি মনে হইল, তিনি যেন গভীর চিন্তায়ুক্ত হইয়া পড়িয়াছিলেন। আমি আসিয়াই মার চেহারার পরিবর্তন দেখিয়াছিলাম। অবশ্য তাঁহার মুখমণ্ডল খুবই সুন্দর তখনও ছিল। তবে তাঁহার বাহ্য অত্যন্ত শীর্ণ এবং সাদা হইয়া গিয়াছিল। আকৃতির পরিবর্তনের সঙ্গে তাঁহার ব্যবহারেও পরিবর্তন লক্ষ্য করিলাম। মা যেন অত্যন্ত চিন্তাকুল এবং উদ্ভিগ্ন দেখিলাম। মা অনেকক্ষণ পরে পেগটীর বাহুতে হাত রাখিয়া বলিলেন, “পেগটী, তুমি সত্যি বিয়ে করতে চাচ্ছ না?”

“আমি, ম্যাডাম? ভগবান্ জানেন, কখনই না।”

মা কোমল-কণ্ঠে বলিলেন, “আজকালই বিয়ে করবে না?”

পেগটী দৃঢ়-কণ্ঠে বলিয়া উঠিল, “কখনই না।”

মা তাহার একখানি কর গ্রহণ করিয়া বলিলেন, “পেগটী, আমায় ছেড়ে যেও না। আমার কাছেই তুমি থাক। বোধ হয়, বেশী দিন দরকার হবে না। তুমি না থাকলে আমার কি ক’রে চলবে?”

পেগটী বলিয়া উঠিল, “আমি আপনাকে ছেড়ে যাব? আপনি তাঁর স্ত্রী। আমি জগতের বিনিময়েও আপনাকে ছেড়ে কোথাও যাব না। কেমন ক’রে এ কথাটা আপনি ভাবতে পারলেন?”

অনেক সময় পেগটী মাকে খেম ছোট মেয়েটির মত ব্যবহার করিত।

মা কোনও উত্তর দিলেন না, শুধু তাহাকে ধন্যবাদ জ্ঞাপন করিলেন। পেগটী নিজের মনেই বলিয়া চলিল, “আমি আপনাকে ছেড়ে চ’লে যাব? পেগটী আপনার কাছ থেকে অল্প জায়গায় যাবে? না, না, পেগটী তা করবে না। অবশ্য এমন অনেক বেড়াল আছে, যারা আমি গেলে সুখী হয়, কিন্তু পেগটী তাদের সুখী হবার অবকাশ দেবে না, ঠাকরুণ! আমি থাকায় তাদের খুব রাগ, কষ্ট হবে জানি। তাই আমি আপনাকে কখনই ছেড়ে যাব না। বুড়ী অথর্ব্ব ষত দিন না হচ্ছি, আমি থাকবই। তার পর যখন কাণে শুন্তে পাব না, খোঁড়া হয়ে পড়ব, চোখে দেখতে পাব না, দাঁত সব প’ড়ে যাবে, যখন কোন কাজে লাগব না, সবাই আমার খুঁত দেখে বেড়াবে, তখন আমি ডেভির কাছে যাব। তাকে বলব, সে যেন আমাকে কাছে রাখে।”

আমি বলিয়া উঠিলাম, “আমি তোমাকে তখন পেয়ে কৃতার্থ হব। আমি তোমাকে রানীর মত আদরে কাছে রাখব।”

পেগটী বলিল, “ভগবান্ তোমার মঙ্গল করুন, বাছা। আমি জানি, তুমি তা পার, তা করবে।” সে আমাকে চুমায় চুমায় আচ্ছন্ন করিয়া দিল। তার পর আবার

কমালখানা মুখে চাপিয়া মিঃ বার্কিসের প্রসঙ্গ লইয়া হাসিতে লাগিল। তার পর সে খোকাকে দোলা হইতে কোলে তুলিয়া লইল। খোকাকে আদর করা হইলে, সে আহর্গ্যানের টেবল হইতে সরাইয়া ফেলিল। সমস্ত কাজ দারিয়া পেগটী আর একটা টুপী মাথায় দিয়া সেলাইয়ের কাজ লইয়া আসিল।

অগ্নিকুণ্ডের ধারে বসিয়া আমরা আনন্দে নানারূপ আলোচনা করিতে লাগিলাম। আমি তাহাদিগকে নিষ্ঠুর-প্রকৃতি মিঃ ক্রিকেলের কথা বলিলাম। তাঁহার গুনিয়া দুঃখ প্রকাশ করিতে লাগিলাম। তার পর ষ্ট্রয়ারফোর্থ কি সুন্দর ছেলে, তাহাও বর্ণনা করিলাম। সে আমার কিরূপ হিতৈষী, তাহাও বলিয়া ফেলিলাম। গুনিয়া পেগটী বলিল যে, এমন ছেলেকে দেখিবার জন্ত সে অনায়াসে ২০ মাইল হাঁটিয়া যাইতে পারে।

খোকার ঘুম ভাঙিলে আমি তাহাকে কোলে লইয়া আদর করিতে লাগিলাম। সে আমার কোলে ঘুমাইয়া পড়িল। পুরাতন অভ্যাস অনুসারে আমি মার পাশে পাশেই বেড়াইতে লাগিলাম। মার কর্ণদেশ বাহুবেষ্টনে জড়াইয়া ধরিলাম। মা আমার মুখের দিকে নত হইলেন। তাঁহার সুন্দর কেশরাজি আমার মুখের উপর ছড়াইয়া পড়িল। আমি তখন আপনাকে অত্যন্ত সুখী বলিয়া মনে করিলাম।

অগ্নিকুণ্ডের দিকে চাহিয়া আমি বসিয়া রহিলাম, আমার মনে হইতেছিল যে, আমি বাড়ী ছাড়িয়া কোথাও যেন যাই নাই। মিঃ ও মিস্ মর্ডষ্টোন যেন ছবির মানুষ, বাস্তব জীবনে কখনও তাহাদের সংস্রবে যেন আসি নাই। মনে হইতেছিল, সবই মিথ্যা। সত্য শুধু মা, আমি ও পেগটী।

সেলাই করিতে করিতে হঠাৎ পেগটী বলিয়া উঠিল, “আচ্ছা, ডেভিড ঠাকুরমার কি হ’ল বলুন ত? তাঁর কোন খবরই ত নেই!”

মা যেন নিদ্রোখিত হইয়া চেয়ার ছাড়িলেন। তার পর হাসিয়া উঠিলেন, “পেগটী, কি যা তা ব’কে যাচ্ছ?”

পেগটী বলিল, “কিন্তু ম্যাডাম, এ ব্যাপারে সত্যি আমার বিশেষ বিষয় বোধ হচ্ছে।”

মা বলিলেন, “হঠাৎ আজ তাঁর কথা তোমার মগজে এল কেন? আর কারও কথা মনে পড়ছে না কেন?”

পেগটী বলিল, “কেন, তা জানিনে। অল্প কোন লোকের কথা আমার মনে আসছে না। আমি কেবল ভাবছি, তাঁর কি হলো?”

“কি বাজে কথা বলছ তুমি, পেগটী। তোমার কথা শুনে মনে হয় যে, তিনি আবার আসেন, এটা যেন তোমার ইচ্ছে।”

পেগটী বলিয়া উঠিল, “ভগবান্ করুন, যেন তা না হয়!”

মা বলিলেন, “তবে ও কথার আলোচনা ছেড়ে দেও, আমার ভাল লাগে না। মিস্ বেটসি সমুদ্রধারের কুটারে দরজা বন্ধ ক’রে ব’সে আছেন। ঐ ভাবেই তিনি থাকবেন। যাই হোক, তিনি ভবিষ্যতে আমাদের আর বিরক্ত করবেন না।”

পেগটী যেন আশ্চর্যভাবেই বলিল, “না। তা হয়ে কাজ নেই। তবে আমি ভাবি, তিনি ম’রে গেলে ডেভিকে কিছু দিয়ে যাবেন কি না।”

মা বলিলেন, “কি বলছ তুমি, পেগটী! কি বোকা মেয়ে তুমি। তুমি জান, ডেভি জন্মেছে বলেই তিনি বিরক্ত হয়ে গেছেন। আবার ঐ রকম আশা তুমি কর?”

পেগটী বলিল, “আমার মনে হয়, তিনি ডেভিকে কোন দিন ক্ষমা করবেন না।”

মা তীক্ষ্ণ-কণ্ঠে বলিলেন, “এ কথা তোমার মনে আসছে কেন? ক্ষমার কথা বলছ কেন?”

পেগটী বলিল, “ডেভিড এখন আর একটা ভাই হয়েছে বলে।”

মা কাঁদিতে কাঁদিতে বলিলেন যে, পেগটী কি করিয়া এ কথা বলিতে সাহস করিল?

তিনি বলিলেন, “এই নির্দোষ শিশু কার কি দোষ করেছে—তোমার কি ক্ষতি করেছে? এত ঈর্ষা কেন? তুমি বরং মিঃ বার্কিসকে বিয়ে কর গে। কেন করবে না?”

পেগটী বলিল, “তাতে মিস্ মর্ডষ্টোন খুসীই হবে।”

মা বলিয়া উঠিলেন, “পেগটী, তোমার কি সন্দেহ মন। তুমি মিস্ মর্ডষ্টোনকে খেলো করতে চাও—তাঁর সম্বন্ধে যা তা ভাব। চাবী তোমার কাছেই রাখ, জিনিষপত্র সব নিজেই বার ক’রে দেও, কেমন না? তুমি জান, সহক্ষেপেই তিনি সব করে থাকেন।”

পেগটী মুহূর্ত্তেরে কি বলিল, ভাল বুঝা গেল না।

মা বলিলেন, “জানি, তুমি কি বলতে চাচ্ছ। কিন্তু এখন মিস্ মর্ডষ্টোনের কথাই হচ্ছে, সে কথাটাই আলোচনা করা যাক। তার পর অল্প কথা হবে তুমি তাঁকে প্রায়ই বলতে শুনেছ যে, আমি অত্যন্ত উদাসীন, অত্যন্ত—”

“সুন্দর”—পেগটী বলিয়া উঠিল।

মা বলিলেন, “হাঁ, তাই। যদি বোকার মত তিনি সে কথা বলেন, তা হ’লে সেটা কি আমার দোষ?”

পেগটী বলিল, “কে তা বলছে?”

মা বলিলেন, “তুমি কি তাঁকে প্রায় বলতে শোননি যে, এখন কাজের আমি উপযুক্ত নই, তাই তিনি সকাল-বেলা উঠে, সব জায়গায় ঘুরে, এটা সেটা নাড়াচাড়া করেন। কোথায় কয়লা, কোথায় কি আছে না আছে, সব খোঁজ নেন। এই যে সকাল-সন্ধ্যা ব্যস্ততা, এটা কি তাঁর মন্দ কাজ—ভালবাসেন বলেই না এত কষ্ট করা।”

পেগটী বলিল, “আমি তাঁকে ত দোষ দিচ্ছি না।”

“হ্যা, দোষ তুমি দিয়ে থাক। নিজের কাজ ছাড়া তুমি আর কিছুই কর না। অথচ তুমি দোষ খুঁজে বেড়াও। তাতে তুমি আমোদ পূর্ণ। মিঃ মর্ডষ্টোনের অভিপ্রায়েও তুমি দোষ ধরে থাক।”

পেগটী বলিল, “আমি তাঁর বিষয়ে কোন কথাই বলিনে।”

মা বলিলেন, “না পেগটী, অস্বীকার করো না। তুমি দোষ ধরে থাক। কিন্তু সত্যি তিনি এক জনকে ভালবাসেন। অবশ্য আমারই জন্ম। তার ভালর জন্মই তিনি কিছু কঠোর হয়েছেন। আমি দুর্বল, আমি অববেচক, তাই তিনি দৃঢ়তার সঙ্গে শুধু এক জনের কল্যাণকামনায় এ সব করেছেন। এ জন্ম আমি তাঁর কাছে কৃতজ্ঞ।”

পেগটী কোনও উত্তর করিল না; গালে হাত দিয়া বসিয়া রহিল। তাহার দৃষ্টি জ্বলন্ত অগ্নিকুণ্ডের দিকে।

মা বলিলেন, “পেগটী, আমরা যেন পরস্পরকে ভুল না বুঝি। তোমার আমার মধ্যে মনোমালিন্য হ’লে তা আমি সহ্য করতে পারব না। তুমিই আমার প্রকৃত বন্ধু। আমি তোমাকে যা-ই বলি, আমি জানি, জগতে তোমার মত বন্ধু আমার আর কেহ নেই। মিঃ কপারফিল্ড প্রথম যে দিন আমাকে এখানে নিয়ে আসেন, তুমিই আমাকে গেটের কাছ থেকে ঘরে এনেছিলে।”

পেগটী নীরব রহিল না। বন্ধুত্বের পরিচয় দিল—মার সঙ্গে তাহার মিলন হইয়া গেল।

চা-পানের পর আমি পেগটীকে আমার বই পড়িয়া শুনাইলাম। তার পর স্কুলের কথা উঠিল। আমি বার বার করিয়া পিয়ারফোর্থের কথা তাহাকে শুনাইলাম।

রাত্রি দশটার সময় গাড়ীর চাকার শব্দ শোনা গেল। মা আমাকে তাড়াতাড়ি ঘুমাইবার জন্ম বলিলেন। ছেলেদের এত রাত্রি পর্যন্ত জাগিয়া থাকা মিঃ ও মিস্ মর্ডষ্টোন পছন্দ করেন না। আমি মাকে চুম্বন করিয়া উপরে চলিয়া গেলাম।

পরদিন সকালবেলা প্রাতরাশে ঘাইবার সময় আমার কেমন অস্বস্তি বোধ হইতে লাগিল। আমার সেই অপরাধের পর মিঃ মর্ডষ্টোনের সহিত আর চোখাচোখি হয় নাই। যাহা হউক, যখন ঘাইতেই হইবে, ইতস্ততঃ করিয়া কোন লাভ নাই। অনেক কষ্টে অবশেষে বৈঠকখানা-ঘরে প্রবেশ করিলাম।

তিনি অগ্নিকুণ্ডের ধারে পশ্চাৎ ফিরিয়া দাঁড়াইয়াছিলেন। মিস্ মর্ডষ্টোন চা তৈয়ার করিতেছিলেন। আমার দিকে তীক্ষ্ণ দৃষ্টিতে তিনি চাহিলেন। কিন্তু কোন কথাই বলিলেন না।

এক মুহূর্ত ইতস্ততঃ করিয়া আমি তাঁহার কাছে গেলাম। বলিলাম, “আমায় ক্ষমা করুন, স্যার। আমি যা করেছি, সে জন্ম আমি অনুতপ্ত। আশা করি, আপনি আমায় ক্ষমা করবেন।”

তিনি বলিলেন, “তোমার কথা শুনে খুশী হলাম, ডেভিড।” আমি যে হাতে দংশন করিয়াছিলাম, তিনি সেই হাতই প্রসারিত করিলেন। একটি লাল দাগ তখনও ছিল। আমার দৃষ্টি তাহার উপর পড়িল। কিন্তু তাঁহার মুখের দিকে চাহিয়া আমি যে রক্তরেখা তাঁহার আননে দেখিলাম, হাতের লোহিত চিহ্ন তত মারাত্মক নহে।

মিস্ মর্ডষ্টোনকে লক্ষ্য করিয়া বলিলাম, “আপনি কেমন আছেন?”

হাত বাড়াইয়া না দিয়া তিনি চা-র পেয়ালা আমার দিকে আগাইয়া দিলেন। বলিলেন, “কত দিন ছুটির আর আছে?”

“এক মাস, ম্যাডাম।”

“কবে থেকে?”

“আজ থেকে, ম্যাডাম।”

মিস্ মর্ডষ্টোন বলিলেন, “ওঃ! তবে আজ এক দিন ক’মে গেল।”

আমার ছুটির হিসাব তিনি রাখিতে লাগিলেন। প্রতিদিন সকালে তিনি একটা করিয়া দিন বাদ দিতে ভুলিতেন না। এইরূপে দশ দিন চলিয়া গেল। যতই ছুটির দিন কমিতেছিল, তিনি যেন প্রফুল্ল হইয়া উঠিতেছিলেন।

প্রথম দিনেই আমি মিস্ মর্ডষ্টোনের চিত্তক্ষেত্রে বিক্ষোভের ঝড় তুলিয়াছিলাম। আমার দুর্ভাগ্য। মা ও তিনি ঘরের মধ্যে যখন গল্প করিতেছিলেন, সেই সময় আমি তথায় গিয়াছিলাম। খোকা ভাইটি তখন আমার মার কোলে ছিল—তাহার বয়স কয়েক সপ্তাহ হইয়াছিল। আমি তাহাকে সম্বন্ধে আমার কোলে তুলিয়া লইয়াছিলাম। ইহাতে মিস্ মর্ডষ্টোন এমন চীৎকার করিয়া উঠিয়াছিলেন যে, আর একটু হইলেই খোকা আমার কোল হইতে পড়িয়া যাইত।

“মা বলিলেন, “প্রিয় জেনু!”

মিস্ মর্ডষ্টোন বলিলেন, “ভগবানের দোহাই, ক্লারা দেখলে না তুমি?”

“কি দেখব, জেনু? কোথায়?”

মিস্ মর্ডষ্টোন বলিয়া উঠিলেন, “ওকে নিয়েছে যে। ছেলেটা খোকাকে নিয়েছে।”

ভয়ে অস্থির হইয়া তিনি তাড়াতাড়ি আমার কোল হইতে খোকাকে কাড়িয়া লইলেন। তার পর তাঁহার মুচ্ছা হইল। ত্রাণ পানে তবে তাঁহার চৈতন্য সম্পাদিত হয়। জ্ঞান হইলে তিনি আমার বলিয়াছিলেন, ভবিষ্যতে কোন অজুহতেই আমি যেন খোকাকে না কোলে করি। আমার মাও তাহাতে সায় দিয়া বলিলেন, “জেনু, তুমি ঠিক কথাই বলেছ।”

আর এক দিনের কথা। আমরা তিন জনে বসিয়াছিলাম। মা খোকাকে কোলে লইয়াছিলেন। তাহার দিকে চাহিয়া চাহিয়া মা ডাকিলেন, “ডেভি, এ দিকে আয় ত, বাবা।”



আমার মুখের দিকে চাহিয়া মা বলিলেন, “হুজনে এক রকম দেখতে হয়েছে। হুজনের চোখ একই রকমের। আমার চোখ পেরেছে। হুজনের চোখ একই রকমের।”

মিস্ মর্ডষ্টোন বলিলেন, “কি বলছ তুমি, ক্লারা?”

মা স্থলিত-কণ্ঠে বলিলেন, “ডেভিডের চোখ খোকার চোখ ঠিক এক রকমের।”

ক্রোধে জ্বলিয়া উঠিয়া মিস্ মর্ডষ্টোন বলিলেন, “সময় সময় তুমি ঘোর বোকার মত কথা বলে থাক। আমার ভায়ের ছেলের সঙ্গে তোমার ছেলের তুলনা? মোটেই মিল নেই। আমার মনে হয়, ঐ রকম তফাৎ বরাবরই থাকবে। তুমি এ রকম তুলনা আর কখনও করো না।”

মিস্ মর্ডষ্টোন ক্রোধভরে কক্ষান্তরে চলিয়া গেলেন।

মোট কথা, মিস্ মর্ডষ্টোন আমাকে দেখিতে পারিতেন না। আমি নিজেকে নিজেকে দেখিতে পারিতাম না। যাহারা সত্যি আমাকে ভালবাসে, তাহারা প্রকাশে সে ভালবাসা দেখাইতে পারিত না। কাজেই আমি দিন দিন বিমর্ষ, উৎসাহহীন হইয়া পড়িতেছিলাম।

আমার মনে হইত, আমি সকলকে অসুখী করিতেছি, আর তাহারাও আমাকে অসুখী করিয়া তুলিতেছে। সকলে সে ঘরে বসিয়া গল্প করিতেছে, আমি তথায় আসিলে দেখিতাম, মার প্রসন্ন আননে হুশ্চিন্তার মেঘ নিবিড় হইয়া উঠিয়াছে। মিস্ মর্ডষ্টোনও যদি প্রসন্নভাবে গল্পগুজব করিতে থাকিতেন, আমাকে দেখিলে তাঁহার সে প্রসন্নতা অস্তিত্ব হইত।

মিস্ মর্ডষ্টোন যদি অপ্ৰসন্ন অবস্থায় থাকিতেন, আমাকে দেখিলে তাহা শতগুণ বর্ধিত হইত। আমি জানিতাম, আমার মা তাঁহাদের কবলে পড়িয়া তাঁহাদের কথাতেই পরিচালিত হইতেছেন। মা তাই আমার সঙ্গে কথা বলিতে পারিতেন না, আমাকে দয়া দেখাইতেও সমর্থ হইতেন না। কারণ, পাছে তাহাতে তাহারা তাঁহার কোনও দোষ আবিষ্কার করিয়া ফেলে। কাজেই আমাকে দেখিয়া তাহারা কে কি করে, মা শুধু উৎকণ্ঠিতভাবে তাহাই লক্ষ্য করিতেন।

ব্যাপার দেখিয়া আমি তাহাদের সাম্বল্য যথাসাধ্য এড়াইয়া চলিতাম। এই জন্ত অনেক সময় আমি নিজের ঘরে একা থাকিতাম। অপরাহ্নে মাঝে মাঝে রান্নাঘরে গিয়া পেগটার কাছে বসিতাম। সেখানে আমার অনেকটা স্বাচ্ছন্দ্য বোধ হইত।

এক দিন আহ্বারের পর আমি নিয়মমত ঘর হইতে বাহিরে যাইতেছি, এমন সময় মিস্ মর্ডষ্টোন আমাকে ডাকিয়া বলিলেন, “ডেভিড, আমি বড়ই হুঃখিত হচ্ছি যে, তুমি দিন দিন মনমরা হয়ে পড়ছ।”

মিস্ মর্ডষ্টোন পোঁ ধরিয়া বলিলেন, “ভালুকের মত হুঃখিত।”

আমি নিঃশব্দে দাঁড়াইয়া মাথা নত করিলাম।

মিস্ মর্ডষ্টোন বলিলেন, “শোন, ডেভিড, ঐ রকম থাকা বড় বদ অভ্যাস।”

তাঁহার ভগিনী বলিয়া উঠিলেন, “এ রকম যাদের স্বভাব, তারা ভাল হয় না, গোঁয়ার হয়। প্রিয় ক্লারা, তুমি বোধ হয় এটা লক্ষ্য করেছ?”

মা বলিলেন, “প্রিয় জেনু, মনে কিছু করো না। কিন্তু তুমি কি ডেভিডের মন বুঝতে পেরেছ?”

মিস্ মর্ডষ্টোন বলিলেন, “আমার লজ্জা হচ্ছে, ক্লারা, তোমার ছেলেই হোক বা অন্দের ছেলেই হোক, আমি তাদের মন বুঝতে পারি না, এমন কথা তুমি বললে কি করে? আমি সর্বজ্ঞ নই, কিন্তু সাধারণ বুদ্ধি তো আমার আছে।”

মা বলিলেন, “প্রিয় জেনু, তাতে সন্দেহ নেই। তোমার বুদ্ধি খুব তীক্ষ্ণ—”

ক্রুদ্ধকণ্ঠে বাধা দিয়া মিস্ মর্ডষ্টোন বলিলেন, “না, না, ও কথা বলো না, ক্লারা।”

মা বলিলেন, “আমি কিন্তু জানি, তোমার তীক্ষ্ণ বুদ্ধি আছে। সকলে বলেও তাই। তোমার বুদ্ধিমত চলে আমার উপকারই হয়। আমি তোমাকে ভাল করে জানি বলেই বলছি, তোমার বুদ্ধি অসাধারণ।”

মিস্ মর্ডষ্টোন বলিলেন, “ক্লারা, তোমার ছেলেকে না কি আমি বুঝতে পারি না। হয় ত আমি ঠিক বুঝতে পারি না। কারণ, সে গভীর জলের মাছ। কিন্তু আমার ভাই খুব জ্ঞানী, বুদ্ধিমান। তোমার ছেলের চরিত্র তাঁর কাছে অজ্ঞাত নয়। আমার ভাই যখন এ বিষয়ে কথা বলছিলেন, তাঁকে বাধা দিয়া আমরা শিষ্টজনাচিত কার্য্য করিনি।”

মিস্ মর্ডষ্টোন মৃদু-গম্ভীর-কণ্ঠে বলিলেন, “আমার মনে হয়, ক্লারা, তোমার ছেলের সম্বন্ধে বিচারের ভার তোমার উপর থাকা উচিত নয়। তুমি ভাবের আতিশয্যে চলছ। ওরকম হলে চলবে না।”

মা ক্ষীণকণ্ঠে বলিলেন, “এডওয়ার্ড, আমার চাইতে তোমার বিবেচনাশক্তি অনেক বেশী। তুমি ও জেনু হুজনেই আমার চেয়ে বেশী বোঝ। তবে আমি শুধু বলছিলাম—”

মিস্ মর্ডষ্টোন বলিলেন, “তুমি যা বলছিলে, তা সঙ্গত নয়, দুর্বলতাপূর্ণ। ক্লারা, এমন কাজ ভবিষ্যতে আর করো না। নিজেকে সংযত রেখ।”

মা যেন কি বলিতে যাইতেছিলেন, কিন্তু তিনি কোন কথাই বলিতে পারিলেন না।

মিস্ মর্ডষ্টোন আমার দিকে তীব্র দৃষ্টি নিক্ষেপ করিয়া বলিলেন, “ডেভিড, আমি হুঃখের সঙ্গেই বলছি, তোমার মন-মরা ভাবটা ভাল নয়। এ রকম স্বভাব আমি পছন্দ করি না। তোমাকে এ রকম হুঃখিত আমি দেব না। নিজেকে সংশোধন কর। আমরাও তোমার এ স্বভাব বদলে দিতে বাধ্য হব।”

আমি খলিত-কণ্ঠে বলিলাম, “সার, আমি ক্ষমা চাইছি। এখানে ফিরে আসা অবধি আমি মনমরা হয়ে থাকতে চাইনি।”

“মিথ্যা কথা বল নী, বলছি।”—এমন তীক্ষ্ণভাবে তিনি কথাটা বলিলেন যে, আমার মা যেন তাড়াতাড়ি কম্পিত হস্তে বাধা দিতে উঠিলেন। মিঃ মর্ডষ্টোন বলিয়া চলিলেন, “মনমরা হয়ে তুমি নিজের ঘরেই থাক। যে সময় তোমার এখানে থাক। দরকার, তখন তুমি নিজের ঘরে বসে থাক। এখন শুনে রাখ, আমি তোমাকে এখানে দেখতে চাই—তোমার ঘরে নয়। আরও জেনে রাখ, এখানে তুমি বাধ্য ছেলের মত থাকবে। আমায় ত চেন, ডেভিড। এটা আমি চাই।”

মিস্ মর্ডষ্টোন হাসিয়া উঠিলেন।

মিঃ মর্ডষ্টোন বলিয়া চলিলেন, “আমাকে সম্মান দেখাবে মিস মর্ডষ্টোনকে ও তোমার মাকে সম্মান দেখাবে। যখন খালি থাকবে, করবে। এ ঘরটাকে সংক্রামক ব্যাধির মত এড়িয়ে চলবে—একটা ছেলের খেয়াল মত সকলকে চলতে হবে, তা হ’তে পারে না। বস এখানে।”

কুকুরকে হুকুম করিলে সে যেমন তাহা শুনে, আমিও তাহাই করিলাম।

“আর একটা কথা জেনে রাখ। আমি দেখছি, তুমি ছোট লোকের সঙ্গে মিশতে আরম্ভ করেছ। চাকর-চাকরাণীর সঙ্গে মিশতে পাবে না। রান্নাঘরে গেলে তোমার স্বভাব বদলাবে না। শোন ক্লারা, তুমি এখনও বদ অভ্যাস ত্যাগ করতে পারনি। অনেক দিনের অভ্যাস ব’লে ঐ স্ট্রীলোকটাকে তুমি ভালবাস, বন্ধুর মত ব্যবহার কর। আমি সে জন্ত তোমাকে দুর্বল বলেই কিছু বলি না। কিন্তু ওটা চলবে না।”

মিঃ মর্ডষ্টোন আবার আমার দিকে চাহিয়া বলিলেন, “মিস্ট্রেস্ পেগটীর সঙ্গে তুমি মেশ, এটা আমার ঘোর অনিচ্ছা। সুতরাং তুমি তার সঙ্গে মিশতে পাবে না। আমার কথা যদি না শোন, তা হ’লে জান ত কি ফল হবে?”

আমি ভাল করিয়াই জানিতাম—বিশেষতঃ মার কথা মনে করিয়াই আমি তাঁহার আদেশ অক্ষরে অক্ষরে পালন করিয়া চলিলাম। আমার ঘরে তার পর আর প্রবেশ করিতাম না। বৈঠকখানা-ঘরে ক্লাস্তভাবে বসিয়া রাত্রির প্রতীক্ষা করিয়া থাকিতাম।

আমার সে কি দুর্দশা। সকল সময়েই নিজের কার্য-কলাপের উপর তীক্ষ্ণ দৃষ্টি রাখিতাম। হাঁটা, বসা, হাত-নাড়া—কখন মিস্ মর্ডষ্টোনের সমালোচনার বিষয়ভূত হইবে, জানিতাম না। এরূপ ভাবে সময়যাপন করিয়া কষ্টকর, তাহা ভুক্তভোগী ব্যক্তিত্ব অস্ত্রে বৃদ্ধিবে না।

আমার একা ভ্রমণ, তাঁহার সকল বিষয়েই আমি ভীষণ অস্বাচ্ছন্দ্য অনুভব করিতে লাগিলাম। কৌতুহলোদ্দীপক

কোন বই পড়িবার উপায় ছিল না। সকল সময় পাঠাগারিত প্রভৃতি লইয়া বৈঠকখানার কাটাইতে গেল। সে কি দুঃসহ অবস্থা। রাত্রি ২টার পরিত্যাগ করিয়া গেল।

ক্রমে ছুটির দিনগুলি চলিয়া গেল। মিস্ মর্ডষ্টোন এক দিন বলিলেন, “আজ শেষ ছুটির দিন চলে গেল।”

স্কুলে ফিরিয়া যাইতে আমার এতটুকু দুঃখবোধ হয় নাই। মিঃ বার্কিস্ আবার গৃহঘরে তাহার গাড়ী লইয়া আসিল। আবার মিস্ মর্ডষ্টোনের সতর্ক-বাণী শুনিলাম—“ক্লারা!”

মা তখন আমার উপর নত হইয়া আমাকে বিদায়-সম্ভাষণ জানাইতেছিলেন। আমি তাঁহাকে চুমা দিলাম। ছোট ভাইটিকেও চুমা দিলাম। তখন আমার মন দুঃখে অবসন্ন হইয়া পড়িল। কিন্তু চলিয়া যাইতেছি বলিয়া দুঃখ হইল না। কারণ, প্রত্যহই বিচ্ছেদের ব্যবধান বিস্তৃত হইতেছিল।

আমি যখন গাড়ীতে উঠিলাম, মার আস্থান কাণে গেল। দেখিলাম, মা বাগানের ফটকের কাছে দাঁড়াইয়া আছেন। কাছে কেহ নাই। শুধু তাঁহার ক্রোড়ে শিশু-ভ্রাতা। তখনও শীত ছিল। মা আমার দিকে নিম্পলক-নেত্রে চাহিয়া রহিলেন, দেখিলাম।

এইরূপে আমি তাঁহাকে হারাইলাম। স্কুলে ঠিক এই অবস্থায় আমি আমার জননীকে স্বপ্নে দেখিয়াছি। আমার শয্যাপার্শ্বে তাঁহাকে উপস্থিত হইয়া নিঃশব্দে দাঁড়াইতে দেখিয়াছি। তাঁহার ক্রোড়ে শিশু-ভ্রাতা।

### নবম পরিচ্ছেদ

স্কুলে পড়িতে পড়িতে মার্চমাসে আমার বাৎসরিক জন্ম-তারিখ উপস্থিত হইল। স্ট্রিয়ারকোর্থ ক্রমেই প্রশংসা লাভ করিতেছিল। অর্ধ-বৎসর শেষ হইলেই সে স্কুল ছাড়িয়া চলিয়া যাইবে। সে আরও স্বাধীনচিত্ততার পরিচয় দিতে লাগিল। কিন্তু স্কুলের অন্তান্ত কোন কথা এখন আমার মনে নাই। এইটুকু মনে আছে যে, সালেম হাউসে ছুটির পর আসিবার দুই মাস পরে আমার জন্ম-তারিখ উপস্থিত হইয়াছিল।

জন্ম-তারিখের দিনটা আমার মনে দাগ রাখিয়া গিয়াছে। সে দিনের প্রভাত কুহেলিকা-সমাজের ছিল। স্কুলগৃহের বাতায়ন দিয়া বাহিরের অগ্রসর দৃশ্য আমার দৃষ্টিপথে পতিত হইতেছিল।

প্রাতরাশের পর ক্রোড়াপ্রাঙ্গণ হইতে আমাদিগকে ফিরিয়া আসিবার ডাক আসিল। মিঃ শার্প আসিয়া বলিলেন, “ডেভিড কপারকিন্সকে বৈঠকখানার যেতে হবে—ডাক এসেছে।”

পেগটির নিকট হইতে উপহার আসিয়াছে ভাবিয়া আমি একটু উৎফুল্ল হইলাম। বালকরা বলিয়া রাখিল, জিনিষের ভাগ হইতে তাহারা যেন বঞ্চিত না হয়। আমি তাড়াতাড়ি হাইবার জন্ত প্রস্তুত হইলাম।

মিঃ শার্প বলিলেন, “তাড়াতাড়ি নেই, ডেভিড। যথেষ্ট সময় আছে, বাপু, অত ব্যস্ত হয়ো না।”

যে রূপ আবেগপূর্ণ-কণ্ঠে তিনি বলিলেন, তাহাতে বিস্মিত হওয়া উচিত ছিল। সে দিকে ক্রক্ষেপ করিলাম না। আমি বৈঠকখানার দিকে অগ্রসর হইলাম। মিঃ ক্রিকেল প্রাতঃরাশ ভোজন করিতে করিতে সংবাদপত্র পড়িতেছিলেন। মিসেস্ ক্রিকেল একখানা খোলা চিঠি হাতে করিয়া বসিয়াছিলেন—কোন উপহার দেখিলাম না।

একখানি সোফা দেখাইয়া দিয়া মিসেস্ ক্রিকেল বলিলেন, “ডেভিড কপারফিল্ড, তোমার সঙ্গে একটা কথা আছে। তোমাকে একটা খবর বলব, বাবা।”

মিঃ ক্রিকেলের দিকে আমি চাহিলাম। তিনি আমার দিকে না চাহিয়াই একবার মাথা নাড়িলেন। বোধ হইল, এক টুকরা মাখন-মাখন রুটী মুখে পুরিবার সময় যেন একটা উদ্ভাত দীর্ঘশ্বাস চাপিয়া গেলেন।

মিসেস্ ক্রিকেল বলিলেন, “প্রতিদিনই সংসারে কত পরিবর্তন ঘটে, তুমি ছেলেমানুষ, তা জান না। মানুষ প্রতিদিনই সংসার থেকে বিদায় নিচ্ছে, কেমন করে তা ঘটে, তোমার সে জ্ঞান নেই। কিন্তু ডেভিড, আমাদের সকলকেই সে অভিজ্ঞতা সঞ্চয় করতে হয়। কেউ অল্পবয়সে, কেউ বা বেশী বয়সে এ সব ব্যাপার জানতে পারে। সকলের জীবনেই এ সব ব্যাপার ঘটে।”

আমি তাঁহার দিকে সাগ্রহে দৃষ্টিপাত করিলাম।

কিছুকাল নীরব থাকিয়া মিসেস্ ক্রিকেল বলিলেন, “ছুটির পর তুমি যখন রাড়ী থেকে এসেছিলে, তখন সকলে ভাল ছিল? তোমার মা ভাল ছিলেন?”

জানি না কেন, আমার সমস্ত দেহ কাঁপিয়া উঠিল। ঠিক তেমনই আগ্রহভরে তাঁহার দিকে চাহিয়া রহিলাম। কিন্তু উত্তর দিবার কোনও চেষ্টা করিলাম না।

তিনি বলিলেন, “আমি অত্যন্ত দুঃখের সহিত তোমাকে জানাচ্ছি, তোমার মার সাম্প্রতিক অসুখ—আজ সকালে খবর এসেছে।”

আমার ও মিসেস্ ক্রিকেলের মাঝে সহসা কুস্মটিকার যবনিকা ভুলিয়া উঠিল। তাঁহার মূর্তি যেন সেই অস্পষ্টতার মধ্যে নড়িয়া চড়িয়া উঠিল। আমার গণ্ডেশ প্লাবিত করিয়া উচ্চ অশ্রুধারা প্রবাহিত হইল—সে ধারার বিরাম নাই।

তিনি আবার বলিলেন, “তাঁর পীড়া অত্যন্ত কঠিন।”

সবই বুঝিতেছিলাম।

“তাঁর মৃত্যু হয়েছে।”

এ কথা বলিবার প্রয়োজন ছিল না। আমার প্রাণ কাটিয়া একটা আর্ন্তনাদ বাহির হইল। এই বিপুল ধরনীতে আজ আমি পিতৃ-মাতৃহীন।

তিনি আমার প্রতি অত্যন্ত সদয় ব্যবহার করিতে লাগিলেন। সমস্ত দিন তিনি আমাকে তাঁহার কাছে রাখিলেন—কখনও কখনও আমাকে নির্জনে থাকিবার সুযোগ দিলেন। কাঁদিয়া কাঁদিয়া ক্লান্ত দেহে আমি ঘুমাইয়া পড়িলাম। জাগিয়া আবার কাঁদিতে লাগিলাম। যখন ক্রন্দনের শক্তি রহিল না, তখন ভাবিতে বসিলাম। আমার মন হুশিঙ্গার ভারে চূর্ণ হইবার উপক্রম করিল। একটা তীব্র বেদনা আমাকে অধীর করিয়া তুলিল।

ভাবিতে লাগিলাম, আমাদের বাড়ীর দরজা-জানালা রুদ্ধ হইয়াছে। ছোট খোকর কথা মনে জাগিল। মিসেস্ ক্রিকেলের কাছে গুনিয়াছিলাম, কিছু দিন হইতে সেও মৃত্যুর পথে আগাইয়া চলিতেছিল। সেও নাকি বাঁচিবে না, তাঁহারা আমায় বলিয়াছিলেন। গীর্জার প্রাঙ্গণে বাবুর সমাধিক্ষেত্রের কথা মনে পড়িল। মার সমাধিও বাবার সমাধির পার্শ্বে স্থান পাইবে, তাহা আমি জানিতাম। আমি একটা টুলের উপর উঠিয়া দর্পণে আমার প্রতিবিম্ব দেখিলাম। আমার চক্ষু কিরূপ আরক্ত হইয়াছে, তাহা দেখিবার ইচ্ছা হইয়াছিল।

অস্বোষ্টিক্রিয়ায় আমায় যোগ দিতে যাইতে হইবে। স্কুলের ছেলেরা আমার সম্বন্ধে সশ্রদ্ধ ব্যবহার করিতে লাগিল। আমি খেলার মঠে দুঃখাভিত্তভাবে বেড়াইতে লাগিলাম। ছেলেরা বাতায়নপথে আমাকে লক্ষ্য করিতে লাগিল।

পড়া শেষ হইলে তাহারা আমার সহিত কথা বলিবার জন্ত আসিল। আমি সকলের সঙ্গে সমান ব্যবহার করিতে লাগিলাম।

পরদিবস রাত্রিকালে আমায় বাড়ীর জন্ত যাত্রা করিতে হইবে। সে দিন ট্রাডেল্‌স্ আমায় বিছানায় শয়নের প্রস্তাব করিল। আজ আর গল্প বলা চলিল না।

পরদিবস অপরাহ্নে আমি স্যালেম হাউসে জাগ করিলাম। তখনও ভাবি নাই যে, এখানে আর আমাকে ফিরিয়া আসিতে হইবে না। সমস্ত রাত্রি ধরিয়া ধীরে ধীরে গাড়ী চলিতে লাগিল। পরদিবস ৯টার কি ১০টার ইয়ারমাউথে গাড়ী পৌঁছিল। আমি মিঃ বার্কিস্কে দেখিতে পাইব ভাবিয়াছিলাম, কিন্তু তাহার দেখা মিলিল না। তাহার পরিবর্তে আর এক জন মোটা বেঁটে লোককে দেখিলাম।

তিনি গাড়ীর মধ্য হইতে বলিলেন, “মাষ্টার কপারফিল্ড?”

বলিলাম, “হ্যাঁ, আমিই সেই।”

গাড়ীর দরজা খুলিয়া তিনি বলিলেন, “খোকরবাবু, তুমি আমার সঙ্গে আসবে? তোমাকে আমি বাড়ী নিয়ে যাব।”



আমি জানিতাম না, তিনি কে। তাঁহার হাত ধরিয়া গাড়ীতে উঠিলাম। কিছু দূর গিয়া তিনি একটা ছোট, সঙ্গীর্ণ গলির মধ্যে একটা বাড়ীর কাছে আমায় লইয়া গেলেন। দেখিলাম, শোকপরিচ্ছদ-নির্ম্মিতার দোকান। দোকানের মালিকের নাম—ওমার। একটা ঘরে আমরা নীত হইলাম।

ঘরের মধ্যে তিন জন নারী কাজ করিতেছিল। তাহারা আমাকে দেখিয়া মুখ তুলিয়া চাহিল।

মিঃ ওমার আমাকে আর একটা ঘরে লইয়া গেলেন। সেখানে গিয়া তিনি বলিলেন, “খোকাবাবু, তোমার সঙ্গে আমার পরিচয় আছে।”

আমি বলিলাম, “আপনি আমায় চেনেন?”

“নিশ্চয় জানি। তোমার বাবাকে জান্তাম। তিনি ২৫ফুট ২ইঞ্চি দীর্ঘ ছিলেন। এখন তিনি ২৫ফুট মাত্র নীচে আছেন।”

বলিলাম, “আমার ছোট ভাইটি কেমন আছে জানেন?”

“সে তার মার ক্রোড়ে ঘুমুচ্ছে।”

“সে বেঁচে নেই—ওঃ!”

“কিছু ভেবো না। দুঃখ ক’রে লাভ নেই। খোকাবাবু মারা গেছে।”

আমার ক্ষতস্থান হইতে আবার ঘেন রক্তধারা বহিয়া চলিল। আমাকে মিঃ ওমার যে রুটী, মাখন, চা খাইতে দিয়াছিলেন, তাহা পড়িয়া রহিল। কোনমতেই আর মুখে উঠিল না।

মিঃ ওমারের কণ্ঠা মিলি, আমার মুখের উপর হইতে চুলগুলি সম্বন্ধে সরাইয়া দিল।

এই সময় এক জন সুদর্শন যুবক প্রাক্ষণ পার হইয়া ঘরের মধ্যে আসিল। তাহার হাতে একটা হাতুড়ি।

মিঃ ওমার বলিলেন, “কেমন কাজ চলছে, জোরাম?”

সে বলিল, “ভালই।”

মিলির মুখ আরক্ত হইল। ইহাতে অপর দুইটি যুবতী পরস্পরের মুখের দিকে চাহিয়া স্মিত হাস্য করিল। আমার মনে হইল, জোরাম মিলির প্রণয়প্রার্থী।

গাড়ী আসিল। ওমার মিলি ও জোরাম আমাকে লইয়া গাড়ীতে উঠিল। জায়গা যথেষ্ট ছিল। অস্তোষ্টি-ক্রিয়া উপলক্ষে ইহারা আমাদের বাড়ী যাইতেছে।

জোরাম ও মিলি হাস্য-পরিহাস করিতে করিতে চলিতেছিল, সে দৃষ্ট দেখিয়াও আমার তাহাদের প্রতি রাগ হইল না। বরং তাহাদিগের সম্বন্ধে আমার ভয় ছিল। বৃদ্ধ ওমার স্বয়ং গাড়ী হাঁকাইতেছিলেন। সকলেই আমার সঙ্গে আলাপ করিবার উপক্রম করিতেছিল, কিন্তু আমি নীরবেই রহিলাম—কথা কহিবার মত মনের অবস্থা আমার ছিল না।

মাকে মাঝে গাড়ী থামাইয়া তাহারা খাবার খাইতেছিল, আমাকেও খাইবার জন্য অনুরোধও করিতেছিল, কিন্তু আমি

জলগ্রহণ পর্য্যন্ত করিলাম না। অবশেষে গাড়ী বাড়ী পৌঁছি আমি তাড়াতাড়ি গাড়ী হইতে নামিয়া পড়িলাম। বাতায়নগুলির প্রতি চাহিলাম। আমার দৃষ্টি বাপ হইয়া আসিল।

দরজার কাছে যাইতে না যাইতেই পেগটীর বাহর আমি আশ্রয়লাভ করিলাম। সে আমাকে বাড়ীর মধ্যে লইয়া গেল। আমাকে দেখিয়াই দুঃখ ও শোকের ভারে ভাঙ্গিয়া পড়িল। কিন্তু অল্পক্ষণের মধ্যেই সে আশ্রয়লাভ করিয়া অতি মৃদুস্বরে, অশ্রুটকণ্ঠে আমার সহিত বলিতে লাগিল, মৃতের নীরবতা পাছে ভঙ্গ হয়। আমার হইল, সে দীর্ঘকাল ঘুমাতে নাই। শুনিলাম, রাত্রিকালে মার শয্যাপার্শ্বে বসিয়া থাকিত। ষত দিন পৃথিবীতে বাঁচিয়াছিলেন, সে তাঁহার সান্নিধ্য ত্যাগ করে নাই।

আমি যখন ঘরের মধ্যে প্রবেশ করিলাম, মিঃ মর্ডেন আমার দিকে ফিরিয়াই চাহিলেন না। অধিকৃষ্ণের ধ বসিয়া তিনি নীরবে অশ্রুপাত করিতেছিলেন। মিস্ মর্ডেন চিঠিপত্র লিখিতে ব্যস্ত ছিলেন। আমাকে দেখিয়া তিনি তাঁহার শীতল অঙ্গুলি আগাইয়া দিলেন। তার পর অশ্রুটকণ্ঠে জিজ্ঞাসা করিলেন, আমার গায়ের মাপ লাইয়াছে কি না।

বলিলাম, “হাঁ।”

মিস্ মর্ডেন বলিলেন, “তোমার গায়ের পিরহাণ মনেছ ত?”

“হ্যাঁ ম্যাডাম, আমার সব কাপড়-চোপড় নি এয়েছি।

আমার মহাশোকে ইহাই তাঁহার সান্ত্বনার বাণী! এ একটা শোকের দিনেও তিনি দৃঢ়তা দেখাইতে ভালবাসে যে কাজের যে পদ্ধতি, তাহা বজায় রাখিবার জন্য উপযুক্ত মানসিক বলের দৃঢ়তা প্রদর্শন করাতেই তিনি আনন্দ পাই। কিছুতেই তিনি বিচলিত নহেন, উহা দেখাইবার তিনি সক্ষম সচেতন। দেখিলাম, সমস্ত দিন তিনি এক ভাবে কাজ করিয়া চলিয়াছেন। পরদিবস সকাল হইয়া রাত্রি পর্য্যন্ত সবই তিনি কাগজে-কলমে ব্যবস্থা করিয়াছিলে কথা খুবই কমবার বলিয়াছেন—তাহাও অশ্রুটকণ্ঠে দেখিলাম, তাঁহার মুখের রেখা পর্য্যন্ত অপরিবর্তনীয়। তাঁহার পরিধেয় বসনের এতটুকু পর্য্যন্ত অসামঞ্জস্য কোথ দেখিলাম না।

তাঁহার ভ্রাতা মাঝে মাঝে একখানি বই লইয়া পড়িতে চেষ্টা করিতেছিলেন; কিন্তু একবারও বই খুলিয়া পড়ি তাঁহাকে দেখিলাম না। খানিকক্ষণ বইখানি হাতে রাখি তিনি উহা অপঠিত অবস্থায় ফেলিয়া রাখিলেন। তার গৃহের ইতস্ততঃ পদচারণা করিতে লাগিলেন। আমি উত্তর যুক্ত করিয়া নীরবে তাঁহার গতিবিধি পর্য্যবেক্ষণ করি লাগিলাম। মিঃ মর্ডেন কদাচিৎ ভগ্নিনীর সহিত ব

হঠিতেছিলেন, আমার সহিত ত একটি কথাও বলিলেন না।  
মগ্র বাড়ীর নিশ্চলতার মধ্যে ঘটিকাঘণ্ট ও মিঃ মর্ডষ্টোনের  
দেখাই গতির চঞ্চলতা দেখিলাম।

এমনই ভাবে অস্ত্যোষ্টিক্রিয়ার দিন পর্যন্ত প্রত্যহ  
যতিবাহিত হইতে লাগিল। পেগটীর সঙ্গে ইতিমধ্যে আমার  
দুই একটা দেখা হইত না। শুধু এ-ঘরে ও-ঘরে যাইবার  
ময় সিঁড়িতে তাহার মূর্তি দেখিতে পাইতাম। সে সময়  
গৃহকে আমার মাতা যে ঘরে থাকিতেন, সেইখানেই  
গৃহকে দেখিতাম। সেই ঘরেই মা ও শিশু-ভ্রাতার মৃতদেহ  
সংস্থিত ছিল। তবে রাত্রিতে আমি যখন শয়ন করিতে  
পাইতাম, তখন সে আমার শিয়রে নিঃশব্দে আসিয়া বসিত।

অস্ত্যোষ্টিক্রিয়ার দিন-দুই পূর্বে পেগটী আমাকে মার ঘরে  
লইয়া গেল। দেখিলাম, ঘরটি অসম্ভবভাবে পরিচ্ছন্ন রাখা  
হইয়াছে। পেগটী মার দেহের আবরণ-বস্ত্র সরাইতে গেলেই  
আমি তাহার হাত চাপিয়া ধরিয়া বলিলাম, “না, না, না।”

সে দিনের কথা আমার স্মৃষ্টি মনে আছে। বৈঠকখানা-  
ঘরে সে দিন অধিকুণ্ড উত্তমভাবে তাপ দিতেছিল। টেবলের  
উপর সুরাপূর্ণ পাত্রগুলি সজ্জিত ছিল। পিঠার স্নগন্ধ  
ঘরের বাতাসকে মাতাইয়া তুলিতেছিল। আমাদের কক্ষ-  
পরিচ্ছন্ন, মিস্ মর্ডষ্টোনের বেশভূষার পারিপাট্য—সব কথা  
আমার মথামথ মনে আছে। মিঃ চিলিপ ঘরের মধ্যে  
ছিলেন। আমাকে দেখিয়াই তিনি আগাইয়া আসিলেন।

মিঃ চিলিপ বলিলেন, “মাষ্টার ডেভিড, কেমন আছ?”

ভাল আছি, এ কথা তাঁহাকে আমি বলিতে পারিলাম  
না। আমি হাত বাড়াইয়া দিলাম। তিনি উহা ধরিয়া  
রহিলেন।

ঈশ্বর হাসিমুখে তিনি বলিলেন, “আমাদের ছোট ছোট  
বকুরা কেমন ধীরে ধীরে বেড়ে উঠছে—বড় হচ্ছে। ম্যাডাম,  
তারা যে বড় হচ্ছে, সে কথাটা আমরা বুঝতেই পারিনে।”

মিস্ মর্ডষ্টোনকে উদ্দেশ্য করিয়া বলা হইলেও তিনি  
কোন উত্তরই দিলেন না।

মিঃ চিলিপ পুনরায় বলিলেন, “অনেকটা উন্নতি দেখা  
যাচ্ছে, নয় কি ম্যাডাম?”

মিস্ মর্ডষ্টোনের ললাটে ক্রকুটি দেখা গেল। তিনি  
উত্তরে যেন একবার মাথা নত করিলেন মাত্র। ঈশ্বর বিপন্ন  
বোধ করিয়া মিঃ চিলিপ গৃহের এক কোণে গিয়া দাঁড়াইলেন।  
আমাকে সঙ্গে টানিয়া লইয়া গেলেন। কিন্তু ইহার পর  
তিনি আর মুখ খুলেন নাই।

ক্রমে গির্জার ঘণ্টাধ্বনি হইতে লাগিল। মিঃ ওমার  
এবং আর এক ব্যক্তি আমাদের প্রস্তুত হইবার জ্ঞ  
সতর্ক করিয়া গেলেন। পেগটী আমাকে পূর্বেই বলিয়া  
রাখিয়াছিল, আমার পিতার মৃতদেহের সহিত যাহারা গমন  
করিয়াছিলেন, এ ক্ষেত্রেও তাঁহারা সকলে সমবেত  
হইয়াছিলেন।

শবাধার লইয়া সকলে গির্জা-প্রাঙ্গণের দিকে গিয়াছিল,  
আমরাও চলিলাম। কবরের চারিদিকে আমরা দাঁড়াইলাম—  
সকলেরই মস্তক অনাক্রান্ত। কাহারও মুখে শব্দমাত্র নাই।  
এমন সময় ধর্মযাজকের কণ্ঠ শোনা গেল। তিনি বলিতে-  
ছিলেন—“প্রভু বলিয়াছেন, আমিই জীবন, আমিই পুনর্জীবন।”  
এই কথার পর আমি চাপা কান্নার শব্দ শুনিলাম। দেখিলাম,  
সে ক্রন্দন শুধু চিরবিষমতা পরিচারিকার। পৃথিবীর সকল  
লোকের তুলনায় আমি তাহাকে সর্বাপেক্ষা ভালবাসি।  
আমার বালক-হৃদয় বিশ্বাস করিত যে, এক দিন প্রভু  
তাহাকে উদ্দেশ্য করিয়া বলিবেন, “তোমার কাজ সর্বোৎস-  
সুন্দর!”

সেখানে এমন অনেক লোক দেখিলাম, যাহারা আমার  
মাকে সেই গ্রামে বধুরূপে প্রবেশ করিতে দেখিয়াছে।  
তরুণী বধুকে যাহারা দেখিয়াছে, আজ তাহারা তাঁহার  
অস্তিমশয়্যার পার্শ্বে দণ্ডায়মান।

সব শেষ হইয়া গেল। গর্ভের মধ্যস্থ শবাধারের উপর  
মাটি চাপা দেওয়া হইল। আমরা চলিয়া আসিলাম।  
আমার শোক-দুঃখ তখন কিরূপ আকার ধারণ করিয়াছিল,  
তাহার স্মৃতি এখনও আমি ভুলিতে পারি নাই। সকলে  
আমাকে গৃহে লইয়া গেল। মিঃ চিলিপ বরাবরই আমার  
সঙ্গে ছিলেন। তিনি আমার সহিত কথা বলিতেছিলেন।  
বাড়ী পৌঁছিলে কেহ আমার মুখে একটু জল দিল। আমি  
মিঃ চিলিপের নিকট বিদায় লইয়া নিজের ঘরে যাইতে  
চাহিলাম। তিনি নারীর জায় কোমলভাবে আমার  
বিদায় দিলেন।

আমি জানিতাম, পেগটী নিশ্চয়ই আমার ঘরে আসিবে।  
সে আসিল—আমার শয্যাপার্শ্বে বসিল। আমার হাত  
তাহার মুঠার মধ্যে। সে কখনও উহা তাহার ওষ্ঠে চাপিতে-  
ছিল, কখনও আমার হাতের উপর তাহার কর ঘর্ষণ  
করিতেছিল। তার পর সে সকল কথাই ধীরে ধীরে  
আমায় জানাইল।

পেগটী বলিল, “কোন দিনই তাঁর শরীর ভাল ছিল না।  
যখন খোকা এলো, তখনও তাঁহার শরীর খুব খারাপ।  
আমার মনে হয়েছিল, তাঁর শরীর ভাল হয়ে যাবে। কিন্তু  
ক্রমেই তাঁর স্বাস্থ্য খারাপ হ’তে লাগল। প্রতিদিনই  
তাঁর জীবনীশক্তি হ্রাস পাচ্ছিল। খোকা জন্মবার আগে  
তিনি একাই ব’সে থাকতেন—কাদতেন। তার পর খোকা  
এল, তিনি গান গাইতেন। মনে হ’ত, বহু দূর হ’তে যেন সে  
কণ্ঠস্বর ভেসে আসছে।

“আমার মনে হয়, ইদানীং তিনি আরও ভীত, আরও  
দুর্বল হয়ে পড়েছিলেন। কঠিন কথা তাঁর বুকে শেলের  
মত আঘাত করত। কিন্তু আমার সঙ্গে তাঁর ব্যবহার  
সমানই ছিল। তাঁর বোকা পেগটীর কাছে তিনি আগের  
মতই ছিলেন।”

পেগটী সঙ্গী খামিয়া গেল। আমার হাতের দিকে  
ইং মত হইয়া সে আবার আরম্ভ করিল—

“যে দিন তুমি ছুটির পর বাড়ী এলে, সেই দিনই আমি  
তাকে আগের মত প্রকল্প দেখেছিলুম। যে দিন তুমি চ’লে  
গেলে, তিনি আশায় বলেছিলেন, ‘আমার বাছাকে আর  
আমি দেখতে পাব না! কে যেন আমার এই কথাই  
বলছে—অতি সত্য কথাই বলছে।’

“অবশ্য তিনি মনকে সংযত করবার খুবই চেষ্টা করে-  
ছিলেন। ওরা সর্বদা তাঁকে বোঝাতে চাইত যে, তিনি  
হৃদয়হীন, চটুলা, কাণ্ডাকাণ্ড-জ্ঞানশূণ্য। তিনি তার  
প্রতিবাদ করতেন না। আমাকে তিনি যে কথা বলে-  
ছিলেন, তাঁর স্বামীকেও তা বলেন নি। অতঃপর কাছে  
বলতে তাঁর ভয় হ’ত। মৃত্যুর এক হপ্তা আগে এক দিন  
রাত্রিতে তিনি আমার বলেছিলেন, ‘প্রিয় পেগটী, আমার  
মনে হচ্ছে, এবার আমি মরব।’

“পেগটী, এখন আর আমার মনে মৃত্যুভয় নেই। আমি  
বড় সন্তুষ্ট, এই যদি মহানিদ্রা হয়, আমার কাছে তুমি ব’সে  
থেক—কাছ ছেড়ে যেও না। ভগবান আমার ছুটি ছেলেকে  
যেন আশীর্বাদ করেন। আমার পিতৃহীন পুত্রকে ভগবান  
যেন রক্ষা করেন।’

পেগটী বলিল, “আমি এক দিনও তাঁর কাছছাড়া  
হইনি। তিনি ওঁদের সঙ্গে গল্প করতেন—ভালবাসতেন  
ওঁদের। সকলকেই তিনি ভালবাসতেন। তারা চ’লে  
গেলে আমার দিকে ফিরে গুতেন, পরম নিশ্চিতমনে তখন  
ঘুমতেন।

“শেষদিনের রাত্রিতে তিনি আমার চুমু দিলেন।  
তার পর বললেন, ‘পেগটী, খোকা যদি না বাঁচে, তাকে  
আমার সঙ্গেই পোর দিও।’ (তাঁহার অস্তিম অভিলাষ  
ব্যর্থ হয় নাই। মার শবাধারে খোকাকে রাখা হইয়াছিল।)  
আমার প্রাণ অপেক্ষা প্রিয়পুত্রকে বলো, সে যেন আমাদের  
অস্তিম বিশ্রামস্থানে যায়। তাকে আরও ব’লে দিও যে,  
মা ম’রে গেলেও একবার নয়, হাজারবার তাকে আশীর্বাদ  
ক’রে গেছে।’

পেগটী খামিয়া গেল। আমার হাতে মূছ চাপ দিয়া সে  
আবার বলিতে লাগিল, “অনেক রাত্রিতে তিনি আমার কাছে  
জল চাইলেন। পান ক’রে তিনি এমন হাসলেন! সে হাসি  
কি চমৎকার, কি সুন্দর!

“দিনের আলো দেখা দিল। সূর্য উঠেছেন। আমাকে  
তিনি বললেন, মিঃ কপারফিল্ড তাঁর সঙ্গকে বড় করতেন,  
তাঁর সঙ্গকে তিনি কত ভাবতেন। তিনি তাঁকে কত যে  
ভালবাসতেন, সেই কথাই বার বার আমার বললেন।  
তার পর বললেন, ‘পেগটী, আমাকে তোমার আরও কাছে  
টেনে নেও।’ তিনি বড় দুর্বল হয়ে পড়েছিলেন। আমাকে  
বললেন, ‘আমার কাঁধের নীচে তোমার হাত দেও, পেগটী।’

আমাকে তোমার দিকে মুখ ফিরিয়ে নেও। তোমার মুখ  
আমি দেখতে পাচ্ছি না। আরও কাছে এস, আরও কাছে।  
ডেভি, আমি তোমায় বলেছিলাম, আমারই হাতে তিনি  
তাঁর মাথা রাখবেন। শেষে তাই হ’ল। পেগটীর বাছকেই  
শিশুর মত তিনি ঘুমিয়ে পড়লেন।”

পেগটীর কথা শেষ হইল। মার মৃত্যুর সকল সংবাদ  
জানিবার পর আমার মনে ইদানীং তাঁহার সঙ্গকে যে ধারণা  
হইয়াছিল, তাহা বিলুপ্ত হইল। তিনি যে আমারই মা,  
বরাবরই আমারই মা ছিলেন, সেই স্মৃতি আমার অন্তরকে  
পূর্ণ করিয়া ফেলিল। মৃত্যুকালে তিনি তাঁহার প্রথম-  
যৌবনের স্মৃতিতেই আপনাকে পূর্ণ করিয়া ফেলিয়াছিলেন,  
ইহা জানিতে পারিয়া আমার মনে একটা শান্তির প্রবাহ  
বহিয়া গেল।

যিনি এখন সমাধিক্ষেত্রে চিরশুপ্ত, তিনি শুধু আমারই  
মা। যে ছোট শিশুটি তাঁহার বাছলগ্ন হইয়া চিরবিশ্রাম  
করিতেছে, সে আমি। আমি যেন তাঁহারই শ্রেহ-শীতল  
বক্ষোদেশে চিরশান্তি লাভ করিয়াছি।

### দশম পরিচ্ছেদ

মার পারলৌকিক ক্রিয়া সমাপ্ত হইবার পর মিস্ মর্ডষ্টোনের  
প্রথম কাষ দেখিলাম, পেগটীকে এক মাসের নোটিশ  
দেওয়া। পেগটী ইহাতে দুঃখিত হইল না। অতঃপর  
এখানে তাহার বাস করা চলিবে না। সে আমাকে বলিল  
যে, আমি যদি এখানে থাকিতাম, তাহা হইলে সে কোথাও  
যাইত না। কিন্তু তাহা হইবে না। সুতরাং আমাদিগকে  
বিদায় লইতেই হইবে।

আমার ভবিষ্যৎসম্বন্ধে কোন উচ্চবাচ্য হইল না।  
যদি এক মাসের নোটিশ দিয়া আমাকে ভাড়াইয়া দেওয়া  
সম্ভবপর হইত, তাহাতে বোধ হয় তাহারা সুখী হইত।  
এক দিন সাহস সঞ্চয় করিয়া আমি মিস্ মর্ডষ্টোনকে বলিলাম  
যে, আমি কবে বিজ্ঞালয়ে ফিরিয়া যাইব। তাহাতে তিনি  
বলিলেন—অত্যন্ত নীরস কণ্ঠে বলিলেন যে, কুলে ফিরিয়া  
যাওয়া আমার হইবে না। আমার সঙ্গকে কি করা  
হইবে, তাহা জানিবার জন্ত সত্যই আমি উৎকণ্ঠিত  
হইয়াছিলাম। পেগটীও সেই চিন্তায় অধীর হইয়া উঠিয়াছিল।  
কিন্তু চেষ্টা-সম্মেও আমি বা সে, কেইই কিছু জানিতে  
পারিলাম না।

আমার সঙ্গকে একটা বিষয়ে বিশেষ পরিবর্তন লক্ষ্য  
করিলাম। পূর্বে আমার সঙ্গকে যেকোন ধরাবাধা ব্যবস্থা  
ছিল, তাহা আর আদৌ ছিল না। এমন কি, বৈঠকখানা-  
ঘরে গিয়া আমি বসিলে, মিস্ মর্ডষ্টোন স্রাজনী সঙ্কারে  
আমাকে অন্তরে বাইতে ইঙ্গিত করিতেন। পেগটীর সঙ্গে  
পূর্বে আমার মেলামেশা করিবার হুকুম ছিল না, এখন



আর সেরূপ কোন বিধি-নিষেধ কেহ দাবী করিল না। আমি বুঝিলাম, এখন আমি সম্পূর্ণ উদ্ধারিত হইয়াছি।

মার বিয়োগে আমি এমনই অভিভূত হিলাম যে, এ সকল তুচ্ছ বিষয় আমাকে বিচলিত করিত না। তবে সত্য বলিব, আমার মনে হইত যে, ইহার। আর আমাকে লেখাপড়া করিতে দিবে না। ভবঘুরের মত এই গ্রামেই আমাকে জীবন কাটাইতে হইবে। গল্পের নায়কের স্থায় আমাকে আমার জীবিকার্জনের জন্ত অনেক কিছু করিতে হইবে, এ কথাটাও প্রায়ই মনে আসিত।

এক দিন বৈকালবেলা আমি পেগটীকে বলিলাম, “পেগটী, মিঃ মর্ডষ্টোন কোন দিনই আমায় পছন্দ করেন নি। এখন আমার মুখ দেখতে না পেলেই তিনি বেঁচে যান।”

আমার চুলের মধ্যে অঙ্কুলি চালনা করিতে করিতে পেগটী বলিল, “বড় শোক পেয়েছেন, তাই হয় ত তোমার খোঁজ নেন না।”

“পেগটী, আমিও শোক পেয়েছি। উনি যদি শুধু শোকে অভিভূত হয়ে থাকতেন, আজ আমি এমন কথা বলতাম না। কিন্তু তা নয়—তা নয়।”

কিছুক্ষণ নীরব থাকিয়া পেগটী বলিল, “কেমন ক’রে জানলে তা নয়?”

“শোক একটা আলাদা জিনিস। এখন মিঃ মর্ডষ্টোনের সঙ্গে অগ্নিকুণ্ডের পাশে তিনি শোকাচ্ছন্ন হয়ে আছেন। কিন্তু এখন যদি আমি সেখানে যাই, পেগটী, তিনি আর এক রকম হয়ে যাবেন।”

“কি রকম হবেন, বল ত?”

আমি বলিলাম, “তিনি রেগে উঠবেন। তাঁর চোখে-মুখে অকৃত্রিম রেখা দেখা দেবে। তিনি যদি শুধু শোকাক্ত হতেন, আমার দিকে ফিরেও তাকাতে না।”

পেগটী কোনও প্রতিবাদ করিল না। অবশেষে সে বলিল, “ডেভি, আমি এখানে—ব্লান্ডারষ্টোনে একটা চাকরী পার্ণার সব রকমে চেষ্টা ক’রে দেখেছি। কিন্তু কোথাও কিছু পেলাম না।”

আমি বলিলাম, “এখন তুমি কি করবে? তুমি কি অন্য জায়গায় কাজ করতে যাবে?”

পেগটী বলিল, “আমাকে বাধ্য হয়ে ইয়ারমাউথে যেতে হবে। সেখানেই থাকতে হবে।”

“দরকার হ’লে আরও দূরে হই ত যেতে হবে। যেখানেই যাও, আমি তোমার সঙ্গে দেখা করব। পৃথিবীর অপর প্রান্তে অকল্প তুমি যাবে না।”

পেগটী গাঢ়স্বরে বলিল, “যত দিন তুমি এখানে আছ, সপ্তাহে একবার ক’রে এসে আমি তোমার সঙ্গে দেখা ক’রে যাবই! তাতে কোন বাধাই আমি মানব না, ডেভি!”

ইহাতে আমার বুকের উপর হইতে যেন একটা পাষণ্ড ভার নামিয়া গেল।

পেগটী বলিল, “ডেভি, আমি আমার দাদার ওখানে এখন গিয়ে থাকব। এক পক্ষকাল আপাততঃ সেখানে থেকে আমার জন্ত একটা কাজ খুঁজে নৈব। এখন আমি ভাবছি কি জান? ওরা তোমাকে এখানে চায় না। তুমিও আমার সঙ্গে কদিন সেখানে থাকবে চল।”

এই প্রস্তাবে আমিও সায় দিলাম। কিন্তু মিঃ মর্ডষ্টোন আমাকে পেগটীর সঙ্গে যাইতে দিবেন কি না, সন্দেহ হইল। এক দিন আমরা দুই জনে গল্প করিতেছি, এমন সময় মিঃ মর্ডষ্টোন সেখানে উপস্থিত হইলেন।

এদিক ওদিক ঘুরিয়া তিনি বলিলেন, “ছেলেটা এখানে আলসে হয়ে যাচ্ছে। আলসে হলেই যত দুঃখবুদ্ধি মাথায় আসে। কিন্তু ও যেখানেই থাকবে, সেখানেই অলস হয়ে থাকবে। এ আমি বলতে পারি।”

পেগটী ইহাতে রাগিয়া উঠিয়াছিল, দেখিলাম। কিন্তু আমার কথা স্মরণ করিয়া সে কোন উত্তর দিল না।

মিঃ মর্ডষ্টোন বলিলেন, “সে যাই হোক, একটা কথা আমি ব’লে দেই। আমার ভাই—আমার ভাইকে কোন রকমে কেউ বিরক্ত করে, এ আমি হ’তে দেব না! সেটাই প্রধান কথা।”

আমি বুঝিলাম, আমি পেগটীর সহিত যাইতে চাহিলে মিঃ মর্ডষ্টোন কোন বাধা দিবেন না।

এক মাস শেষ হইলে, পেগটী আমায় লইয়া যাইবার জন্ত প্রস্তুত হইল।

মিঃ বার্কিস্ তাহার গাড়ী লইয়া আসিল। এত দিন গেটের ধারেই বার্কিস্ দাঁড়াইয়া থাকিত। আজ পেগটীর বাক্সগুলি গাড়ীতে তুলিবার জন্ত সে নিজেই বাড়ীর মধ্যে আসিল। পেগটী খুবই অবসন্ন হইয়া পড়িয়াছিল। এত কাল এইখানে তাহার গৃহ ছিল। মা ও আমাকে ভালবাসিয়াছিল। বহু দিনের স্মৃতিবিজড়িত স্থান জন্মের মত ত্যাগ করিয়া যাইতেছে—সে হৃৎখে অভিভূত হইয়া পড়িল।

মিঃ বার্কিস্ নীরবে বসিয়া গাড়ী চালাইতেছিল। পেগটীর মুহূর্তমান অবস্থা দেখিয়া বার্কিসের জীবনশক্তি আছে, তাহা যেন বুঝা যাইতেছিল না। অবশেষে পেগটী আশ্বস্ত হইয়া চারিদিকে দৃষ্টিপাত করিতে আরম্ভ করিলে, বার্কিস্ও কয়েক-বার মাথা আন্দোলিত করিল।

আমি বলিলাম, “মিঃ বার্কিস্, আজ দিনটা বড় সুন্দর।”  
মিঃ বার্কিস্ সংক্ষেপে বলিল, “দিনটা খারাপ নয় বটে।”  
তাহাকে খুসী করিবার জন্ত আমি বলিলাম, “পেগটী এখন বেশ আরাম বোধ কচ্ছে।”

মিঃ বার্কিস্ বলিল, “তাই না কি!”  
তার পর পেগটীর দিকে চাহিয়া সে বলিল, “সত্যি তুমি আরাম পাচ্ছ?”

পেগটী হাসিল। মাথা নাড়িয়া স্বীকার করিল, “তাই বটে।”

আরও কাছে বেসিয়া বসিয়া মিঃ বার্কিস্ বলিল, “সত্যি কি না, তুমিই জান।” বলিতে বলিতে সে এত কাছে আসিয়া বসিল যে, আমার নিশ্বাস ফেলা কষ্টকর হইল।

পেগটী মিঃ বার্কিস্কে বুঝাইয়া দিল যে, সে সরিয়া না বসিলে আমাদের কষ্ট হইবে। মিঃ বার্কিস্ তখন সরিয়া বসিল।

একটি পাহুশালায় গাড়ী থামাইয়া মিঃ বার্কিস্ আমাদেরকে মাংস, বীয়ার প্রভৃতি আনিয়া দিল।

ক্রমশঃ আমরা ইয়ারমাউগে আসিয়া পৌঁছলাম। মিঃ পেগটী ও হাম্ আমাদের প্রতীক্ষা করিতেছিল। মিঃ বার্কিসের সঙ্গে তাহার কনকম্পন করিল। হাম্ ও মিঃ পেগটী বাহুগুলি লইয়া বাড়ীর দিকে চলিল। মিঃ বার্কিস্ আমাদের কাছে ডাকিয়া বলিল, “দেখ, সব ঠিক আছে।”

আমি তাহার মুখের দিকে চাহিয়া বলিলাম, “বটে!”

সে বলিল, “কাজটা শেষ হয়নি। সব ঠিকই আছে।”

আবার আমি বলিলাম, “বটে!”

মিঃ বার্কিস্ বলিল, “তুমি জান, সে রাজি। বার্কিস্—বার্কিস্ ছাড়া আর কেউ নয়।”

আমি মাথা নাড়িলাম।

সে বলিল, “আমি তোমার বন্ধু। তুমি গোড়া থেকে সব ঠিক ক’রে দিয়েছ। সব ঠিক আছে। প্রথমেও ঠিক—শেষেও ঠিক।”

সে আমার কনকম্পন করিল।

পেগটী আমায় আহ্বান করিতেছে দেখিয়া আমি চলিয়া গেলাম। সে আমাকে জিজ্ঞাসা করিল, বার্কিস্ এতক্ষণ আমাকে কি বলিতেছিল? আমি তাহাকে সব বলিলাম।

সে হাসিয়া বলিল, “বন্ধু গে যাক। আচ্ছা, ডেভি, আমি যদি বিয়ে করি, তোমার কি মনে হবে?”

“কেন পেগটী? বিয়ে হলেও তুমি আমায় যেমন ভালবাসছ, তেমনই ভালবাসবে।”

পথ দিয়া লোক-চলাচল করিতেছিল। কিন্তু কোনও দিকে জ্রফেপ না করিয়া পেগটী পথের মধ্যেই আমাকে বুক জড়াইয়া ধরিল।

সে বলিল, “যাহ আমার, তোমার কি মনে হচ্ছে বল ত।”

আমি বলিলাম, “মিঃ বার্কিস্কে যদি তুমি বিয়ে কর, সেই কথাটা বলছ?”

পেগটী বলিল, “হ্যাঁ।”

“খুব ভাল হবে। তা হ’লে তুমি গাড়ী ক’রে আমাকে দেখতে যেতে পাবে, গাড়ীভাড়া লাগবে না। যখন ইচ্ছা যেতে পারবে।”

পেগটী বলিল, “দেখ, এক মাস ধ’রে আমি স্বাধীনভাবে থাকবার কথাই ভেবেছি। নিজের বাড়ীর গিন্নী হলে, আমার যা খুসী করতে পার। অন্তের বাড়ী চাকরী করলে

সে স্বাধীনতা থাকবে না। যখন খুসী আমি সেখানে যা গোরস্থানে দাঁড়াব। যাকে ভালবেসেছি, ম’রে গেলে ত পাশেই আমার স্থান হবে।”

খানিকক্ষণ কোন কথাই কেহ বলিতে পারিলাম না।

তার পর পেগটী আবার বলিল, “কিন্তু আমার ডে এতে যদি মত না দেয়, তবে আমি কিছুতেই বিয়ে কর না—এই ছিল আমার চিন্তা।”

আমি বলিলাম, “পেগটী, চেয়ে দেখ, সত্যি আম আনন্দ হচ্ছে কি না।”

সত্যি আমি সর্বাঙ্গঃকরণে পেগটীর বিবাহের অনুমোদন করি।

পেগটী বলিল, “কথাটা আমি দিনরাত ভেবে যাচ্, আবার ভেবে দেখব। দাদাকেও জিজ্ঞাসা করব। বি কথাটা এখন প্রকাশ করো না। আমরাই শুধু জানলাম বাড়ীর কাছে পৌঁছলাম। মিসেস্ গমিজ দরজা কাছে প্রতীক্ষা করিতেছিল। বাড়ীর ভিতর সবই পূর্ণ দেখিলাম। শুধু এমিলিকে দেখিলাম না।

মিঃ পেগটী বলিল, “সে স্কুলে আছে। আধ ঘণ্টার মধ্যে সে বাড়ী আসবে।”

আমি জানিতাম, কোন্ পথে এমিলি বাড়ী ফিরি তাহার সহিত মিলিত হইবার জন্য আমি বাহির হইলাম।

দূরে একটি মূর্তি দেখা গেল। চিনিলাম, এমি আসিতেছে। হ্যাঁ, সেই বটে। যতই সে কাছে আসি তাহার নীল চোখ দুইটি দেখিতে পাইলাম। আক সে বড় না হইলেও, তাহার দেহ পূর্ণতার দিকে চলিয়া আসি তাহাকে যেন চিনিতে পারি নাই, এমনই দেখাইলাম। সেও আমাকে যেন চিনিতে পারে ন এমনই ভাবে চলিতে লাগিল। সে আমাকে ডাকিল ফিরিয়াও চাহিল না। শুধু হাসিতে হাসিতে দৌড়াই লাগিল।

ইহাতে আমি বাধ্য হইয়া তাহাকে ধরিবার জন্য দৌ হিতে লাগিলাম। বাড়ীর দ্বারের কাছে আসিয়া তাহা ধরিয়া ফেলিলাম।

এমিলি বলিল, “ও, তুমি?”

আমি বলিলাম, “তুমি জানতে আমি দৌড়ছি?”

এমিলি বলিল, “তুমিও ত জানতে।”

আমি তাহার মুখে চুমা দিতে গেলে সেই দুই হ তাহার চেরীর মত সুন্দর ওষ্ঠ ঢাকিয়া বলিল যে, সে এ খুকী নহে। বলিতে বলিতে সে দৌড়িয়া বাড়ীর মধ্যে চর্চি গেল।

আদর দিয়া এমিলিকে সকলেই ভালবাসিয়াছে। এ সে পূর্বাপেক্ষা যথেষ্টাচারিণী হইয়াছে। কিন্তু তাহার এমন কোমল এবং স্নেহপ্রবণ যে, আমি পূর্বাপেক্ষা তা প্রতি আকৃষ্ট হইলাম।

চা-পানের সময় মিঃ পেগটী আমার মাতৃবিয়োগের কথা উল্লেখ করিল। সে কথা শুনিয়া এমিলির দুই চক্ষু জলে পূর্ণ হইয়া উঠিল। আমার সমগ্র চিত্ত তাহার প্রতি কৃতজ্ঞতায় পূর্ণ হইয়া গেল।

মিঃ পেগটী এমিলির কেশগুলি হাতে লইয়া বলিল, “এই একটি পিতৃমাতৃহীনা মেয়ে, আর এই একটি পিতৃ-মাতৃহীন বৃদ্ধ” বলিয়া হামের দিকে করনির্দেশ করিল। “কিন্তু একে দেখে তা বোঝা যায় কি?”

আমি বলিলাম, “মিঃ পেগটী, তুমি যদি আমার অভিভাবক হ’তে, তবে মা-বাবার অভাব আমিও বুঝতে পারতাম না।”

হাম বলিয়া উঠিল, “ঠিক বলেছ, মাষ্টার ডেভি!”

মিঃ পেগটী তার পর বলিল, “তোমার বন্ধুটি কেমন আছে, মাষ্টার ডেভি!”

আমি বলিলাম, “ষ্ট্রয়ারফোর্থ?”

“হ্যাঁ, সেই বটে।”

আমি বলিলাম, “আমি স্কুল থেকে যখন আসি, সে ভাগই ছিল।”

মিঃ পেগটী বলিল, “ছেলেটি খুব ভাল, যেমন দেখতে, তেমনি বুদ্ধিমান।”

আমি বলিলাম, “এমন জিনিষ নেই, যা সে জানে না। ভারী চালাক সে। তেমনই সাহসী।”

মিঃ পেগটী বলিল, “সত্যি, তোমার বন্ধুটি ভাল।”

আমি বলিলাম, “সে যেমন ক্রিকেট খেলায় দক্ষ, তেমনি পড়াশুনা, বক্তৃতা দেওয়া, গান গাওয়া—কোন গুণ তার নেই?”

ষ্ট্রয়ারফোর্থের প্রশংসার কথা বলিতে বলিতে আমার কণ্ঠ হইতে নদীর স্রোতোধারা যেন নির্গত হইতে লাগিল। সহসা চাহিয়া দেখিলাম, এমিলি একান্ত অভিনিবেশ সহকারে আমার কথা শুনিতেছে! তাহার গণ্ডযুগল আরক্ত হইয়া উঠিয়াছে। আমি তাহার এই প্রকার মনোযোগ দেখিয়া সহসা থামিয়া গেলাম। সকলেই তাহার এই ভাব-পরিবর্তন লক্ষ্য করিল।

মিঃ পেগটী বলিল, “এমিলি ঠিক আমার মত। সে তোমার বন্ধুকে দেখবার জন্য ব্যাকুল।”

এই আলোচনায় লজ্জিত হইয়া এমিলি চক্ষু নত করিল। তাহার গণ্ডে শোণিতপ্রবাহের চিহ্ন দেখিলাম। আমরা সকলেই তাহাকে লক্ষ্য করিতেছি দেখিয়া অবশেষে সে উঠিয়া পলায়ন করিল।

রাত্রিকালে আমি নির্দিষ্ট শয্যা শয়ন করিলাম। এইখানে আমি আগেরবার শয়ন করিয়াছিলাম। সমুদ্রের উপর দিয়া বাতাস ছুটিয়া আসিতেছিল। মনে হইল, উহা যেন শোকোচ্চ্বাস। শয্যা শুইয়া আমি প্রার্থনা জানাইলাম। বড় হইয়া আমি যেন এমিলিকে বিবাহ করিতে পাই। এই কথা ভাবিতে ভাবিতে আমি ঘুমাইয়া পড়িলাম।

এবারও পূর্বের মত দিনগুলি চলিয়া যাইতে লাগিল। শুধু সমুদ্রতটে এবার এমিলি আমার সঙ্গিনী হইল না। তাহার পড়া আছে, সেলাই আছে। ‘কাঁজেই সে আমার সঙ্গে ঘুরিয়া যুখা সময় নষ্ট করিতে পারে না। এক বৎসরে সে যেন আমার নিকট হইতে অনেক দূরে সরিয়া গিয়াছে।

পরদিবস মিঃ বার্কিস্ আসিল। তাহার হাতে এক পোঁটলা কমলালেবু। পোঁটলাটা রাখিয়া দিয়া সে চলিয়া গেল। হাম তাহাকে ডাকিয়া পোঁটলার কথা বলিতেই সে জানাইল যে, উহা পেগটীর জন্ত। ইহার পর প্রত্যহই বার্কিস্ কোন না কোন জিনিষ লইয়া আসিতে লাগিল।

আমার এখানে অবস্থিতির দিন ক্রমশঃ সংক্ষিপ্ত হইয়া আসিল। সেই সময় এক দিন প্রকাশ পাইল যে, পেগটী ও মিঃ বার্কিস্ এক দিন ছুটিতে ঘুরিয়া আসিবে। সঙ্গে আমি ও এমিলি থাকিব।

নির্দিষ্ট দিনে আমরা যাত্রা করিলাম। কিছু দূর গিয়া একটি ধর্ম্মমন্দিরের সম্মুখে গাড়ী থামিল। আমি ও এমিলি গাড়ীতে বসিয়া রহিলাম—পেগটী ও বার্কিস্ ভিতরে চলিয়া গেল। অনেকক্ষণ পরে তাহারা ফিরিয়া আসিল।

গাড়ীতে চড়িয়া মিঃ বার্কিস্ বলিল, “আমার গাড়ীতে কিছু দিন আগে কার নাম লিখেছিলুম?”

বলিলাম, “ক্লারা পেগটী।”

“এখন যদি লিখি, কি নাম হবে?”

আমি বলিলাম, “সেই ক্লারা পেগটী।”

উচ্চ হাস্য করিয়া সে বলিল, “ক্লারা পেগটী বার্কিস্!”

তাহারা বিবাহবন্ধনে আবদ্ধ হইয়াছে জানিয়া আমি খুসী হইলাম। পেগটীর ইচ্ছা ছিল, নিঃশব্দেই এই শুভকার্যটা যেন সম্পন্ন হয়। তাহাই হইল।

একটা পান্থশালায় আমরা নামিলাম। সে রাত্রিতে ভাল রকম আহাৰ্য্য উপভোগ করা গেল। বিবাহে পেগটীর কিন্তু কোন পরিবর্তন দেখা গেল না।

যথাসময়ে নৌকা-বাড়ীতে আবার আমরা ফিরিয়া আসিলাম। মিঃ ও মিসেস্ বার্কিস্ তাহাদের বাড়ী চলিয়া গেল। আমার মনে হইল, এত দিনে আমি পেগটীকে হারাইলাম।

আমার মনের অবস্থা মিঃ পেগটী ও হাম বুঝিয়াছিল। এজন্য তাহারা কিছু আহাৰ্য্যের আয়োজন করিয়া গল্পগুজবে আমার মনের অপ্রসন্নতা দূর করিবার চেষ্টা করিল। এমিলিও আমার পার্শ্বে আসিয়া বসিল।

সকালবেলা পেগটী আসিয়া আমার ডাকিল। পেগটীর বাড়ীতে আমায় সে লইয়া গেল। একটি ঘর দেখাইয়া বলিল, “ডেভি, এই ঘরটা তোমার জন্য ঠিক করা থাকল। এখানে এলেই এ ঘরে তুমি থাকবে। পেগটী ষত দিন বাচবে, এই ঘরটিকে তোমার জন্য সাজিয়ে রাখবে।”

আমার ধাত্রীমাতার প্রাণের ভাষা আমি বুঝিলাম।



পরদিন মিঃ বার্কিস্ ও পেগটী আমাকে বাড়ী নামাইয়া দিয়া আসিল। এত দিনে এ গৃহে আমি একা। সকলেই আমাকে উপেক্ষা করিতে লাগিল। কেহ আমার আহারের সন্ধান লয় না, কোন বিষয়েই আমার কথা ভাবে না। এই বিধে আমি একা।

সপ্তাহে এক দিন পেগটী আসিয়া আমাকে দেখিয়া যাইত। কিন্তু তাহার ওখানে আমার যাইবার অনুমতি পাইলাম না। এমনই ভাবে দিন চলিতে লাগিল।

এক দিন আমি পথে পথে ঘুরিতেছিলাম, সহসা এক স্থানে মিঃ মর্ডষ্টোনকে দেখিলাম। তাঁহার সহিত আর এক জন ভদ্রলোক।

আমি পাশ কাটাইতে যাইতেছি, এমন সময় সেই ভদ্রলোকটি বলিয়া উঠিলেন, “কে, ক্রক্‌স্ না?”

আমি বলিলাম, “না, মশাই। আমি ডেভিড্‌ কপার-ফিল্ড্‌।”

“ও কথা আমায় বলো না। তুমি ক্রক্‌স্। সেফিল্ডের ক্রক্‌স্। ঐ নামই তোমার।”

এই কথায় আমি ভদ্রলোকটির দিকে ভাল করিয়া চাহিলাম। হাসি গুনিয়া তাঁহাকে মনে পড়িল। লোয়েষ্টাফে যখন গিয়াছিলাম, ইহার সঙ্গে দেখা হইয়াছিল। ইনি মিঃ কুইনন্‌।

তিনি বলিলেন, “তুমি কেমন আছ? লেখাপড়া কোথায় হচ্ছে?”

তিনি আমার হাত ধরিয়া তাঁহাদের সঙ্গে বেড়াইবার জন্ত আহ্বান করিলেন। কি উত্তর দিব, খুঁজিয়া পাইলাম না। মিঃ মর্ডষ্টোনই উত্তর দিলেন।

“ও এখন বাড়ী বসেই আছে। কোথাও লেখাপড়া শিখছে না। ওকে নিয়ে কি যে করা যায়, ভেবে পাচ্ছি না। ছেলেটা আমার একটা দুর্ভাগ্য হয়ে দাঁড়িয়েছে।”

ভদ্রলোক কোন কথা আর বলিলেন না। খানিক পরে তিনি আমার দিকে চাহিয়া বলিলেন, “তোমার তীক্ষ্ণ-বুদ্ধি এখন তেমনই আছে, ক্রক্‌স্?”

মিঃ মর্ডষ্টোন বলিলেন, “হাঁ, খুব তীক্ষ্ণবুদ্ধি। ওকে তুমি ছেড়ে দাও, ভাই। ওর জন্ত তুমি ভাবছ, সে জন্ত ও তোমাকে ধন্যবাদও দেবে না।”

মিঃ কুইনন্‌ আমাকে ছাড়িয়া দিলে আমি বাড়ী আসিলাম। পশ্চাৎ ফিরিয়া দেখিলাম, উভয়ে আমারই দিকে চাহিয়া কি বলিতেছেন। বুঝিলাম, আলোচনাটা আমারই প্রসঙ্গে চলিতেছে।

সে রাত্রিতে মিঃ কুইনন্‌ আমাদের বাড়ীতেই রহিলেন। পরদিবস প্রাতরাশের পর আহার-শেষে আমি বাহিরে যাইতেছি, এমন সময় মিঃ মর্ডষ্টোন আমাকে ডাকিলেন। আমি থমকিয়া দাঁড়াইলাম। ঘরে মিঃ মর্ডষ্টোন ও মিঃ কুইনন্‌ ছিলেন।

মিঃ মর্ডষ্টোন বলিলেন, “শোন ডেভিড, এখন তরুণদের কাজ করবার সময়। শুধু শুধু কাল কাটান চলে না।”

মিঃ মর্ডষ্টোন বলিলেন, “যেমন তুমি করছ।”

“জেন, আমাকেই বলতে দাও। শোন ডেভিড, এই পৃথিবীটা তরুণদের কাছে কাজ করবার জন্ত। এখন বাজে কাজে সময় নষ্ট করা চলবে না। বিশেষতঃ তোমার মত ছেলের পক্ষে কাজ করা বিশেষ দরকার। তোমার অনেক দোষ, কাজ করলে সে সব দোষ শুধরে যেতে পারে। তোমার একগুঁয়েমি দোষ আছে।”

মিঃ মর্ডষ্টোন বলিয়া উঠিলেন, “এখানে ও-সব বদখেয়াল চলবে না। তোমার একগুঁয়েমি চূর্ণ ক’রে দিতে হবে— একেবারে ধূলা ক’রে ফেলতে হবেই।”

মিঃ মর্ডষ্টোন ভগিনীর দিকে একটা কটাক্ষ করিবার পর বলিলেন, “ডেভিড, তুমি বোধ হয় জান, আমি ধনী লোক নই। যদি নাও আগে জেনে থাক, এখন গুনে রাখ—আমি ধনী নই। এর মধ্যেই তুমি কিছু লেখাপড়া শিখেছ। লেখাপড়া শেখানর জন্ত বিশেষ খরচের দরকার। যদি আমার সামর্থ্যও থাকত, তবু আমি তোমাকে আর লেখাপড়া শেখাতাম না। তোমার সম্মুখে এখন জীবন-সংগ্রাম উপস্থিত। এখনই তোমাকে যুদ্ধে লেগে যেতে হবে।”

কিয়ৎকাল পরে তিনি আবার বলিলেন, “তুমি মর্ডষ্টোন গ্রীনবির দোকানের কথা হয় ত গুনেছ। মিঃ কুইনন্‌ সেই ব্যবসায় ম্যানেজারী করেন। তিনি বলছিলেন যে, সেখানে অনেক ছেলে কাজ ক’রে খায়। সুতরাং তুমিও সেখানে কাজ করবে না কেন?”

মিঃ কুইনন্‌ মুহূর্ত্তে বলিলেন, “যখন ছেলেটির আর কোন পথ দেখা যাচ্ছে না, মর্ডষ্টোন।”

মিঃ মর্ডষ্টোন ক্রুদ্ধভাবে কথাটা উড়াইয়া দিয়া বলিয়া চলিলেন, “সেখানে তুমি যা রোজগার করবে, তাতে খাওয়া চলবে। হাত-খরচাও কিছু পাবে। ঘরভাড়ার আমি বন্দোবস্ত ক’রে দিয়েছি, সেটা আমিই দেব। কাপড়-চোপড় সম্বন্ধেও ব্যবস্থা হবে। অতএব তুমি কুইননের সঙ্গে লগনে চলে যাও। জীবন-সংগ্রামে প্রবৃত্ত হও।”

মিঃ মর্ডষ্টোন টিপ্পনী কাটিয়া বলিলেন, “মোট কথা, তোমার ব্যবস্থা করা হ’ল। এখন তোমার কাজ তুমি ক’রে যাবে।”

বুঝিলাম, আমাকে ছাঁটিয়া ফেলিবার ব্যবস্থা পাকা হইয়া গিয়াছে। এ প্রস্তাবে আমি খুসী হইলাম কি ভয় পাইলাম, সে কথা এ বয়সে আর আমার মনে নাই।

পরদিন সকালেই মিঃ কুইনন্‌ চলিয়া যাইবেন। সুতরাং চিন্তা করিবার অবকাশও আমার ঘটিল না।

পরের দিন আমার বাক্স লইয়া মিঃ কুইননের সহিত আমি লগনে অভিমুখে যাত্রা করিলাম। আমাদের বাড়ী ক্রমে ঝাপসা দেখাইতে লাগিল। আকাশ আজ ষপার্থই শূন্য দেখাইতেছিল।

## একাদশ পত্রচ্ছেদ

পৃথিবী সম্বন্ধে এখন আমার অনেক অভিজ্ঞতা বাড়িয়াছিল। এখন সহসা কোনও বিষয়ে আমার বিশ্বয়বোধ হইত না। কিন্তু একটা বিষয়ে এখনও আমার বিশ্বয় লাগে, এত অল্পবয়সে আমি পরিভ্রান্ত হইলাম। দশ বৎসর বয়সে আমি মর্ডষ্টোন এণ্ড গ্রিনবির দোকানে চাকরী করিতে বাধ্য হইলাম।

এই কোম্পানী বোতলে মদ ভরিয়া জাহাজে চালান দিত। ব্যবসাটা মন্দ আয়ের ছিল না। দোকানের এক দিকে রানীকৃত বোতল জমা থাকিত। ছোট ছোট বালক এবং বয়স্কগণ ঐ সকল বোতল পরীক্ষা করিত, ধোঁত করিত। আমার কাজ ছিল, বোতল ধুইয়া পরিষ্কার করা, ছিপি-আঁটা, এবং বোতলের গায়ে লেবেল লাগান।

আমার মত আরও তিন চারিটি বালক এই কার্য করিত। আমি যেখানে বসিয়া কাজ করিতাম, মিঃ কুইনন্ ইচ্ছা করিলেই নিজের আসন হইতে আমি কি করিতেছি, না করিতেছি, তাহা দেখিতে পাইতেন। 'মিক্ ওয়াকার' নামক একটি পুরাতন ছোকরা আমাকে কাজ শিখাইয়া দিল। যে সকল বালক এখানে কাজ করে, তাহারা কোন সম্প্রদায়ের লোক, তাহার পরিচয়ও পাইলাম।

এইরূপ দলে মিশিয়া আমাকে থাকিতে হইবে! দুঃখে, ক্ষোভে আমার সমগ্র চিত্ত বিমূঢ় হইয়া পড়িল। ষ্টিয়ারফোর্থ, ট্রাডেলস্ এবং অন্যান্য ছাত্রের সাহচর্যে যে বর্ধিত হইতেছিল, তাহা তুলনায় এরূপ হীন সংসর্গে জীবনযাপন কিরূপ শোচনীয়, তাহা ভাবিয়া আমার চোখে জল আসিতে চাহিত। ভবিষ্যতের সকল উচ্চাশার সমাধি হইল। লজ্জায় আমি মাথা তুলিতে পারিতাম না। অনেক সময় আমি চোখের জলে ভাসিতাম—যে জলে বোতল ধুইতাম, তাহাতে অশুধারা মিশ্রিত হইত।

প্রথম দিন, সাড়ে বারোটা বাজিলে আমাদের আহারের জন্ত ছুটি হইল। সেই সময় মিঃ কুইনন্ আমাকে ডাকিলেন। তাহার নির্দেশে আমি অন্য কক্ষে প্রবেশ করিলাম। ঘরের মধ্যে এক জন আধাবয়সী লোক জঘন্য মলিন পরিচ্ছদে বসিয়াছিলেন।

মিঃ কুইনন্ আমাকে দেখাইয়া বলিলেন, "এই সেই।"

অপরিচিত ব্যক্তি বলিলেন, "তুমি মাষ্টার কপারফিল্ড। আশা করি, তুমি ভাল আছ?"

মনে মনে ভাল না থাকিলেও আমি মুখে জানাইলাম, আমি ভাল আছি। তিনিও বোধ হয় ভাল আছেন বলিয়া শিষ্টাচার প্রদর্শন করিলাম।

"হাঁ, আমি ভাল আছি। মিঃ মর্ডষ্টোন আমায় পত্র লিখেছেন। আমার বাসার একটা ঘর খালি আছে। সেই ঘরে তুমি থাকবে।"

মিঃ কুইনন্ তাহার পরিচয় দিয়া বলিলেন, "ইনি মিঃ মিক্‌বার।"

অপরিচিত ব্যক্তি বলিলেন, "হাঁ, ঐ আমার নাম।"

মিঃ কুইনন্ বলিলেন, "মিঃ মিক্‌বার আমাদের পরিচিত। মিঃ মর্ডষ্টোনের সঙ্গেও পরিচয় আছে। উনি কমিশন লইয়া আমাদের কাজ করেন। মিঃ মর্ডষ্টোন তাঁকে পত্র লিখেছেন। তাঁর বাসাতেই তুমি থাকবে।"

তিনি বলিলেন, "আমার ঠিকানা—উইগসর টেরাস্, সিটি রোড। সেখানেই আমার বাসা।"

আমি তাঁহাকে একটি নমস্কার করিলাম।

মিঃ মিক্‌বার বলিলেন, "তুমি সহরে নতুন, পথ-ঘাট চেন না। কাজেই আমি বৈকালবেলা তোমাকে পথ চিনাইয়া বাসায় লইয়া যাইব।"

তাঁহাকে আমি আন্তরিক ধন্যবাদ জানাইলাম।

মিঃ মিক্‌বার বলিলেন, "কখন তোমাকে নিতে আসব?"

উত্তর দিলেন মিঃ কুইনন্। তিনি বলিলেন, "রাত্রি ৮টায়।"

"বেশ, সেই সময় আমি তোমাকে লইয়া যাইব।"

সপ্তাহে আমার মাহিনা হইল ছয় শিলিং। উহা মিঃ কুইনন্ আমায় অগ্রিম দিলেন। নির্দিষ্ট সময়ে মিঃ মিক্‌বার আমায় লইতে আসিলেন। তিনি আমাকে পথের নাম বলিয়া দিতে দিতে চলিলেন। পরদিবস আমি নিজে চিনিয়া আসিতে পারিব।

মিসেস্ মিক্‌বারের সহিত তিনি আমার পরিচয় করাইয়া দিলেন। তাঁহাদের দুইটি সন্তান। মিস্ মিক্‌বার চারি বৎসরের মেয়ে, মাষ্টার মিক্‌বার তিন বৎসরের শিশু। আমার শয়নঘর উপরের তলায়।

মিক্‌বারের অবস্থা সচ্ছল নহে বুঝিলাম। পাওনাদারের সংখ্যাই অধিক। প্রত্যহই তাহাদের গুভাগমন হইত।

এই বাড়ীতে, এইরূপ লোকের সংস্রবে অবকাশসময় আমাকে কাটাইতে হইত। অল্প খরচে আমার আহারের আয়োজন করিতে হইত। সমস্ত দিন কারখানায় কাটাইতাম। ছয় শিলিংএর মধ্যে আমাকে এক সপ্তাহ কাটাইয়া দিতে হইবে বুঝিয়া কোনওমতে কুন্নিবৃত্তি করিতাম।

আমার বয়স অল্প, জ্ঞান অল্প, গুণপনাও নাই। এখন হইতেই নিজের পায় ভর দিয়া আমাকে দাঁড়াইতে হইল। উপদেশ দিবার কেহ নাই, সাহায্য করিবার কেহ নাই। মনে হইত, মৃত্যু হইলেই বাঁচি।

অখাণ্ড খাইয়া আমার ভাল জিনিষের প্রতি লোভ হইত। এক দিন আমি একটি সাধারণ দোকানে গিয়া তৃষ্ণা-নিবারণের জন্ত উৎকৃষ্ট এল বা পোর্ট স্করা চাহিলাম। জিজ্ঞাসা করিলাম, খুব ভাল ও খাঁটি জিনিষের কত দাম।

দোকানদার আমার দিকে নিবিষ্ট দৃষ্টিতে চাহিয়া বলিলেন, “আড়াই পেনী, এক গ্লাসের দাম।”

বলিলাম, “আমাকে খাঁটি জিনিষ এক গ্লাস দিন ত।”

আমার আপাদমস্তক নিরীক্ষণ করিয়া তিনি পাশের ঘরে অবস্থিত তাঁহার স্ত্রীকে ডাকিলেন। তিনি বাহিরে আসিয়া আমায় কৌতুকভরে দেখিয়া আমার সম্বন্ধে প্রশ্ন করিলেন। আমার নাম কি, বাড়ী কোথায়, কে আমার আছেন, কোথায় থাকি, ইত্যাদি নানা প্রশ্ন। আমি অল্পকিছু জড়িত না করিয়া যথাসাধ্য নিজের কথা বলিয়া গেলাম।

এক গ্লাস সুরা আসিল। আমি পান করিলাম। দোকানদারের গৃহিণী আমাকে দাম ফিরাইয়া দিয়া আমাকে চুমা দিলেন। নারীদলের সহানুভূতির পরিচয়ে আমার মন অভিভূত হইল।

আমার জীবনে যে সকল অসুবিধা এবং অর্থের অস্বচ্ছন্দতা দেখা দিল, তাহার সম্বন্ধে আমি এতটুকু অতিরঞ্জন করিতেছি না। মিঃ কুইনন্স আমাকে এক শিলিং মুদ্রা দিলে তাহা আমার আহার ও চা-পানের জন্ত ব্যয় করিয়া ফেলিতাম। সকাল হইতে রাত্রি পর্যন্ত প্রাণান্ত পরিশ্রম করিতাম, অতি সাধারণ স্তরের বালক ও পুরুষের সহিত আমাকে কাজ করিতে হইত। পর্যাপ্ত আহার আমার জুটিত না। আমি যে চোর এবং ভবঘুরে জীবন যাপন করিতে বাধ্য হই নাই, ইহা শুধু দৈবাৎগ্ৰাহেই বলিতে হইবে।

এরূপ অবস্থাতেও আমি মর্ডেটোন এণ্ড গ্রিন্‌বির কার্যালয়ে অল্পের অপেক্ষা একটু স্বতন্ত্রভাবে থাকিতাম। মিঃ কুইনন্সও অল্পের তুলনায় আমাকে একটু স্বতন্ত্রভাবে দেখিতেন, সেইভাবে ব্যবহার করিতেন। কিরূপে, কি অবস্থায় পড়িয়া আমাকে এখানে এই প্রকার হেয় কাজ করিতে হইতেছে, তাহা আমি ঘুণাক্ষরে কাহাকেও জানিতে দেই নাই। আমি এরূপ অবস্থায় কিরূপ মানসিক মন্থনা ভোগ করিতাম, তাহার আভাসমাত্র কাহাকেও দেই নাই। আমি নীরবে কাজ করিয়া যাইতাম। বাহিরে কোন প্রকার অসন্তোষ কখনও প্রকাশ করিতাম না। আমি প্রাণপণ যত্নে কাজ করিতাম। কারণ, এই অল্পবয়সেই আমার এই জ্ঞান হইয়াছিল যে, আমি অল্পাল্প বালকের অপেক্ষা যদি কাজ ভাল করিতে না পারি, অন্ততঃ তাহাদের মতও কাজ করিতে না পারি, তাহা হইলে আমি এখানে অবজ্ঞাত হইব। তাহাদের সহিত ঘনিষ্ঠতা-সম্বন্ধেও আমি আপনাকে তাহাদের অপেক্ষা স্বতন্ত্র করিয়া রাখিতাম। তাহারা সকলেই আমাকে -দ্রসস্থান ভাবিয়া তক্রপ ব্যবহার করিত। তাহাদের কেহই লেখাপড়া জানিত না। আমি মাঝে মাঝে তাহাদিগকে আমার অধীত গ্রন্থরাজি হইতে গল্প বলিয়া শুনাইতাম। ইহাতে মিলি পটাটোজ নামে পরিচিত বালকটি মাত্র মাঝে মাঝে আমার বিজ্ঞাবুদ্ধির পরিচয়ে বিদ্রোহ বোষণা করিত।

আমি যে এরূপ গুণবান, ইহা তাহার মত হইত না।। মিক্ ওয়াকার তাহাকে এরূপ বিদ্রোহ বোষণা করিতে না। আমার মনের অশান্তির অবস্থা আমি পেপার কোন দিন জানিতে দেই নাই। আমি প্রায়ই তাহাকে লিখিতাম, সে-ও আমাকে পত্র লিখিত।

মিক্‌বার-পরিবারের সহিত আমি ঘনিষ্ঠভাবে মিলি ছিলাম। মিঃ মিক্‌বার ঋণের ভারে অবসন্ন হইয়া পলি ছিলেন। তাঁহার পত্নীকে আমার বালকবুদ্ধিতে যথাসাধ্য সাহায্য করিতাম। মিঃ মিক্‌বার কমিশনে কাজ করিতেন তিনি প্রয়োজনমত খরিদার জুটাইতে পারিতেন না। এ তাঁহার অভাব লাগিয়াই ছিল। তিনি প্রায়ই হতাশভ গৃহে ফিরিয়া অশ্রুপূর্ণ-লোচনে বলিতেন—এবার জেলে যা ছাড়া তাঁহার গতান্তর নাই—ঋণের ভার ক্রমেই বাড়িতে বয়সের পার্থক্য সম্বন্ধেও মিক্‌বার-দম্পতির সহিত আম বন্ধুত্ব গাঢ় হইয়া উঠিয়াছিল। তাহার প্রদান কারণ, আদের আর্থিক অবস্থা প্রায় সমপর্যায়ে দাঁড়াইয়াছিল।

এক দিন মিসেস্ মিক্‌বার আমায় বলিলেন, “মাষ্টার কপারফিল্ড, তোমার কাছে কোন কথা গোপন করব না। মিঃ মিক্‌বারের অবস্থা ক্রমেই অত্যন্ত শোচনীয় হয়ে পড়ছে। সহানুভূতিপূর্ণ দৃষ্টিতে আমি মিসেস্ মিক্‌বারের ক্রমশীত আরক্ত নয়নের প্রতি চাহিলাম। আমি বড়ই আনাকে অসহায় মনে করিলাম।

মিসেস্ মিক্‌বার বলিয়া চলিলেন, “আজ বাড়ী এমন কিছু নেই, যা ছেলে-মেয়েদের খেতে দিতে পারি।”

আমি শঙ্কিতকণ্ঠে বলিলাম, “কি সর্বনাশ!”

আমার পকেটে তখনও সপ্তাহের মাহিনার দুই কি তিন শিলিং অবশিষ্ট ছিল। আমি তাড়াতাড়ি উহা বাহির করি সান্ত্বনয়ে মিসেস্ মিক্‌বারকে গ্রহণ করিতে অনুরোধ জানাইলাম। কিন্তু মিসেস্ মিক্‌বার আমার গায়ে কিছু দিয়া বলিলেন যে, উহা তিনি ঋণস্বরূপও লইতে পারেন না।

তিনি বলিলেন, “না, মাষ্টার কপারফিল্ড, এ চি আমার মনেও স্থান পায় নাই! তুমি বাছা অল্প রকম আমার উপকার করতে পার। করবে বাবা?”

আমি বলিলাম যে, কি আমি করিতে পারি, যদি অল্প করিয়া তিনি আমায় বলেন।

তিনি বলিলেন, “আমার ঘরের বাসনপত্র অনেকগুলো এর মধ্যেই বেচে ফেলেছি। কিন্তু ছেলে-মেয়ে ছুটো জুটাই আমার ভাবনা। ঘরে আর যা-কিছু সামান্য জিনিষ পত্র আছে, তা আমি বেচে ফেলতে পারি। মিঃ মিক্‌বার জানতে পারলে কখনই বেচতে দেবেন না। মেয়েটাকে যদি বেচে ফেলবার জন্ত দেই, সে কথাটা কঁাস করে ফেলবে। তুমি যদি বাবা—”

আমি তাঁহার উদ্দেশ্য বুঝিতে পারিয়া তাঁহাকে সাহায্য করিতে রাজি হইলাম। সেই দিনই অপরাহ্নে আমি



তকগুলি জিনিষ বেচিয়া দিলাম। তার পর প্রায় প্রত্যহ কালবেলাই আমি কারখানার যাইবার আগে ঐ কার্য করিতাম।

মিক্‌বারের একটা আধারে খানকয়েক বই ছিল। তিনি সপ্তাহের উল্লেখ করিয়া তাহাকে পুস্তকাগার বলিয়া অভিহিত করিতেন। ঐ বইগুলিই প্রথমে বিক্রমপুর গমন করিল। সিটি রোডের কোনও পুরাতন পুস্তকের দোকানে আমি একে একে উহা বেচিয়া আসিতে লাগিলাম। বেচিয়া তাহা পাওয়া যাইত, তাহাই আমি মিসেস্ মিক্‌বারকে দিতাম।

দিনকয়েক এইভাবে চলিবার পর ঘোর দুর্দিন বনাইয়া আসিল। এক দিন সকালবেলা পেয়াদা আসিয়া তাহাকে ধরিয়া লইয়া গেল। দেনার জ্বালায় তাঁহার জেল হইবে। মিঃ মিক্‌বারের জন্ত আমার প্রাণ কাঁদিয়া উঠিল।

রবিবারে আমি তাঁহার সহিত দেখা করিতে গেলাম। তিনি তখন কারাগারে অবস্থান করিতেছিলেন। আমাকে দেখিয়া তিনি আমাকে তাঁহার ঘরে লইয়া গেলেন। তাঁহার ঘরে আর এক জন ঋণীকেও আসিতে দেখিলাম। মিঃ মিক্‌বার কারাকন্ড অবস্থাতেও উৎসাহ হারান নাই দেখিলাম। সকল অবস্থাতেই সন্তুষ্ট, এমন লোক আমি অল্পই দেখিয়াছি।

বাসায় ফিরিয়া মিসেস্ মিক্‌বারকে আমাদের সাফাতের কথা বলিলাম। তিনি অত্যন্ত বিচলিত হইয়া পড়িলেন।

বাড়ীর জিনিষপত্রগুলি সবই বিক্রয় হইয়া গিয়াছে দেখিলাম। কে বেচিল, তাহা জানিতাম না। কারণ, আমি সেগুলি বিক্রয় করি নাই, শয্যা, খানকয়েক চেয়ার এবং বাসায়ঘরের টেবল ছাড়া আর সব জিনিষই অস্তিত্ব হইয়াছে। ঐ সকল সামান্য জিনিষ লইয়াই আমরা বাসায় বসবাস করিতে লাগিলাম।

তার পর মিসেস্ মিক্‌বার কারাগারে যাওয়াই স্থির করিলেন। সেখানে একটা স্বতন্ত্র ঘর মিঃ মিক্‌বারের জন্ত নির্দিষ্ট হইয়াছিল। তাঁহাদের বিছানা সেখানে পাঠাইয়া দেওয়া হইল। আমি কাছেই আর একটা ছোট ঘরে শয়নের স্থান করিয়া লইলাম।

এ পর্য্যন্ত আমি মর্ডষ্টোন এণ্ড গ্রিন্‌বির কারখানাতেই সমান ভাবে, সমান অবস্থায় কাজ করিতেছিলাম। আমি কাহারও সহিত মিশিতাম না। আপন মনেই একা থাকিতাম। কিন্তু ক্রমেই আমি পূর্কোপেক্ষা অপরিচ্ছন্ন অবস্থায় থাকিতে বাধ্য হইতেছিলাম। মিক্‌বার-দম্পতিকে তাঁহাদের কোনও আত্মীয় সাহায্য করিতে থাকায়, কারাগারে তাঁহারা অপেক্ষাকৃত স্বচ্ছন্দে জীবন যাপন করিতেছিলেন। ইহাতে আমার মনের দুশ্চিন্তা অনেকটা হ্রাস পাইয়াছিল। আমি প্রত্যহ তাঁহাদের ওখানে গিয়া প্রাতরাশ করিয়া আসিতাম।

এক দিন মিসেস্ মিক্‌বারের নিকট হইতে সংবাদ পাইলাম যে, দেউলিয়া আইনের জোরে মিঃ মিক্‌বার শীঘ্রই

কারামুক্ত হইবেন। মাস দেড়েকের মধ্যে তাঁহার মুক্তি ঘটিতে পারে। মিঃ মিক্‌বার নূতন ভাবে জীবনযাত্রা আরম্ভ করিবেন, তাহাও শুনিতে পাইলাম। মিঃ মিক্‌বার আরও বহু ঋণীর সহিত পার্লামেন্টে; দেনার দায় হইতে মুক্তিলাভের জন্ত এক দরখাস্ত করিয়াছিলেন।

### দ্বাদশ পরিচ্ছেদ

যথাসময়ে মিঃ মিক্‌বারের দরখাস্ত-শুনানীর দিন নিকটবর্তী হইল। যথাসময়ে শুনানী আরম্ভ হইল। মিঃ মিক্‌বারের উত্তমর্গগণ টাকার দাবী করে বটে, কিন্তু তাঁহার প্রতি কাহারও বিদ্বেষ নাই, এ সকল কথা আদালতে আলোচিত হইল। মিঃ মিক্‌বার অবশেষে মুক্তি পাইলেন।

আমি মিসেস্ মিক্‌বারকে জিজ্ঞাসা করিলাম, “এখন আপনারা কি করবেন? কিছু স্থির করেছেন কি? মিঃ মিক্‌বার এখন ত দায়মুক্ত।”

মিসেস্ মিক্‌বার বলিলেন, “আমার আত্মীয়রা বলছেন যে, মিঃ মিক্‌বারকে লণ্ডন ত্যাগ করতে হবে। পল্লী অঞ্চলে গেলে তাঁর প্রতিভার বিকাশ দেখাতে পারবেন। মাষ্টার কপারফিল্ড, মিঃ মিক্‌বারের সত্যিকারের প্রতিভা আছে।”

আমি বলিলাম যে, আমি তাহা জানি।

“আত্মীয়রা বলছেন, প্লাইমাউথে যদি উনি যান, তা হ’লে সুবিধা ক’রে নিতে পারবেন।”

আমি বলিলাম, “তিনি যাবার জন্ত প্রস্তুত আছেন ত?”

“হ্যাঁ, তাঁকে যেতেই হবে—সে জন্ত প্রস্তুতও আছেন বৈ কি।”

আমি বলিলাম—“আপনিও সঙ্গে যাবেন, ম্যাডাম?”

তিনি বলিলেন, “আমি মিঃ মিক্‌বারকে কখনও ত্যাগ করতে পারিনে। সত্যি বটে, বিয়ের সময় আমি যে যুক্তোর হার ও কন্ডগ মার কাছ থেকে পেয়েছিলুম, আধা দামে তা আমাদের বেচে ফেলতে হয়েছে। প্রবালের এক প্রস্থ জিনিষ বাবা আমাকে ষোড়শ দিয়েছিলেন, তাও জলের দরে চ’লে গেছে; কিন্তু তবু আমি মিঃ মিক্‌বারকে ত্যাগ করতে পারিনে। সুতরাং, এ কথা আমাকে জিজ্ঞাসা করায় কোন ফল নেই।”

আমি ভাবিলাম, মিসেস্ মিক্‌বার হয় ত আমার কথায় এমন কিছু অহুমান করিয়াছেন যে, আমি তাঁহাকে ঐ রকম ভাবের পরামর্শই বা দিতেছি! সুতরাং সভয়ে আমি তাঁহার মুখের দিকে চাহিয়া রহিলাম।

প্রাচীরের দিকে চাহিয়া মিসেস্ মিক্‌বার বলিলেন, “মিঃ মিক্‌বারের অনেক দোষ আছে জানি। তিনি আমাকে তাঁর অবস্থা সম্বন্ধে, ঋণ সম্বন্ধে বরাবর অন্ধকারে রেখেছেন—কোন কথা জানুতে দেননি। কিন্তু তা ব’লে আমি তাঁকে ত্যাগ করতে পারিনে।”

আমি মিসেস্ মিক্‌বারের ভাবভঙ্গী এবং উত্তেজনা দেখিয়া জাড়াতাড়ি ক্লাব-ঘরে গিয়া মিঃ মিক্‌বারকে ডাকিলাম। তিনি জাড়াতাড়ি আমার সঙ্গে চলিয়া আসিলেন।

ঘরের মধ্যে দ্রুত প্রবেশ করিয়া তিনি বলিলেন, “ইমা, লক্ষি, কি হয়েছে?”

“আমি তোমাকে কখনো ছেড়ে যাব না।”

পত্নীকে বাহমূলে আবদ্ধ করিয়া মিঃ মিক্‌বার বলিলেন, “সে কথা আমি ভাল ক’রেই জানি।”

“উনি আমার সন্তানদের পিতা—এই জোড়া ছেলে-মেয়ের বাবা! আমার স্নেহময় স্বামী উনি। আমি কখনো ওঁকে ছেড়ে যাব না।”

মিঃ মিক্‌বার পত্নীর এই নির্ভায় বিচলিত হইয়া তাঁহাকে শাস্ত হইতে অনুরোধ করিলেন। এ দৃশ্যে আমার চোখে জল আসিল। মিঃ মিক্‌বার কত প্রকারে মিসেস্ মিক্‌বারকে শাস্ত হইবার জন্ত অনুরোধ করিলেন, কিন্তু কোন-মতেই তাঁহার পত্নী প্রবোধ মানিলেন না। অবশেষে স্বামী স্ত্রীকে শয়নকক্ষে লইয়া গেলেন—আমাকে বাহিরে পাহারায় রাখিয়া। খানিক পরে মিঃ মিক্‌বার বাহিরে আসিলে আমি তাঁহাকে জিজ্ঞাসা করিলাম, “এখন তিনি কেমন আছেন?”

“ভারী মনমরা হয়ে পড়েছেন—উত্তেজনার প্রতিক্রিয়া আরম্ভ হয়েছে। কি ভয়ঙ্কর দিন আজ! আমাদের পাশে আজ কেউ নেই। সবাই আমাদের ছেড়ে চ’লে গেছে।”

মিঃ মিক্‌বার আমার হাত চাপিয়া ধরিলেন। তাঁহার হৃদয় চক্ষু বহিয়া অশ্রু ঝরিতে লাগিল। আমিও অত্যন্ত বিচলিত হইলাম। প্রথমে ভাবিয়াছিলাম, মিঃ মিক্‌বারের মুক্তিতে আমরা সকলেই আনন্দে উৎফুল্ল হইয়া উঠিব—আমোদ-প্রমোদ করিব, কিন্তু তাহার বিপরীত ফল হইল। মুক্তিলাভের পর মিক্‌বার-দম্পতি আপনাদিগকে সম্পূর্ণ অসহায় ভাবিতেছেন। তার পর যখন বিদায়ের বণ্টাধ্বনি শ্রুত হইলাম, তখন আমি বিরসচিত্তে বিদায় লইলাম। মিঃ মিক্‌বারের জন্ত আমার বিশেষ দুশ্চিন্তা হইল।

পথে যাইতে যাইতে ভাবিতে লাগিলাম, প্রকৃতপ্রস্তাবে এত দিন পরে মিক্‌বার-দম্পতির সহিত আমার বিচ্ছেদ অনিবার্য। তাঁহারা লগুন ত্যাগ করিয়া যাইবেনই। শয্যাশয়ন করিয়া সারা রাত্রি ঐ একই চিন্তা আমার চিত্ত অধিকার করিয়া রহিল।

মিক্‌বার-দম্পতির সহিত আমার অত্যন্ত ঘনিষ্ঠতা হইয়াছিল। তাঁহারা চলিয়া গেলে, কোন্ নূতন স্থানে আমার বাসা বাধিতে হইবে, এই দুশ্চিন্তায় আমি অধীর হইলাম। অপরিচিত ব্যক্তিগণের মধ্যে আমার জীবন যাপন করা চলিবে না।

কিন্তু এ অবস্থা হইতে পরিষ্কার-লাভের উপায় কোথায়? মিস্ মর্ডষ্টোনের নিকট হইতে কোন সংবাদই পাইতাম না। মিঃ মর্ডষ্টোন ত সম্পূর্ণভাবে আমার সংস্রব এড়াইয়া চলিয়াছেন। শুধু মিঃ কুইননের দ্বারদ্বারা আমি কয়েকটি পুলিশায় পরিধেয় পোষাক পাইয়াছিলাম।

পরদিন শুনিলাম, এক সপ্তাহ পরে মিক্‌বার-দম্পতি প্লাইমাউথে চলিয়া যাইবেন স্থির হইয়াছে। এই এক সপ্তাহ আমি তাঁহাদের বাসাতেই থাকিতে পাইব। মিঃ মিক্‌বার আপিসে স্বয়ং আসিয়া মিঃ কুইননকে জানাইয়া দিলেন যে, এক সপ্তাহ পরে আমার সম্বন্ধে দায়িত্বভার তিনি নামাইয়া দিবেন। মিঃ কুইনন গাড়ীওয়ালা চিপ্‌কে ডাকিয়া বলিলেন যে, তাহার গৃহে আমাকে স্থান দিতে হইবে। এই লোকটা বিবাহিত। আমি মুখে কিছু বলিলাম না, কিন্তু তখন আমার সংকল্প স্থির হইয়াছিল।

মিক্‌বার-দম্পতির সহিত কয় দিন অপরাহ্ন ও রাত্রিকাল কাটাইয়া দিতে লাগিলাম। তাঁহাদের সহিত আমার প্রীতির সম্বন্ধ এই কয় দিনে আরও দৃঢ় হইল। শেষ দিন—রবিবারে তাঁহারা আমায় ভোজনে নিমন্ত্রণ করিলেন। আমি একটি খেলার ঘোড়া কিনিয়া আনিয়াছিলাম। উহা ছোট ছেলেটিকে উপহার দিলাম। ইমা মেয়েটির জন্তও একটা পুতুল আনিয়াছিলাম।

সারাদিন বেশ আনন্দেই কাটিল। ক্রমে আমাদের বিদায়ক্ষণ আসন্ন হইল।

“মিসেস্ মিক্‌বার বলিলেন, “যখনই দুঃখ-বিপদ আসিবে, মাষ্টার কপারফিল্ড, তোমার কথা আমাদের তখনই মনে পড়বে। তুমি আমাদের বন্ধু ছিলে।”

মাষ্টার মিক্‌বার বলিলেন, “প্রিয় কপারফিল্ড, তুমি আমাদের বিপদের দিনে প্রকৃত বন্ধু ছিলে; তোমার কথা সকল সময়ে আমাদের মনে থাকবে।”

দুঃখনদ্রকর্থে আমি বলিলাম যে, তাঁহাদের হারাইয়া আমার মনের শান্তি থাকিবে না।

মিঃ মিক্‌বার বলিলেন, “কপারফিল্ড, আমি তোমার চেয়ে বয়সে অনেক বড়! অবশ্য জীবনে আমি ব্যর্থতাই এনেছি, কিন্তু অভিজ্ঞতা আমার যথেষ্ট হয়েছে। তোমাকে একটা কথা ব’লে রাখি। যা আজ করতে পারবে, কালকের জন্ত তা ফেলে রাখবে না। সময় পাওয়া মাত্র তার সম্ব্যবহার করবে।”

খানিক নীরব থাকিয়া তিনি বলিলেন, “আমার আর একটা উপদেশ মনে রেখো। বাৎসরিক আয় কুড়ি পাউণ্ড—বাৎসরিক ব্যয় ১৯ পাউণ্ড, উনিশ শিলিং, ৬ পেন্স—ফল সুখ। বাৎসরিক আয় কুড়ি পাউণ্ড—ব্যয় কুড়ি পাউণ্ড—ফল দুঃখ। জীবন-বৃক্ষের ফুলগুলি শুকিয়ে রাখবে—দুঃখের দিন ঘনিষে আসে। অর্থাৎ ফল দাঁড়াবে ঠিক আমার মত!”

পরদিন সকালে গাড়ীর আপিসে তাঁহাদের সহিত দেখা করিলাম। বিদায়কালে মিসেস্ মিক্‌বার বলিলেন, “ভগবান্ তোমার ভাল করুন, মাষ্টার কপারফিল্ড! তোমার কথা আমি জীবনে ভুলবো না।”

মিস্ মিক্‌বার বলিলেন, “বিদায়, কপারফিল্ড! তুমি সুখী হও, উন্নত হও। আমার অবস্থা দেখে তুমি যদি সন্তর্ক হয়ে থাক, আমার মত সুখী কেউ হবে না। যদি এমন দিন পাই, তোমার উন্নতির জন্ত আমার চেষ্টার সীমা থাকবে না।”

মিসেস্ মিক্‌বার হাতছানি দিয়া আমায় ডাকিলেন। আমি গাড়ীর উপর উঠিলাম। তিনি মায়ের মত স্নেহে আমার গণ্ডে চুম্বন করিলেন। তাড়াতাড়ি গাড়ী হইতে নামিয়া পড়িলাম। গাড়ী চলিতে লাগিল। আন্দোলিত ফ্যাল দেখিতে লাগিলাম—আমি রুমাল আন্দোলিত করিতে গিলাম। গাড়ী চলিয়া গেল।

আপিসে ফিরিয়া গেলাম বটে, কিন্তু এখানে আর থাকিব না, পলায়ন করিব, এ চিন্তাও আমার মনে দৃঢ় হইল। আমি মিস্ বেটসিকে খুঁজিয়া বাহির করিব—তাহার কাছেই যাইব। এ দাসত্ব আমার মোটেই ভাল লাগে না।

মিস্ বেটসি কোথায় থাকেন, তাহা আমি জানিতাম না। আমি পেগটীকে এ সম্বন্ধে দীর্ঘ একখানা পত্র লিখিলাম। সে যদি জানে, তবে আমাকে যেন সংবাদ দেয়, এ কথাও লিখিলাম। তাহাকে আরও জানাইলাম যে, আমার হাতে যথেষ্ট গিনি মাত্র আছে। সে যদি আমার আর আধ গিনি ধার দেয়, আমি পরে শোধ দিব। কেন আমি এই কথা চাহিতেছি, তাহা আমি পরে তাহাকে বলিব, সে কথাও লিখিয়া দিলাম।

পেগটীর উত্তর শীঘ্র আসিল। স্নেহমাখা সেই পত্রের ত্রে ত্রে তাহার হৃদয়ের পরিচয় পাইলাম। আধা গিনি মাত্র পত্রের মধ্যে পাঠাইয়াছে। তবে মিস্ বার্কিসের বাস হইতে তাহা সংগ্রহ করিতে তাহাকে কিছু বেগ পাইতে হইয়াছিল। মিস্ বেটসী ডোভারের কাছেই থাকেন বলিয়া সে জানিত। ঠিক ডোভার অথবা হাইথি, স্ট্রাণ্ডগেট বা ফোকস্টোন—কোথায় তিনি আছেন, তাহা সে বলিতে পারিল না। আপিসের এক জনকে জিজ্ঞাসা করিয়া জানিতে পারিলাম, ষষ্ঠি স্থানই পাশাপাশি অবস্থিত। আমার পক্ষে এইটুকু সংবাদই যথেষ্ট। এই সপ্তাহের শেষেই আমি সেখানে যাইব হর করিলাম।

শনিবার রাত্রি পর্যন্ত কাজ করিব, ইহাতে সপ্তাহের গহিনার মত পুরা কাজ আমি করিয়া যাইব। ফাঁকি দবার ইচ্ছা আমার নাই। এক সপ্তাহের অগ্রিম বেতন আমি প্রথমেই পাইয়াছিলাম, সুতরাং হস্তা লইবার জন্ত শনিবার আমি হাত পাতিব না। পুরা এক গিনি আমার হাতে আছে, ইহাতেই আমার রাহা-খরচ চলিয়া যাইবে।

আজ টিপের বাড়ীতে আমার উঠিয়া যাইবার কথা। মিক্ ওরাকারকে বলিয়া দিলাম যে, সে যেন মিস্ কুইনমুকে বলে, আমি টিপের বাসায় আমার বাস লইয়া যাইবার জন্ত চলিয়া গিয়াছি। তার পর মিলি পুটাটোলের করকল্পন করিয়া আমি বিদায় লইলাম।

পুরাতন বাসায় আমার বাস ছিল। উহার পশ্চাতে লিখিয়া দিলাম,—“মাষ্টার ডেভিড কপারফিল্ড। ডোভার গাড়ীর আড্ডায় না চাওয়া পর্যন্ত পড়িয়া থাকিবে।”

একটা লোককে গাড়ী লইয়া পথে দাঁড়াইতে দেখিয়া তাহাকে বাসায় লইয়া গেলাম। সে বাসটি লইয়া নীচে নামিয়া গাড়ীতে তুলিল। হঠাৎ আমার পকেট হইতে হাফ গিনিটা পড়িয়া গেল। আমি উহা মুখের মধ্যে রাখিলাম। সহসা লোকটি আমার গাল টিপিয়া ধরিল। গিনিটা তাহার হাতে গিয়া পড়িল।

সে বলিয়া উঠিল, “তুমি পালাচ্ছ, এটা পুলিশ-কেস্ দেখছি। চল, তোমার থানায় নিয়ে যাই।”

ভীত হইয়া আমি বলিলাম, “আমার টাকা ফিরিয়ে দাও। এখান থেকে চলে যাও।”

“তা হবে না, তোমাকে পুলিশে যেতে হবে।”

আমি কাঁদিয়া ফেলিয়া বলিলাম, “আমার বাস ও টাকা আমায় দাও বলছি।”

যুবা লোকটা বলিল, “পুলিসে চল।” বলিয়াই সে জোরে গাড়ী হাঁকাইয়া দিল। আমি তাহার পশ্চাতে দৌড়িলাম। লোকটা ক্রমে অদৃশ্য হইয়া গেল। কাঁদিতে অবশেষে আমি টাকা ও বাস্তুর আশা ছাড়িয়া দিলাম। কিন্তু চলা থামাইলাম না।

## ত্রয়োদশ পরিচ্ছেদ

আমার এইটুকু মনে আছে যে, আমি ডোভার অভিমুখে চলিতে লাগিলাম। যে লোকটা আমার বাস ও টাকা লইয়া পলাইয়াছিল, তাহার পশ্চাতে ধাবিত হওয়া নিরর্থক ভাবিয়া আমি শুধু পথ চলিতে লাগিলাম। এইরূপে আমি কেন্টরোডে আসিয়া পৌছিলাম। এখানে একটা বাড়ীর দরজার কাছে আমি ক্লান্তদেহে বসিয়া পড়িলাম।

তখন রাত্রির অন্ধকার ঘনাইয়া আসিয়াছিল। নিকটে কোনও ঘড়ীতে দশটা বাজিয়া গেল, আমি শুনিলাম। শীতের রাত্রি নহে—গ্রীষ্মকালের রাত্রি। আকাশও মেঘশূন্য ছিল, তাই রক্ষা। অনেকক্ষণ বিশ্রামের পর যখন আবার চলিবার শক্তি ফিরিয়া আসিল, তখন আবার আমি চলিতে আরম্ভ করিলাম।

পকেটে হাত পড়িতে দেখিলাম, আমার পকেটে মাত্র তিনটি পেনী আছে। আমাকে দেখিতেছি না খাইয়াই মরিতে হইবে। কল্পনা-নেত্রে দেখিলাম, আমি যেন না



খাইয়া পথে মরিয়া পড়িয়া আছি। সংবাদপত্রে আমার শোচনীয় মৃত্যুর কথা প্রকাশ পাইয়াছে।

আমি দ্রুত চলিতে লাগিলাম। পথে একটা দোকান দেখিলাম। তাহার দরজায় লেখা আছে, এখানে মহিলা ও ভদ্রলোকদের পরিধেয় বিক্রয় হয়। ছেঁড়া কাপড়ও উপযুক্ত মূল্যে ক্রয় করা হইয়া থাকে। দোকানের বুড়া মালিক একখানা টুলের উপর বসিয়া আছে দেখিলাম।

মিক্‌বার-দম্পতির জীবনের অভিজ্ঞতা আমার কাজে লাগিল। ভাবিলাম, আমার গায়ের ওয়েষ্ট কোট বেচিতে পারিলে যে মূল্য পাইব, তাহাতে দুই এক দিন কোনও মতে বাঁচিয়া থাকা চলিতে পারে। সম্মুখের একটা গলির মধ্যে চুকিয়া ওয়েষ্ট কোটটা খুলিয়া লইলাম। ভাঁজ করিয়া বগলে চাপিয়া দোকানের দরজার কাছে ফিরিয়া আসিলাম।

বুদ্ধকে ডাকিয়া বলিলাম, “এটা আমি বেচিতে চাই— যদি ঠিক দাম পাই।”

মিঃ ভোলোবি—দোকানের সাইনবোর্ডে দোকানদারের ঐ নাম লেখা ছিল—ওয়েষ্ট কোটটা লইয়া দোকানের ভিতর চলিয়া গেল। আলোতে ভাল করিয়া উহা পরীক্ষার পর বলিল, “এটার জন্ম তুমি কি দাম চাও?”

আমি নম্রভাবে বলিলাম, “সে আপনি ভাল জানেন।”

মিঃ ভোলোবি বলিল, “আমি ক্রেতা বিক্রেতা একমুখে দুই হ’তে পারিনে। তুমি কি চাও, তাই বল।”

ঈশং ইতস্ততঃ করিয়া বলিলাম—“যদি আঠারো পেন্স”—

ওয়েষ্ট কোটটা ভাঁজ করিয়া আমার হাতে দিয়া সে বলিল, “ন পেন্স দাম দিয়ে যদি কিনি, আমার ছেলে-মেয়ে না খেয়ে মরবে।”

আমার গায় এক অপরিচিত বালকের জন্ম তাহার ছেলে-মেয়েকে অনশনে মারিয়া ফেলিবার কোন সন্দেহ কারণ ছিল না। অথচ আমার পয়সার একান্ত প্রয়োজন। কাজেই নয় পেন্সেই উহা ছাড়িয়া দিলাম। কোটটার বোতাম গায় আঁটিয়া আমি তাহাকে ধন্যবাদ দিলাম— পয়সা লইয়া আবার চলিতে আরম্ভ করিলাম।

আমি বেশ বৃষ্টিতে পারিলাম, আমার কোটটিও এই ভাবে বিদায় লইবে। ডোভারে পৌঁছিবার সময় গুধু পা-জামা ও সাট ছাড়া আর কিছুই থাকিবে না।

পথে চলিতে চলিতে ভাবিলাম, ব্রাহ্মি বেশী দূরে নাই। যদি রাত্রিটা আমার পুরাতন বিদ্যালয় সালেম হাউসের কাছে কাটাইতে পারি, কেমন হয়? স্কুল-প্রাঙ্গণে খড়ের গাছা আছে। সেখানে ঘুমাইতে পারিব। আমার সহপাঠীদের সঙ্গেও দেখা হইয়া যাইবে। হয় ত তাহাদের কাহারও শস্যায় শয়ন করিবার সৌভাগ্যও ঘটিতে পারে।

সমস্ত দিন পথ চলিয়া অবশেষে ব্রাহ্মি বেশী পৌঁছিলাম। সালেম হাউস খুঁজিয়া বাহির করিতে কিছু বেগ পাইতে

হইল। কাছেই একটা খড়ের তপ দেখিতে পাইলাম সেখানেই আমি শুইয়া পড়িলাম। স্কুল-বাড়ী তখন শব্দহীন—সকল কক্ষের আলোক নিরূপিত।

শুইয়া শুইয়া পুরাতন কথা ভাবিতে ভাবিতে আমি ঘুমাইয়া পড়িলাম। সকালে ঘুম ভাঙিল। ঘণ্টাধ্বনি শুনিয়া বুঝিলাম, স্কুলের ছেলেরা আসিয়া উঠিয়াছে। যদি ষ্ট্রিয়ার-ফোর্থ সেখানে থাকিত, তাহা হইলে আমি আশে-পাশে তাহার প্রতীক্ষায় থাকিতাম। কিন্তু আমি জানিতাম, সে স্কুল ছাড়িয়া চলিয়া গিয়াছে। হয় ত ট্রাভেল্‌স স্কুলে এখনও আছে। কিন্তু তাহাও সন্দেহজনক। সে যদিও থাকে, তাহার কাছে আমার বর্তমান অবস্থার কথা বিশ্বাস করিয়া বলা চলে না। যদিও আমি তাহার সহায়তা সম্বন্ধে নিঃসন্দেহ ছিলাম। সুতরাং আমি বিদ্যালয়ের সান্নিধ্য ত্যাগ করিলাম। আবার পথে আসিয়া দাঁড়াইলাম—চলা শুরু হইল।

সে দিন রবিবারের প্রভাত। গির্জা-সমূহে ঘণ্টা বাজিতেছিল। সকলে গির্জায় যাইতেছিল। আমার শরীর ধূলিধূসরিত। আমি ২৩ মাইল পথ অতিক্রম করিবার জন্ম চলিতে লাগিলাম। এমন পরিশ্রমে আমি অভ্যস্ত মহি। সন্ধ্যার সময় আমি রচেষ্টার সেতুর কাছে আসিলাম। আমার পা ক্ষতবিক্ষত, ক্লান্ত। পাঁউরুটী কিনিয়াছিলাম, তাহাতেই আমাকে ক্ষুধিবৃত্তি করিতে হইয়াছিল। কোনও কোনও বাড়ীর গায় “বিশ্রাম ও আহারের স্থান” বলিয়া বিজ্ঞাপিত ছিল। কিন্তু আমার সামান্য পুঁজি লইয়া বিশ্রামের জন্ম ব্যয় করিতে সাহস হইল না। সুতরাং কোথাও আশ্রয় লওয়া সমীচীন মনে হইল না। চলিতে চলিতে চ্যাথামে পৌঁছিলাম। এইখানে আসিয়া এক জায়গায় শুইয়া পড়িলাম।

সকালবেলা দেখিলাম, পায়ের ব্যথায় আমি চলিতে অশক্ত হইয়া পড়িয়াছি। গার কোটটি বেচিয়া না ফেলিল আর চলিতেছে না। পুরাতন জিনিষের দোকান অনুসন্ধান করিতে করিতে একটা গলির মধ্যে ঐরূপ একটা দোকান মিলিল। আমি স্পন্দিত-বক্ষে সেই অন্ধ-অন্ধকারাবৃত্ত দোকানে প্রবেশ করিলাম। এক জন কুৎসিতদর্শন বৃদ্ধ— তাহার মুখ ঋগ্ন ও ভ্রাবহ—বসিয়া আছে দেখিলাম। লোকটা হঠাৎ আসিয়া আমার কেশ ধারণ করিল। তাহার মুখে রমের বিকট দুর্গন্ধ।

সে বলিল, “কি চাও তুমি?”

সে আরও কত অসংলগ্ন কথা বলিয়া গেল।

আমি তাহার কথায় এমন হতভম্ব লইয়া পড়িলাম যে, আমার মুখ দিয়া কোন কথা বাহির হইল না।

সে আবার বলিল, “ছোকরা, কি তোমার দরকার?”

বলিলাম, “আমার একটা কোট বেচিতে চাই। আপনি নেবেন কি?”

“দেখি, কেমন কোট।—কৈ, বের কর তোমার নামাটা?”

লোকটা তাহার অঙ্গুলি আমার কেশ হইতে সরাইয়াছিল। সে ত অঙ্গুলি নহে, বেন বাজপাখীর নখর। লোকটা নাকের ডগার চশমা চড়াইল।

“এর জন্ত কত চাই তোমার? কি দামে বেচতে পার, ছাকরা?”

বলিলাম, “আধখানা ক্রাউন।”

বুড়া বলিয়া উঠিল, “তা হবে না। আমি ১৮ পেন্স দিতে পারি।”

আমি বলিলাম, “তাই হবে—১৮ পেন্সই আমার দিন।”

লোকটা তাকের উপর ফেলিয়া সে বলিল, “এখন দোকান থেকে বাইরে যাও। টাকা চেও না—বদলে অণু জিনিষ নিয়ে যাও।”

আমি এমন ভীত কখনও হই নাই। অত্যন্ত বিনীতভাবে আমি তাহাকে বলিলাম যে, আমার অর্থেরই দরকার, জিনিষ আমি চাই না। টাকা ছাড়া অণু জিনিষে আমার লিবে না। তবে তাড়াতাড়ি নাই, আমি বাহিরে অপেক্ষা করিতেছি।

বাহিরে গিয়া বসিলাম। অনেকক্ষণ চুপ করিয়া বসিয়াছিলাম। ক্রমে রৌদ্র প্রবল হইয়া উঠিল। আবার রৌদ্র পড়িয়া আসিল—অন্ধকার ঘনাইয়া আসিতেছে। কিন্তু এখনও আমি অর্থের জন্ত বসিয়া রহিলাম।

এমন মাতাল আমি কোথাও দেখি নাই। দেখিলাম, লোকটা আসিয়া তাহাকে ক্ষেপাইতেছে—বুড়া রূপণ বলিয়া গালি দিতেছে। বুড়া বালকদিগকে তাড়া করিল। এক একবার আমাকেও বালকদিগের সঙ্গী বলিয়া মনে করিয়া গড়া করিয়া আসিল। কিন্তু পরে আমাকে চিনিতে পারিয়া নিরস্ত হইল।

সে পুনঃ পুনঃ আমাকে অণু জিনিষ লইবার জন্ত প্রলুব্ধ করিতে লাগিল। কখনও একটা ছিপ, কখনও একটা বাঁশী, কখনও বা একটা টুপী, এই রকম নানা জিনিষ দেখাইয়া কাট বিনিময় করিতে বলিল। কিন্তু আমার টাকার প্রয়োজন, কাজেই আমি তাহার কোনও কথা কাণে তুলিলাম না। অবশেষে তাহাকে বলিলাম যে, যদি টাকা না দিতে পারে ত, আমার জামা ফিরাইয়া দিক। অবশেষে আধ পণী হইতে আরম্ভ করিয়া এক শিলিং পর্যন্ত উঠিল।

শেষকালে বলিল, “আরও দুই পেন্স দিচ্ছি, নেও।”

বলিলাম, “না, তা পারব না। পুরাপুরি ১৮ পেন্সই আমার চাই, নইলে আমার না খেয়ে মরতে হবে।”

“আচ্ছা, আর তিন পেন্স দিচ্ছি।”

দৃঢ়স্বরে বলিলাম, “সবটাই আমার চাই। তা না পেলে আমি মর না।”

“আচ্ছা, তবে আর ৪ পেন্স দিচ্ছি।”

আমি এত ক্লান্ত ও অবসন্ন হইয়া পড়িয়াছিলাম যে, তাহাতেই রাজি হইলাম। ১৬ পেন্স লইয়া আমি কৃষা-তৃষ্ণায় কাতরভাবে পথে নামিলাম। তিন পেন্স খরচ করিয়া আবার একটু তাজা হইলাম। তার পর খোঁড়াইতে খোঁড়াইতে আরও সাত মাইল পথ চলিলাম।

রাত্রিতে তৃণস্তূপের পাশে শুইয়া পড়িলাম। জংপূর্বে নদীর জলে পা ধুইয়া, কতকগুলি পাতা লইয়া ফোঁসার উপর বাঁধিয়া দিলাম। পরদিন সকালে আবার পথ চলিতে আরম্ভ করিলাম।

পথ-চলতি লোকগুলিকে সে দিন ভাল লোক বলিয়া মনে হইল না। কতকগুলির চেহারা বিলী এবং হিংস্র-প্রকৃতির বলিয়া মনে হইল। আমাকে দেখিয়া তাহারা হাঁ করিয়া চাহিয়া রহিল। কেহ কেহ আমাকে ডাকিল। কিন্তু আমি তাহাদের কথা না শুনিয়া দৌড়িতে আরম্ভ করিলাম। তাহারা আমার দিকে টিল ছুড়িতে লাগিল।

কিছু দূর যাইবার পর এক জন ভবঘুরে আমায় ডাকিল। সে চীৎকার করিয়া বলিল, “এ দিকে চ’লে এস বলছি। কথা না শুন্লে তোরা শরীর কেটে টুকরো টুকরো করবো।”

তাবিলাম, যাওয়াই উচিত। দলে তাহারা একাধিক ছিল। এক জন নারীও দেখিলাম। তাহার চোখ কৃষ্ণবর্ণ।

লোকটা বলিল, “কোথায় যাচ্ছ তুমি, ছোকরা?”

সে আমার জামা মুঠা করিয়া ধরিল।

বলিলাম, “আমি ডোভার যাচ্ছি।”

“কোথা থেকে আসছ তুমি? সঙ্গে সঙ্গে সে আমার জামাটা আরও মুচড়াইয়া ধরিল।

আমি বলিলাম, “লণ্ডন থেকে আসছি।”

“কি মতলবে চলছ? চুরীর মতলবে না কি?”

বলিলাম, “না, গো, না।”

“বটে! আমার কাছে সাধুপানা করলে তোমার মাথার খুলি উড়িয়ে দেব।”

লোকটা আমার আপাদ-মস্তক নিরীক্ষণ করিয়া আমার গায় হাত তুলিবার উপক্রম করিল।

তার পর সে বলিল, “এক পাইট মদের দাম আছে তোমার পকেটে? থাকে ত এখুনি বের কর। নইলে আমি কেড়ে নেব।”

আমি পকেটের সম্বল হয় ত তখনই বাহির করিয়া দিতাম। কিন্তু স্ত্রীলোকটির দিকে চাহিতেই সে ইঙ্গিতে আমাকে নিবেদন করিল। মুখেও বলিল, “না।”

আমি বলিলাম, “গরীব মানুষ আমি—কোথায় পয়সা পাব?”

লোকটা এমন ভাবে আমার দিকে চাহিল যে, আমার হৃৎকম্প উপস্থিত হইল। সে বলিল, “তার মানে?”

বলিলাম, “মহাশয়!”

লোকটা বলিল, “আমার ভায়ের রেশমী রুমাল তোমার কাছে এল কি ক’রে?” বলিয়াই সে আমার গলদেশ হইতে উহা খপ্ করিয়া তুলিয়া লইল এবং স্ত্রীলোকটির কাছে ফেলিয়া দিল।

নারীটি উচ্চহাস্ত করিয়া উঠিল, যেন ভারী একটা হাসির ব্যাপার ঘটয়াছে। সে রুমালখানা আমার কাছে নিক্ষেপ করিল। তার পর বলিল, “চ’লে যাও।”

কিন্তু আমি তাহার কথা অনুসারে পা বাড়াইবার পূর্বেই যুগ্ম লোকটি আমার হাত হইতে রুমালখানা কাড়িয়া লইয়া নিজের গলায় বাধিল। তার পর স্ত্রীলোকটিকে সঙ্গে করে একটা ধাক্কা মারিল। সে চিৎ হইয়া পথের উপর পড়িয়া গেল। তাহার মাথার কেশ ধূলায় সাদা হইয়া গেল। আমি তখন বহু দূরে ছুটিয়া পলায়ন করিলাম। পশ্চাৎ ফিরিয়া দেখিলাম, স্ত্রীলোকটি ধীরে ধীরে আবার উঠিয়া বসিয়াছে। তাহার গাত্রাবরণ দ্বারা সে তাহার ক্ষতস্থান হইতে নির্গত রক্তের ধারা মুছিয়া ফেলিতেছিল। যুগ্ম লোকটা অন্য দিকে তখন চলিয়া গিয়াছে।

এই ঘটনা হইতে আমার এমন আতঙ্ক জন্মিল যে, পথচারী লোক দেখিলেই আমি কোনও ঝোপের পার্শ্বে বা বাড়ীর আড়ালে আশ্রয়গোপন করিতে লাগিলাম। ইহাতে আমার অগ্রসর হইতে বিলম্ব ঘটতে লাগিল। কিন্তু অন্য উপায় ছিল না। পথচারীরা দূরে চলিয়া গেলে তবে আমি গোপন-স্থান হইতে বাহির হইয়া পথ চলিতে আরম্ভ করিতাম।

অবশেষে দূরে ডোভার দেখা দিল। আমি নিশ্বাস ত্যাগ করিয়া যেন একটু স্বস্তি অনুভব করিলাম। আমার পলায়নের ষষ্ঠ দিবসে আমি ডোভারে পৌঁছিলাম। আমার জুতা তখন ছিন্ন, পরিধেয় পাজামা কর্দমাক্ত, জামা মলিন ও ছিন্নপ্রায়। সমস্ত শরীর রোদ্রে পুড়িয়া বিবর্ণ হইয়া গিয়াছে।

প্রথমতঃ আমি নৌকার মাঝি-মাল্লাদিগের কাছে আমার পিতামহীর সন্ধান লইতে লাগিলাম। নানা জনে নানা প্রকার সংবাদ দিল। কোনটার সহিত কোনটার সাদৃশ্য নাই। অবশেষে গাড়ীওয়ালা এবং দোকানদারদিগের নিকট প্রশ্ন করিতে লাগিলাম। কেহই আমার কথায় কর্ণপাত করা প্রয়োজন বোধ করিল না। ইহাতে আমার মন আরও নৈরাশ্রে পূর্ণ হইল। আমার হাতে একটি কপর্দকও আর ছিল না। বিক্রয় করিবার মত কোন জিনিষও আর ছিল না। সুধায় আমি অধীর, তৃষ্ণায় কাঁটার-শরীর অবসর

দমস্ত সকালবেলাটা এইরূপ অনুসন্ধান কাটয়া গেল। আমি হতাশ হইয়া একটা খালি দোকানের বাহিরের সোপানে বসিয়া পড়িলাম। তখন ভাবিতে লাগিলাম, এবার অস্ত্র সন্ধান করিতে হইবে। এমন সময়ে এক জন গাড়ীওয়ালা গাড়ী লইয়া সেখানে আসিল। তাহার ঘোড়ার

পৃষ্ঠের কাপড়টা মাটিতে পড়িয়া গিয়াছিল। আমি তাড়াতাড়ি উহা কুড়াইয়া তাহাকে দিলাম। লোকটির মুখ দেখিয়া মনে হইল, লোকটা ভাল-প্রকৃতির। সাহস করিয়া তাহাকে আমি ট্রডউডের ঠিকানা জিজ্ঞাসা করিলাম।

সে বলিল, “ট্রডউড? দাঁড়াও, মনে করি। নামটা যেন জানা-জানা মনে হচ্ছে। বুড়ী ত?”

বলিলাম, “হাঁ।”

“বেশ সোজা ভাবে হাঁটেন?”

বলিলাম, “ঠিক, তিনি বটেন।”

“হাতে একটা ব্যাগ? ভারী খর-মেজাজের মহিলা?”

হুবহু যেন মিলিয়া যাইতেছে। আমার বুকের মধ্যে কেমন একপ্রকার অনুভূতি অনুভব করিতে লাগিলাম।

লোকটি বলিল, “তিনি যদি হন, তা হ’লে তুমি ঐ ঊঁচু জায়গা লক্ষ্য করে চ’লে যাও। সেখানে খানেক বাড়ী দেখতে পাবে। সমুদ্রের দিকে বাড়ীগুলো সেখানে খুঁজলেই তাঁকে পাবে। কিন্তু ভরসা কিছু নেই—পাবে না কিছু। এই প্রেনীটা নাও, ”

সে একটা পেনী আমার দিকে নিক্ষেপ করিয়া আমি তাহাকে ধন্যবাদ জ্ঞাপন করিলাম। একখান উহাতে ক্রয় করিয়া খাইতে খাইতে চলিলাম। দূর হাঁটিয়া গেলাম। অবশেষে কতকগুলি বাড়ী দেখিতে পাইলাম। নিকটেই একটা দোকান দেখিয়া তন্মধ্য প্রবেশ করিলাম। দোকানদারকে জিজ্ঞাসা করিলাম, মিস্ ট্রডউড কোথায় থাকেন! দোকানদার এক জন তরুণী খরিদারকে চাউল ওজন করিয়া দিতেছিল। সেই মেয়েটি হঠাৎ আমার দিকে চাহিল।

সে বলিল, “আমার মনিবকে খুঁজছ? খোকা, তাঁর কাছে তোমার কি দরকার?”

বলিলাম, “তাঁর সঙ্গে আমার কথা আছে।”

তরুণী বিক্রমপূর্ণ কণ্ঠে বলিল, “ভিক্ষে কিছু চাই?”

বলিলাম, “না, তা নয়।” কিন্তু নিজের অবস্থা মনে পড়িতেই ভাবিলাম, সত্যই ত, আমি ভিক্ষার জন্যই ত আসিয়াছি। লজ্জায় আমার মুখ যেন পুড়িয়া যাইতে লাগিল। আমি মাথা নত করিলাম।

চাউলগুলি আধারে লইয়া তরুণী পরিচারিকা দোকান হইতে বাহির হইল। আমাকে তাহার সঙ্গে আসিতেও বলিল। আমি আর অপেক্ষা করিলাম না। তখন এত উত্তেজিত হইয়া পড়িয়াছিলাম যে, আমার পা কম্পিত হইতেছিল। তাহার অনুসরণ করিয়া আমি একটা সুন্দর পরিচ্ছন্ন কুঠীতে পৌঁছিলাম। বাড়ীর সম্মুখে ছোট বাগান। বাগানের মধ্য দিয়া কঙ্করাক্ষীর্ণ পথ। বাগানে ফুল ফুটিয়া রহিয়াছে। ফুলের সঙ্গে প্রাণ আনন্দে শিহরিয়া উঠে।

সে বলিল, “এই মিস্ ট্রডউডের বাড়ী। এখন তোমার কাজ। আমি আর কিছু বলতে পারব না।” বলিয়াই



স তাড়াতাড়ি বাড়ীর ভিতর চলিয়া গেল। আমি বাগানের কটকের কাছে দাঁড়াইলাম। বৈঠকখানা দেখা যাইতেছিল—বাতারন উন্মুক্ত। ঘরের মধ্য স্ফুটন্ত। মনে হইল, ঠাকুরমা তখনও ঘরের মধ্যে আছেন।

আমার জুতা ছিন্ন, বিকৃত এবং অব্যবহার্য্য হইয়া পড়িয়াছিল। আমার মাথার টুপী ঝাঁকিয়া চুরিয়া অদ্ভুত দেখিতে হইয়াছিল। জামা ও পাজামা কাদা-মাখা, মলিন দুর্গন্ধময়। আমাকে দেখিয়া ভয়ে ঠাকুরমার বাগানের পাখীগুলিও উড়িয়া যাইবে হয়ত। এই ধূলি-ধূসরিত মলিন দেহ ও বেশে আমার ঠাকুরমার সহিত আমাকে দেখা করিতে হইবে।

আমি উপর-তলের বাতারনের দিকে চাহিতেই এক জন সুন্দর ভদ্রলোককে দেখিলাম। তাঁহার মাথার চুল সাদা। আমাকে দেখিয়া তিনি এক চক্ষু বন্ধ করিয়া কয়েকবার মাথা নাড়িলেন। তার পর হাসিয়া সেখান হইতে চলিয়া গেলেন।

বড়ই বিচলিত হইলাম। কি করিব ভাবিতেছি, এমন সময় দেখিলাম, এক জন মহিলা টুপীর উপর রুমাল বাধিয়া, এক জোড়া বাগানের কাজের উপযোগী দস্তানা ও একখানা বড় ছুরি হাতে লইয়া ঘর হইতে বাহির হইলেন। দেখিয়াই মনে হইল, ইনিই মিস্ বেটসি। আমার মার মুখে যে রকম বর্ণনা গুনিয়াছিলাম, তাঁহাকে দেখিবামাত্র সেই বর্ণনার সহিত ইহার সবই যেন মিলিয়া গেল।

আমাকে দেখিয়া, মাথা নাড়িয়া তিনি বলিলেন, “চ’লে যাও। সোজা চ’লে যাও! ছেলেদের এখানে স্থান নেই!”

লক্ষ্য করিলাম, তিনি বাগানের এক কোণে বসিয়া কি যেন খুঁড়িতে লাগিলেন।

আমি মরিয়া হইয়া তাঁহার দিকে অগ্রসর হইলাম। পাশে গিয়া দাঁড়াইয়া অঙ্গুলি দ্বারা তাঁহাকে স্পর্শ করিয়া বলিলাম, “আপনি যদি শোনেন, ম্যাডাম।”

চমকিত হইয়া তিনি আমার দিকে চাহিলেন।

“ঠাকুরমা, শুনুন!”

বিশ্বয়ে অভিভূত হইয়া তিনি বলিলেন, “আঁ!।”

“ঠাকুরমা, আমি আপনার নাতি।”

“হা ভগবান্!—” বলিয়াই তিনি উচ্চান-পথে চৌ-চাপটে বসিয়া পড়িলেন।

“আমি ডেভিড কপারফিল্ড—ব্রন্ডারটোন সফোক জেলার—সেখান থেকে আমার জন্ম-রাত্রিতে আপনি চ’লে আসেন। আমার মার সঙ্গে আপনার দেখা হয়েছিল। মা মারা যাবার পর আমার দুঃখের অন্ত নেই। আমাকে সকলে উপেক্ষা করেছে—লেখাপড়া শেখায়নি—তার পর এমন কাজ করতে দিচ্ছে, যা আমার বংশের যোগ্য নয়। সহ্য করতে না পেরে আমি পালিয়ে এসেছি। একটা লোক আমার জামা-কাপড় টাকাকড়ি সব কেড়ে নিয়েছে

—যাত্রার মুখেই সব হারিয়েছি। সারাপথ আমি হেঁটে এখানে এসেছি। যাত্রা শুরু করার পর এ পর্যন্ত বিছানায় গুতে পাইনি।”

ধৈর্য্য আমার ছিল না। নিজের অবস্থার কথা বলিতে বলিতে অধীর হইয়া আমি কাঁদিয়া উঠিলাম।

আমার ঠাকুরমা—বাবার মাসীমা, অবাক-বিশ্বয়ে আমার দিকে চাহিয়া সেইভাবেই বসিয়া রহিলেন। আমাকে কাঁদিতে দেখিয়া তিনি তাড়াতাড়ি উঠিয়া দাঁড়াইলেন। আমার জামার কলার ধরিয়া তিনি আমাকে টানিয়া বৈঠকখানা ঘরে লইয়া গেলেন। প্রথমেই কয়েকটা বোতল বাহির করিয়া উহাদের কিছু কিছু আমার মুখে ঢক-ঢক করিয়া ঢালিয়া দিলেন। তার পর আমাকে টানিয়া লইয়া একখানি সোফায় তিনি আমায় শোয়াইয়া দিয়া গার উপর একখানি শাল ঢাপা দিলেন। রুমালখানা ধুলিয়া লইয়া উহার দ্বারা আমার পা ঢাকিয়া দিলেন। তার পর আমার দিক হইতে মুখ ফিরাইয়া লইয়া আপন মনে বলিলেন, “ভগবান্, রক্ষা কর!”

কিছুক্ষণ পরে তিনি বস্তুপূর্ণ করিলেন। পরিচারিকা আসিবামাত্র তিনি বলিলেন, “জেনেট, উপরতলায় গিয়ে মিঃ ডিক্কে বল, তাঁর সঙ্গে আমার কথা আছে।”

আমাকে সোফায় শায়িত দেখিয়া জেনেট কিছু বিস্মিত হইল। সে মনিবের আদেশ পালন করিতে চলিয়া গেল। ঠাকুরমা পশ্চাদিকে দুই বাছ রক্ষা করিয়া ঘরের মধ্যে পাদচারণা করিতে লাগিলেন।

যে ভদ্রলোককে কিছু আগে উপর-তলায় দেখিয়াছিলাম, তিনি ঘরের মধ্যে প্রবেশ করিলেন।

ঠাকুরমা বলিলেন, “মিঃ ডিক্, বোকার মত কথা বলা না কিন্তু। তোমার মত স্ববুদ্ধি খুব কম লোকেরই আছে। আমরা সবাই তা জানি। তাই বলছি, বোকার মত কোন কথা কিন্তু বলতে পাবে না।”

ভদ্রলোকটি অমনই গম্ভীর হইয়া উঠিলেন। একবার আমার দিকে চাহিলেন। আমার মনে হইল, আমাকে তিনি উপর-তলা হইতে দেখিয়াছিলেন, সে কথাটা আমি যেন না বলিয়া দেই, ইহাই তাঁহার অভিপ্রায়।

ঠাকুরমা বলিলেন, “মিঃ ডিক্, ডেভিড কপারফিল্ডের নাম তুমি আমার মুখে শুনেছ বোধ হয়? শোন নি, এ কথা বলতে যেও না। আমি জানি, তুমি শুনেছো।”

মিঃ ডিক্ বলিলেন, “ডেভিড কপারফিল্ড? হ্যাঁ, নিশ্চয় শুনেছি।”

ঠাকুরমা বলিলেন, “এ তারই ছেলে। মার মত যদি না হ’ত, তবে এই ছেলে তার বাপের মতই নিশ্চয় হওয়া উচিত ছিল।”

মিঃ ডিক্ বলিলেন, “তার ছেলে? ডেভিডের ছেলে? বাস্তবিক?”

ঠাকুরমা বলিলেন, “হ্যাঁ। ও একটা কাজ ক’রে বসেছে। পালিয়ে এসেছে। ওর বোন বেটসি ট্রটউড কিন্তু কখনো পালাত না।” ঠাকুরমা দৃঢ়তা সহকারে মাথা নাড়িলেন। যে মেয়ে জন্মায় নাই, তাঁহার সম্বন্ধে এমনই তাঁহার দৃঢ় নিষ্ঠা ও বিশ্বাস।

মিঃ ডিক্ বলিলেন, “ও! আপনি বলছেন, সে কখনো পালাত না?”

ঠাকুরমা তীব্রকণ্ঠে বলিলেন, “ডিক্, কি তুমি যা তা বলছ, ? আমি কি জানিনে যে, সে কখনো পালাত না? সে তার পালক-মার সঙ্গে থাকত, পরস্পর পরস্পরকে ভাল-বাসত। তবে ওর বোন বেটসি ট্রটউড কেন পালাবে, কিসের জন্ত পালাতে যাবে? কোথায়ই বা যাবে?”

“কোথাও না।”

ঠাকুরমা একটু নরম হইয়া বলিলেন, “আরে, তুমি এত বোঝ, তবু শ্রাকামি করছিলে কেন, ডিক্? আচ্ছা, এখন ছোট কপারফিল্ডকে এখানে দেখছ ত। এখন বল ত, ওকে নিয়ে কি করা যায়?”

ডিক্ বলিলেন, “কি করা যায়! আমি যদি আপনার জায়গায় হতুম ত, এখন ওকে স্নান করিয়ে দিতুম।”

ঠাকুরমা ডাকিলেন, “জেনেট! মিঃ ডিক্ পথ বাৎলে দিয়েছেন। জল গরম কর।”

আমি সোফায় নিশ্চলভাবে শুইয়া এই সকল কথা শুনিতেছিলাম। আমার ঠাকুরমা দীর্ঘাকার, বলিষ্ঠদেহা হইলেও, তাঁহার চেহারা দেখিতে খারাপ নহে। এককালে তিনি সুন্দরীই ছিলেন। তবে তাঁহার কথাবার্তা ভাবভঙ্গীতে একটা দৃঢ়তা বিরাজিত।

জেনেট সুন্দরী যুবতী। বয়স উনিশ কুড়ি হইবে। সে যেমন পরিষ্কার, তেমনই পরিচ্ছন্ন। ঘরখানি জেনেটের স্থায়ী পরিচ্ছন্ন।

জেনেট স্নানের জন্ত জল গরম করিতে চলিয়া গেল। ইঠাৎ ঠাকুরমা চীৎকার করিয়া বলিলেন, “জেনেট! গাধা!”

জেনেট ছুটিয়া আসিল! বাগানে দুইটা গাধা প্রবেশ করিয়াছিল। জেনেট তাহাদিগকে তাড়াইয়া দিল। পরে দেখিয়াছি, ঠাকুরমা যত কৌতূহলে দীর্ঘকাল আলোচনাতেই রত থাকুন না কেন, গাধা দেখিলেই তিনি সব ভুলিয়া যাইতেন এবং তাহাদিগকে তাড়াইয়া দিবার জন্ত ব্যস্ত হইয়া পড়িতেন।

স্নান করিয়া আমি বিশেষ তৃপ্তিবোধ করিলাম। জেনেট ও ঠাকুরমা, মিঃ ডিকের পাজামা ও সার্ট আমাকে স্নানের পর পরাইয়া দিলেন। তার পর শাল দিয়া আমায় ঢাকিয়া দিলেন। আমি সোফায় শয়ন করিয়া গাঢ় নিদ্রায় অভিভূত হইলাম।

নিদ্রা ভাঙ্গিবার পর আহা করিলাম। মুরগীর মাংস, পুডিং দীর্ঘকাল পরে আমার রসনাকে তৃপ্তিদান করিল।

আহারাদির পর ঠাকুরমা আমাকে প্রথের পর প্রশ্ন করিয়া আমাদের পারিবারিক জীবনের সকল ঘটনা শুনিয়া লইলেন। কথা শেষ হইলে ঠাকুরমা বলিলেন, “হতভাগী মেয়েটা কেন যে আবার বিয়ে করতে গেল, আমি বুঝতে পাচ্ছি না।”

মিঃ ডিক্ বলিলেন, “বোধ হয়, তিনি দ্বিতীয় প্রেমে পড়েছিলেন।”

“প্রেমে পড়েছিল? কি বলছ তুমি? প্রথমবার হইছিল তার?”

একটু চিন্তা করিয়া ডিক্ বলিলেন, “বোধ হয় প্রথের জন্ত তিনি ক’রে থাকবেন।”

ঠাকুরমা বলিলেন, “সুখ, তাই বটে! চমৎকার সুখ বটে! যে লোকটা পরে তার সঙ্গে খারাপ ব্যবহার করছে, তাকে সুখের জন্ত বিয়ে করা আর পরের কুকুরের খাস করা একই কথা! তার একজন স্বামী ছিল। সে কপারফিল্ডকে সে দেখেছিল—পেয়েছিল—তার ছেলেও হইয়াছিল। আবার তার কিসের প্রয়োজন ছিল?”

ঠাকুরমা যেরূপ উত্তেজিতভাবে কথা বলিতেছিলেন তাহাতে মিঃ ডিক্ যেন সঙ্গস্ত হইয়া পড়িলেন।

ঠাকুরমা বলিলেন, “আবার সে বিয়ে করলে—এক জন হত্যাকারীকে বিয়ে করলে। ঐ রকম নামের এক জনকে দ্বিতীয়বার স্বামী ব’লে গ্রহণ করলে। তার ফল ত এই রকমই হবে। তার ছেলে এখন পথে পথে বেড়াবেই ত!”

মিঃ ডিক্ আমার দিকে চাহিয়া রহিলেন।

ঠাকুরমা বলিয়া চলিলেন, “তার পর সেই মেয়েটা কি ভাল তার নাম, পেগটী, হ্যাঁ, পেগটী—সেও পরে বিয়ে ক’রে বসল। ছেলেটা তাই ত গল্প করলে। এর পর দেখে যাবে, তার স্বামীও তাকে মার-ধর করবে।”

পেগটীর সম্বন্ধে আমি প্রতিবাদ না করিয়া পারিলাম না। আমি বলিলাম যে, পেগটীর মত প্রকৃত হিতৈষী বন্ধু আমাদের কেহ ছিল না। সে আমাদের পরিচারণা করিয়াছিল না, আমাদের জন্ত প্রাণ দিয়া সে সেবা করিয়াছে। আমার মাকে সে কত ভালই বাসিত! তাহার গৃহে আমারও স্থান হইত। তাহার যাহা কিছু, সবই সে আমায় দিত, যদি আমি তাহার আশ্রয়ে যাইতাম। কিন্তু তাহার অবস্থা ভাল নহে, পাছে তাহার কোন বিপদ ঘটে, তাই আমি তাহার সাহায্য গ্রহণ করি নাই। বলিতে বলিতে আমার কণ্ঠ রুদ্ধ হইয়া গেল। আমি টেবলের উপর মুখ ঢাকিয়া রাখিয়া ঝোঁপাইতে লাগিলাম।

ঠাকুরমা বলিলেন, “বেশ! বেশ! ছেলেটা তার পক্ষে দাঁড়িয়েছে—যে ওর সাহায্য করেছে, তার প্রশংসা ক’রে ভালই করেছে। জেনেট! দেখ, দেখ, গাধা!”

আবার গাধা আসিয়া আমাদের আলোচনার বিষয় উৎপাদন করিল।

নন্দা ঘনাইয়া আসিল। চা-পানের পর ঠাকুরমা মিঃ ডিক্কে বলিলেন, “আচ্ছা, মিঃ ডিক্, এই ছেলোটর দিকে চেয়ে দেখ।”

“ডেভিডের ছেলে?”

“হ্যাঁ, এখন ওর বিষয় কি করা যাবে?”

মিঃ ডিক্ বলিলেন, “ও! হ্যাঁ। কি করা যাবে—ওকে এখন বিছানায় শুইয়ে দেওয়াই ঠিক।”

“জেনেট! মিঃ ডিক্ পথ দেখিয়ে দিয়েছেন। বিছানা যদি হয়ে থাকে, ওকে সেখানে নিয়ে যেতে হবে।”

বিছানা প্রস্তুত। অগ্রে ঠাকুরমা, পশ্চাতে জেনেট, মধো আমি। একরূপ বন্দী হইয়াই শয়নগৃহে গেলাম। শস্যায় শোয়াইয়া দিয়া ঠাকুরমা বাহির হইতে দরজা বন্ধ করিয়া দিলেন। বুঝিলাম, পাছে আমি পলাইয়া যাই, তাই এই সাবধানতা।

ঘরটি চমৎকার। সকলের উপরতলায় ঘর। সমুদ্র এখন হইতে বেশ দেখা যাইতেছে। সমুদ্রজলে চন্দ্র-কিরণের উজ্জ্বল। প্রার্থনা শেষ করিলাম। বাতি নিবিয়া গেল। আমি বাতায়ন-পথে চন্দ্রকিরণোজ্জ্বল সমুদ্রের দিকে চাহিয়া রহিলাম। আমি যেন সমুদ্রবক্ষে আমার জীবনের ভবিষ্যৎ সুখের আভাস পাইতেছিলাম। আমার মাকে মনে পড়িল। ছোট খোকাকে কোলে লইয়া মা যেন স্বর্গ হইতে নামিয়া আসিয়াছেন। চন্দ্রালোকের মধ্য দিয়া যেন তিনি আসিয়াছেন। তিনি যেন আমার দিকে স্নেহকোমল দৃষ্টি নিক্ষেপ করিতেছেন। তাঁহার মুখে অপূর্ব সুখমা।

আমি দৃষ্টি ফিরাইয়া লইলাম। আমার মন তখন অনবগতভাবে অভিভূত হইয়া পড়িয়াছিল। কৃতজ্ঞতায় আমার চিত্ত পরিপূর্ণ হইয়া উঠিল। আমার জন্ম দুঃখফেননিভ কোমল শয্যা, সাদা মশারি, তুষারধবল শয্যাস্তরণ। আজ এই সুখবিলাস আমার অদৃষ্টে ঘটিয়াছে। কাল পর্য্যন্ত আমি পথে পথে মাঠের ধূলায় আকাশতলে রাত্রিযাপন করিয়াছি। ভগবানের কাছে প্রার্থনা করিলাম, আর যেন আমাকে গৃহহীন হইতে না হয়। যাহারা গৃহহীন, তাহাদের হৃৎকেন্দ্রে যেন জীবনে কখনও না বিস্মৃত হই। চন্দ্রালোকিত বিশাল উদার সমুদ্রের দিকে চাহিয়া চাহিয়া ভাবিলাম, স্বপ্ন-জগতে পরিভ্রমণ করিবার কি উদার পথ!

নিদ্রার ক্রোড়ে আমার মেহ ঢলিয়া পড়িল। স্বপ্নজগতে আপনাকে নির্কাসিত করিয়া দিলাম। কোমল উপধানে শুইয়া পরম নিশ্চিন্তমনে ঘুমাইয়া পড়িলাম।

## চতুর্দশ পরিচ্ছেদ

সকালবেলা নীচে নামিয়া বৈঠকখামা-ঘরে প্রবেশ করিয়া দেখিলাম, প্রাতরাশ-টেবলে ঠাকুরমা বসিয়া আছেন—চিন্তামগ্ন। কেটলী হইতে জল উপচাইয়া টেবলক্লেথকে ভিজাইয়া দিয়াছে। আমার পদশব্দে তাঁহার যেন ধ্যান ভাঙ্গিল। আমি বুঝিলাম, আমার জন্মই তিনি চিন্তামগ্ন। আমার ভবিষ্যৎ কি হইবে, জানিবার জন্ম আমার কম উৎকণ্ঠা ছিল না। কিন্তু পাছে আমার উৎকণ্ঠা প্রকাশ পায়, পাছে তাহাতে তিনি বিরক্ত হন, এ জন্ম আমি মনের ভাব চাপিয়া গেলাম।

প্রাতরাশের সময় মাঝে মাঝে তিনি আমার দিকে চাহিতেছিলেন। জিহ্বা নীরব থাকিলেও আমার চক্ষুর ভাষা বোধ হয় তিনি পাঠ করিয়া থাকিবেন।

প্রাতরাশ শেষ হইলে, ঠাকুরমা চেয়ারে হেলান দিয়া জুতঙ্গী করিলেন। দুই বাহু যুক্ত করিয়া নীরবে আমাকে লক্ষ্য করিতে লাগিলেন। তাঁহার এই দৃষ্টিপাতে আমিও ভিতরে ভিতরে অত্যন্ত বিব্রত হইয়া উঠিলাম। আমার প্রাতরাশ তখনও সমাপ্ত হয় নাই। আমার মনের ভাব গোপন করিবার জন্ম আমি খাঞ্চে মনোনিবেশ করিলাম বটে, কিন্তু পদে পদে আমার ক্রটি-বিচ্যুতি ঘটিতে লাগিল। অবশেষে হতাশ হইয়া লাজবস্ত্র আননে ঠাকুরমার দৃষ্টিতলে আপনাকে নিক্ষেপ করিলাম।

অনেকক্ষণ পরে তিনি বলিলেন, “শোন!”

আমি সশ্রদ্ধভাবে তাঁহার দিকে চাহিলাম।

তিনি বলিলেন, “আমি চিঠি লিখে দিয়েছি।”

“কাকে—?”

“তোমার আইনগত বাবাকে। তাঁকে চিঠি লিখে দিয়েছি—তাঁকে কষ্ট ক’রে আসতে হবে। তা না হ’লে আমাদের মধ্যে বিরোধ বাধবে।”

ভীতভাবে বলিলাম, “আমি কোথায় আছি, তিনি তা জানেন, ঠাকুরমা?”

তিনি বলিলেন, “হ্যাঁ, তাঁকে আমি লিখে দিয়েছি।”

আমি স্বলিত-কণ্ঠে বলিলাম, “আমাকে কি তাঁর হাতে তুলে দেবেন?”

“জানি না। দেখা যাক, কি হয়।”

আমি বলিয়া উঠিলাম, “মিঃ মর্ডল্টোনের হাতে আবার যদি গিয়ে পড়ি, তা হ’লে আমি যে কি করব, তা ভেবে পাচ্ছি না।”

শিরঃসঞ্চালন করিয়া ঠাকুরমা বলিলেন, “সে সম্বন্ধে আমি এখন কিছু বলতে পারব না। তবে দেখা যাক।”

এই কথা পর আমার মন দমিয়া গেল। সমস্ত অন্তর ভারী হইয়া উঠিল। ঠাকুরমা আমার এই অবস্থার সম্বন্ধে বিশেষ লক্ষ্য করিলেন না। নীরবে তিনি চা-পাত্রগুলি



ধূইয়া, ঘর নিজের হাতে পরিষ্কার করিয়া দ্রব্যাদি যথাযথভাবে সাজাইয়া রাখিলেন। তার পর সূচ-সূতা লইয়া সেলাই করিতে বসিলেন। আমাকে ডাকিয়া বলিলেন, “তুমি এখন উপরে যাও। মিঃ ডিক্কে খবর দিও যে, তাঁর স্মারকলিপি সম্বন্ধে কত দূর কি হ’ল, তা জানবার জন্ত আমি ব্যস্ত হয়েছি।”

আমি তাড়াতাড়ি উঠিয়া পড়িলাম।

ঠাকুরমা আবার বলিয়া উঠিলেন, “মিঃ ডিক্কে নামটা সংক্ষিপ্ত ব’লে তোমার মনে হয় কি?”

আমি বলিলাম, “কাল আমার তাই মনে হয়েছিল বটে।”

“শোন ওঁর নাম, মিঃ রিচার্ড ক্যাব্লে। ঐ তাঁর পুরো নাম।”

আমি চলিয়া যাইতেছি দেখিয়া ঠাকুরমা বলিলেন, “কিন্তু খবরদার, ও নামে ওঁকে কখনো ডেকে না। উনি ঐ নাম মোটে সহ করতে পারেন না। ঐ নামের কেহ ওঁর সঙ্গে ভারী মন্দ ব্যবহার করেছে বলে, ও নামটা তিনি জন্মের মত পরিত্যাগ করেছেন। এখানে সকলে ওঁকে মিঃ ডিক্ বলেই জানে। সব জায়গাতেই ঐ নাম ওঁর চলবে। তাই বলছি, দাদা, তুমি মিঃ ডিক্ ছাড়া অন্য নামে কখনো ওঁকে ডাকবে না।”

আমি তাঁহার আদেশ প্রতিপালন করিব বলিয়া অঙ্গীকার করিলাম। তার পর দ্বিতলে চলিয়া গেলাম।

মিঃ ডিক্ তখন কাগজ-কলম লইয়া লিখিতেছিলেন। আমি তাঁহাকে ঠাকুরমার অভিপ্রায় নিবেদন করিলাম।

তিনি বলিলেন, “কাজ আমি আরম্ভ ক’রে দিয়েছি।” তার পর পাণ্ডুলিপির দিকে চাহিয়া তিনি বলিলেন, “তুমি কুলে পড়েছিলে না?”

“কিছু দিন পড়েছিলাম, স্মার।”

আমার দিকে চাহিয়া মিঃ ডিক্ বলিলেন, “আচ্ছা, বল ত, কবে রাজা প্রথম চার্লসের মাথা কেটে ফেলা হয়?”

বলিলাম যে, ১৬৪৯ খৃষ্টাব্দে উহা ঘটয়াছিল।

তিনি বলিলেন, “কেতাবে তাই লেখে বটে। কিন্তু আমার তা সত্য ব’লে মনে হয় না। কারণ, তাই যদি হবে—সে ত অনেক কাল হয়েছে—তবে তাঁর মাথায় যে সব ব্যাপার ঘটত, মাথা কাটা গেলে, এখন মানুষ তা আমার মাথার মধ্যে চুকিয়ে দেয় কি রকমে?”

আমি একরূপ প্রশ্নে সত্যই বিস্মিত হইলাম। কিন্তু কোনও জবাব দিতে পারিলাম না।

মিঃ ডিক্ হঠাৎ-না-ই পাণ্ডুলিপির দিকে দৃষ্টিক্ষেপ করিয়া বলিলেন, “আমি ঠিক বুঝে উঠতে পারছি না। যাক্-গে, ওতে জবাব কিছুর নেই।” বলিয়া তিনি প্রসন্নভাবে আসন ত্যাগ করিয়া উঠিলেন। বলিলেন, “এখনও চের সময় আছে। মিস্ ট্রটউডকে বলো যে, আমার কাজ বেশ চলছে।”

আমি চলিয়া যাইতেছিলাম। তিনি আমাকে একখানা ঘুঁড়ি দেখাইয়া বলিলেন, “এই ঘুঁড়িখানা তোমার কেমন মনে হয়?”

আমি বলিলাম যে, ঘুঁড়িখানা খুব সুন্দর। বাস্তবিক উহার উচ্চতা ৭ ফুট।

তিনি বলিলেন, “এখানা আমি তৈরী করেছি। তুমি ও আমি এই ঘুঁড়ি ওড়াব। বুঝতে পারছ?”

তিনি দেখাইলেন, ঘুঁড়ির উপর হাতের লেখায় ভরা। খুব ঘেঁসা-ঘেঁসি করিয়া কুঙ্গ কুঙ্গ অক্ষরে স্পষ্টভাবে লেখা। পড়িয়া দেখিলাম, প্রথম চার্লসের মাথা লইয়া কি লেখা রহিয়াছে।

মিঃ ডিক্ বলিলেন, “দড়ি অনেকটা লম্বা। অনেক দূর উড়াতে পারবে। ঘুঁড়ি ছেড়ে দিলে কোথায় গিয়ে পড়বে, তা জানিনে। সবই বাতাসের উপর নির্ভর করে।”

আমি তাঁহার নিকট হইতে বিদায় লইলাম।

নীচে নামিয়া গেলে ঠাকুরমা জিজ্ঞাসা করিলেন, “মিঃ ডিক্ সকালবেলা কি করছেন, দাদা?”

আমি বলিলাম যে, তিনি বলিয়াছেন, তাঁহার কাজ ভালই চলিতেছে।

ঠাকুরমা জিজ্ঞাসা করিলেন, “ওঁকে দেখে তোমার কি মনে হয়?”

আমি কথাটা অল্পভাবে এড়াইয়া চলিলাম। বলিলাম যে, উনি খুব ভদ্র লোক। কিন্তু আমার পিতামহীকে সহজে ভোলান যায় না। তিনি সেলাইয়ের কাজ কোলের উপর রাখিয়া আমার দিকে চাহিয়া বলিলেন, “তোমার বোন বেটসি ট্রটউড হলে সোজা আমাকে বলে দিত। তোমার বোনের মত সোজা কথা বলতে শেখ। বল, কি ভাবছ তাঁর সম্বন্ধে?”

আমতা আমতা করিয়া বলিলাম, “মিঃ ডিক্‌এর মাথায় কি কিছু গোল আছে?”

ঠাকুরমা বলিলেন, “এক বিন্দুও গোল নেই।”

“তাই না কি?”

ঠাকুরমা বলিলেন, “মিঃ ডিক্‌এর মত সূক্ষ্ম মাথার লোক পৃথিবীতে খুব কম আছে। লোকে তাঁকে পাগল বলে বটে। এতে আমার ভারী আনন্দ। কারণ, আজ দশ বছর ধরে তা না হলে তাঁর সঙ্গ পেতাম না। যে দিন থেকে তোমার বোন বেটসি ট্রটউড আমার আশায় বঞ্চিত করেছে, সেই দিন থেকে ওঁকে আমি পেলে তবে বেঁচে আছি।”

বলিলাম, “এত দিন উনি আপনার কাছে আছেন?”

“যারা তাঁকে পাগল বলতে সাহস করে, আমি তাদের ভাল লোকই বলি। মিঃ ডিক্‌ দূর-সম্পর্কে আমার আত্মীয় হন। কি রকম আত্মীয়, তা জানবার দরকার নেই। আমি না থাকলে তাঁর সহোদরই তাঁকে রক্ষণ ক’রে রাখত। এই হচ্ছে আসল কথা।”

গনে আমার বিশ্বাস হইল না, কিন্তু তথাপি জানাইতে হইল, আমি তাঁহার কথায় বিশ্বাস করিয়াছি।

ঠাকুরমা বলিলেন, “ওঁর ভাই একটা বে-সরকারী পাগলা-গারদে পাঠিয়ে দিয়েছিল। আমি তাই জানতে পেরে ওঁর ভাইকে বললাম যে, ওঁর সামান্য আয় যা আছে, তা যদি ওঁকে দেওয়া হয়, আমি মিঃ ডিকের ভার নিতে পারি। অনেক কষ্টে ওঁর ভাইকে রাজি ক’রে আমার কাছে ওঁকে রেখেছি। ভারী ভাল লোক উনি। ওঁর মনটাকে আমি ছাড়া আর কেউ বুঝতে পারে না।”

আমি গুনিয়া যাইতে লাগিলাম। কোন কথাই বলিলাম না।

পিতামহী বলিয়া চলিলেন, “ওঁর একটা বোন ছিল। তাকে উনি খুব ভালবাসতেন। বোনটিও ব্রাহ্মণ অমুরাগিনী ছিল। কিন্তু অবশেষে সকলে যা ক’রে থাকে—বিয়ে ক’রে ফেললে। সকলে যা ক’রে থাকে, বোনটির স্বামীও তাই করলে—তার সঙ্গে মন্দ ব্যবহার আরম্ভ ক’রে দিলে। এই ব্যাপারে মিঃ ডিক এমন অভিভূত হয়ে পড়লেন যে, অবশেষে তাঁর জ্বর হলো। অবশ্য আমার কাছে আসবার আগেই এ ঘটনা হয়েছিল। উনি কি তোমার কাছে রাজা প্রথম চার্লস সম্বন্ধে কোন কথা তুলেছিলেন?”

“হ্যাঁ, ঠাকুরমা, তুলেছিলেন বৈ কি!”

নাসিকা-মর্দন করিতে করিতে পিতামহী বলিলেন, “হ্যাঁ, ঐভাবেই তিনি কথাটা প্রকাশ ক’রে থাকেন। নিজের অমুখের কথাটা তিনি নানাপ্রকার গোলযোগ এবং উত্তেজনার সঙ্গে মিশিয়ে প্রকাশ করেন। একে উপমাই বল, আর যাই বল। তিনি যা ভাল বুঝবেন, তা করবেনই বা না কেন?”

আমি বলিলাম, “নিশ্চয়ই!”

“কিন্তু তা’ ব’লে ও-রকম ভাবে করাটাও কাজের কথা নয়। জগৎ তা বুঝবে না। তাই আমি তাঁকে এত ক’রে বলি যে, তাঁর স্মারকলিপিতে ও-সকল কথার উল্লেখ থাকবে না।”

“ঠাকুরমা, তিনি নিজের জীবনের ইতিহাস লিখছেন না কি?”

“হ্যাঁ, দাদা। তিনি উপরওয়ার কাছে নিজের বিষয়টা লিখে জানাচ্ছেন। ছ’চার দিনের মধ্যেই দরখাস্তটা পেশ করা হবে।”

পরে আমি জানিতে পারিয়াছিলাম যে, মিঃ ডিক গত দশ বৎসর ধরিয়৷ মেমোরিয়াল লিখিতেছেন; কিন্তু রাজা চার্লসকে উহা হইতে বাদ দিবার চেষ্টা করিয়াও পারেন নাই।

পিতামহী বলিলেন, “আমি ছাড়া ওঁর মনের কথা আর কেউ জানে না। লোকটি অতি চমৎকার। উনি যদি ঘুঁড়ি ওড়াতে চান, তাতে দোষ কি? ক্রীড়ালিন ঘুঁড়ি ওড়াতেন।”

পিতামহীর প্রকৃতির স্বরূপ ক্রমেই আমি বুঝিতে পারিতেছিলাম। তাঁহার ব্যবহারে নানাপ্রকার খামখেয়ালী থাকিলেও, তাঁহাকে সর্বাস্তঃকরণে বিশ্বাস করা যায়।

মিঃ ডিকের সহিত আমি ঘুঁড়ি উড়াইতে যাইতাম। প্রথম দিন আমি যে পোষাক পরিয়াছিলাম, তাহাই আমার অঙ্গে ছিল। এখনও পর্য্যন্ত আমার জন্ত নূতন পোষাক আসে নাই। মিঃ মর্ডষ্টোন পত্রের কি উত্তর দেন, তাহার জন্তও আমার মনে উদ্বেগের সীমা ছিল না। তবে বাহিরে আমি আমার মনের চাঞ্চল্য প্রকাশ পাইতে দিতাম না। অল্প পোষাক ছিল না বলিয়া আমি বাহিরে যাইতে পারিতাম না। মিঃ ডিকের পাজামা ও কোট পরিয়া বাটীর বাহির হওয়া ত চলে না। তবে অঙ্ককার হইলে ঘণ্টা-খানেক ঠাকুরমা আমাকে স্বাস্থ্যের জন্ত বাহিরে বেড়াইতে দিতেন।

মিঃ মর্ডষ্টোনের আসিবার দিন যত ঘনাইয়া আসিতে লাগিল, দেখিলাম, আমার পিতামহীর স্বভাব ততই ক্রম হইয়া উঠিতেছে। ইহা ছাড়া তাঁহার ব্যবহারে অল্প কোন পরিবর্তন দেখিলাম না।

ঠাকুরমা সে দিন বাতায়নের ধারে নিরমিত সেলাই লইয়া বসিয়াছেন। আমি তাঁহার পাশে বসিয়া আছি। মনের মধ্যে দারুণ হুঁচিন্তা—মিঃ মর্ডষ্টোন আসিলে আমার গতি কি হইবে! আজ তাঁহার আসিবার কথা, তাই আহারের সময় পিছাইয়া দেওয়া হইয়াছিল। কিন্তু অধিক বিলম্ব দেখিয়া ঠাকুরমা টেবলের উপর খানা সাজাইবার হুকুম দিলেন। ঠিক এই সময়ে গর্দভের আবির্ভাব আশঙ্কায় পিতামহী চীৎকার করিয়া উঠিলেন। আমি সবিস্ময়ে ও শঙ্কাকম্পিত-হৃদয়ে দেখিলাম, মিস্ মর্ডষ্টোন গর্দভারোহণে নিষিক্ত তৃণাচ্ছাদিত স্থানের উপর আসিয়া দাঁড়াইয়াছেন। তিনি চারিদিকে চাহিয়া দেখিতেছিলেন।

পিতামহী বাতায়নের সম্মুখে দাঁড়াইয়া মুষ্টি উত্তত করিয়া বলিয়া উঠিলেন, “সোজা চ’লে যাও। ওখানে কি তোমার দরকার? অনধিকার-প্রবেশের এত সাহস তোমার? সোজা চ’লে যাও বলছি!”

মিস্ মর্ডষ্টোন এমন শান্তভাবে ঠাকুরমার দিকে চাহিলেন যে, তিনি যেন প্রস্তুতমূর্তির মত স্থির হইয়া গেলেন। আমি সেই সময় তাঁহাকে বলিলাম যে, মিস্ মর্ডষ্টোনের সঙ্গে মিঃ মর্ডষ্টোনই আসিতেছেন।

ঠাকুরমা চীৎকার করিয়া উঠিলেন, “যেই হোক না কেন, আমার তাতে কি। অনধিকার-প্রবেশের কারণ ক্ষমতা নেই। আমি তা হ’তে দেব না। চ’লে যাও! জেনেট, ওদের তাড়িয়ে দেও।”

জেনেট গর্দভটির বরা ধরিয়৷ টানাটানি করিতে লাগিল। মিস্ মর্ডষ্টোন তাহার অঙ্গে ছাতার আঘাত করিলেন। কতকগুলি বালক মজা দেখিবার জন্ত জমা হইয়াছিল। তাহারা চীৎকার জুড়িয়া দিল।

ঠাকুরমা দেখিলেন যে, গর্দভটির অভিভাবক ছোকরাটিই যত অনিষ্টের মূল। তখন তিনি দ্রুতবেগে উঠানে গিয়া ছোকরার উপর লাফাইয়া পড়িলেন। তাহাকে ধরিয়া টানিয়া আনিত্তে আনিত্তে তিনি জেনেটকে আদেশ করিলেন, শীঘ্র সে কনষ্টেবল ডাকিয়া ছোকরাকে চালান দিক। ছোকরাটি অত্যন্ত চতুর। সে ঠাকুরমার কবল হইতে কৌশলে আপনাকে ছাড়াইয়া লইয়া গর্দভসহ দ্রুত অস্থিহিত হইল। শুধু বাগানের মধ্যে তাহার পায়ে দাগ রাখিয়া গেল।

মিস্ মর্ডষ্টোন বাহন হইতে অবতীর্ণ হইয়া এক ধারে ভ্রাতার সহিত চূপ করিয়া দাঁড়াইয়াছিলেন। ঠাকুরমা কোনও দিক না চাহিয়া সোজা ভিতরে চলিয়া গেলেন। অবশেষে জেনেট মিস্ ও মিস্ মর্ডষ্টোনকে ঘরের মধ্যে লইয়া গেল।

আমি কম্পিত-দেহে বলিলাম, “ঠাকুরমা, আমি কি চ’লে যাব?”

“না, নিশ্চয় যাবে না।” এই বলিয়া তিনি তাঁহার পশ্চাতের একটি আসনে আমায় বসাইয়া দিলেন। সেইখানে বসিয়া আমি ভ্রাতা-ভগিনীর প্রবেশ-দৃশ্য লক্ষ্য করিলাম।

ঠাকুরমা বলিলেন, “আমি আগে বুঝতে পারি নি। কিন্তু ঘাসের উপর দিয়ে আমি কাকেও আসতে দেই না। এ বিষয়ে আমার ভেদাভেদ নেই।”

মিস্ মর্ডষ্টোন বলিলেন, “আপনার এই নিয়ম কিন্তু আগন্তুকগণের পক্ষে অত্যন্ত অশোভন।”

পিতামহী বলিলেন, “তাই না কি?”

কলহের সূত্রপাত দেখিয়া মিস্ মর্ডষ্টোন আগাইয়া আসিয়া বলিলেন, “আপনিই মিস্ ট্রটউড?”

ভীক্ষু দৃষ্টিতে চাহিয়া ঠাকুরমা বলিলেন, “মাপ করবেন, আপনি কি তিনি, যিনি আমার ভ্রাতৃপুত্রের বিধবাকে বিয়ে করেছিলেন?”

“আমিই সেই।”

পিতামহী বলিলেন, “আপনি ক্ষমা করবেন, তবু বলছি, সেই বেচারী মেয়েটিকে বিয়ে না ক’রে, একলা থাকতে দিলেই আপনি ভাল কাজ করতেন।”

মিস্ মর্ডষ্টোন বলিলেন, “মিস্ ট্রটউডের ঐ কথাটায় আমার সন্মতি আছে। ক্লারা বাস্তবিকই স্মৃথী ছিল।”

ঠাকুরমা বলিলেন, “আমাদের—আপনার ও আমার বয়স হয়েছে। আমাদের ব্যক্তিগত আকর্ষণের ফলে আমাদের অস্মৃথী হবার সময় চ’লে গেছে। সুতরাং আমাদের সম্বন্ধে এমন অপবাদ কেউ দিতে পারবে না।”

মিস্ মর্ডষ্টোন বলিলেন, “ঠিক কথা। এ বিবাহ না হ’লে ভালই হ’ত; এটা আমারও ধারণা। বরাবরই আমার এই মত।”

ঠাকুরমা বলিলেন, “আপনার যে ঐ মত, তাতে আমার সন্দেহ নেই। জেনেট, মিস্ ডিক্কে এখানে আসবার জন্ত আমার অনুরোধ জানিয়ে এস।”

যতক্ষণ মিস্ ডিক্ না আসিলেন, পিতামহী সোজাভাবে বসিয়া রহিলেন। তিনি আসিলে ঠাকুরমা পরস্পরের পরিচয় করাইয়া দিলেন। শেষে বলিলেন, “মিস্ ডিকের মতামতে আমি বিশেষভাবে নির্ভর ক’রে থাকি।”

মিস্ ডিক্ গভীরভাবে মনোযোগ দিয়া সব কথা শুনিবার জন্ত প্রস্তুত হইলেন।

মিস্ মর্ডষ্টোন বলিলেন, “মিস্ ট্রটউড, আপনার চিঠি পেয়ে আপনার সঙ্গে দেখা করা আমি সঙ্গত মনে করেছিলাম।”

“ধন্যবাদ! এখন ব’লে যেতে পারেন। আমার সম্বন্ধে কোন কথা ভাববার প্রয়োজন নেই।”

মিস্ মর্ডষ্টোন বলিলেন, “পত্রের মারফতে উত্তর না দিয়ে, কষ্টকর হলেও আমি এখানে সশরীরে এসেছি। এই হতভাগা ছেলেটা তাদের বন্ধুদের কাছ থেকে কাজ ছেড়ে পালিয়ে এসেছে—”

মিস্ মর্ডষ্টোন বলিলেন, “ওর উপস্থিতি যেমন লজ্জাকর, তেমনি কলঙ্কপূর্ণ।” বলিয়া তিনি আমার দিকে অঙ্গুলি নির্দেশ করিলেন।

তাঁহার ভ্রাতা বলিলেন, “জেন্ মর্ডষ্টোন, আমাকে বাধা দিও না। এই হতভাগা ছোকরা, মিস্ ট্রটউড, সংসারে অনেক রকম অশান্তি সৃষ্টি করেছে, উপদ্রব ঘটিয়েছে। আমার প্রিয়তমা পত্নীর জীবদ্দশায় বটে, তার পরেও বটে। ছেলেটা অত্যন্ত বিদ্রোহী ও ভীষণ রাগী। ওর মেজাজ এত খারাপ যে, সংশোধনের অতীত। আমি এবং আমার বোন ওকে সংশোধন করার চেষ্টা করেছি। কিন্তু দোষ ওর গেল না। আমি ও আমার বোন দুজনেই বলছি, আমাদের এ কথা বিশ্বাস করবেন।”

মিস্ মর্ডষ্টোন বলিলেন, “আমি বলছি, পৃথিবীর মধ্যে এত বড় বজ্জাত ছেলে আর নেই।”

সংক্ষেপে ঠাকুরমা বলিলেন, “খুব কড়া কথা বটে!”

মিস্ মর্ডষ্টোন বলিলেন, “কথাটা সত্য হলেও সত্য—খুব সত্য।”

ঠাকুরমা বলিলেন, “হঁ; আচ্ছা, তার পর, মশায়?”

মিস্ মর্ডষ্টোনের মুখমণ্ডল ক্রমেই অন্ধকারে আচ্ছন্ন হইয়া উঠিতেছিল। তিনি বলিলেন, “ওকে ভালভাবে গ’ড়ে তুলবার সম্বন্ধে আমার নিজের একটা ধারণা আছে। কি ক’রে ওকে গ’ড়ে তোলা যাবে, তা আমি আবিষ্কার করেছিলাম। সে সব আমার নিজের কথা। সে সম্বন্ধে আমি কিছু বলব না। একটা ভাল ব্যবসায়ের আমার এক বন্ধুর তত্ত্বাবধানে ওকে রেখেছিলাম। কিন্তু ছোকরা সে কাজে খুসী হ’তে পারেনি। তাই সেখান থেকে পালিয়ে এসেছে।



চভাগা ভবঘুরের মত এখানে ছেঁড়া কাপড়ে চলে এসেছে—আপনার কাছে আবেদন নিয়ে এসেছে, মিস্ টুটউড। আমি আপনাকে জানাচ্ছি, এর ফল কি। আপনি ওর আবেদনে সম্মতি দিয়ে ওর অপরাধের সমর্থন করছেন।”

ঠাকুরমা বলিলেন, “ও কথা পরে হবে। আগে আপনার সম্মানজনক ভাল ব্যবস্যাটা সম্বন্ধেই আলোচনা করা যাক। ও যদি আপনার নিজের ছেলে হ’ত, ওকে ঐ কাজে আপনি দিতে পারতেন? কেমন, পারতেন কি?”

বাধা দিয়া মিস্ মর্ডষ্টোন বলিলেন, “ও যদি আমার গয়ের নিজের ছেলে হ’ত, ওর স্বভাব ও-রকম হ’ত না, অল্প রকম হ’ত।”

পিতামহী বলিলেন, “ছেলেটির বেচারী মা যদি বেঁচে থাকত, তা হ’লে কি ও ঐ সম্মানজনক কাজে লিপ্ত হ’তে পারত? সে তাকে কি ঐ কাজ করতে দিতে পারত?”

মিস্ মর্ডষ্টোন বলিলেন, “আমার বিশ্বাস, ক্লারা কোন প্রতিবাদ করত না। আমি ও আমার বোন যা সম্ভব হ’লে ঠিক করতাম, সে তার বিরুদ্ধে কোন কথা বলত না।”

মিস্ মর্ডষ্টোন ঐ কথার অস্বাভাবিক জ্ঞাপন করিলেন।

পিতামহী বলিলেন, “হুঁ, বেচারী খুকী।”

মিস্ ডিক্ এতক্ষণ তাঁহার পকেটের টাকা বাজাইতে ছিলেন। এখন উহা আরও জোরে বাজাইতে লাগিলেন। ইহাতে ঠাকুরমা তাঁহার দিকে চাহিয়া খামিতে ইঙ্গিত করিলেন। তার পর বলিলেন, “বেচারার মৃত্যুর সঙ্গে তার বাৎসরিক বৃত্তি বন্ধ হয়ে গেছে?”

মিস্ মর্ডষ্টোন বলিলেন, “মৃত্যুর সঙ্গে সঙ্গেই বন্ধ হয়েছে।”

“বাড়ীটা—তার আনুসঙ্গিক ছোট-খাট সম্পত্তিটা ছেলেটিরই হ’ত বটে; সে সম্বন্ধে কোন ব্যবস্থা হয় নি?”

মিস্ মর্ডষ্টোন বলিলেন, “তাঁর প্রথম স্বামী বিনা সর্ভে সে সব জিনিষ তাঁর স্ত্রীকেই দিয়ে গিয়েছিলেন!”

“কি বলছেন, মশাই, আপনি! তাকে বিনা সর্ভে দিয়ে গিয়েছিল! অবশ্য সম্পত্তিটা ডেভিড কপারফিল্ড তার স্ত্রীকেই বিনা সর্ভে ভোগ করতে দিয়েছিল। কিন্তু সে যখন আবার বিয়ে করলে—আপনার মত লোককে বিয়ে করবার মত শোচনীয় ভুল ক’রে বসল—তখন ছেলেটির সম্বন্ধে কারও মনে কোন কিছু চিন্তা করবার বুদ্ধি হ’ল না?”

মিস্ মর্ডষ্টোন বলিলেন, “আমার স্ত্রী তার দ্বিতীয় স্বামীকে বড় ভালবাসতেন। বড় বিশ্বাস করতেন।”

পিতামহী মস্তক আন্দোলিত করিয়া বলিলেন, “আপনার পরলোকগত স্ত্রী সংসারজ্ঞানে অত্যন্ত অনভিজ্ঞা ছিলেন, অত্যন্ত দুঃখিনী ও ভাগ্যহতা খুকী ছিলেন। এখন আপনি কি বলতে চান?”

জিনি বলিলেন, “মিস্ টুটউড, আমি ডেভিডকে কিরিয়ে নেবার জন্ত এখানে এসেছি। বিনাসর্ভে তাকে নিয়ে

যাব—আমার ইচ্ছামত তার সম্বন্ধে ব্যবস্থা করব—যে রকম খুসী, তার সঙ্গে ব্যবহার করব। আমি এখানে কোন প্রকার অঙ্গীকারে আবদ্ধ হয়ে কাজ করব ব’লে আসিনি। ও পালিয়ে এসেছে, তাতে আপনি প্রশ্রয় দিয়েছেন। আপনাকে আমি সতর্ক ক’রে দিচ্ছি, এবার যদি আপনি ওর কাজে প্রশ্রয় দেন, তা হ’লে এই শেষ। আমার এবং ছোকরার মাঝখানে যদি আপনি এসে দাঁড়ান, তা হ’লে জানবেন, আমি ওর সম্বন্ধে কোন দায়িত্ব নেব না। আমি বাজে কথা বলছি না, আমার সঙ্গে কেউ চালাকী করবে, আমি সহ্য করিনে। আমি ওকে নিয়ে যাবার জন্ত এসেছি—এই প্রথম, এই শেষ। ও কি যেতে রাজি আছে? যদি রাজি না হয়, আমার তাতে কোন ক্ষতিবৃদ্ধি নেই। অতঃপর আমার দরজা চিরদিনের জন্ত রুদ্ধ হবে, আপনার দরজা খোলা থাকুক।”

পিতামহী গভীর মনোযোগ সহকারে সমস্ত কথা শুনিতেন। তাঁহার বক্তব্য শেষ হইলে ঠাকুরমা মিস্ মর্ডষ্টোনের দিকে দৃষ্টিপাত করিয়া বলিলেন, “আপনার কিছু বলবার আছে, ম্যাডাম?”

“আমার ভাই যা বলেছেন, তার উপর আমার বলবার বেশী কিছু নেই। তবে একটা কথা—আপনার শিষ্টাচার—যে ভদ্রতাশূচক ব্যবহার আপনার কাছে পেয়েছি, সে জন্ত আমরা কৃতজ্ঞ।”

এই বিদ্রূপের শেলাঘাতে ঠাকুরমা বিন্দুমাত্র বিচলিত না হইয়া বলিলেন, “ছেলেটি এখন কি বলে, শোনা যাক। ডেভিড, তুমি যেতে রাজি আছ?”

আমি বলিলাম, “না, আমি যাব না।” ঠাকুরমাকে অনুরণ করিয়া বলিলাম যে, আমি কোনমতেই যাইব না। মিস্ অথবা মিস্ মর্ডষ্টোন কোন দিনই আমায় দেখিতে পারেন নাই। এতটুকু সদয় ব্যবহার করেন নাই। মা আমাকে অত্যন্ত ভালবাসিতেন, এজন্য তাঁহার আমায় কোমলহৃদয়া জননীকে কত রকম আঘাত করিয়াছেন, তাহা আমি জানি, পেগটীও জানে। আমার মত অল্পবয়সে এত দুঃখ কেহ পায় নাই। তাই আমি ঠাকুরমাকে বলিলাম, তিনি আমাকে রক্ষা করুন।

“মিস্ ডিক্, এ ছেলেটির সম্বন্ধে আমি কি করব?”

মিস্ ডিক্ বিবেচনা-বিচার করিয়া ধীরে ধীরে বলিলেন, “ওর গয়ের মাপ নিয়ে নীত্র পোষাক তৈরী করতে দেওয়া হোক।”

জয়োল্লাসে ঠাকুরমা বলিলেন, “তোমার হাত কই, মিস্ ডিক্? তোমার বুদ্ধি মূল্যবান।”

তার পর আমার হাত ধরিয়া টানিয়া লইয়া তিনি বলিলেন, “মিস্ মর্ডষ্টোন, আপনার যখন ইচ্ছা চলে যেতে পারেন। আমি ছেলেটিকে নিয়ে চেষ্টা ক’রে দেখি। আপনারা যা বললেন, সেই রকম যদি ও হয়, তা হ’লে কিছুই

করতে পারব বলে মনে হয় না। কিন্তু আপনাদের একটা কথাও আমি সত্য বলে বিশ্বাস করতে পারলাম না।”

মিস্ মর্ডষ্টোন স্বর্গদেশ আন্দোলিত করিয়া বলিলেন, “মিস্ ট্রটউড, আপনি যদি ভদ্রলোক হতেন—”

পিতামহী বলিলেন, “বোকার মত কথা বলছেন কেন? আমার সঙ্গে কোন কথা আপনার নেই—!”

মিস্ মর্ডষ্টোন বলিলেন, “চমৎকার শিষ্টাচার! বাস্তবিক অভিজ্ঞ হইয়ে পড়লাম!”

ভগিনীর কথায় কাণ না দিয়া ভ্রাতাকে লক্ষ্য করিয়া পিতামহী বলিলেন, “আপনি ভাবছেন, আমি কিছু জানিনে? খুকীটির সম্বন্ধে আপনারা কি ব্যবহার করেছেন, কি রকম অশান্তিময় জীবন যাপন তাকে করতে হয়েছে, আমি তার কোন খবর রাখি না, ভাবছেন? সংসারের কোন অভিজ্ঞতা তার ছিল না। এমন সময় আপনি তার জীবনপথে এসে দাঁড়ালেন—অনেক গাল-ভরা কথা শোনালেন! সে সব মিছে কথা?”

মিস্ মর্ডষ্টোন বলিলেন, “এমন সুন্দর বক্তৃতা কোথাও শুনি নি!”

পিতামহী বলিয়া চলিলেন, “তোমাকে আগে দেখিনি বলে তোমায় চিন্তে পারিনি, ভাবছ? তোমাদের সঙ্গে কথা করে বুঝলাম, তোমরা চতুর লোক! তুমি নিজে কে মেয়েটির কাছে মধুভরা বলে জানিয়াছিলে। তুমি তাকে পৃঙ্কো কর বলে উচ্চাস প্রকাশ করেছিলে। ছেলেটির বাপের স্থান অধিকার করে সেইভাবে ছেলেটিকে পালন করবে বলে আশ্বাস দিয়েছিলে। গোলাপফুলের বাগানে তোমাদের জীবন কেটে যাবে বলে প্রলোভন দেখিয়েছিলে। বেরিয়ে যাও—এখান থেকে তোমরা!”

মিস্ মর্ডষ্টোন বলিলেন, “জীবনে এমন কথা কোন লোকের মুখে শুনি নি।”

“তার পর যখন বেচারী নিবুঁকি মেয়েটি তোমার ফাঁদে পা দিয়ে ফেললে, তখন তাকে তিলে তিলে তোমরা দুই ভাই-বোনে মিলে হত্যা করলে। অথচ তোমরা এ জগতে রয়ে গেলে।”

মিস্ মর্ডষ্টোন বলিলেন, “এ কি পাগলামি, না মাতলামি! আমার মনে হচ্ছে মাতলামি!”

পিতামহী তাঁহার কথায় আদৌ কর্ণপাত না করিয়া মিস্ মর্ডষ্টোনকে লক্ষ্য করিয়া বলিলেন, “মিস্ মর্ডষ্টোন, তুমি সেই অনভিজ্ঞা মেয়েটির প্রতি ঘোর অত্যাচার করেছ। তুমি তার বুক ভেঙ্গে দিয়েছ। তার বুক প্রেমে ভরা ছিল। আমি তাকে ভাল করেই চিনেছিলাম। তার দুর্বলতার অবসরে তুমি তাকে মেরে ফেলেছ।” এসত্যকে তুমি অস্বীকার করলেও, সত্য থেকে যাবে। তুমি ও তোমার যন্ত্রটি খুব সাফাই-হাতে কাজ চালিয়াছিলে।”

মিস্ মর্ডষ্টোন বলিলেন, “মিস্ ট্রটউড, আমাকে বলতে দিন। আপনি কাকে আমার ভায়ের যন্ত্র বলে উল্লেখ করছেন?”

সে কথায় কাণ না দিয়া পিতামহী বলিয়া চলিলেন, “মেয়েটি হয় ত পরে আর কাকেও বিয়ে করত। তোমার মত ভীষণ লোককে বিয়ে না করলেই তার মঙ্গল হত। তুমি এই ছেলেটাকে দেখতে পারতে না। ওকে দেখলেই তোমার মন ওর উপর বিরূপ হয়ে উঠত। মাথা নাড়ল চলবে না। আমি জানি, এটা ভারী সত্য।”

মিস্ মর্ডষ্টোন এতক্ষণ ঘায়ের কাছে দাঁড়াইয়াছিলেন। তাঁহার মুখে হাসির চেষ্টা ছিল বটে, কিন্তু আমি বুঝিতে ছিলাম, তাঁহার অন্তর বিয়াইয়া উঠিয়াছে। ঠাকুরমার কথা শেষ হইলেই তিনি রুদ্ধশ্বাসে দৌড়াইতে লাগিলেন।

পিতামহী বলিয়া উঠিলেন, “নমস্কার মশাই—বিদায়! আপনিও নমস্কার জানবেন, ম্যাডাম!”

ঠাকুরমা মিস্ মর্ডষ্টোনের দিকে ফিরিয়া দাঁড়াইয়া-ছিলেন। তাঁহাকে লক্ষ্য করিয়া বলিলেন, “এর পর যদি আপনাকে গাধার চ’ড়ে আমার ঘাসের উপর দিয়ে যেতে দেখি, ঠিক বলছি, আপনার টুপী কেড়ে নিয়ে তার উপর দিয়ে হেঁটে যাব।”

প্রকৃত চিত্রকর হইলে আমার পিতামহী ও মিস্ মর্ডষ্টোনের তখনকার ছবি তুলিয়া ধরা হইতে পারিত। মিস্ মর্ডষ্টোন আর বাক্যটি পর্য্যন্ত ব্যয় না করিয়া বাহিরে চলিয়া গেলেন। ঠাকুরমা বাতায়ন-পার্শ্বে দাঁড়াইয়া যুগল ভ্রাতা-ভগিনীর গমন নিরীক্ষণ করিতে লাগিলেন।

তাঁহারা গর্দভে আরোহণ করিবার কোন উদ্ভম করিলেন না। তখন ঠাকুরমার মুখের কঠিন ভাব অন্তর্হিত হইল। ইহাতে সাহস পাইয়া আমি তাঁহাকে চুমা দিয়া অন্তরের ধন্যবাদ জ্ঞাপন করিলাম। মিস্ ডিকেরও কর-কম্পন করিলাম। তিনিও আগ্রহভরে আমার কর-কম্পন করিতে করিতে মাঝে মাঝে উচ্চহাস্য করিতে লাগিলেন।

পিতামহী বলিলেন, “মিস্ ডিক্, এখন থেকে তুমি ও আমি এই ছেলেটির অভিভাবক হলাম।”

মিস্ ডিক্ বলিলেন, “ডেভিডের ছেলের অভিভাবকতা করতে আমি আনন্দ অনুভবই করব।”

“বেশ। তবে এই কথাই রইল। মিস্ ডিক্, আমি ভাবছি, এখন থেকে ওকে আমি ট্রটউড বলে ডাকব।”

মিস্ ডিক্ বলিলেন, “নিশ্চয়, নিশ্চয়। ডেভিডের ছেলেকে ট্রটউড বলা চাই।”

পিতামহী বলিলেন, “কপারফিল্ড ট্রটউড।”

“হাঁ, ঠিক তাই। ট্রটউড্ কপারফিল্ড বলেই ডাকা হবে। সেই দিন বৈকালে দোকান হইতে তৈয়ারী পোষাক ঠাকুরমা ক্রয় করিয়া আনিলেন। উহাতে লেখা হইল,

ট্রটউড্ কপারফিল্ড । তিনি নিজের হাতেই নাম লিখিলেন । আমার জন্ম আরও যে সকল পোষাক তৈয়ার করিতে দিলেন, তাহাতেও ঐ নাম থাকিবে স্থির হইল ।

এইরূপে আমার নূতন জীবন আরম্ভ হইল । আমার চারিদিকেই নূতন আবহাওয়া সৃষ্ট হইয়াছিল । সকল বিষয়ের সম্বন্ধেই নিরসন হওয়ায় আমি যেন স্বপ্নের রাজ্যে ভ্রমণ করিতে লাগিলাম । পূর্বে কখনও কল্পনাও করিতে পারি নাই যে, এমন জীবনের আরম্ভ আমার অদৃষ্টে ঘটবে । মর্ডস্টোন এও গ্রিনবীর দোকানের স্মৃতির উপর যবনিকাপাত হইল ।

### পঞ্চদশ পরিচ্ছেদ

মিঃ ডিকের সহিত আমার প্রগাঢ় বন্ধুত্ব জন্মিয়াছিল । প্রায়ই তিনি ও আমি ঘুড়ি উড়াইতাম । তিনি প্রত্যহ তাঁহার দরখাস্ত লিখিবার জন্ম বসিতেন, কিন্তু লেখা এতটুকু অগ্রসর হইত না । প্রায়ই রাজা প্রথম চার্লস দরখাস্তের মধ্যে আবির্ভূত হইতেন । কাজেই সে রচনা ছিঁড়িয়া ফেলিয়া আবার নূতন করিয়া লেখা শুরু হইত ।

আমার পিতামহীর স্নেহও আমার উপর ক্রমশঃ গাঢ় হইতে লাগিল । তিনি ট্রটউডের পরিবর্তে সংক্ষেপে আমাকে 'ট্রট' বলিয়া ডাকিতেন । এক দিন তিনি বলিলেন, "ট্রট, তোমার শিক্ষার কথা ভুলে থাকলে আমাদের চলবে না ।"

এ কথা শুনিয়া আমার অন্তর আনন্দে নৃত্য করিয়া উঠিল ।

ঠাকুরমা বলিলেন, "মাষ্টার চেরির স্কুলে পড়তে তুমি রাজি আছ ?"

বলিলাম, উহাতে আমার বিশেষ আগ্রহ আছে । বিশেষতঃ, এই স্কুলটা ঠাকুরমার বাড়ীর কাছেই ।

"বেশ । তা হ'লে কালই স্কুলে ভর্তি হ'তে চাও ?"

আমি বলিলাম, "হ্যাঁ ।"

"বেশ!—জেনেট্, কাল সকালে গাড়ীভাড়া ক'রে আসবে । বেলা দশটায় । মাষ্টার ট্রটউডের কাপড়-চোপড় সব আজ রাত্রিতে গুছিয়ে রাখ ।"

এই সংবাদে আমার আনন্দের অবধি রহিল না । কিন্তু এ সংবাদে মিঃ ডিক্ অপ্রসন্ন হইলেন । তাঁহার সহিত আমার বিচ্ছেদ হইতেছে, ইহাতে তিনি প্রকৃতই নিরুৎসাহ হইয়া পড়িলেন । তবে ঠাকুরমা যখন বলিলেন, প্রতি শনিবারে আমি বাড়ী আসিব এবং প্রতি বুধবারে তিনি আমার সহিত স্কুলে দেখা করিয়া আসিবেন, তখন মিঃ ডিকের মনের সে অপ্রসন্নতাব দূরীভূত হইল ।

পরদিন সকালবেলা বিদায়ক্ষণ আসিল । মিঃ ডিক্ আবার বিষন্ন হইয়া পড়িলেন । তাঁহার কাছে যত টাকা ছিল, তিনি সবই আমার দিয়া দিতেন । শুধু ঠাকুরমার

মধ্যস্থতায় তিনি মাত্র ৫ শিলিং আমাকে দিতে পারিবেন স্থির হইল । কিন্তু মিঃ ডিক্ বিশেষ পীড়াপীড়ি করার শেষে দশ শিলিংএ রফা হইল । উন্মান-ফটকের কাছে আমরা বিচ্ছিন্ন হইলাম । আমি চলিয়া না যাওয়া পর্যন্ত মিঃ ডিক্ সেখান হইতে নড়িলেন না ।

ঠাকুরমা টাট্টুঘোড়ার গাড়ী নিজেই হাঁকাইতে লাগিলেন । তিনি এ বিষয়ে যে বিশেষ দক্ষ, তাহা তাঁহার অখচালনা-নৈপুণ্যে প্রকট-হইয়া উঠিল । গাড়ী চালাইতে চালাইতে তিনি আমার দিকে চাহিয়া বলিলেন, আমি ইহাতে সুখী হইয়াছি কি না ।

বলিলাম, "ভারী আনন্দ হচ্ছে, ঠাকুরমা । এ জন্ম আপনাকে ধন্যবাদ !"

তিনিও যেন ইহাতে খুসী হইলেন । দুই হাত জোড়া থাকায় তিনি চাবুকের অগ্রভাগ দ্বারা আমার মাথায় মৃদু আঘাত করিয়া সে আনন্দ জ্ঞাপন করিলেন ।

জিজ্ঞাসা করিলাম, "ঠাকুরমা, স্কুলটা কি খুব বড় ?"

"আমি তা জানিনে । প্রথমতঃ মিঃ উইক্‌ফিল্ডের কাছে যাচ্ছি ।"

জিজ্ঞাসা করিলাম, "তাঁর কি কোন স্কুল আছে ?"

"না, ট্রট । তিনি একটা আপিসের মালিক ।"

মিঃ উইক্‌ফিল্ড সম্বন্ধে আমি আর কোন সংবাদ জানিতে চাহিলাম না । তিনিও বলিলেন না । অল্প প্রসঙ্গে আমাদের আলোচনা চলিতে লাগিল ।

অবশেষে একটি প্রাচীন অট্টালিকার সম্মুখে আমাদের গাড়ী থামিল । আমি বাড়ীটির দিকে চাহিয়া দেখিলাম । সেই সময় বাতাসনপথে একটা কদাকার মুখ দেখা গেল । মূর্তি তৎক্ষণাৎ অন্তর্হিত হইল ।

খানিক পরেই সেই কদম্ব মুখের মালিক বাহিরে আসিল । তাহার মাথার কেশ ঈষৎ রক্তাভ । পনের বৎসর বয়স হইবে । কিন্তু দেখিতে আরও বড় দেখায় । তাহার মাথার কেশগুলি ছোট করিয়া ছাঁটা । তাহার চোখের জ্ব নাই বলিলেই চলে । চক্ষুপল্লবের কেশও নাই । তাহার স্বচ্ছের হাড় উচ্চ । ছোকরাটি সুন্দর কালো পোষাকে সজ্জিত । তাহার বাহু দীর্ঘ, কিন্তু শীর্ণ, হাড় বাহির করা । টাট্টু ঘোড়ার সম্মুখে আসিয়া সে দাড়াইয়াছিল ।

ঠাকুরমা বলিলেন, "উড়িয়া হিপ্, মিঃ উইক্‌ফিল্ড বাড়ী আছেন ?"

উড়িয়া হিপ্ বলিল, "আজ্ঞে হ্যাঁ, তিনি আছেন । আপনি দয়া ক'রে ভেতরে আসুন ।"

গাড়ী হইতে নামিয়া আমরা ভিতরে গেলাম । উড়িয়া হিপ্ ঘোড়ার মুখ ধরিয়া রহিল । নির্দিষ্ট ঘরের মধ্যে প্রবেশ করিতেই দুইখানি তৈলচিত্রের প্রতি দৃষ্টি আকৃষ্ট হইল । এক জন ভদ্রলোক লাল ফিতায় আবদ্ধ কাগজ-পত্রের দিকে নিবদ্ধদৃষ্টি, অপর চিত্র একটি মহিলার । তিনি



যেন আমার দিকে চাহিয়া হাসিতেছেন। উড়িয়া হিপের কোনও তৈলচিত্র আছে কি না, চারিদিকে চাহিয়া দেখি-তেছি, এমন সময় ঘরের দূরপ্রান্তের একটি দরজা খুলিয়া গেল। এক জন ভদ্রলোক ঘরের মধ্যে প্রবেশ করিলেন। তাঁহাকে দেখিয়াই মনে হইল, তৈলচিত্র হইতে তিনি যেন শরীর ধারণ করিয়া নামিয়া আসিয়াছেন।

ভদ্রলোক বলিলেন, “মিস্ ব্রেটসি ট্রটউড! আসুন, এ দিকে আসুন। একটু ব্যস্ত ছিলাম। মাপ করবেন। আপনি ত জানেন, আমার জীবনের একটিমাত্র লক্ষ্য আছে।”

ঠাকুরমা তাঁহাকে ধন্যবাদ জ্ঞাপন করিয়া পার্শ্বের কক্ষে আমাকে লইয়া প্রবেশ করিলেন। সে ঘরটি কাগজ, পুস্তক ও টিনের বাস্কে পরিপূর্ণ।

“মিস্ ট্রটউড, হঠাৎ এখানে এলেন যে! ব্যাপার কি? কোন মন্দ খবর নেই ত?”

“না, সে সব কিছু নয়। আইনের ব্যাপার নিয়ে আমি আসিনি।”

“খুব ভাল কথা। আইনের হাঙ্গামায় না পড়াই ভাল।”

ভদ্রলোকের কেশরাজি গুল হইয়া পড়িয়াছে। কিন্তু তাঁহার জ্ঞ এখনও কালো। তাঁহার মুখখানি প্রিয়দর্শন। তাঁহার বেশভূষা পরিচ্ছন্ন, সুন্দর।

পিতামহী বলিলেন, “এটি আমার নাতি।”

“আপনার নাতি আছে, তা ত জানতাম না।”

“ওকে আমি পোষ্য গ্রহণ করেছি। যাতে ভাল ক’রে লেখা-পড়া শিখতে পারে, এজন্য ওকে সঙ্গে ক’রে এখানে আনলাম। এখন বলুন, কোন স্কুলে দিলে ভাল ক’রে লেখা-পড়াও শেখাবে, ভাল ব্যবহারও করবে?”

মিঃ উইকফিল্ড বলিলেন, “পরামর্শ দেবার আগে, আমার পুরান প্রশ্নটা জিজ্ঞাসা করছি। এতে আপনার উদ্দেশ্য কি?”

পিতামহী বলিলেন, “কি বিপদ! সবতাতেই উদ্দেশ্য। উদ্দেশ্য না হ’লে যেন কোন কাজ হবে না। ছেলোটাকে কাজের লোক করা, সুখী করাই আমার উদ্দেশ্য।”

“ওটাকে মিশ্র উদ্দেশ্য বলে। খাঁটি উদ্দেশ্য ত জানা গেল না।”

পিতামহী বলিলেন, “যত বাজে কথা। জগতে আপনি ছাড়া সোজা পথে আর কেউ চলে না, বলতে চান না কি?”

হাসিতে হাসিতে উইকফিল্ড বলিলেন, “আমার কিন্তু জীবনে একটামাত্র উদ্দেশ্য আছে, মিস্ ট্রটউড। অল্প লোকের অনেক রকম উদ্দেশ্য থাকে, আমার মাত্র একটি। যাক, আপনি বলছিলেন, ভাল স্কুলের কথা? উদ্দেশ্য বাই পাক, উৎকৃষ্ট স্কুল হওয়া চাই, কেমন, তাই নয় কি?”

পিতামহী তাহা স্বীকার করিলেন।

মিঃ উইকফিল্ড আমাদিগকে লইয়া স্কুল দেখিতে যাইবার প্রস্তাব করিলেন। দেখিয়া গনিয়া তিনি পছন্দ যদি করেন,

ভালই হইবে। স্কুলে পড়া ও কোনও বাড়ীতে থাকা চলিবে। ঠাকুরমা প্রস্তাবে রাজি হইলেন।

মিঃ উইকফিল্ড অবশেষে বলিলেন, “চলুন, আমরা হুঁজনে যাই, ছেলোটিকে এখানে থাকুক। ওরও ত মনে একটা কিছু উদ্দেশ্য আছে।”

পিতামহী প্রথমে তাহাতে রাজি হইলেন না। অবশেষে আমি যখন বলিলাম যে, আমার এখানে থাকিতে কোন কষ্ট হইবে না, তখন আমাকে রাখিয়া তাঁহার চলিয়া গেলেন। আমি চেয়ারে বসিয়া রহিলাম।

পার্শ্বের ঘরে বসিয়া উড়িয়া হিপ্ কাজ করিতেছিল।

অনেকক্ষণ পরে পিতামহী ও মিঃ উইকফিল্ড ফিরিয়া আসিলেন।

স্কুল পছন্দ হইলেও আমার বাসস্থানের জন্য কোনও বাড়ী তাঁহার পছন্দ হয় নাই।

তিনি বলিলেন, “ভারী মুস্থিল। কি যে করব, বুঝতে পাচ্ছি না, ট্রট!”

মিঃ উইকফিল্ড বলিলেন, “থাকবার ভাল জায়গা পাওয়া গেল না, খুবই দুঃখের কথা বটে। কিন্তু মিস্ ট্রটউড, আমি বলি কি, আপনি একটা কাজ করুন।”

“কি বলুন ত?”

“আপাততঃ আপনার নাতিকে আমার নিকট রাখুন। ছেলোটিকে খুব শাস্ত। আগাকে মোটেই বিরক্ত করবে না। বাড়ীটা বড় আছে, পড়াশুনার কোন অসুবিধা হবে না। অনেক ঘর আছে, পড়ার প্রতিবন্ধক হবার মত কিছু নেই। তার পর ভাল জায়গা পেলে নূতন ব্যবস্থা করতে পারবেন।”

মনে হইল, পিতামহী প্রস্তাবটা পছন্দ করিলেন। কিন্তু উহা গ্রহণে ইতস্ততঃ করিতে লাগিলেন। আমারও মত তাহাই।

ঠাকুরমা বলিলেন, “এ প্রস্তাবের জন্য আমি আপ-নার কাছে কৃতজ্ঞ।”

মিঃ উইকফিল্ড বলিলেন, “আপনার আপত্তির কারণ বুঝেছি। ঠিক অনুগ্রহ হিসাবে না নিয়ে, ওর আহারাদিব জন্য আপনি টাকার ব্যবস্থা ক’রে দিতে পারেন। সর্ব বেষী কিছু নেই। ইচ্ছা করলে আপনি টাকা দিতে পারেন।”

“তা যদি হয়, আমি রাজি আছি। অবশ্য তাতেও আপনার কাছে আমার বাধ্যবাধকতার হ্রাস হবে না। আচ্ছা, ওকে আপনার কাছেই রেখে যাব।”

মিঃ উইকফিল্ড বলিলেন, “বেশ, এইবার আমার স্কুমে গৃহকর্ত্রী একবার দেখবেন আসুন।”

তখন আমরা এক পুরাতন বিচিত্র সোপানশ্রেণী বাহিয়া উপরে উঠিলাম। সম্মুখে একটি বসিবার ঘর—তিন চারিটি সেকেন্দ্রে বাতায়ন-পথে ঘরের মধ্যে আলো আসিতেছে ঘরটি সুন্দরভাবে সজ্জিত। ঘরের সর্বত্র পরিচ্ছন্নতা ও সৌন্দর্য্যপ্রিয়তার পরিচয় সুস্পষ্ট।

খরের এক কোণের একটি দরজায় মিঃ উইকফিল্ড মূঢ় করাঘাত করিলেন। আমারই বয়সী একটি বালিকা দরজা খুলিয়া ঘরের মধ্যে প্রবেশ করিল—তাঁহাকে চুম্বন করিল। নিম্নতলে যে মহিলার তৈলচিত্র দেখিয়া আসিয়াছি, এই বালিকার সুন্দর শাস্ত্র মুখে সেই মধুর ভাবের ব্যঞ্জনা দেখিলাম। আমার মনে হইল, তৈলচিত্রখানি যেন নারীত্বে পরিপূর্ণ হইয়া উঠিয়াছে, আসল মানুষটি এখনও বালিকা অবস্থায় রহিয়াছে। বালিকার মুখে শাস্ত্রের উজ্জ্বল শ্রী—উহা হস্তপ্রফুল্ল! এই মধুর দৃশ্য আমি জীবনে কখনও ভুলিব না, জীবনে বিস্মৃত হই নাই।

এই কুড়া গৃহিণী প্রকৃতপ্রস্তাবে মিঃ উইকফিল্ডের কণ্ঠ আগনেস্। সে পরিচয় তিনি নিজেই দিলেন। তিনি যেভাবে কণ্ঠের হাত ধরিয়া বসিয়াছিলেন, তাহাতেই বুঝিয়াছিলাম, তাঁহার জীবনের একটা উদ্দেশ্য, একটা লক্ষ্য কি।

বালিকার পার্শ্বদেশে একটি ছোট বুদ্ধি, তাহাতে চাবীর গোছা। তাহার পিতা যখন আমায় থাকিবার কথা বলিতে লাগিলেন, বালিকা মনোযোগ সহকারে তাহা শুনিতো লাগিল। তাহার মুখে প্রসন্ন-হাস্য উদ্ভাসিত হইয়া উঠিল। মিঃ উইকফিল্ডের কথা শেষ হইবার পর, ত্রিতলে গিয়া আমার শয়নগৃহ দেখিবার প্রস্তাব হইল। আমরা চারি জনেই সোপানপথে উপরে উঠিলাম। সর্বাগ্রে আগনেস্।

ঘর দেখিয়া ঠাকুরমা সন্তোষ প্রকাশ করিলেন। আমি এখানে সুখে-স্বচ্ছন্দে থাকিতে পাইব বুঝিয়া তাঁহার মন ভরিয়া উঠিল। তার পর আমরা নীচে নামিলাম। আহ্বারের জন্ত ঠাকুরমাকে অনুরোধ করা বৃথা জানিয়া তাঁহার জন্ত জলযোগের বন্দোবস্ত হইল। আগনেস্ তাহার গৃহ-শিক্ষয়িত্রীর কাছে চলিয়া গেল। মিঃ উইকফিল্ড তাঁহার আপন ঘরে কাজ করিতে গেলেন। আমি ও ঠাকুরমা তখন পরস্পরের কাছে বিদায় লইতেছি।

তিনি আমাকে বলিলেন যে, উইকফিল্ড আমার সম্বন্ধে যাহা কিছু করা দরকার, সবই করিবেন। কোন কিছুরই অভাব আমার হইবে না। ঠাকুরমা তার পর আমাকে নানাবিধ মধুর উপদেশ প্রদান করিলেন।

“ট্রট, নিজের মর্যাদা রেখে চলো। আমার ও মিঃ ডিকের মর্যাদার প্রতি লক্ষ্য রাখ। ভগবান তোমার সহায় হবেন।”

আমি অত্যন্ত বিচলিত হইয়া পড়িলাম। পুনঃ পুনঃ তাঁহাকে ধন্যবাদ জানাইয়া আমার সশ্রদ্ধ ভালবাসা মিঃ ডিককে জানাইবার জন্ত অনুরোধ করিলাম।

পিতামহী বলিলেন, “কোন কাজে নীচতা প্রকাশ করবে না; কখন মিথ্যাবাদী বা প্রতারক হবে না; নির্ভরতা জীবনে প্রকাশ করবে না। এই তিনটি দোষ এড়িয়ে চলো, ট্রট! তা হলে আমি তোমার ভবিষ্যৎ উন্নতি সম্বন্ধে নিশ্চিত থাকতে পারব।”

অঙ্গীকার করিলাম যে, তাঁহার দয়ার অপব্যবহার আমার দ্বারা হইবে না। তাঁহার উপদেশ আমার বিশেষভাবে স্মরণ থাকিবে।

“গাড়ী এসেছে, আমি চললাম, তুমি থাক।”

এই কথাগুলি বলিয়াই তাড়াতাড়ি আমাকে আলিঙ্গন করিয়া তিনি কক্ষত্যাগ করিলেন। এইরূপ সংক্ষিপ্ত বিদায়ে আমার ভয় হইল, হয় ত তিনি আমার ব্যবহারে অসন্তুষ্ট হইয়াছেন। কিন্তু বাতায়ন-পথে আমি যখন রাজপথের উপর দৃষ্টিনিক্ষেপ করিলাম, দেখিলাম, অত্যন্ত অবসন্নভাবে তিনি গাড়ীতে চড়িতেছেন। কোন দিকে না চাহিয়া তিনি গাড়ী হাঁকাইলেন। তখন তাঁহার মনের অবস্থা বুঝিলাম, আমার আশঙ্কা ভিত্তিহীন, তাহাও অনুভব করিলাম।

পাঁচটার সময়ে মিঃ উইকফিল্ড আহ্বার করেন। সাহস সঞ্চয় করিয়া আমি ডিনারে বসিবার জন্ত প্রস্তুত হইলাম। আগনেস্ আমি ও মিঃ উইকফিল্ড আহ্বারে বসিলাম। কণ্ঠকে ছাড়িয়া তিনি আহ্বার করিতে পারেন না।

তার পর ড্রয়িংরুমে আমরা প্রবেশ করিলাম। মিঃ উইকফিল্ড নিয়মিত সুরাপান করিতে লাগিলেন, আগনেস্ পিয়ানো বাজাইতে লাগিল—সঙ্গে সঙ্গে তাহার পিতা এবং আমার সঙ্গেও কথা বলিতে লাগিল।

মিঃ উইকফিল্ড আমাদের সহিত প্রসন্নভাবে কথা বলিতে লাগিলেন। সময়ে সময়ে কণ্ঠের উপর তাঁহার দৃষ্টি নিবদ্ধ হইতেছিল। সেই সময় তিনি নীরব থাকিয়া কি ভাবিতেছিলেন। আগনেস্ তাহার পিতার এই নীরবতা লক্ষ্য করিতেছিল দেখিলাম। এ জন্ত কোন না কোন প্রশ্ন করিয়া তাঁহাকে সচেতন রাখিতেছিল।

আগনেস্ চা তৈয়ার করিয়া সকলকে পরিবেষণ করিল। এইভাবে সময় চলিয়া গেল। তার পর বালিকা শয়ন করিতে গেল। মিঃ উইকফিল্ড তাঁহার আপিস-ঘরে চলিয়া গেলেন। আমিও শয়্যায় আশ্রয় লইতে গেলাম।

খানিক পরে বাড়ীটাকে ভাল করিয়া দেখিবার ইচ্ছা হইল। দেখিয়া শুনিয়া ফিরিতেছি, দেখিলাম, উড়িয়া হিপ আপিসের দরজা-জানালা বন্ধ করিতেছে। তাহার সহিত বন্ধুত্ব করিবার অভিপ্রায়ে আমি তাহার দিকে কর প্রসারিত করিয়া দিলাম। কিন্তু তাহার করপল্লব যেন হিমশীতল, প্রেতঘোনির হাত।

তাহার কর এমন অপ্রীতিকর যে, শয়নকক্ষে গমন করিবার পরও মনে হইতেছিল, আমার হাত যেন এখনও তুম্বারশৈত্য অনুভব করিতেছে।

### ষোড়শ পরিচ্ছেদ

পরদিন সকালে প্রাতরাশের পর আমার স্কুল-জীবন আরম্ভ হইল। মিঃ উইক্‌ফিল্ড আমাকে বিছালায়ে লইয়া গেলেন। মাস্টার মহাশয় ডাক্তার ষ্ট্রংএর সহিত আমার পরিচয় হইল।

তিনি এখন লাইব্রেরী-ঘরে বসিয়াছিলেন। তাঁহার সম্মুখে একটি তরুণী বসিয়াছিলেন। তাঁহার নাম গুনিলাম, এনি। ভাবিলাম, ডাঃ ষ্ট্রংএর ইনি বোধ হয় কন্যা। কিন্তু মিঃ উইক্‌ফিল্ড যখন তাঁহাকে মিসেস্ ষ্ট্রং বলিয়া সম্বোধন করিলেন, তখন আমার মনে হইল, ইনি কি ডাঃ ষ্ট্রংএর পুত্রের পত্নী, অথবা তাঁহারই পত্নী?

ডাক্তার ষ্ট্রং আমার সন্দেহের নিরসন করিয়া দিলেন।

চলিতে চলিতে এক স্থানে দাঁড়াইয়া আমার স্বন্ধে হাত রাখিয়া তিনি বলিলেন, “ভাল কথা, উইক্‌ফিল্ড, আমার স্ত্রীর ভ্রাতার জন্ম তুমি একটা ভাল কাজ যোগাড় করতে পারলে না?”

মিঃ উইক্‌ফিল্ড বলিলেন, “না, এখনও ঘ’টে উঠেনি।”

ডাক্তার ষ্ট্রং বলিলেন, “যদি তাড়াতাড়ি একটা ব্যবস্থা করতে পারতে, বড় ভাল হ’ত, উইক্‌ফিল্ড। জ্যাক্ ম্যাল্ডনের বড় অভাব। তার প্রকৃতিও অলস। এই ছুটি জিনিষই ধারাপ। এ থেকে যা কিছু মন্দ সব ঘটতে পারে। ডাক্তার ওয়াটস্ কি বলেছেন? ‘শয়তান অলস লোকের মারফতে মন্দ কাজ ক’রে থাকে!’”

মিঃ উইক্‌ফিল্ড বলিলেন, “শোন ডাক্তার, যদি ডাঃ ওয়াটস্ মাস্তুরের সম্বন্ধে জ্ঞান অর্জন করতেন, তা হ’লে লিখতেন, ‘শয়তান কেজো লোকের মারফতেও মন্দ কাজ ক’রে থাকে!’ জগতে কেজো লোকেরাই বেশী কাজ করে, এটা ঠিক জেনে রাখ, ডাক্তার। এ যুগে যাদের হাতে টাকা ও ক্ষমতা আছে, সেই সকল কাজের লোক টাকা ও শক্তি লাভের জন্ম মানুষ কি কম মন্দ কাজ করেছে?”

ডাক্তার ষ্ট্রং বলিলেন, “জ্যাক্ ম্যাল্ডন ছুটোর কোনটাই পাবে না।”

মিঃ উইক্‌ফিল্ড বলিলেন, “তা হয় ত পাবে না। যাক্, আমি কিন্তু এখনও মিঃ জ্যাক্ ম্যাল্ডনের জন্ম কোন কিছু জোগাড় ক’রে উঠতে পারিনি। আমার মনে হয়, তোমার উদ্দেশ্যটা আমি বুঝতে পারছি, তাই আমার কাজটাও কঠিন হয়ে উঠছে।”

ডাক্তার ষ্ট্রং বলিলেন, “আমার উদ্দেশ্য হচ্ছে যে, এনির এই ভাইটির জন্ম কাজ জোগাড় ক’রে দেওয়া। ছুজনে ছেলেবেলা একসঙ্গে খেলা করেছে।”

মিঃ উইক্‌ফিল্ড বলিলেন, “হ্যাঁ, ঘরেও বটে, বাইরেও বটে।”

ডাক্তার ষ্ট্রং কথাটায় জোর দিয়া বলিলেন, “হ্যাঁ, ঘরে বাইরে সর্বত্র।”

মিঃ উইক্‌ফিল্ড বলিলেন, “তোমার কথা মানে তুমিই ভাল বুঝছ—বাইরেও বটে।”

ডাক্তার বলিলেন, “নিশ্চয়, নিশ্চয়, এটাও হ’তে পারে, ওটাও হ’তে পারে।”

মিঃ উইক্‌ফিল্ড বলিলেন, “ছুটোর একটা হ’তে পারে? তোমার নিজের কোন ধারণা কি নাই?”

ডাক্তার বলিলেন, “না।”

সবিশ্বয়ে মিঃ উইক্‌ফিল্ড বলিলেন, “না?”

“বিন্দুমাত্র নয়।”

মিঃ উইক্‌ফিল্ড বলিলেন, “বাইরের ব্যাপারে কোন উদ্দেশ্য নেই? ঘরের ব্যাপারেও নয়?”

ডাক্তার বলিলেন, “না।”

মিঃ উইক্‌ফিল্ড বলিলেন, “তোমার কথা আমি বিশ্বাস করি, বিশ্বাস করতে আমি বাধ্য। আগে যদি জানতুম, তা হ’লে আমার কাজের সুবিধা হ’ত। কিন্তু আমি স্বীকার করছি, আমার ধারণা অল্প রকম ছিল।”

ডাক্তার ষ্ট্রং খানিক তাঁহার দিকে হতভম্ব হইয়া চাহিয়া রহিলেন। ক্রমে সে দৃষ্টি অন্তর্হিত হইল—তাঁহার মুখে হাস্য-রেখা উদ্ভাসিত হইল। ইহাতে আমার মনে সাহস জন্মিল। সে হাস্য যেমন মধুর, তেমনই কোমল ও সরলতাবাঞ্জক। ডাক্তার ‘না, না’ বলিতে বলিতে অসংলগ্ন গতিতে অগ্রসর হইলেন। আমরা তাঁহার অনুবর্তী হইলাম। মিঃ উইক্‌ফিল্ডের মুখ দেখিয়া আমার মনে হইল, তিনি মাঝে মাঝে মাথা নাড়িতেছিলেন। আমি যে তাহা লক্ষ্য করিতেছি, ইহা তিনি জানিতে পারিলেন না।

স্কুলঘর বৃহৎ। তাহাতে ২৫ জন ছাত্র মনোযোগ সহকারে অধ্যয়নে রত। আমরা স্কুলঘরে প্রবেশ করিতেই ছাত্রগণ ডাক্তারকে দেখিয়া উঠিয়া দাঁড়াইল এবং তাঁহাকে অভিবাদন করিল। আমাকে ও মিঃ উইক্‌ফিল্ডকে দেখিয়া তাহারা দাঁড়াইয়াই রহিল।

ডাক্তার বলিলেন, “একটি নতুন ছাত্র, টুটউউ কপারফিল্ড।”

এডামস্ নামক প্রধান পড়ুয়া অগ্রসর হইয়া আমাকে সাদর স্বাগত জ্ঞাপন করিল। তাহাকে দেখিতে তরণ পাদরীর মত। সে আমাকে কোথায় বসিতে হইবে, তাহা দেখাইয়া দিল। ভদ্রভাবে অজ্ঞাত শিক্ষকের নিকট সে আমাকে লইয়া গেল।

কিছু দিন ধরিয়া মদের বোতল ধুইয়া নিম্নস্তরের লোকের সম্বন্ধে মিশিয়া আমার অধীত বিদ্যা সবই ভুলিয়া গিয়াছিলাম। কাজেই পরীক্ষার পর আমাকে সর্বনিম্ন-শ্রেণীতে ভর্তি করা হইল।

নতুন স্কুল-পাঠ্য পুস্তকগুলি লইয়া আমি মিঃ উইক্‌ফিল্ড-ভবনে ফিরিয়া আসিলাম। মনে হইতেছিল, লেখাপড়া ভুলিয়া গেলেও আবার পড়াশুনা করিয়া চলন-সই ছাত্র হইতে পারিব।



ড্রায়ংক্রমে আগনেস্ ছিল। সে তাহার পিতার আগমন প্রতীক্ষা করিতেছিল। তিনি তখনও আপিস-ঘর ছাড়িয়া আসিতে পারেন নাই। বালিকা জিজ্ঞাসা করিল, “কুল আমার কেমন লাগিল। বসিলাম যে, ভালই লাগিয়াছে, তবে প্রথম প্রথম কেমন নূতন বলিয়া লাগিতেছে।

জিজ্ঞাসা করিলাম, “তুমি কখনো কুলে যাও নি?”

“হাঁ, আমি রোজই কুলে যাই।”

“সে ত তুমি বাড়ীর কথা বলছ।”

“বাবা আমাকে বাড়ী ছেড়ে কোথাও যেতে দেন না। তাঁর বাড়ীর গিন্নী বাড়ীতেই থাকবে।” বালিকা হাসিতে লাগিল।

আমি বলিলাম, “তিনি তোমায় বড় ভালবাসেন, নিশ্চয়।”

সে বলিল, “হাঁ”, বলিয়াই তাহার পিতা আসিতেছেন কি না, তাহা দেখিবার জন্য দরজার কাছে গেল। কিন্তু তিনি আসিতেছেন না দেখিয়া সে ফিরিয়া আসিয়া বলিল, “আমার জন্মের পরই মা মারা গেছেন। আমি ছবিতে তাঁর চেহারা দেখি—নীচে ছবি আছে। আমি কাল দেখেছি, তুমি তাঁর ছবির দিকে চেয়েছিলে। বুঝতে পেরেছিলে, ওটা কার ছবি?”

স্বীকার করিলাম, পারিয়াছি। কারণ, সে ছবিতে বালিকার মূর্তির আদল আছে।

আগনেস্ খুসী হইয়া বলিল, “বাবাও তাই বলেন। ঐ শোন, বাবা আসছেন!”

তাঁহার সহিত মিলিত হইবার বাসনায়, তাহার উজ্জ্বল, শান্ত মুখমণ্ডল উদ্দীপ্ত হইয়া উঠিল। হাত ধরাধরি করিয়া পিতার সহিত সে ঘরের মধ্যে আবার প্রবেশ করিল। মিঃ উইক্‌ফিল্ড সাদরে আমায় বলিলেন যে, বোধ হয়, কুলে ডাক্তার ষ্ট্রংএর কাছে শিক্ষার সুযোগ পাইয়াছি বলিয়া আমি খুসী হইয়াছি। অমন ভদ্রলোক সংসারে অল্পই আছে।

মিঃ উইক্‌ফিল্ড বলিলেন, “এমন লোকও হয় ত আছে যে, তারা তাঁর সৌজন্য, দয়া, মধুর ব্যবহারের অপব্যবহার করে—অবশ্য আমি ঠিক জানিনে—হয় ত থাকতে পারে। ট্রটউড, তুমি তাদের মত হয়ো না। মাসুকের ওপর ওঁর সন্দেহ হয় না। এটা ওঁর গুণ কি দোষ, জানি না। কিন্তু ওঁর কথা ভাল ক’রে ভেবে না দেখে বলা কঠিন।”

মনে হইল, কোনও বিষয়ে তিনি অসন্তুষ্ট হইয়াছেন। কিন্তু সে বিষয়ে আমি কোন প্রশ্ন করিলাম না। আহারের আয়োজন হইয়াছিল, আমরা টেবলে গিয়া বসিলাম।

ঠিক এমনই সময়ে উড়িয়া হিপ্ দরজার বাহিরে মাথা দেখাইয়া বলিল, “মিঃ ম্যালুডন এসেছেন, তিনি কি বলতে চান।”

“এখন মিঃ ম্যালুডনের কথায় কাণ দেবার আমার সম্বন্ধ নেই।”

উড়িয়া বলিল, “সে কথা ঠিক; আর; কিন্তু তিনি একটা কথা জিজ্ঞাসা করতে চান।”

বলিয়াই দরজা খুলিয়া দিল। তার পর আগনেস্, আমি খানার টেবল—সমস্ত জিনিষের উপর সে একবার দৃষ্টি বুলাইয়া লইল।

উড়িয়ার পশ্চাতে একটা কর্তব্যর শোনা গেল—“ক্ষমা করুন। ভেবে দেখলাম—অবশ্য আমার অনধিকার-প্রবেশ ক্ষমা করবেন, বিবেচনা করবার পথ নেই। যত শীঘ্র বাইরে যেতে পারি, ততই ভাল। বোন এনি অবশ্য বলেছিল যে, তার বন্ধু-বান্ধবরা কাছের গোড়ায় থাকে, নির্বাসনে না যায়, এই তার ইচ্ছে। বুড়ো ডাক্তার—”

গম্ভীরভাবে বাধা দিয়া মিঃ উইক্‌ফিল্ড বলিলেন, “ডাক্তার ষ্ট্রংয়ের কথা বলছেন, বোধ হয়?”

উত্তর হইল, “হাঁ, ডাক্তার ষ্ট্রংই বটে। আমি তাঁকে বুড়ো ডাক্তার ব’লে ডাকি। ও একই কথা নয় কি?”

“আমার তা মনে হয় না।”

“আচ্ছা, ডাক্তার ষ্ট্রংই বলছি। তিনিও ঐ মত, পোষণ করেন ব’লে আমার বিশ্বাস ছিল। কিন্তু আপনি যে পথ অবলম্বন করেছেন, তাতে তাঁরও মতের পরিবর্তন ঘটেছে। যাক্, ও বিষয়ে আর আলোচনায় প্রয়োজন নেই। সুতরাং যত শীঘ্র আমি যেতে পারি, ততই ভাল। তাই আমি আপনার কাছে ফিরে এলাম। আপনাকে বলছি, আমার ষাবার ব্যবস্থা শীঘ্র ক’রে দিন। জলে যখন ঝাঁপ দিভেই হবে, তখন তীরে দাঁড়িয়ে অপেক্ষা করায় কোন লাভ নেই।”

মিঃ উইক্‌ফিল্ড বলিলেন, “আপনার বিষয়ে বিন্দুমাত্র দেরী হবে না, মিঃ ম্যালুডন।”

অপর জন বলিল, “ধন্যবাদ, বিশেষ বাধিত হলাম। কোন বিষয়ে বেশী আশ্রয় আমি বেশী পছন্দ করিনে। তা যদি হ’ত, আমি নিশ্চয় বলতে পারি, আমার মামাত বোন এনি সহজেই আমার জন্য অল্প রকম ব্যবস্থা করতে পারত। আমার মনে হয়, এনি যদি একবার বুড়ো ডাক্তারকে বলত—”

মিঃ উইক্‌ফিল্ড বাধা দিয়া বলিলেন, “আপনি মিসেস ষ্ট্রংএর কথা বলছেন বোধ হয়। তিনি তাঁর স্বামীকে বলতেন, এই কথাটাই আপনি বলতে চাইছেন কি?”

অপর ব্যক্তি বলিল, “হাঁ, তাই আমি বলছি। সে যদি বলত, এটাই করা চাই, অমনি তাই হ’ত।”

“মিঃ ম্যালুডন, কেন বলুন ত?” মিঃ উইক্‌ফিল্ড ধীরে ধীরে আহার করিয়াই চলিয়াছিলেন।

হাসিতে হাসিতে মিঃ জ্যাক্ ম্যালুডন বলিল, “মানে হচ্ছে—এনি সুন্দরী তরুণী, আর ডাক্তার—ডাক্তার ষ্ট্রং বুড়ো, দেখতেও ভাল নয়। অবশ্য আমি তাঁর নিন্দা করছি না, মিঃ উইক্‌ফিল্ড। আমার বলবার উদ্দেশ্য হচ্ছে, ঐ রকম অসম বিয়ের কিছু ক্ষতিপূরণ করা স্ত দরকার।”

গম্ভীরভাবে মিঃ উইক্‌ফিল্ড বলিলেন, “মহিলার ক্ষতিপূরণ?”

হাসিতে হাসিতে মিঃ জ্যাক্ ম্যাল্ডন বলিল, “হাঁ, মহিলাটির সম্বন্ধেই বটে।”

এই প্রকার মন্তব্য শুনিয়াও মিঃ উইক্‌ফিল্ডের মুখের কোনও ভাবান্তর হইল না। তিনি পূর্ববৎ স্থিরভাবে আহার করিয়া চলিলেন।

জ্যাক্ ম্যাল্ডন বলিয়া চলিল, “যাক্, আমি যে কথাটা বলতে চেয়েছিলাম, তা বলা হয়েছে। আপনার কাজে ব্যাঘাত করার জন্ত আমি আবার ক্ষমা চাইছি। এখন আমি চলুম। আপনার নির্দেশমত আমি কাজ করব, তবে আপনার আমার মধ্যে যে বন্দোবস্ত হয়েছে, তা—ডাক্তারকে জানাবার দরকার নেই।”

মিঃ উইক্‌ফিল্ড বলিলেন, “আপনার খাওয়া হয়েছে?” বলিয়াই তিনি টেবলের দিকে অঙ্গুলিনির্দেশ করিলেন।

মিঃ ম্যাল্ডন বলিল, “ধন্যবাদ। আমি এনির ওখানেই খাৰ। আচ্ছা, তবে আসি।”

সে চলিয়া গেল, মিঃ উইক্‌ফিল্ড আসনে বসিয়াই তাহার দিকে চিন্তিতভাবে চাহিয়া রহিলেন। মিঃ ম্যাল্ডন বড় চপল, বাচাল, ফাজিল ছোকরা বলিয়াই মনে হইল। তাহার মুখখানি সুন্দর। তাড়াতাড়ি কথা বলা স্বভাব। সকল বিষয়ে জোর দিয়া কথা বলা বা কাজ করার দিকে ঝোক। মিঃ জ্যাক্ ম্যাল্ডনের সঙ্গে এত শীঘ্র আমার দেখা হইয়া যাইবে, ইহা ভাবি নাই।

আহার-শেষে আমরা উপরে গেলাম। পূর্বদিনের ত্রায় আজও একই ভাবে অপরাহ্নকাল অতিবাহিত হইল। মিঃ উইক্‌ফিল্ড নিয়মিত সুরাপান করিতে লাগিলেন, আগনেস্ পিয়ানোয় গান গাহিতে লাগিল। যথাসময়ে সে চা তৈয়ার করিল। তার পর যখন আমি পাঠ্যপুস্তকগুলি লইয়া আসিলাম, তখন সে উহা দেখিল। পরবর্তী কালে তাহার প্রভাব আমার জীবনে যে ক্রিয়া করিয়াছিল, এখন হইতেই আমি তাহার সূত্রপাত অনুভব করিতে লাগিলাম। ছোট এমিলিকে আমি ভালবাসি, আগনেস্কে তেমন ভালবাসি না, সে দিক দিয়া আমার ভালবাসা তাহার উপর নাই। কিন্তু ইহা বুঝিলাম, যেখানে আগনেস্, সেখানে শান্তি আছে, মঙ্গল আছে এবং সত্যও আছে।

তাহার শরনের সময় আসন্ন হইল। সে চলিয়া গেলে আমি বিদায়ের নিদর্শনস্বরূপ মিঃ উইক্‌ফিল্ডকে আমার হাত বাড়াইয়া দিলাম। তিনি আমাকে থামাইয়া বলিলেন, “টুটউড্, তুমি আমাদের কাছে থাকতে চাও, না অন্তত ঘেতে চাও?”

তৎক্ষণাৎ উত্তর দিলাম, “এখানে আমি থাকতে চাই!”

“ঠিক বলছ?”

“আপনার যদি মত হয়, আমি এখানে থাকব।”

“বাবা, এখানে আমরা নিরানন্দ, একঘেঁয়ে জীবন যাপন করি। তোমার ভাল লাগবে কি?”

“আগনেসের কাছে যদি একঘেঁয়ে না হয়, আমার কাছে কেন হবে? আমি মোটেই এ জীবনকে একঘেঁয়ে মনে করিনে।”

তিনি ধীরে ধীরে উঠিয়া অধিকুণ্ডের ধারে গিয়া দাঁড়াইয়া আপন মনে বলিলেন, “যদি আগনেসের কাছে একঘেঁয়ে না হয়।”

তিনি সে দিন এত সুরা পান করিয়াছিলেন যে, তাঁহার চক্ষুযুগল আরক্ত হইয়া উঠিয়াছিল। তিনি অস্পষ্টস্বরে বলিলেন, “তাই ত ভাবছি, আমার আগনেস্ ক্লাস্তিবোধ কচ্ছে কি না। আমি কখনও তার সম্বন্ধে কি ক্লাস্তি অনুভব করতে পারি? কিন্তু সেটা ত আলাদা ব্যাপার।”

তিনি আপন মনেই বলিয়া চলিয়াছিলেন, আমাকে উদ্দেশ্য করিয়া কথা বলিতেছিলেন না। কাজেই আমি চূপ করিয়া রহিলাম।

তিনি বলিলেন, “বাড়ীটা পুরাতন—বৈচিত্র্য নেই। তবু আমি তাকে আমার কাছেই রাখব। যখন ভাবি, আমি ম’রে যাব, সে একা থাকবে; অথবা সে ম’রে যাবে, আমাকে ছেড়ে চ’লে যাবে, তখন আমার জীবনের সমস্ত সুখসাধ থেমে যায়—”

তিনি নীরবে ঘরের মধ্যে ধীরে ধীরে পাদচারণা করিতে লাগিলেন। মাঝে মাঝে গগ্গচালিতবৎ সুরা গ্লাসে ঢালিয়া পান করিতে লাগিলেন।

তিনি বলিয়া চলিলেন, “সে এখানে আছে, তাতে যদি ছুঃখ অসহনীয় হয়, সে চ’লে গেলে অবস্থা কি দাঁড়াবে? না, না, না, আমি তা ভাবতেও পারি না।”

খানিকক্ষণ এইভাবে তিনি আত্মবিস্মৃত হইয়া রহিলেন তার পর আমার দিকে দৃষ্টি পড়িতেই বলিলেন, “টুটউড্ তুমি আমাদের কাছে থাকবে ত, কেমন? এ কথা শুনে আমি ভারী খুসী হয়েছি। তুমি আমাদের ছ’জনেরই সঙ্গী তোমাকে পাওয়ার আমাদের ভাল হয়েছে। তোমার সাহচর্য্য আমার পক্ষে কল্যাণকর, আমার মেয়ের পক্ষে মঙ্গলজনক। বোধ হয়, সকলের পক্ষেই কল্যাণপ্রদ।”

আমি বলিলাম, “আমার পক্ষেই আপনাদের সাহচর্য্য মঙ্গলজনক। এখানে থাকতে পেয়ে আমি বড় আনন্দ পেয়েছি।”

মিঃ উইক্‌ফিল্ড বলিলেন, “বড় ভাল ছেলে তুমি। ষত দিন এখানে থেকে মনে সুখ পাবে, তত দিন থেকে।” এই কথা বলিয়া তিনি আমার করকম্পন করিলেন, আমাকে বুনে জড়াইয়া ধরিলেন। তার পর বলিলেন, প্রতি রাত্রিতে আগনে চলিয়া গেলে, আমার যখন ইচ্ছা হইবে, আমি যেন তাঁহা কাছে আসি, তাঁহাকে সঙ্গ দান করি। আমি তাঁহাকে এ সহৃদয়তার জন্ত আন্তরিক কৃতজ্ঞতা নিবেদন করিলাম।

একখানি বই হাতে করিয়া সেই কক্ষ হইতে নিজক্রান্ত হইয়া আমি দেখিলাম, আপিসঘরে আলো জ্বলিতেছে। উড়িয়া হিপের প্রতি আমার একটা আকর্ষণ জন্মিয়াছিল। আমি তাহার সন্ধানে গেলাম। দেখিলাম, সে একখানা মোটা বই লইয়া পড়িতেছে। প্রতি ছত্রের উপর সে আঙ্গুল বুলাইয়া পড়িয়া চলিয়াছে। সে যে গভীর মনোযোগের সহিত অধ্যয়ন করিতেছে, তাহা বুঝিলাম।

তাহার কাছে গিয়া আমি বলিলাম, “উড়িয়া, তুমি রাত জেগে এখনও পড়ছ দেখছি।”

উড়িয়া বলিল, “হ্যাঁ, মাষ্টার কপারফিল্ড।”

আমি তাহার আরও কাছে গেলাম। তাহার মুখে কিন্তু এতটুকু হাসির চিহ্ন দেখিলাম না।

উড়িয়া বলিল, “এখন আমি আপিসের কাজ করছি না, মাষ্টার কপারফিল্ড।”

“তবে তুমি কি কাজ করছ, উড়িয়া?”

সে বলিল, “আমার আইন-সংক্রান্ত জ্ঞান বাড়াবার চেষ্টা করছি, মাষ্টার কপারফিল্ড। টিডের এই বইখানা পড়ছি। কি চমৎকার লেখক এই টিড!”

কিছুক্ষণ তাহার দিকে চাহিয়া থাকিয়া আমি বলিলাম, “তুমি খুব বড় আইনজ্ঞ না কি?”

উড়িয়া বলিল, “আমি? না, না, আমি অতি হীন ব্যক্তি, মাষ্টার কপারফিল্ড!”

সে পুনঃ পুনঃ তাহার দুই করতল পরস্পরের উপর রাখিয়া ঘর্ষণ করিতে লাগিল। তার পর বলিল, “আমি অতি সামান্ত ব্যক্তি। সকলের অপেক্ষা আমি অধম। আমার মাও অতি হীন অবস্থার লোক। আমরা অতি সামান্ত ভাড়ার বাড়ীতে থাকি। আমার বাবাও সাধারণ মানুষ।”

জিজ্ঞাসা করিলাম, এখন তিনি কি করেন।

উড়িয়া বলিল, “এখন তিনি অল্প জগতে। মিঃ উইকফিল্ডের কাছে আছি, সে জন্ম আমি তাঁর কাছে রুতজতার ঋণে আবদ্ধ।”

প্রশ্ন করিলাম, সে কি অনেক দিন এখানে আছে?

সে বলিল, “এখানে চার বছর আছি। বাবার মৃত্যুর এক বৎসর পরে আমি এখানে এসেছি। এ জন্ম আমি কত রুতজ! তাঁর দয়া না হলে আমরা মায়ে-পোয়ে কি যে করতাম, তা বলতে পারিনে।”

“তোমার শিক্ষানবিশী শেষ হলে, তুমি নিজে এক জন উকীল হবে ত?”

“ভগবানের আশীর্বাদ যদি থাকে, হব বৈ কি।”

আমি বলিলাম, “এক দিন তুমি মিঃ উইকফিল্ডের সহকারী ও অংশীদার হতে পারবে। তখন ফার্মের নামে তোমার নাম যোগ হবে।”

মাথু নাড়িয়া উড়িয়া বলিল, “না, মাষ্টার কপারফিল্ড, আমি সে সৌভাগ্যের যোগ্য নই।”

সে আমার দিকে আড়চোখে চাহিতে লাগিল। তার পর পুনরায় বলিল, “মিঃ উইকফিল্ড ভারী চমৎকার লোক। তুমি ত তাঁকে চেন না। আমি অনেক দিন এখানে আছি, তাঁকে চিনি।”

সে কথা আমি স্বীকার করিলাম। উড়িয়া বলিল যে, সে আমার ঠাকুরমার সহিতও পরিচিত।

সে বলিল, “মাষ্টার কপারফিল্ড, তোমার ঠাকুরমা বড় সহদয়্য মহিলা। তিনি মিস্ আগ্নেসকে অত্যন্ত ভালবাসেন, নয় কি, মিঃ কপারফিল্ড?”

আমি এ বিষয়ে কিছুই জানিতাম না। তথাপি সাহস করিয়া বলিলাম, “হ্যাঁ, খুব ভালবাসেন।”

উড়িয়া বলিল, “তুমিও বোধ হয় ভালবাস, প্রশংসা কর।”

উত্তরে বলিলাম, “সকলেই তাকে ভালবাসিতে বাধ্য।”

উড়িয়া হিপ্ বলিল, “ধন্যবাদ, মাষ্টার কপারফিল্ড। কথাটা এত সত্য! আমি সামান্ত লোক, কিন্তু আমি জানি, এর মত সত্য আর নেই। ধন্যবাদ, ধন্যবাদ, মাষ্টার কপারফিল্ড!”

সে বই বন্ধ করিল—বাড়ী যাইবার আয়োজন করিল। বলিল, “মা আমার আশায় বসে আছেন।”

সে একটা ঘড়ী বাহির করিয়া সময় দেখিল। তার পর অত্যন্ত চঞ্চলভাবে বলিল, “মা আমার দেবী দেখে হয় ত ভাবছেন। আমরা সামান্ত লোক, আমরা পরস্পরের প্রতি অত্যন্ত আসক্ত। তুমি যদি সন্ধ্যায় আমাদের বাড়ী যাও, এক পেয়ালা চা আমরা দিতে পারব। আমরা তোমায় পেলে বর্তে যাব, মাষ্টার কপারফিল্ড।”

বলিলাম যে, নিশ্চয়ই আনন্দ সহকারে যাইব।

“ধন্যবাদ, মাষ্টার কপারফিল্ড। তুমি বোধ হয় এখানে কিছু দিন থাকবে?” বলিতে বলিতে সে বইখানি তাকের উপর তুলিয়া রাখিল।

আমি তাহাকে জানাইয়া দিলাম, এখানে থাকিয়াই আমি লেখাপড়া শিখিব। স্তুরাং যত দিন স্কুলে পড়িব, এখানে আমাকে থাকিতে হইবে।

উড়িয়া বলিল, “তাই না কি! তা হলে এই ব্যবসায়ে তুমি পরে যোগ দেবে বোধ হয়, মাষ্টার কপারফিল্ড?”

বলিলাম, সেরূপ কোন অভিপ্রায় আমার নাই। অল্প কেহ এমন কল্পনাও আমার সম্বন্ধে করেন নাই।

উড়িয়া হিপ্ কিন্তু তাহার প্রতিবাদ করিয়া বলিল, “কিন্তু আমি বলছি, মাষ্টার কপারফিল্ড, তোমাকে এ ব্যবসায়ে যোগ দিতে হবে, দেখ।”

সে আমাকে আলোটা নিভাইয়া দিবার অহরোধ জানাইয়া চলিয়া গেল। আমি আলো নির্বাপিত করিয়া অন্ধকারে হাতড়াইয়া বাহিরে আসিলাম।

পরদিবস আমি যখন স্কুলে গেলাম, আমার মনের অস্বাচ্ছন্দ্য অনেকটা কমিয়া গেল। তাহার পরদিবস আরও



হাস পাইল। এক সপ্তাহের মধ্যে আমি দলের মধ্যে নিতান্ত অন্তরঙ্গভাবে মিশিয়া গেলাম। আমি খেলায় যেমন বেকুব বনিয়া যাইতাম, পড়াতেও তেমনই অনেক পশ্চাতে পড়িয়াছিলাম।

আমি বিশেষ মনোযোগ ও পরিশ্রম সহকারে কাজে লাগিয়া গেলাম। অল্পদিনেই আমি সকলের প্রশংসাজনক হইলাম।

ডাক্তার ষ্ট্রংএর পরিচালিত বিদ্যালয়টি চমৎকার। মিঃ ক্রিকেলের বিদ্যালয় তাহার কাছে দাঁড়াইতে পারে না। যেন স্বর্গ ও নরক। এখানে শৃঙ্খলার প্রতি বিশেষ দৃষ্টি ছিল। ছাত্রগণের উপর অনেক বিষয়ের ভার দেওয়া ছিল। ইহাতে তাহারা আরও ভালভাবে চলিত, ফল চমৎকার হইত। আমরা সকলেই মনে করিতাম, এই প্রতিষ্ঠানের আমরা অংশস্বরূপ। কাজেই ইহার সুনামরক্ষার জন্ত আমরা সকলেই প্রাণপণে চেষ্টা করিতাম।

কতকগুলি উচ্চশ্রেণীর ছাত্র ডাক্তার ষ্ট্রংএর গৃহে আহার করিত, বাস করিত। তাহাদের মারফতে ডাক্তারের গৃহের অনেক সংবাদ পাওয়া গেল। এক বৎসর হইল, ডাক্তার এই তরুণী সুন্দরীকে বিবাহ করিয়াছেন। প্রেমে পড়িয়াই তিনি পাণিগ্রহণ করিয়াছেন। তাঁহার পত্নী দরিদ্রের কন্যা, ঘরে দুই কড়ারও সংস্থান নাই। তাঁহার আত্মীয়রা ডাক্তারকে ছাঁকিয়া ধরিত। ডাক্তার এ দিকে একখানি অভিধান সংকলন করিতেছেন। আমাদের প্রধান পড়ুয়া এডাম্‌স্‌ অক্ষশাস্ত্রে খুব দড়। সে গণনা করিয়া বলিয়াছে যে, যে ভাবে অভিধান-সংকলন-কার্য চলিয়াছে, তাহাতে উহা সমাপ্ত হইতে ১ হাজার ৬ শত ৪৯ বৎসর লাগিবে। ৩২ বৎসর বয়সে ডাক্তার ঐ সম্পাদনকার্য আরম্ভ করিয়াছেন।

এ দিকে স্কুলের ছাত্রগণ ডাক্তারকে দেবতা-জ্ঞানে পূজা করিয়া থাকে। তাঁহার মত করুণ-হৃদয় লোক সহসা দেখিতে পাওয়া যায় না।

সুন্দরী তরুণী ভার্যার সহিত ডাক্তারকে দেখিতে খুবই ভাল লাগে। তিনি স্ত্রীর প্রতি এমন দরদ প্রকাশ করেন যে, কন্যার প্রতি পিতা ব্যতীত তেমন দরদ আর কাহারও কাছ হইতে পাওয়া যায় না। পীচফলের বাগানে প্রায়ই আমি দম্পতিকে বেড়াইতে দেখিতাম। বৈঠকখানা-ঘরেও উভয়কে বসিয়া থাকিতে দেখিতাম। আমার মনে হইত, ডাক্তারের সহস্র ডাক্তার-পত্নী বিশেষ যত্ন লইতেন। তবে অভিধান সংকলন তাঁহার কোনও আগ্রহ আমি লক্ষ্য করি নাই। ডাক্তারের পকেটে অভিধান-সংক্রান্ত কাগজপত্র প্রায়ই ভরা থাকিত। দেখা যাইত, ভ্রমণকালে ডাক্তার স্ত্রীকে অভিধান সংকলন অনেক কথা বুঝাইয়া দিতেছেন।

মিসেস্‌ ষ্ট্রংএর সহিত প্রায়ই আমার দেখা হইত। প্রথম দিনের পরিচয়েই তিনি আমার প্রতি আকৃষ্ট হইয়াছেন বুঝিয়াছিলাম। প্রায়ই তিনি আমার সহিত মধুর সদয়

ব্যবহার করিতেন। আগ্নেস্কে তিনি খুবই ভালবাসিতেন। আমাদের বাড়ীতেও তিনি প্রায়ই যাইতেন। মিঃ উইক্‌ফিল্ডকে কিন্তু তিনি একটু এড়াইয়া চলিবার চেষ্টা করিতেন। কোন কোন দিন রাত্রি হইয়া গেলে, বাড়ী ফিরিবার সময় মিঃ উইক্‌ফিল্ডের সাহায্য না লইয়া, তিনি আমার সহিত নিজের বাড়ীতে দ্রুতবেগে চলিয়া যাইতেন। পথে কোন কোন দিন অল্প কাহারও সহিত দেখা না হইলেও, মাঝে মাঝে মিঃ জ্যাক্‌ ম্যাল্ডনের সহিত আমাদের দেখা হইয়া যাইত। মিঃ ম্যাল্ডন প্রত্যেকবারেই এই সাক্ষাতের আকস্মিকতার জন্ত বিশ্বয় প্রকাশ করিত।

মিসেস্‌ ষ্ট্রংএর মাকে দেখিলে আমি খুসী হইতাম। তাঁহার নাম মিসেস্‌ মার্কলহাম্‌। কিন্তু ছাত্ররা তাঁহার নামকরণ করিয়াছিল, বুড়ী সেনানী। তিনি যেকোন ভাবে আত্মীয়-স্বজনের দলকে ডাক্তারের বিরুদ্ধে পরিচালিত করিতেন, তাহাতেই ছাত্ররা এই নাম তাঁহাকে দিয়াছিল।

মিঃ ম্যাল্ডনের বিদায় উপলক্ষে ডাক্তারের গৃহে একটা ভোজের আয়োজন হইয়াছিল। মিঃ ম্যাল্ডন ভারতবর্ষে কাজ পাইয়া যাইতেছিল। মিঃ উইক্‌ফিল্ডের চেষ্টার ফলেই এই কাজটি জুটিয়াছিল। সে দিন ডাক্তারের জন্ম-তারিখ। স্কুলের সে দিন ছুটি ছিল। আমরা সকালবেলা তাঁহাকে নানাপ্রকার উপহার দিয়াছিলাম। প্রধান পড়ুয়ার মারফতে একটা অভিনন্দনপত্রও আমরা তাঁহাকে দিয়াছিলাম। আমাদের জয়কনি গুনিয়া গুনিয়া শেষে তাঁহার চোখে জল ঝরিয়াছিল। অপরাহ্নকালে আমি, আগ্নেস ও মিঃ উইক্‌ফিল্ড, তিন জনে নিমন্ত্রণ রক্ষা করিতে গেলাম।

মিঃ জ্যাক্‌ ম্যাল্ডন আমাদের পূর্বেই সেখানে আসিয়াছিল। মিসেস্‌ ষ্ট্রং আগাগোড়া গুলাবধারিণী হইয়াছিলেন। আমরা যখন গেলাম, তিনি তখন পিয়ানো বাজাইতেছিলেন। জ্যাক্‌ ম্যাল্ডন তাঁহার পার্শ্বে দাঁড়াইয়া স্বরলিপির পাতা উল্টাইয়া দিতেছিল। মিসেস্‌ ষ্ট্রংকে অত্যন্ত সুন্দর দেখাইতেছিল সত্য, কিন্তু তাঁহার আননে প্রস্তুতি কুসুমের মাধুর্য্য দেখিলাম না।

মিসেস্‌ ষ্ট্রংএর মাতা বলিলেন, “ডাক্তার, তোমার জন্ম-তারিখ আরও বহুবার আনন্দ ও কল্যাণ নিয়ে আসুক, এই প্রার্থনা আমি জানাচ্ছি।”

ডাক্তার বলিলেন, “আপনাকে ধন্যবাদ।”

বুড়ী সৈনিক বলিলেন, “হাঁ, অনেকবার এই শুভদিন তোমার জীবনে ফিরে আসুক, শুধু তোমার জন্ত নয়, এনির জন্তও বটে। জন্ম ম্যাল্ডন এবং আরও অনেকের জন্ত তোমার দীর্ঘকাল বেঁচে থাকা দরকার। ম্যাল্ডন, তুমি যখন ছোট ছিলে—মাষ্টার কপারফিল্ডের মত ছিলে—তখন তুমি এনির প্রতি শিশুসুলভ প্রেম জানাতে।”

মিসেস্‌ ষ্ট্রং বলিয়া উঠিলেন, “মা, সে সব কথা এখন কেন?”

ঠাহার মা বলিলেন, “এনি, বাজে কথা বলো না। সে সব কথা শুনে তোমার লজ্জা পাওয়া উচিত নয়, কারণ, এখন তুমি বড় হয়েছ, বিবাহিতা স্ত্রী হয়েছ। এখন সে সব কথা শুনে লজ্জা পাবার কথা নয়।”

মিঃ জ্যাক ম্যাল্ডুন বলিয়া উঠিল, “এনি বড় হয়েছে, বুড়ো হয়েছে, এ কি রকম কথা?”

“হ্যাঁ, জন্ম, এনি ত প্রকৃতপ্রস্তাবে বুড়া হয়েইছে। বিয়ে যখন করেছে, তখন বয়সে না হলেও কাজে বুড়ী হয়েছে। অবশ্য কুড়ি বছর বয়সের মেয়েকে কেউ বুড়ী বলবে না, আমিও তা বলছি না। তবে তোমার সম্পর্কের এই বোনটি এখন ডাক্তারের স্ত্রী। তাই আমি তাকে বুড়ো বলেছি। উনি তোমার হিতকামী ও শক্তিশালী বন্ধু। যদি তুমি বজায় রাখতে পার, উনি তোমার প্রতি আরও দয়া দেখাবেন। আমার কথা স্পর্ধা নেই। সোজা কথা আমি বলছি, আমাদের পরিবারে অনেকের পক্ষেই এই রকম বন্ধুর সাহায্যভোগের বিশেষ প্রয়োজন আছে। তোমার বোনের দৌলতেই আজ তোমার অবস্থা ফিরবার পথ হয়েছে।”

ডাক্তার কথাটা উড়াইয়া দিবার অভিপ্রায়ে ঠাহার হাত আন্দোলিত করিলেন। মিঃ জ্যাক ম্যাল্ডুনকে ও কথা শ্রবণ করাইয়া দিবার প্রয়োজন নাই ভাবিয়াই তিনি ঐ প্রকার ভঙ্গী করিলেন। কিন্তু মিসেস্ মার্কলহাম পূর্বের আসন ত্যাগ করিয়া ডাক্তারের পার্শ্বে আসিয়া বসিলেন। তার পর বলিলেন, “না, ডাক্তার, এ বিষয়টা এত জরুরী যে, আলোচনা এ সম্বন্ধে আমাকে করতেই হবে। সত্যি কথা বলব, তুমি আশীর্বাদস্বরূপ আমাদের কাছে এসেছ।”

ডাক্তার বলিলেন, “এ সব আপনি কি বলছেন?”

মহিলাটি বলিলেন, “না, না, সে হবে না। এখন এখানে বন্ধু মিঃ উইকফিল্ড ছাড়া আর কেউ উপস্থিত নেই। আমি এ আলোচনা করতে বাধ্য। এর পর যদি বাধা দাও, শাওড়ী হিসেবে আমার যে অধিকার আছে, তার বলে আমি তোমাকে তিরস্কার করতে পারি। আমি স্পষ্টবাদী। তুমি যখন আমার কাছে এনির কর-প্রার্থনা করেছিলে, তখনই আমি বিস্মিত হয়েছিলাম, অভিভূত হয়েছিলাম। তুমি এনির বাবাকে জানতে, তিনি কত গরীব। এনিকে জন্মতে দেখেছি। সব জেনেও যে তুমি ওকে বিয়ে করতে চেয়েছিলে, এতেই আমি বিচলিত হয়েছিলাম।”

ডাক্তার বলিয়া উঠিলেন, “ধাক, ও কথা আর ধরবেন না।”

“কিন্তু আমি তাকে পারিনে। আমি সব শুনে এনিকে বলেছিলাম, ‘ডাক্তার যে প্রস্তাব করেছেন, তা শুনে তুমি ঠিক ক’রে বল, আর কাউকে ত তুমি ভালবাসনি? তোমার মন ফাঁকা আছে ত?’ তাতে এনি বলেছিল, ‘আমি ছেলে মানুষ, মা। হৃদয় আমার আছে কি না, তাই আমি এখনো বুঝতে পারি নি।’ আমি সে কথা শুনে বলি যে, ‘তোমার

মন আর কারও অধুবাগী নয় ত? সেই কথাটাই খুলে বল। ডাক্তার তোমার স্ত্রীরূপে পেতে ব্যস্ত হয়েছেন।’ এনি বললে, ‘মা, আমাকে না পেলে যদি তিনি অসুখী হন, আমি নিশ্চয় তাঁকে গ্রহণ করব।’ বাস, সব শেষ হয়ে গেল। তখন এনিকে বলেছিলাম, ‘এনি, ডাক্তার শুধু তোমার স্বামী হবেন না, তোমার স্বর্গগত বাবার স্থানও অধিকার করবেন। আমাদের পরিবারের তিনি প্রধান ব্যক্তি হবেন।’ আমি তখনও যে কথা বলেছিলাম, আজও সেই কথাই পুনরুক্তি করছি।”

কথা এতক্ষণ সম্পূর্ণ নীরবে সকল কথা শুনিতেছিলেন। ঠাহার দৃষ্টি ভূমিসংলগ্ন ছিল। ঠাহার ত্রাতাও ঠাহার পার্শ্বে দাঁড়াইয়া মাটির দিকে চাহিয়াছিল। মিসেস্ টুং অতি কোমল কণ্ঠে বলিলেন, “মা, তোমার কথা শেষ হয়েছে?”

মাতা বলিলেন, “না, এনি, এখনও বাকি আছে। আমার অভিযোগ এই যে, তুমি তোমার পরিবারের লোক-জনের প্রতি অস্বাভাবিক ব্যবহার করছ। তোমার কাছে অভিযোগ করা বুধা। তাই তোমার স্বামীর কাছে সে কথা জানাচ্ছি। ডাক্তার, তোমার বোকা স্ত্রীর দিকে একটু নজর দেও।”

ডাক্তার টুং ঠাহার স্নেহাঙ্গু দৃষ্টি পত্নীর দিকে নিক্ষেপ করিলেন—ঠাহার মুখে প্রসন্ন হাস্য। সে হাস্য সরলতা ও নম্রতাপূর্ণ। মিসেস্ টুং দৃষ্টি নত করিলেন। আমি লক্ষ্য করিলাম, মিঃ উইকফিল্ড ঠাহার দিকে চাহিয়া রহিয়াছেন।

মা বলিয়া চলিলেন, “সে দিন ওর কাছে একটা প্রস্তাব করেছিলাম, কিন্তু পাছে তোমার কাছে বলতে হয় বলে সে তোমাকে জানাতেই রাজি হয় নি।”

ডাক্তার বলিলেন, “এনি, এটা তোমার অগ্ৰায় আমাকে একটা প্রীতিপূর্ণ কাজ করবার অবকাশ তুমি দিলে না।”

মা বলিলেন, “আমিও ঐ কথা এনিকে বলেছিলাম। এখন আমি ঠিক করেছি, যা বলবার, সোজাসুজি তোমাকেই জানাব।”

ডাক্তার বলিলেন, “আমি তাতে ভারী খুসী হব।”

“হবে ত?”

“নিশ্চয়।”

“বেশ, তবে ঐ কথাই রইল।” শাওড়ী অতঃপর ঠাহার পূর্ব-আসনে আসিয়া বসিলেন।

মিঃ জ্যাক ম্যাল্ডুনকে সেই দিনই যাত্রা করিতে হইবে। আহারের পরই সে বিদায় লইবে। প্রেভসেণ্ডে জাহাজ অপেক্ষা করিতেছে, এখন হইতে ডাকের গাড়ীতে রওনা হইয়া সেখানে পৌঁছিবার কথা। ভারতবর্ষ সম্বন্ধে অনেক আলোচনা হইতেছিল। অবশেষে স্থির হইল যে, দেশটার সম্বন্ধে অতিরঞ্জন করা হইয়া থাকে। সে দেশে আপত্তি-জনক কিছুই নাই, তবে দুই চারিটা বাধ আর ঐশ্বের

উৎপাতই যা অধিক—তাও যে অঞ্চলে গরম, সেইখানেই তাপাধিক্য। আমার মনে হইল, মিঃ জ্যাক্ ম্যাল্ডন আধুনিক যুগের সিদ্ধাধাদ নাবিকের জায় ভাগ্যবান্। আমি কল্পনা করিলাম, ভারতীয় নৃপতিবৃন্দের অন্তরঙ্গ বন্ধুরূপে মিঃ ম্যাল্ডন স্থানলাভ করিয়াছে। কল্পনানৈরে দেখিলাম, মিঃ জ্যাক্ ম্যাল্ডন বঙ্গবাসের মধ্যে বসিয়া সোণার আলবোলায় ধূমপানে নিরত।

মিসেস্ ষ্টুং ভাল গান গাহিতে পারেন। কিন্তু আজ তিনি আদৌ গান গাহিতে পারিলেন না। ম্যাল্ডনের সহিত তিনি একটি গান গাহিবার চেষ্টা করিলেন বটে, কিন্তু ধবৃত্তার সময় যেমন আরম্ভ করিয়াছিলেন, শেষের দিকে তাহা বজায় রাখিতে পারিলেন না। তাঁহার কণ্ঠস্বর যেন কাঁপিয়া কাঁপিয়া সহসা থামিয়া গেল। ডাক্তার বলিলেন যে, তাঁহার স্ত্রী একটু বিচলিত হইয়া পড়িয়াছেন। তাই তিনি গান বন্ধ রাখিয়া একহাত তাস খেলিবার প্রস্তাব করিলেন; কিন্তু মিসেস্ ষ্টুং খেলিতে চাছিলেন না। শরীরটা ভাল নহে বলিয়া তিনি খেলায় যোগ দিলেন না। জ্যাক্ ম্যাল্ডনও খেলিতে চাছিল না। তাহার অনেক জিনিষপত্র বাধা-ছাঁদা করিতে হইবে। খানিক পরে মিঃ ম্যাল্ডন ফিরিয়া আসিয়া একখানা সোফায় বসিয়া মিসেস্ ষ্টুংএর সহিত গল্প করিতে লাগিল।

মিসেস্ ষ্টুং মাঝে মাঝে আসিয়া ক্রীড়ারত স্বামীর তাস দেখিয়া কি খেলিতে হইবে, তাহা বলিয়া দিতেছিলেন। তবে তাঁহাকে অত্যন্ত বিবর্ণ দেখাইতেছিল।

ভোজের সময় আমাদের কাহারও মন তেমন প্রফুল্ল ছিল না। বিদায়-ভোজ সাধারণতঃ আনন্দদায়ক হয় না। মিঃ ম্যাল্ডন খুব কথা কহিবার প্রয়াস পাইতেছিল বটে, কিন্তু সে যে অত্যন্ত চঞ্চল হইয়া পড়িয়াছে, তাহা বুঝা যাইতেছিল।

ডাক্তার ভাবিতেছিলেন যে, তিনি সকলকেই সুখ ও আনন্দ প্রদান করিতেছেন। খানিক পরে ষড়ী দেখিয়া ডাক্তার বলিলেন, “এনি, তোমার ভাই জ্যাকের ষাবার সময় হয়ে গেছে, আর তাকে আটকে রাখা চলে না। কারণ, সময় ও শ্রোত কারও জন্ত অপেক্ষা করে না। মিঃ জ্যাক্ ম্যাল্ডন, দীর্ঘ জলযাত্রার পথ তোমার সম্মুখে বিদ্যমান। নূতন দেশে, অপরিচিত স্থানে তুমি যাচ্ছ। তোমার মত হাজার হাজার লোক এই রকম করে ঐশ্বর্যালক্ষীর দেখা পেয়েছেন। তাঁরা সুখে ও আনন্দে দেশে ফিরে এসেছেন।”

মিসেস্ মার্কলহাম বলিলেন, “যাই হোক, এ ব্যাপারে মন খারাপ হয়ে যাবেই। ছেলেবেলা থেকে যাকে দেখে আসছি, যুবাবয়সে সে, আত্মীয়-স্বজন, বন্ধুবান্ধব, সকল ছেড়ে চলে যাচ্ছে—তার ভাগ্যে কি ঘটবে, তাও কেউ জানে না। এ জন্ত তার প্রতি দরদ লাগে। এমন ত্যাগস্বীকার কে করে, তাকে সকল রকমে সাহায্য করাও উচিত।”

ডাক্তার বলিলেন, “সময়টা তাড়াতাড়ি কেটে যাবে, ম্যাল্ডন। আমরাও তোমার প্রত্যাবর্তন-প্রতীক্ষায় থাকব। হয় ত আমাদের মধ্যে কেউ কেউ তোমাকে অভিনন্দন করার জন্ত তখন থাকবে না। তবু আশা করে থাকাই ভাল। আমি তোমাকে কোন বাজে উপদেশ দেব না। তোমার সামনে একটি ভাল আদর্শ আছেন, তিনি তোমার বোন এনি। তাঁর গুণগুলো নকল করবার চেষ্টা করে।”

মিসেস্ মার্কলহাম ব্যজন করিতে করিতে মাথা আন্দোলিত করিতে লাগিলেন।

ডাক্তার বলিলেন, “বিদায়, মিঃ জ্যাক্!”

তিনি উঠিয়া দাঁড়াইতেই আমরা উঠিয়া দাঁড়াইলাম।

ডাক্তার বলিয়া চলিলেন, “তোমার জলযাত্রা শুভ হোক। বিদেশে গিয়ে দিন দিন উন্নতি লাভ করো। নিরাপদে আমাদের কাছে ফিরে এস, এই আমরা চাই।”

ডাক্তারের এই শুভ কামনার পর আমরা সকলে সুরাপান করিলাম। মিঃ জ্যাক্ ম্যাল্ডনের সঙ্গে সকলেই করকম্পন করিলেন। সে মহিলাদিগের নিকট বিদায় লইয়া তাড়াতাড়ি গাড়ীতে গিয়া উঠিল। আমরা তাহার জয়ধ্বনি করিলাম। আমি দৌড়িয়া তাহার গাড়ীর কাছে গিয়া দাঁড়াইলাম। দেখিলাম, মিঃ জ্যাক্ ম্যাল্ডনের মুখমণ্ডল উত্তেজনাপূর্ণ, তাহার হাতে রঙ্গীন কি একটা বস্তুও রহিয়াছে।

ছাত্রদল ডাক্তার এবং তাঁহার পত্নীর জয়ধ্বনি করিয়া যে বাহার ঘরে চলিয়া গেল। আমি আসিয়া দেখিলাম যে, অতিথিরা ডাক্তারকে বেঞ্চন করিয়া দাঁড়াইয়া, জ্যাক্ ম্যাল্ডনের বিদায়-দৃশ্যের বর্ণনা করিতেছিলেন। এমন সময় মিসেস্ মার্কলহাম বলিয়া উঠিলেন, “এনি কোথায় গেল?”

সত্যই তিনি সেখানে তখন ছিলেন না। সকলে তাঁহার নাম ধরিয়া আহ্বান করা সত্ত্বেও কোনও উত্তরও আসিল না। ঘর হইতে আমরা সকলে তাড়াতাড়ি বাহিরে যাইতেই দেখিলাম, মেঝেতে তিনি মুচ্ছিতা অবস্থায় পড়িয়া রহিয়াছেন। সকলেই অতিমাত্রায় ব্যস্ত হইয়া পড়িলেন। ডাক্তার পত্নীর মস্তক নিজের জামুর উপর তুলিয়া লইলেন, ধীরে ধীরে তাহার চূর্ণকুস্তলগুলি স্বহস্তে সরাইয়া দিয়া মুছকণ্ঠে বলিলেন, “বেচারি এনি! এমন কোমল মন। ছেলেবেলার খেলার সঙ্গী, বন্ধু এবং স্নেহময় ভাইকে দূর-দেশে বিদায় দিয়ে অস্থির হয়ে পড়েছে। বাস্তবিক, আমার বড় দুঃখ হচ্ছে!”

অবশেষে মিসেস্ ষ্টুং চক্ষু উন্মীলন করিলেন। তিনি বুঝিলেন, কোথায় তিনি রহিয়াছেন। সকলকে চারিপার্শ্বে দাঁড়াইয়া থাকিতে দেখিয়া তিনি অস্ত্রের সাহায্যে উঠিয়া দাঁড়াইলেন। তার পর ডাক্তারের স্বস্ত্রে মুখ লুকাইয়া ফেলিলেন। আমরা সকলে দ্রুপ্তিগ্ৰমে ফিরিয়া গেলাম। ডাক্তার দম্পতি ও ডাক্তারের স্বস্ত্রমাতা সেইখানে রহিলেন।



অল্পক্ষণই পরেই মিসেস্ টুংএর নির্দেশ অনুসারে তাঁহাকে আমাদের কাছে আনা হইল। তিনি একখানি সোফায় দুর্বল দেহতার রক্ষা করিলেন।

জননী কন্ঠার পরিচ্ছদটা সুবিচ্ছন্ন করিতে করিতে বলিয়া উঠিলেন, “এনি, দেখ ত, তোমার একটা ফিতে হারিয়ে গেছে! তোমরা কেউ গিয়ে চেরি রঞ্জের ফিতেটা খুঁজে আনবে?”

এই ফিতাটা তিনি বুকের কাছেই ফুলের তোড়ার আকারে ঝুঁজিয়া রাখিয়াছিলেন। আমরা সকলেই উহার সন্ধান করিতে লাগিলাম। কিন্তু কোথাও উহা পাওয়া গেল না।

মাতা কন্ঠাকে প্রশ্ন করিলেন, “আচ্ছা, কোন্ সময় পর্য্যন্ত ফুলটা তোমার কাছে ছিল, কিছু মনে করতে পার, এনি?”

আমার মনে হইল, এ কথায় মিসেস্ টুংএর মুখখানি যেন সাদা হইয়া গেল। তিনি বলিলেন, একটু আগেও উহা তাঁহার কাছে ছিল। যাক, এখন উহার সন্ধানে সময় নষ্ট করবার কোনও প্রয়োজন নাই।

কিন্তু তথাপি সকলেই খুঁজিতে লাগিল। কিন্তু পাওয়া গেল না। মিসেস্ টুং অবশেষে অনুরোধ জ্ঞাপন করিলেন যে, আর যেন উহার অন্বেষণে সময়ব্যয় করা না হয়। তথাপি অনুসন্ধান চলিতে লাগিল। মিসেস্ টুং সম্পূর্ণ সুস্থ হইলে সকলেই প্রস্থান করিলেন।

আমরা তিন জনে ধীরে ধীরে বাসার দিকে ফিরিতেছিলাম—মিঃ উইক্‌ফিল্ড, আমি ও আগনেস্। আমি ও আগনেস্ মাতার রজনীর প্রশংসা করিতেছিলাম। মিঃ উইক্‌ফিল্ড নীরবে নতদৃষ্টিতেই পথ চলিতেছিলেন।

আমরা বাড়ীর দরজায় আসিয়া পৌঁছিলাম। এমন সময় আগনেস্ বলিল যে, সে তাহার ছাতাটা নিমন্ত্রণ-বাড়ীতে ফেলিয়া আসিয়াছে। আমি উহা আনিবার জন্ত পৌড়িয়া গেলাম।

ভোজন-গৃহে আগনেস্ উহা ফেলিয়া রাখিয়া আসিয়াছিল। সেখানে কেহ ছিল না, ঘরও অন্ধকার। ডাক্তারের পড়িবার ঘরে যাইবার একটা দরজা খোলা ছিল, সেখান দিয়া ভোজনকক্ষে আলো আসিতেছিল। আমি সেখানে গিয়া কি জন্ত আসিয়াছি, তাহা বলিবার জন্ত অগ্রসর হইলাম।

দেখিলাম, অগ্নিকুণ্ডের ধারে ডাক্তার বসিয়া আছেন। তাঁহার পায়ের কাছে একখানি টুলের উপর মিসেস্ টুং। ডাক্তার মূহ হান্তসহকারে তাঁহার অভিধানের পাণ্ডুলিপির কোন কোন অংশ বড় বড় করিয়া পত্রীকে পড়িয়া গুনাইতে ছিলেন। পত্রী তাঁহার মুখের দিকে চাহিয়া গুনিতেন। এমন মুখের প্রকাশ-ভঙ্গী আমি কখনও দেখি নাই। তাঁহার মুখখানি অতি সুন্দর! কিন্তু ছাইয়ের মত বিবর্ণ দেখাইতেছিল। অথচ দৃষ্টি স্থির, ধীর। এমন আয়ত চক্ষু আমি

দেখি নাই। অনুরোধ, লজ্জা, অহঙ্কার, প্রেম, বিশ্বস্ততা সমস্ত এক করিলে মুখের যে চেহারা হয়, ঠিক তেমন ভাবই আমার মনে হইল। কিন্তু তাহার মধ্যেও যেন একটা বিভীষিকার আতঙ্ক রহিয়াছে বলিয়া আমার মনে হইল।

আমি ঘরে প্রবেশ করিয়া জিনিষ চাহিতেই তিনি উঠিয়া দাঁড়াইলেন। ডাক্তারও আমার আপমনে যেন বাধা পাইলেন। বাতিটা পুনরায় টেবলের উপর রাখিয়া আমি যখন চলিয়া আসিতেছিলাম, তখন ডাক্তার পত্রীর মস্তকে হাত বুলাইয়া স্নেহে বলিতেছিলেন যে, তিনি দুঃস্থ নীরস বিষয়টি পাঠ করিয়া তাঁহার ধৈর্য্যচ্যুতি ঘটাইয়াছেন। এখন তাঁহাকে ঘুমাইবার জন্ত অনুরোধ করিলেন।

কিন্তু তাঁহার পত্রী তাড়াতাড়ি বাধা দিয়া বলিলেন যে, না, তাঁহাকে স্বামীর কাছে থাকিবার জন্ত অহুমতি দিতেই হইবে। আমি দেখিলাম, মিসেস্ টুং স্বামীর জায়গার উপর ঈষৎ ভর দিয়া গুনিবার জন্ত বসিলেন। ডাক্তার আবার পড়িয়া চলিলেন।

এই দৃশ্য আমার সমগ্র মনে এমন ছাপ খারিয়া দিয়াছিল যে, উহা কখনও বিস্মৃত হইতে পারি নাই। আর এই বিষয় হইতে অনেক আলোক পাইয়াছি, সে কথা পরে বলিব।

### সপ্তদশ পরিচ্ছেদ

আমি পলাইয়া আসিবার পর হইতে আর পেগটার আলোচনা করিতে পারি নাই। কিন্তু ডোক্তারের বাড়ীতে পৌঁছিবার পরেই আমি পেগটাকে পত্র লিখিয়াছিলাম। তার পর ঠাকুরমা যখন আমার সম্পূর্ণ ভার গ্রহণ করিয়াছিলেন, তখনও আমি একখানি দীর্ঘ পত্র লিখিয়া পেগটাকে সকল কথা জানাইয়া দিয়াছিলাম। ডাক্তার টুংএর বিচ্ছালয়ে ভর্তি হইবার পর, আবার তাহার কাছে চিঠি দিয়াছিলাম।

মিঃ ডিক্ আমাকে যে টাকা দিয়াছিলেন এবং পাঠাইতেছিলেন, তাহা হইতে আধখানা গিনি সংগ্রহ করিয়া আমি পেগটাকে পাঠাইয়া দিয়াছিলাম। সেই সঙ্গে পথের গাড়ী-ওয়ালার বিবরণটাও তাহাকে লিখিয়া জানাইয়াছিলাম।

পেগটী পত্রপাঠমাত্র উত্তর দিত। তবে আমার পিতামহীর সঙ্কে তাহার মনে অনুকূল ধারণা এখনও হয় নাই, ইহা তাহার পত্র পাঠে আমি বুঝিতে পারিতাম। সে মিস্ বেটসিকে যেমন ভাবে কল্পনা করিয়া রাখিয়াছিল, তাহা হইতে স্বতন্ত্রভাবে এখন কল্পনা করিতে সে পারিতেন না। আমার পলায়নপ্রবৃত্তি সঙ্কে তাহার মনে এমন একটা ধারণা জন্মিয়াছিল যে, যদি ভবিষ্যতে তেমন কোনও কারণ ঘটে, তবে আমি যেন তাহার কাছে জানাই, সে ইয়ারমাউৎ পর্য্যন্ত যাইবার ভাড়া আমাকে পাঠাইয়া দিবে।

আর একটা ঘটনার কথা পেগটীর পত্রে জানিতে পারিলাম। আমাদের বাড়ীর পুরাতন আসবাবপত্র নীলামে বিক্রয় করিয়া মিঃ ও মিস্ বর্ডষ্টোন সে বাড়ী ত্যাগ করিয়া গিয়াছেন। বাড়ী ভালবন্ধ। এ সংবাদ জানিয়া আমার মন অত্যন্ত জ্বরমান হইয়া গেল। বাড়ীর উঠানে বাস করিতে, ঘর স্ববন্ধ রাত্তরে প্রেতবোনির আস্তানায় পরিণত হইবে, সমাধিস্তম্ভ অথবা পড়িয়া থাকিবে, এই সকল বিষয় কল্পনা করিয়া সত্যই আমার মন আহত হইল।

মিঃ বার্কিস্ সম্বন্ধে বিশেষ কোনও সংবাদ ছিল না। স্বামী হিসাবে বার্কিস্ খুবই চমৎকার। মিঃ বার্কিস্ এমন কথাও জানাইয়াছে যে, আমার ব্যবহারের জন্য ছোট শয়ন-ঘরটি সর্বদাই প্রস্তুত আছে। আমি গেলেই হয়। মিঃ পেগটী ভাল আছে। স্বাম্‌ও সুস্থদেহে আছে। মিসেস্ গম্বল তেমনই আছেন। বার্কিস্ আমাকে ভালবাসা জানাইবে না বলিয়াছে। তবে পেগটী যদি ইচ্ছা করে, আমায় তাহার ভালবাসা জ্ঞাপন করিতে পারে।

পিতামহীর কাছে উল্লিখিত সকল সংবাদই জানাইলাম। খালি এমিলির সম্বন্ধে কোন কথা জানাইলাম না। কারণ, আমার ধারণা ছিল, এ সকল বিষয়ে ঠাকুরমা অল্পকূলভাবে গ্রহণ করিবেন না। ইতিমধ্যে পিতামহী অনেক দিন কোনও সংবাদ না দিয়াই ডাক্তারের ওখানে আসিয়াছিলেন। এমন সময়ে আসিতেন যে, সে সময় কেহ কাহারও প্রতীক্ষায় থাকিতে পারে না। আমাকে চমকিত করিয়া দিবার অভিপ্রায়েই তিনি ঐরূপ করিতেন। কিন্তু প্রতিবারই হঠাৎ আসিয়া তিনি আমাকে লেখাপড়ায় নিমগ্ন দেখিয়া যাইতেন, পড়াশুনায় যথেষ্ট উন্নতি করিতেছি, সে সংবাদও পাইতেন।

ইহার পর তিনি ঐ ভাবে আর আসিতেন না। প্রতি তৃতীয় সপ্তাহের পর শনিবার তাহার দেখা পাইতাম। তবে মিঃ ডিক্ প্রতি বৃধবারে আসিতেন। ডোভারের বাড়ীতেও তিন চারি সপ্তাহের পর একবার করিয়া যাইতে পাইতাম।

মিঃ ডিক্ আমার সহিত দেখা করিতে আসিয়া এক দিন বলিলেন, ট্রটউড্, লোকটা কে বল ত? প্রায়ই তোমার ঠাকুরমাকে লোকটা এসে ভয় দেখায়?"

"ঠাকুরমাকে ভয় দেখায়, বলেন কি?"

মিঃ ডিক্ বলিলেন, "আমার বিশ্বাস ছিল, ওঁকে কেউ ভয় দেখাতে পারে না। কারণ, ওঁর মত বুদ্ধিমতী এবং বিচিত্র স্ত্রীলোক বড় হুলভ। সে দিন আমি মিস্ ট্রটউডের সঙ্গে চা-পানের পর বেড়াতে বেরিয়েছিলাম তখন অন্ধকার হয়েছে। এমন সময় বাড়ীর কাছে সে লোকটাকে দেখলাম।"

আমি বলিলাম, "লোকটাও বেড়াছিল?"

"বেড়াছিল কি? দাঁড়াও, ভেবে দেখি!—না, না, বেড়াছিল না। লোকটা বেড়াছিল না ত।"

তবে সে কি করিতেছিল, এই কথাটা বাহির করিয়া লইবার জন্য প্রশ্ন করিলাম।

মিঃ ডিক্ বলিলেন, "সে ওখানে ছিলই না। লোকটা পেছন থেকে এসে তাঁর কাপে কাপে কিস্-কিস্ করে কি বললে। তিনি কিরিয়া চাহিয়াই অজ্ঞান হয়ে পড়লেন। আমি তাঁর দিকে চেয়ে রইলাম। সে চ'লে গেল। কিন্তু লোকটা কোথায় বেন লুকিয়ে থাকে।"

আমি জিজ্ঞাসা করিলাম, "সে এখনও লুকিয়ে থাকে না কি?"

"নিশ্চয় আছে। এত দিন আসেনি। কাল রাতে বেরিয়েছিল। আমরা কাল রাতে বেড়াছিলাম। সে তাঁর পেছনে এসে দাঁড়াল। তখন তাকে দেখে আমি চিন্তে পারলাম।"

"সে ঠাকুরমাকে ভয় দেখিয়েছিল?"

মিঃ ডিক্ বলিলেন, "তাঁর দেহের উপর দিয়ে শুধু একটা শিহরণ চ'লে গিয়েছিল। একটা চীৎকার করে উঠেছিলেন। ট্রটউড্, এ দিকে স'রে এস—শোন!" আমাকে কাছে টানিয়া লইয়া—চুপিচুপি তিনি বলিলেন, "তিনি তাকে টাকা দিলেন কেন বল ত? তাঁদের আলোতে আমি দেখতে পেয়েছিলাম।"

"বোধ হয়, লোকটা ভিখিরী।"

মিঃ ডিক্ মাথা নাড়িয়া বলিলেন, "না, না, ভিখিরী কখনই নয়।" তিনি বর্ণনা করিয়া বুঝাইলেন যে, আমার ঠাকুরমা শুধু সেই রাত্তিতে নহে, আরও অনেক দিন—রাত্তির অন্ধকারে তাহার হাতে বাতায়নপথে টাকা দিয়াছেন। মিঃ ডিক্ তাহা লক্ষ্য করিয়াছেন। গত কলা রাত্তিতেও টাকা দেওয়া হইয়াছে। তাঁর পর সকালবেলা তাহার ব্যবহারে এমন পরিবর্তন দেখিয়াছেন যে, মিঃ ডিক্ মনে মনে চুশ্চিস্তাগ্রস্ত হইয়া পড়িয়াছেন।

গল্পটা সম্বন্ধে আমার মোটেই আস্থা ছিল না। মিঃ ডিকের খেয়ালী মস্তিষ্ক হইতে তিনি উহা রচনা করিয়া বলিতেছেন বলিয়া মনে হইয়াছিল। কিন্তু শেষে ভাবিয়া দেখিলাম যে, হয় ত মিঃ ডিক্কে লইয়া যাইবার জন্য কোনও উত্তম হইয়া থাকিবে। তাই তাঁহাকে রক্ষা করিবার জন্য ঠাকুরমা গোপনে অর্থ দিয়া লোকটাকে বশীভূত করিয়াছেন। মিঃ ডিকের শান্তি ও আনন্দ অব্যাহত রাখিবার জন্য আমার পিতামহী এ কার্য করিতে পারেন।

মিঃ ডিক্কে ছাত্রগণ চিনিয়া ফেলিয়াছিল। তিনি সকলের সহিত মহানন্দে মিশিতেন, এ জন্য প্রত্যেক বালকই তাঁহার প্রতি আকৃষ্ট হইয়া পড়িয়াছিল। অবশেষে ডাক্তার ষ্ট্রঃ মিঃ ডিকের সহিত পরিচয় করিয়া দিবার জন্য আমাকে বলিলেন। আলাপ করিয়া দিবার পর ডাক্তারও তাঁহার অনুরাগী হইয়া পড়িলেন। শেষে মিঃ ডিক্ ডাক্তারের অভিধানের এক জন বিশিষ্ট শ্রোতার স্থান অধিকার করিলেন।

আগনেস্‌ও মিঃ ডিকের এক জন বন্ধুর স্থান অধিকার করিল। উড়িয়া হিপের সহিতও তাঁহার পরিচয় হইয়া গেল।

এক দিন মিঃ ডিককে বিদায় দিয়া আমি ফিরিতেছিলাম, এমন সময় উড়িয়া হিপের সহিত আমার দেখা হইল। সে আমাকে স্বরণ করাইয়া দিল যে, আমি তাহাদের গৃহে এক দিন চা-পান করিব বলিয়াছিলাম, তাহা কবে হইবে?

আমি বাস্তবিক ঠিক করিতে পারি নাই, আমি তাহাকে পছন্দ করি, অথবা ঘৃণা করি। যাহা হউক, আমি তাহার বিশেষ আগ্রহাতিশয় দেখিয়া তাহাকে বলিলাম, মিঃ উইক্‌ফিল্ডকে জানাইব। তিনি যদি অনুমতি প্রদান করেন, আমি নিশ্চয় তাহাদের বাসায় যাইব।

সে দিন অপরাহ্নে উড়িয়া হিপকে জানাইলাম যে, আমি আজ প্রস্তুত আছি। তাহাদের বাড়ী যাইব।

উড়িয়া বলিল, “মা ইহাতে গর্ব অনুভব করিবেন, মাষ্টার কপারফিল্ড।”

আমি তাহাকে জিজ্ঞাসা করিলাম, ইদানীং সে আইন-গ্রন্থ বিশেষ মনোযোগ সহকারে অধ্যয়ন করিতেছে কি না।

সে বলিল, “আমার পড়া—পড়াই নয়। খানিকক্ষণ আইনের বইখানা নিয়ে নাড়াচাড়া করি মাত্র। তবে জায়গায় জায়গায় লাতিন শব্দ আছে, তার মানে বোঝা আমার মত অল্পবিদ্যায় কুলোয় না।”

বলিলাম, “তুমি লাতিন শিখতে চাও? আমি শিখছি, তোমাকেও শেখাতে পারি।”

“ধন্যবাদ, মাষ্টার কপারফিল্ড! তোমার যথেষ্ট দয়া, কিন্তু আমি এত হীন যে, তা নিতে পারিনে।”

“বাজে কথা বলছ, উড়িয়া!”

সে বলিল, “মাষ্টার কপারফিল্ড, তুমি আমায় ক্ষমা করো। তোমার প্রস্তাবে আমি রুতজ্জ্বল। শিখতে পেলে আমি ধন্যও হতুম, কিন্তু অতি সামান্ত লোক আমরা। লেখাপড়া আমাদের জ্ঞান নয়। অত উচ্চ আশা করাও আমাদের মত লোকের পক্ষে আহানুখী। আমাদের মত লোকের অতি হীনভাবেই জীবন যাপন করতে হয়—অত উচ্চাশা ভাল নয়।”

আমি বলিলাম, “উড়িয়া, তুমি ভুল বলছ! আমি নিশ্চয় বন্ডতে পারি, অনেকগুলো বিষয় আমি তোমায় শেখাতে পারি, যদি তুমি শিখতে চাও।”

“মাষ্টার কপারফিল্ড, তা তুমি পার, আমি তা বিশ্বাস করি। কিন্তু আমরা সামান্ত লোক, আমাদের পক্ষে বেশী জ্ঞানলাভ করা উচিত নয়। আমরা অতি সামান্ত। এই যে আমাদের দীনের কুটার—আমরা এসে পড়েছি!”

পুরাতন আদর্শের একটি বাড়ীর মধ্যে আমরা প্রবেশ করিলাম। সেখানে উড়িয়া হিপের মাতা বসিয়াছিল। পূর্বে মাতারই প্রতিকৃতি। একই রকমের দেখিতে।

মাতা ও পুত্র অত্যন্ত বিনীতভাবে আমাকে ভিত্তরে আহ্বান করিল। মা বলিল, “উড়িয়া, আজকের এই দিনটা আমাদের জীবনে চিরস্মরণীয় হয়ে থাকবে। মাষ্টার কপারফিল্ড আজ আমাদের অতিথি!”

পুত্র অত্যধিক বিনয় প্রকাশ করিল। তাহাদের এই অত্যধিক বিনয়প্রকাশের ফলে আমার মন বিবর্ত হইয়া উঠিল।

ক্রমে উড়িয়া আমার সম্মুখে আসিয়া বসিল। তাহার মাতাও আমার কাছে আসন সরাইয়া লইয়া আসিল। চা-পানের সঙ্গে আদর-মধু ও এটা সেটা নানারকম খাদ্য আমাকে দিতে লাগিল। ক্রমে আলোচনা নানা স্তরে বাড়িয়া চলিল। আমার পিতা, মাতা প্রভৃতির কথা আসিয়া পড়িল। পিতামহী আমাকে বলিয়া দিয়াছিলেন যে, আমার জীবনের ঘটনাবলী সম্বন্ধে আমি যেন বাঙ-নিষ্পত্তি না করি। নীরব থাকিতেই তিনি আমায় উপদেশ দিয়াছিলেন। কিন্তু উড়িয়া ও তাহার মাতা কৌশলে আমার পেটের সকল কথা ক্রমে জানিয়া লইল। অনিচ্ছা-সত্ত্বেও আমি সব কথাই বলিয়া ফেলিলাম। তার পর তাহারা মিঃ উইক্‌ফিল্ড, আগনেসের কথা পাড়িল। মা একটা কথা বলে, পুত্র আর একটা কথা তুলে। এইভাবে তাহারা যেন বল খেলিয়া চলিতে লাগিল। দুই-চারিটা কথাও তাহাদের সম্বন্ধে আমার মুখ হইতে বাহির হইয়া গেল।

ক্রমে আমি বড়ই অস্বস্তি অনুভব করিতে লাগিলাম। আমি বিদায় লইব ভাবিতেছি, এমন সময় একটি লোক পথ দিয়া চলিতে চলিতে দরজার কাছে দাঁড়াইলেন। আমাকে দেখিয়াই তিনি বলিয়া উঠিলেন, “কপারফিল্ড, তুমি এখানে?”

মিঃ মিক্‌বার!—অনেক দিন পরে তাঁহাকে দেখিতেছি। “কপারফিল্ড, তোমাকে দেখতে পাব, তা ভাবিনি। কেমন আছ তুমি?”

সেখানে মিঃ মিক্‌বারকে দেখিয়া আমি সত্যই খুসী হইতে পারি নাই। কিন্তু তাঁহাকে দেখিয়া যে আমার আনন্দ হইয়াছিল, তাহা গোপন করিব না। মিসেস্ মিক্‌বার কেমন আছেন, জিজ্ঞাসা করিলাম।

“ধন্যবাদ! তিনি ভাল আছেন। ছেলে-মেয়ে দুইটি প্রকৃতি-মাতার কাছ থেকে তাদের জীবনোপায় আর সংগ্রহ করে না। মিসেস্ মিক্‌বার এখন আমার ভ্রমণের সঙ্গিনী! তোমার সঙ্গে দেখা হলে তিনি কত সুখী যে হবেন।”

তার পর উড়িয়া হিপ ও তাহার মাতার সহিত তাঁহার পরিচয় করাইয়া দিতে বলিলেন।

মিক্‌বার বলিলেন, “তার পর এখন কি করছ? মদের ব্যবসারে আছ না কি?”



মিঃ মিক্‌বারকে এখান হইতে সরাইয়া লইবার জন্ত আমি বিশেষ ব্যগ্র হইয়া উঠিলাম। বলিলাম যে, আপাততঃ আমি ডাক্তার ষ্ট্রুংএর হাত।

“হাত! এ কথা শুনে বড় আনন্দ হচ্ছে, কপারফিল্ড।”

আমি বলিলাম, “চলুন, মিসেস্ মিক্‌বারকে দেখে আসি।”

সেখান হইতে বিদায় লইয়া আমরা বাহির হইলাম। একটা ছোট সরাইয়ে মিসেস্ মিক্‌বার ছিলেন। মিঃ মিক্‌বার ঘরের মধ্যে লইয়া গিয়া বলিলেন, “ডাক্তার ষ্ট্রুংএর এক ছাত্রের সঙ্গে তোমার পরিচয় করিয়ে দিচ্ছি, গিল্লি!”

মিসেস্ মিক্‌বার আমাকে দেখিয়া যেমন বিস্মিত, তেমনই আনন্দিত হইলেন, দেখিলাম। পরস্পরের আনন্দজ্ঞাপনের পর ছোট সোফার ধারে বসিলাম।

মিঃ মিক্‌বার বলিলেন, “গিল্লি! তুমি ততক্ষণ কপারফিল্ডের সঙ্গে গল্প কর। আমি খবরের কাগজখানা উর্টে-পার্টে দেখি—বিজ্ঞাপনে কোন কিছু পাই কি না।”

মিসেস্ মিক্‌বারকে বলিলাম, “আমি ভেবেছিলাম, আপনারা প্লাইমাউথেই আছেন।”

তিনি বলিলেন, “আমরা সেখানেই গিয়েছিলুম। কিন্তু সুবিধা কিছু সেখানে হ’ল না। কাষ্টম হাউসে প্রতিভার প্রয়োজন নেই। মিঃ মিক্‌বারের ঞায় প্রতিভাশালী লোকের প্রয়োজন তাদের ছিল না। আমার যে আত্মীয়স্বজন প্লাইমাউথে ছিলেন, তাঁরা যখন জানতে পাল্লেন যে, মিঃ মিক্‌বারের সঙ্গে আমি ও ছেলে-মেয়েরাও আছে, তখন তাঁরা মিঃ মিক্‌বারকে এড়িয়ে চলবারই চেষ্টা করলেন। অর্থাৎ সোজা কথায় তাঁরা আমাদের উপেক্ষাই করতে লাগলেন।”

বলিলাম, “কি সর্বনাশ!”

মিসেস্ মিক্‌বার বলিলেন, “এক সপ্তাহ যেতে না যেতেই অবস্থা এই রকম দাঁড়াল। তখন কি করা যায়। সে স্থান ত্যাগ করাই একমাত্র পথ। কাজেই টাকা ধার ক’রে আবার লণ্ডনে ফিরতে হ’ল।

“তা হ’লে আপনারা সকলেই ফিরে এসেছেন?”

মিসেস্ মিক্‌বার বলিলেন, “সবাই এসেছি। তার পর আমি আমাদের আত্মীয়-স্বজনের কাছে পরামর্শ জিজ্ঞাসা করেছি, কি ক’রে সংসার চালান যাবে। অবশ্য এতগুলো প্রাণী বায়ুভক্ষণ ক’রে নিশ্চয় থাকতে পারে না। তাতে কোন কোন আত্মীয় বলেছেন, মিঃ মিক্‌বার কয়লার ব্যবসা করুন।”

জিজ্ঞাসা করিলাম, “কয়লার ব্যবসা?”

“হাঁ, মেডওয়ে কয়লার কাজে মিঃ মিক্‌বারের বুদ্ধি খুলে যাবে। আমরা তাই মেডওয়েডে গেলাম। দেখা গেল, কয়লার কাজে প্রতিভার সামান্য কিছু প্রয়োজন থাকলে মূলধনের প্রয়োজনই বেশী। তার পর এ স্থানটা খুব কাছেই ব’লে এখানে একবার আসা গেল। এখন

লণ্ডন থেকে একটা টাকা আসবার কথা আছে। সেটা না আসা পর্যন্ত আমরা নড়তে পারছি না। হোটেল-ওয়ালটা টাকা পাবে। টাকাটা এলেই ৪টি ছেলে-মেয়ের কাছে ফিরে যেতে পারি। তাদের পেফ্‌টনভিলিতেই রেখে এখানে এসেছি।”

মিঃ মিক্‌বার ফিরিয়া আসিলেন। বাস্তবিক তাঁহাদের দুর্দশাদর্শনে আমার মন অভিভূত হইয়া পড়িল। যদি আমার কাছে টাকা থাকিত, আমি তাঁহাদের সাহায্য করিতাম।

মিক্‌বার-দম্পতি পরদিবস আহারের জন্ত নিমন্ত্রণ করিলেন। আমার পড়াশুনা আছে জানিয়া মিঃ মিক্‌বার প্রস্তাব করিলেন যে, তিনি সকালবেলা ডাক্তার ষ্ট্রুংএর সহিত দেখা করিয়া পরদিবস আমাকে আহারের জন্ত নিমন্ত্রণ করিবেন। তন্মধ্যে লণ্ডনের টাকাটা নিশ্চয় আসিয়া পড়িবে, ইহা তাঁহার ধারণা।

পরদিবস মধ্যাহ্নে বসিবার বরে আমার ডাক পড়িল। দেখিলাম, মিঃ মিক্‌বার আসিয়াছেন। তিনি জানাইলেন যে, আহারের ব্যবস্থা ঠিকই আছে, আমাকে যাইতে হইবে। জিজ্ঞাসা করিলাম, টাকা আসিয়াছে কি না। উত্তরে তিনি আমার কর চাপিয়া ধরিয়া বিদায় লইলেন।

সে দিন অপরাহ্নে আমি বাতায়ন-পথে বাহিরে দৃষ্টিপাত করিতেই দেখিতে পাইলাম, মিঃ মিক্‌বারের সহিত উড়িয়া হিপ যাইতেছে। ইহাতে আমি শুধু বিস্মিত নহি, একটু উদ্ভিগ্ন হইলাম। উত্তরে হাত-ধরাধরি করিয়া চলিতেছে। উড়িয়া যেন কৃতার্থ, মিঃ মিক্‌বার যেন তাহার পৃষ্ঠপোষকতা করিবার জন্ত আনন্দলাভ করিতেছেন। পরদিবস বেলা ৪টায় যখন ক্ষুদ্র হোটলে নিমন্ত্রণ রাখিতে গেলাম, তখন সেখানে শুনিলাম যে, মিঃ মিক্‌বার উড়িয়ার সহিত তাহার বাড়ীতে গিয়া ব্রাণ্ডিপান করিয়া আসিয়াছেন। ইহাতে আমার বিশ্বাসের সীমা রহিল না।

মিঃ মিক্‌বার বলিলেন, “প্রিয় কপারফিল্ড, আমি তোমাকে ব’লে রাখছি, তোমার এই বন্ধু হিপ্‌কালে এটর্নী-জেনারেল হ’তে পারবে হয় ত। যখন আমার দুর্দশার চরমসীমায় আমি পৌঁছিলাম, তখন যদি এই ছেলেটির সঙ্গে আলাপ হ’ত, তা হ’লে পাওনাদারগণকে অনেক ভালভাবে ব্যবস্থা করা যেতে পারত।”

কথাটার অর্থ আমি ভাল বুঝিলাম না! কারণ, তিনি কোন পাওনাদারকেই এক কপর্দকও দেন নাই। সুতরাং এক পরসীক্ষণ শোধ না করিয়া মুক্তিলাভ করার অপেক্ষা আর যে কি ভাল হইত, তাহা আমার বোধের অগম্য! যাহা হউক, আমি ও বিষয়ে প্রশ্ন করা সঙ্গত মনে করিলাম না। উড়িয়ার সহিত বেশী মেলামেশা করিবেন না, এ কথাটাও তাঁহাকে বলিতে পারিলাম না। আমার সম্বন্ধে বেশী কিছু জিজ্ঞাসা করিয়াছে কি না, সে কথাটাও জিজ্ঞাসা

করিতে কৃপা অস্বীকার করিলাম। কারণ, পাছে মিঃ মিক্‌বার মনে আঘাত পান, ইহা আমি চাই না।

আমাদের আহ্বানের স্মরণ আরোজন হইয়াছিল। আজ মিঃ মিক্‌বার খুব প্রসন্ন দেখিলাম। এমন অবস্থায় পূর্বে তাঁহাকে কখনও দেখি নাই। অবশেষে আমি মিসেস্ মিক্‌বারের স্বাস্থ্যকামনায় পান করিলাম। মিঃ মিক্‌বার বলিলেন, এমন স্ত্রী সহজে মিলে না। যদি আমি কখনও বিবাহ করি, তবে এইরূপ স্ত্রী দেখিয়া যেন বিবাহ করি—অবশ্য যদি পাওয়া যায়।

ভোজ-শেষে আমি বিদায় লইয়া বাড়ী আসিলাম। পর-দিন বেলা ৭টায় মিঃ মিক্‌বারের এক পত্র পাইলাম। গতকল্য রাত্রি সাড়ে ৮টায় আমি বাড়ী আসিয়াছি। আর তিনি অর্ধঘণ্টা পরে, রাত্রি ৯টায় আমায় পত্র লিখিয়াছেন। পত্রখানি এইরূপ—

“প্রিয় তরুণ বন্ধু,

পাশা পড়িয়াছে—সব শেষ। বাস্তব আনন্দের মুখোশ পরিয়া আমি নৈরাশ্র ও ব্যর্থতার তীব্রতাকে গোপন করিয়া রাখিয়াছিলাম। আজ বৈকালে তোমাকে বলি নাই যে, টাকা আমিবার কোনও সম্ভাবনাই নাই! অবস্থায় পড়িয়া, সহ্য করা আরও হীনতা, চিন্তা করা এবং সে কথা বলা আরও অপমানজনক মনে করিয়া এই হোটেলে একটা বন্দোবস্ত করিয়াছি। আমার বাসায় ১৪ দিন পরে—পেফটনভিলিতে টাকা মিলিবে, এই কড়ারে একটা হাতচিঠা লিখিয়া দিয়াছি। যখন টাকা দিবার সময় হইবে, তখন তাহা দেওয়া সম্ভবপর হইবে না। তাহার ফল ধ্বংসমূলক। বজ্রাঘাত আসন্ন—বৃক্ষশিরে বজ্র পতিত হইবেই।

এই হতভাগ্য লোকটা তোমার জীবনকে নির্দিষ্ট পথে পরিচালিত করিতে পারে, এই আশায় কপারফিল্ড, তোমায় পত্র লিখিলাম। এই আমার শেষ পত্র। ইতি

হতভাগ্য ভিক্টোরিয়া

উইলকিন্স্ মিক্‌বার।”

এই পত্র পড়িয়া আমি অত্যন্ত অভিভূত হইলাম। মিঃ মিক্‌বারকে ছুইটি সাত্বনার বাণী শুনাইবার জগু আমি তখনই সেই হোটেলের দিকে ছুটিয়া চলিলাম। কিন্তু অর্ধপথ যাইতে না যাইতেই, লণ্ডনগামী গাড়ী পথে দেখিতে পাইলাম। দেখিলাম, পশ্চাতের আসনে এই দম্পতি আসন গ্রহণ করিয়াছেন। মিসেস্ মিক্‌বারের সহিত মিঃ মিক্‌বার এমনভাবে কথা বলিতেছিলেন, যেন সংসারে কোন অশান্তি, অভাব নাই। তাঁহারা আমাকে দেখিতে পাইলেন না। আমি ভাবিলাম, এ অবস্থায় দেখা না হওয়াই ভাল। অতঃপর আমি অণু পথে স্কুলে ফিরিয়া আসিলাম।

## অষ্টাদশ পরিচ্ছেদ

আমার ছাত্র-জীবন। বাল্যকাল হইতে প্রথম যৌবন পর্য্যন্ত এই ছাত্র-জীবন নীরবে চলিয়া যাইতেছে।

এখন আমি বিদ্যালয়ের নিকট ছাত্র নহি। কয়েক মাসের মধ্যেই আমার উন্নতি হইয়াছিল। বিদ্যালয়ের প্রধান পড়ুয়াকে আমি অনতিক্রমণীয় বলিয়া মনে করিতাম। আগনেস্ কিন্তু তাহা স্বীকার করিত না। আমি তাহাকে বলিতাম, ঐ ছেলেটির মাথার মধ্যে কত বিদ্যাই যে সঞ্চিত আছে, তাহার হৃদিশ আমি পাইতাম না। ষ্টিয়ারফোর্থের দ্বারা তাহাকে আমার বন্ধু ও অভিভাবক বলিয়া ভাবিতে পারি নাই। আমি তাহাকে শ্রদ্ধা ও ভক্তির দৃষ্টিতে দেখিতাম।

কিন্তু কে আমার জীবনে পরিবর্তন আনিতেছে? মিস্ সেফার্ড, তাহাকে আমি ভালবাসি।

মিসেস্ নেটিংগল্‌স্-ভবনে মিস্ সেফার্ড এক জন বোর্ডার। আমি তাহাকে মনে মনে পূজা করি। মেয়েটি ছোট, তাহার মুখ গোলাকার, মাথার সোনালী চুলগুলি কুঞ্চিত। গির্জাতে মিসেস্ নেটিংগল্‌স্-ভবনের কুমারীরাও ভজনা করিতে আসিত। আমি তখন ধর্মগ্রন্থের দিকে না চাহিয়া মিস্ সেফার্ডকেই দেখিতাম।

মিস্ সেফার্ডের মনের কথা আমি জানিতাম না। ভাগ্যক্রমে এক দিন নৃত্যাগারে আমাদের দেখা হইল। মিস্ সেফার্ডকে আমার নৃত্য-সঙ্গিনীরূপে পাইলাম। মিস্ সেফার্ডের দস্তানা স্পর্শ করিতেই, আমার দক্ষিণ বাহুর মধ্য দিয়া এমন একটা শিহরণ চলিয়া গেল যে, আমার মাথার চুলগুলি পর্য্যন্ত তাহার সাড়া পাইল। আমি তাহাকে কোমল মিষ্ট, কোনও বিশেষ কথা বলিলাম না বটে, কিন্তু আমরা পরস্পর পরস্পরকে বুকিতে পারিয়াছি। আমাদের দুই জনের মিলন ঘটিলেই হয়।

মিস্ সেফার্ডের প্রতি আমার এইরূপ অনুরাগ কিন্তু বেশী দিন চলিল না। ক্রমশঃ ক্রমশঃ আমাদের মধ্যে একটা উপেক্ষার ভাব ঘনাইয়া উঠিতে লাগিল। ক্রমে লোকের কাছে এমনও শুনিলাম, মিস্ সেফার্ড বলিয়াছে যে, আমি তাহার দিকে কেন অমন করিয়া চাহিয়া থাকি। বরং সে মাষ্টার জেমসকেই বেশী পছন্দ করে। মাষ্টার জেমস একটা সাধারণ ছাত্র। ক্রমে মিস্ সেফার্ড ও আমার মধ্যে ব্যবধানের সমুদ্র বিস্তৃত হইতে লাগিল। তার পর এক দিনের কথা বলি। সে দিন মিস্ সেফার্ডকে সঙ্গিনীসহ দেখিতে পাইলাম। আমাকে দেখিয়া সে এমন মুখভঙ্গীসহকারে সঙ্গিনীর সহিত হাস্যলাপ করিল যে, তাহাতেই আমি তাহার সম্বন্ধে ইতি করিলাম। আর তাহাকে আমার মনে স্থান দিলাম না।

এখন আমি খুব উচ্চশ্রেণীতে পড়িতেছি। কেহ আমার শাস্তিভঙ্গ করিতে পারে না। মিসেস্ নেটিংগল্‌স্‌

তরুণীদিগকে এখন আর আমার ভাল লাগে না। তাহারা যদি অপূর্ণ সুন্দরীও হইত, তথাপি আমি আর তাহাদের দিকে ফিরিয়া চাহিতাম না। ল্যাটিন ভাষায় ক্রমেই আমার অধিকার বৃদ্ধি পাইতেছিল। ডাক্তার ষ্ট্রং প্রকাশভাবে আমার কথা বলিতেন—আমি পণ্ডিত হইয়া উঠিতেছি, সে কথা তিনি বড়-গলা করিয়াই প্রকাশ করিতেন। মিঃ ডিক্ এ সংবাদে উল্লসিত, পিতামহী আনন্দের আতিশয্যে পরদিনই ডাকে এক গিনি উপহার পাঠাইয়া দিয়াছিলেন।

একটি কসাই-বালক ক্যান্টারবরির তরুণদিগের বিভীষিকার বিষয় হইয়াছিল। একটা জনরব ছিল যে, গরুর রক্ত দিয়া সে তাহার কেশ-প্রসাধন করিত বলিয়া তাহার শরীরে অসাধারণ শক্তি ছিল। যে কোনও প্রাপ্তবয়স্ক লোককে সে হঠাইয়া দিতে পারিত। তাহার মুখ চওড়া, স্বদেশে বুষের স্থায় বলিষ্ঠ ও স্থূল। সে ডাক্তার ষ্ট্রংএর ছাত্রদিগকে মোটেই গ্রাহ্য করিত না। এমন কি, প্রকাশভাবে এ কথাও বলিত, কেহ যদি তাহার সহিত চালাকী করিতে আসে, সে ভাল শিক্ষাই তাহাকে দিবে। সে প্রত্যেক ছাত্রের নাম করিয়া এইরূপ বীরত্ব প্রকাশ করিত, আমার নামও সে অনেকবার করিয়াছে। ছেলেটা এমন পাজি যে, ছোট ছোট ছেলেদিগকে একা পাইলে, সে তাহাদের মাথা ফুটা করিয়া দেয়। অবশেষে সে প্রকাশভাবে আমার সহিত লড়াই করার কথাও ঘোষণা করিয়াছিল। আমিও কাজেই তাহার সহিত লড়াই করার জন্য প্রস্তুত হইলাম।

সে দিন গ্রীষ্মের অপরাহ্ন। কসাই-বালকের সহিত একটা নির্দিষ্ট স্থানে দেখা করিলাম। আমার সঙ্গে কয়েক জন বাছা বাছা ছাত্র ছিল। কসাইও তাহাদের দলের জনকরেক ছোকরা লইয়া আসিয়াছিল।

আমরা পরস্পরের সম্মুখীন হইলাম। মুহূর্তমধ্যে আমার চক্ষুর ভিতর হইতে হাজার হাজার বাতী অগ্নিফুলিঙ্গ নির্গত করিতে লাগিল। বহুক্ষণ পরে বুঝিলাম, আমি পরাজিত হইয়াছি। বিজয়গর্বে কসাই তাহার বন্ধুগণের সহিত স্থানত্যাগ করিতেছে। আমাকে বাসায় লইয়া গেল। আমার চক্ষু, মুখ মুণ্ডাঘাতে ফুলিয়া গিয়াছিল। তিন চারি দিন ধরিয়া আমাকে শয্যাগুইয়া থাকিতে হইল। আগনেস্ ভগিনীর জ্বায়ে স্নেহে আমার গুঞ্জবা করিতে লাগিল। তাহার কাছে কসাইএর সব কথা আমি বলিলাম। সে বলিল, আমি ঠিকই করিয়াছি—কসাইএর সহিত লড়াই করা অসঙ্গত হয় নাই।

এডাম্স্ আর এখন স্কুলে নাই। সে আইন পড়িয়া আদালতে বাইতেছে। সে যখন ডাক্তার ষ্ট্রংএর সহিত দেখা করিতে আসিল, তখন আমিই প্রোধান পড়ুয়া। ছোট ছোট ছেলেদের দিকে চাহিয়া আমার ছেলেবেলার কথা মনে পড়ে। কিন্তু আমি আর এখন শিশু বা বালক নহি।

যে ছোট বালিকাকে প্রথম দিন মিঃ উইকফিল্ডের গৃহে দেখিয়াছিলাম, সে কোথায় গেল? সেও চলিয়া গিয়াছে। সেই স্থানে আলেথের অনুরূপিনী তরুণী সমগ্র বাসিন্দা ঘুরিয়া বেড়ায়। আগনেস্ আমার স্নেহপ্রতিমা। সে আমার বন্ধু, হিতার্থিনী এবং আমার প্রবতারা—এখন আগনেস্ নারীষ্মে পূর্ণ হইয়া উঠিয়াছে।

আমার দেহে বহু পরিবর্তন ঘটিয়াছে। আমি বড় হইয়াছি, আমার দেহ পুষ্ট হইয়া উঠিয়াছে। শিক্ষাও আমার বাড়িয়াছে। এখন আমি সোনার ঘড়ি ও চেইন ব্যবহার করি, আমার অঙ্গুলীতে অঙ্গুরীয়ক। আবার আমি প্রেমে পড়িয়াছি। জ্যেষ্ঠা মিস্ লার্কিন্সকে মনে মনে পূজা করি।

ইনি বালিকা নহেন। তাঁহার আকার দীর্ঘ, চোখ কৃষ্ণতারকাবিশিষ্ট, নারীর সুষমামণ্ডিত চেহারা। তাঁহার বয়স প্রায় ত্রিশ বৎসর হইবে। তাঁহারই জন্ত আমার প্রাণে প্রবল আবেগ।

জ্যেষ্ঠা মিস্ লার্কিন্স, সামরিক কর্মচারীদিগের সহিতই পরিচিত। ইহা সহ্য করা যায় না। আমি দেহে মিস্ লার্কিন্স পথে তাহাদিগের সহিত গল্প-গুজব করি। পথে বেড়াইতে বাহির হইয়া আমিও মাঝে মাঝে মিস্ লার্কিন্সকে অভিবাদন করিতাম। অনেক সময় মিস্ লার্কিন্সকে পথে পাইবার জন্ত কাটাইয়া দিতাম।

আমি সর্বদাই সূক্ষ্ম রেশমী বস্ত্র পরিধান করিয়া বেড়াইতাম। উৎকৃষ্ট বস্ত্র পরিধান করিয়া, ভাল জুতা পায় মিস্ লার্কিন্সের মনস্তৃষ্টিসাধনের চেষ্টা করিতাম।

আমার বয়সের কথা সর্বদাই আমার মনকে অপ্রাথিত। আমার সতের বৎসর বয়স। স্মৃতরাং জ্যেষ্ঠা মিস্ লার্কিন্সের সহিত প্রেম করিবার পক্ষে যথেষ্ট নোংরা কিন্তু তাহাতে কি আসিয়া যায়? আর কিছুদিন পরেই ত আমি সাবালক অর্থাৎ ২১ বৎসরে পা দিব। আমি প্রত্যহ মিঃ লার্কিন্সের বাড়ীর কাছ দিয়া ঘুরিতাম। নানারকম উদ্ভট কল্পনা আমার মনে জাগিত। এক এক সময় মনে হইত, ঘরে আগুন লাগিয়াছে। আমি গিয়া জ্যেষ্ঠা মিস্ লার্কিন্সকে তাঁহার ঘর হইতে নিরাপদে বাহির করিয়া আনিয়া নিজে আগুনে পুড়িয়া মরিয়াছি। আমার প্রেমে ভোগস্পৃহা বা স্বার্থ ছিল না। কোনও মতে মিস্ লার্কিন্সের সম্ভাষণবিধান করিতে পারিলেই আমি খুসী।

মিঃ লার্কিন্সের বাড়ী একটা উৎসব ছিল। বৃদ্ধা লার্কিন্স আমায় চিনিতেন বলিয়া নিমন্ত্রণ করিয়াছিলেন। সেখানকার আর কেহই আমাকে চিনিত না। আমি ছাত্রপ্রাপ্তে বহুক্ষণ দাঁড়াইয়া থাকিবার পর জ্যেষ্ঠা মিস্ লার্কিন্স আমায় দেখিতে পাইলেন। তিনি কাছে আসিয়া জিজ্ঞাসা করিলেন, আমি নৃত্য জানি কি না।

আমি জানাইলাম যে, তাঁহার সহিত আমি নাচিতে পারি।



মিস্ লার্কিন্স বলিলেন, “আর কারও সঙ্গে নাচতে চাও না?”

“না, আর কারও সঙ্গে নৃত্য ক’রে আমার সুখ হবে না।”

মিস্ লার্কিন্সের হাসিমুখে একটু আরক্ত আভা দেখিলাম। তিনি বলিলেন, “আচ্ছা, তাই হবে। তোমার সঙ্গে নৃত্য ক’রে আমিও আনন্দ পাব।”

সময় আসিল। আমি নৃত্য জানিতাম। আমি মিস্ লার্কিন্সের হাত ধরিয়া চলিলাম। কাপ্তেন বেলি তাহা দেখিয়া যেন দুঃখিত হইলেন। আমি নৃত্য আরম্ভ করিলাম। কতক্ষণ নাচ চলিয়াছিল, আমার মনে নাই। শুধু এইটুকু মনে ছিল, নীলবসনা এক অপ্সরীর সহিত আমি নৃত্যলীলায় ভাসিয়া চলিয়াছি। তার পর একটি ঘরে মিস্ লার্কিন্সের সহিত আমি বিশ্রাম করিতে গেলাম। আমার কোটের বোতামের ছিদ্রে একটা সুন্দর ফুল ছিল। তিনি উহা দেখিয়া নিজের জন্ত চাহিলেন। আমি উহা তাঁহার হাতে দিয়া বলিলাম, “মিস্ লার্কিন্স, এর বিনিময়ে আমি একটা অমূল্য বিষয় চাচ্ছি।”

“বটে! কি বল ত?”

“আপনার একটা ফুল আমায় দেবেন। সেটা আমি রূপণের গায় রক্ষা করব।”

মিস্ লার্কিন্স বলিলেন, “তোমার বেশ সাহস আছে। এই নাও।”

ফুলটি তিনি আমার হাতে প্রদান করিলে, আমি উহা আমার ওষ্ঠে স্পর্শ করিয়া বুকের কাছে রাখিলাম। ইহাতে তিনি অসন্তুষ্ট হইলেন না। মিস্ লার্কিন্স হাসিতে হাসিতে তাঁহার বাহু আমার বাহুতে সন্নিবিষ্ট করিয়া বলিলেন, “এখন কাপ্তেন বেলির কাছে আমায় নিয়ে চল।”

নৃত্য-শেষে মিস্ লার্কিন্স এক জন বয়স্ক ভদ্রলোককে আমার কাছে আনিয়া বলিলেন, “আমার সাহসী বন্ধুটি হচ্ছেন ইনি। মিঃ চেম্বল তোমার সঙ্গে পরিচিত হ’তে চান, মিঃ কপারফিল্ড।”

মিঃ চেম্বল বলিলেন, “আপনার পছন্দ আছে, মশাই। এ জন্ত আপনার প্রশংসা করি। আমার গাছপালার বাগান আছে। যদি কোন দিন আমাদের ও-দিকে—আসফোর্ডে যান, আমাদের বাড়ী যাবেন। যত দিন ইচ্ছা আমাদের ওখানে থাকবেন।”

আমি সানন্দে তাঁহার করমর্দন করিলাম। মিস্ লার্কিন্স বলিয়াছেন, আমি ভাল নাচিতে পারি। ইহাতে আমার আনন্দ ও গর্বের সীমা নাই।

এক দিন আহ্বারের পর আগনেস্ বলিল, “ট্রটউড, কাল সন্ধ্যা বিয়ে বল ত? তুমি যার প্রশংসা কর, তারই বিয়ে।”

“তোমার বিয়ে নয়, আগনেস্?”

“না, না, আমার কেন! বাবা, গুনছো ট্রটউডের কথা? বিয়ে হবে জ্যেষ্ঠা মিস্ লার্কিন্সের।”

কণ্ঠে বলিলাম, “কাপ্তেন বেলির সঙ্গে?”

“না, না, কাপ্তেন বেলি নয়। মিঃ চেম্বলের সঙ্গে।”

কয়েক সপ্তাহ আমার মন অত্যন্ত খারাপ হইয়া রছিল। হাতের অঙ্গুরীয় খুলিয়া ফেলিলাম! যত খারাপ পরিধের ছিল, তাহাই পরিধান করিতে লাগিলাম। মিস্ লার্কিন্সের জন্ত অন্তশোচনায় কয়েক দিন চলিয়া গেল। সেই কসাই-ছেলেটির সঙ্গে আমার আবার লড়াই হইল। এবার তাহাকে দস্তুরমত হারাইয়া দিলাম।

## উনবিংশ পরিচ্ছেদ

আমার ছাত্রজীবন শেষ হইয়া আসিল। ডাক্তার ষ্ট্রংএর বিদ্যালয় হইতে আমার বিদায় লইবার সময় আসন্ন হইল। এখানে আমি বড় আনন্দেই ছিলাম। ডাক্তারের প্রতি আমার প্রীতির আকর্ষণ জমাট বাঁধিয়াছিল। বিদ্যালয়ে আমি যশঃ অর্জন করিয়াছিলাম। সুতরাং এ স্থান ত্যাগ করিয়া যাইতে আমার দুঃখবোধ হইতেনি।

পিতামহীর সহিত আমার ভবিষ্যৎ সম্বন্ধে অনেক আলোচনা হইয়াছিল। আমি কি কার্য অতঃপর গ্রহণ করিব, তাহা এখনও স্থির হয় নাই। বিশেষ কোনও বিষয়ে আমার অনুরাগ প্রকাশ পায় নাই।

বিদ্যালয় হইতে বিদায় লইবার পর বড়দিনের সময়, পিতামহী এক দিন আমায় বলিলেন, “ট্রট, আমার মনের কথা বলি, শোন। তুমি কি করবে, সেটা যখন এখনও নিষ্পত্তি করা যায় নি, আর তাড়াতাড়ি ক’রে কোন ভুল ক’রে না বসা যায়, একজন্ত আমার মনে হয়, কিছু দিন তুমি চূপচাপ বিশ্রাম কর।”

“বেশ, তাই করব, ঠাকুরমা।”

ঠাকুরমা বলিলেন, “দেখ, একটু বাইরে ঘুরে এলে, ঘরের কোণ ছেড়ে বাইরের জীবনের সঙ্গে কিছু কিছু পরিচয় ঘটলে, তোমার নিজের মন জানবার সুবিধা হয়ে যাবে। তখন ধীরমস্তিষ্কে বিচার করাও চলবে। ধর, এখন তুমি কোথাও বেড়াতে গেলে। সেই মেয়ে-মাহুষটা যেখানে থাকে, যদি তার ওখানে দিনকতক বেড়িয়ে এসো, আমার মনে হয়, ভালই হবে।”

পেগটীর নাম ঠাকুরমা মোটেই পছন্দ করিতেন না, একজন্ত তাহার প্রসঙ্গ উঠিলেই ঐভাবে তিনি কথা বলিতেন।

আমি বলিলাম, “ঠাকুরমা, এতে আমার খুব মত আছে।”

তিনি বলিলেন, “বেশ কথা, তোমারও মত আছে, আমারও মত আছে। আমার বিশ্বাস, তুমি যা করবে, তা যেমন স্বাভাবিক হবে, তেমনই যুক্তিসঙ্গত হবে।”

বলিলাম, “আমারও সে বিশ্বাস আছে।”

ঠাকুরমা বলিলেন, “তোমার বোন বেটসি ট্রটউড ঠিক ঐ রকমেই হ’ত। তুমি তার যোগ্য নিশ্চয় হ’তে পারবে।”

আমি বলিলাম, “আমি তোমার অযোগ্য নাতি হব না, ঠাকুরমা, ইহাই আমার পক্ষে যথেষ্ট।”

তিনি বলিলেন, “দুঃখের কথা, তোমার মা আজ বেঁচে নেই। ট্রটউড, তোমার মার সঙ্গে তোমার এমন সাদৃশ্য তোমার চেহারায় দেখছি।”

ডিক্ বলিলেন, “তাই না কি?”

“মার মত ত বটেই, আবার ডেভিডের মতও বটে।”

মিঃ ডিক্ বলিলেন, “ও কি ডেভিডের মত হয়েছে?”

ঠাকুরমা বলিয়া চলিলেন, “ট্রট, আমি কি চাই, জান? শারীরিক গঠনে নয়, নৈতিক চরিত্রে তুমি দৃঢ় হও। অবশ্য শারীরিক গঠনে তুমি বেশ বলিষ্ঠ হয়ে উঠেছ। তোমার ইচ্ছাশক্তি আরও প্রবল হয়ে উঠুক। দৃঢ়চেতা, চরিত্রবল,—কারও কথা শুনে কর্তব্যে বিচলিত হওয়া চলবে না। আমি তোমাকে বলিষ্ঠহৃদয় চরিত্রবান দেখতে চাই।”

আমি বলিলাম, আমার চেষ্টার কোনও ফ্রুট ইহাতে হইবে না।

“যাক্, আমি তোমার যাত্রার ব্যবস্থা ক’রে দিচ্ছি। নিজের উপর সর্বদা নির্ভর করবে—আত্মপ্রত্যয় চাই। তোমাকে একাই আমি পাঠাব। প্রথমে ভেবেওছিলাম যে, মিঃ ডিক্কে তোমার সঙ্গে পাঠাব। কিন্তু শেষে ভেবে দেখলাম, কাজ নেই। উনি আমার ভার নিয়ে থাকুন।”

ঠাকুরমার ব্যবস্থা অনুসারে আমি পেগটীর কাছে ঘাইবার জন্ত প্রস্তুত হইলাম। প্রথমতঃ ক্যান্টারবারিতে গেলাম। আগ্নেস ও মিঃ উইক্ফিল্ডের নিকট হইতে বিদায় লইতে হইবে। আগ্নেস আমাকে পাইয়া খুসী হইল। আমি চলিয়া যাওয়ার পর হইতে বাড়ীতে যেন আনন্দ নাই!

আমি বলিলাম, “আমারও তাই। তোমার অভাবে মনে হয়, আমার দক্ষিণ হস্ত নাই। যারা তোমাকে জানে, সকলেই তোমার পরামর্শ অনুসারে চলতে চাইবে, আগ্নেস।”

সে হাসিতে হাসিতে বলিল, “যারা আমায় জানে, সকলেই আমার মাথা খাবার চেষ্টা করে।”

“না। তোমার সঙ্গে আর কারও তুলনা হয় না। তুমি এত ভাল—এত মিষ্টি তোমার স্বভাব, এত মৃদু তোমার স্বভাব যে, ভুল তোমার কখনও হয় না।”

মধুর হাসি হাসিয়া আগ্নেস বলিল, “তুমি এমনভাবে বলছ, যেন আমি তোমার ভূতপূর্ব মিস্ লার্কিন্স।”

আমার মুখ আরক্ত হইয়া উঠিল। আমি বলিয়া উঠিলাম, “শোন! আমি তোমাকে বিশ্বাস ক’রে যে কথা বলেছিলাম, তা প্রকাশ করা তোমার উচিত হচ্ছে না। তবু

আমি তোমাকে বিশ্বাস করব, আগ্নেস। যখনই আমি বিপদে পড়ব, প্রেমে প’ড়ে যাব, তোমার কাছে সব খুলে বলব। সত্যিকারের প্রেমও যদি কখনও হয়, তাও জানাব।”

হাসিতে হাসিতে আগ্নেস বলিল, “কিন্তু তুমি ত প্রত্যেকবারই সত্যিকারের প্রেমে পড়েছিলে!”

“ও! সে ছেলেবেলার ছেলেখেলা। সে সব এখন বদলে গেছে। আজই হোক, আর দুদিন বাদেই হোক, সত্যিকারের হাঙ্গামে আমায় পড়তে হবে। আমি আশঙ্ক্য হচ্ছি যে, এখনও পর্যন্ত তুমি নিজে কোন ব্যবস্থা ক’রে নিতে পারনি।”

মাথা নাড়িয়া আগ্নেস হাসিতে লাগিল।

আমি বলিলাম, “তুমি যে কিছু করনি, তা আমি জানি। কারণ, তা হ’লে তুমি নিজেই আমাকে তা বলতে। অথবা আমাকে তা খুঁজে বার ক’রে নেবার অবকাশ দিতে। সত্যি আগ্নেস, এমন কোন লোককে আমি জানি না, যে তোমাকে পাবার উপযুক্ত, তোমাকে ভালবাসবার যোগ্য-পাত্র। যাদের আমি জানি, তাদের চাইতে অনেক মহৎ, অনেক উচ্চস্তরের লোক না হ’লে, আমি তাকে পছন্দ করতে পারব না। এর পর যারা তোমার স্তাবকতা করতে আসবে, আমি তাদের উপর খরদৃষ্টি রাখব। যিনি যোগ্য ব’লে বিবেচিত হবেন, তাঁর কাছ থেকে অনেক কিছু দাবী করব।”

সহসা আগ্নেস নয়ন তুলিয়া আমার দিকে চাহিয়া বলিল, “ট্রটউড, তোমার কাছে একটা পরামর্শ চাই। হয় ত শীঘ্র এ সন্যোগ হবে না। আচ্ছা, বাবার ব্যবহারে তুমি কোন পরিবর্তন লক্ষ্য করেছ?”

সত্যি আমি লক্ষ্য করিরাছি। এমন কি, আমার মনে হইত, আগ্নেস কি তাহা লক্ষ্য করিতে পারে নাই? আমি দিকে চাহিতেই সে বুঝিতে পারিল। পারিয়া সে দৃষ্টি মত করিল। তার পর অশ্রুপূর্ণ-নেত্রে বলিল, “বল, কি তুমি দেখেছ?”

বলিলাম, “আমি এখানে আসবার পর থেকে তাঁর যে অভ্যাস হয়েছে, সেটা বেড়ে গেছে। এখন তিনি সকল সময় চঞ্চল হয়ে পড়েন, হর্ষলতা বেড়েছে।”

আগ্নেস বলিল, “খুবই সত্য।”

“তাঁর হাত কাঁপে, কথা স্পষ্ট নয়, চোখের দৃষ্টি অসংযত। কাজ করবার ইচ্ছা নেই, অথচ তাঁকে কাজ করতে হয়।”

আগ্নেস বলিল, “উড়িয়া করিয়ে নেয়।”

“হাঁ, তিনি কাজের যোগ্য নন, অসমর্থ হয়ে পড়েছেন, এ কথা বুঝে, কাজের পর তিনি আরও অবসন্ন হয়ে পড়েন! এতে তাঁর শরীর খারাপ হয়ে যাচ্ছে। আগ্নেস, এতে ভয় পেয়ো না। কাল আমি ঐ রকম অবস্থায় তাঁকে দেখেছি। তিনি টেবলের উপর উপুড় হয়ে ছোটছেলের মত কাঁদছিলেন।”

দহসা আমার ওঠের উপর তাহার অঙ্গুলির মৃদু-কোমল স্পর্শ অনুভব করিলাম। দেখিলাম, হারপ্রান্তে তাহার পিতা দাঁড়াইয়া আছেন। তাহার মাথা নীচের দিকে ঝুঁকিয়া পড়িয়াছে। পিতা ও কণ্ঠা উভয়েই আমার দিকে চাহিলেন। সে দৃষ্টি বড় করুণ। সবই আমি বুঝিলাম।

ডাক্তারের ওখানে আমাদের চা-পানের নিমন্ত্রণ ছিল। আমরা তথায় গমন করিলাম। সেখানে ডাক্তার-দম্পতি ও ডাক্তারের শাশুড়ীকে দেখিলাম। আমি বিদায় লইতেছি, ইহাতে ডাক্তার এমন ব্যাপার করিলেন, যেন আমি স্বদূর চীনদেশে যাইতেছি।

ডাক্তার বলিলেন, “উইক্‌ফিল্ড, ট্রটউডের জায়গায় ঐ রকম ভাল ছেলের নতুন মুখ বড় একটা আর দেখতে পাব না। ক্রমেই আমি অলস হয়ে পড়ছি। আর মাস-ছয়েক বাদে আমি সব ছেড়ে-ছুড়ে দিয়ে শান্তিপূর্ণ জীবনযাত্রা নির্বাহ করতে থাকব।”

মিঃ উইক্‌ফিল্ড বলিলেন, “গত দশ বৎসরের মধ্যে এই রকম কথা কতবার যে বলেছ, তার সংখ্যা নেই।”

ডাক্তার বলিলেন, “এখন সেটা কাজে পরিণত করতে চাই। স্কুলের বড় শিক্ষক বিদ্যালয়টা চালাবেন। শীঘ্রই এসম্বন্ধে একটা পাকা বন্দোবস্ত করে ফেলব। তার পর ছোটো কাজ আমার থাকবে, এক অভিধান, হুই এনি।”

মিঃ উইক্‌ফিল্ড মিসেস্‌ ষ্ট্রংএর দিকে চাহিলেন। আগনেস্‌ তাহার পাশে বসিয়াছিল। ডাক্তার-পত্নী মিঃ উইক্‌ফিল্ডের দৃষ্টি এড়াইবার চেষ্টা করিতেছেন, আমার অনুমান হইল। মিঃ উইক্‌ফিল্ড তাহার দিকে চাহিয়াই রহিলেন।

অবশেষে তিনি বলিলেন, “ভারতবর্ষ থেকে চিঠি এসেছে কি?”

ডাক্তার বলিলেন, “মিঃ জ্যাক্‌ ম্যাল্ডনের চিঠি এসেছে।”

“বটে?”

মিসেস্‌ মার্কলহাম বলিয়া চলিলেন, “আহা, বেচারী জ্যাক্‌। ও দেশের জলবায়ু বড় বিক্ৰী। সর্বক্ষণ যেন ঝগিকুণ্ডের মধ্যে থাকতে হয়। দেখতে খুব বলিষ্ঠ হলেও, আসলে জ্যাক্‌ তা নয়। এনি, তুমি ত জান, দেখতে বলিষ্ঠ হলেও কোন দিন তেমন শক্ত-সমর্থ সে ছিল না।”

মিঃ উইক্‌ফিল্ড বলিলেন, “ম্যাডাম, এ সব কথা থেকে কি আমি অনুমান করে নেব, মিঃ ম্যাল্ডন পীড়িত হয়েছেন?”

“পীড়িত! সব রকমই তার হ’তে পারে!”

মিঃ উইক্‌ফিল্ড বলিলেন, “অর্থাৎ তিনি তা হ’লে ভাল নেই?”

বৃদ্ধা আরও বকিয়া চলিলেন। ভারতবর্ষে গিয়া মিঃ ম্যাল্ডন নানা অসুবিধা ভোগ করিতেছে, এ কথাটা পুনঃ পুনঃ তিনি জানাইয়া দিলেন।

ডাক্তার বলিলেন, “জ্যাক্‌ যদি অসুস্থই হয়ে থাকেন, তিনি ছুটি নিষে চ’লে আসুন। আর তাঁকে সেখানে যেতে হবে না। এখানেই যা হোক একটা ব্যবস্থা করে দেওয়া যাবে।”

এতক্ষণ মিসেস্‌ ষ্ট্রং কোন কথা বলেন নাই। তাহার নতচক্ষু পর্যন্ত তুলেন নাই। মিঃ উইক্‌ফিল্ডও তাহার কণ্ঠার পার্শ্বে উপবিষ্ট তরুণীর দিকে চাহিয়া রহিলেন। তাহার এই নিবিষ্ট ভাব অণু কেহ লক্ষ্য করে নাই। অতঃপর তিনি জিজ্ঞাসা করিলেন যে, মিঃ জ্যাক্‌ ম্যাল্ডন কাহার কাছে পত্র লিখিয়াছেন?

মিসেস্‌ মার্কলহাম বলিলেন, “ডাক্তারকেই চিঠি লিখেছে, এই শুনুন না। আমার শরীর বড় অসুস্থ হইয়া পড়িয়াছে, সুতরাং আমাকে ছুটি লইয়া দেশে ফিরিতে হইতে পারে। তাহা না হইলে আমার স্বাস্থ্য ফিরিয়া পাইব না। এ চিঠিতে স্পষ্ট কথাই লিখেছে। তবে এনির চিঠি আরও স্পষ্ট। দেখি এনি, তোমার চিঠিখানা।”

এনি নিম্নস্বরে বলিলেন, “এখন না, মা।”

বৃদ্ধা বলিলেন, “তোমার স্বভাব বড় খারাপ। চিঠির কথা জিজ্ঞাসা না করলে, তুমি বলতেই না যে, চিঠি এসেছে। এ কি রকম কথা, এনি? এটাকে তুমি কি ভালবাসা, বিশ্বাস—ডাক্তার ষ্ট্রংএর সম্বন্ধে কর্তব্যপালন হ’ল বলতে চাও? আমি অবাক হয়ে যাচ্ছি। তোমার জানা উচিত ছিল।”

দেখিলাম, অত্যন্ত কুণ্ঠিতভাবে পত্রখানি আমার হাত দিয়াই বৃদ্ধার কাছে প্রদত্ত হইল।

মিসেস্‌ মার্কলহাম বলিলেন, “এখন দেখা যাক্‌। সে জায়গাটা কই দেখি। ‘পুরাতন দিনের স্মৃতি, প্রিয়তমা এনি—’ না এটা নয়। ‘বুড়ো প্রক্টর’—কে ইনি? এনি, তোমার ভাই কি রকম অস্পষ্ট অক্ষরে লেখে, আর আমিও কি বোকা! ‘ডাক্তারকেই বলিতেছি—হ্যাঁ, তিনি খুব নরম প্রকৃতির লোকই বটে!’ এটাও নয়, হ্যাঁ, এইবার পেয়েছি। এই যে—‘তুমি হয় ত গুনিয়া বিস্মিত হইবে না, এনি, এই বিদেশে আমার এমন স্বাস্থ্য ভাঙ্গিয়া পড়িয়াছে যে, হয় আমাকে দীর্ঘকালের ছুটি লইয়া দেশে ফিরিতে হইবে, নহে ত, চাকরী ছাড়াইয়া দিয়া বিদায় লইতে হইবে। আমি আর কষ্ট সহ করিতে পারিতেছি না।’

বৃদ্ধা চিঠি মুড়িয়া ফেলিলেন।

মিঃ উইক্‌ফিল্ড একটি কথাও বলিলেন না। মাঝে মাঝে তিনি যখন চক্ষু তুলিয়া চাহিতেছিলেন, তাহার দৃষ্টি হয় ডাক্তার, নহে ত তাহার পত্নীর উপর স্তম্ভ হইতেছিল। আর তাহার ললাটে ক্রকুটির চিহ্ন সুস্পষ্ট হইয়া উঠিতেছিল।

ডাক্তার অত্যন্ত গীতপ্রিয় ছিলেন। আগনেস্‌ সুন্দর গান গাহিতে পারিত। সে গান গাহিল। মিসেস্‌ ষ্ট্রংও গান গাহিলেন। আমি ছুটি বিষয় লক্ষ্য করিলাম।



দেখিলাম, এনি ক্রমেই আত্মস্থ হইতেছেন। অল্পক্ষণের মধ্যেই নিজের স্বাভাবিক অবস্থা ফিরিয়া পাইলেন। কিন্তু মিঃ উইকফিল্ড ও তাঁহার মধ্যে যেন একটা ব্যবধান-প্রাচীর ক্রমেই মাথা খাড়া করিয়া উঠিতেছিল। আরও একটা জিনিষ লক্ষ্য করিলাম, এনির সহিত আগ্নেসের ঘনিষ্ঠতা মিঃ উইকফিল্ড যেন পছন্দ করিতেছিলেন না। তিনি যেন কিছু অন্তিম বোধ করিতেছেন, ইহা আমার ধারণা হইল।

তখন মিঃ ম্যাল্ডনের বিদায়-রজনীর দৃশ্য আমার মানসনেত্রে পুনরায় প্রতিভাত হইল। তখন যাহার অর্থ বোধগম্য হয় নাই, আজ যেন তার অর্থ বুঝিতেছি। আমার মন ইহাতে অত্যন্ত বিকল হইয়া উঠিল। মিসেস টুংএর মুখের যে সৌন্দর্য্যকে নিষ্কলঙ্ক পবিত্রতা-পূর্ণ বলিয়া তখন মনে হইয়াছিল, এখন যেন আমার কাছে তাহা দোষণীয় বলিয়া মনে হইল না। তাঁহার স্বাভাবিক সৌন্দর্য্য ও আকর্ষণীশক্তিকে আমি তখন ভুল বুঝিয়াছিলাম। তাঁহার পার্শ্বে আগ্নেসকে দেখিয়া মনে হইল, সে কত খাঁটি এবং কত ভাল। মনে হইল, আগ্নেসের সহিত এনির বন্ধুত্ব ঘটা ভাল হয় নাই।

দুই জনে সমস্ত অপরাহ্নকাল গান গাহিয়া গল্প করিয়া কাটাইয়া দিল। তার পর যখন বিদায়ের সময় আসিল, তখন এমন একটা ঘটনা সজ্ঞাটত হইল, যাহার স্মৃতি আমার মনে চিরদিন জাগরুক থাকিবে। আগ্নেস ও এনি বিদায় লইবার জন্ত পরস্পর পরস্পরকে আলিঙ্গন ও চুম্বন করিতে যাইতেছে, এমন সময় মিঃ উইকফিল্ড যেন হঠাৎ তাহাদের মধ্যে আসিয়া পড়িয়াছেন, এমনই ভাব দেখিয়াই আগ্নেসকে লইয়া তাড়াতাড়ি সরিয়া দাড়াইলেন। ঠিক সেই সময় মিসেস টুং তাঁহার প্রতি এমনভাবে দৃষ্টিপাত করিলেন, যাহার পরিচয় আমি পূর্বে পাইয়াছিলাম। মিঃ ম্যাল্ডনের বিদায়ক্ষেণে মিসেস টুং যেভাবে মিঃ উইকফিল্ডের দিকে চাহিয়াছিলেন, আজও তাঁহার নয়নে সেই দৃষ্টি দেখিলাম।

আমি অত্যন্ত ভারাক্রান্তচিত্তে বাড়ী ফিরিয়া আসিলাম। অক্ষয় চিন্তা আমাকে পীড়িত করিতে লাগিল। এই গুল্ল-কেশ অধ্যাপকের প্রতি আমার যে প্রচণ্ড শ্রদ্ধা ও ভক্তি আছে, তাহাতে তাঁহার সম্বন্ধে যাহারা বিশ্বাসঘাতকতা করিতেছে, তাহাদিগকে ক্ষমা করা চলে না। আমার সমস্ত অন্তর তাহাদের বিরুদ্ধে বিদ্রোহী হইয়া উঠিল। মনে হইল, শীঘ্রই ডাক্তারের জীবনে শোচনীয় হৃদস্পর্শের দিন ঘনাইয়া আসিতেছে। এই একান্ত বিশ্বস্ত, স্নেহপ্রবণ ব্যক্তির প্রতি বিশ্বাসঘাতকতা করিবার জন্ত যাহারা আয়োজন করিতেছে, তাহাদের অপরাধ অমার্জনীয়।

সকালবেলা আমি পুরাতন ভবন হইতে বিদায় লইলাম। আমি শীঘ্রই এখানে আবার ফিরিয়া আসিব। আবার আমার পরিচিত কক্ষে শয়ন করিব সত্য, কিন্তু একাদিক্রমে বাস করিবার সম্বন্ধ চুকিয়া গেল। আমার মন আগ্নেস

ও পারিপার্শ্বিক ব্যবস্থায় ভরপুর হইয়া রহিল। মন অপ্রসন্ন—হৃদয় ভারী, বন্ধোদেশে কেমন একটা ব্যথা। আমার যে সকল বই ও পরিধেয় এখনও এখানে ছিল, সেগুলি বাস্তবন্দী করিয়া ডোভারে পাঠাইয়া দিলাম। উড়িয়া হিপ আমাকে স্বেচ্ছাপ্রণোদিত হইয়া সাহায্য করিতে আসিয়াছিল, কিন্তু আমি তাহার কোন সাহায্য লই নাই। তাহার ব্যবহারে বুঝিলাম যে, আমি চলিয়া যাইতেছি বলিয়া সে অত্যন্ত খুসী হইয়াছে।

পিতা-পুত্রীর নিকট হইতে কোনও প্রকারে বিদায় লইয়া গাড়ীতে আরোহণ করিলাম। তখন আমার মনের এমনই উদার অবস্থা যে, সহরের মধ্য দিয়া যাইবার সময় আমার পুরাতন শত্রু কসাইকে সুরাপানের জন্ত ৫ শিলিং দিবার ইচ্ছা হইল। কিন্তু তাহাকে যে অবস্থায় দোকানে দণ্ডায়মান দেখিলাম, তাহাতে তাহার সহিত আলাপ করা উচিত নহে, মনে করিলাম। আমার সহিত দ্বিতীয়বারের সংঘর্ষে তাহার সম্মুখের পাচীর যে দাঁত ভাঙ্গিয়া গিয়াছিল, সে দাঁত এখনও তেমনই ভাঙ্গা রহিয়াছে।

গাড়ী চড়িয়া আমি লণ্ডনে আসিলাম। সেখানে সে রাত্রি বাস করিব, এইরূপ স্থির করিয়া বেড়াইতে বাহির হইলাম। তার পর কভেন্ট গার্ডেন থিয়েটারে অভিনয় দেখিতে গেলাম। সেখান হইতে ফিরিয়া রাত্রি একটায় হোটেলে আসিলাম। বসিবার ঘরে একটি সুসজ্জিত স্নবেশ ভদ্রলোককে দেখিয়া চেনা-চেনা মনে হইল। যুবকটি অত্যন্ত সুপুরুষ এবং প্রিয়দর্শন।

বড় ঘুম পাইতেছিল। আমি উঠিয়া শয়নকক্ষের দিকে যাইতেছি, এমন সময় সেই ভদ্রলোকটির দিকে আবার দৃষ্টি পড়িল। সোজা তাহার দিকে অগ্রসর হইয়া কম্পিত বক্ষে বলিলাম, “ষ্টয়ারফোর্থ, আমার সঙ্গে কথা বলবে না?”

সে আমার দিকে চাহিল। তাহার দৃষ্টিতে পরিচয়ের কোনও ইঙ্গিত দেখিলাম না।

আমি বলিলাম, “আমায় তুমি চিন্তে পাল্লে না!”

“হা ভগবান! তুমি সেই বাচ্চা কপারফিল্ড, না!”

আমি তাহাকে দুই বাহুবন্ধনে জড়াইয়া ধরিলাম। পাছে সে বিরক্ত হয়, এজন্ত তাহার গলা জড়াইয়া ধরিতে আমার লজ্জাবোধ হইতে লাগিল।

“প্রিয় ষ্টয়ারফোর্থ, আমার কি যে আনন্দ হচ্ছে, তা ভাষায় ব্যক্ত করতে পারছি না। তোমার দেখে আমি অভিভূত হয়ে পড়েছি।”

সে-ও অত্যন্ত আন্তরিক আগ্রহে আমার করকম্পন করিতে করিতে বলিল, “তোমার দেখে আমিও ভারী খুসী হলাম। কপারফিল্ড, অত বাস্তব হয়ো না, ভাই।”

আমার পুনঃ পুনঃ চেষ্টাসত্ত্বেও, চোখের জল আমি রুদ্ধ করিতে পারি নাই। অশ্রুমার্জনা করিয়া আমি তাহার পার্শ্বে বসিলাম।

ষ্ট্রিয়ারফোর্থ বলিল, “এখানে তুমি এলে কি ক’রে বল ত?”

বলিলাম, “আজ ক্যান্টারবারীর গাড়ীতে এখানে এসেছি। আমার এক ঠাকুরমা আমার লালন-পালন করেন। লেখাপড়া শেষ ক’রে বেরিয়েছি। তুমি এখানে কি ক’রে এলে, ষ্ট্রিয়ারফোর্থ?”

সে বলিল, “আমি এখন অক্সফোর্ডের ছাত্র। এখন আমি মার কাছে যাচ্ছি। কপারফিল্ড, তুমি দেখতে চমৎকার হয়েছ। আগে যেমন ছিলে, তেমনি কাস্তিমান! একটুও বদল হয়নি!”

“আমি কিন্তু তোমার দেখবামাত্র চিন্তে পেয়েছি। তোমায় হঠাৎ ভোলা ত যায় না।”

ষ্ট্রিয়ারফোর্থ হাসিতে হাসিতে বলিল, “মা সহরের কিছু বাইরে থাকেন। রাস্তাটা তত ভাল নয়। তাই আজ রাত্রিটা এখানেই থেকে গেলুম। ৬ ঘণ্টার বেশী সহরে আমি পা দেইনি। থিয়েটারে গিয়ে খালি ঘুম পাচ্ছিল।”

আমি বলিলাম, “আমিও কভেন্ট গার্ডেন থিয়েটারে গিয়েছিলুম। চমৎকার অভিনয় দেখলাম।”

ষ্ট্রিয়ারফোর্থ হাসিতে লাগিল।

“ভেভি, তুমি এখনও তেমনি আছ। তাজা ছেলেটি। থিয়েটারে আমি ছিলাম, তবে অভিনয় আমার ভাল লাগেনি। হালো, ওহে, শোন!”

হোটেলের খানসামাকে লক্ষ্য করিয়া ষ্ট্রিয়ারফোর্থ শেষের কথাটা বলিল। খানসামা তাড়াতাড়ি সমস্তমে কাছে আসিল।

ষ্ট্রিয়ারফোর্থ বলিল, “আমার বন্ধু মিঃ কপারফিল্ডকে কত নম্বর ঘরে জায়গা ক’রে দিয়েছ?”

“আজ্ঞে, কি বলছেন?”

“ইনি কোন্ ঘরে শোবেন? কত নম্বরের ঘর? আমি কি বলছি, বুঝতে পাচ্ছ না?”

“আজ্ঞে, মিঃ কপারফিল্ড আপাততঃ ৪৪ নম্বর ঘরে আছেন।”

ষ্ট্রিয়ারফোর্থ বলিল, “তার মানে? মিঃ কপারফিল্ডকে আস্তাবলের উপরের ঘরে জায়গা দিলে কি ব’লে?”

ওয়েটার বলিল, “আমাদের আগে জানা ছিল না। উনিও তেমন আপত্তি কিছু করেন নি। এখন ওঁকে ৭২ নম্বরে জায়গা ক’রে দিতে পারি, মশায়! ঠিক আপনার পালের ঘরে; যদি তাতে আপত্তি না থাকে।”

“হাঁ, তাই ক’রে দাও গে। এখনই করা চাই।”

ওয়েটার তাড়াতাড়ি আদেশ পালন করিতে গেল। ষ্ট্রিয়ারফোর্থ সকালে তাহার ঘরে প্রাতরাশের জন্ত আমায় নিমন্ত্রণ করিল। আমি সাগ্রহে, সানন্দে সে নিমন্ত্রণ গ্রহণ করিলাম। অরেক রাত্রি হইয়াছিল। উভয়ে শয়ন করিতে গমন করিলাম। তাহার গৃহদ্বার হইতে রাত্রির মত বিদায়

লইলাম। এ ঘরটি চমৎকারভাবে সাজান। ছক্কেলনিউ কোমল শস্যায় শয়ন করিয়া নিদ্রিত হইয়া পড়িলাম। কত কি স্বপ্ন দেখিতে লাগিলাম। তাহার মধ্যে রোম নগর, ষ্ট্রিয়ারফোর্থ,—বন্ধু—কত বিষয়ের স্মৃতিস্বপ্ন দেখিলাম।

## বিংশ পরিচ্ছেদ

আটটার সময় কক্ষ-পরিচারিকা আমার কক্ষদ্বারে আঘাত করিল। সে আমায় জানাইয়া দিল—কোরকার্বোর উপযোগী উষ্ণ জল প্রস্তুত আছে। আমার উহাতে এখনও প্রয়োজন হয় নাই—এ জন্ত কিছু লজ্জিত হইলাম। সে-ও হয় ত এইরূপ একটা সন্দেহ করিয়া থাকিবে। যতক্ষণ বেশ-ভূষা করিতেছিলাম, ঐ সন্দেহ আমার মনে সঙ্কোচ জাগাইতেছিল। আমি তাড়াতাড়ি প্রাতরাশের জন্ত কক্ষ-ত্যাগ করিলাম। আমি যে এখনও প্রাপ্তবয়স্ক হই নাই, এই লজ্জাতেই আমার এমন সঙ্কোচ বোধ হইতেছিল। ওয়েটার আমাকে জানাইল, ভদ্রলোক আমার প্রতীক্ষা করিতেছেন।

একটি স্বতন্ত্র কক্ষে ষ্ট্রিয়ারফোর্থ আমার অপেক্ষায় ছিল। সেখানেই প্রাতরাশের ব্যবস্থা হইয়াছিল। আমি প্রথমে যতটা সঙ্কুচিত হইয়া পড়িয়াছিলাম, ষ্ট্রিয়ারফোর্থের সহজ ব্যবহারে তাহা ক্রমশঃ অন্তর্হিত হইল।

আমরা আহারে বসিলাম। ঘর খালি হইলে ষ্ট্রিয়ারফোর্থ বলিল, “কপারফিল্ড, এইবার বল ত, তুমি এখন কি করছ? এখন কোথায় চলেছ? সব কথা আমি জানতে চাই। তুমি যে আমার সম্পত্তি, এ কথাটা আমি সর্বদাই অনুভব ক’রে থাকি।”

আমি তখন ঠাকুরমার সমুদয় প্রস্তাবের কথা বলিলাম। এখন কোথায় যাইতেছি, তাহাও তাহাকে জানাইয়া দিলাম।

ষ্ট্রিয়ারফোর্থ বলিল, “তোমার যখন কোন তাড়াতাড়ি নেই, তখন আমার সঙ্গে হাইগেটে চল। সেখানে দু’এক দিন থাকা চলবে। আমার মা এতে খুসীই হবেন। অবশ্য আমার সম্বন্ধে মার একটু গর্ব আছে। গন্ত ভাবও আমার সম্বন্ধে দেখতে পাবে। কিন্তু সেটা তোমার ত্রুটি ব’লে মনে হবে না। তোমাকে পেলে তিনি খুসীই হবেন।”

আমি হাসিতে হাসিতে বলিলাম, “সেটা পরে দেখা যাবে, তাই।”

ষ্ট্রিয়ারফোর্থ বলিল, “যারা আমার পছন্দ করে, ভালবাসে, তাদের মার উপর একটা দাবী আছেই আছে।”

“তা হ’লে আমি তাঁর প্রীতি অর্জন করতে পারব।”

ষ্ট্রিয়ারফোর্থ বলিল, “বেশ। তুমি গিয়ে সেটা প্রমাণ ক’রে দাও। দু’এক বণ্টা পরে নতুন সিংহগুলি চিড়িয়াখানায় নিয়ে দেখে আসব। তার পর গাড়ী চ’ড়ে হাইগেট রওনা হওয়া যাবে।”

শিতামহীকে আমি সব খুলিয়া লিখিলাম। আমার বাল্যবন্ধু স্কুলের ছাত্রের সহিত অকস্মাৎ সাক্ষাৎ, তাহার গৃহে নিমন্ত্রণ, সব কথাই তাঁহাকে খুলিয়া লিখিয়া দিলাম। তার পর গাড়ী চড়িয়া সিংহ দেখিতে গেলাম। অনেক বিষয় ষ্টিয়ারফোর্থ আমায় বুঝাইয়া দিল। দেখিলাম, তাহার জ্ঞান-ভাণ্ডার অল্প নহে।

আমি বলিলাম, “ষ্টিয়ারফোর্থ, কলেজে তুমি উচ্চ উপাধি নেবে। তোমার বিদ্যাবৃত্তায় সকলে গর্ব অহুভব করবে।”

সে বলিল, “আমি উপাধি নেব! সে আমার দ্বারা হবে না! তোমাকে ডেজি ব’লে ডাকলে কি তুমি রাগ করবে?” “নিশ্চয় না।”

“খুব ভাল ছেলে তুমি। প্রিয় ডেজি! ও ভাবে আমার নাম কিন্বার কোন লোভ নেই। প্রয়োজন অনুযায়ী আমার সবই আমি পেয়েছি। এখন আমার সব ঘেন অসহ, ভারী বোধ হচ্ছে।”

আমি বলিয়া উঠিলাম, “কিন্তু যশঃ—”

বার্ধা দিয়া ষ্টিয়ারফোর্থ বলিল, “কল্পনাপ্রিয় ডেজি! যার যশের কামনা আছে, সে ডিগ্রী নিয়ে সুখী হোক। আমার ওতে দরকার নেই।”

আমি লজ্জিত হইয়া পড়িলাম। কথাটার মোড় বুঝাইয়া দিবার জন্ত আমি ব্যস্ত হইলাম। ষ্টিয়ারফোর্থ কোন কথা লইয়া বেশীক্ষণ মাথা ঘামায় না, আমি জানি। স্মরণে ইহাতে আমাকে বেগ পাইতে হইল না।

বাহা হউক, অবশেষে আমরা উভয়ে যথাসময়ে হাইগেট অভিমুখে যাত্রা করিলাম। সন্ধ্যার সময় আমাদের গাড়ী একটি পুরাতন অট্টালিকার সম্মুখে থামিল। একটি ছোট পাহাড়ের উপর বাড়ী। আমরা যখন গাড়ী হইতে নামিলাম, তখন এক জন প্রৌঢ়া মহিলা দ্বারপথে দাঁড়াইয়া ছিলেন। তাঁহার চেহারা সুন্দর, কিন্তু গর্ভিত। তিনি ষ্টিয়ারফোর্থকে আলিঙ্গনে বদ্ধ করিয়া বলিলেন, “বাবা জেমস!” ষ্টিয়ারফোর্থ তাহার মাতার সহিত আমার পরিচয় করাইয়া দিল। তিনি আমাকে সমাদরে গ্রহণ করিলেন।

বাড়ীটি পুরাতন এবং চমৎকার সাজান। সকল বিষয়ে একটা শৃঙ্খলা বিরাজিত। আমার জন্ত ঘর নির্দিষ্ট হইয়াছিল, তথা হইতে সমস্ত লণ্ডন সহরটিকে একটা বিরাট বাষ্প-স্তুপের মত অনুমিত হয়। শুধু মাঝে মাঝে আলোর ঝিকিমিকি দেখা যায়।

আর একটি মহিলাকে খাবার-ঘরে দেখিলাম। তাঁহার নাম মিস্ ডার্টল। ষ্টিয়ারফোর্থ এবং তাহার মাতা তাঁহাকে রোজা বলিয়াই ডাকিতেছিলেন। তাঁহার বয়স বোধ হয় ত্রিশ হইবে। তাঁহার মাথার কেশ কাল, চক্ষুযুগল কাল, এবং আগ্রহশীলিপূর্ণ। মহিলাটির ওষ্ঠে একটি দাগ দেখিলাম। শুনিলাম, এই মহিলাটি বহুদিন হইতে মিসেস্ ষ্টিয়ারফোর্থের সহচরীরূপে আছেন।

আহারের সময় কথার কথায় আমি বলিয়া ফেলিলাম যে, আমি সফোকে যাইব। ষ্টিয়ারফোর্থ যদি আমার সঙ্গে যাব, বড় আনন্দ লাভ করিব। আমার ধাতীকে আমি দেখিতে যাইতেছি। ষ্টিয়ারফোর্থকে বলিলাম, তাহার বোধ হয় স্মরণ আছে, মিস্ পেগটী স্কুলে আমার সহিত দেখা করিতে গিয়াছিল।

ষ্টিয়ারফোর্থ বলিল, “ও! সেই লোকটি। হাঁ, হাঁ, তার সঙ্গে তার ছেলে ছিল না?”

বলিলাম, “না, ছেলে নয়—ভাইপো। অবশ্য, নিজের ছেলের মতই তাকে মানুষ করেছে। তার একটি সুন্দরী ভাইবিকও আছে। তাকে নিজের মেয়ের মত লালন-পালন করে। তুমি তাদের দেখলে আনন্দ পাবে।”

“তাই না কি। আচ্ছা, দেখা যাক। তোমার সঙ্গে ভ্রমণে আমোদ ত আছেই, ডেজি। তা ছাড়া সে সব লোকের সঙ্গে অন্তরঙ্গভাবে মিশে দেখতে ইচ্ছে করে।”

আমার মন উৎফুল্ল হইল। কিন্তু মিস ডার্টল আমাদের কথা শুনিতেছিলেন। তিনি বলিয়া উঠিলেন, “সত্যি না কি? বল না সব কথা আমাকে। তারা কি রকম?”

ষ্টিয়ারফোর্থ বলিল, “তারা কি?”

তিনি বলিলেন, “সেই রকম লোক। তারা কি সত্যি জানোয়ার না আর কিছু? তাদের কথা জানতে এত ইচ্ছে হচ্ছে।”

ষ্টিয়ারফোর্থ উপেক্ষাভরে বলিল, “তাদের সঙ্গে আমাদের অনেক তফাৎ। আমাদের মত তাদের অত কল্পনাপ্রবণতা নেই। খুব ধার্মিক তারা, এ কথা অবশ্য বলব। কেউ কেউ হয় ত সে জন্ত তাদের প্রশংসা করবে, তাতে আমার আপত্তি নেই। কিন্তু তাদের স্বল্প অনুভূতিবোধ প্রবল নয়। তাদের গার চামড়াও পুরু, হঠাৎ তারা আহত হয় না।”

মিস ডার্টল বলিলেন, “বা, এমন কথা আগে ত শুনিনি। শুনে খুসী হলুম—তারা যখন কষ্ট পায়, তাদের সে অনুভূতি হয় না? এ রকম লোকের কথা শুনে আমি ভারী চঞ্চল হয়ে পড়ি। যাক, আপাততঃ তাদের কথা থাক। বেঁচে থাকলেই জ্ঞানলাভ হয়।”

ষ্টিয়ারফোর্থ মিস্ ডার্টলকে ক্ষেপাইবার জন্তই হয় ত ঐ কথা বলিয়াছিল বলিয়া আমার ধারণা হইয়াছিল। মিস্ ডার্টল চলিয়া গেলে, আমি ভাবিয়াছিলাম, ষ্টিয়ারফোর্থ সেই কথাই বলিবে। কিন্তু সে কথা না তুলিয়া সে জিজ্ঞাসা করিল, ঐ মহিলাটি সন্দেহে আমার কি ধারণা হইয়াছে?

আমি বলিলাম, “ভারী চালাক, তাই নয় কি?”

“চালাক! উনি সব কথা শাণ দিয়ে বলেন। নিজের শরীরটাকে শাণ দিয়ে দিয়ে ক’বছরে যেমন দাঁড় করিয়েছেন, কথাতে শাণ দিয়েও সবই ধারাল ক’রে তুলেছেন। তাঁর সবই তীক্ষ্ণধার।”



বলিলাম, “ওঁর ঠোঁটের উপর একটা হারী দাগ রয়েছে।”  
 ষ্টিয়ারফোর্থ মুখ নত করিয়া মুহূর্ত নীরব রহিল। তার  
 পর বলিল, “ও দাগ আমিই করে দিয়েছি। ওর জন্ম  
 আমি দায়ী।”

“হঠাৎ হয়ে গিয়েছিল না কি?”

“তা নয়। তখন আমার বয়স অল্প। উনি আমায়  
 বচনের খোঁচায় অস্থির করে তুলেছিলেন। আমি একটা  
 হাতুড়ি ওঁর দিকে ছুড়ে মেরেছিলাম। তখন আমার গুণের  
 ঘাট ছিল না।”

কথাটা তুলিয়া ভাল করি নাই বুঝিলাম। কিন্তু গতন্য  
 শোচনা নাস্তি। ষ্টিয়ারফোর্থ বলিল, “ঐ দাগ চিরদিন উনি  
 বহন করে এসেছেন। যত দিন বাঁচবেন, ও দাগ যাবে না।  
 কবর পর্যন্ত দাগ থেকে যাবে। আমার বাবার মামাত  
 ভাইয়ের মেয়ে—ওঁর মা ছিল না। বাবার ভাইটি মারা  
 যান। আমার মা তখন বিধবা। সঙ্গে রাখবার জন্ম মা ওঁকে  
 নিয়ে আসেন। ওঁর নিজের হাজার দুই তিন পাউণ্ড আছে।  
 প্রতি বছরের সুদ জমিয়ে আসল উনি বাড়িচ্ছেন। মিস্  
 বোজা ডার্টলের সব ইতিহাস তোমাকে জানিয়ে দিলাম।”

“আমার বোধ হয়, উনি তোমাকে ভাইয়ের মত  
 ভালবাসেন।”

অমিকুণ্ডের দিকে চাহিয়া ষ্টিয়ারফোর্থ বলিল, “হুম্!  
 কোন কোন ভাই বেশী ভালবাসা পায় না। কেউ কেউ  
 অবশ্য ভালবাসে—কিন্তু সে কথা থাক, কপারফিল্ড। আমি  
 খোলা মাঠের ডেজিফুলের মধুপান করব তোমার খাতিরে।  
 উপহার—তুমিতে যে নলিনী ফোটে, তারা পরিশ্রম করে না,  
 কিছুই করে না, সেটা আমারই জন্ম। এতে আমারই  
 লজ্জা।”

চা-পানের সময় মিস্ ডার্টলের ওষ্ঠের কতচক্রের দিকে  
 চাহিয়া দেখিলাম। তাঁহার আননের যে অংশে ঐ দাগ,  
 তাহা সহজেই দৃষ্টিগোচর হয়।

মিসেস্ ষ্টিয়ারফোর্থ পুত্রগতপ্রাণ। পুত্র ব্যতীত অল্প  
 কোনও বিষয়ে তাঁহার কথাও নাই, চিন্তাও নাই। তিনি  
 ষ্টিয়ারফোর্থের শৈশবের ছবি অমায় দেখাইলেন। নানা  
 বয়সের বিভিন্ন ফটোগ্রাফ তিনি লইয়াছেন। সেই ছবিগুলি  
 সর্বদা তাঁহার টেবলের চারিপাশে রক্ষিত থাকে।

“আমার ছেলে বলছিল যে, মিঃ ক্রিকেলের স্কুলেই  
 তোমার সঙ্গে তার প্রথম আলাপ-পরিচয় হয়। সে সময়  
 তোমার কথা সে বলেছিল বটে, কিন্তু নাম-টাম সব আমি  
 ভুলে গিয়েছিলুম।”

আমি বলিলাম, “সে সময় ষ্টিয়ারফোর্থ আমার পাশে  
 না দাঁড়ালে আমি টিকতেই পারতাম না। তার জন্মই আমি  
 চূর্ণ হয়ে যাইনি।”

ষ্টিয়ারফোর্থ-জননী বলিলেন, “ঐ রকম উদার ও মহৎ ও  
 বরাবরই।”

আমারও এই বিশ্বাস চিরদিনই আছে এবং থাকিবে।  
 আমি যে ষ্টিয়ারফোর্থকে অত্যন্ত ভালবাসি, শ্রদ্ধা করি, তাহার  
 মা সে কথা আমার ব্যবহারে বুঝিতে পারিয়াছিলেন।

তিনি বলিলেন, “ঐ স্কুলটা আমার ছেলের উপযুক্ত ছিল  
 না। তবে ঐ স্কুলে তাকে পড়তে দেবার একটা প্রয়োজন  
 বটেছিল। আমার ছেলের উচ্চ অঙ্ক:করণ যাতে উচ্চই থাকে,  
 এ জন্ম ঐ রকম এক জন লোকের কাছে তাকে রাখা দরকার  
 হয়েছিল। আমার ছেলে যে সব রকমে বড়, এ কথা ঐ  
 লোকটা বুঝত এবং মানত। মিঃ ক্রিকেল আমার ছেলের  
 কাছে নিশ্চিন্ত হয়ে যেত। সেই জন্মই ষ্টিয়ারফোর্থকে ঐখানে  
 পড়তে দিয়েছিলুম।”

আমি তাহা জানিতাম। সে জন্ম এখন লোকটাকে  
 আমি অনুকম্পাই করি। ষ্টিয়ারফোর্থের কাছে নত না  
 হইলে সে লোকটা অল্পের আরও অনেক অনিষ্ট করিত।

“আমার ছেলে সেখানে অপ্রতিভত-প্রভাবে থাকত।  
 তার কাজের উপর কারও কথা বলবার ছিল না। সে  
 সেখানে নিজেকে অপ্রতিদ্বন্দ্বী সম্রাট মনে করত।”

আমি সর্বাস্ত:করণে তাঁহার উক্তির প্রতিধ্বনি  
 করিলাম।

“সুতরাং আমার ছেলে আপনার মনেই পড়াশুনা করে  
 চলেছিল। বাধ্য-বাধকতা তার ছিল না। যখন যা খুসী,  
 সে তাই করত। আমার ছেলে আমাকে বলেছে, মিঃ  
 কপারফিল্ড, তুমি তার বড় অনুরক্ত ছিলে। কাল যখন দেখা  
 হয়েছিল, আনন্দে তুমি কেঁদে ফেলেছিলে। আমি তোমাকে  
 পেয়ে ভারী খুসী হয়েছি। সে তোমাকে অসাধারণ ভাল-  
 বাসে। তার উপর তুমি সম্পূর্ণ নির্ভর করতে পার।”

খেলায় ব্যস্ত থাকিলেও, মিস্ ডার্টল আমাদের  
 আলোচনার এক বর্ণও বাদ দেন নাই—তিনি কাণ পাতিয়া  
 সব কথাই শুনিতেন। মিসেস্ ষ্টিয়ারফোর্থ আমার  
 প্রতি বিশেষ প্রসন্ন, তাহাও তিনি লক্ষ্য করিয়াছিলেন।

অপরাহ্নে জলযোগের সময় ষ্টিয়ারফোর্থ বলিল যে, সে  
 আমার সহিত পল্লীভ্রমণে যাইবে কি না, সে সম্বন্ধে বিশেষ-  
 ভাবে বিবেচনা করিতেছে। তাড়াতাড়ি কিছু নাই। এক  
 সপ্তাহ পরে হইলেও চলিবে। তাহার মাতাও সেই কথাই  
 বলিলেন। আলোচনা-প্রসঙ্গে সে আমাকে একাধিকবার  
 ডেজি বলিয়া সম্বোধন করিল। ইহাতে মিস্ ডার্টল কথা  
 না কহিয়া পারিলেন না।

তিনি বলিলেন, “মিঃ কপারফিল্ড, ওটা কি আপনার  
 ডাক-নাম? ষ্টিয়ারফোর্থ ঐ নামে কেন আপনাকে ডাকে?  
 আপনি ছেলেমানুষ, এবং নিষ্কলঙ্ক বলেই কি আপনাকে ঐ  
 নামে ও ডাকতে শুরু করেছে? আমি ভাল বুঝতে  
 পারি না।”

উক্তর দিবসের সময় আমার মুখ-চোখ লাল হইয়া উঠিল।  
 বলিলাম, বোধ হয় তাই।

মিস্ ডার্টল বলিলেন, “বটে! তা’ হ’লে এখন জেনে সুখী হলাম! ও আপনাকে শিশু এবং নির্দোষ ভেবে থাকে। আর আপনিও তার বন্ধু। ভাল, ভাল, ভারী আনন্দের কথা।”

তিনি এই কথা শুনে পর শয়নকক্ষে চলিয়া গেলেন। মিসেস্ স্টিয়ারফোর্থও বিদায় লইলেন। আমি ও স্টিয়ারফোর্থ অধিকৃতের ধারে আরও আধঘণ্টা বসিয়া রহিলাম। ট্রাডেলস্-এর সম্বন্ধে আমাদের আলোচনা হইতে লাগিল। সঙ্গে সঙ্গে মালেম হার্ডসের অন্ত্যন্ত ছাত্রদিগের সম্বন্ধেও কথা উঠিল।

তার পর আমরা শয়ন করিতে গেলাম। স্টিয়ারফোর্থের পার্শ্বের কক্ষে আমার শয়নস্থান নির্দিষ্ট হইয়াছিল। ঘর উত্তমরূপে সুসজ্জিত। কত প্রকার আরাম-কেন্দারা, কোচ ঘরের মধ্যে বিস্তারিত। স্টিয়ারফোর্থের মাতার একখানি তৈলচিত্রও গৃহমধ্যে রহিয়াছে।

আমার শয়নকক্ষে তখনও বেশ আশ্রয় জলিতেছিল। চারিদিকে জানালা-দরজার উপর পর্দা টানান রহিয়াছে। আমি একখানি স্নুথসেব্য আসনে বসিয়া নিজের কথাই ভাবিতে লাগিলাম। সহসা মনে হইল, যেন মিস্ ডার্টলের মুক্তি আমার দিকে চাহিয়া রহিয়াছে।

সেখানি একটি তৈলচিত্র। তবে তাহাতে ওষ্ঠের উপর ক্ষতচিহ্ন নাই। কিন্তু কল্পনামতে আমি ক্ষতচিহ্ন অঙ্কিত করিয়া দেখিতে লাগিলাম। আহারের সময় সেই চিহ্ন কিরূপ গভীর, তাহাও প্রত্যক্ষ করিয়াছি।

ভাবিলাম, এ ঘরে মিস্ ডার্টলের ছবিখানি না থাকিলেই ভাল হইত। আমি ও দৃশ্য দেখিতে চাহি না। তাড়াতাড়ি আমি কাপড়চোপড় খুলিয়া শয়নের বেশ পরিধান করিলাম। আলো নিভাইয়া দিয়া আমি শয়ন দেখি বিছাইয়া দিলাম।

কিন্তু নিদ্রাঘোরেও আমি তাঁহার হাত এড়াইতে পারিলাম না। আমার মনে হইল, তিনি ঠিক নির্দিষ্ট স্থানে দাঁড়াইয়া আমার দিকে চাহিয়া রহিয়াছেন। যেন বলিতেছেন, “তাই না কি! সত্যি?”

রাত্রিতে আমার বারকয়েক ঘুম ভাঙিয়া গেল। আমি যেন কত লোককে ঐ প্রকার প্রশ্ন জিজ্ঞাসা করিতেছিলাম। কোন অর্থবোধ হয় না, এমন অনেক কথাও আমি নিদ্রাঘোরে উচ্চারণ করিয়া ফেলিয়াছিলাম।

### একবিংশ পরিচ্ছেদ

স্টিয়ারফোর্থের বাড়ীতে একটি পরিচারককে দেখিলাম। সে প্রায়ই স্টিয়ারফোর্থের সঙ্গে থাকে। বিশ্ববিদ্যালয়েই সে স্টিয়ারফোর্থের কাজে লাগিয়াছে। আকৃতিতে সে বেশ সজ্জ। আমার মনে হইল, পরিচারকগণের মধ্যে সাধারণতঃ একরূপ ভদ্রভাবের লোক বড় একটা দেখা যায় না। লোকটা কথা

কম কহে। অতি নিঃশব্দে চলাফেরা করে। প্রকৃতিতে অত্যন্ত শাস্ত। ডাকিবামাত্র তাহাকে কাছে পাওয়া যায়। কিন্তু যখন প্রয়োজন থাকে না, তখন কাছে আসে না। তাহার আচরণ বাহ্যতঃ এমনই ভদ্রতার ছোতক যে, সে কোনও অন্তায় কাজ করিতে পারে, ইহা কল্পনাও করা যায় না। তাহার অঙ্গে চাপরাস আঁটিয়া দিবার উপায় নাই, এমনই সম্ভ্রান্ত আচরণ তাহার ব্যবহারে পরিষ্কৃত হইয়া থাকে।

এরূপ আত্মসর্বস্ব লোক আমি পূর্বে দেখি নাই। কেহ তাহার পুরানাম জানিত না। লিটিমার বলিয়া সকলে তাহাকে ডাকিত। তাহার বয়স কত, তাহা নির্ধারণ করা কঠিন। পঞ্চাশও হইতে পারে, আবার ত্রিশ বৎসর বলিলেও অসম্ভব হয় না।

আমার নিদ্রাভঙ্গের সঙ্গেই দেখিলাম, লিটিমার আমার কক্ষমধ্যে দাঁড়াইয়া আমার কোট কাড়িতেছে। আমি সুপ্রভাত জানাইয়া জিজ্ঞাসা করিলাম, বেলা কত? সে তাহার ঘড়ী খুলিয়া দেখিয়া জানাইল, বেলা সাড়ে আটটা বাজিয়াছে।

তার পর মৃদুস্বরে বলিল, “মিঃ স্টিয়ারফোর্থ জামতে চেয়েছেন, কাল রাত্রে আপনার ঘুম হয়েছিল কি না।”

“ধন্যবাদ, তাঁকে বলো গিয়ে, আমি খুব ঘুমিয়েছি। মিঃ স্টিয়ারফোর্থ ভাল আছেন ত?”

সে স্বভাবসিদ্ধ শাস্তকণ্ঠে বলিল, “ধন্যবাদ, মিঃ স্টিয়ারফোর্থ এক রকম ভালই আছেন।”

তার পর একটু নীরবে থাকিয়া সে আবার বলিল, “শ্রী, আপনার আর কোন দরকার আছে কি? ৯টার সময় ঘণ্টা বাজবে—সাড়ে নয়টার প্রাতরাশের সময়।”

“বেশ! আমার আর কিছু প্রয়োজন নেই।”

সে ধন্যবাদ জানাইয়া কক্ষ ত্যাগ করিল।

প্রত্যেক দিন সকালবেলা ঠিক এই কথাই আমার মনে মধ্যে হইত, বেশীও নহে, কমও নহে।

আমাদের জন্ম ঘোড়া আসিল। স্টিয়ারফোর্থ সকল বিষয়েই দড় ছিল। সে আমাকে অস্বাভাবিক-বিজ্ঞা শিখাইল। তরবারি-চালনা, যুষ্টিযুদ্ধ, ইহাও আমাকে শিখাইতে লাগিল। তবে লিটিমারের সম্মুখে আমার নৈপুণ্যের অভাব প্রকাশ করিতে চাহিতাম না।

এক সপ্তাহ পরমানন্দে চলিয়া গেল। এই সময়ের মধ্যে স্টিয়ারফোর্থ সম্বন্ধে আমি আরও অনেক জ্ঞান লাভ করিলাম। সে যে আমাকে কত ভালবাসে, তাহার পরিচয়ও পাইতে লাগিলাম। আমিই তাহার জীবনের সর্বশ্রেষ্ঠ বন্ধু। এ কথা জানিয়া আমারও মনে আনন্দ রাখিবার স্থান হইল না।

স্টিয়ারফোর্থ আমার সঙ্গে পল্লী অঞ্চলে বাইবে, ইহা স্থির হইল। যে দিন আমরা বাইবে, সেই নির্দিষ্ট দিনও উপস্থিত হইল। লিটিমারকে সঙ্গে লইবে কি না, তাহা প্রথমতঃ সে

স্থির করিতে পারে নাই। অবশেষে তাহাকে ফেলিয়া যাওয়াই সে সঙ্গত মনে করিল। সে সকল বিষয়েই সন্তুষ্ট থাকিত। তাহার যাওয়া হইবে না জানিয়াও সে প্রসন্নভাবে আমাদের পোর্টমেন্ট গুছাইয়া গুছাইয়া গাড়ীতে তুলিয়া দিল। আমি যে সামান্য বক্শিস দিলাম, তাহা গ্রহণেও সে ইতস্ততঃ করিল না।

মিসেস্ টিয়ারফোর্থ এবং মিস্ ডার্টলের নিকট বিদায় লইয়া যাত্রা করিলাম। যথাসময়ে আমরা ইয়ারমাউথে আসিয়া একটি হোটেলে উঠিলাম। ভোরে গাত্রোথান করিয়া দেখিলাম, টিয়ারফোর্থ সমুদ্রতটে বেড়াইতেছে। ইতিমধ্যেই সে অর্ধডজন নৌকাজীবীর সহিত আলাপ করিয়া ফেলিয়াছে। দূরে মিঃ পেগটার নৌকা-ভবন দেখা যাইতেছিল। অনুমানে সে বুদ্ধিয়াছিল, উহাই সেই প্রসিদ্ধ ভবন।

সে বলিল, “কখন তুমি ওদের সঙ্গে আমার আলাপ করিয়ে দেবে, ডেভি? যখন তুমি বলবে, আমি রাজি। এখন বন্দোবস্তের ভার তোমার উপর।”

আমি বলিলাম, “আমি ভাবছিলাম, আজ অপরাহ্নে আলাপ-পরিচয় করিয়ে দেব, টিয়ারফোর্থ। সেই সময় সকলেই বাড়ী থাকবে। জায়গাটা এমন সুন্দর, তুমি গেলেই বুঝতে পারবে।”

টিয়ারফোর্থ বলিল, “বেশ, তাই হবে। আজ সন্ধ্যার পরই স্থির রইল।”

আমি সানন্দে বলিলাম, “আগে ওদের আমি খবর দেব না যে, আমরা এসেছি। আমরা ওদের চমকে দিতে চাই।”

টিয়ারফোর্থ বলিল, “সে ত ঠিক কথাই। চমকে দিতে না পারলে মজা আর কি হ'ল। দেশীদিগকে তাদের আদিম অবস্থায় দেখাই ভাল।”

আমি বলিলাম, “ভারা ঐ রকমের লোক, এ কথা আগেই তুমি বলেছ।”

তীক্ষ্ণ ও চকিত দৃষ্টিপাত করিয়া সে বলিল, “ওহো! বোজার সঙ্গে আমার ঝগড়ার সেই কথাটা বুঝি তুমি মনে করে রেখেছ? ওর কথা ছেড়ে দাও। ওকে আমি সত্যি ভয় করি। কিন্তু ওর কথা ছেড়ে দাও। যাক, এখন তুমি করবে কি? তোমার ধাত্রীর সঙ্গে দেখা করবে ত?”

“নিশ্চয়, আগে পেগটার সঙ্গে দেখা করব।”

টিয়ারফোর্থ ঘড়ীর দিকে চাহিয়া বলিল, “ধর, যদি ঘণ্টা-দুই ধরে তোমাদের কান্নার পালা চলে। তাতে হবে ত?”

হাসিতে হাসিতে আমি বলিলাম যে, ঐ সময়ের মধ্যে আমাদের পালা দাঁড় হইয়া যাইবে। কিন্তু তাহাকে আমার সঙ্গে বাইতে হইবে। কারণ, তাহার গুণের খ্যাতি তাহার অনেক আগেই পৌছিয়াছে এবং আমার জায়গায় সে তাহাদের কাছে মহা দানবীর অস্তিত্ব।

টিয়ারফোর্থ বলিল, “তুমি যেখানে বলবে, সেখানে যাব, যা করতে বলবে, তাই করবো। বল, কোথায় যেতে হবে। ঘণ্টার মধ্যে আমাকে যে রকম ভাধে কাজ করতে বলবে, তাই করব—ভাবপ্রকাশই বল, আর হাঙ্গরন উল্লেখ করতেই বল, সবই করতে রাজি।”

আমি মিঃ বার্কিসের বাসভবনের খুঁটি-মাটি বর্ণনা দিলাম। সে নিশ্চয়ই বাড়ী খুঁজিয়া লইতে পারিবে বুঝিয়া আমি একা অগ্রে গেলাম। সমুদ্র তখন উদার, আকাশ মেঘলেশহীন, বাতাস মধুর, ক্রমী আর্দ্রতাহীন—শুষ্ক। সূর্য্যের প্রদীপ্ত আলোকে চরাচর পূর্ণ। সবই যেন সতেজ ও সুন্দর যনে হইতেছিল। আমার নিজের মনে উৎসাহের অস্ত ছিল না।

পথগুলি ছোট বোধ হইতেছিল। বাল্যকালে যে সকল পথ দেখা যায়, বড় হইলে তাহা ছোট দেখায়। কিন্তু পথের কোন স্থানই আমি ভুলি নাই। ক্রমে মিঃ ওমারের দোকানে আসিলাম। এখন উপরে লেখা—ওমার ও জোরাম।

চলিতে চলিতে সহসা আমার পা দরজার গোড়ায় থামিয়া গেল। কৌতূহলভরে ভিতরে চাহিয়া দেখিলাম। দোকানের পশ্চাতের দিকে এক নারী-মূর্ত্তি দেখিলাম—সুন্দরী নারী। একটি শিশুকে সে ক্রোড়ে করিয়া নাচাইতেছে আর একটি তাহার পরিধেয়প্রাপ্ত ধারণ করিয়া রহিয়াছে। দেখিবামাত্র চিনিলাম, সে মিলি এবং উহার মিলির সন্তান-সন্ততি।

দরজা খুলিয়া আমি ভিতরে প্রবেশ করিলাম। জিজ্ঞাসা করিলাম, “মিঃ ওমার আছেন? যদি থাকেন, একবার তাঁর সঙ্গে দেখা করতে হবে।”

মিলি বলিল, “হাঁ, সার, তিনি বাড়ী আছেন। কানরোগে এ সময় বাইরে যাওয়া চলে না। জো, তোমার দাড়কে ডেকে দাও ত।”

শিশু চীৎকার করিতে লাগিল। খানিক পরে ভারী পদশব্দ শুনিতে পাইলাম। একটু পরেই মিঃ ওমার সেই ঘরে আসিলেন। পূর্বাপেক্ষা তিনি যেন দেখিতে একটু খর্ব হইয়া পড়িয়াছেন। কিন্তু বেশী বৃদ্ধা তিনি হন নাই।

তিনি বলিলেন, “কি আদেশ আপনার, হুকুম করুন, দাস হাজির।”

বলিলাম, “আপনি আমার সহিত করকম্পন করুন, মিঃ ওমার। এক সময়ে আপনি আমার প্রতি ভারী সদয় ব্যবহার করেছিলেন। সে জন্ত আমার কৃতজ্ঞতা প্রকাশ করা উচিত।”

আমি হাত বাড়াইয়া দিলাম।

বৃদ্ধ বলিলেন, “তাই না কি? শুনে সুখী হলাম। কিন্তু কবে কোন সময়ে, তাও মনে হচ্ছে না। ঠিক বলছেন, সে আমি ত?”



বলিলাম, “নিশ্চয় আপনি।”

মিঃ ওমার বলিলেন, আমার স্বরণ-শক্তি আমার শ্বাস-প্রশ্বাসের স্তায় কৰ্মে গেছে। আমি আপনাকে চিন্তেই পারছি না।”

“চিন্তে পারছেন না? আপনি আমার সঙ্গে দেখা করবার জন্য গাড়ী নিয়ে গিয়েছিলেন। এখানে আমাকে প্রাতরাশ খেতে বলেছিলেন। তার পর আপনি, আমি, মিসেস জোরাম, মিঃ জোরাম—অবশ্য তখন তাঁদের বিয়ে হয়নি, একসঙ্গে রানডারষ্টোনে গিয়েছিলাম, মনে নেই?”

মিঃ জোরাম বিস্মিত হইয়া বলিলেন, “সত্যি কথাই ত! সব এখন মনে পড়েছে। মিলি, তোমার মনে হচ্ছে না? হাঁ, হাঁ, এক জন মহিলার মৃত্যু হয়েছিল।”

আমি বলিলাম, “তিনি আমার মাতা।”

মিঃ ওমার বলিলেন, “ঠিক কথা। একটা ছোট ছেলেও ছিল। ছেলেটিকে তার মার সঙ্গেই কবর দিতে হয়েছিল। সব কথা মনে পড়েছে। এখন আপনি কেমন আছেন?”

বলিলাম যে, আমি ভালই আছি। তিনি ভাল আছেন কি না জিজ্ঞাসা করিলাম।

মিঃ ওমার বলিলেন, “অভিযোগ করবার কিছু নেই। আমার শ্বাসপ্রশ্বাস ছোট হয়ে আসছে, বৃদ্ধিতে পারছি; কিন্তু তাতে দুঃখপ্রকাশ ক’রে লাভ নেই। তাই ভাল নয় কি?”

অত্যাচার আলাপের পর মিঃ ওমার আমাকে জলযোগের জন্য অনুরোধ করিলেন।

আমি ধন্যবাদ সহকারে প্রত্যাখ্যান করিলাম।

মিঃ ওমার বলিলেন, “গাড়ী-ওয়ালার বার্কিসের স্ত্রী হচ্ছে, নৌকাওয়ালার পেগটার বোন। এই বোনটি আপনাদের বাড়ীতে চাকরী করত না?”

আমি স্বীকার করিলে মিঃ ওমার ভারী আনন্দলাভ করিলেন। তিনি বলিলেন, “তা হলে স্বরণশক্তি আমার আছে, লোপ পায়নি। এবার আমার নিশ্বাস ভাল হবে। ভাল, মার, ঐ পেগটার এক নিকট-আত্মীয় এখানে কাজ শিখছে। তার চমৎকার পছন্দ। পোষাক তৈরী করায় তার বেশ দখল আছে। আমার মনে হয়, ইংলণ্ডের কোন ডচেসেরও তার মত পছন্দ নেই।”

আমি বলিয়া উঠিলাম, “এমিলি নয় ত?”

“হাঁ, তার নাম এমিলি। সে দেখতেও ছোট। কিন্তু বিশ্বাস করুন, তার এমন চমৎকার মুখ যে, সহরের অর্ধেক মেয়েমানুষ এই বালিকার সৌন্দর্য্যে তার ওপর খান্না হয়ে আছে।”

মিলি বলিয়া উঠিল, “কিন্তু তা বকছ, বাবা!”

মিঃ ওমার বলিলেন, “আমি তোমার কথা বলছি না, মা। কিন্তু আমি এই কথাই বলতে চাই যে, সহরের আধা-সংখ্যক মেয়েমানুষের তার উপর আক্রোশ। এমন সুন্দর তার মুখ।”

মিলি বলিল, “তা হ’লে তার উচিত ছিল, নিজের জাত-ব্যবসা নিয়ে থাকা। তা হ’লে সহরের লোক তার কথা নিয়ে নাড়া-চাড়া করত না।”

মিঃ ওমার বলিলেন, “তার কথা আলোচনা করত না? এই কি তোমার নিজের জীবনের অভিজ্ঞতা না কি? কোন মেয়েছেলের চেহারা দেখতে ভাল হলে, সে যে কাজই করুক না কেন, অল্প মেয়েমানুষ তার সম্বন্ধে করতে না পারে, এমন কাজই নেই।”

মিঃ ওমার ভীষণ কাসিতে লাগিলেন। তার পর কিছু সুস্থির হইলে, তাঁহাকে আসনে বসাইয়া দেওয়া হইল।

খানিক পরে মিঃ ওমার বলিলেন, “দেখুন আপনি, এখানে সে কারও সঙ্গে মেশে না। কারও সঙ্গে তার গলা-গলি ভাবও নেই। প্রণয়ীর কথা ত দূরে থাকুক। কিন্তু তবু দেখুন, একটা কথা রটে গেছে যে, সে ভদ্রমহিলা হ’তে চায়। কথাটা এই যে, স্কুলে পড়বার সময় এমিলি কথায় কথায় ব’লে ফেলেছিল যে, সে যদি ভদ্রমহিলা হ’তে পারত, তা হ’লে সে তার জ্যেষ্ঠামহাশয়ের সম্বন্ধে একটা কিছু করত। তাঁকে পছন্দমত পোষাক কিনে দিত।”

আমি আগ্রহভরে বলিলাম, “আমরা যখন ছেলেমানুষ ছিলাম, তখন এমিলি আমারই কাছে ঐ রকম অভিপ্রায় প্রকাশ করেছিল।”

মিঃ ওমার মাথা নাড়িয়া চিবুকে হস্তাবমর্ষণ করিয়া বলিলেন, “ঠিক কথা। সামান্য বসন-ভূষণে সে এমন সাজগোজ করতে পারে যে, অনেকে বেশী বসন-ভূষণেও তা পারে না। কাজেই অল্প মেয়েদের তাতে চোখ টাটায়। তা ছাড়া সে একটু খামখেয়ালী-গোছের। আমি নিজে যেমন, সেই রকম। অর্থাৎ সে তার নিজের মনের কথা কি, তাই জানে না। নিজেকে বেঁধে রাখতে পারে না। মিলি, এর বেশী তার বিরুদ্ধে কিছু বলবার নেই বোধ হয়?”

মিসেস জোরাম বলিল, “না, বাবা! কিন্তু ঐটেই ত খারাপ।”

মিঃ ওমার বলিলেন, “তার পর যখন সে কাজ পেলে, এক খেয়ালী বৃদ্ধা মহিলার সঙ্গে থাকে তার কাজ হলো। কিন্তু দুজনে বনল না। এমিলি সেখান থেকে চ’লে এল। তার পর আমাদের এখানে বছর-তিনেক শিক্ষানবিশী করছে। ছবছর শেষ হয়ে গেছে। সে ভারী চমৎকার মেয়ে, ৬ জনের কাজ একা সে করে। কেমন নয়, মিলি?”

মিলি বলিল, “হাঁ, বাবা! আমি তার গুণের ধর্ম্মতা করতে চাই না।”

তাহারা বেরূপ নিঃশব্দে কথা বলিতেছিল, তাহাতে আমার বোধ হইল, এমিলি নিকটে কোথাও আছে। জিজ্ঞাসা করিতে মিঃ ওমার বৈষ্ণবকথানাথর দেখাইয়া দিলেন। জিজ্ঞাসা করিলাম, আমি সেখানে বাইতে পারি কি না। তাহাতে অনুমোদন পাইলাম। কাচ-বাতায়নের

মধ্য দিয়া আমি দেখিলাম, এমিলি কাজে নিযুক্ত রহিয়াছে। কি সুন্দরই তাহার চেহারা। নীল নরন মেঘলেশশূল, হাস্যময়। মিলির আর একটি সন্ধানের উপর তাহা স্তম্ভ। সে শিশুটি খেলা করিতেছিল।

মিঃ ওয়ার বলিলেন, “ভেতরে যাবেন না? ওর সঙ্গে কথা বলবেন ত? আসুন। আপনার নিজের বাড়ী বলেই মনে করুন।”

আমি তখনই এমিলির সহিত দেখা করিতে রাজি ছিলাম না। পাছে সে গোলমালে পড়িয়া যায়, আমার নিজেরও মনে গোল বাধিয়াছিল। সন্ধ্যার পর সকলের সহিত একসঙ্গে দেখা হইবে, সেই ভাল। মিঃ ওয়ার, তাহার সুন্দরী কন্যা, এবং ছোট ছোট দৌহিত্র দৌহিত্রীদিগের মিকট বিদায় লইয়া আমি পেগটীর সন্ধানে চলিলাম।

পেগটী রন্ধনশালায় রন্ধনকার্যে নিযুক্ত ছিল। দরজায় না দিতেই সে দ্বার খুলিয়া দিল। আমাকে জিজ্ঞাসা করিল, কি প্রয়োজন? আমি হাসিয়া তাহার দিকে চাহিলাম। কিন্তু সে আমাকে দেখিয়া হাসিল না। আমি তাহাকে পত্র লিখিতে কোন দিন বিলম্ব করি নাই; কিন্তু মাত বৎসর দেখা-সাক্ষাৎ ত নাই।

যেন ঈর্ষ কৰ্কশভাবে বলিলাম, “মিঃ বার্কিস্ বাড়ী আছেন কি, ম্যাডাম?”

পেগটী বলিল, “হাঁ, তিনি বাড়ী আছেন, মশাই। কিন্তু বাতে একবারে শয্যাশায়ী।”

জিজ্ঞাসা করিলাম, “এখন কি ব্লনডারষ্টোনে তিনি যান না?”

“ভাল থাকলে যান বৈ কি?”

“মিসেস্ বার্কিস্, তুমি কি সেখানে গিয়ে থাক?”

সে আমার দিকে নিবিষ্টভাবে দেখিতে লাগিল। তাহার হুই বাহু পরস্পরের দিকে দ্রুততর আন্দোলিত হইল দেখিলাম।

বলিলাম, “সেখানকার একটা বাড়ীর কথা তোমাকে জিজ্ঞাসা করতে চাই। বাড়ীটার নাম—কি যেন ভাল—হাঁ, কুকারী।” এক পা পিছাইয়া গিয়া, ভীতভাবে সে যেন আমাকে এড়াইতে চাহিল।

চীৎকার করিয়া বলিলাম, “পেগটী!”

সেও কাঁদিয়া উঠিল,—“আমার বাহা!”

তার পর পরস্পর পরস্পরের বাহুর মধ্যে লগ্ন হইয়া কাঁদিতে লাগিলাম।

পেগটী আমাকে পাইয়া কি যে করিবে, তাহা যেন ভাবিয়া পাইল না। সে কখনও কাঁদিতে লাগিল, কখনও অত্যধিক হাসিতে লাগিল। কত আনন্দ, কত গর্ভই যে আমাকে লইয়া প্রকাশ করিতে লাগিল, তাহা বলিয়া কল্প করা যায় না। মাঝে মাঝে সে আমাকে আলিঙ্গনে বদ্ধ করিতে লাগিল। মনে হইল, আমার বাল্যকাল যেন

ফিরিয়া আসিয়াছে। আজ আমি যেমন অসঙ্কোচে হাস্ত ও ক্রন্দন করিলাম, সমগ্র জীবনে আমি তেমন খোলা-প্রাণে কখনও হাসি নাই। এমন মন ভরিয়া কাঁদি নাই।

পেগটী বলিল, “বার্কিস্ এত খুসী হইবে—তোমায় দেখলে এত আনন্দ পাবে!” বলিতে বলিতে সে চোখের জল বসন-প্রান্তে মুছিয়া ফেলিল। “দেখ্বে, এতে তার অধুধের কাজ করবে। আমি গিয়ে তাকে বলে আসি? তুমি ওপরে গিয়ে তাকে দেখে আসবে?”

নিশ্চয়ই। কিন্তু পেগটী আমাকে ছাড়িয়া সে ঘর ত্যাগ করিতে পারল না। একবার অগ্রসর হয়, আবার ফিরিয়া আসে, আবার আমার স্কন্ধে মুখ রাখিয়া কাঁদিয়া উঠে। এমনই ভাবে চলিতে লাগিল। অবশেষে কাজের সুবিধার জন্ত আমিও তাহার সঙ্গে চলিলাম। এক মিনিট ঘরের বাহিরে দাঁড়াইবার পর সে আমাকে ভিতরে লইয়া গেল।

বার্কিস্ আমাকে বিশেষ উৎসাহে অভ্যর্থনা করিল। তাহার এত বাতের ব্যথা বাড়িয়াছিল যে, তাহার সঙ্গে করকম্পন করা গেল না। তাহার শয্যাপ্রান্তে বসিলাম। সে বলিল, সে যেন আমাকে ব্লনডারষ্টোনের পথে গাড়ী হাঁকাইয়া লইয়া যাইতেছে। এমনই উৎসাহ অসুভব করিতেছে।

সে বলিল, “গাড়ীতে আমি কি নাম লিখেছিলুম, মশাই?”

“হ্যাঁ, মিঃ বার্কিস্, সে সময় তোমার সঙ্গে আমার কত গভীর আলোচনাই না হইয়াছিল।”

মিঃ বার্কিস্ বলিল, “আমি অনেক দিন ধরেই ইচ্ছুক ছিলাম।”

“হ্যাঁ, বহু দিন ধরেই ছিলে বটে।”

বার্কিস্ বলিল, “সে জন্ত আমার কখনও ক্ষোভ করতে হয়নি। সে সময় রান্নার কথা তুমি আমাকে কি বলেছিলে?”

“নিশ্চয়ই সে কথা আমার মনে আছে।”

“সে কথা কত খাঁটি, তার পরিচয় এখন পাচ্ছি। তবে আমি গরীব লোক, রোগে প’ড়ে আছি। রোজগার নেই—বড় গরীব আমি।”

বলিলাম, “মিঃ বার্কিস্, তোমার এ কথা শুনে বড় কষ্ট পেলাম।”

“ভারী গরীব আমি, সার।”

তার পর ধীরে ধীরে সে তাহার দক্ষিণ হস্ত লেপের মধ্য হইতে বাহির করিল। শয্যার পার্শ্বেই একখানা যষ্টি আলগা-ভাবে সংলগ্ন ছিল। উহাতে আস্তে আস্তে যা দিয়া বার্কিস্ একটা বাক্সের প্রান্তদেশে উহার অগ্রভাগ স্পর্শ করিল।

বার্কিস্ বলিল, “পুরোনো কাপড় চোপড় ঐ বাক্সে আছে।”

আমি বলিলাম, “ও!”

বার্কিস্ বলিল, “আমার ইচ্ছে, যদি কাপড়ের বদলে সব টাকা-বোঝাই থাকত!”

বলিলাম, “তা হ’লে ত ভালই হ’ত।”

“কিন্তু তা ত নয়, সার।”

তাহার দুই চকু সম্পূর্ণ বিস্তারিত হইল। তার পর জীর দিকে ফিরিয়া বলিল, “ওর মত মেয়ে-মানুষ আমি দেখিনি। এত কাজের লোক দেখা যায় না। প্রশংসার ভাষা খুঁজে পাই না। প্রিয়তমে, আজ একটা ভোজের আয়োজন কর। ভাল খাওয়া, ভাল পানীয় জিনিষের যোগাড় আজ চাই।”

আমার সম্মানের জন্ত একরূপ ব্যাপারে আপত্তি আমি করিতাম। কিন্তু পেগটীর দিকে চাহিয়া দেখিয়া বলিলাম যে, আমি কোন প্রকার আপত্তি করি, ইহা তাহার আদৌ ইচ্ছা নহে। সুতরাং, কোন কথা আমি বলিলাম না।

বার্কিস্ বলিল, “কিছু টাকা এখানেই কোথায় আছে। তবে এখন আমি একটু শ্রান্ত হয়ে পড়েছি। তুমি মিঃ ডেভিডকে নিয়ে একটু বাইরে যাও, প্রিয়তমে। আমি একটু ঘুমিয়ে নেব। সামান্য একটু, তার পর জেগে উঠে টাকাটা খুঁজে দেখব।”

আমরা বাহিরে আসিতেই পেগটী আমাকে বলিল যে, টাকা বাহির করিবার প্রয়োজন হইলেই বার্কিস্ এই উপায় অবলম্বন করে। ইহাতে তাহাকে কষ্ট পাইতে হয়—হামা-গুড়ি দিয়া বাক্স খুলিতে হয়, তাহাতে যন্ত্রণা বাড়ে, কিন্তু ইহা তাহার সখ। বার্কিসের কাতরোক্তি আমার কাণে আসিতে লাগিল। ইহা শুনিয়া পেগটীর নয়ন অশ্রুকম্পা-সজল হইল; কিন্তু সে বলিল যে, ইহাতে বার্কিসের উপকার হইবে। এজন্ত পেগটী তাহার কাজে বাধা দেয় নাই। বার্কিসের গোষ্ঠানী অনেকক্ষণ ধরিয়া শুনিলাম। তার পর সে আমাদিগকে আহ্বান করিল। যেন এইমাত্র ঘুম ভাঙ্গিয়া উঠিয়াছে। সে পেগটীর হাতে একখানি গিনি প্রদান করিল। উহা সে তাহার বালিশের তলদেশ হইতে বাহির করিয়া দিল। বড় কালো বাক্সটায় যে টাকা আছে, ইহা গোপন রাখিতে পারাতেই তাহার আনন্দ।

আমি পেগটীকে ষ্টিয়ারফোর্থের আগমনের জন্ত প্রস্তুত থাকিতে বলিলাম। অল্পক্ষণ পরেই সে আসিল। পেগটী তাহাকে আমারই মত আদর-যত্ন করিয়া অভ্যর্থনা করিল। পাঁচ মিনিটের মধ্যেই ষ্টিয়ারফোর্থ পেগটীর মন অধিকার করিয়া বলিল—এমন সহজ, সরল অনাড়ম্বর আত্মীয়তার ভাব ষ্টিয়ারফোর্থ প্রকাশ করিল যে, তাহাতে যে কোনও মানুষ মুগ্ধ হইয়া পড়ে। মিঃ বার্কিসের ঘরে গিয়া ষ্টিয়ারফোর্থ তাহার সঙ্গে আলাপ করিয়া আসিল। নিজের ঘর-বাড়ীর মত সে ব্যবহার করিতে লাগিল।

ছোট বৈঠকখানা-ঘরে আমরা পরমানন্দে কাটাইতে লাগিলাম। পেগটী বলিল, আমার জন্ত নির্দিষ্ট ঘরটি প্রস্তুত আছে, সেখানে আমি স্নানান্তে শয়ন করিব, ইহাই তাহার ইচ্ছা। আমি ইতস্ততঃ করিতেছি দেখিয়া ষ্টিয়ারফোর্থ

নিজেই বলিল, “যে ক’দিন এখানে থাকব, তুমি এখানেই শোবে, কপারফিল্ড। আমি হোটেলেরে থাকব।”

আমি বলিলাম, “তোমাকে এত দূরে নিয়ে এসে, তার পর এমন আলাদা আলাদা থাকা, মেটা ত বন্ধুত্বের নিদর্শন হয় না, ষ্টিয়ারফোর্থ।”

ষ্টিয়ারফোর্থ বলিল, “তুমি এখানে থাকবে, এটা প্রকৃতি-গত-ব্যাপার। এ ব্যাপারে অণু কোন কিছুই খাটে না। ওটা স্থির হয়ে গেছে। তুমি এখানেই থাকবে।”

রাত্রি ৮টার সময় আমরা মিঃ পেগটীর নৌ-ভবনের উদ্দেশে যাত্রা করিলাম। ষ্টিয়ারফোর্থ এ যাবৎ যেরূপ ব্যবহার করিয়াছে, তাহাতে তাহার অন্তর্নিহিত সদৃশেরই প্রকাশ দেখিয়াছি। ষ্টিয়ারফোর্থ যে আগাগোড়া অভিনয় করিয়া চলিয়াছে, সে যে উচ্চস্তরের লোক, নিম্নস্তরের লোকের সহিত ভদ্র ব্যবহারের পরিচয় দিয়া শুধু অভিনয় করিয়া চলিয়াছে, এ কথা যদি তখন কেহ বলিত, আমি কোনওমতেই তাহা বিশ্বাস করিতাম না।

নৌকা-ভবনের কাছে পৌঁছিতেই ষ্টিয়ারফোর্থ বলিল, “জায়গাটা বড় নির্জন মনে হচ্ছে। সমুদ্রগর্জন শুনে মনে হচ্ছে, আমাদের গিলে খাবার জন্ত কুখার্ড হয়ে উঠেছে। ঐ যে আলো দেখা যাচ্ছে, ঐটাই বুঝি নৌকা?”

আমি বলিলাম, “হাঁ, ঐ সেই নৌকা-ভবন।”

সে বলিল, “সকালবেলা এটাই আমি দেখেছিলুম। আমি সোজা এখানেই এসে পড়েছিলুম, দেখছি।”

দরজা খুলিয়া ষ্টিয়ারফোর্থকে লইয়া ভিতরে প্রবেশ করিলাম। তখন ভিতরে মনুষ্যকণ্ঠের শব্দগুজন শোনা যাইতেছিল। মিঃ পেগটীকে বিশেষ উত্তেজিত দেখিতে পাইলাম। মিসেস্ গমিঞ্জও উত্তেজিত। সমস্ত কক্ষমধ্যেই যেন উত্তেজনার স্রোত বহিতেছিল। মিঃ পেগটীর উভয় বলিষ্ঠ বাহু বিস্তৃত। এমিলি যেন সেই বাহুমধ্যে আশ্রয় লইতে চলিয়াছে। হাম্‌ও বেশ উত্তেজিতভাবে পাশে দাঁড়াইয়া। এমিলির মুখে লজ্জার আরক্তিম আভাস দেখিলাম।

আমাদিগকে অকস্মাৎ প্রবেশ করিতে দেখিয়া সকলেই থমকিয়া দাঁড়াইল। আমি হাত বাড়াইয়া দিলাম।

হাম্‌ চীৎকার করিয়া উঠিল, “মাষ্টার ডেভি! মাষ্টার ডেভি এসেছেন।”

পরমুহূর্তে করকম্পনের পালা পড়িয়া গেল। আমাদিগকে দেখিয়া মিঃ পেগটী এমন গর্ব ও আনন্দ রোধ করিল যে, তাহার সমগ্র আনন উদ্ভাসিত হইয়া উঠিয়াছে দেখিলাম।

সে বলিল, “আপনারা দু’জন ভদ্রলোক, বড় হয়ে ঠিক আজ রাতেই এখানে এসে পৌঁছেছেন, এর মত আশ্চর্য্য ব্যাপার আর নেই। অল্প দিন নয়। ঠিক আজকের রাতেই আপনারাদের শেলাম। এমন ব্যাপার কখনো ঘটেনি।



আশ্চর্য্য! আশ্চর্য্য! শুধু মাষ্টার ডেভি নয়, তাঁর বন্ধুও এসে হাজির!”

অত্যন্ত উত্তেজনার আতিশয্যে মিঃ পেগটী তাহার ভাগিনেয়ী এমিলিকে কাছে টানিয়া তাহার ললাট ও গণ্ডে চুম্বনরূপে করিল। তার পর তাহার মাথায় হাত রাখিয়া, বুকের কাছে টানিয়া আনিয়া এমিলিকে ছাড়িয়া দিল। এমিলি পাশের ছোট ঘরে—যে ঘরে আমি শয়ন করিতাম—সেই ছোট ঘরে গিয়া আত্মগোপন করিল।

মিঃ পেগটী বলিল, “আপনারা বড় হয়েছেন, ভদ্রলোক হয়েছেন। আজ আপনারা এখানে এসেছেন—”

হ্যাম্ বলিল, “হাঁ, বড় হয়ে ছুঁজন ভদ্রলোকই এসেছেন। মাষ্টার ডেভি, আর সেই ভদ্রলোক।”

“আজ বড় আমোদের দিনে আপনারা এসেছেন। আমি বড় উত্তেজিত আছি, কেন তা পরে বলছি। এমিলির কথাই বলছি। মিসেস্ গমিজ, তুমি একবার এমিলিকে দেখে এস।”

মিসেস্ গমিজ চলিয়া গেল।

মিঃ পেগটী বলিল, “এত দিন পরে এমিলির সঙ্গে হ্যামের বিয়ে দেওয়া ঠিক হয়েছে। আমি বলেছিলাম, এমিলি যদি পছন্দ করে, তবে হ্যামকে সে বিয়ে করতে পারে। হ্যাম যেমন কর্তব্যনিষ্ঠ, তেমনি পরিশ্রমী। এমিলিকে সে ভালও বাসে। আজ জানতে পারলাম, ছুঁজনেই ছুঁজনকে পছন্দ করেছে। তাই বলছি, আজ বড় ভাল দিনে আপনারা এসে পড়েছেন।”

এমিলিকে আনিবার জন্ত মিঃ পেগটী স্বয়ং চলিয়া গেল। প্রথমতঃ সে আসিতে চাহে নাই। হ্যাম্ তখন তাহাকে আনিবার জন্ত গমন করিল। অল্প পরেই অগ্নিকুণ্ডের ধারে তাহাকে লইয়া আসা হইল। এমিলি বিশেষ বিচলিত ও লজ্জিত হইয়া পড়িয়াছিল। ষ্টিয়ারফোর্থ যখন বিশেষ শ্রদ্ধাভরে তাহার সঙ্গে কথা বলিল, তখন এমিলি অনেকটা প্রকৃতিস্থ হইল। ষ্টিয়ারফোর্থ মিঃ পেগটীর সঙ্গে জাহাজ, সমুদ্রের জোয়ার-ভাটা, মৎস্য প্রভৃতি সম্বন্ধে নানা আলোচনা করিয়া সকলের কৌতুক উৎপাদন করিতে লাগিল। সালাম হাউসে মিঃ পেগটীর সহিত কিরূপভাবে সাক্ষাৎ হইয়াছিল, তাহাও সে সরলভাবে বর্ণনা করিল।

এমিলি অবশ্য বেশী কথা কহিল না। শুধু সে কথা শুনিয়া যাইতে লাগিল। তাহার মুখে এমন একটা সৌন্দর্য্য তখন দেখিতে পাইলাম, যাহাতে মন মুগ্ধ হয়। ষ্টিয়ারফোর্থ একটা জাহাজডুবির গল্প বলিল। এমিলি কৌতুহলাক্রান্ত হইয়া সে কাহিনী শুনিতে লাগিল। নিজের অনেক কাহিনীও গল্পছলে ষ্টিয়ারফোর্থ বলিয়া চলিল। সকলেই শুনিয়া হাস্য করিতে লাগিল। এমিলির কলকণ্ঠের হাস্য-ঝঙ্কারও শোনা গেল। মিঃ পেগটীকে ষ্টিয়ারফোর্থ গান গাহিতে অনুরোধ করিল। সে ত গান নহে—সমুদ্রগর্জন! গানে-গলে রাত্রি অগ্রসর হইল। তখন আমরা বিদায়

লইলাম। কিছু বিস্কট ও পানীয় সেবন করিতে হইয়াছিল। কিয়দূর আলো লইয়া হ্যাম্ আমাদের পথ দেখাইয়া দিল।

পথ চলিতে চলিতে আমার বাহু ধরিয়া ষ্টিয়ারফোর্থ বলিল, “বড় চমৎকার স্ত্রী! অদ্ভুত জায়গা, অদ্ভুত মানুষ এরা। এদের সঙ্গে মিশলে বিচিত্র অনুভূতি জন্মে।”

আমি বলিলাম, “কি সৌভাগ্য দেখ, এদের বিয়ের সময় আমরা এসে উপস্থিত। আমার ভারী আনন্দ হচ্ছে।”

ষ্টিয়ারফোর্থ বলিল, “কিন্তু অমন মেয়ের পক্ষে অমন স্বামী কেমন যেন। তাই নয় কি?”

কথাটা শুনিয়া আমার চমক লাগিল। এতক্ষণ ইহাদের সঙ্গে এমন অন্তরঙ্গভাবে মিশিবার পর এমন কথা ষ্টিয়ারফোর্থ বলিল কিরূপে? কিন্তু তাহার দিকে চাহিতেই দেখিলাম, ষ্টিয়ারফোর্থের নমনে হাস্য। আমি নিশ্চিতমনে বলিলাম, “গরীবদের সম্বন্ধে ঠাট্টা করা কি ভাল? তুমি মিস্ ডার্টলকে ঠাট্টা কর, তার সম্বন্ধে প্রচ্ছন্ন সহানুভূতি পোষণ কর, তা টের পেয়েছি। এও বোধ হয় তোমার তেমনি প্রচ্ছন্ন সহানুভূতি! এ জন্ত সত্যই আমি তোমায় প্রশংসা বেশী ভালবাসি।”

ষ্টিয়ারফোর্থ বলিল, “ডেজি, তোমার আন্তরিকতায় আমি খুসী হলাম।”

তার পর উভয়ে ইয়ারমাউথের দিকে চলিলাম।

## দ্বাবিংশ পরিচ্ছেদ

ষ্টিয়ারফোর্থ ও আমি একপক্ষেরও অধিক কাল ঐ অঞ্চলে রহিলাম। অধিকাংশ সময়ই আমরা একসঙ্গে থাকিতাম, সে কথা বলাই বাহুল্য; তবে মাঝে মাঝে উভয়ে কয়েক ঘণ্টা ধরিয়া পৃথক হইয়া পড়িতাম। সে ভাল নাবিক ছিল। আমি ও বিষয়ে তেমন দড় ছিলাম না। সে মাঝে মাঝে মিঃ পেগটীর সঙ্গে নৌকা লইয়া সমুদ্রে যাইত। উহা ষ্টিয়ারফোর্থের বিশেষ প্রিয় প্রমোদ ছিল। আমি সে সময় সাধারণতঃ তীরেই থাকিতাম। পেগটীর অতিরিক্ত ঘরটিতে আমায় থাকিতে হইত বলিয়া আমি ইচ্ছামত কাজ করিতে পারিতাম না। এ বিষয়ে ষ্টিয়ারফোর্থ স্বাধীন ছিল।

আমি জানিতাম, পেগটী সারাদিন তাহার স্বামীর পরিচর্য্যারত থাকে, সে জন্ত আমি অধিক রাত্রি বাহিরে থাকিতে চাহিতাম না; কারণ, তাহাতে পেগটীর কষ্ট হইবে, বুঝিতাম। কিন্তু ষ্টিয়ারফোর্থ সরাইখানায় থাকিত, কাহারও তুষ্টি-অসন্তুষ্টির দায় তাহার ছিল না। নিজের খেয়াল অনুসারেই সে চলিতে পারিত। এ জন্ত আমি যখন শয্যাশায়ী, তখন সে মিঃ পেগটীর ওখানে জেলের পোষাক পরিয়া চন্দ্রালোকিত রজনীতে সমুদ্র হইতে ফিরিয়া আসিত। আমি তাহার প্রকৃতি জানিতাম বলিয়া তাহার এইরূপ কার্য-পদ্ধতিতে বিন্দুমাত্র বিস্মিত হই নাই।

আর একটি কারণেও মাঝে মাঝে আমি তাহার সংলব হইতে দূরে গিয়া পড়িতাম। আমি ব্রনডারষ্টোনে গিয়া আমার শৈশবের দৃষ্টান্তলিকে দেখিতে ভালবাসিতাম। ষ্টিয়ারফোর্থের এ বিষয়ে কোন আকর্ষণই ছিল না। সে একবারমাত্র সেখানে আমার সঙ্গে গিয়াছিল। এ জন্ত তিন চারি দিন, প্রাতরাশের পর আমরা যে বাহার কাছে বিচ্ছিন্ন হইয়া পড়িয়াছিলাম, সমস্ত দিনের মধ্যে পরস্পর মিলিত হইতে পারি নাই। শুধু রাত্রির আহারের সময় উভয়ের মিলন ঘটয়াছিল। এই কয়দিন ষ্টিয়ারফোর্থ কি ভাবে যাপন করিয়াছিল, তাহা আমি জানি না। তবে এটুকু বুঝিয়াছিলাম, সে সকলেরই প্রিয় হইয়া উঠিয়াছে। নানা ভাবে সে সময় কাটাইবার উপায় উদ্ভাবনে অগ্রণী, ইহা আমার জানা ছিল।

আমি ঐ কয়দিন আমার বাল্যের পরিচিত পথ, ঘর, বাড়ী লইয়াই ছিলাম। বাবার ও মার সমাধিক্ষেত্রে আমি ঘুরিয়া বেড়াইতাম। পেগটার যত্নে সমাধিক্ষেত্র পরিচ্ছন্ন ছিল। ভাবপ্রবণ-চিত্তে সেই উভয় সমাধিক্ষেত্রে বিচরণ করিতে আমার বড় ভাল লাগিত।

আমাদের বাড়ীর যথেষ্ট পরিবর্তন ঘটয়াছিল। বাড়ীর স্কুলবাগান জঙ্গলে পরিণত হইয়াছিল। বাড়ীর অর্ধেক জানালা বন্ধই থাকিত। এক জন গরীব ভদ্রলোক—লোকটা পাগলাগোছের—সেই বাড়ীতে থাকিতেন। গ্রামের লোকেরা তাঁহার যত্ন লইত। আমি যে জানালায় বসিতাম, তাহারই কাছে আমি তাঁহাকে বসিয়া থাকিতে দেখিতাম। আমার মনে হইত, আমার শৈশবকালের কোনও চিন্তা তাঁহার মনে উদ্ভিত হয় কি না।

আমাদের প্রতিবেশী গ্রেপার-দম্পতি দক্ষিণ-আমেরিকায় চলিয়া গিয়াছিলেন। তাঁহাদের বাড়ী রুষ্টিতে ভাঙিয়া পড়িয়াছে, দেখিলাম। সে বাড়ী জনহীন। মিঃ চিলিপ আবার বিবাহ করিয়াছেন। তাঁহাদের একটি খোকা হইয়াছে দেখিলাম।

আমার গ্রামে বিষয়টিতে এইভাবে ঘুরিয়া বেড়াইতাম। অবশেষে যখন শীতের সূর্য্য আরম্ভবদনে পাটে বসিতেন, তখন মনে হইত, এইবার ফিরিয়া যাওয়া উচিত। আমি পদব্রজে ফিরিয়া আসিতাম। তার পর ষ্টিয়ারফোর্থের সঙ্গে নৈশ আহারে বসিয়া মনে হইত, গ্রামে গিয়া ভাল করিয়াছিলাম। আহারের পর আমি যখন পেগটার ছোট পরিচ্ছন্ন ঘরটিতে শয়ন করিতে যাইতাম, তখন রুতজ্ঞচিত্তে ভগবানকে নিবেদন করিতাম, ষ্টিয়ারফোর্থের মত বন্ধু, পেগটার মত মাতৃস্নেহপূর্ণ নারী এবং আমার উদারহৃদয়া পিতামহীকে পাইয়াছিলাম। এ জন্ত ভগবানের দয়া আমার উপর অনন্ত।

বেড়াইয়া ফিরিবার সময় আমি একটা নদী পার হইয়া ইয়ারমাউথে আসিতাম। ইহাতে অনেকটা পথ কম হাঁটিতে

হইত। খেরাঘাটের কাছেই মিঃ পেগটার নৌ-ভবন। আমার পথ হইতে মাত্র ১ শত গজ দূরে নৌ-ভবনটি। ষ্টিয়ারফোর্থ জানিত, আমি ঐ পথে আসিব। কাজেই সে ঐখানেই আমার প্রতীক্ষা করিত। তার পর দুই জনে সন্ধ্যার অন্ধকারে সহরের দিকে ফিরিতাম।

এক দিন আমার ফিরিতে বিলম্ব ঘটয়া গেল। সে দিন ব্রনডারষ্টোনকে শেষ দেখিতে গিয়াছিলাম। আর ইয়ারমাউথে থাকা হইবে না, বাড়ী ফিরিতে হইবে বলিয়া স্থির করিয়াছিলাম। তাই সে দিন ফিরিতে কিছু বিলম্ব হইয়া গেল। মিঃ পেগটার বাড়ীতে আসিয়া দেখিলাম, ষ্টিয়ারফোর্থ একা সেখানে বসিয়া আছে। সে এক-মনে কি যেন চিন্তা করিতেছিল। আমি যে আসিয়াছি, তাহাও যেন সে বুঝিতে পারে নাই।

আমি তাহার গায় হাত দিতেই এমন চমকিয়া উঠিল যে, আমিও না চমকিত হইয়া পারিলাম না।

একটু যেন রাগিয়াছে, এমনই ভাবে সে বলিল, “তুমি যেন ভূতের মত আমার ঘাড়ে এসে পড়েছ।”

বলিলাম, “তা কোন রকমে ত জানাতে হবে, আমি এসেছি। আমি নক্ষত্রলোক হ’তে এত ডাকাডাকি করলাম, তুমি শুনতেই পেলেন না।”

সে বলিল, “না, ডাকনি।”

তাহার পার্শ্বে আসন গ্রহণ করিয়া বলিলাম, “তবে আর কোথা থেকে নিশ্চয় ডেকেছিলাম।”

সে বলিল, “আমি ঐ ছবি দেখছিলাম।” তার পর বলিল, “একা থাকতে ভাল লাগে না। আজ তোমার এত দেরী হ’ল কেন? কোথায় গিয়েছিলে?”

আমি বলিলাম, “পুরাতন সব কিছু থেকে বিদায় নিয়ে আসতে দেরী হয়ে গেল।”

ষ্টিয়ারফোর্থ ঘরের চারিদিকে চাহিয়া বলিল, “আমি এখন একা ব’সে আছি। যে দিন প্রথম এসেছিলাম, বাড়ীর সকলে কত খুসী। কিন্তু আজ এক জনও নেই—সব যেন ম’রে গেছে বা কি হয়েছে জানিনে। ডেজি, আমি ভগবানের কাছে এই নিবেদন জানাতে যাচ্ছি। এই বিশ বছর যদি আমার বাবা বেঁচে থাকতেন!”

“কি হয়েছে, ষ্টিয়ারফোর্থ—?”

“আমার মনে হচ্ছে, আজ আমাকে ভালভাবে পথ দেখিয়ে নিয়ে যাবার কেউ থাকলে হ’ত। আমি সর্বাস্তঃ-করণে প্রার্থনা করছি, আমি যেন আমাকে ভাল পথে ভালভাবে চালিত করতে পারি!”

তাহার মানসিক চাঞ্চল্য এবং অবসাদ আমার মনকে অকস্মাৎ বিস্ময়াভিত্ত করিল। আজ তাহাকে বড়ই অস্থির দেখিতেছি, এমন কখনও দেখি নাই।

উঠিয়া দাঁড়াইয়া সে বলিল, “পেগটার মত অবস্থা অথবা তার ভাইপোর মত অবস্থা হ’লে ঢের ভাল ছিল; কিন্তু

তাদের চেয়ে বিশৃঙ্খল ধনী, বিশৃঙ্খল বুদ্ধিমান, পণ্ডিত হয়ে আধ ঘণ্টা ধরে এখানে বসে যে যন্ত্রণা আমি ভোগ করছি, তার তুলনা হয় না।”

আমি তাহার এরূপ পরিবর্তনে প্রথমতঃ চূপ করিয়া রহিলাম। তার পর তাহাকে বলিলাম, কি হইয়াছে, আমাকে বলিতেই হইবে। কেন সে আজ এমন অস্বাভাবিক অবস্থায় রহিয়াছে?

আমার কথা শেষ না হইতেই ষ্টিয়ারফোর্থ বলিয়া উঠিল, “কিছু না, ডেজি, কিছু না! আমি তোমাকে লগুনের হোটেলে বলেছিলুম না, সময়ে সময়ে আমি কি রকম যেন হয়ে যাই। এখনই যেন কি একটা দুঃস্বপ্ন দেখছিলাম। মাঝে মাঝে ছেলেবেলার শোনা ভূতের গল্প মনে পড়ে, তাতে মন অভিভূত হয়ে থাকে। সেই রকমই একটা অবস্থা এখন এসেছিল। আমি নিজের জঞ্জই ভীত।”

আমি বলিলাম, “তা ছাড়া তোমার ভয়ের আর কোন কারণ নেই?”

“বোধ হয় ত নেই। আবার হয় ত থাকতেও পারে। যাক, ও সব যেতে দাও। তবে একটা কথা তোমাকে ব’লে রাখছি, ডেজি, “আজ যদি আমার দৃঢ়চেতা, সুবিবেচক বাবা বেঁচে থাকতেন, আমার পক্ষে ভাল হ’ত।”

সকল সময়েই তাহার আনন ভাবপ্রকাশপূর্ণ দেখিতাম। কিন্তু আজ তাহার মুখ যেরূপ ভাবপূর্ণ দেখিলাম, এমন কখনও দেখি নাই।

অগ্নিকুণ্ডের দিকে কিয়ৎকাল নিবন্ধদৃষ্টি হইয়া সে বলিয়া উঠিল, “যাক, ভাববার দরকার নেই। এখন তাহারের কথা ভাবা যাক।”

আমি বলিলাম, “কিন্তু এখানকার এরা সব গেল কোথায়?”

ষ্টিয়ারফোর্থ বলিল, “ভগবান্ জানেন। আমি খেয়াঘাটে তোমার অপেক্ষায় থেকে এখানে এলাম। দেখলাম, জনমানব এখানে নেই। বসে বসে ভাবছি, এমন সময় তুমি এলে।”

মিসেস্ গমিজ এমন সময় আসিয়া পড়িল। তাহার হাতে একটি বুড়ি। লোকজন কেউ বাড়ীতে কেন নেই, সে কথা সে বুঝাইয়া বলিল। মিঃ পেগটীর ফিরিতে বিলম্ব আছে, অথচ একটা জিনিষ কিনিতে হইবে, তাই মিসেস্ গমিজ বাহিরে গিয়াছিল। হাম্ ও এমিলি বাড়ী ফিরিতে পারে ভাবিয়া সে দরজা খোলা রাখিয়াই গিয়াছিল।

আমরা বিদায় লইয়া পথে আসিয়া পড়িলাম। ষ্টিয়ারফোর্থের সে বিষয় ভাবটা এখন অনেকটা অস্তহিত হইয়াছিল। পথ চলিতে চলিতে ক্রমশঃ সে পূর্বাবস্থা প্রাপ্ত হইল।

ষ্টিয়ারফোর্থ বলিল, “তা হ’লে কাল থেকেই আমাদের এ জীবনযাত্রার পট-পরিবর্তন হবে ত?”

“তাই ত ঠিক হয়েছে। বাড়ীতে আমাদের টিকিট করাও হয়েছে।”

ষ্টিয়ারফোর্থ বলিল, “না, তা হ’লে আর কোন উপায় নেই। আমি ভেবেছিলাম, সমুদ্রের উপর নাচা ছাড়া, জগতে আর কোন কাজ বুঝি নেই! না থাকলেই ভাল হ’ত।”

হাসিতে হাসিতে বলিলাম, “যতক্ষণ নূতনত্ব থাকে।”

ষ্টিয়ারফোর্থ বলিল, “দেখ, ডেজি, আমি খুব খেয়ালী, সত্য। কিন্তু আমি যখন যে কাজে লাগি, শেষ না করে ছাড়ি না। আমি এ কয় দিনে এমন শিখেছি যে, যদি নাবিকের পরীক্ষা দিতে হয়, আমি নিশ্চয় পাশ করতে পারি।”

বলিলাম, “সে কথা আমি জানি।”

ষ্টিয়ারফোর্থ বলিল, “দেখ, আমি কোন একটা বিষয়ে বেশী দিন লেগে থাকতে পারি না। সুখও পাই না। শুধু আমার ডেজির মধুর ব্যবহারে আমি সুখী। ভাল কথা, ডেজি, আমি একখানা নৌকা কিনেছি।”

বিস্মিত হইয়া বলিলাম, “তুমি আশ্চর্য্য লোক, ষ্টিয়ারফোর্থ! এখানে ভবিষ্যতে আসবে কি না, তার ঠিক নাই, অথচ একখানা নৌকা কিনলে!”

ষ্টিয়ারফোর্থ বলিল, আসবে কি না, জানিনে। তবে এ জায়গাটা ভাল লেগেছে—পছন্দ হয়। একখানা নৌকা বিক্রী ছিল, মিঃ পেগটী বললে নৌকাটা ভাল। কিনে ফেললাম। মিঃ পেগটীই আমার অনুপস্থিতিতে ওটা চালাবে।”

আমি বলিলাম, “ষ্টিয়ারফোর্থ, তোমার আসল মতলব বুঝেছি। তুমি নৌকাখানা কিনেছ ব’লে দেখাচ্ছ। অথচ প্রকৃতপ্রস্তাবে ঐ নৌকাখানা মিঃ পেগটীকে দান করাই তোমার উদ্দেশ্য। বাস্তবিক, এ জঞ্জ তোমাকে কি ব’লে ধন্যবাদ জানাব, বুঝতে পারছি না।”

আরক্ত-মুখে ষ্টিয়ারফোর্থ বলিল, “যত বাজে কথা! ও সব না আলোচনা করাই ভাল।”

তাহার প্রশংসা করিলে পাছে সে অসন্তুষ্ট হয়, এ জঞ্জ আমি আর ও প্রসঙ্গের আলোচনা করিলাম না।

চলিতে চলিতে ষ্টিয়ারফোর্থ বলিল, “নৌকাখানা এখন সম্পূর্ণ হয়নি। লিটিমারকে এখানে রেখে যাব, কাজটা শেষ করবার জঞ্জ। তোমাকে বলিনি বুঝি, লিটিমার এসেছে?”

আমি বলিলাম, “না।”

“হাঁ, সে আজ সকালে এসেছে। মার একখানি চিঠি এনেছে।”

তাহার দিকে চাহিয়া বুঝিলাম, ষ্টিয়ারফোর্থের মুখ ম্লান হইয়া গিয়াছে। সে আমার দিকে একদৃষ্টে চাহিয়াছিল। মনে হইল, কোনও বিষয়ে তাহার সহিত তাহার মাতার মনোমালিঙ্গ ঘটয়াছে, তাই তাহার মনের অবস্থা ভাল নাই। আমি তেমন একটু ইঙ্গিতও দিলাম।



সে মুহূ হাসিয়া বলিল, “না, না! সে সব কিছু নয়! ইয়া, আমার নিজের লোক এসেছে, এ কথা সত্য।”

“সেই রকমই আছে?”

ষ্টয়ারফোর্থ বলিল, “হাঁ, একই রকমের আছে। উত্তর-মেরুর মত সুদূর এবং তেমনই শীত-শান্ত। সে নৌকার ব্যবস্থা ঠিক করবে, নামকরণ ঠিক হ’ল কি না, দেখবে। এখন তার নাম ‘বড়ের পাখী’। আমি তার নূতন নামকরণ ক’রে দেব।”

আমি জিজ্ঞাসা করিলাম, “কি নাম দিতে চাও?”

“ছোট এমিলি।”

আমার দিকে স্থিরভাবে চাহিয়াই সে কথা কহিল। আমি ইহাতে সত্যই খুসী হইলাম। কিন্তু এ সম্বন্ধে বিশেষ কিছু বলিলাম না।

ষ্টয়ারফোর্থ বলিল, “কিন্তু ঐ দেখ, আসল এমিলি আসছে। তার সঙ্গে যে লোকটি, সেটি কেমন? বাস্তবিক লোকটা সত্যিকারের সে যুগের নাইট। এক মুহূর্ত্ত এমিলির সঙ্গে ছাড়ে না।”

হাম্ ইদানীং নৌ-নির্মাণ-কার্যে বিশেষ পারদর্শী হইয়া উঠিয়াছিল। সে শ্রমিকের পরিচ্ছদে ছিল। তাহার পার্শ্বের প্রস্তুত কুণ্ডিকে রক্ষা করিবার উপযুক্ত এই হাম্। হামের মুখে সরলতা, কলুষহীনতা। এমিলির প্রতি তাহার প্রচণ্ড স্নেহ, প্রেম, গর্ব ও শ্রদ্ধা আছে, তাহা হামের মুখের রেখাতেই প্রকাশিত। তাহারা যুগলে যখন আসিতেছিল, আমার বোধ হইল, উভয়েই পরস্পরের সোণ।

তাহাদের সহিত কথা বলিতে উদ্বৃত্ত হইলে, এমিলি সঙ্কোচভরে তাহার হাত হামের দেহ হইতে সরাইয়া লইল। আমার ও ষ্টয়ারফোর্থের দিকে করপ্রসারণ করিতে তাহার মুখ লজ্জায় যেন আরক্ত হইয়া উঠিল। আমাদের কথা শেষ হইলে তাহারা গৃহের দিকে ফিরিল। এমিলি তাহার বাহু হামের বাহুলয় করিল না, শুধু পাশে পাশেই চলিতে লাগিল।

ঠিক এই সময় তাহাদিগের অনুসরণ করিয়া আর একটি মূর্ত্তিকে যাইতে দেখিলাম। এতক্ষণ আমরা তাহাকে দেখিতে পাই নাই। সেই সময় তাহার মুখ দেখিবামাত্র মনে হইল, কোথায় যেন ইহাকে দেখিয়াছি। তাহার বেশভূষা সামান্য, ভঙ্গী সাহসপূর্ণ। সে যে দরিদ্র এবং অভাবপিষ্ট, তাহা বেশ বুঝা যায়। সে একমনে উহাদের পশ্চাতে চলিতে লাগিল দেখিলাম।

ষ্টয়ারফোর্থ বলিল, “ঐ কালো ছায়া ওদের অনুসরণ করছে। এর অর্থ কি?”

সে যেক্রপ নিম্নকণ্ঠে বলিল, তাহাতে আমি অত্যন্ত বিশ্বয় অনুভব করিলাম।

আমি বলিলাম, “বোধ হয়, ঐ মেয়েটি ওদের কাছে কিছু ভিক্ষা প্রত্যাশা করে।”

“অবশ্য ভিখারিণী হওয়া বিচিত্র নয়। কিন্তু আজ রাতে ভিখারিণী ঐ রকম আকার গ্রহণ করেছে, এটাই বিশ্বয়কর।”

আমি বলিলাম, “কেন বল ত?”

ষ্টয়ারফোর্থ বলিল, “কারণ এমন কিছু নেই। এমনি মনে এল, তাই বললাম। কিন্তু কোথা থেকে মূর্ত্তিটা এল, তাই ভেবে পাচ্ছি না।”

এমন সময় আমরা একটা পথের উপর উঠিলাম। তাহার পাশেই একটা প্রাচীর দেখিলাম। আমি বলিলাম, “এই প্রাচীরের অন্তরাল থেকেই বেরিয়েছে।”

ষ্টয়ারফোর্থ বলিল, “মূর্ত্তিটা আর দেখতে পাচ্ছি না। ঐ সঙ্গে সব মন্দও চ’লে যাক। চল, এখন আহাৰ করা যাক গিয়ে!”

কিন্তু ষ্টয়ারফোর্থ আবার পশ্চাৎ ফিরিয়া চাহিল। একবার নহে, বার বার চাহিতে লাগিল। মাঝে মাঝে ভাঙ্গা ভাঙ্গা ভাষাও তাহার মুখ হইতে বাহির হইতেছিল। এইরূপ বাকি পথটুকু অতিক্রম করিবার পর আমরা হোটেলে আসিলাম। রাত্রি-ভোজের আয়োজন তখনই হইল।

লিটিমারকে তথায় দেখিলাম। মিসেস্ ষ্টয়ারফোর্থ ও মিস্ ডার্টল কেমন আছেন, তাহাকে জিজ্ঞাসা করিলাম। সে বলিল, তাহারা এক রকমই আছেন। কিন্তু তথাপি তাহার কথার ভঙ্গীর মধ্য হইতে আমি বুঝিতেছিলাম, সে যেন বলিতেছে, “আপনি অতি ছেলেমানুষ—আপনার বয়স বড় কম।”

আমাদের আহাৰ প্রায় শেষ হইয়া আসিয়াছে, এমন সময় লিটিমার কাছে আসিয়া ষ্টয়ারফোর্থকে বলিল, “আপনাকে একটা কথা বলতে চাই, ছজুর। মিস্ মাউচার এখানে এসেছে।”

“মিস্ মাউচার? এখানে সে কি করছে?”

লিটিমার বলিল, “এ অঞ্চল তার জন্মভূমি। সে আমাকে বলেছে যে, বছরে একবার সে এখানে বেড়িয়ে যায়। পথে আজ বৈকালে তার সঙ্গে দেখা হয়েছে। সে আমাকে বলেছে যে, আপনার আহাৰ শেষ হ’লে সে আপনার সঙ্গে দেখা করতে চায়।”

ষ্টয়ারফোর্থ বলিল, “এই দৈত্য-মহিলাটিকে তুমি চেন, ডেজি?”

আমি বলিলাম, আমার সে সৌভাগ্য হয় নাই।

ষ্টয়ারফোর্থ বলিল, “তা হ’লে আজ তার সঙ্গে তোমার পরিচয় করিয়ে দেব। পৃথিবীর সপ্তম আশ্চর্যের সে একটি। মিস্ মাউচার এলে আমার কাছে এনো।”

আমি এই অদ্ভুত মহিলাকে দেখিবার জন্ম উৎকণ্ঠিত হইলাম। ষ্টয়ারফোর্থকে জিজ্ঞাসা করিলাম, কে এই মহিলাটি? কিন্তু সে কোনওমতেই ভাঙ্গিল না। শুধু হাসিতে লাগিল।

আহার শেষ হইলে দরজা খুলিয়া গেল। লিটিমার বলিল, “মিস্ মাউচার।”

দরজার দিকে চাহিয়া আমি কিছুই দেখিতে পাইলাম না। আমি সেই দিকে চাহিয়া আছি, কিন্তু কাহাকেও দেখিতে পাইলাম না। অবশেষে সোফা সরাইবার শব্দ শুনিয়া সেই দিকে চাহিতেই দেখিলাম, একটি বামনমূর্তি আসিতেছে। তাহার বয়স ৪০।৪৫ হইবে। একরূপ অপূর্ণ বামনমূর্তি আমি পূর্বে কখনও দেখি নাই। মূর্তি অগ্রসর হইয়া বলিল, “এ কে! আমার ফুল। তুমি এখানে এসেছ, অ্যা! ছুঁ ছেলে, বাড়ী থেকে এসে এখানে কি করছ? নিশ্চয়ই কোন বদ-মতলব আছে। তুমি উড়তে ভারী মজবুত, আমিও তাই। আমি বাজি রাখতে পারি, আমাকে এখানে দেখে তুমি খুসী হওনি। আমি সব জায়গাতেই আছি। এখানে—ওখানে—সেখানে। তোমার মাকে কি খুসীই করে রেখেছ তুমি।”

বামন-মহিলাটির মুখে যেন খই ফুটিতেছিল। সে জামার বোতাম খুলিয়া একটা নীচু টুলের উপর উপবেশন করিল। সে তখন হাঁপাইতেছিল।

তার পর সে ষ্টিয়ারফোর্থকে বলিল, “তোমার বন্ধুটি কে?”

“মিঃ কপারফিল্ড। তোমার সঙ্গে তার পরিচয় করিয়ে দেই।”

মিস্ মাউচার আমার দিকে অগ্রসর হইয়া বলিল, “এইটি তোমার বন্ধু। মুখখানি যেন পিচ-ফলের মত। ভারী লোভনীয়! আমি পিচফল ভারী ভালবাসি। মিঃ কপারফিল্ড, তোমার সঙ্গে পরিচিত হয়ে সুখী হলাম।”

মিস্ মাউচার কেশপ্রসাধন-কার্যা করিয়া থাকে। কলপ দিবার নানা রকম কলপ ও যন্ত্র তাহার সঙ্গে সঙ্গে থাকিত। সে পরিচয় পাওয়া গেল। এই উপলক্ষে সে নানা সহরের নানা প্রসিদ্ধ লোকের সহিত পরিচিত।

কথায় কথায় মিস্ মাউচার বলিল, “জেনি, আমি এখানে এসে অবধি একটিও সুন্দরী মেয়ে দেখিনি।”

ষ্টিয়ারফোর্থ বলিল, “তাই না কি?”

মিস্ মাউচার বলিল, “একটিও না।”

আমার দিকে চাহিয়া ষ্টিয়ারফোর্থ বলিল, “তুমি ত ছায়া পর্য্যন্ত দেখনি। কিন্তু রক্তমাংসের একটি জীবন্ত সুন্দরীকে আমরা দেখাতে পারি। কি বল, ডেজি?”

আমি বলিলাম, “নিশ্চয়ই।”

মিস্ মাউচার আমার দিকে চাহিয়া বলিল, “তোমার বোন না কি?”

আমি উত্তর দিবার পূর্বেই ষ্টিয়ারফোর্থ বলিল, “না, কপারফিল্ডের কোন বোন নেই। বরং আমি ষতদূর জানি, মিঃ কপারফিল্ড এক সময়ে তাকে খুব ভালবাসতেন, অনুরাগীও ছিল।”

মিঃ মাউচার বলিল, “তবে এখন সে অনুরাগ বা প্রশংসা নেই কেন? তোমার বন্ধুটি কি লঘুহৃদয়? অথবা ফুলে ফুলে মধুপান করাই তোমার বন্ধুর প্রকৃতি? মেয়েটির নাম কি? পলি?”

সে এমনভাবে আমাকে প্রশ্নবাণে বিব্রত করিয়া ফেলিল যে, তাহাতে আমি প্রথমতঃ বিচলিত হইয়া পড়িলাম।

বলিলাম, “না, মিস্ মাউচার, তাহার নাম এমিলি।”

মিস্ মাউচার এমনভাবে “আঃ” “ও” “হুম্” করিল যে, আমার তাহা ভাল বোধ হইল না। আমি গম্ভীরভাবে বলিলাম, “মেয়েটি যেমন সুন্দরী, তেমনই ধর্মবুদ্ধিশালিনী। সে এখন বাগ্‌দত্তা। যার সঙ্গে তার বিয়ে হবে, সে পুরুষটি তারই উপযুক্ত এবং উত্তরের জীবনযাত্রার আদর্শ এক রকমের। আমি তাহার সৌন্দর্য্যের যেমন ভক্ত, তেমনই তার স্ববুদ্ধিরও অনুরাগী।”

ষ্টিয়ারফোর্থ বলিল, “ঠিক বলেছ। এখন এই কতিমা বিবির কোতুহলের আমি নিবৃত্তি করব। শুধু অনুমান করতে দেব না। এখন মেয়েটি ওমার ও জোরামের দোকানে কাজ করে। শুনছ, মিস্ মাউচার? ওমার এণ্ড জোরাম। যার সঙ্গে বিয়ে হবে, তার ডাকনাম হ্যাম্—হ্যাম্ পেগটী। নৌকা তৈয়ারী কাজ করে। মেয়েটি যে আত্মীয়ের বাড়ী থাকে, তার নাম পেগটী। জেলের কাজ—মাছ ধরার কাজ করে। মেয়েটি সত্যি সুন্দরী। আমার বন্ধুর মত আমিও তাকে প্রশংসা করি। আমার এক এক সময় মনে হয়—সে যদি ভদ্রমহিলা হয়ে জন্মগ্রহণ করত। তার যে বিয়ে হচ্ছে, সেটা আমার পছন্দমত নয়।—মেয়েটি নিজেকে বিসর্জন দিচ্ছে।”

মিস্ মাউচার সমস্ত কথা কাণ পাতিয়া শুনিল। তার পর বলিল, “খুব বড় কাহিনী। গল্পটার শেষ হওয়া উচিত। অতঃপর তাহার সুখে বসবাস করিতে লাগিল, কেমন তাই নয় কি? আমি প্রেমপাত্রকে ভালবাসি, তাতে একটা ‘ই’ অক্ষর আছে। কারণ, সে মনপ্রাণ-হরণের যোগ্য। আমি তাকে ঘৃণা করি, কারণ, সে অত্নের বাগ্‌দত্তা। তার নাম এমিলি, তাকে নিয়ে উধাও হবার কল্পনা ছিল। সে পূর্ন-ভাগে বাস করে। হা, হা, হা, মিঃ কপারফিল্ড, আমি পরিবর্তনশীল নই?”

তাহার পর সে আমাকে কেশপ্রসাধনের জন্ত অনুরোধ করিল। আমি তাহাতে রাজি হইলাম না। বলিলাম যে, আপাততঃ প্রয়োজন নাই, পরে দেখা যাইবে।

অগত্যা মিস্ মাউচার নিজের জিনিষপত্র গুছাইয়া লইল।

মিস্ মাউচার বিদায়ের পূর্বে বলিল, “আমি এখন চ’লে যাচ্ছি। তোমার বুক ভেঙ্গে দিয়ে যেতে হবে, কি করব উপায় নেই। এখন ষত সাহস আছে, সব সংগ্রহ করলেও সহ্য করার ক্ষমতা অর্জন কর। মিঃ কপারফিল্ড, বিদায় নরফোকের ঘোড়সওয়ার, সাবধান হয়ে থেক! আমি

এক বাজে ব'কে চলেছি, তার প্রধান হেতুই তোমরা ছ'জন। তোমাদের আমি মাগ করলাম! আচ্ছা, শুভরাত্রি!”

সে চলিয়া গেলে ষ্ট্রয়ারফোর্থ খুব একচোট হাসিয়া লইল। সে হাসির ধাক্কায় আশ্রিত হস্ত সংবরণ করিতে পারিলাম না। অবশ্য হাসিবার প্রকৃত কোনও হেতু আমার সম্মুখে ছিল না। হস্তবেগ হ্রাস পাইলে, ষ্ট্রয়ারফোর্থ আমাকে বলিল যে, মিস্ ঘাঁউচার সকল লোকের সঙ্গেই পরিচিত। সকল স্থানেই উহার গতিবিধি আছে।

আমি বিদায় লইয়া মিঃ বার্কিসের বাড়ী আসিলাম। সেখানে হাম্কে পদচারণ করিতে দেখিয়া বিস্মিত হইলাম। তার পর যখন শুনিলাম, তাহার সহিত এমিলিও আসিয়াছে, তখন বিশ্বয় উত্তরোত্তর বর্দ্ধিত হইল। হাম্ বলিল, এমিলি বাড়ীর ভিতরে গিয়াছে। তাহাকে জিজ্ঞাসা করিলাম, সে কেন ভিতরে না গিয়া বাহিরে বেড়াইতেছে?

সে বলিল, “মাষ্টার ডেভি, এমিলি এখানে এক জনের সঙ্গে নির্জনে কথা বলছে, তাই আমি ভিতরে যাইনি।”

হাসিয়া বলিলাম, “আমার সে কথা বোঝাই উচিত ছিল। কারণ না থাকলে তুমি এখানে এ সময়ে আসতে না।”

হাম্ বলিল, “মাষ্টার ডেভি, ব্যাপারটা বুঝে দেখ। একটি যুবতী মেয়ে—এই মেয়েটি এমিলিকে আগেই জানত, সেই মেয়েটিই এসেছে। তার সঙ্গেই এমিলি কথা কইছে।”

কথাটা শুনিবামাত্র পথের দৃশ্য সেই ছায়ামূর্তির কথা মনে পড়িল। আমি বলিলাম, “হাম্, মেয়েটিকে যেন আমি দেখেছি। পথে তোমাদের সঙ্গে দেখা হবার পর সেই মেয়েটিকে দেখেছিলাম।”

হাম্ বলিল, “হ্যাঁ, আমাদের লক্ষ্য ক'রেই সে পথে বেরিয়েছিল। আমি তখন কিছু জানতে পারিনি, স্ত্রী। তার পর সে আস্তে আস্তে পেছ থেকে এসে এমিলিকে বললে, ‘যীশুর দোহাই, নারীর অস্তর দিয়ে একবার আমার দিকে ফিরে তাকাও। আমিও এক সময় তোমার মত ছিলাম।’ এ কথা শুনে চূপ ক'রে থাকা যায় না।”

“ঠিক কথা, হাম্। তার পর এমিলি কি করলে?”

“এমিলি বললে, ‘এ কি, তুমি মার্থা? সত্যি কি তুমি?—তারা ছ'জনে বরাবর এক জায়গায় ব'সে কাজ ক'রে এসেছে। মিঃ ওমারের বাড়ী ছ'জনেই কাজ করত।’”

আমি বলিয়া উঠিলাম, “তাকে আমি চিন্তে পেরেছি। তাকে ভাল ক'রেই চিনেছি।” বাস্তবিক মিঃ ওমারের দোকানে প্রথম যখন যাই, সেই সময় বালিকা মার্থাকে তথায় দেখিয়াছিলাম।

হাম্ বলিল, “মার্থা এস্‌ডেল। এমিলির চাইতে দু'তিন বছরের বড় হবে। একই স্কুলে ছ'জনে পড়ত।”

আমি বলিলাম, “নাম আমি জানতাম না।”

হাম্ বলিল, “এমিলি মার্থার সঙ্গে কথা বলতে চায়, কিন্তু তার মামার ওখানে হবে না। কারণ, এমিলিকে মার্থার

কাছে ব'সে থাকতে তার মামা দেবেন না। তার যতই দয়ার শরীর হোক না কেন, এমিলি জানত, তা হবে না। কাজেই এমিলি পেন্সিলে তাকে এক টুকরা কাগজে লিখে দিলে—এখানে তার মাসীর বাড়ী যেন আসে। মিসেস্ বার্কিস্ তার চিঠি পেলে মার্থাকে বন্ধ ক'রে বসাবেন, তার পর সে এখানে আসবে—কথা হবে। তার পর এমিলি আমাকে অনুরোধ করলে, তাকে এখানে আনতে হবে। আমি কি না ক'রে পারি, মাষ্টার ডেভি? তাকে আমার অদেয় কিছুই নেই।”

সে নিজের বক্ষোদেশে জামার পকেটে রক্ষিত একটি ছোট মুদ্রাধার বাহির করিল।

“মাষ্টার ডেভি, তার চোখে জল—আমি কি তাকে প্রত্যাখ্যান করতে পারি? তার পর এই মুদ্রার খলিটা আমার হাতে যখন রাখতে দিলে, তখন আর কি আপত্তি করা চলে? আমার এমিলিকে আমি দিতে পারিনে, এমন কিছু নেই।”

আমি তাহাকে সাগ্রহে ঝাঁকি দিলাম। এ কথা শুনিয়া আমার মন খুসীতে ভরিয়া উঠিল।

এমন সময় দরজা খুলিয়া গেল। পেগটী বাহিরে আসিয়া হাতছানি দিয়া হাম্কে আহ্বান করিল। আমি বাহিরেই থাকিতাম, কিন্তু সেও আমাকে ভিতরে যাইবার জগ্ অনুরোধ করিল। উপায় নাই দেখিয়া আমিও ভিতরে প্রবেশ করিলাম।

তরুণীটি সেই বটে। সে মাটিতে অগ্নিকুণ্ডের ধারে বসিয়াছিল। তাহার একখানি বাছ ও মাথা চেয়ারের উপর সংস্থাপিত। কল্পনা করিলাম, এতক্ষণ এমিলির ক্রোড়েই মার্থার মস্তক ছিল, আমরা আসিতেই বর্তমান অবস্থায় আছে। তরুণীর মুখ ভাল দেখা গেল না। এলায়িত কেশগুচ্ছ তাহার মুখের অনেকটা অংশ ঢাকিয়া ফেলিয়াছিল। সে যে যুবতী এবং সুন্দরী, তাহা আমি বুঝিলাম।

এমিলি হাম্কে উদ্দেশ করিয়া বলিল, “মার্থা লগুনে যেতে চায়।”

হাম্ বলিল, “কেন, লগুনে কেন?”

সে ভূমিতলে অবলুগিতা তরুণীর দিকে চাহিল—তাহার মুখে অনুকম্পার রেখা।

মার্থা বলিয়া উঠিল, “এখানে থাকা চলে না, তাই লগুন। সেখানে আমাকে কেউ চিন্বে না। এখানে সকলেই চেনে।”

হাম্ প্রশ্ন করিল, “সেখানে মার্থা কি করবে?”

এমিলি বলিল, “সেখানে ভালভাবে থাকবার চেষ্টা করবে। আমাদের কাছে ও কি বলেছে, তা ত তোমরা শোননি। জান কি, মাসী-মা?”

পেগটী করুণভাবে মাথা নাড়িল।

মার্থা বলিল, “তোমরা যদি আমাকে এখান থেকে সরিয়ে দাও, আমি চেষ্টা করব। এখানে যা করেছি,



তার চেয়ে খারাপ কাজ সেখানে করতে পারব না। হয় ত ভাল হয়ে যাব। এখান থেকে আমাকে সরিয়ে দাও—সরিয়ে দাও! এখানকার সকলেই আমাকে ছেলেবেলা থেকে চেনে যে!”

এমিলি হাত বাড়াইল। হ্যাম তাহার হাতে মূদ্রাধারটি অর্পণ করিল। এমিলি নিজের অর্থ মনে করিয়া উহা লইয়া এক পা আগাইয়া গেল। তার পর কি ভাবিয়া সে হ্যামের কাছে ফিরিয়া আসিল। হ্যাম তখন আমার পাশে দাঁড়াইয়া।

হ্যাম বলিল, “এমিলি, ও সবই তোমার। জগতে আমার যা কিছু আছে, সবই তোমার, এমিলি। তোমার কাজে যা না লাগবে, তাতে আমার কোন আনন্দ নেই!”

এমিলির নয়ন অশ্রুপূর্ণ হইল। সে মুখ ফিরাইয়া মার্গার কাছে গেল। সে তাহাকে কি অর্থ প্রদান করিল, তাহা আমি জানি না। সে মার্গার উপর নত হইয়া তাহার বুকের জামার কাপড়ের মধ্যে কি দিল। কাণে কাণে কি কথা বলিল। মার্গা অক্ষুট স্বরে বলিল, “ওতে যথেষ্ট হবে।” তার পর এমিলির করপল্লব গ্রহণ করিয়া তাহাতে চুমা দিল।

তার পর মার্গা উঠিয়া দাঁড়াইল, গাত্রবস্ত্রে শরীর আচ্ছাদিত করিল। সে তখনও কাঁদিতেছিল। তার পর ধীরে ধীরে দরজার দিকে আগাইয়া গেল।

হ্যাম এমিলির স্বল্পদেশে মৃদু করাখাত করিয়া বলিল, “কেঁদ না এমিলি! শাস্ত হও, কেঁদ না।”

কাঁদিতে কাঁদিতে এমিলি বলিল, “ও, হ্যাম! যেমন ভাল মেয়ে আমার হওয়া উচিত, আমি তা নই। কখনো কখনো মনে হয়, আমার যতখানি কৃতজ্ঞ হওয়া উচিত, তা আমি হই না, ভুলে যাই।”

হ্যাম তাহাতে বাধা দিল। কিন্তু এমিলি বলিয়া চলিল, “না, না, না! আমি ভাল মেয়ে নই—যেমন হওয়া উচিত, তেমন মেয়ে নই।”

সে এমন ভাবে কাঁদিতে লাগিল যেন, এখনই তাহার বুক ভাঙ্গিয়া যাইবে।

কোঁপাইতে কোঁপাইতে সে বলিল, “তোমার ভালবাসার উপর আমি বেশী জোর খাটাই। আমি সে জানি। মাঝে মাঝে তোমার উপর বিরূপ হই। তোমার সম্বন্ধে আমার ব্যবহারের পরিবর্তনও হয়। অথচ তা হওয়া উচিত নয়। কিন্তু তোমার পরিবর্তন নেই। কেন আমার মনের এ পরিবর্তন ঘটে? অথচ আমি জানি, তোমাকে সুখী করাই আমার কাজ—তোমার কাছে কৃতজ্ঞ থাকাই আমার ধর্ম!”

হ্যাম বলিল, “তুমি ত সকল সময়েই আমাকে আনন্দ দিয়ে থাক। তোমাকে দেখলেই আমি আনন্দ পাই। তোমার চিন্তাতেই সুখে আমার সমস্ত দিন কেটে যায়।”

এমিলি বলিল, “ওটা পর্য্যাপ্ত নয়! তুমি ভাল বলেই সব ভাল দেখ, কিন্তু আমি ভাল নই। যদি আরও কোন

ভাল মেয়ে তোমাকে ভালবাসত, তবেই তোমার ভাগ্য ভাল হ’ত। আমি তোমার বোঁগা নই। আরও ভাল মেয়ে তোমায় পাবার উপযুক্ত!”

“মার্গা তোমার মনকে বিকল ক’রে গেছে, এমিলি!”

“মাসীমা, তুমি আমার কাছে এস। আজ আমার বড় দুঃখবোধ হচ্ছে। যে রকম হওয়া উচিত, তেমন ভাল মেয়ে আমি নই। আমি জানি, তা আমি নই।”

পেগটী এমিলিকে বুকে জড়াইয়া ধরিল। তাহার মুখের দিকে চাহিয়া রহিল।

“মাসীমা, আমায় সাহায্য কর, রক্ষা কর। হ্যাম প্রিয়তম, তুমি আমার সহায় হও। মিঃ ডেভিড, ছেলেবেলার কথা মনে ক’রে আমায় সাহায্য কর! আমি যা আছি, তার চেয়ে ভাল মেয়ে হ’তে চাই। ভাল লোকের সহধর্মিণী হওয়া যে কত ভাগ্যের কথা, আমি তা ভাল ক’রে বুঝতে চাই। শান্তিতে আমি থাকতে চাই।”

পেগটীর বুকে সে তাহার মাথা রাখিয়া নীরবে অশ্রুপাত করিতে লাগিল। পেগটী তাহাকে সাহুনা দিতে লাগিল।

ক্রমে ক্রমে এমিলি প্রকৃতিস্থ হইল। আমরাও তাহাকে মিষ্টবাক্যে সাহুনা দিলাম। উৎসাহ দিতে লাগিলাম। ক্রমে সে মাথা তুলিয়া আমাদের সহিত কথা কহিতে আরম্ভ করিল।

ক্রমে তাহার মুখে মৃদু হাস্যরেখা উদ্ভাসিত হইল। উচ্চ-হাস্যও ক্রমে তাহার কণ্ঠ হইতে নির্গত হইল। তার পর সলজ্জভাবে সে উঠিয়া বসিল। পেগটী তাহার মুখ ধোয়াইয়া দিল। পাছে ক্রন্দনচিহ্ন দেখিয়া তাহার মাতুল কারণ অনুসন্ধান করে, এজন্ত এই সতর্কতা।

দেখিলাম, নির্দোষভাবে সে তাহার ভাবী স্বামীর গণ্ডদেশে চুম্বনরেখা মুদ্রিত করিল। তাহার দেহের আশ্রয়ে আপনাকে নিরাপদে রাখিবার জন্ত কাছে বেসিয়া দাঁড়াইল। ক্ষীণ চন্দ্রালোকে যখন তাহার পথে বাহির হইল, আমি তাহাদের দিকে চাহিয়া রহিলাম। দেখিলাম, এমিলি হ্যামের বাহু দুই হাতে চাপিয়া ধরিয়া চলিয়াছে।

### ত্রয়োবিংশ পরিচ্ছেদ

প্রভাতে জাগ্রত হইয়া পুনঃ পুনঃ এমিলির উত্তেজনার কথা মনে পড়িল। তাহার কোমলতা, মানসিক দুর্বলতার কোন কথা আমি ষ্টয়ারফোর্থকে বলিতে পারিলাম না, বলা অসম্ভব বলিয়া মনে করিলাম। আমি শৈশব হইতেই তাহার প্রতি আসক্ত—তাহার স্মৃতি সারাজীবন আমার মনে থাকিবে। আমার শৈশবের এই ক্রীড়া-সঙ্গিনীর মানসিক দুর্বলতার কথা নিজের বুকের মধ্যেই রাখিলাম। ইহাতে তাহার স্মৃতি আমার মনে আরও অভিনব মহিমায় সূচিত্য উঠিল।

প্রাতরাশের সময় একখানা পত্র পাইলাম। পিতামহী আমাকে লিখিয়াছেন। পত্রে যে বিষয়ের উল্লেখ ছিল, সে সম্বন্ধে ষ্টিয়ারফোর্থের পরামর্শ লইব স্থির করিলাম। তবে এখন নহে—পথে এ বিষয়ের আলোচনা করা যাইবে। এখন বন্ধুবান্ধবদিগের নিকট হইতে বিদায়ের পালা সারিয়া লইতে হইবে। মিঃ বার্কিস্ আমার বিদায়ে অত্যন্ত বিমর্ষ হইল। যদি আর দুই দিন আমি থাকিতে চাহিতাম, তবে মিঃ বার্কিস্ হয় ত আর একখানা গিনি বাহির করিয়া আমার জন্ম ব্যয় করিতে কুণ্ঠিত হইত না। পেগটী এবং তাহার আত্মীয়-স্বজন সকলেই আমাদের বিদায়ে বিষণ্ণ হইয়া উঠিল। ওমার ও জোরামের প্রত্যেক ব্যক্তি আমাদের বিদায়-ক্ষণে বাহিরে আসিয়া দাঁড়াইল। নৌকার বহু জালুক স্বেচ্ছাসেবক আমাদের গিকে ঘিরিয়া দাঁড়াইল।

আমরা গাড়ীতে উঠিলাম। লিটিমার সেখানে দাঁড়াইয়া ছিল। আমি তাহাকে বলিলাম, “তুমি কি এখানে বেশী দিন থাকবে, লিটিমার?”

সে বলিল, “না, আর, বেশী দিন নয়।”

ষ্টিয়ারফোর্থ উপেক্ষাভরে বলিল, “এখনি যেতে পাচ্ছি না, এ কথাটা ও বলতে পারলে না। ও জানে, এখানে ওর কি কাজ আছে, আর তা ও করবেই।”

আমি বলিলাম, “তা জানি, ও নিশ্চয় করবে।”

লিটিমার তাহার সম্বন্ধে আমার সদভিপ্রায় বুঝিয়া সে আমাকে টুপী স্পর্শ করিয়া অভিবাদন করিল। আমাদের গাড়ী যতক্ষণ দেখা গেল, সে প্রাক্ষণে দাঁড়াইয়া দেখিতে লাগিল।

কিছুক্ষণ আমরা উভয়ই নীরব रहিলাম। ষ্টিয়ারফোর্থকে অস্বাভাবিকভাবে নীরব দেখিলাম। আমি ও আমার নিজের চিন্তার বিব্রত হইয়া চুপ করিয়া रहিলাম। খানিক পরে ষ্টিয়ারফোর্থ আবার আত্মস্থ হইল। সে আমার বাহু আকর্ষণ করিয়া বলিল “কথা কও, ডেজি। সকালবেলা প্রাতরাশের সময় কি একখানা চিঠির কথা বলছিলে না?”

পকেট হইতে পত্রখানা বাহির করিয়া বলিলাম, “ঠাকুরমা এই চিঠি লিখেছেন।”

“কি লিখেছেন, কি পরামর্শ চাও তুমি? দেখি, তিনি কি লিখেছেন?” বলিয়া ষ্টিয়ারফোর্থ চিঠি পড়িতে লাগিল। তার পর বলিল, “তার অভিপ্রায় কি?”

“আমাকে প্রোক্তের হবার জন্ম তিনি বলছেন।”

ষ্টিয়ারফোর্থ বলিল, “তা তুমি যা খুসী করতে পার।”

আমি বলিলাম, “প্রোক্তের কাজটা কি, ষ্টিয়ারফোর্থ?”

“অনেকটা এটর্নীগিরির কাজ। আইন-ব্যবসায়ীর কাজ আর কি।”

এই বিষয় লইয়া অনেক আলোচনা আমাদের মধ্যে হইল। আমি তাহাকে বলিলাম যে, পিতামহী লগুনে একটা বাসা ভাড়া লইয়া আমার প্রতীক্ষায় আছেন। সেখানে

আমাকে যাইতে হইবে। তার পর দেখা যাক, কি কাজ লওয়া যায়।

ক্রমে আমরা যাত্রা শেষ করিলাম। ষ্টিয়ারফোর্থ বিদায় লইয়া বাড়ী চলিয়া গেল। এক দিন পরে আবার আমায় সাক্ষাৎ হইবে।

ঠাকুরমা আমাকে পাইয়া বুকে জড়াইয়া ধরিলেন। হাসিবার চেষ্টা করিয়া তিনি বলিলেন যে, আজ আমার মা যদি বাঁচিয়া থাকিতেন, আমাকে পাইয়া তিনি কাঁদিয়া ভাসাইয়া দিতেন।

আমি বলিলাম, “ঠাকুরমা, মিঃ ডিক্কে কোথায় রেখে এলেন? এই যে জেনেট, তুমি কেমন আছ?”

পিতামহী বলিলেন, “মিঃ ডিক্কে রেখে এসেছি, সে জন্ম আমিও ছুঁখিত। এখানে এসে অবধি আমার মনে শান্তি নেই, ট্রট।”

কারণ জিজ্ঞাসা করিবার পূর্বেই তিনি বলিলেন, “আমি জানি, ডিক্কে মোটেই চরিত্রের দৃঢ়তা নেই। গাধার দলকে তাড়াতে সে পারবে না। জেনেটকে রেখে এলেই ভাল হ’ত। এত অশান্তি মনে জাগত না।”

আমি তাহাকে সান্ত্বনা দিলেও তিনি তাহা গ্রহণ করিলেন না।

তার পর আহারের আয়োজন হইল। ঠাকুরমা সহরের কোন জিনিষই পছন্দ করেন না। যাহা হ’উক, আহার-শেষে ঠাকুরমা বলিলেন, “তার পর কাজের কথা কি ভেবে দেখেছ?”

আমি বলিলাম, “ভেবে দেখেছি, ঠাকুরমা। ষ্টিয়ারফোর্থের সম্বন্ধে পরামর্শ করেছি। ঐ ব্যবসাই আমি সানন্দে বরণ ক’রে নেব।”

পিতামহী আনন্দে উল্লসিত হইয়া বলিলেন, “খুব ভাল কথা।”

আমি বলিলাম, “কিন্তু এতে খরচ ত লাগবে।”

পিতামহী বলিলেন, “তা লাগবে। তোমাকে শিখতে হ’লে হাজার পাউণ্ড খরচ লাগবে।”

আমি বলিলাম, “কিন্তু এত টাকা খরচ করা কি সোজা? সে জন্ম আমার মনে বড় উৎকর্ষা হয়েছে। আপনি আমার জন্ম যথেষ্ট অর্থ ব্যয় করেছেন, যখন যা দরকার, মুক্তহস্তে দিয়েছেন। কিন্তু যদি অন্য পথে কাজ করা যায়, তা কি ভাল নয়? এত টাকা ব্যয় করা কি সম্ভব? আমার জন্ম এত টাকা ব্যয় করবার শক্তি আপনার আছে কি না, জানি না, তার পর সেটা করা উচিত হবে কি না, তাও ভেবে দেখা দরকার। আপনি আমার দ্বিতীয় মাতা, আপনি ভাল ক’রে ভেবে দেখুন।”

পিতামহী টোপটুকু ভাবিয়া ভাবিয়া আহার করিতে ছিলেন এবং আমার কথা মনোযোগ দিয়া গুনিতেন। খাওয়া শেষ হইলে তিনি বলিলেন, “ট্রট, বৎস, আমার

জানেন যদি কোন লক্ষ্য থাকে, তা হ'লে তোমাকে বিজ্ঞ, ভদ্র, সং এবং সুখী দেখে যাওয়াই আমার একমাত্র উদ্দেশ্য। এ জন্ম আমি দৃঢ়প্রতিজ্ঞ, ডিকের মতও তাই।”

মুহূর্তকাল নীরব থাকিয়া তিনি বলিয়া চলিলেন, “অতীতকাল স্বরণ করায় কোন লাভ এখন নেই। হয় ত আমি তোমার বাবার বিশেষ বন্ধু-আত্মীয়ের কাজ করতে পারতাম। হয় ত তোমার বেচারী মাকেও আমি ভালভাবে সাহায্য করতে পারতাম—বেটসি ট্রটউডকে পাইনি ব'লে হতাশ হলেও, হয় ত তার জন্ম অনেক কিছু করতে পারতাম। তুমি যখন পালিয়ে এসেছিলে—ছিন্নবস্ত্রে, ধূলিমলিন-দেহে, অসহায়ভাবে আমার কাছে এসেছিলে, তখন ঐ সব কথা আমার মনে হয়েছিল। সে সময় থেকে এ পর্যন্ত তুমি আমার আনন্দ, গর্ব ও গৌরবের বিষয় হয়েছ। আমার যা কিছু অর্থ আছে, তার উপর আর কোন বিষয়ের কোন স্বত্বই নেই। তুমি আমার পালক-পুত্র—তোমার ভবিষ্যৎ গ'ড়ে তোলাই আমার একমাত্র লক্ষ্য। শুধু আমার এই বুড়া বয়সে তুমি আমাকে ভালবেস, এইটুকু আমি চাই। আর আমার খেয়ালগুলো মেনে চলো। তা হ'লেই জানবে, তোমার এই বুড়া ঠাকুরমা খুসী হবে। প্রথম জীবনে সে মোটেই সুখ-আনন্দ পায়নি। সে শুধু দুঃখই পেয়েছিল।”

পিতামহীকে আজ সর্বপ্রথম তাঁহার অতীত জীবনের কথার ইঙ্গিত দিতে শুনিলাম।

তিনি আবার বলিলেন, “এখন আমাদের মধ্যে বোঝা-পড়া সবই হয়ে গেল। আর এ সম্বন্ধে কোন আলোচনার দরকার নেই। আমার একটা চুমা দাও। তার পর আমরা কাল প্রাতরাশের পর কমপে যাব।”

শয়নের পূর্বে আমাদের অনেক কথার আলোচনা হইল। পিতামহী যে ঘরে শয়ন করিতেন, তাহার পাশের ঘরেই আমার শয্যা রচিত হইয়াছিল। রাত্রিতে মাঝে মাঝে তিনি আমার দরজায় করাঘাত করিয়া জিজ্ঞাস্য করিয়াছিলেন, আমি এঞ্জিনের শব্দ পাইতেছি কি না। দূরে ভাড়াটিয়া গাড়ীর শব্দেই তিনি ভাবিতেছিলেন, সহরে আগুন লাগিয়াছে, তাই বুঝি দমকল চলিয়াছে। যাহা হউক, শেষ রাত্রির দিকে তিনি নিশ্চিন্তমনে ঘুমাইলেন। আমারও ঘুম আসিল।

দ্বিপ্রহরে আমরা ‘মের্স’ স্পেন্নলো এণ্ড জর্কিন্স’এর কার্যালয়ে চলিলাম। ‘ডক্টরস্ কমন্স’এ তাঁহাদের আপিস। সহরের লোক পকেট কাটে বলিয়া পিতামহী তাঁহার মুদ্রাধার আমার কাছে রাখিতে দিয়াছিলেন। তাহাতে দশখানি স্বর্ণমুদ্রা ও কিছু খুচরা টাকা ছিল।

ক্রিট ষ্ট্রিটের একটি খেলানার দোকানের সম্মুখে দাঁড়াইয়া আমরা সেন্ট জনস্টানের বড়ীর দিকে চাহিলাম। ১২টার সময় আমরা নির্দিষ্ট স্থানে পৌঁছিব, এইরূপ স্থির ছিল। আমরা লড্গেট হিলের অভিমুখে চলিয়াছি, এমন সময় দেখিলাম, পিতামহীর সতিবেগ প্রকট হইয়াছে। বোধ

হইল, তিনি যেন ভীত হইয়াছেন। আমি সেই সময়েই দেখিলাম যে, এক জন লোক—তাহার পরিধের ভদ্রজনোচিত নহে—পথের মাঝে দাঁড়াইয়া আমাদের দিকে চাহিয়া আছে। শুধু তাহাই নহে, ঠাকুরমার কাছে আসিয়া পড়িয়াছে।

ভীতকণ্ঠে মুহূর্তে পিতামহী বলিলেন, “ট্রট, ট্রট, আমি কি যে করব, ভেবে পাচ্ছি না।” তিনি আমার বাহ চাপিয়া ধরিলেন।

আমি বলিলাম, “ভয় পাবেন না। ভয়ের কারণ কই? এই দোকানটার ভেতর আসুন। এখনই লোকটার নজর এড়িয়ে যাব।”

তিনি বলিলেন, “না, বাছা, না! ওর সঙ্গে খবরদার কথা বলবে না। আমি তোমাকে অনুরোধ করছি—আদেশ করছি!”

আমি বলিলাম, “হা ভগবান! ঠাকুরমা, ও একটা ভিথিরী বই আর কিছুই নয় ত!”

পিতামহী বলিলেন, “ও যে কে, তা তুমি জান না! ওর পরিচয় তোমার জানা নেই। তাই তুমি যা তা বলছ!”

একটি বাড়ীর ফাঁকা দরজার কাছে দাঁড়াইয়া আমাদের এই কথা হইতেছিল। লোকটাও তখন চলিতে চলিতে থামিয়া পড়িয়াছিল।

পিতামহী বলিলেন, “ওর দিকে তাকিও না। আমাকে তাড়াতাড়ি একখানা গাড়ী ভাড়া ক'রে এনে দাও। তার পর সেন্ট পল গির্জার ধারে আমার প্রতীক্ষায় থেকো।”

আমি বলিলাম, “আপনার জন্ম প্রতীক্ষা ক'রে থাকবো?”

“হাঁ। আমি একলাই যাব। ওর সঙ্গে আমাকে যেতেই হবে।”

আমি বলিলাম, “ওর সঙ্গে? এই লোকটার সঙ্গে আপনি যাবেন?”

তিনি বলিলেন, “আমার জ্ঞান ঠিক আছে। আমি বলছি, আমাকে যেতেই হবে। যাও, একখানা গাড়ী ডাক।”

আমি অতিমাত্রায় বিস্মিত হইলেও, পিতামহীর আদেশ পালন না করিয়া পারিলাম না। কিছু দূর গিয়া একটা ভাড়াটিয়া গাড়ী খালি যাইতে দেখিয়া তাহাকে ডাকিলাম। পিতামহী তাড়াতাড়ি গাড়ীতে উঠিলেন। লোকটাও তাঁহার অনুসরণ করিল। পিতামহী আমাকে হাত দেখাইয়া অগ্রসর হইতে বলিলেন। বিস্ময়ে অভিভূত হইলেও আমি তাঁহার নির্দেশ পালন করিলাম। সেই সময় তিনি গাড়োয়ানকে বলিতেছেন, শুনিলাম, “যেখানে ইচ্ছা হাঁকাও। সোজা গাড়ী চালাও!” গাড়ী আমার সম্মুখে দিয়া চলিয়া গেল।

মিঃ ডিক কিছুদিন পূর্বে আমায় যে ঘটনার কথা বলিয়াছিলেন, আজ তাহা মনে পড়িল। না, মিঃ ডিক কল্পনানন্দে সে ঘটনা দেখেন নাই। আমি স্থির করিলাম,



এ ব্যক্তি সেই একই লোক। জানি না, এই ব্যক্তি ঠাকুরমার উপর কি করিয়া প্রভাব বিস্তার করিয়াছে। নির্দিষ্ট স্থানে আধ ঘণ্টাকাল অপেক্ষা করিবার পর দেখিলাম, সেই গাড়ীখানা আসিতেছে। গাড়োয়ান আমাকে দেখিয়াই গাড়ী থামাইল। ঠাকুরমা ভিতরেই বসিয়া আছেন।

ঠাহার উদ্ভেজনা তখনও সম্পূর্ণ অন্তর্হিত হয় নাই। আমি গাড়ীতে উঠিলে তিনি গাড়োয়ানকে খানিকক্ষণ ধীরে ধীরে গাড়ী চালাইতে বলিলেন। তিনি প্রকৃতিস্থ হইতে আরও একটু সময় চাহেন, বুঝিলাম। তিনি শুধু আমাকে এইটুকু বলিলেন, “বৎস, এ বিষয়ে তুমি আমার কাছে কিছু জানতে চেয়ো না। এ সম্বন্ধে কোন দিন আলোচনাও করো না।” খানিক পরে তিনি প্রকৃতিস্থ হইয়া বলিলেন, এইবার যেখানে যাইতেছিলাম, সেখানে যাইতে পারি। মুদ্রাধারটা তিনি আমাকে পুনরায় ফিরাইয়া দিলেন। দেখিলাম, তাহার মধ্যে যতগুলি স্বর্ণমুদ্রা ছিল, একটিও নাই, শুধু রূপার চাকতিগুলিই আছে।

‘উক্টরস্ কম্প’এ পৌঁছিলাম। ‘স্পেনলো এণ্ড অক্সিস’এর আপিসে যাইবামাত্র মিঃ স্পেনলোর ঘরে আমাকে ও ঠাকুরমাকে লইয়া গেল। তিনি তখন ঘরে ছিলেন না। ঠাহাকে ডাকিয়া পাঠান হইল।

মিঃ স্পেনলো আসিলেন। ঠাহার বেশভূষা পরিচ্ছন্ন, বুকে মোটা ভারী সোণার চেন। লোকটির সহিত পরিচয় হইলে তিনি বলিলেন যে, পিতামহীর সঙ্গে পূর্বেই ঠাহার আলোচনা হইয়াছিল। এখানে এক জন আর্টিকেল-ক্লার্ক খালি হওয়ায় তিনি আমার নাম প্রস্তাব করেন। মিঃ স্পেনলো তাহাতে স্বীকৃত হন।

তবে হাজার পাউণ্ড প্রিমিয়ম আমাকে দিতে হইবে। তাহার এক কপর্দক কমে হইবে না। বিশেষতঃ ঠাহার অংশীদার মিঃ অক্সিস এ বিষয়ে ভারী কড়া। যাহা হউক, অনেক আলোচনার পর স্থির হইল যে, আমি যত শীঘ্র ইচ্ছা শিক্ষানবিশী কার্যে লাগিয়া যাইতে পারি। ঠাকুরমাকে আর লগুনে থাকিতে হইবে না। সন্তের দলিল, ঠাহার কাছে যথাসময়ে স্বাক্ষরের জন্ম প্রেরণ করা হইবে।

তার পর মিঃ স্পেনলো আদালত-ঘরগুলি দেখাইয়া আনিলেন। কোথায় কি কার্য্য হয়, তাহাও মোটামুটি বুঝাইয়া দিলেন। সব দেখা-শুনা করিয়া আমি ঠাকুরমার কাছে ফিরিয়া আসিলাম।

সেখান হইতে বাহির হইয়া চলিতে লাগিলাম। এখন আমি কোথায় বাসা লইয়া থাকিব, তাহারই আলোচনা ঠাকুরমা করিতে লাগিলেন। তিনি ডোভারে ফিরিবার জন্ম এত ব্যস্ত যে, আমি বলিলাম, আমার জন্ম ঠাহার চিন্তা নাই দেখিয়া গুনিয়া থাকিবার একটা জায়গা খুঁজিয়া লওয়া যাইবে।

ঠাকুরমা ঠাহার পকেট হইতে এক টুকরা কাগজ বাহির করিয়া বলিলেন, “এক সপ্তাহ এখনও হয়নি, এখানে

এসেছি। এর মধ্যে তোমার থাকার কথাও ভেবে দেখেছি। এডেলফিতে একটি ঘর ভাড়া পাওয়া যাবে, সে ঘরে তোমার বেশ চলবে।” এই বলিয়া তিনি বিজ্ঞাপনের কর্তৃত অংশটুকু আমার হাতে দিলেন।

বিজ্ঞাপনটি পড়িয়া আমি বলিলাম, “ঠাকুরমা এখানেই খুব ভাল থাকা যাবে। যে রকম বর্ণনা, তাতে আমার কোন অসুবিধা হবে না।”

পিতামহী বলিলেন, “তা হ’লে চল, এখনই গিয়ে বাসাটা দেখে ঠিক ক’রে আসি।”

নির্দিষ্ট স্থানের দিকে চলিলাম। মিসেস্ ক্রুপ নামক কোনও মহিলার কাছে আবেদন করিবার কথা বিজ্ঞাপনে লেখা ছিল। সন্ধান করিবার পর একটি স্থলকায়ী মহিলা আসিলেন।

পিতামহী বলিলেন, “অনুগ্রহ ক’রে ঘর দেখান ত, ম্যাডাম্!”

মিসেস্ ক্রুপ বলিলেন, “এই ভদ্রলোকটির জন্ম?”

“হ্যাঁ, আমার পোল্লের জন্ম।”

নদীর ধারে বাড়ী। উপরতলায় ঘর। আসবাবগুলি মলিন হইলেও, আমার প্রয়োজনের পক্ষে নিন্দনীয় নহে। ঘর দেখিয়া আমার পছন্দ হওয়ায়, ঠাকুরমা উক্ত মহিলাটির সঙ্গে ভাড়ার বন্দোবস্ত করিতে কক্ষান্তরে গেলেন।

পিতামহী ও বাড়ীওয়ালী ফিরিয়া আসিলেন। বুঝিলাম, দরদস্তুর উভয়ের পক্ষেই গ্রহণীয় হইয়াছে। ঠাকুরমা বলিলেন, “এ সকল জিনিষ ঘরের শেষ মালিকের ছিল বোধ হয়?”

মিসেস্ ক্রুপ বলিলেন, “হ্যাঁ, ম্যাডাম্।”

“তার কি হয়েছে?”

মিসেস্ ক্রুপ কাসিয়া ঘামিয়া অবশেষে জানাইলেন, শেষ ভাড়াটিয়াটি মারা গিয়াছে।

ঠাকুরমা জিজ্ঞাসা করিলেন, “মৃত্যু হইল কি রোগে?”

“ভারী মাতাল ছিল, আর অত্যন্ত ধূমপান করত।”

“যাক, ছোঁয়াচে ব্যায়রাম নয়। কি বল, ট্রট?”

আমি বলিলাম, “না, তা নয়।”

পিতামহী বলিলেন যে, আপাততঃ এক মাসের ভাড়া লওয়া হইল। যদি ভাল লাগে, তবে বারো মাস এখানে থাকা হইবে। মিসেস্ ক্রুপ জানাইলেন, নিজের ছেলের মত তিনি আমাকে যত্ন করিবেন। আহাৱাদির বন্দোবস্ত তিনিই করিয়া দিবেন।

পরদিন আমি ঐ বাসায় আসিব স্থির হইল। আমার দ্রব্যাদি পাঠাইবার ভার পিতামহী লইলেন। আগনেস্কে এক দীর্ঘ পত্র লিখিলাম, ঠাকুরমা সে পত্র স্বয়ং আগনেস্কে দিবেন জানাইলেন।

পরদিন ঠাকুরমাকে ডোভারগামী গাড়ীতে তুলিয়া দিলাম। ষ্ট্রিয়ারফোর্থের সহিত ঠাহার দেখা হইল না। কারণ, সে যথাসময়ে আসিতে পারিল না।

চতুর্বিংশ পরিচ্ছেদ

নতুন বাসায় আসিয়া আমার উৎসাহের অন্ত রছিল না। ঘরের আমি মালিক। যখন ইচ্ছা ঘরে আসিব, বাহিরে যাইব, যাহাকে ইচ্ছা আমার গৃহে লইয়া আসিব! একরূপ স্বাধীনতা জীবনে উপভোগ করি নাই। তবে একটা অভাব অনুভব করিলাম, কথা কহিবার লোক নাই। আগনেসের অভাব আমি বিশেষভাবে অনুভব করিতেছি। মিসেস্ ক্রুপকে ডাকিলেই পাওয়া যাইত সত্য; কিন্তু তাঁহার সহিত বসিয়া ত গল্প করা চলে না।

দুই দিন দুই রাত্রি বাস করিবার পর মনে হইল, যেন এক বৎসর এখানে বাস করিতেছি। ষ্টিয়ারফোর্থের দেখা নাই। মনে হইল, সম্ভবতঃ তাহার অসুখ করিয়া থাকিবে। তৃতীয় দিবসে 'কমন্স' হইতে সকাল সকাল বাহির হইয়া আমি হাইগেটে গেলাম। মিসেস্ ষ্টিয়ারফোর্থ আমাকে দেখিয়া ভারী খুসী হইলেন। তিনি বলিলেন, ষ্টিয়ারফোর্থ তাহার অস্ত্রফোর্ডের কোন বন্ধুর সহিত আর এক বন্ধুকে দেখিবার জন্য সেন্ট আলবান্সে গিয়াছে। সম্ভবতঃ আগামী কলা সে ফিরিয়া আসিবে। এ সংবাদে সেই সন্ধ্যা বন্ধুটির উপর আমার ঈর্ষা হইল।

রাত্রি-ভোজের জন্য ষ্টিয়ারফোর্থ-জননী আমাকে থাকিয়া যাইতে অনুরোধ করিলেন। এড়াইতে পারিলাম না। সমস্তক্ষণ ষ্টিয়ারফোর্থের কথাই আমরা আলোচনা করিলাম। ইয়ারমাউথের সকলে তাহাকে কিরূপ ভালবাসিয়াছিল, সে কথা জানাইয়া দিলাম। মিস্ ডার্টল আমাকে প্রশ্নের পর প্রশ্ন করিয়া সমস্ত কথা বাহির করিয়া লইলেন। সেখানে কেমন ভাবে আমাদের দিন কাটিয়াছিল, কি কি ঘটিয়াছিল, সব কথা যতদূর সম্ভব আমার সঙ্গে আলোচনায় তিনি জানিয়া লইলেন। দুইটি মহিলাই সঙ্গ আমার খুব প্রীতিপ্রদ বোধ হইল। বিশেষতঃ, মিস্ ডার্টলের সঙ্গ আরও প্রীতিপ্রদ অনুমান করিলাম। বোধ হইল, তাঁহার সহিত আমি হয় ত প্রেমে পড়িয়া গিয়াছি। যাহা হউক, আমি অবশেষে বিদায় লইয়া নিজ স্থানে ফিরিলাম।

আমি কফিপান করিতেছি এবং কমন্সে যাইবার জন্য কাজের ব্যবস্থা করিতেছি, এমন সময় ষ্টিয়ারফোর্থ আসিয়া হাজির। তাহাকে দেখিয়া আমি আনন্দে অধীর হইয়া উঠিলাম।

"প্রিয় ষ্টিয়ারফোর্থ, ভেবেছিলাম, তোমার দেখা বুঝি আর পাব না?"

ষ্টিয়ারফোর্থ বলিল, "আমাকে জোর করে ঠেলে নিয়ে গেল, তা আমি কি করব। বাড়ীতে ফিরবার পরদিনই এই ব্যাপার। বাঃ, ডেজি, তুমি চমৎকার ঘর ঠিক করেছ!"

আমি তাহাকে সব ঘর দেখাইলাম। সে সব দেখিয়া খুসী প্রশংসা করিল। সে বলিল, "দেখ, বন্ধু, ঘর দেখে

আমার এমন পছন্দ হয়েছে যে, আমি এখানে এসেই থাকব। তার পর তুমি আমাকে না তাড়ালে আর যাব না।"

আমি শুনিয়া ভারী আনন্দিত হইলাম। বলিলাম যে, আমি তাহাকে তাড়াইয়া দিব, এই প্রত্যাশায় থাকিলে তাহাকে অনন্তকাল ধরিয়া এখানে থাকিতে হইবে।

তার পর বলিলাম, "এখন প্রাতরাশ কিছু কর। মিসেস্ ক্রুপ কফি ও কিছু মাংস-ভাজা এনে দেবে।" বলিয়া ঘণ্টার রঞ্জুতে হাত দিলাম।

ষ্টিয়ারফোর্থ বাধা দিয়া বলিল, "না, না, ঘণ্টা বাজিও না। আমি এখন কিছু খেতে পারব না। কভেন্ট গার্ডেনে, পিয়াজা হোটেলে এখন আমার প্রাতরাশের নিমন্ত্রণ আছে।"

আমি বলিলাম, "তা হ'লে ডিনারে তোমার নেমস্তন্ন এখানে রৈল।"

"তা হ'তে পারে না। অবশ্য তোমার এখানে খাওয়া আমার বিশেষ প্রার্থনীয়। তবে আমার দুই সহপাঠীর সঙ্গে আমাকে থাকতেই হবে। কাল সকালে আমরা তিন জনই চলে যাব।"

"তবে তোমার বন্ধু দুটিকেও এখানে নিয়ে এস। তারা কি এখানে আসবে না ব'লে তোমার মনে হয়?"

ষ্টিয়ারফোর্থ বলিল, "নিশ্চয় তারা আসবে। কিন্তু তাতে তোমাকে অসুবিদায় ফেলা হবে। তার চেয়ে বরং তুমিই আমাদের সঙ্গে কোন জায়গায় গেলেই ভাল হয়।"

আমি তাহাতে কোনমতেই সন্মত হইলাম না। নিজের ঘর-বাড়ীতে একটু আমোদ করিবার ইচ্ছা আমার হইয়াছিল। সুতরাং এমন সুযোগ তাগ করা যাইতে পারে না। সুতরাং ষ্টিয়ারফোর্থকে রাজি করাইলাম। তাহার দুই বন্ধুকে লইয়া আজই রাত্রিতে এখানে আহায়ে আসিবে। সন্ধ্যা ৬টার সময় ডিনারের সময় নির্দিষ্ট হইল।

ষ্টিয়ারফোর্থ চলিয়া গেলে আমি মিসেস্ ক্রুপকে ডাকাইলাম এবং তাহাকে আমার অভিপ্রায় জানাইলাম। মিসেস্ ক্রুপ বলিলেন যে, আহায়ে সময় তিনি পরিবেষণ করিতে পারিবেন না, তবে তাহার পরিচিত এক জন যুবক আছে, তাহার দ্বারা এ কার্য চলিতে পারিবে। তাহাকে স্বীকার করানও কঠিন কাজ হইবে না। তবে পারিশ্রমিকস্বরূপ তাহাকে ৫ শিলিং দিতে হইবে। বকশিস আমি দেই অথবা না দেই, সে স্বতন্ত্র কথা। আমি তাহাতেই সন্মত হইলাম। তার পর মিসেস্ ক্রুপ বলিলেন, রাগ্না ও জিনিষপত্র ধোয়া সাজান এক জনের কাজ নয়। এজন্য তিনি একটি যুবতীকে সে কাজের ভার দিতে চাহেন। তবে সে জন্য ১৮ পেন্স তাহাকে পারিশ্রমিক দিতে হইবে। আমি তাহাতেও সন্মত হইলাম। তার পর ডিনারের ব্যাপার।

মিসেস্ ক্রুপ সেরূপ ফর্দ দিলেন, তদনুসারে ব্যবস্থা করিতে বলিলাম। খাণ্ডব্রব্যের সঙ্গে বোতল বোতল সুরাও

আনিবার অর্ডার দিলাম। বৈকালে যখন বাসায় ফিরি-  
লাম, দেখিলাম, তাঁকের উপর অনেকগুলি বোতল  
সাজান রহিয়াছে। ইহা দেখিয়া সত্যই আমার ভয়  
হইল।

ষ্টয়ারফোর্থের এক জন বন্ধুর নাম গ্রেনগার, অপরটির  
নাম মার্কহাম। উভয়েই ভারী আমুদে ও মিশুক। গ্রেনগার  
ষ্টয়ারফোর্থ অপেক্ষা কিছু বড়। মার্কহামের বয়স বিশ  
বৎসরের অধিক নহে। সে নিজেকে “মানুষ” বলিয়া উল্লেখ  
করিত, উত্তম পুরুষের প্রয়োগ করিত না।

সে বলিল, মিঃ কপারফিল্ড, মানুষের এ জায়গাটায় বেশ  
ভালই কাটে।”

আমি বলিলাম, “মনঃ নয়। বরং যেন যেমন বড়, তেমনই  
সুবিধাজনক।”

ষ্টয়ারফোর্থ বন্ধুগলকে উদ্দেশ্য করিয়া বলিল,  
“তোমাদের বেশ ক্ষিদে আছে বোধ হয়?”

মার্কহাম বলিল, “সহরে এলে ক্ষিদে বেড়ে যায় দেখছি।  
সমস্ত দিনই ক্ষুধার আগুন জ্বলছে। মানুষ দিনরাতই খেয়ে  
চলেছে।”

আমার বয়স অল্প, এজ্ঞ আমি ষ্টয়ারফোর্থকেই ভোজন-  
টেবলে অগ্রণী করিয়া দিলাম। আমি ঠিক তাহার বিপরীত  
দিকে বসিলাম। আহার চলিতে লাগিল। আহাৰ্যাদি  
সবই ভাল হইয়াছিল। সুরার বোতলগুলির প্রতিও আমরা  
বিশেষ দৃষ্টিপাত করিলাম। ষ্টয়ারফোর্থ সকলকেই বেশ  
আনন্দ দিতে লাগিল। যে যুবকটি পরিবেষণের ভার লইয়া-  
ছিল, তাহাকে প্রায় বোতল লইয়া তাহার মুখবিবরে  
ঢালিয়া দিতে লক্ষ্য করিতেছিলাম।

যাহা হউক, ঐ সকল বিষয়ে দৃষ্টিপাত করায় তখন সময়  
আমার ছিল না; ইচ্ছাও ছিল না। প্রথম দফা আহার  
শেষ হইলে তখন টেবলের উপর ফলমূল প্রভৃতি  
সাজাইয়া দেওয়া হইল।

আজ আমি অসম্ভবরূপে আনন্দ বোধ করিতেছিলাম।  
আমার সমস্ত হৃদয় যেন অত্যন্ত লঘু হইয়া গিয়াছিল। কত  
কথাই আমার আজ মনে পড়িতেছিল। আমি যা তা বকিয়া  
চলিয়াছিলাম। নিজের কথায় নিজের অসম্ভবরূপে হাসিয়া  
উঠিতেছিলাম, অল্পের কথায়ও হাস্য সংবরণ করিতে  
পারিতেছিলাম না।

সুরার গেলাস পুনঃ পুনঃ হাত ফিরিয়া আসিতেছিল।  
বোতলের পর বোতলের ছিপি খুলিয়া ফেলা হইতেছিল।  
আমি ষ্টয়ারফোর্থের স্বাস্থ্যকামনা করিয়া সুরাপান  
করিলাম। একবার নহে—তিনবার। ক্রমে আমি মুক্ত-  
কণ্ঠে ষ্টয়ারফোর্থের উচ্চ-প্রশংসায় অধীর হইয়া উঠিলাম।  
তাহার করকম্পন করিতে গিয়া হাতের গ্লাসটা ভাঙিয়া  
ফেলিলাম। কথা যে আমার জড়াইয়া আসিয়াছিল, তাহা  
বুলিলাম। কিন্তু কথার স্রোত রুদ্ধ হইল না।

মার্কহাম গান গাহিতে আরম্ভ করিয়াছিল। সে গানের  
এক স্থানে “নারী” শব্দ প্রয়োগ করায় আমি  
তুলিলাম। না, নারী নহে—মহিলা বলিতে হইবে।  
উভয়ের মধ্যে কথা চলিতে লাগিল। কথা ক্রমে তর্কে  
পরিণত হইল। ষ্টয়ারফোর্থ আমাদের অবস্থা দেখিয়া  
হাসিতে লাগিল।

ক্রমে আমরা ধূমপান করিতে লাগিলাম, প্রচুর ধূমপান  
চলিল। দর্পণে চাহিয়া দেখিলাম, আমার দৃষ্টি শূণ্য, আনন  
বিবর্ণ, কেশরাজি বিশৃঙ্খল। আমি মাতাল হইয়াছি।

কেহ প্রস্তাব করিল, চল, থিয়েটারে যাওয়া যাক।  
হাঁ, থিয়েটারেই যাইতে হইবে। চারি জনে প্রস্তুত হইলাম।  
অন্ধকারে দরজা খুঁজিয়া পাই না, পা টলিতেছে। আমার  
অবস্থা দেখিয়া ষ্টয়ারফোর্থ আমাকে বাহুল্য করিয়া বাহিরে  
আসিল। পদখলিত হইয়া আমিই পড়িয়া গেলাম।

রাত্রিটা কুয়াসাচ্ছন্ন ছিল। ষ্টয়ারফোর্থ আমার গায়ের  
ধূলা ঝাড়িয়া দিল, টুপীটা যথাযথভাবে মাথায় বসাইয়া দিল।

টিকিট কিনিয়া থিয়েটারে গেলাম। চারিদিকে তখন  
কি হইতেছিল, আমি বুঝিতে পারিতেছিলাম না। পুরুষ ও  
মহিলার ভিড়—রঙ্গমঞ্চ আলো জ্বলিতেছে। মনে হইল,  
সমগ্র বাড়ীটা ঘুরিতেছে, একটা বক্সে গিয়া বসিলাম।  
আমার মুখ দিয়া কতকগুলি কথা বাহির হইতেই চারিদিক  
হইতেই শব্দ উঠিল—“চুপ কর!”

মহিলারা আমার দিকে ক্রুদ্ধদৃষ্টিতে চাহিলেন। কিন্তু  
ও কি? আগনেস্ না? ঠিক আমার সম্মুখস্থ আসনেই সে  
উপবিষ্টা। তাহার সহিত এক জন মহিলা ও এক জন  
ভদ্রলোক রহিয়াছেন। আমি তাঁহাদিগকে চিনি না।

“আগনেস্! আগনেস্!”

সে বলিল, “চুপ কর। তুমি সকলের বিরক্তি উৎপাদন  
কচ্ছ। এখন রঙ্গমঞ্চের দিকে তাকাও!”

আমি চাহিতে চেষ্টা করিলাম—গুনিবার প্রয়াস  
পাইলাম; কিন্তু সবই ব্যর্থ হইল। আবার আমি তাহার  
দিকে ফিরিয়া চাহিলাম। দেখিলাম, সে যেন সজ্জিত হইয়া  
উঠিয়াছে। ললাটে করপল্লব রাখিয়া কি যেন ভাবিতেছে!

“আগনেস্! তুমি—ভা—ল—আহ?” আমার কণ্ঠ  
স্বর গাঢ় ও স্থলিত।

সে বলিল, “হাঁ, আমি! ট্রটউড, তুমি এখনই কিবে  
যাচ্ছ ত?”

জড়িত স্বরে বলিলাম, “আ—মি—ফির—রে যা—ছি!”  
“হাঁ, তাই যাও।”

বলিতে যাইতেছিলাম যে, তাহাকে নীচে নামাইয়া দিবার  
জন্ত আমি অপেক্ষা করিব। কোন রকমে হয় ত সে কথাটা  
প্রকাশ করিয়াও থাকিব। সে কিয়ৎকাল আমার দিকে  
নিবিষ্টমনে তাকাইয়া মূহুরে বলিল, “আমি জানি, আমি  
যা বলুব, তুমি তা করবে। আমি বলছি, তুমি বাসায়



ফিরে যাও। তোমার বন্ধুদের বল, তোমাকে বাসায় নিয়ে যাক।”

আমি তাহার উপর রাগ করিলাম বটে, কিন্তু আমি নিজের ব্যবহারে লজ্জিত হইলাম। বিদায় লইয়া টলিতে টলিতে আমি বন্ধুবর্গের সহিত থিয়েটার-ঘর পরিত্যাগ করিলাম। তার পর বাসায় আসিয়া বিছানায় শুইয়া পড়িলাম।

পরদিবস প্রভাতে লজ্জায় হুঃখে অভিভূত হইলাম। এ কি করিয়াছি আমি! সুরাপানে মত্ত হইয়া আমি আগনেস্কে পর্য্যস্ত হুঃখ দিয়াছি—লজ্জা দিয়াছি। আমি জানিতাম না, আগনেস্ লগুনে আসিয়াছে। কোথায় সে আছে, তাহাও জানি না। সমস্ত দিন আমি শয্যায় পড়িয়া রহিলাম। কোথাও গেলাম না। অনুশোচনায় আমার অন্তর পূর্ণ হইল।

### পঞ্চবিংশ পরিচ্ছেদ

পরদিবস আমি ঘরের বাহিরে আসিয়া দাঁড়াইয়াছি, এমন সময় এক জন পত্রবাহক আমাকে দেখিয়া সিঁড়ি বাহিয়া উপরে আসিল। সে সেলাম করিয়া বলিল যে, মিঃ কপারফিল্ড স্কোয়ারের একখানি পত্র আছে। আমি পত্রখানা লইয়া বুঝিলাম, উহা আগনেস্ লিখিয়াছে। পত্রবাহক বলিল, সে জবাব লইয়া যাইবে। আমি তাহাকে অপেক্ষা করিতে বলিয়া ঘরের মধ্যে প্রবেশ করিলাম। পত্র খুলিলাম।

উহাতে লেখা ছিল, “প্রিয় ট্রেউড, বাবার এজেন্ট মিঃ গুণটারক্কের হস্তবরণস্থিত ভবনে আমি আপাততঃ আছি। আজ যে কোন সময়ে তুমি আসিলে আমি সুখী হইব। কখন আসিবে, লিখিয়া দিও। ইতি, তোমার স্নেহাস্পদা আগনেস্।”

পত্রের উত্তর লিখিতে আমি তিন চারিখানি চিঠির কাগজ নষ্ট করিয়া ফেলিলাম। তার পর লিখিলাম, “প্রিয় আগনেস্, তোমার পত্র ঠিক তোমারই মত। আমি বেলা ৪টার সময় যাইব। ইতি, ট্রেউড্ কপারফিল্ড।”

আপিস হইতে বেলা সাড়ে ৩টার বাহির হইয়া মিঃ গুণটারক্কের ভবনের দিকে চলিলাম। তথায় পৌছিয়া ঘণ্টাধ্বনি করিলাম।

একটি ছোট বসিবার ঘরে নীত হইলাম, সেখানে আগনেস্ বসিয়াছিল।

সে রাত্রির অবস্থা সর্লক্ষণ আমার স্মৃতিপথে ছিল, তাই বলিলাম, “আগনেস্, তুমি না হয়ে আর কেউ হ’লে আমার এত অনুতাপ হ’ত না। কিন্তু যখন মনে হয়, তুমি আমাকে সেই অবস্থায় দেখেছিলে, তখনই মনে হয়, আমার মৃত্যু হওয়া ভাল ছিল।”

সে আমার বাহুমূলে তাহার করপল্লব রক্ষা করিল। এমন বন্ধুত্বের মাধুর্য্যপূর্ণ স্পর্শ আর কেহ দিতে পারে না! আমি তাহার করপল্লব ধারণ করিয়া কৃতজ্ঞভাবে চুম্বন করিলাম।

প্রসন্নকণ্ঠে আগনেস্ বলিল, “ব’স তুমি, ব’স। হুঃখ করো না, ট্রেউড। যদি আমার উপর তোমার বিশ্বাস না থাকে, তবে আর কার ওপর থাকবে?”

“আগনেস্, তুমি আমার কল্যাণময়ী দেবকণ্ঠা।

বিষন্নভাবে সে ঈষৎ হাস্য করিল, ইহা আমার অনুমিত হইল।

“হাঁ, আগনেস্, আমার কল্যাণময়ী ধবতারা—চিরদিনই তুমি আমার কল্যাণময়ীরূপে আছ।”

আগনেস্ বলিল, “যদি তাই হয়, তা হ’লে একটা কথা তোমাকে বলব।”

আমি তাহার দিকে বিন্ময়পূর্ণ দৃষ্টিতে চাহিলাম।

সে বলিল, “তোমাকে সতর্ক ক’রে দিচ্ছি, তোমার মন্দ দেবদূতের বিরুদ্ধে।”

আমি বলিলাম, “প্রিয় আগনেস্, তুমি যদি ষ্টিয়ারফোর্থের—”

“হ্যাঁ, আমি তারই কথা বলছি, ট্রেউড!”

“আগনেস্, তুমি তার সম্বন্ধে বড় অবিচার করছো। সে আমার অনিষ্টকারী? সে আমায় ভাল পথ দেখিয়ে দিয়েছে, উপদেশ দিয়েছে, সাহায্য করেছে। সে আমার পরম বন্ধু! প্রিয় আগনেস্, সে দিন রাত্রিতে আমার অবস্থা দেখে তার সম্বন্ধে যদি তুমি বিচার ক’রে থাক, তবে তা সঙ্গত হবে না, আগনেস্।”

শান্তভাবে আগনেস্ বলিল, “সে দিন রাত্রির ঘটনা নিয়ে আমি তার সম্বন্ধে বিচার করিনি।”

“তবে কি থেকে করলে?”

“অনেক জিনিষ থেকে—সামান্য সামান্য ব্যাপার থেকে। আমি বিচার ক’রে দেখেছি, সে তোমার উপর যে প্রভাব বিস্তার ক’রে রেখেছে, তাই থেকে। তোমার চরিত্র আমি জানি। তার প্রভাব কি রকম, তাও আমি বুঝেছি।”

তাহার সহজ কণ্ঠস্বরে এমন একটি ভাব ছিল, যাহা সকল সময়েই আমার হৃদয়ে কোন না কোন তরীতে স্পর্শাত্মকভাবে জাগাইয়া তুলিত। সকল সময়েই আগনেসের কথায় একটা আন্তরিকতা ছিল। যখন আন্তরিকতা চরম সীমায় উঠিত, তখন আমাকে অভিভূত করিয়া ফেলিত। আজ তাহার কণ্ঠে সেরূপ একটা চরম আন্তরিকতা বহুত হইয়া উঠিয়াছিল। আমি তাহার মুখের দিকে চাহিয়া রহিলাম। ষ্টিয়ারফোর্থের প্রতি আমার সহস্র আকর্ষণ সত্ত্বেও, আগনেসের কণ্ঠস্বরে ষ্টিয়ারফোর্থ যেন মলিন হইয়া গেল।

আমার দিকে চাহিয়া আগনেস্ বলিল, “অবশ্য আমি চিরদিন লোকসম্পর্কবর্জিত হয়ে আছি। সমাজে

মেলা-মেশা নাই। এ অবস্থায় আমার পক্ষে এ রকম মন্তব্য প্রকাশ করা খুব সাহসিকতার পরিচায়ক হ'ত, কিন্তু ট্রটউড, আমরা ছ'জনে ছেলেবেলা থেকে একসঙ্গে বড় হয়েছি, সুতরাং তোমাকে আমি যেমন বুঝি, এমন আর কেউ বুঝবে না। তাই আমি ও কথা সাহস ক'রে বলেছি। আমার দৃঢ়বিশ্বাস, আমি যা বলেছি, তা সত্য। এ বিষয়ে আমার বিন্দুমাত্র সন্দেহ নেই। আমি যখন তোমাকে বলছিলাম, তুমি বিপজ্জনক বন্ধু হ'তে সতর্ক হও, তখন আর কেউ যেন আমার মুখ দিয়ে ও কথা বের ক'রে দিয়েছে।”

আমি পুনরায় তাহার দিকে দৃষ্টি নিবদ্ধ করিয়া তাহার কথা শুনিতে লাগিলাম। সে কথায়, ষ্টিয়ারফোর্থের যে মূর্তি আমার মানসপটে আঁকা ছিল, তাহা যেন আরও স্পষ্ট হইয়া গেল।

আগনেস্ বলিল, “আমি অবুঝ নই। এত দিন ধ'রে থাকে তুমি হৃদয়ে স্থান দিয়ে এসেছ, যাকে বন্ধু ব'লে মনে করেছ, তাকে এক দিনেই যে হৃদয় থেকে উৎপাটিত করতে পারবে, তা আমি বলি না। তাড়াতাড়ি দরকার নেই। আমি শুধু তোমাকে এই কথাটাই বলতে চাই যে, ট্রটউড, তুমি সকল সময়ে আমার কথা মনে ক'রে থাক ব'লে, তাই বলছি, যদি তাই হয়, আমার কথাটা মনে ক'রে রেখ। এ সব কথা বললুম, তার জন্ত আমাকে ক্ষমা করো।”

বলিলাম, “আগনেস্, তোমাকে ক্ষমা করবো, যখন তুমি ষ্টিয়ারফোর্থের সম্বন্ধে আশ্রয়বিচার করবে এবং আমি যেমন তাকে পছন্দ করি, তুমিও তাকে তেমনি পছন্দ করবে।”

আগনেস্ বলিল, “তার আগে নয়?”

আমি যখন তাহাকে ঐ কথা বলিতেছিলাম, তখন তাহার আননের উপর দিয়া যেন ছায়া সরিয়া যাইতেছিল। কিন্তু সে হাসিয়া আমার হাস্যের উত্তর প্রদান করিল। আমরা আবার পূর্বের ঞায় পরস্পরের উপর নির্ভর করিয়া অসঙ্কোচে আলাপ করিতে লাগিলাম।

“তার পর, আগনেস্, সেই রাত্রির ঘটনার জন্ত তুমি কবে আমার ক্ষমা করবে?”

“আবার যখন ঐ কথা উঠবে, তখন।”

সে ঐ প্রসঙ্গের আর আলোচনা করিতে চাহিল না। কিন্তু আমি তাহাতে রাজি হইলাম না। আমি সে দিনের সমস্ত ঘটনা আগনেস্কে খুলিয়া বলিলাম। কেমন করিয়া আমি নিজেকে লালিত করিয়াছি, তাহার কোন কথাই আমি আর গোপন রাখিলাম না।

কথার মোড় ঘুরাইয়া দিয়া আগনেস্ বলিল, “তোমার যে রকম বিপদ-খাপদ যখনই আসুক না কেন, সে কথা যেমন আমার জানা দরকার, সেই সঙ্গে তুমি কখন কার প্রেমে পড়, সে খবরও আমার জানিও। মিস্ লার্কিন্সের পর তোমার প্রণয়পাত্রী কে হয়েছে, ট্রটউড?”

“কেউ নয়, আগনেস্।”

অঙ্গুলি তুলিয়া হাসিতে হাসিতে আগনেস্ বলিল, “কেউ নিশ্চয় হয়েছে।”

“আমার কথা বিশ্বাস কর, আগনেস্। কেউ নয়। মিসেস্ ষ্টিয়ারফোর্থের বাড়ী এক জন মহিলা আছেন বাটে, তিনি খুব চতুর, তাঁর সঙ্গে কথা বলবার আগ্রহ আমার আছে—মিস্ ডার্টল তাঁর নাম; কিন্তু আমি তাঁর খুঁজা করিনে।”

আগনেস্ আবার হাসিতে লাগিল। সে আমাকে বলিল যে, আমি যদি তাহাকে বিশ্বাস করিয়া আমার মনের কথা প্রকাশ করি, তাহা হইলে সে একখানা খাতায় আমার প্রণয়-পাত্রীদিগের নাম-ধাম ও ভীষণ প্রেমের স্থিতিকালের একটা তালিকা লিখিয়া রাখিবে। ইংলণ্ডের ইতিহাসের রাজাদের যেমন ধারাবাহিক তালিকা আছে, সেই রকম আর কি।

ইহার পরই সে আমাকে জিজ্ঞাসা করিল, উড়িয়ায় সহিত আমার দেখা হইয়াছে কি না।

বলিলাম, “উড়িয়া হিপ? না, দেখা হয় নি। সে কি লগুনে আছে?”

আগনেস্ বলিল, “নীচের আপিস-ঘরে সে রোজই আসে। আমার আসবার এক সপ্তাহ আগে সে এখানে এসেছে। ট্রটউড, আমার আশঙ্কা হচ্ছে, তার মতলব ভাল না।”

আমি বলিলাম, “সে এমন কাজে এসেছে, যা আমার মনকে উৎকণ্ঠিত করেছে, আগনেস্। সে কাজ বল ত?”

আগনেস্ তাহার হাতের কাজ এক পাশে রাখিয়া আমার দিকে বিমর্ষভাবে চাহিল। তার পর বলিল, “আমার সন্দেহ হচ্ছে, সে বাবার কারবারে অংশীদার হয়ে চুকতে চায়।”

ক্রোধে অধীর হইয়া আমি বলিলাম, “কি? উড়িয়ায় এমন ছুঁসাহস? ঐ হতভাগা ছোঁড়ার এমন ছুঁভিসন্ধি? আগনেস্, তুমি এতে কেন আপত্তি করনি? ভেবে দেখ দেখি, এর পরিণাম কি দাঁড়াবে। না, না, তোমার প্রতিবাদ করা দরকার। তোমার বাবা পাগলের মত এ কাজ করবেন, তা হ'তেই পারে না। বাধা দিতেই হবে, আগনেস্। সময় থাকতে বাধা দেওয়া চাই।”

আমার উত্তেজনা দেখিয়া স্তান হাশ্বে সে বলিল, “বাবার সম্বন্ধে তোমাকে আমাকে যে শেষ আলোচনা হয়েছিল, সে কথা তোমার মনে আছে? তার ছ'তিন দিন পরেই তিনি আমাকে এ বিষয়ে প্রথম আভাস দেন। তিনি আমাকে ব্যাপারটা এমনভাবে বুঝাতে চেয়েছিলেন যে, ইচ্ছা ক'রেই তিনি ওকে কারবারের অংশ দিচ্ছেন। কিন্তু এজন্য তাঁকে যে বাধ্য হতে হয়েছে, তা জানতে না চাইলেও তিনি আমার নিকট গোপন রাখতে পারেন নাই। এতে আমি ভারী চুঃখিত হয়ে পড়ি।”

“আগনেস্, তাঁকে বাধা করা হয়েছে! কে তাঁকে বাধা করলে?”

মুহূর্ত ইতস্ততঃ করিয়া আগনেস্ বলিল, “উড়িয়া বাবার কাজে অপরিহার্য্য হয়ে উঠেছে। সে ভারী চতুর, সতর্ক। বাবার দুর্ভাগ্যের সুযোগ সে নিয়েছে। সে প্রতীক্ষা করে থেকে থেকে এমনভাবে তাঁকে মুঠোর মধ্যে এনে ফেলেছে যে, বাবা তাকে ভয় করেন।”

বুঝিলাম, আগনেস্ যাহা বলিতেছে, তাহার অপেক্ষা অনেক বেশী সে জানে, অনেক বেশী সে সন্দেহ করে। বিষয়টা কি, তাহা আমি জানিতে চাহিলাম না। কারণ, পিতাকে রক্ষা করিবার জন্ত সে সকল কথা প্রকাশ করা বাঞ্ছনীয় বলিয়া মনে করিতেছে না। আমিও তাহার মনে দুঃখ দিবার জন্ত সে বিষয়ে প্রশ্ন করিলাম না। বুঝিলাম, অনেক দিন হইতেই এই ব্যাপার চলিয়া আসিতেছে। কাজেই চুপ করিয়া রহিলাম।

আগনেস্ বলিল, “বাবার উপর তার প্রভাব অসামান্য। সে মুখে বিনয় প্রকাশ করে, আপনাকে হীন ব’লে ঘোষণা করে, কৃতজ্ঞতার দোহাই দেয়, সে কথা হয় ত সত্য; কিন্তু আমি জানি, তার শক্তি প্রবল এবং বাবার বিরুদ্ধে সে শক্তি প্রয়োগ করে আসছে।”

আমি বলিলাম, “সে একটা কুকুর।” ইহাতে আমার মনে যেন অনেকটা তৃপ্তি জন্মিল।

আগনেস্ বলিল, “যে সময়ের কথা আমি বলছি, সে সময় উড়িয়া বাবাকে এসে বললে যে, সে অন্যত্র চ’লে যাচ্ছে। অনিচ্ছা সত্ত্বেও তাকে যেতে হচ্ছে, কারণ, তার উন্নতির আশা সেখানে আছে। বাবা ভারী মনমরা হয়ে পড়লেন! আমরা আগে তাঁকে যে রকম দেখেছিলাম, তার চেয়েও বেশী মনমরা হয়ে পড়লেন। কিন্তু ব্যবসার অংশীদার হবার কথা তোলবার পর তাঁর দুর্ভাবনা অনেকটা কমেছে বটে, তবে তিনি এ ব্যাপারে যে মনে আঘাত পেয়েছেন এবং লজ্জাও হয়েছে, তাও বুঝতে পারছি।”

“তুমি এ ব্যাপারে কি মনে করেছ, আগনেস্?”

সে বলিল, “বাবার মনে শাস্তি আসবে ব’লে এ ত্যাগ স্বীকারের জন্ত আমিই তাঁকে অনুরোধ জানিয়েছি। এতে তাঁর জীবনের বোঝা হালকা হয়ে যাবে। আমি তাঁর কাছে কাছে বেশী থাকতে পাব—এই সুযোগ দেখে আমি আপত্তি করিনি। ট্রেটউড—” আগনেস্ কাঁদিয়া ফেলিল! সে বলিল, “আমিই বাবার শত্রু। আমার সুখ-স্বচ্ছন্দ্যের কথা ভেবে ভেবেই তিনি এমন হয়ে গেছেন। শুধু আমার জন্তই বাবা সংসারের সকল রকম সুখ-সন্তোষ ত্যাগ করেছেন, তা আমি জানি। তাঁর সমস্ত মন আমার উপর কেন্দ্রগত হয়ে আছে। শুধু আমার জন্তই ভেবে ভেবে বাবা এত দুর্ভাগ্যচিন্ত হয়ে পড়েছেন। তাঁর পড়নের কারণ আমি। তাই আমার

মনে ক্ষোভ হয়। যদি আমি তাঁর অতীত গৌরব ফিরিয়ে আনতে পারতাম!”

আগনেস্কে আগে আমি কোন্‌ও দিন কাঁদিতে দেখি নাই। অবশ্য আমি যখন বিদ্যালয়ে ভাল ছেলে হইয়া পুরস্কার বা প্রশংসা অর্জন করিতাম, তখন আগনেস্ ভাবাবেগে অধীর হইয়া পড়িত—তাহার চোখে আনন্দের অশ্রু-বিন্দু মুক্তার মত জলিয়া উঠিত, দেখিয়াছি। কিন্তু কখনও তাহাকে এমনভাবে শোক করিতে দেখি নাই।

আমি এত বিচলিত, এত দুঃখিত হইয়া পড়িলাম যে, নিকোডেমের লায় বলিয়া ফেলিলাম, “না, না, অমন ক’র না! বোন্‌ আমার, অমন ক’র না!”

কিন্তু আমার অপেক্ষা আগনেস্ চরিত্রবলে দৃঢ়। সে বলিল, “আমরা আর বেশীক্ষণ নির্জনে থাকবার সুবিধা পাব না। এই সুযোগে আমি তোমাকে আন্তরিকভাবে অনুরোধ করছি, উড়িয়ার সঙ্গে তুমি বন্ধুভাব বজায় রেখো। তাকে ঘণা ক’রে সরিয়ে দিও না। জানি, তুমি তাকে সহ্য করতে পারবে না। তবে বাবার কথা স্মরণ করে আমার কথা মনে রেখো। তুমি তাকে সেইমত ব্যবহার করো।”

আগনেস্ আর বেশী কথা বলিবার সময় পাইল না! কারণ, সেই সময়েই ঘরের দরজা খুলিয়া গেল এবং মিসেস্ ওয়াটারক্রক ঘরের মধ্যে প্রবেশ করিলেন। আমি তাঁহাকে থিয়েটারে দেখিয়াছিলাম বলিয়া মনে পড়িল। তিনিও আমাকে চিনিতে পারিয়াছিলেন। এখনও আমার মন্ততা আছে, এমন একটা সন্দেহ তাঁহার মনে আছে যেন অনুমান করিলাম।

কিন্তু ক্রমে ক্রমে তিনি যখন বুঝিলেন যে, আমি মন্ত নহি, বরং লাজুক ছোকরা, তখন তিনি আমার প্রতি প্রসন্ন ব্যবহার করিতে লাগিলেন। প্রশ্ন করিলেন, প্রমোদ-উচ্চানে, অথবা সমাজে আমার গতিবিধি কেমন আছে। আমি যখন বলিলাম যে, ঐ দুইটি বিষয়ে আমার অভিজ্ঞতা নাই, তখন তিনি আমার সম্বন্ধে ভাল ধারণা করিয়া লইলেন বুঝিলাম। তিনি খুসী হইয়া আমাকে পরদিবস রাত্রির ভোজে নিমন্ত্রণ করিলেন। আমি নিমন্ত্রণ গ্রহণ করিলাম। বিদায় লইয়া আসিবার সময় নীচে উড়িয়ার সন্ধান লইলাম এবং আমার নামের কার্ড তাহার জন্ত রাখিয়া আসিলাম।

পরদিবস নিমন্ত্রণ রাখিতে আসিয়া বুঝিলাম, আরও অনেকে নিমন্ত্রিত হইয়াছেন। চিঠিওয়াল লোকটাকে সেখানে দেখিলাম। সে আমাদের কার্ড লইয়া উপরে বাইতেছিল। কিন্তু সে আমাকে দেখিয়া চিনিতে পারিয়াছে, এমন ভাব প্রকাশ করিল না।

মিঃ ওয়াটারক্রকের সঙ্গে পরিচয় হইল। তিনি মধ্যবয়সী ভদ্রলোক। আমার সহিত পরিচিত হইয়া তিনি সুখী হইয়াছেন, সে কথাটা তিনি প্রকাশ করিলেন। মিসেস্ ওয়াটারক্রক আমাকে মিসেস্ হেনরী স্পাইকার নামক



এক জন জীর্ণদর্শনা মহিলার সহিত পরিচয় করাইয়া দিলেন। তাহার স্বামী মিঃ হেনরী স্পাইকারের সহিতও পরিচয় হইল।

দলের মধ্যে উড়িয়া হিপকেও দেখিলাম। তাহার সহিত করকম্পন করিবামাত্র সে পূর্ববৎ বিনীতভাবে বলিল যে, আমি তাহাকে চিনিতে পারিয়াছি বলিয়া সে গর্ভ অহুভব করিতেছে। সমস্ত সময়ই সে তাহার অতিরিক্ত বিনয় প্রকাশ করিতে লাগিল। আগনেসের সঙ্গে যখনই আমি কোন কথা বলিয়াছি, সে আমাদের দিকে চাহিয়া দেখিয়াছে।

নিমন্ত্রিতগণের মধ্যে 'মিঃ ট্রাডেলস্' এই নাম শুনিবামাত্র আমি কৌতূহলাক্রান্ত হইয়া নবাগতের দিকে চাহিলাম। আমার মন তখন সালেম হাউসের দিকে ছুটিয়া গেল। এই কি সেই টমি ট্রাডেলস্ ?

আমি কৌতূহলভরে তাহার দিকে চাহিয়া রহিলাম। সে এমনই একটি কোণে গিয়া বসিল যে, আমি তাহার চেহারা ভাল করিয়া দেখিতে পাইলাম না। খানিক পরে তাহার দিকে চাহিতে চাহিতে মনে হইল—সেই টমিই বটে, নয় ত আমি স্বপ্ন দেখিতেছি।

মিঃ ওয়াটারক্রকের কাছে গিয়া বলিলাম যে, এখানে আমার এক সতীর্থের সাক্ষাৎ পাইয়াছি।

তিনি বলিলেন, "তাই না কি! আপনার যে বকম বয়স, তাতে ত মিঃ হেনরী স্পাইকারের সঙ্গে একসঙ্গে পড়তে পারেন না।"

আমি বলিলাম, "আমি তাঁর কথা বলছি না। আমি ট্রাডেলস্ নামধারী ভক্তলোকের কথা বলছি।"

তিনি বলিলেন, "ও, তা হবে!"

আমি বলিলাম যে, সালেম হাউসে ট্রাডেলস্‌এর সঙ্গে একত্র পড়িয়াছি। ট্রাডেলস্ খুব ভাল ছেলে ছিল।

তাঁহার নিকট শুনিলাম, ট্রাডেলস্ এখন ব্যবহারাজীবের পড়া পড়িতেছে। তাহার প্রতিভা আছে। কাজকর্মও মিঃ ওয়াটারক্রক কিছু কিছু তাহাকে প্রদান করেন।

এমন সময় আহারের ডাক আসিল। আমরা সকলেই খাবারের ঘরে সমবেত হইলাম। ট্রাডেলস্ আমাকে চিনিতে পারিল।

আহারের পর আমি আগনেসের সঙ্গে ট্রাডেলস্‌এর পরিচয় করাইয়া দিলাম। এখনও ট্রাডেলস্ সেই একই প্রকৃতির আছে। ট্রাডেলস্ আগামী কলা সকালেই এক মাসের জন্য অন্তর ঘাইতেছে, এজন্য আমাদের আলাপ ভাল করিয়া জমিল না। যাহাই হউক, আমরা পরস্পরের টিকানা জানিয়া লইলাম। পরে অবশ্য দেখা হইবে স্থির থাকিল। ট্রায়ারফোর্থে সহিত আমার বন্ধুত্ব এখনও আছে জানিয়া ট্রাডেলস্ কৌতূহলাক্রান্ত হইল। আগনেসকে শুনাইয়া দিবার জন্য ট্রাডেলস্কে বলিলাম, সে কিরূপ লোক,

তাহা সে ব্যক্ত করুক। কিন্তু আগনেস্ সে সম্বন্ধে কোনও আলোচনা করিতে চাহিল না।

নিমন্ত্রিতরা প্রায় সকলেই চলিয়া গেলেন। আমি আগনেসের সাহচর্যালাভের জন্য আরও খানিকক্ষণ রহিয়া গেলাম। তাহার গান শুনিলাম, কিন্তু ক্রমে যখন আলোক নির্বাপিত হইতে লাগিল, তখন তাহার গাভী ভদ্রতা-সঙ্গত নহে। মনে মনে বুঝিলাম, আগনেস্ সত্যই আমার জীবনের প্রবর্তা—কলাগদারিনী দেবকণ্ঠা।

আমি ভাবিয়াছিলাম, নিমন্ত্রিতগণের সকলেই চলিয়া গিয়াছেন; কিন্তু উড়িয়া যায় নাই। সে আমাদের চারিদিকেই ঘুরিয়া বেড়াইতেছিল। আমি নীচে নামিতেই সে আমার সঙ্গে আসিল।

তাহার সঙ্গ তখন আমার ভাল লাগিতেছিল না। কিন্তু আগনেসের সতর্কবাণী মনে ছিল। তাই আমি তাহাকে বলিলাম যে, সে আমার বাসায় গিয়া এক পাত্র কাফিপান করিবে কি ?

সে বলিল, "নিশ্চয়, মাষ্টার কপারফিল্ড—না, না, মিঃ কপারফিল্ড! কিন্তু প্রথমটা এত সহজেই জিহ্বায় এসে পড়ে! আপনি কি আমার মত মানুষকে আপনার বাড়ীতে যেতে দেবেন?"

"এতে বাধা কি? তুমি আসবে কি?"

"আমার খুব ইচ্ছে আছে।"

"তবে এস আমার সঙ্গে।"

সোজা পথে আমার বাসায় আসিয়া পৌঁছিলাম। অন্ধকার সোপান বাহিয়া তাহাকে উপরের ঘরে লইয়া গেলাম।

উড়িয়া আসন গ্রহণ করিলে, আমি কাফি তৈয়ার করিতে লাগিলাম। সে বলিল, "আপনি আমার জন্য কাফি তৈয়ার করবেন, এ আমার স্বপ্নেরও অতীত। আমার জীবনে চারিদিক থেকে এমন সৌভাগ্য-ধারা বধিত হইছে যে, আমি বিষয়ে অভিভূত হয়ে পড়ছি। মাষ্টার কপারফিল্ড—না, না, মিঃ কপারফিল্ড, আমার অদৃষ্টে যে নূতন সৌভাগ্যের উদয় হইছে, তা কি আপনি শুনেছেন?"

অতিকষ্টে আত্মদমন করিয়া বলিলাম, "হাঁ, কিছু কিছু শুনেছি।"

"ওঃ! মিস্ আগনেস্ জানেন! তিনিই বোধ হয় বলেছেন। তিনি এটা জানেন, এ জন্য আমি খুসী।"

আমি হয় ত তাহাকে জুতা খুলিয়া তখন মারিতাম। কিন্তু আগনেসের অনুরোধ আমাকে নিরস্ত রাখিল।

উড়িয়া বলিল, "আপনি দৈবজ্ঞের মত এক দিন বলেছিলেন যে, 'উইকফিল্ড এণ্ড হিপ' কোম্পানীর নাম হবে। আপনার কথা ফলুতে চলেছে। এজন্য আমি আপনার কাছে কৃতজ্ঞ।"

আমি সংক্ষেপে বলিলাম, "হাঁ, সে কথা আমার মনে আছে।"

“মাষ্টার—না না, মিঃ কপারফিল্ড। আমি মিঃ উইকফিল্ডের উপকারে লেগেছি, এতেই আমি ধন্য হয়ে গেছি। আরও তাঁর কাজে লাগতে পারব, এমন আশাও রাখি। মিঃ উইকফিল্ড খুব যোগ্য লোক, কিন্তু বড় অববেচক।”

বলিলাম, “এ কথা শুনে বড় কষ্ট হচ্ছে। সব দিকেই কি তিনি অববেচক?”

“হ্যাঁ, মিঃ কপারফিল্ড। সকল ব্যাপারেই। বিশেষতঃ মিস্ আগনেসের ব্যাপারে আরও বেশী। আপনি হয় ত ভুলে গেছেন, কিন্তু আমি ভুলিনি, আপনি মিস্ আগনেসের কি রকম সখ্যাতি করেছিলেন!”

শুককণ্ঠে আমি বলিলাম, “না, আমি ভুলিনি।”

“ভারি আনন্দ পেলাম, মিঃ কপারফিল্ড! আপনিই আমার বুক উচ্চাকাঙ্ক্ষার আগুন জ্বলে দিয়েছিলেন। সেজন্য আমি আপনার কাছে কৃতজ্ঞ থাকব। আর এক পেয়লা কাফি পেতে পারি কি?”

আমি তাকে আর এক পেয়লা কাফি দিয়া বলিলাম, “আচ্ছা, মিঃ উইকফিল্ড তোমার আমার তুলনায় ৫ শত গুণ মূল্য যার বেশী, তিনি বোকার কাজ করেছেন, মিঃ হিপ?”

“হ্যাঁ, মিঃ কপারফিল্ড, ভারী নিকোঁধের কাজ করেছেন, তবে আপনি আমাকে উড়িয়া বলেই ডাকবেন। মিঃ হিপ ভাল শোনায় না।”

“বেশ, তাই হবে, উড়িয়া!”

“ধন্যবাদ। এতক্ষণে মনে আনন্দ হলো। পুরান অবস্থা ফিরে এসেছে মনে হচ্ছে। হ্যাঁ, আমি কি বলছিলাম যেন?”

“মিঃ উইকফিল্ডের কথা হচ্ছিল।”

উড়িয়া বলিল, “হ্যাঁ, হ্যাঁ। ভারী অববেচকের মত কাজ তিনি করেছেন। এ বিষয়ে আমি অল্প কারও কাছে আলোচনা করতাম না। শুধু আপনি বলেই একটু আলোচনা আমি করছি। আমার বদলে অল্প কেউ যদি তাঁর কাজ করত, তা হ’লে এত দিনে সে তাঁকে মুঠোর ভেতর পুরে ফেলত!” বলিয়াই সে টেবলের উপর তাহার নির্ভূর কর-পত্রব বিস্তৃত করিয়া তাহার উপর অপর হস্তের বৃদ্ধাঙ্গুষ্ঠ জোরে আঘাত করিল। এত জোরে যে, টেবল এবং ঘরটাও যেন কাঁপিয়া উঠিল।

লোকটা মুদ্রি তখন মিঃ উইকফিল্ডের মাথার উপর তাহার কদর্য চরণ স্থাপন করিত, তাহা হইলেও আমি তাহাকে অধিক ঘৃণার দৃষ্টিতে দেখিতে পারিতাম না।

“হ্যাঁ, মাষ্টার কপারফিল্ড! সে বিষয়ে কোন সন্দেহ নেই। তা হ’লে তাঁর সর্বনাশ হ’ত, অপমান-লাঞ্ছনার সীমা থাকত না। মিঃ উইকফিল্ড তা জানেন। আমার মত সামান্ত লোক তাঁর উদ্ধারের যত্নস্বরূপ হয়েছে বলেই তিনি আমাকে সম্মানের আসন দিয়েছেন। এজন্য আমি তাঁর কাছে কৃতজ্ঞ।”

আমার বুকের মধ্যে তখন ক্রোধ পুঞ্জীভূত হইয়া উঠিয়াছিল। কিন্তু অতি সতর্পণে আমি তাহা দমন করিলাম।

সে বলিল, “আমি বোধ হয় আপনাকে আটকে রেখেছি, মিঃ কপারফিল্ড!”

আমি বলিলাম, “না, আমি আরও দেরীতে শয়ন করি।”

সে বলিল, “আমি অতি হীন। এখন মান পেলেও আমি সেই হীনই থাকব! আমি আপনাকে বিশ্বাস করি, তাই এত কথা বলছি। আপনি কি তাতে রাগ করছেন?”

“না, না, তুমি ব’লে যাও।”

“ধন্যবাদ! মাষ্টার কপারফিল্ড—মিস্ আগনেস্—”

“বল, উড়িয়া কি বলছিলে?”

“আপনি তাঁকে আজ খুব সুন্দর দেখেছিলেন, নয় কি মাষ্টার কপারফিল্ড?”

“তিনি চিরদিনই সুন্দর। তাঁর মত সুন্দর আর কেউ নেই।”

“ধন্যবাদ! এ কথা এত সত্য। ধন্যবাদ—এজন্য শত ধন্যবাদ!”

আমি বলিলাম, “কিন্তু এজন্য আমাকে ধন্যবাদ দেবার তোমার কোনও প্রয়োজন নেই, উড়িয়া!”

উড়িয়া বলিল, “আমি সামান্ত লোক, আমার মাও তাই। মিস্ আগনেস্—আপনাকে সে গোপন কথা জানাতে দোষ নেই—তাঁর মূর্ত্তি বহু দিন থেকে আমার বুক জুড়ে আছে। আমার আগনেস্ যেখান দিয়ে চ’লে যান, আমি সেখানে বুক পেতে দিতে পারি।”

আমার মনে হইল, তখনই অগ্নিকুণ্ডের লৌহদণ্ড উত্তপ্ত করিয়া তাহার দেহের মধ্যে বিদ্ধ করিয়া দেই। কিন্তু আগনেসের সেই কাতর অনুনয় আমার মনে পড়িল। তখন অতিকষ্টে আত্মসংবরণ করিয়া আমি উড়িয়াকে জিজ্ঞাসা করিলাম, তাহার এই মনোভাবের কথা সে কি আগনেস্কে প্রকাশ করিয়াছে?

“না, না। আপনি ছাড়া কাকেও আমি এ কথা বলিনি। আমি সবে হীন অবস্থা থেকে উন্নত অবস্থায় যাচ্ছি। আমি তাঁর পিতাকে নানাপ্রকার বিপদ থেকে রক্ষা ক’রে আসছি। কালে তিনি যখন সব জানবেন, তখন পিতৃভক্ত মেয়ে নিশ্চয় আমার উপর সদয় হবেন।”

আমি এই পাজী রাঙ্কেলের উদ্দেশ্য এবং কার্যপদ্ধতির ধারা তখন বুঝিতে পারিলাম। কেন সে যে আমার কাছে কথাটা প্রকাশ করিল, তাহাও বুঝিলাম।

“আপনি যদি আমার গোপন-কথা গোপন রাখেন, এবং আমার বিরুদ্ধে না যান, তা হ’লে অপ্রীতিকর কিছু ঘটবে না। আপনি হয় ত আমার বিরুদ্ধে যেতে পারেন, তাই ব্যাপারটা আপনাকে জানিয়ে রাখলাম। আগনেস্কে

আমার ব'লে উল্লেখ করলাম। আমার বিরুদ্ধে গেলে, তারই অপকার করা হবে, তাই আপনাকে মোটামুটি সব জানিয়ে রাখলাম।”

আমার আগনেস্! সত্যই কি সেই স্নেহপ্রবণা, মহৎ-হৃদয়া নারীর এমনই অদৃষ্ট যে, সে এই হতভাগা মনুষ্যাধমের পত্নী হইবে!

সে বলিল, “মাষ্টার কপারফিল্ড, এখন তাড়া তাড়ির কোন প্রয়োজন নেই। আমার আগনেস্ এখনও বালিকা বললেই চলে। মাকে ও আমাকে আরও উপরের দিকে উঠবার চেষ্টা করতে হবে। অনেক নতুন বন্দোবস্ত করাও দরকার। এ সব না হ'লে বিয়ে করার সুবিধা হবে না। কাজেই আমি সময় পাব—আগনেস্কে আমার আশা-আকাঙ্ক্ষার সঙ্গে পরিচিত করবার সময়ও হবে। আপনাকে এই গোপন কথা জানাতে পেরে আমি যে, কতখানি উপকৃত হলাম, তা আর ব'লে জানাতে পারছি নে! এখন সমস্ত অবস্থা বুঝে, আপনিও আমার বিরুদ্ধাচরণ করবেন না!”

সে তাহার ঘড়ী বাহির করিয়া দেখিয়া বলিল, “কি সর্বনাশ! একটা বেজে গেছে। সময় এত তাড়া তাড়ি চ'লে যায়! বিশেষতঃ পুরাতন বন্ধুদের সঙ্গে পুরাতন কথার আলোচনার সময় যে কি রকম ক'রে যায়, বোঝাই যায় না। এখন প্রায় দেড়টার কাছাকাছি।”

আমি বলিলাম যে, আমারও ঐরূপ অনুমান হইয়াছিল।

সে একটু চিন্তা করিয়া বলিল, “মাষ্টার কপারফিল্ড, আমি যেখানে আছি, সেটা এক জন গৃহস্থের বাড়ী, ঠিক হোটেল নয়। বাড়ীর লোক জন এত রাতে জেগে নেই। তারা ২ ঘণ্টার উপর নিদ্রাগত।”

আমি বলিলাম, “বড়ই দুঃখের বিষয়, এখানে একটা ছাড়া বিছানা নেই। কাজেই—”

“মাষ্টার কপারফিল্ড, বিছানার কথা ছেড়ে দিন। আমি যদি এই অগ্নিকুণ্ডের পাশে শুয়ে পড়ি, তাতে আপনার আপত্তি আছে কি?”

“তাই যদি হয়, তুমি আমার বিছানায় গিয়ে শোও। আমি অগ্নিকুণ্ডের পাশে শয়ন করব।”

সে তাহাতে প্রচণ্ড বাধা তুলিল। আমাকে কোনমতেই অগ্নিকুণ্ডের ধারে শয়ন করিতে দিবে না। অবশেষে সে একখানা সোফা টানিয়া লইয়া তাহারই উপর রাত্রি কাটাইয়া দিবার জন্ত প্রস্তুত হইল।

এই রাত্রির কথা আমি জীবনে কখনও বিস্মৃত হইব না। এই জীবটা এবং আগনেসের কথাই আমি পুনঃ পুনঃ চিন্তা করিয়া শঙ্কিত হইয়া উঠিতেছিলাম। আমি কি করিব, কি উপায় অবলম্বন করিব, ভাবিয়া স্থির করিতে পারিলাম না। তাহার শাস্তি অব্যাহত রাখিতে হইলে চুপ করিয়া থাকাই কর্তব্য, যাহা শুনিলাম, তাহা প্রকাশ না করাই

সঙ্গত। নিদ্রা আসিল না, শুধু আগনেস্ ও তাহার পিতার মূর্তি ক্রমাগত আমার মানসদৃষ্টির সম্মুখে ভাসিয়া উঠিতে লাগিল। তার পর অল্পক্ষণের জন্ত একটু তন্দ্রা আসিল।

যখন ঘুম ভাঙিল, তখন মনে পড়িল, পাশের ঘরে উড়িয়া শুইয়া আছে। এই চিন্তা ছুঁকই বোঝার মত আমার বুকের উপর চাপিয়া বসিল। আমি একবার গোপনে পাশের ঘরে উঁকি মারিয়া দেখিলাম। সে তখন মুখ হাঁ করিয়া—ডাক-ঘরের মত হাঁ করিয়া ঘুমাইতেছে। তখন তাহার কদাকার চেহারা আরও ভীষণ দেখাইতেছিল।

আমি ঘণাভরে সে স্থান ত্যাগ করিয়া আবার শয়ন করিলাম। কিন্তু নিদ্রা আসিল না। আবার অর্ধঘণ্টা পরে উড়িয়াকে দেখিয়া আসিলাম, এই রাত্রি যেন কোনও মতে প্রভাত হইতে চাহিতেছে না।

তার পর সকালবেলা সে যখন নীচে নামিয়া গেল— আমি প্রাতরাশের কথা বলায় সে তাহা গ্রহণে অসম্মত হইল। (সে যে আমার সঙ্গে প্রাতরাশের জন্ত অপেক্ষা করে নাই, এজন্ত ভগবানকে ধন্যবাদ!) তখন আমি নিশ্চিত হইলাম। বোধ হইল, স্বয়ং রাত্রি যেন ধীরে ধীরে চলিয়া যাইতেছে। আমি কমন্সএ যাইবার সময় মিসেস্ ক্রুপকে বিশেষভাবে বলিয়া দিলাম, তিনি যেন সমস্ত জানালা মুক্ত করিয়া দেন। আমার বন্ধিবার ঘরে সে রাত্রিবাস করিয়াছিল, তাহার উপস্থিতির কোনও গন্ধ যাহাতে আমার ঘরে না থাকে, ইহাই আমার অভিপ্রেত ছিল।

## ষড়্বিংশ পরিচ্ছেদ

আগনেস্ যে দিন সহর ত্যাগ করিয়াছিল, তাহার পূর্ব পর্যন্ত উড়িয়া হিপের সহিত আমার দেখাই হয় নাই। গাড়ীর আড্ডার আপিসে আমি আগনেস্কে তুলিয়া দিতে গেলাম। দেখিলাম, উড়িয়া হিপ সেখানে রহিয়াছে। সেও ক্যান্টাবারিতে ফিরিয়া যাইতেছে—একই গাড়ীতে। তাহাকে দেখিয়া যে আমি সন্তুষ্ট হই নাই, এ কথা বলাই বাহুল্য। আগনেস্ ভিতরে বসিয়াছিল, হিপ উপরে। তথাপি আমি মনে মনে ঘোর বিরক্ত হইয়া উঠিলাম। তাহার সহিত কোনও মতেই বন্ধুত্বের অভিনয় ভাল করিয়া দেখাইতে পারিলাম না।

সকল সময়েই আগনেসের সেই কথাটা আমার মনে পড়িল। “আমি যাহা হওয়া উচিত, তাহা করিয়াছিলাম। বাবার মনের শাস্তির জন্ত প্রয়োজন ভাবিয়াই আমি ত্যাগ-স্বীকারে সন্মত হইয়াছিলাম এবং তাহাকে অনুরোধ করিয়াছিলাম, তিনিও যেন তাহা করেন।” সেই কথাগুলি শুনিয়া অবধি এবং উড়িয়া হিপের গোপন-কথা জানিবার পর হইতে আমি কোনও মতেই নিশ্চিত হইতে পারি নাই। কেন আগনেস্ এমন কার্য করিল। এ ত্যাগস্বীকারে কি



প্রয়োজন ছিল? কিন্তু যখনই মনে হইত, আগনেস্ তাহার পিতাকে কিরূপ স্নেহ-ভক্তি করে, তাহার ভক্তিপ্রবণ, ভালবাসাপূর্ণ প্রকৃতির কথা যখন মনে পড়িত, যখন ভাবিতাম, আগনেস্ জানে, তাহারই জন্ম পিতার স্নেহকাতর মনের দুর্দলতার জন্মই আজ তাঁহার এই অবস্থা—তখন সে তাহার এই ধারণা-শোধের জন্ম প্রাণপণ করিবে না?

কিন্তু তথাপি মনে শান্তি নাই। আগনেসের স্বার্থ-ত্যাগের অবকাশ লইবার জন্ম এই পাষণ্ড, স্বার্থপর কিরূপ নীচ উপায় অবলম্বন করিয়াছে, ইহা চিন্তা করিতেই আমার চিত্ত অধীর হইয়া উঠিত। আগনেস্ এখনও অনুমান করিতে পারে নাই, তাহার আত্মোৎসর্গের পরিণাম কত দূর গড়াইবে। এখনও সে ঘৃণাকরেও সন্দেহ করে নাই, উড়িয়া হিপ্ তাহার সম্বন্ধে কিরূপ আশা পোষণ করে। এ কথা জানিতে পারিলেই আগনেসের মনের সুখ অন্তর্হিত হইয়া যাইবে। সে ছুদ্দিনের এখনও বিলম্ব আছে, সুতরাং এখনই একবার আভাস দিয়া তাহাকে সতর্ক করিয়া কোন লাভ নাই। না, এখনই তাহার মনে অশান্তির ছায়াপাত করিব না। কাজেই আগনেস্কে কোন কথাই জানাইলাম না। হৃদয়মুখে তাহার নিকট বিদায় লইলাম। সে গাড়ীর বাতায়নপথে তাহার করপল্লব আন্দোলিত করিতে লাগিল। তাহার মুখে প্রসন্ন হাস্য। ছাদের উপর সেই পাষণ্ড, আগনেসের শনিগ্রহ বসিয়া বসিয়া ভাবিতেছিল, সে তাহাকে কবলিত করিয়াছে—আর মুক্তির উপায় নাই।

বহু দিন এই বিদায়-দৃশ্য আমি ভুলিতে পারি নাই। আগনেস্ যখন পত্র লিখিয়া জানাইল যে, সে নিরাপদে পৌঁছিয়াছে, তখনও আমি বিন্দুমাত্র শান্তি পাইলাম না। যখনই মনে চিন্তা আসিত, আগনেসের কথাই ভাবিতাম। এক মুহূর্ত্তও এই দুশ্চিন্তার আক্রমণ হইতে মুক্ত হইতে পারিতাম না। প্রতিদিন রাত্রিতে এই বিষয়ে দুঃস্বপ্ন দেখিতাম। এই ঘটনাটা আমার জীবনের একটা অংশ হইয়া রহিল—এ চিন্তা হইতে আমার মস্তিষ্কের বিরাম ঘটবার সম্ভাবনা দেখিলাম না।

ষ্ট্রিয়ারফোর্থ অক্সফোর্ডে গিয়াছিল বলিয়া তাহার সহিত দেখা-সাক্ষাৎ হইত না। কমন্সএও যে দিন যাইতাম না, একা থাকিতাম। নির্জনতার অবকাশে আমার মন চিন্তায় অভিভূত হইত। এই সময়ে ষ্ট্রিয়ারফোর্থের উপরও যেন অবিধাস আমার মনে ছায়াপাত করিতে লাগিল। তাহার পত্রের উত্তর দিয়াও আমি এইটুকু তৃপ্তি পাইলাম, সে লণ্ডনে আসিতে পারিল না, তাহা যেন ভালই হইল। বুঝিলাম, আগনেসের প্রভাব আমার মনে কাঁচা করিতেছে, তাই ষ্ট্রিয়ারফোর্থকে এড়াইতে পারিলে আমি বাঁচিতাম। সে এখন অনুপস্থিত থাকায়, আগনেসের সতর্কবাণী আমার মনকে তাহার সম্বন্ধে বিরূপ করিয়া তুলিয়াছিল।

ইতিমধ্যে আমি স্পেনলো এণ্ড অর্কিমের কার্যালয়ে আর্টিকেল-ক্লার্করূপে কাজ আরম্ভ করিয়া দিয়াছিলাম। পিতামহী আমার খরচের জন্ম বাৎসরিক প্রায় দেড় হাজার টাকা বরাদ্দ করিয়াছিলেন। অবশ্য বাড়ীভাড়ার টাকা তিনি স্বতন্ত্র দিবেন। এক বৎসরের জন্ম বাড়ী লওয়া হইয়াছিল। বাসায় আমি সাধারণতঃ একা থাকিতাম, এজন্য মন বড় অপ্রসন্ন থাকিত। কফিপান করিয়াই আমি সময় কাটাইতাম।

যে দিন আমি আর্টিকেল-ক্লার্ক হইলাম, সে দিন বিশেষ কোন উৎসবের আয়োজন হয় নাই। কেবলীরা শুধু স্মাণ্ডউইচ ও সেরী পাইয়াছিল। আর আমি একাকী থিয়েটার দেখিতে গিয়াছিলাম। মিঃ স্পেনলো বলিয়াছিলেন যে, উপস্থিত তিনি আমাকে তাঁহার বাড়ীতে নিমন্ত্রণ করিতে পারিলেন না বলিয়া দুঃখিত। তাঁহার একমাত্র কন্যা প্যারী নগরীতে আছে। সে ফিরিয়া আসিলে এক দিন তিনি আমার পান-ভোজনে আশ্রয়িত করিবেন। মিঃ স্পেনলো বিপত্নীক, তাঁহার একটীমাত্র সন্তান ঐ কন্যা, তাহাও আমি জানিতাম।

দুই সপ্তাহ পরে মিঃ স্পেনলো তাঁহার প্রতিশ্রুতি পালন করিলেন। তাঁহার কন্যা ফিরিয়া আসিয়াছে। আগামী শনিবারে তাঁহার গৃহে আমার নিমন্ত্রণ। সোমবার সকাল পর্য্যন্ত যদি আমি তাঁহার বাড়ী থাকি, তাহা হইলে তিনি অত্যন্ত সুখী হইবেন। ফিটন গাড়ীতে তিনি আমাকে লইয়া যাইবেন, আবার সেই গাড়ীতেই তিনি সহরে পৌঁছাইয়া দিবেন।

নির্দিষ্ট দিনে ফিটনে চড়িয়া আমি মিঃ স্পেনলোর সহিত যাত্রা করিলাম। তিনি পথে আমাকে বলিতে লাগিলেন, যে ব্যবসা আমি গ্রহণ করিয়াছি, তাহা খুবই ভাল—ইহাতে মানও আছে, অর্থও আছে। তবে সলিসিটরদিগের সহিত আমাদের এই ব্যবসায়ের তুলনা হয় না। তাহারা এই ব্যবসায়ীদিগের অপেক্ষা হয়।

এইরূপ আলোচনা করিতে করিতে আমরা মিঃ স্পেনলোর গৃহে আসিয়া পৌঁছিলাম। তাঁহার বাড়ীর বাগানটি সুন্দর দেখিলাম। সবুজ তৃণাচ্ছাদিত ক্ষেত্র এবং ফল ও ফুলের গাছ আমার মনকে আকৃষ্ট করিল।

গৃহে প্রবেশ করিয়াই মিঃ স্পেনলো পরিচারককে জিজ্ঞাসা করিলেন, “মিস্ ডোরা কোথায়?” নামটি কি মিষ্ট—ডোরা!

সন্নিহিত কক্ষে প্রবেশ করিতেই শুনিলাম, মিঃ স্পেনলো বলিতেছেন—“মিঃ কপারফিল্ড, আমার মেয়ে ডোরা এবং ইনি আমার কন্যার বিশ্বস্তা বান্ধবী!”

ডোরাকে দেখিয়াই আমি মুগ্ধ হইলাম। সে যেন স্বর্গকন্যা! সেই মুহূর্ত্তেই আমি যেন ভাল্লার প্রেমে আকর্ষিত হইলাম।

ঠিক এই সময়ে আর একটি কণ্ঠস্বর কাণে গেল—সে কণ্ঠস্বর আমার সুপরিচিত—“আমি মিঃ কপারফিল্ডকে আগে দেখেছি।”

ডোরার কণ্ঠ নহে! তাহার বিশ্বস্তা বান্ধবীর কণ্ঠস্বর। তিনি মিস্ মর্ডষ্টোন!

আমি খুব বিস্মিত হইয়াছিলাম, তাহা মনে হইল না। তখন বিস্ময়াভিত্ত হইবার মত অবস্থা আমার ছিল না। শুধু ডোরা স্পেনলোই আমার কাছে সর্বাপেক্ষা বিস্ময়। আমি বলিলাম, “মিস্ মর্ডষ্টোন, আপনি কেমন আছেন?”

তিনি বলিলেন, “খুব ভাল আছি।”

আমি বলিলাম, “মিঃ মর্ডষ্টোন কেমন আছেন?”

“আমার ভাই খুবই সুস্থ আছেন, ধন্যবাদ!”

মিঃ স্পেনলো আমাদের পূর্ব-পরিচয় আছে জানিয়া বিস্মিত হইলেন। তিনি বলিলেন, “কপারফিল্ড, তোমার সঙ্গে মিস্ মর্ডষ্টোনের পরিচয় আছে জেনে আমি খুসী হলাম।”

মিস্ মর্ডষ্টোন গম্ভীরভাবে বলিলেন, “মিঃ কপারফিল্ডের সঙ্গে আমাদের আত্মীয়তা আছে। পূর্বে পরস্পরের মধ্যে আলাপ-পরিচয়ও ছিল। ওর বাল্যকালে আমরা পরস্পর বিচ্ছিন্ন হই। পরিচয় না পেলে আমি অবশ্য চিন্তে পারতাম না।”

আমি বলিলাম, কিন্তু তাঁহাকে আমি ভুলি নাই। যে কোনও স্থানে, যে কোনও অবস্থায় তাঁহাকে দেখিলেই আমি চিন্তে পারিতাম।

মিঃ স্পেনলো বলিলেন, “মিস্ মর্ডষ্টোন অনুগ্রহ করে আমার মেয়ের বিশ্বস্তা বান্ধবীর কার্যভার নিয়েছেন। আমার মেয়ে ডোরার মা নেই, সেটা তার হুঁজুগ্য। মিস্ মর্ডষ্টোন তার সঙ্গিনী এবং রক্ষয়িত্রী।”

ইহাৎ আমার মনে হইল, মিস্ মর্ডষ্টোন কাহারও জীবনরক্ষক না হইয়া তাহার আক্রমণকারিণী বরং হইতে পারেন। ডোরার দিকে চাহিয়া, তাহার ভাবভঙ্গী দেখিয়া মনে হইল না, সে এই বিশ্বস্তা সঙ্গিনীর প্রতি আকৃষ্ট। এই সময় ঘণ্টা বাজিয়া উঠিল। ইহা ডিনারের প্রথম ঘণ্টা। আমি বেশ-পরিবর্তন করিতে গেলাম।

কিন্তু বেশ-পরিবর্তন করিব কি, আমি ডোরাময় হইয়া কেবল ভাবিতে লাগিলাম। কি সুন্দর তাহার নয়নযুগল, কি মধুর তাহার মুখস্বী! তাহার সর্বস্ব দিয়া যেন লাভণ্য করিয়া পড়িতেছে।

পুনরায় ঘণ্টা বাজিতেই আমি তাড়াতাড়ি বস্ত্র-পরিবর্তন করিয়া লইলাম। স্নানোত্ত প্রসাধন করিতে পারিলাম না। নীচে আসিলাম। আরও দুই চারি জন লোক দেখিলাম। ডোরা এক জন পুরুষ বৃদ্ধের সহিত গল্প করিতেছিল।

আমার মনে তখন ঈর্ষার জোয়ার বহিতেছিল। মিঃ স্পেনলোর সহিত পরিচয়ে আমার অপেক্ষা কেহ ঘনিষ্ঠ আছে, ইহা মনে করিতেই আমার মনে আঘাত লাগিতেছিল।

আহারে বসিয়া কি খাইতেছিলাম, সে দিকেও আমার দৃষ্টি ছিল না। কোন্ কোন্ লোক আহার করিতেছে, তাহাও আমার খেয়াল ছিল না। খালি ডোরা—ডোরার কথাই আমার মনে জাগিতেছিল।

ডোরার পাশেই আমি বসিয়াছিলাম। তাহার সহিত গল্পও করিতেছিলাম। সঙ্গে সঙ্গে অনেক প্রকার খাওয়া স্পর্শ না করিয়া ফিরাইয়া দিলাম। ডোরার কণ্ঠস্বর অত্যন্ত মিষ্ট। তাহার হাস্য সরল এবং তরল। তাহার আকার অপেক্ষাকৃত খর্ব, ইহাতে তাহাকে আমার কাছে আরও সুন্দর দেখাইতেছিল।

আহার-শেষে ডোরা, মিস্ মর্ডষ্টোনের সঙ্গে অল্প কক্ষে চলিয়া গেল। মিঃ স্পেনলো তাঁহার বাগানের কথা আমায় গল্প করিতে থাকিলেন। কিন্তু সে সব কথা আমার এক কাণ দিয়া প্রবেশ করিয়া অল্প কাণ দিয়া বাহির হইয়া গেল।

তার পর আমরা ড্রিংরুমে প্রবেশ করিতেই মিস্ মর্ডষ্টোন আমাকে হাতছানি দিয়া ডাকিলেন। বলিলেন, “একটা কথা আছে, ডেভিড কপারফিল্ড।”

একান্তে দাঁড়াইয়া কথা হইতেছিল।

তিনি বলিলেন, “ডেভিড কপারফিল্ড, পারিবারিক ঘটনার আলোচনায় প্রয়োজন নেই। উহা কাহারও পক্ষে শোভনীয় নয়।”

বলিলাম, “নিশ্চয়, নিশ্চয়!”

মিস্ মর্ডষ্টোন বলিলেন, “অতীতে আমাদের মতবিরোধ বা অত্যাচার অনাচারের স্মৃতি ভুলে যেতে হবে। আমি এক জন নারীর কাছ থেকে লাঞ্ছনা পেয়েছি, তাঁর কথা আলোচনার প্রয়োজন নেই। সে কথা না তোলাই ভাল।”

পিতামহীর প্রসঙ্গ উত্থাপিত হইবামাত্র আমি রাগে জলিয়া উঠিলাম। কিন্তু আমি মিস্ মর্ডষ্টোনকে জানাইলাম যে, পূর্ব-আলোচনার প্রয়োজন নাই। তবে তাঁহার সম্বন্ধে অসম্মানজনকভাবে কেহ উল্লেখ করিলে, তাহাতে আমার বিরক্ত হইবার মখেট্ট হেতু আছে।

মিস্ মর্ডষ্টোন চক্ষু মুদ্রিত করিয়া, ষাড় বাঁকাইয়া বলিলেন, “ডেভিড কপারফিল্ড, আমি এ কথা গোপন করব না যে, ছেলেবেলা তোমার উপর আমার বিরুদ্ধমত হয়েছিল। হ’তে পারে সেটা আমার ভুল, অথবা তুমি বদলে গেছ। সে প্রশ্ন এখন নিরর্থক। আমার যে বংশে জন্ম, তাতে দৃঢ়তা রক্ষা করাই আমাদের প্রকৃত্তিসিদ্ধ। সুতরাং আমি সেই পথেই চলতে বাধ্য। তোমার সম্বন্ধে আমার একটা মত থাকতে পারে। আমার সম্বন্ধেও তোমার অভি মত থাকা সম্ভব।”

আমি তাহাতে সায় দিলাম।

মিস্ মর্ডষ্টোন বলিলেন, “কিন্তু আমাদের পরস্পরের মতামত যাই থাক্ না কেন, তা নিয়ে এখানে আমাদের সংঘর্ষ না হওয়াই ভাল। ঘটনাক্রমে আমরা আবার পরস্পরের সংস্রবে এসে পড়েছি। এখন এমন ব্যবহার করা দরকার যে, আমরা পূর্বপরিচিত মাত্র। তার বেশী কিছু নয়। সুতরাং আমার সম্বন্ধেও তুমি কিছু আলোচনা করো না, আমিও করব না। এটা তোমার পছন্দ হয়?”

আমি বলিলাম, “মিস্ মর্ডষ্টোন, আপনি ও মিঃ মর্ডষ্টোন আমার প্রতি নির্ভূর ব্যবহার করেছিলেন। আমার মার সম্বন্ধে ভাল ব্যবহার করেন নি। যত দিন আমি বাঁচব, সে কথা ভুলব না। কিন্তু এখন আপনি যে প্রস্তাব করলেন, তাতে আমার মত আছে।”

মিস্ মর্ডষ্টোন আমার করপল্লবের পৃষ্ঠদেশ অঙ্গুলির দ্বারা স্পর্শ করিয়া অল্প দিকে চলিয়া গেলেন।

তার পর আমার হৃদয়হারিণীর গান শুনিলাম। সে কি সুন্দর গান! আমি যেন স্বপ্নরাজ্যে ভাসিতে লাগিলাম। তার পর অনেক রাত্রিতে শয্যায় শয়ন করিলাম।

প্রভাতে উঠিয়া বাগানে বেড়াইবার ইচ্ছা হইল। ঘরের মধ্যে ডোরার ছোট কুকুরটিকে দেখিলাম। তাহার সহিত ভাব করিতে গেলাম। কিন্তু সে আমাকে তাহার দাঁত দেখাইল—আমার ঘনিষ্ঠতা সে পছন্দ করিল না।

বাগানটি যেমন স্নিগ্ধ, তেমনই নির্জন। ভাবিতেছিলাম, যদি এই রমণীরত্নকে পাই, তাহা হইলে আমার জীবন সার্থক হইবে। নানা কথা ভাবিতে ভাবিতে আমি বেড়াইতে লাগিলাম। একটা বৃক্ষবীথির মোড় ঘুরিতেই আমি ডোরার দেখা পাইলাম। আমার সর্বশরীর আনন্দবেগে যেন শিহরিয়া উঠিল।

আমি বলিলাম, “মিস্ স্পেনলো, আপনি এত সকালে উঠেছেন?”

সে বলিল, “বাড়ী মোটে ভাল লাগ্ ল না। মিস্ মর্ডষ্টোনের সম্বন্ধে বিশ্লেষণ লাগ্ ল। রবিবারের সকালে আমি বেড়াতে ভালবাসি। বাবাকে বলেছিলাম, আমি ভোরবেলা বেড়াব। দেখুন ত, কেমন সুন্দর প্রভাত!”

আমি সাহস করিয়া বলিয়া ফেলিলাম যে, এতক্ষণ প্রভাতটা তেমন মনোরম বোধ হয় নাই, এখন হইতেছে।

ডোরা বলিল, “এটা কি আমার তারিফ, না সত্যই পরিবর্তন ঘটেছে?”

আমি স্থলিতকণ্ঠে বলিলাম যে, তারিফ নহে, আমার মনে যাহা উদ্ভিত হইয়াছে, আমি তাহাই বলিয়াছি।

ডোরা তাহার কুক্ষিত অলকদাম ছুলাইয়া তাহার গণ্ডদেশের আরক্তিম আভাস আচ্ছাদিত করিতে চাহিল।

আমি বলিলাম, “আপনি এত দিন প্যারীতে ছিলেন?”

“হাঁ। আপনি সেখানে কখন যাননি বুঝি?”

“না।”

“আহা! একবার যদি আপনি সেখানে যান! বড় ভাল লাগবে সে জায়গা।”

এমন সময় কুকুরটা সেখানে ছুটিয়া আসিল। সে আমাকে দেখিয়া ঘেউ ঘেউ করিয়া উঠিল। ডোরা তাহাকে কোলে তুলিয়া লইল। কিন্তু তবু সে ডাকিতে লাগিল। আমি তাহার গায় হাত দিতে গেলে, সে কোনওমতেই তাহাকে স্পর্শ করিতে দিল না। ইহাতে ডোরা তাহাকে প্রহার করিল। সে তাহার হাত চাটতে লাগিল। তার পর কুকুরটা শান্ত হইল।

ডোরা বলিল, “আপনি মিস্ মর্ডষ্টোনের সম্বন্ধে ঘনিষ্ঠভাবে পরিচিত নন, বোধ হয়।”

“না, তেমন ঘনিষ্ঠতা নেই।”

ডোরা ক্ষীণ ওষ্ঠাধরে বলিল, “উনি বড় বিরক্তিকর। বাবা কেন সে ঠেকে আমার সঙ্গিনী ঠিক করেছেন, তা বুঝিনে। আমি কোন রক্ষাকারিণী চাইনে। জিপ্ আমাকে বেশ রক্ষা করতে পারবে। মিস্ মর্ডষ্টোনের চেয়ে বরং ভালই পারবে! কেমন জিপ, পারবে না?”

কুকুর চক্ষু মিটিমিটি করিয়া তাকাইল। ডোরা তাহার শিরোদেশ আশ্রয় করিল।

“বাবা বলেন, উনি আমার বিশ্বস্তা বান্ধবী। কিন্তু আমি জানি, উনি তা নন। কি বল জিপ? এমন গোমড়ামুখো লোককে আমি বিশ্বাস ক’রে কোন কথাই বলতে পারব না। কার সম্বন্ধে মনের কথা বলতে হবে, সে নিজেরাই খুঁজে নেব, কি বল, জিপ?”

জিপ তাহার স্বভাবসিদ্ধ একটা শব্দ করিয়া চুপ করিল। ডোরা বলিল, “মা নেই, তাই বড় দুঃখ। সে জায়গায় মিস্ মর্ডষ্টোনের মত বড়ী—চক্ষিণ শব্দটা মুখ আধার ক’রে রয়েছে, এমন এক বড়ী সব সময় আমার কাছে ঘুরবে, আমার মোটেই ভাল লাগে না। যাক্, ওকে বাদ দিয়েই আমাদের চলবে, জিপ! কেমন নয়? এখন থেকে ওকে খুসী না ক’রে খালি বিরক্ত করা যাবে, কি বল, জিপ?”

আরও কিছুক্ষণ এইভাবে চলিলে হয় ত আমি জামু পাতিয়া বসিয়া এমন কাণ্ড ঘটাইয়া ফেলিতাম, তাহার ফলে বাড়ী হইতে নির্বাসিত হইতে হইত। কিন্তু ঠিক এই সময়ে আমরা একটা উদ্ভান-গৃহের সমীপবর্তী হইলাম।

এই ঘরের মধ্যে নানাজাতীয় ছুপ্রাপ্য লতা ও ফুল বিচক্ষমান ছিল। আমরা ফুলগুলি পরীক্ষা করিয়া বেড়াইতেছি, এমন সময় মিস্ মর্ডষ্টোন সেখানে আসিয়া উপস্থিত হইলেন। ডোরার হাত ধরিয়া তিনি প্রাতরাশের জন্ত বাড়ীর দিকে চলিলেন।

ডোরার স্বহস্তে প্রস্তুত কর পেরালা চা আমি পান করিয়াছিলাম, তাহা আমি গণিয়া রাখি নাই। তার পর আমরা গির্জায় গেলাম। মিস্ মর্ডষ্টোন ডোরা ও আমার মাঝখানে রহিলেন।



সমস্ত দিনটা শান্তিতে কাটিল। লোকজনের গোলমাল নাই। শুধু আমরা চারি জন প্রাণী। মিস্ মর্ডেস্টোন্ আমাদের দিকে বিশেষ দৃষ্টি রাখিয়াছিলেন—সতর্কভাবে তিনি পাহারা দিতেছিলেন। আমি কতবার মনে ভাবিয়াছি, মিঃ স্পেনলো আমার ভাবী শত্রু হইবেন। কতবার কল্পনায় আমি তাঁহার কাছে ডোরার পাণিপ্ৰার্থনা করিলাম। আমরা বাগ্‌দত্ত হইলাম, এ কথা জানাইবার আগ্রহ কিরূপ প্রবল হইয়াছিল, তাহা মিঃ স্পেনলোও কল্পনা করিতে পারেন নাই।

পরদিবস সকালে আমাদের বিদায়ের দিন। ডোরা প্রাতরাশের টেবলে চা প্রস্তুত করিতে বসিল। প্রাতরাশের পর গাড়ীতে উঠিয়া আমি বিয়ধ-মনে ডোরার নিকট বিদায় গ্রহণ করিলাম। সে জিপকে কোলে লইয়া দরজার কাছে দাঁড়াইয়াছিল।

কর্ণস্থানে ফিরিয়া আসিলাম, কিন্তু ডোরার চিন্তা আমার সমগ্র চিত্তক্ষেত্রে বিস্তৃত হইয়া পড়িয়াছিল। দিনের পর দিন, সপ্তাহের পর সপ্তাহ ঐ একই চিন্তা লইয়া আমি ফিরিতে ঘুরিতে লাগিলাম।

মিসেস্ ক্রুপ বোধ হয় আমার মনের রোগ টের পাইয়াছিলেন। এক দিন তিনি বলিলেন, “আপনি কেমন মনমরা হয়ে যাচ্ছেন, সার। নিশ্চয় ভেতরে কোন তরুণী মহিলা আছেন।”

আরক্ত-বদনে আমি বলিলাম, মিসেস্ ক্রুপ ?”

“ভগবান্ আপনার ভাল করবেন। মন স্থির রাখুন। মরবার কথা মনে আনবেন না। যদি তিনি আপনার উপর প্রসন্ন হাশ্বে না চেয়ে থাকেন, অল্প টের মেয়ে আছে, খারা চাইবেন। আপনার মত তরুণ যুবককে অনেকেই চায়, মিঃ কুপারফুল। কাজেই নিজের মর্যাদা ভুলবেন না।”

মিসেস্ ক্রুপ আমাকে মিঃ কুপারফুল বলিয়া ডাকিতেন।

“মিসেস্ ক্রুপ, আপনি কেমন ক’রে জানলেন, এ ব্যাপারে এক তরুণী মহিলা আছেন ?”

মিসেস্ ক্রুপ বলিলেন, “আমি যে মা হয়েছি, তাই জানি।”

তিনি আবার বলিলেন, “আপনি ভাল ক’রে খান না, পানও করেন না।”

“তাই কি আপনি ঐ রকম অনুমান ক’রে নিয়েছেন ?”

মিসেস্ ক্রুপ বলিলেন, “আপনি ছাড়াও অনেক যুবকের আমি পরিচর্যা ক’রে এসেছি। আমি জানি, এ রকম ব্যাপারে মেয়েমানুষ আছেই।”

তিনি এমন ভাবে ঘাড় নাড়িতে লাগিলেন যে, আমি তাঁহাকে আর ঘাঁটাইতে সাহস করিলাম না।

মিসেস্ ক্রুপ বলিলেন, “আপনার আগে এখানে যিনি ছিলেন, তিনি মনের দোকানের এক যুবতীর প্রেমে প’ড়ে, মদ খেয়েই মারা গেলেন।”

আমি বলিলাম, “মিসেস্ ক্রুপ, আমার সম্বন্ধে এ রকম বাজারে মেয়েমানুষের সম্বন্ধ কল্পনা করবেন না।”

মিসেস্ ক্রুপ বলিলেন, “আপনি আমার মাপ করবেন। আমি অনধিকার-চর্চা করবো না। তবে একটা কথা ব’লে রাখি; এমন উল্লনা হবেন না। খুব প্রফুল্ল থাকুন, নিজের দাম বুঝবার চেষ্টা করুন।”

এই কথা বলিয়া তিনি চলিয়া গেলেন। তাঁহার সহিত আলোচনায় আমরা একটা লাভ হইল। মনের কথা যাহাতে ঘণাক্ষরেও প্রকাশ না পায়, সে চেষ্টা আমাকে করিতে হইবে, স্থির করিলাম।

### সপ্তবিংশ পরিচ্ছেদ

পরদিবস হঠাৎ মনে হইল, ট্রাডেলস্‌এর সঙ্গে দেখা করিয়া আসিতে হইবে। তাহার ঠিকানা আমার কাছে ছিল। কামডেন সহরের পশু-চিকিৎসালয়ের কলেজের কাছে তাহার বাসা। আমি তাহার বাসার অভিমুখে অগ্রসর হইলাম। যে পথের উপর তাহার বাসা, সেই পথটা তেমন ভাল নহে। এই অঞ্চলের অধিবাসীরা তেমন পরিচ্ছন্ন নহে। পথের উপর আবর্জনা স্তুপীকৃত থাকে। এই পথের সাধারণ অবস্থা দেখিয়া আমার মনে হইল, মিক্‌বার-দম্পতির সহিত যখন বাস করিতাম, যে রাস্তার উপর আমাদের বাসা ছিল, সেই রাস্তার কথা মনে পড়িয়া গেল। হঠাৎ কেন যে মিক্‌বার-দম্পতির কথা মনে পড়িল, তাহা বুঝিতে পারিলাম না।

নির্দিষ্ট বাড়ীর দরজায় আসিয়া দেখিলাম, গোয়ালী ছুফের দাম লইয়া এক পরিচারিকার সহিত বচসা করিতেছে। গোয়ালী দাম চাহিতেছে, পরিচারিকা বলিতেছে, দাম শীঘ্রই পাইবে। গোয়ালী গোলমাল করিতে করিতে ছুফ চালিয়া দিয়া চলিয়া গেল। আমি তখন কণ্ঠস্বর তুলিয়া বলিলাম, “মিঃ ট্রাডেলস্‌ এখানে থাকেন ?”

গলিপথের অপর প্রান্ত হইতে কোন রহস্যময় কণ্ঠ বলিয়া উঠিল, “হাঁ।” তরুণী পরিচারিকাটিও সেই সঙ্গে বলিল, “হাঁ।”

আমি তখন জিজ্ঞাসা করিলাম, “তিনি এখন বাসায় আছেন ?”

আবার সেইরূপ উত্তর আসিল, “হাঁ।”

তখন পরিচারিকার নির্দেশ অনুসারে আমি ভিতরে প্রবেশ করিলাম। সোপানাবলী অতিক্রম করিয়া উপরে উঠিতেছি, এমন সময় ট্রাডেলস্‌এর সহিত দেখা হইল। সে আমাকে দেখিয়া আনন্দে অভিভূত হইয়া পড়িল। তাহার ছোট ঘরটির মধ্যে সে সাদরে আমাকে লইয়া গিয়া বসাইল। ঘরের মধ্যে আসবাব-পত্রের তেমন বাহুল্য নাই।

আমি বলিলাম, “ট্রাডেলস্‌, তোমাকে দেখে আমার আজ বড় আনন্দ হচ্ছে।”

সেও বলিল, “আমারও সেই রকম আনন্দ হচ্ছে, কপারফিল্ড। তোমাকে আমার বাসার ঠিকানা দিয়েছিলাম। সহরে আমার আলাদা ঘর ভাড়াও আছে। এখানে আমি সকলকে আনতে চাই না। এখনও আমাকে কীমনস্ গ্যাম বিব্রত হয়ে থাকতে হয়েছে।”

বলিলাম, “তুমি এখন ব্যারিষ্টার হবার জন্ত পড়ছ না?”

“হ্যাঁ, তাই করতে হচ্ছে। একশ পাউণ্ড এ জন্ত আমাকে সংগ্রহ করে দিতে হয়েছে। কত কষ্টে যে সে টাকাটা সংগ্রহ করেছি, তা আমি জানি।”

তার পর বাল্যের সালেম হাউসের কত কথা আলোচনা করিতে লাগিলাম। সে আমাকে বলিল, তাহার এক খুল্লতাত তাহাকে মানুষ করিয়া তুলিতেছিলেন। কিন্তু অবশেষে তিনি তাহার উপর অসন্তুষ্ট হইয়া বৃদ্ধা বয়সে বিবাহ করেন। কিছু দিন পরে হঠাৎ তাহার মৃত্যু হওয়ায় সে বিজ্ঞানয় ছাড়িয়া দিতে বাধ্য হয়।

আমি বলিলাম, “তোমার খুড়া তোমাকে কিছু দিয়া যান নাই?”

ট্রাডেল্‌স্ বলিল, “কিছু পেয়েছিলাম বৈ কি—৫০ পাউণ্ড আমার ভাগে পড়েছিল। তার পর কত কষ্ট করে আমি একশ পাউণ্ড জমিয়ে, সেই টাকাটা জমা দিয়ে ব্যারিষ্টারী পড়ছি।”

তার পর সংবাদপত্রে লিখিয়া এবং নানা উপায়ে সে কিরূপে অর্থোপার্জন করিতেছে, তাহার ইতিহাস আমাকে বিবৃত করিল।

তাহার পরিশ্রমের ইতিহাস শুনিয়া আমি তাহাকে প্রশংসা না করিয়া থাকিতে পারিলাম না।

অবশেষে সে বলিল, “কপারফিল্ড, আমি এক মহিলার পাণিগ্রহণ করব বলে বাগ্দত্ত আছি।”

তাহার সে কথা শুনিয়া আমার ডোরার কথা মনে পড়িল।

ট্রাডেল্‌স্ বলিল, “তিনি এক জন ধর্ম্মযাজকের মেয়ে। মেয়েটি এত ভাল যে, তার গুণের কথা আমি বলে শেষ করতে পারি না। বয়সে আমার চেয়ে সামান্য বড়। অনেক দিন আমরা বাগ্দত্ত হয়েছি। কিন্তু তাড়াতাড়ি নেই। আমরা দু’জনেই জানি, আমাদের অপেক্ষা করে থাকতে হবে। সে আমার প্রতীক্ষায় ৬০ বৎসরও থাকতে রাজি।”

শুনিয়া পুলকিত হইয়া উঠিলাম।

আমার বাল্যবন্ধু বলিতে লাগিল, “অতি সামান্য ব্যয়ে আমার খাওয়া-পরা চলে। নীচে এক দম্পতি আছেন, তাঁদের ঘরেই আমি ছুবেলা খাই। মিঃ ও মিসেস্ মিক্‌বার দু’জনেই খুব ভাল লোক।”

আমি সবিস্ময়ে বলিলাম, “প্রিয় ট্রাডেল্‌স্, কি বলছ তুমি?”

ট্রাডেল্‌স্ সবিস্ময়ে আমার দিকে চাহিয়া রহিল।

আমি বলিলাম, “মিঃ ও মিসেস্ মিক্‌বার! আমি যে তাঁদের দু’জনের সঙ্গে ঘনিষ্ঠভাবে পরিচিত।”

ঠিক এই সময়ে রুদ্ধধারে দুইবার “করাঘাত হইল। আমি সে করাঘাত যে চিনি। মিঃ মিক্‌বার ব্যতীত এমনভাবে কেহ ঘরে করাঘাত করিতে পারে না।”

দরজা খুলিয়া দেওয়া হইলে মিঃ মিক্‌বার ঘরের মধ্যে আসিয়া বলিলেন, “মিঃ ট্রাডেল্‌স্, মাপ করবেন, আমি জানতাম না, আপনি অল্প ভদ্রলোকের সঙ্গে কথা বলছেন।”

আমার দিকে লক্ষ্য না করিয়াই তিনি আমাকে অভিবাদন করিলেন।

“কেমন আছেন, মিঃ মিক্‌বার?”

তিনি বলিলেন, “ধন্যবাদ, আমি ভাল আছি।”

“মিসেস্ মিক্‌বার ভাল আছেন ত?”

“ভগবানের অনুগ্রহে তিনিও ভাল আছেন।”

“ছেলে-মেয়েরা?”

মিঃ মিক্‌বার বলিলেন, “আমি সানন্দে জ্ঞাপন করছি, তারাও খুব ভাল আছে।”

এতক্ষণ পর্য্যন্ত তিনি যে আমাকে চিনিতে পারেন নাই, তাহা বুঝিলাম। কিন্তু আমাকে হাসিতে দেখিয়া তিনি আমার মুখোমুখী দাঁড়াইয়া আমার আপাদ-মস্তক নিরীক্ষণ করিলেন। তার পর সহসা বলিয়া উঠিলেন, “এ কি সম্ভব! আমি কি কপারফিল্ডকে দেখছি!” বলিয়াই তিনি দুই হাতে আমাকে ধরিয়া নাড়া দিলেন।

মিঃ মিক্‌বার বলিলেন, “হ্যাঁ ভগবান্! মিঃ ট্রাডেল্‌স্! আমার যৌবনের বন্ধু—পূর্বজীবনের সুপরিচিত বন্ধুর সহিত আপনার পরিচয় আছে, এ কথা আমি ভাবতেও পারিনি!”

বাতায়নের কাছে দাঁড়াইয়া তিনি কণ্ঠস্বর উচ্চ তুলিয়া বলিলেন, “ওগো, মিঃ ট্রাডেল্‌স্‌এর ঘরে এক জন ভদ্রলোক এসেছেন, তার সঙ্গে তোমার পরিচয় করিয়ে দিতে চাই—শীঘ্র এস!”

তার পর আমার কাছে ফিরিয়া আসিয়া তিনি বলিলেন, “আমাদের বন্ধু ডাক্তার কেমন আছেন? কাণ্টারবেরির বন্ধুরা সব ভাল ত?”

আমি বলিলাম যে, সকলেই ভাল আছেন।

মিঃ মিক্‌বার বলিলেন, “কপারফিল্ড, এক রকম করে এখন সংসার চালান যাচ্ছে। তুমি ত জান, আমার জীবনে দুর্ভাগ্য অসুবিধা কত এসেছে। সব অতিক্রমও করেছি। এখনও অবস্থা সেই রকম, তবে আবার আমি লাফিয়ে উঠে বিপদ পার হবার চেষ্টা করছি।”

এমন সময় মিসেস্ মিক্‌বার ঘরের মধ্যে প্রবেশ করিলেন। তিনি আমাকে দেখিয়া খুসী হইলেন। আহাের জন্ত মিঃ মিক্‌বার আমায় পীড়াপীড়ি করিলেন, কিন্তু আর এক দিন হইবে বলিয়া আমি উহা এড়াইলাম। তবে আমার বাসায় এক দিন তাঁহাদের রাজির আহাের নিমন্ত্রণ

করলাম। ট্রাডেলস্কে লইয়া মিক্‌বার-দম্পতি আমার বাসায় যাইবেন স্থির হইল।

আমি বিদায় লইলাম। মিঃ মিক্‌বার আমার সঙ্গে বাহিরে আসিয়া একান্তে আমাকে বলিলেন, ট্রাডেলস্কে সাহায্যে তাঁহার স্মৃতি আছে। শস্ত বিক্রয় করিয়া তিনি অতি সামান্য অর্থই পান। তাহাতে সংসার চলা কঠিন। তবে তিনি প্রত্যাশা করিতেছেন, ভগবানের আশীর্ব্বাদে অবস্থার পরিবর্তন ঘটবে।

মিঃ মিক্‌বার আমার কয়কম্পন করিয়া বিদায় লইলেন।

### অষ্টাবিংশ পরিচ্ছেদ

আমার বন্ধুবর্গকে যে দিন আহারে নিমন্ত্রণ করিয়াছিলাম, সে দিন না আসা পর্যন্ত আমি ডোরার চিন্তা লইয়াই দিন কাটাইতেছিলাম। ইহাতে আমার ক্ষুধামান্দ্য হইয়াছিল, সন্দেহ নাই।

মিক্‌বার-দম্পতি ও ট্রাডেলস্কে খাওয়াইবার জন্ত এবার পূর্ব্ববারের মত ব্যবস্থা করিলাম না। মিসেস্ ক্রুপ এবং এক জন বোবা লোককে কাজের জন্ত রাখিলাম। পূর্ব্বের ছেলেটির উপর আমি বিরক্ত হইয়াছিলাম।

নির্দিষ্ট সময়ে বন্ধুরা আসিলেন। আমার বাসা দেখিয়া সকলেই খুসী হইলেন। আহাৰ্য্য পরিবেশিত হইল। আমরা মনের আনন্দে আহাৰ্য্য করিতে আরম্ভ করিলাম। উৎসাহের আতিশয্যে ডোরার কথাও তখন ভুলিয়া গেলাম।

হাস্ত-পরিহাসে ভোজনকার্য্য চলিতেছে, এমন সময় দেখিলাম, লিটিমার টুপী হাতে ঘরের মধ্যে দাঁড়াইয়া।

আমি জিজ্ঞাসা করিলাম, “ব্যাপার কি?”

সে বলিল, “আমার মনিব কি এখানে এসেছেন?”

আমি বলিলাম, “না।”

“আপনি তাঁর দেখা পেয়েছেন?”

“না! তুমি কি তার কাছ থেকে আসছ না?”

“না, মশাই, তাঁর কাছ থেকে সরাসরি আসছি না।”

“এখানে তার দেখা পাওয়া যাবে, এ কথা কি সে তোমাকে বলে দিয়েছে?”

“না, তা ঠিক বলেননি। তবে আমার মনে হয়, আসছে কাল তিনি এখানে আসবেন—আজ যখন এখনও আসেননি।”

“অক্সফোর্ড থেকে সোজা আসছে কি?”

সে কথার উত্তর না দিয়া সে একটা বোতলের ছিপি খুলিবার ভার স্বয়ং গ্রহণ করিল। কারণ, আমরা উহা পারিতেছিলাম না।

তার পর লিটিমার আধার হইতে কিছু কিছু মাংসও আমাদের কাছে নিপুণ-হস্তে পরিবেষণ করিতে লাগিল।

কার্য্য শেষ হইলে আমি তাহাকে আহাৰ্য্যে বসিবার জন্ত অনুরোধ করিলাম। সে সবিনয়ে জানাইল যে, তাহার আহাৰ্য্যে এখন স্পৃহা নাই।

আমি জিজ্ঞাসা করিলাম, “ষ্টয়ারফোর্থ কি সোজা অক্সফোর্ড থেকে আসছে?”

উত্তরে সে বলিল, “কাল তিনি এখানে এসে পড়বেন। আমি ভেবেছিলাম, আজই এসে গেছেন। কিন্তু দেখছি, আমারই ভুল।”

“তার সঙ্গে দেখা হ’লে তুমি বলো—”

“আজ্ঞে, আপনার সঙ্গেই আগে তাঁর দেখা হবে, আমার সঙ্গে হবে না।”

“যাই হোক, তাকে বলো, তার ছেলেবেলার এক জন সহপাঠী আজ এখানে এসেছে।”

লিটিমার ট্রাডেলস্কেএর দিকে তাকাইয়া বলিল, “তাই না কি!”

সে চলিয়া যাইতে উদ্গত দেখিয়া আমি বলিলাম, “লিটিমার! তুমি সেবার ইয়ারমাউথে বেশী দিন ছিলে?”

“খুব বেশী দিন নয়।”

“নৌকাখানার মেরামতী কাজ হ’তে অবশ্য দেখেছিলে?”

“হাঁ, সার! নৌকার কাজ শেষ না হওয়া পর্যন্ত আমি সেখানে ছিলাম।”

আমি বলিলাম, “মিঃ ষ্টয়ারফোর্থ সেটা দেখেনি?”

“তা আমি বলতে পারিনে। আচ্ছা, এখন তা হ’লে আসি।”

আমি যেন স্বস্তির নিশ্বাস ত্যাগ করিলাম। ষ্টয়ারফোর্থকে আমি পূর্ব্ববৎ বিশ্বাস করিতে পারিতেছিলাম না। এই কথাটা যদি আমার বাক্য বা ব্যাপারে পাছে প্রকাশ হইয়া পড়ে, এজন্ত লিটিমারের সান্নিধ্য আমার প্রীতিকর বোধ হয় নাই।

আবার আমাদের পান-ভোজন চলিতে লাগিল। মিসেস্ মিক্‌বার আমায় বলিলেন যে, শস্তবিক্রয়ের দালালী হইতে দুই সপ্তাহে ২ শিলিং ৯ পেন্স প্রাপ্তি আদৌ সুবিধার নহে। ইহাতে সংসার চলে না।

সে কথা আমরা সকলেই স্বীকার করিলাম।

মিসেস্ মিক্‌বার বলিলেন, “শস্তবিক্রয়ের উপর যদি নির্ভর করা না চলে, তবে আর কিসের উপর নির্ভর করা চলবে? কয়লার উপর চলে কি? তাও চলে না। তবে কি করা যাবে?”

খুবই সত্য কথা। মিঃ মিক্‌বারের সংসার ত চলা চাই। এমন অনিশ্চিতভাবে তাঁহার সংসার চলিতে পারে না। ট্রাডেলস্ ও আমি উভয়েই এ বিষয়ে একমত।

রাত্রি দশটা ও এগারটার মধ্যে নিমন্ত্রিতরা বিদায় লইলেন। আমি ট্রাডেলস্কে এক পার্শ্বে ডাকিয়া লইয়া বলিলাম, “ট্রাডেলস্, আমি মিঃ মিক্‌বারের কোন অনিষ্ট



কামনা করিনে। তবে একটা কথা বলে দেই, তুমি তাঁকে টাকা ধার বলে দিও না।”

ট্রাডেলস্ বলিল, “প্রিয় কপারফিল্ড, আমার ধার দিবার মত টাকা নাই।”

আমি বলিলাম, “কিন্তু তোমার নামের একটা মূল্য আছে।”

“ও! তুমি ভাবছ, ওটাই ধার দেওয়ার মত হবে?”

আমি বলিলাম, “নিশ্চয়।”

ট্রাডেলস্ বলিল, “সে কথা ঠিক। তোমার এ সতর্ক-বনীতে আমি উপকৃত হলাম। কিন্তু আমার সে নামটা আগেই ধার দিয়ে বসেছি।”

আমি বলিলাম, “যাক্, যা হবার হয়ে গেছে। ওতে হয় ত অনিষ্ট কিছু হবে না।”

ট্রাডেলস্ চলিয়া গেল। আমি ঘরে ফিরিয়া আসিয়া অগ্নিকুণ্ডের ধারে বসিলাম। সহসা মনে হইল, কেহ দ্রুত-পদক্ষেপে সোপান অতিক্রম করিতেছে। আমি ভাবিলাম, কে আসিতেছে, ট্রাডেলস্ নয় ত? কিন্তু পদশব্দ নিকটে আসিতেই আমি তাহা চিনিতে পারিলাম। আমার বক্ষঃস্থল দ্রুত স্পন্দিত হইতে লাগিল। কারণ, সে পদশব্দ ষ্টিয়ারফোর্থের।

আমি আগনেসের কথায় কখনও অমনোযোগ প্রদান করি নাই। তাহার চিন্তা মুহূর্তের জন্তও আমার মানসপট হইতে অন্তর্হিত হয় নাই। আমার মনোমন্দিরে আগনেসের আসন সুপ্রতিষ্ঠিত ছিল। কিন্তু ষ্টিয়ারফোর্থ যখন বাহুবিস্তার করিয়া আমার সম্মুখে দাঁড়াইল, তখন তাহার উপর যে অধার-স্ববনিকা পড়িয়াছিল, তাহা যেন আলোকিত হইয়া উঠিল। তাহাকে সন্দেহ করিয়াছিলাম, ইহা ভাবিয়া আমি যেন লজ্জিত হইলাম। আমি আগনেসকে সত্যই ভালবাসি। সত্যই তখনই তাহার কল্যাণদায়িনী মূর্তি আমার দৃষ্টিপথে ভাসিয়া উঠিল। কিন্তু তথাপি ষ্টিয়ারফোর্থকে আমি সাদরে গ্রহণ না করিয়া পারিলাম না।

আমার কর সাগ্রহে কম্পিত করিয়া ষ্টিয়ারফোর্থ বলিল, “ডেজি, ভাই, অবাক হয়ে গেছ? আজ কি আর একটা ভোজের আয়োজন হয়েছিল না কি? ডক্টর কমন্সএর লোকরা ভারী আমুদে। আমাদের মত পরিমিত পানকারীদের তারা হারিয়ে দেছে দেখছি।” এই বলিয়া মিসেস্ মিক্‌বারের পরিত্যক্ত আসন সে গ্রহণ করিল।

আমি সাদরে তাহাকে অভ্যর্থনা করিয়া বলিলাম, “প্রথমে এত চমক লেগেছিল যে, হতভম্ব হয়ে গিয়েছিলাম। তাই তোমাকে অভ্যর্থনা করতে পারিনি।”

“কেমন আছ এখন বল ত, ডেজি?”

“আমি ত ভালই আছি। মদ আজ বেশী খাইনি। তবে তিন জন নিমন্ত্রিত আজ ছিলেন।”

“তাদের সঙ্গে পথে আমার দেখা হয়েছে। বে লোকটি টলছে, সে কে হে?”

আমি মিঃ মিক্‌বারের পরিচয় দিলাম। ষ্টিয়ারফোর্থ বলিল যে, মিঃ মিক্‌বার জানিবার মত লোক। এক সময়ে সে তাঁহার সহিত ঘনিষ্ঠতা করিয়া লইবে।

আমি বলিলাম, “আর এক জন কে বল ত, ষ্টিয়ারফোর্থ?”

সে বলিল, “ভগবান জানেন। তবে লোকটা ভদ্র বলেই মনে হ’ল।”

আমি বলিলাম, “চিন্তে পারলে না, ও ট্রাডেলস্।”

উপেক্ষাভরে সে বলিল, “কে সে?”

“ট্রাডেলস্কে ভুলে গেলে? আমাদের ঘরে সালেম হাউসে থাকত—ট্রাডেলস্।”

“সেই ট্রাডেলস্! ও কি এখনও সেই রকম নরম প্রকৃতির আছে? ওকে তুমি কোথায় পেলে?”

আমি তখন ট্রাডেলস্‌এর প্রশংসায় পঞ্চমুখ হইলাম। কারণ, ষ্টিয়ারফোর্থ তাহাকে উপেক্ষা করায় আমি একটু ব্যথিত হইয়াছিলাম। ষ্টিয়ারফোর্থ মূঢ় হাসিয়া স্তাহার আলোচনা স্থগিত রাখিল। তার পর সে বলিল যে, তাহার ক্ষুধা পাইয়াছে, কিছু খাবার আছে কি না।

আমি পরিবেষণের বাহা অবশিষ্ট ছিল, তাহা হইতে কিছু কিছু জিনিষ তুলিয়া আনিয়া তাহাকে খাইতে দিলাম। ষ্টিয়ারফোর্থ বলিল, “অনেক জিনিষ আছে ত! ভারী ক্ষিধে পেরেছে। আমি সোজা ইয়ারমাউথ থেকে আসছি।”

“আমি ভেবেছিলাম, তুমি অক্সফোর্ড থেকে আসছ?”

ষ্টিয়ারফোর্থ বলিল, “না। আমি সেখানে সমুদ্রে বেড়াছিলাম। ভাল কাজেই লেগেছিলাম।”

আমি বলিলাম, “লিটিমার আজ এখানে এসেছিল—তোমার সন্ধানে। আমি ভেবেছিলাম, তুমি অক্সফোর্ডে আছ। অবশ্য সে কথা সে আমায় বলেনি।”

“লিটিমার একটা নিরেট গাধা। এত বোকা সে, তা আমি জানতাম না। আমার সম্বন্ধে খোঁজ করবার কোন দরকার তার ছিল না।” বলিতে বলিতে প্রফুল্লচিত্তে ষ্টিয়ারফোর্থ এক গ্লাস সুরা ঢালিয়া লইল। তার পর বলিল, “তাকে আমাদের সকলের চেয়ে তুমি ভাল বুঝতে পার, ডেজি।”

আমি চেয়ার ঘুরাইয়া লইয়া বলিলাম, “সে কথা ঠিক, ষ্টিয়ারফোর্থ। তা হ’লে তুমি ইয়ারমাউথে গিয়েছিলে? বেশী দিন ছিলে না কি সেখানে?”

“না, মাত্র এক সপ্তাহ ছিলাম, তাও হঠাৎ গিয়ে পড়েছিলাম।”

“তারা সব কেমন আছে? সম্ভবতঃ এমিলির ঘিয়ে এখনও হয়নি?”

“না, এখনও হয়নি। শীঘ্র হবে, কল্লক সপ্তাহমধ্যেই হবে শুনেছি। আমি ওদের সঙ্গে বড় একটা দেখা করিনি।”

ভাল কথা, তোমার নামে একখানা চিঠি আছে।” বলিয়া সে কাটা-চামচ রাখিয়া দিয়া পকেট হাতড়াইতে লাগিল।

“কে লিখেছে?”

“তোমার ধাত্রী। এই যে বার করছি।” বলিয়া সে পকেটের কাগজপত্র সবই টানিয়া বাহির করিল। তার পর বলিল, “কি ভাল নাম তার। সেই বুড়ো, তার শরীর সম্বন্ধেই চিঠি।”

আমি বলিলাম, “বার্কিস্‌এর কথা বলছ?”

“হ্যাঁ! সে বেচারার বুঝি সব শেষ হয়ে এসেছে। সেখানে এক জন ডাক্তারের সঙ্গে দেখা হ’ল। তোমার জন্মের সময় তিনি ছিলেন। লোকটা এই রোগীর সব খবর রাখেন। তিনি বললেন, বার্কিস্‌ অতিক্রান্ত অনন্তযাত্রার পথে এগিয়ে চলেছে। আমার ওভার-কোটের বুকের পকেটটা খুঁজে দেখ ত, ওখানেই চিঠিটা আছে।”

তাহার নির্দেশমত খুঁজিতেই চিঠিখানা পাইলাম। হ্যাঁ, চিঠিখানা পেগটার লেখা। পড়া যায় না, এমনই লেখা, কিন্তু সংক্ষিপ্ত। সে আমাকে বার্কিসের সম্বন্ধে সংক্ষেপে লিখিয়াছে—অবস্থা খুবই খারাপ। নিজের ক্লান্তি বা শ্রান্তির বিন্দুমাত্র উল্লেখ সে করে নাই। সোজা কথায়, গ্রাম্য ভাষায় প্রাণের অনেক কথা ব্যক্ত করিয়া শেষে লিখিয়াছে, “আমার প্রিয়পাত্রের প্রতি কর্তব্যবোধ” অর্থাৎ আমাকে সে সব কথা জানাইল।

ষ্ট্রিয়ারফোর্থ আহ্বার করিয়া চলিয়াছিল। সে বলিল, “ব্যাপারটা খুবই চুৎখের। তবে রোজই সূর্য উঠে, রোজই মাসুখ মরে। কাজেই আমাদের এই সাধারণ ব্যাপারে ব্যস্ত হওয়া উচিত নয়। এই সব ব্যাপার দেখে যদি ঘাবড়ে যেতে হয়—নিজের প্রাপ্যকে ধ’রে রাখা না যায়, তা হ’লে সবই চ’লে যাবে। না, আমার তা মত নয়। যখন যাত্রা করা গেছে, চলতেই হবে। সব বাধা-বিঘ্ন ঠেলে এগিয়ে গিয়ে বাজি জিততে হবে।”

আমি বলিলাম, “কোন বাজি জিতবার কথা বলছ?”

“যে বাজির দৌড় আরম্ভ হয়েছে, সেই বাজি! এগিয়ে চল!”

আমি লক্ষ্য করিলাম, তাহার প্রফুল্ল আননে, নয়নে যেন একটা প্রচণ্ড চেষ্টার অবসাদ রহিয়াছে। একরূপ লক্ষণ পূর্বে তাহাতে দেখি নাই। আমি বলিলাম, “ষ্ট্রিয়ারফোর্থ, একটা কথা আছে, যদি গুন্টে চাও, বলি।”

সে বলিল, “বল, গুনি।”

আমি বলিলাম, “আমার ধাইমার কাছে আমি যাব ঠিক করেছি। অবশ্য আমি গিয়ে তার কোন উপকারে লাগব না, সেটা ঠিক। কিন্তু সে আমাকে এত ভালবাসে যে, এ সময় আমাকে দেখলে, তার মনে একটা প্রভাব-বিস্তার হবে। সে আমার গমনে শান্তি পাবে। সে

আমার যে রকম বন্ধু, তাতে এ কাজ করা আমার পক্ষে বেশী কিছু নয়। তুমি হ’লে কি আমার মত করতে না?”

তাহার মুখে চিন্তার রেখা ফুটিয়া উঠিল; খানিক চিন্তার পর সে বলিল, “বেশ! তুমি যাও, তাতে কোন ক্ষতি হবে না।”

আমি বলিলাম, “তুমি এইমাত্র ফিরে আসছ। সুতরাং তোমাকে আমার সঙ্গে যাবার কথা বলা বুধা।”

সে বলিল, “খুব ঠিক কথা। আমি আজ রাত্রিতেই হাইগেটএ যাচ্ছি। মাকে অনেক দিন দেখি না। তিনি তাঁর এই ছেলেটাকে বড় ভালবাসেন। তুমি কি কাল সকালেই যাচ্ছ?”

আমি বলিলাম, “তাই ত ভাবছি।”

সে বলিল, “তা হ’লে কাল যেও না। পরশু যেও। আমি ভেবেছিলাম, তোমাকে কয় দিন আমাদের ওখানে নিয়ে যাব। দু’জনে একসঙ্গে থাকি যাবে। আমি তাই মনে ক’রে এখানে এলাম, আর তুমি ইয়ারমাউথে পালাচ্ছ।”

“বাঃ ষ্ট্রিয়ারফোর্থ! তুমি চমৎকার লোক ত! তুমিই এখানে সেখানে ক’রে পালিয়ে পালিয়ে বেড়াচ্ছ, আর দোষ দেবে আমাদের! তোমার পাত্তাই ত কেউ পায় না!”

সে কয়েক মুহূর্ত আমার দিকে নীরবে চাহিয়া রহিল। তার পর বলিল, “চল, আমাদের বাড়ী থাকবে। কাল যতক্ষণ পার, আমার ওখানে থাকতে হবে। কে জানে, আবার কবে আমাদের দেখা হবে? কাল যাবে আমাদের ওখানে নিশ্চয়? রোজা ডার্টল ও আমার মধ্যে তুমি থেকে দু’জনকে পৃথক ক’রে রাখবে, এই আমার ইচ্ছে।”

“তোমরা দু’জন দু’জনকে খুব ভালবাস না কি? তাই আমাকে দরকার?”

হাসিয়া ষ্ট্রিয়ারফোর্থ বলিল, “হ্যাঁ—ভালবাসা বা ঘৃণা যা ইচ্ছে বলতে পার। কেমন, তা হ’লে কথা ঠিক রইল?”

আমি কথা দিলাম। সে গায় কোট চড়াইয়া বাড়ীর দিকে চলিল। আমিও খানিকটা পথ তাহাকে আগাইয়া দিতে চলিলাম। পথে তাহার স্মৃতির অভাব দেখিলাম না। আমরা পথের মাঝখানে বিদায় লইলাম। সে বাড়ীর দিকে উৎসাহভরে চলিয়াছে দেখিলাম। তাহার কথাটা তখন মনে পড়িল—“বাধাবিঘ্ন ঠেলে এগিয়ে যেতে হবে। বাজি জিততে হবে!” আমি ভাবিলাম, সে যে বাজি খেলিতে নামিয়াছে, তাহা যেন ভাল কাজের জন্তই হয় এবং সে যেন তাহাতে সফল্য লাভ করে।

আমি বাসায় আসিয়া পোষাক ছাড়িতেছি, এমন সময় একখানা পত্র মাটিতে পড়িয়া গেল। মিঃ মিক্‌বার যাইবার সময় আমার হাতে একখানা পত্র দিয়াছিলেন, বলিয়াছিলেন, অবসরমত আমি যেন উহা পাঠ করি। ইহা সেই পত্র। খুলিয়া পড়িলাম।

“মহাশয়, এবার আমি প্রিয় কপারফিল্ড সম্বোধন করিতে পারিলাম না। এবার আর আমার আশা নাই। সম্পূর্ণরূপে চূর্ণ হইয়াছি। আজই সব আমার সমাপ্তি ঘটিয়াছে।

“যে বাসায় বাস করিতেছি, বাড়ীওয়ালা বাড়ী-ভাড়ার জন্ত সিল করিয়াছে। শুধু আমার জিনিষ নহে, মিঃ টমাস ট্রাডেলস্‌এর সকল জিনিষই সিল করিয়াছে।

“পাণ্ডার পরিমাণ ২৩ পাউণ্ড, ৪ শিলিং ৯ই পেন্স। ৬ মাসের মধ্যে টাকা শোধ দিতে না পারিলে টাকার পরিমাণ ত্রিশ পাউণ্ডে গিয়া পৌঁছাবে।

“কাজেই ধূলা ও ভস্ম স্তূপীকৃত হইতেই থাকিবে, নিয়লিখিত হতভাগ্য উইলকিন্স মিক্‌বারের মাথার উপর।”

আমি মিঃ মিক্‌বারকে জানি, তিনি এ বিপদের আঘাত সহ করিতে পারিবেন। কিন্তু বেচারী ট্রাডেলস্‌! তাহার জগৎই আমি সারারাত্রি চুশ্চিস্তায় বিব্রত হইলাম। তাহার বাগ্‌দত্তা মিলনের প্রতীক্ষা করিয়া রহিয়াছে। এইরূপ পুনঃ পুনঃ ঘটিতে থাকিলে সত্যি ৬০ বৎসর প্রতীক্ষা করিতে হইবে না কে বলিল?

### উনত্রিংশ পরিচ্ছেদ

পরিদ্রব আমি মিঃ স্পেনলোকে জানাইলাম যে, আমি কয়েক দিন অল্পস্থিত থাকিব। আমি কোন বেতন পাইতাম না, কাজেই আমার অল্পস্থিতির জন্ত কাহারও কাছে জবাবদিহির প্রয়োজন নাই। মিস্ স্পেনলো কেমন আছে জিজ্ঞাসা করার মিঃ স্পেনলো জানাইলেন, সে ভালই আছে।

বেলা দুইটায় আমি হাইগেট অভিমুখে চলিলাম। মিসেস্ স্টিয়ারফোর্থ আমাকে দেখিয়া খুসী হইলেন। রোজা ডার্টলও দেখিলাম সস্তুষ্ট হইয়াছেন। আমি দেখিলাম, লিটিমার সেখানে উপস্থিত নাই। আর এক জন পরিচারিকা আমাকে পরিবেষণকার্য করিল।

আমি দেখিলাম, মিস্ ডার্টল আমার উপর বিশেষ দৃষ্টি রাখিয়াছেন। দেখিলাম, তিনি আমার মুখভাবের সহিত স্টিয়ারফোর্থের মুখের ভাব পরীক্ষা করিয়া দেখিতেছিলেন। তাহার এই তীক্ষ্ণদৃষ্টিপাতের অর্থ বুঝিলাম না। আমার মনে কোনও লোভ বা পাপ ছিল না, তথাপি তাহার এই তীক্ষ্ণদৃষ্টি আমি যেন সহ করিতে পারিতেছিলাম না।

সমস্তক্ষণই মিস্ ডার্টল বাড়ীর চারিদিকেই ঘুরিতেছিলেন। আমরা দুই বন্ধু যখন যে ঘরে যাইতেছিলাম, তিনিও সেই ঘরে আসিতেছিলেন। বৈকালে আমরা ৪ জন বেড়াইতে বাহির হইলে, মিস্ ডার্টল আমার হাত চাপিয়া ধরিলেন, স্টিয়ারফোর্থ ও তাহার মাতা আগাইয়া গেলে, তিনি আমায় বলিলেন, “এবার তুমি এখানে আসতে বড় দেরী

করেছ—অনেক দিন পরে এসেছ। যে ব্যবসা করছ, তা কি এতই চমৎকার যে, সব বিষয় ভুলিয়ে দেয়? আমি বলছি, মানে আমি কিছু জানিনে কি না—জানবার জন্ত। সত্য কি তাই?”

আমি বলিলাম যে, আমার ব্যবসায় আমি পছন্দ করি, এইমাত্র বলিতে পারি।

রোজা ডার্টল বলিলেন, “তবে কিছু নীরস বোধ হয়?”  
বলিলাম, বোধ হয় তাই।

“তাই বুঝি তুমি মাঝে মাঝে উত্তেজনা, শাস্তি, বিশ্রাম চাও? খুব সত্যি কথা। কিন্তু ওর ব্যাপারে কি বলা যায়, তোমার কথা বলছি না।”

বুঝিলাম, স্টিয়ারফোর্থের কথাই বলিতেছেন।

আমি বুঝিলাম। বলিলাম, “দেখুন, এটা ঠিক জানুবেন, স্টিয়ারফোর্থ বাড়ী থেকে দূরে স’রে থাকে, এর জন্ত আমি আদৌ দায়ী নই। কেন যে সে দূরে স’রে থাকে, তা বরং আপনার কাছ থেকেই আমি শুনতে চাই। আমি অনেক দিন তাকে দেখিনি। সব কাল রাতে দেখা হয়েছে।”

“তাই না কি?”

“হাঁ, মিস্ ডার্টল, তাই।”

আমি দেখিলাম, তাহার আনন আরও পাণ্ডুবর্ণ ধারণ করিল। তাহার অতীতের ক্ষতচিহ্ন যেন আরও স্পষ্ট হইয়া উঠিল। তিনি আমার দিকে নিবিষ্টভাবে চাহিয়া বলিয়া উঠিলেন, “সে তা হ’লে কি ক’রে বেড়াচ্ছে? ঐ লোকটা কোন বিষয়ে তাকে সাহায্য করেছে? তোমাকে অবশ্য আমি বলতে পারি না যে, বন্ধুর গোপন-কথা আমার কাছে প্রকাশ করে ব’ল। কারণ, যার সম্মানজ্ঞান আছে, সে কখনও বন্ধুর সঙ্গে বিশ্বাসঘাতকতা করতে পারে না। আমি শুধু এই কথা তোমাকে জিজ্ঞাসা করছি যে, রাগ, ঘৃণা, অহঙ্কার, অধীরতা, দূরকল্পনা বা প্রেম—কিসের জন্ত সে এমন ক’রে বেড়াচ্ছে, তাই আমি শুধু জানতে চাই।”

আমি বলিলাম, “মিস্ ডার্টল, আপনি আমার কথা বিশ্বাস করুন, স্টিয়ারফোর্থ সন্দেহে সত্যি আমি নতুন কিছু জানি না। প্রথমবারে তার সন্দেহে আমার যে অভিজ্ঞতা ছিল, তার বেশী আমি কিছু জানিনে। আমার বিশ্বাস—দৃঢ়বিশ্বাস, তার কোন পরিবর্তন হয়নি। আপনি কি বলছেন, আমি বুঝতে পারছি না।”

তিনি আমার দিকে চাহিলেন—দৃঢ়ভাবে চাহিয়া রহিলেন। তার পর বলিলেন, “এ সব কথা গোপন রাখবে, অঙ্গীকার কর!” বলিয়াই তিনি নীরব হইলেন।

দেখিলাম, মিসেস্ স্টিয়ারফোর্থ পুস্তকের সাহচর্যে বিশেষ প্রকল্প হইয়া উঠিয়াছেন। স্টিয়ারফোর্থও এবার যেন মাতার প্রতি বেশী শ্রদ্ধা ও মনোবোধ্য প্রকাশ করিতেছে। আমি



আগ্রহভরে মাতা-পুত্রের ব্যবহার লক্ষ্য করিতেছিলাম। আমার খুব ভাল লাগিতেছিল।

আহারের সময় মিস্ ডার্টল্ বলিলেন, “সারা দিন আমি কেবল ভাবছি। তোমরা কেউ ব’লে দাও, আমি যা জানতে চাই, ব’লে দাও।”

মিসেস্ ষ্টিয়ারফোর্থ বলিলেন, “রোজা, কি তুমি জানতে চাও? বল রোজা, সোজা কথা বল—হেঁয়ালী ক’রে বলো না।”

তিনি বলিলেন, “হেঁয়ালীর কথা বলছি, আপনি সত্যি বিশ্বাস করেন?”

“আমি তোমাকে সোজাভাবে কথা বলতে বলি। স্বাভাবিকভাবে কথা বললেই পার।”

রোজা বলিলেন, “আমি কি স্বাভাবিকভাবে বলছি না? আপনি আমাকে সহ্য করুন—আমি শুধু খবর জানতে চাইছি। আমরা ত কিছুই জানিনে।”

“প্রিয় রোজা, তুমি কি জানতে চাও, তাই বল না। এখনও ত তা শুনিনি।”

রোজা বলিলেন, “আমি কি জানতে চাই? যে সকল লোকের নীতিজ্ঞান সমান পর্যায়ে আছে, তাদের ভেতর যদি মতভেদ ঘটে, তা হ’লে কি পরস্পর পরস্পরের সঙ্গে গভীর ক্রোধে বিচ্ছিন্ন হয়?”

ষ্টিয়ারফোর্থ বলিল, “আমি বলব, হাঁ।”

মিস্ ডার্টল্ বলিলেন, “তাই বলবে তুমি? হা ভগবান! আচ্ছা ধর, তোমার ও তোমার মার মধ্যে ভীষণ ঝগড়া বেধেছে।”

মিসেস্ ষ্টিয়ারফোর্থ বাধা দিয়া বলিলেন, “প্রিয় রোজা, অল্প রকম কল্লনা কর। কারণ, জেম্স ও আমার পরস্পরের প্রতি কর্তব্য কি, তা আমরা বুঝি। ভাল রকমই বুঝি!”

মিস্ ডার্টল্ বলিলেন, “ও! তাই না কি! তাতে বাধা দেওয়া চলবে? হাঁ, তা হয় ত হবে। ঠিক তাই। যাক, আমি বোকার মত দৃষ্টান্ত দিচ্ছিলাম, তা আর দেব না। কারণ, আপনারা আপনাদের কর্তব্য সম্বন্ধে সজাগ আছেন। কাজেই মতান্তর থেকে মনান্তর হ’তে পারবে না! ধন্যবাদ!”

আর একটা বিষয় লক্ষ্য করিলাম। ষ্টিয়ারফোর্থ মিস্ ডার্টল্কে খুসী করিবার জন্য বেশ চেষ্টা করিতে লাগিল। সে ক্ষমতা ষ্টিয়ারফোর্থের অসাধারণ। বুঝিলাম, মিস্ ডার্টল্ ষ্টিয়ারফোর্থের প্রভাব হইতে আশ্চর্য্য করিবার জন্য চেষ্টা করিতেছেন। কিন্তু অবশেষে দেখিলাম, রোজার মুখের অপ্রসন্ন ভাব অন্তর্হিত হইল। তাঁহার আননে প্রসন্ন হাস্য, শাস্ত্রী সমুদ্ভাসিত হইল।

আহারের পর মিস্ ডার্টল্ সে কক্ষ ভাগ করিলেন। ষ্টিয়ারফোর্থ বলিল, “আজ তিন বছর পরে রোজা বীণ

বাজাচ্ছেন। মা ছাড়া তাঁর বাজনা আর কেউ শুনতে পায়নি।”

আমরা বৈঠকখানা-ঘরে প্রবেশ করিতেই রোজাকে একা দেখিলাম।

ষ্টিয়ারফোর্থ বলিল, “প্রিয় রোজা, উঠো না। দয়া ক’রে ব’স—একটা আইরিস গান শোনাও।”

তিনি বলিলেন, “আইরিস গান শুনতে তোমার ইচ্ছে হয়?”

ষ্টিয়ারফোর্থ বলিল, “খুব। ঐ গান আমার খুব ভাল লাগে। ডেজিও উপস্থিত। ও গান শুনতে খুব ভালবাসে। রোজা, গান শোনাও! আমি আগের মত ব’সে ব’সে তোমার গান শুনব।”

সে তাঁহাকে স্পর্শ করিল না। শুধু বীণার কাছে গিয়া বসিল। মিস্ ডার্টল্ কিছুক্ষণ দাঁড়াইয়া থাকিয়া তার পর বীণা বাজাইয়া গাহিতে লাগিলেন। এমন গান আমি শুনিনাই। যেন সমগ্র অন্তর মগ্নিত করিয়া গান সুরের আবেগে বাহির হইতেছিল।

ষ্টিয়ারফোর্থ রোজার কাছে গিয়া দাঁড়াইল। হাসিতে হাসিতে তাহার বাহু দিয়া তাঁহাকে বেঁধেন করিয়া বলিল, “এস, রোজা। ভবিষ্যতে আমরা পরস্পরকে খুব ভালবাসব।”

ইহাতে ক্রুদ্ধ মার্জারীর স্থায় ঝাঁপাইয়া পড়িয়া মিস্ ডার্টল্ ষ্টিয়ারফোর্থকে বলপূর্বক ধাক্কা দিয়া সরাইয়া দিলেন। পর-মুহূর্তে ঝড়ের বেগে তিনি চলিয়া গেলেন।

মিসেস্ ষ্টিয়ারফোর্থ কক্ষমধ্যে প্রবেশ করিয়া বলিলেন, “রোজার কি হয়েছে?”

ষ্টিয়ারফোর্থ বলিলেন, “মা, খানিকক্ষণ দেবকন্টার মত বেশ ছিল; তার পর হঠাৎ ঠিক বিপরীত ব্যাভার আরম্ভ করলে।”

“জেম্স, ওকে তোমরা কেউ বিরক্ত করো না। তুমি মন কি রকম তিক্ত হয়ে আছে, তা ত তুমি জান। সুতরাং ওকে বিরক্ত করা উচিত নয়।”

রোজা কিন্তু আর ফিরিয়া আসিলেন না। তাঁহার সম্বন্ধে আর কোন আলোচনা হইল না। অবশেষে বিদায় লইবার জন্য যখন ষ্টিয়ারফোর্থের ঘরে প্রবেশ করিলাম, তখন সে রোজার সম্বন্ধে হাসিয়া বলিল যে, এমন অদ্ভুত মেয়েমানুষ আমি কখনও দেখিয়াছি কি না।

আমি সত্যি রোজার ব্যবহারে বিস্মিত হইয়াছিলাম। তাই তাহাকে জিজ্ঞাসা করিলাম, কেন এমন হইল? হঠাৎ রোজা অমন ক্ষেপিয়া গেলেন কেন?

ষ্টিয়ারফোর্থ বলিল, “ভগবান জানেন। হয় ত ভেতরে কিছু আছে, নয় ত কিছুই নয়! আমি ত তোমায় গোড়ায় বলেছিলাম যে, সকল বিষয়েই নিজের মনে একটা কিছু ভেবে ঠিক ক’রে রাখে। এ রকম লোকের সঙ্গে ব্যবহার করা বড় কঠিন। আচ্ছা শুভরাত্রি!”

আমি বলিলাম, “সকালবেলা তুমি যখন ঘুম থেকে জেগে উঠবে, তখন আমি চ’লে যাব। বিদায়।”

সে আমাকে ছাড়িয়া দিতে যেন রাজি নহে, আমার হাত ধরিয়া সে দাঁড়াইয়া রহিল। আমাকে ছাড়িতে যেন তাহার ইচ্ছা নাই।

মুহূ হাসিয়া সে বলিল, “ডেভি—অবশ্য এ নাম আমারই দেখা—তোমাকে অল্প কেহ এ নাম দেয় নি। আমার কি সাধ জান ? আমার মনে হয়, তুমি আমার ঐ নাম দাও।”

বলিলাম, “তা আমি পারি।”

“ডেভি, যদি কোন ব্যাপারে আমাদের বিচ্ছেদ ঘটে, ভাই, তা হ’লে আমার যা কিছু ভাল ছিল, তাই মনে ক’রে আমার কথা ভেবে দেখো। আমার ভাল গুণগুলোর কথাই মনে ক’রে রেখো, ভাই!”

আমি বলিলাম, “ষ্ট্রিয়ারফোর্থ, আমার কাছে তোমার ভাল বা মন্দ নেই। আমি সকল সময়েই সমানভাবে তোমাকে আমার বুকে বসিয়ে ভালবেসে এসেছি।”

এক দিন তাহার সম্বন্ধে মন্দ ধারণা করিয়া, তাহার বিষয়ে বিরুদ্ধ ভাব মনে জাগিয়াছিল, সে কথাটা আমার জিহ্বাগ্রে আসিয়াছিল। কিন্তু আমি তাহা প্রকাশ করিলাম না। আগনেস্ আমাকে বিশ্বাস করিয়া সে কথা বলিয়াছে, তাহার প্রতি অশ্রদ্ধা প্রকাশ করা হইবে ভাবিয়া আমি থামিয়া গেলাম।

ষ্ট্রিয়ারফোর্থ বলিল, “ভগবান তোমার মঙ্গল করুন, ডেভি। বিদায়!”

আমরা পরস্পরের করকম্পন করিয়া বিদায় লইলাম।

উষাকালে আমি শয্যাভ্যাগ করিলাম। নিঃশব্দে বেশ-ভূষা করিয়া আমি তাহার শয়নগৃহে দৃষ্টিপাত করিলাম। সে গাঢ় নিদ্রায় অভিভূত। তাহার বাহুর উপর মাথা রাখিয়া সে ঘুমাইতেছে। বিছালয়ে তাহাকে যে ভাবে ঘুমাইতে দেখিতাম, ঠিক সেই ভাবেই ঘুমাইতেছে।

এমন নিশ্চিতভাবে শুধু সেই নিদ্রা যাইতে পারে। কিছুতেই তাহার শাস্তি ব্যাহত হয় না। ছেলেবেলা বিছালয়ে যেমন নিশ্চিত নির্ভয়ে সে ঘুমাইত, আজও ঠিক তেমনই নির্ধিকারভাবে সে ঘুমাইতেছে। তদবস্থায় আমি নিঃশব্দে তাহার নিকট হইতে চলিয়া আসিলাম।

### ত্রিশ পরিচ্ছেদ

অপরাত্রে আমি ইয়ারমাউথে পৌছিয়া পাহাশালার প্রবেশ করিলাম। পেগটীর বাকি ঘরখানি আমার জন্ম সজ্জিত থাকিত জানিতাম, কিন্তু প্রসিদ্ধ অতিথি যদি এখনও সে বাড়ীতে না আসিয়া থাকেন, তাহা হইলে সে ঘর বে খালি নাই, তাহা আমি বুঝিয়াছিলাম। তাই পাহানিবাসে ঘর ভাড়া করিয়া সেখানে আহাৰ সারিলা লইলাম।

রাত্রি দশটায় আমি বাহির হইলাম। অনেক দোকান তখন বন্ধ হইয়া গিয়াছে। সূর তখন অবসাদগ্রস্ত। আমি যখন “ওমার ও জোরাম”এর দোকান আসিলাম, তখন দেখিলাম, চারিদিক বন্ধ হইলেও দোকানের বড় দরজাটা খোলা আছে। দ্বারপথে মিঃ ওমারকে দেখিয়া আমি ভিতরে গিয়া তাহার কুশল জিজ্ঞাসা করিলাম।

মিঃ ওমার বলিলেন, “আপনি হঠাৎ কোথা থেকে এলেন ? বসুন, বসুন। ধূমপান ইচ্ছে করেন ? আপত্তি নেই ত ?”

বলিলাম, “অন্তের খরচে যদি হয়, ধূমপানে অনিচ্ছা নেই।”

মিঃ ওমার বলিলেন, “নিজের খরচে নয় ? ভালই। বসুন আপনি। আমি হাঁপানির জন্ম ধূমপান করি।”

আসন লইয়া আমি বলিলাম, “মিঃ বার্কিসের অবস্থা খারাপ শুনে আমি বড়ই দুঃখিত।”

মিঃ ওমার স্থিরদৃষ্টিতে আমার দিকে চাহিয়া মাথা নাড়িলেন।

আমি বলিলাম, “আজ সে কেমন আছে, আপনি জানেন ?”

মিঃ ওমার বলিলেন, “আমি নিজেই আপনাকে ঐ কথাটা জিজ্ঞাসা করতে যাচ্ছিলাম। কিন্তু সন্ধ্যা হচ্ছিল। আমাদের ব্যবসার ঐ একটা মস্ত অসুবিধা। কারও পীড়া হ’লে, আমরা জিজ্ঞাসা করতে পারি না, তিনি কেমন আছেন।”

আমি এ অসুবিধার কথাটা সত্যই ভাবিয়া দেখি নাই।

মিঃ ওমার বলিলেন, “আমি বার্কিসকে আজ ৪০ বৎসর চিনি। কিন্তু তবু আমি তার খবর নিতে যেতে পারি না। আমার এই ব্যবসাই তার প্রতিবন্ধক।

আমি সে সত্যকে অস্বীকার করিতে পারিলাম না। বাস্তবিকই মিঃ ওমারের এ সম্বন্ধে করিবার কিছু নাই।

আমি জিজ্ঞাসা করিলাম, “এমিলি কেমন আছে।”

মিঃ ওমার বলিলেন, “দেখুন, মশাই ! আমি সত্যি কথা বলছি। তার বিয়ে সত্যি সত্যি হয়ে গেলে, আমি খুসী হব।”

আমি বলিলাম, “কেন বলুন ত ?”

মিঃ ওমার বলিলেন, “আপাততঃ তার মতের কোন স্থিরতা নেই। অবশ্য সূন্দর সে আগের চেয়েও দেখতে হয়েছে। সে কথা বলছি না। আগের মত কাজও যে সে করে না, তা বলছি না। বরং ভাল কাজই করে। কিন্তু কথা হচ্ছে, তার হৃদয় ব’লে বস্তুর যেন অভাব দেখা যাচ্ছে। আমার কথা বুঝতে পাচ্ছেন ত ? অর্থাৎ ধূমপানের ইচ্ছে থাকলে যেমন ক’সে টান দিতে হয়—খুব জোরে টানতে হয়, আমি তাই বলছি। এমিলিতে যেন সেই ক’সে টান দেওয়ার প্রকৃতির অভাব দেখতে পাচ্ছি।”

মিঃ ওমারের কথাটা আমি প্রণিধান করিতে পারিয়াছি দেখিয়া তিনি খুশী হইলেন। তার পর বলিলেন, “এমিলি এখনও ঠিক মনস্থির করতে পারেনি। এ বিষয়ে আমরা অনেক আলোচনা করেছি। তার মামা ও আমি, তার প্রণয়পাত্র ও আমি, এ বিষয় নিয়ে অনেক আলোচনা করে দেখেছি। তাতেই বলছি, এমিলি এখনও মনস্থির করতে পারেনি। আপনি ত তাকে জানেন, তার মন ভারী স্নেহ-প্রবণ। নৌকা-বাড়ীতে বাস করে তার এমন স্বভাব হয়ে গেছে যে, ওখান থেকে আর কোথাও সে যেন যেতে চায় না।”

আমি বলিলাম, “সে কথা সত্য।”

মিঃ ওমার বলিলেন, “মামার কাছ-ছাড়া হ’তে এমিলি মোটে চায় না। সে যেমন করে মামাকে আঁকড়ে থাকে, বিশেষতঃ আজকাল সে যে রকম আরম্ভ করেছে, সে একটা দৃশ্য, মশাই। এ থেকেই বোঝা যায় যে, তার মনের মধ্যে একটা সংগ্রাম চলেছে। কিন্তু এত দীর্ঘকাল কেন এ সংগ্রাম চলবে, তা বোঝা যায় না।”

আমি মিঃ ওমারের যুক্তিসঙ্গত কথাগুলি কাণ দিয়া শুনিলাম। আমার হৃদয় এ কথায় অভিভূত হইল।

মিঃ ওমার বলিলেন, “তাই আমি তাদের বলেছিলাম, কবে বিয়ে হবে, সে জ্ঞান এমিলির উপর নির্ভর না করে, তোমরাই দিনস্থির করে ফেলো। অবশ্য আমাদের ব্যবসায়ে এমিলির সেবা অপরিহার্য। তার মত কাজ কেউ করতে পারে না। তবু আমরা তার উন্নতির পথে বাধা দেব না। সে যখন ইচ্ছে চ’লে যেতে পারে। তার পর বাড়ী ব’সে আমাদের কাজের একটু সাহায্য করতে ইচ্ছে করে, তাতেও আমাদের আপত্তি নেই। ভাল কথা, এমিলির মামাত ভাইয়ের সঙ্গে তার বিয়ে হচ্ছে, তা জানেন ত?”

বলিলাম, “হাঁ, তা জানি বৈ কি। তার সঙ্গে আমার খুব জানা-শোনা আছে।”

মিঃ ওমার বলিলেন, “তা আপনি ত জানবেনই। এমিলির বাগদত্ত স্বামী বেশ ভাল কাজ করছে—টাকা-পয়সা বেশ রোজগার করছে। তার উপর আমার খুব বড় ধারণা আছে। সে একটা ভাল বাড়ী ঠিক করেছে। সেখানে এমিলিকে বিয়ের পর নিয়ে গিয়ে রাখবে। বার্কিসের পীড়া না বাড়লে এত দিন ওরা স্বামিন্দ্রী হ’তে পারত। কিন্তু ব্যায়রামের জ্ঞান এখন বিয়ে বন্ধ আছে।”

আমি জিজ্ঞাসা করিলাম, “এমিলির মন এখন বেশ স্থির হয়েছে ত?”

মিঃ ওমার তাঁহার চিবুকে হাত বুলাইতে বুলাইতে বলিলেন, “সেটা অবশ্য আশা করা চলে না। এত দিন যে জীবনযাত্রা চ’লে আসছিল, তা থেকে স্বতন্ত্র জীবনযাত্রা নির্বাহ করতে গেলেই মনটা কেমন হয়ে ওঠে। এটা স্বাভাবিক। বার্কিস যদি এখন ম’রে যায়, তা হ’লে বিয়েটা ঘটবে। কিন্তু

যদি এখন বেশী দিন বার্কিসের পীড়া চলতে থাকে, তা হ’লে বিয়েতে বিলম্ব ঘটে যাবে। কাজেই নিশ্চয়তা কিছু দেখা যাচ্ছে না।”

আমি বলিলাম, “বটে!”

মিঃ ওমার বলিয়া চলিলেন, “কাজেই এমিলির মনটা ভাল নেই। যত দিন যাচ্ছে, সে তার মামার বেশী অনুরক্ত হয়ে পড়ছে। আমাদের ছেড়ে যেতে হবে, এর জ্ঞান তার ভারী দুঃখ। একটা যদি মিষ্ট কথা বলি, অমনি তার চোখে জল এসে পড়ে। আমার নাতনীর কাছে যদি আপনি এমিলিকে দেখেন, তা হ’লে আপনি কখনও সে দৃশ্য ভুলতে পারবেন না। আমার নাতনীকে এমিলি যে কি রকম ভালবাসে, তা আমি ব’লে বোঝাতে পারব না।”

সুযোগ পাইয়া আমি মিঃ ওমারকে জিজ্ঞাসা করিলাম যে, মার্খার সম্বন্ধে তিনি কিছু জানেন কি না।

অত্যন্ত ক্লান্তি প্রদর্শন করিয়া মিঃ ওমার বলিলেন, “ভাল খবর তার সম্বন্ধে নেই। তার সম্বন্ধে বড় শোচনীয় গল্পই শুনবেন। আমি আগে কখনও ভাবিনি, মেয়েটা এত খারাপ হয়ে গেছে। তার কথা আমার মেয়ের কাছে পর্যন্ত উত্থাপন করি না। তার আলোচনা আমাদের বাড়ীতে হয় না।”

এই সময়ে তাঁহার কণ্ঠার পদধ্বনি শুনিয়া তিনি আমাকে ইঙ্গিতে সতর্ক হইতে অনুরোধ করিলেন। মিলি ও তাহার স্বামী সেই সময় ঘরের মধ্যে প্রবেশ করিল।

সংবাদ পাইলাম যে, বার্কিসের অবস্থা খুবই খারাপ। সে সম্পূর্ণ অচেতন অবস্থায় রহিয়াছে। ডাক্তার চিলিপ বিদায় কালে রাত্রে বলিয়া গিয়াছেন যে, যদি দেশের সকল ডাক্তারও সমবেত হইয়া চিকিৎসা করেন, তাহাকে বাঁচাইতে পারিবেন না। বার্কিস এখন সকল চিকিৎসার অতীত।

এই সংবাদ পাইয়া এবং মিঃ পেগটী সেখানে আছে জানিয়া আমি তখনই সেখানে যাইবার জ্ঞান সংকল্প করিলাম। আমি মিঃ ওমার ও তাঁহার কণ্ঠা-জামাতার কাছে বিদায় লইয়া অগ্রসর হইলাম। আমার মন সত্যই তখন অত্যন্ত ভারাক্রান্ত।

দরজার মুঠ শব্দ করিতেই মিঃ পেগটী দ্বার খুলিয়া দিল। আমাকে দেখিয়া সে বিস্মিত হইল না। আমি কিন্তু ভাবিয়াছিলাম যে, সে বিস্মিত হইবে। পেগটীতেও সেই ভাব দেখিলাম।

মিঃ পেগটীর সহিত করকম্পন করিয়া আমি রক্তনাগারেব দিকে গেলাম। সে নিঃশব্দে দরজা বন্ধ করিয়া দিল। এমিলি অগ্নিকুণ্ডের ধারে বসিয়াছিল। হাম তাহার কাছে দণ্ডায়মান।

আমরা সকলেই অক্ষুণ্ণ শব্দে কথা আরম্ভ করিলাম। উপরের ঘরে কোন শব্দ হইতেছে কি না, তাহাও শুনিতোছিলাম। গতবারে যখন আসিয়াছিলাম, তখন এমন বিষয়ের কল্পনাও করি নাই। মিঃ বার্কিসকে রক্তনাগারে



পাইব না, এমন কথা চিন্তা করিতেও আমার কষ্ট হইতে লাগিল।

মিঃ পেগটী বলিল, “মাষ্টার ডেভি, এ তোমার বড় দয়া।”

হ্যাম বলিল, “অসাধারণ দয়া।”

মিঃ পেগটী বলিল, “এমিলি, দেখ, দেখ! মাষ্টার ডেভি এসেছেন! ও কি, অত মুষড়ে পড়েছ কেন, মা! মাষ্টার ডেভির সঙ্গে একটা কথাও বলবে না?”

দেখিলাম, একটা শিহরণ যেন এমিলির সর্বদেহে ছড়াইয়া পড়িল। আমি যখন তাহার করপল্লব স্পর্শ করিলাম, বোধ হইল, তাহা শীতল—উষ্ণতাবর্জিত। এখনও সে স্পর্শ আমি ভুলিতে পারি নাই। আমার নিকট হইতে সরিয়া দাঁড়াইতে পারিলে সে নিশ্চিন্ত হয়, এমনই একটা ভাব যেন তাহার মধ্যে প্রত্যক্ষ করিলাম। সে চেয়ার ছাড়িয়া তাহার মাতুলের অপর পার্শ্বে গিয়া দাঁড়াইল—সে এখনও থর থর করিয়া কাঁপিতেছিল।

মিঃ পেগটী বলিল, “ভারী সরল মন। এ রকম ব্যাপার ও মোটে সহ্য করতেই পারে না। মাষ্টার ডেভি, এটা প্রদর মত মেয়েদের পক্ষে স্বাভাবিক।”

এমিলি তাহার মাতুলের আরও কাছ বেঁসিয়া দাঁড়াইল। কিন্তু সে মুখও তুলিল না, একটা কথাও বলিল না।

মিঃ পেগটী বলিল, “রাত্রি বেশী হয়ে যাচ্ছে। হ্যাম তোমাকে বাড়ী নিয়ে যাবার জন্ত এসেছে। ওর সঙ্গে তুমি এগিয়ে যাও। কি বলছ, মা আমার?”

এমিলির কণ্ঠস্বর শুনিতে পাইলাম না। মিঃ পেগটী নত হইয়া তাহার মুখের কাছে কাণ লইয়া গেল।

“কি বলছ? আমার কাছে এখন থাকবে? তোমার ভাবী স্বামী তোমাকে নিয়ে যাবার জন্ত এসেছে, তার সঙ্গে না গিয়ে তুমি আমার কাছে থাকবে?”

হ্যাম বলিল, “এমিলি ঠিকই বলেছে, মাষ্টার ডেভি! এমিলির যখন সাধ, তখন সে এখানে থাকুক, আমিও এখানে থাকি!”

মিঃ পেগটী বলিল, “না, না, তোমার থাকবার দরকার নেই। শুধু শুধু এক দিন কাজ কামাই করবে কেন? তুমি বাড়ী যাও। আমি যখন আছি, এমিলির ভাবনা আমি ভাবব।”

হ্যাম এ কথায় আর দ্বিধাক্রমি করিতে পারিল না। সে তাহার টুপী লইয়া যাইবার জন্ত প্রস্তুত হইল। আমি দেখিলাম, এমিলি তাহার মাতুলের কাছ বেঁসিয়া দাঁড়াইয়াছে। তাহার ভাবী স্বামীর নিকট হইতে দূরে থাকিবার জন্ত তাহার প্রচেষ্টাই যেন বেশী।

হ্যাম চলিয়া গেলে আমি হার রুদ্ধ করিয়া দিলাম। তার পক্ষ ফিরিয়া দেখিলাম, মিঃ পেগটী তাহার ভাগিনেয়ীর সহিত কথা বলিতেছে।

“দেখ, আমি এখন ওপরে যাচ্ছি, তোমার মাসীমাকে ব’লে আসি, মাষ্টার ডেভি এসেছেন। তাতে সে একটু বুসী হবে। তুমি এখানে ততক্ষণ আঙনের ধারে ব’সে থাক। তোমার হাত ঠাণ্ডা হয়ে গেছে—গরম ক’রে নাও। কি বলছ? তুমি আমার সঙ্গে যাবে? বেশ! তাই আয়, মা! ওর মামাকে কেউ যদি আজ ঘর থেকে বার ক’রে দেয়, আর তাকে জলের ধারে শুয়ে দিন কাটাতে হয়, এমিলি মা, তাতেও মামার সজিনী হ’তে পেছু-পা হবে না, দেখছি। কিন্তু শীঘ্র ত আর এক জন আসছে। তখন, তখন কি হবে এমিলি।”

ইহার পর আমি যখন দ্বিতলে গিয়াছিলাম, তখন আমি যে ছোট ঘরটিতে গুইতাম, তাহার পাশ দিয়া যাইবার সময় অন্ধকারে বোধ হইল, এমিলি যেন ভূমিতলে লুটাইয়া রহিয়াছে। কিন্তু সেটা আমার অনুমান মাত্র। হয় ত ছায়া ও আলোকের মায়ায় আমি ভুল দেখিয়া থাকিব।

এ দিকে আমি রন্ধনাগারের অগ্নিকুণ্ডের পার্শ্বে বসিয়া সুন্দরী এমিলির মৃত্যুভীতির কথা ভাবিতে লাগিলাম। মিঃ ওমার আমাকে যাহা বলিয়াছিলেন, তাহাও আমার চিন্তার সহিত জড়িত হইল। সব জড়াইয়া ব্যাপারটা আমার কাছে তেমন স্পষ্ট হইয়া উঠিল না। এমিলির এই দুর্বলতার সম্বন্ধে আমি যথাসাধ্য অনুকূলভাবে চিন্তা করিয়া স্থির করিলাম যে, এমিলি যে ভাবে ব্যবহার করিতেছে, তাহা তাহার স্বভাবানুযায়ী নহে সত্য, কিন্তু মৃত্যুভীতিই তাহাকে এমন দুর্বল করিয়া তুলিয়াছে। ইতিমধ্যে সংবাদ পাইয়া পেগটী নামিয়া আসিল। সে আমাকে বাহুপাশে বদ্ধ করিয়া, আমি যে এ দুঃসময়ে আসিয়াছি, সে জন্ত গভীর কৃতজ্ঞতা প্রকাশ করিল। সে তার পর আমাকে উপরে যাইবার জন্ত অনুরোধ করিল। মিঃ বার্কিস্ আমাকে কিরূপ ভালবাসিত, সে কথা বলিতে গিয়া পেগটীর কণ্ঠ উজ্জ্বল রুদ্ধ হইয়া আসিল। মিঃ বার্কিস্ কেবল আমার কথা বলিয়াছে। কথা বদ্ধ হইবার পূর্ব পর্যন্ত বার্কিস্ আমার কথা আলোচনা করিতে ক্ষান্ত হয় নাই। যদি তাহার জীবনীশক্তি থাকে, তাহা হইলে আমাকে দেখিবামাত্র তাহার সে শক্তি উদ্দাম হইয়া উঠিবে—তাহার প্রাণে নবীন উদ্দীপনার সঞ্চার হইবে।

আমি মিঃ বার্কিস্কে দেখিয়া বুঝিলাম, এবার তাহার সারিয়া উঠিবার কোন সম্ভাবনা নাই। শয্যা হইতে তাহার মস্তক ও স্কন্ধদেশ সরিয়া গিয়াছে। যে বাস্কাটার কথা বলিয়াছি, তাহার উপর বার্কিসের দেহ অর্ধশায়িত অবস্থায় রহিয়াছে। যখন বাস্কের কাছে কোনক্রমে তাহার যাইবার সমর্থ্য ছিল না, সেই সময় বাস্কাটিকে তাহার মাথার ধারে আনিয়া রাখা হইয়াছিল। দিবারাত্রি সকল সময়েই সে বাস্কাটিকে আঁকড়াইয়া ধরিয়া পড়িয়া থাকিত। এখনও তাহার বাহু বাস্কের উপর সংস্থাপিত দেখিলাম। সময় এবং জগৎ তাহার

নিকট হইতে অন্তর্হিত হইতেছিল, কিন্তু বাস্তবিক যথাস্থানেই রহিয়াছে।

মিঃ পেগটী ও আমি শয্যাপার্শ্বে দাঁড়াইলাম। পেগটী নত হইয়া ঈষৎ প্রফুল্লকর্মে ডাকিল, “বার্কিস্, প্রিয়তম, এই দেখ, আমার ছেলে, আমার প্রাণের মাষ্টার ডেভি এসেছে। সেই তোমায় ও আমার মিলিয়ে দিয়াছিল। দেখ, দেখ, বার্কিস্! তুমি তাকে সংবাদ দিয়েছিলে। এখন কি মাষ্টার ডেভির সঙ্গে তুমি কথা বলবে না?”

বাক্সের জায়ই সে মুক এবং চৈতন্যবিবর্জিত।

মিঃ পেগটী আমাকে চুপি চুপি বলিল, “সে ভাটার সঙ্গে সঙ্গেই চ’লে যাচ্ছে।”

আমার চক্ষু ঝাপসা হইয়া আসিল। মিঃ পেগটীরও সেই অবস্থা দেখিলাম। আমি অশ্রুট স্বরে বলিলাম— “ভাটার টানে!”

আমরা তাহার দিকে লক্ষ রাখিয়া সেইখানে দাঁড়াইয়া রহিলাম। আমার উপস্থিতি তাহার উপর কিরূপ প্রভাব বিস্তার করিয়াছিল, তাহা জানি না। কিন্তু অশ্রুট স্বরে সে যে কথা বলিতেছিল, তাহা আমার বিস্তারিত লইয়া যাওয়া সংক্রান্ত।

পেগটী বলিল, “এবার বুঝি জ্ঞান ফিরে আসছে।”

মিঃ পেগটী আমাকে স্পর্শ করিয়া শঙ্কাগস্তীর মুখে বলিল, “খুব ক্রান্ত চ’লে যাচ্ছে।”

পেগটী ডাকিল, “বার্কিস্, প্রিয়তম!”

সে অশ্রুট স্বরে বলিল, “সি, পি, বার্কিস্। এমন ভাল মেয়ে কোথাও নেই!”

পেগটী বলিল, “চেয়ে দেখ, মাষ্টার ডেভি দাঁড়িয়ে।”

এ সময় বার্কিস্ নয়ন উন্মীলিত করিয়াছিল।

আমি তাহাকে বলিতে যাইতেছিলাম যে, সে আমাকে চিনিতে পারিয়াছে কি না, সেই সময় সে হাত বাড়াইতে চেষ্টা করিয়া, মূহু হস্তসহকারে সুস্পষ্ট বলিয়া উঠিল—

“বার্কিস্ রাজি আছে।”

তখন ভাটার চরম অবস্থা। সেই অবস্থায় সে চলিয়া গেল।

### একত্রিংশ পরিচ্ছেদ

পেগটীর আন্তরিক অনুরোধে আমি অন্ত্যেষ্টিক্রিয়া শেষ না হওয়া পর্যন্ত রহিয়া গেলাম। আমার জননীকে দেখে যেখানে সমাহিত হইয়াছিল, ব্রনডারষ্টোনের সমাধিক্ষেত্রের এক পার্শ্বে পেগটী তাহার সঞ্চিত অর্থ-সাহায্যে এক খণ্ড ভূমি বহু পূর্বেই কিনিয়া রাখিয়াছিল। সেই জমীতেই সে তাহার স্বামীর সমাধি দিবে স্থির করিয়াছিল।

পেগটীর সান্নিধ্য আমি ত্যাগ করিতাম না। মিঃ বার্কিসের উইলের ভার আমি আইনজ্ঞ হিসাবে গ্রহণ

করিয়াছিলাম। ইহাতে আমার মনে একটা ভ্রুণি জন্মিল আমারই নির্দেশক্রমে বাক্সের মধ্যে উইল খুঁজিয়া পাওয়া গিয়াছিল। বাক্সের তলদেশে একটি মুদ্রাধারের মধ্যে উইল সযত্নে রক্ষিত ছিল। সেই বাক্সে একটি পুরাতন পোকার বড়িও ছিল। বাক্সের মধ্যে ৮৭টি গিনি ও অর্ধ-গিনি পোকা গেল। দুই শত দশ পাউণ্ডের টাটকা ব্যাঙ্ক নোট, ইংলণ্ডের ষ্ট্রকের রসিদ প্রভৃতিও বাহির হইল।

দীর্ঘকাল ধরিয়া মিঃ বার্কিস্ অর্থসঞ্চয় করিয়া গিয়াছিল। তাহার সমস্ত সম্পত্তির দাম ৩ হাজার পাউণ্ড। এই তিন হাজারের মধ্যে এক হাজার পাউণ্ডের সুদ সে অনুসারে মিঃ পেগটীকে দিয়া গিয়াছে। যত দিন বেচিবে, ঐ টাকার সুদ সে পাইবে। তাহার মৃত্যুর পর অর্ধ-টাটকাটা পেগটী, এমিলি ও আমি সমান ভাগে পাইব। অথবা আমাদের ওয়ারিশানরা পাইবে। ইহা ছাড়া সব পেগটী পাইবে। স্ত্রীকেই সে তাহার সমস্ত সম্পত্তি বিক্রি ও বাড়ীর মালিক করিয়া গিয়াছে। আমি প্রেরণ হিসাবে উইল পড়িয়া সকলকে শুনাইলাম—বুঝাইয়া দিলাম। বিশেষ যত্নসহকারে উইলখানা পড়িলাম। আইনজ্ঞের দৃষ্টিতে উইল পরীক্ষা করিলাম। তার পর বলিলাম, উইল ঠিক আছে, কোন দোষ উহাতে নাই।

পেগটীর তরফে আমি তাহার সমস্ত সম্পত্তির ব্যবস্থা করিয়া দিলাম। এইরূপে অন্ত্যেষ্টিক্রিয়ার পূর্ববর্তী সপ্তাহ কাটিয়া গেল। এই কয় দিন আমি এমিলিকে দেখি নাই। তবে সকলের কাছে শুনিলাম, এক পক্ষমধ্যে তাহার বিবাহ নিঃশব্দে সম্পন্ন হইবে।

আমি শোকবস্ত্র পরি নাই, তবে ব্রনডারষ্টোন সমাধিক্ষেত্রে সকালবেলাই আমি গিয়াছিলাম, তখনও শব্দ আসে নাই। পেগটী এবং তাহার ভ্রাতা শবাধারের উপস্থিত আসিল। মিঃ ওমার অবশ্য হাজির ছিলেন। কাব্য শেষ হইলে ষষ্ঠাখানেক ধরিয়া আমি সমাধিক্ষেত্রে ঘুরিয়া বেড়াইলাম। মার সমাধিস্তম্ভের উপর যে গাছ আসিয়া ছায়া-বিস্তার করিয়াছিল, তাহার কয়েকটা কচি পাতা আমি ছিঁড়িয়া লইলাম।

পেগটী পরদিবস আমার সহিত লগুনে যাইবে স্থির হইয়াছিল, উইলসংক্রান্ত কার্যের জন্ত তাহার যাওয়া দরকার। এমিলি সে দিন মিঃ ওমারের বাড়ী ছিল। সেই রাত্রিতে আমরা সকলেই নৌ-ভবনে মিলিত হইব, এইরূপ কথা আছে। হাম এমিলিকে নির্দিষ্ট সময়ে সেখানে লইয়া যাইবে। আমি সুবিধামত সেখানে হাজির হইব। ভ্রাতা-ভগিনী যেমন একসঙ্গে আসিয়াছে, তেমনই তাহারা একসঙ্গে ফিরিয়া যাইবে।

আমি তাহাদের নিকট বিদায় লইয়া লোয়েষ্টক্ অভিমুখে চলিলাম। সেখান হইতে ইয়ারমাউথের দিকে গতি ফিরাইলাম। পারানী-বাটের দুই তিন মাইল দূরবর্তী একটি

বেস্তারাম আমি আহার সারিয়া লইলাম। দিনের আলো নিভিয়া আসিল, আমি তখন পার-ঘাটায় পৌঁছিলাম। সে সময় বেশ বৃষ্টি পড়িতেছিল। রাত্রিটা উন্মাদিনী, কিন্তু মেঘের ফাঁকে চাঁদ দেখা যাইতেছিল, সে জন্ম তেমন অন্ধকার ছিল না।

মিঃ পেগটীর নৌ-ভবন দেখা যাইতে লাগিল। বাতায়ন-গপে আলোক-রেখা উজ্জ্বল হইয়া উঠিয়াছে। আমি গৃহের দ্বারে আসিয়া পৌঁছিলাম। ভিতরে প্রবেশ করিলাম।

মিঃ পেগটী তখন ধূমপান করিতেছিল। নৈশভোজের আয়োজন হইতে দেখিলাম। অগ্নিকুণ্ডের আগুন বেশ জ্বলিতেছিল। আমার ধাই-মা পেগটী তাহার পুরাতন আসনে বসিয়াছিল। মিসেস্ গমিজ নির্দিষ্ট গৃহকোণে উপবিষ্টা। শুধু এমিলির আসন এখন শূন্য রহিয়াছে।

আমাকে দেখিয়াই মিঃ পেগটী বলিয়া উঠিল, “মাষ্টার ডেভি, তুমিই প্রথম এসেছ। কোট যদি ভিজে গিয়ে থাকে, গলে ফেল। ভিজে জামা প’রে খেক না।”

আমি উপরের কোট পুলিয়া টানাইয়া রাখিবার জন্ম তাহার হাতে দিয়া বলিলাম, “না, ভেজেনি—শুকই আছে।”

“এস, মাষ্টার ডেভি, তোমার সঙ্গে লৌকিকতার দরকার নেই। তুমি আমাদেরই এক জন।”

“ধন্যবাদ, মিঃ পেগটী, সত্যই আমি তাই। পেগটী, তুমি কেমন আছ?”

মিঃ পেগটী বলিল, “ওর মত মেয়ে জগতে নেই। যে ম’রে গেছে, তার সম্বন্ধে যা কিছু করবার, ও তার কিছু বাকি রাখে নি। সে কথা বার্কিস্ মনে-প্রাণে জেনে গেছে।”

তার পর আমাদের মধ্যে প্রাসঙ্গিক অনেক কথার আলোচনা চলিতে লাগিল। সহসা মিঃ পেগটী বলিয়া উঠিল, “এইবার ওরা আসছে—পায়ের শব্দ পাচ্ছি। এমিলি ও হ্যাম্ এলো ব’লে।”

দরজা খুলিয়া গেল। হ্যামের মুষ্টি দেখা গেল। সে দ্বারপ্রান্তে ত্যাগ না করিয়া বলিল, “মাষ্টার ডেভি, তুমি একটু বাইরে আসবে? এমিলি ও আমি তোমাকে কি দেখাতে চাই—দেখবে এস।”

আমরা বাহিরে আসিলাম। দেখিলাম, হ্যামের মুখ অত্যন্ত বিবর্ণ। সে তাড়াতাড়ি আমাকে বাহিরে ঠেলিয়া লইয়া গিয়া দরজা বন্ধ করিয়া দিল।

আমি বলিলাম, “কি ব্যাপার, হ্যাম?”

কাদিতে কাদিতে ভগ্নস্বরে সে বলিল, “মাষ্টার ডেভি!—”

তাহার গভীর শোক দেখিয়া আমি স্তব্ধ হইলাম। কোন কথা আমি বলিতে পারিলাম না। পরে অতিকষ্টে বলিলাম, “হ্যাম! ভগবানের দোহাই, কি হয়েছে বল।”

“মাষ্টার ডেভি! আমার গর্ব, আশা—আমার সর্বস্ব—যাহু জন্ম আমি এ প্রাণ দিতে পারি, সে চ’লে গেছে!”

“চ’লে গেছে!”

“এমিলি পালিয়েছে! ওঃ মাষ্টার ডেভি! সে পালিয়ে গেছে! এমন ক’রে নিজের সর্বনাশ ক’রে সে পালিয়েছে!”

মেঘাচ্ছন্ন আকাশের দিকে সে মুখ তুলিয়া চাহিল। তাহার সর্বদেহে ভীষণ দুঃখের নৈরাশ্য আমি অনুভব করিলাম।

সে বলিল, “তুমি পণ্ডিত লোক। কোন্টা ভাল, কোন্টা মন্দ, তুমি বোঝ ভাল। আমি ভেতরে গিয়ে কি বলব? মাষ্টার ডেভি, আমি কি ক’রে এ কথা প্রকাশ ক’রে বলব, বল?”

দেখিলাম, বন্ধদ্বার নড়িতেছে। সময় লইবার জন্ম আমি বাহির হইতে তাহার কড়া টানিয়া ধরিতে গেলাম। কিন্তু তৎপূর্বেই মিঃ পেগটী মুখ বাড়াইয়া দিল। আমাদিগকে তদবস্থায় দেখিয়া তাহার মুখের যে পরিবর্তন দেখিলাম, তাহা ৬ শত বৎসর বাঁচিয়া থাকিলেও আমি কখনও ভুলিতে পারিতাম না।

মনে পড়িতেছে, আমি একটা আর্ন্ত-চীৎকার শুনিলাম। মেয়েরা তাহার চারিদিকে উদ্বিগ্নভাবে ঘিরিয়া দাঁড়াইয়াছে। আমরা তখন ঘরের মধ্যে প্রবেশ করিয়াছি। আমার হাতে একখানা কাগজ—হ্যাম উহা আমাকে দিয়াছিল। ‘মিঃ পেগটীর বৃকের জামা ছিন্নভিন্ন, তাহার চুল অবিগ্নস্ত—মুখে রক্তোচ্ছ্বাস! আমার দিকে নিবন্ধদৃষ্টিতে সে চাহিল।’

কম্পিতকণ্ঠে সে বলিল, “পড়, আন্তে আন্তে পড়!”

গভীর নিস্তব্ধতার মধ্যে আমি পড়িলাম—

“তোমরা যাহারা আমাকে ভালবাস—সে ভালবাসার যোগ্য আমি নই—এ পত্র যখন পাইবে, তখন আমি বহু দূরে চলিয়া যাইব।”

মিঃ পেগটী বলিল, “‘আমি অনেক দূরে চলিয়া যাইব’। হ্যাম! এমিলি অনেক দূরে চ’লে যাবে? ভাল, তার পর?”

“আমি যখন আমার সাধের বাড়ী—আমার প্রাণের প্রিয় গৃহ ছাড়িয়া সকালবেলা—

পত্রে গতরাত্রির তারিখ ছিল।

“যখন চলিয়া যাইব, আর ফিরিয়া আসিব না। যত দিন ভদ্রমহিলা না হইতে পারিব, তত দিন ফিরিতে পারিব না। এই পত্র রাত্রিকালে অনেক বিলম্বে তোমরা পাইবে। তখন আমি থাকিব না। আমার হৃদয় কি ভাবে বিদীর্ণ হইতেছে, যদি তোমরা তাহা জানিতে! এমন কি, শুধু তুমি—বাহার প্রতি আমি সর্বাপেক্ষা অগ্নায় করিয়াছি—সে অগ্নায় এমনই ভীষণ যে, সীমার অতীত,—তুমিও যদি জানিতে, আমি কি কষ্ট পাইতেছি! নিজের সম্বন্ধে কোন কথা আমি বলিবার অধিকারী নই, এত মন্দ আমি। আমি এত মন্দ, এই কথা ভাবিয়া তোমার মনে একটু সন্তোষ জাগুক। আমাকে বলিও, তাঁহাকে আমি কত ভালবাসি, এখন তাহা বুঝিতেছি। তোমরা সকলে আমাকে কত ভালবাসিতে, সে কথা আর ভাবিও না। আমাদের বিবাহ হইবার কথা ছিল, সে কথাও



মনে রাখিও না। মনে করিও, শৈশবেই তোমাদের এমিলি মারা গিয়াছে। তাহাকে কোনও এক স্থানে সমাহিত করা হইয়াছে। আমি চলিয়া যাইতেছি, সে জন্ম ভগবানের কাছে প্রার্থনা করিও, আমার মামার প্রতি দয়া করিও। তাঁহাকে বলিও, আমি কখনও তাঁহাকে এত ভালবাসি নাই। তুমি তাঁহাকে সুখী করিও। কোনও ভাল মেয়েকে ভালবাসিও। সে আমারই মত মামার প্রিয়পাত্রী হইবে এবং তোমার কাছে বিখ্যাত থাকিবে—তোমার যোগ্য হইবে। আমার মত লজ্জাজনক কাজ সে কখনও করিবে না। ভগবান সকলকে আশীর্বাদ করুন। আমি নতজানু হইয়া সকলের কল্যাণ ভগবানের কাছে প্রার্থনা করিব। তাহার সঙ্গে সে যদি আমাকে ভদ্রমহিলারূপে ফিরাইয়া লইয়া না আসে, আমার জন্ম প্রার্থনা করিব না, শুধু সকলের জন্মই প্রার্থনা করিব। মামাকে আমার বিদায় ভালবাসা জানাইও। আমার শেষ অশ্রু, শেষ ধন্যবাদ মামার জন্মই রহিল।”

ইহাই সব।

আমার পাঠ সাক্ষ হইলেও, আমার দিকে চাহিয়া সে দাঁড়াইয়া রহিল। অবশেষে আমি তাহার একখানি হাত সাহস করিয়া ধারণ করিলাম এবং তাহাকে প্রকৃতিস্থ হইবার জন্ম অনুরোধ করিলাম। সে বলিল, “ধন্যবাদ, ধন্যবাদ!” কিন্তু সে এতটুকু নড়িল না।

হাম্ তাহাকে কি বলিল। মিঃ পেগটী শুধু মাঝে মাঝে হাতে হাত ঘর্ষণ করিতেছিল, তাহা ছাড়া একইভাবে সে দাঁড়াইয়াছিল। কেহ তাহাকে বিরক্ত করিতে সাহস করিল না।

অবশেষে ধীরে ধীরে আমার দিক হইতে সে দৃষ্টি ফিরাইয়া লইল। যেন সে স্বপ্ন দেখিবার পর জাগিয়া উঠিতেছে। গৃহের চারিদিকে দৃষ্টিপাত করিয়া সে মূহুর্তে বলিল, “কে সে লোকটা? আমি তার নাম জানতে চাই।”

হাম্ আমার দিকে চাহিল। ইহাতে আমার বুকে অকস্মাৎ একটা আঘাত অনুভব করিলাম।

মিঃ পেগটী বলিল, “এর ভেতর একটা পুরুষ আছেই। কে সে লোকটা?”

হাম্ অনুনয়পূর্ণ কণ্ঠে বলিল, “মাষ্টার ডেভি! একটু বাইরে যাও। আমি ঠুঁকে নামটা বলি। তুমি সে নাম শুনো না।”

আবার আমার বক্ষোদেশে আঘাত অনুভব করিলাম। একখানা আসনে বসিয়া পড়িলাম। কি কথা বলিতে গেলাম, কিন্তু আমার কণ্ঠ হইতে শব্দ বাহির হইল না।

শুনিলাম, মিঃ পেগটী বলিতেছে, “আমি তার নাম চাই!”

হাম্ স্থলিতকণ্ঠে বলিল, “কিছু দিন আগে থেকেই এক জন ভদ্রলোকের একটা চাকর, যখন তখন এখানে ঘুরে

বেড়াত। এক জন ভদ্রলোকও মাঝে মাঝে দেখা দিতেন। উভয়ের সঙ্গে উভয়ের শুধু পরিচয় নয়, বাধ্যবাধকতা ছিল।”

মিঃ পেগটী এইবার হামের দিকে দৃষ্টি ফিরাইল।

হাম্ বলিয়া চলিল, “সেই চাকরটিকে কাল সন্ধ্যাবেলা আমাদের বেচারী মেয়েটির সঙ্গে কথা বলতে দেখা গিয়েছিল। সে লোকটা এক সপ্তাহ বা তারও বেশী দিন ধরে এখানে কোথায় লুকিয়ে বেড়াচ্ছিল। সে চলে গেছে, এইটাই আমরা জানতাম। কিন্তু তা নয়, সে এখানেই ছিল। মাষ্টার ডেভি, তুমি এখানে থেক না, বাইরে যাও।”

পেগটীর বাহু আমার কণ্ঠসংলগ্ন হইল! কিন্তু তাহা না হইয়া যদি তখন বাড়ীটা ভাঙ্গিয়া আমার উপর পড়িবার উপক্রম হইত, তথাপি আমি সে স্থান হইতে নড়িতাম না।

“সংবাদ পাওয়া গেছে, আজ খুব ভোরে একখানা গাড়ী ও একজোড়া ঘোড়া নরউইচ রোডের উপর অপেক্ষা ক’বেছিল। ঐ চাকরটা সেই গাড়ীর কাছে গিয়েছিল। আবার সেই গাড়ী হ’তে বেরিয়েছিল, আবার সেখানে গিয়েছিল। পরে সে যখন ঐ গাড়ীর কাছে যায়, এমিলি তার সন্নিধানেই ছিল। হুঁজনে ভেতরে ছিল। সেই হচ্ছে লোক।”

মিঃ পেগটী আপনাকে পতন হইতে রক্ষা করিয়া যেন সভয়ে বলিয়া উঠিল, “তার নাম ষ্টিয়ারফোর্থ!”

হাম্ স্থলিতকণ্ঠে বলিল, “মাষ্টার ডেভি! এতে তোমার কোন দোষ নেই। আমি তোমার উপর কোন দোষ দিচ্ছি না। কিন্তু তার নাম ষ্টিয়ারফোর্থ। লোকটা পাজি, শয়তান।”

মিঃ পেগটী একটি শব্দও উচ্চারণ করিল না। এক বিন্দু অশ্রুও তাহার নয়নকোণে দেখা গেল না। সে ধীরে ধীরে তাহার গায়ের ওভার-কোটের দিকে হাত বাড়াইয়া বলিল, “কেউ আমার কোটটা এগিয়ে দাও। ঐ টুপিটাও নিয়ে এস।”

হাম্ জিজ্ঞাসা করিল যে, মিঃ পেগটী কোথায় যাইতেছে?

“আমার ভাগনীকে আমি আনতে যাচ্ছি। আমি তাকে খুঁজে বের করতে যাচ্ছি। আমার এমিলিকে ফিরিয়ে আনতে যাচ্ছি। প্রথমে ঐ নৌকাখানা ডুবিয়ে দেব। তার পর লোকটাকে ডুবিয়ে মারব। আমার ভাগনীকে আমার চাই।”

বাধা দিয়া হাম্ বলিল, “কোথায় তাকে পাবে?”

“যেখানে হোক। আমি তাকে এই জগৎ খুঁজে বার করব। আমার বেচারী ভাগনী—লজ্জায়, অপমানে যেমন অবস্থায় থাকুক, আমি তাকে খুঁজে বার করে এখানে নিয়ে আসব। আমায় কেউ বাধা দিও না! আমি তাকে আনতে যাচ্ছি!”

মিসেস্ গমিজ বাধা দিয়া বলিল, “না, না! এ অবস্থায় তুমি যেতে পার না! পরে তাকে খুঁজে দেখ, কিন্তু এ

অবস্থায় নয়। ব'স, স্থির হও। এস, এমিলির ছেলেবেলার গল্প তোমার শোনাই। সে গল্প শুনে তোমার মন নরম হয়ে যাবে। এ ছুঃখ সহ্য করবার ক্ষমতা তোমার হবে।”

মিঃ পেগটী এখন শান্ত হইল। সে যখন কাঁদিতে লাগিল, তখন আমার মনে হইল, আমি নতজানু হইয়া তাহাদের কাছে বলি যে, আমার জন্মই আজ তাহাদের পরিবারে এই ভীষণ ব্যাপার ঘটিল। তাহারা যেন আমায় ক্ষমা করে। আমি ষ্টিয়ারফোর্থকে মনে মনে অভিসম্পাত করিতে লাগিলাম। আমার হুই চক্ষু বহিরা অজস্রধারে অশ্রুপাত হইতে লাগিল।

### ষাতিংশ পরিচ্ছেদ

যাহা আমার পক্ষে স্বাভাবিক, তাহা বহু ব্যক্তির পক্ষেও স্বাভাবিক, এইরূপ আমার ধারণা। সুতরাং আমি আজ এ কথা নির্ভয়ে বলিতে পারি যে, যখন ষ্টিয়ারফোর্থের সহিত আমার বন্ধন ছিন্ন হইয়া গেল, তখন আমি তাহাকে যেরূপ ভালবাসিয়া ফেলিলাম, এমন পূর্বে কখন অনুভব করি নাই। তাহার অযোগ্যতার পরিচয় পাইবামাত্র তাহার কার্যে যে সকল প্রতিভার পরিচয় পাইয়াছিলাম, তাহার কথাই বেশী করিয়া আমার মনে পড়িতে লাগিল। সুতরাং তাহার চরিত্রের ভাল জিনিসগুলির সম্বন্ধে আমি স্নেহভরে ভাবিতে লাগিলাম। যে সকল গুণের প্রকাশ তাহার চরিত্রে দেখিয়াছিলাম, তাহার ফলে সে মহৎ মানুষ হইয়া জগতে নাম রাখিতে পারিত। ইহা মনে করিয়া আমার চিত্ত তাহার প্রতি কোমল হইল। একটি সচ্চরিত্র পরিবারকে সে কলুষিত করিয়াছে—ইহার সহিত আমি অজ্ঞাতসারে সংশ্লিষ্ট ছিলাম, এ কথা মনে করিয়া আমি অত্যন্ত মন্যাহত হইলেও, যদি আজ তাহার মুখামুখি আমি দাঁড়াইতে পারিতাম, তাহা হইলে কখনই একটি তিরস্কারের বাণী আমার মুখ হইতে বাহির হইতে পারিত না। তাহাকে আমি ভালবাসিতে পারিতাম—যদিও এখন তাহার প্রভাব আমার উপর আর ছিল না—তাহার প্রতি আমার স্নেহ একবারে অন্তর্হিত হয় নাই—তবে তাহার সহিত আমার পুনর্মিলন আর সম্ভবপর ছিল না। আমি স্থির করিয়াছিলাম, আর মিলন হইতে পারে না। আমার সম্বন্ধে তাহার কি ধারণা, তাহা আমি জানি না। তবে আমি ভাবিতাম, আমার প্রিয়বন্ধু মরিয়া গিয়াছে, আমি তাহার স্মৃতি উদ্ঘাপিত করিয়া রাখিয়াছি।

হাঁ, ষ্টিয়ারফোর্থ, আমার জীবনের ইতিহাস হইতে তুমি সম্পূর্ণ বিলুপ্ত হইয়া গিয়াছ। হাঁ, শেষ বিচারের দিন, আমার গভীর ছুঃখ তোমার বিরুদ্ধে সাক্ষ্য প্রদান করিবে, তবে আমার ক্রোধ বা আমার তিরস্কারবাণী কখনও উচ্চারিত হইবে না, তাহা জানি।

ঘটনার কথা অতি দ্রুত সমগ্র সহরে ছড়াইয়া পড়িয়াছিল। পরদিবস সকালে আমি যখন রাজপথ দিয়া চলিতেছিলাম, তখন গৃহস্থরা দ্বারপার্শ্বে দাঁড়াইয়া ঐ কথারই আলোচনা করিতেছে, আমি শুনিলাম। বেশীর ভাগ লোক এমিলির উপর কঠোর সমালোচনা-বিষ ঢালিতেছিল, অল্প ব্যক্তিই ষ্টিয়ারফোর্থকে দোষ দিতেছিল। কিন্তু এমিলির পিতৃ-তুল্য মাতুল এবং তাহার বাগদত্ত স্বামীর সম্বন্ধে সকলেরই একই প্রকার মনোভাব দেখিলাম। সকল শ্রেণীর লোকই তাহাদের সম্বন্ধে গভীর শ্রদ্ধাপূর্ণ ছুঃখ পোষণ করিতেছে বুঝিলাম। সমুদ্রচর ব্যক্তির উহাদিগকে দেখিবামাত্র দলে দলে বিভক্ত হইয়া সশ্রদ্ধভাবে নীরবে দাঁড়াইয়া তাহাদের জন্ম পথ করিয়া দিতেছিল।

মিঃ পেগটী ও হ্যামকে আমি সমুদ্রতটেই দেখিলাম। তাহারা সারা রাত্রি ঘুমায় নাই দেখিলাম, এক রাত্রিতেই মিঃ পেগটীর উন্নতশির যেন নত হইয়া ঝুলিয়া পড়িয়াছে। কিন্তু সমুদ্রের মতই উভয়ে স্থির ও গভীর।

মিঃ পেগটী আমাকে দেখিয়া বলিল,—“আমাদের কথা হচ্ছিল যে, আমরা এখন কি করব বা করব না। কিন্তু এখন আমরা পথ ঠিক ক'রে নিয়েছি।”

আমি একবার হ্যামের দিকে চাহিলাম। সে তখন সমুদ্রের দিকে বহুদূরে কি দেখিতেছিল। তাহার মুখে ক্রোধের কোনও চিহ্ন দেখিলাম না। তবে আমার মনে একটা আশঙ্কা জাগিয়া উঠিল। মনে হইল, তাহার মুখে যেন একটা ভীষণ প্রতিজ্ঞার ছায়া দেখিলাম। মনে হইল, কখনও যদি সে ষ্টিয়ারফোর্থের দেখা পায়, সে তাহাকে নিশ্চয়ই হত্যা করিবে।

মিঃ পেগটী বলিল,—“আমার এখানকার কাজ শেষ হইয়াছে। আমি তাকে খুঁজতে যাচ্ছি। তাকে গোজাই আমার একমাত্র কর্তব্য।”

আমি যখন জিজ্ঞাসা করিলাম, সে কোথায় তাহাকে খুঁজিতে যাইবে? সে আমাকে জিজ্ঞাসা করিল যে, আমি কালই লণ্ডনে ফিরিয়া যাইতেছি কি না? আমি তাহাকে বলিলাম যে, আজ আমি যাইতাম, কিন্তু ইচ্ছা করিয়াই যাই নাই। কারণ, তাহার কোনও কাজে আমি লাগিতে পারি বলিয়া। তবে সে যখনই ইচ্ছা করিবে, আমি যাইতে প্রস্তুত।

সে বলিল, “আমি তোমারই সঙ্গে যাব, মাষ্টার ডেভি! কালই যদি যেতে চাও, আমি রাজি।”

আমরা নীরবে কিয়দূর অগ্রসর হইলাম।

মিঃ পেগটী বলিল,—“হ্যাম তার বর্তমান কাজ ক'রে যাবে। আমার বোনের ওখানেই থাকবে। ঐ পুরোনো বোট—”

আমি বাধা দিয়া বলিলাম,—“মিঃ পেগটী, তুমি কি বোটখানা ছেড়ে দেবে?”

“মাষ্টার ডেভি, আর ত ওখানে আমার থাকা হবে না। একবার যদি নৌকা চড়ায় ঠেকে যায়, সমুদ্রের বুক কালো হয়ে ওঠে। তখন নৌকা ডুবেই যায়। কিন্তু, তা আমি বলতে চাইনে। আমি ঐ নৌকাবাড়ী ত্যাগ ক’রে যাব না। বরং ঠিক তার উল্টো।”

আবার নীরবে আমরা কিয়দূর অগ্রসর হইলাম।

মিঃ পেগটী বলিয়া চলিল, “আমার কি ইচ্ছা শুনবে? ঐ বাড়ীর দরজা দিনরাত্রি—শীত, গ্রীষ্ম সকল সময়েই খোলা থাকবে। তার ছেলেবেলা থেকে যেমন খোলা ছিল। যদি দৈবাৎ কখনও সে ভুলেও এ দিকে এসে পড়ে, ঐ বাড়ী তাকে যেন পরিত্যাগ না করে। বুকতে পারছ আমার কথা? বরং সে যেন ঐ পুরানো ঘরে নিজে ইচ্ছে ক’রেই ঢুকে পড়ে। ঘরের মধ্যে ঢুকে সে আর কাউকে দেখতে পাবে না। দেখবে শুধু মিসেস্ গমিজকে। তখন সে কাঁপতে কাঁপতে সাহস ক’রে ঘরের মধ্যে এগিয়ে যাবে। হয় ত তার পুরোনো বিছানায় গিয়ে শুয়ে পড়বে। এক সময়ে যেখানে আনন্দে শুয়ে থাকত, সেখানে সেই উপধানে সে তার ক্লাস্ত মাথা এলিয়ে দেবে।”

আমি সত্যই তাহার এ কথায় কোনও উত্তর দিতে পারিলাম না। চেষ্টা করিলাম, কিন্তু কণ্ঠস্বর ফুটিল না।

মিঃ পেগটী বলিল, “প্রত্যেক রাতে, যেমন বাতী জ্বলে থাকে, তেমনি ভাবেই বাতী জ্বলতে থাকবে। সেই পুরোনো জায়গায় বাতী জ্বলতে থাকবে। সে যখন দেখতে পাবে, তখন বাতীর আলো তাকে ডেকে যেন বলতে থাকবে—ফিরে আয়! বাছা, ফিরে আয়! হাম, যদি তোমার পিসীর বাড়ীর দরজায় কখনও মূছ করাঘাত শুনতে পাও, অবশ্য অন্ধকার হবার পর, তুমি যেন শব্দ শুনে দরজার কাছে যেও না। তুমি নয়—তোমার পিসীই প্রথমে আমার পদমালিত্য সস্তানের কাছে যাবে!”

মিঃ পেগটী আমাদের আগে কয়েক পদ চলিয়া গেল। কয়েক মুহূর্ত্ত আমাদের পশ্চাতে ফেলিয়াই সে চলিতে লাগিল। এই সময়ের মধ্যে আমি পুনরায় হামের দিকে চাইলাম। তখনও তাহার মুখে সেই একই ভাব দেখিলাম। সে তখনও দূর-সমুদ্রের দিকে চাহিয়া রহিয়াছে। আমি তাহার বাহুমূল স্পর্শ করিলাম।

দুইবার আমি তাহার নাম ধরিয়া ডাকিলাম। সে ডাকে ঘুমন্ত ব্যক্তিরও নিদ্রা ভাঙ্গিয়া যাইত। অনেক কষ্টে আমি তাহার মনোযোগ আকৃষ্ট করিয়া জিজ্ঞাসা করিলাম, সে কি ভাবিতেছে?

সে বলিল, “মাষ্টার ডেভি, আমার সামনে যা দেখছি, তার কথাই ভাবছি।”

আমি বলিলাম, “অতঃপর তুমি কি ভাবে চলবে, তার কথাই ভাবছ?”

“মাষ্টার ডেভি, আমি ঠিক বুঝিয়ে বলতে পারব না। তবে ঐ ওখান থেকে যা ভেসে আসছে, তাই বোধ হয় শেষ!”

আমি বলিলাম, “কিসের শেষ?”

“তা বলতে পারিনে, মাষ্টার ডেভি। তবে এর আরম্ভ এখানেই হয়েছিল, তার পর শেষ। কিন্তু মাষ্টার ডেভি, সব শেষ হয়ে গেছে! তবে আপনি আমার সম্বন্ধে ভয় পাবেন না। কিন্তু কেমন যেন হয়ে গেছে, কিছু বুকতে পারছি না।”

মিঃ পেগটী আমাদের জন্ত দাঁড়াইয়াছিল। আমরা তাহার সহিত মিলিত হইলাম। আর কোন কথা কহিলাম না।

আমরা তখন নৌভবনের দিকেই অজ্ঞাতসারে অগ্রসর হইতেছিলাম। ক্রমে উহার মধ্যে প্রবেশ করিলাম। মিসেস্ গমিজ তখন প্রাতরাশের যোগাড়ে ব্যস্ত। মিঃ পেগটীর টুপী লইয়া সে যথাস্থানে রাখিয়া দিল। সে এমন ভাবে কথা কহিতে লাগিল যে, আমি তাহার পরিবর্তনে বিস্মিত হইলাম।

মিঃ পেগটীকে লক্ষ্য করিয়া সে বলিল, “তুমি নিশ্চয় খাবে, পান করবে। না হ’লে শরীরে বল থাকবে কেন? বল না থাকলে তুমি কিছুই করতে পারবে না। নেও, খাও। আমি যদি বাজে কথা ব’লে বিরক্ত ক’রে থাকি, আমার ব’লে দাও, তার পর আর সে রকম আমি করব না।”

আমাদিগকে খাবার দিয়া সে জানালার ধারে সরিয়া গেল। দেখিলাম, মিঃ পেগটীর জামা সে মেরামত করিয়া দিতেছে। তার পর জামা প্রভৃতি একটা ব্যাগের মধ্যে সে ভাঁজ করিয়া গুছাইতে লাগিল।

মিসেস্ গমিজ বলিল, “সব সময়ে আমি এখানে থাকব। তোমার ইচ্ছা ও আদেশ আমি পালন করে চলব। আমি ভাল লিখতে জানিনে, তবু সব তোমাকে লিখে জানাব। তুমি বিদেশে গেলে, মাষ্টার ডেভিকে লিখে জানাব। তুমিও হয় ত আমার পত্র লিখবে। তাতে লিখে জানিও, তুমি কি ক’রে বিদেশে দিন কাটাচ্ছ।”

মিঃ পেগটী বলিল, “কিন্তু একা তুমি এখানে থাকবে কি ক’রে?”

মিসেস্ গমিজ বলিল, “না, না, সে জন্ত চিন্তা করতে হবে না। এখানে অনেক কাজ তোমার থাকবে। এই বাড়ী ঠিক রাখা মস্ত কাজ। বাইরে এসে দরজার কাছে বসে থাকা—তাও আমার করতে হবে। কেউ যদি আসে, সে দেখতে পাবে, বাড়ীর দরজা খোলা আছে—সে আর ফিরে যেতে পারবে না।”

বাস্তবিক মিসেস্ গমিজের এরূপ পরিবর্তন আমি কল্পনাও করি নাই। মিঃ পেগটীর প্রতি তাহার স্নেহ-ভক্তির পরিমাণ দেখিয়া বিস্মিত হইলাম। সমুদ্রতীর হইতে



একজন জিনিষ বহিষ্কার আনিবার ছিল—দাঁড়, হাল, জাল কত জিনিষ। মিসেস্ গমিজ একবার ক্লাস্ট্রি বোধ করিল না।

ক্লাস্ট্রি দেহে মিঃ পেগটী যখন ঘুমাইয়া পড়িল, তখন মিসেস্ গমিজ আমাকে যুৎস্বরে বলিল, “মাষ্টার ডেভি, ওর বন্ধু হয়েই তুমি থেকে, ভগবান্ তোমার ভাল করবেন।” বলিয়াই সে তাড়াতাড়ি ছুটিয়া বাহির হইয়া গেল। তাহার ক্রন্দনচিহ্ন গোপন করিবার জন্ত সে ছুটিয়া গেল।

রাত্রি নটা হইতে দশটার সময় বিষমভাবে বেড়াইতে বেড়াইতে আমি মিঃ ওমারের বাড়ীর কাছে দাঁড়াইলাম। মিঃ ওমারের কন্যা মিনি আমাকে বলিল যে, তাহার পিতা এই ব্যাপারে অত্যন্ত মুসড়িয়া পড়িয়াছেন। তাই ধূমপান না করিয়াই শয্যা গ্রহণ করিয়াছেন।”

মিসেস্ জোরাম বলিল, “কি খারাপ মেয়ে সে। ওর মধ্যে এতটুকু ভাল জিনিষ কোন দিন ছিল না।”

আমি বলিলাম, “ও কথা বলবেন না। আপনার মনের কথা ওটা নয়।”

ক্রোধভরে মিসেস্ জোরাম বলিল, “নিশ্চয় বলব।”

আমি বলিলাম, “না, না।”

মিসেস্ জোরাম মাথা তুলিয়া অত্যন্ত ক্রোধের ভাণ করিল। কিন্তু সে আপনার কোমল অন্তঃকরণকে চাপিয়া রাখিতে পারিল না। সে কাঁদিতে লাগিল।

মিনি বলিল, “সে এর পর কি করবে? কোথায় সে যাবে? তার পরিণাম কি হবে? হায়! সে কি ক’রে এত নির্ভুর হ’তে পারল? কি ক’রে তার ও নিজের দন্দনাশ করলে?”

মিনি নিজে যখন ছোট ছিল, অল্পবয়স ছিল, সে কথা আমার মনে পড়িল। সে যে বাল্যকথা স্মরণ করিয়াছে, হঠাতে আমার মনে আনন্দ হইল।

মিসেস্ জোরাম বলিল, “আমার ছোট মেয়ে এইমাত্র ঘুমিয়ে পড়েছে। ঘুমিয়ে ঘুমিয়েও সে এমিলির জন্ত কাঁদছে। সারাদিন ধ’রে সে এমিলির নাম ক’রে কেঁদেছে। সে আমার বলেছে, এমিলি বড় দুষ্ট, তাই সে পালিয়েছে। এমিলি কাল তার নিজের গলা থেকে ফিতেফুল নিয়ে আমার মেয়ের গলায় পরিয়ে দিয়েছিল। যতক্ষণ খুকী যুমোয়নি, সে তার পাশে শুয়েছিল। এখনও খুকীর গলায় সেই ফিতে আছে। আমি তা খুলে নিতে পারিনি। এমিলি খুবই খারাপ, কিন্তু সে খুকীকে প্রাণ দিয়ে ভালবাসত—খুকীও তার অঙ্গুগত ছিল। সে ত কিছুই জানে না।”

মিঃ জোরাম আসিয়া তাহার পত্নীকে সাব্বনা দিবার জন্ত ভিতরে লইয়া গেল। আমি সেখান হইতে বাহির হইলাম। পেগটীর বাড়ী গেলাম। সেও অত্যন্ত মুসড়িয়া পড়িয়াছে। একে স্বামিবিয়োগ, তাহার উপর এমিলির পলায়ন। পেগটী তাহার জাতার বাড়ী গিয়াছে। আজ রাত্রিতে সেইখানেই থাকিবে। বাড়ীতে একটি বৃদ্ধা

পরিচারিকা ছিল। তখন সে ও আমি ছাড়া আর কেহ নাই। আমি তাহাকে শয়ন করিতে পাঠাইয়া দিলাম। রাত্তিরের অগ্নিকুণ্ডের পাশে আমি একা বসিয়া রহিলাম।

বসিয়া বসিয়া কত কি ভাবিতেছি, এমন সময় বাহিরে কে যেন করাঘাত করিল। আমি দরজা খুলিলাম। চাহিয়া দেখিলাম—কিন্তু প্রথমতঃ কাহাকেও দেখিতে পাইলাম না। একটু নিরীক্ষণ করিতেই মনে হইল, একটা বৃহৎ ছত্র যেন অগ্রসর হইতেছে। ভাল করিয়া চাহিতেই বুঝিলাম, ছাতার নীচে মিস্ মাউচার।

এই বামনাকার নারীকে আমি প্রথমতঃ আমল দিতে চাহিলাম না। কিন্তু সে আমার দিকে চাহিতেই তাহার মুখে এমন একটা আন্তরিক আগ্রহের ছাপ দেখিলাম যে, তাহাকে ভিতরে আহ্বান না করিয়া পারিলাম না।

আমি বলিলাম, “মিস্ মাউচার! আপনি এখানে কোথা থেকে এলেন? কি হয়েছে—ব্যাপার কি?”

আমাকে ছাতাটি বন্ধ করিবার অস্বরোধ জানাইয়া মিস্ মাউচার ভিতরে প্রবেশ করিল। তাহাকে রাত্তিরের অগ্নিকুণ্ডের পাশে লইয়া গেলাম।

এ অবস্থায় একা তাহার সহিত কথা কহিতে আমার শক্তি হইতেছিল। আমি তাই বলিলাম, “কি হয়েছে বলুন ত মিস্ মাউচার? অসময়ে আপনি এখানে এলেন কেন? অসুখ হয়েছে না কি?”

মিস্ মাউচার বলিল, “প্রিয় যুবক, আমার অসুখ, এখানে।” বলিয়া তাহার বক্ষোদেশ দেখাইয়া দিল। তার পর বলিল, “সত্যি আমার বড় অসুখ। ব্যাপারটা এরকম দাঁড়াবে জানলে, আমি বাধা দিতে পারতাম। কি বোকা আমি!”

আমি বলিলাম, “আপনাকে এমন বিচলিত দেখে আমি ভারী আশ্চর্য হইছি।”

বাধা দিয়া মিস্ মাউচার বলিল, “হাঁ, তাই হয়ে থাকে। যারা যুবক, যারা বিচারবিহীন, তারা আমার মত ক্ষুদ্র মানুষের এই রকম স্বাভাবিক বিচলিত ভাব দেখে ঐ কথাই ব’লে থাকে। তারা আমাকে নিয়ে বিদ্রূপ করে, খেলা করে। তার পর আমাকে ছুড়ে ফেলে দেয়। যখন আমোদ পায় না, আমার দিকে ফিরেও তাকায় না। হাঁ, এই রকম ব্যবহারই পেয়ে আসছি।”

আমি বলিলাম, “অন্তে হয় ত তাই করে, কিন্তু আমার সহজে তা ভাববেন না। আপনাকে এ অবস্থায় দেখে আমার বিশ্বয় বোধ হচ্ছে না। আপনার সহজে আমি কিছুই জানিনে। আমি যা বলেছি, না ভেবে-চিন্তেই বলেছি। তাতে মনে কিছু করবেন না।”

“আমি কি করব, বলুন, মিঃ কপারফিল্ড! আমাকে দেখুন, আমি বামন। আমার বাবা তাই, রোন তাই, আমার ভাইও তাই। ভাই-বোনের জন্ত আমি সারা জীবন ধ’রে পরিশ্রম

ক'রে আসছি। আমাদের ত বাচতে হবে। কিন্তু কারও কোনও ক্ষতি কখনও করিনি। তবে পৃথিবীর যে সকল লোক আমাকে নিয়ে ক্রন্দন করে, ঠাট্টা করে, আমাকেও তাদের সঙ্গে সেই রকম করা ছাড়া উপায় কি? তাতে আমার অপরাধ কোথায়?”

বুঝিলাম, ইহাতে মিস্ মাউচারের কোন অপরাধ নাই।

সে আমার দিকে চাহিয়া বলিল, “আপনার শনিক্রপী বন্ধুর সঙ্গে বামন হয়ে যদি আমি আবেগ প্রকাশ ক'রে থাকি, তার ফলে সে আমার কতটুকু উপকার করেছে?”

মিস্ মাউচার একটা ছোট টুলের উপর বসিল। তার পর বলিল, “আমি পথে আপনাকে দেখতে পেয়েছিলাম। কিন্তু আপনার সঙ্গে হেঁটে উঠতে পারিনি। তবে বুঝেছিলাম আপনি এখানে আসছেন। তাই পেছনে পেছনে এসে আপনাকে ডেকেছি। আগে আর একবার এখানে এসেছিলাম, কিন্তু বাড়ীর মালিক সেই ভাল মেয়েটি বাড়ী ছিল না।”

“তাকে আপনি জানেন?”

“হ্যাঁ, তার সম্বন্ধে আমি অনেক কিছু জানি— ওয়ার ও জোরামদের ওখান থেকে সব শুনে নিয়েছি। আমি আজ ৭টার সময় সেখানে গিয়েছিলাম। আপনার মনে আছে কি, ষ্টিয়ারফোর্থ এই হতভাগিনী মেয়েটির সম্বন্ধে সেবার কি বলেছিল?”

সে প্রসঙ্গ আমি ভুলি নাই। কতবার সে কথা আমার মনে হইয়াছে। আমি মিস্ মাউচারকে সে কথা বলিলাম।

“তার সর্বনাশ হক! সেই বদমাস চাকরটার দশগুণ সর্বনাশ হোক! তবে আমার বিশ্বাস ছিল, ঐ মেয়েটার প্রতি আপনার ছেলে-মানুষী আকর্ষণ ছিল!”

“আমার?”

মিস্ মাউচার অধীরভাবে বলিয়া উঠিল, “খোকা! খোকা! আপনি কেন অমন ক'রে তার প্রশংসা করেছিলেন—মুখ রাঙ্গা হয়ে উঠেছিল—বিচলিত হয়ে পড়েছিলেন?”

আমি তাহাকে বলিলাম যে, সত্যিই সে সময় আমার ভাববিপর্যয় হইয়াছিল, কিন্তু তাহার স্বতন্ত্র হেতু ছিল।

মিস্ মাউচার বলিল, “কিন্তু আমি ত তা জানতাম না। ষ্টিয়ারফোর্থ তোমাকে খেলিয়ে বেড়াচ্ছিল। তার হাতে তুমি নরম মোম ছিলে। আমি ঘর থেকে বেরিয়ে আসবামাত্র, তার সেই চাকরটা আপনাকে উদ্দেশ্য ক'রে বলেছিল, বোকা খোকা। আপনিই ষ্টিয়ারফোর্থের মনে ঐ মেয়েটি সম্বন্ধে লোভ জাগিয়ে তুলেছিলেন। তবে তারা আমাকে বুঝিয়েছিল যে, আপনার জন্মেই মেয়েটার কোন অনিষ্ট হবে না। আমিও তাই বিশ্বাস করেছিলাম। তারা আসল ব্যাপার আমায় কাছে গোপন রেখেছিল। কারণ, তারা জানত, আমি বোকা নই, আমি চেষ্টা করলেই

ভেতরের খবর জানতে পারব। তাই তারা আমার বুঝিয়েছিল, আপনিই মেয়েটাকে ভালবাসেন। তাদের কথায় ভুলে মেয়েটাকে আমিই একখানা পত্র নিয়ে গিয়ে দেই। তার আগে লিটিমারের সঙ্গে তার কোন কথাই হয় নি। ইচ্ছে ক'রেই লিটিমারকে এখানে রেখে যাবার ব্যবস্থা হয়েছিল।”

এতক্ষণে শয়তানী লীলার পরিচয় পাইয়া স্তম্ভিত হইলাম।

সে বলিয়া চলিল, “ঘুরতে ঘুরতে আমি নরউইচে এসে পড়ি, পরশু রাত্ৰিতে। সেখানে তাদের গোপন গত্যাত আমি দেখতে পেলুম। কিন্তু আপনাকে দেখলুম না। তাইতে ভাবলুম, এ কি হ'ল! আমার মনে সন্দেহ হ'ল। কাল রাত্ৰিতে গাড়ীতে লণ্ডন থেকে এলুম। আজ সকালে এসে পৌঁছেছি। কিন্তু হায়! বড় বিলম্ব হয়ে গেছে!”

আমি বসিয়া বসিয়া ভাবিতে লাগিলাম।

সে বলিল, “এখন আমি যাচ্ছি, বড় রাত হয়ে গেছে। কিন্তু আপনি আমাকে অবিশ্বাস করছেন না ত?”

তাড়াতাড়ি আমি উত্তর দিয়া উঠিতে পারিলাম না।

সে বলিল, “আমাকে অবিশ্বাস করবেন না, আমি বামন ব'লে আমার উপর বিশ্বাস হারাবেন না।”

আমি বুঝিলাম, এ কথায় সত্য আছে। আমার লজ্জা যে হইল না, তাহাও নহে।

যাইবার জন্ত প্রস্তুত হইয়া সে বলিল, “একটা কথা জেনে রাখুন। আমি যতদূর জানতে পেরেছি, তারা এ দেশে নেই—বাইরে চ'লে গেছে। যদি তারা কখনও ফিরে আসে—তাদের এক জনও যদি ফিরে আসে, আমি খোজ পাব। আমার চোখ তাদের কেউ এড়াতে পারবে না। আমি জানতে পারলেই আপনি জানতে পারবেন। ভগবানের আশীর্বাদে আমি সেই অত্যাচারিতা মেয়ের কোন না কোন সাহায্য করব।”

তাহার এ কথায় আমার সম্পূর্ণ বিশ্বাস হইল।

“পূর্ণাঙ্গ নারীকে আপনি যতটা বিশ্বাস করতে পারবেন, আমাকে ততটা বিশ্বাস করবেন, তার বেশীও নয়, কমও নয়। আচ্ছা বিদায়!”

আমি এত দিন মিস্ মাউচার সম্বন্ধে যে ধারণা পোষণ করিয়া আসিয়াছিলাম, এখন তাহা পরিবর্তিত হইয়া গেল। আন্তরিক শ্রদ্ধাভরে আমি তাহার করকম্পন করিলাম। বৃহৎ ছাতা খুলিয়া খর্সাকার মিস্ মাউচার পথে অবতরণ করিল। তখনও বারিপাত হইতেছিল। সে বৃষ্টির মধ্যেই ছাতা মাথায় দিয়া চলিতে লাগিল। আমি দ্বার বন্ধ করিয়া শয্যায় আসিয়া শয়ন করিলাম।

সকালবেলা আমি মিঃ পেগটীর ও আমার ধাত্রীর কাছে গমন করিলাম। সেখান হইতে গাড়ীর আপিসে গেলাম। দেখিলাম, হ্যাম ও মিসেস্ গমিজ সেখানে আমাদের জন্ত দাঁড়াইয়া আছে।

হ্যাম আমাকে একান্তে ডাকিয়া লইয়া বলিল, “মাষ্টার ডেভি, ওঁর বুক ভেঙ্গে গেছে! কোথায় যাচ্ছেন, তাও ওঁর খোঁজ নেই। ভবিষ্যতে কি হবে, তাও উনি জানেন না। যত দিন বাঁচবেন, উনি এখানে সেখানে ঘুরে ঘুরেই বেড়াবেন। যতক্ষণ উনি সজ্ঞান না পাবেন, উনি খামবেন না। মাষ্টার ডেভি, তুমি ওঁর বন্ধুর মতই থাকবে?”

বলিলাম, “বিশ্বাস কর, আমি সকল সময়েই ওকে সাহায্য করব।”

“ধন্যবাদ, শত ধন্যবাদ তোমাকে। আর এক কথা। আমার এখন ভাল রোজগার আছে। আমি যে টাকা পাই, তা ব্যয় করব কি রকমে, তা আমি জানিনে। টাকার প্রয়োজন আমার ফুরিয়ে গেছে। শুধু বেঁচে থাকবার জন্ম যে কটা টাকা দরকার, তার বেশী আমার প্রয়োজন নেই। যখন টাকার দরকার হবে, আমি দিতে পারব। আমি কাজ ছেড়ে দেব না। মানুষের মত পরিশ্রম করেই যাব, তাতে আমার ক্রটি হবে না।”

আমি তাহাকে বলিলাম যে, এমন ভাবে ত চিরদিন চলবে না। ভবিষ্যতে তাহাকে গৃহী হইতে হইবে।

মস্তক আন্দোলিত করিয়া হ্যাম বলিল, “না মশাই, আমার সব শেষ হয়ে গেছে। যে জায়গা খালি হয়ে গেছে, সেখানে আর কারও স্থান হবে না। তুমি টাকার কথাটা মনে রেখ, মাষ্টার ডেভি। দরকার হলেই আমি টাকা খরচ করব।”

আমি তাহাকে বুঝাইয়া দিলাম যে, মিঃ পেগটীর টাকার প্রয়োজন হইবে না। মিঃ বার্কিস্ তাহাকে যে টাকা দিয়া গিয়াছে, তাহার স্মৃতি মিঃ পেগটীর বেশ চলিয়া যাইবে। সে টাকা বেশী নহে বটে, কিন্তু তাহাতে কাজ চলিয়া যাইবে। তবে যদি দরকার হয়, আমি তাহাকে জানাইব। আমরা বিদায় লইলাম। কিন্তু হ্যামকে আমি ভুলিতে পারিলাম না। বিরাট হৃৎখেও তাহার অবিচলিত ধৈর্য আমাকে অভিভূত করিয়াছিল। মিসেস্ গমিজ গাড়ীর পাশে পাশে খানিক দৌড়িয়াছিল, তাহার অল্প কোন দিকে লক্ষ্য ছিল না। শুধু সে মিঃ পেগটীকেই দেখিতেছিল।

নির্দিষ্ট স্থানে পৌঁছিয়া আগে পেগটীর জন্ম একটা বাসা স্থির করিলাম। সেখানে তাহার ভ্রাতারও শয়নস্থানের ব্যবস্থা করিলাম। আমার বাসার নিকটেই এই বাসা পাওয়া গিয়াছিল। তার পর আমার বাসার তাহাদিগকে লইয়া গেলাম।

পথে আসিবার সময় মিঃ পেগটী আমার কাছে প্রস্তাব করিয়াছিল যে, সে ষ্টিয়ারফোর্থের জননীকে সহিত দেখা করিবে। আমি তাহাকে এ বিষয়ে সাহায্য করিতে বাধ্য। পুত্রের ব্যবহারে মাতার হৃদয়ে যে আঘাত লাগিবে, তাহা অস্বপ্ন করিয়া আমি যথাসাধ্য তাহা হ্রাসকল্পে ওড়াইয়া মিসেস্ ষ্টিয়ারফোর্থকে একখানি পত্র লিখিলাম।

ষ্টিয়ারফোর্থ কতদূর অজ্ঞান করিয়াছে এবং এই ব্যাপারে আমার কতদূর যোগাযোগ আছে, সবই তাঁহাকে লিখিয়া জানাইলাম। মিঃ পেগটী কিরূপ ব্যথা পাইয়াছে, তাহাও লিখিলাম। এ অবস্থায় তাহার সহিত তিনি দেখা করিবেন, এরূপ আশা করা যায়, তাহাও তাঁহাকে জানাইলাম। আমরা পরদিবস বেলা ২টার সময় তাঁহার সহিত দেখা করিব, সে কথাও লিখিয়া দিলাম। স্বয়ং এই পত্র ডাক-গাড়ীতে দিয়া আসিলাম।

নির্দিষ্ট সময়ে আমরা সেই গৃহের দ্বারপথে দাঁড়াইলাম। কয়েক দিন পূর্বে এই গৃহদ্বার হইতে কত আনন্দেই না বিদায় লইয়াছিলাম! আজ সেখানে প্রবেশ করিতে মন সরিতেছিল না।

লিটিমার আসিল না। আর এক জন আসিয়া আমাদিগকে বৈঠকখানা-ঘরে লইয়া গেল। মিসেস্ ষ্টিয়ারফোর্থ সেখানে বসিয়াছিলেন। রোজা ডার্টল অল্প ঘর হইতে নিঃশব্দে আসিয়া তাঁহার চেয়ারের পশ্চাতে দাঁড়াইলেন।

আমি মিসেস্ ষ্টিয়ারফোর্থের আনন্দ দেখিয়া বুঝিলাম যে, তিনি পুত্রের নিকট হইতে তাহার কীর্তির কথা শুনিয়াছেন। তাঁহার মুখ অত্যন্ত মলিন। শুধু আমার পত্র পড়িয়া তাঁহার এমন ভাবান্তর হইতে পারিত না। দেখিলাম, তাঁহার মনের মধ্যে যে ভীষণ ঝড় বহিয়া গিয়াছে, আনন্দে তাহার চিহ্ন বিস্তমান।

তিনি চেয়ারে সোজাভাবে বসিয়াছিলেন। অবিচলিত শৈশ্রব্য ও গাঙ্গুর্য্য সহকারে তিনি বসিয়াছিলেন। কিছুতেই তাঁহার ধৈর্য্যচ্যুতি ঘটিল না, তাঁহার ভাব দেখিয়া তাহাই বোধ হইতেছিল। মিঃ পেগটী তাঁহার সম্মুখে দাঁড়াইতেই তিনি স্থিরদৃষ্টিতে তাহার দিকে চাহিলেন। মিঃ পেগটীও স্থিরদৃষ্টিতে চাহিল। রোজা ডার্টল তীক্ষ্ণদৃষ্টিতে আমাদের দিকে চাহিয়াছিলেন। কিছুক্ষণ কেহই কোনও কথা কহিল না।

মিসেস্ ষ্টিয়ারফোর্থ মিঃ পেগটীকে আসন গ্রহণের জন্ম ইঙ্গিত করিলেন। সে বলিল, “এ বাড়ীতে বসি আমার পক্ষে সম্ভবপর নয়, ম্যাডাম। আমি বরং দাঁড়িয়ে থাকি।”

আবার নিস্তব্ধতা। এবার মিসেস্ ষ্টিয়ারফোর্থ বলিলেন, “আমি জানি, কি গভীর হৃৎখে আপনি এখানে এসেছেন। আমাকে কি করতে বলেন? কি চান আপনি আমার কাছে?”

টুপীটা বগলে রাখিয়া মিঃ পেগটী বুকপকেট হইতে এমিলির পত্রখানা বাহির করিল। ভাঁজ খুলিয়া সে উহা মিসেস্ ষ্টিয়ারফোর্থের হাতে অর্পণ করিল।

“চিঠিখানা পড়ে দেখুন, ম্যাডাম। আমার ভাগনীর হাতের লেখা।”

তখনই গভীরভাবে, অবিচলিত ধৈর্যের সহিত তিনি উহা পড়িলেন। বোধ হইল; পত্র পড়িয়া তাঁহার হৃদয় অভিভূত হয় নাই। তিনি পত্রখানা ফিরাইয়া দিলেন।



মিঃ পেগটী বলিল, “তিনি আমাকে ভদ্রমহিলার মত ফিরাইয়া না আনিলে—এই কথাটা তিনি রাখবেন কি না, আমি তাই জানতে এসেছি।”

তিনি বলিলেন, “না।”

মিঃ পেগটী বলিল, “কেন নয়?”

“তা অসম্ভব। তাতে বংশের মর্যাদা-হানি হবে। আপনার ভাগিনেয়ী তার অনেক নীচে, এটা অবশ্য আপনি অনুমান করতে ভুলবেন না।”

মিঃ পেগটী বলিল, “তাকে ওপরে তুলে নিন।”

“সে লেখাপড়া জানে না, অশিক্ষিত।”

“হ’তে পারে সে মুর্থ, আবার না-ও হ’তে পারে। আমি অবশ্য সে বিচার করছি না। তাকে ভাল ক’রে শিখিয়ে পড়িয়ে নিন।”

“আপনি যখন আমাকে বলতে বাধ্য করেছেন, তখন আমি স্পষ্ট ক’রেই বলছি—অবশ্য আমার যোর অনিচ্ছা সত্ত্বেও—তার নীচ-ঘরের সম্বন্ধ বশতঃ তাকে ঘরে নেওয়া অসম্ভব।”

শান্তভাবে মিঃ পেগটী বলিল, “কথাটা শুনুন, ম্যাডাম। আপনি জানেন, আপনার সম্বন্ধকে ভালবাসা কি রকম জিনিষ। আমিও তা জানি। আমার নিজের মেয়ে হলেও আমি তাকে এর চেয়ে বেশী ভালবাসতে পারতাম না। সম্বন্ধ হারান কি ভীষণ, তা আপনি জানেন না। আমি জানি। পৃথিবীর সমস্ত ঐশ্বর্যের যদি আমি মালিক হতুম, আমি তার বিনিময়ে আমার মেয়েকে ফিরিয়ে আনতে বিলম্ব করতাম না। তাকে এই কলঙ্ক থেকে রক্ষা করুন, আমরা তার অপমানের কারণ হব না। যেখানে সে বড় হয়েছে, যাদের সঙ্গে লালিত হয়েছে, তাদের কেউ জীবনে তার সঙ্গে দেখা করতে আসবে না, সম্পর্ক পাতাতে আসবে না। সে সুখে আছে জেনে আমরা তৃপ্তি পাব। তার চাঁদমুখ দেখবার লোভ আমরা সংবরণ করব। ভাবব, অল্প সূর্যালোকিত দেশে সে আছে। তার স্বামীর কাছে রেখে আমরা সন্তুষ্ট থাকব—যদি ছেলে-মেয়ে হয়, তাদেরও দেখতে আসব না। শুধু মৃত্যুর পর ভগবানের চরণে আমরা মিলিত হব, এই আমাদের আশা থাকবে।”

তাহার গ্রাম্য বাক্চাতুর্য বা প্রাণের ভাষা একবারে ব্যর্থ হইল না। কিন্তু তথাপি মহিলাটির গর্ভিত ব্যবহার অটুট হইয়া রহিল। শুধু ঈষৎ কোমল কণ্ঠে তিনি বলিলেন,— “আমি কোন যুক্তি দিতে চাই না। আমি কারও উপর অপরাধ চাপাতে চাই না। কিন্তু আমি ছুঃখের সঙ্গে আবার বলছি, এ অসম্ভব। এখন বিয়ে হ’লে আমার ছেলের ভবিষ্যৎ নষ্ট হয়ে যাবে। তার উন্নতির পথ বন্ধ হবে। এ বিয়ে যে হ’তে পারে না। এর চেয়ে স্থির জিনিষ কিছু নেই। না, তা কোনমতেই হবে না। এ ছাড়া যদি অন্য কোনপ্রকার ক্ষতিপূরণ—”

মিঃ পেগটী বাধা দিয়া বলিল,— “আমি ছ’জনের মুখের সাদৃশ্য দেখছি। সে আমার দিকে এমনি ভাবে আমার বাড়ীতে চেয়ে দেখত, আমার ঘরের অগ্নিকুণ্ডের পাশে ব’সে ঠিক এমনই ভাবে চাইত; হাসিমুখে বন্ধুত্বের ভাণ ক’রে। কিন্তু ভেতরে ছিল বিশ্বাসঘাতকতা। সে কথা ভাবলেও আমার পাগল ক’রে তোলে। আমার সম্বন্ধের সর্বনাশের পর টাকা দিয়ে তার ক্ষতিপূরণের প্রস্তাব—এর চেয়ে মন্দ জিনিষ আর কি হতে পারে। ভদ্রমহিলার মুখে এমন কথা—আশ্চর্য্য!”

মুহূর্তমধ্যে ষ্টিয়ারচার্জ-জননীৰ ব্যবহারের পরিবর্তন হইল। তাঁহার মুখভঙ্গীতে ক্রোধের দীপ্তি ফুটিয়া উঠিল। চেয়ারের হাতল দৃঢ়ভাবে ধরিয়া অধীর কণ্ঠে তিনি বলিয়া উঠিলেন,— “আমারও ছেলের মধ্যে এমন অন্ধকারময় ব্যবধান সৃষ্টি ক’রে আমার ক্ষতিপূরণ তুমি কি করতে পার? আমার ভালবাসার কাছে তোমার ভালবাসা? আমাদের এই বিচ্ছেদের সঙ্গে তোমাদের বিচ্ছেদের তুলনা?”

মিস্ ডার্টল কোমলভাবে তাঁহাকে স্পর্শ করিয়া কাণে কাণে তাঁহাকে কি যেন বলিলেন। কিন্তু তিনি কোন কথাই কাণ দিলেন না।

“না, রোজা—একটা কথাও শুনব না। লোকটা শুঁকুক—আমার যা বলবার আছে, তা শুঁকুক। আমার ছেলে আমার জীবনের একমাত্র লক্ষ্য ছিল। তাকে মানুষ গ’ড়ে তুলবার জন্ত সারা জীবন ধ’রে আমি কি না করেছি। তার সকল সাধ, সব আফ্লাদ আমি মিটিয়েছি। তার জন্ম থেকে আমার স্বতন্ত্র অস্তিত্ব ছিল না। আর সে কি না একটা কোথাকার মেয়েকে নিয়ে আমায় ছেড়ে চ’লে গেল! আমার স্নেহের বিনিময়ে সে কি না একটা মেয়ের জন্ত আমার সঙ্গে মিথ্যা ব্যবহার করলে, আমাকে বঞ্চনা করলে! তার জন্ত আমাকে ছেড়ে চ’লে গেলে, আমার দাবী, মার স্নেহ, ভালবাসা, মার প্রতি শ্রদ্ধা, বিশ্বাস, ভক্তি জলাঞ্জলি দিয়া সে চ’লে গেল! এটা আমার পক্ষে অনিষ্ট নয়?”

রোজা ডার্টল পুনরায় তাঁহাকে শান্ত হইতে বলিলেন। কিন্তু কোনও ফল হইল না। তিনি বলিলেন,— “রোজা, কোন কথা আমি শুনব না। একটা সামান্য বিষয়ের জন্ত যদি সে সব ছাড়তে পারে, তবে বৃহত্তর উদ্দেশ্যের জন্ত আমি সব বিষয় ত্যাগ করতে পারি। যেখানে ইচ্ছা, সে চ’লে যাক। সে কি ভেবেছে, দীর্ঘকাল তার অদর্শনে আমি কাবু হয়ে পড়ব? সে যদি তাই ভেবে থাকে, তা হ’লে সে তার মার পরিচয় পায় নি। তার খেয়াল সে ত্যাগ করুক, আমি তাকে সাদরে গ্রহণ করব। সে যদি মেয়েটাকে ত্যাগ না করে, আমার কাছে সে জীবনে আসতে পাবে না। জীবিতই হ’ক, বা মৃত অবস্থাতেই হ’ক। আমার কাছে ক্ষমা না চাইলে আমার বাড়ীতে তার স্থান নেই। এটা

আমার নিজস্ব অধিকার—মায়ের অধিকার। আমাদের মধ্যে এই ভাবের বিচ্ছেদ হয়ে গেল। এটা আমার ক্ষতি নয়?”

আমার দিকে চাহিয়া তিনি বলিলেন, আর তিনি এ বিষয়ে কিছু গুনিতে চাহেন না। এখন এ সাক্ষাৎকারের এখানেই শেষ। এই বলিয়া তিনি উঠিবার চেষ্টা করিতেই মিঃ পেগটী বলিল,—“আমি আপনাকে আর বাধা দেব না। আর কিছুই আমার বলবার নাই, ম্যাডাম। কোন আশা নিয়ে আমি এখানে আসিনি। কোন আশা নিয়েও আমি যাচ্ছি না। যা করা উচিত বলে ভেবেছিলাম, তাই আমি করে গেলাম। এখানে দাঁড়িয়ে থাকাও চলে না। এ বাড়ী আমার পক্ষে শয়তানের জায়গা।”

আমরা বিদায় লইয়া চলিলাম। বাগানের কাছে আসিবামাত্র রোজা ডার্টল নিঃশব্দে আসিয়া আমাকে বলিলেন, “এ লোকটাকে এখানে এনে আপনি বড় ভাল কাজ করেছেন।”

তাহার সমগ্র আননে ক্রোধে এবং ঘৃণা পুঞ্জীভূত হইয়া উঠিয়াছিল।

তিনি বলিলেন,—“এই লোকটার সঙ্গে আপনি এসেছেন, চমৎকার লোক আপনি!”

আমি বলিলাম,—“মিস্ ডার্টল, আমাকে দোষ দেবেন, এমন অববেচক আপনি নন!”

“এই দু’জন পাগলের মাঝখানে এসে দাঁড়াবার কি দরকার ছিল? আপনি কি জানেন না, দু’জনেই নিজেদের গর্ব ও স্বৈচ্ছাচারিতা নিয়ে ক্রোড়ে আছে?”

“সেটা ত আমার জ্ঞান হয় নি।”

“আপনার জ্ঞান হয় নি! ও লোকটাকে আপনি কেন এখানে আনলেন?”

“মিস্ ডার্টল, এঁর কি বকম সাংঘাতিক ক্ষতি হয়েছে, তা কি আপনি বুঝছেন না?”

“আমি জানি, জেমস্ টিয়ারওয়ার্থ ভণ্ড, দুষ্টচরিত্র। সে যে বিধাসম্ভাতক, তাও জানি। কিন্তু এ লোকটার সম্বন্ধে আমার জানবার কি দরকার। ওর ভাগিনেরীটির কি হ’ল না হ’ল, তাতেই বা আমার কি?”

আমি বলিলাম, “মিস্ ডার্টল, আপনি কাটা ঘায়ে রূপের ছিটে দিচ্ছেন। ক্ষতির পরিমাণ অত্যন্ত বেশীই হয়েছে। যাবার সময় আমি বলে যাচ্ছি, আপনি এঁর প্রতি অত্যন্ত অবিচার করছেন।”

তিনি বলিলেন, “না, আমি ওর প্রতি কিছুই অস্থায় বলছি না। ওরা অতি হীনচরিত্র, যাচ্ছেতাই লোক। আমি মেয়েটাকে দেখতে পেলে চাবুক-পেটা করতাম।”

মিঃ পেগটী আগাইয়া গেল, একটি কথাও বলিল না। সে দরজার বাহিরে গিয়া দাঁড়াইল।

ক্রোধভরে আমি বলিলাম, “ছিঃ ছিঃ! মিস্ ডার্টল! বিক্ আপনাকে! কি করে আপনি এমন কথা বললেন?”

লোকটার এমন সর্বনাশ হয়ে গেল, আর আপনি তার ব্যথার উপর পা মাড়াচ্ছেন!”

“হাঁ, আমি ওদের সকলকে পা দিয়ে মাড়াতে চাই। ওর বাড়ী ভেঙ্গে-চুরে মাটিতে ফেলে দিতে চাই। আমি মেয়েটার মুখ মাটিতে ঘষে দিতে চাই। হেঁড়া নেকড়া পরিয়ে ছুঁড়ীটাকে পথে বের করে দিতে চাই—যেন সে না খেতে পেয়ে মরে যায়। আমার যদি বিচার করবার অধিকার থাকত, তা হ’লে আমি এই সব করতাম। আমি তাকে ঘৃণা করি। তার এই জঘন্য কাজের জ্ঞান আমি সব জায়গায় গিয়ে তাকে গালাগালি দিতে পারি। তার মৃত্যু হলেও গোরস্থানে গিয়ে তাকে আমি অভিশাপ দিয়ে আসতে পারি। মৃত্যুকালে যদি কোন একটা কথা গুণ্ডিতে পেলে তার আত্মার তৃপ্তি হয়, তবে আমি সে কথা কখনো তাকে শোনাতে চাই না—গুণ্ডিতে দেব না!”

আমি অনেকের অনেক প্রকার ক্রোধ, উত্তেজনা দেখিয়াছি, এই নারী আজ যে রূপ উত্তেজনার সহিত ক্রোধ-প্রকাশ করিতেছিল, এমন আমি কখনও দেখি নাই। ভাষায় আমি তাহার এই ক্রোধের বর্ণনা করিতে পারিব না।

আমি যখন মিঃ পেগটীর কাছে গেলাম, তখন সে ধীরে ধীরে চলিতে লাগিল। সে বলিল, এইবার সে দেশে দেশে ঘুরিবে। এখানকার কার্য তাহার শেষ হইয়াছে। আমি প্রশ্ন করিলাম, সে কোথায় যাইতে চাহে। সে বলিল, “আমি তাকে খুঁজতে চললাম।”

বাসায় আসিয়া পেগটীকে তাহার দাদার সব কথা বলিলাম। সে বলিল যে, সেও তাহার দাদাকে ঐ ভাবের কথা বলিতে সকালে গুনিয়াছে। কিন্তু কোথায় যাইবে, তাহা সেও জানে না।

এ অবস্থায় আমি তাহাকে ছাড়িয়া দিলাম না। তিন জনে একসঙ্গে আহার করিলাম। তার পর মিঃ পেগটী ব্যাগ ও মোটা লাঠিটা আনিয়া টেবলের উপর রাখিল।

সহোদরার নিকট হইতে সে তাহার অংশের প্রাপ্য টাকার কিছু গ্রহণ করিল। এক মাস তাহাতে কোনমতে চলিতে পারে। সে অঙ্গীকার করিল যে, আমাকে পত্র লিখিয়া সে সব কথাই জানাইবে। তার পর ব্যাগটি বুলাইয়া লাঠি লইয়া সে বিদায় লইল।

“তোমাদের ভাল হোক” বলিয়া মিঃ পেগটী ভগিনীকে আলিঙ্গন করিল। “আমি তাকে ধোঁজবার জ্ঞান যাচ্ছি। এর মধ্যে সে যদি ফিরে আসে—তা হবে না জানি—আর আমি যদি তাকে সঙ্গে করে আনতে পারি, তা হ’লে আমি ও সে এমন জায়গায় থাকব, যেখানে কেউ গিয়ে তাকে গালাগালি দিতে পারবে না। যদি আমার কোন বিপদ ঘটে, যেন রেখ, তাকে আমি সমান বেহ করি, ভালবাসি—তার অপরাধ আমি কমা করেছি!”

মাথায় টুপী পরিয়া সে ধীরে ধীরে সোপান বাহিয়া নীচে নামিয়া গেল। আমরা ধীরে পর্য্যন্ত তাহার সঙ্গে গেলাম। সে দিন অত্যন্ত গরম পড়িয়াছিল, জোরে বাতাস বহিতেছিল। সে দিন পথে তখন বেশী লোক ছিল না। আমরা তাহার দীর্ঘ দেহের দিকে চাহিয়া রহিলাম। পথের বাঁকে তাহার মূর্তি অদৃশ্য হইল।

আমি সে দিনের স্মৃতি কখনও ভুলিতে পারি নাই। রাত্ৰিকালে প্রত্যহই আমার অনুমান হইত, সে চলিয়াছে—দীর্ঘ পথ চলিয়াছে! আমি আকাশে চাঁদের দিকে—নক্ষত্র-পুঞ্জের দিকে চাহিয়া থাকিতাম, অথবা বৃষ্টিধারার দিকে চাহিতাম, বাতাসের গর্জন শুনিতাম। সকল সময়েই মনে হইত এই দরিদ্র যাত্রী তাহার সন্মানে চলিয়াছে! তাহার চলার বিরাম নাই।

আর তাহার শেষ কথা মনে পড়িত—“যদি আমার বিশেষ ঘটে, যদি আমি ফিরে না আসি, তাকে বলো—আমি তাকে সমানভাবে স্নেহ করি—আমার ভালবাসার পরিবর্তন হয়নি। তাকে বলো আমি তাকে ক্ষমা করেছি!”

### ত্রয়োদশ পরিচ্ছেদ

এত দিন ধরিয়া আমি ডোরাকে ভালবাসিয়াই চলিয়াছিলাম। সে ভালবাসা ক্রমেই গভীর হইতেছিল। বন্ধুকে হারাইবার দুঃখ আমি ডোরার স্মৃতিতে অনেকটা ভুলিয়াছিলাম। সংসারে যতই প্রতারণার পরিচয় পাইতেছিলাম, ততই ডোরার পবিত্র ভালবাসার স্মৃতি আমাকে সাহায্য দিতেছিল।

ডোরার প্রেমে আমি শুধু আকর্ষণ নিমজ্জিত হই নাই—আমার দেহ তখন ডোরায় পরিপূর্ণ হইয়া গিয়াছিল। আমি তাহার স্মৃতিতে পরিপূর্ণ হইয়া থাকিতাম।

সহরে ফিরিয়া আসিবার পর এক দিন রাত্ৰিকালে আমি পদব্রজে নরউডে বেড়াইতে গেলাম। ডোরার কথা ভাবিতে ভাবিতে আমি তাহাদের বাড়ী ও উজানের চারি পার্শ্বে ঘুরিয়া বেড়াইলাম—জানালায় দিকে চাহিয়া প্রার্থনা জানাইলাম, ডোরা যেন নিরাপদে থাকে; কোন বিপদ হইতে তাহার রক্ষার কামনা করিলাম, তাহা ঠিক জানি না। হয় ত বা আঙনের ভয়, নয় ত বা মূষিকের ভয়। আমি জানিতাম, মূষিক দেখিলে ডোরা ভয় পায়।

ডোরার প্রতি আমার এই প্রেমের কথা অবশেষে আমি পেগটীকে জানাইলাম। অবশ্য সোজাভাবে বলিলাম না, একটু ঘুরাইয়া ফিরাইয়া বলিলাম। পেগটী বিশেষ আগ্রহ-ভরে আমার কথা শ্রবণ করিল। সে আমার সম্বন্ধে এত অধিক উচ্চাশা পোষণ করে যে, ডোরার সহিত আমার বিবাহে কোন বাধা থাকিতে পারে, ইহা মনের প্রান্তেও স্থান দিতে পারিল না। তাহার মনের ভাব এইরূপ যে, আমার মত সুপাত্র ডোরার বাবা সহজে কোথায় পাইবেন?

পেগটীর উইলের প্রবেট এবং সমস্ত ব্যাপারের সুমীমাংসা আমিই প্রোক্তির হিসাবে সম্পন্ন করিলাম। তাহাতে আমার অনেকটা আত্মপ্রসাদলাভও হইল।

পেগটীকে লইয়া আমি মিঃ স্পেনলোর সহিত দেখা করিতে গেলাম। সেখানে গিয়া দেখিলাম, মিঃ মর্ডষ্টোন বসিয়া আছেন। তাঁহার বিশেষ কোন পরিবর্তন দেখিলাম না। পূর্বের ঞ্চয় ঘন কৃষ্ণবর্ণ কেশরাজি এখনও দেখিলাম। চোখের দৃষ্টিও পূর্ববৎ—বিশ্বাস করা চলে না।

মিঃ স্পেনলো বলিলেন, “কপারফিল্ড, এই ভদ্র-লোকটিকে তুমি চেন বোধ হয়?”

আমি মর্ডষ্টোনকে নতি জানাইলাম, পেগটী তাকে চিনিতে পারিয়াছে, এমন ভাব প্রকাশ করিলাম। আমাদিগকে—আমাকে ও পেগটীকে দেখিয়া প্রথমে তিনি যেন একটু বিচলিত হইয়া পড়িয়াছিলেন। কিন্তু কর্তব্য নিৰ্ণয় করিয়া তিনি আমার কাছে আসিলেন। বলিলেন, “আশা করি, তুমি ভাল আছ?”

আমি বলিলাম, “আমার ভাল-মন্দে আপনার কোনও আগ্রহ আছে ব’লে মনে হয় না। তবে আপনি যদি জানতে চান, তা হ’লে বলব, ভাল আছি।”

আমরা পরস্পরের দিকে চাহিলাম। তিনি পেগটীকে উদ্দেশ্য করিয়া বলিলেন, “আর তুমি? তোমার স্বামিবিয়োগ হয়েছে শুনে আমি দুঃখিত হলাম।”

পেগটীর পা হইতে মাথা পর্য্যন্ত কম্পিত হইতেছিল। সে বলিল, “আমার জীবনে এই প্রথম শোক নয়, মিঃ মর্ডষ্টোন! তবে আমার এইটুকু এ বিষয়ে আনন্দ যে, এই শোক, এই ক্ষতির জন্ম কারও কোন দায়িত্ব নেই।”

তিনি বলিলেন, “এ চিন্তায় সুখ আছে বটে! তোমার কর্তব্য পালন করেছিলে ত?”

পেগটী বলিল, “আমি কারও জীবনক্ষয়ের কারণ হইনি। এ চিন্তায় আমি নিশ্চিত আছি। না, মিঃ মর্ডষ্টোন, আমি কোনও স্নেহপ্রবণ মধুর চরিত্রের লোককে ভয় দেখিয়ে বিরক্ত ক’রে তাড়াতাড়ি কবরে পাঠাইনি। এ আমার মনের শাস্তি।”

তিনি তাহার দিকে অপ্রসন্নভাবে খানিক তাকাইয়া, আমার দিকে ফিরিলেন। কিন্তু আমার মুখের দিকে না চাহিয়া, পায়ের দিকে দৃষ্টি নিবদ্ধ করিয়া তিনি বলিলেন, “শীঘ্র হয় ত আমাদের আর দেখা হবে না। অবশ্য তাতে আমরা উভয়েই সন্তোষ লাভ করব। কারণ, এ রকম মিলন আনন্দের হ’তে পারে না। আমি তোমার সংশোধনের জন্ম, তোমার কল্যাণের জন্ম যে ব্যবস্থা করেছিলাম, সেই ঞ্চয়সম্বৃত্ত অধিকারের বিরুদ্ধে তুমি বিদ্রোহ ঘোষণা করেছিলে। সুতরাং তুমি আমার সম্বন্ধে সন্দিগ্ধ পোষণ করবে, এ আমি আশা করি না। আমারও মধ্যে একটা বিষয়, বিতৃষ্ণা—”



আমি বলিলাম, “সেটা পুরাতন অবশ্য ?”

তিনি হাসিয়া আমার দিকে যে দৃষ্টিপাত করিলেন, তাহাতে শুধু অমঙ্গল চিন্তারই ছাপ আছে, ভাল কিছু নাই।

তিনি বলিলেন, “তোমার শিশুচিন্তে ওটা জন্মেছিল। পর জন্ম তোমার বেচারী মার জীবন তেতো হয়ে গিয়েছিল। তোমার কথাই ঠিক। এখনও তোমার স্বভাব শোধরাতে পার। আশা করি, নিজেকে তুমি সংশোধন ক’রে নেবে।”

এতক্ষণ তিনি নিরন্তরই কথা কহিতেছিলেন। এইবার তিনি কণ্ঠস্বর উচ্চে তুলিয়া বলিলেন, “মিঃ স্পেনলোর দ্বারা যে সকল ভঙ্গলোক সংশ্লিষ্ট, তাঁরা জানেন, পারিবারিক মতবিরোধ কত জটিল!”

এই কথা বলিয়া তিনি লাইসেন্সের জন্ম টাকা দিলেন। লাইসেন্স লইয়া উহা ভাঁজ করিলেন। তার পর অভিবাদন করিয়া আপিস হইতে বিদায় লইলেন।

তাঁহার কথায় আমার ক্রোধ হইয়াছিল, কিন্তু অতিকষ্টে আমি তাহা সংবরণ করিয়া উপযুক্ত প্রত্যুত্তরদানে বিরত হইলাম। অতঃপর হইলে আমি চূপ করিয়া থাকিতাম না। কিন্তু এখানে বাদানুবাদ চলে না। পেগটীও খুব রাগিয়া গঠিয়াছিল। আমি তাহাকে চূপ করিয়া থাকিতে ইঙ্গিত করিয়াছিলাম। এইরূপে মিঃ স্পেনলো ও কেরানীদিগের স্মুখে আমরা আত্মসংবরণ করিলাম।

মিঃ স্পেনলো জানিতেন না, আমার সঙ্গে মিঃ মর্ডষ্টানের কি সম্বন্ধ। সে জন্ম আমি খুসী ছিলাম। আমি কোনওমতেই মিঃ মর্ডষ্টানের সম্বন্ধ স্বীকার করতে রাজি হইলাম না। আমার মার জীবনের কাহিনী স্মরণ করিয়া আমি মিঃ মর্ডষ্টানকে আত্মীয় বলিয়া স্বীকার করিতে হিতাম না। কোনও মতেই নহে। মিঃ স্পেনলো কি গণিয়াছিলেন, জানি না। তবে হয় ত এইরকম মনে করিয়াছিলেন যে, আমার পিতামহীই আমাদের পরিবারের মতা। একটা বিরুদ্ধ দলও আছে, তাহারও এক জন মতা আছে। তাঁহার কথার আভাসে এইরকমই বিলাম।

তিনি বলিলেন, “মিস্ ট্রটউড্ ভারী দৃঢ়চেতা। তিনি আরও বাধা-নিষেধ মানেন না। আমি তাঁর চরিত্রের বশিষ্ঠ দেখে তাঁকে শ্রদ্ধা করি। তুমি তাঁর দলে আছ, জন্ম আমি তোমাকে বাহবা দেই। আত্মীয়-স্বজনের মধ্যে তের বিরোধ বড়ই খারাপ, তবে না হয়েও যায় না। সব সময়গাতেই মতবিরোধ দেখতে পাওয়া যায়। তবে স্মারকপক্ষে, সেই দিকে থাকাই বাঞ্ছনীয়।”

আমি এ কথাই কোন উত্তর করিলাম না।

মিঃ স্পেনলো বলিলেন, “এ বিয়েটা বোধ হয় ভালই হইবে ?”

আমি বলিলাম যে, এ বিষয়ে আমি কোন সংবাদই পাই নাই।

“তাই না কি ? মিঃ মর্ডষ্টান ও তাঁর বোনের কাছ থেকে অল্পস্বল্প যে কথা শুন্তে পেয়েছি, তাতে মনে হয়, বিয়েটা ভালই হচ্ছে।”

আমি বলিলাম, “অর্থাৎ আপনি বলতে চান যে, এ বিয়েতে অর্থের সম্বন্ধ আছে ?”

“হ্যাঁ, টাকা ত আছেই, সৌন্দর্য্যও আছে।”

“বটে ? ওঁর এই পত্নীটি কি তরুণী ?”

“সবে প্রাপ্তবয়স্কা হয়েছেন। এ থেকে মনে হয় যে, তারা এই সুযোগের প্রতীক্ষাতেই যেন ছিল।”

পেগটী বলিল, “ভগবান সেই মেয়েটিকে রক্ষা করুন !” সে এমন উত্তেজনার সহিত কথাটা বলিল যে, আমরা সকলেই বিচলিত হইয়া পড়িলাম।

পেগটীর যে কাজ বাকি ছিল, তাহা শেষ হইলে টাকাকড়ি সব চুকাইয়া দিলাম। পেগটী তাহার বাসায় চলিয়া গেল।

সে দিন আদালতে একটা বিবাহবিচ্ছেদের মামলা ছিল। মোকদ্দমাটা এইরূপ—টমাস বেঞ্জামিন একটা বিবাহের লাইসেন্স-পত্র লইয়াছিল। তাহাতে শুধু ‘টমাস’ এই নাম লেখা ছিল। বেঞ্জামিন নামটা ছিল না। বনিবনাও না হইলে বিবাহ-বিচ্ছেদ করা যাইবে, এই অভিপ্রায়েই ঐ প্রকার সতর্কতা। বিবাহের দুই বৎসরের মধ্যেই দেখিলাম, লোকটার স্ত্রীর সহিত বনিবনাও হইতেছে না। তখন সে এক বন্ধুর সাহায্যে এই মোকদ্দমা আনিয়াছে। তাহার নাম টমাস বেঞ্জামিন, শুধু টমাস নহে, এই যুক্তি দেখাইয়া মোকদ্দমা করিয়াছে। আদালত তাহার প্রার্থনা মঞ্জুর করিয়াছেন—বিবাহ বিচ্ছিন্ন হইয়াছে।

এই ব্যাপারে স্মারকবিচার সম্বন্ধে আমার বিশেষ সন্দেহ হইল। মিঃ স্পেনলো এ বিষয় লইয়া আমার সঙ্গে তর্ক-বিতর্ক করিলেন। ইহার সার্থকতা আমার বুঝাইতে গেলেন, কিন্তু মন আমার কিছুতেই ইহাতে সায় দিল না।

মিঃ স্পেনলোর সঙ্গে দেশের আইনসংক্রান্ত ব্যাপারের আলোচনা চলিতে চলিতে সহসা তিনি আমায় বলিলেন যে, ডোরার জন্মদিন এই সপ্তাহে। আমি যদি তত্পরলক্ষে বনভোজনে যোগদান করি, তিনি খুবই খুসী হইবেন। এ সংবাদে আমার যেন চৈতন্যলোপের সম্ভাবনা ঘটিল।

পরদিবস ডোরার একখানি সংক্ষিপ্ত নিমন্ত্রণ-পত্র পাইলাম। উহা স্মারকলিপিস্বরূপ আমাকে কথাটা মনে করাইয়া দিবার জন্ম।

ইহার পর ধৈর্য্যধারণ করা অসম্ভব হইয়া উঠিল। বাকি দিনগুলি কি ভাবে কাটিয়া গেল, তাহা আমার মনে নাই। নূতন জুতা কিনিলাম। একটা ঘোড়া ভাড়া লইলাম। নির্দিষ্ট দিনে একটা সুন্দর ফুলের তোড়া ডোরার জন্ম কিনিয়া লইলাম। তার পর অখারোহণে নুরউডের দিকে চলিলাম।

উদ্ভানে ডোরা বসিয়াছিল। নীলবর্ণ শোষাকে তাহার সর্কাস আনৃত। তাহার পার্শ্বে আর এক জন তরুণীকে দেখিলাম। পরিচয়ে জানিলাম, তাহার নাম মিস্ মিল্‌স্। ডোরা তাহাকে জুলিয়া বলিয়া ডাকিল। এই তরুণী ডোরার অন্তরঙ্গ বন্ধু।

জিপকেও সেখানে দেখিলাম। সে আমাকে দেখিয়া আবার ঘেউ ঘেউ করিতে লাগিল। আমি ফুলের তোড়াটা ডোরার হাতে দিতেই সে যেন দাঁতে দাঁত ঘষিতে লাগিল।

ডোরা বলিল, “ধন্যবাদ, মিঃ কপারফিল্ড! কি চমৎকার ফুল।”

আমি কি কথা বলিব, তাহা তিন মাইল পথ ভাবিতে ভাবিতে আসিয়াছিলাম। ফুলগুলিকে প্রথম সুন্দর ভাবিয়াছিলাম, কিন্তু তাহার পার্শ্বে এই ফুলগুলির জ্যোতি ম্লান হইয়া গিয়াছে, এমনই সব কথা বলিব ভাবিয়াছিলাম। কিন্তু সে যখন তাহার নাকের সান্নিধ্যে ফুলের তোড়াটা রাখিল, তখন আমার ভাষা শুক্ক হইয়া গেল। ভাগ্যে তখন বলি নাই—“মিস্ মিল্‌স্, যদি প্রাণে দয়া থাকে, আমায় মেরে ফেলুন! আমায় এখানে ম’রে যেতে দিন!”

ডোরা ফুলের তোড়াটা জিপের নাসারঞ্জের কাছে ধরিল। সে মাথা সরাইয়া লইল। পুনরায় তাহার কাছে ধরিতে সে একটা ফুলের পাপড়ি দাঁত দিয়া ছিন্ন করিয়া ফেলিল। ইহাতে ডোরা তাহাকে প্রহার করিল।

তার পর ডোরা বলিল, “মিঃ কপারফিল্ড, আপনি গুনে খুসী হবেন যে, মিস্ মর্ডেটোন এখানে নাই। তাঁর ভায়ের বিয়ে, তাই তিনি চ’লে গেছেন। তিন সপ্তাহ তিনি এখানে আসবেন না। এটা ভাল খবর নয় কি?”

আমি বলিলাম, যাহা তাঁহার কাছে প্রীতিপ্রদ, তাহা আমারও প্রীতিপ্রদ। মিস্ মিল্‌স্, আমাদের কথায় হাসিতে লাগিল।

ডোরা বলিল, “এমন বিক্রী লোক আমি দেখিনি। জুলিয়া, তুমি জান না, সে কি বিক্রী প্রকৃতির মেয়েমানুষ!”

জুলিয়া বলিল, “আমি জানি।”

মিঃ স্পেনলো বাড়ীর মধ্য হইতে বাহির হইলেন। ডোরা তাঁহার কাছে গিয়া বলিল, “বাবা, কি সুন্দর ফুল দেখুন।”

একখানা ফিটনে চড়িয়া তাঁহারা ও অশ্বারোহণে আমি আমরা এই চারি জন বনভোজনে চলিলাম।

কতক্ষণ গাড়ী চলিয়াছিল, জানি না। মনে হইতেছিল, যেন আরব্যোপন্যাসের যাজকর তাহার ইন্দ্রজালপ্রভাবে এই দিনটি শুধু আমাদের জন্য সংরক্ষিত রাখিয়াছিল। একটা পাহাড়ের ধারে তৃণ-শ্রামল ক্ষেত্রে আসিয়া পৌছিলাম।

বৃক্ষতলে আরও কয়েক জন নর-নারী অপেক্ষা করিতেছিল। আমরা সেখানে গিয়া বুড়ি, বাস্ক খুলিয়া ফেলিতে লাগিলাম। নানাবিধ খাদ্যদ্রব্য বাহির হইল। আমার

অপেক্ষা কয়েক বৎসরের বড় এক জন যুবককে সে দলে দেখিলাম। সে ক্রমাগত ডোরার সহিত আলাপ জমাইবার চেষ্টা করিতে লাগিল। আহাৰাদি সমাপ্ত হইলে আমার মন বড় বিমর্ষ হইয়া পড়িল। শরীর অস্বস্থ, এই অঙ্কুহাতে আমি সরিয়া পড়িব কি না, ভাবিতেছিলাম।

ঠিক এমন সময়ে ডোরা ও মিস্ মিল্‌স্ আমার কাছে আসিল।

মিস্ মিল্‌স্ বলিল, “মিঃ কপারফিল্ড, আপনাকে এমন অগ্ৰমনস্ক এবং নিরুৎসাহ দেখাচ্ছে কেন?”

আমি বলিলাম যে, না, আমি ভালই আছি।

“ডোরা, তুমিও কি মনমরা হয়ে আছ?”

না, না সে তাহা হয় নাই।

মিস্ মিল্‌স্ বলিল, “মিঃ কপারফিল্ড ও ডোরা, চের হয়েছে। সামান্য কারণে আজকের এমন সুন্দর দিনটাকে ম্লান ক’রে দিও না। যে ঝরণার জল উচ্ছ্বসিত হয়ে উঠেছে, তাকে বন্ধ ক’রে সাহারায় পরিণত করাতে পাবে না।”

আমি কি করিয়াছিলাম, সে সম্বন্ধে আমার চেতনা ছিল না। তবে আমি ডোরার ক্ষুদ্র করপল্লব গ্রহণ করিয়া তাহা চুষন করিয়াছিলাম। সে তাহাতে বাধা দেয় নাই। মিস্ মিল্‌সেরও করপল্লব চুষন করিলাম। তখন মনে হইল, যেন সপ্তম স্বর্গে আমি যাত্রা করিয়াছি।

আমরা তিন জনে চারিদিকে ঘুরিয়া ফিরিয়া বেড়াইতে লাগিলাম। ডোরার বাহু আমার বাহুতে আবদ্ধ করিয়া বেড়াইতে লাগিলাম, এইভাবে বহুক্ষণ কাটিয়া গেল। তার পর ডোরার খোঁজ পড়িল। “ডোরা কোথায়।” এই কথা কাণে যাইবামাত্র আমরা সে দিকে অগ্রসর হইলাম। সকলে ডোরার গান শুনিতে চাহিল, বাত-যন্ত্রটির খোঁজ পড়িল। আমিই উহা আনিয়া ডোরার সম্মুখে স্থাপন করিলাম। তাহার পাশে আমি আসন গ্রহণ করিলাম। সেই ছোকরাটি আসন পাইল না।

ডোরা গান গাহিল, মিস্ মিল্‌স্ গান করিল। আরও অনেকে গান গাহিল! মহানন্দে সময় কাটিতে লাগিল। মনে হইল, আমার মত সুখী কেহ নাই। অবশেষে আমাদের সভাভঙ্গ হইল। যে যাহার স্থানে একে একে চলিয়া গেল। আমরাও আমাদের গন্তব্যপথে বাহির হইলাম। শ্রাম্পেনপানে মিঃ স্পেনলো একটু তন্দ্রাভিভূতের মত হইয়া পড়িয়াছিলেন। গাড়ীর এক কোণে পড়িয়া তিনি গাঢ় নিদ্রায় অভিভূত হইলেন। আমি অঙ্গপৃষ্ঠে ডোরার পাশে পাশে চলিলাম। সে আমার ঘোড়াটির গায় হাত দিয়া তাহার খুব প্রশংসা করিল। ডোরার গায়ের শাল মাঝে মাঝে স্থানভ্রষ্ট হইতেছিল, আমি উহা যথাস্থানে বিস্তৃত করিয়া দিতেছিলাম। জিপ এখন বোধ হয় ব্যাপার কতকটা বৃষ্টিতে পারিয়াছিল, তাই সে আমার সহিত বন্ধুত্ব করিবার প্রত্যাশী, মনে হইল।

মিস্ মিলস্ বলিল, “মিঃ কপারফিল্ড, একবার গাড়ীর  
এ-পাশে আসুন না, আপনার সঙ্গে একটা কথা আছে।”

আমি তাহার পার্শ্বে গিয়া দাঁড়াইতেই সে বলিল, “ডোরা  
আমাদের বাড়ী দিনকয়েক থাকবে। পরশু দিন আমাদের  
বাড়ী ওকে নিয়ে যাব। আপনি যদি আমাদের ওখানে  
যান, বাবা আপনাকে দেখে ভারী খুসী হবেন।”

আমি মনে মনে মিস্ মিলস্‌দের শুভ-কামনা করিলাম।  
আমি তাহাকে আমার হৃদয়ের কৃতজ্ঞতা নিবেদন করিলাম।  
তাহার এই বন্ধুত্ব আমি জীবনে বিস্মৃত হইব না।

আমাকে পুনরায় ডোরার পার্শ্বে ঘাইবার জ্ঞ  
বলিল। সমগ্র পথ আমি ডোরার সহিত গল্প করিতে  
করিতে চলিলাম।

নরউডে পৌঁছিতে বিলম্ব হইল। মিঃ স্পেন্সলের  
নিদ্রাঘোর তখন অস্বহিত হইয়াছিল। বাড়ী পৌঁছিলে তিনি  
বলিলেন, “কপারফিল্ড, তুমি ভেতরে এস, তোমার বিশ্রাম  
করা দরকার।”

সাগ্রহে আমি নিমন্ত্রণ গ্রহণ করিলাম। আমরা সকলেই  
গাওউইচ এবং সুরা গ্রহণ করিলাম। ডোরার মুখের সলজ্জ  
ভাবে আজ তাহাকে চমৎকার দেখাইতেছিল। তাহাকে  
ছাড়িয়া চলিয়া আসিতে বড় কষ্টবোধ হইতেছিল। কিন্তু  
আর বিলম্ব করা শোভন নহে, মিঃ স্পেন্সলের নাসিকা-ধ্বনি  
হইতেছে। সুতরাং বিদায় লইলাম।

পরদিবস নিদ্রাভঙ্গের পর আমার মনে দৃঢ় সংকল্প হইল  
যে, আমার এই প্রণয়াবেগের কথা ডোরার কাছে প্রকাশ  
করিব। সুখ অথবা দুঃখ, আমার অদৃষ্টে কি আছে, তাহাই  
এখন প্রশ্ন দাঁড়াইল। পৃথিবীর আর কোনও প্রশ্ন এখন  
আমার মনে স্থান পায় নাই। ডোরাই এখন আমার এই  
প্রশ্নের উত্তর দিতে পারে। কয়দিন চিন্তার পর আমি  
মিস্ মিলস্‌দের সঙ্গে দেখা করিয়া কথাটা পাড়িব ঠিক  
করিলাম।

বাড়ীতে গিয়া দ্বারে আঘাত করিলাম। জানিলাম, মিঃ  
মিলস্ বাড়ী নাই। তাঁহাকে আমার প্রয়োজন ছিল না।  
মিস্ মিলস্ বাড়ী আছে। দ্বিতলের একটি কক্ষে আমি নীত  
হইলাম। সেই ঘরে ডোরা এবং মিলস্ বসিয়াছিল, জিপকেও  
দেখিলাম। সে দিন আমি যে ফুলের তোড়া উপহার  
দিয়াছিলাম, দেখিলাম, আজও তাহা ডোরার সন্মুখে টেবলের  
উপর রক্ষিত আছে।

আমাকে দেখিয়া মিস্ মিলস্ সুখী হইল; তাহার বাবা  
বাড়ী নাই, এজ্ঞ সে দুঃখপ্রকাশও করিল। খানিক  
গল্প করার পর কি একটা কাজে মিস্ মিলস্ সে  
ঘর হইতে উঠিয়া গেল। আমরা দুই জনে মুখোমুখী  
বসিয়া।

ডোরা বলিল, “আপনার ঘোড়াটা সেদিন খুব ক্লান্ত হয়ে  
পড়েনি বোধ হয়?”

আমি ভাবিলাম, কথাটা আজই প্রকাশ করিয়া ফেলি।  
ভাবিয়াই বলিলাম, “অনেকটা পথ, পথে দেখবার মত কিছু  
ছিল না, কাজেই ক্লান্ত হইয়াছিল বৈ কি।”

“তাকে ভাল ক’রে খেতে দেননি কেন?”

“তা দিয়েছিলাম, কিন্তু আমার যেমন আনন্দের বস্তু  
সঙ্গে ছিল, তার ত তা ছিল না।”

ডোরা মাথা নত করিল। তার পর খানিক পরে বলিল,  
“সে সুখ যেন সব সময় আপনার ছিল না। মাঝে একবার  
যেন বিষণ্ণ হয়ে পড়েছিলেন।”

ভাবিলাম, এখনই সুযোগ। এইবার মনের কথা  
প্রকাশ করিতে পারি। আমি তখনই ডোরাকে  
বাহুপাশে বন্দী করিয়া বলিলাম, আমি তাহাকে কত  
ভালবাসি। আমি তাহাকে মনে মনে পূজা করি।

জিপ এই সময় ভীষণ ষেউ ষেউ করিতে লাগিল।

ডোরা মাথা নত করিল, তাহার সর্বদেহ কম্পিত হইতে  
লাগিল। ডোরা বিহনে আমার জীবন অন্ধকার, তাহাকে  
না হইলে আমার চলিবে না, এই সকল কথা আবেগভরে  
বলিয়া চলিলাম।

ক্রমে উভয়ে অনেকটা শান্তভাবে পাশাপাশি বসিলাম।  
আমার মন তখন স্বর্গরাজ্যে ভ্রমণ করিতেছিল। আমরা  
পরস্পরের বাগ্‌দত্ত হইলাম। অবশ্য এই মিলন বিবাহে  
পর্যবসিত হইবে, তাহার একটা মোটামুটি ধারণা আমার  
ছিল। ডোরা অবশ্য বলিল যে, তাহার পিতার অমুমোদন  
ব্যতীত বিবাহ সম্ভবপর নহে। আপাততঃ আমাদের প্রণয়-  
কাহিনী গোপন রাখিতে হইবে। মিঃ স্পেন্সলোকে এখন  
জানান হইবে না। কিন্তু আমি সত্যই বলিব, এই গোপন  
করাটা যে অসম্ভব, তাহা আলৌ আমার মস্তিষ্কে স্থান  
পায় নাই।

মিস্ মিলস্ আমাদের গুভাশিস জ্ঞাপন করিল।  
আমাদের বন্ধুত্ব অটুট থাকিবে, তাহাও জানাইল।

আমি ডোরার অঙ্গুলির মাপ লইলাম। আমার আনন্দ  
রাখিবার স্থান ছিল না।

আমাদের বাগ্‌দান-ব্যাপারের এক সপ্তাহের মধ্যে  
আমাদের মধ্যে কলহ দেখা দিল। ডোরা আমার প্রদত্ত  
অঙ্গুরীয় আমায় ফেরৎ দিল।

আমি ভয়হৃদয়ে মিস্ মিলস্‌এর বাড়ী দৌড়িলাম।  
তাহার দৌত্যে আবার আমাদের মধ্যে মিলনের সুর ঝঙ্কত  
হইয়া উঠিল। এইভাবে আমাদের প্রথম যৌবনারম্ভের  
প্রণয়লীলা চলিতে লাগিল।



### চতুর্দশ পরিচ্ছেদ

ডোরার সহিত আমার বাগান-ব্যাপারের পরই আমি আগনেস্কে সকল কথা খুলিয়া লিখিলাম। সেই দীর্ঘ-পত্রে আমি তাহাকে বুঝাইতে চেষ্টা করিলাম, আমি ডোরাকে কত ভালবাসিয়া ফেলিয়াছি। সে পত্রে আমি ষ্টিয়ারফোর্ডের সম্বন্ধে বিশেষ কিছু লিখিলাম না। শুধু এমিলির পলায়নে ইয়ারমাউথে যে শোচনীয় অবস্থা ঘটিয়াছে, তাহাই আগনেস্কে জানাইলাম। আমি জানিতাম, বুদ্ধিমতী আগনেস্ হইয়া হইতেই আসল ব্যাপারটি বুঝিয়া লইবে।

আমি সে পত্রের উত্তর লিখিই পাইলাম। তাহার পত্র পড়িয়া মনে হইতে লাগিল, সে যেন আমার সম্মুখে বসিয়া কথা বলিতেছে।

আমি যখন বাসায় ছিলাম না, ট্রাডেলস্ আসিয়াছিল। পেগটী আমার ধাত্রী-জননী, এ কথা অবগত হইয়া সে তাহার সহিত খুব আলাপ জমাইয়া লইয়াছিল।

পেগটী আসার পর হইতে মিসেস্ ক্রুপ অসন্তুষ্ট হইয়াছিল। সে পেগটীকে নানা প্রকারে অসুবিধায় ফেলিবার চেষ্টা করিতেছিল। কিন্তু আমরা তাহা অগ্রাহ করিয়াই চলিয়াছিলাম।

ট্রাডেলস্ এক দিন আসিবে বলিয়া গিয়াছিল। ঠিক সময়ে সে আসিল। সে জিজ্ঞাসা করিল, “কেমন আছ, ভাই?”

আমি বলিলাম, “তোমাকে দেখে খুসী হয়েছি। মাঝে তুমি এসেছিলে, আমি বাসায় ছিলাম না, দেখা হয়নি। ভারী ব্যস্ত ছিলাম।”

ট্রাডেলস্ বলিল, “তা আমি জানি। তোমার প্রণয়িনী লগুনে থাকেন।”

বলিলাম, “হাঁ, লগুনের কাছেই থাকেন।”

ট্রাডেলস্ বলিল, “আমারটি থাকেন ডিডনসায়ারে। কাজেই তোমার মত ব্যস্ত থাকা আমার দ্বারা হয় না।”

আমি বলিলাম, “তুমি কি করে সহ্য কর?”

ট্রাডেলস্ বলিল, “উপায় নেই বলে সহ্য করতে হয়।”

আমি জিজ্ঞাসা করিলাম, “তোমার প্রণয়িনীর মা আছেন?”

“হ্যাঁ, ভাই, আছেন। কিন্তু বাতে তাঁর সকল অঙ্গ পঙ্গু।”

“বাস্তবিক বড় দুঃখের কথা।”

ট্রাডেলস্ বলিল, “কিন্তু সোফী মার সব কাজ করেন। ছোট ছোট ভাইবোনদের সেবা, মায়ের সেবা সবই তাঁর ঘাড়ে।”

আমার মন অস্বস্তি পূর্ণ হইল। এই তরুণী নারী এমনই-ভাবে সেবাধর্ম পালন করিয়া চলিয়াছেন।

মিঃ মিক্‌বারের কথা ট্রাডেলস্কে জিজ্ঞাসা করিলাম। সে বলিল যে, মিক্‌বার-দম্পতি এখন তাহার সঙ্গে থাকেন না। তবে তাঁহারা ভাল আছেন।

তার পর ট্রাডেলস্ নিঃশব্দে বলিল, “মিঃ মিক্‌বার নাম বদলে ফেলেছেন। মটিমার নাম নিয়ে তিনি রয়েছেন। পাওনাদারের তাগাদায় সন্ধ্যা না হলে ঘরের বার হন না। তাও চোখে চসমা পরে। বাড়ীভাড়া নিয়ে হাজিমা হয়। বাধ্য হয়ে আমি সেই ব্যাপারে আমার নাম দেই। ব্যাপারটা অবশ্য চুকে যায়। কিন্তু আবার একটা ডিগ্রী এসে হাজির হ’ল—সাত দিন পরে। সে বাসা আমি ছেড়ে দিলাম। মটিমার-দম্পতি খুব গোপন আছেন। আমার অনেকগুলো জিনিষ পাওনাদাররা নীলাম করে নিয়েছে।”

আমি বলিলাম, “কি সর্বনাশ!”

ট্রাডেলস্ বলিল, “জিনিষগুলি আমি সোফীর জন্ত কিনেছিলাম। কাজেই সেগুলো পুনরায় কিনে নেবার আমার ইচ্ছে আছে। তবে হাতে টাকা নেই, আর আমার আগ্রহ দেখে, যে দোকানদার সেগুলো কিনেছে, সে বেশী করে দাম হাঁকছে। আমি কিন্তু আশা ছাড়িনি। তার দোকানে লক্ষ্য রেখেছি। আজ দেখলাম যে, এখনও জিনিষগুলি আছে। টাকাও আমি যোগাড় করেছি। তবে আমি কিনতে গেলে বেশী দাম হাঁকবে। তাই তোমার ধাইমাকে দিয়ে কেনাব। আমি দূর থেকে জিনিষগুলো দেখিয়ে দেব, তিনি গিয়ে দর করে কিনবেন।”

আমি এ প্রস্তাবে খুব খুসী হইলাম। পেগটী যে এ বিষয়ে সাগ্রহে সাহায্য করিবে, তাহাকে আমি সে কথা বলিলাম। তার পর বলিলাম যে, মিঃ মিক্‌বারকে সে যেন আর কোন রকমে ধর না দেয়, বিশেষতঃ তাঁহার দেনা যেন ঘাড়ে করিয়া না লয়।

ট্রাডেলস্ বলিল যে, সে কথা এখন সে ভাল করিয়াই বুঝিয়াছে। তবে মিঃ মিক্‌বারের উদ্দেশ্য যে মন্দ, এ কথা তাহার মনে হয় না। তিনি পারেন নাই, তাই দেনা শোধ করিতে অসমর্থ হইয়াছেন। আমি সে সম্বন্ধে আর বিশেষ আলোচনা করা সম্ভব মনে করিলাম না।

তার পর আমাদের শিক্ষামত পেগটী নির্দিষ্ট দোকানে গিয়া জিনিষগুলি সস্তা দরে কিনিয়া লইয়া আসিল। ট্রাডেলস্ তাহাতে ভারী খুসী হইল।

বাসার ফিরিয়া আসিয়া আমি সবিস্ময়ে দেখিলাম, আমার ঘরে পিতামহী ও মিঃ ডিক্‌ বসিয়া আছেন। পিতামহী অনেক জিনিষ-পত্র আনিয়াছেন। তাঁহার পারী, ঝাঁচা, চেয়ার সঙ্গে আনিয়াছেন। একখানা চেয়ারে তিনি বসিয়া আছেন। সে চেয়ারখানা তাঁহারই।

আনন্দে উল্লসিত হইয়া আমি বলিলাম, “ঠাকুরমা, আপনি কখন এলেন? এ কি আনন্দ!”

পরস্পরের অভিমান-ক্রিয়া শেষ হইলে, পিতামহী পেগটিকে বলিলেন, “তুমি কেমন আছ?”

আমি বলিলাম, “পেগটী, ঠাকুরমাকে তোমার মনে আছে?”

পিতামহী বলিলেন, “ট্রট, ও নাম ছেড়ে দাও। স্বামীর পদবী দিয়ে ত ওকে ডাকা যেতে পারে! এখন তোমার কি নাম, পি?”

পেগটী বলিল, “বার্কিস্।”

“এ নাম ভাল। কেমন আছ, বার্কিস্? আশা করি, ভাল আছ?”

পিতামহীর প্রসারিত কর গ্রহণ করিয়া পেগটী অনেকটা নিশ্চিন্ত হইল। আমি একখানা সোফায় তাঁহাকে আরাম করিয়া বসিতে বলিলাম। তিনি অসম্মত হইলেন।

ঠাকুরমা বলিলেন, “আগের চেয়ে আমরা আরও বুড়ো হয়ে গেছি। তখন আমরা কি ভাল কাজই করেছিলুম। ট্রট, এক পেয়লা চা দাও।”

চা-পর্ক আরম্ভ হইয়াছিল। আমি পেয়লায় চা ঢালিয়া দিলাম।

মিসেস্ ক্রুপ টেবলের ধারে দাঁড়াইয়াছিল। ঠাকুরমা তাহাকে বলিলেন, “তোমাকে আর দাঁড়াতে হবে না, যেতে পার।”

মিসেস্ ক্রুপ বলিল, “যাবার আগে পাত্রে কি আরও চা ঢেলে দেব?”

“না, ধন্যবাদ! আর দরকার হবে না।”

মিসেস্ ক্রুপ চলিয়া গেল। ঠাকুরমা পেগটীকে বলিলেন, “বার্কিস্, তুমি আমাকে এক পেয়লা চা দাও।”

আমি বুদ্ধিমান ছিলাম, ঠাকুরমা যখন আসিয়াছেন, বিশেষ কোন প্রয়োজন আছেই। নহিলে হঠাৎ এমন ভাবে কখনই আসিতেন না। তিনি পুনঃ পুনঃ আমার দিকে চাহিতেছিলেন। কি যেন বলিবার আছে, অথচ ইতস্ততঃ করিতেছেন, এমনই যেন আমার বোধ হইল। ভাবিলাম, আমি এমন কোন কাজ করিয়া ফেলিয়াছি, যাহাতে তিনি অসন্তুষ্ট হইয়াছেন। নচেৎ এমন করিয়া আমার দিকে কেন চাহিতেছেন?

চা-পান শেষ হইলে পিতামহী তাঁহার বস্ত্র সমান করিয়া লইয়া বলিলেন, “বার্কিস্, তুমি যেও না। ট্রট, তোমার মনের বল খুব আছে?”

“হাঁ, ঠাকুরমা।”

তিনি বলিলেন, “তুমি কি ভাবছ বল ত?”

“এমনি ভাবছি, তেমন কিছু নয়।”

আমার মুখের দিকে আগ্রহভরে চাহিয়া তিনি বলিলেন, “আমি আমার চেয়ারে কেন বসে আছি বল ত, ট্রট?”

আমি মাথা নাড়িয়া জানাইলাম, উহা আমার অনুমানের অতীত।

তিনি বলিলেন, “আমার সর্বস্ব আমি এখানে এনেছি। এ ছাড়া আমার আর কিছু নেই। আমার সব গেছে।”

যদি সমস্ত বাড়ীটা তখন আমার উপর ভাঙ্গিয়া পড়িত, আমি তাহাতে এত বিস্মিত হইতাম না।

পিতামহী বলিলেন, “ডিক্ সব জানেন।” তিনি আমার স্বল্পদেশে তাঁহার হাত প্রশান্তভাবে রক্ষা করিলেন। তার পর বলিলেন, “ট্রট, প্রাণাধিক, আমি আজ সর্বস্বান্ত হয়েছি। আমার যা কিছু সব এই ঘরে। শুধু বাড়ীখানা আছে। আমি জেনেটকে সে বাড়ী ভাড়া দেবার ভার দিয়ে এসেছি। বার্কিস্, এই ভদ্রলোকের জন্ম আজ রাত্তিতে একটা বিছানা চাই। খরচা বাঁচাবার জন্ম আমারও বিছানা এখানে ক’রে নিতে হবে। যা কিছু হলেই হবে। শুধু আজকের রাত্রির জন্ম। কাল এ বিষয়ে অন্য ব্যবস্থা করা যাবে।”

আমি তখনই ঝাড়া দিয়া উঠিলাম। আজ তিনি আমার ঘাড়ে পড়িয়াছেন, ইহাতে আমার ক্ষোভের সীমা নাই। বলিলাম যে, আমার জন্মই আজ তাঁহার এ হৃদশা।

পিতামহী প্রফুল্লভাবে বলিলেন, “আমরা সাহস সুহকারে সকল অবস্থাকে বরণ ক’রে যেন নিতে পারি। হৃদশায় অভিভূত হ’লে চলবে না। যে খেলা চলেছে, তা শেষ করতে হবে। ট্রট, হৃৎক-কষ্টকে জয় করতে হবে।”

### পঞ্চত্রিংশ পরিচ্ছেদ

আমি একটু আশ্বস্ত হইবামাত্র মিঃ ডিক্কে হাঙ্গারফোর্ড মার্কেটে লইয়া গেলাম। এইখানে মিঃ পেগটীর জন্ম যে কক্ষ নির্দিষ্ট করিয়াছিলাম, তাহাতেই তাঁহার থাকিবার ব্যবস্থা হইল। ঘর দেখিয়া মিঃ ডিক্ সুখী হইলেন।

আমি মিঃ ডিক্কে জিজ্ঞাসা করিলাম যে, আমার পিতামহীর এই প্রকার আকস্মিক ভাগ্যবিপর্যায়ের কারণ তিনি জানেন কি না। তিনি বলিলেন যে, কিছুই তিনি অবগত নহেন। গত পরশ্ব তিনি সহসা মিঃ ডিক্কে বলেন যে, তাঁহার সর্বস্ব নষ্ট হইয়াছে। ইহার অধিক পিতামহী তাঁহাকে কিছুই বলেন নাই। তার পর তাঁহারা উভয়ে আমার এখানে আসিয়াছেন।

ঠাকুরমার অসাধারণ সহিষ্ণুতা দেখিলাম। এমন অবস্থান্তর ঘটয়াছে, অথচ তিনি বিন্দুমাত্র বিচলিত নহেন। ইহা আমাদের পক্ষে বিশেষভাবে শিক্ষণীয় ব্যাপার।

তিনি রাত্তিতে শয়নকালে প্রত্যহ যে পানীয় ব্যবহার করিতেন, আমি তাহা তৈয়ার করিতে উত্তত হইলে, ঠাকুরমা বলিলেন, “না, ওর প্রয়োজন নেই।”

“কিছু খাবেন না, ঠাকুরমা?”

“স্বরা নয়—জবে এন্ একটু দিতে পার।”

বলিলাম, “আপনি এতে অভ্যস্ত। না খেলে আপনার কষ্ট হবে।”

পিতামহী বলিলেন, “অসুখ-বিসুখের সময় খেলে হবে। এখন এলুই আমার পক্ষে যথেষ্ট।”

আমি নিজে গিয়া তাঁহার জন্ম এন্ড মৃত্যু কিনিয়া আনিলাম।

পিতামহী বলিলেন, “টুট, বৎস! যদি এমন দিন আসে, এলুও পাব না, তাতেও আমাদের চলে যাবে।”

খানিক পরে তিনি বলিলেন, “টুট, এই বার্কিস্ (পেগটী) তোমার খুব ভালবাসে দেখছি।”

আমি বলিলাম, “সে আমার জন্ম না পারে, এমন কাজ নেই, ঠাকুরমা।”

“ঠিক কথা। খানিক আগে সে আমাকে বলছিল, তার কাছে অনেক টাকা আছে। সে টাকা সে আমায় দিতে চাচ্ছিল। ভারী সরল লোক সে।”

দেখিলাম, বলিতে বলিতে তাঁহার চক্ষু অশ্রুপূর্ণ হইল।

“বার্কিসের সঙ্গে আমার অনেক কথা হয়েছে। আমি সব কথাই শুনেছি। এই সব বোকা মেয়ের পরিণাম যে কি হবে, আমি বুঝতে পারিনে।”

আমি বলিলাম, “বেচারী এমিলি।”

“না, না, বেচারী বলো না। তার গোড়াতেই ভেবে দেখা উচিত ছিল। টুট, আমাকে একটা চুমা দেও। তোমার এই বয়সে যে অভিজ্ঞতা লাভ হয়েছে, সেই জন্ম আমি বাস্তবিক হুঃখিত।”

আমি পিতামহীকে চুমা দিবার পর তিনি বলিলেন, “টুট, তুমি প্রেমে পড়েছ না কি?”

আমি বলিলাম, “আমি তাকে সারা প্রাণ দিয়ে পূজা করি, ঠাকুরমা।”

“তার নাম ডোরা না? তোমার ধারণা, সে ভারী সুন্দরী?”

“সে কি রকম চমৎকার, তা ধারণা করবার শক্তি সকলের নেই।”

পিতামহী বলিলেন, “সে নির্যোধ নয় ত?”

“নির্যোধ!”

“অর্থাৎ চপলমতি নয় ত?”

“চপলমতি, ঠাকুরমা!”

“না, না, আমি তা বলছি না। শুধু তোমাকে জিজ্ঞাসা করছি। আমি তার অমর্যাদা করছি না। তোমরা ভেবেছ যে, তার জন্ম তুমি এবং তোমার জন্ম সে পৃথিবীতে এসেছে?”

পিতামহী বেশ দরদের সহিত কথাটা বলিলেন, তাহাতে আমার অন্তর আর্দ্র হইল।

আমি বলিলাম, “এ কথা ঠিক, আমরা সংসার সম্বন্ধে অনভিজ্ঞ। এ কথাও সত্য যে, আমরা অর্ধহীন অনেক কথা জারি এবং কাজও করি। কিন্তু তা হলেও আমরা পরস্পর পরস্পরকে ভালবাসি, ঠাকুরমা। আমি আর কাকেও

ভালবাসতে পারব না। তার প্রতিও আমার প্রেমের গভীরতা হ্রাস পাবে না।”

মাথা আন্দোলিত করিয়া পিতামহী গভীরভাবে হাসিলেন, বলিলেন, “হায় টুট!—অঙ্ক, অঙ্ক, অঙ্ক!”

আমি বলিলাম, “ডোরা কিরূপ আন্তরিকভাবে আমার ভালবাসে, আপনি যদি তা জানতেন, ঠাকুরমা।”

তিনি আবার বলিলেন, “টুট, অঙ্ক, অঙ্ক!”

কথাটা যেন একটা মেঘের সঞ্চারণ করিল।

পিতামহী বলিলেন, “যাক্, আমি তোমাদের মিলনে বাধা দিতে চাই না, তবে তোমরা এখনও বালক-বালিকা-মাত্র। তা হলেও এক সময়ে তোমাদের মিলন ঘাতে হয়, তা করা যাবে। তবে এখন বিলম্ব আছে।”

অবশ্য আমার মত প্রেমাস্ক স্ববকের পক্ষে এরূপ উক্তি বিশেষ সুখকর না হইলেও, আমি পিতামহীকে আমার মনের কথা জানাইতে পারিয়াছি বলিয়া তৃপ্তিলাভ করিলাম।

পিতামহী ক্লান্ত, স্তবরাং তাঁহার শয়নের ব্যবস্থা করিয়া দিয়া আমিও শয়ন করিলাম। কিন্তু কোনমতেই নিদ্রা আসিল না। ডোরার চিন্তাই আমাকে আচ্ছন্ন করিয়া রাখিল। তাহার সম্বন্ধে কত রকম স্বপ্ন দেখিলাম।

পরদিবস সকালবেলা স্নানান্তে আমি পথে বাহির হইলাম। মিঃ স্পেন্সেলোর সঙ্গে দেখা করিয়া আমার শিক্ষানবিশীর জন্ম যে হাজার পাউণ্ড জমা দেওয়া আছে, তাহা হইতে কিছু টাকা ফিরিয়া পাওয়া যায় কি না, তাহা জিজ্ঞাসা করিব। আমার প্রোক্টর হওয়ার আশা ছাড়িয়া দিতে হইবে।

সকালেই মিঃ স্পেন্সেলোর আপিসে গিয়া তাঁহার দেখা পাইলাম। তিনি বলিলেন, “সুপ্রভাত, কপারফিল্ড! কেমন আছ?”

আমি বলিলাম, “আপনার সহিত একটা জরুরী কথা আছে।”

“এস, ঘরের মধ্যে যাই।”

ঘরের মধ্যে প্রবেশ করিয়া আমি বলিলাম, “ঠাকুরমার কাছ থেকে যে খবর এসেছে, সেটা ভাল নয়।”

“কি রকম? তাঁর পক্ষাঘাত হয়েছে না কি?”

আমি বলিলাম, “স্বাস্থ্য সম্বন্ধে নয়। তাঁর অর্থসম্পদ হঠাৎ সবই নষ্ট হয়ে গেছে, খবর পেলুম।”

মিঃ স্পেন্সেলো বলিলেন, “তুমি আমায় অবাক করলে, কপারফিল্ড!”

আমি বলিলাম, “কথা কিন্তু সত্য। ঠাকুরমার আর্থিক অবস্থার এমন পরিবর্তন ঘটেছে যে, আমার জন্ম যে প্রিমিয়ামের টাকা জমা দেওয়া আছে, তা থেকে কিছু ফেরত পেলে ভাল হয়। আমার আর্টিকেল হওয়া রদ করে দিতে হবে।”



“বল কি কপারফিল্ড, তোমার আটিকেল হওয়া রহিত করতে হবে?”

আমি তাঁহাকে কথাটা বুঝাইয়া বলিলাম। অবস্থা যেরূপ হাড়াইয়াছে, তাহাতে আমাকে অর্থোপার্জন না করিলে গ্রাসাচ্ছাদন বন্ধ হইয়া যাইবে। সুতরাং এখন যদি কিছু ফেরত পাওয়া যায়, আমাদের বিশেষ উপকার হইবে।

মিঃ স্পেনলো বলিলেন, “বড়ই দুঃখিত হচ্ছি, কপারফিল্ড, কিন্তু তা হবার নয়। এ রকম রীতি ত নেই যে, টাকা ফেরত দিতে হবে। বিশেষতঃ আমার ভাগীদার মিঃ জরকিন্‌স্‌ এতে মোটেই রাজী হবেন না।”

আমার সকল আশা ধূলিসাৎ হইল। তথাপি বলিলাম যে, আমি যদি মিঃ জরকিন্‌স্‌কে রাজী করাইতে পারি, তাহাতে তাঁহার অনুমোদন আছে ত?

তিনি বলিলেন, “তাতে কোন ফল হবে না। মিঃ জরকিন্‌স্‌কে আমি জানি, তিনি রাজী হবেন না।”

তথাপি আমি চেষ্টা করিয়া দেখিলাম। কিন্তু মিঃ জরকিন্‌স্‌ আমার কথায় কর্ণপাত করিলেন না। কাজের চূতা করিয়া তিনি অল্প দিকে তাড়াতাড়ি চলিয়া গেলেন।

নিরুৎসাহ হইয়া আমি বাসার দিকে ফিরিলাম।

বাসার কাছে আসিতেই দেখিলাম, একখানি ভাড়াটিয়া গাড়ী সঙ্গে সঙ্গেই গৃহদ্বারে থামিল। একখানি সুন্দর মুখ আমার দিকে চাহিয়া হাসিতেছে।

সানন্দে বলিয়া উঠিলাম, “আগনেস্‌, প্রাণাধিকা আগনেস্‌! তুমি, তুমি এসেছ!”

সে বলিল, “হাঁ, আমি।”

আমি বলিলাম, “তোমার সঙ্গে আমার এত কথা আছে, আগনেস্‌! তোমাকে দেখলেই আমার বুক হাল্কা হয়ে ওঠে। আমি এখনই তোমার কথাই ভাবছিলাম। তোমার মুখই মনে পড়ছিল।”

“কি বলছ?”

ঈষৎ লজ্জিতভাবে বলিলাম, “অবশ্য ডোরাই প্রথম।”

আগনেস্‌ হাসিয়া বলিল, “নিশ্চয়, ডোরাই প্রথম।”

“কিন্তু তার পরেই তুমি। কিন্তু তুমি যাচ্ছ কোথায়?”

সে আমার ঘরে ঠাকুরমার সহিত দেখা করিতে যাইতেছিল। আমার বাহুতে ভর দিয়া সে চলিতে লাগিল। সে যেন আমার কাছে মূর্ত্তিমতী আশা। আমার পাশ্বে আগনেস্‌কে পাইয়া আমি যেন নূতন মানুষ হইয়াছি।

পিতামহী তাহাকে সংক্ষিপ্ত পত্র লিখিয়াছিলেন যে, তাঁহার অবস্থাস্থর ঘটিয়াছে। এ জন্ম চিরকালের নিমিত্ত ডোভার ত্যাগ করিয়া আসিতেছেন। আগনেস্‌ তাঁহার পত্র পাইয়া লগুনে আসিয়াছে। বহুদিন হইতেই আগনেস্‌ ও পিতামহীর মধ্যে নিবিড় অন্তরঙ্গতা বর্ধিত হইতেছিল। উভয়েই উভয়কে ভালবাসিতেন, ইহা আমি জানিতাম। আগনেস্‌

বলিল যে, সে একা আসে নাই। তাহার পিতা আসিয়াছেন, সঙ্গে উড়িয়া হিপও আসিয়াছে।

“উড়িয়া এখন তোমার বাবার ব্যবসায়ের অংশীদার। চুলোয় যাক্‌ সে!”

আগনেস্‌ বলিল, “হাঁ, তাই ঠিক। সহরে তাদের কি প্রয়োজন আছে। আমিও সেই সুযোগে এই সঙ্গে চলে এলাম। ট্রট্টউড, আমার এতে স্বার্থ আছে। বাবা ওর সঙ্গে একা আসেন, আমি তা ভালবাসি না। ওকে আমি বিশ্বাস করতে পারি না।”

“আগনেস্‌, এখনও কি উড়িয়া মিঃ উইকফিল্ডের উপর প্রভাব বিস্তার করবার চেষ্টা করে?”

আগনেস্‌ ঘাড় নাড়িয়া জানাইল, তাহা সত্য। তার পর বলিল, “বাড়ীর ব্যাপারে এমন পরিবর্তন হয়েছে যে, তুমি দেখলে আর চিন্তে পারবে না। ওরা আমাদের বাড়ীতেই এখন থাকে।”

“ওরা?”

“মিঃ হিপ ও তার মা। উড়িয়া তোমার ঘরে শোয়।”

আমি বলিলাম, “আমার যদি শক্তি থাকত, আমি তার স্বপ্ন দেখা ঘুচিয়ে দিতাম। ওখানে সে আর ঘুমুতে পারবে না।”

“আমার সেই ছোট ঘরেই আমি থাকি। মনে আছে তোমার সে ঘর?”

“মনে নাই, আগনেস্‌? প্রথম তোমায় চাবীর গোছা নিয়ে ঘর থেকে বেরুতে দেখেছিলাম, সে দৃশ্য চিরদিন আমার মনে থাকবে।”

“সে কথা তোমার মনে আছে শুনে আমার আনন্দ হচ্ছে। তখন কি সুখেই আমরা ছিলাম!”

“হাঁ, সত্যই আমরা সুখে-শান্তিতে ছিলাম!”

“সেই ঘরেই আমি থাকি। কিন্তু মিসেস্‌ হিপকে ত এড়িয়ে চলা যায় না। কাজেই বাধ্য হয়ে তার সঙ্গে আমার করতে হয়। সকল সময়েই সে তার ছেলের গুণগান করতে থাকে। সেটা অবশ্য স্বাভাবিক। সে তার মাকে খুব ভালবাসে।”

আমি আগনেস্‌ের দিকে চাহিলাম। না, তাহার মুখে কোন পরিবর্তন দেখিলাম না।

আগনেস্‌ বলিল, “তারা বাড়ী থাকায়, আমি বাবাকে নিরালায় মোটে পাইনে। এইটাই সব চেয়ে খারাপ ব্যাপার। আমার ও বাবার মধ্যে উড়িয়া হিপ্‌ সকল সময়েই থাকে, তাই আমি তাঁর উপর ঠিক লক্ষ্য রাখতে পারি না। যদি কোন জুয়াচুরী বা জালিয়াতি তাঁর বিরুদ্ধে হয়, আমার বিশ্বাস, আমার স্নেহ, ভালবাসা পরিণামে সব ব্যর্থ করে দেবে। প্রকৃত প্রেম, প্রকৃত সত্য পরিণামে জয়লাভ করে। কোন ছর্ভাগ্য তার ক্ষতি করতে পারে না।”

এমন দীপ্ত হান্ত আমি আর কাহারও মুখে কখনও উদ্ভাসিত হইতে দেখি নাই। সে তখনই আমাকে জিজ্ঞাসা করিল, আমার পিতামহীর অবস্থা-বিপর্যয়ের ইতিহাস আমি জানি কি না। আমি বলিলাম যে, আমি তাহা জানি না। আগনেস্ একটু চিন্তা করিল। বুঝিলাম, তাহার শরীর ঈষৎ স্পন্দিত হইতেছে।

ঠাকুরমা তখন ঘরে একাই ছিলেন। তাঁহাকে কিছু উত্তেজিত দেখিলাম। মিসেস্ ক্রুপের সহিত তাঁহার মতবৈধ ঘটিয়া থাকিবে। পিতামহী তাহাকে ঘর হইতে তাড়াইয়া দিয়াছেন শুনিলাম।

আগনেস্কে পাইয়া তিনি ভারী খুসী হইলেন। আমি পিতামহীকে আমার উদ্ভয়ের কথা বলিলাম। কিন্তু কোন ফল হয় নাই, তাহাও জানাইলাম।

তিনি বলিলেন, “ট্রট, কাজটা বুদ্ধিমানের মত হয়নি। তবে তোমার উদ্দেশ্য যে ভাল, তা আমি স্বীকার করছি। তোমার মন খুব ভাল, তোমার জন্ম আমি গর্ব অনুভব করছি। এখন তোমরা এস, বেটসি ট্রটউডের ব্যাপারটা আলোচনা করা যাক।”

দেখিলাম, আগনেসের মুখ বিবর্ণ হইয়া গিয়াছে। ঠাকুরমা তাঁহার পোষা মার্জারীর গায়ে হাত বুলাইতে বুলাইতে আগনেসের দিকে চাহিয়া রহিলেন।

পিতামহী বলিলেন, “বেটসি ট্রটউড তার সব টাকার ব্যবস্থা নিজেই করবে। ট্রটউড, আমি নিজের কথাই বলছি। তোমার ভাবী বোনের কথা নয়। আমার একটা সম্পত্তি ছিল, সে সম্পত্তির পরিমাণ কত, তা জানবার দরকার নেই। তবে তাতে যা আয় ছিল, তাতে জীবিকা-নির্বাহ সুখেই হ’ত। সেই সম্পত্তির টাকায় অল্প জমী বন্ধক রাখা হ’ত। সুদ মোটাই পাওয়া যেত। তার পর বেটসি ঐ টাকাটা অল্প রকমে খাটাবার চেষ্টা করল। সে নিজেকে খুব বুদ্ধিমতী মনে করেছিল। তার পরামর্শদাতার বুদ্ধি না নিয়ে এবার নিজেই সে অল্প রকমে টাকা লাগাবার মত করলে। আগনেস্, তোমার বাবার কথাই বলছি। তিনি ইদানীং পাকা ব্যবসায়ীর মত কাষ করতে পাচ্ছিলেন না, আমি জান্তাম। তাই তাঁর পরামর্শ নেওয়া প্রয়োজন মনে করিনি। তাই বিদেশের বাজারে টাকাটা খাটাতে দিয়েছিলাম। খনির কাজে প্রথম অনেকটা টাকা নষ্ট হয়ে যায়। তার পর সমুদ্র থেকে রত্ন তুলবার কারবারেও অনেক টাকা বরবাদ হয়ে যায়। তার পর খনির কাষে আবার অনেক টাকা নষ্ট হয়। সব শেষে ব্যাঙ্কের কাষে যা বাকি ছিল, তাও গেল। ব্যাঙ্কে অল্প দেশে শতকরা এক শত টাকা লাভ হলেও ব্যাঙ্ক ফেল হয়ে গেল। এখন শতকরা ৬ পয়সাও পাবার উপায় নেই। আমার সব টাকা বিদেশের ব্যাঙ্কে। ব্যস্, সব শেষ!”

পিতামহী স্তম্ভিত কথায় বলিতেছিলেন, তাঁহার দৃষ্টি আগনেসের উপরেই স্থবল ছিল। আগনেসের মুখের বিবর্ণতা

ক্রমেই যেন দূরীভূত হইতেছিল। সে বলিল, “প্রিয় মিস্ ট্রটউড, সব ইতিহাস কি বলেছেন, না আরও আছে?”

পিতামহী বলিলেন, “যা বলেছি, তা যথেষ্ট, বৎসে! আরও যদি বেশী টাকা লোকমান দেবার মত থাকত, তা হলেও সব ইতিহাস বলা হ’ত না। বেটসি নিশ্চয় সে সব টাকা ঐভাবেই জলে ফেলে দিত। কিন্তু আর টাকা ছিল না, কাজেই গল্পের ঐখানেই শেষ।”

আগনেসের আনন তখনও ক্ষণে বিবর্ণ, ক্ষণে লোহিতাভ হইতেছিল; কিন্তু সে এখন অপেক্ষাকৃত সহজে শ্বাস-প্রশ্বাস ত্যাগ করিতে লাগিল। আমি বুঝিয়াছিলাম, তাহার এই ভাবান্তরের হেতু কি। আমার মনে হইল, আগনেস্ ভাবিয়াছিল, ঠাকুরমার এই অবস্থা-বিপর্যয়ের সঙ্গে তাহার পিতার কোন না কোন সম্বন্ধ হয় ত আছে। পিতামহী তাহার করপল্লব স্বহস্তে চাপিয়া ধরিয়া হাসিলেন।

“এই কি সব? হাঁ, সবই বটে। তার পর সে অনেক দিন সুখেই জীবন কাটিয়েছিল। এই কথাটাও আমি যোগ ক’রে দিতে চাই। আচ্ছা আগনেস্, তোমার বেশ বুদ্ধি আছে। ট্রট, তোমারও কোন কোন বিষয়ে মাথা বেশ খেলে—অবশ্য সব সময়ে তোমার বুদ্ধির তারিফ আমি করতে পারিনে। এখন বল দেখি, কি করা যায়? আমার যে বাড়ীট আছে, ভাড়া দিলে বছরে ৭০ পাউণ্ড পাওয়া যাবে। ব্যস্ ঐ টাকাই কিন্তু আমার সর্বস্ব।”

কিয়ৎকাল নীরব থাকিবার পর তিনি বলিলেন, “তার পর ডিক্ আছেন। তাঁর আয় বছরে একশো পাউণ্ড তবে সে টাকাটা তাঁর পেছনেই ব্যয় করতে হবে! এখন ট্রট ও আমি—আমাদের আয় থেকে কি ক’রে আমাদের চলবে, তাই বল? তোমার এ বিষয়ে কি মত, আগনেস্?”

আমি বলিলাম, “ঠাকুরমা, আমাকে কিছু উপায় ক’রতেই হবে।”

ভীতকণ্ঠে তিনি বলিলেন, “তুমি কি সমরবিভাগে চাকরী নিতে চাও না কি? অথবা সমুদ্রে নাবিকগিরি করবে? ও সব কথা আমি শুনব না। তোমাকে প্রোক্ট হতেই হবে। তা ছাড়া আমি অল্প কিছু হতেই দেব না।”

আমি বলিতে যাইতেছিলাম যে, আমার সে রকম কো অভিপ্রায় নাই। এই সময় আগনেস্ জিজ্ঞাসা করিল—এই বাড়ী দীর্ঘকালের জন্ম ভাড়া লওয়া হইয়াছে কি না।

পিতামহী বলিলেন, “এইবার ঠিক ধরেছ। ছ’মাসে মধ্যে এ বাড়ী ছাড়বার উপায় নেই। তবে অল্প লোক ভাড়া দেওয়া যেতে পারে। তবে সেটা সম্ভবপর বা আমার মনে হয় না। শেষ লোকটা এই ঘরে মরেছে ৬ জনের মধ্যে ৫ জন মরবে। আমার কাছে কিছু নগদ টাকা আছে। সুতরাং আমার মনে হয়, এখানেই সময়টা কাটি দেওয়া ভাল। তবে ডিকের জন্ম কাছে-ভিতে কোথ একটা শোবার ঘর যোগাড় ক’রে নিতে হবে।”

আগনেস্ বলিল, “আমি ভাবছি কি, ট্রটউড, তোমার যদি সময় থাকে—অর্থাৎ তুমি যদি অবসর ক’রে নিতে পার—”

বাবা দিয়া আমি বলিলাম, “আমার যথেষ্ট অবসর আছে, আগনেস্। বেলা ৪টা ৫টার পর এবং সকালবেলা আমার যথেষ্ট সময় আছে।”

আগনেস্ আমার কাছে অগ্রসর হইয়া মৃদুকণ্ঠে বলিল, “আমি জানি, তুমি মনে কিছু হুঃখ করবে না, যদি তোমাকে কারও সেক্রেটারীর কাজ করতে হয়।”

“সে কি কথা, আগনেস্, আমি মনে হুঃখ করব কেন?”

আগনেস্ বলিল, “ডাক্তার ষ্ট্রং অবকাশ নিচ্ছেন, তাই তিনি লগনে এসেছেন। তিনি বাবাকে বলছিলেন, তিনি কোন লোককে ঠিক ক’রে দিতে পারেন কি না। তাঁর প্রিয় পুরাতন ছাত্রকে পেলে তিনি কি খুশী হবেন না মনে কর?”

“প্রিয় আগনেস্, তুমি না থাকলে আমার কি দুর্দশা হত? সব সময়েই তুমি দেবকণ্ঠার মত আমার পথ দেখিয়ে দিচ্ছ। এ কথা আমি তোমায় বলেছি। এ ছাড়া আমি অন্য রকমে তোমার কল্পনাই করতে পারি না।”

আগনেস্ মবুর হাতসহকারে বলিল যে, এক জন দেবকণ্ঠাই (ডোরা) যথেষ্ট। তার পর সে আমাকে স্বরণ করাইয়া দিল যে, সকালবেলা ডাক্তার তাঁহার পাঠাগারে থাকেন। অপরাহ্নেও তাই থাকেন। সুতরাং আমার অবকাশকাল তাঁহার পক্ষে সুবিধাজনকই হইবে। আমি নিজের অন্তঃস্থান আমার পুরাতন শিক্ষকের অধীনে করিব, ইহাতে আমার মনে কোন দ্বিধা আসিল না। আগনেসের উপদেশ অনুসারে তখনই ডাক্তার ষ্ট্রংকে আমার উদ্দেশ্যের বিষয় লিখিয়া জানাইলাম। আগামী কল্য বেলা ৩টার সময় আমি গিয়া তাঁহার সহিত সাক্ষাৎ করিব, সে কথাও লিখিয়া দিলাম। তিনি হাইগেটে থাকেন। সে স্থান আমার সুপরিচিত। তখনই পত্র ডাকে পাঠাইয়া দিলাম।

আগনেস্ যেখানেই যায়, সেইখানে নিঃশব্দে সে তাহার আগমনের স্বরণ-চিহ্ন রাখিয়া যায়। আমার ইতস্ততঃ বিক্ষিপ্ত গ্রন্থগুলিকে সাজাইয়া রাখা যে তাহারই কীর্তি, তাহা সে শত মাইল দূরে থাকিলেও আমি তাহা বুঝিতে পারি। অল্পক্ষণের জন্ত আগনেস্ আসিয়া আমার ঘরের শৃঙ্খলা নিঃশব্দে সম্পাদন করিল।

আমরা কথা বলিতেছি, এমন সময় দ্বারে করাঘাত হইল।

বিবর্ণমুখে আগনেস্ বলিল, “বাবা এসেছেন বোধ হয়! তিনি বলেছিলেন যে, এখানে তিনি আসবেন।”

আমি দরজা খুলিয়া দিলাম। মিঃ উইক্ফিল্ড এবং তৎসঙ্গে উডিয়া হিপ ঘরের মধ্যে প্রবেশ করিল। আমি অনেক দিন তাঁহাকে দেখি নাই। আগনেসের মুখে যেরূপ বর্ণনা শুনিয়াছি, তাহাতে তাঁহার যথেষ্ট শারীরিক পরিবর্তন

হইবার সম্ভাবনা। কিন্তু আমি তাঁহার চেহারা দেখিয়া স্তম্ভিত হইয়া গেলাম।

তাঁহার বয়স কিছু বাড়িয়াছে বলিয়া নহে, যদিও তাঁহার বেশভূষার পরিচ্ছন্নতা পূর্ববৎই আছে; অথবা তাঁহার মুখায়বয়বে অস্বাস্থ্যকর ছায়া পড়িয়াছে বলিয়াও নহে; কিংবা তাঁহার চক্ষুয়ুগল রক্তাক্ত বলিয়াও নহে; তাঁহার হাত-পা কাঁপিতেছিল, তাহাও নহে; তাঁহার পূর্বের প্রিয়দর্শন আকৃতি তিনি হারান নাই। ভদ্রজনোচিত শিষ্টাচার প্রভৃতির অভাবও তাঁহাতে পরিস্ফুট হয় নাই; আমি দেখিলাম, উডিয়া হিপের নীচতার প্রভাবে তিনি আপনাকে তাহার হস্তে সমর্পণ করিয়াছেন। ইহা দেখিয়াই আমার মনে তীব্র আঘাত লাগিল। উডিয়া হিপ যেন কর্তা, আর তিনি যেন তাহার আজ্ঞাবহ, এই দৃশ্য দেখিয়াই আমার সমগ্র অন্তর বিদ্রোহী হইয়া উঠিল।

আগনেস্ তাঁহাকে দেখিয়াই কোমল কণ্ঠে বলিল, “বাবা, মিস্ ট্রটউড এসেছেন! ট্রটউডকেও আপনি অনেক দিন দেখেন নি।” মিঃ উইক্ফিল্ড আমার পিতামহীর করকম্পন করিয়া আমারও করকম্পন করিলেন। সেই সময় দেখিলাম, উডিয়ার মুখে হাসি ফুটিয়াছে—সে হাসি প্রসন্নতার স্ফোটক নহে। আগনেস্ও তাহা লক্ষ্য করিল। কারণ, সে তাহার নিকট হইতে দূরে সরিয়া দাঁড়াইল।

আমার পিতামহী উহা দেখিয়াছিলেন কি না, তাঁহার মুখের ভাব দেখিয়া তাহা অনুমান করিবার শক্তি আমার ছিল না। খানিক পরে তিনি বলিলেন, “উইক্ফিল্ড, আমি তোমার মেয়েকে বলছিলাম যে, তোমাকে বিশ্বাস না ক’রে, আমার টাকার ব্যবস্থা আমি নিজেই করেছি। কারণ, তোমার ব্যবসায় এখন মরচে পড়ে এসেছে। এর আগে তোমার সঙ্গে পরামর্শ ক’রে যখন কাজ করতাম, তখন কাজ ভালই চলছিল। আমার মতে আগনেসের পরামর্শ নিয়ে চললে তোমার ব্যবসার মঙ্গল হবে।”

উডিয়া হিপ বলিল, “আমার মস্তব্য করবার যদি অধিকার থাকে, তা হ’লে আমি বলব, মিস্ বেটসি ট্রটউড যা বলেছেন, আমি তার সম্পূর্ণ অনুমোদন করি। মিস্ আগনেস্ যদি অংশীদার হন, আমি খুব সুখী হব।”

ঠাকুরমা বলিলেন, “তুমি ত এখন নিজেই এক জন অংশীদার। তাই তোমার পক্ষে যথেষ্ট। এখন কি রকম বোধ হচ্ছে?”

সে উত্তর দিল, তাহার এখন ভালই চলিতেছে। তার পর আমার দিকে ফিরিয়া বলিল, “নাষ্টার - না, না, মিষ্টার কপারফিল্ড, আপনি বোধ হয় ভাল আছেন, আপনার সঙ্গে সাক্ষাতে আমি সুখী হইয়াছি।”

এই বলিয়া সে দূর হইতেই আমার করকম্পন করিল। তার পর বলিল, “আচ্ছা, বন্ধু ত, আমরা এখন কি রকম আছি? মিঃ উইক্ফিল্ডের চেহারা ভাল হয় নি? আমাদের



ফার্শে বয়স দিয়ে কিছু বোঝা যায় না। তবে আমি ও আমার মার কথা স্বতন্ত্র। সুন্দরী মিস্ আগ্নেস্ও বেশ উন্নতিলাভ করেছেন।”

এই বলিয়া সে এমন একটা ভঙ্গী করিল যে, আমার পিতামহীর ধৈর্য্যচূতি ঘটিল। তিনি বলিয়া উঠিলেন, “লোকটার হলো কি! কি করছে ও লোকটা? ওহে, অত হাত-পা ছুড়ো না!”

উড়িয়া বলিল, “মিস্ ট্রটউড, ক্ষমা করুন। আমি জানি, আপনি সহজেই বিচলিত হয়ে ওঠেন!”

বিন্দুমাত্র সন্তুষ্ট না হইয়াই পিতামহী বলিলেন, “ও সব বাজে কথা বলা না! আমার ও রকম স্বভাব নয়। তুমি যদি মানুষ হও, মানুষের মত হাত-পাগুলোকে নিজের বেশে রেখো।”

উড়িয়া হিপ একটু লজ্জিত হইয়া পড়িল। তার পর আমার কাছে আসিয়া মৃদুস্বরে বলিল, “আমি জানি, মিস্ বেটসির রাগটা খুব বেশী। আমি অনেক দিন থেকে তাঁকে দেখে আসছি।”

মিস্ উইকফিল্ড বলিলেন, “ট্রটউড, উড়িয়া হিপ কাজ-কন্ঠে খুব দড়। ওর কথা আমি বিশ্বাস করি।”

উড়িয়া ইহাতে উল্লাসে যেন অধীর হইয়া বলিল, “কি পুরস্কার! আমি ওঁর বিশ্বাসভাজন, এর মত পুরস্কার আর নেই।”

মিস্ উইকফিল্ড আবার বলিলেন, “উড়িয়া হিপ আমার অনেক ছুঁতাবনা দূর করেছে। এমন ভাগীদার পেয়ে আমার মুঙ্গিলের আসান হয়েছে।”

আগ্নেস্ উৎকণ্ঠাভরে বলিল, “বাবা, আপনি চলে যাচ্ছেন না ত? আপনি কি ট্রটউড ও আমার সঙ্গে ফিরে যাবেন না?”

তিনি উড়িয়া হিপের দিকে হয় ত ফিরিয়া চাহিতেন, কিন্তু উড়িয়া তাহার আগেই বলিয়া বসিল, “আমার অল্প জারগায় কাজ আছে। না হ’লে বন্ধুগণের জন্ত আমি থেকে যেতাম। তবে আমার ভাগীদারকে এখানে রেখে যাচ্ছি। তিনিই আমাদের কারবারের প্রতিনিধি হিসাবে থাকবেন। মিস্ আগ্নেস্, আমি চিরকালই আপনাদের। মাষ্টার কপারফিল্ড, তা হ’লে এখন আসি। মিস্ বেটসির কাছেও আমার সশ্রদ্ধ অভিবাদন জানাচ্ছি।”

এই বলিয়া সে আমাদের কাছ হইতে বিদায় লইল।

আমরা সেইখানে বসিয়া রহিলাম। ছেগেবেলার কত গল্প হইতে লাগিল। মিস্ উইকফিল্ড যেন অনেকটা পূর্বা-বস্থায় ফিরিয়া আসিলেন মনে হইল। আগ্নেসের প্রভাবের ফলে উহা সম্ভবপর হইল, ইহাই আমার ধারণা। আগ্নেস্ যে অসাধাসাদন করিতে পারে, তাহা আমি জানিতাম।

পিতামহী—তিনি এতক্ষণ গৃহান্তরে পেগটার সহিত অল্প কার্য্যে ব্যাপ্ত ছিলেন—বলিলেন যে, তিনি আমাদের

সহিত মিস্ উইকফিল্ডের বাসায় যাইবেন না, তবে আমাকে যাইবার জন্ত আদেশ দিলেন। আমি তাহাই করিলাম।

একসঙ্গে আহারাদি হইল। আগ্নেস পূর্কালের মত তাঁহাকে সুরা ঢালিয়া দিল। সে যতটুকু দিল, তাহার অধিক তিনি চাহিলেন না। আমরা তিন জন বাতায়নের ধারে বসিয়া গল্প করিতে লাগিলাম। সন্ধ্যা ঘনাইয়া আসিলে মিস্ উইকফিল্ড একখানি সোফার উপর শুইয়া পড়িলেন। আগ্নেস্ তাঁহার শিয়রে একটা বালিশ দিল। সে যখন জানালার ধারে আসিয়া দাঁড়াইল, তখন দেখিলাম, তাহার চোখে জল।

ভগবানের কাছে প্রার্থনা করি, আমার স্নেহের পাত্রী আগ্নেস্কে যেন কখনও না বিস্মৃত হই। সে ভালবাসার প্রতীক, সত্যের প্রতিমূর্তি। সে আমার হৃদয়ে শক্তির সঞ্চার করে, আমার দুর্বলতাকে সরাইয়া দেয়।

সে ডোরার কথা আমার কাছে কত রকমে উত্থাপন করিল। আমি ডোরার প্রশংসা করিতে থাকিলে, সে তাহা শুনিতে লাগিল। তার পর বিদায় লইলাম।

পথে এক জন ভিক্ষুক চলিতেছিল। আমি নীচে নামিয়া তাহার কাছে আসিলাম। বাতায়নের দিকে চাহিলাম, তখন সহসা আমার মনে আসিল—সকালকার পিতামহীর সেই শব্দ—অন্ধ, অন্ধ, অন্ধ!

### ষট্‌ত্রিংশ পরিচ্ছেদ

পরদিন প্রভাতে স্নানশেষে আমি “হাইগেট” অভিমুখে বাহা করিলাম। আমাদের অবস্থার পরিবর্তন হইয়াছে, এখন আমি প্রমাণ করিতে চাই যে, আমি অপদার্থ নহি। আমি অর্থোপার্জন করিয়া তাঁহার ভার লাঘব করিতে চাই—আমার পিতামহীকে আমি সাহায্য করিতে অভিলাষী। কাঠুরিয়ার ঠায় কুঠার-হস্তে আমি অরণ্যের মধ্যে পথ কাটিয়া লইতে প্রস্তুত—ভাগ্যকে গড়িয়া তুলিতে হইবে। এইরূপে পথ পরিষ্কার করিয়া আমি ডোরার কাছে উপস্থিত হইতে চাই।

ডাক্তারের বাসভবন খুঁজিয়া বাহির করিতে হইবে। ছোট সহরের যে অংশে ষ্ট্রয়ারফোর্থের বাড়ী, তাহার বিপরীত দিকে ডাক্তার থাকেন। এই সন্ধান পাইবামাত্র আমি যে রাস্তায় ষ্ট্রয়ারফোর্থের বাড়ী, সেই দিকে চলিলাম। বাড়ীর কাছে গিয়া দেখিলাম, যে ঘরে ষ্ট্রয়ারফোর্থ থাকিত, তাহার বাতায়ন রুদ্ধ। উজানের দ্বার মুক্ত। রোজা ডার্টল খোলা মাথায় উজানপথে বিচরণ করিতেছেন।

আমি গুপ্ত স্থান হইতে বাহিরে আসিলাম। তার পর সম্ভরণে সে অঞ্চল ত্যাগ করিয়া চলিয়া আসিলাম ডাক্তারের বাড়ীর দিকে চলিলাম। তাঁহার বাড়ীটি বেশ

সুন্দর দেখিলাম। কটক খুলিয়া ভিতরে প্রবেশ করিলাম। ডাক্তার উদ্যানে পাদচারণ করিতেছিলেন।

আমাকে দেখিয়া কয়েক মুহূর্ত আমার দিকে চাহিয়া তিনি আগাইয়া আসিলেন। তার পর তাঁহার মুখ হাস্য-প্রদীপ্ত হইয়া উঠিল। দুই হাতে আমাকে ধরিয়া তিনি বলিলেন, “স্নেহের কপারফিল্ড, তুমি এখন বেশ বড়-সড় হয়েছ! কেমন আছ তুমি? তোমাকে দেখে ভারী খুসী হলাম। প্রিয় কপারফিল্ড, তোমার অনেক উন্নতি হয়েছে দেখছি।”

আমি জিজ্ঞাসা করিলাম, তিনি এবং মিসেস্ ষ্ট্রং ভাল আছেন ত?

ডাক্তার বলিলেন, “হাঁ, আমি ভাল আছি, এনিও ভাল আছেন। তিনি তোমাকে দেখে খুসী হবেন। তুমি সকল সময়েই তাঁর প্রিয়পাত্র ছিলে। কাল রাত্রিতেও তিনি সে কথা বলছিলেন। আমি তোমার চিঠি তাঁকে দেখিয়েছিলাম। ভাল কথা, তোমার জ্যাক ম্যালডনের কথা মনে আছে ত?”

“সম্পূর্ণ স্মার।”

“থাকাই ত উচিত। হাঁ, তিনিও ভাল আছেন।”

“তিনি কি দেশে ফিরে এসেছেন, মাষ্টার মশাই?”

“ভারতবর্ষ থেকে ত? হ্যাঁ, মিঃ জ্যাক ম্যালডন সেখানকার জল-বাতাস সহ্য করতে পারলেন না। মিসেস্ মার্কেলহ্যাম—তাঁকে তুমি নিশ্চয় ভুলে যাওনি?”

এত অল্পদিনে তাঁহাকে ভুলিয়া যাইব?

ডাক্তার বলিলেন, “মিসেস্ মার্কেলহ্যাম, তাঁর সম্বন্ধে ভারী অসন্তুষ্ট হয়েছিলেন। কাজেই জ্যাককে বাড়ীতে ফিরিয়ে আনতে হয়েছে। একটা ভাল জায়গায় বাসা ক’রে দিয়েছি! এখানে তিনি বেশ ভাল আছেন।”

মিঃ জ্যাক ম্যালডন সম্বন্ধে যে জ্ঞান আমার ছিল, তাহাতে আমি জানিতাম, যেখানে তিনি আছেন, সেখানে কাজকর্ম তিনি কিছুই করেন না।

ডাক্তার বলিলেন, “প্রিয় কপারফিল্ড, এখন তোমার প্রস্তাবের কথা আরম্ভ করা যাক। তুমি যদি কাজ কর, আমার পক্ষে বিশেষ সুখকর হবে, কিন্তু অল্প কাজ করলে কি তোমার পক্ষে ভাল হ’ত না? তুমি যখন আমার ছাত্র ছিলে, তোমার বিশেষ উন্নতি হবার লক্ষণ ছিল। অনেক ভাল কাজের যোগ্যতা তোমার আছে। তোমার শিক্ষার যে ভিত্তি, তার উপর যে কোন প্রাসাদ গড়ে তোলা যেতে পারে। সুতরাং তোমার জীবনের এই বসন্তকালে, আমার সামান্য কাজ ক’রে কেন ব্যর্থ ক’রে দেবে?”

ডাক্তারকে আমি জানাইলাম যে, আমার অল্প ব্যবসায় আছে। তাহা ছাড়া অবসরকালে এই কাজ করিবার অসুবিধা আমার হইবে না। আমি সানন্দে এ কার্য করিতে পারিব।

ডাক্তার বলিলেন, “সে কথা সত্য। তোমার অল্প ব্যবসায় শিক্ষাও হচ্ছে, কিন্তু ছাব্ব ৭০ পাউণ্ড, এতে তোমার কি হবে?”

আমি বলিলাম, “এতে আমার খা আয় আছে, তা দ্বিগুণ হবে।”

ডাক্তার বলিলেন, “বেশ, তুমি যদি এত পরিশ্রম ক’রে ঐ কটা টাকা পেয়েই সন্তুষ্ট থাক, তাই হবে।” এই বলিয়া তিনি আমার স্বন্ধদেশে হাত রাখিলেন।

আমি বলিলাম, “মাষ্টার মশাই, যদি অভিধানের কাজের ভার আমার দেন, তা হ’লে আমি বিশগুণ খুসী হব।”

ডাক্তার আমার পৃষ্ঠদেশে মৃদু করাঘাত করিয়া সহাস্তে বলিলেন, “তরুণ বন্ধু, তুমি ঠিক অনুমান করেছ—অভিধানই বটে।”

কথা ঠিক হইল যে, আগামী কল্য সকাল ৭টা হইতে আমাদের কার্যারম্ভ হইবে। প্রতিদিন সকালবেলা আমরা ২ ঘণ্টা কাজ করিব। রাত্রির দিকেও দুই হইতে তিন ঘণ্টা পরিশ্রম করা যাইবে। শুধু শনিবারটা বাদ যাইবে। সে দিন বিশ্রাম। রবিবার দিনও অবশ্য আমার বিশ্রাম-কাল। কাজেই এ ব্যবস্থা খুবই ভাল বনিয়া আমার মনে হইল।

কথাবার্তা স্থির হইয়া গেলে, ডাক্তার আমাকে মিসেস্ ষ্ট্রংএর কাছে লইয়া গেলেন। তিনি তখন ডাক্তারের বইগুলি ঝাড়িয়া মুছিয়া রাখিতেছিলেন। এ কার্যের ভার ডাক্তার কিন্তু অল্প কাহাকেও দিতে চাহিতেন না।

আমারই জন্ম এতক্ষণ তাঁহারা প্রাতরাশ করেন নাই। এখন আমরা প্রাতরাশে বসিলাম। ইতিমধ্যে ঘরের মধ্যে এক ব্যক্তি প্রবেশ করিলেন। অস্বাভাবিক বেশ; তিনি মিঃ জ্যাক ম্যালডন। ভারতবর্ষে থাকার ফলে কোনও উন্নতি তাঁহার হয় নাই, ইহা আমি মনে করিলাম।

ডাক্তার বলিলেন, “মিঃ জ্যাক! চিন্তে পারছ? কপারফিল্ড!”

তিনি আমার করকম্পন করিলেন, কিন্তু বিশেষ আগ্রহ তাহাতে প্রকাশ পাইল না। বিশেষতঃ আমার প্রতি অনেকটা মুরুব্বী-আনার ভাব তিনি প্রকাশ করিলেন।

ডাক্তার জিজ্ঞাসা করিলেন, “মিঃ জ্যাক, তুমি কি প্রাতরাশ করেছ?”

“সকালবেলা আমার খাওয়াই হয় না, মশাই! এতে আমার বিক্রী লাগে।”

ডাক্তার প্রশ্ন করিলেন, “আজ কোন খবর আছে?”

মিঃ ম্যালডন বলিলেন, “কিছুই না।”

তার পর কিছুক্ষণ চুপ করিয়া থাকিয়া জ্যাক ম্যালডন বলিলেন, “আমি জানতে এসেছিলাম, এনি আজ রাতে থিয়েটার দেখতে যাবে কি না। আজ শেষ অভিনয়। এক জন ভাল গায়িকার গান আছে। এনির যাওয়া উচিত।”

ডাক্তার তাঁহার পত্নীর দিকে ফিরিয়া বলিলেন, “তোমার যাওয়া দরকার, এনি। তোমাকে যেতেই হবে।”

এনি ডাক্তারকে বলিলেন, “আমি যাব না, বাড়ী থাকতেই ভালবাসি।” তাই আমি থাকব।”

তার পর তাঁহার ভ্রাতার দিকে না চাহিয়া ডাক্তার গৃহিণী আমাকে আগনেসের কথা জিজ্ঞাসা করিলেন। তাঁহার সহিত আগনেস দেখা করিতে আসিবে কি না, আজই আসিবে কি না, এই সব কথা জিজ্ঞাসা করিতে লাগিলেন। তিনি এত বিচলিত হইয়া পড়িয়াছেন যে, ডাক্তার কি করিয়া পত্নীর এই চাপল্যকে লক্ষ্য করিতেছেন না, তাহা বুঝিলাম না। যাহা সহজবোধ্য, তাহা না বুঝিবার হেতু কি?

কিন্তু ডাক্তার কিছুই লক্ষ্য করিলেন না। তিনি সহজ সরলভাবে বলিলেন যে, তাঁহার এখন তরুণ যৌবন, সুতরাং ডাক্তারের আয় বৃদ্ধির নীরস সম্বন্ধে তাঁহার তৃপ্তি হইতে পারে না—কাজেই অভিনয়দর্শনে যাওয়া উচিত। বিশেষতঃ মিসেস্ টুং যাহাতে প্রত্যেক নূতন সঙ্গায়িকার গান শুনিয়া তাহা জ্ঞায়িত করিতে পারেন, ইহা ডাক্তারের অভিপ্রেত। কারণ, সেই গান আবার মিসেস্ টুং তাঁহার স্বামীকে শুনাইতে পারিবেন। অতএব তিনি নিজে যদি না যান, তাহা হইলে এই নূতন গায়িকার গান শুনিবেন কিরূপে? তাই ডাক্তার জিদ ধরিলেন যে, মিঃ জ্যাক্ ম্যালডন ডিনার এখন হইতে খাইয়া, ডাক্তার-গৃহিণীকে লইয়া থিয়েটার দেখিতে যাইবেন। বাবস্থা স্থির হইলে জ্যাক্ ম্যালডন অস্থপৃষ্ঠে চলিয়া গেলেন।

মিসেস্ টুং থিয়েটার দেখিতে গিয়াছিলেন কি না, ইহা জানিবার আগ্রহ আমার বিশেষভাবে হইয়াছিল। তাই পরদিবস সকালে সে বিষয়ে সন্ধান লইলাম। না, তিনি যান নাই। তাঁহার ভ্রাতা যাহাতে না আসেন, সে জ্ঞাত লগুনে সংবাদ পাঠাইয়াছিলেন। অপরাহ্নে তিনি আগনেসের সহিত দেখা করিতে গিয়াছিলেন। ডাক্তারকেও সঙ্গে লইয়াছিলেন। উভয়ে মাঠের ভিতর দিয়া হাঁটিয়া গৃহে প্রত্যাবর্তন করেন। সে কথা ডাক্তারই আমার কাছে বলেন। আগনেস না থাকিলে ডাক্তার-গৃহিণী থিয়েটারে যাইতেন কি না, আমি তাহাই জানি নাই। আমার মনে হইতেছিল, আগনেস ডাক্তার-গৃহিণীর উপর প্রভাব বিস্তার করিয়াছে কি না!

ডাক্তার-গৃহিণীকে বিশেষ খুসী বলিয়া মনে হইল না। তবে হয় তিনি ভিতরে ভিতরে মন্দ, নয় ত ভাল। আমি কাজ করিতে করিতে প্রায়ই বাতায়নধারে উপবিষ্টা ডাক্তার-গৃহিণীর প্রতি চাহিয়া দেখিতাম। বেলা ৯টার সময় কাজ সারিয়া আমি যখন বিদায় লইতাম, তখন দেখিতাম, মিসেস্ টুং নতজাহ্নু হইয়া স্বামীর পায় জুতা পরাইয়া দিতেছেন। তাঁহার আননে একটা কোমল শাস্ত্রী তখন উদ্ভাসিত হইতে দেখিতাম।

আমার কাজ বাড়িয়া গেল! ভোর ৫টায় শয্যা ত্যাগ করিতাম। রাত্রি ৯টা হইতে ১০টার মধ্যে বাসায় আসিতাম। কাজের চাপে আমার মন প্রসন্ন হইতেছিল। ধীরে ধীরে চলার অভ্যাস চলিয়া গেল। যতই কাজ বাড়িতে লাগিল, আমার মনে হইতে লাগিল যে, ডোরা-লাভের যোগ্যতা আমি অর্জন করিতেছি। এখনও পর্যন্ত ডোরাকে আমার ভাগ্যবিপর্যয়ের কথা জানাই নাই। মিস্ মিলসের বাড়ী সে শীঘ্র আসিবে, তখনই তাহাকে সব কথা জানাইব ভাবিয়া রাখিয়াছিলাম। ইদানীং মিস্ মিলসের মধ্যবর্তিতায় আমাদের মধ্যে পত্রের আদান-প্রদান চলিতেছিল। তাহাতে শুধু এইটুকুই আমি জানাইয়াছিলাম যে, তাহাকে আমার বলিবার অনেক কথা আছে। ইতিমধ্যে আমি সাবান ও ল্যাভেণ্ডার ব্যবহার ত্যাগ করিয়াছিলাম। তিনটি ভাল ওয়েষ্টকোটও বেচিয়া ফেলিয়াছিলাম।

কর্মপ্রেরণায় অধীর হইয়া এক দিন মিঃ ডিক্কে লইয়া ট্রাডেলুস্-এর সহিত দেখা করিতে গলাম। তাহাকে আমি সকল কথাই পত্রযোগে জানাইয়াছিলাম। মিঃ ডিক্ কাজের অভাবে কেমন হইয়া যাইতেছিলেন। পাছে তাঁহার পুরাতন ব্যাধি তাঁহাকে আক্রমণ করে, এজন্য মিঃ ডিক্কে উৎসাহিত করা দরকার। এ বিষয়ে ট্রাডেলুস্ যদি কোন সুবিধা করিতে পারে, তাই মিঃ ডিক্কে লইয়া তাহার কাছে চলিলাম। ট্রাডেলুস্কে সব কথাই জানাইয়াছিলাম।

আমাদিগকে দেখিয়া ট্রাডেলুস্ সমাদরে অভ্যর্থনা করিল! অল্পক্ষণের মধ্যেই মিঃ ডিক্কে সহিত তাহার আলাপ জমিয়া উঠিল। তিনি বলিলেন যে, ট্রাডেলুস্কে পূর্বে দেখিয়াছেন। আমরাও তাহাতে মায় দিলাম।

ট্রাডেলুস্কে আমার আরও অনেক জিজ্ঞাসা ছিল। পার্লামেন্টের তর্ক-বিতর্কের সংবাদ, সংবাদপত্রে প্রকাশ করিতে পারিলে অর্থাগম হয় শুনিয়াছিলাম। ট্রাডেলুস্ ইতিপূর্বে আমার কাছে সংবাদপত্রের কথা বলিয়াছিল। আমি তাহাকে জিজ্ঞাসা করিলাম যে, কিরূপে আমি এই কার্যের যোগ্যতা অর্জন করিতে পারিব? সে আমার জানাইল যে, সটহাও—সাঙ্কেতিক অক্ষরে বিষয় লিপিবদ্ধ করিবার দ্রুত দক্ষতা থাকা চাই, ছয়টি ভাষায় অভিজ্ঞতা থাকাও অবশ্য প্রয়োজনীয়। কয়েক বৎসর পরিশ্রম করিলেই ইহাতে দক্ষতা লাভ করা যায়। আমি ডোরা-লাভের জ্ঞাত এখনই সে কার্য আরম্ভ করিতে প্রস্তুত। আমি ট্রাডেলুস্কে সে কথা বলিলাম।

তাহাকে বলিলাম, “তাই ট্রাডেলুস্, আমি কাল থেকেই কাজ শুরু করব।”

ট্রাডেলুস্ ইহাতে বিস্ময়বোধ করিল। সে ত আমার মনের অবস্থা জানিত না।

বলিলাম, “আমি ঐ সংক্রান্ত একখানা বই কিনে ফেলব। কমন্সএ বসে শিখতে থাকব—পড়ব। আদালতের



বন্ধুতাপুলো সর্টহাণ্ডে লিখবার চেষ্টা করব। ক্রমে দক্ষতা লাভ করা যাবে।”

ট্রাডেল্‌স্‌ বলিল, “আমি জানতাম না, তোমার এমন দৃঢ়তা আছে। তুমি আমাকে অবাক ক’রে দিলে।”

সে কথা আর না তুলিয়া তার পর মিঃ ডিকের জন্ত কি ব্যবস্থা করা যায়, তাহার আলোচনা করিলাম।

ট্রাডেল্‌স্‌ বলিল, “কপারফিল্ড, তুমি না বলেছিলে, ওঁর হাতের লেখা খুব ভাল?”

সত্যই মিঃ ডিকের হস্তাক্ষর যেমন পরিষ্কার, তেমনই পরিচ্ছন্ন। আমি বলিলাম, “ওঁর হাতের লেখা চমৎকার।”

ট্রাডেল্‌স্‌ বলিল, “আমি যদি কাপি এনে দেই, তা হ’লে সেগুলো নকল ক’রে দিতে আপনি কি পারবেন না?”

আমার দিকে চাহিয়া ডিক বলিলেন, “কি বল, ট্রটউড?”

আমি মাথা নাড়িয়া বলিলাম যে, লিখিতে গেলেই রাজা চার্লসের কথা লেখার মধ্যে আসিয়া পড়ে! পাণ্ডুলিপির মধ্যে উহা থাকিবেই।

ট্রাডেল্‌স্‌ বলিল, “কিন্তু আমি যে লেখা এনে দেব, সে ত শেষ করা লেখা। নতুন ক’রে লিখতে হবে না ত। শুধু দেখে দেখে নকল করতে হবে। মিঃ ডিককে আর কিছু করতে হবে না ত। বেশ ত, চেষ্টা ক’রে দেখতে ক্ষতি কি?”

ইহাতে যেন মনে কিছু আশার সঞ্চার হইল। ট্রাডেল্‌স্‌ ও আমি উভয়ে মাথা ঘামাইয়া একটা পথ বাহির করিলাম। তাহার ফলে পরদিবস হইতে তিনি লেখা শুরু করিলেন।

একটা টেবলের উপর দলিল ও নকল করিবার কাগজ রাখা হইল। মিঃ ডিক যথাযথভাবে দলিল নকল করিয়া যাইবেন। আর একটা টেবলের উপর তাঁহার অসমাপ্ত মেমোরিয়ালের পাণ্ডুলিপি রাখা হইল। তাঁহাকে বলিয়া দিলাম, নকল করিতে করিতে যদি রাজা চার্লসের সম্বন্ধে কিছু লিখিবার ইচ্ছা হয়, অমনই তিনি দ্বিতীয় টেবলের কাছে গিয়া তাঁহার পাণ্ডুলিপিতে উহা লিখিয়া ফেলিবেন।

বাসায় এইরূপ ব্যবস্থা করিয়া দিয়া পিতামহীকে তাঁহার কাজ লক্ষ্য করিবার জন্ত বলিয়া দিলাম। এইভাবে কার্যারম্ভ করার পর দেখা গেল, মিঃ ডিক প্রথম সপ্তাহে দশ শিলিং নয় পেন্স উপার্জন করিয়াছেন। ইহার পর হইতে মিঃ ডিকের উৎসাহ বাড়িয়া গেল। প্রতি সপ্তাহের শনিবারে অর্থার্জন করিয়া মিঃ ডিকের মনে নূতন উৎসাহের সঞ্চার হইল। এক দিন ডিক তাঁহার দুই হস্তের দশ অঙ্গুলি উর্দ্ধে তুলিয়া বলিয়া উঠিসেন, “ট্রটউড, আর অনশনে মরতে হবে না। আমি ওঁর (আমার ঠাকুরমার) খাবারের টাকার যোগাড় করেছি!”

এই কথায় আমি অথবা ট্রাডেল্‌স্‌ কে বেশী সুখী হইয়াছিল, তাহা বলিতে পারি না। সহসা পকেট হইতে একখানা চিঠি বাহির করিয়া ট্রাডেল্‌স্‌ বলিল, “কথাটা ভুলেই গিয়েছিলাম। মিঃ মিক্‌বার তোমায় পত্র লিখেছেন।”

“পত্রে লেখা ছিল—

“প্রিয় কপারফিল্ড,

“তুমি হয় ত গুনিয়া সুখী হইবে, কিছু না কিছু পরিবর্তন, আমার অদৃষ্টে ঘটিয়াছে। আমি ইহা হইতে প্রত্যাশায় ছিলাম।

“আমি এ দেশেই কোনও পল্লী-সহরে একটা কাজ পাইতেছি। কোনও ভাল ব্যবসায়ের কাজে যোগ দিতেছি। আমার স্ত্রী ও সন্তানগণ আমার সঙ্গেই যাইবে।

“আধুনিক ব্যাবিলন হইতে বিদায় লইবার সময় আমি ও মিসেস্‌ মিক্‌বার এ কথা গোপন করিতে পারিতেছি না যে, হয় ত দীর্ঘকাল আর আমাদের দেখা হইবে না, হয় ত ইহাজীবনে দেখা হইবে না। অতএব যদি তুমি বন্ধুত্ব ট্রাডেল্‌স্‌এর সঙ্গে বিদায়ের পূর্বে আমাদের বাসায় আগমন কর, তাহা হইলে তুমি বর দান করিবে

তোমারই

চিরপরিচিত

উইলকিন্স মিক্‌বারকে।”

এত দিন পরে তাঁহার যে একটা চাকরী হইয়াছে, ইহা জানিতে পারিয়া সত্যই আমি আনন্দ লাভ করিলাম। আমি মিক্‌বার-দম্পতির সহিত দেখা করিবার জন্ত প্রস্তুত হইলাম। গ্রেজ্‌ইন্‌ রোডে মটিমার নাম ধারণ করিয়া তিনি বাস করিতেছিলেন। সেই বাসায় আমি ও ট্রাডেল্‌স্‌ গমন করিলাম।

বাড়ী অতি ছোট, তাহারই মধ্যে সন্তানাদি লইয়া মিক্‌বার-দম্পতি কোনওরূপে বাস করিতেছিলেন। মাষ্টার মিক্‌বার এখন বার-তের বৎসরের বালক। মিস্‌ মিক্‌বার তাহার মাতার মতই দেখিতে হইয়াছে।

আমাকে পাইয়া মিঃ মিক্‌বার বলিলেন, “প্রিয় কপারফিল্ড, তুমি ও ট্রাডেল্‌স্‌ দেখছ ত, আমরা দেশ ছেড়ে চ’লে যাচ্ছি। সুতরাং অসুবিধাগুলো তোমরা গ্রাহ্য করো না।”

চারিদিকে চাহিয়া দেখিলাম যে, বাক্স-পেটরা সবই বাধা হইয়া গিয়াছে। অবশ্য লগেজের পরিমাণ খুব অধিক নহে। তাঁহাদের জীবনে পরিবর্তন আসিতেছে, এজন্য আমি আনন্দ অনুভব করিতেছি, সে কথাও জানাইলাম।

মিসেস্‌ মিক্‌বার বলিলেন, “প্রিয় মিঃ কপারফিল্ড, তুমি আমাদের ভালবাস, তাই আমাদের ভাল দেখলে তোমার আনন্দ। ছেলেমেয়েরা ভাবছে, তারা নির্বাসিত হচ্ছে। কিন্তু আমি মিঃ মিক্‌বারকে কোন দিনই ত্যাগ করব না।”

আমি বলিলাম যে, মিসেস্‌ মিক্‌বার ঠিক কাজই করিতেছেন।

মিসেস্‌ মিক্‌বার বলিলেন, “গীর্জাবহুল পল্লীসহরে বাস করার অর্থ ত্যাগস্বীকার। কিন্তু মিঃ কপারফিল্ড, এতে যদি আমার ত্যাগস্বীকার হয়, তা হ’লে মিঃ মিক্‌বারের পক্ষেও কম ত্যাগস্বীকার নয়।”

আমি বলিলাম, “আপনারা গীর্জাবহুল সহরে যাচ্ছেন না কি?”

মিঃ মিক্‌বার বলিলেন, “হ্যাঁ, ক্যান্টারবেরিতেই যাচ্ছি। সত্যি কথা বলতে, কি, কপারফিল্ড, আমাদের বন্ধু হিপের সঙ্গে আমার সর্ভ হয়েছে যে, আমি তার বিশ্বাস-ভাজন কেরণী হয়ে কাজ করব। আমি তা করবার জ্ঞ প্রতিজ্ঞাবদ্ধ হয়েছি।”

আমার বিশ্বাস দেখিয়া মিঃ মিক্‌বার বেশ কৌতুক বোধ করিলেন।

তিনি বলিলেন, “মিসেস্ মিক্‌বারের নির্দেশ অনুসারে চলছি বলেই এ কাজ আমি নিয়েছি। আমি কার্যপ্রার্থী আছি বলে যে বিজ্ঞাপন দিয়েছিলাম, তা দেখে হিপ আমার কাছে এসে প্রস্তাব করে। লোকটা অসাধারণ চতুর। আমার পারিশ্রমিক খুব বেশী সে দিতে চায়নি। কিন্তু যা দিতে চেয়েছে, তাতে আমার অন্ন-বস্ত্রের অভাব আর থাকবে না। আমি তার কাজ করব বলে স্বীকার করেছি। কিছু কিছু আইনজ্ঞান আমার হয়েছে। কোন বিখ্যাত বিচারপতির কাছে আমার আইনজ্ঞান সম্বন্ধে দরখাস্তও করব।”

মিসেস্ মিক্‌বার বলিলেন যে, আইনজ্ঞান সম্বন্ধে মিঃ মিক্‌বার এক দিন দক্ষতা দেখাইতে পারিবেন, এ বিশ্বাস তাঁহার আছে। এই বিষয়ে যদি তিনি লাগিয়া পড়িয়া থাকিতেন, তাহা হইলে নিশ্চয়ই তিনি অনেক কৃতিত্ব দেখাইতে পারিতেন। কিন্তু জীবন-সংগ্রামে মিঃ মিক্‌বার আইনচর্চা করিতে পারেন নাই। এখন যে কাজ পাইতেছেন, তাহাতে সে সুযোগ তাঁহার হইবে। কিন্তু নিয়ন্ত্রণে পড়িয়া না থাকিয়া উচ্চস্তরে তাঁহাকে উঠিতে হইবে।

ট্রাডেলস্ বলিল, “আইনজ্ঞান লাভ করতে হলে কোন আদালতে পাঁচ বছর ছাত্রহিসাবে না থাকলে ব্যারিষ্টার হতে পারে না। ব্যারিষ্টার না হলে আইনের উচ্চতর অধিকার-লাভও হয় না।”

মিসেস্ মিক্‌বার বলিলেন, “আচ্ছা, ৫ বৎসর যদি উনি ঐ ভাবে কাজ করেন, তা হলে বিচারক বা চ্যান্সেলরের যোগ্যতা অর্জন করবার অধিকারী হবেন ত?”

ট্রাডেলস্ বলিল, “নিশ্চয়!”

মিসেস্ মিক্‌বার বলিলেন, “ধন্যবাদ, মিঃ ট্রাডেলস্! যে কাজ তিনি আরম্ভ করতে চলেছেন, এখানে সে সুযোগ ঘটবে।”

আহার শেষ হইলে মিঃ মিক্‌বার বলিলেন, “এখান থেকে চলে যাবার আগে আমার একটা বিশেষ কাজ আছে। আমার বন্ধু মিঃ ট্রাডেলস্ ছুটো ব্যাপারে আমার জ্ঞ বিলে স্বাক্ষর দিয়েছিলেন। একটা বিলের টাকার পরিমাণ ছিল ২৩ পাউণ্ড, ৪ শিলিং সাড়ে ৯'পেন্স। দ্বিতীয় দফায়—১৮ পাউণ্ড, ৬ শিলিং ২'পেন্স। ছুটো বিলের টাকা যোগ করলে

দাঁড়ায় ৪১ পাউণ্ড, ১০ শিলিং সাড়ে ১১ পেন্স। বন্ধু কপারফিল্ড, একবার হিসাবটা চেক করে দেখ ত।”

আমি হিসাব করিয়া বলিলাম যে, হিসাব ঠিকই আছে।

মিঃ মিক্‌বার বলিলেন, “রাজধানী থেকে যাবার আগে আমি বন্ধু ট্রাডেলস্‌এর ঋণের ব্যবস্থা না করে যেতে পারিনে। তাই আমি ঐ টাকার একটা খৎ লিখে মিঃ ট্রাডেলস্‌কে দিয়ে যাচ্ছি।”

ট্রাডেলস্ ঐ খৎখানা লইয়া পকেটে রাখিল। মিঃ মিক্‌বার উন্নতশিরে উঠিয়া দাঁড়াইলেন। তিনি যে কর্তব্য পালন করিয়াছেন, ইহার গৌরবানন্দ উপভোগ করিতে ছিলেন। ঋণ নগদ শোধ দিলে যে রূপ প্রসন্নতা মনে আসে, মিঃ মিক্‌বারের মনে যেন সেইরূপ নির্মূল প্রসন্নতা বিরাজ করিতেছিল। তিনি লঘুগতিতে আমাদিগকে আগাইয়া দিতে আসিলেন।

আমরা পরস্পরের নিকট প্রসন্নচিত্তে বিদায় গ্রহণ করিলাম। ট্রাডেলস্ তাহার বাসার দিকে চলিয়া গেল। আমিও নিজের বাসার দিকে চলিলাম। মিক্‌বার-দম্পতির কথা আমার চিন্তক্ষেত্রে বিরাজ করিতে লাগিল।

### সপ্তত্রিংশ পরিচ্ছেদ

আমার কর্মময় নূতন জীবনধারা এক সপ্তাহেরও অধিককাল চলিল। আমি মাংস ভাগ করিয়া নিরামিষ আহার আরম্ভ করিয়াছিলাম। স্বল্পব্যয়ে থাকিতে হইবে—অবস্থার পরিবর্তন না হইলে ডোরা-লাভ হইবে না।

আমার এই দৃঢ়তার কথা ডোরাকে এখনও জানান হয় নাই। এইরূপে আবার শনিবার আসিল। এই শনিবারে মিস্ মিল্‌সের গৃহে ডোরা আসিবে। তার পর মিঃ মিল্‌স যখন ক্লাবে খেলিতে যাইবেন, সেই অবকাশে আমি সেখানে চা-পানের জ্ঞ যাইব, এইরূপ ব্যবস্থা হইয়াছিল।

ইতিমধ্যে বকিম্‌হাম ষ্ট্রিটের বাসায় বেশ স্থায়ী হইয়া বসিয়াছিলাম। মিঃ ডিক্‌ নকল কার্যে বেশ দক্ষতা ও অমুরাগ দেখাইতে লাগিলেন। মিসেস্ ক্রুপকে পিতামহী পরাজিত করিয়াছিলেন। তাহাকে কার্য হইতে তিনি বরখাস্ত করিয়া দিয়াছিলেন। মিসেস্ ক্রুপ পিতামহীর ব্যবহারে ভীত হইয়া নিজের রান্নাঘরেই আবদ্ধ থাকিত। তাঁহার ছায়া মাড়াইত না।

ঠাকুরমা নিজে অত্যন্ত পরিষ্কার-পরিচ্ছন্ন ছিলেন। তাঁহার শুচিতা এবং পরিচ্ছন্নতার প্রভাবে আমার বাসার শ্রী ফিরিয়া গেল। ঠাকুরমা আমাকে সুখে রাধিবার জ্ঞ এমন যত্ন করিতে লাগিলেন যে, আমার মা থাকিলেও তাহার অধিক কিছু করিতে পারিতেন না।

পেগটী ঠাকুরমাকে সাহায্য করিতে পারিয়া কৃতার্থ হইয়া গেল। ঠাকুরমার সম্বন্ধে তাহার পূর্ব-মনোভাব

সম্পূর্ণ তিরোহিত না হইলেও দুই জনের মধ্যে বেশ মিত্রতার উদ্ভব হইয়াছিল। মিস্ মিলসের গৃহে যে শনিবারে আমার চা-পানের নিমন্ত্রণ ছিল, সেই দিন পেগটীকে দেশে ফিরিয়া যাইতে হইবে স্থির হইয়াছিল। হ্যামের সম্বন্ধে সে যে ভার গ্রহণ করিয়াছিল, সে দায়িত্ব প্রতিপালন তাহাকে করিতেই হইবে। ঠাকুরমা পেগটীকে বিদায়দানকালে বলিলেন, “তবে বিদায়, বার্কিস! খুব সাবধানে থেক। তোমা-হারা হয়ে আমার যে এত কষ্ট হবে, আগে তা কখনও ভাবিনি।”

পেগটীকে গাড়ীর আপিসে লইয়া গিয়া আমি তাহাকে গাড়ীতে চড়াইয়া দিলাম। যাইবার সময় সে কাঁদিতে লাগিল এবং হ্যামের ন্যায় আগ্রহভরে সে তাহার ভ্রাতার ভার আমার উপরেই অর্পণ করিয়া গেল।

বিদায়কালে সে বলিল, “স্নেহের ডেভি, যদি টাকার দরকার হয়, তোমার মা’র এই বোকা সঙ্গিনীকে তখন খোঁজ করো—আমার কাছে লজ্জা করো না, ডেভিড।”

নিশ্চয়! অর্থাভাব হইলে আমি তাহারই কাছে হাত পাতিব। তাহার মত স্নেহময়ী ধাত্রী আমি কোথায় পাইব!

তার পর আমার কাণে কাণে বলিল, “তাকে বলো, আমি তাকে এক মিনিটের চোখের দেখা দেখতে পেলে ধন্য হতাম। আমার বাহ্যর সঙ্গে তার বিয়ে হবার আগে সে যেন আমাকে স্মরণ করে। কারণ, আমি গেরস্থালীর জগৎ ঘর-বাড়ী সুন্দর ক’রে সাজিয়ে দেব।”

আমি তাহাকে বলিলাম, সে অধিবার আর কেহই পাইবে না। এই কথায় পেগটী অত্যন্ত আনন্দিত হইল। সে খুসী-মনে বিদায় লইয়া চলিয়া গেল।

সমস্ত দিন কমলএ আমি কাজে ব্যাপৃত রহিলাম। নির্দিষ্ট সময়ে মিস্ মিলসের ভবনে উপনীত হইলাম। মিঃ মিলস তখনও ক্লাবে যান নাই। কাজেই আমাকে পথে প্রতীক্ষা করিতে হইল। অনেক পরে তিনি ক্লাবে চলিয়া গেলেন, তখন আমি বাড়ীতে প্রবেশ করিলাম। ডোরা আমাকে দেখিয়া আনন্দে অধীর হইল।

বৈঠকখানা-ঘরে ডোরা জিপ সহ আসিল। খানিক পরে আমি ডোরাকে জিজ্ঞাসা করিলাম যে, সে ভিক্ষুককে ভালবাসিতে পারে কি না?

ডোরা বলিয়া উঠিল, “এমন কথা তুমি আমাকে বললে? ভিখারীকে ভালবাসা!”

আমি বলিলাম, “প্রাণাধিকা ডোরা, আমি আজ সত্যি ভিখারী!”

ডোরা সংক্ষেপে বলিল, “এমন বোকাম মত কথা তুমি বলছ? তুমি ওখানে বসে ঐ রকম গল্প যদি বানিয়ে বানিয়ে বলতে থাক, আমি জিপকে এখন বলব, সে তোমার কামড়ে দেবে।”

আমি গম্ভীরভাবে বলিলাম, “সত্য বলছি, ডোরা, আমি আজ সর্বস্ব হারা তোমারই ডেভিড।”

তাহার অলকশুচ্ছ ফ্লাইয়া ডোরা বলিল, “ফের যদি ঐ সব কথা বলবে, আমি এখনই জিপকে বলব, সে তোমাকে কামড়ে দেবে।”

কিন্তু আমাকে পুনরায় গম্ভীর হইতে দেখিয়া, ডোরা হয় ত ভাবিল যে, আমি উপহাস করিতেছি না। তখন সে আমার স্বন্ধে হাত রাখিয়া উৎকণ্ঠিতভাবে আমার দিকে চাহিল—তার পর কাঁদিতে লাগিল। ইহাতে আমি বড় বিপদ-গ্রস্ত হইলাম। আমি নতজানু হইয়া তাহার সোফার ধারে বসিলাম, তাহাকে আদর করিতে লাগিলাম। বলিলাম, সে যদি এমন বিচলিত হয়, তাহা হইলে আমার বুক ফাটিয়া যাইবে। কিন্তু কিছুক্ষণ ধরিয়া সে শুধু হায়, হায় করিতে লাগিল। সে অত্যন্ত ভীত হইয়াছে বুঝিলাম। এ সময়ে মিস্ মিলস কোথায়? এখন যদি জুলিয়া মিলসের কাছে ডোরাকে লইয়া যাইতে পারিতাম!

অনেক কাকুতি-মিনতি করিবার পর ডোরা আমার দিকে চাহিল। তাহার মুখ তখন এমন বিবর্ণ! আমি অনেক করিয়া আদর করিতে তাহার মুখে কোমল প্রসন্নতার দীপ্তি ফুটিয়া উঠিল। তাহার গণ্ডদেশ আমার গণ্ডদেশে স্থাপিত হইল। আমি তাহাকে বাহুবন্ধনে আবদ্ধ করিয়া বলিলাম, আমি তাহাকে কত ভালবাসি। আমি এখন দরিদ্র হইয়া পড়িয়াছি বলিয়া তাহাকে বাগ্‌দান-ব্যাপার হইতে আমি রেহাই দিতে চাই। অবশ্য ইহাতে আমার বুক ভাঙিয়া যাইবে, আমার সর্বনাশ হইবে। আমি দারিদ্র্যকে ভয় করি না। সে যদি আমার সহায় হয়, আমি আরও উৎসাহের সঙ্গে আমার ভাগ্যগঠনে নিযুক্ত হইব। এখন হইতেই আমি সংগ্রাম আরম্ভ করিয়াছি। এই বলিয়া ঠাকুরমার কথা তাহাকে জানাইলাম।

সে আমার দেহে তাহার দেহ মিশাইয়া বসিয়াছিল, তাহাতে আমি তাহার মনের ভাব বুঝিয়াছিলাম। তথাপি বলিলাম, “এ কথা শুনবার পর, ডোরা, তোমার মনে আমার স্থান আছে ত?”

ডোরা বলিল, “নিশ্চয়, নিশ্চয়, আমার এ মন তোমারই।”

“প্রাণাধিকা ডোরা! যা সামান্য খুদকুড়া আমি উপার্জন করব—”

“কিন্তু ও সব কথা আমি শুনতে চাই না। খুদকুড়ার কথা আমি শুনবো না! জিপ ছপুরবেলা মটন-চপ খায়, তাকে রোজ তা দিতে হবে। না হলে সে মরে যাবে!”

আমি তাহার শিশুসুলভ সারল্যে মুগ্ধ হইলাম। ডোরাকে বলিলাম যে, জিপের মটন-চপের অভাব কোন দিন হইবে না। তার পর আমাদের সাধাসিধা



গার্হস্থ্য-জীবনের ছবি আঁকিয়া আমি তাহার সম্মুখে ধরিলাম। ঠাকুরমার কথাও বলিলাম।

ডোরা বলিল, “তোমার ঠাকুরমা নিজের ঘরেই বেশী থাকবেন তো?” তিনি বোধ হয় ঝগড়াটে বুড়ী নন!”

আমি ডোরাকে আরও পরীক্ষা করিবার মানসে বলিলাম, “কিন্তু দরিদ্রের সঙ্গে তোমার বাগ্‌দান হয়েছে, এজন্য তুমি মনে দুঃখ করবে না ত?”

“না, না, ও কথা বলো না। ও সব শুনলে আমি ভয় পাই!”

আমি দরিদ্রের ঘরকণার কথা বুঝাইয়া বলিতে লাগিলাম। সে হিসাবপত্র রাখিতে শিখিবে; গৃহস্থালীর কাজ আয়ত্ত করিবে, এই সকল কথা বলিতে বলিতে চাহিয়া দেখিলাম, ডোরা মুচ্ছা গিয়াছে।

ভয়ে বিহ্বল হইয়া কোমলমতি ডোরা চৈতন্য হারাইয়াছে দেখিয়া আমি ব্যতিব্যস্ত হইয়া পড়িলাম। আমি তাহার মুখে জলের ছিটা দিতে লাগিলাম। হায়! এ সময় জুলিয়া কোথায়?

অবস্থা দেখিয়া জিপ ভীষণ ডাকিতে লাগিল। মিস্ মিল্‌স্ তাড়াতাড়ি ঘরের মধ্যে আসিল। সে বলিল, “কে এ কাজ করলে?”

বলিলাম, “আমি করেছি, মিস্ মিল্‌স্। আমি বুঝি ওকে মেরে ফেলিলাম।”

মিস্ মিল্‌স্ ভাবিয়াছিল, আমরা উভয়ে কলহ করিয়া এমন করিতেছি, কিন্তু তার পর আমার কাছে সব কথা শুনিয়া মিস্ মিল্‌স্ তাহাকে বুঝাইল যে, আমি মুটে-মজুর নছি। তখন ডোরা প্রকৃতিস্থ হইল। আবার আমাদের মধ্যে সন্ধি স্থাপিত হইল।

মিস্ মিল্‌স্ বুঝাইল, কুটীরে থাকিয়া যদি সম্ভাষণ ও ভূষ্টি পাওয়া যায়, রাজপ্রাসাদের ঐশ্বর্য্য অপেক্ষা তাহাও প্রার্থনীয়। কারণ, প্রেম যেখানে নাই, সেখানে কিছুই নাই।

তার পর মিস্ মিল্‌স্ আমাকে বলিল যে, ডোরার যেরূপ প্রকৃতি, তাহাতে তাহাকে এ সকল বস্তুতান্ত্রিক কথা এখন বলা ঠিক হয় নাই। সে প্রকৃতির দুলালী কন্যা—সে আনন্দের নিষ্কার। এ সকল সাংসারিক বিষয়ের কথা তাহাকে বলিতে গিয়া আমি অস্থায়ী করিয়াছি।

অবশেষে মিস্ মিল্‌স্ আমায় আশ্বাস দিল যে, সে ডোরাকে রন্ধনাদি গৃহস্থালীর ব্যাপারে ক্রমে আকৃষ্ট করিবে। ধীরে স্থলে তাহার কাছে এ সকল বিষয়ে প্রস্তাব করিয়া তাহাকে এ বিষয়ে পারদর্শিনী করিয়া তুলিবার চেষ্টা করিবে। তবে সে আমাকে সম্পূর্ণভাবে আশ্বাস দিতে পারিল না।

চা-পানের পর ডোরা বাস্তবস্থ লইয়া বাজাইতে বসিল, সঙ্গে সঙ্গে গানও চলিল। গান শেষ হইলে, সকালবেলা

শয্যাভ্যাগের কথা উঠিল। আমি যে ইদানীং ভোর ৪টায় গাত্রোথান করি, সে কথাটা বলিয়া দেখিলাম।

ডোরা বলিল, “ছুট্ট ছেলে, অত ভোরে তোমার উঠতে হবে না।”

আমি বলিলাম, ‘প্রাণাধিকা ডোরা, আমার যে কাজ করতে হয়।’

ডোরা বলিল, “না, তোমাকে কাজ করতে হবে না। কেন তুমি কাজ করবে?”

কিন্তু তাহাকে বুঝাইতে হইল যে, কাজ না করিলে সংসার চলিবে কিরূপে?

সে বলিল, “বাঃ, এ ত বড় মজার কথা!”

আমি বলিলাম, “কাজ না করিলে খাব কি?”

সে বলিল, “যেমন ক’রে হোক চ’লে যাবে।”

কথার সঙ্গে সঙ্গে সে এমনভাবে আমায় চুমা দিল, যেন সংসারে দুঃখ-কষ্ট অভাব-অভিযোগের কোন বালাই নাই।

আমি তাহাকে আর কোন কথা না বলিয়া চলিয়া আসিলাম। কিন্তু আরও দৃঢ়তার সহিত আমি জীবন-সংগ্রামে প্রবৃত্ত হইলাম।

### অষ্টত্রিংশ পরিচ্ছেদ

পার্লামেন্টের আলোচনার বিবরণ সংবাদপত্রে প্রেরণ করার চিন্তা আমি ত্যাগ করিলাম না। কিরূপে এ কার্যে দক্ষতা লাভ করিতে হইবে, তাহার ব্যবস্থা করিলাম। ষ্টেনোগ্রাফার হইবার জন্ত আমি ভাল বই ক্রয় করিলাম। ‘সটহাও শিখিবার প্রবল আগ্রহে আমি উন্মত্ত হইয়া উঠিলাম। কিন্তু কার্য সহজ নহে। সাক্ষাতিক বর্ণমালা আয়ত্ত করা অত্যন্ত কঠিন মনে হইতে লাগিল। যাহা শিখিতে লাগিলাম, তাহা আবার বিস্মৃত হইতে লাগিল। মনে হইল, আমি অগাধ সমুদ্রমধ্যে নিষ্কিপ্ত হইয়াছি।

আমি অবশেষে ট্রাডেলস্‌এর শরণ লইলাম। সে আমার দুর্বলতা লক্ষ্য করিয়া আমাকে সাহায্যার্থ অগ্রসর হইল। প্রতি রাত্রিতে সে বক্তৃতা করিত, আমি লিখিতাম। সে তাহা পরীক্ষা করিয়া সংশোধন করিত। ডাক্তারের কাজ সারিয়া বাসায় আসিবার পর এই কার্য করিতাম। পিতামহী, মিঃ ডিক্‌ও এ বিষয়ে আমাদের দলে ভর্তি হইলেন। রাত্রি দ্বিপ্রহর পর্যন্ত এইভাবে পরিশ্রম করিতে লাগিলাম। অতি মন্থরগতিতে আমার শিক্ষাকার্য্য অগ্রসর হইতে লাগিল।

এক দিন কমন্সএ যথারীতি বাইবার পর দেখিলাম, মিঃ স্পেনলো অত্যন্ত গম্ভীর হইয়াছেন। আমার অভিবাচনের প্রত্যুত্তরে তিনি আজ যেন তেমন আন্তরিকতা প্রকাশ করিলেন না। তাহার ব্যবহার দর্শনে মনে হইল যে, তিনি ডোরার সহিত আমার প্রণয়ঘটিত ব্যাপারের সন্ধান হয় তা পাইয়াছেন।

তিনি আমাকে তাঁহার সহিত একটা কফিখানায় যাইবার জন্ত বলিলেন। আমি তাঁহার অনুবর্তী হইলাম। নির্দিষ্ট কক্ষে প্রবেশ করিয়া দেখিলাম, মিস্ মর্ডষ্টোন সেখানে বসিয়া আছেন।

আমরা উপবিষ্ট হইলে মিঃ স্পেনলো বলিলেন, “মিস্ মর্ডষ্টোন, আপনার যা কিছু দেখাবার আছে, মিঃ কপারফিল্ডকে দেখান।”

মিঃ মর্ডষ্টোন তাঁহার ব্যাগ খুলিয়া একখানা পত্র বাহির করিলেন। বলিলাম, আমি সে দিন ডোরাকে যে শেষ পত্র লিখিয়াছি, উহা তাহাই।

মিঃ স্পেনলো বলিলেন, “চিঠিখানা বোধ হয় তোমার লেখা, মিঃ কপারফিল্ড?”

আমি বলিলাম, “হাঁ, মহাশয়!”

মিস্ মর্ডষ্টোন একতড়া চিঠি বাহির করিলে পর মিঃ স্পেনলো বলিলেন, “এ চিঠিগুলি বোধ হয় সবই তোমার লেখা।”

আমি বিমর্ষভাবে তাড়াটি লইয়া খুলিয়া দেখিলাম, প্রত্যেকখানি আমারই লিখিত পত্র। স্মরণ্য মাথা নাড়িয়া বলিলাম যে, সবই আমার লেখা।

পত্রগুলি তাঁহার হাতে প্রত্যর্পণ করিতে উচ্চত হইলে, তিনি বলিলেন, “না, ধন্যবাদ। আমি তোমাকে ঐ চিঠিগুলি হাতে বঞ্চিত করতে চাই না। মিস্ মর্ডষ্টোন, এইবার বলুন।”

মিস্ মর্ডষ্টোন বলিলেন, “ডেভিড কপারফিল্ড সম্বন্ধে মিস্ স্পেনলোর মনের ভাব কি রকম, তা অনেক দিন হ’তে আমি সন্দেহ করছিলুম। ওঁদের হৃৎজনের প্রথম সাক্ষাতের সময় আমি উপস্থিত ছিলাম। সে সময় পরস্পর পরস্পরের সম্বন্ধে ষেরূপ মনোভাব প্রকাশ করেছিল, তা আমার কাছে ভাল লাগে নি। মনুষ্য-চরিত্রের কদর্যতা—”

মিঃ স্পেনলো বাধা দিয়া বলিলেন, “আপনি শুধু ঘটনার কথা বলুন, মন্তব্যের প্রয়োজন নেই।”

এইরূপে বাধাপ্রাপ্ত হইয়া মিস্ মর্ডষ্টোন একটু ক্রকুটি করিলেন, তার পর বলিয়া চলিলেন, “যদি শুধু ঘটনার কথাই আমাকে বলতে হয়, তা হ’লে আমি যথাসম্ভব নীরসভাবেই ব’লে যাই। আমি আগেই বলেছি যে, আমার সন্দেহ হয়েছিল। তবে সন্দেহের সমর্থক প্রমাণ সংগ্রহের চেষ্টায় আমি ছিলাম। কিন্তু তা পাই নি। তাই মিস্ স্পেনলোর পিতাকে সে কথা জানাতে পারি নি। কারণ, এ রকম ব্যাপারে প্রমাণ না দেখিলে কোন কথা বলা চলে না—তাতে কর্তব্যপালন হয় না।”

মিঃ স্পেনলো এ কথা বলিবার একটু মুসড়িয়া পড়িলেন।

মিস্ মর্ডষ্টোন বলিয়া চলিলেন, “আমি নরউডে ফিরে আসবার পর অর্থাৎ আমার ভাইয়ের বিয়ে হবার পর আমি যখন ফিরে এলাম এবং মিস্ স্পেনলো যখন মিস্ মিলস্‌এর

বাড়ী থেকে ফিরে এল, তখন তার ব্যবহার দেখে আমার সন্দেহ আরও বেড়ে গেল। তখন আমি সন্ধান নিতে আরম্ভ করলুম।”

হার ডোরা! কি রকম শরতানের, পাল্লার তুমি পড়িয়াছিলে, তাহা তুমি জানিতে না!

তিনি বলিয়া চলিলেন, “কিন্তু আমি কোন প্রমাণই পেলাম না। আমার মনে হ’ল, মিস্ মিলসের কাছ থেকে মিস্ স্পেনলো বড় বেশী চিঠিপত্র পাচ্ছে। কিন্তু মিস্ মিলস্ মিস্ স্পেনলোর বন্ধু, পিতার জ্ঞাতসারেই বন্ধু। কাজেই আমি বাধা দেবার কে? আমি যদি মানব-চরিত্রের কদর্যতার কথা বলবার অধিকার না পাই, তবু এ কথা বলব যে, অমোগ্যপাত্রে বিশ্বাস স্তম্ভ করতে নেই।”

মিঃ স্পেনলো আমতা আমতা করিয়া নিজের ক্রটি স্বীকার করিলেন।

“কাল সন্ধ্যার পর চা-পান হয়ে গেলে, দেখলাম, কুকুরটা বৈঠকখানা-ঘরের মধ্যে কি একটা নিয়ে খেলা কচ্ছে। আমি বললাম, ডোরা, দেখ ত কুকুরের মুখে মধ্যে কি রয়েছে? বোধ হচ্ছে, একখানা কাগজ। ডোরা তখনই তার জামার পকেটে হাত দিলে, তার পর চীৎকার ক’রে দৌড়ে গেল। আমি তাকে বাধা দিয়া বললাম, ডোরা, আমি দেখছি। মিস্ স্পেনলো আমাকে চুম্বা দিবে ভোলাবার অনেক চেষ্টা করলে। ছোটখাট গহনা দিবেও আমার মুখবন্ধের অনেক চেষ্টা করলে। আমি অনেক কষ্টে কুকুরের মুখ থেকে কাগজটা বের ক’রে নিলাম। সেটা একটা চিঠি—এঁর কাছ থেকেই সে চিঠি এসেছে। চিঠিখানা প’ড়ে আমি ডোরাকে চেপে ধরলাম। তখন জানতে পারলাম যে, এ রকম অনেক পত্র সে পেয়েছে। তার পর অনেক কষ্টে চিঠির তাড়াটা আদায় করেছি। ঐ সেই তাড়া।”

মিস্ মর্ডষ্টোন নীরব হইলেন।

মিঃ স্পেনলো বলিলেন, “সব কথা ত শুন্লে, এখন তোমার কি বলবার আছে, মিঃ কপারফিল্ড?”

আমার নয়ন-সমক্ষে ডোরার চিত্র ফুটিয়া উঠিল। সে ধরা পড়িয়া কিরূপ দুঃখ ও লজ্জা পাইয়াছে, তাহা আমি অনুমান করিয়া দেখিলাম। তাহার জন্ত আমার বুক কাটিয়া যাইতে লাগিল। কিন্তু আমি বহুকষ্টে আত্মসংবরণ করিয়া বলিলাম, “আমার বলবার কিছু নেই। শুধু এইটুকু বলব যে, দোষ সব আমার। ডোরা—”

গর্ভভরে মিঃ স্পেনলো বলিলেন, “মিস্ স্পেনলো বল।”

আমি বলিলাম, “তাকে আমিই লইয়েছিলাম। আমি সব গোপন রাখতে তাঁকে অনুরোধ করেছিলাম। সে জন্ত আজ আমি অত্যন্ত অনুতপ্ত।”

মিঃ স্পেনলো কক্ষমধ্যে পরিক্রমণ করিতে করিতে বলিলেন, “তুমি ভারী অস্তায় কাজ করেছ। এমন গোপন

কাজ করা ভারী অন্তর হচ্ছে, মিঃ কপারফিল্ড। কোন ভুললোককে আমার বাড়ীতে যখন আমি এনেছি, তখন তাঁর বয়স উনিশ হটক, উনত্রিশ হটক, বা নব্বই হটক, আমি তাঁকে বিশ্বাস করেই ঘরে এনেছি বুঝতে হবে। আমার সে বিশ্বাস যদি তিনি ভঙ্গ করেন, তা হ'লে তিনি অতি গর্হিত অভদ্রোচিত কাজ করেছেন বলতে হবে।”

আমি বলিলাম, “আমি সে কথা এখন বুঝতে পারছি। কিন্তু আগে এ সব কথা আমার মনে হয়নি। আমি সর্কাস্ত্র-করণে বলছি, যথার্থ বলছি, মিঃ স্পেনলো, আগে আমার এ কথা মনে হয়নি। আমি মিস্ স্পেনলোকে যত ভালবেসেছিলাম—

“থাম। আমার যুথের সামনে বলো না, আমার মেয়েকে তুমি ভালবেসেছ।

“তা যদি না হ'ত, তা হ'লে কি আমার ব্যবহারের সমর্থনযোগ্য কিছু থাকতে পারে?”

“তোমার ব্যবহারকে কি ক'রে তুমি সমর্থন করতে পার বল ত? তোমার বয়স, আমার কণ্ঠার বয়স বিবেচনা ক'রে দেখেছ? আমার ও আমার কণ্ঠার মধ্যে যে বিশ্বাস বিস্তারিত থাকে উচিত, সেটা লক্ষ্য করার অর্থ কি, তা কি তুমি বিবেচনা ক'রে দেখেছ? আমার মেয়ের পদমর্যাদার কথা ভেবে দেখেছ? তার কি রকম ঘর-বরে বিয়ে দেবার ইচ্ছে আমার আছে, তাও কি তুমি বিবেচনা ক'রে দেখেছিলে কোন দিন?”

অত্যন্ত বিশ্বাসের সহিত শ্রদ্ধাপূর্ণভাবে আমি বলিলাম, “না, মশাই, সত্যই অত বিচার ক'রে দেখিনি। তবে আমার সাংসারিক অবস্থাটা কি, তা আমি বিচার ক'রে দেখেছিলাম। আমি সে কথা যখন আপনাকে বলেছিলাম, তখন আমরা পরস্পর বাগ্দানে আবদ্ধ—

গভীর উত্তেজনাভরে বাধা দিয়া তিনি বলিলেন, “মিঃ কপারফিল্ড, বাগ্দানের কথা আমার কাছে অনুগ্রহ ক'রে বলো না।”

এতক্ষণ মিস্ মর্ডষ্টোন নীরব ছিলেন, এখন তিনিও বিক্রপভরে হাসিয়া উঠিলেন।

আমি বলিলাম, “আমার অবস্থা-বিপর্যয়ের কথা যখন আপনাকে জানিয়েছিলাম, তার আগে লুকোচুরী ব্যাপার আরম্ভ হয়ে গিয়েছিল। কিন্তু আমার অবস্থা-বিপর্যয়ের পর আমি প্রাণপণে নিজের অবস্থার উন্নতির জন্ত চেষ্টা করছি। আমার বিশ্বাস, সময়ে আমি উন্নতি করবই। আপনি আমাকে সে জন্ত অবকাশ—যত দিন আপনি ইচ্ছা করেন—সময় দেবেন? আমরা দুজনেই এখন ছেলেমানুষ—

মিঃ স্পেনলো মাথা আন্দোলিত করিয়া বলিলেন, “সে কথা ঠিক। তোমরা দুজনেই ছেলেমানুষ। তোমাদের প্রেম বাজে কথা। এমন বাজে ব্যাপার এখনই বন্ধ ক'রে দিতে হবে। ওসব চিঠি নিয়ে গিয়ে আঙুনে পুড়িয়ে দেও।

মিস্ স্পেনলো তোমায় যে সব চিঠি লিখেছে, তা আমার ফিরিয়ে দাও, আমিও পুড়িয়ে ফেলব। ভবিষ্যতে তোমার সঙ্গে আমার যে সম্বন্ধ, সে কমল পর্য্যন্তই থাকবে, তার বাইরে নয়। অতীতের কোন আলোচনা চলবে না। মিঃ কপারফিল্ড, তোমার বুদ্ধি নেই, এমন মনে হয় না। সুতরাং ঐ রকম ভাবেই চলা দরকার।”

আমি কিছু একরূপ প্রস্তাবে সম্মত হইতে পারিলাম না। আমি বলিলাম, জ্ঞানের বা বুদ্ধির অপেক্ষাও উচ্চতর অবস্থা আছে। পৃথিবীর যাবতীয় ব্যাপারের মধ্যে প্রেম সর্বশ্রেষ্ঠ। আমি ডোরাকে দেবীর স্থায় ভালবাসি, পূজা করি। ডোরাও আমাকে ভালবাসে। এ বিষয়ে আমি দৃঢ়সংকল্পবদ্ধ।

মিঃ স্পেনলো বলিলেন, “আচ্ছা মিঃ কপারফিল্ড, আমি আমার মেয়েকে বোঝাতে চেষ্টা করব।”

মিস্ মর্ডষ্টোন দীর্ঘশ্বাস মোচন করিয়া বলিলেন যে, গোড়া হইতে সে চেষ্টাই করা উচিত ছিল।

মিঃ স্পেনলো জোর পাইয়া বলিলেন, “আমি নিশ্চয় চেষ্টা ক'রে দেখব। মেয়ের উপর আমার জোর আছে, আমি তার ওপর প্রভাব বিস্তার করব। ঐ চিঠিগুলো তুমি নিতে রাজি নও ত?”

নিশ্চরই। আমি তাঁহাকে বলিলাম যে, তিনি ইহাতে অসম্মত কিছু যেন লক্ষ্য না করেন। আমি মিস্ মর্ডষ্টোনের নিকট হইতে প্রাপ্ত পত্রগুলি কখনই লইতে পারি না।

“আমার কাছ থেকেও নয়?”

অত্যন্ত শ্রদ্ধাসহকারে আমি বলিলাম যে, তাঁহার নিকট লইতেও লইতে পারি না।

মিঃ স্পেনলো বলিলেন, “আচ্ছা, বেশ!”

সব চুপচাপ। আমি ভাবিলাম, এখন আমি বিদায় লইব কি না। অবশেষে দরজার দিকে আমি পা বাড়াইলাম। এমন সময় তিনি আমার ডাকিয়া বলিলেন, “মিঃ কপারফিল্ড, তুমি বোধ হয় জান যে, আমি একবারে হতভাগা নই। আমার কিছু সংস্থান আছে। এ কথাও বোধ হয় জান যে, আমার মেয়েই আমার একমাত্র ঘনিষ্ঠতম আত্মীয়?”

আমিও তাঁহাকে বলিলাম যে, আমি টাকার দিক দিয়া ডোরাকে ভালবাসি নাই।

মিঃ স্পেনলো বলিলেন, “আমি সে দিক দিয়ে ও কথা বলিনি। তুমি যদি টাকার দিকটা দেখতে, তা হ'লে সকলের পক্ষেই ভাল হ'ত। অর্থাৎ এই বাজে কল্পনায়—তরুণ-যৌবনের বাজে কল্পনার প্রভাবিত যদি না হ'তে, তা হ'লে ভাল হ'ত। তুমি বোধ হয় জান যে, আমার মেয়েকে আমি কিছু সম্পত্তি দিয়ে যাব?”

আমি বলিলাম যে, সে কথা জানা স্বাভাবিক।

মিঃ স্পেনলো বলিলেন, “আমার মেয়ের জন্ত আমি যে ব্যবস্থা ক'রে যাব, সেই সম্পত্তি তরুণ-যৌবনের খাম



খেয়ালীতে নষ্ট হয়ে যাবে, এ ব্যবস্থা আমি হ'তে দেব না। এটা নির্বুদ্ধিতা, খালি বাজে কল্পনা। যদি এ কল্পনা পরিত্যক্ত না হয়, তা হ'লে আমি আমার মেয়ের সম্পত্তি রক্ষার জন্য অন্তরকম ব্যবস্থা ক'রে যাব। যাতে সে নির্যোধের মত বিয়ে ক'রে না বসে। মিঃ কপারফিল্ড, সুতরাং বুঝে দেখ, তুমি যদি এখনও সতর্ক না হয়ে কাজ কর, তা হ'লে আমি যা স্থির ক'রে রেখেছি, তা বদলে ফেলতে হবে। বুঝেছ ?”

কিন্তু আমি কি করিব ? কখনই ডোরাকে ত্যাগ করিতে পারি না—তাহার আশা ত্যাগ করা অসম্ভব। মিঃ স্পেনলো আমায় বলিলেন, আরও এক সপ্তাহকাল আমি যেন বিবেচনা করিয়া দেখি।

“ইতিমধ্যে মিস্ ট্রটউডের কাছে তুমি সব কথা ব'লে তাঁর পরামর্শ গ্রহণ কর। অথবা সাংসারিক বিষয়ে যাদের জ্ঞান আছে, এমন কোন লোকের উপদেশ লও। এক সপ্তাহকাল বিবেচনার জন্ত দিলাম।”

আমি অগত্যা সম্মত হইয়া চলিয়া আসিলাম। আপিসে আসিয়া আমি কাজে বসিলাম; কিন্তু মন আমার অত্যন্ত বিক্ষিপ্ত হইয়া পড়িল। মিস্ মর্ডষ্টোনের ব্যবহার এবং বাড়ীতে গিয়া মিঃ স্পেনলো কণ্ঠার প্রতি কিরূপ কঠোর ব্যবহার করিবেন, ইহা চিন্তা করিয়া আমি বিশেষ উৎকণ্ঠিত হইয়া উঠিলাম। ডোরার সে অসহায় অবস্থা কল্পনানুভবে দর্শন করিয়া আমার মন বিদ্রোহী হইয়া উঠিল।

আমি মিঃ স্পেনলোকে একখানা চিঠি লিখিলাম। তাহাতে আমি লিখিলাম যে, তিনি যেন সেই নিষ্পাপ এবং সরলা ডোরার উপর কঠোরতা প্রকাশ না করেন—তাহাকে যেন চূর্ণ না করেন, সেই অনবদ্য পুষ্পটিকে যেন পিষ্ট করিয়া না ফেলেন। এই চিঠি শীলমোহর করিয়া তাঁহার টেবলের উপর রাখিয়া দিলাম। তিনি যথাসময়ে আপিস-ঘরে ফিরিয়া আসিয়া আমার পত্র পড়িলেন, দেখিলাম। যারা দিন তিনি আমাকে কোন কথা বলিলেন না। অপরাত্তে বাড়ী ঘাইবার পূর্বে আমাকে ডাকিয়া তিনি বলিলেন যে, তিনি তাঁহার কণ্ঠাকে এ বিষয়ে এখন কোন কথাই বলিবেন না। তিনি কণ্ঠাকে ভালবাসেন, সুতরাং তাহার সঙ্কে আমার উদ্ভিগ্ন হইবার কোন কারণই নাই।

“তুমি যদি নির্যোধের মত কাজ কর, তা হ'লে বাধ্য হয়ে তাকে আবার বিদেশে পাঠাতে হবে। আশা করি, তুমি তা করবে না। মিস্ মর্ডষ্টোনকে আমি ব'লে দিইছি, তিনি এ বিষয়ে কোন আলোচনা করবেন না। তবে তাঁর তীক্ষ্ণ দৃষ্টি আমি পছন্দ করি, তাঁকে আমি বিশ্বাসও করি। তুমি এ কথা ভুলে যাও, আমরাও সব ভুলে যাব।”

\* মিস্ মিলস্কে আমি পত্রযোগে সব জানাইয়া লিখিলাম যে, একবার গোপনে আমি তাঁহার সঙ্গে দেখা করিতে চাই।

রান্নাঘরে আমার সহিত তিনি সাক্ষাৎ করিবার ব্যবস্থা করিলে, অল্পগৃহীত হইব।

নির্দিষ্ট সময়ে আমি তাঁহার সহিত দেখা করিয়া সব কথা বলিলাম। তিনি চুঃখিত হইয়া বলিলেন যে, ডোরা ও আমার মধ্যে সমুদ্রের ব্যবধান ঘটিয়া গেল। শুধু প্রেমই ইহার উপর সেতু নির্মাণ করিতে পারিবে। চিরদিনই প্রেম এইরূপে বাধা পাইয়া আসিতেছে।

পিতামহীর কাছে আমি সকল কথা বলিলাম। তিনি কোন কথা বলিলেন না। ইহাতে আমি আরও নৈরাশ্র অল্পভব করিলাম। চারিদিকেই যেন নৈরাশ্রের অঙ্ককার গাঢ় হইয়া উঠিতে লাগিল। পরদিবস শনিবার। যথা সময়ে আমি কমন্সএ গমন করিলাম।

আপিসে গিয়া দেখিলাম, কেরাণীরা কেহই কাজ করিতেছে না। বড় কেরাণী টিফি আর এক জনের টুলের উপর চূপ করিয়া বসিয়া রহিয়াছে দেখিয়া আমি বিস্মিত হইলাম। কারণ, এমনভাবে চূপ করিয়া তাহাকে অন্তরে আসনে কখনও বসিয়া থাকিতে দেখি নাই।

আমি ঘরের মধ্যে প্রবেশ করিতে টিফি বলিয়া উঠিল, “মিঃ কপারফিল্ড, ভয়ানক সর্বনাশ হয়ে গেছে।”

সবিস্ময়ে আমি বলিলাম, “কি হয়েছে ?”

টিফি বলিল, “আপনি শোনেননি ?”

তখন অল্প কেরাণীরা আমায় চারিদিক হইতে ঘিরিয়া দাঁড়াইয়ছিল।

আমি সকলের মুখের দিকে তাকাইয়া বলিলাম, “না।”

টিফি বলিয়া উঠিল, “মিঃ স্পেনলো”—

“কি হয়েছে তাঁর ?”

“মারা গেছেন !”

আমার মনে হইল, সমস্ত ঘরটি যেন বন্বন্ব করিয়া ঘুরিতেছে। এক জন কেরাণী আমাকে ধরিয়া ফেলিল। তাহার আমায় একখানা চেয়ারে বসাইয়া দিল। আমার গলাবন্ধ, কোট খুলিয়া দিল। কেহ আমাকে জল আনিয়া দিল। কতক্ষণ এ ভাবে ছিলাম, জানি না।

তার পর অনেকটা প্রকৃতিস্থ হইয়া বলিলাম, “মারা গেছেন ?”

“কাল সকালে তিনি সহরে আহার ক'রে ফিটন-গাড়ী হাঁকিয়ে বাড়ীর দিকে চ'লে যান। সহিসটাকে আগেই পাঠিয়ে দিয়েছিলেন। নিজেই গাড়ী হাঁকিতে থাকেন।”

“তার পর ?”

“ফিটন-গাড়ী বাড়ী পৌঁছেছিল, কিন্তু তিনি তাতে ছিলেন না। ঘোড়া ছটো, আস্তাবলের দরজার কাছে এসে, থেমে পড়েছিল। সহিসটা একটা লুঠন নিয়ে বাইরে আসে; কিন্তু গাড়ীতে কাকেও দেখতে পায়নি।”

“ঘোড়াগুলো কি ক্ষেপে গিয়েছিল ?”

“মা, তারা সাধারণ গতিতে পৌঁছে এসেছিল বলেই মনে হয়। লাগাম ছিঁড়ে গিয়েছিল। বাড়ীর লোক তখন ভেঙ্গে উঠে সন্ধান আরম্ভ করে। মাইলখানেক দূরে তাঁর দেহ আবিষ্কৃত হয়। তিনি মুখ খুঁড়ে মাটির উপর পড়েছিলেন। সম্ভবতঃ তাঁর মূর্ছা হয়েছিল, সে মূর্ছা ভাঙেনি। ডাক্তার দেখান হয়েছিল, কিন্তু বুধা।”

আমার মনের অবস্থা কিরূপ দাঁড়াইল, তাহা অল্পভব-  
যোগ্য।

আমি সন্ধ্যার পর নরউডে গেলাম। এক জন ভৃত্যের কাছে গুনিলাম যে, মিস্ মিলস্ সেখানে আসিয়াছে। বাড়ী গিয়া আমি ঠাকুরমাকে দিয়া তাহার কাছে একখানা পত্র লিখাইলাম, উহা আমারই লেখা। মিস্ স্পেন্নলোর অকাল-মৃত্যুতে শোক প্রকাশ করিয়া লিখিলাম। আমি মিস্ মিলস্কে অনুরোধ করিলাম যে, ডোরার যদি গুনিবার মত অবস্থা হইয়া থাকে, সে যেন তাহাকে বলে যে, মিস্ স্পেন্নলো আমার সহিত বিশেষ সহৃদয়তার সহিত কথা বলিয়াছিলেন। তাহার নাম লইয়া আমাকে তিরস্কার করেন নাই।

পরদিবস চিঠির উত্তর আসিল, উপরে ঠাকুরমার নাম, ভিতরে আমার। ডোরা মহাশোকে অভিভূত হইয়া পড়িয়াছে। তাহার বন্ধু যখন তাহাকে জিজ্ঞাসা করিয়াছিল যে, আমার কাছে তাহার পক্ষ হইতে কোন স্নেহ-সম্ভাষণ জানাইবে কি না, তাহাতে ডোরা শুধু কাঁদিয়াছিল, বলিয়া-  
ছিল, “বেচারী বাবা আমার!” ইহা ছাড়া আর কোন কথা বলে নাই।

মিস্ জর্কিন্স নরউডে গিয়াছিলেন। কয়েক দিন পরে তিনি আপিসে আসিলেন। আমাকে ডাকিয়া বলিলেন, “আমরা মিস্ স্পেন্নলোর টেবল ড্রয়ার সব খুঁজে দেখব—তাঁর উইল আছে কি না। বে-সরকারী ব্যক্তিগত কাগজপত্র সব নীলমোহর ক’রে রাখব। তুমি এসে আমাদের সাহায্য কর।”

টিফির সহিত আমি তাঁহাকে সাহায্য করিতে লাগিলাম। কি অবস্থায় ডোরাকে তিনি রাখিয়া গিয়াছেন, তাহা জানা দরকার। কে তাহার অভিভাবক, তাহা জানা দরকার।

কিন্তু বহু সন্ধানেও তাঁহার কোনও উইল বা দানপত্র কিছুই পাওয়া গেল না। মিস্ জর্কিন্স বলিলেন যে, স্বতঃ দূর তিনি জানেন, মিস্ স্পেন্নলো কোন দলিল সম্পন্ন করেন নাই। সে রকম উদ্দেশ্য তাঁহার ছিল না।

আমি বলিলাম, “কিন্তু আমি জানি, তিনি উইল ক’রে গেছেন।”

মিস্ জর্কিন্স ও টিফি সবিস্ময়ে আমার দিকে চাহিলেন। আমি বলিলাম, “যে দিন তিনি মারা যান, সে দিন সকালবেলা তিনি আমার বলেছিলেন যে, বহুদিন পূর্বেই তাঁহার যাবতীয় বিষয়ের ব্যবস্থা তিনি ক’রে রেখেছেন।”

কিন্তু উভয়েই আমার কথার আস্থা স্থাপন করিলেন না। উভয়েই মত প্রকাশ করিলেন, উহা অসম্ভব।

বুধ টিফি আমার কাছে হাত রাখিয়া বলিলেন, “আমি স্বতঃ দিন কমলএ আছি, তুমি যদি তত দিন থাকতে, তা হলে জানতে পারতে, এ বিষয়ে মানুষ মুখে বা বলে, কাজে তা করে না। সুতরাং মুখের কথা বিশ্বাসযোগ্য নহে।”

আমি বলিলাম, “ঠিক এই ভাবের কথা তিনিও আমার বলেছিলেন।”

টিফি বলিল, “আমার মত—তিনি উইল করেননি।”  
বিস্ময়জনক হইলেও পরিণামে দেখা গেল, কোনও উইল নাই। এমন কি, উইল করিবার চেষ্টাও তিনি কোন দিন করেন নাই। তাঁহার বৈষয়িক ব্যাপারেও শৃঙ্খলার অভাব দেখা গেল। তিনি কত টাকা ঋণ করিয়াছেন, কত ব্যয় করিয়াছেন বা কি পরিমাণ তাঁহার সঞ্চয়, তাহার কোনও সুস্পষ্ট হিসাব নাই। বরং দেখা গেল, আর অপেক্ষা তিনি বরাবরই বেশী ব্যয় করিয়া আসিয়াছেন। আরও তাঁহার অধিক ছিল না।

তাঁহার আসবাবপত্র নীলামে চড়িল, নরউডের খাজনা-  
করা বাড়ীও বিক্রয় হইয়া গেল। ঋণ-শোধের পর দেখা গেল, এক হাজার পাউণ্ডের অধিক তাঁহার অংশে থাকিবে না।

মিস্ স্পেন্নলোর মৃত্যুর ছয় সপ্তাহের মধ্যে এই সব ব্যবস্থা হইয়া গেল। আমি মিস্ মিলস্এর নিকট হইতে সংবাদ পাইতেছিলাম। ডোরা এখনও শোকাচ্ছন্ন রহিয়াছে। তাহার মুখে শুধু একটিমাত্র কথা “বেচারী বাবা আমার!”

ডোরার দুই জন চিরকুমারী পিসীমা আছেন। এত দিন মিস্ স্পেন্নলোর সহিত তাঁহাদের বনিবনাও ছিল না। এখন তাঁহারা ডোরাকে পুটনীতে তাহাকে লইয়া যাইতেছেন। ডোরাও তাঁহাদের সহিত যাইতে প্রস্তুত।

মিস্ মিলস্ও ডোরার সহিত সেখানে কিছু দিন থাকিবে। আমি প্রায়ই ডোরার সংবাদ মিস্ মিলস্এর পত্র পাইতে লাগিলাম। উহাতেই আমি কথঞ্চিৎ শান্তিলাভ করিলাম।

### উনচত্ব্বারিংশ পরিচ্ছেদ

আমাকে দীর্ঘকাল মর্মান্বিত অবস্থায় থাকিতে দেখিয়া পিতামহী প্রস্তাব করিলেন যে, আমি ডোভারে গিয়া আমাদের যে বাড়ীটা ভাড়া দেওয়া হইয়াছে, তাহা ভাল অবস্থায় আছে কি না, তাহা যেন আমি দেখিয়া আসি। যিনি বাড়ীটা ভাড়া লইয়াছেন, আরও বেশী দিন যদি তিনি উহা ভাড়া করেন, তাহারও যেন ব্যবস্থা করিয়া আসি। জেনেট ইদানীং মিসেস টুংএর কাছে কাজ পাইয়াছিল। পিতামহী তাহাকে ঐ কাজ করিয়া দিয়াছিলেন। সেখানে আমি প্রত্যহ তাহাকে দেখিতাম।

মিস্ মিলস্এর সংগ্রহ ত্যাগ করিয়া যাওয়া আমার পক্ষে তখন কষ্টকর হইলেও পিতামহীর আদেশ আমি পালন করিতে প্রস্তুত হইলাম। আমি আগনেদের কাছে কয়েক

দিন শান্তিতে থাকিতে পাইব, ইহা মনে করিয়াই ঠাকুরমা আমাকে যে পাঠাইতেছেন, তাহা আমি বুঝিলাম।

ভাতারের কাছে আমি তিন দিন ছুটি লইলাম। তিনি স্বতঃপরবশ হইয়া আরও কয়েক দিন বেশী ছুটি দিতে চাহিলেন, কিন্তু আমি তাহাতে রাজি হইলাম না।

কমন্সএ কাজ তখন ভাল চলিতেছিল না। কাজেই কয় দিনের ছুটিতে কিছু পরিবর্তন হইবে না ভাবিয়া আমিও ডোভার অভিমুখে চলিলাম।

বাড়ীর ভাড়াটিয়া ঠাকুরমার মতই গর্দভকুলকে ভূগন্ধের হইতে তাড়াইয়া দিতেছেন, বাড়ীও ভাল ভাবে রাখিয়াছেন, দেখিলাম। সেখানকার কাজকর্ম সারিয়া এক রাত্রি তথায় বাস করিলাম। ঠাকুরমাকে সব কথা লিখিয়া দিয়া আমি কাণ্টারেরিতে চলিলাম। সেই পুরাতন পথ, পুরাতন দৃশ্য চোখে পড়িল। বাল্যকালে দৃষ্ট দৃশ্যের বিশেষ কোন পরিবর্তনই হয় নাই, সবই তেমনই আছে। শুধু আমি নিজেই বদলাইয়া গিয়াছি।

মিঃ উইকফিল্ডের বাড়ী পৌঁছিয়া দেখিলাম, যে ঘরে উড়িয়া হিপ বসিয়া কাজ করিত, মিঃ মিক্‌বার নিয়ন্তলের সেই ঘরে বসিয়া কলম চালাইতেছেন। তিনি আইন-ব্যবসারীর কালো পোষাক পরিয়া রহিয়াছেন।

আমাকে দেখিয়া মিঃ মিক্‌বার খুব আনন্দিত হইলেন বটে, কিন্তু একটু বেন কুণ্ঠিত হইলেন বলিয়া মনে হইল। তখনই তিনি আমাকে উড়িয়া হিপের কাছে লইয়া যাইতে ছিলেন, কিন্তু আমি তাহাতে সন্মত হইলাম না।

আমি বলিলাম, “এ বাড়ীর সবই আমার নখদর্পণে আছে। আমি নিজেই চিনে যেতে পারব। আইন কেমন লাগছে, মিঃ মি বার ?”

“প্রিয় কপারফিল্ড, যাদের কল্পনা-শক্তির দৌড় বেশী, তাদের কাছে আইনের মার-পেঁচ তত সুবিধার নয়। চিঠি-পত্র লিখবার সময় কল্পনাকে সংযত ক’রে রাখতে হয়। তবু জিনিষটা মন্দ নয়।”

তিনি তার পর জানাইলেন যে, উড়িয়া হিপ যে বাড়ীতে পূর্বে থাকিত, এখন তিনি সেই বাড়ী ভাড়া লইয়াছেন। মিসেস্ মিক্‌বার আমাকে সে বাড়ীতে অভ্যর্থনা করিবার সুযোগ পাইলে কৃতার্থ হইবেন।

মিঃ মিক্‌বার বলিলেন, “বন্ধু হিপের প্রিয় উক্তির পুন-রুচ্চারণ ক’রে বলছি, বাড়ীটা সামান্য বটে, কিন্তু ছোট থেকে বড় হওয়া মার, তার সুযোগ আছে।”

আমি তাঁহাকে জিজ্ঞাসা করিলাম যে, তাঁহার বন্ধু হিপের ব্যবহারে তিনি সন্তুষ্ট হইতে পারিয়াছেন ত ? উত্তর দিবার পূর্বে তিনি অগ্রে ভাল করিয়া দরজাটা বন্ধ করিয়া দিলেন। তার পর অতি মুহূর্তে বলিলেন, “প্রিয় কপারফিল্ড, যাদের মর্কুদা অর্ধের টানাটানি সহ করতে হয়, তাদের অনেক অসুবিধা। সে অসুবিধা অবশ্য বায়নি।”

আমি বলিলাম, “টাকার ব্যাপারে লোকটা মুক্তহস্ত নয়, তা আমি জানি।”

একটু চাপা গলায় তিনি বলিলেন, “আমি বন্ধু হিপের যে পরিচয় পেয়েছি, তাই বলছি।”

“যাক, আপনার পক্ষে সুবিধাজনক হয়ে থাকে, তাতেই আমি খুসী।”

“কপারফিল্ড, তোমার এ কথায় আমি খুসী হলাম।”

কথার মোড় ফিরাইয়া বলিলাম, “মিঃ উইকফিল্ডের সঙ্গে আপনার বেশী দেখা হয় ?”

“না, তা হয় না। তাঁর উদ্দেশ্য খুব ভাল, কিন্তু বড় দুর্লভ-দর্শন হয়ে পড়েছেন।”

আমি বলিলাম, “তাঁর ভাগীদারই তাঁকে এ অবস্থায় এনেছে।”

মিঃ মিক্‌বার বলিলেন, “আমি একটা কথা বলতে চাই এখানে আমার চাকরী হচ্ছে, আমি বিশ্বস্ত কর্মচারী। এই ফার্শের সম্বন্ধে কোন কথা আমি মিসেস্ মিক্‌বারের সঙ্গে আলোচনা করতেও পারি না। সুতরাং এখানকার বিষ আমার বহুদিনের পুরাতন বন্ধুর সঙ্গেও আলোচনা কর আমার উচিত নয়। সুতরাং আমার প্রিয় বন্ধু আমা অবস্থা বুঝে আমার অপরাধ নেবেন না।”

বুঝিলাম, মিক্‌বার এ কার্যের ভার লইয়া বড়ই বিপন্ন পড়িয়াছেন। কাজেই তাঁহার কথায় আমি অসন্তুষ্ট হইতে পারিলাম না। সে কথা আমি বলায় মিঃ মিক্‌বার অনেকটা নিশ্চিন্ত হইলেন। উভয়ে পুনরায় করকম্পন করিলাম।

“কপারফিল্ড, মিস্ উইকফিল্ডের সম্বন্ধে আমার ভারী উচ্চধারণা। তিনি অতি উচ্চদরের মহিলা, কথাবার্তা, চাল-চলন এবং ব্যবহারে সকল বিষয়েই তিনি মহীয়সী মহিলা। আমি তাঁকে শ্রদ্ধা করি।”

আমি বলিলাম, “এ কথা শুনে আমি ভারী খুসী হলাম।”

“কপারফিল্ড, তুমি আমাদের বিদায়ের দিনে বলেছিলে, ‘ডি’ অক্ষরটি তোমার বড় প্রিয়। তা যদি না বলতে, আমি আজ বলতাম, ‘এ’ অক্ষরটি তোমার সর্বাপেক্ষা প্রিয়।”

মিঃ মিক্‌বারের নিকট হইতে বিদায় লইবার সময় আমি বুঝিলাম যে, তাঁহার সহিত এত দিন আমার যে অসঙ্কোচা আলাপ-ব্যবহার ছিল, তাহার মাঝে একটা ব্যবধা আসিয়াছে।

আগ্নেসের ঘরে আসিয়া দাঁড়াইলাম। সে সহসা মু-তুলিয়া চাহিল। আমাকে দেখিয়াই তাহার মুখে আনন্দে বিমল দীপ্তি বিকশিত হইয়া উঠিল।

আসন গ্রহণ করিয়া আমি বলিলাম, “আগ্নেস, সম্ভ্রা তোমার অভাব এমন ভীতভাবে অনুভব করেছি!”

সে বলিল, “বটে! এত শীঘ্র ?”

আমি বলিলাম, “আগ্নেস, কি ক’রে কি হ’ল, তা আ-জানিনে। আগে এখানে বসুন হিলাম, পরামর্শের দরক



হলেই তোমার কাছে উপদেশ পাবার জন্ম ছুটে আসতেম। এখন আমার সে অভাব বড় তীব্র হয়ে উঠেছে।”

আগনেস প্রফুল্লভাবে বলিল, “ব্যাপার কি?”

“তা জানি না। তবে তোমার কাছে এলেই মনে হয়, আমি যেন পরমাশ্রয় লাভ করেছি। যখনই কোন বিপদে পড়ি, তোমার কাছে এলে তা লঘু হয়ে যায়। এইমাত্র এই ঘরে এসে, তোমার সান্নিধ্য পেয়ে আমার মনে হচ্ছে, আর আমার কোন চিন্তা নেই। কেন এমন হয়, আগনেস, কি মন্ত্র তুমি জান?”

সে নতমস্তকে অগ্নিকুণ্ডের দিকে চাহিয়া রহিল।

“সেই পুরানো গল্প। তুমি হেস না, আগনেস। এখানে এসেই মনে হচ্ছে, শাস্ত্র-ক্লাস্ত-দেহে যেন আমি বাড়ী ফিরে এসেছি—পরিশ্রান্ত পথিক এখানে এসে যেন শান্তিলাভ করেছে।”

বলিতে বলিতে আমার নয়ন অশ্রুসিক্ত হইল। আগনেসের পার্শ্বে আসিয়া সত্যি আমার এমন শান্তিবোধ হইল।

সে তার পর কথায় কথায় আমার সমস্ত ব্যাপার জানিয়া লইল। তাহার সহিত সাক্ষাতের পর যাহা যাহা ঘটয়াছিল, আমি সবই তাহাকে বলিলাম।

আমি বলিলাম, “সব কথাই তোমাকে বলেছি। আর কিছু বাকি নেই। বিশ্বাস ও নির্ভরতা তোমার উপরেই রইল।”

মধুর হাসিয়া আগনেস বলিল, “কিন্তু আমার উপর বিশ্বাস বা নির্ভরতা চাপালে ত হবে না। অতের উপর ওটার দরকার।”

আমি বলিলাম, “কার—ডোরার?”

“নিশ্চয়।”

আমি তাহাকে তখন ডোরার কথা সব খুলিয়া বলিলাম। দারিদ্র্যের কথা উল্লেখ করিয়া ডোরাকে সব বুঝাইয়া দিবার পরিণাম কি দাঁড়াইয়াছিল, তাহাও আগনেসকে জানাইলাম।

প্রশান্ত হাস্যসহকারে সে বলিল, “ট্রটউড, সেই পুরানো স্বভাব তোমার এক রকমই আছে। তুমি তার মত অনভিজ্ঞ ছোট মেয়ের কাছে আমার জীবন-সংগ্রামের কথা না বলে চেপে রাখাই উচিত ছিল। আহা বেচারী ডোরা!”

আগনেসের কর্ণে কি দরদ, কি সহানুভূতি, কি অপরিণীম স্নেহ ফুটিয়া উঠিল! এ জন্ম আমার মন কৃতজ্ঞতার পূর্ণ হইল।

আমি বলিলাম, “তা হলে আমার কি করা উচিত, আগনেস?”

আগনেস বলিল, “ছ’জন মহিলার কাছে তোমার খোলাখুলি চিঠি লেখাই উচিত। তাই সঙ্গত ও সম্মানজনক পথ। কেমন নয় কি?”

“হাঁ, তুমি যদি বল, তবে নিশ্চয়ই তাই।”

“আমার এ সব বিষয়ে কোন অভিজ্ঞতা বা দূরদর্শিতা নেই। তবে আমার মনে হয় যে, গোপনে কোন কাজ করা তোমার উপযুক্ত নয়।”

“আমার উপযুক্ত নয়, এ কথা বলে তুমি আমার বাড়িয়ে দিচ্ছ।”

“তোমার প্রকৃতি যেমন সরল, তাতে তাই তোমার উপযুক্ত। এখন আমি ইচ্ছা করি, সেই ছ’জন মহিলার কাছে, সব কথা খুলে লিখে দিতে হবে। সরল ভাষায় স্পষ্ট করে সব কথা তাদের জানাতে হবে। মাঝে মাঝে দেখা করবার অনুমতি চেয়ে নিতে হবে। তুমি এখন ছেলেমানুষ, জীবনে প্রতিষ্ঠালাভের চেষ্টা করছ, স্মৃতরাং তাঁরা যে সকল সর্ভ করবেন, তা মেনে তোমায় চলতে হবে। আমি তাঁদের কাছে এই অনুরোধ করতে বলি যে, ডোরাকে না জানিয়ে তাঁরা তোমার অনুরোধ যেন অগ্রাহ্য না করেন। তার পর যখন সুবিধা মনে করবেন, ডোরার সঙ্গে তাঁরা এ বিষয়ে আলোচনা যেন করেন।”

আমি বলিলাম, “ডোরার পিসীমারা যদি তাকে বেশী ভয় দেখান। আর ভয়ে যদি ডোরা আমার কোন কথা না বলে, আগনেস?”

তেনই মধুর ভাবে আগনেস বলিল, “তা কি সম্ভবপর?”

আমি বলিলাম, “ডোরা যে রকম সহজে ভয় পায়, তা কি সম্ভব নয়? আর ছ’জন চিরকুমারী বৃদ্ধা, তাঁরা হয় ত যে ভাবে বলা উচিত, তা বলবেনও না।”

আগনেস তাহার নয়নের কোমল দৃষ্টিপাত করিয়া বলিল, “আমি তা মনে করি নে, ট্রটউড। আমি হলে বিবেচনা করে দেখি। কি করা উচিত, তা আগে ভেবে দেখে তবে কাজ করতে হয়। উচিত মনে হলে আমি কাজ করি।”

আর আমার কোনও সন্দেহ রহিল না। আমার হইতে তখন ভার যেন নামিয়া গেল। আগনেসের নির্দেশমতে আমি পত্র লিখিলাম। আগনেস তাহার ডেঙ্ক ছাড়িয়া দিল। কিন্তু চিঠি লিখিবার পূর্বে আমি মিঃ উইকফিল্ড ও উড়িয়া হিপের সঙ্গে দেখা করিবার জন্ম নীচে নামিয়া গেলাম।

আমি উড়িয়া হিপের ঘরে গেলাম। সে আমার যেমন ভাবে অভ্যর্থনা করিতে অভ্যস্ত, সেই ভাবেই অভ্যর্থনা করিল। মিঃ মিক্‌বারের নিকট হইতে আমার আগমন সংবাদ যে সে পূর্বে পাইয়াছে, তাহা প্রকাশ করিল না। অবশ্য তাহার এ ভাব আমি বিশ্বাস করিলাম না। মিঃ উইকফিল্ডের ঘরে সে আমার সহিত গমন করিল।

মিঃ উইকফিল্ড আমাকে বলিলেন, “ট্রটউড, যে ক’দিন ক্যান্টনবেরিতে থাকবে, নিশ্চয় আমাদের কাছে থাকবে?” সঙ্গে সঙ্গে তিনি উড়িয়া হিপের দিকে চাহিলেন।

আমি বলিলাম, “এখানে থাকবার ঘর আছে ত?”

উড়িয়া হিপ বলিল, “আপনার আগের ঘরই আছে, যদি ত সেই ঘরটাই মাষ্টার—না, না, মিষ্টার কপারফিল্ডকে ছেড়ে দেব।”

উইকফিল্ড বলিলেন, “না, না, অসুবিধা ক’রে ঘর ছেড়ে দেবার তোমার প্রয়োজন সেই। আরও ঘর আছে, ও ঘর আছে।”

উড়িয়া বলিল, “কিন্তু আপনি ত জানেন, আমি নিজেই ঘর ছেড়ে দিতে আনন্দবোধ করব।”

আমি বাদানুবাদ বন্ধ করিবার জন্ত বলিলাম যে, অল্প রই আমি থাকিব, নহিলে আমার ঘরেরই প্রয়োজন নাই। ই কথা বলিয়া আমি আবার উপরে উঠিয়া গেলাম।

ভাবিয়াছিলাম, সেখানে আগনেস্ ব্যতীত আর কেহ কবে না। কিন্তু উড়িয়ার মাতা অগ্নিকুণ্ডের ধারে বসিয়া লাই-কার্যে নিরত রহিয়াছে দেখিলাম। বাতের কষ্ট আগনের উত্তাপে কম থাকিবে, এই অছিলায় সে তথায় বসিয়াছে।

আমি তাহাকে লৌকিক শিষ্টাচার দেখাইবার জন্ত ভিবাদন করিলাম। সে আমাকে যথেষ্ট বিনয় সহকারে ভিবাদন করিয়া বলিল যে, “আমার গর্ব করবার আর কিছু নেই, শুধু উড়িয়াকে ভালভাবে জীবনযাত্রা নির্বাহ করতে দেখতে পেলেই আমি ধন্ত হয়ে যাব। আমার উড়িয়াকে কেমন দেখলেন, মশাই?”

যদিও তাহাকে পূর্বের তুলনায় পাকা শরতানই দেখতেছি, কিন্তু মুখে বলিলাম যে, তাহার কোন পরিবর্তন ঘটে নাই।

“কোন পরিবর্তন দেখছেন না? এ বিষয়ে আপনার সঙ্গে আমি একমত হ’তে পারলাম না। সে আরও রোগা হয়ে গেছে দেখেননি?”

আমি বলিলাম, “তেমন বিশেষ রোগা কোথায়?”

“আপনি ত মায়ের চোখ দিয়ে দেখেন নি, তাই ধরতে পারেন নি।”

তাহার মাতার চোখের দৃষ্টিতে শরতানের ছাপ আছে। সে আমার দিকে চাহিবার পর আগনেসের দিকে দৃষ্টি ফেরাইয়া বলিল, “মিস্ উইকফিল্ড, আপনি কি লক্ষ্য করেন নি, আগের চেয়ে রোগা হয়ে গেছে?”

আপনার কাজ করিতে করিতে আগনেস্ বলিল, “না। আপনি অতিমাত্রায় ওর সম্বন্ধে ব্যস্ত বলেই ও রকম ভাবেন। কিন্তু সে ভালই আছে।”

মিসেস্ হিপ বিনা বাক্যব্যয়ে নিজের কাজে মন দিল।

এক মুহূর্তের জন্তও সে স্থান ত্যাগ করিল না। ডিনারের তখনও তিন চারি ঘণ্টা বাকি ছিল। সে সমানভাবে অগ্নিকুণ্ডের ধারে বসিয়া রহিল। অগ্নিকুণ্ডের অপর পার্শ্বে ডেক্সের কাছে আমি বসিলাম। আমার অনতিদূরে

আগনেস্। মিসেস্ হিপ পুনঃ পুনঃ মুখ তুলিয়া আমাদের উভয়কে দেখিতেছিল। আমি চিঠি লিখিতে লাগিলাম।

আহারের সময় সে আমাদের লক্ষ্য করিতে লাগিল। আহার-শেষে তাহার পুত্র আসিয়া চৌকি দিতে লাগিল। মিস্ উইকফিল্ড ও আমি যখন ঘরে রহিলাম, তখনও উড়িয়া হিপ আশে-পাশে ঘুরিতে লাগিল। আগনেস যখন গান করিল, তখন উড়িয়া-মাতা আগনেসকে জানাইল, তাহার পুত্র আগনেসের গান শুনিয়া মুগ্ধ।

এইরূপ ভাবে শয়নকাল পর্য্যন্ত গোয়েন্দাগিরি চলিল। মাতা-পুত্র দুইটি বাজুড়ের মত সমস্ত বাড়ীটার চারিদিকে বুলিয়া বুলিয়া বেড়াইতেছিল। তাহাদের কুৎসিত আকৃতি সমস্ত বাড়ীর বাতাসকে যেন ভারাক্রান্ত করিয়া তুলিয়াছিল। সমস্ত রাত্রি এই বিষয় চিন্তা করিয়া আমার নিদ্রা হইল না। পরদিবসও এই ভাবে গোয়েন্দাকার্য চলিতে লাগিল।

দশ মিনিটের মধ্যে আগনেসের সঙ্গে একটি কথা বলার নির্জন অবকাশ মিলিল না। তাহাকে পত্রখানা দেখাইবারই সুযোগ পাইলাম না। অবশেষে আমি আগনেসকে বেড়াইতে যাইবার জন্ত অসুরোধ করিলাম। কিন্তু উড়িয়ার মাতা ক্রমাগত বলিতে লাগিল, তাহার অসুখ বাড়িয়াছে, কাজেই আগনেস্ দয়াপরবশ হইয়া বাড়ীতেই রহিয়া গেল। প্রদানাসক্তনামে আমি বাহির হইয়া পড়িলাম। উড়িয়া হিপ আমার কাছে যে গোপন-কথা বলিয়াছিল, তাহা আগনেসকে জানাইব কি না, ইহা ভাবিয়া আমি স্থির করিতে পারিলাম না।

খানিক দূর গিয়াছি, এমন সময় কে আমার নাম ধরিয়া ডাকিল। আমি দাঁড়াইয়া পড়িলাম। দেখিলাম, উড়িয়া হিপ আসিতেছে।

আমি বলিলাম, “কি?”

সে বলিল, “আপনি কি জ্বরেই চলেন! আমার পা খুব লম্বা বটে, কিন্তু আপনি আমাকে হারিয়েছেন।”

বলিলাম, “তুমি কোথায় যাচ্ছ?”

“আমি আপনার সঙ্গেই বেড়াতে যাচ্ছি।”

আমি যথাসাধ্য ভদ্রভাবে বলিলাম, “উড়িয়া!”

সে বলিল, “মাষ্টার কপারফিল্ড!”

“দেখ, একটা কথা সোজাভাবে বলি, রাগ করো না, আমি সঙ্গের উপদ্রবে এখন একটু একা বেড়াতে চাই।”

সে অপাঙ্গে আমার দিকে দৃষ্টিপাত করিয়া বলিল, “আপনি মার কথা বলছেন?”

“হাঁ, তাই বলছি।”

“কিন্তু আপনি ত জানেন, আমরা অতি হীন লোক। আমাদের সেই হীনতার জন্ত আমরা চেষ্টা করি—যাতে আমরা কোণঠেসা না হয়ে পড়ি। প্রেমের ব্যাপারে সব রকম কৌশলই যুক্তিসঙ্গত।”

খানিক আমার দিকে চাহিয়া সে আবার বলিল, “আপনি বড় সাংঘাতিক প্রতিদ্বন্দ্বী, মাষ্টার কপারফিল্ড। বরাবরই আপনি তাই, তা ত জানেন।”

আমি বলিলাম, “তুমি আমার জন্ত মিস্ উইকফিল্ডের উপর গোয়েন্দাগিরি চালিয়ে তাঁর জীবন দুর্ভেদ্য করে তুলছ? তাঁর বাড়ীতে থেকে শাস্তি নেই, সেই ব্যবস্থা করছ?”

“মাষ্টার কপারফিল্ড, কথাগুলো বড় কঠোর!”

“আমার কথা যেমনই হোক, আমি যা বলছি, তার মানে তোমার কাছে অস্পষ্ট নয়—তা তুমি ভাল করেই জান।”

“না, না!—আপনি স্পষ্ট করে বলুন, আমি বুঝতে পারছি না।”

আমি আগনেসের কথা মনে করিয়া বেশ ধীরভাবে বলিলাম, “তুমি কি মনে করেছ, আমি মিস্ উইকফিল্ডকে আমার প্রিয় ভগিনী ছাড়া অন্যভাবে দেখে থাকি?”

“এ কথার উত্তর দিতে আমি বাধ্য নই। হয় ত আপনার মনে সে ভাব নেই। কিন্তু হ’তে ত পারে।”

আমি বলিলাম, “তবে শোন! মিস্ উইকফিল্ডের জন্তই বলছি—”

সে বলিয়া উঠিল, “আমার আগনেস! মাষ্টার কপারফিল্ড, আপনি তাকে আগনেস বলে বলুন।”

আমি বলিলাম, “আমার যা বলা উচিত, তোমাকে বলছি, জ্যাক কেচ!”

“কার কথা বলছেন?”

“সেই জল্পাদের কথা বলছি। শোন, আমি অল্প যুবতীর সঙ্গে বাগদানে আবদ্ধ। এতে তুমি নিশ্চয় খুসী হবে।”

উড়িয়া বলিল, “সত্য বলছেন?”

তার পর আমার বলিবার অবকাশ না দিয়াই সে বলিল, “আপনার কাছে আমি যখন বিশ্বাস করে আমার মনের কথা বলেছিলাম, তখন যদি এ কথা আমার জানাতেন, তা হ’লে আমি কখনও আপনাকে অবিশ্বাস করতাম না। এখন আমি মাকে সারিয়ে নেব। স্নেহবশে মা যা করেছেন, তার জন্ত আপনি অপরাধ নেবেন না। আপনি আমাকে গোড়া থেকেই পছন্দ করেননি, কিন্তু আমি বরাবরই আপনাকে ভালবেসেছি!”

আমি বলিলাম, “দেখ, এ বিষয়ের আলোচনা শেষ করবার আগে আমি তোমাকে একটা কথা বলে রাখি। আমার বিশ্বাস, আগনেস্ উইকফিল্ড তোমার চেয়ে অনেক উচ্চ অবস্থিত। তুমি বামন, আর তিনি চাঁদ!”

উড়িয়া তাহার পিতামাতার হীনতাময় জীবনকথা বলিয়া চলিল। নম্রভাবে থাকাই তাহার পিতার জীবনের আদর্শ ছিল। সে তাহাই করিয়া আসিয়াছে। যাহারা বড় হইতে চাহে, তাহাদের নম্রভাবে থাকাই কর্তব্য। এই সকল কথা বিবৃত করিয়া সে বলিল, “আমি ভারী হীন, এখনও তাই। কিন্তু আমার কিছু ক্ষমতা আছে।”

আমি চম্ব্রালোকে তাহার মুখের ভাব দেখিয়া বুঝিলাম, সে তাহার শক্তি প্রয়োগ করিয়া বড় হইতে চাহে এবং তাহা করিবেই। আমি তাহাকে ইতর, নীচ, কৌশলী বলিয়া জানিতাম, কিন্তু সে যে কিরূপ ভীষণ শয়তান এবং এত দিন নম্রতার আবরণে প্রতিশোধ লইবার জন্ত দৃঢ়প্রতিজ্ঞ, তাহা বুঝি নাই। এখন বুঝিলাম।

আমি তার পর তাহার সঙ্গ ত্যাগ করিয়া একা বেড়াইয়া বাসায় ফিরিলাম। আহারের সময় সে যে ভাবে আগনেসের দিকে চাহিল, তাহাতে আমার এমন মনে হইয়াছিল যে, তাহাকে প্রহার করিয়া মাটিতে ফেলিয়া দেই।

আমরা তিন জন পুরুষ যখন ঘরে রহিলাম—মেয়েরা চলিয়া গেল—তখন দেখিলাম, হিপ বেশী পরিমাণ সুরা পান করিল না। আমি গতকল্য লক্ষ্য করিয়াছিলাম যে, সে মিস্ উইকফিল্ডকে অধিক পরিমাণে সুরাপানে উত্তেজিত করিয়াছিল। আগনেস্ গতকল্য গৃহত্যাগকালে দৃষ্টি দ্বারা এমন ইঙ্গিত করিয়াছিল, যেন আমি এক গ্লাসের অধিক সুরাপান না করি। তার পরই তাহার অনুবর্তী হইবার জন্ত প্রস্তাব করিয়াছিল। আজও আমি সেইরূপই করিতাম, কিন্তু উড়িয়া আমার অপেক্ষা চতুর।

সে বলিল, “আমাদের এই অতিথি এখানে ত আসেন না, স্ত্রার, তাই আমি প্রস্তাব করছি, আরও দুই তিন গ্লাস সুরা এর উদ্দেশে পান করা যাক, অবশ্য আপনি যদি আপত্তি না করেন। মিস্ কপারফিল্ড, আপনার স্বাস্থ্য ও মুখের জন্ত।”

আমি বাধ্য হইয়া গ্লাস হাত বাড়াইয়া লইলাম।

উড়িয়া তার পর বলিল, “আসুন ভাগীদার, আপনিও কপারফিল্ডের জন্ত কিছু নিন।”

তার পর একে একে আমার পিতামহী, মিস্ ডিকেন্স, কমন্স প্রভৃতির কল্যাণে পান চলিল। নানা অজুহতে পান চলিতে লাগিল।

তার পর উড়িয়া বলিল, “আগনেস্ উইকফিল্ডের কল্যাণ কামনায় পান করুন। তাঁর মত নারী আমি দেখিনি। তাঁকে আমি পূজা করি। তাঁর পিতা হওয়া গর্বের বিষয়, কিন্তু তাঁর স্বামী—”

মিস্ উইকফিল্ড ঘেঁরুপ চীৎকার করিয়া টেবল ত্যাগ করিলেন, সেরূপ মর্শ্বেদী আর্ন্তনাদ আমি শুনি নাই।

উড়িয়া বিবর্ণ মুখে বলিয়া উঠিল, “কি হ’ল আপনার মিস্ উইকফিল্ড, আপনি নিশ্চয় পাগল হননি? আমার যদি এমন উচ্চাশা থাকে, আপনার আগনেস্কে আমি আগনেস্ করে নেই, তাতে আমার যথেষ্ট অধিকার আছে অল্প লোকের তুলনায় আমার দাবী বেশী!”

আমি মিস্ উইকফিল্ডের দেহ বাহুতে আবদ্ধ করি। তাহাকে শাস্ত হইবার জন্ত মিনতি জানাইতে লাগিলাম তিনি তখন ক্ষেপিয়া গিয়াছেন। চুল টানিয়া আমাকে



ঠেলিয়া দিয়া তিনি কেবল জোর করিয়া আমার বন্ধন ছাড়াইতে চেষ্টা করিতে লাগিলেন। একটা কথাও তাঁহার মুখ দিয়া বাহির হইল না। তিনি যেন অন্ধের মত হাত-পা ছুড়িতে লাগিলেন।

আমি তাঁহাকে মিষ্ট-বচনে শাস্ত হইতে বলিলাম। আমি ও আগনেস্ একত্র বড় হইয়াছি, একসঙ্গে তাঁহার কাছে লালিত-পালিত হইয়াছি, আমি আগনেস্কে কত স্নেহ করি, সম্মান করি, সে তাঁহার নয়নের মণি—গর্ভের সামগ্রী, এই প্রকার নানা কথা বলিয়া তাঁহাকে প্রকৃতিস্থ হইবার জন্ত মিনতি করিতে লাগিলাম।

ক্রমে তাঁহার শক্তি মন্দীভূত হইতে লাগিল। তার পর তিনি আমার দিকে চাহিয়া আমাকে যেন চিনিতে পারিলেন। তিনি অবশেষে কথা কহিলেন, “আমি জানি, ট্রটউড! আমার প্রাণাধিকা কণ্ঠা ও তুমি কি, তা জানি। কিয়ৎ ওর দিকে চেয়ে দেখ।”

তিনি উড়িয়াকে অঙ্গুলিনির্দেশ করিয়া দেখাইলেন। সে এক কোণে দাঁড়াইয়া স্তম্ভিতভাবে ছিল। যেন মাত্রা ঠিক রাখিতে না পারিয়া সে একটা অপকর্ম করিয়া ফেলিয়াছে।

তিনি বলিলেন, “আমার শাস্তিদাতার দিকে চেয়ে দেখ। আমি তার কাছে একে একে আমার নাম, সম্মান, শাস্তি, শ্রেয়ঃ-প্রেয়, গৃহস্থ—সর্বস্ব বিলিয়ে দিয়েছি।”

উড়িয়া বলিল, “আমি আপনার নাম, সম্মান, সুখ-শাস্তি, গৃহ, গৃহস্থ—সব আপনার জন্ত বজায় রেখেছি। বোকার মত কথা বলবেন না, মিঃ উইক্‌ফিল্ড। আমি যদি আপনার সহ্য করবার বেশী কথা ব’লে থাকি, আমি সে কথা ফিরিয়ে নিচ্ছি। কোন ক্ষতি ত হয়নি।”

মিঃ উইক্‌ফিল্ড বলিলেন, “আমি সকলের কাজে একটা উদ্দেশ্যই দেখে এসেছি। আমি ওকে স্বার্থের অনুরোধে বেঁধে রেখে সম্বলিত ছিলাম। কিন্তু দেখ, লোকটা কি রকম। দেখ, কি রকম লোক!”

আমার দিকে দীর্ঘ তর্জনী উত্তত করিয়া উড়িয়া বলিল, “কপারফিল্ড, আপনি যদি পারেন, ওঁর কথা বলা বন্ধ করুন। এখনই এমনি কথা হয় ত ব’লে ফেলবেন, যার জন্ত ভবিষ্যতে দুঃখবোধ করতে হবে। আপনিও সে কথা শুনে দুঃখ পাবেন।”

মিঃ উইক্‌ফিল্ড চীৎকার করিয়া বলিলেন, “আমি যা খুসী, তাই বলব। তোমার হাতে যদি আমার থাকতে হয়, তবে জগতের শক্তির দ্বারাই বা চালিত না হব কেন?”

আমাকে পুনরায় সতর্ক করিয়া দিয়া উড়িয়া বলিল, “আমি আপনাকে বলছি, মনে রাখবেন, আপনি যদি ওঁর কথা বন্ধ না করেন, আপনি কখনো ওঁর বন্ধু নন! মিঃ উইক্‌ফিল্ড, আপনি পৃথিবীর শক্তির অন্তর্গত থাকবেন নাই বা কেন? আপনার একটি কণ্ঠা আছে ব’লে। আপনিও জানেন, আমিও জানি, আমরা কি জানি না জানি। তাই

নয় কি? যুমন্ত কুকুরকে যুমুতে দেওয়াই উচিত—কে তাকে জাগাতে চায়? আমি ত চাই না। আপনি কি দেখতে পাচ্ছেন না, আমি কি রকম সামান্য লোক, কত দীনতা আমার? আমি গতিসীমা অতিক্রম করে গেছি, সে জন্ত আমি দুঃখিত। আর আপনি কি চান, মশাই?”

হস্তে হস্ত বর্ষণ করিয়া মিঃ উইক্‌ফিল্ড বলিলেন, “ট্রটউড! ট্রটউড! এ বাড়ীতে তুমি আসবার পর আমি কোথায় নেমে গেছি, দেখেছ! তখন সবে আমার পক্ষন আরম্ভ হয়েছে। দুর্বলতার জন্ত আঙ্কারা দিয়েই আমার সর্বনাশ হ’ল। স্মরণে আঙ্কারা, বিস্মৃতিতে আঙ্কারা। আমার কণ্ঠার গর্ভধারিণীর বিয়োগ-শোক স্বাভাবিক হলেও, তা ক্রমশঃ ব্যাধিতে পরিণত হ’ল। কণ্ঠার প্রতি আমার স্বাভাবিক স্নেহ রোগে রূপান্তরিত হয়ে গেল। আমি যা স্পর্শ করেছি, তাতেই ব্যাধির সংক্রমণ করে দিয়েছি। যা প্রাণ দিয়ে ভালবেসেছি, তার ওপরই দুঃখের বোকা চাপিয়েছি। আমি জানি, তুমি তা জান। আমি ভেবেছিলাম যে, জগতে শুধু আমি এক জনকে প্রকৃত ভালবাসতে পারি। আর কাউকে না। আমি ভেবেছিলাম, শোক শুধু এক জনের জন্তই আমি করতে পারি, আর কারও জন্ত নয়। এতেই আমার জীবনের শিক্ষা বিকৃত আকার ধারণ করেছিল! তারই ফলে আমি দুর্বলচেতা কাপুরুষ হয়ে পড়েছিলাম। দেখ, কেমন করে আমার সর্বনাশ হয়েছে। একজন্ত আমার ঘৃণা কর, আমার সংস্রব তাগ কর সকলে।”

তিনি ক্লান্তভাবে একখানি আসনে বসিয়া পড়িলেন এবং কোঁপাইয়া কোঁপাইয়া কাঁদিতে লাগিলেন। গৃহকোণ হইতে উড়িয়া বাহির হইল।

মিঃ উইক্‌ফিল্ড পুনরায় বলিতে লাগিলেন, “আমার এইরূপ মানসিক অবস্থায় আমি যা করেছি, সব বিষয় মনে নেই।” তার পর উড়িয়াকে দেখাইয়া বলিলেন, “ও সব চাইতে ভাল জানে। কারণ, সব সময়েই ও আমার পেছ পেছ ঘুরেছে—কাণে মন্ত্র দিয়েছে। ও আমার গলায় জগদল পাথরের মত বুলছে। আমার বাড়ীতেও আছে, ব্যবসাতেও আছে। সে কথা তুমি নিজের কাণে শুনেছ, ওর মুখেই শুনেছ। এ বিষয়ে আমার বলবার প্রয়োজনই নেই।”

উড়িয়া বলিল, “আপনার এত কথা বলবার কোন দরকারই ছিল না—এর অর্ধেক বলারও প্রয়োজন দেখি না। মদের নেশার ঝোঁকে আজ এত কথা বলছেন, নইলে বলতেন না। কাল যখন নেশা থাকবে না, তখন ব্যাপারটা ভাল করে বুঝতে পারবেন। আমি প্রয়োজনের অভিরিক্ত কিছু ব’লে ফেলেছি, তাতে হয়েছে কি? আমি ত তা দাবী করছি না।”

দরজা খুলিয়া গেল। আগনেস্ ঘরের মধ্যে প্রবেশ করিল। তাহার আননে বর্ণান্বলেপের অভাব দেখিয়া মনে

ব্যথা জন্মিল। সে তাহার পিতার কণ্ঠদেশ বাহুলতায় আবদ্ধ করিয়া দৃঢ়কণ্ঠে বলিল, “বাবা, তোমার শরীর ভাল নেই। আমার সঙ্গে এস, বাবা।”

তিনি কন্ঠার স্বন্ধে মস্তক রক্ষা করিয়া তাহার সহিত কক্ষ ভাগ করিলেন। আগনেসের সহিত আমার দৃষ্টি মিলিত হইল—মুহূর্তের জন্ত। তাহাতেই আমি বুঝিলাম, সে অনেক কথাই শুনিয়াছে।

উড়িয়া বলিল, “মাষ্টার কপারফিল্ড, উনি এত রাগ করবেন, আগে ভাবিনি। কিন্তু ও সব কিছু না। কাল আবার আমার সঙ্গে ওঁর বন্ধুত্ব হবে। ওঁর ভাতে মজল। আমি ওঁর মজলের জন্তই উৎকণ্ঠিত।”

আমি তাহার কথায় কোন উত্তর দিলাম না। উপরের তলার আমার শয়নকক্ষে গমন করিলাম। এই ঘরে আগে আগনেস কতবার আসিয়াছে। আজ অনেক রাত্রি পর্যন্ত কেহ আসিল না। আমি একখানা বই লইয়া পড়িতে লাগিলাম। ঘড়ীতে ১২টা বাজিল, আমি এখনও পড়িয়া চলিয়াছি; কিন্তু আমি কি পড়িতেছিলাম, তাহা আমি নিজেই জানি না। এমন সময় আগনেস আমাকে স্পর্শ করিল।

“ট্রটউড, তুমি খুব ভোরে চ’লে যাবে, তাই এখন বিদায় নিতে এলাম।”

বুঝিলাম, সে বহু অশ্রুপাত করিয়াছে, কিন্তু এখন তাহার আনন প্রশান্ত এবং অপূর্বশ্রীমণ্ডিত।

আমার দিকে কর প্রসারিত করিয়া সে বলিল, “ভগবান তোমার কল্যাণ করুন।”

আমি বলিলাম, “প্রাণাধিকা আগনেস! আমি দেখছি, আজ রাত্রিতে তুমি আমায় কোন কথা বলতে দিতে চাও না—কিন্তু কিছুই কি করবার নেই?”

সে বলিল, “শুধু ভগবানের উপর নির্ভর।”

“আমি কি কিছু করতে পারি না? আমি তোমার কাছে নিজেই সামান্য দুঃখ নিয়ে এসেছি—আমার দ্বারা কিছু কি হ’তে পারে না?”

সে বলিল, “এবং আমার দুঃখকে তরল ক’রে দিতে চাও? না প্রিয় ট্রটউড, তা হ’তে পারে না।”

আমি বলিলাম, “প্রাণাধিকা আগনেস, আমি তোমাকে উপদেশ দেব, এটা আমার ধৃষ্টতা। আমি জানি, সব বিষয়েই তুমি আমার চেয়ে বড়—দৃঢ়তা, মহত্ত্ব, সবতাত্তেই তুমি বড়। কিন্তু তুমি ত জান, আমি তোমাকে কতখানি ভালবাসি, আমি তোমার কাছে কত ধনী, তাও জান। আগনেস, ভ্রান্ত কর্তব্যের প্রেরণায়, তুমি আত্মোৎসর্গ করবে না, বল?”

আমি তাহাকে এত উত্তেজিত হইতে দেখি নাই। কিন্তু তাহা মুহূর্তের জন্ত। সে আমার করবন্ধন হইতে তাহার করপল্লব খুলিয়া লইয়া এক পা পিছাইয়া গেল।

“বল আগনেস, এমন চিন্তা তোমার মনে নেই! আমার ভগিনীর অপেক্ষাও প্রাণাধিকা তুমি! তোমার হৃদয়ের স্থায় অমূল্য হৃদয় নেই, তোমার ভালবাসার স্থায় পবিত্র মহামূল্য আর কিছু নেই। এ কথাটা মনে রেখ!”

তাহার আননে অভি মনোহারিণী হাসির রেখা ফুটিয়া উঠিল। সেই হাসি দেখিয়া আমি বুঝিলাম, তাহার নিজের স্বন্ধে কোন আশঙ্কা নাই, আমিও যেন তাহার স্বন্ধে কোনও আশঙ্কা না করি। ভাই বলিয়া সে আমাকে ডাকিয়া বিদায় লইয়া চলিয়া গেল।

আমি যখন গাড়ীর আপিসে গিয়া আসন গ্রহণ করিলাম, তখন অন্ধকার দূরীভূত হয় নাই। সবে উষার উদয় দেখা দিয়াছে, এমন সময় গাড়ী ছাড়িবার উপক্রম করিল। আমি আগনেসের কথা ভাবিতেছি, এমন সময় দেখিলাম, গাড়ীর পাশে উড়িয়ার মাথা দেখা দিয়াছে।

সে তাহার কর্কশ ভাঙ্গা কণ্ঠে বলিল, “কপারফিল্ড! যাত্রার পূর্বে আপনি জেনে যান, আমাদের মধ্যে আবার সন্দেহ স্থাপিত হয়েছে। আমি এর মধ্যেই তাঁর ঘরে গিয়েছিলুম। এখন সব সরল হয়ে গেছে। আমি হীন হ’তে পারি, কিন্তু আমি তাঁর কাজে লাগি। যখন নেশার ঝোক থাকে না, তখন তিনিও বোঝেন, আমাকে তাঁর কতখানি দরকার। কি চমৎকার ভাল লোক তিনি, মাষ্টার কপারফিল্ড!”

আমি বলিতে বাধ্য হইলাম যে, এ ব্যাপারে আমি খুসী হইয়াছি। সে ক্ষেত্রমা চাহিয়াছে, তজ্জন্ত আমি সন্তুষ্ট।

উড়িয়া বলিল, “মানুষ যখন নত হয়েই থাকে, তখন ক্ষমা চাওয়া তার পক্ষে বড় কথা নয়। ভারী সহজ! মাষ্টার কপারফিল্ড, আপনি কখনো কাঁচা আপেল তুলেছেন—পাকবার আগে তুলেছেন?”

বলিলাম, “বোধ হয় তুলেছি।”

উড়িয়া বলিল, “কাল রাত্রে আমিও তাই ক’রে ফেলেছি। তা হোক। এখন আমি পাকবার আশায় রইলুম! একটু নজর রাখলেই হবে। আমি প্রতীক্ষা করতে জানি!”

প্রচুর বিদায়-সম্ভাষণ জানাইয়া উড়িয়া গাড়ী হইতে নামিল। শকট-চালক তখন গাড়ীর উপর উঠিল। উড়িয়া এমনভাবে মুখভঙ্গী করিতেছিল, যেন ইতিমধ্যেই সে পাকা আপেলের স্বাদ গ্রহণ করিতেছে।

### চত্বারিংশ পরিচ্ছেদ

সে রাত্রিতে বাকিংহাম স্ট্রীটের বাসায় পিতামহীর সহিত গত অধ্যায়ে বর্ণিত পারিবারিক ঘটনার আলোচনা করিতেছিলাম। ঠাকুরমা বিশেষ আগ্রহের সহিত সকল কথা শুনিতেছিলেন। ইহার পর দেখিলাম, ঠাকুরমা দুই বাহু যুক্ত করিয়া কক্ষমধ্যে পাদচারণ করিয়া বেড়াইতেছেন—প্রায় দুই ঘণ্টাকাল সমভাবেই পরিক্রমণ করিতে লাগিলেন

যখনই তাঁহার মানসিক ঐশ্বর্য বিচলিত হইত, তিনি এমনই ভাবে পাদচারণা করিয়া বেড়াইতেন। কতখানি তিনি বিচলিত হইয়াছেন, তাহা পরিক্রমণের দীর্ঘতার দ্বারা নির্ণীত হইত। আমি ও মিঃ ডিক্ অগ্নিকুণ্ডের ধারে বসিয়া লক্ষ্য করিলাম, তিনি ষড়ীর দোলনযন্ত্রের মত সমান তালে পা ফেলিয়া ঘরের মধ্যে পাদচারণা করিতেছেন।

মিঃ ডিক্ শয্যা গ্রহণ করিলে আমি ও পিতামহী ঘরের মধ্যে বহিলাম। তখন আমি ডোরার দুই পিসীমার কাছে পত্র লিখিতে বসিলাম। পিতামহী এতক্ষণে ক্লান্ত হইয়াছিলেন। তিনি অগ্নিকুণ্ডের ধারে উপবেশন করিলেন। রাত্রিতে তিনি যে পানীয় গ্রহণ করিয়া থাকেন, তাহা গ্লাসে ঢালিয়া দিয়াছিলাম। পত্র লিখিতে লিখিতে মুখ তুলিয়া চাহিয়া দেখিলাম, পানীয়পূর্ণ গ্লাস হাতে করিয়া তিনি বসিয়া আছেন।

তার পর তিনি শয়ন করিতে গেলেন। কাজ শেষ করিয়া উঠিতেই দেখিলাম, ঠাকুরমার পানীয়পূর্ণ পাত্র যথাযথভাবেই অগ্নিকুণ্ডের উপরিস্থিত তাকে রহিয়াছে—তিনি উহা স্পর্শও করেন নাই। আমি ঠাকুরমার ঘরের দরজার কাছে দাঁড়াইয়া সে কথা বলিলাম। তিনি বলিলেন, “উঁ, আজ রাত্রে আমি ওটা খেতে পারছি না।”

পরদিবস প্রভাতে পিতামহী আমার লিখিত পত্রখানি পড়িলেন। ডোরার দুই পরিণতবয়স্ক পিসীর নিকট আমি উহা লিখিয়াছিলাম। পত্র পাঠ করিয়া তিনি উহা অনুমোদন করিলেন। চিঠিখানা ডাকে দিবার পর আমার আর কোন কাজ রহিল না। আমি পত্রের উত্তরের প্রতীক্ষা করিতে লাগিলাম।

প্রায় এক সপ্তাহ অতীত হইতে চলিল, তখনও উত্তর আসিল না। কিন্তু আমি আশা ত্যাগ করিলাম না। এক দিন ডাক্তারের সহিত কাজ করিবার পর রাত্রিতে দিগ্বিদিক, তখন তুষারপাত হইতেছিল।

সকাল হইতে প্রবল শীতের বাতাস বহিতেছিল। অপরাহ্নে বাতাসের গতিবেগ হ্রাস পাওয়ায় তুষারপাত আরম্ভ হইয়াছিল।

সোজাপথে আমি বাসায় ফিরিতেছিলাম। সেন্ট মার্টিন লেন দিয়া আমি চলিতেছিলাম। গলির একটা মোড় ফিরিয়াছি, এমন সময় কোণে একটা নারীমূর্তিকে দেখিলাম। সে আমার দিকে চাহিল। তার পরই অপ্রশস্ত গলিপথে অদৃশ হইয়া গেল! দেখিবামাত্র সে মুখ পরিচিত মনে হইল। এ মুখ যেন আমি কোথায় দেখিয়াছি। কিন্তু কোথায় দেখিয়াছি, তাহা মনে করিতে পারিলাম না।

সেন্ট মার্টিন গির্জার সোপানের উপর আর একটা মূর্তি দেখিলাম। বোকাটা নামাইয়া লোকটা তাহা ঠিক করিয়া দিইতেছিল। আমি তাহাকে দেখিলাম, সেও ঠিক একই সময়ে আমাকে দেখিল। দেখিলাম, সে মিঃ পেগটী।

অমনই পূর্বদৃষ্ট নারীমূর্তির কথা মনে হইল। বুঝিলাম, সে নারী অপর কেহ নহে—মার্থা। কিছুকাল পূর্বে এই ভক্ৰণীকেই এমিলি অর্থ-সাহায্য করিয়াছিল।

আমরা সাগ্রহে পরস্পর পরস্পরের করকম্পন করিলাম।

দৃঢ়ভাবে আমার কর ধারণ করিয়া মিঃ পেগটী বলিল, “ডেভি, তোমাকে দেখে আমার প্রাণে আনন্দ হ’ল! বেশ দেখা হয়ে গেল!”

আমিও ঐ একই কথা উচ্চারণ করিলাম।

“আমি ভেবেছিলাম যে, আজ রাত্রিরেই তোমার সঙ্গে দেখা ক’রে খবর জানুব। আমি ইয়ারমাউথে গিয়েছিলুম। সেখানে গুনলাম, তোমার ঠাকুরমা তোমার বাসাতেই আছেন। আজ বেশী রাত হয়েছে ভেবে আজ আর গেলাম না। আমি আবার চ’লে যাবার আগে কাল তোমার সঙ্গে দেখা করব।”

আমি বলিলাম, “আবার যাবে?”

দীর্ঘভাবে মাথা নাড়িয়া সে বলিল, “হাঁ, আমি কাল সকালেই আবার বেরিয়ে পড়ছি।”

আমি প্রশ্ন করিলাম, “এখন তুমি কোথায় যাচ্ছিলে?”

কোটের উপর হইতে তুষারকণাগুলি ঝাড়িয়া ফেলিতে ফেলিতে সে বলিল, “যে কোন একটা জায়গায়।”

গোল্ডেন ক্রশ নামক পাঠশালার আন্তাবলে প্রবেশ করিবার জন্ত একটা দরজা গলির মধ্যে অবস্থিত ছিল। সেই পথের দিকে অঙ্গুলি নির্দেশ করিয়া আমি মিঃ পেগটীর বাহু ধরিয়া সেই দিকে চলিলাম। একটা ঘর খালি দেখিয়া আমরা তথায় প্রবেশ করিলাম।

তাহাকে কক্ষস্থ আলোকে ভাল করিয়া লক্ষ্য করিলাম। মাথার কেশ দীর্ঘতর ও অযত্নবিহীন দেখিলাম। রৌদ্রতাপে মুখমণ্ডল দন্ধ হইয়া কালো হইয়া গিয়াছে। মাথার কেশ গুরু এবং ললাটের রেখাবলী গাঢ়তর হইয়াছে। সে যে পথে পথে ঘুরিয়া ঘুরিয়া বেড়াইয়াছে, তাহার চিহ্ন মিঃ পেগটীর দেহে বিদ্যমান। কিন্তু তাহার দেহ বেশ বলিষ্ঠই আছে। উদ্দেশ্যসিদ্ধির জন্ত সে যে এখন প্রভূত পরিশ্রম করিতে সমর্থ, তাহার ব্যবহারে তাহা বিশেষভাবে প্রকট হইল।

মিঃ পেগটী বলিল, “মাষ্টার ডেভি, আমি কোথায় কোথায় ঘুরেছি, সব তোমাকে বলছি।”

ঘণ্টাধ্বনি করিয়া ওয়েটারকে কিছু খাত ও পানীয় আনিতে বলিলাম।

মিঃ পেগটী বলিল, “যখন সে এতটুকু মেয়ে ছিল, সে প্রায় সাগরের কথা বলত। আমি সময় সময় ভাবতাম, তার বাবা সমুদ্রে ডুবে মারা গেছে ব’লে সে বুঝি সাগর ও সাগরতটের কথাই ভাবে।”

আমি বলিলাম, “ছেলেমানুষের কল্পনাবশেষই সে অমন ভাবত।”



“সে যখন হারিয়ে গেল, আমি ভেবেছিলাম, সে সমুদ্র পার হয়ে ঐ সকল দেশে নিশ্চয় গেছে। তাই আমি ফ্রান্সে গিয়ে তাঁর খোঁজ নেব স্থির করেছিলাম।”

এমন সময় মরুভূমি খুলিয়া গেল, ভূমিরূপা যুক্ত ধারণা প্রবেশ করিতে লাগিল। একখানি হাত দরজার কপাট খুলিয়া ধরিল।

“সেখানে গিয়ে আমি আমার ভাগিনেরীর খোঁজ করতে লাগলাম। প্রত্যেক সহর ও গ্রামের সরাইখানার গিরে খোঁজ নিতে লাগলাম।”

আমি বলিলাম, “তুমি হাঁটা পথে গিয়েছিলে?”

“প্রায়ই হাঁটা পথে। কোন কোন সময় গাড়ী চড়েছি। প্রত্যেক হোটেল-সরাই আমি খুঁজে দেখেছি। সব জায়গার লোকই আমাকে স্নেহ দেখিয়েছে, খাবার দিয়েছে। আমি কি জন্তু এসেছি, সকলেই তা জেনে ফেলেছিল। সে জন্তু সকলেই আমায় দয়া করত।”

ধারণা চাহিয়া দেখিলাম, মার্খা দাঁড়াইয়া আছে। সে আমাদের কথা শুনিতেছিল। তাহার চেহারা বিস্ময় হইয়া গিয়াছে। আমার আশঙ্কা হইতেছিল, পাছে মিঃ পেগটী তাহাকে দেখিয়া ফেলে।

“অনেক সময় গেরগু বাড়ীর ছোট ছোট ছেলে-মেয়েদের নিয়ে আমার কোলে বসিয়েছি। মনে হয়েছে, এই শিশুরা বুঝি আমার এমিলির সন্তান।”

অসম্ম শোকে বিমুগ্ধ হইয়া সে কুকরিয়া কাঁদিয়া উঠিল। আমি কম্পিত হস্ত তাহার বাহুর উপর রাখিলাম। সে বলিল, “ধন্যবাদ, ও সব লক্ষ্য করো না, মাষ্টার ডেভি।”

তাহার হাত সরাইয়া লইয়া সে বক্ষোদেশে স্থাপন করিল। তার পর বলিয়া চলিল, “তার পর আমি ইটালীতে গেলাম। সেখানকার লোকরাও আমাকে যথেষ্ট সহানুভূতি দেখাতে লাগলেন। আমি সহরে সহরে ঘুরে বেড়াইতাম, কিন্তু খবর পেলাম যে, স্নাইন্স পাহাড়ের দিকে তারা না কি আছে। তার সেই চাকরটাও সঙ্গে আছে, খবর পেলাম। আমি পর্তুগেলের দিকে গেলাম। দিনরাত হেঁটে পাহাড়ে পৌঁছলুম। যেখানে তারা আছে বলে খবর পেলাম, তার কাছে এসে ভাবলাম, তাকে দেখে আমি কি করব?”

যে মূর্তি হারপ্রাপ্তে দাঁড়াইয়া শুনিতেছিল, সে আমাকে করষোড়ে নীরবে জানাইল, আমি যেন বাধা না দেই।

মিঃ পেগটী বলিয়া চলিল, “তার ওপর আমার সন্দেহ ছিল না। একটুও না। একবার সে আমায় দেখলে, একবার আমার গলার স্বর শুনে পেল, সে যদি রাজার স্ত্রীও হয়ে থাকে, তখনি ছুটে এসে আমার পায়ের তলায় লুটিয়ে পড়বে, এ আমি জানতুম। অনেক সময় রাত্রে ঘুমিয়ে ঘুমিয়ে স্বপ্ন দেখতাম, সে যেন ডাক ছেড়ে বলছে— ‘মামা!’ দেখতাম, সে আমার পায়ের তলায় লুটিয়ে পড়েছে। অনেক সময় ঘুমিয়ে ঘুমিয়ে আমি দেখতাম, আমি যেন

তাকে হাত ধরে তুলে, তার কাণে কাণে বলছি, ‘প্রাণাদিকা এমিলি, আমি তোমাকে কমা করে ঘরে ফিরিয়ে নিয়ে যেতে এসেছি।’”

মিঃ পেগটী খামিল, মাথা আন্দোলিত করিল, তার পর দীর্ঘশ্বাস ত্যাগ করিয়া বলিয়া চলিল, “সে আমার কেউ নয়। এমিলিই আমার সর্কস্ব। আমি দেশ থেকে এমিলির জন্ত একটা পোষাক এনেছিলাম। আমি জানতাম, তাকে দেখতে পেলেই, সে আমার পাশে এসে দাঁড়াবে—পাহাড়ে পথে হেঁটে যেতেও কুষ্ঠিত হবে না। আমি যেখানে যাব, সে আমার সঙ্গেই যাবে। কিন্তু মাষ্টার ডেভি, তা হলো না। আমি সেখানে পৌঁছবার আগেই তারা সেখান থেকে চলে গেছে, জানতে পারলাম। কোথায়, তা খবর পাইনি। কেউ বলেছে এখানে, কেউ সেখানে। আমি আবার এখানে ফিরে এসেছি।”

আমি বলিলাম, “সে কত দিন আগের কথা?”

“বেশী দিন নয়। আমি বাড়ী ফিরে গিয়ে মিসেস্ গমিজকে ঘরের মধ্যে বসে থাকতে দেখি।”

মিঃ পেগটী তাহার কোটের পকেট হইতে কতকগুলি কাগজ সম্বন্ধে বাহির করিল। সেগুলি টেবলের উপর রাখিয়া সে বলিল, “এই চিঠিখানা প্রথমে আসে। আমি চলে যাবার এক সপ্তাহ পরে। সঙ্গে ৫০ পাউণ্ডের একখানা নোট—আমারই নামে চিঠি। রাত্রিবেলা দরজার নীচে চাপা দেওয়া ছিল। সে তার হাতের লেখা গোপন করবার চেষ্টা করেছিল, কিন্তু পারেনি।”

তার পর আর একখানা পত্র লইয়া বলিল, “এখানা মিসেস্ গমিজের কাছে আসে, দু-তিন মাস আগে!”

মিঃ পেগটী পত্রখানি আমাকে পড়িতে দিল। আমি পড়িলাম—

“এ চিঠি যখন পাইবে, পড়িবার সময় তোমরা মনে করিবে, ইহা আমার কলঙ্কিত হাতের লেখা! কিন্তু আমার জন্তু নহে, আমার কথা মনে করিয়া আমার সম্বন্ধে তোমাদের মনের কঠোরতা এতটুকু হ্রাস করিও। চেষ্টা করিয়া এই হতভাগিনীর সম্বন্ধে একটু অনুকম্পা প্রকাশ করিয়া এক ছত্র লিখিও, মামা কেমন আছেন! আমার নাম উচ্চারণ করা মহাপাপ বলিয়া সিদ্ধান্ত করিবার পূর্বে তিনি আমার সম্বন্ধে কি বলিয়াছেন, তাহা আমাকে জানাইও। আমার অপরাধের জন্তু তোমরা বেশী নির্দয় না হইয়া, একটু কোমলভাবে আমার কথা ভাবিও। আমার নাম লইও না, আমি তোমাদের উচু মাথা হেঁট করিয়া দিয়াছি। আমার প্রাণের যন্ত্রণার কথা একটু ভাবিয়া দেখিও। আমার মামার কথা আমি জানিবার জন্তু পাগল।

“আমার প্রতি তোমরা বিরূপ, তাহা জানি। হওয়াই উচিত। যার স্ত্রী হইবার কথা ছিল, তাহার প্রতি আমি ঘোর অস্বাভাব করিয়াছি। তাহাকে বলিলে তিনি দয়াপরবশ

হইয়া আমাকে আমার কথা লিখিয়া জানাইতে পারেন। আমি জানি, তাঁহাকে বলিলেই তিনি তাহা করিবেন। যখন বাতাসের গর্জন শুনি, আমার মনে হয়, তাঁহাকে ও আমাকে দেখিয়া বাতাস ক্রুদ্ধগর্জনে ভগবানের কাছে গিয়া আমার বিরুদ্ধে নালিশ করিতেছে। তাঁহাকে এবং আমাকে বলিও, কাল যদি আমার মৃত্যু হয় (দরকার হইলে আমি মরিতেও প্রস্তুত), আমি সে সময় শুধু তাঁহার ও আমার কল্যাণকামনা করিয়া মরিব—উহাই আমার শেষ কথা হইবে।”

এই পত্রের মধ্যেও পাঁচ পাউণ্ডের একখানা নোট ছিল। পূর্বের নোটের মত এই নোটও কাগজে মোড়া রহিয়াছে। কোথায় উত্তর দিতে হইবে, সে ঠিকানাও পত্রে লেখা আছে।

আমি বলিলাম, “এ পত্রের কি উত্তর দেওয়া হয়েছে?”

মিঃ পেগটী বলিল, “মিসেস্ গমিজ্ ভাল লেখাপড়া জানেন না। তাই হ্যাম্ চিঠি লিখে দিয়েছিল। মিসেস্ গমিজ্ সেটা নকল ক’রে পাঠিয়ে দেয়। তাতে লেখা ছিল যে, আমি তার সন্ধানে গেছি। আমার বিদায়-বাণীও লিখে দিয়েছিল।”

“ওখানা কি, মিঃ পেগটী? আর একখানা পত্র?”

“না, দশ পাউণ্ডের আর একখানা নোট। ওর ভেতর একখানা চিরকুট আছে। তাতে লেখা আছে, কোন বন্ধুর কাছ হ’তে এসেছে! এটা কিন্তু ডাকে এসেছে। ডাকঘরের ছাপ দেখে আমি তার সন্ধানে যাচ্ছি।”

আমি পড়িয়া দেখিলাম, রাইন নদীর ধারে কোন সহর হইতে আসিয়াছে। সেই দেশের এক জন ব্যবসায়ীর নিকট হইতে একটা নক্সা করিয়া লইয়া মিঃ পেগটী সেখানে যাইবার জন্ত প্রস্তুত হইয়া আসিয়াছে।

আমি জিজ্ঞাসা করিলাম, “হ্যাম্ কেমন আছে?”

“সে কাজ ক’রে চলেছে। সে সকলকে সাহায্য ক’রে বেড়ায়। কারও কোন কিছু দরকার হ’লে, হ্যাম্ তার সাহায্যের জন্ত এগিয়ে যায়। বাইরে সে ভালই আছে। কিন্তু আমার বোন বলে, আঘাতটা তার বুকে গভীরভাবে ক্ষত করেছে।”

মিঃ পেগটী পত্রগুলি ভাঁজ করিয়া তাহার পকেটে রাখিল। আমি দেখিলাম, দ্বারপথ হইতে মূর্তি সরিয়া দাঁড়াইল।

মিঃ পেগটী বলিল, “তোমার সঙ্গে দেখা হয়ে গেল, মাষ্টার ডেভিড। কাল ভোরেই আমি চ’লে যাব। টাকাগুলো সঙ্গে রেখেছি, দেখা হলেই ফেরৎ দেব।”

সে উঠিয়া দাঁড়াইল। আমার দিকে হাত বাড়াইয়া দিয়া বলিল, “দশ হাজার মাইল হলেও আমি তত দূর যাব। আমি ম’রে না যাওয়া পর্যন্ত তার সন্ধানে ফিরব। সেই লোকটাকে তার দেওয়া টাকা ফেরৎ দিতেই হবে। আমি যদি তা পারি, আর এমিলিকে পাই, আমি তৃপ্ত হব। যদি না পাই, সে হয় ত এক দিন জানতে পারবে, তার মামা তার

সন্ধানেই দেহত্যাগ করেছে। আমি তাঁকে যত দূর জানি, সে খবর পেয়ে সে নিশ্চয় ঘরে ফিরে আসবে।”

আমরা উভয়ে পাছশালা হইতে বাহির হইলাম। দেখিলাম, অগ্রে অগ্রে একটি মূর্তি দ্রুত চলিয়া বাইতেছে। আমি মিঃ পেগটীকে কথায় ব্যাপ্ত রাখিলাম—মূর্তি অদৃশ্য হইল।

ডোভার রোডের ধারে একটি হোটেলে মিঃ পেগটী রাত্রিতে শয়ন করিবে স্থির করিয়া আসিয়াছে। তাহাকে ওয়েষ্ট মিনিষ্টার সেতুর ধারে বিদায় দিয়া আমি বাসার দিকে ফিরিলাম। মার্থার সন্ধান করিলাম, কিন্তু আর তাহার দেখা মিলিল না।

### একচত্রাবিংশ পরিচ্ছেদ

দুই বর্ষীয়সী নারীর নিকট হইতে অবশেষে উত্তর আসিল। নানা ভনিতার পর তাঁহারা লিখিয়াছেন যে, পত্রে এ সকল বিষয়ের আলোচনা সম্ভবপর নহে। তবে যদি মিঃ কপারফিল্ড অনুগ্রহ করিয়া কোন বিশ্বস্ত বান্ধবসহ তাঁহাদের সহিত কোন এক নির্দিষ্ট দিনে দেখা করেন, তাহা হইলে এ বিষয়ের আলোচনা হইবে। মিঃ কপারফিল্ডও তাঁহাদের নির্দেশমত, তাহার বন্ধু ইনার টেম্পেলের মিঃ টমাস্ ট্রাডেলস্-এর সহিত দেখা করিতে যাইবে।

মিস্ জুলিয়া মিলস্কে এ সময়ে আমার বিশেষ প্রয়োজন ছিল। কিন্তু তাহার পিতা তাহাকে লইয়া ভারতবর্ষে যাত্রা করিতেছেন। এ সংবাদ আমার কাছে আসিবামাত্র আমি মুসড়িয়া পড়িলাম।

যাহা হউক, নির্দিষ্ট দিনে ট্রাডেলস্কে লইয়া আমি পুটনীর অভিমুখে যাত্রা করিলাম।

ট্রাডেলস্ বলিল, “কপারফিল্ড, আমার এই চুল কিন্তু গোল বাধাবে।”

সত্যই তাহার সজারুর ঝায় খাড়া চুল কিছুতেই নম্র হইতে চাহিতেছিল না।

ট্রাডেলস্ বলিল যে, এই চুলের জন্ত তাহার ভাবী পত্নীর ভগিনীদিগের নিকট তাহাকে অনেক লজ্জা পাইতে হইয়াছিল। তাহারা সর্বদাই তাহার চুল লইয়া হাসাহাসি করিয়া থাকে।

নির্দিষ্ট স্থানে পৌঁছিয়া আমরা একটু তাজা হইবার জন্ত এক দোকানে বসিয়া ‘এলু’ সুরা পান করিলাম। তার পর কম্পিতপদে মিস্ স্পেন্সলোর ভবনে প্রবেশ করিলাম। পরিচারিকা দ্বার খুলিয়া দিল।

বৈঠকখানা-ঘরে দুই রুক্ষবসনা মূর্তি বসিয়াছিল। উভয়েই বুদ্ধা। মিঃ স্পেন্সলোর অপেক্ষা বয়োজ্যেষ্ঠ।

দুই জনের মধ্যে এক জন আমাদিগকে বসিবার জন্ত অনুরোধ করিলেন। উভয় ভগিনীর মধ্যে বয়সের

৮ বৎসরের পার্থক্য। বয়ঃকনিষ্ঠা অপেক্ষাকৃত আধুনিক বেশে সজ্জিত।

বয়ঃকনিষ্ঠার হাতে আমার চিঠিখানা দেখিলাম। তিনি ট্রাডেল্‌স্‌এর দিকে চাহিয়া বলিলেন, “আপনি মিঃ কপারফিল্ড?”

ট্রাডেল্‌স্‌ আমাকে দেখাইয়া দিল। আমিও সে কথা স্বীকার করিলাম।

জ্যেষ্ঠা বলিলেন, “আমার ছোট বোন লাভিনিয়া আপনাদের সঙ্গে কথা বলবেন। উনি এ সব বিষয় ভাল বোঝেন।”

মিস্‌ লাভিনিয়া বলিলেন, “এ ব্যাপারের পূর্ব-ইতিহাসের আলোচনার প্রয়োজন নেই। আমাদের বেচারী ভ্রাতা ফ্রান্সিসের মৃত্যুতে সে সব ব্যাপারের সম্বন্ধ চূকে গেছে।”

জ্যেষ্ঠা বলিলেন, “ফ্রান্সিস তার নিজের পথে চলেছিল, আমরাও নিজের পথে চলেছিলাম। দুই দলের সুখের জন্ম তা দরকার হয়েছিল।”

মিস্‌ লাভিনিয়া বলিলেন, “আমাদের ভাইবির অবস্থা, আমাদের ভায়ের মৃত্যুতে বদলে গেছে। সুতরাং তার এ বিষয়ে কি মতামত ছিল, তা এখন ধর্তব্যের মধ্যে নয়। মিঃ কপারফিল্ড, আপনি এক জন ভদ্রসন্তান, সুবক এবং অনেক সদগুণ আপনার আছে, এতে আমাদের সন্দেহ করবার কোন কারণ নেই। আমাদের ভাইবিকে আপনি ভাল-বাসেন বা ভালবাসেন বলে মনে করেন, এতেও সন্দেহ করা নিরর্থক।”

আমি সোৎসাহে আমার ভালবাসার গভীরতা প্রকাশের চেষ্টা করিলাম।

মিস্‌ লাভিনিয়া বলিলেন, “আপনি আমার ও আমার দিদি ক্লারিসার কাছে অল্পমতি চেয়েছেন—আমার ভাইবির ভাবী স্বামী হবার দাবী নিয়ে এখানে নাওয়া-আসা করতে চান।”

আমরা তাঁহার মুখের দিকে চাহিলাম।

কনিষ্ঠা বলিয়া চলিলেন, “মিঃ কপারফিল্ড, আমরা দুই বোনে এ বিষয়ে বিশেষ চিন্তা করে দেখেছি। আমার ভাইবিকে পত্রখানা দেখিয়েছি। আমাদের সন্দেহ নেই যে, তাকে আপনি খুব ভালবাসেন।”

আমি আবার উচ্ছ্বসিত-কণ্ঠে আমার ভালবাসার গভীরতা প্রকাশ করিতে যাইতেছিলাম, তিনি বাধা দিয়া বলিলেন, “প্রকৃত ভালবাসা, পরিপুষ্ট প্রেম সহসা আত্ম-প্রকাশ করে না। তাহার কণ্ঠস্বর মৃদু। সে সহজভাবে আত্মগোপন করে থাকে। সে প্রতীক্ষা করে থাকে। এই প্রতীক্ষার ফলে একটা জীবনই হয় ত এ জগৎ থেকে সরে যায়—অন্তরালে থেকে প্রেম-ভালবাসা পরিপক্ব হয়ে ওঠে।”

জ্যেষ্ঠা ভগিনী কনিষ্ঠাকে বলিলেন, “তুমি একবার শ্বেলিংসল্টটা শুকে নাও, বোন।”

দিদির আদেশ পালন করিয়া কনিষ্ঠা আরম্ভ করিলেন, “মিঃ ট্রাডেল্‌স্‌, আপনি শুনুন। এই আবেগ কত দূর প্রকৃত, আমরা তা পরীক্ষা করে দেখতে চাই। তাই আমরা স্থির করেছি, মিঃ কপারফিল্ডকে আমরা আসবার সুযোগ দিতে চাই—”

ট্রাডেল্‌স্‌ আমার দিকে ফিরিয়া বলিল, “এ অতি সম্ভব প্রস্তাব।”

আমি বলিয়া উঠিলাম, “নিশ্চয়!”

“কিন্তু আমরা মিঃ কপারফিল্ডের কাছে একটা প্রতিশ্রুতি চাই যে, আমাদের অগোচরে আমাদের ভাইবির সঙ্গে তাঁর কোন রকম পত্র-ব্যবহার হবে না। যা কিছু হবে, আমাদের সাক্ষাতে, আমাদের জানিয়ে।”

জ্যেষ্ঠা বলিলেন, “আমাদের নয়, শুধু তোমার।”

মিস্‌ লাভিনিয়া বলিলেন, “বেশ, তাই। আমাকে সব জানাতে হবে। এ প্রতিশ্রুতি কোনমতেই ভঙ্গ করা চলবে না। এই জন্মই মিঃ কপারফিল্ডকে লিখেছিলাম, তিনি যেন কোন বিশ্বস্ত বন্ধুকে সঙ্গে করে আনেন। পাছে কোন রকম ভুল বোঝার ব্যাপার না ঘটে, তাই এই ব্যবস্থা। আচ্ছা, আমি পনের মিনিট সময় দিলাম, আপনারা পরামর্শ করে দেখুন। আমরা এখন অল্প দূরে যাচ্ছি।”

আমি উত্তেজিত-কণ্ঠে বলিলাম যে, পরামর্শ করিয়া দেখা বা বিচার-বিবেচনার কোন প্রয়োজন নাই। আমি এই সর্ব্বোৎসাহে রাজি। কিন্তু তাঁহারা গুলিলেন না। দুই ভগিনীই আমাদিগকে রাখিয়া কক্ষান্তরে চলিয়া গেলেন।

ট্রাডেল্‌স্‌ আমার সাফল্যের জন্ম আমাকে অভিনন্দিত করিল।

পনের মিনিট পরে তাঁহারা ফিরিয়া আসিলেন। আমি সর্ব্বপালনের প্রতিশ্রুতি সানন্দে জ্ঞাপন করিলাম।

মিস্‌ লাভিনিয়া বলিলেন, “দিদি, বাকি কাজ তোমার।”

মিস্‌ ক্লারিসা বলিলেন, “প্রতি রবিবার মিঃ কপারফিল্ড আমাদের এখানে ডিনারে যোগ দেবেন। এ জন্ম তাঁকে নিমন্ত্রণ করে রাখলাম। আমরা ৩টার ডিনারে বসি।”

আমি অবনতভাবে সে নিমন্ত্রণ গ্রহণ করিলাম।

মিস্‌ ক্লারিসা পুনরায় বলিলেন, “সপ্তাহে এক দিন মিঃ কপারফিল্ড এখানে চা-পান করবেন। সাড়ে ৬টার আমরা চা-পান করি।”

আমি আবার অভিবাদন করিলাম।

মিস্‌ ক্লারিসা বলিলেন, “তা হলে সপ্তাহে দু’দিন আপনি এখানে আসবেন। তার বেশী নয়।”

আমি তাহাও স্বীকার করিয়া লইলাম।



মিস্ ক্লারিসা বলিলেন, “মিস্ ট্রাডেলস্ মাঝে মাঝে আমাদের এখানে এলে আমরা খুসী হব। আমরাও যাব। এই রকমে আমাদের আত্মীয়তা যাতে বাড়ে, তা করা উচিত।”

আমি বলিলাম যে, আমার পিতামহী সানন্দে এখানে আসিবেন। যদিও আমি জানিতাম না, ঠাকুরমা প্রকৃত-প্রস্তাবে কি ভাবে এ ব্যাপারটা দেখিবেন।

মিস্ লাভিনিয়া তার পর ট্রাডেলস্কে অপেক্ষা করিতে বলিয়া আমাকে তাঁহার অনুগামী হইতে অনুরোধ করিলেন। আমি স্পন্দিতবক্ষে, কম্পিতপদে তাঁহার পশ্চাতে পশ্চাতে চলিলাম। আর একটি ঘরে আমার প্রিয়তমা প্রাচীরের দিকে মুখ করিয়া বসিয়াছিল। জিপের মাথায় একখানি তোয়ালে বাঁধা।

রক পরিচ্ছেদে তাহাকে কি সুন্দরই দেখাইতেছিল।

আমি বলিলাম, “প্রাণাধিকা ডোরা! এখন তুমি আমারই।”

ডোরা বলিল, “ও কথা বলো না।”

“ডোরা, তুমি কি আমার নও?”

“নিশ্চয়, আমি তোমারই। কিন্তু আমি এত ভয় পেয়েছি!”

“ভয় পেয়েছ? কেন, প্রাণাধিকা?”

“হ্যাঁ, আমি ওঁকে পছন্দ করি না। উনি চ’লে গেলেন না কেন?”

“কে, ডোরা?”

“তোমার বন্ধু। ওঁর আসবার কোন দরকার ছিল না। লোকটা কি নিরকোষ!”

আমি বলিলাম, “কিন্তু ও বড় ভাল লোক।”

“কিন্তু ভাল লোকের আমাদের প্রয়োজন নেই।”

“প্রিয় ডোরা, পরে তুমি জানবে, ট্রাডেলস্ কত ভাল! তুমিও পরে ওঁকে পছন্দ করবে। আমার ঠাকুরমাও এখানে আসবেন। তাঁর পরিচয় পেলে তুমিও খুসী হবে।”

“না, না, তুমি তাঁকে এখানে এনো না।” সে আমাকে একটা চুমা দিল। তার পর বলিল, “তিনি হয় ত ভারী কড়া মেজাজের লোক। না, না, তাঁকে তুমি এনো না।”

আমি ডোরাকে ট্রাডেলস্‌এর কাছে লইয়া যাইবার চেষ্টা করিলাম। কিন্তু সে কোনমতেই স্বীকার করিল না। অল্প ঘরে পলাইয়া গেল।

অবশেষে আমরা বিদায় লইয়া চলিয়া আসিলাম।

পথে আসিয়া ট্রাডেলস্ বলিল, “বেশ ভাল ভাবেই কাজটা হয়ে গেল। ছুঁজন মহিলাই ভাল লোক। দেখ কপারফিল্ড, আমার আগে তোমার বিয়ে হয়ে যাবে।”

বাসায় আসিয়া আমি পিতামহীকে সকল কথা জানাইলাম। কিছুই গোপন করিলাম না। আমাকে সুখী দেখিয়া তিনিও সুখী হইলেন। ডোরার পিসীমাদিগের

সহিত তিনি দেখা করিতে যাইবার অঙ্গীকার করিলেন। কিন্তু সে দিন আমি আগ্নেস্কে যখন দীর্ঘ পত্র লিখিতে বসিলাম, তখন তিনি ঘরের মধ্যে ক্রমাগত পাদচারণাই করিয়া বেড়াইতে লাগিলেন। আমার মনে হইল, এই পাদচারণার কখনও শেষ হইবে না বোধ হয়।

আগ্নেস্কে আমি যে পত্র লিখিলাম, তাহাতে রুতন্ত্রতা এবং আবেগের বাহুল্য ছিল। তাহার উপদেশ পালন করিয়া কি সুফল পাইয়াছি, তাহার সমস্ত বিবরণই তাহাকে লিখিয়া দিলাম। ফেরত ডাকে সে উত্তর দিল। তাহার পক্ষে আশা, আগ্রহ ও আনন্দের উচ্ছ্বাস ছিল। সেই সময় হইতে তাহার ত্রে আনন্দের পূর্ণ আধিক্য লক্ষ্য করিতাম।

আমার কাজের এখন আর অন্ত ছিল না। হাইগেটে প্রত্যহ গত্যাত, তার পর পুটনীতে সপ্তাহে দুই দিন গমন— তাহার দূরত্বও কম নহে। ক্রমে দুই দিনের স্থানে বেশী দিন, অর্থাৎ আমার যখন ইচ্ছা, তখনই যাইতে পারিতাম। রবিবার ত যাইতামই, তাহা ছাড়া মিস্ লাভিনিয়ার অনুমতিক্রমে শনিবারও আমি তথায় যাইতাম। দিনগুলি আমার পরমানন্দে কাটিয়া যাইত।

পিতামহী এবং ডোরার পিসীমারা পরস্পর দেখা-সাক্ষাতের পর ব্যাপারটা আরও সরল করিয়া তুলিলেন। ক্রমশঃ তাঁহাদের মধ্যে আত্মীয়তার বন্ধন দৃঢ়তর হইতে লাগিল। ঠাকুরমার কতকগুলি বিশেষত্ব ছিল, তিনি আমার সুখের জন্য সে সকল বিশেষত্ব প্রকাশ করিতেন না। কাজেই উক্ত পরিবারের মধ্যে একটা অন্তরঙ্গতা পরিপুষ্ট হইতে লাগিল।

শুধু জিপই একটু গোল বাধাটয়াছিল। সে ঠাকুরমাকে দেখিলেই গর্জন করিত, দাঁত দেখাইত। একজন্ম ঠাকুরমা আসিলেই ডোরা তাহাকে তোয়ালে চাপা দিয়া ঢাকিয়া রাখিত।

ডোরাকে তাহার পিসীমারা যেন পুতুলের মত সাজাইয়া গুছাইয়া আদর করিতেন, ইহা আমার ভাল লাগিত না। এক দিন বেড়াইতে গিয়া সে কথা ডোরাকে বলিলাম। ইদানীং মিস্ লাভিনিয়া আমাদিগকে ভ্রমণে যাইতে অনুমতি দিয়াছিলেন।

এক দিন ডোরাকে বলিলাম, “প্রাণাধিকা ডোরা, তুমি ত এখন খুকী নেই।”

ডোরা বলিল, “তুমি আমার উপর রাগ করছ কেন?”

“আমি রাগ করছি?”

ডোরা বলিল, “তারা আমার ভালবাসেন, তাই ও রকম করেন, আমিও তাতে খুসী হই।”

আমি বলিলাম, “সে ত ভাল কথা, কিন্তু সঙ্গে সঙ্গে স্বাভাবিক বুদ্ধির পরিচয় দেওয়াও ত দরকার।”

সে আমার দিকে তিরস্কারপূর্ণ দৃষ্টিতে তাকাইয়া ক্রন্দন-রুদ্ধ কণ্ঠে বলিতে লাগিল যে, আমি যদি তাহাকে পছন্দই না করিয়া থাকি, তাহা হইলে তাহাকে বিবাহ করিবার জন্য বাগ্‌দানে আবদ্ধ হইলাম কেন? যদি তাহাকে ভালই না

লাগে, আমি এখনই সব বন্ধন টানিয়া ছিঁড়িয়া চলিয়া যাইতে পারি।

এ সব কথাই উত্তরে আমি আর কি বলিব। অবশেষে চুষনে চুষনে তাহার অশ্রুরাশি মুছিয়া দিলাম।

ডোরা বলিল, “আমি তোমাকে সত্যি ভালবাসি। তুমি আমার প্রতি নির্দয় হয়ে না, ডোয়েডি!”

সে ডেভিডের পরিবর্তে আমাকে ডোয়েডি বলিত।

“আমি তোমার উপর নির্দয় হব, প্রিয়তমে? জগতের কোন কিছুই বিনিময়ে আমি তোমার উপর কি নির্দয় হ’তে পারি?”

ডোরা মুখে রক্ত-গোলাপ ফুটাইয়া বলিয়া উঠিল, “তবে আমার দোষ খুঁজে বেড়িও না। আমি ভালই থাকব।”

তার পর সে আমার কাছে রক্তনোপযোগী একখানি বই চাহিল। আমি পাকপ্রণালীর একখানি ভাল সংস্করণ কিনিয়া, মনোজ্ঞভাবে বাঁধাইয়া তাহাকে আনিয়া দিলাম। একখানি হিসাবশিক্ষার বই আনিলাম। কিন্তু কার্যকালে বইগুলি দেখিলে ডোরার মাথা ধরিতে আরম্ভ করিল। ক্রমে বইগুলির উপর জিপ আসন গ্রহণ করিতে লাগিল।

আমি ডোরাকে মৌখিক শিক্ষা দিবার চেষ্টা করিলাম। কিন্তু তাহার মাথায় কিছুই প্রবেশ করিত না।

এক দিন কশাইখানার পাশ দিয়া যাইবার সময় ডোরাকে বলিলাম, “আচ্ছা, ধর ডোরা, আমাদের বিয়ের পর তুমি ডিনারের জন্ত খানিক ভেড়ার মাংস কিনিতে গেলে। কিন্তু কি ক’রে কিনবে বল ত?”

ডোরার মুখ এতটুকু হইয়া গেল। আবার গণ্ডে গোলাপ ফুটাইয়া সে আমার মুখে চুমা দিয়া কথা বন্ধ করিয়া দিবার চেষ্টা করিল।

আমি তথাপি বলিলাম, “বল প্রিয়তমে, কি ক’রে মাংস কিনবে?”

একটু থামিয়া ডোরা হাসিয়া বলিল, “কেন, কশাই ত জানে কি ক’রে বেচতে হয়। আমার জানবার দরকার কি? কি বোকা তুমি!”

আর এক দিন জিজ্ঞাসা করিলাম যে, যদি কোন দিন আইরিশ ষ্টু খাইবার ইচ্ছা হয়, তাহা হইলে সে কিরূপে উহা রন্ধন করিবে? সে তাহার ক্ষুদ্র করপল্লবযুগলে তালি দিয়া বলিল যে, সে ভূত্যকে উহা তৈয়ার করিতে বলিয়া দিবে। এই বলিয়া সে আমার বাহুতে বাহু সন্নিবিষ্ট করিয়া এমন মধুর হাস্য করিল যে, আমি আর কোন কথা বলিতে পারিলাম না।

ডোরা শুধু হাসিয়া খেলিয়া নাচিয়া গাহিয়া আনন্দে কাটাইতে লাগিল, তাহার রন্ধনবিদ্যা শিক্ষা অথবা হিসাব রাখিবার জ্ঞানলাভের কোন ব্যবস্থাই করিতে পারিলাম না। আমিও তাহাকে তাহার পিসীমাদের স্থায় সজ্জিত পুস্তকিকার স্থায় ব্যবহার করিতে আরম্ভ করিলাম।

## দ্বিচত্বাব্বিংশ পরিচ্ছেদ

আমি চতুর্গুণ উৎসাহে কার্যারম্ভ করিয়াছিলাম। সন্ধ্যাও শিথিলতার জন্ত আমার পরিশ্রম ও চেষ্টা সীমা ছিল না। ডোরা এবং তাহার পিসীমাদের প্রতি দায়িত্বপালন করিবার প্রেরণায় আমি দ্রুত উন্নতিলাভও করিয়াছিলাম। আমার এ বিষয়ে দৃঢ়তা অত্যন্ত অধিক ছিল। যাহা করিব বলিয়া ধরিতাম, তাহা না করিয়া আমি নিরস্ত হইতাম না। অনেকে আমার অপেক্ষাও কঠোর পরিশ্রম হয় ত করিয়া থাকে বা করে, কিন্তু আমি সেরূপ সাফলাভ বিনিশ্রাম, তাহা হয় ত সকলের হয় না। আমার নিয়মিততা, কার্য-শৃঙ্খলা এবং একনিষ্ঠ পরিশ্রম না থাকিলে আমি কখনই সাফলাভ করিতে পারিতাম না। আমি অপেক্ষাসা করিতেছি না, আমি যাহা, তাহাই লিখিতেছি। আমার একটা ভ্রুটি এই ছিল যে, আমি কোনও সুযোগের অপব্যবহার করি নাই। অর্থাৎ যাহা করণীয় কার্য, আমি সর্লান্তঃকরণে তাহা করিয়াছি—কিন্তু—দেই নাই। ক্ষুদ্র অথবা বৃহৎ কোন ব্যাপারেই আমি আন্তরিকতা-বর্জিত পরিশ্রম করি নাই। আমি জীবনে এমন কোনও কার্যে হস্তক্ষেপ করি নাই, যাহাতে আমি সমস্ত অন্তর না নিয়োগ করিয়াছি।

কিন্তু এই নীতিগুলি কার্যে প্রয়োগ করিতে আমি আগনেসের কাছে কতখানি ধনী, তাহা আমি এখানে বলিব না।

ডাক্তারের গৃহে আগনেস পক্ষকালের জন্ত বেড়াইতে আসিল। মিঃ উইক্‌ফিল্ড ডাক্তারের পুরাতন বন্ধু। ডাক্তার তাহার কল্যাণ-কামনায় তাহার সহিত কিছু আলোচনা করিতে চাহিয়াছিলেন। তাই তিনি কণ্ঠসহ আসিয়া আগনেস ইতিপূর্বে যখন সহরে আসিয়াছিল, সেই সময় আলোচনা উপলক্ষে ডাক্তার যাহা জানিয়াছিলেন, তাহারই ফলে এবার সকল্য উইক্‌ফিল্ডকে সহরে আসিতে হইয়াছে। আগনেসের কাছে গুলিলাম, সে মিসেস হিপের জন্ত ডাক্তারের বাড়ীর কাছাকাছি বাড়ী ভাড়া করিয়াছে। এ কথাই আমি বিন্মিত হইলাম না। বাতের যত্নটা বাড়িয়াছে বলিয়াই মিসেস হিপ সহরে বায়ুপরিবর্তন করিতে আসিয়াছে। ডাক্তার-দম্পতির সাহচর্যে সে না কি ভাল থাকিবে! পরদিবস মাতৃভক্ত সন্তানের গায় উড়িয়া তাহার মাতাকে লইয়া সেই বাসায় উঠিল, ইহাতেও আমি বিন্মিত হইলাম না।

ডাক্তারের প্রাঙ্গণস্থ উদ্যানে উড়িয়ার সহিত দেখা হইল। আমি তাহার সঙ্গ এড়াইতে পারিলে বাঁচি, কিন্তু সে কোনও মতেই আমার সঙ্গ ত্যাগ করিল না। গায় পড়িয়া সে আমাকে বলিল, “মাষ্টার কপারফিল্ড, যেখানে প্রেমের কথা, সেখানে যে ব্যক্তি ভালবাসে, সে একটু সঁধ্যাও অনুভব করে—অন্ততঃ যাকে ভালবাসে, তার ওপর চোখ রাখে।”

আমি বলিলাম, “এখন কার উপর তোমার ঈর্ষা হচ্ছে ?”  
 “না, মাষ্টার কপারফিল্ড, কোন নির্দিষ্ট ব্যক্তির উপর ঈর্ষা নেই—অর্থাৎ কোন পুরুষের ওপর আপাততঃ আমার ঈর্ষা নেই।”

“তবে কি তুমি বলতে চাও, কোন মেয়েমানুষের ওপর তোমার ঈর্ষা হয়েছে ?”

সে অপাঙ্গে আমার উপর দৃষ্টিপাত করিয়া হাসিল; বলিল, “সত্যি বলছি, মাষ্টার কপারফিল্ড, আমার এ অভ্যাসটা আপনি ক্ষমা করবেন। আপনি আমার পেট থেকে কথা টেনে বার না ক’রে ছাড়বেন না দেখছি। অবশ্য আপনাকে বলতে আমার কোন বাধা নেই। কোন মহিলা আমাকে এ পর্য্যন্ত স্নহজরে দেখেননি—বিশেষতঃ মিসেস ষ্টুং তননই।”

আমি বলিলাম, “তোমার কথার অর্থ কি ?”

সে বলিল, “আমি আইনজ্ঞ হলেও, আমি যা বলছি, তার মানেও তাই।”

সে এমনভাবে আমার দিকে চাহিল যে, তাহাতে ধূর্ততা স্পষ্ট হইয়া উঠিল।

আমি বলিলাম, “তোমার ঐ দৃষ্টির অর্থ কি ?”

“আমার দৃষ্টি ? কি বলছেন আপনি, কপারফিল্ড ? আমার দৃষ্টির আবার অর্থ কি ?”

“যা বলছি, ঠিকই। তোমার ঐ রকম চাহনির মানে কি ?”

সে যেন ভারী মজা পাইয়াছে, এমনই ভাবে হাসিতে লাগিল। সে তাহার চিবুকে হস্তাবমর্ষণ করিতে করিতে, ভূমিলগ্ন দৃষ্টিতে বলিল, “আমি যখন সামান্য কেরাণী ছিলাম, মিসেস ষ্টুং আমাকে অশ্রদ্ধার চোখে দেখতেন। আমার আগনেস্ তাঁর কাছে বরাবরই যাতায়াত ক’রে থাকে, তিনি বরাবরই আপনার বন্ধু। কিন্তু আমার দিকে দৃষ্টি দেবার প্রয়োজন তাঁর নেই।”

আমি বলিলাম, “বেশ ত, তাই না হয় ধ’রে নিলাম।”

উড়িয়া বলিল, “আর তাঁরও (পুরুষ) দৃষ্টির বাইরে আমি !”

আমি বলিলাম, “তুমি কি ডাক্তারকে ভাল ক’রে জান না ? তুমি তাঁর সামনে না গেলে তোমার কথা তিনি মনে ক’রে রাখবেন, এটা কি সম্ভবপর ?”

আমীর দিকে পুনরায় অপাঙ্গে দৃষ্টিপাত করিয়া সে বলিল, “আমি ডাক্তারের কথা বলছি না। আহা, সে বেচারীর কথা নয় ! আমি বলছি মিঃ ম্যাল্ডনের কথা !”

আমি স্তম্ভিত হইলাম। আমার সন্দেহ বা অহুমান—এ বিষয়ে সম্ভাব্য অসম্ভাব্য সব বিষয়—দোষহীনতা অথবা একটা যুক্তি, যাহার কোনও মীমাংসা বা রহস্যের সমাধান এ যাবৎ আমি করিতে পারি নাই, আমি দেখিলাম, এই লোকটার কথার মারপ্যাচে তাহা স্পষ্ট হইয়া উঠিল।

উড়িয়া বলিল, “তিনি যখনই আপনি আসেন, আমার উপর হুকুম চালান, আমাকে দূরে হাঁকিয়ে দেন ! কি চমৎকার ভঙ্গলোক তিনি। আমি সামান্য লোক, হীন আমার অবস্থা হলেও, আমি ও সব পছন্দ করিনে।”

সে আমার দিকে পুনঃ পুনঃ অপাঙ্গে দৃষ্টিপাত করিতে লাগিল।

তার পর সে বলিল, “মিসেস ষ্টুং আপনাদের এক জন সুন্দরী মহিলা। তিনি আমার মত লোককে বন্ধুর দৃষ্টিতে দেখতে রাজি নন, তা আমি জানি। আমার আগনেস্কে তিনি বড় ধরনের শিকার খেলার জন্ত ঠিক ক’রে রেখেছেন। আমি মহিলাদের প্রিয়পাত্র নই, কিন্তু আমার চোখ আছে, আমি দেখতে পাই, দেখেও থাকি।”

আমি যে বিন্দুমাত্র বিচলিত হই নাই, এইরূপ ভাব প্রকাশ করিবার চেষ্টা করিলাম; কিন্তু তাহার মুখের ভাব দেখিয়া বুঝিলাম, আমি তাহাকে প্রভাবিত করিতে সমর্থ হই নাই।

সে বলিল, “দেখুন, কপারফিল্ড, এমন ভাবে আমি হেরে যাব, সে বান্দা আমি নই। এ রকম বন্ধুত্ব যাতে বন্ধ হয়ে যায়, তা আমি নিশ্চয় করব। এটা আমি মোটেই পছন্দ করিনে। আমি আপনার কাছে স্বীকার করছি যে, আমার যথেষ্ট আপত্তি এতে আছে, আর যারা অনধিকার-প্রবেশ করতে চাইবে, তাদের হঠিয়ে দিতে চাই। এ বিষয়ে যা কিছু চক্রান্ত করা দরকার, তা আমি করবই।”

আমি বলিলাম, “তুমি নিজে চক্রান্তবাজ, তাই মনে কর, সকলেই তোমার মত চক্রান্ত ক’রে বেড়ায়।”

সে বলিল, “তা হ’তে পারে; তবে আমার ভাগীদার যে প্রায় ব’লে থাকেন যে, আমি একটা উদ্দেশ্য নিয়ে কাজ করি, সেটা ঠিক। এতেও আমি প্রাণপণ চেষ্টা করব। আমি সামান্য লোক ব’লে যে আমায় হঠিয়ে দেবে, সেটি হচ্ছে না। কেউ এসে আমার উদ্দেশ্য পণ্ড ক’রে দেবে, সে আমি হ’তে দেবো না। ওরা গাড়ীর ভেতর থেকে বেরিয়ে আসুক, তাই আমি চাই।”

আমি বলিলাম, “তোমার কথা আমি বুঝতে পারছি না।”

“পাচ্ছেন না ? আপনি এমন বুদ্ধিমান, অথচ এটা বুঝতে পারছেন না, ভারী আশ্চর্য্য ত। আচ্ছা, আমি সহজে বুঝিয়ে দেব, আর এক সময়। ঘোড়ায় চ’ড়ে গেটের কাছে ঘণ্টা বাজাচ্ছেন, উনি মিঃ ম্যাল্ডন না ?”

উপেক্ষার ভাণ করিয়া আমি বলিলাম, “সেই রকমই মনে হচ্ছে।”

উড়িয়া সহসা নীরব হইল। তার পর উভয় জায়গার উপর ঝাঁকিয়া হাত রাখিয়া হাসিল। সে হাস্ত নীরব—একটি শব্দও বাহির হইল না। তাহার এই ব্যবহার আমার এমনই বিরক্তিকর মনে হইল যে, কোন কথা না



বলিয়া আমি তাহার সঙ্গে এড়াইয়া চলিয়া আসিলাম। সে সম্মানভাৱে তদবস্থায় রহিল।

সে দিন নহে, পরদিনসে অপরাহ্নে আমি ডোৱাকে দেখিবার জন্ত আগনেস্ সমভিব্যাহারে গমন করিলাম। মিস্ লাভিনিয়ার সহিত পূৰ্ণ হইতেই এ বন্দোবস্ত ঠিক করিয়া রাখিয়াছিলাম। তাঁহারা আগনেসের প্রতীক্ষায় ছিলেন।

আমার মনে গৰ্ব ও উৎকণ্ঠা দুই ছিল। গৰ্ব ডোৱার জন্ত; উৎকণ্ঠা আগনেস্ ডোৱাকে দেখিয়া কি ভাবে, তাহা জানিবার জন্ত। পুটনীতে যাইবার সময় আগনেস্ গাড়ীর মধ্যে ছিল, আমি বাহিরে ছিলাম।

ডোৱার পিসীমাতাদিগের নিকট যখন আগনেস্কে লইয়া গেলাম, তখন ডোৱা সেখানে ছিল না। সে কোথায় আছে, তাহা আমি জানিতাম। তাহাকে আনিবার জন্ত গেলাম।

প্রথমতঃ সে কোনমতেই আগনেসের কাছে আসিতে রাজি হইল না। সে আগনেস্কে ভয় করিতেছিল। ডোৱা তাহাকে অত্যন্ত বুদ্ধিমতী ভাবিয়া তাহাকে এড়াইয়া চলিবার জন্ত ব্যস্ত হইয়াছিল। অনেক কষ্টে তাহাকে লইয়া আসিলাম। আগনেস্কে দেখিয়া, তাহার শাস্ত সুন্দর মুখমণ্ডলে আনন্দের হাস্যকিরণ সমুদ্ভাসিত দেখিয়া ডোৱার মনের কুণ্ঠা অপগত হইল।

দেখিলাম, উভয় তরুণী উভয়কে গাঢ় আলিঙ্গনপাশে আবদ্ধ করিল। একের গণ্ড অপরের গণ্ডদেশে আশ্রয় পাইল। সে দৃশ্য দেখিয়া আনন্দে আমার হৃদয় উদ্ভাসিত হইয়া উঠিল। উভয়ে যখন পাশাপাশি উপবেশন করিল, তখন আমার মনের উল্লাস যেন বাঁধভাঙ্গা নদীর মত বহিয়া চলিল।

চা-পানের আয়োজন হইয়াছিল, আমরা সকলে উপবেশন করিলাম। আগনেসের স্নিগ্ধ আনন্দদীপ্তি যেন সকলেরই মধ্যেই সংক্রামিত হইয়া প্রত্যেকের আনন্দ উদ্ভাসিত করিয়াছিল। অল্পক্ষণের মধ্যেই ডোৱা যেন আগনেস্কে আপনার জনের মত ভাবিতে লাগিল, তাহার ব্যবহারে আমি ইহা বুঝিতে পারিলাম।

চা-পৰ্ক শেষ হইবার পর ডোৱা আগনেস্কে বলিল, “তুমি আমাকে পছন্দ করেছ, এতে আমার কি যে আনন্দ, ভাই! আমি ভাবিনি, আমাকে তোমার ভাল লাগবে। তোমায় ভালবাসা আমার বড় দরকার, বিশেষতঃ এখন জুলিয়া মিল্‌স এখানে নেই।”

জুলিয়া মিল্‌স তাহার পিতার সহিত ভারতবর্ষযাত্রা করিয়াছিল।

আগনেস্ বলিল যে, আমি হয় ত তাহার সম্বন্ধে এমন বর্ণনা করিয়াছি, যাহাতে ডোৱা তাহাকে অল্প প্রকৃতির ভাবিয়াছে। ডোৱা তখনই বলিয়া উঠিল, “না, না! উনি

খালি তোমার প্রশংসাই করেছেন। তোমার মতের উপর উনি এত নির্ভর করেন যে, তাতেই আমার ভয় হয়েছিল।”

আগনেস্ হাসিয়া বলিল, “উনি যাকে জানেন, তাঁর প্রতি আকর্ষণ বৃদ্ধি করবার পক্ষে আমার ভাল অভিমতের কোন মূল্য নেই। আর তার প্রয়োজনও নেই।”

“কিন্তু সেটা যে আমার দরকার। আমাকে দেওয়া দরকার।” বলিয়া ডোৱা আগনেস্কে জড়াইয়া ধরিল।

গাড়ী তখনও আসে নাই। আমি ডোৱার কাছে নিভূতে বিদায় লইতে গেলাম। সে আমাকে আমার প্রাপ্য চুমা দিবার জন্ত নিঃশব্দে আমার কাছে আসিয়া দাঁড়াইল।

আমার কোটের একটা বোতাম লইয়া ক্রীড়া করিতে করিতে ডোৱা বলিল, “ডোয়েডি, আরও আগে যদি ওকে আমার বন্ধুভাবে পেতাম, তা হ’লে আমি আরও চালাক হ’তে পারতাম, তাই নয় কি?”

“কি বোকার মত কথা বলছ, প্রাণাধিকা?”

আমার দিকে চাহিয়াই সে বলিল, “বোকার মত কথা বলছি ব’লে তোমার মনে হয়? সত্য বলছ?”

“নিশ্চয়!”

বোতামটি বার বার ঘুরাইতে ঘুরাইতে সে বলিল, “আমি ভুলে গেছি। তোমার সঙ্গে আগনেসের কি সম্বন্ধ বল ত?”

“রক্তের কোন সম্বন্ধ নেই। কিন্তু আমরা দু’জনে ভাই-বোনের মত লালিত-পালিত হয়েছি।”

আমার কোটের আর একটা বোতাম নাড়া-চাড়া করিতে করিতে ডোৱা বলিল, “তুমি কি ক’রে আমাকে লাগবাসলে, তাই ভেবে আমি বিস্মিত হচ্ছি।”

“যেহেতু তোমাকে আগে দেখিনি, আগে ভালবেসে ফেলিনি, ডোৱা!”

আর একটা বোতাম নাড়া-চাড়া করিতে করিতে সে বলিল, “আচ্ছা, যদি আমার সঙ্গে তোমার কোন কালে দেখা না-ই হ’ত?”

আমি সহাস্তে বলিলাম, “ধর, যদি আমাদের জন্মই না হ’ত!”

বাস্তবিক সে তখন কি ভাবিতেছিল, আমি জানি না। সে পুনঃ পুনঃ বোতামগুলির উপর তাহার কোমল করাঙ্গুলি বুলাইয়া নিঃশব্দে দাঁড়াইয়া রহিল। তাহার অলকগুচ্ছ আমার বুকের উপর আসিয়া পড়িয়াছিল। তার পর সে তাহার নয়নযুগল তুলিয়া আমার মুখের উপর গুস্ত করিল। পায়ের অঙ্গুলির উপর ভর দিয়া দাঁড়াইয়া চিন্তাশ্রিতভাবে আমাকে চুমা দিল—এক, দুই, তিনবার। তার পর ঘর হইতে বাহির হইয়া গেল।

আগনেস্কে লইয়া আমি গাড়ীতে উঠিলাম। ডোৱা আগনেস্কে পত্র লিখিবে জানাইল, আগনেস্ও লিখিবে বলিল। ডোৱার পিসীমারাও বিদায়কালে গাড়ীর কাছে আসিয়া দাঁড়াইলেন।

গাড়ী নির্দিষ্ট স্থানে থামিলে আমরা পদব্রজে চলিলাম।  
কিন্তু রাজপথ নির্জন। ডাক্তারের বাড়ীর পথে  
জনসমাগম থাকিত না।

আমি আগনেস্কে বলিলাম, “তুমি যখন ডোরার পাশে  
বসেছিলে, তখন মনে হচ্ছিল, তুমি যেমন আমার কল্যাণময়ী  
দেবকণ্ঠা, তেমনই তারও। এখনঃ আমার তাই মনে  
হচ্ছে, আগনেস্।”

“সামান্য এঞ্জেল, তবে বিশ্বস্তা বটে।”

তাহার সুস্পষ্ট কণ্ঠস্বর সোজা আমার বুকে গিয়া  
পৌছিল।

আমি বলিলাম, “তোমাতে যে প্রকৃষ্টতা দেখি, আজ  
পর্যন্ত আর কোন নারীতে তা দেখিনি। তা দেখে মনে  
হরেছে, গৃহে তুমি পূর্বাপেক্ষা সুখী আছ সত্য কি?”

সে বলিল, “আমি আমাতেই সুখী। আনন্দ ও লঘু-  
হৃদয় আমার আছে।”

তাহার প্রশান্ত দৃষ্টি তখন উর্দ্ধদিকে স্থাপিত। মনে  
হইল, নক্ষত্রপুঞ্জের স্নিগ্ধ-দীপ্তি তাহার মুখমণ্ডলকে মহত্তর  
করিয়া তুলিয়াছে।

কয়েক মুহূর্ত পরে আগনেস্ বলিল, “বাড়ীতে কোন  
পরিবর্তন ঘটেনি।”

আমি বলিলাম, “নূতন কোন আলোচনা—আগনেস্,  
আমি তোমাকে বিপন্ন করতে চাইনে—কিন্তু আমি না  
জিজ্ঞাসা করেও পারছি না। আমাদের বিদায়কালে আমি  
সে কথাটা বলেছিলাম, সেই কথাটার বিষয়ই জিজ্ঞাসা  
করছি। কি হ’ল তার?”

“কিছুই হয়নি।”

“কিন্তু ও বিষয়ে আমার বড় হুশিচিন্তা ছিল।

“কিন্তু ও বিষয় নিয়ে তুমি কোন চিন্তা করো না।  
আমার জ্ঞান কোন হুর্ভাবনা নেই, ট্রেটউড।” মুহূর্ত চিন্তা  
করিয়া সে কথাটা শেষ করিল, “যে পথ আমি নেব ব’লে  
তুমি শঙ্কিত হয়েছ, জীবনে সে পথে আমি চলব না।”

অবশ্য আমি জানিতাম, সে তাহা করিবে না। তথাপি  
তাহার কথায় আমি সত্যই অত্যন্ত আশ্বস্ত হইলাম। তাহার  
মুখে মিথ্যাভাষণ বাহির হয় না, তাহা আমি ভাল করিয়াই  
জানিতাম। সে কথা আমি তাহাকে বলিলাম।

আমি বলিলাম, “এখান থেকে যখন তোমরা চ’লে যাবে,  
দীর্ঘকাল তোমার সঙ্গে নির্জনে দেখা পাবার সুযোগ হয় ত  
ঘটবে না। আচ্ছা, আবার কত কাল পরে তুমি লণ্ডনে  
আসবে, আগনেস্?”

“হয় ত দীর্ঘকাল পরে। বাবার স্বার্থের জ্ঞান আমার  
বাড়ীতে থাকার দরকার। সম্ভবতঃ অনেক দিন আমাদের  
আর দেখা হবে না। কিন্তু ডোরার সঙ্গে আমার চিঠি  
লেখা চলবে, তাতেই আমরা পরস্পর পরস্পরের খবর  
পাব।”

আমরা ডাক্তারের গৃহসংলগ্ন প্রান্তরে পৌছিলাম।  
তখন রাত্রি হইয়াছিল। মিসেস্ ট্রুংএর বাতায়নপথে  
আলো জ্বলিতেছে দেখিলাম। সেই দিকে অল্পলি নির্দেশ  
করিয়া আগনেস্ বিদায় লইল।

তাহার হাত বাড়াইয়া দিয়া আগনেস্ বলিল, “আমাদের  
হুর্ভাগ্য ও উৎকণ্ঠায় তুমি হুর্ভাবনা করো না। তোমার  
সুখেই আমি সুখী হব। যদি কখনো তোমার সাহায্য  
দরকার হয়, বিশ্বাস করো, আমি তোমার কাছে জা  
চাইব। ভগবান তোমার মঙ্গল করুন।”

তাহার মধুরোজ্জ্বল হাস্য এবং স্নিগ্ধপ্রকৃষ্ট কণ্ঠস্বরে  
আমার মনে হইল, আমি যেন ডোরাকে আগনেসের  
মধ্যে দেখিতে পাইলাম। কিয়ৎকাল দাঁড়াইয়া আমি  
আকাশের দিকে চাইলাম। কৃতজ্ঞতা ও প্রেমে আমার হৃদয়  
তখন পরিপূর্ণ। আমি ধীরে ধীরে চলিলাম। নিকটেরই  
একটি সরাইখানায় আমার শয়নের বন্দোবস্ত করিয়াছিলাম।  
আমি ফটক পার হইতে যাইতেছি, এমন সময় মুখ ফিরাইয়া  
দেখিতে পাইলাম, ডাক্তারের পড়িবার ঘরে আলো  
জ্বলিতেছে। মনে অনুতাপ হইল যে, আমার অভাবে আজ  
তিনি একাই অভিধানের কাজ করিয়া চলিয়াছেন। উহা  
দেখিবার জ্ঞান এবং বিদায় লইবার সংকল্প করিয়া আমি  
গতির মোড় ফিরাইলাম। আমি লঘুগতিতে হলঘর পার  
হইয়া ধীরে ধীরে দরজা খুলিয়া ভিতরে দৃষ্টিপাত করিলাম।

প্রথমে দেখিলাম, ঘরের মধ্যে উড়িয়া রহিয়াছে।  
এক হাত ডাক্তারের টেবলের উপর রাখিয়া অপর হাত সে  
তাহার মুখের উপর রাখিয়াছে। ডাক্তার তাহার আসনে  
বসিয়া উভয় করপুটে মুখ ঢাকিয়া রহিয়াছেন। মিঃ  
উইকফিল্ড অত্যন্ত বিরস ও বিষন্নভাবে সুঁকিয়া পড়িয়া  
ডাক্তারের বাহুর উপর নিজের এক হাত রাখিয়াছেন।

মুহূর্তমধ্যে মনে হইল, ডাক্তার অসুস্থ হইয়া পড়িয়াছেন।  
এইরূপ অনুমান করিয়া তাড়াতাড়ি আমি অগ্রসর  
হইলাম। সেই সময় উড়িয়ার নয়নে দৃষ্টি মিলিতেই  
বুঝিলাম, ব্যাপার কি। আমি তখনই সরিয়া যাইতাম,  
কিন্তু সেই সময় ডাক্তার আমাকে দেখিতে পাইয়া ইচ্ছিতে  
আমাকে থামিতে বলিলেন। আমি দাঁড়াইলাম।

উড়িয়া বলিল, “যাই হোক, দরজা বন্ধ ক’রে দেওয়া  
উচিত। সুরময় এটা রাস্তা করার প্রয়োজন নেই।”

সে পা টিপিয়া টিপিয়া গিয়া দরজা সবলে বন্ধ করিয়া  
দিল। সে নিজের স্থানে পুনরায় ফিরিয়া আসিল। তাহার  
কণ্ঠস্বরে যেন দরদ ঝরিয়া পড়িতেছিল। একরূপ অভিনয়  
আমার কাছে অসহ্য বোধ হইল।

উড়িয়া বলিল, “মাষ্টার কপারফিল্ড, আপনাতে আমাতে  
যে আলোচনা হয়েছিল, সেটা, ঠিক আমি জানাম কর্তব্য  
ব’লে মনে করেছি। যদিও আপনি তখন আমার কথাটা  
বুঝতে পারেন নি।”

করবার অবকাশ পাব, ততই আমি তা ক'রে ফেলতে পারব। তার পর ভগবান যদি দয়া করেন, শীঘ্র সে দয়া তিনি করুন, আমার মৃত্যু তাঁকে বন্ধন থেকে মুক্তি দেবে। তাঁর গৌরবোজ্জ্বল মূর্তির দিকে চেয়ে আমি শেষ নিশ্বাস ত্যাগ করব। আমার প্রেম, বিশ্বাস ও নির্ভা তাঁর প্রতি অবিচলিতই থাকবে।”

আমার নয়নে ধারা বহিতেছিল—চারিদিক ঝাপসা দেখাইতেছিল—তাঁহার মূর্তি আমি ভাল করিয়া দেখিতে পাইতেছিলাম না। তিনি দরজা খুলিয়া চলিয়া গেলেন। যাইবার সময় বলিয়া গেলেন, “আপনারা আমার হৃদয়ের পরিচয় পেলেন। আশা করি, আপনারা আমার অন্তরের প্রতি শ্রদ্ধা দেখাবেন। আজ রাত্রিতে আমাদের যে কথা হ'ল, সে বিষয়ের একটি কথাও যেন আর আলোচনা না হয়। উইকফিল্ড, আমাকে উপরে নিয়ে চল।”

মিঃ উইকফিল্ড তাড়াতাড়ি বন্ধুর সাহায্যের জন্ত অগ্রসর হইলেন। কেহ কাহারও সহিত দ্বিতীয় বাক্যালাপ না করিয়া চলিয়া গেলেন। উড়িয়া তাঁহাদের গমনশীল মূর্তির দিকে চাহিয়া দাঁড়াইয়া রহিল।

আমার দিকে ফিরিয়া সে বলিল, “মাষ্টার কপারফিল্ড, যে রকম ভেবেছিলাম, তা ত হ'ল না। বৃদ্ধ পণ্ডিত—চমৎকার লোক বটেন—গোড়া অন্ধ! কিন্তু এই পরিবারটিকে গাড়ীর ভেতর থেকে টেনে বার করা গেছে।”

বাকুদের স্তূপের মত আমার মন প্রস্তুত হইয়াই ছিল। তাহার একটি কথায় আগুন জলিয়া উঠিল।

আমি বলিয়া উঠিলাম, “শয়তান! আমাকে ষড়যন্ত্রের ফাঁদে ফেলে তোমার কি উদ্দেশ্য সিদ্ধ হবে ভেবেছ? আবার এখন তুমি আমার কাছে এ সব কথা বলছ? মিথ্যাবাদী, ভণ্ড, আমরা যোগাযোগ ক'রে এটা বাটয়েছি, এই কথা বলছ?”

সে আমার মুখোমুখী দাঁড়াইয়াছিল। দেখিলাম, তাহার আননে বিজয়গর্ভে যেন ফুটিয়া উঠিয়াছে। সে জোর করিয়া আমাকে দলে আনিয়া আমাকে দুঃখভোগ করাইবার ব্যবস্থা করিয়াছিল—ইচ্ছা করিয়া এই ফাঁদে সে আমাকে ফেলিয়াছে। ইহা মনে করিবামাত্র আমার মাথায় আগুন জলিয়া উঠিল। আমি আর আত্মসংবরণ করিতে পারিলাম না। তাহার গণ্ডেশ আমার সম্মুখে প্রসারিত। আমি প্রচণ্ডবেগে তাহার গণ্ডেশে চপেটাঘাত করিলাম—এত জোরে যে, আমার অঙ্গুলিগুলি যেন ব্যগিত হইল।

সে আমার হাত ধরিয়া ফেলিয়া, আমার দিকে চাহিয়া রহিল। আমিও তাহার দিকে অনেকক্ষণ চাহিয়া রহিলাম। আমার অঙ্গুলির সাদা দাগ ক্রমে তাহার আরক্ত গণ্ডে মিশাইয়া গেল।

রুদ্ধনিশ্বাসে সে বলিল, “কপারফিল্ড, আপনার বুদ্ধি কি হয়ে গেছে?”

আমি বলপূর্বক হস্ত মুক্ত করিয়া বলিলাম, “তোমার সঙ্গে আমার কোন সম্পর্ক আর নেই। কুকুর! আর তোর সঙ্গে কোন কথা নেই।”

আহত গণ্ডেশে হাত বুলাইয়া সে বলিল, “তা আপনি পারবেন না। এখন যা করলেন, সেটা কি অকৃতজ্ঞের কাজ নয়?”

আমি বলিলাম, “আমি অনেকবার প্রমাণ দিয়েছি, তোকে আমি ঘৃণা করি। এখন ভাল ক'রে সেটা হাতে-কলমে বুদ্ধিয়ে দিলাম। তোর যা ক্ষতি করবার শক্তি থাকে, তা তুই কর। আর তুই কি করতে পারিস?”

সে এখন বুদ্ধিতে পারিল, কেন এত দিন আমি তাহাকে সহ্য করিয়া আসিয়াছি। আজ আগ্নেসের নিকট হইতে প্রতিশ্রুতি পাইয়া আমি যে নিশ্চিতভাবে এই কুকুরটাকে শাস্তি দিতে পারিয়াছি, তাহা খুবই সত্য।

আবার খানিকক্ষণ নীরবে কাটিল। তাহার নয়নে নানা প্রকার বর্ণ-পরিবর্তন দেখিলাম। ইহাতে তাহাকে আরও কুৎসিত দেখাইতে লাগিল।

গণ্ডেশ হইতে হাত সরাইয়া লইয়া সে বলিল, “কপারফিল্ড, আপনি বরাবরই আমার বিরুদ্ধাচরণ ক'রে এসেছেন। আমি জানি, মিঃ উইকফিল্ডের বাড়ীতে আপনি সকল সময়েই আমার বিরুদ্ধে ছিলেন!”

ক্রোধে কাঁপিতে কাঁপিতে আমি বলিলাম, “তুই যা ইচ্ছে ভাবতে পারিস।”

সে বলিল, “কিন্তু আপনাকে আমি বরাবরই পছন্দ করতাম।”

উত্তর দেওয়া নিশ্চয়োজন মনে করিয়া আমি টুপী তুলিয়া লইলাম। এখন ঘুমাইতে যাইব। সে দরজা রোধ করিয়া দাঁড়াইল।

“কপারফিল্ড, ঝগড়া হলেই দুটো দল থাকবে। আমি কোন দলে নেই।”

আমি বলিলাম, “তুমি জাহান্নমে যাও!”

সে বলিল, “ও কথা বলবেন না। আমি জানি, পরে আপনি এ জন্ত দুঃখবোধ করবেন। আপনি এমন মন্দ ব্যবহার ক'রে আমার অপেক্ষা হীন কেন হবেন? ষাকু, আমি আপনাকে ক্ষমা করলাম।”

ঘৃণাভরে বলিলাম, “তুই আমাকে ক্ষমা করবি!”

উড়িয়া বলিল, “হাঁ, তাতে আপনার বলবার কিছু নেই। আমি বরাবর আপনার বন্ধু, আর আপনি আমাকে আক্রমণ করলেন! কিন্তু দুটো দল না হলে ত ঝগড়া বাধে না, আমি কোন দলে নেই। আপনি চান বা নাই চান, আমি আপনার বন্ধুই থাকলাম; সুতরাং আপনি আমার কাছে কি পাবেন, তা বুঝে রাখুন।”

আমার ক্রোধ এতক্ষণে অনেকটা উপশমিত হইয়াছিল। মূহুর্তে এমন বিষয়ের আলোচনা চলিতে পারে না। আমি



তাহাকে এইটুকু বলিলাম, তাহার কাছে বাহা পাওয়া সম্ভব, এতাবৎ তাহাই পাইয়া আসিয়াছি। কখনও হতাশ হইতে হয় নাই। এই বলিয়া দরজা খুলিয়া আমি বাহির হইয়া পড়িলাম। সেও সঙ্গে সঙ্গে বাহির হইল। একটু দূর অগ্রসর হইতেই সে আমার কাছে আসিয়া পড়িল।

সে আমার কাণের কাছে মুখ আনিয়া বলিল, “আপনি ঠিক জানেন, কপারফিল্ড, যে আপনি অন্বেষণ করেছেন। আপনি খুব বীরের কাজ করেন নি, তাই আপনাকে ক্ষমা করা দরকার। এ ব্যাপারটা আমি মাকে জানাব না। অতী কোন লোকেও জানতে পারবে না। আপনাকে ক্ষমা করতে আমি দৃঢ়প্রতিজ্ঞ। কিন্তু আমি বিস্মিত হচ্ছি, যে লোক অতি হীন, অতি দীন, তার গায় আপনি হাত তুললেন কি করে?”

মনে হইল, সত্যই আমি তাহার অপেক্ষা হীন। আমি নিজেকে যতটা জানি, বুঝিলাম, সে আমার পরিচয় তাহার তুলনায় অনেক বেশী জানে। সে যদি প্রকাশ্যভাবে আমাকে বিদ্রোপ করিত বা আমার সহিত কলহ করিত, তাহাতে আমার মনে একটা সাস্থনা থাকিত যে, আমি ঠিক কাজই করিয়াছি। কিন্তু সে তাহা না করিয়া আমাকে মৃদু অগ্নিতে নিঃক্ষেপ করিল। সমস্ত রাত্রি আমার নিদ্রা হইল না।

সকালে শয্যাভ্যাগ করিয়া আমি যখন বাহিরে আসিলাম, দেখিলাম, উড়িয়া তাহার মাতার সহিত গির্জার প্রাঙ্গণে গিয়া বেড়াইতেছে। সে আমাকে এমনভাবে সম্বোধন করিল, যেন কিছুই হয় নাই। বাধ্য হইয়া আমাকে উত্তর দিতে হইল। আমি তাহাকে যেভাবে চপেটাঘাত করিয়াছিলাম, তাহাতে তাহার দাঁত নড়িয়া গিয়া থাকিবে। তাহার মুখমণ্ডল একখানি কৃষ্ণবর্ণ রেশমী রুমালে বাঁধা ছিল। ইহাতে তাহার কুৎসিত চেহারা আরও কুৎসিত দেখাইতেছিল। পরে শুনিয়াছিলাম যে, সোমবার সকালে সে লণ্ডনের কোন দস্তচিকিৎসকের কাছে গিয়া একটা দাঁত তুলাইয়া আনিয়াছে।

ডাক্তারের শরীর ভাল নহে বলিয়া তিনি একা রহিলেন। কয়েক দিন এইভাবে চলিল। আগনেস্ ও তাহার পিতা চলিয়া যাইবার এক সপ্তাহ পরে আমরা কার্যারম্ভ করিলাম। ডাক্তার আমাকে একখানি চিঠি লিখিয়া জানাইয়া দিলেন যে, ভবিষ্যতে উক্ত বিষয়ের কোনও আলোচনা যেন আমি না করি। কথাটা আমি শুধু পিতামহীর নিকট বলিয়াছিলাম, আর কোনও প্রাণীকে জানাই নাই। এ বিষয় আগনেস্কে জানান কর্তব্য নহে। আর সে-ও এ ব্যাপার লইয়া বাহা বলিয়াছিল, সে সম্বন্ধে কিছুই জানে নাই, কোনও সন্দেহও করে নাই।

মিসেস্ টুংও এ বিষয়ের কোন আভাস পাইয়াছেন বলিয়া আমার অনুমান হয় নাই। কয়েক সপ্তাহের মধ্যে তাঁহার ব্যবহারে কোনও পরিবর্তন দেখিতে পাইলাম না।

কিন্তু ক্রমশঃ বুঝিলাম যে, ধীরে ধীরে পরিবর্তন আসিতেছে। দূর চক্রবালে যেন একখণ্ড মেঘ দেখা যাইতেছিল। ডাক্তার যেরূপ-কোমল শিথল অনুকম্পার সহিত তাঁহার সহিত কথা কহিতে আরম্ভ করিয়াছিলেন, তাহাতে, যেন তিনি বিস্মিত হইতেছিলেন। তার পর ডাক্তার প্রায় বলিতেন যে, মিসেস্ টুং সর্বদা তাঁহার মাতার সংস্রবে থাকিলে গৃহের একঘেয়ে ভাব আর তাহাকে সহ্য করিতে হইবে না। আমরা উভয়ে যখন কাজ করিতাম, তখন দেখিতাম, তিনি উঠিয়া দাঁড়াইয়াছেন, তাঁহার নয়নে অশ্রু! তদবস্থায় তিনি ঘরের বাহিরে যাইতেন। ক্রমে ক্রমে দেখা গেল, তাঁহার যৌবনপুষ্পিত সুন্দর দেহে যে লাবণ্য-বল্লা উচ্ছ্বসিত হইয়া উঠিত, তাহাতে যেন ম্লান ছায়া পড়িয়াছে। দিন দিন উহা গাঢ়তর হইতে লাগিল। সে সময়ে মিসেস্ মার্কেলহ্যাম্ কলার গৃহে স্থায়ীভাবে অবস্থান করিতেছিলেন। বৃদ্ধা কেবল বকিয়াই যাইতেন, কিন্তু এ সকল পরিবর্তন লক্ষ্য করিতে পারিলেন না।

ডাক্তারের গৃহে এনি যেন সূর্যালোক বিতরণ করিতেন। কিন্তু তাঁহার দেহে এই পরিবর্তন দেখিয়া ডাক্তারের বীর্ভক্য যেন দ্রুত বাড়িয়া চলিল। এক দিন সকালে—সে দিন এনির জন্মবাসর—এনি বাতায়নের ধারে বসিয়াছেন। ইহা তাঁহার নিত্যকর্মের মধ্যে ছিল। আজ যে ভাবে বসিলেন, তাহাতে আমার মন অভিভূত হইল। ডাক্তার তাঁহার পত্নীর কাছে গিয়া ছুই করপুটে তাঁহার ললাটদেশ তুলিয়া ধরিয়া চুষন করিলেন। সঙ্গে সঙ্গেই তিনি চলিয়া গেলেন। আমি দেখিলাম, মিসেস্ টুং সেইখানেই দাঁড়াইয়া রহিলেন—যেন প্রস্তরে ক্ষোদিত মূর্তি! তার পর উভয় বাহু সংযুক্ত করিয়া নতমস্তকে কঁাদিতে লাগিলেন। সে ক্রন্দন কত হৃৎখের পরিণতি, তাহা বলিতে পারি না।

তার পর আমার বোধ হইল যে, তিনি যেন আমার সহিত কথা বলিতে চাহেন। কাজ করিতে করিতে ডাক্তার কোথাও গেলে, সেই অবকাশে আমাকে নিরালস্য পাইয়া তিনি যেন আমাকে কি বলিতে চাহিতেন। কিন্তু কোন দিন তিনি একটি কথাও আমাকে বলেন নাই। ডাক্তার সর্বদাই চেষ্টা করিতেন—যাহাতে মিসেস্ টুং তাঁহার মাতার সহিত কোন না কোন প্রকার আমোদে যোগ দিতে পারেন। মিসেস্ মার্কেলহ্যাম্ আমোদ না পাইলেই অসন্তুষ্ট হইতেন। কিন্তু এনির আমোদে অত্যন্ত অনাসক্ত ভাব দেখিতাম। শুধু যাইতে হয়, তাই সঙ্গে যাইতেন—কোনও উৎসাহ তিনি অনুভব করিতেন না।

আমি এই সকল দেখিয়া কিছুই স্থির করিতে পারিলাম না। আমার পিতামহীও সেইরূপ—কোনও হেতু নির্ণয় তিনিও করিতে পারিলেন না। শুধু দেখিলাম, মিঃ ডিক্‌এর সাহায্যেই যেন এই পরিবারের হৃৎখ কিছু হ্রাস পাইত। বড়ই বিষয়ের ব্যাপার কিন্তু।

অবশ্য এ সকল ব্যাপার দেখিয়া মিঃ ডিকের কি ধারণা হইয়াছিল, তাহা জানিতে পারি নাই। ডাক্তারের প্রতি তাঁহার প্রগাঢ় শ্রদ্ধার পরিচয় আমার ছাত্রাবস্থাতেই আমি অনেক পাইয়াছি। মিঃ ডিক্ অবসরকালে ডাক্তারের উচ্চানে তাঁহার সহিত ঘুরিয়া বেড়াইতেন। সেই অবসরকালকে তিনি ক্রমশঃ দীর্ঘতর করিয়া লইলেন, তাহাও দেখিলাম। অভিধান সম্বন্ধেও ডিক্ ডাক্তারের বিশিষ্ট শ্রোতা হইয়া দাঁড়াইলেন। আমি ও ডাক্তার যখন কার্যে ব্যাপৃত থাকিতাম, সেই সময় মিঃ ডিক্ মিসেস্ ট্রুংএর সহিত উচ্চানে বেড়াইতেন, গাছের পরিচর্যা ও কেয়ারীতে মন দিতেন। আমি জানি, এক ঘণ্টার মধ্যে তিনি এক ডজন শব্দও প্রয়োগ করিতেন না। কিন্তু আমি লক্ষ্য করিলাম, মিঃ ডিকের নীরব আগ্রহ, এবং শাস্ত্র আননের মধুর দীপ্তিতে ডাক্তার-দম্পতির হৃদয় যেন অক্ষুণ্ণভাবে পরিপূর্ণ হইয়া উঠিত।

পিতামহী শুধু মাঝে মাঝে আমাকে বলিতেন, “ট্রুং, আমি ওঁকে জানি, আর কেউ ওঁকে চিন্তে পারেনি। আমি বলছি, ডিক্ এক দিন প্রতিষ্ঠালাভ করবেন।”

একটা কথার উল্লেখ এখানে প্রয়োজন। যখন ডাক্তারের গৃহে অতিথি, সেই সময় উড়িয়া হিপের কাছে প্রত্যহ সকালে দুই তিনখানা পত্র আসিত। আগনেস্ ও তাহার পিতা চলিয়া যাওয়ার পরও উড়িয়া হিপ্ হাইগেটে কয়েক দিন ছিল। আমি সেই সকল পত্রে হাতের লেখা দেখিয়া বুঝিতাম যে, মিঃ মিক্‌বারই সেই সকল পত্রের লেখক। সেই হস্তাক্ষর দেখিয়া আমি বুঝিয়াছিলাম যে, মিঃ মিক্‌বার ভালভাবেই কাজ চালাইয়া চলিয়াছেন। ইহাতে আমার আনন্দ হইয়াছিল।

এক দিন আমি মিসেস্ মিক্‌বারের নিকট হইতে নিম্ন-লিখিত পত্র পাইলাম :—

“ক্যান্টারবেরি, সোমবার সায়াহ্ন।

“প্রিয় কপারফিল্ড, তুমি নিঃসন্দেহ এই পত্র পাইয়া বিস্মিত হইবে। পত্রের মর্ম পড়িয়া আরও বিস্ময় বৃদ্ধি পাইবে। আমি পত্নী, আমি জননী, আমার মনের শান্তির প্রয়োজন আছে। আমার আত্মীয়স্বজনের কাছে এ বিষয় আমি প্রকাশ করিতে পারি না, তাহাদের উপদেশও আমি চাহি না। আমি শুধু তোমার উপর ছাড়া আর কাহারও উপর এ বিষয়ে নির্ভর করিতে পারি না।

“তুমি বোধ হয় জান যে, আমার ও আমার স্বামীর মধ্যে গোপনতা বলিয়া কিছু নাই। পরস্পর পরস্পরের কাছে সব কথাই প্রকাশ করিয়া থাকি। মিঃ মিক্‌বার আমার সহিত পরামর্শ না করিয়া টাকা ধার করিয়া থাকিতে পারেন, কিন্তু সে কথা আমার কাছে কখনও গোপন করেন নাই, কিন্তু সাধারণতঃ তাঁহার এমন কোন কাজ নাই, যাহা আমার কাছে গোপন করিয়াছেন।

“কিন্তু তুমি বিস্মিত হইবে, ইদানীং আমার স্বামীর ব্যবহার সম্পূর্ণ বিপরীত—তাঁহার ব্যবহারে বিশেষ পরিবর্তন দেখিতেছি। এখন তিনি আমাকে কোন কথা বলেন না, গোপন করিয়া থাকেন। তাঁহার বর্তমান ব্যবহার তাঁহার জীবনসঙ্গিনীর কাছে একটা প্রহেলিকা হইয়া দাঁড়াইয়াছে। তাঁহার দুঃখ-কষ্টের অংশ এত দিন ভোগ করিয়াছি, এখন তিনি আমাকে উহা হইতে বঞ্চিত করিয়াছেন। সকাল হইতে সন্ধ্যা পর্যন্ত আপিসে তিনি কি কাজ করেন, সে কথা আমার কাছে আদৌ প্রকাশ করেন না।

“কিন্তু ইহাই চরম নহে। মিঃ মিক্‌বার দিন দিন যেন অত্যন্ত বিমর্ষ হইয়া পড়িতেছেন। তাঁহার মেজাজ কড়া হইয়াছে। তাঁহার স্নেহের পুত্রকন্যাকে এখন তিনি দেখিতে পারেন না। টাকা-পয়সাও এখন তাঁহার কাছে চাহিয়া চাহিয়া পাওয়া যায় না—খরচ ত অসম্ভব কমাইয়াছি, কিন্তু যাহা নহিলে নহে, সে টাকাও তিনি দিতে চাহেন না। কেন তিনি এমন করিতেছেন, তাহার কারণও তিনি বলিবেন না।

“ইহা সম্পূর্ণ অসহ্য। আমার বুক ইহাতে ভাঙ্গিয়া গিয়াছে। এই অবস্থায় আমি কি করিব, সে সম্বন্ধে তোমার উপদেশ কি? বহুবার তোমার উপদেশ পাইয়াছি, এবারও আমার কর্তব্যপথ তুমি স্থির করিয়া দিও। ছেলেমেয়েদের স্নেহ-সন্তোষণ গ্রহণ কর, আমার আশীর্বাদ লও। ইতি

বিপন্ন

ইমা মিক্‌বার।”

আমি কি উত্তর দিব। শুধু লিখিলাম যে, ধৈর্য্য ধারণ করিয়া থাকুন, তাহারই ফলে তিনি স্বামীকে ফিরাইয়া পাইবেন। কিন্তু সত্য বলিতে কি, এই পত্রখানা আমাকে ভাবাইয়া তুলিয়াছিল।

### ত্রিচত্রিংশৎ পরিচ্ছেদ

ইতিমধ্যে আমি একবিংশ বর্ষে পদার্পণ করিলাম, এখন আমি আর নাবালক নহি—সাবালক। আমি আরও একাদশ জনের সহিত পার্লামেন্টের বিতর্ক সংবাদপত্রে প্রেরণ করিয়া থাকি। ইহাতে অর্থোপার্জন মন্দ হইতেছে না।

তার পর আমি এখন গ্রন্থকার। গোপনে কিছু লিখিয়া কোন সাময়িক পত্রে পাঠাইয়াছিলাম, উহা মুদ্রিত হয়, কিছু অর্থও তাহাতে পাই। তদবধি আমি সাময়িক পত্রে প্রায়ই লিখিয়া থাকি। ইহাতে পয়সাও বেশ ঘরে আসিতেছে। এখন বৎসরে ১৪ শত পাউণ্ড অনায়াসে উপার্জন করিয়া থাকি।

সে বাসা ত্যাগ করিয়া নূতন বাসা ভাড়া লইয়াছি। পিতামহী সে বাসায় থাকিবেন না। তিনি পার্শ্ব আর

টি ছোট কুটীর ভাড়া লইলেন। ইহার অর্থ স্পষ্ট। আমার বাহের দিন সমাগত।

হাঁ, ডোরার সহিত আমার বিবাহ। মিস্ লাভিয়ানা ও মিস্ ক্লারিসা অনুমতি দিয়াছেন। বিবাহের উদ্যোগ-আয়োজন হইতেছে।

পিতামহী ও মিস্ ক্লারিসা সমগ্র সহর ঘুরিয়া আমাদের স্থালীর গ্রামবাব-পত্র ক্রয় করিতে লাগিলেন।

পেগটী আসিল। সে-ও কাজে লাগিয়া গিয়াছিল। বাড়ী ক্রম হইতে লাগিল। তাহার নিজের বিভাগ লইয়া সে গেল। মাজিয়া ঘসিয়া সে প্রত্যেক দ্রব্য সমুজ্জল করিয়া দিল। মিং পেগটীকে রাত্রিকালে লণ্ডনের পথে পথে যা বেড়াইতে দেখি, আমি তাহাকে একরূপ সময়ে কোনও কথা কহি না। আমি জানি, সে কাহাকে খুঁজিতেছে।

ট্রাডেলস্ আমাদের বিবাহের লাইসেন্স-পত্র ঠিক করিয়া ল। সোফী ভারতবর্ষ হইতে ফিরিয়া আসিয়াছে। সে ডোরার পিসীর ভবনে আসিয়াছিল।

আমি আগনেস্কে ক্যান্টারবেরী হইতে আনিয়াছি। হার আনন্দোৎকুল আনন দেখিয়া আমরা সুখী হইলাম। ট্রাডেলস্‌এর সহিত আগনেসের আলাপ করিয়া দিয়া-লাম। উভয়েই উভয়কে শ্রদ্ধা করিত।

মিং ডিক্ ডোরাকে আমার হাতে সমর্পণ করিবেন। ট্রাডেলস্ আমার সাহায্য করিবে। নির্দিষ্ট দিনে পেগটী, হুরমা প্রভৃতি সকলকে লইয়া গির্জার দিকে গেলাম। পিতামহী বলিলেন, ট্রট, ভগবান তোমার মঙ্গল করুন। আমার নিজের ছেলে থাকলেও সে তোমার অপেক্ষা আমার হের পাত্র হ'তে পারত না। আজ তোমার সরলা মার খাই আমার মনে হচ্ছে।”

“আমারও তাই হচ্ছে, সেই সঙ্গে আপনার কথা—আজ মার এ সৌভাগ্য যার জন্ম হল, সেই আপনার কথাও মনে পড়ছে।”

ধর্মমন্দিরে সকলে প্রবেশ করিলাম। ডোরারও সকলেই আসিয়াছেন, পাদরী আসিলেন। আমরা নতজানু হইলাম। বাহের কার্য চলিতে লাগিল।

আমার পার্শ্বে আমার বালিকা পত্নী—আজ তাহার রলোকগত পিতার জন্ম কাঁদিতে লাগিল। তাহার প্রাণের কথা আজ অনুভবযোগ্য।

বিবাহ-শেষে পত্নীর হাত ধরিয়া বাহির হইলাম। অনেকেই স্ফুট ধ্বনিসহকারে আমার বালিকা পত্নীর সৌন্দর্যের প্রশংসা করিতেছিল।

বিবাহের পর ভোজ্য। প্রচুর আয়োজন হইয়াছিল। ভোজে আজ কি তৃপ্তি, কি আনন্দ! আজ যেন স্বপ্ন-সমায় চারিদিক আচ্ছন্ন।

তদবস্থায় আমি একটা বক্তৃতা করিলাম। কি বলিতেছি, তা বিষয়ে আমার কোন জ্ঞানই যেন ছিল না।

ভাড়া-করা জুড়ি-গাড়ী প্রস্তুত ছিল। ডোরা বেশ পরিবর্তন করিতে গিয়াছিল। পিতামহী ও ডোরার পিসী-মাতা আমাদের কাছে ছিলেন। আমরা বাগানে বেড়াইতে লাগিলাম। ঠাকুরমা একটা বক্তৃতা করিলেন—ডোরার পিসীমাদের সম্বন্ধে।

ডোরা বস্ত্রত্যাগ করিয়া আসিল। সকলেই ডোরাকে ঘিরিয়া দাঁড়াইল। সে সকলের নিকট বিদায় লইতে লাগিল। ফুলের ভারে আমার প্রিয়তমা আচ্ছন্ন হইয়া উঠিয়াছিল। সে কখনও কাঁদিতেন, কখনও হাসিতেন। এইভাবে সে আমার বাহর মধ্যে আসিয়া আশ্রয় লইল।

জিপ আমাদের সঙ্গী হইবে। ডোরা তাহাকে কোলে লইবে, আমাকে কোলে লইতে দিবে না। পরস্পর বাহুল্য হইয়া অগ্রসর হইলাম। ডোরা বলিল, “আমি যদি রাগ ক'রে কারও মনে কোন কষ্ট দিবে থাকি, কেউ তা মনে করবেন না—ভুলে যাবেন।” বলিতে বলিতে সে কাঁদিয়া ফেলিল।

আমরা গাড়ীতে উঠিয়া বসিলাম। ডোরা বলিল, “কেমন, এখন খুসী হইছে? অনুতাপ হচ্ছে না ত?” এইভাবে আমাদের দাম্পত্য-জীবন আরম্ভ হইল।

## চতুশ্চত্রিংশ পরিচ্ছেদ

মধুচন্দ্র শেষ হইলে ডোরার সহিত আমি নিজ ভবনে জীবন-যাত্রা আরম্ভ করিলাম। কয়েক দিন প্রেমের স্বপ্নে কাটাইয়া তার পর গৃহস্থালীর কাজে মন দিতে হইল।

আমরা উভয়ে কপোত-কপোতীর গায় থাকিতাম। আমাদের যে পরিচারিকা ছিল, তাহার নাম মেরী এমি। সে আমাদেরই মত গৃহস্থালীতে দক্ষ দেখিলাম! তাহার জন্মই আমার ও ডোরার মধ্যে প্রথম কলহের সৃষ্টি হইল।

এক দিন আমি বলিলাম, “প্রাণাধিকা, আমাদের এই মেরী এমির কি সময়ের জ্ঞান আছে?”

ডোরা বলিল, “কেন, ডোয়েডি?”

আমি বলিলাম, “এখন পাঁচটা বেজেছে, অথচ চারটার আমাদের ডিনার খাবার সময়।”

ঘড়ীটার দিকে চাহিয়া ডোরা বলিল যে, তাহার ধারণা, ঘড়ীটা বড় দ্রুত চলিতেছে।

আমি আমার ঘড়ী দেখাইয়া বলিলাম যে, ঘড়ীটা বরং কয়েক মিনিট শ্লো।

ডোরা আমার উৎসঙ্গে বসিয়া আমাকে খুসী করিবার চেষ্টা করিল।

আমি বলিলাম, “শোন প্রিয়তমে, আমার মনে হয়, মেরীকে তুমি এ জন্ম একটু তিরস্কার করবে।”

ডোরা বলিল, “না, না, সে আমি পারব না, ডোয়েডি!”

আমি বলিলাম, “কেন পারবে না, প্রিয়তমে?”

সে বলিল, “আমি কিছু জানিনে, সে তা জানে।”



আমি দেখিলাম, এ ভাবে চলিলে মেরী এমিকে সারেস্টা করা কঠিন। এ জন্ত আমার আননে ক্রকুটি ফুটিয়া উঠিল।

ডোরা বলিল, “তোমার আননে ক্রকুটি কেন? ওটা ত ভাল নয়।”

আমি তাহার সরলতার মুগ্ধ হইয়া গেলাম।

ডোরা বলিল, “দেখ, তোমার মুখ গম্ভীর হইলে আমার ভাল লাগে না।”

আমি বলিলাম, “দেখ, সময়ে সময়ে আমাদের কড়া হওয়া দরকার। নইলে ওরা আক্ষারা পেয়ে যাবে। দেখ, আমার কাজ আছে, সময়ে আহাৰ না পেলে আমায় না খেয়ে যেতে হবে। সেটা কি সুখকর হবে?”

“ওগো, তুমি কি আমায় তিরস্কার করছ?”

“না, না, প্রিয়তমে, আমি তোমাকে বোঝাচ্ছি।”

“বোঝান, তিরস্কারের চাইতেও খারাপ। তুমি আমাকে বুঝিয়ে দেবে বলে আমি বিয়ে করিনি। এ যদি তোমার ইচ্ছা ছিল, তা হলে আগেই তোমার বলা উচিত ছিল।”

আমি ডোরাকে শাস্ত করিতে চেষ্টা করিলাম। কিন্তু সে মুখ ফিরাইয়া রহিল। মাথা ছুলাইয়া বলিল, “কি নির্ভূর তুমি, কি নির্ভূর!”

কি করিব ভাবিয়া না পাইয়া খানিক ঘরের মধ্যে পদচারণ করিয়া ডোরাকে বলিলাম, “ডোরা—প্রিয়তমে!”

“না, আমি তোমার প্রিয়তমা নই। তুমি আমায় বিয়ে ক’রে অসুখী হয়েছ। তুমি আমায় বোঝাতে যাচ্ছ—যুক্তি দিতে যাচ্ছ!”

আমি গম্ভীরভাবে বলিলাম, “ডোরা, তুমি বড় ছেলে-মানুষ। যা তা তুমি বকছ। তোমার মনে থাকতে পারে, কাল আমি অর্ধেক খেতে খেতে চলে গিয়েছিলুম। তার আগের দিনও প্রায় না খেয়ে বেরিয়ে গিয়েছিলুম। আজও আমার খাওয়া হ’ল না। আজ প্রাতরাশের জন্ত আমাদের কতক্ষণ অপেক্ষা করতে হয়েছিল, তাও তুমি জান। আমি তোমাকে এ জন্ত মন্দ বলছি না; কিন্তু বুঝে দেখ, এ রকম ব্যৱস্থা কি সুখকর হ’তে পারে?”

ডোরা কাঁদিয়া ফেলিল, “নির্ভূর, নির্ভূর! তুমি বলতে চাইছ, আমি কি রকম অবাঞ্ছনীয় স্ত্রী!”

“কই ডোরা, এ কথা ত আমি বলিনি।”

“এই ত বললে যে, আমি সুখদায়িনী নই।”

“আমি বলেছি, ব্যৱস্থা সুখকর নয়।”

“ও একই কথা।” বলিয়া সে কাঁদিতে লাগিল।

আমি বলিলাম, “তোমার দোষ দিচ্ছি না, ডোরা। আমরা দু’জনেই কিছু জানিনে—আমাদের সব শিখে নিতে হবে। তাই আমি তোমাকে বলছিলাম যে, মেরীকে একটু তাড়া দিয়ে কাজ করিয়ে নিতে হবে।”

এইরূপ প্রায়ই আমাদের চলিতে লাগিল।

সে দিন রাত্রি প্রায় ২টার বাড়ী কিরিয়া দেখিলাম, ঠাকুরমা আমার প্রতীক্ষায় রহিয়াছেন।

সভয়ে বলিলাম, “কি ব্যাপার, ঠাকুরমা?”

“কিছু না, ট্রট। তুমি ব’স। ছোট ফুলটি (ডোরাকে তিনি ঐ নামে অভিহিত করিতেন) বড় মনমরা হয়েছে, তাই তার কাছে ছিলুম। আর কিছু না।”

বুঝিলাম, পিতামহী কি কথা বলিতেছেন। আমি তাঁহাকে সব বুঝাইয়া বলিলাম।

তিনি বলিলেন, “ট্রট, ধৈর্য্য ধরা চাই। অধীর হলে হবে না।”

আমি বলিলাম, “সে কথা ঠিক। আমি অবুঝ নই, ঠাকুরমা।”

“না, তা আমি বলছি না। তবে ছোট ফুলটি বড় কোমল, স্তব্ধ বাতাস জোরে বইলে চলবে না।”

আমার স্ত্রীর প্রতি তাঁহার এই দরদ-বোধের জন্ত তাঁহাকে ধন্যবাদ জানাইলাম। তার পর বলিলাম, “ঠাকুরমা, আপনি তাকে একটু একটু উপদেশ দেবেন।”

তিনি বলিলেন, “ট্রট, এ কথা আমায় বলো না। আমি জীবনের অভিজ্ঞতা থেকেই বলছি, ওটা আমি পারব না। যারা স্বর্গে গেছে, আর্জ তাদের কথা মনে হচ্ছে। তাদের সঙ্গে আরও মধুর ব্যবহার করা আমার উচিত ছিল। আমাদের মধ্যে বিচ্ছেদের ব্যবধান যাতে না আসে, তাই করতে হবে।”

“বিচ্ছেদের ব্যবধান, ঠাকুরমা?”

“বৎস! বুঝে দেখ, আমি যদি কোন কথা বলতে মাই, ছোট ফুলটি অসুখী হবে। আমি চাই, সে আমাকে ভালবাসবে। তোমার ছেলেবেলায় বাড়ীর কথা মনে ক’রে দেখ, দ্বিতীয়বার বিয়ের পর তোমাদের বাড়ীর অবস্থা কি হয়েছিল, স্মরণ কর।”

সত্য কথা। তিনি যাহা বলিতেছেন, তাহা যথার্থ। বুঝিলাম, ঠাকুরমা কিরূপ দূরদৃষ্টিসম্পন্ন ও উদার।

“ট্রট, সব প্রথম আরম্ভ। রোম এক দিনে তৈরী হয় নি। তুমি নিজে পছন্দ ক’রে ঘরে এনেছ! খুব সুন্দর ও মধুর ফুলটি তুমি বেছে নিয়ে এসেছ। তার যা গুণ আছে, তাই নিয়ে বিচার করতে হবে, যা থাকা উচিত, তা ভালবে চলবে না। ধীরে ধীরে তার চরিত্র গড়ে তুলতে হবে। ট্রট, এটা বিবাহ, ছেলে-খেলা নয়। তোমরা শিশু, ভগবান তোমাদের সুখী করবেন।”

তিনি চলিয়া গেলেন।

এক দিন ডোরা বলিল, “ডোয়েডি, তুমি আমাকে শিখিয়ে নেবে?”

“আমি নিজে আগে শিখে নেই, তবে ত শেখাব। আমি তোমারও অধ্যয়ন।”

“কিন্তু তুমি শিখতে পার, তোমার মাথা আছে।”

আমি বলিলাম, “কি বলছ তুমি, ডোরা !”

খানিক নীরব থাকিয়া সে বলিল, “আমার কি ইচ্ছে হয় জান ? বছরখানেক পল্লীতে গিয়ে আগনেসের কাছে থাকি।”

আমি বলিলাম, “কেন ?”

“সে আমাকে তৈরী করে দিতে পারবে—আমার উন্নতি হবে।”

বলিলাম, “সময়ে সব হবে, প্রাণাধিকা। আগনেস্ তার বাবাকে নিয়ে ব্যস্ত। ছেলেবেলা থেকেই সে আগনেস্।”

“তুমি আমার একটা নাম করে দাও।”

“কি নাম বল ত ?”

“তুমি আমার নাম রাখ, খুকী-স্ত্রী !”

আমি হাসিতে লাগিলাম।

ইহার পর ডোরা গৃহস্থালীর কাজ শিখিতে উঠিয়া পড়িয়া লাগিল। কিন্তু কার্যতঃ কিছুই হইল না। তবে তাহার উৎসাহের সীমা ছিল না।

আমি যখন লিখিতে বসিতাম, সে আমার পাশে বসিত। আমার কলম পেনসিল আগাইয়া দিয়া সে তৃপ্তি পাইত। যে দিন তাহাকে খুসী করিবার জন্ত ছই এক পাতা নকল করিতে দিতাম, সে দিন তাহার আনন্দের সীমা থাকিত না।

আমার ঠাকুরমার প্রতি ডোরার স্নেহ দিন দিন বাড়িতে লাগিল।

### পঞ্চদশ পরিচ্ছেদ

ডাক্তারের গৃহে তাঁহার শাণ্ডী কয়েক মোকাম হইয়াছিল। কন্টার অপেক্ষা আমোদ-প্রমোদেরই তিনি অধিক পক্ষপাতিনী ছিলেন। এই বুদ্ধা ডাক্তারের মনের আঘাত কতকটা অনুমান করিয়াছিলেন বলিয়া মনে হইল। অথচ আসল ব্যাপারটা কি, তাহা তিনি জানিতেন না। বুদ্ধা ভাবিয়াছিলেন যে, ডাক্তার নিজে বুদ্ধ, এ কথা স্বরণ করিয়া স্ত্রীকে সর্বদা আমোদ-প্রমোদে লিপ্ত রাখিতে চাহেন।

কথাপ্রসঙ্গে বুদ্ধা এক দিন ডাক্তারকে বলিলেন, “এনিকে সর্বদা এখানে আবদ্ধ রাখলে তার মন খারাপ হয়ে যাবে।”

ডাক্তার তাহা স্বীকার করিলেন।

বুদ্ধা বলিলেন, “মনে কর, তুমি যে অভিধান তৈরী করছ, সেটা দরকারী কাজ, কিন্তু এনির কি ও বিষয়ে কোন কৌতূহল থাকতে পারে ?”

ডাক্তার ঘাড় নাড়িয়া তাহা মানিয়া লইলেন।

মিসেস্ মার্কেলহাম বলিলেন, “তাই আমি তোমার কথামত এনিকে নিয়ে থিয়েটার, প্রদর্শনী, গান-বাজনার আসর—সব জায়গায় যাই।”

কিন্তু এনি এ সকল আমোদ-প্রমোদে যোগ দিতে রাজি হইতেন না। তাঁহার উহাতে ক্লান্তিবোধ হইত। তাঁহার মাতা এক দিন রাগ করিয়া বলিলেন, “এনি, এ তোমার অন্টার। ডাক্তার তোমার সম্বন্ধে এমন সদর ও উদার, অথচ তুমি তার বিনিময়ে কিছুই কর না।”

পিতামহী এ সকল কথা শুনিয়া চূপ করিয়া থাকিতেন। এক দিন তিনি আমায় বলিলেন যে, মিঃ ডিক্ কিন্তু সকল সমস্তার এক দিন সমাধান করিবেন। কেন তিনি এ কথা বলিলেন, তাহা বুঝিলাম না।

মিঃ ডিক্ ডাক্তার ষ্টুং ও তাঁহার পত্নীর সহিত সমান-ভাবে ব্যবহার করিয়া চলিয়াছিলেন।

বিবাহের কয়েক মাস পরে আমি ঘরে বসিয়া লিখিতে ছিলাম। ডোরা ঠাকুরমার সহিত কোথায় বেড়াইতে গিয়াছিল, এমন সময় ডিক্ ঘরের মধ্যে আসিলেন।

“টুটুউড, আমার সঙ্গে কথা বলবার অবকাশ হবে কি ?”

“নিশ্চয়, মিঃ ডিক্।”

ডিক্ বলিলেন, “তোমার ঠাকুরমাকে তুমি ভাল করেই জান ?”

“কিছু জানি বৈ কি।”

“এমন চমৎকার নারী আমি দেখিনি।”

তার পর থামিয়া মিঃ ডিক্ বলিলেন, “আচ্ছা, আমাকে তুমি কি মনে কর ?”

“আমাদের পরম বন্ধুজন।”

“ধন্যবাদ। কিন্তু ও কথা আমি শুনতে চাচ্ছি না। এ বিষয়ে কি রকম মনে কর ?” বলিয়া ললাটে হাত দিলেন।

আমি কি উত্তর দিব ভাবিতেছি। তিনি বলিলেন, “মাথাটা হুর্কল, কেমন নয় কি ?”

বলিলাম, “হয় ত হবে।”

“ঠিক তাই। আমার মাথার গোলমাল হয়ে গিয়েছিল।”

আমি ঘাড় নাড়িলাম।

মিঃ ডিক্ কণ্ঠস্বর মৃদু করিয়া বলিলেন, “সংক্ষেপে বলছি, আমি সোজা মানুষ। কিন্তু তোমার ঠাকুরমা তা মানেন না। থাক্ সে কথা। তুমি ত পণ্ডিত লোক। তুমি জান, ডাক্তার কি রকম বিদ্বান লোক। তাঁর স্ত্রী একটি উজ্জল নক্ষত্র। আমি তাঁকে দীপ্তি দিতে দেখেছি। কিন্তু—মেঘ, চারিদিকে মেঘ জমেছে।”

আমি কোন কথা কহিলাম না।

তিনি বলিলেন, “কিসের মেঘ বল ত ?”

আমি বলিলাম, “হুর্ভাগ্যক্রমে উভয়ের মধ্যে ব্যবধানের প্রাচীর গড়ে উঠছে। হয় ত বয়সের পার্থক্য, অথবা অন্য কোন বাজে ব্যাপার নিয়ে।”

তিনি বলিলেন, “ডাক্তার তাঁর ওপর রাগ করেন মি ?”

“না, তিনি স্ত্রীর অত্যন্ত অহুরাগী।”

মিঃ ডিক্ বলিলেন, “তা হ’লে আমি মেরে দিয়েছি!”

তঁাহার আনন্দের এই আভিষেক দেখিয়া আমি বিস্মিত হইলাম। মহাশয় ডিক্ গম্ভীর হইয়া বলিলেন, “বড় অদ্ভুত এই মহিলা। তিনি কেন ব্যাপারটার সমাধান ক’রে ফেলেন নি?”

আমি বলিলাম, “এমন ব্যাপার, যা নিয়ে কোন কথা বলা যায় না।”

“চমৎকার পণ্ডিত তুমি! আচ্ছা, ডাক্তার নিজে কিছু করেন নি কেন?”

বলিলাম, “একই কারণ।”

ডিক্ আবার বলিলেন, “কেল্লা ফতে!”

সম্বন্ধে তিনি আমার সম্মুখে দাঁড়াইয়া মাথা নাড়িতে লাগিলেন।

“বৎস, ট্রটউড, আমি সাধাসিধে মানুষ, বোকা। কিন্তু মহারথরা যা করতে পারেন না, আমি সামান্য মানুষ তা করব। আমি এঁদের ছজনকে মিলিয়ে দেব। তাঁরা আমাকে দোষ দেবেন না। আমি সামান্য লোক। কেউ আমার দোষ দেবে না।”

এমন সময় গাড়ীর শব্দ শোনা গেল। ডিক্ বলিলেন, “কাকেও কিছু বলো না, ট্রটউড। অনেক দিন ধ’রে আমি ভাবছিলাম। আজ হৃদয় পেয়েছি। তোমার কথা থেকে আমি সব সন্দান পেয়েছি। বেশ।”

ইহার পর দুই তিন সপ্তাহ সমানভাবেই চলিয়া গেল।

এক দিন আমি ও ঠাকুরমা ডাক্তারের ওখানে বেড়াইতে গেলাম। ডোরা বাড়ীতেই থাকিতে চাহিল। তখন হেমন্ত কাল। প্রদোষাক্ষকাবে আমরা ডাক্তারের বাড়ী গেলাম। বাগানে মিঃ ডিক্ ও মিসেস্ ট্রং ছিলেন। আমাদেরিকে দেখিয়া ডাক্তার-গৃহিণী বাড়ীর দিকে আসিলেন, মিঃ ডিক্ বাগানেই রহিলেন।

পড়িবার ঘরে ডাক্তার কাহাদের সহিত কাজে ব্যস্ত ছিলেন। বাহারা আসিয়াছিলেন, শীঘ্রই তাঁহারা চলিয়া যাইবেন, এ জন্ত ডাক্তার-গৃহিণী আমাদেরিকে অপেক্ষা করিতে বলিলেন।

আমরা অপেক্ষা করিতেছি, এমন সময় ডাক্তারের ঋদ্ধমাতা সেখানে আসিলেন। তিনি বলিলেন, “এনি, তুমি বলনি কেন, ওঘরে লোক আছে?”

“আমি তা কেমন ক’রে জানুব, বল?”

“কেমন ক’রে জানবে? এরকম কথা আমি জীবনে কখন শুনি নি।”

“তুমি কি পড়বার ঘরে গিয়েছিলে?”

“নিশ্চয়! দেখলাম, ডাক্তার তাঁর উইল করছেন।”

ডাক্তার-গৃহিণী বাতায়নের দিক হইতে তাড়াতাড়ি আমাদের দিকে মুখ ফিরাইয়া চাহিলেন।

মিসেস্ মার্কেলহাম বলিলেন, “সত্যি এনি, তিনি উইল করছেন। আশ্চর্য্য তাঁর দূরদর্শিতা ও ভালবাসা বলতে হবে।

আমি কাগজ পড়বার জন্ত পড়বার ঘরে গিয়েছিলাম। দেখি, সেখানে আলো জ্বলছে। দরজা খুলতেই চোখে পড়ল, ডাক্তার দুজন উকীলকে নিয়ে কি করছেন। ডাক্তার বলছেন গুনলাম—“তা হবে, এতে এই কথা ঠিক বুঝাচ্ছে ত যে সর্বস্ব মিসেস্ ট্রংকে দেওয়া হ’ল—বিনা সর্ভে এবং তাঁর উপর আমার অখণ্ড বিশ্বাস আছে, এ কথাও বোঝাচ্ছে ত?” উত্তরে এক জন উকীল বললেন, হ্যাঁ, তাঁকে বিনা সর্ভে সব দেওয়া হ’ল। মার মনে এতে কি হয়, তা ত বুঝতে পারছেন, মিস্ ট্রটউড। আমি অমনি নিঃশব্দে ঘর ছেড়ে চ’লে এলাম।”

মিসেস্ ট্রং দরজা খুলিয়া বারান্দায় গিয়া একটা থাম অবলম্বন করিয়া দাঁড়াইলেন।

মিসেস্ মার্কেলহাম বলিয়া চলিলেন, “মিস্ ট্রটউড, ডেভিড, এতে কি মনে উৎসাহ আসে না? ডাক্তার ট্রংএর জায় লোক জীবনের এই অবস্থায় এমন মনের জোর দেখাতে পারেন, এর মত উৎসাহ-উদ্বীপক ব্যাপার আর কি হ’তে পারে? আমি বরাবরই জানতাম, আমার জামাই এমনই ধরণের কাজ করবেন।”

এমন সময় ঘণ্টার ধ্বনি শোনা গেল। আগন্তুকদিগের পদধ্বনি শুনিয়া বুঝিলাম, তাঁহারা চলিয়া যাইতেছেন।

বৃদ্ধা বলিলেন, “সব শেষ হয়ে গেছে। ডাক্তার উইলে সই করেছেন। তাঁর মন এখন নিশ্চিত হয়েছে। এনি, মা আমার! আমি এখন পড়বার ঘরে যাচ্ছি। ডেভিড, মিস্ ট্রটউড, আপনারা ডাক্তারের সঙ্গে দেখা করবেন আসুন!”

আমি বুঝিয়াছিলাম, মিঃ ডিক্ তখন ঘরের অন্ধকারে দাঁড়াইয়া হাতের চুরী সাফ করিতেছেন। আমরা পাঠাগারে প্রবেশ করিলাম। পিতামহী তখন পুনঃ পুনঃ তাঁহার নাসিকা ঘর্ষণ করিতেছিলেন। ইহাতে বুঝিলাম, তাঁহার সহিষ্ণুতার সীমা অতিক্রম করিয়াছে। মিসেস্ মার্কেলহামের ব্যবহার যেন তাঁহার অসহ্য হইয়া উঠিয়াছে।

দেখিলাম, ডাক্তার তাঁহার গ্রন্থের মধ্যে নিমজ্জিত হইয়া রহিয়াছেন। তাঁহার মস্তক বাম করতলের উপর গুলু। সেই সময় মিসেস্ ট্রং নিঃশব্দে কক্ষমধ্যে প্রবেশ করিলেন। তাঁহার মুখ বিবর্ণ এবং তাঁহার দেহ যেন কম্পিত হইতেছে। মিঃ ডিক্ তাঁহাকে নিজ বাহর সাহায্যে ধরিয়া রাখিয়াছেন। মিঃ ডিক্ অস্ত্র বাহর দ্বারা ডাক্তারকে স্পর্শ করিলেন। ডাক্তার নিমগ্ন দৃষ্টিতে মাথা তুলিয়া চাহিলেন।

দেখিলাম, মিসেস্ ট্রং জাহ্নু পাতিয়া স্বামীর পদতলে বসিয়া পড়িলেন। দুই বাহ উর্ধ্বে তুলিয়া পত্নী যে ভাবে স্বামীর দিকে চাহিলেন, তেমন দৃষ্টি কখনও দেখি নাই—সে দৃশ্য কখনও ভুলিব না। বৃদ্ধা মাতার হাত হইতে কাগজ পড়িয়া গেল। তিনি সবিস্ময়ে কণ্ঠের দিকে চাহিলেন।

মিঃ ডিক্ বলিলেন, “ডাক্তার! কি হারিয়েছে? এ দিকে ফের।”



ডাক্তার বলিলেন, “এনি, এ কি, তোমার স্থান আমার চরণে নয়, প্রিয়তমে !

তিনি বলিলেন, “হাঁ! এখানেই আমার স্থান। এই ঘরের কেহ যেন এখন এখান থেকে না যান, এই আমার অনুরোধ। আমার স্বামী, আমার পিতা, এই দীর্ঘকালের নীরবতা ভেঙ্গে দাও। আমাকে বল, তোমার আমার মধ্যে কিসের জন্ত ব্যবধানের প্রাচীর উঠেছে।”

শ্রীমতী মার্কেলহাম্ যেন বাকশক্তি ফিরিয়া পাইলেন। তিনি যেন বংশমর্যাদা ও মাতৃস্বের ক্রোধে পূর্ণ হইয়া বলিলেন, “এনি, এখনই উঠে দাঁড়াও। অমন ভাবে তোমার আত্মীয়স্বজন সকলকে ছেয় করবার অধিকার তোমার নেই। এ রকম যদি কর, আমি পাগল হয়ে যাব।”

এনি বলিলেন, “মা, বাজে কথা এখন বলো না। আমি আমার স্বামীর কাছে আমার আবেদন জানাচ্ছি। এখানে তোমার পর্যাপ্ত কোন মূল্য নেই।”

মাতা বলিলেন, “কোন মূল্য নেই? আমি কেউ নই? বাহা আমার পাগল হয়েছে দেখছি। শীঘ্র আমায় এক গ্লাস জল দাও!”

সকলেই তখন ডাক্তারের দিকে নিবন্ধদৃষ্টি। বৃদ্ধাকে জল দিবার প্রয়োজন কেহ অনুভব করিল না। তিনি হাঁপাইতে হাঁপাইতে বাতাস খাইতে লাগিলেন। তাঁহার দৃষ্টিতে বিশ্বয়, আতঙ্ক।

ডাক্তার পত্নীকে বাহর দ্বারা ধারণ করিয়া কোমলকণ্ঠে বলিলেন, “এনি! প্রিয়তমে! আমাদের বিবাহিত জীবনে যদি অনিবার্য কারণে কোন পরিবর্তন এসে থাকে, তার জন্ত তোমার কোন দোষ নেই। সে দোষ আমার, শুধু আমারই। তোমার প্রতি আমার যে স্নেহ, শ্রদ্ধা ও অনুরাগ আছে, তার কোন পরিবর্তন হয়নি। আমি তোমাকে সুখী করতে চাই। সত্যই আমি তোমাকে ভালবাসি, সম্মান করি। ওঠ, এনি, ওঠ।”

কিন্তু তিনি উঠিলেন না। কিয়ৎকাল তাঁহার দিকে চাহিয়া থাকিয়া, তিনি আরও তাঁহার সন্নিহিত হইয়া, জানুর উপর মাথা রাখিয়া বলিলেন—

“এখানে যদি আমার বন্ধুজন কেউ থাকেন, তিনি আমার বা আমার স্বামীর পক্ষে কথা বলতে পারেন। যে সন্দেহ আমার বুকে কিছুদিন থেকে উঁকি মারছে, আমার সেই বন্ধু সেই সন্দেহের স্বরূপ আজ প্রকাশ করে, আমার প্রতি বন্ধুত্বের নিদর্শন দেখাতে পারেন। এখানে এমন কোন বন্ধু যদি থাকেন, যিনি আমার স্বামীকে শ্রদ্ধা-ভক্তি করেন, কিংবা কখনও আমার প্রতি দরদ প্রকাশ করে থাকেন, আর তাঁর যদি জানা থাকে, তবে যাই হোক না কেন, তিনি সব ঘটনা প্রকাশ করে বলুন—আমাদের ছ’জনের ভেতরের ব্যবধান তিনি দূর করে দিন। আমি সেই বন্ধুকে অহুঁয় ক’রে বলছি, তিনি কথা বলুন।”

গভীর নিস্তরুতায় কক্ষতল পূর্ণ হইল। কয়েক মুহূর্ত ইতস্ততঃ করিয়া আমি সে নিস্তরুতা ভঙ্গ করিলাম।

আমি বলিলাম, “মিসেস্ টুং, আমি কিছু কিছু জানি, ডাক্তার টুংএর আন্তরিক, অনুরোধে সে কথা আমি গোপন করতে বাধ্য হয়েছিলুম। আজ পর্যাপ্ত আমি সে কথা গোপন ক’রে রেখেছি। কিন্তু এখন যে সময় এসেছে, তাতে সে কথা গোপন রাখা অসঙ্গত হবে। বিশেষতঃ আপনার আবেদনের পর আর আমি চূপ ক’রে থাকতে পারছি না।”

তিনি মুহূর্তের জন্ত আমার দিকে ফিরিয়া চাহিলেন। তাহাতেই বলিলাম যে, আমার এখন প্রকাশ করাই সঙ্গত। আমি আর সে প্রস্তাবে উপেক্ষা করা কর্তব্য বলিয়া মনে করিলাম না।

ডাক্তারগৃহিণী বলিলেন, “আমাদের জীবনের ভবিষ্যৎ শান্তি তোমার হাতেই নির্ভর করছে। তুমি কোন কথা গোপন ক’রে রেখে না। আমার স্বামীর মহৎ হৃদয়কে আমি জানি, তোমরা যা কেন বল না, তাঁহার হৃদয়ে শুধু একটা আলোই জ্বলতে থাকবে। তুমি ইতস্ততঃ করো না। তোমার কথার পর আমি আমার কথা আমার স্বামীকে এবং ভগবানকে জানাব।”

ডাক্তারের আদেশের প্রতীক্ষা না করিয়া মোটামুটিভাবে সে দিন এই ঘরে যাহা কিছু ঘটয়াছিল, আমি বলিয়া গেলাম। কথা শুনিয়া মিসেস্ মার্কেলহাম্ নীরবকি বিশ্বয়ে আমার দিকে চাহিয়া রহিলেন। মাঝে মাঝে তিনি তারস্বরে এক একটা শব্দ উচ্চারণ করিতেছিলেন।

আমার কথা শেষ হইলে, এনি কয়েক মুহূর্ত নতশিরে চূপ করিয়া রহিলেন। তার পর স্বামীর হস্ত লইয়া নিজের বক্ষোদেশে রাখিয়া উহা চুম্বন করিলেন। মিঃ ডিক্ অতি দস্তর্পণে তাঁহাকে তুলিয়া ধরিলেন। উঠিয়া দাঁড়াইয়া স্বামীর দিকে চাহিয়া তিনি বলিলেন, “আমার বিয়ের পর আমার মনে যা হয়েছিল, আজ সব কথা খুলে বলব—সব তোমাকে জানাব।”

ডাক্তার বলিলেন, “এনি, আমি কখনও তোমাকে সন্দেহ করিনি। সুতরাং কোন কথা বলবার প্রয়োজন নেই, প্রিয়তমে!”

স্বামীর দিকে নিবন্ধদৃষ্টি হইয়া তিনি বলিলেন, “আছে, বিশেষ প্রয়োজন আছে। যাকে আমি সমগ্র অন্তর দিয়ে শ্রদ্ধা করি, ভালবাসি, পূজা করি, তাঁর কাছে আজ হৃদয়স্বার মুক্ত ক’রে সব কথা বলা দরকার। ভগবান তা জানেন।”

মিসেস্ মার্কেলহাম্ বলিলেন, “আমার যদি একটু হিতাহিত বিবেচনা থাকে, তা হ’লে সত্যি বলছি—

বাধা দিয়া আমার পিতামহী সক্রোধে মূঢ়কণ্ঠে বলিলেন, “তোমার যখন তা নেই, চূপ ক’রেই থাক না।”

মাতা বলিলেন, “আমি বলছি, এ সব কথা খোলাখুলিভাবে বলবার কোন প্রয়োজন নেই।”

স্বামীর দিক হইতে দৃষ্টি না ফিরাইয়াই এনি বলিলেন, “মা, তার বিচার আমার স্বামী ছাড়া আর কারও করবার অধিকার নেই। আমার কথা তিনি শুনবেন। বলতে গিয়ে কোন কথায় তুমি যদি ব্যথা পাও, আমাকে ক্ষমা করো, মা! আমি অনেক দিন থেকেই ব্যথা পেয়েই আসছি।”

মিসেস্ মার্কেলহাম্ বলিয়া উঠিলেন, “ওরে বাবা, এ কি কথা!”

ডাক্তারগৃহিণী বলিয়া চলিলেন, “ছেলেবেলার কথা আমার যতদূর মনে পড়ে, আমার স্মৃতিতে পিতৃবন্ধুর, আমার শিক্ষকের কথা বিজড়িত—সে স্মৃতি হ’তে আমি কোন দিন বিচ্যুত হব না। বরাবরই তিনি আমার পরম প্রিয়। আমার যা কিছু স্মরণ-যোগ্য, সবতাতেই তিনি আছেন। আমার মনে রত্ন দিয়ে তিনি ভরে দিয়েছেন এবং তাঁর চরিত্রের প্রভাব তাতে ক্ষোদিত হয়ে রয়েছে। অতের হাত থেকে সে সব পেলো এত ভালভাবে আমি কখনই পেতাম না।”

মাতা বলিলেন, “মা ওর কাছে কিছুই নয়!”

এনি বলিলেন, “না, মা, সে কথা বলো না। তিনি আমার কাছে যা, তাই আমি বলছি। সে আমাকে বলতেই হবে। আমি বড় হ’তে লাগলাম, আমার মনে তিনি সেই স্থান অধিকার ক’রে রইলেন। তিনি আমার প্রতি যত্ন নিতেন, এতে আমি গৌরব অনুভব করতাম। আমি গভীরভাবে, একান্তভাবে, কৃতজ্ঞচিত্তে তাঁর প্রতি আকৃষ্ট হলাম। আমি তাঁকে দেখতাম—ভাষায় আমি তা প্রকাশ ক’রে বলতে পারব না—তিনি আমার উপদেষ্টা, মন্ত্রদেষ্টা, গুরু, পিতা। তাঁর প্রশংসা অতের প্রশংসাকে নিষ্প্রভ ক’রে দিত। সমগ্র জগৎকে আমি সন্দেহ করতে পারি, কিন্তু ওঁকে পারিনে। এত বিশ্বাস, এত নির্ভরতা আমি জগতের কোন লোকের উপর করিনি। তুমি ত জান মা, তুমি যখন ওঁকে আমার পরিণয়প্রার্থী স্বামিরূপে আমার কাছে নিয়ে এসেছিলে, তখন আমি কত ছোট, কত অনভিজ্ঞ ছিলাম।”

মাতা বলিলেন, “সে কথা আমি এখানে সকলের কাছে অন্ততঃ পঞ্চাশবার বলেছি।”

পিতামহী অক্ষুটস্বরে বলিলেন, “ভগবানের দোহাই, তুমি কথা বলো না, চুপ ক’রে থাক। ও কথা আর বলবার দরকার নেই।”

“প্রথমতঃ আমার মনে হয়েছিল, আমি একটা বড় জিনিষ হারালাম। প্রথমতঃ উত্তেজিত হয়েছিলাম, দুঃখ বোধ করেছিলাম। তখন আমি বালিকামাত্র। পরিবর্তন যখন এল, তখন আমার দুঃখই হয়েছিল। কিন্তু তিনি আমাকে তাঁর যোগ্য পত্নী ব’লে নির্বাচন করার আমি গৌরব বোধ করেছিলাম। আমাদের বিয়ে হয়ে গেল।”

“কান্টারবেরির সেন্ট আলফ্রেজ মন্দিরে।”

পিতামহী বলিয়া উঠিলেন, “মেয়েমানুষটা থামবে না, না কি!”

এনি বলিয়া চলিলেন, “আমি কখনো ভাবিনি, সাংসারিক কোন লাভ উনি আমাকে দিতে পারবেন। সে সময়ে আমার মনে সে সবার কোন স্থানই ছিল না। মা, তুমি আমাকে ক্ষমা করো, তুমিই প্রথমে আমার মনে তা জাগিয়ে দিয়েছিলে, তুমিই লাভ-লোকসানের কথা মনে করিয়ে দিয়েছিলে।”

মাতা বলিলেন, “আমি?”

ঠাকুরমা বলিলেন, “হাঁ, তুমি ছাড়া আবার কে? এখন অস্বীকার করলে চলবে কেন?”

এনি বলিলেন, “আমার নূতন জীবনে সেই প্রথম অশান্তি তুমি এনেছিলে। ইদানীং সেই অশান্তির পরিমাণ আরও বেড়েছে। কিন্তু আমার সদাশয় স্বামী, তুমি যা মনে করেছ, সে কারণে নয়। আমার অন্তরে এমন চিন্তা, এমন স্মৃতি বা আশার রেখামাত্র নেই, যা তোমাকে আমার কাছ থেকে বিচ্ছিন্ন ক’রে নিতে পারে, স্বামী!”

তিনি হাতে হাত চাপিয়া নয়নযুগল তুলিলেন। সে দৃষ্টি কি সুন্দর! কি সত্যনিষ্ঠাপূর্ণ! ডাক্তারও এখন পত্নীর দিকে ভেমনই একদৃষ্টে চাহিয়া রহিলেন।

ডাক্তার-গৃহিণী বলিয়া চলিলেন, “মার কোন দোষ নেই। তাঁর নিজের জ্ঞান কখনও কিছু বলেন নি, তাঁর উদ্দেশ্য নিন্দনীয় ছিল না। কিন্তু তিনি যখন বার বার আমার দোহাই দিয়ে তোমার কাছে দাবী জানাতেন, আমার নামে দাবীর ব্যবস্থা আরম্ভ করেছিলেন, আর তুমি তখনই তা পূর্ণ করতে, আর তোমার বন্ধু মিঃ উইকফিল্ড মনে মনে রেগে যেতেন, তখন আমার তা ভাল লাগত না। তবু বাধ্য হয়ে সে ব্যাপারে আমাকে যোগ দিতে হ’ত। কিন্তু আমার মন অপ্রসন্ন, অস্থির হয়ে থাকত—সকল সময় আমার মনে তার প্রভাব থাকত। কিন্তু বিয়ের দিন থেকে আমি আমার দাম্পত্য জীবনকে প্রেমে সম্মানে বরণ ক’রে নিয়েছিলুম, সে কথাটা জেনে রাখ।”

মিসেস্ মার্কেলহাম্ অশ্রুসিক্ত-নয়নে বলিলেন, “কি ধন্যবাদই আমার প্রাপ্য! নিজের পরিবারের লোকজনের জ্ঞান যত্ন নেওয়ার পুরস্কার বটে!”

এনি বলিয়া চলিলেন, “সেই সময় মা আমার মাস্তুলে ভাই ম্যাল্ডনের জ্ঞান ভারী ব্যস্ত হয়ে পড়েছিলেন। আমি অবশ্য তাকে পছন্দ করতাম। ভালই বাসতাম। এক সময়ে উভয়ে উভয়ের প্রতি প্রণয়াম্পদের মত ব্যবহার কিছু করেছিলাম। যদি ঘটনার পরিবর্তন না হ’ত, হয় ত আমি নিজেকে বোঝাতে পারতাম যে, সত্যি আমি তাকে ভালবাসি। হয় ত তাকে বিয়েও করতে পারতাম। তা হ’লে আমার সর্বনাশই হ’ত। পরস্পরের মতের পার্থক্য,

উদ্দেশ্যের পার্থক্য বিবাহিত জীবনের সকল শান্তি-সুখ হরণ করে।”

ডাক্তার-গৃহিণীর এই মূল্যবান কথাটা আমার বুকের মধ্যে ধ্বনিত হইতে লাগিল—“বিবাহিত জীবনে স্বামী ও স্ত্রীর পরস্পরের মধ্যে যদি মতের মিল না থাকে, উদ্দেশ্যের বিভিন্নতা থাকে, তবে সে বিবাহে অশান্তি অনিবার্য।”

এনি বলিয়া চলিলেন, “আমাদের উভয়ের মধ্যে এমন কিছু ছিল না, যাহাতে পরস্পরের মতের ও উদ্দেশ্যের বিন্দু-মাত্র সামঞ্জস্য আছে। অনেক দিন আগেই আমি বুকেছিলাম সে কথা। আমি স্বামীর কাছে আর কোন বিষয়ের জ্ঞান যদি কৃতজ্ঞতা প্রকাশ না করিতে পারি, তিনি যে আমাকে ম্যালুডনের হাত থেকে রক্ষা করেছিলেন, এ জ্ঞান কৃতজ্ঞ থাকব।”

কিছুক্ষণ তিনি নীরবে দাঁড়াইয়া রহিলেন। তাঁহার প্রত্যেকটি কথা আমার হৃদয়ে স্পন্দন জাগাইতেছিল, অথচ তিনি অতি শাস্ত্যভাবেই কথা বলিতেছিলেন।

“তোমার দয়া ও সাহায্য পেয়ে তার মাহুষ হওয়া উচিত ছিল। অন্ততঃ আমি যদি তার স্থলাভিষিক্ত হতুম, তা হলে তোমার সদয় ব্যবহারের সদ্যবহার করতুম। কিন্তু ভারতবর্ষে যাবার দিন আমি টের পেলাম, সে কি ভণ্ড, তার হৃদয় কি রকম কৃতজ্ঞতাবর্জিত। তখন মিঃ উইকফিল্ড আমার প্রতি লক্ষ্য করছিলেন, তা থেকে ছুরকম অর্থ ক’রে নিয়েছিলুম। সে দিন প্রথম আমার মনে হয়েছিল, আমার উপর লোকের কি রকম সন্দেহের উদয় হয়েছে।”

ডাক্তার বলিলেন, “সন্দেহ, এনি? না, না, না।”

“তোমার মনে জাগেনি, তা আমি জানি, স্বামি! আমি তোমার কাছে সেই রাত্রিতে এসে অনেক কথা বলতে চেয়েছিলুম। আমার এক জন আত্মীয় আমার উপর দাবীর ব্যবসা চালিয়ে যাচ্ছে, তার অন্তরালে কতখানি নীচতা, ইতরতা আছে, তা আমি তোমাকে বোঝাতে চেয়েছিলাম, কিন্তু তখন মুখ দিয়ে কোন কথা বেরোয়নি। কথাগুলো আমার ওষ্ঠে এসে থেমে গিয়েছিল। সেই সময় থেকে আমি নীরব।”

মিসেস্ মার্কেলহাম চেয়ারের উপর হেলান দিয়া পাখার আড়ালে মুখ লুকাইলেন।

“তোমার সম্মুখে ছাড়া, তার সঙ্গে কোন দিন আমি একটা কথাও বলিনি। বহু বৎসর চলে গেছে, সে বুকে নিয়েছে, এ বাড়ীতে তার স্থান কোথায়? তুমি যখন আমাকে গোপন ক’রে তার উন্নতির চেষ্টা করেছ, তার পর আমাকে সে কথা বলেছ, তখন আমার গোপন হৃৎকের বোঝা কত ভারী হয়েছে, তা জানাতে পারি না।”

তিনি স্বামীর পদতলে আবার বসিয়া পড়িলেন। ডাক্তার ব্যথা দিতে গেলেন, কিন্তু সবই ব্যর্থ হইল।

অশ্রুপূর্ণ-নেত্রে স্বামীর দিকে চাহিয়া তিনি বলিলেন, “এখন তুমি কিছু বলো না, আমাকে আরও বলতে দাও। ভাল হোক, মন্দ হোক, যদি দয়া করা হয়, আমি ঠিক এই রকমই করব। তুমি জান না, তোমায় ভক্তি করার অর্থ কি। আমি ছেলেমানুষ ছিলাম, কোন পরামর্শদাতা তখন ছিল না। মা ও আমার মধ্যে বিরাট ব্যবধান ছিল। আমি যে অপমান সহ্য করেছি, তা লুকিয়ে রেখেছিলুম তার অর্থ, আমি তোমায় এত বেশী সম্মান করি যে, তুমিও আমার সম্মান করবে।”

ডাক্তার বলিলেন, “এনি, শুদ্ধচেতা প্রণয়িনী আমার!”

“আর একটু বলতে দাও—আর গোটা কয়েক কথা! তুমি যদি আমার বদলে আর কাউকে বিয়ে করত, তার দ্বারা এ সব হান্ধামা হ’ত না, সে তোমাকে সুখী করতে পারত। আবার মনে হ’ত, তোমার ছাত্রী, তোমার কন্সার্নে থাকাই আমার পক্ষে হয় ত ভাল ছিল। তোমার বিছা-বুদ্ধির যোগ্য আমি নই, সে ভয়ও আমার ছিল। এই সব কারণে আমি মনে মনে কুণ্ঠিত হয়ে পড়তাম—তাই তোমাকে কোন কথা বলতে পারিনি। তা ছাড়া তোমায় আমি সম্মান করি, এক দিন তুমিও আমার সম্মান করবে, এটাও আমার আশা ছিল।”

ডাক্তার বলিলেন, “এত দিন ধ’রে সে দিন এসেছে, এনি?”

“আর একটা কথা! আমি তোমাকে পিতার স্থায় ভক্তি করি, তুমি আমার স্বামী, তোমায় আমি ভালবাসি। তোমার দিকে চেয়ে আমি এ কথা অসঙ্কোচে বলিতে পারি যে, ভ্রমেও আমি তোমার কাছে অস্থায় করিনি, তোমার প্রতি আমার প্রেম ও বিশ্বাস অবিচলিত আছে।”

ডাক্তারের কর্ণলগ্ন হইয়া সাধ্বী পত্নী অশ্রুধারা বিসর্জন করিতে লাগিলেন।

“স্বামি! আমাকে তোমার বুকের ভেতর টেনে নেও! আমাকে ত্যাগ করো না। আমাদের বয়সের পার্থক্যের কথা কখনো বলো না—কারণ, তা নেই। তবে আমার ভেতর অনেক ক্রটি আছে। তুমি আমার বুকে টেনে নেও, স্বামি! আমার প্রেম পাহাড়ে লগ্ন হয়ে আছে, সে সহ্য করতে জানে।”

নীরবতার মধ্যে পিতামহী মিঃ ডিকের কাছে গিয়া তাঁহার লগাটে চুমা দিলেন। বলিলেন, “ডিক্, তুমি চমৎকার লোক!”

তিনি আমাকে ইঙ্গিত করিলেন। আমি, মিঃ ডিক্ ও পিতামহী, তিন জনে নিঃশব্দে কক্ষ ত্যাগ করিলাম।

পথে যাইতে যাইতে ঠাকুরমা বলিলেন, “লড়ায়ে মেয়ে-মাহুষটির দফা রক্ষা হয়েছে। আমি নিশ্চিত হয়ে যুঝতে পারব।”

ডিক্ বলিলেন, “তিনি বড় বিচলিত হয়ে পড়েছেন।”



ঠাকুরমা বলিলেন, “ঐ মেয়েমানুষটিই যত নষ্টের গোড়া। মেয়ের বিষে দিয়ে মার তফাতে থাকাই উচিত, তার এত দরদ দেখানও উচিত নয়। ট্রট, তুমি কি ভাবছ?”

আমি তখন • ভাবিতেছিলাম ডাক্তার-গৃহিনীর কথাগুলি। “মতের ও উদ্দেশ্যের অসামঞ্জস্যের মত দাম্পত্য-জীবনের দুঃখ আর নেই।” “অশিক্ষিত অন্তরের প্রথম ভ্রমাত্মক উত্তেজনা।” “আমার প্রেম পাহাড়ে সংলগ্ন।” সে কথা আর বলিলাম না। বাসায় আসিয়া পৌঁছিলাম।

### ষট্চত্ব্বারিংশ পরিচ্ছেদ

বিবাহের প্রায় এক বৎসর পরে একদা সন্ধ্যায় বাড়ী ফিরিতেছিলাম। আমি তখন উপস্থানস্থান হাত দিয়াছি। সেই কথা ভাবিতে ভাবিতে ফিরিতেছিলাম। মিসেস্ টিয়রফোর্থের বাড়ীর পাশ দিয়া আসিতেছি, এমন সময় একটি নারীকণ্ঠের আহ্বান শুনলাম। দেখিলাম, মিসেস্ টিয়রফোর্থের পরিচারিকা আমায় ডাকিতেছে।

সে আমাকে বলিল, “মিস্ ডার্টল আপনাকে ডাকছেন, অল্পগ্রহ ক’রে আসবেন কি?”

“তিনি কি তোমায় আমায় ডাকতে পাঠিয়েছেন?”

“আজ পাঠাননি। তবে তিনি এখান দিয়ে আপনাকে যেতে দেখেন, বলেছিলেন, দেখা হলেই যেন তাঁর কাছে আপনাকে নিয়ে যাই।”

আমি ফিরিলাম। কথায় কথায় শুনলাম, মিসেস্ টিয়রফোর্থের শরীর ভাল নাই। তিনি বাড়ী ছাড়িয়া কোথাও যান না।

বাগানে মিস্ ডার্টলের সঙ্গে দেখা হইল। তাঁহার সহিত কলহ করিয়া বিদায় লইয়াছিলাম। সে কথা তিনিও বিস্মৃত হন নাই, আমিও ভুলি নাই।

বসিবার অনুরোধ উপেক্ষা করিয়া আমি বলিলাম, “আপনি আমার সঙ্গে কথা বলতে চান, মিস্ ডার্টল?”

“হাঁ। সে মেয়েটিকে পাওয়া গেছে?”

“না।”

“অথচ সে পালিয়ে এসেছে!”

বলিলাম, “কি রকম? পালিয়ে এসেছে?”

“হাঁ, তার কাছ থেকে পালিয়ে এসেছে। এখনও যদি তার খোঁজ না পাওয়া গিয়ে থাকে, তাকে আর পাওয়া যাবে না। সে ম’রে গেছে।”

বলিলাম, “এক জন নারী আর এক জন নারীর মৃত্যু কামনা করে, এর মত দয়ার ব্যাপার আর কি হ’তে পারে? আমি ভেবেছিলাম, এত দিনে আপনার মন নরম হয়েছে।”

তিনি বলিলেন, “এই যুবতীর বন্ধুরা আপনারও বন্ধু। আপনি তাদের দলপতি। তার কি হয়েছে, শুনতে চান?”

বলিলাম, “নিশ্চয়!”

তিনি উঠিয়া গিয়া কাহাকে আহ্বান করিলেন।

“মিঃ কপারফিল্ড, এখানে আপনার সর্দারগিরি কিছু চালাবেন না। নিজেকে সংযত রাখবেন।”

এই বলিয়া তিনি আবার ডাকিলেন, “এ দিকে এস।” দেখিলাম, লিটিমার আসিতেছে। মিস্ ডার্টল বলিলেন, “মিঃ কপারফিল্ডকে পলায়নবৃত্তান্ত বল।”

“মিঃ জেমস্ ও আমি, ম্যাডাম—”

“আমাকে লক্ষ্য ক’রে বলো না।”

“মিঃ জেমস্ ও আমি, মশাই—”

আমি বলিলাম, “আমাকেও লক্ষ্য ক’রে বলবে না।”

লিটিমার বলিল, “মিঃ জেমস্ ও আমি এই যুবতীকে নিয়ে বিদেশে গিয়েছিলাম। নানা স্থানে আমরা যাই—ফ্রান্স, সুইজারল্যান্ড, ইটালী, সব দেশেই।”

আমরা নীরবে শুনিতে লাগিলাম।

সে বলিল, “যুবতীটির প্রতি মিঃ জেমস্‌এর আসক্তি অসাধারণ ছিল। কিছুদিন ভালই কেটেছিল। যুবতীটি নানা ভাষাও শিখে ফেলেছিল। যেখানে সে যেত, সকলেই তার প্রশংসা করত।”

দেখিলাম, মিস্ ডার্টলএর দিকে সে অপাঙ্গে দৃষ্টিপাত করিতেছে।

“কিছু দিন এই ভাবে গেল। সময় সময় যুবতী মনমরা হয়ে থাকত। তার পর মনে হ’ল, মিঃ জেমস্ ক্লান্ত হয়ে পড়েছেন। তখন অশান্তি দেখা দিল। মিঃ জেমস্‌ও অস্থির হয়ে উঠতে লাগলেন। তাঁর যত অস্থিরতা বাড়তে লাগল, যুবতীর অবস্থা ততই খারাপ হ’তে লাগল। দু’জনকে নিয়ে সত্যি তখন আমার বিপদ হ’ল। যা’ হোক, যোড়া-তাড়া দিয়ে আরও কিছু দিন কাটল। তার পর এক দিন সকলে নেপ্লস্‌এর দিকে যাত্রা করলাম। সেখানে আমাদের একটা কুটীর ছিল। যুবতীটি সমুদ্র বড় ভাল-বাসত। সেখানে গিয়ে মিঃ জেমস্ দুই এক দিনের মধ্যে ফিরে আসবেন, এ কথা জানিয়ে চ’লে গেলেন। আমার ব’লে গেলেন, আমি যেন যুবতীটিকে জানিয়ে দেই যে, সকলের সুখের জন্তই তিনি চ’লে গেছেন। কিন্তু মিঃ জেমস্ ভারী বিবেচক, তাঁর ধর্মজ্ঞানও টনটনে। তিনি প্রস্তাব করে-ছিলেন, যদি কোন ভদ্রলোক পূর্বকথা ভুলে গিয়ে যুবতীটিকে বিয়ে করেন, তিনি সে ব্যবস্থা ক’রে দিতে পারেন।”

ধৃত লিটিমার খানিক নীরব থাকিয়া আবার আরম্ভ করিল, “কথাটা যখন আমি যুবতীটিকে বললাম, তখন তার আমল রূপ দেখতে পেলাম। এমন ভীষণ ক্রোধ আমি আর কারও দেখিনি। তার ব্যবহার ভারী খারাপ দেখলাম। কোন কৃতজ্ঞতা নেই, কোন অনুভূতি নেই, ধৈর্য নেই, বুদ্ধিও যেন তার হরে গিয়েছিল। সে যেন পাথরের স্তূপ। আমি যদি সতর্ক না থাকতাম, সে হয় ত আমার রক্ত দর্শন করত।”

আমি সক্রোধে বলিলাম, “এতে আমি তার প্রশংসাই করি।”

লিটিমার বলিল, “সত্যি কি তাই? কিন্তু আপনি ছেলেমানুষ!”

তার পর সে বলিয়া চলিল, “তার কাছে যাতে কোন জিনিষ না থাকে, সে ব্যবস্থা করতে হ’ল। কারও কোন ক্ষতি না করতে পারে, এজ্ঞ তাকে ঘরে বদ্ধ করে রাখলাম। তবু সে রাত্রিবেলা ঘর থেকে বেরিয়ে গেল। যে জানলা পেরেক দিয়ে বদ্ধ করে রেখেছিলাম, তা ভেঙ্গে ফেলে বেরিয়ে আসে। তার পর আর তার কোন পাত্তা নেই।”

মিস্ ডার্টল বলিলেন, “সে বোধ হয় মারা গেছে।”

লিটিমার বলিল, “হয় ত জলে ডুবে মরেছে, মিস্। যুবই সম্ভব! অথবা নৌকার মাঝি-মাল্লাদের সাহায্য পেয়ে থাকবে। সর্বদা নীচ-সংস্পর্শে থাকত বলে সে অভ্যাস তার ছিল। প্রায় জেলেদের সঙ্গে মিশত। মিঃ জেমস্ যখন সারা দিন বাইরে থাকতেন, সে জেলেদের সঙ্গে মিশে গল্প করত। মিঃ জেমস্ এটা মোটেই পছন্দ করতেন না।”

এমিলির কথায় আমার অন্তর তখন পূর্ণ হইয়াছিল। এ জীবনে আর তাহাকে দেখিব না।

লিটিমার বলিল, “যখন দেখা গেল, তার কোন পাত্তা পাওয়া যাচ্ছে না, আমি মিঃ জেমস্‌এর কাছে ফিরে গেলাম। কোথায় তার দেখা পাওয়া যাবে, আমি জানতাম। তিনি আমায় তিরস্কার করলেন। তখন তাঁর কাজ ছেড়ে দিয়ে চলে এলাম। তিনি আমার যথেষ্ট অপমান করেছেন, আমায় প্রহার করেছেন। আমি ফিরে এসে সব জানালাম। এখন আমার চাকরী নেই। একটা ভাল চাকরী পেলে ভাল হয়।”

আমি বলিলাম, “এই জীবটার কাছে আমি জানতে চাই যে, সেই মেয়েটির নামে তার বাড়ী থেকে যে চিঠি এসেছিল, তা ওরা গাপ করেছিল কি না? অথবা সে পত্র সে পেরেছিল?”

লিটিমার চুপ করিয়া রহিল। তার পর বলিল, “মিঃ কপারফিল্ড যদি কোন কথা জানতে চান, আমাকে জিজ্ঞাসা করুন। আমার চরিত্রের ত বজায় রাখতে হবে।”

আমি ইতস্ততঃ করিয়া বলিলাম, “তুমি আমার প্রশ্ন শুনেছ, সেটা তোমাকে লক্ষ্য করেই বলেছি। এর কি উত্তর তুমি দেবে?”

লিটিমার বলিল, “মিঃ জেমস্ পছন্দ করতেন না যে, কোন পত্র পেয়ে যুবতীর মন আরও খারাপ হয়, আরও অপ্রীতিকর ব্যাপার ঘটে। এর বেশী কোন কথা আমার বলবার ইচ্ছে নেই।”

মিস্ ডার্টল বলিলেন, “আর কোন প্রশ্ন আছে?”

বলিলাম, “না। তবে বুঝি, এই লোকটার নষ্টামী ব্যাপারে কতখানি হাত আছে। আমি মেয়েটির আত্মীয়-স্বজনকে সে কথা জানাব। আমি সাবধান করে দিচ্ছি, মেয়েটির পিতৃতুল্য মামার সম্মুখে যেম সে না পড়ে।”

“ধন্যবাদ মশাই! কিন্তু আমাকে ক্ষমা করবেন, এ দেশে দাস-ব্যবসায় নেই। কেউ নিজের হাতে আইন গ্রহণ করবে, এ ব্যবস্থাও এ দেশের নয়। কেউ যদি তা করে, তাতে নিজেরই বিপদ। সুতরাং আমি যেখানে থুসী যেতে পারি।”

সে অভিবাদন করিয়া চলিয়া গেল।

রোজা বলিলেন, “আমি আরও শুনেছি যে, লোকটার মনিব স্পেনে জলবিহার করে বেড়াচ্ছেন। কিন্তু সে কথায় আপনার কোন আগ্রহ নেই। মা ও ছেলে দু’জনেই ঘোর অহঙ্কারী, দু’জনের মিলন ঘটা অসম্ভব। কিন্তু তাতে আপনার কোন স্বার্থ নেই। দু’জনের মধ্যে ভেদ বেড়েই চলেছে। কিন্তু তাতে আপনার স্বার্থ থাকতে পারে না। এই শয়তানী মেয়েটা, যাকে আপনি স্বর্গকণ্ঠা বলে মনে করেন, আমি সেই ছোটলোক মেয়েটার কথা বলছি, যাকে কাদা থেকে কুড়িয়ে নেওয়া হয়েছিল—যদি সে বেঁচে থাকে, কারণ, মরা বড় শক্ত ব্যাপার, তা হলে আপনি তাকে মুক্তার মালা মনে করে যত্ন করে রাখবেন। আমাদের ইচ্ছে যে, পুরুষটির সঙ্গে মেয়েটির আর যেন দেখা না হয়। আবার যেন মেয়েটা তাকে শিকার করে না বসে। এ বিষয়ে মিসেস্ স্টিয়ারফোর্থ ও আমার একই লক্ষ্য। সেই কথাটা জানাবার জন্যই আপনার সঙ্গে দেখা করার প্রয়োজন হয়েছিল।”

এমন সময় আর এক জনের পদশব্দ পাইলাম। দেখিলাম, মিসেস্ স্টিয়ারফোর্থ আসিতেছেন। তিনি দূরত্ব-জ্ঞাপকভাবে হাত বাড়াইয়া দিলেন। কিন্তু তাঁহার অবস্থা দেখিয়া আমার সত্যই দুঃখ হইল। তাঁহার কেশ গুরু এবং আননে গভীর মনোবেদনার রেখা সুস্পষ্ট। তিনি বলিলেন, “মিঃ কপারফিল্ড সব শুনেছেন, রোজা?”

“হ্যাঁ।”

“তুমি বড় ভাল মেয়ে। তোমার পূর্বতন বন্ধুর সঙ্গে আমি কিছু পত্রব্যবহার করেছিলাম। কিন্তু স্বাভাবিক কর্তব্যবোধ তার ফিরে আসেনি। সে আর যদি কাঁদে পা না দেয়, তা হলেই হয় ত কালে তার মঙ্গল হ’তে পারে।”

আমি বলিলাম, “ম্যাডাম, আপনার উদ্দেশ্য সম্বন্ধে আমি কোন কথা বলব না। আমি ছেলেবেলা থেকে এই পরিবারকে জানি। মেয়েটির প্রতি যে অন্য় করা হয়েছে, তার তুলনা নেই। সে শতবার মরবে, তবু আপনার ছেলের হাত থেকে বাঁচবার জন্য এক কোঁটা জল চাইবে না। যদি সে ধারণা আপনার না থাকে, তবে বলব, আপনার ধারণা অত্যন্ত ভ্রান্ত।”

“ভাল কথা, তোমার বিয়ে হয়েছে শুনলাম।”

বলিলাম যে, কিছুদিন পূর্বে আমি বিবাহ করিয়াছি।

“কাজকর্মও বেশ করছ। আমি কোথাও যাই না, তবু শুনেছি, তুমি এর মধ্যে প্রসিদ্ধিলাভ করেছ।”

বলিলাম, “সে সৌভাগ্য আমার হয়েছে।”

কোমলকণ্ঠে তিনি বলিলেন, “তোমার মা নেই?”

“না।”

“বড় দুঃখের কথা। থাকলে আজ তিনি তোমার জন্ম সর্ব অসুভব করতেন। আচ্ছা, বিদায়!”

সম্ভাষণ জানাইয়া আমি চলিয়া আসিলাম। পথে চলিতে চলিতে ভাবিলাম, মিঃ পেগটীকে সংবাদটি জানাইতে হইবে। সে কোথায় বাসা লইয়াছিল, তাহা আমি জানিতাম। পর্যটনের পর সেই বাসায় আসিয়া সে বিশ্রাম করিত।

নির্দিষ্ট স্থানে পৌঁছিয়া জানিলাম যে, মিঃ পেগটী তাহার ঘরেই আছে। আমি উপরে চলিয়া গেলাম। একটি বাতায়নের ধারে সে বসিয়াছিল। ঘরটি যেমন পরিষ্কার, তেমনই পরিচ্ছন্ন। দেখিয়াই বুঝিলাম, এমিলির অভ্যর্থনার জন্ত ঘরখানিকে সর্বক্ষণই যেন প্রস্তুত করিয়া রাখা হইয়াছে। মিঃ পেগটী প্রত্যহই বাহির হইবার সময় এইরূপ আশা করিয়া থাকে, যেন সে এমিলির দেখা পাইবেই। আমি ঘরের মধ্যে প্রবেশ করিলেও সে আমার উপস্থিতি বুঝিতে পারিল না। তাহার স্বল্পদেশে হাত রাখিতেই সে কিরিয়া চাহিয়া বলিল, “মাষ্টার ডেভি, তুমি! ধন্যবাদ। তুমি এসেছ, এজন্য ধন্যবাদ! ব’স, এখানে। তোমাকে মানন্দে অভ্যর্থনা করছি।”

আসন গ্রহণ করিয়া বলিলাম, “মিঃ পেগটী, বেশী কিছু আশা করো না। তবে তার খবর আমি পেয়েছি।”

“এমিলির?”

সে তাহার মুখের উপর কম্পিত হস্ত রক্ষা করিয়া যেন বিবর্ণ হইয়া গেল।

“সে কোথায় আছে, সে খবর পাইনি বটে, তবে তার সঙ্গে সে এখন নেই।”

আমি সকল কথা তাহাকে বিবৃত করিলাম। সে নীরবে শুনিতে লাগিল। আমার কথা শেষ হইবামাত্র সে হাত দিয়া তাহার মুখ আবৃত করিল। আমি নীরবে বসিয়া রহিলাম।

“মাষ্টার ডেভি, এ খবর পেয়ে তোমার মনে কি হচ্ছে?”

বলিলাম, “আমার মনে হয়, সে বেঁচে আছে।”

“আমি জানিনে। প্রথম আঘাতের ব্যথা মইতে না পেরে সে যদি হঠাৎ—! সমুদ্রের নীল জলকে সে ভালবাসে, যদি নিজের কবর সেখানে দেবার ইচ্ছে হয়ে থাকে তার!”

সে ঘরের মধ্যে খানিক ঘুরিয়া বেড়াইল। তার পর বলিল, “মাষ্টার ডেভি, সে বেঁচে আছে, এটা আমার মনের দৃঢ় ধারণা। সে জেগে থাকুক বা ঘুমিয়ে থাকুক, তাকে আমি পাবই, এ কথা এত দিন ভেবে এসেছি। এখন অল্প রকম ভাবতে পারি না। না! এমিলি বেঁচেই আছে। কে যেন আমার বলছে, সে বেঁচে আছে।”

আমি বলিলাম, “প্রিয় বন্ধু, সে হয় ত লগুনে এসেছে— সম্ভব তাহাই, কারণ, এখানে সে ভীষণ অনায়াসের মধ্যে সহজে আত্মগোপন করতে পারবে।”

মিঃ পেগটী বলিল, “সে বাড়ী যাবে না। সে যদি নিজে ইচ্ছে করে বাড়ী ছেড়ে আসত, তা হ’লে হয় ত যেতে পারত, কিন্তু তা ত নয়।”

আমি বলিলাম, “এখানে যদি সে এসে থাকে, তা হ’লে আজ এক জন তাকে খুঁজে বার করবে—আর কেউ পারবে না। শোন আমার কথা, মার্থার কথা তোমার মনে আছে?”

“আমাদের সহরের?”

আমি বলিলাম, “হাঁ, তুমি কি জান যে, সে লগুনে আছে?”

“আমি তাকে পথে মাঝে মাঝে দেখতে পাই।”

“তুমি জান না, এমিলি তার অনেক উপকার করেছিল। বাড়ী থেকে পালাবার আগে জ্যাকের সাহায্যে এমিলি মার্থার অনেক উপকার করেছিল। তার পর যে দিন তোমার সঙ্গে আমার এমিলির কথা হয়, সে দিন মার্থা দরজার পাশে লুকিয়ে থেকে আমাদের কথা শুনেছিল।”

বিস্ময়ে অভিভূত হইয়া মিঃ পেগটী বলিল, “যে দিন খুব বরফ পড়ছিল, সেই রাত্ৰিতে?”

“হাঁ, সেই রাত্ৰিতে। তার পর থেকে আমি আর তার দেখা পাইনি। এখন তাকে খুঁজে বের করতে হবে। তুমি তাকে পথে দেখেছ। এখন তাকে কি তুমি খুঁজে বের করতে পারবে? যদি দৈবাৎ দেখা হয়, ভরসা আমার ঐটুকু।”

“মাষ্টার ডেভি, কোথায় তার খোঁজ পাওয়া যেতে পারে, আমি জানি।”

“এখন অন্ধকার। চল, আমরা দুজনে এখনই তার সন্ধানে বেরুই।”

সে রাজি হইল। তার পর শয্যাটি ভাল করিয়া ঝাড়িয়া বাতী জ্বালিয়া টেবলের উপর রাখিল। ড্রয়ার হইতে এমিলির একটি পাট করা পোষাক ও টুপী বাহির করিয়া সে চেয়ারের উপর রাখা করিল।

আমরা নীচে নামিয়া আসিলাম। হামের কথা জিজ্ঞাসা করিয়া জানিলাম, সে একই ভাবে জীবন কাটাইতেছে। ষ্টিয়ারফোর্থের সহিত ঘটনাচক্রে যদি তাহার সাক্ষাৎ হয়, তাহা হইলে হাম কি করিবে, সে প্রশ্ন করিলে পেগটী আমার বলিল যে, তাহার যেকোন ভাবগতি দেখা যাইতেছে, তাহাতে উভয়ের সাক্ষাৎ না হওয়াই মঙ্গল। দেখা হইলে হাম কি করিয়া বসিবে, তাহা বলা যায় না।

আমরা টেম্পলবার অতিক্রম করিয়া সহরের কেন্দ্রস্থলে আসিলাম। এখন আর আমরা কোন কথার আলোচনা করিতেছিলাম না। উভয়ে পাশাপাশি চলিতেছিলাম। ক্রমে আমরা ব্রাক্‌জারারস্ সেতুর সন্নিহিত হইলাম। এমন সময়



মিঃ পেগটী একটি মুষ্টির প্রতি অঙ্গুলি নির্দেশ করিল। পথের  
অপর পার্শ্ব দিয়া সে একা দ্রুতপদে চলিতেছিল। দেখিয়াই  
চিনিলাম যে, তাহাকেই আমরা খুঁজিতেছি।

রাত্তা পার হইয়া আমরা তাহার অনুসরণ করিলাম।  
আমার মনে হইল, নারীর ব্যথা নারী যেমন বুঝিবে, অপরে  
জাহা বুঝিবে না। সুতরাং নির্জন স্থানে তাহাকে কথাটা  
বলিতে হইবে। তাই আমি সঙ্গীকে বলিলাম, এখনই কোন  
কথা বলা হইবে না। যেখানে কেহ আমাদের লক্ষ্য  
করিবে না, এমন স্থানে গিয়া তাহার সহিত এ বিষয়ের  
আলোচনা করিব। তাহা ছাড়া আরও একটা কথা ভাবিয়া-  
ছিলাম, সে কোথায় যাইতেছে, তাহা দেখিতে হইবে।

তাহাকে লক্ষ্যভ্রষ্ট হইবার অবকাশ না দিয়া আমরা  
চলিতে লাগিলাম। দীর্ঘপথ সে অতিক্রম করিল, তথাপি সে  
পামিল না। মনে হইল, সে কোনও নির্দিষ্ট স্থান লক্ষ্য  
করিয়াই চলিয়াছে।

অবশেষে সে একটা অন্ধকারাচ্ছন্ন পথ অবলম্বন করিল।  
সে পথে জনতা বা কোলাহল ছিল না। আমি তখন মনে  
করিলাম যে, এইবার তাহার সহিত কথা বলিবার সুযোগ  
আসিয়াছে। এই ভাবিয়া আমরা গতিবেগ বর্ধিত  
করিলাম।

### সপ্তচত্রিংশ পরিচ্ছেদ

আমরা তখন ওয়েষ্টমিনিষ্টারে আসিয়াছি। সে বোধ হয়  
পশ্চাতে পদশব্দ পাইয়াছিল। তাই পশ্চাতে না চাহিয়াই  
সে পথ অতিক্রম করিয়া আরও দ্রুত চলিতে লাগিল।

দূরে নদীর জলের রেখা দেখিতে পাইলাম। সঙ্গীর দেহ  
স্পর্শ করিয়া ইঙ্গিত করিলাম। তার পর যথাসম্ভব নিঃশব্দে  
আমরা তাহাকে লক্ষ্য রাখিয়া চলিতে লাগিলাম।

এতক্ষণ ভাবিয়াছিলাম যে, মার্খা বোধ হয় কাহারও  
বাড়ী লক্ষ্য করিয়া চলিয়াছে। এমনও অসম্ভব ধারণা হইতে-  
ছিল যে, আমাদের অপহৃত এমিলির সন্ধানও হয় ত সেই  
বাড়ীতে পাওয়া যাইতে পারে। কিন্তু নদীর কৃষ্ণ জলরাশি  
দেখিবামাত্র বুঝিলাম যে, ঐ পর্যন্ত মার্খার গতির দৌড়।  
সুতরাং আমরা সতর্ক হইয়া রহিলাম।

মার্খা নদীর তীরে দাঁড়াইল। তাহার দৃষ্টি জলরাশির  
দিকে। আশেপাশে দুই চারিখানা নৌকা কাদায়  
আটকাইয়া রহিয়াছে। উহার অস্তরাল দিয়া আমরা মার্খার  
অত্যন্ত কাছে আসিতে পারিলাম। মিঃ পেগটীকে স্থিরভাবে  
প্রতীক্ষা করিতে বলিয়া আমি তাহার সহিত কথা বলিবার  
জন্য অগ্রসর হইলাম।

আমি তাহার ভাবভঙ্গী দেখিয়া বুঝিলাম যে, সে জলে  
ঝুঁপাইয়া পড়িয়া আত্মহত্যার সংকল্প করিয়াছে। তখন  
নদীতে জোয়ার পূর্ণবেগে চলিয়াছে। মার্খা ঝম্পপ্রদানের

উদ্যোগ করিতেছে, এমন সময় আমি পশ্চাৎ হইতে দৃঢ়হস্তে  
তাহার কর মুষ্টিবদ্ধ করিলাম।

সঙ্গে সঙ্গে ডাকিলাম, “মার্খা!”

সে একটা ভীতিব্যঞ্জক শব্দ করিয়া আমার হাত  
ছাড়াইবার জন্ত ধস্তাধস্তি করিতে লাগিল। আমার মনে  
হইল, বুঝি বা আমি তাহাকে ধরিয়া রাখিতে পারিব না।  
কিন্তু সহসা অধিকতর বলশালী আর একটি বাহু তাহার  
দেহকে আবদ্ধ করিল। কে তাহাকে ধরিয়াছে, ইহা দেখিবার  
জন্য নয়ন তুলিতেই, সে আর চেষ্টা করিল না—থপ্ করিয়া  
মাটিতে বসিয়া পড়িল।

আমরা তাহাকে অপেক্ষাকৃত গুরুস্থানে লইয়া আসিলাম।  
সে তখন কাঁদিতেছিল। তার পর দুই করে মাথা চাপিয়া  
সে বসিয়া পড়িল।

আবেগভরে সে বলিয়া উঠিল, “নদী! নদী!”

আমি বলিলাম, “অধীর হয়ো না, চুপ কর!”

সে বলিল, “আমি জানি, নদী আমারই মত। আমি  
জানি, ওখানেই আমার স্থান! আমার মত লোকের নদীই  
একমাত্র বন্ধু! জানি, পল্লীপ্রান্ত চূষন ক’রে নদী সহরের  
পঙ্কিলতা আবর্জনা বহন ক’রে ছুটে চলেছে। ঠিক আমারই  
জীবন-স্রোতের মত। লক্ষ্য তার সমুদ্র। নদীর বুকে খালি  
আবর্ত্ত। আমি ওর সঙ্গে ভেসে যাব।”

এমন নৈরাশ্যের কাতর আর্জনাৎ আমি পূর্বে কখনও  
শুনি নাই।

“নদীর ডাক আমি সর্বদা শুনে পাই, ভুলতে  
পারি না, তার আহ্বান। দিনরাত সে আমাকে  
ডাকছে। এ জগতে আর কোথাও আমার স্থান নেই।  
হায়, নদী!”

আমার সঙ্গীর মুখের দিকে চাহিয়া আমি বুঝিলাম,  
তাহারও মনে তাহার ভাগিনেয়ীর ইতিহাস যেন উজ্জ্বল হইয়া  
উঠিয়াছিল। তাহা যেন ঠিক ইহারই অনুরূপ। তাহার  
মুখে শব্দ ও অনুকম্পার মিশ্রিত যে ভাবতরঙ্গের প্রকাশ  
দেখিয়াছিলাম, কোনও চিত্রে তাহার অনুরূপ বিকাশ দেখি  
নাই। মনে হইল, সে যেন এখনই ভূমিতলে পড়িয়া যাইবে।  
আমি তাহার হাত ধরিয়া বলিলাম, “ও এখন পাগলের মত  
হয়েছে, তাই ঐ রকম করছে। এখনি অল্প রকম কথা  
বলবে।”

মার্খা তখন ভূমিতলে লুটাইয়া পড়িয়াছিল। মিঃ পেগটী  
তখন তাহাকে ধরিয়া তুলিতে গেল। আমি বাধা দিলাম—  
এখন নহে।

তার পর ডাকিলাম, “মার্খা, আমার সঙ্গে কে এসেছে,  
একে চেন?”

ক্ষীণকণ্ঠে সে বলিল, “হাঁ,।”

“তুমি কি জান যে, আজ রাত্রে আমরা তোমার পেছনে  
পেছনে অনেক দূর থেকে আসছি?”

সে মাথা নাড়িল। আমাদের কাহারও দিকে না চাহিয়া সে যেন নতভাবে চাহিয়া রহিল। আমি বলিলাম, “এখন একটু শান্ত হয়েছ কি? সে দিন যে বিষয় জানার আগ্রহ তোমার হয়েছিল, সে বিষয়ে তোমার সঙ্গে আলোচনা করব, তোমার গুণ্ণবাব ইচ্ছে আছে কি? সেই তুমি-পাত্তের কথা আমি বলছি।”

সে বলিল, “আমার নিজের কোন কথা আমি বলতে চাই না। আমি বদ মেয়ে, আমার সর্বস্ব গেছে। কোন আশাই আমার নেই। কিন্তু মশাই, আপনি ঠুঁকে বলুন যে, ঠুঁর দুর্ভাগ্যের ব্যাপারে আমার কোন যোগাযোগই ছিল না।”

আমি বলিলাম, “তোমার উপর দোষারোপ ত কেউ করেনি।”

“সে দিন রান্নাঘরে সে আমার হুঁখে যখন বিগলিত হয়েছিল, তখন সেখানে আপনিই ছিলেন। আর সকলে আমাকে ত্যাগ করেছিল, কিন্তু সে তা করেনি। সে দিন কি আপনিই ছিলেন, মশাই?”

আমি বলিলাম, “হ্যাঁ, মার্থা।”

“যদি আমি তার কোন অনিষ্ট করতাম, তবে অনেক আগেই নদীর বুকে আমার স্থান হ’ত। একাকীও আমি সে দুর্কর্মের স্মৃতি বহন করতে পারতাম না।”

আমি বলিলাম, “তার পলায়নের কারণ আমরা সবাই ভালই জানি। তোমার তাতে কোন দোষই নেই। এ কথা আমরা সর্বাস্তঃকরণে বিশ্বাস করি।”

“সে আমাকে বড় ভালবাসত। কোন দিন একটি কঠিন কথা আমায় বলেনি। যে পথে চ’লে আজ আমি ভীষণ শাস্তি পাচ্ছি, আমি তাকে সেই পথে যাবার পরামর্শ দিতে পারি? আমি সর্বস্ব হবার পর শুধু এই কথাই ভেবেছি যে, তার সংস্রব থেকে দূরে থাকাই আমার উচিত।”

মিঃ পেগটী তাহার এক হাত মুখের উপর চাপা দিল।

“সে দিন আমি আমাদের গ্রামের এক জনের কাছে গুললাম, তার অদৃষ্টে কি ঘটেছে, তখন আমার মনে হয়েছিল যে, সকলেই বলবে, আমার সঙ্গে বেড়াত বলই সে এমন কাজ করেছে। আমি তাকে মন্দপথে নিয়ে গিয়েছি। কিন্তু ভগবান জানেন, তার স্মৃতি ফিরিয়ে আনবার জন্য আমি মরতেও প্রস্তুত।”

তার পর সে আবেগভরে মিঃ পেগটীর দিকে চাহিয়া বলিল, “আমাকে মেরে ফেল, পা দিয়ে মাড়িয়ে দাও! সে তোমার চোখের মণি, গর্কের রত্ন ছিল, আমার ছায়া লাগলে সে খারাপ হয়ে যাবে ব’লে তোমরা মনে করতে। কিন্তু জেনে রাখ, তার সঙ্গে আমার একটা কথাও আর হয়নি। আমি তার কাছে আত্মীবন কৃতজ্ঞ, ঋণী। আমাকে মেরে ফেল, কিন্তু এ কথা ভেব না, আমার দ্বারা তার বিন্দুমাত্র অনিষ্ট হয়েছে।”

মিঃ পেগটী তাহার হাত ধরিয়া বলিল, “মার্থা, তোমার বিচার করবার অধিকার আমার নেই। বৎসে! আমার মত লোকের পক্ষে সে কাজ অসম্ভব! এই ভদ্রলোক এবং আমি আজ তোমাকে কি কথা বলতে চাই, সেটা তুমি এখনও বুঝতে পার নি। কেমন?”

তাহার এই কথায় মার্থার ব্যবহারের বহু পরিবর্তন হইল।

মিঃ পেগটী বলিল, “আমার মাকে আমি খুঁজে বেড়াচ্ছি। এখন সে আমার কাছে আগের অপেক্ষাও প্রিয়তমা, মার্থা।”

মার্থা দুই হাতে তাহার মুখমণ্ডল আবৃত করিল।

মিঃ পেগটী বলিল, “সে একবার আমার দেখা পলে জগতের শেষ প্রান্ত পর্যন্ত আমার সঙ্গে যাবে, তা আমি জানি। আমার দেখা পাবার জন্য সে যেখানে কসী আমার সন্ধানে যাবে। আমার স্নেহে তার সন্দেহ নেই। তাই বলছি, তুমি তাকে ভালবাস, শ্রদ্ধা কর। যদি তুমি তার দেখা পাও—আমাদের ধারণা, সে লগুনে গিরে আসবে—তা হ’লে তুমি তার সন্ধান পেলে আমাদের জানিও, ভগবান তোমার মঙ্গল করবেন।”

বিশ্বয়ে অভিভূত হইয়া মার্থা বলিল, “আমাকে বিশ্বাস হয়?”

মিঃ পেগটী বলিল, “যোল আনা।”

“আমি যদি তার দেখা পাই, তাকে আশ্রয় দেব। আমার সামান্য আশ্রয়ে তাকে স্থান দেব। তার পর তুমি না জানিয়ে তোমায় খবর দেব। কেমন, এই কথা তুমি আমায় উভয়েই বলিলাম, “হ্যাঁ।”

সে গাঢ়স্বরে বলিল, প্রাণপাত করিয়াও সে কাজ করিবে।

তখন আমরা এমিলি সম্বন্ধে যতটুকু জানিতাম, সমস্তই মার্থাকে খুলিয়া বলিলাম। সে গভীর মনোযোগের সহিত সকল কথা শুনিল। সময়ে সময়ে তাহার নয়ন অশ্রুপূর্ণ হইল, কিন্তু সে সময়ে তাহা মুছিয়া ফেলিল।

সব কথা শুনিয়া সে জিজ্ঞাসা করিল, কোথায় সে আমাদের সংবাদ দিবে? আমি একটি ল্যান্সপোষ্টের নীচে দাঁড়াইয়া আমাদের ঠিকানা তাহাকে লিখিয়া দিলাম। তার পর জিজ্ঞাসা করিলাম, সে কোথায় থাকে। একটু নীরব থাকিয়া সে বলিল যে, সে স্থানের পরিচয় না পাওয়াই ভাল।

মিঃ পেগটী ও আমি পরামর্শ করিয়া তাহাকে অর্থ-সাহায্য করিবার প্রস্তাব করিলাম। কিন্তু এ বিষয়ে সে দৃঢ়তার সহিত আপত্তি জানাইল। সে কোন অর্থই লইবে না। মিঃ পেগটীর অনুরণ-বিনয় কোনমতে তাহাকে টলাইতে পারিল না।

সে বলিল, “আমি কাজ খুঁজে নেব। সে চেষ্টা আমি করব।”

আমি বলিলাম, “যতক্ষণ কোন কাজ না পাও, ততক্ষণের জন্য কিছু অর্থ নেও।”

“আমি বা অঙ্গীকার করেছি, টাকা নিলে তা করতে পারব না। আমি অনাহারে থাকলেও তা নিতে পারব না। টাকা দিলে, বিশ্বাস চলে যাবে। যে কাজের ভার আপনারা আমায় দিলেন, টাকা নিলে তা হবে না। আর সে উদ্দেশ্য যদি আমি সিদ্ধ করতে না পারি, তা হলে আমার স্থান নদীর বুক ছাড়া কোথাও নেই।”

আমি বলিলাম, “সেই মহাবিচারকের নাম নিয়ে আমি বলছি, মার্থা, তুমি আত্মহত্যার সঙ্কল্প ছেড়ে দাও। ইচ্ছা থাকলে আমরা সকলেই কোন না কোন ভাল কাজ করতে পারি।”

মার্থা বলিল, “অনুতাপ করবার অবকাশ দেবার জন্য আপনি এক জন মুঢ়া নারীকে রক্ষা করেছেন। যদি কোন ভাল কাজ আমার দ্বারা হয়, তা হলে আমার অনেক করবার কিছু উপায় হতে পারে। এ পর্যন্ত আমার সব কাজের ফলই খারাপ হয়েছে। দীর্ঘকাল পরে আপনারাই প্রথম আমাকে বিশ্বাস করলেন।”

সে আবার অশ্রুবেগ সংবরণ করিল। সে তার পর অভিবাদন করিয়া চলিয়া গেল। বোধ হয়, সে অনেক দিন রোগ ভোগ করিয়াছিল। তাহার চেহারা খুবই মলিন ও শীর্ণ হইয়াছে। তাহার কোটরগত চক্ষু দেখিয়া মনে হয়, অনশন-ক্লেশও তাহাকে সহ্য করিতে হইয়াছে।

আমরাও নিজের নিজের বাসার দিকে ফিরিলাম। বাড়ী পৌঁছিতে রাত্রি দ্বিপ্রহর হইল। আমি দেখিলাম, ঠাকুরমার বাড়ীর দরজা খোলা। দ্বারপথে মূঢ় আলোক দেখা যাইতেছে। আমি তাঁহার সহিত দুই চারিটা কথা বলিবার জন্য সে দিকে অগ্রসর হইলাম। আমি দৃষ্টিতে দেখিলাম, একটা লোক বাগানে দাঁড়াইয়া আছে।

তাহার এক হাতে বোতল, অপর হাতে গেলাস। সে তখন পানরত ছিল। বাগানে সে খাবার খাইতেছিল, গানও করিতেছিল। গাছের আড়ালে দাঁড়াইয়া দেখিলাম, ঠাকুরমা ঘরের ভিতর হইতে বাহিরে আসিয়া তাহার হাতে কিছু অর্থ প্রদান করিলেন।

লোকটা বলিল, “এতে আমার কি হবে?”

ঠাকুরমা বলিলেন, “আর আমার নেই।”

“তা হলে আমি যাব না, এগুলো ফিরিয়ে নাও।”

“বদ মানুষ! এ রকম করছ কেন তুমি? আমার তরলতা দেখেই তোমার এত সাহস বেড়ে গেছে। কি করলে আর তোমার মুখ আমার দেখতে হয় না!”

“তাই করলেই পার—আমার অদৃষ্টে যা আছে, তাই হোক।”

\* “কি পাবাণ হৃদয় তোমার।”

লোকটা টাকা বাজাইতে বাজাইতে বলিল, “এ ছাড়া তুমি আর কিছু আমায় দেবে না?”

“না, ও ছাড়া আর কিছু দেবার নেই। তুমি ত জান, আমার সর্বস্ব নষ্ট হয়ে গেছে। এখন আমি গরীব। তুমি কেন এখানে দাঁড়িয়ে আছ? তুমি যা হযেছ, তাতে তোমার দিকে চেয়ে দেখাও যন্ত্রণাদায়ক।”

“আমি বাদর সেজেছি। আমি নিশাচর—দিনের বেলা মুখ দেখাতে পারি না।”

“সারা জীবন ধরে তুমি আমার অর্থের বেশীর ভাগ লুণ্ঠে নিয়েছ। তুমি আমার সঙ্গে প্রতারণা করেছ। যাও, সে জন্য অনুতাপ কর গে। আর আমাকে দাগা দিও না।”

সে বলিল, “বাঃ! চমৎকার কথা বলছ! আচ্ছা, আপাততঃ এতেই চলবে।”

লোকটা যেন ঠাকুরমার নয়নে ক্রোধের অশ্রু দর্শনে একটু লজ্জা পাইয়া তাড়াতাড়ি বাগান হইতে বাহির হইয়া পড়িল। গেটের কাছে তাহার সহিত আমার দেখা হইল। উভয়েই উভয়কে অপ্রসন্নভাবে লক্ষ্য করিলাম।

তাড়াতাড়ি ভিতরে প্রবেশ করিয়া বলিলাম, “ঠাকুরমা! লোকটা আবার আপনাকে ভয় দেখাতে এসেছে। এবার আমাকে তার সঙ্গে কথা বলবার অনুমতি দিন। কে ও লোকটা?”

আমার বাহু অবলম্বন করিয়া তিনি বলিলেন, “বৎস, আমার সঙ্গে এস, দশ মিনিট আমার সঙ্গে কোন কথা বলো না।”

তাঁহার ছোট বসিবার ঘরে উভয়ে উপবেশন করিলাম। খানিক চুপ করিয়া বসিয়া থাকিয়া তিনি আমার কাছে উঠিয়া আসিলেন।

প্রশান্তভাবে পিতামহী বলিলেন, “টুট, উনি আমার স্বামী।”

“আপনার স্বামী? আমি ভেবেছিলাম, অনেক দিন আগে তাঁর মৃত্যু হয়েছে।”

“আমার কাছে মৃত বটে, কিন্তু সশরীরে বেঁচে আছেন।” আমি স্তব্ধ বিস্ময়ে বসিয়া রহিলাম।

স্থিরকণ্ঠে পিতামহী বলিলেন, “বেটসি টুটউড্ কোমল মনোরত্তির বিনিময়ে সত্যকে ভোলে না। কিন্তু এক দিন ছিল, যখন সে লোকটাকে সত্যি প্রাণ দিয়ে ভালবাসত। তখন স্বামীকে অদেয় তার কিছুই ছিল না। কিন্তু সে তার ঐশ্বর্য্য নষ্ট ক’রে দিয়েছিল, তার বুক ভেঙ্গে দিয়েছিল। তখন সে ভাবপ্রবণতার হাত থেকে নিজেকে মুক্ত ক’রে নিতে বাধ্য হয়েছিল। সব মনোরত্তিকে সমাহিত ক’রে উপরে সে পাথর চাপা দিয়েছে।”

“আমার স্নেহময়ী ঠাকুরমা!”

আমার পৃষ্ঠদেশে অভ্যাসমত হাত রাখিয়া তিনি বলিলেন, “আমি ওকে ত্যাগ ক’রে চলে আসি। তবে যথেষ্ট



অর্থ দিয়েছিলাম। আমার সঙ্গে ও এমন নিষ্ঠুর ব্যবহার করত যে, সহজে আমি বিবাহ-বিচ্ছেদ করে নিতে পারতাম, কিন্তু আমি তা করিনি। আমি যে টাকা দিয়েছিলাম, ছুদিনেই তা মদ খেয়ে উড়িয়ে দিয়ে লোকটা আবার আর একটি মেয়েমানুষকে বিয়ে করেছে। আমার বিশ্বাস, জুয়া খেলে সব টাকা নষ্ট করেছে, এখন হয় ত লোক-ঠকান ব্যবসা ধরেছে। এখন ওর অবস্থা কি, তা ত তুমি নিজের চোখেই দেখলে। কিন্তু এক সময়ে চেহারা ওর খুব ভাল ছিল। আমি তখন ওকে বিশ্বাস করেছিলুম। কি বোকাই আমি তখন ছিলাম!”

তিনি আমার বাহুতে একটু চাপ দিয়া আবার বলিতে লাগিলেন, “এখন আমার কাছে ও কেউ নয়। সত্যি বলছি ট্রট, কোন সম্বন্ধই নেই। তবু আমি ওকে ওর অপরাধের জন্য শাস্তি না দিয়ে আমার সাধের অতীত টাকা ওকে দিয়ে এসেছি। ওকে বিয়ে করাই আমার ভুল হয়েছিল। কিন্তু সে সময় আমার আগ্রহের অন্ত ছিল না, ট্রট!”

দীর্ঘশ্বাস ত্যাগ করিয়া তিনি উক্ত আলোচনা বন্ধ করিলেন। তার পর বলিলেন, “এখন ট্রট, তুমি আরম্ভ থেকে শেষ পর্যন্ত সব জানলে। এ বিষয় নিয়ে আমাদের মধ্যে আর যেন আলোচনা না হয়, অন্য কারও কাছে এ সব কথা বলো না। আমাদের কাহিনী শুধু আমাদের মধ্যেই নিবন্ধ থাকবে।”

### অষ্টচত্বারিংশ পরিচ্ছেদ

আমার উপন্যাসখানি লইয়া খুবই পরিশ্রম করিতে ছিলাম। তবে এ কাজের জন্য আমার সাংবাদিক জীবনের কাজও বন্ধ ছিল না। এ ব্যাপারেও আমি সাফলাভ করিতেছিলাম। চারিদিকে আমার প্রশংসা হইতে লাগিল, কিন্তু সে প্রশংসায় আমি আত্মবিশ্বস্ত হইলাম না। প্রশংসা যতই বাড়িতে লাগিল, আমি ততই সে বিষয়ে গম্ভীর হইয়া থাকিতাম।

আমার বিবাহের দেড় বৎসর পরের ঘটনা। অনেক প্রকার চেষ্টা সত্ত্বেও আমরা গৃহস্থালীর কাজে উন্নতি করিতে না পারিয়া হাল ছাড়িয়া দিয়াছিলাম। বাড়ীর কাজ আপনা হইতেই চলিত। এক জন বালক ভৃত্য নিযুক্ত করিয়াছিলাম। পাচিকার সহিত সেই ঝগড়া করিত। তাহার জন্য বৎসরে ৬ পাউণ্ড দশ শিলিং ব্যয় করিতে হইত।

ছোকরাকে লইয়া বিপদও বাড়িয়াছিল। অথচ তাহাকে তাড়াইতেও পারিতাম না। সে এক দিন ডোরার সোণার ঘড়ী চুরি করিল। ঘড়ী যেখানে সেখানে পড়িয়া থাকিত, কাজেই সুযোগ পাইয়া সে আত্মসাৎ করিয়াছিল।

গৃহস্থালীর কাজে কোন শৃঙ্খলা নাই দেখিয়া এক দিন ডোরাকে সে কথা বলিলাম। ডোরা বলিল যে, এত দিন

আমি বেশ চুপ করিয়াছিলাম, আবার তাহার সহিত ঝগড়া আরম্ভ করিয়াছি। আমি তাহাকে বুঝাইলাম যে, আমাদের অসাবধানতার জন্য যাহারা আমাদের কাছে থাকে, তাহারাও বিগড়াইয়া যাইতেছে।

আমি বলিলাম, “প্রিয়তমে ডোরা, তুমি ভুল বুঝেছ। আমাদের কাছে যারা থাকে, যদি তাদের সম্বন্ধে আমরা কর্তব্য পালন করতে না পারি, তবে তারাও আমাদের সম্বন্ধে কর্তব্য পালন করবে না। এই কথাটাই তোমায় আমি বোঝাতে চাই।”

ডোরা আমার কথা বুঝিতে চাহিল না। সে অভিমান-ভরে রুমালে মুখ ঢাকিয়া বসিয়া রহিল।

ডোরার পরিবর্তনসাধন আমার পক্ষে অসাধ্য। আমি সে চেষ্টা অবশেষে সম্পূর্ণ ত্যাগ করিলাম।

আমি ডোরাকে পরিপূর্ণভাবে ভালবাসিতাম, কিন্তু ভালবাসা হইতে যে তৃপ্তি ও সুখ, তাহা যেন পূর্ণ-মাত্রায় পাইতেছিলাম না।

মাঝে মাঝে মনে হইত, যদি আমার সহিত ডোরার কোন দিন পরিচয় না হইত, তাহা হইলে কি হইত? কিন্তু আমার জীবনের সহিত সে এমন অচ্ছেদ্যভাবে বিজড়িত ছিল যে, এ প্রশ্নের মীমাংসা করা অসম্ভব।

সে আমাকে প্রকৃত ভালবাসিত, আমার গৌরবে গরবিনী ছিল, তাহা আমি জানিতাম। আগ-নেস যখন তাহাকে পত্র লিখিত, এবং আমার গ্রন্থের প্রশংসায় পঞ্চমুখ হইয়া আনন্দ প্রকাশ করিত, তখন ডোরা অশ্রুপূর্ণনেত্রে, উচ্ছ্বসিত-কণ্ঠে সে পত্র পড়িয়া আমার গুনাইত।

ডাক্তারগৃহীণীর কথা—“অকর্ষিত বা শৃঙ্খলাহীন অন্তরের প্রথম আবেগ-উচ্ছ্বাসের ভ্রমাত্মক ধারণা,” সকল সময়েই আমার মনে জাগ্রত ছিল। রাত্রিকালে নিদ্রাত্যাগে সঙ্গে সঙ্গে কথাটা মনে পড়িত। স্বপ্নেও যেন আমি ঐ কথাটা পড়িতাম। কারণ, আমি জানিতাম, ডোরাকে যখন আমি ভালবাসি, তখন আমার হৃদয়ই শৃঙ্খলাযুক্ত ছিল না। তার পর যদি শৃঙ্খলা আসিয়া থাকে, আমাদের বিবাহের সময় তাহা অনুভূত হয় নাই—গোপন অভিজ্ঞতায় হৃদয় কি অনুভব করিয়াছিল, তাহারও প্রকাশ ছিল না।

পরস্পরের মনের ও আদর্শের সমতা না থাকিলে, সেরূপ বিবাহের ফল শুভ হয় না, এ কথাটাও আমি সর্বদা মনে করিতাম। আমি ডোরাকে আমার মতে পরিচালিত করিবার চেষ্টা করিয়াছি, কিন্তু কার্যতঃ তাহা হয় নাই। তাহার মতের সহিত আমি নিজেকে পরে খাপ খাওয়াইবার চেষ্টা করিয়াছি, তাহাতে যতটুকু সুখ ও শান্তি পাওয়া যায়, তাহাতেই সন্তুষ্ট থাকিতে চেষ্টা করিয়াছি। তাহার ফলে বিবাহের দ্বিতীয় বৎসর, প্রথম বৎসরের তুলনায় সুখে কাটিতেছে।

কিন্তু দ্বিতীয় বৎসরে ভোরা হুঁকর হইয়া পড়িল। আমি ভাবিয়াছিলাম, আমার অপেক্ষা মধু ও কোমল হস্ত তাহার চরিত্রের গঠনে সাহায্য করিবে, শিশুর হাত তাহার বৃকের উপর উজ্জ্বল হইয়া উঠিলে আমার কালিকা পত্নী মারীয়ে উপনীত হইবে। কিন্তু তাহা হইবার নহে। যে আত্মা মূর্ত্তের অস্ত্র তাহার ক্ষুদ্র কারাগৃহের দ্বারে ডানা ঝটপট করিল, সে ডানা মেলিয়া উড়িয়া গেল।

ডোরা বলিল, “ঠাকুরমা, আমি আবার যখন দৌড়তে পারব, আমি জিপের সঙ্গে দৌড়ব। সে বড় জখম হয়ে পড়েছে।”

পিতামহী বলিলেন, “তা ত নয় বাছা, তার যে বয়স হচ্ছে!”

ডোরা বিস্মিত হইয়া বলিল, “সে কি বুড়ো হয়ে পড়েছে? কি আশ্চর্য্য, জিপ বুড়ো হয়েছে?”

পিতামহী বলিলেন, “আমাদের সকলেই বুড়ো হবে এক দিন। আমিও বুড়ো হয়েছি।”

“কিন্তু জিপ, ছোট জিপ পর্য্যন্ত বুড়ো হয়ে পড়েছে!”

পিতামহী বলিলেন, “কিন্তু সে এখনও অনেক দিন বাঁচবে।”

ডোরা জিপকে সোফায় শোয়াইয়া দিল। তার পর তাহার গায়ে হাত দিয়া বলিল, “তাই ত, জিপও শেষে বুড়ো হয়ে গেল।”

পিতামহী বলিলেন, “তা’হলেও সে অনেক দিন বাঁচবে।”

ডোরা বলিল, “আমি কিন্তু জিপ ছাড়া অন্য কুকুর পুষবো না। অন্য কাকেও ভালবাসতে পারব না।”

পিতামহী বলিলেন, “সে ঠিক কথা।”

“লেখুন ঠাকুরমা, জিপ আমার জীবনের সঙ্গে জড়িত। আমার বিয়ের আগে থেকে সে আমার কাছে আছে। আমার জীবনের সব ঘটনা সে দেখেছে। ওকে কেউ উপেক্ষা করলে তা আমি সহ করতে পারব না। কেমন জিপ, আমি তা পারি কি?”

জিপ তাহার ঘনিষ্ঠের হাত চাটুতে লাগিল।

ডোরা বলিল, “তুমি এত বুড়ো হওনি, জিপ যে, ভোমার ঘনিষ্ঠকে ছেড়ে যাবে। আরও কিছুদিন আমরা একসঙ্গে কাটাতে পারব।”

আমার মনোমোহিনী ডোরা! ঋতবর্তী রবিবারে সে বন্ধ নীচে নামিয়া আহায়ে যোগ দিল, তখন আমাদের মনে হইল, সে সীতাই দৌড়কাঁপ করিয়া বেড়াইবে। কিন্তু সকলেই বলিল, আরও কিছুদিন অপেক্ষা কর। কিন্তু সে দৌড়ান ও দূরের কথা, হাঁটতেই পারিল না। তাহাকে খুব সুন্দর ও অত্যন্ত প্রফুল্ল দেখাইল। কিন্তু তাহার কোমল ও ক্ষুদ্র চরকসুগল জিপের পায়ে চকল আগ্রহে আর নৃত্য করিতে পারিল না।

প্রত্যহ সকালে আমি তাহাকে নীচে নামাইয়া আনিতাম। প্রতি রাত্রিতে ধরিয়া ধরিয়া উপরে লইয়া যাইতাম। সে আমার কণ্ঠলগ্ন হইয়া হাস্ত করিত। জিপ ডাকিতে ডাকিতে আমাদের সঙ্গে সঙ্গে যাইত, তার পর ঘুঁধ ফিরাইয়া দেখিত, আমরা আসিতেছি কি না।

কোন কোন দিন মনে হইত, ডোরার শরীর লক্ষ্য হইয়া পড়িতেছে। ইহাতে আমার বৃকের রক্ত স্রাবিয়া যেন তুম্বারে পরিণত হইত—বৃকের স্পন্দন শুরু হইয়া যাইত। আমি অনেক সময় টেবলের দ্বারা বসিয়া ভাবিতাম, এই অনবত্ত পুষ্প কি অকালে শুকাইয়া যাইতেছে! তারিখে ভাবিতে আমার অন্তর বিমূঢ় হইয়া পড়িত।

### উনপঞ্চাশ পরিচ্ছেদ

এক দিন সকালে ডাকযোগে কমলএ একখানি পত্র পাইলাম। সবিস্ময়ে এই পত্র পাঠ করিলাম—

“প্রিয় মহাশয়,

ঘটনার পারম্পর্য্যে, যাহার উপর আমার কোন হাত নাই, পুরাতন বন্ধুদের সহিত বিচ্ছিন্ন হইয়া পড়িয়াছি। কার্য্যব্যপদেশে, কর্তব্যের প্রেরণায় এমন বিব্রত থাকিতে হয় যে, অতীতের দৃশ্য ও ঘটনাবলী সম্বন্ধে গুঁধু চিন্তা করা ছাড়া আর কোনও উপায় থাকে না। স্মৃতির বর্ণনাগে মনের আবেগগুলি এমন অম্লরঞ্জিত হইয়া উঠে যে, বর্ণনায় তাহা ব্যক্ত করা অসম্ভব। মহাশয় বর্তমানে যেসকল উচ্চ প্রশংসা ও সম্মানের অধিকারী হইয়াছেন, তাহাতে আমার যৌবনের পরিচিত জনকে এখন কপারফিল্ড বলিয়া অভিহিত করিতে সঙ্কোচ বোধ করিতেছি। যে নামকে আমি সম্মান করি, তাহার স্মৃতি আমার মানসপটে সমুজ্জ্বল আছে, ব্যক্তিগতভাবে তাহাকে আমি বিশেষ স্নেহ করিয়া থাকি।

“এখন যে লেখনী ধারণ করিয়াছে, তাহার পক্ষে ইহা সম্ভব নহে যে, সে আপনাকে সম্বোধন করিয়া আপনার উদ্দেশ্যে শ্রদ্ধাঞ্জলি প্রদান করিতে পারে। আপনার সম্বন্ধে প্রশংসাকীর্ণন করিবার অধিকার যোগ্যতর এবং পবিত্রতর ব্যক্তির হস্তেই স্তম্ভ হওয়া সম্ভব।

“তবে যদি আপনার মনে এমন প্রশ্ন উদ্ভিত হয় যে, তবে এত কথা আমি লিখিতেছি কেন, তাহা হইলে আমি এইটুকু বলিব যে, অর্থ-সংক্রান্ত ব্যাপার লইয়া আমি আপনাকে এই পত্র লিখিতেছি না।

“আমার যোগ্যতার সম্বন্ধে কোন কথার উল্লেখ না করিয়া—আমার মধ্যে যোগ্যতার শক্তি প্রচ্ছন্ন আছে, এ কথার আভাস না দিয়া আমি এ কথা স্পষ্ট বলিতে পারি যে, আমার জীবনের উজ্জ্বলতম স্বপ্ন-সমূহ ভাবিয়া গিয়াছে। আমার মনের শান্তি, আমার আনন্দ উপভোগ করিবার শক্তি—সামুহিক সম্মুখে উন্নতিশিরে দাঁড়াইবার ক্ষমতা বিলুপ্ত

হইয়া গিয়াছে। পুষ্পে কীট প্রবেশ করিয়াছে। আমার পানপাত্র তিক্তভাগ ভরিয়া উঠিয়াছে, কীট তাহার কার্য আরম্ভ করিয়াছে, শীঘ্রই ফুল কাটদণ্ড হইয়া শুকাইয়া বরিয়া পড়িবে। যত শীঘ্র তাহা হয়, ততই মঙ্গল।

“বিচিত্র বেদনায় মানসিক অবস্থার যে পরিণতি ঘটয়াছে—মিসেস্ মিক্‌বারের সান্ত্বনা বাণীও তাহার কাছে ব্যর্থ হইয়া গিয়াছে। মাতা, পত্নী ও স্ত্রী হিসাবে তিনি আমার মানসিক অবস্থার কাছে ব্যর্থ হইয়াছেন। সেজ্ঞা ৪৮ বর্টার অবকাশ লইয়া আমি অতীব আনন্দের দৃষ্টির কাছে ফিরিয়া আসিয়াছি। কিংসবেঙ্ক কারাগারের সেই পুরাতন বাটীতে আমি আসিয়া উঠিয়াছি। আগামী কল্য এখানকার কার্য আমার শেষ হইবে।

“আমার পূর্বতন বন্ধু মিঃ কপারফিল্ড বা বন্ধু মিঃ টমাস্ ট্রাডেল্‌স্কে এই স্থানে আসিবার জ্ঞাত আমন্ত্রণ করিতেছি। তাঁহারা আসিলে আমাদের পূর্ব-বন্ধুত্বের ~~কিছু~~ উজ্জীবিত হইবে বলিয়া আশা করি। সন্ধ্যা ৭টার সময় নির্দিষ্ট স্থানে তাহার কিছু ভগ্নাবশেষ দেখিতে পাইবেন।

ততটুকু—

ভগ্নাবশেষ—

পতিত দুর্গ—

সেই উইলকিন্স মিক্‌বার।

“পুনশ্চ।—এ কথাও এখানে লিপিবদ্ধ করিতেছি যে, মিসেস্ মিক্‌বার আমার উদ্দেশ্য সম্বন্ধে কিছুই জানেন না।”

বার বার পত্রখানি পড়িলাম। মিঃ মিক্‌বারের উচ্চ শ্রেণীর ভাষায় লিখিত পত্রের অন্তরালে কোন প্রয়োজনীয় বিষয়ের উল্লেখ আছে, তাহা বুঝিলাম। কিন্তু ব্যাপারটি কি, তাহা এই পত্র পাঠে বুঝা গেল না। আমি চিন্তা করিতেছি, এমন সময় ট্রাডেল্‌স্ আসিয়া উপস্থিত হইল।

আমি বলিলাম, “ভাই, তোমায় দেখে আমি সত্যি ভারী খুসী হয়েছি। এ সময়ে তোমার ধীর বুদ্ধির সাহায্যের বিশেষ প্রয়োজন আছে। আমি মিঃ মিক্‌বারের নিকট হতে একখানা বিচিত্র চিঠি পেয়েছি।”

“আমিও মিসেস্ মিক্‌বারের কাছ থেকে একখানা পত্র পেয়েছি।”

মিসেস্ মিক্‌বারের পত্র সে আমায় পড়িতে দিল।

“মিঃ টমাস্ ট্রাডেল্‌স্ যদি এখনও আমার কথা মনে করিয়া রাখিয়া থাকেন, তাহা হইলে আমার এই পত্রখানা তিনি পড়িবেন।

“মিঃ মিক্‌বারের ব্যবহারে বিশেষ পরিবর্তন দেখা দিয়াছে। এমন কি, তিনি ক্রোধপ্রবণ হইয়াও উঠিয়াছেন। রোজই তাঁহার সহিত কলহ বাধিয়া থাকে। কিছুদিন হইতে তিনি রহস্যময় হইয়া উঠিয়াছেন—তাঁহার চরিত্রে গোপনতা প্রবেশ করিয়াছে। সামান্য ব্যাপারে তিনি বিচ্ছেদের কথা বলিয়া

থাকেন। কাল রাত্রিতে ছেলেরেরা একটা জিনিস খাইতে চাহিয়াছিল বলিয়া তিনি ছুরী তুলিয়াছিলেন।

“মিঃ টি, ব্যাপারটা একটু তলাইয়া বুঝিবার চেষ্টা করিবেন। তিনি আমার হুঃসময় অবস্থার কথা প্রণিধান করিবেন।

“মিঃ মিক্‌বার লগুনে যাইতেছেন। যদিও তিনি আমার কাছে লুকাইবার চেষ্টা করিয়াছিলেন, কিন্তু আমি বাস্তব উপর শিরোনামা ও ঠিকানা দেখিয়া ফেলিয়াছি। মিঃ টি আমার স্বামীর সহিত দেখা করিয়া বুঝাইতে চেষ্টা করিলে আনন্দিত হইব।

“মিঃ কপারফিল্ড যদি অজ্ঞাতমুখের নাম মনে করিয়া রাখিয়া থাকেন, তাঁহাকে আমার শ্রদ্ধা নিবেদন করিবেন। যাহাই হউক, আমার এই পত্র গোপন রাখিবেন। মিঃ মিক্‌বার যেন এই পত্রের কথা জানিতে না পারেন।

ইমা মিক্‌বার।”

ট্রাডেল্‌স্ আমার পত্র পড়িয়াছিল। আমিও তাহার পত্র পড়িলাম। তার পর ট্রাডেল্‌স্ বলিল, “চিঠি প’ড়ে কি মনে হচ্ছে?”

আমি বলিলাম, “ওখানা প’ড়ে তোমার কি মনে হ’ল?”

ট্রাডেল্‌স্ বলিল, “দু’খানা পত্র মিলিয়ে পড়লে মনে হয়, তাঁরা যা বলতে চেয়েছেন, তার চেয়ে বেশী জিনিস ওতে আছে। কিন্তু কি, তা বোঝা যাচ্ছে না। যা হোক, মিসেস্ মিক্‌বারকে চিঠি লেখা যাক যে, আমরা মিঃ মিক্‌বারের সঙ্গে নিশ্চয় দেখা করবো।”

যাহা হউক, আমি মিসেস্ মিক্‌বারকে সান্ত্বনা দিয়া একখানা পত্র লিখিলাম। তাহাতে উভয়ে স্বাক্ষর করিলাম।

তার পর উভয়ে নির্দিষ্ট স্থানে মিঃ মিক্‌বারের সহিত সাক্ষাৎ করিতে গেলাম।

অভিনন্দন উভয় পক্ষের শেষ হইলে মিঃ মিক্‌বার বলিলেন, “আপনারা প্রয়োজনের সময় বন্ধু, সে জ্ঞাত আপনারাই প্রকৃত বন্ধু। প্রথমতঃ জিজ্ঞাসা করুছি, মিসেস্ কপারফিল্ড কেমন আছেন? মিঃ ট্রাডেল্‌স্ ত এখনও পত্নী গ্রহণ করেন নি।”

আমরা যথাযোগ্য উত্তর দিলাম। বলিলাম, পূর্বের স্মরণে তিনি যেন আমাদের সঙ্গে ব্যবহার করেন। বাহিরের শিষ্টাচারের প্রয়োজন নাই।

“প্রিয় কপারফিল্ড, তোমার আন্তরিকতা প্রশংসনীয়, আমি অভিভূত হয়ে পড়েছি। যে লোক দুর্গের শিখরের মত মাথা খাড়া করেছিল, আজ তার পতন হয়েছে।”

আমি বলিলাম যে, মিসেস্ মিক্‌বার নিশ্চয় ভাল আছেন?

তাঁহার আনন মুহূর্তের জ্ঞাত ছায়াচ্ছন্ন হইল। তিনি বলিলেন, “ধন্যবাদ। তিনি অমনি একরকম আছেন।



কল্পণ, কথা বলতে বলতে আমার ছুঁকলতা যদি প্রকাশ পায়, তোমরা আমায় মার্জনা করো।”

ট্রাডেলস্ বলিল, “আপনার মনটা আজ ভাল নেই দেখছি।”

“সে কথা সত্য।”

আমি বলিলাম, “আমাদের বন্ধু হিপ্ কেমন আছে?”

বিবর্ণ-মুখে উত্তেজিত-কণ্ঠে তিনি বলিলেন, “তুমি যদি এ কথা বল যে, আমার নিয়োগকারীকে বন্ধু ব’লে উল্লেখ করেছ, তা হ’লে সে জন্ত আমি দুঃখিত। তুমি যদি তাকে আমার বন্ধু বল, তা হ’লে আমি বিক্রপের হাসি হাসব। সে যাই হোক, আমার চাকরীদাতার স্বাস্থ্য যেমনই থাক, সে শেয়ালের তায় ধূর্ত, শয়তান, এ কথাটা নাই বললাম। সে আমাকে চাকরীর ক্ষেত্রে যে অবস্থায় এনে ফেলেছে, তাতে তার কথা আলোচনা করবার বাসনা আমার মোটেই নেই।”

আমি বলিলাম, “মিঃ ও মিস্ উইকফিল্ড কেমন আছেন?”

“মিস্ উইকফিল্ড? আগের মতই তিনি আছেন— যেমন উজ্জ্বল, তেমনই মধুর। কপারফিল্ড, আমার অভিশপ্ত জীবনে তিনিই একমাত্র আলোকিত নক্ষত্র। আমি তাঁকে শ্রদ্ধা করি, সম্মান করি, ভক্তি করি। পিতার প্রতি তিনি ভক্তিমতী। সত্যে তিনি অবিচলিতা, প্রেমে তাঁর হৃদয় পূর্ণ। এমন মহিমময়ী আমি আর কাকেও দেখিনি।”

আমরা মিঃ মিক্‌বারকে লইয়া সরু রাস্তার মধ্যে গেলাম। সেখানে তিনি পকেট হইতে রুমাল বাহির করিয়া দেওয়ালের দিকে মুখ ফিরাইয়া দাঁড়াইলেন।

মিঃ মিক্‌বার বলিলেন, “আমার অদৃষ্ট, ভদ্রমহোদয়গণ, এটা আমার অদৃষ্ট যে, অন্তরের স্মৃতিগুলি আমার পরিহাসের কারণ হয়ে দাঁড়িয়েছে—তিরস্কারস্বরূপ হয়েছে। মিঃ উইকফিল্ডের প্রতি আমার এই শ্রদ্ধাবুদ্ধি আমার বুকে তীর বিদ্ধ করছে। আমাকে ভবঘুরের মত পৃথিবীতে চলতে যদি দাও, সে তোমাদের ইচ্ছে। কাঁট অতি নীড়্রই আমার সব শেষ ক’রে দেবে।”

আমি মিঃ মিক্‌বারকে বলিলাম যে, তিনি যদি আমার সঙ্গে হাইগেটে যান, ঠাকুরমার সঙ্গে তাঁর পরিচয় করাইয়া দিব এবং শয়নের শয্যাও মিলিবে।

তিনি বলিলেন, “যা তোমাদের ইচ্ছে হয়, আমাকে নিয়ে করতে পার। আমি সমুদ্র-তরঙ্গে প’ড়ে হাবুডুবু খাচ্ছি।”

আমরা গাড়া চড়িয়া হাইগেটে পৌঁছলাম। ট্রাডেলস্ ও আমি ভাবিয়া পাইতেছিলাম না, আমরা কি করিব। মিঃ মিক্‌বার অত্যন্ত বিষণ্ণভাবে রহিলেন। যদিও তিনি মাঝে মাঝে প্রফুল্ল হইবার চেষ্টা করিতেছিলেন, কিন্তু প্রকৃত-প্রস্তাবে তাহাতে তাঁহার বিষণ্ণতা আরও বাড়িতেছিল।

আমার বাসায় না গিয়া মিঃ মিক্‌বারকে লইয়া পিতামহীর বাসায় গেলাম। আমার বাড়ীতে গেলাম না, তাহার

কারণ, ডোরার অসুস্থতা। পিতামহী মিঃ মিক্‌বারকে অভ্যর্থনা করিয়া বসাইলেন।

মিঃ ডিক্‌ বাড়াতেই ছিলেন। তিনি মিঃ মিক্‌বারের সহিত বিশেষ আনন্দের সহিত করকম্পন করিলেন। উভয়ের মধ্যে অল্পক্ষণেই বেশ হৃদয়তা জন্মিল।

মিঃ ডিক্‌ মিঃ মিক্‌বারকে বলিলেন, “আপনার মনের অবস্থা এখন কি রকম?”

মিঃ মিক্‌বার দীর্ঘশ্বাস ফেলিয়া বলিলেন, “তেমন ভাল নয়।”

মিঃ ডিক্‌ বলিলেন, “আপনার মন ভাল রাখুন, প্রফুল্ল হন।”

মিঃ মিক্‌বার এরূপ সাদর ব্যবহারে বিচলিত হইলেন, বলিলেন, “আমার এই জীবন-মরুভূমিতে মাঝে মাঝে কল্লোছান জুটে যায়। কিন্তু আজ যে রকম তৃপ্তামল উত্থান পেলাম, এমন কখনও হয় নি।”

অগ্রসর হইলে হয় ত মিঃ মিক্‌বারের এই কথায় অত্যন্ত কৌতুক অনুভব করিতাম; কিন্তু আজ তাঁহার মনের ভাব দেখিয়া উৎকণ্ঠিত হইয়াছিলাম। ভাবে বোধ হইতেছিল, তিনি কোন কথা বলিতে চাহিতেছেন, কিন্তু পারিতেছেন না। ট্রাডেলস্ তীক্ষ্ণদৃষ্টি মেলিয়া চাহিয়াছিল। পিতামহী নিবিষ্টভাবে মিঃ মিক্‌বারকে দেখিতেছিলেন।

ঠাকুরমা বলিলেন, “আপনি আমার এই নাতিটির অনেক দিনের বন্ধু, মিঃ মিক্‌বার। এর আগে আপনার দেখা পেলে আমি খুসী হতুম।”

মিঃ মিক্‌বার বলিলেন, “ম্যাডাম, আপনার সঙ্গে আরও আগে পরিচয়ের সন্মোগ ঘটলে আমিও ভাগ্য ব’লে মানতাম। এখন আমাকে যে রকম দেখছেন, আগে তা ছিলাম না।”

ঠাকুরমা বলিলেন, “আশা করি, আপনার স্ত্রী ও ছেলেমেয়েরা ভাল আছে।”

ঘাড় বাঁকাইয়া মিঃ মিক্‌বার বলিলেন, “ম্যাডাম, ষারা জাতিচ্যুত, তারা যেমন ভাল থাকে, সেই রকম ভাল আছে।”

পিতামহী তাড়াতাড়ি বলিয়া উঠিলেন, “ভগবান আপনার মঙ্গল করুন, কিন্তু এ আপনি কি বলছেন?”

মিঃ মিক্‌বার বলিলেন, “আমার পরিবারবর্গের ভাগ্য দাড়িপাল্লায় ওজন হচ্ছে। আমার চাকরীদাতা—”

সহসা তিনি থামিয়া গেলেন।

মিঃ ডিক্‌ যেন তাঁহাকে স্মরণ করাইয়া দিবার জন্ত বলিলেন, “আপনার চাকরীদাতাকে আপনি জানেন?”

মিঃ মিক্‌বার বলিলেন, “মশাই, আপনি কথাটা মনে করিয়ে দিবে ভাল করেছেন। এজন্য আমি আপনার কাছে কৃতজ্ঞ।

ম্যাডাম, আমার চাকরীদাতা মিঃ হিপ্ একবার অনুগ্রহ ক’রে বলেছিলেন, তাঁর সঙ্গে কাজের যে সর্ভ আছে, তা আমি যদি পালন করতে না পারি, তা হ’লে জলবাতাস খেয়েই আমার ছেলেমেয়েদের থাকতে হবে।”

মিঃ ডিক্‌ বলিলেন, “আপনার চাকরীদাতা মিঃ হিপ্ একবার অনুগ্রহ ক’রে বলেছিলেন, তাঁর সঙ্গে কাজের যে সর্ভ আছে, তা আমি যদি পালন করতে না পারি, তা হ’লে জলবাতাস খেয়েই আমার ছেলেমেয়েদের থাকতে হবে।”

মিঃ ডিক্‌ বলিলেন, “আপনার চাকরীদাতা মিঃ হিপ্ একবার অনুগ্রহ ক’রে বলেছিলেন, তাঁর সঙ্গে কাজের যে সর্ভ আছে, তা আমি যদি পালন করতে না পারি, তা হ’লে জলবাতাস খেয়েই আমার ছেলেমেয়েদের থাকতে হবে।”

বুলিলাম, মিঃ মিক্‌বারকে চাপ না দিলে কোন কথা তিনি আপনা হইতে বলিবেন না। তাই আমি বলিলাম, “মিঃ মিক্‌বার, কি ব্যাপার, খোলসা ক’রে বলুন। এখানে সকলেই বলুজনা।”

মিঃ মিক্‌বার বলিলেন, “কি হয়েছে বলছ? কি হয়নি, তাই বল? আগাগোড়া বজ্জাতি; নীচতা, প্রতারণা, জোচ্চ রি, বড়বড়—এই হচ্ছে ব্যাপার। আর তার মূল্য—একটা নাম—হিপ।”

পিতামহী করতালি দিয়া উঠিলেন। আমরা সকলেই বেন কুতাবিষ্টের মত চমকিয়া উঠিলাম।

মিঃ মিক্‌বার পুনঃ পুনঃ বাহর তাড়নায় বেন জলনিমগ্ন ব্যক্তির ছায় নিশ্বাস গ্রহণের চেষ্টা করিয়া বলিলেন, “বুদ্ধ—সংগ্রাম শেষ হয়ে গেছে। এ রকম জীবন আমি চালাতে পারব না। জীবনকে কোন রকমে চালাবার যা কিছু প্রয়োজন, আমি সব থেকে বঞ্চিত হয়েছি। শয়তানের কাছে চাকরী নিয়ে আমি মস্তমুগ্ধ হয়েই ছিলাম। আমার স্ত্রীকে সবাই কিরিয়ে দাও; আমার ছেলেমেয়েদের কিরিয়ে দাও, সেই হতভাগা, যে মিক্‌বারের নামে, মিক্‌বারের বেশে ঘুরে বেড়াচ্ছে, তাকে কিরিয়ে আনো। তার পর কাল অকালে তরবারি গিলতে বললেও আমি পেছাবো না। বেশ ক্ষুধিত হয়েই তা গিলে ফেলবো।”

কোনও পুরুষকে আমি জীবনে এমন উত্তেজিত হইতে দেখি নাই। আমি মিঃ মিক্‌বারকে শান্ত হইতে অনুরোধ করিলাম। কিন্তু তিনি ক্রমশই আরও উত্তেজিত হইতে লাগিলেন।

তিনি বলিলেন, “যতক্ষণ সেই ঘৃণিত সাপের মত খল হিপকে চূর্ণ করতে না পারছি, আমি কোন মানুষের হাত স্পর্শ করবো না। সেই বদমাস, পাজী হিপের মাথার উপর বিশ্ববিস্বাসের অগ্ন্যুৎপাত না ক’রে কারও বাড়ীতে জলপ্রক্ষেপ করবো না। মিথ্যাবাদী, ভণ্ড, প্রতারক হিপের কণ্ঠ রোধ না ক’রে, চোখ উপড়ে না দিয়ে আমি এ বাড়ীর সুরাও গলা দিয়ে নামতে দেবো না। জুয়াচোর জালিয়াৎ হিপের সমস্ত দেহ অণুপরমাণুতে পরিণত না হওয়া পর্যন্ত আমি কারও গৃহে বাস করবো না, কারও সঙ্গে কথা বলবো না।”

সত্যই আমার আশঙ্কা হইল, মিঃ মিক্‌বার উত্তেজনার আভির্ভাষে এখনই মারা না যান! হিপের নামোচ্চারণের সময় মিঃ মিক্‌বার যে রকম উত্তেজনা প্রকাশ করিতেছিলেন, তাহাতে সেইরূপই আশঙ্কা হইল।

তিনি বলিলেন, “না, কপারফিল্ড, যতক্ষণ পর্যন্ত মিস্ উইলকিন্সের প্রতি ভীষণ অজ্ঞানের প্রতীকার না হচ্ছে, কারও সঙ্গে আমি সংগ্রহ রাখবো না। পাণ্ডা, বদমাস হিপ, তাঁর সর্বনাশ করেছে। গুপ্ত কথা আমি প্রকাশ করবো—সমস্ত জগৎকে শোনাযাবে। আজ

বেকে এক সপ্তাহ পরে, এই দিনে প্রাতরাশের সময় সকলের সামনে সব কথা জানাব। আজ এখানে ধারা উপস্থিত আছেন, আর ঠাকুরমা, মিঃ ডিক্‌সবাই উপস্থিত থাকবেন। আজ আর নয়। বিশ্বাসঘাতক হিপের শ্রাদ্ধ সে দিন হবে।”

বলিতে বলিতে মিঃ মিক্‌বার “ভীরকং” বেগে উঠিয়া বাহির হইয়া গেলেন। আমরা সকলেই উত্তেজিত হইয়া রহিলাম। আমরা অনেকক্ষণ ধরিয়া এ বিষয়ের আলোচনা করিতেছি, এমন সময় হোটেলের এক জন পত্রবাহক একখানা চিঠি লইয়া আসিল। তাহাতে লিখিত ছিল—  
“বিশেষ গোপনীয়।”

“প্রিয় মহাশয়,

“আমি উত্তেজনার আভির্ভাষে আপনার পিতামহীর কাছে বিদায় লইয়া আসিতে পারি নাই, আমার সে অপরাধ ক্ষমা করিবেন। বহুদিন হইতে ধরে এই আঙুন চাপিয়া রাখিয়াছিলাম, আজ তাহার লাভ-প্রবাহ প্রবল উচ্চমে বাহির হইয়া পড়িয়াছে।

“আশা করি, আমি যে প্রস্তাব করিয়াছি, তাহা আপনারা বুঝিতে পারিয়াছেন। যে বাড়ীতে—কাটাঘর বেরীর যে হোটেল মিসেস্ মিক্‌বারের সহিত আপনি আমাদের স্ত্রীতির সম্মেলনে সান গাহিয়াছিলেন, সেইখানে প্রাতরাশের সময় আজ হইতে এক সপ্তাহ পরে এমনই দিনে সকলে মিলিত হইব।

“কর্তব্যপালনের পর আমি আর ইহজগতে মুখ দেখাইব না। ইতি

উইলকিন্স্ মিক্‌বার।”

## পঞ্চাশৎ পরিচ্ছেদ

মার্থার সহিত দেখা হইবার পর কয়েক মাস চলিয়া গিয়াছে। তাহার পর আর তাহার সহিত আমার দেখা হয় নাই; কিন্তু মিঃ পেগটার সহিত সে কয়েকবার পত্র-ব্যবহার করিয়াছিল। কিন্তু প্রাপণ চেষ্টা সত্ত্বেও এমিলির কোনও সংবাদ এ যাবৎ পাওয়া যায় নাই। সত্য বলিতে কি, তাহার সম্বন্ধে আমি হতাশ হইয়া পড়িয়াছিলাম। মনে দৃঢ় প্রতীতি হইয়াছিল যে, সে বাঁচিয়া নাই।

কিন্তু মিঃ পেগটার ধারণা পরিবর্তিত হয় নাই। তাহার দৃঢ় বিশ্বাস ছিল, এমিলিকে আবার পাওয়া যাইবে। তাহার বৈধ অসাধারণ, এতটুকু স্নানি সে অস্বস্তি করিত না। অন্ধকার বড়-বুড়িভরা রাত্রিতে সে ১০৬০ নাইল ঘুরিয়া আসিত। নেপল্‌সে সে গিয়াছিল, সেখানে সন্ধান লইয়াছিল। এমিলির অল্প অর্থ-সকরের দিকেও তাহার প্রথম দৃষ্টি ছিল। তাহার দৃঢ়তা, পরিশ্রমসহিততা ও ধৈর্য-নিষ্ঠা দেখিয়া আমি বিস্ময়ে অভিভূত হইতাম।

বিবাহের পর জোরা তাহাকে আরই দেখিতে পাইত। সে এই বৃদ্ধের প্রতি আকৃষ্ট হইয়া পড়িয়াছিল।

এক দিন অপরাহ্নে মিঃ পেসটা আমাকে বলিল যে, মার্খার সহিত তাহার দেখা হইয়াছিল। সে তাহাকে বলিয়াছে যে, মিঃ পেসটা যেন এখন কোনমতেই লণ্ডন ছাড়িয়া অন্তর না যায়।

আমি বলিলাম, “কেম সে এ কথা বলিয়াছে, তা জিজ্ঞাসা করেছিলে?”

“করেছিলাম, মাষ্টার ভেডি, কিন্তু কথা সে অল্প ব’লে থাকে, কাজেই বিশেষ কিছু সে ভাঙেনি।”

“কখন আবার তার সঙ্গে তোমার দেখা হবে, সে কথা বলেছে?”

“না মাষ্টার ভেডি। আমি জিজ্ঞাসা করেছিলাম, কিন্তু তাও সে বলেমি।”

উক্ত ঘটনার একপক্ষকাল পরে, আমি একা বাগানে বেড়াইতেছিলাম। সে দিনের কথা আমার বেশ মনে আছে। সমস্ত দিন বৃষ্টি হইয়া গিয়াছিল, বাতাস তখন ভারাক্রান্ত। আকাশে তখনও মেঘ ছিল, তবে বৃষ্টি পড়িতেছিল না। আমি বাগানে বেড়াইতে বেড়াইতে মাঝে মাঝে পথের দিকে দৃষ্টিপাত করিতেছিলাম। সহসা দেখিলাম, একটি নারীমূর্তি আমার দিকে আসিতেছে এবং গতছানি দিয়া আমাকে আহ্বান করিতেছে।

তাহার দিকে অগ্রসর হইয়া বলিলাম, “মার্খা, তুমি!”

উত্তেজিত হইয়া সে আমাকে বলিল, “আপনি আমার সঙ্গে আসবেন? তাঁর কাছে গিয়েছিলাম, তিনি বাড়ী নেই। আমি পত্র লিখে রেখে এসেছি—কোথায় যেতে হবে, সে ঠিকানাও দিবে। শুন্লাম, বেকিংফর্ড তিনি বাইরে থাকবেন না। খবর আছে। আপনি এখনই আসতে পারেন কি?”

আমি তৎক্ষণাৎ বাহিরে আসিলাম। একখানা খালি গাড়ী বাইতেছিল, আমি মার্খাকে তাহাতে উঠিতে বলিলাম, আমিও উঠিলাম। গাড়ী কোথায় বাইবে জিজ্ঞাসা করায় মার্খা বলিল, গোল্ডন স্কোয়ারে যেখানে ইউক নামাইয়া দিবে। কিন্তু খুব তাড়াতাড়ি গাড়ী হাঁকাইতে বলিল।

সে গাড়ীর এক পাশে নীরবে বসিয়া রহিল। জিজ্ঞাসা করিয়াও কোনও উত্তর পাইলাম না। আমিও বেশী পীড়া-পীড়ি করিলাম না। তখন সম্ভাবনা ও আশঙ্কায় আমার বৃক্কের মধ্যে তুমুল আলোড়ন চলিতেছিল।

নির্দিষ্ট স্থানে পৌঁছিয়া গাড়ী হইতে নামিলাম। গাড়োয়ানকে তথায় প্রতীক্ষা করিতে বলিলাম, কারণ, যদি কোনও বিষয়ে প্রয়োজন হয়। মার্খা আমার হাত ধরিয়া ক্রমশঃ উত্তরে সন্মুখের একটা গলির মধ্যে প্রবেশ করিল। পরীটি দরিদ্রদিগের আবাসস্থান। একটা কাড়ীর দরজা

খোলা ছিল, মার্খা তন্মধ্যে প্রবেশ করিয়া আমাকে পশ্চাতে আসিতে অনুরোধ করিল।

বাড়ীটির সকল ঘরেই লোক দেখিলাম। সিঁড়িতে অনেক লোকের সঙ্গে দেখা হইল। সিঁড়ি দিয়া উঠিবার সময় দেখিলাম, আমাদের আগে আগে আর এক নারীমূর্তি উঠিতেছে, কিন্তু মূর্তি কাহার, দেখিতে পাইলাম না। উপর-তলে উঠিয়া দেখিলাম, সেই নারীমূর্তি একটি ঘরের দরজার হাতল ঘুরাইয়া ভিতরে প্রবেশ করিল।

ফিস্ ফিস্ করিয়া মার্খা বলিল, “এ কি! মেয়েমানুষটি আমার ঘরে ঢুকল কেন? ওকে ত আমি চিনি না।”

আমি চিনিতে পারিয়াছিলাম। তিনি মিস্ ডার্টল।

আমি বলিলাম যে, এই মহিলাটিকে আমি চিনি। কথা বলিতেছি, এমন সময় ঘরের মধ্যে তাহার কণ্ঠস্বর শুনিলাম। কিন্তু কথা বুঝিতে পারিলাম না। মার্খা আমাকে লইয়া উপরে উঠিয়া একটা পাশের দরজা খুলিয়া আর একটি ছোট ঘরে লইয়া গেল। সেই ঘর হইতে অপর ঘরে যাইবার দরজা আছে। এখান হইতে মিস্ ডার্টলকে দেখা যাইতেছিল না।

কিছুক্ষণ নিঃশব্দে কাটিল। তার পর মিস্ ডার্টলের কণ্ঠস্বর শোনা গেল। তিনি বলিতেছিলেন—কণ্ঠস্বরে গর্ভের ব্যঞ্জনা—“সে বাড়ী আছে কি না, তা জানবার দরকার নেই। আমি তোমাকে দেখতেই এসেছি।”

কোমলকণ্ঠে উত্তর হইল, “আমাকে?”

আমার সমস্ত দেহ সে কণ্ঠস্বরে চমকিয়া উঠিল। আমার দেহের মধ্যে সে ধ্বনির প্রবাহ যেন বহিয়া চলিল। সে কণ্ঠস্বর এমিলির।

মিস্ ডার্টল বলিলেন, “হ্যাঁ, আমি তোমাকেই দেখতে এসেছি। কি? যে এমন ব্যাপার করেছে, তার মুখ দেখাতে লজ্জা করছে না?”

তাঁহার কণ্ঠস্বরে যেন ঘৃণা-মূর্ত্ত হইয়া উঠিল।

“হ্যাঁ, জেম্‌স্‌ ট্রিয়ারকোর্থ যার জন্ত পাপল হয়েছিল, তাকে দেখতে এসেছি। দেশের সকল লোকের মুখে যার কথা, সেই মেয়ে—যে গৃহত্যাগ ক’রে পালিয়েছিল, তাকেই দেখবার জন্ত এসেছি। আমি জানতে চাই, কি রকম ঘরে সে!”

বস্ত্রের বস্তুধ্বংস ধ্বনি শুনিলাম। যোধ হইল, এমিলি ঘর হইতে পলায়নের চেষ্টায় দরজার দিকে ধাবিত হইয়াছিল, মিস্ ডার্টল তাহাকে বাধা দিলেন।

মিস্ ডার্টল স্বরন কথা কহিলেন, বোধ হইল, তিনি দাঁতে দাঁত খসিতেছেন।

“দাঁড়াও ওখানে। নইলে বাড়ীর সকলের কাছে তোমার গুণের কথা প্রকাশ ক’রে দেব। পথে পথে তোমার কীটিক কথা ঘোষণা করব! আমাকে এড়াতে গেলে তোমার বাধা দেব। চুলের মূর্ত্তি ধরে আরব। বাড়ীর ইটপাথরগুলো পর্যন্ত তোমার বিরুদ্ধাচরণ করবে!”



আমি তখন কি করিব ভাবিয়া পাইলাম না। এই আলোচনা বন্ধ করার জন্ত আমি ব্যস্ত হইলেও সেখানে আমার বাইবার কোন অধিকার ছিল না। মিঃ পেগটী ছাড়া কেহ তাহাকে রক্ষা করিতে পারে না। সে কি আসিবে না? আমি অধীর হইয়া উঠিলাম।

স্বপ্নভরে কাসিয়া রোজা ডার্টল বলিলেন, “এইবার দেখা পেলাম! এই মেয়ের লজ্জার ভাণ; নত শিরের মোহে পুরুষটা ভুলেছিল কি করে?”

এমিলি বলিল, “ভগবানের দোহাই, আমাকে রেহাই দিন! আপনি যেই হোন, আমার দুঃখের অবস্থার কথা আপনি হয় ত জানেন। যদি আপনি রেহাই পেতে চান, আমাকে রেহাই দিন।”

“আমি রেহাই পেতে যদি চাই! তোমাতে আমাতে মিল কোথায়?”

“কিছু মিল নেই, শুধু উভয়েই নারী।”

এমিলি কাঁদিতে লাগিল।

রোজা ডার্টল বলিলেন, “যে পতিতা, সে এই নারীদের দাবী করে? তুমি আমাদের জাতের গৌরব বাড়িয়ে দিয়েছ।”

এমিলি বলিল, “এ অপমান আমার প্রাপ্য। কিন্তু তবু ভয়ানক! ওগো ভদ্রমহিলা! আপনি ভেবে দেখুন, আমি কি কষ্ট পেয়েছি! কেমন করে আমি ধূলয় লুটিয়ে পড়েছি! মার্শা এস। বাড়ী, বাড়ী!”

মিস্ ডার্টল একথানা আসনে বসিয়া পড়িলেন। আমি তাঁহার মূর্ত্তি এখন দেখিতে পাইতেছিলাম। তাঁহার ওষ্ঠাধর স্মৃতিত, স্বপ্না ও বিষয় তাহাতে মূর্ত্ত হইয়া উঠিয়াছে।

তিনি বলিলেন, “আমি যা বলি, তা শোন! যারা তোমাতে মজতে চায়, তাদের জন্ত তোমার নষ্টামি রেখে দাও। তোমার কান্না দেখে আমি ভুলব ভেবেছ? হাসি দেখিয়ে তোমার দাসকে ভুলিয়েছিলে, কান্না দেখিয়ে আমার ভোলাবে?”

এমিলি আর্ন্তকণ্ঠে বলিল, “একটু দয়া করুন। নইলে আমি পাগল হয়ে ম’রে যাব!”

“তাতে মহাপাপের প্রায়শ্চিত্ত হবে না। তুমি কি করেছ জান? বাড়ী শ্রমশান করে দিয়েছ, তা জান?”

এমিলি কাতরকণ্ঠে বলিল, “এমন রাত এমন দিন ছিল না, যখন আমি এ কথা ভাবিনি।”

এমিলির নতজানু মূর্ত্তি এখন আমি দেখিতে পাইতেছিলাম। “এমন সময় ছিল না। যখন না আমি এ কথা ভেবেছি—যুমিয়ে জেগে, সব সময়েই ভেবেছি “বাড়ীর কথা, আমার বড় আদরের মামার কথা সবই ভেবে দেখেছি। ভালপথ থেকে প’ড়ে গিয়ে আমার মনে কি অমৃত্যুপ জেগেছে, মামা, তুমি তা বুঝতে পারবে না। পৃথিবীতে এখন আমার কোন স্মৃতি নেই। সকলেই আমার কত ভালবাসত!”

রোজা ডার্টল অবিচলিতভাবে তাহার দিকে চাহিয়া রহিলেন। তাঁহার ওষ্ঠে ওষ্ঠ সন্মিলিত। অতি দৃঢ়তা সহকারে তিনি আপনাকে সংযত করিয়া রাখিয়াছিলেন। হায়! এখনও কি মিঃ পেগটী আসিবে না?

রোজা ডার্টল বলিলেন, “এই সকল মাটির পোকের আবার দস্ত দেখ। তোমার বাড়ী? তুমি কি ভাবছ যে, তোমার বাড়ীর কথা আমি ভাবছিলাম—একবারও সে দিক দিয়ে চিন্তা করে দেখেছি? সেই হীন বাড়ীর তুমি কি ক্ষতি করতে পেরেছ? তার দাম কি? তোমার বাড়ী! তুমি তোমার বাড়ীর লোকের টাকা রোজগারের বস্ত। তারা অল্প জিনিষ যেমন বেচে ফেলে, তোমাকেও টাকার জন্ত সেই রকম বেচে দিয়েছে!”

এমিলি বলিল, “ও কথা বলবেন না। আমাকে যা ইচ্ছে বলতে পারেন, কিন্তু আমার বাড়ীর লোকদের বিষয় ও কথা বলবেন না। তারা আপনার মতই সজ্জন। তাদের প্রতি একটু শ্রদ্ধা দেখাবেন। আপনি ভদ্রমহিলা, সে কথা ভুলবেন না।”

“আমি তার—সেই পুরুষের বাড়ীর কথা বলছি। যেখানে আমি থাকি। ভদ্রমহিলা মাতা ও ভদ্রসন্তান পুত্রের মাঝে বিচ্ছেদ ঘটে গেছে। সে বাড়ীতে তোমার মত মেয়ে রান্নাঘরের চাকরাণীর কাজেরও যোগ্য নয়। রাগ করে, মাথা খুঁড়ে মরলেও সে বাড়ীতে তোমার প্রবেশাধিকার হ’ত না। সমুদ্রধার থেকে তোমাকে তুলে আবার কয়েক ঘণ্টা পরে সেখানেই ফেলে দিয়েছে।”

এমিলি উভয় কর মুক্ত করিয়া বলিল, “সে যখন আমার পথে এসে পড়েনি, তখন আমি আপনার মত যে কোন ভদ্রমহিলার মতই ধর্মপরায়ণা ছিলাম, পরিত্র ছিলাম। যার সঙ্গে আমার বিয়ে হবার কথা ছিল, তাঁর সঙ্গে আপনার মত ভদ্রমহিলার বিয়ে হওয়া অসম্ভব ছিল না। আমি নিজেকে বাঁচাবার জন্ত নিজের পক্ষে কোন কথা বলব না, কিন্তু সেই ভদ্রলোকটি আমাকে প্রতারিত করার জন্ত কি চেষ্টাই না করেছিলেন। আমি তাঁর কথা বিশ্বাস করেছিলাম, তাঁর উপর নির্ভর করেছিলাম, ভালও বেসেছিলাম। সে কথা তিনি জানতেন। মরবার সময় সে কথা তাঁকে স্বীকারও করতে হবে।”

রোজা ডার্টল আসন ত্যাগ করিয়া লাকাইয়া উঠিলেন। তাহাকে আঘাত করিতে গেলেন, কিন্তু সে আঘাত বাতাসে গিয়া পড়িল। আমি বাধা দিতে যাইতেছিলাম। দেখিলাম, তাঁহার আননে কি ভীষণ স্বপ্না ও বিষয়! আমি এমন দৃষ্ট কখনও দেখি নাই।

তিনি হস্ত মুষ্টিবদ্ধ করিয়া দাঁতে দাঁতে চাপিয়া বলিলেন, “তুমি তাকে ভালবাস? তুমি?”

এমিলি আমার দৃষ্টি-পথ হইতে সরিয়া দাঁড়াইয়াছিল। কোন উত্তর সে দিল না।

“আবার সে কথা আমার সামনে বলছ? এই সব জীবকে কেন বেত মারা হয় না? আমার যদি ক্ষমতা থাকত, বেত মেরে ওকে মেরে ফেলতাম।”

তিনি তাকা পারেন, আমি তাহা বিশ্বাস করি।

তার পর ধীরে ধীরে তিনি হাসিয়া উঠিলেন। তার পর এমিলির দিকে এমনভাবে অঙ্গুলি নির্দেশ করিলেন যে, মানুষ ও ভগবানের কাছে সে যেন একটা পাপের প্রতিচ্ছবি।

“ও আবার ভালবাসতে পারে! ঐ বেস্তার জন্ত তার মনে ভালবাসা জেগেছিল, আমার মুখের সামনে এই মেয়ে-মানুষটা সে কথা বলছে! হা! হা! কি মিথ্যাবাদী এই ব্যবসায়ীরা!”

তাঁহার প্রকাশ্য ক্রোধ অপেক্ষা বিদ্রূপ আরও ভয়ঙ্কর। আমি তাঁহার ক্রোধকে যত ভয় করি, তদপেক্ষা তাঁহার বিদ্রূপকে আমার বেশী ভয়। মিস্ ডার্টল কিন্তু তাঁহার বিদ্রূপগতির বেগ সংবরণ করিয়া লইলেন।

তিনি বলিলেন, “ওগো প্রেমের—পবিত্র প্রণয়ের নিকার! আমি তোমাকে দেখতে এসেছি; আর তোমায় বলতে এসেছি যে, তুমি কি চিৎ। আমার কৌতূহল ছিল, তা চরিতার্থ হয়েছে। তার পর তোমাকে আমার এই উপদেশ, তুমি শীঘ্র তোমার দেশে ফিরে যাও। সেই সব ভাল লোকের মধ্যে নিজেকে লুকিয়ে ফেল গে, তারা তোমার প্রতীক্ষায় আছে। তুমি যে টাকা রোজগার করেছ, তাতে তাদের মনে সান্ত্বনা আসবে। তার পর যখন তোমার উপার্জনের টাকা ফুরিয়ে যাবে, আবার তুমি অন্ধকে বিশ্বাস করবে, নির্ভর করবে এবং ভালও বাসবে। আমি তোমাকে ভাঙ্গা খেলনার মতই মনে করি। খেলার সাধ মিটে গেছে, এখন তোমাকে আঁতাকুড়ে ফেলে দেওয়া হয়েছে। কিন্তু তুমি দেখাচ্ছ তুমি খাঁটি সোণা, ভদ্রমহিলার আদর্শ, তোমার দোষ ছিল না, তোমার প্রতি অত্যাচার ব্যবহার করা হয়েছে— তোমার তাজা প্রাণ—প্রেমে উগমগ, বিশ্বস্ততায় ভরা, এমনি ভাব তুমি দেখাচ্ছ। যদি তাই হয়, তোমাকে আমার কিছু বলবার আছে। শোন। আমি যা বলছি, তা আমি করবো। আমার কথা কাণে যাচ্ছে, সুন্দরি?”

আবার তিনি ক্রোধে আত্মহারা হইলেন। কিন্তু আত্ম-দমন করিয়া হাসিমুখে তিনি বলিলেন, “বাড়ীতে যদি না পার, আর কোন জায়গায় গিয়ে লুকিয়ে থাক। কেউ যেন জেমার নাগাল না পায়, এমন দেশে চলে যাও। তা যদি না পার, নাম-গোত্রহীন হয়ে ম’রে যাও।”

এমিলি তখন নিঃশব্দে কাঁদিতেন। রোজা যেন গান শুনিতেন, এমনই ভাষে কাণ পাতিয়া রহিলেন।

তার পর রোজা বলিয়া চলিলেন, “হয় ত আমার প্রকৃতি স্বভাব। কিন্তু এ কথা ঠিক, তুমি যে দেশে থাকবে, সেখানকার বাতাসে আমার নিশ্বাস রুদ্ধ হয়ে আসছে। সে বাতাস দূষিত। কাজেই সে

বাতাসকে পবিত্র করতেই হবে। তোমাকে সেখান থেকে না তাড়ালে বাতাস বিষাক্ত হবে না। কাল যদি তুমি এখানে থাক, তোমার কথা আমি সিঁড়িতে দাঁড়িয়ে সকলকে শুনিতে দেব। এ বাড়ীতে তদ্র মেয়েহেলে অনেক আছে। তাদের মধ্যে তোমার মত চরিত্রের মেয়েকে স্থান দেওয়া অসম্ভব। সহরে থেকে যদি তুমি তোমার প্রকৃত স্বরূপ ছাড়া অল্প মুর্তিতে দেখা দেবার চেষ্টা কর, তা হ’লে তোমার পরিচয় সমাজে জানিয়ে দেব।”

আমি ভাবিতেছিলাম, এখনও কি মিঃ পেগটী আসিবে না? আর কতক্ষণ আমি ইহা সহ করিব? আর ত আমার সহ হইতেছে না?

এমিলি এমন বুকভাঙ্গা কাতর কণ্ঠে বলিয়া উঠিল, “আমি কি করব!” সে কথা শুনিয়া পামাণ-হৃদয়েও দয়ার সঞ্চারণ হয়; কিন্তু রোজার মুখে হাসি!

রোজা বলিলেন, “কি করবে? নিজের চিন্তায় সুখী হ’তে চেষ্টা কর! জেমস্ টিয়ারফোর্থ তোমাকে তার চাকরের স্ত্রী করবার চেষ্টা করেছিল, সেই চিন্তা নিয়ে টিয়ারফোর্থের কোমলতার স্বপ্ন দেখতে থাক! সেই চাকরটা তোমাকে তার মনিবের দান ভেবে গ্রহণ করতে চেয়েছিল, এজন্ত কৃতজ্ঞচিত্তে তার কথা ভাবতে থাক। সেই চাকরটাকে তুমি বিয়ে করতে পার। তা যদি না পার, মর। সে জন্ত নানা উপায় আছে। ম’রে একেবারে স্বর্গে চলে যাও।”

সিঁড়ির নীচে আমি পদশব্দ শুনিলাম। সে পদশব্দ আমার সুপরিচিত। হ্যা, এবার সে আসিতেছে, জয় ভগবান!

রোজা উল্লিখিত কথাগুলি বলিয়া দরজার কাছে গেলেন। তার পর বলিলেন, “কিন্তু মনে রেখ, আমার নাগালের বাইরে না গেলে তোমার নিস্তার নেই। আমি যা বললুম, তা আমি নিশ্চয় পালন করব, এটা ভাল ক’রেই জেনে রাখ।”

পদধ্বনি ক্রমেই নিকটে আসিতেছে। তাঁহার পাশ দিয়া সে চলিয়া আসিল। রোজা নীচে নামিতে লাগিলেন। মিঃ পেগটী ঘরের মধ্যে সবেগে প্রবেশ করিল।

“মা মা!”

সঙ্গে সঙ্গে তাঁর আর্তনাদ। মুহূর্ত্ত আমি দাঁড়াইলাম। ঘরের মধ্যে গিয়া দেখিলাম, মিঃ পেগটী এমিলির সংজ্ঞাহীন দেহ ধরিয়া রাখিয়াছে। কয়েক মুহূর্ত্ত সেই মুখের পানে চাহিয়া সে তাহার ললাটে চুখন করিল। তার পর পরম স্নেহভরে একখানি কুমাল বাহির করিয়া এমিলির মুখমণ্ডল আবৃত করিল।

তার পর মৃদুস্বরে গদগদকণ্ঠে বলিল, “মাষ্টার ডেভি, আমার স্বপ্ন সফল হয়েছে, এ জন্ত ভগবানকে ধন্যবাদ!”

এই কথা বলিয়া মিঃ পেগটী এমিলির দেহ নিজ স্বর্গে তুলিয়া লইয়া ধীরে ধীরে সেই নিষ্পন্ন দেহ বহন করিয়া সিঁড়ি দিয়া অবতরণ করিতে লাগিল।

## একপঞ্চাশৎ পরিচ্ছেদ

পরদিন সকালে আমি পিতামহীর সহিত বাড়ীর বাগানে বেড়াইতেছিলাম। ঠাকুরমা ইদানীং ডোরার পরিচর্যার জন্য কোথাও বেড়াইতে যাইতে পারিতেন না; শুধু বাগানে খানিক বায়ু শ্বেরন করিতেন। এমন সময় দেখিলাম, মিঃ পেগটী আসিতেছে। আমি অগ্রসর হইয়া তাহাকে অভ্যর্থনা করিলাম। এমিলির প্রত্যাবর্তনের কথা ঠাকুরমাকে বলিলাম। তিনি কোন কথা না বলিয়া প্রাসন্নমুখে মিঃ পেগটীর বাহুযুগে বারকয়েক করাঘাত করিলেন। ইহাতেই মিঃ পেগটী বুঝিতে পারিল যে, ঠাকুরমা কি ভাবে সে সংবাদ গ্রহণ করিয়াছেন।

ঠাকুরমা বলিলেন, “টুট, এখন ক্ষুদ্র ফুলটিকে আমি দেখতে যাব। তার ঘুম ভাঙার সময় হয়ে এল।”

মিঃ পেগটী বলিল, “আমি এলাম বলে কি আপনি চলে যাবেন?”

ঠাকুরমা বলিলেন, “বন্ধু, তুমি কিছু বলতে চাও? আমাকে না বললে যদি চলে, তাই চলে যাবি।”

“আপনি শুনলে আমি তৃপ্তি পাব, ম্যাডাম।”

ঠাকুরমা বলিলেন, “বেশ, তা হলে এখন আমি যাব না।”

বাগানের এক স্থানে আমরা বসিলাম।

মিঃ পেগটী বলিল, “কাল আমার বাহাকে আমার বাসায় নিয়ে গেছি। আমি সে ঘর তার জন্য রোজ দাজিয়ে রাখতাম। ভগবান তাকে ফিরিয়ে দেবেন, একজন আমি কৃতজ্ঞ।”

ঠাকুরমা বলিলেন, “তোমার স্বার্থত্যাগ প্রশংসার যোগ্য। ভগবান তোমাকে পুরস্কার দেবেন।”

মিঃ পেগটী বলিয়া চলিল, “এমিলি এখন পালিয়ে আসে—যে ঘরে তাকে আটকে রেখেছিল, সেখান থেকে বেরিয়ে সে চলে আসে। অন্ধকার রাত—সে পাগলের মত হয়ে পালাতে থাকে। সমুদ্রের ধারে সে ছুটে এসেছিল। সেখানে সে অজ্ঞান হয়ে পড়ে যায়। পরদিন সকালে সে আবার চলে আসে। হেঁটে হেঁটে শেষে এক জেলের কুঠীতে আশ্রয় নেয়। একটি জেলের ঘরে তাকে গুপ্ত রাখা করে। ভগবান তার মঙ্গল করুন।”

পিতামহী বলিলেন, “স্বাই হবে!”

“সে ঘরেটি আমার এমিলিকে আশ্রয় দিয়েছিল। কত যত্ন সে করেছিল, তা বলা যায় না। সেখানে এমিলির জ্বর হয়। অনেক দিন রোগভোগ করে তারে সে ওঠে। তার পর সে ফ্রান্সে আসে। সেখানে এক হোটেলে চাকরী নেয়। সেই বদমাশটাও কিছু দিন পরে সেখানে যায়। তাকে দেখেই এমিলি পালায়। তার পর ইংলণ্ডে যাত্রা করে।

“সে প্রথমে দেশে ফিরবে বলেই মনে ভেবেছিল; কিন্তু পাছে সকলে তাকে তাড়িয়ে দেয়, কেউ মুখ দেখতে না চায়, এই ভেবে সে আর দেশে যেতে পারেনি। তাই এখন এসেছিল। তখন তার হাতে একটা পরসাত নেই। সে হতাশ হয়ে কি করবে ভাবছে, এমন সময় মার্খা তাকে রক্ষা করে।”

আমি ইহাতে জরুরকনি প্রকাশ না করিয়া পারিলাম না। “মার্খার ডেভি, তুমি মার্খার নাম আগে বলেছিলে। সে লক্ষ্য তোমায় ধন্যবাদ। মার্খা তার প্রতিজ্ঞা রক্ষা করেছে। কোথায় তার প্রতীক্ষা করতে হবে, মার্খা তা জানত। তাতেই সে আমার এমিলির দেখা পেয়েছিল। মার্খাই তাকে বলেছিল যে, আমি তার সন্ধান করছি—তাকে প্রাণ ভরে ক্ষমা করেছি। মার্খা নিজের কাপড় দিয়ে তার লজ্জা নিবারণ করেছিল। তাকে বাঁচিয়েছিল। তার পরদিন সে আগে আমার সন্ধানে যায়, তার পর তোমার কাছে যায়, মার্খার ডেভি। ঐ নিষ্ঠুরা মহিলাটি কি করে সন্ধান পেয়ে মার্খার বাড়ী গিয়েছিল, জানিনে। যাক, আমার জাগিনীকে আমি ফিরে পেয়েছি।

“সারারাত্রি ছুঁতে পারিনি। আমার এমিলি আমার গলা ধরে কেঁদেছে। তার মাথা আমার এখানে ছিল। আমরা জানি, আমরা পরস্পরকে বিশ্বাস করতে পারি।”

মিঃ পেগটী গামিল।

আমার পিতামহীর চক্ষু শুষ্ক নাই দেখিলাম।

আমি বলিলাম, “বন্ধু, ভবিষ্যতে তুমি কি করবে, তা ঠিক করে ফেলেছ বোধ হয়?”

সে বলিল, “মার্খার ডেভি, আমি এমিলিকেও বলেছি যে, অল্প দেশ আছে, সে স্থানে আমাদের ভবিষ্যৎ জীবন কাটাতে হবে।”

আমি বলিলাম, “ঠাকুরমা, ওরা অল্প দেশে চলে যাবে।”

মিঃ পেগটী বলিল, “হ্যাঁ, অষ্ট্রেলিয়ার আমার এমিলিকে কেউ নিন্দে করতে পারবে না, সেখানে আমাদের মতন জীবন শুরু হবে।”

আমি জানিতে চাহিলাম, কবে তাহারা যাইতে চাহে, তাহা স্থির হইয়াছে কি না। পেগটী বলিল যে, অষ্ট্রেলিয়ার এক যাত্রিকাহাজ আসিয়াছে। দেড়মাস বা দুই মাস পরে সে জাহাজ এখান হইতে ছাড়িবে। আজ সকালে জাহাজের কাণ্ডোনের সঙ্গে দেখা করিয়া সেই জাহাজে বাইবার বন্দোবস্ত সে করিয়াছে।

“একলা যাবে?”

“হ্যাঁ, মার্খার ডেভি! আমার বোন তোমাদের এত ভালবাসে যে, সে এ দেশ ছেড়ে যেতে চাইবে না। তা ছাড়া স্বামীর ডান্দ সে নিয়েছে।”

আমি বলিলাম, “মিসেস্ গমিড?”



“সেটা ভাববার কথা। মিসেস্ গমিজ হয় ত আমাদের ছেড়ে থাকতে চাইবে না। তাকে ফেলে হয় ত যেতে পারব না। তার কথা ভাববার বই কি।”

আমরা উভয়েই সে কথা স্বীকার করিলাম। মিঃ পেগটী কাহারও কথা চিন্তা করিতে ভুলে নাই।

মিঃ পেগটী বলিল, “আর একটা কথা, মাষ্টার ডেভি!” এই বলিয়া সে পকেট হইতে কতকগুলি কাগজ বাহির করিল। তার পর বলিল, “এই নোটগুলো ৫০ পাউণ্ড আর দশ পাউণ্ডের—তা ছাড়া এমিলির সঙ্গে যে কটা টাকা ছিল, সে কটা টাকা এর সঙ্গে যোগ ক’রে দিয়েছে। এ টাকাগুলো তুমি একটা বাস্তে পুরে তাদের কাছে পাঠিয়ে দিও। ছেলে ও মা দুজনকেই চিঠি লিখে দিও।”

আমি বলিলাম যে, সে ঠিকই করিতেছে। টাকা ঐ ভাবে ফেরত দেওয়াই সঙ্গত কার্য।

তার পর মিঃ পেগটী বলিল, “আর একটা কাজ আছে, আমি একবার ইয়ারমাউথে যাব।”

আমি বলিলাম, “আমি তোমার সঙ্গে যাই, এটা কি তোমার ইচ্ছা?”

“যদি অনুগ্রহ ক’রে তুমি তা কর, মাষ্টার ডেভি, তোমাকে দেখলে সকলেই খুসী হবে।”

আমার ডোরা এ প্রস্তাবের কথায় সানন্দে সন্মতি দিল। আমি মিঃ পেগটীকে আসিয়া সে কথা বলিলাম।

পরদিবস আমরা ইয়ারমাউথে যাত্রা করিলাম। যথা-সময়ে নির্দিষ্ট স্থানে নামিলাম। মিঃ পেগটী আমার ব্যাগ লইয়া চলিল, আমার আপত্তি শুনিল না। সে আগে চলিয়া গেল। আমি মিঃ ওমারের দোকানে তাঁহাকে দেখিলাম।

আমাকে দেখিয়া তিনি খুব আনন্দিত হইলেন। তাঁহাকে এমিলি ও মার্থার কথা জানাইলাম। শুনিয়া বৃদ্ধ ওমার খুব খুসী হইলেন।

কথায় কথায় মিঃ ওমার বলিলেন, “জোরামের ব্যবসা বেশ চলছে।”

শুনিয়া সুখী হইলাম।

“আমি এখন খুব পড়ি, মিঃ কপারফিল্ড। আপনার বইগুলো কি সুন্দর হয়েছে! আমি প্রত্যেক শব্দ ওজন ক’রে পড়ি, পড়তে পড়তে ঘুমিয়ে পড়ি না।”

আমি ইহাতে সন্তোষ প্রকাশ করিলাম।

মিঃ ওমার বলিলেন, “আমি যথার্থ বলছি, আপনার বই আমার টেবলের ওপর সাজানো থাকে—তিন খণ্ড বই। আমি যখন ভাবি, এই বইয়ের লেখককে এক দিন আমি ছেলেমানুষ দেখেছি, ব্রনডারষ্টোনে নিয়ে গিয়েছি, তখন গর্বে আমার মন ভ’রে ওঠে।”

আমি কথার মোড় ফিরাইয়া দিলাম। এমিলিরা অল্প সেশে চলিয়া যাইবে, সে কথাও বলিলাম। মার্থার সব্বন্ধে

কি হইবে, তাহা মিঃ পেগটী এখনও আমাকে বলে নাই, তবে নিশ্চয় সে তাহার কথা ভুলিবে না, তাহাও বলিলাম।

বৃদ্ধ সমস্ত কথা শুনিয়া বিশেষ আনন্দ প্রকাশ করিলেন। হামের কথা উঠিল। আমি বলিলাম যে, তাহার সহিত আমি দেখা করিতে যাইতেছি।

মিঃ ওমার বলিলেন, “বড় ভাল ছেলে হাম। সে রোজ আমার এখানে আসে—বই প’ড়ে আমার শোনায়ে। যার যখন কাজের দরকার হয়, হাম তাকে সাহায্য করে। দয়ায় তার শরীর ভরা!”

মিঃ ওমারের নিকট বিদায় লইয়া আমি চলিলাম। পেগটী নিজের বাড়ী ভাড়া দিয়াছে। মিঃ বার্কিসের গাড়ী-ঘোড়া লইয়া আর এক জন যাত্রীবহনের কাজ করিতেছে। তাহাতেও পেগটীর মোটা টাকা আয় হইয়াছে। পেগটী এখন হামের বাড়ীতে থাকে।

হামের বাড়ীতে মিঃ পেগটী, পেগটী, মিসেস্ গমিজ ও হামের দেখা পাইলাম। হামের মুখে প্রশান্ত ভাব। তাহার ভাবভঙ্গী দেখিয়া মনে হইল, হাম আমার সহিত নিরালায় কোন কথা বলিতে চাহে। পরদিবস অপরাহ্নে সে যখন কাজ সারিয়া বাড়ী ফিরিবে, সেই সময়ে তাহার সহিত দেখা করিব বলিলাম। এমিলির নাম ধরিয়া কোন আলোচনা হইল না। তবে ঠাণ্ডে-ঠাণ্ডে দুই চারি কথা হইল।

পরদিবস নির্দিষ্ট সময়ে আমি হামের সহিত মিলিত হইলাম।

সে জিজ্ঞাসা করিল, “মাষ্টার ডেভি, তুমি তাকে দেখেছ?”

“যখন তার মুর্ছা হয়েছিল, সেই সময়—মুহূর্তের জন্য দেখেছিলাম।”

আরও কয়েক পদ উভয়ে নীরবে অগ্রসর হইলাম।

“মাষ্টার ডেভি, তার সঙ্গে কি তোমার আর দেখা হবে মনে কর?”

আমি বলিলাম, “সেটা তার পক্ষে অত্যন্ত যত্নাদায়ক হবে মনে হয়।”

হাম বলিল, “আমিও তা ভেবেছি। তাই হবে! তাই হবে!”

“কিন্তু হাম, তবে যদি কোন কথা তোমার থাকে, আমি তাকে লিখে জানাব—মুখে হয় ত বলা চলবে না। তোমার যা বলবার আছে, আমি তাকে জানাতে পারি। সে তার আমি নিশ্চয় নেব।”

“ধন্যবাদ। ভারী দয়া তোমার! আমার কিছু বলবার আছে।”

“কি বল ত?”

আবার কয়েক পদ নীরবে চলিলাম। তার পর সে বলিল, “আমি তাকে যে ক্ষমা করেছি, তা নয়। সে রকম কিছু নয়। সে যেন আমাকে ক্ষমা করে—আমি তার

উপর জোর করে ভালবাসা, স্নেহ চাপিয়েছিলাম বলে। এক এক সময় আমার মনে হয়, যদি জোর করে তার কাছ থেকে বিয়ে করবার অঙ্গীকার আমি আদায় করে না নিতাম, তা হলে সে আমাকে যে রকম বিশ্বাস করত, তাতে তার মনের কথা সে আমাকে জানাত। তার মনে যে সংগ্রাম চলেছিল, আমাকে সে কথা বলত। আমি তা হলে তাকে রক্ষা করতে পারতাম।”

আমি তাহার হাত চাপিয়া ধরিয়া বলিলাম, “আর কিছু আছে?”

“আর একটু আছে, মাষ্টার ডেভি।”

আবার কিছুদূর নীরবে পথ চলিলাম।

“আমি তাকে ভালবেসেছিলাম—তার স্মৃতিকে আমি ভালবাসি—সে ভালবাসা গভীর। তুমি পণ্ডিত লোক, মাষ্টার ডেভি, তাকে তুমি বুঝিয়ে দিও, আমি বেশী আশাত পাইনি। তাকে বলো, আমি এখনও তাকে ভালবাসি, তার জন্ম শোক করি। এ কথা তাকে বলো, তার জায়গায় আমি আর কাকেও বসিয়ে স্থখী হতে পারব না। সে আমার কাছে যা ছিল, আর কেউ তা হতে পারবে না। তাকে বলো, আমি তার জন্ম প্রার্থনা করি—সে আমার এত প্রিয় যে, রোজ আমি তার কল্যাণ কামনা করি।”

সেই পুরুষবরের হস্ত আমি আবার চাপিয়া ধরিলাম। তাহাকে জানাইয়া দিলাম যে, এ কার্য আমি অবশ্যই করিব।

“ধন্যবাদ! আমার সঙ্গে দেখা করেছে, এর জন্ম আমি কৃতজ্ঞ। আমি জানি, মাসীমা লগুনে যাবেন। তাঁরা চলে যাবার আগে, সকলের সঙ্গে দেখা হবে। কিন্তু জ্যেষ্ঠামহাশয়ের দেখা আর আমি পাব না। শেষ দেখা যখন হবে, তাঁকে তুমি বলো, পিতৃমাতৃহীনকে পালন করেছেন, আমার প্রাণের ভালবাসা তাঁকে জানিয়ে দেবে।”

আমি অঙ্গীকার করিলাম, তাহার এ ইচ্ছাও পূর্ণ হইবে।

হাম্ বলিল, “ধন্যবাদ, মাষ্টার ডেভি! আমি জানি, তুমি এখন কোথায় যাচ্ছ। আচ্ছা, তবে আসি।”

সে আন্তরিক আগ্রহভরে আমার করকম্পন করিল। তার পর সে আমাকে ইঙ্গিতে বুঝাইয়া দিল যে, পুরাতন নৌ-বাড়ীতে প্রবেশ করিবার মত শক্তি তাহার নাই। এই বলিয়া সে অন্ধদিকে চলিয়া গেল। চন্দ্রালোকে দেখিলাম, তাহার দীর্ঘ দেহ জলাভূমি পার হইয়া চলিয়াছে। সে একবার সমুদ্রের দিকে চাহিল। তার পর ক্রমশঃ তাহার মূর্তি অস্পষ্টতর হইয়া আসিল।

নৌ-বাড়ীর দরজা তখন খোলা ছিল। আমি ভিতরে প্রবেশ করিয়া দেখিলাম, উহার যাবতীয় দ্রব্য স্থানান্তরিত করা হইয়াছে। মিঃ পেগটা ও মিসেস্ গমিজ্ ঘরের মধ্যে বসিয়াছিল। আমি প্রবেশ করিতেই মিঃ পেগটা বলিল,

“মাষ্টার ডেভি, এবার এখান থেকে বিদায় নেওয়া যাক। ঘরে এখন আর কিছুই নেই।”

আমি বলিলাম, “তুমি খুব পরিশ্রম করেছ দেখছি। এর মধ্যেই সব জিনিস সরিয়ে ফেলেছ।”

মিঃ পেগটা বলিল, “হাঁ, মিসেস্ গমিজ্ ভারী খেটেছে। ঘরের মধ্যে শুধু এই চৌকিখানা আছে। এই চৌকিতে তুমি ও এমিলি ছেলেবেলা বসে থাকতে। তার পর যে ঘরে তোমার শোবার ব্যবস্থা ছিল, দেখ, তা একদম খালি হয়ে গেছে।”

সত্যই বাতাস তখন খালি নৌ-বাড়ীর ঘরে ঘরে যেন দীর্ঘশ্বাস ফেলিয়া বহিতেছিল। সবই গিয়াছে, কিছুই নাই। আমি শৈশবের সেই নীল-নয়না শিশুর কথা ভাবিলাম। সে আমাকে এই ঘরের মধ্যে প্রথম দর্শনেই মন্ত্রমুগ্ধ করিয়াছিল। ষ্টিগারফোর্থের কথা ভাবিলাম। মনে হইল, সে যেন নিকটে কোথাও আছে—এখনই হয় ত দেখা হইয়া যাইবে।

মিঃ পেগটা মৃদুস্বরে বলিল, “নতুন ভাড়াটে পেতে এখন অনেক দেবী হবে। কারণ, সকলেই ভাববে, এ সংসারটা অভিশপ্ত!”

আমি জিজ্ঞাসা করিলাম, “এ বাড়ীখানা কি এখানকার কোন লোকের?”

মিঃ পেগটা বলিল, “এক জন মা মলঃগালা এর মালিক। সে সহরে থাকে। আজ রাতেই আমি তার কাছে এর চাবী দিয়ে আসব।”

মিঃ পেগটা বাতীটা তুলিয়া লইয়া মিসেস্ গমিজ্কে বাহিরে আসিবার জন্ম অনুরোধ করিল।

মিসেস্ গমিজ্ সহসা মিঃ পেগটার বাহু অবলম্বন করিয়া বলিল, “প্রিয় ডান্, আমি এ বাড়ীর কাছে বিদায় নিয়েছি। আমাকে ফেলে রেখে যেতে পারবে না। আমাকে ফেলে চলে যেয়ো না যেন!”

মিঃ পেগটা সহসা বিচলিতভাবে একবার মিসেস্ গমিজ্কে, আরবার আমার মুখের দিকে চাহিল। সে যেন স্বপ্ন হইতে জাগিয়া উঠিয়াছে।

“না, ডান্, তুমি আমায় কখনো এখানে ফেলে যেতে পারবে না। এমিলির সঙ্গে আমাকেও নিয়ে চল। আমি চাকরাণীর ঠায় তোমার সেবা করব। সে দেশে যদি ক্রীতদাসপ্রথা থাকে, আমাকে সেই ভাবেই ব্যবহার করো। কিন্তু এ দেশে আমাকে ফেলে রেখে যেও না।”

মিঃ পেগটা বলিল, “ওগো ভাল মানুষের মেয়ে, সে কত দূরের পথ। কত কষ্ট সেখানে, তা তুমি ত জান না।”

“হ্যাঁ, আমি জানি। কিন্তু আমার যদি সঙ্গে না নিয়ে যাও, আমি ঠিক ম’রে যাব। আমি মাটি খুঁড়তে জানি। আমি পরিশ্রম করতে পারি। কষ্ট ক’রে থাকা আমার কাছে কঠিন নয়। তুমি যদি অবকাশ দেও, দেখবে, আমি তোমাদের কত ভালবাসতে পারি। তুমি আমায় যে খরচের

টাকা দিতে চেয়েছ, তা আমি ছোঁব না, না খেয়েই ম'রে যাব। আমি এমিলি ও তোমার সঙ্গে যাব। পৃথিবীর যে প্রান্তে যেতে চাও, আমি তোমার সঙ্গে যাব। মাষ্টার ডেভি, তুমি আমার হয়ে একটু বল। আমি গুর আর এমিলির মুখ-দুঃখের সঙ্গে পরিচিত। আমি গুরদের হুঃখে সাহসনা দিতে পারব। ডান, ডান, আমায় নিয়ে চল।”

চৌকিখানা বাহির করিয়া আমরা দরজায় তালা লাগাইয়া দিলাম।

পরদিবস যখন আমরা লণ্ডনগামী গাড়ীতে উঠিলাম, মিসেস্ গমিজ তাহার বাক্স, পেটরা সহ গাড়ীতে স্থান পাইয়াছিল। তাহার মুখে তৃপ্তির আনন্দ।

### দ্বিপঞ্চাশৎ পরিচ্ছেদ

মিঃ মিক্‌বারের নির্দিষ্ট দিন আগামী কল্য। পিতামহী ও আমি পরামর্শ করিলাম, সেখানে যাইবার কি ব্যবস্থা করা যায়। ঠাকুরমা ডোরাকে ছাড়িয়া যাইতে অনিচ্ছুক হইলেন। এখন ডোরাকে অনায়াসে আমি নীচে নামাইয়া লইয়া যাইতে পারি।

কিন্তু ডোরা গোল বাধাইল। সে বলিল যে, ঠাকুরমা যদি না যান, তাহা হইলে সে কিছুতেই আমাকে ক্ষমা করিবে না।

পিতামহী হাসিয়া বলিলেন, “কিন্তু আমার প্রিয় ছোট কুলের তোড়া! আমি না থাকলে যে তোমার চলবে না, অসুবিধা হবে।”

“না, কোন কষ্ট হবে না। আপনি আমার কোন কাজে লাগেন না। আপনি আমার হয়ে কি ঘরের মধ্যে কাঁপাকাঁপি ক'রে বেড়ান? ডেয়েডির গল্প কি আমায় বলেন? সারাদিনের মধ্যে আপনি আমায় খুসী করবার কোন চেষ্টা করেন না।” বলিতে বলিতে সে হাসিয়া পিতামহীর গণ্ডে চুমা দিয়া বলিল, “না, ঠাকুরমা, আপনি আমার সব কাজ করেন। আমি শুধু ঠাট্টা ক'রে বলেছি।”

তার পর সে আদর জানাইয়া বলিল, “এখন শুনুন। আপনাকে সেখানে যেতেই হবে। আপনি না গেলে আমি কেবল আপনাকে বিরক্ত করব। আপনারা দু'জনে কেন যাবেন না? আমার রোগ এমন কি বেশী? সত্যি কি আমার অসুখ বেশী?”

ঠাকুরমা বলিলেন, “না, না, এ কি কথা? কেন তোমার মনে সে কথা হচ্ছে?”

আমি বলিলাম, “এ কথা তোমার মনে এল কেন?”

ডোরা বলিল, “আমি বোকা মেয়ে বটে, কিন্তু আমি কি বুঝি না? বেশ, তা যদি না হয়, আপনারা দু'জনে নিশ্চয় যান। না গেলে আমি বুঝব, আমার অসুখ খুব খারাপ। তখন আমি কাঁদতে থাকব।”

বুঝিলাম, পিতামহীর মন টলিয়াছে। ডোরাও তাহা বুঝিল—তাহার মুখে প্রসন্নতার দীপ্তি ফুটিয়া উঠিল।

ডোরা বলিল, “নিশ্চয় বিশেষ দরকারে আপনাদের যেতে হবে। এক রাত্রির মামলা বই ত নয়। জিপ আমাকে রক্ষা করবে। ডেয়েডি, তুমি আমায় উপরে নিয়ে চল। তুমি ফিরে না এলে আর নীচে নামব না। আগ্নেস্ আমাকে দেখতে আসেনি, তাকে আমি খুব কড়া ক'রে চিঠি লিখে দেব।”

ডোরার তত্ত্বাবধানের জগু দাসদাসীকে সতর্ক করিয়া দিয়া আমরা চারি জন—ঠাকুরমা, মিঃ ডিক্, ট্রাডেলস্ ও আমি, ক্যান্টারবেরীগামী গাড়ীতে সেই রাত্রিতে চাপিয়া বসিলাম।

যে হোটেলের মিঃ মিক্‌বার আমাদিগকে যাইতে বলিয়াছিলেন, তথায় আমরা পৌঁছিলাম। তখন মধ্য-রাত্রি। সেখানে পৌঁছিয়াই মিঃ মিক্‌বারের এক পত্র পাইলাম। তিনি সকালে ঠিক নয়টায় আসিবেন। রাত্রিতে আমরা যে যাহার শয্যা গ্রহণ করিলাম।

সকালবেলা উঠিয়াই আমি রাজপথে বাহির হইলাম। পুরাতন পরিচিত স্থানগুলি মনের মধ্যে নানা চিন্তা জাগাইয়া তুলিল। দূর হইতে মিঃ উইক্‌ফিল্ডের প্রাচীন ভবন দেখিতে পাইলাম। কিন্তু আমি সে দিকে গেলাম না। কারণ, যদি কেহ দেখিয়া ফেলে, তাহা হইলে হয় ত সব কাঁসিয়া যাইতে পারে। ঘণ্টাখানেক ধরিয়া বেড়াইয়া আমি হোটেলের ফিরিয়া আসিলাম।

প্রাতরাশের সময় উপস্থিত। আমরা উৎকণ্ঠিত-হৃদয়ে মিঃ মিক্‌বারের প্রতীক্ষা করিতে লাগিলাম। ঘড়ীতে সাঁটা বাজিবামাত্র পথের প্রান্তে সেই চিরপরিচিত মূর্তি দেখা গেল। আমি বলিলাম, “ঐ তিনি আসছেন, কিন্তু আজ উকীলের বেশ তাঁর নেই।”

মিঃ মিক্‌বার ঘরের মধ্যে প্রবেশ করিয়া সকলকে অভিবাদন করিলেন।

মিঃ ডিক্ বলিলেন, “আপনি প্রাতরাশ করেছেন? একখানা চপ খান না।”

মিঃ মিক্‌বার বলিলেন, “না মশাই, আজ কিছুই এখন খাব না। ক্ষুধা অনেক দিন আমায় ত্যাগ করেছে, মিঃ ডিক্‌সন্।”

মিঃ ডিক্ তাঁহার এই নূতন নামকরণে ভারী খুসী হইলেন।

ঠাকুরমা বলিলেন, “ডিক্, এখন মনোযোগ দেও।”

তিনি মিঃ মিক্‌বারকে বলিলেন, “মশাই, আমরা বিশ্ববিস্বাসের জগু প্রস্তুত। আপনি যখন বলবেন, আমরা তৈরী।”

মিঃ মিক্‌বার বলিলেন, “শীঘ্রই আপনারা অগ্ন্যুৎপাত দেখবেন। মিঃ ট্রাডেলস্, আপনার অসুখমতি নিয়ে এঁদের



কত দূর। সে আমার দিকে স্নানপূর্ণ দৃষ্টিতে চাহিতেছিল। কিন্তু আগ্নেসের দিকে চাহিয়া সে বুঝিল যে, তাহার প্রভাব আগ্নেসের উপর হইতে চলিয়া যাইতেছে, তখন সে ক্রোধে আত্মবিস্মৃত হইল। তার পর সে বলিল, “কপারফিল্ড, তুমি নিজের সম্মানের, ভদ্রতার বড়াই ক’রে থাক। কিন্তু আমার কেরাণীর সঙ্গে যড়যন্ত্র ক’রে এ কাজটা কি তোমার ভদ্রতাসঙ্গত হয়েছে? এ কাজ আমার দ্বারা হ’লে বিশ্বাসের বিষয় হ’ত না, কারণ, আমি ভদ্রসন্তান নই। আমি কিন্তু পথের ভিখারী ছিলাম না, তুমি ছিলে, মিকবারের কাছ থেকে গুনেছি। যা হোক, তুমি ভদ্রসন্তান হয়ে এমন কাজ করলে কি ব’লে? কিন্তু আমি এর কি ফল লেব, তা তোমরা জান না। এ যড়যন্ত্র করার মজা আমি দেখিয়ে দেব। ভাল কথা, দেখা যাক। ওহে কি নাম তোমার? তুমি মিকবারকে কি প্রশ্ন করছিলে না? ভাল, ওঁকেই জিজ্ঞাসা কর। কই, ও ত কথাই কইছে না। এখন বুঝতে পেরেছে কি না, তাই চূপ ক’রে আছে!”

মিঃ মিকবার এতক্ষণ আত্মসংবরণ করিয়াছিলেন। এই কথার পর তিনি বলিয়া উঠিলেন, “পাজী!” তার পর দ্বিতীয় কথা না বলিয়া হাতের রুলগাছা লইয়া তাঁহার পকেট হইতে একভাড়া কাগজ বাহির করিলেন। তার পর একখানা কাগজ লইয়া পড়িতে লাগিলেন—

“প্রিয় মিস্ ট্রটউড এবং ভদ্রমহোদয়গণ—”

পিতামহী বলিয়া উঠিলেন, “রক্ষা কর। উনি দিস্তা দিস্তা কাগজ লিখে ফেলেছেন দেখছি!”

মিঃ মিকবার পড়িয়া চলিলেন।—

“পৃথিবীর মধ্যে সর্কাপেক্ষা বদমাস ও পাজী লোকটাকে আপনাদের কাছে পরিচিত করাবার সময় আমি নিজের কথা মোটেই ভাবিনি। আমার জন্ম থেকেই আমি অভাবের দাস। অষ্ট চিরদিন আমাকে নিয়ে খেলা করেছে। আমার জীবনে খালি অভাব, নৈরাশ্র ও মত্ততা, কখনও দল বেঁধে, কখনও বা একা একা দেখা দিয়েছে।

“এমন দুর্দশার আমি যখন অবসন্ন, সেই সময় আমি উইকফিল্ড এণ্ড হিপ্‌এর এই কারবারে প্রবেশ করি। নামে ছ’জন বটে, কিন্তু হিপই একমাত্র মালিক দেখলাম। এই কলের একমাত্র যন্ত্র হিপ্, শুধু হিপ্। জালিয়াৎ হিপ্, প্রবন্ধক হিপ্!”

উড়িয়া বিবর্ণ-মুখে উঠিয়া সেই কাগজখানা ছিড়িয়া ফেলিবার জন্তু ধাবিত হইল। মিঃ মিকবার অপূর্ণ কৌশলে তাহার দক্ষিণ হস্তের মণিবন্ধে সেই রুল দ্বারা এমন আঘাত করিলেন যে, তাহার হাতখানা যেন ভাঙ্গিয়া পড়িল।

তাহার মুখে ফেনা উঠিতে লাগিল, সে যন্ত্রণাভরে বলিল, “শয়তান তোমার সর্কনাশ করুক। কিন্তু এখনও আমি তোমাকে ক্ষমা করছি।”

মিঃ মিকবার হাঁপাইতে হাঁপাইতে বলিলেন, “এবার আমার কাছে একবার এস দেখি, বদমাস্ হিপ্। তোমার মাথার খুলি এবার ভেঙ্গে দেব। এস! এস!”

এমন বিক্রী ব্যাপার আমি কখনও দেখি নাই। ট্রাডেলস ও আমি মিঃ মিকবারকে গৃহের এক কোণে সরাইয়া দিলাম। তিনি সেখান হইতেও যেন উড়িয়ার উপর হাঁপাইয়া পড়িবার উপক্রম করিতেছিলেন।

উড়িয়া অনেকক্ষণ তাহার আহত স্থানে হস্তাবমর্ষণ করিতে করিতে রুমাল বাহির করিয়া তদ্বারা সেই মণিবন্ধ বেষ্টিত করিল। তার পর মুখ ভারী করিয়া টেবলের উপর বসিয়া রহিল।

শান্ত হইয়া মিঃ মিকবার আবার পড়িতে লাগিলেন—

“আমি কি বেতন পাব, তা স্থির হয়নি। এই অবস্থায় আমি হিপের কাছে চাকরী স্বীকার করি। সপ্তাহে সে আমাকে ২২ শিলিং ৬ পেন্স ক’রে দিলে যাবে, এটাই শুধু ঠিক হইছিল। তা ছাড়া আমার যা প্রাপ্য হবে, সেটা আমার কাজের উপর নির্ভর করে। অর্থাৎ আমি যত নীচতার পরিচয় দিতে পারব, আমার বেতন সেই অনুপাতে আমি পাব। কাজেই সামান্য টাকায় আমার সংসার-খরচ চলত না। বাধ্য হয়ে আমাকে হিপের কাছে অগ্রিম টাকা চাইতে হ’ত। হিপ্ সেটা প্রথম থেকেই আঁচ ক’রে নিয়েছিল। আমার দুর্দশার কথা সে জানত। কাজেই অগ্রিম নিতে গেলে সে আমার কাছে হ্যাণ্ডনোট লিখিয়ে নিত। অর্থাৎ ধার বলেই টাকা দিত। এইভাবে সে আমাকে জালে জড়িয়ে ফেললে।

“তার পর ব্যাপার এই দাঁড়াল, যতটুকু বিশ্বাস করতে পারে, হিপ্ আমাকে ততটুকু বিশ্বাস করতে আরম্ভ করলে। তার শয়তানী-চক্রের সামান্য সামান্য আভাস আমায় দিলে ব্যবসার মধ্যে জালিয়াতি করার প্রয়োজন হলেই তা আমার সাহায্য নিতে হ’ত। মিঃ ডব্লুকে—পুরা নাম বলব না—উড়িয়ে দেবার জন্তু ব্যবস্থা হ’তে লাগল। তিনি কিছু জানতেন না, তাঁকে অন্ধকারে রাখা হ’ত। অথচ বাইরে সে তাঁর সঙ্গে এমন ব্যবহার করত, যেন সে কত কৃতজ্ঞ, কত ভক্ত, কেমন অন্তরঙ্গ বন্ধু।

“এখানে পারাবাহিক ইতিহাস আমি দেব না—সে তালিকা অত্র দেখতে পাবেন। আমি প্রকারান্তরে মিঃ ডব্লুর পতনের চক্রান্তে জড়িত হয়ে পড়লুম; অর্থাৎ আমাকে মত দিতে হ’ল। তখন আমার মনে বাঁচা মরা, খাওয়া বা অনশনে থাকার হৃদয় যুচে গিয়েছিল। তখন আমার একমাত্র চেষ্ঠা ছিল, সব খবর জেনে নেওয়া, গোপন তথ্য আবিষ্কার করা। হিপের শয়তানীর বহর দেখে নেওয়া তখন আমার জপমালা হ’ল। অবশ্য আমার বিবেক তখন মিস্ ডব্লুকে সামনে রেখে দাঁড়িয়েছিল। সেই থেকে গোপনে সকলের অজ্ঞাতে বারো মাস ধ’রে সব বিষয়ের তত্ত্ব আবিষ্কার করতে লাগলাম।”

মিঃ মিক্‌বার গর্বোন্নত-শিরে দাঁড়াইয়া তাঁহার রচনা পড়িতেছিলেন। যেন তিনি পার্লামেন্টে দাঁড়াইয়া বক্তৃতা করিতেছেন।

আমরা সকলেই, এমন কি, উড়িয়া পর্যন্ত রুদ্ধনিশ্বাসে তাঁহার কথা শুনিয়া ঘাইতেছিলাম।

“হিপের বিরুদ্ধে আমার প্রথম দফা অভিযোগ এই যে, মিঃ ডব্লু কন্‌শক্তি ও স্মৃতি ক্রমেই বিলুপ্ত হইছিল, হ্রাস পাচ্ছিল—এখানে কারণটার উল্লেখ করব না, সকলেই তা জানেন, হিপ্ সেই অবকাশে আপিসের সমস্ত কাজের গোলমাল ক’রে রেখেছিল। মিঃ ডব্লু ব্যবসায়ের কি হচ্ছে না হচ্ছে, বুঝবার শক্তি যখন হারিয়ে ফেলেছেন, হিপ্ তখন তাঁকে জোর ক’রে কাজের মধ্যে টেনে এনেছে। দরকারী দাখলপত্রে তাঁর সই করিয়ে নিয়েছে, অথচ কিসে যে তিনি কি জন্ত স্বাক্ষর করছেন, তা তিনি জানতেনই না। সে মিঃ ডব্লুকে দিয়ে আমমোক্তারনামা লিখিয়ে নিয়েছিল। একটা গচ্ছিত টাকা ছিল, সেটা সে ভুল নিতে পারবে, এমন অধিকার তাঁর কাছ থেকে আদায় ক’রে নিয়েছিল। সেটা বড় কম টাকা নয়। ১২ হাজার ৬ শত ১৪ পাউণ্ড ২ শিলিং ৯ পেন্স। তার পর সেই টাকাটা হিপ্ এমন একটা কাজে প্রয়োগ করলে যে, তার কোন অস্তিত্বই নেই। সে এমনভাবে ব্যাপারটা দাঁড় করালে যে, মিঃ ডব্লু অসং অভিপ্রায়েই এমন ব্যাপার করেছেন। আর সেই ব্যাপারটার জোরে তাঁকে ঐ শয়তান বরাবর যন্ত্রণা দিয়ে আসছে।”

ভীষণভাবে মাথা নাড়িয়া উড়িয়া বলিল, “কপারফিল্ড, এটা তোমার প্রমাণ করতে হবে, জেনে রাখ!”

“জিজ্ঞাসা করুন হিপকে, মিঃ ট্রাডেলস্, যে বাড়ীতে ও থাকত, সেখানে এখন কে থাকে?”

উড়িয়া ঘৃণাভরে বলিল, “নির্কোথটাই সে বাড়ীতে এখন আছে।”

মিঃ মিক্‌বার বলিলেন, “হিপকে জিজ্ঞাসা করুন, সে বাড়ীতে সে পকেট-বই রাখত কি না?”

উড়িয়া সহসা তাহার গণ্ডেশে হাত বুলাইতে লাগিল।

মিঃ মিক্‌বার বলিলেন, “অথবা জিজ্ঞাসা করুন, একখানা বই সে সেখানে পুড়িয়ে ফেলেছিল কি না। যদি সে বলে হ্যাঁ, তা হ’লে জিজ্ঞাসা করুন, ভঙ্গুগুলি কোথায়। উইলকিন্স্ মিক্‌বার সে কথার জবাব দেবে। তাতে যে উত্তর পাবে, সেটা আদৌ ওর পক্ষে যাবে না।”

মিঃ মিক্‌বারের এই সগর্ক উক্তি উড়িয়া যেন অভিভূত হইল। তাহার মাতা বলিয়া উঠিল, “উড়ি, উড়ি, নত হও—রফা ক’রে ফেল।”

“মা, তুমি খাম্বে কি না? তুমি ভয় পেয়েছ, তাই যা তা বলছ। নত হ’তে বলছ? আমি ওদের কজনকেই নত ক’রে ফেলেছি।”

মিঃ মিক্‌বার বলিলেন, “এইরার আমার দ্বিতীয় অভিযোগ। আমি যতদূর জানি, হিপ অনেকবার—”

“ওতে চলবে না। মা, তুমি চুপ কর।”

মিঃ মিক্‌বার বলিলেন, “যাতে চলে, সে ব্যবস্থা পরে হবে। এখন তা দেখতে পাবে। এখন শুনে যাও। হিপ্—যত দূর আমার জানা আছে—ধারাবাহিকভাবে অনেক দফা জাল করেছে, হিসাবের খাতায় এবং দলিলে। মিঃ ডব্লু নাম জাল করেছে। তার মধ্যে একটা জিনিষের প্রমাণ আমার কাছে আছে। সেটা এই। যদি কোন দিন মিঃ ডব্লু মৃত্যুর পর তাঁর কন্যা গোলমাল করেন, এতটুকু হিপ্ পূর্বের কথিত ১২ হাজার ৬ শত ১৪ পাউণ্ড, ২ শিলিং ৯ পেন্স যেন মিঃ ডব্লুকে ঋণস্বরূপ দিয়েছে। অসম্মান থেকে রক্ষা করবার জন্ত ধার দিয়েছে। কিন্তু প্রকৃতপ্রস্তাবে সে টাকা আদৌ দেওয়া হয়নি। সেই জাল দলিলে মিঃ মিক্‌বার সাক্ষী আছে। আমার কাছে ঐ শয়তানের যে পকেট-বই আছে, তাতে ঐ রকম মিঃ ডব্লু স্বাক্ষরের নকল চের আছে। আঙুনে কতক পুড়ে গেছে, আর কতক ঠিক আছে। যে কেউ তা পড়তে পারে। আমি কোন দলিলে স্বাক্ষর করিনি। দলিলটা আমার কাছেই আছে।”

চমকিয়া উঠিয়া হিপ্ পকেট হইতে একতাড়া চাবী বাহির করিয়া একটা টানা খুলিয়া ফেলিল। কিন্তু সহসা তাহার মনে পড়িল, কাজটা ঠিক হইতেছে না, তাই সে টানার মধ্যে কি আছে না আছে, তাহা পরীক্ষা করিয়া দেখিল না।

মিঃ মিক্‌বার বলিলেন, “দলিল আমার কাছেই আছে। অর্থাৎ আমি সকালবেলা যখন এটা লিখি, তখন ছিল, তার পর মিঃ ট্রাডেলস্‌এর হাতে সমর্পণ করেছি।”

ট্রাডেলস্‌ বলিল, “কথাটা খুবই সত্য।”

উড়িয়া জননী চীৎকার করিয়া বলিল, “উড়ি, উড়ি, নত হও, রফা ক’রে ফেল। ভদ্রমহোদয়গণ, আমার ছেলেকে আমি জানি। ও এখন নত হবে। ওকে ভাববার সময় দিন। মিঃ কপারফিল্ড, আপনি ত জানেন, ও চিরদিনই নত হয়ে চলে।”

দেখিলাম, এখনও এই নারী পুরাতন কৌশল ত্যাগ করেন নাই।

পুল্ল বলিল, “মা, বরং তুমি আমার মাথায় গুলী চালিয়ে দাও।”

“কিন্তু উড়ি, আমি তোমায় স্নেহ করি। ভদ্রলোকদের উদ্ভ্যক্ত ক’রে কোন লাভ নেই। তাতে তোমার বিপদ বাড়বে। এই ভদ্রলোক উপরতলায় আমার সব বলেছেন, সব প্রকাশ পেয়েছে। আমি যদি তোমার হয়ে ক্ষমা না চাই, রফা না করি, তা হ’লে ভাল হবে না। দেখুন আপনারা, আমি কত নত হয়েছি। ওর কথা আপনারা ধরবেন না।”

সক্রোধে উড়িয়া বলিল, “কপারফিল্ড তোমাকে একশ পাউণ্ড দেবে, যদি এত কথা তুমি নাও বল।”

“না উড়ি, আমি তোমাকে বিপদে পড়তে দিতে পারিনি। তার চেয়ে নত হয়ে পড়।”

উড়িয়া কিয়ৎকাল নীরব থাকিয়া বলিল, “যদি আরও কিছু থাকে, বলতে পার। আমার দিকে চেয়ে আছ কেন?”

মিঃ মিক্‌বার অমনই তাঁহার পত্র পড়িতে আরম্ভ করিলেন।

“তৃতীয় অভিযোগ এই। আমি এখন হিপের জাল পকেট-বই এবং তার স্মারকলিপি—আমল বই দেখাতে পারি। মিসেস্ মিক্‌বার হঠাৎ সেটা আবিষ্কার করেন। ও যে বাড়ীতে থাকত, সেই বাড়ীতে আমরা বাস করবার সময় তিনি খুঁজে পান। অনেক দিন ধরে মিঃ ডব্লুকে জ্বালে ফেলবার জন্ত চেষ্টা চলে এসেছিল। গোড়া থেকেই শয়তান হিপের ঐ রকম মতলব ছিল। বরাবরই তাঁর টাকা ও লুটে এসেছে। তাঁকে ফাঁকি দিয়ে ও কাজ গুছিয়ে নিয়েছে। মিস্ ডব্লুকে লাভ করাই ওর মতলব ছিল। তাই জাল বিস্তার ক’রে ধীরে ধীরে সে মিঃ ডব্লুর সর্বনাশ করেছে। শেষ কাজ কয় মাস আগে ও সম্পন্ন করেছে। মিঃ ডব্লু তাঁর অংশ ওকে বিক্রয় করেছেন, মায় বাড়ী, জিনিষপত্র সব ওকে বেচে দিয়েছেন। এমন একটা দলিলও স্বাক্ষর করিয়ে নিয়েছে। তার পরিবর্তে মিঃ ডব্লু একটা বার্ষিক ভাতা পাবেন। হিপ ৪ কিস্তিতে সেটা ওঁকে দেবে। হিসাবের বইতে এমন সব টাকা জমা ও খরচ করা আছে, যার ফলে মিঃ ডব্লুকে দেনাদার হয়ে দেউলিয়া হ’তে হবে। অসম্ভব সূত্রে টাকা ধার করার ইতিহাসও হিসাবের বইয়ে দেখতে পাবেন। এ সব আমি প্রমাণ ক’রে দেব।”

আগনেস্ তখন কাঁদিতেছিল। আমি তাহাকে সান্ত্বনার বাণী শুনাইলাম।

মিঃ মিক্‌বার বলিলেন, “এইবার আমার কথা শেষ হইল। এখন এই সকল অভিযোগের প্রমাণ আমাকে দেখাতে হবে। তার পর আমার ভাগ্যহৃত পরিবারবর্গ সহ আমি বিদায় নেব। কারণ, পৃথিবীর আমরা ভারস্বরূপ। এটা শীঘ্রই হবে। প্রথম যাবে আমার শিশুপুত্র। তার পর যমজ ছেলেমেয়ে। তাই হোক! আমার নামে আদালতে টাকার নালিশ হবে, জেলে যাব। অভাবের তাড়নায় আরও অনেক কিছু হবে। অভাবের তাড়নায় দিনরাত পরিশ্রম ক’রে, অভুক্ত অবস্থায় আমি যে সকল তথ্য সংগ্রহ করেছি, এখন তা জোড়াজোড়ি দিয়ে এই কাহিনী লিপিবদ্ধ করেছি। শয়তান সর্বদা আমার ওপর দৃষ্টি রাখত, তবু আমি যথাসাধ্য চেষ্টা ক’রে সব সংগ্রহ করেছি। তবে এটা ঠিক, লোভের আশায় আমি কিছু করিনি। কবির ভাষায় আমি বলব— যা কিছু করেছি, তা—

“ইংলণ্ড, গৃহ এবং মৌলস্ক্যের খাতিরে।

“আমি আপনাদের সেই উইলকিন্স মিক্‌বার।”

মিঃ মিক্‌বার পত্রখানা ভাঁজ করিলেন। তার পর আমার পিতামহীর হস্তে উহা অর্পণ করিলেন।

বরের মধ্যে একটা লোহার আলমারী ছিল। উড়িয়া তাড়াতাড়ি উঠিয়া উহা খুলিয়া ফেলিল। লোহার বাক্স সম্পূর্ণ খালি।

সভয়ে উড়িয়া বলিল, “খাতাগুলো কোথায়? চোর বই গুলো নিয়ে গেছে।”

মিঃ মিক্‌বার রুল হাতে বলিলেন, “তোমার কাছ থেকে চাবী যেমন রোজ পাই, সেই রকম যখন পেয়েছিলাম অমনি আজ সকালে গলেছিলাম।”

ট্রাডেলস্ বলিল, “ব্যস্ত হয়ে না। সব আমার হেপাজতে আছে। আমি আমমোক্তার, স্ততরাং ভালভাবেই আঁ সেশুলো রাখবো।”

উড়িয়া বলিল, “তুমি চোরাই মাল রাখ?”

ট্রাডেলস্ বলিল, “এ রকম অবস্থায় রাখি বৈ কি।”

সবিস্ময়ে দেখিলাম, পিতামহী আগ্রহভরে এতক্ষণ সক কথা শুনিতেছিলেন। এইবার একলক্ষ উড়িয়ার কাছে গিয়া তাহার গলাবন্ধ দুই হাতে ধরিয়া বলিলেন, “আমি কি চাই তা তুমি জান?”

“পাগলা গারদ!”

“না, আমার সম্পত্তি! প্রিয়তমে আগনেস্, আমি যখন মনে করেছিলাম, তোমার বাবা সে টাকা নষ্ট করেছেন তখন ট্রটকেও আমি সে কথা বলিনি। এখন বুঝছি, এ লোকটাই দায়ী। সে সব আমার চাইই চাই। ট্রট, ওর কাছ থেকে আদায় কর।”

ঠাকুরমা কি বুঝিয়াছিলেন, জানি না। তিনি হয় ভাবিয়াছিলেন, তাঁহার টাকা ওর পকেটেই আছে। ব্যস্ত বুঝিয়া আমি উভয়ের মাঝখানে দাঁড়াইলাম। পিতামহীকে বলিলাম যে, টাকা আমি সমস্তই উহার কাছ হইতে আদায় করিয়া লইব। তখন তিনি উড়িয়াকে ছাড়িয়া দিলেন।

উড়িয়ার মাতা এতক্ষণ পুত্রকে নত হইয়া মিটমাট করিয়া লইবার জন্ত পীড়াপীড়ি করিতেছিল। উড়িয়া তাহার মাতাকে চেয়ারে বসাইয়া বলিল, “তোমরা এখন কি করতে চাও?”

ট্রাডেলস্ বলিল, “যা আমরা করব, সে তোমায় বলে দিচ্ছি।”

উড়িয়া বলিল, “কপারফিল্ডটার কি জিত নেই না কি? ওর বাক্য হরে গেছে না কি?”

তাহার মাতা বলিল, “উড়িয়া নত হ’তে চায়। ও যা বলছে, তা আপনারা ধরবেন না।”

ট্রাডেলস্ বলিল, “কি আমরা করব, তা শুনে রাখ। যে দলিলে ব্যবসার দাবী ত্যাগ করার কথা আছে, সেটা এখনই এখানে আমি চাই।”



“ধর, যদি তা আমার কাছে না থাকে?”

“তোমার কাছে তা আছে। আমরা এমন ধরে নেব কেন যে, তোমার কাছে তা নেই? তার পর, লোভের বশে যা তুমি গ্রাস করেছ, সব উগ্রে দিতে হবে। শেষ কপর্দক পর্যন্ত দিতে হবে। ব্যবসার যে সব খাতাপত্র আছে, আমার কাছে থাকবে। এখানে যা কিছু আছে, সব আমার অধিকারে থাকবে।”

“তাই না কি? আমাকে তা হলে ভাববার সময় দাও।”

“নিশ্চয় তা দেব। তবে এটা মনে রেখ, আমাদের সম্ভাব্যবিধান না হওয়া পর্যন্ত আমরা সব জিনিস আমাদের কাছে রাখব। আর তুমি নিজের ঘর ছেড়ে কোথাও যেতে পারবে না। কোন লোকের সঙ্গে তোমার সংবাদ আদান-প্রদানও চলবে না।”

উড়িয়া বলিল, “তা আমি করব না।”

ট্রাডেলস্ বলিল, “তা হলে মেডেল্টোন কারাগারে গিয়ে তুমি ধীরে-স্বস্তে চিন্তা করবার অবকাশ পাবে। আইনের বলে হয় তা আমাদের কার্যোদ্ধার হ’তে দেবী হ’তে পারে; কিন্তু শাস্তি তুমি এড়াতে পারবে না। কপারফিল্ড, তুমি গিল্ডহলে গিয়ে ছ’জন পুলিশ-কর্মচারীকে ডেকে আন।”

উড়িয়া-জননী কাঁদিয়া ফেলিল। আগনেস্কে তাহাদের তরফে অনুরোধ করিবার জ্ঞ কাকুতি-মিনতি করিতে লাগিল। আমি গৃহত্যাগ করিতে উদ্বৃত হইতেই কাপুরুষ বলিল, “থাম! মা, গোলমাল ক’রো না। মা, তুমি গিয়ে সেই দলিলখানা নিয়ে এস।”

ট্রাডেলস্ বলিল, “মিঃ ডিক্, আপনি ওকে সাহায্য করুন।”

মিঃ ডিক্ উড়িয়ার মাতার সহিত গমন করিলেন। কিন্তু মিসেস্ হিপ কোন গণ্ডগোল করিল না। দলিলখানা লইয়া শীঘ্রই ফিরিয়া আসিল। উহা একটি বাক্সের মধ্যে ছিল। উহার মধ্যে আরও অনেক প্রয়োজনীয় বস্তু ছিল।

ট্রাডেলস্ সমস্ত জিনিস পাইয়া বলিল, “উত্তম! মিঃ হিপ, এখন তুমি ঐ ঘরে গিয়ে চিন্তা করতে থাক। তবে একটা কথা জেনে রাখ, বেশী দেবী করলে চলবে না।”

উড়িয়া ধীরে ধীরে ঘরের দিকে অগ্রসর হইল। তার পর দরবার কাছে দাঁড়াইয়া বলিল, “কপারফিল্ড, তোমাকে আমি বরাবর স্বগা করতাম। তুমি চিরদিনই আঙ্গুল ফুলে কলাগাছ হয়েছ। চিরদিন তুমি আমার শত্রুতা করেছ!”

আমি বলিলাম, “আমি তোমাকে আগে এক দিন বলেছিলাম যে, তোমার লোভ, তোমার ধূর্ততা তোমার সর্বনাশ করবে। সমগ্র জগৎ তোমার বিরুদ্ধে যাবে। জেনে রেখ, যারা লোভী, ধূর্ত, তারা জীবনে সুখ পায় না। মৃত্যুর মত তা মত।”

উড়িয়া বলিল, “মিক্‌বার, মনে থাকে যেন, এর পুরস্কার আমি তোমায় দেব!”

মিঃ মিক্‌বার অবজ্ঞাজরে তাহার দিকে বুক ফুলাইয়া চাহিয়া রহিলেন। তার পর বলিলেন যে, এইবার মিসেস্ মিক্‌বারের সঙ্গে তাঁহার আবার মনের মিলন ঘটবে— পরস্পরের মধ্যে বিশ্বাস ও নির্ভরতা ফিট্রিয়া আসিবে।

তিনি বলিলেন, “আমাদের ছ’জনের মাঝখানে যে যবনিকা পড়েছিল, এবার তা স’রে গেল। এবার ছেলে-মেয়ে সকলের সমান অবস্থা দাঁড়াল। আমাদের মধ্যে আর ভেদ রইল না।”

মিঃ মিক্‌বারের প্রতি আমাদের সকলেরই কৃতজ্ঞতা কিরূপ প্রবল হইয়াছিল, তাহা ভাবায় প্রকাশ করা যায় না। তথাপি আমরা যথাসাধ্য সে কথা তাঁহাকে জানাইলাম। আমরা সকলেই যাইতাম, তবে আগনেস্ এখন তাহার পিতার কাছে ফিরিয়া যাইবে এবং উড়িয়াকে নিরাপদে বাঁধিয়া রাখিতে হইবে, এজ্ঞ আমরা ট্রাডেলস্কে তাহার প্রহরায় রাখিয়া আমি, ঠাকুরমা ও মিঃ ডিক্, মিঃ মিক্‌বারের সহিত গমন করিলাম। আগনেসের কাছে বিদায় লইলাম। তাহাকে ভীষণ বিপদ হইতে রক্ষা করিতে পারিয়াছি, ইহাতে আমার আনন্দ ও তৃপ্তির সীমা ছিল না। ভাগ্যে আমি বাল্যকালে দুঃখ-দুর্দশায় পড়িয়াছিলাম, তাই মিঃ মিক্‌বারের সহিত পরিচয় ঘটয়াছিল। সেই মিঃ মিক্‌বারই আজ এই দুর্দিনে আগনেসের পরিত্রাতা!

মিঃ মিক্‌বারের বাড়ী বেশী দূরে নহে। বাড়ীতে প্রবেশ করিয়াই মিঃ মিক্‌বার বলিলেন, “ইমা, আমার জীবন-স্বরূপ।” তিনি পত্নীর বাহুবন্ধনে ধরা দিলেন। পুত্রকল্যাণেও এ দৃশ্যে আনন্দে অধীর হইয়া উঠিল।

মিঃ মিক্‌বার বলিলেন, “ইমা! আমার মন থেকে মেঘ স’রে গেছে। এত দিন আমাদের পরস্পরের মধ্যে যে বিশ্বস্ততা ছিল, আবার তা ফিরে এসেছে। এখন দারিদ্র্যকে বরণ ক’রে নাও!” মিঃ মিক্‌বার অশ্রুপাত করিতে লাগিলেন। “এখন দারিদ্র্যকে মাথার তুলে নাও। গৃহহীন হ’তে হবে, তা জেনে রাখ, ক্ষুধা দ্বারে এসে দাঁড়িয়েছে। ছেঁড়া কাপড়, ঝড়-বৃষ্টি আর ভিক্ষাবৃত্তি স্বপ্ন! মৃত্যুকাল পর্যন্ত এখন আমরা পরস্পরকে বিশ্বাস করতে পারব।”

মিঃ মিক্‌বার পত্নীকে আসনে বসাইয়া, পুত্রকল্যাণকে পর পর আলিঙ্গন করিলেন। মিসেস্ মিক্‌বার সংজ্ঞা হারাইয়াছিলেন। তাঁহার চৈতন্যসম্পাদনের চেষ্টা প্রথমে করা গেল। পিতামহী ও মিঃ মিক্‌বার সে কার্য করিলেন। তার পর তাঁহার চৈতন্য ফিরিয়া আসিলে পিতামহীর সঙ্গে তাঁহার পরিচয় করাইয়া দিলাম। মিসেস্ মিক্‌বার তখন আমায় চিনিতে পারিলেন।

“মিঃ কপারফিল্ড, আমায় ক্ষমা কর! আমি বড় দুর্বল হয়ে পড়েছিলাম।”

পিতামহী বলিলেন, “এ সব কি আপনার ছেলে-মেয়ে, ম্যাডাম?”

মিসেস্ মিক্‌বার বলিলেন, “না, আর এখন কেউ নেই।”

পিতামহী বলিলেন, “না, না, ম্যাডাম, আমি সে কথা বলিনি। আমি জিজ্ঞাসা করেছি, এগুলি কি সব আপনার সম্ভান?”

মিঃ মিক্‌বার বলিলেন, “এরা সব ঐর।”

“ঐ বড় ছেলোট, ওকে কি শেখান হচ্ছে?”

“ওকে ধর্ম্মন্দিরের উপযুক্ত করে তুলবার ইচ্ছে ছিল, ম্যাডাম। অর্থাৎ ধর্ম্মন্দিরে গান গাইবে, এমন শিক্ষা দিতে চেয়েছিলাম। কিন্তু তা হয়নি। এখন অন্তত গান গেয়ে বেড়ায়।”

মাষ্টার মিক্‌বার বলিল যে, উপায়ান্তর না দেখিয়াই সে ঐরূপ করিতে বাধ্য হইয়াছে।

পিতামহী বলিলেন, “মিঃ মিক্‌বার, আপনি অল্প দেশে যাবার কথা কখনো ভেবে দেখেছেন কি?”

“ম্যাডাম, ওটা আমার জীবনের স্বপ্ন ছিল।”

ঠাকুরমা বলিলেন, “এখন যদি সপরিবারে অল্প দেশে যান, কেমন হয়?”

মিঃ মিক্‌বার বলিলেন, “খুব ভাল হয়, ম্যাডাম।”

মিসেস্ মিক্‌বার বলিলেন, “কিন্তু টাকা কোথায়, মিঃ কপারফিল্ড?”

পিতামহী বলিলেন, “টাকা? মূলধন? আপনি আমাদের যে উপকার করেছেন, এর জন্য আমরা কি আপনার কিছু প্রতিদান দিতে পারব না? মূলধন যোগাড় করে দিতে পারব না?”

মিঃ মিক্‌বার বলিলেন, “আমি তা দান নিতে পারব না। তবে যদি বছরে শতকরা পাঁচ টাকা হারে কিছু টাকা অগ্রিম পাই—তমসুক লিখে দিয়ে, তা ছাড়া তা আমার কোন সম্পত্তি নেই—তা হ’লে হ’তে পারে।”

পিতামহী বলিলেন, “তাই হবে। আপনি যে রকম সর্ভে নিতে চান, তাই পাবেন। ডেভিডের পরিচিত কয়েক জন অষ্ট্রেলিয়ায় যাচ্ছে। আপনি যদি যাওয়া মত করেন, তবে সেই জাহাজেই কেন যেতে পারবেন না? আপনারা পরস্পর পরস্পরকে সাহায্য করতেও পারবেন। মিক্‌বার-দম্পতি, আপনারা এ বিষয়টা ভাল করে ভেবে দেখবেন। সময় আছে, বেশ করে ভেবে দেখতে পারবেন।”

মিসেস্ মিক্‌বার বলিলেন, “কেবল একটা কথা ভাববার আছে। বোধ হয়, সেখানকার জল-হাওয়া ভাল।”

আমার পিতামহী বলিলেন, “জগতে এমন জল-হাওয়া আর কোথাও নেই।”

মিসেস্ মিক্‌বার বলিলেন, “আর একটা কথা আছে। সে দেশের অবস্থা অহুসারে মিঃ মিক্‌বারের জায় প্রতিভাশালী লোকের সামাজিক জীবনে উন্নতিলাভের সম্ভাবনা আছে কি? অবশ্য আমি এ কথা বলছি না যে, এখনি তিনি দেশের শাসক পদ লাভ করতে পারবেন। তবে সেখানে এ রকম

সুবিধা ও সুযোগ আছে কি, যাতে তাঁর উন্নতির পথ মুক্ত হ’তে পারে?”

পিতামহী বলিলেন, “এমন সুযোগ ও সুবিধা আর কোথাও পাওয়া সম্ভবপর নয়। যে পরিশ্রমী, তার পক্ষে সেখানে উন্নতি অনিবার্য।”

মিসেস্ মিক্‌বার বলিলেন, “তা হ’লে দেখা যাচ্ছে যে, অষ্ট্রেলিয়াতেই মিঃ মিক্‌বারের কর্মক্ষেত্র প্রস্তুত।”

মিঃ মিক্‌বার বলিলেন, “প্রিয় ম্যাডাম, আমার দৃঢ় বিশ্বাস, বর্তমান অবস্থায় ঐ দেশই আমার ও আমার সম্ভানগণের পক্ষে একমাত্র যোগ্য স্থান। সে দেশে নিশ্চয়ই কোন অসাধারণ ঘটনা ঘটবে, এই রকম আমার অন্তমান।”

### ত্রিপর্যায় পত্রিচ্ছেদ

আবার আমাকে একটু খামিতে হইতেছে। হায়, আমার বালিকা পত্নী! আমার স্মৃতির সম্মুখে জনতার মধ্যে এক জনের মূর্তি জাগিয়া উঠিতেছে—সে মূর্তি স্থির, শাস্ত—তাহার বালিকাসুলভ সৌন্দর্য্য এবং নির্দোষ প্রণয়ে সে যেন বলিতেছে, আমার কথা একটু ভাবিবার জন্য খামিও—ছোট ফুলের গুচ্ছের দিকে একটু তাকাইও!

আমি তাহা করি। আর সবই ঝাপসা হইয়া গিয়াছে, সব নিশ্চিহ্ন হইয়া মুছিয়া গিয়াছে। আমাদের কুটীরে আবার ডোরার সহিত মিলিত হইয়াছি। আমার মনে পড়ে না, কত দিন ধরিয়া সে পীড়িত। আমি তাহার পীড়িত অবস্থা দেখিতে দেখিতে এমন অভ্যস্ত হইয়া পড়িয়াছি যে, আমি সময় ঠিক করিয়া উঠিতে পারি না। বহু দীর্ঘকাল নহে, বহু সপ্তাহ বা বহু মাস নহে, কিন্তু আমার অভিজ্ঞতায় বুঝিতে পারি, বড় ক্লান্তিপূর্ণ সেই দিনগুলি।

আমার আশঙ্কা যে, আমার বালিকাপত্নী আবার জিপের সঙ্গে দৌড়াদৌড়ি করিয়া খেলা করিবে, সে আশা সুদূরপর্যায়ত।

জিপও সহসা যেন বুড়া হইয়া পড়িয়াছে। তাহার মনিবের প্রকৃৎসাহ হইতে বঞ্চিত হইয়া স্বভাবতই সে নিরুৎসাহ হইয়া পড়িয়াছিল। দিন দিন সে ক্ষীণ ও দুর্বল হইয়া পড়িতেছিল। ডোরার শয্যার কাছেই সে সর্বক্ষণ শয়ন করিয়া থাকিত। মাঝে মাঝে তাহার মনিবের হাত সে কোমলভাবে লেহন করিত।

ডোরা সকল সময়েই হাসিমুখে থাকিত, তাহার মুখে এক দিনও সামান্য অভিযোগের বাণী শোনা যায় নাই। সে বলিত, আমরা তাহাকে প্রাণপণ যত্ন করি, ভালবাসি। তাহার দয়িত তাহার জন্মই দিন দিন ম্রিয়মাণ হইয়া পড়িতেছে, তাহা সে জানে। আমার পিতামহীর চোখে নিদ্রা নাই। সকল সময়েই তিনি সাদরে তাহার সেবা করিতেছেন।

প্রাতঃকাল; পিতামহী ডোরার সুন্দর কেশরাজিকে প্রমাণিত করিয়া দিতেছিলেন। কেশরাজি উপধানের উপর জোইয়া পড়িল।

হাসিয়া ডোরা বলিল, “তুমি বলেছ বুঝি! চুলের গর্ক আমার নেই। তবে তুমি বলতে, আমার চুল তোমার ভাল লাগে, তোমার চোখে আমার চুল সুন্দর লেগেছিল, তাই আমি ওদের যত্ন করি। আমি তোমাকে একগোছা চুল কেটে দিয়েছিলাম।”

“ডোরা, সে দিন তুমি ছবি আঁকছিলে। আমি যে ফুলের তোড়া দিয়েছিলাম, তার ছবি তুমি সে দিন আঁকছিলে। সে সময় আমি তোমায় বলেছিলাম, আমি তোমায় কত ভালবাসি।”

ডোরা বলিল, “কিন্তু আমি তখন তোমাকে আমার কথা জানাতে চাইনি। তখন ভেবেছিলাম, তুমি সত্যি আমায় ভালবাস। ডোয়েডি, আগের মত আমি যখন দৌড়ঝাঁপ করে বেড়াতে পারব, তখন তোমাতে আমাতে সেই সব পুরাতন জায়গায় ঘুরে বেড়াব। পুরাতন রাস্তায় বেড়িয়ে বেড়াব। বাবাকেও ভুলবো না!”

“হ্যাঁ, তাই আমরা করব। সে কি সুখের দিনই হবে। প্রিয়তমে, তুমি তাড়াতাড়ি সেরে ওঠ।”

“শীঘ্রই আমি সেরে উঠব। আমি এখন অনেক ভাল হয়েছি, তুমি জান না।”

এখন অপরাহ্নকাল; আমি সেই একই চেয়ারে উপবিষ্ট আছি। তাহার আনন্দ আমার দিকে ফেরান। আমরা নীরবে ছিলাম। তাহার ওষ্ঠপ্রান্তে যত্ন হাশ্বের রেখা। এখন আর তাহাকে নীচে লইয়া ষাইতে হয় না! সারা দিনই সে এই শয্যায় শুইয়া থাকে।

“ডোয়েডি!”

“প্রাণাধিকা ডোরা!”

“তুমি কিছুদিন আগে আমায় বলেছিলে, মিঃ উইকফিল্ড ভাল নেই। তবু আমি এখন যা বলব, সেটা তুমি অসঙ্গত বলে মনে করবে না ত? আমি আগনেস্কে দেখতে চাই। তাকে দেখতে বড় সাধ হয়েছে।”

“আমি তাকে চিঠি লিখে দিচ্ছি, প্রিয়তমে।”

“লিখবে তুমি?”

“এখনই লিখুব।”

“তোমার দয়া অসীম! ডোয়েডি, তুমি আমাকে কোলে তুলে নেও। এটা আমার খেয়াল নয়। শুধু শুধু আমি বলছি না। সত্যি আমি তাকে দেখতে চাই।”

“তা আমি বুঝতে পারছি। আমি লিখলেই সে আসবে।”

“নীচে তোমার বড় একা একা বোধ হয়, না?”

সে আমার কণ্ঠদেশে ছই বাহবেষ্টনে আবদ্ধ করিল।

“তা ছাড়া উপায় কি, প্রাণাধিকা! তোমার আসন শূন্য দেখে আমার কষ্ট হয়।”

সে নীরবে আমাকে জড়াইয়া ধরিয়া ধলিল, “আমার শূন্য চেয়ার! ডোয়েডি, সত্যি তুমি আমার অভাব বোধ কর?”

“আমার সর্বস্ব! পৃথিবীতে তোমার মত আমার আর কে আছে?”

“স্বামি! আমার যেমন আনন্দ হচ্ছে, তেমনি দুঃখ হচ্ছে!”

সে আমাকে আরও জোরে চাপিয়া ধরিয়া আনন্দের আতিশয্যে হাসিতে লাগিল, ফোঁপাইয়া কাঁদিতে লাগিল।

সে বলিল, “আগনেস্কে আমার ভালবাসা জানিয়ে লিখে দাও, আমি তাকে দেখবার জন্য অধীর হয়েছি। আমার জীবনে আর কোন সাধ নেই।”

“শুধু ভাল হয়ে ওঠা ছাড়া, ডোরা।”

“হায় ডোয়েডি, সময় সময় আমি ভাবি, তা আর হবার নয়!”

“এ কথা বলো না, প্রিয়তমে! অমন কথা বলো না।”

“না, তা বলব না। কিন্তু আমি বড় সুখী। আমার স্বামী যদিও আমার শূন্য চেয়ার দেখে অসুখী, তবু আমি সুখী।”

রাত্রিকাল, এখনও আমি তাহার পার্শ্বে উপবিষ্ট। আগনেস্ আসিয়াছে; সে সমস্ত দিন ও অপরাহ্নকাল আমাদের কাছে আছে। সকাল হইতে সে, পিতামহী ও আমি ডোরার পার্শ্বে বসিয়া আছি। আমরা কেহই বেশী কথা বলি নাই; কিন্তু ডোরা সম্পূর্ণ সন্তুষ্ট ও প্রফুল্ল দেখিলাম। এখন আমরা দু'জন মাত্র আছি।

এখন কি আমি বুঝিতে পারিয়াছি, আমার শিশুর মত সরলা পত্নী সত্যি আমাকে ত্যাগ করিয়া চলিয়াছে? সকলেই আমাকে সে কথা বুঝাইয়া দিয়াছে। নূতন কথা তাহারা কিছু বলে নাই। কিন্তু তথাপি আমার কাছে উহা সত্য বলিয়া মনে হয় নাই। আমি এখনও সে আঘাতবেগ সংবরণ করিতে পারি নাই। মাঝে মাঝে বাহিরে উঠিয়া গিয়া কাঁদিয়া আসিয়াছি। আমি বিশ্বাস করিতে পারিতেছিলাম না যে, সত্যি তাহার জীবন-প্রদীপ নিবিয়া ষাইবে।

আমি তাহার হাত আমার হাতের মুঠার মধ্যে গ্রহণ করিলাম, তাহার হৃদয় আমার হৃদয়ে রাখিলাম। আমি দেখিলাম, আমার প্রতি তাহার ভালবাসা কি প্রবল!

সে বলিল, “ডোয়েডি, আমি তোমাকে একটা কথা বলতে চাই। যে কথাটা আমার সর্বদা মনে হয়েছে, আমি তা তোমাকে বলতে চাই। তুমি কিছু মনে করবে না ত?”

“মনে করব!”



“প্রিয়তম, আমি শুধু বয়সে ছোট ছিলাম না, জ্ঞানও আমার কিছু ছিল না। বড় বোকা মেয়ে আমি! আমার মনে হয়, বালকবালিকার মত ভালবাসবার পর আমরা পরস্পর পরস্পরকে ভুলে গেলেই ভাল হ’ত। আমি বুঝতে পেরেছি যে, স্ত্রী হবার যোগ্যতা আমার নেই।”

অশ্রুবাশ্পে আমার নয়ন আচ্ছন্ন হইল। আমি বলিলাম, “আমি যেমন স্বামী হবার যোগ্য, তুমিও সেই রকম স্ত্রী হবার যোগ্য। আমরা দু’জনে সুখীই হইতে পারি।”

“হ্যাঁ, আমি খুব সুখী হয়েছিলাম। কিন্তু সময়ের সঙ্গে সঙ্গে আমার স্বামী তাঁর বালিকা স্ত্রীর জন্য ক্লান্ত হয়ে পড়ছিলেন। সে তাঁর সহচরী হবার যোগ্যতা হারাচ্ছিল। তার স্বামী সে কথা বুঝতে পারছিলেন। কিন্তু তার উন্নতির আশা ছিল না। তাই যা হ’তে চলেছে, তাই ভাল।”

“প্রিয়তমা প্রাণাধিকা ভোরা, এমন কথা বলো না। তোমার কথা যেন তিরস্কারের মত শোনাচ্ছে।”

আমার মুখে চুম্বন করিয়া সে বলিল, “না, এক বর্ণও নয়। তোমাকে তিরস্কার করবার কি আছে? তোমাকে আমি এত ভালবাসি যে, তোমাকে আমি কোন কঠিন কথা কি বলতে পারি? ডোয়েডি, নীচের ঘরে তোমার বড় একা বোধ হয়, না?”

“অত্যন্ত! অত্যন্ত!”

“কৈদো না, আমার চেয়ার সেইখানেই আছে?”

“সেই এক জায়গায়।”

“দেখ, দেখ আমার স্বামী কি ক’রে কাঁদছেন! থাম! থাম! এবার আমার কাছে অঙ্গীকার কর। আমি আগ্নেসের সঙ্গে কথা বলতে চাই। নীচে যাবার সময় আগ্নেসকে সে কথা বলো, তাকে ওপরে পাঠিয়ে দিও। আমি যখন তার সঙ্গে কথা বলবো, সে সময় কেউ যেন কাছে না থাকে—ঠাকুরমা পর্যন্ত যেন না থাকেন। আমি একা তার সঙ্গে কথা বলব। নির্জনে তার সঙ্গে আমার কথা বলার দরকার আছে।”

আমি অঙ্গীকার করিলাম।

আমাকে তাহার বাহুপাশে বন্ধ করিয়া কাণে কাণে বলিল, “আমি বলেছি, যা হচ্ছে, তা ভালই। ডোয়েডি, অনেক বছর পরে, এখন তুমি তোমার বালিকা পত্নীকে যত ভালবাস, তার চেয়ে বেশী ভালবাসতে পারবে না। অনেক বছর পরে, তোমার স্ত্রী এমন ভাবে তোমাকে হতাশ করত যে, এখনকার অর্ধেক ভালবাসাও তখন তোমার পক্ষে সম্ভব হ’ত না! আমি বোকা ও ছেলেমানুষ, তা আমি জানি। তাই যা হচ্ছে, তা ভাল।”

আগ্নেস নিম্নতলেই ছিল। আমি তাহাকে ডোরার কথা বলিলাম। সে তখনই চলিয়া গেল। আমি ও জিপ ঘরে রহিলাম।

অগ্নিকুণ্ডের পার্শ্বে তাহার শয়ন করিবার চীনা ঘর। সে তাহার মধ্যে ঘুমাইবার চেষ্টা করিতেছিল। আকাশে চাঁদ উঠিয়াছিল, তাহার নির্মল দীপ্তি আকাশকে আলোকিত করিয়াছিল। আমি আকাশের দিকে চাহিয়া অঝোরে কাঁদিতে লাগিলাম। আমার অসংযত হৃদয়কে তিরস্কার করিবার জন্য অশ্রুধারা বাধা না মানিয়া করিয়া পড়িতে লাগিল।

অনুশোচনায় অধীর হইয়া আমি অগ্নিকুণ্ডের ধারে বসিয়া রহিলাম। বিবাহিত জীবনের সকল কথা মনে পড়িতে লাগিল। প্রত্যেক খুঁটিনাটি ঘটনার কথা মনে পড়িতেছিল। স্মৃতির সমুদ্র মথিত করিয়া আমার বালিকা পত্নীর, প্রিয়তমা সহধর্মিণীর মূর্তি জাগিয়া উঠিল। সত্যই কি বালকবালিকার মত ভালবাসিবার পর আমরা পরস্পর পরস্পরকে ভুলিতে পারিলেই ভাল হইত? অসংযত হৃদয়, উত্তর দাও!

সময় কি করিয়া চলিয়া যাইতেছিল, আমার কোন খেয়ালই ছিল না। এমন সময় আমার বালিকা পত্নীর সঙ্গীর ব্যবহারে আমার সঙ্গিৎ করিয়া আসিল। অত্যন্ত অস্থিরভাবে সে তাহার ঘর হইতে বাহির হইল। আমার দিকে চাহিয়া সে উপরতলে যাইবার বাসনা প্রকাশ করিল।

“আজ নয় জিপ! আজ রাতে নয়!”

সে অত্যন্ত মৃদুগতিতে আমার কাছে ফিরিয়া আসিল। আমার হস্ত লেহন করিয়া নিশ্চিন্ত দৃষ্টিতে আমার দিকে চাহিল।

“জিপ! হয় ত এ জীবনে আর হবে না!”

আমার পদতলে সে গুইয়া পড়িল, ঘুমাইবার জন্য দোষ প্রসারিত করিল। তার পর একবার কাতর-শব্দ করিয়া সে চির-নিদ্রায় অভিভূত হইল।

“আগ্নেস, এস! এখানে এসে দেখ!”

সে মুখে শুধু দুঃখ ও করুণা এবং নয়নে অশ্রু। মুক্ অববেদন! স্বর্গের দিকে তাহার হাত যেন উখিত।

“আগ্নেস?”

সব শেষ। আমার নয়নে অঙ্গীকার ঘনাইয়া আসিল। কিছুক্ষণের জন্য আমার স্মৃতি হইতে সমগ্র পৃথিবী বিলুপ্ত হইয়া গেল।

### চতুঃপঞ্চাশৎ পরিচ্ছেদ

শোক ও দুঃখে আমার হৃদয় কিরূপ অভিভূত হইয়াছিল, তাহা এখানে বলিবার প্রয়োজন নাই। ভবিষ্যৎ যেন আমার দৃষ্টির উপর একটা প্রাচীর তুলিয়া তাহার অন্তরালে অবস্থান করিতেছিল। আমার শক্তি সবই অস্বহিত হইয়াছিল। মনে হইতেছিল, একমাত্র সমাধিক্ষেত্র ব্যতীত আমার আশ্রয়স্থান আর কোথাও নাই। প্রথম আঘাতে এ সকল

কথা মনে হয় নাই; ক্রমশঃ যখন আঘাতবেগ পুরাতন হইয়া আসিতে লাগিল, তখনই মন এইরূপ উদাস হইয়া উঠিল।

প্রথমে প্রস্তাব হইল যে, আমি দেশবিদেশে ভ্রমণ করিলে সাহায্য-স্বয়ংক্রিয় যোগ্য পাইব। সকলেই সে প্রস্তাবে সায় দিল। কিন্তু কবে সে প্রস্তাব হইয়াছিল, এখন তাহা আমার মনে নাই। আগ্নেসের আশ্চর্যকর প্রভাব আমাদের সকলের চিন্তা ও কার্যধারার উপর এমনভাবে ব্যাপ্ত হইয়াছিল যে, সে যাহা প্রস্তাব করিত, সকলেই তাহাতে অনুমোদন করিত।

আমার বালিকা পত্নীর দেহ যখন মৃত্যুদূত অধিকার করিল, তখন আমি তাহারই বক্ষে মূর্ছিত হইয়া পড়িয়াছিলাম। জ্ঞানসঞ্চারের পর আমি দেখিয়াছিলাম, আগ্নেসের অশ্রুপূর্ণ নেত্র সহানুভূতিভরে আমার দিকে অবনত। তখন মনে হইয়াছিল, যেন সে ত্রিদিবের সান্নিধ্য স্থান হইতে আমার দিকে নেত্রপাত করিতেছে, তাহার সেই শান্তি আমার অশিক্ষিত, অসংযত হৃদয়ে যেন শান্তির প্রলেপ প্রদান করিয়াছিল।

কাহিনীর অনুসরণ করি।

আমাকে বিদেশে যাইত হইবে। উহা সকলেই সিদ্ধান্ত করিয়া রাখিয়াছিলেন। আমার পত্নীর অন্ত্যেষ্টিক্রিয়ার পর আমি হিপের সহস্রক্ষে শেষ ব্যবস্থার প্রতীক্ষা করিতেছিলাম। তার পর বিদেশগামীদিগের যাত্রা ঘটবে।

ট্রাডেল্‌স্‌, আমার অন্তরঙ্গ ও শ্রদ্ধাভাজন বন্ধুর অনুরোধে আমরা আবার ক্যান্টারবেরীতে গেলাম। অর্থাৎ আগ্নেস্‌, ঠাকুরমা ও আমি এই তিন জন তথায় ফিরিলাম। তথা হইতে মিঃ মিক্‌বারের গৃহে সোজা আমরা গিয়া যাইতে হইল। মিসেস্‌ মিক্‌বার আমাকে শোক-পরিচ্ছদ দেখিয়া বিশেষ বিচলিত হইলেন।

আমনি গ্রহণ করিবার পর পিতামহী বলিলেন, “মিঃ ও মিসেস্‌ মিক্‌বার, আপনাদের দেশান্তরে যাবার জন্য আমি যে প্রস্তাব করেছিলাম, সে সহস্রক্ষে কিছু ভেবে দেখেছেন কি?”

মিঃ মিক্‌বার বলিলেন, “প্রিয় ম্যাডাম, আমার পত্নী, আমি এবং আমার পুত্রকন্যারা সকলেই একসঙ্গে এবং স্বতন্ত্রভাবে যে সিদ্ধান্তে উপনীত হয়েছে, তাতে এই কথা কবির ভাষায় বলা যেতে পারে—আমাদের নৌকা তীরে এবং সমুদ্র-বক্ষ”।

ঠাকুরমা বলিলেন, “বেশ কথা। আপনাদের বিজ্ঞোচিত সিদ্ধান্তে আমি খুসী হলাম।”

মিঃ মিক্‌বার বলিলেন, “ম্যাডাম, আপনি অর্থ-সাহায্য করতে চেয়েছেন, এর জন্য আমরা বিশেষ বাধিত। আমি পূর্বেই বলেছি যে, টাকা আমি ঋণস্বরূপ গ্রহণ করব, তা আমি ১৮ মাস, ২৪ মাস ও ত্রিশ মাসে শোধ করতে চাই, এই-রকম একটা লেখাপড়া ক’রে দিতে চাই।”

পিতামহী বলিলেন, “সে আপনি যে রকমভাবে করতে চান, করুন।”

এ বিষয়ে আলোচনা শেষ হইলে মিক্‌বার-দম্পতি ঘরের বাহিরে গেলেন। টেবলের উপর ‘রাশিকৃত খাতাপত্র মাজাইয়া ট্রাডেল্‌স্‌ প্রতীক্ষা করিতেছিল।

ট্রাডেল্‌স্‌ বলিল, “প্রিয় কপারফিল্ড, আমি জানি, তুমি এখন শোকাচ্ছ, তবু এই ব্যাপারে তোমার আগ্রহ আছে, তাই তোমার মনকে অল্পদিকে বিক্ষিপ্ত করবার জন্য দরকারী কাজের কথা পাড়ছি। প্রিয় বন্ধু, আশা করি, তুমি একেবারে অবসন্ন হয়ে পড়বে না।”

একটু থামিয়া আমি বলিলাম, “আমি ঠিক আছি, ভাই। ঠাকুরমার কথাই এখন আমাকে বেশী ক’রে ভাবতে হবে। তিনি আমার কি করেছেন, তা ত জান।”

ট্রাডেল্‌স্‌ বলিল, “নিশ্চয়! নিশ্চয়! এ কথা কে ভুলতে পারে?”

আমি বলিলাম, “শুধু তাই নয়। গত পক্ষকাল ধরে কোন নূতন বিপদ তাঁকে বড় বিব্রত ক’রে তুলেছে বুঝতে পারছি। প্রতিদিনই তিনি সহরের বাইরে গিয়েছেন। সকালবেলা উঠে বেরিয়ে গেছেন, আর সন্ধ্যায় ফিরেছেন, এমন অনেকবার হয়েছে। কাল রাত দুপুরে তিনি ফিরেছেন। কেন তিনি এমন করছেন, তা আমায় বলেননি।”

পিতামহীর মুখ বিবর্ণ, তিনি স্থিরভাবে তাঁহার আসনে বসিয়া রহিলেন। তাঁহার নয়নে দুই এক বিন্দু অশ্রুচিহ্নও দেখিলাম। ঠাকুরমা আমার হাতে হাত রাখিলেন।

তিনি বলিলেন, “ও কিছু না, ট্রট। আর ও রকম হবে না। সব তুমি ক্রমে ক্রমে জানতে পারবে। এখন আগ্নেস্‌ এস, আমরা কাজের কথা শুনি।”

ট্রাডেল্‌স্‌ বলিল, “প্রথমেই মিঃ মিক্‌বারকে এ কাজের জন্য প্রশংসা করতে হবে। তিনি নিজের জন্য পরিশ্রম করতে না পারেন, পরের জন্য প্রকৃত পরিশ্রম করতে পারেন। এমন লোক আমি জীবনে দেখিনি। তিনি যে এ ব্যাপারে কি পরিশ্রম করেছেন, তা কল্পনা করাও অসম্ভব। আমাকে এখান থেকে শত শত পত্রও লিখেছেন।”

পিতামহী বলিলেন, “চিঠিপত্র! আমার মনে হয়, তিনি স্বপ্নেও চিঠি লেখেন!”

ট্রাডেল্‌স্‌ বলিল, “মিঃ ডিক্‌ও কম যান না। উড়িয়া হিপের উপর চৌকী দেবার ভার নেমে গেলে, তিনি মিঃ উইক্‌ফিল্ডকে নিয়ে পড়েছেন। তাঁর সাহায্য না পেলে আমাদের কাজের সুবিধা হ’ত না।”

ঠাকুরমা বলিলেন, “ডিক্‌ চমৎকার লোক। আমি বরাবরই জানতাম। কেন তোমায় বলিনি, ট্রট?”

ট্রাডেল্‌স্‌ বলিল, “মিস্‌ উইক্‌ফিল্ড, আপনার অনুপস্থিতি-কালে মিঃ উইক্‌ফিল্ড অনেক সুস্থ হয়েছেন। যে পাষণ-চাপ তাঁর ওপর ছিল, তা স’রে যাওয়ায় তিনি অনেকটা পূর্নাবস্থা

ফিরে পেরেছেন। স্মৃতিশক্তি ফিরে এসেছে। ব্যবসায়ের অনেক ব্যাপার তাঁর কাছ থেকে জেনে নিতে পেরেছি। এখন দেখা যাক, ব্যাপারটা কি দাঁড়িয়েছে। টাকার পরিমাণ এবং ব্যবসার অবস্থা যা দাঁড়িয়েছে, তাতে মিঃ উইক্‌ফিল্ড এখন ব্যবসা তুলে দিতে পারেন। তাতে তাঁকে কারও কাছে দায়ী হ'তে হবে না।”

আগনেস্‌ আগ্রহভরে বলিয়া উঠিল, “ভগবান্কে ধন্যবাদ।”

ট্রাডেলস্‌ বলিল, “তাঁর এই বাড়ী বিক্রী করলে কয়েক শত টাকা হবে, বেশী হবে না। তাছাড়া যে টাকাটা হাতে থাকবে, তাতে তিনি তাঁর ব্যবসা রাখবেন কি না, মিস্‌ উইক্‌ফিল্ড তা বিবেচনা ক'রে দেখবেন। তাঁর বন্ধুরা তাঁকে রাখবার জন্তই পরামর্শ দেবেন, কেন না, এখন তিনি ঋণমুক্ত। আপনি মিস্‌ উইক্‌ফিল্ড, কপারফিল্ড ও আমি—”

আগনেস্‌ বলিল, “ট্রটউড্‌, আমি কথাটা ভেবে দেখেছি, ও আর হবে না, হওয়া উচিত নয়। বন্ধুরা পরামর্শ দিলেও আর না।”

ট্রাডেলস্‌ বলিল, “আমি সে পরামর্শ দিচ্ছি না, শুধু কথার কথা বলছি। তার বেশী নয়।”

“আপনার কথায় আমি সুখী হলাম। কারণ, এতে বুঝতে পারছি, আমরা এ বিষয়ে একমত। বাবা একবার ঋণমুক্ত হ'লে, আর আমার ভাবনা কি? আমি শুধু এই কথাই বরাবর ভেবে এসেছি, বাবাকে কি ক'রে ছুশ্চিন্তা থেকে মুক্ত করব। তার পর দ্বিতীয় চিন্তা আমাদের চলবে কি ক'রে?”

আমি বলিলাম, “কি ক'রে তা হবে ভেবেছ, আগনেস্‌?”

“অনেকবার, ট্রটউড্‌; আমি এতে সাফল্যলাভ করব। এখনকার অনেক লোক আমায় জানেন। তাঁরা আমার ভালও বাসেন। অবিশ্বাস করেন না। আমাদের অভাব বেশী নয়। এই বাড়ী যদি ভাড়া দেই, আর একটা খুল খুলি, আমি অনেকের কাজে লাগব।”

আমি এ কথার আর কোন উত্তর দিলাম না।

ট্রাডেলস্‌ বলিল, “তার পর আপনার কথা, মিস্‌ ট্রটউড্‌। আপনার সেই টাকা।”

দীর্ঘশ্বাস ফেলিয়া পিতামহী বলিলেন, “যদি সব গিয়ে থাকে, আমি তা সহ্য করতে পারব। আর যদি থেকে থাকে, আমি ফিরে পেলে সুখী হব।”

ট্রাডেলস্‌ বলিল, “গোড়ায় ৮ হাজার পাউণ্ডের কাগজ ছিল।”

ঠাকুরমা বলিলেন, “ঠিক কথা।”

“কিন্তু পাঁচের বেশী হিসাব আর পাচ্ছি না।”

ঠাকুরমা বলিলেন, “পাঁচ হাজার না, পাঁচ পাউণ্ড?”

ট্রাডেলস্‌ বলিল, “পাঁচ হাজার পাউণ্ড।”

ঠাকুরমা বলিলেন, “তা হ'লে ঠিকই আছে। আমি তিন হাজার পাউণ্ডের কাগজ বিক্রয় করেছিলাম। ট্রটউড্‌, এক হাজার পাউণ্ড তোমার কাজ শিখবার জন্ত দিয়েছিলাম। ২ হাজার পাউণ্ড নিজের কাছে রেখেছিলাম। যখন দেখলাম, আমার সব টাকা নষ্ট হয়েছে, তখন বাকী ২ হাজারের কথা কাকেও বলা সঙ্গত মনে করিনি। আমি দেখতে চেয়েছিলাম, ট্রটউড্‌, তুমি কেমন ক'রে অগ্নি-সেবার উত্তীর্ণ হও। তুমি সর্বতোভাবে সে পরামর্শ জয়ী হয়েছ। তোমার আত্মোৎসর্গ, আত্মনির্ভরশীলতা, এবং অধ্যবসায় তোমায় জয়টাকা পরিয়ে দিয়েছে, ট্রটউড্‌। ডিক্‌ও তাই করেছেন। আমার সঙ্গে এখন কথা বলো না, আমার মায়ু এখন বড় দুর্বল!”

কিন্তু তাঁহাকে দেখিলে সে কথা কেহ বলিতে পারিত না। তিনি ঋজুভাবে আসনে সমান বসিয়া রহিলেন। আশ্চর্য্য তাঁহার আত্মদমনশক্তি।

ট্রাডেলস্‌ উল্লাসভরে বলিল, “তা হ'লে সব টাকাটাই উদ্ধার করা গেছে!”

পিতামহী বলিলেন, “কেউ আমাকে অভিনন্দিত করো না কিন্তু! কেমন ক'রে হ'ল, মশাই?”

ট্রাডেলস্‌ বলিল, “আপনি ভেবেছিলেন, মিঃ উইক্‌ফিল্ড সব টাকাটা আত্মসাৎ করেছিলেন?”

ঠাকুরমা বলিলেন, “হ্যাঁ, তাই ভেবেছিলাম। তাই সহজে চূপ ক'রে গিয়েছিলুম। আগনেস্‌, একটা কথাও নয়!”

ট্রাডেলস্‌ বলিল, “আপনার আমমোক্তারনামার বলে কাগজগুলো সত্যি বিক্রয় করা হয়েছিল; কিন্তু কে তা করেছিল, তা বলবার আর দরকার নেই। ঐ বদ্‌মাসটা মিঃ উইক্‌ফিল্ডকে বুঝিয়ে দেবার চেষ্টা করেছিল যে, অল্প টাকার ঘাটতি পূরণ করার জন্ত সে টাকাটা ব্যয় হয়ে গেছে। মিঃ উইক্‌ফিল্ড তার হাতে প'ড়ে এমন অসহায় হয়েছিলেন যে, তার পর কয়েকবার আপনাকে স্কদ দিয়েছিলেন বটে, কিন্তু সে অল্প টাকার হিসেবে—আপনার টাকা তখন সত্যি ছিল না। কাজেই এই জুয়াচুরি ব্যাপারে জড়িত হয়ে তিনি মহা বিপন্ন ও অসুখী হয়ে পড়েছিলেন।”

ঠাকুরমা বলিলেন, “শেষে তিনি নিজের ঘাড়ে সব দোষ নিয়েছিলেন। আমাকে পাগলের মত এক পত্র লিখেছিলেন। তাতে তিনি লিখেছিলেন যে, তিনি ডাকাতি করেছেন—যোর অন্ডায় করেছেন। সেই চিঠি পেয়ে আমি এক দিন তাঁর স'ঙ্গ দেখা ক'রে সেই পত্র পুড়িয়ে ফেলি। তাঁকে বলি যে, এ কথা যেন প্রকাশ না পায়, অন্ততঃ তাঁর কন্ডার মুখ চেয়ে যেন চেপে থাকেন। দেখ, তোমরা এখন যদি কেউ আমার সঙ্গে কোন কথা বল, আমি কিন্তু এখনই এখান থেকে চ'লে যাব।”

আমরা সকলেই চূপ করিয়া রহিলাম। আগনেস্‌ তাহার মুখমণ্ডল আবৃত করিয়া ফেলিল।



খানিক নীরব থাকিয়া তার পর ঠাকুরমা বলিলেন, “প্রিয় বন্ধু, তুমি কি সে টাকাটা তার কাছ থেকে আদায় করে নিয়েছ?”

ট্রাডেল্‌স্‌ বলিল, “মিঃ মিক্‌বার শয়তানটাকে চারিদিক থেকে এমন ভাবে চেপে ধরেছিলেন, এমন সব প্রমাণ বের করে ফেলেছিলেন যে, সে আর আমাদের হাত থেকে নিষ্কতির কোন পথ পেলেন না। শয়তানটা শুধু লোভের বশেই যে এই টাকাটা গ্রাস করেছিল, তা নয়। কপারফিল্ডকে ও মনে-প্রাণে ঘণা করত। সে কথা মুখেই সে আমাকে বলেছিল। এমন কি, কপারফিল্ডের ক্ষতি করবার জন্য সে আরও পাঁচ হাজার পাউণ্ড ব্যয় করতে কুণ্ঠিত ছিল না।”

চিন্তাবদ্ধভাবে ঠাকুরমা একবার আগনেসের দিকে চাহিয়া বলিলেন, “বটে!—লোকটার তার পর কি হ’ল?”

“তা জানিনে। সে তার মাকে নিয়ে এখান থেকে চলে গেছে। আমি তার আর কোন খবর পাইনি।”

আমি জিজ্ঞাসা করিলাম, “লোকটার কাছে টাকা আছে বলে মনে কর, ট্রাডেল্‌স্‌?”

সে বলিল, “নিশ্চয় আছে। নানা উপায়ে সে বেশ টাকার সংস্থান করেছে। কিন্তু ভাই কপারফিল্ড, তুমি দেখ, যত টাকাই থাক, ও চিরদিন লোকের অনিষ্ট করে বেড়াবে। সোজাপথে কখনো চলবে না—ঐ রকম যারা ভণ্ড, তারা কোন দিনই ভাল থাকতে পারে না। বাইরে বিনয়ের ভাণ করে লোকের বুকে ওরা ছুরী মারতে মজবুত। ও লোকটা চিরদিনই মানুষকে ঘণা করবে, সকলকে সন্দেহ করে বেড়াবে। তার ফলে আরও শয়তান হয়ে উঠবে।”

ঠাকুরমা বলিলেন, “লোকটা নীচতার রাক্ষস বললে চলে।”

ট্রাডেল্‌স্‌ বলিল, “সে কথা খুবই সত্য।”

পিতামহী বলিলেন, “এখন মিঃ মিক্‌বারের কথা ধর।”

ট্রাডেল্‌স্‌ প্রফুল্লভাবে বলিল, “হ্যাঁ। আমি আবার তাঁর অজস্র প্রশংসা করছি। তিনি এ রকম ধৈর্য্য ও পরিশ্রম সহকারে কাজ না করলে, আমরা কিছুই জানতে পারতাম না। মিঃ মিক্‌বার জায়ধর্মের দিক দিয়েই কাজ করেছিলেন, কোন লাভের প্রত্যাশায় নয়। তাঁর সে উদ্দেশ্য থাকলে উড়িয়া হিপের কাছ থেকে প্রচুর অর্থ নিয়ে চূপ করে থাকতে পারতেন।”

আমি বলিলাম, “সে কথা ঠিক।”

ঠাকুরমা বলিলেন, “এখন ঠেকে কি দেওয়া যাবে?”

ট্রাডেল্‌স্‌ বলিল, “সে ব্যবস্থা করবার আগে আর একটা জিনিস ভেবে দেখা দরকার। মিঃ মিক্‌বারের কাছ থেকে হিপ অনেক তমস্ক লিখিয়ে নিয়েছে। যে টাকা অগ্রিম নিয়েছিলেন, তার বদলে—”

ঠাকুরমা বলিলেন, “সে সব টাকা শোধ করে দিতে হবে।”

ট্রাডেল্‌স্‌ বলিল, “কিন্তু আমরা ত জানিনে, কবে হিপ তাঁর নামে কত টাকার নালিশ করবে। তবে মনে হয়, এ দেশ ত্যাগ করবার আগেই সে ব্যাপার আরম্ভ হবে এবং বারবার টাকার জন্য তাঁকে গ্রেপ্তার করান চলবে।”

ঠাকুরমা বলিলেন, “যদি তাই হয়, তবে বারবারই মিঃ মিক্‌বারকে মুক্ত করতে হবে। সবশুদ্ধ কত টাকা হবে?”

ট্রাডেল্‌স্‌ বলিল, “মিঃ মিক্‌বার তার হিসাব রেখেছেন। সুদে আসলে মোট পরিমাণ ১ শত তিন পাউণ্ড পাঁচ শিলিং।”

ঠাকুরমা বলিলেন, “আচ্ছা, তা হলে এ টাকা ধরে নিয়ে মোট কত টাকা তাঁকে দেওয়া যায়? আগনেস, এ বিষয়ে পরে আমরা কে কত দেব, তা স্থির করা যাবে। এখন দেওয়া যায় কত? পাঁচশ পাউণ্ড?”

এই কথা শুনিয়া আমি ও ট্রাডেল্‌স্‌ উভয়েই বাধা দিলাম। আমরা বলিলাম যে, এত মোটা টাকা মিঃ মিক্‌বারের হাতে একসঙ্গে দেওয়া হইবে না। নালিশ যখন যেমন হইবে, অমনই তাহা শোধ করিয়া দেওয়া হইবে। মিক্‌বার-পরিবারের বিদেশে যাইবার জাহাজ ভাড়া, রাইফল, পোষাক-পরিচ্ছদের ব্যবস্থা করিয়া হাতে এক শত পাউণ্ড দিলেই চলিবে। মিঃ মিক্‌বার ঋণের টাকা যাহাতে শোধ দিতে পারেন, এমন ভাবের পাকা লেখাপড়াও করিয়া লইতে হইবে। কারণ, তাহা হইলে মিঃ মিক্‌বারের দায়িত্বজ্ঞান অব্যাহত থাকিবে। তার পর আমি বলিলাম যে, মিঃ পেগটীর কাছে তাঁহার চরিত্রগত দুর্বলতার পরিচয়টাও জানাইয়া রাখিব। সে নির্ভরযোগ্য লোক। মিঃ পেগটী সুবিধামত মিঃ মিক্‌বারকে আরও এক শত পাউণ্ড অগ্রিম দিবে, এমন ব্যবস্থাও করিব। মিঃ পেগটী ও মিঃ মিক্‌বার যাহাতে পরস্পর বিশ্বাস করিতে পারেন, নির্ভর করিতে পারেন, সে বন্দোবস্তও আমি করিব। মিঃ পেগটীর কাহিনী যতটুকু বলা প্রয়োজন, মিঃ মিক্‌বারকেও জানাইব। ইহাতে কল ভাল হইবে।

ট্রাডেল্‌স্‌ উৎকণ্ঠিতভাবে ঠাকুরমার দিকে চাহিয়া বলিল, “কপারফিল্ড, তুমি আমাকে ক্ষমা করো, ঠাকুরমা, আপনিও ক্ষমা করবেন, আমি এখন যে কথা বলব, তাতে ব্যথা পাবার কথা। কিন্তু কথাটা জানানো দরকার। মিঃ মিক্‌বার যে দিন উড়িয়ার বিজ্ঞা ফাঁস করে দেন, সে দিন তোমার ঠাকুরমাকে উড়িয়া ভয় দেখিয়েছিল, মনে আছে? সে তাঁর স্বামীর কথা বলেছিল।”

গম্ভীরভাবে ঠাকুরমা মাথা নাড়িলেন।

ট্রাডেল্‌স্‌ বলিল, “বোধ হয়, সেটা উদ্দেশ্যহীন অসভ্যতা!”

পিতামহী বলিলেন, “না।”

ট্রাডেল্‌স্‌ বলিল, “আপনি আমার মাপ করবেন, এমন ব্যক্তি সত্যই ছিলেন, তিনি উড়িয়ার কবলে পড়েছিলেন।”

পিতামহী বলিলেন, “সত্য কথা, বন্ধু।”

ট্রাডেলস্ বলিল যে, এখন উড়িয়া হিপের সঙ্গে রফা হওয়ার সে আমাদের হাতের বাহিরে গিয়া পড়িয়াছে। হতরাং ইচ্ছা করিলে আমাদের সকলেরই কোন না কোন কতি করিতে পারে।

পিতামহী নীরব রহিলেন। তাঁহার নরনপ্রাণে দুই ফোঁটা অশ্রু দেখিলাম।

তিনি বলিলেন, “তুমি ঠিক বলেছ। এ কথাটা জানান ভালই হয়েছে।”

ট্রাডেলস্ কোমল স্বরে বলিল, “কপারফিল্ড বা আমি কোন সাহায্য করতে পারি কি?”

ঠাকুরমা বলিলেন, “কোন প্রয়োজন হবে না। তোমাকে শত শত ধন্যবাদ। প্রিয়তম ট্রট, রুথা ভয় দেখিয়েছে! কোন চিন্তা নেই। এখন মিক্‌বার-দম্পতিকে এখানে ডাকান যাক।”

তাঁহারা আসিলেন।

ঠাকুরমা বলিলেন, “মিঃ ও মিসেস্ মিক্‌বার, আপনাদের বিদেশযাত্রার বিষয় আমরা আলোচনা করছিলাম ব’লে আপনাদের অন্ত ঘরে যেতে হয়েছিল। সে জন্ম কিছু মনে করবেন না। আমরা কি ঠিক করেছি, বলছি।”

সমস্ত কথা বলিবামাত্র মিঃ মিক্‌বার উল্লাসে অধীর হইয়া তখনই রসিদ ষ্ট্যাম্প কিনিবার জন্ম বাহিরে গেলেন। কিন্তু পাঁচ মিনিটের মধ্যে আদালতের পেয়াদা তাঁহাকে বন্দী করিয়া আমাদের কাছে আনিল। তিনি কাঁদিয়া ফেলিয়া বলিলেন যে, সব শেষ হইয়া গেল। আমরা এ জন্ম প্রস্তুত ছিলাম। উড়িয়া হিপের চালাকী আমরা জানিতাম। তখনই দেনা শোধ করিয়া দেওয়া হইল। সানদে মিঃ মিক্‌বার তমস্ক লিখিতে বসিলেন।

আমাদের কার্য শেষ হইয়াছিল। পরদিন প্রভাতে আমরা লগুনে ফিরিয়া যাইব স্থির হইয়াছিল। মিঃ মিক্‌বার তাঁহার গৃহস্থালীর দ্রব্যাদি বিক্রয় করিয়া পরে লগুনে যাইবেন, এইরূপ ব্যবস্থা ঠিক রহিল। ট্রাডেলস্‌ের পরামর্শ-মত মিঃ উইক্‌ফিল্ডের যাবতীয় বিষয়ের বন্দোবস্তও হইবে। আগ্নেস্‌ও লগুনে আসিবে কথা রহিল। পুরাতন বাড়ীতে, আমার পুরাতন ঘরে আমি শয়ন করিলাম।

পরদিবস প্রভাতে লগুনে ফিরিলাম। পিতামহীর বাসায় গিয়া উঠিলাম। আমার বাসায় গেলাম না। শয়নের পূর্বে পিতামহী আমায় বলিলেন, “সম্প্রতি আমার মনে কি ছিল, তা তুমি জানতে চাও, ট্রট?”

“হ্যাঁ, ঠাকুরমা। তোমার দুঃখের ভাগ আমি নিতে চাই।”

“বৎস, তোমার নিজের দুঃখের অন্ত নেই। আমার ছোটখাট দুঃখের ভার আর তোমার ওপর চাপাবার ইচ্ছা ছিল না। সে জন্ম আমি তোমাকে কিছু বলিনি।”

“তা আমি জানি। কিন্তু তবু আমি জানতে চাই।”

“কাল সকালে তুমি আমার সঙ্গে এক জায়গায় যাবে?”

“নিশ্চয়।”

“নটার সময়। তখন সব কথা বলব।”

নির্দিষ্ট সময়ে একখানা গাড়ী ভাড়া করিয়া সহরে গেলাম। একটা বড় হাঁসপাতালে উপস্থিত হইলাম।

পিতামহী বলিলেন, “ট্রট, তুমি বুঝতে পারছ, সে মারা গেছে।”

“হাঁসপাতালে তিনি মারা গেছেন?”

“হ্যাঁ।”

আমার পার্শ্বে স্থিরভাবে তিনি বসিয়া রহিলেন। আবার তাঁহার গণ্ডদেশে কয়েক ফোঁটা অশ্রু দেখিলাম।

“অনেক দিন ধ’রে রোগ ভোগ করছিলেন। দেহে কিছু ছিল না। পীড়ার অবস্থা বুঝে তিনি আমায় খবর দেন। সে সময় তিনি ভারী সমস্ত হইয়েছিলেন—ভারী দুঃখ হইয়েছিল।”

“ঠাকুরমা, তুমি দেখা করেছিলে, তা বুঝতে পারছি।”

“হ্যাঁ, এযাত্রা আমি তাঁর পাশে অনেক সময় কাটিয়েছি।”

“আমরা যে দিন ক্যান্টারবেরি যাই, তার আগের দিন তিনি মারা যান না?”

“হ্যাঁ। এখন আর কেউ তাঁর অনিষ্ট করতে পারবে না। কাজেই রুথা ভয় দেখিয়েছিল।”

আমরা সহর ছাড়াইয়া হরনুসি গির্জায় গেলাম। পিতামহী বলিলেন, “এখানে তিনি ভূমিষ্ঠ হ’ন।”

গাড়ী হইতে নামিয়া আমরা সমাধিক্ষেত্রে গেলাম।

পিতামহী বলিলেন, “ছত্রিশ বছর আগে এই দিনে আমাদের বিয়ে হয়। ভগবান্ আমাদের ক্ষমা করুন।”

নীরবে আমরা উপবেশন করিলাম। আমার হাত ঠাকুরমার হাতের মধ্যে। সহসা উচ্ছ্বসিত ক্রন্দনে তিনি বলিয়া উঠিলেন, “ট্রট, আমাদের যখন বিয়ে হয়, তখন কি সুপুরুষই তিনি ছিলেন—তার পর কি শোচনীয় পরিবর্তন!”

অশ্রুপাতের পর তিনি শাস্ত হইলেন। তার পর আমায় গৃহে ফিরিয়া আসিলাম। সকালের ডাকে মিঃ মিক্‌বারের এক পত্র আসিয়াছিল, তাহা এইরূপ—

“ক্যান্টারবেরি, শুক্রবার

“প্রিয় ম্যাডাম্ ও কপারফিল্ড,

“দিক্‌চক্রবালে যে মনোরম দেশের সম্ভাবনা জাগিয়া উঠিয়াছিল, আবার তাহা কুঅটিকার অন্তরালে হায়োগাপন করিয়াছে। এই হতভাগ্যের দৃষ্টিপথ হইতে তাহা চির-বিলুপ্ত হইল।

“হিপ্‌ বনাম মিক্‌বার মোকদ্দমায় আর একদফা উগ্রী হইয়াছে। পেয়াদার কবলে আবার নিষ্কিন্ত হইয়াছি।

“আমার পরিণাম এইখানেই শেষ হইল। ভগবান্ আপনাদের কল্যাণ করুন। কারাগারে আসিয়াছি—ভবিষ্যতে কেহ যদি এখানে আসেন, তিনি দেখিতে পাইবেন, প্রাচীরগাত্রে মরিচা ধরা পেরেকের সাহায্যে উৎকীর্ণ আছে

“অস্পষ্ট অক্ষর উল্লু, এম্”

“পুনশ্চ!—পত্র খুলিয়া বাকীটুকু লিখিতে হইল। আমাদের বন্ধু মিঃ টমাস্ ট্রাডেলস্ (এখনও তিনি এখান হইতে চলিয়া যান নাই) ঋণের টাকা শোধ দিয়াছেন—মিস্ ট্রাডেলস্‌র মহৎ নামে সেই টাকা দিয়াছেন। সুতরাং আমি ও আমার পরিবারবর্গ স্নেহের রাজ্যে পৌঁছিয়াছি।”

### পত্রপত্রিকাশং পরিচ্ছেদ

অষ্ট্রেলিয়াগামী জাহাজ শীঘ্রই যাত্রা করিবে। আমার দায়িত্বভার লগুনে আসিয়াছিল। আমি সর্বদাই তাহার ও তাহার এক ভ্রাতা মিক্‌বারপরিবারের সঙ্গে সঙ্গে ফিরিতাম; কিন্তু এমিলির সঙ্গে আমার একবারও দেখা হয় নাই।

এক দিন মিঃ পেগটী ও পেগটীর সঙ্গে আমি কথা বলিতেছিলাম। তখন হ্যামের প্রসঙ্গ উঠিল। পেগটী বলিল যে, যখন হ্যামের নিকট বিদায় লইয়া আসে, সে কিরূপ ধৈর্যের সহিত তাহা সহ করিয়াছিল। ইদানীং হ্যাম যেন অত্যন্ত ক্লান্ত হইয়া পড়িয়াছিল।

হাইগেটের দুইটি বাসা—আমার ও ঠাকুরমার—আমরা খালি করিয়া দিবার জন্ত প্রস্তুত হইয়াছিলাম। আমি বিদেশে গেলে, ঠাকুরমা তাঁহার ডোভারের বাড়ীতে গিয়া থাকিবেন স্থির হইয়াছিল। সম্প্রতি কভেন্টগার্ডেনে একটা অফিস বাসা আমরা লইয়াছিলাম। বাসায় ফিরিয়া ভাবিলাম যে, হ্যামের সহিত আমার যে কথা হইয়াছিল, সেই সকল কথা আমি লিখিয়া এমিলির জলযাত্রার দিন জাহাজে তাহাকে দিয়া আসিব। কিন্তু ভাবিলাম যে, সেই পত্রখানা এখনই লিখিতে হইবে। হয় ত এমন হইতে পারে যে, সে আমার মারফতে তাহার প্রণয়পত্রকে কোন বিদায়বাণী দিয়া যাইতে পারে। সে অবকাশ এমিলিকে দেওয়া প্রয়োজন।

শরনের পূর্বে আমি এমিলিকে পত্র লিখিলাম। সকল কথা গুছাইয়াই পত্রে প্রকাশ করিলাম। মিঃ পেগটীর কাছে এক ছত্র লিখিয়া পত্রখানা এমিলিকে পাঠাইয়া দিলাম।

আমি পূর্বাপেক্ষা দুর্বল হইয়া পড়িয়াছিলাম। সেজন্ত শয্যাভ্যাগ করিতে বিলম্ব হইতেছিল। এমন সময় ঠাকুরমা আমার শয্যাপার্শ্বে আসিয়া দাঁড়াইলেন।

তিনি বলিলেন, “ইট, মিঃ পেগটী এসেছে। তাকে এখানে নিয়ে আস্বে?”

আমি বলিলাম যে, মিঃ পেগটী এখানে আসিতে পারে।

সে গৃহমধ্যে প্রবেশ করিল।

কব-কম্পনের পর সে বলিল, “মাষ্টার ডেভি, আমি তোমার পত্র এমিলিকে দিয়াছিলাম। সে উত্তর দিয়াছে। সে আমাকে বলেছে যে, তুমি পত্রখানা প’ড়ে দেখ। যদি

প’ড়ে দেখ যে কোন দোষ নেই, তা হ’লে পত্রখানি তাকে দিও।”

আমি পত্রখানি পড়িলাম—

“আমি তোমার সম্ভাষণ পাইয়াছি। আমার প্রতি তোমার অকুরন্ত স্নেহের বিনিময়ে আমার অন্তরের কৃতজ্ঞতা লিখিয়া প্রকাশ করিবার ভাষা আমার নাই।

“আমি কথাগুলি বুকে গাঁথিয়া রাখিয়াছি। মৃত্যুকাল পর্যন্ত কথাগুলি আমার মনে থাকিবে। কথাগুলি তীক্ষ্ণ-মুখ কাঁটার মত হইলেও, উহাতে সান্ত্বনা পাওয়া যায়। আমি প্রাণের সমস্ত আবেগ-সহ ঐ কথাগুলিকে প্রার্থনার অঙ্গীভূত করিয়াছি। তোমার ও আমার সত্য পরিচয় পাইয়া আমি ভাবিতেছি, ভগবানের স্বরূপ কি। আমি তাই তাঁহাকে ডাকিতেছি।

“বিদায়, ইহজন্মের মত বিদায়। প্রিয়তম, প্রিয়বন্ধু, এ জগতে চির-বিদায় গ্রহণ করিতেছি। অল্প জগতে, যদি আমি ক্ষমা পাই, মন লইয়া মত জানিয়া তোমার কাছে আসিব। ধন্যবাদ! আশীর্বাদ কর। বিদায়—বিদায়!”

এইখানে অশ্রুচিহ্নে পত্র মসীলিপ্ত।

“মাষ্টার ডেভি, আমি তাকে বলব কি, তুমি এ পত্রে কোন দোষ পাওনি? পত্র পৌঁছে দেবার ভার তুমি নিলে ত?”

“এতে কোন সন্দেহ নেই। কিন্তু আমি ভাবছি—”

“কি, মাষ্টার ডেভি?”

“আমি ভাবছি, আমি আবার ইয়ারমাউথে যাব। এখনও সময় আছে। জাহাজ ছাড়বার আগে আমি সেখান থেকে ফিরে আসতে পারব। সব সময়েই আমি তার কথা ভাবি। পত্রখানা তা দিয়ে আসা এখন দরকার। বিদায়কালে তুমি এমিলিকে জানাতে পারবে যে, সে পত্রখানা পেয়েছে। এটা করা আমার দরকার। যাতায়াতে আমার কোন কষ্ট হবে না। আমি অশান্ত হয়ে পড়েছি। এখন নড়া-চড়া করলেই আমি কতকটা ভাল থাকব। আজ রাত্তিতেই আমি যাব।”

সে আমাকে নিরন্ত করিবার চেষ্টা করিলেও বুঝিলাম যে, আমার কথা তাহার মনে ধরিয়াছে। সে আমার অনুরোধে রাত্রির গাড়ীতে আমার জন্ত একটা আসন নির্দিষ্ট করিয়া রাখিয়া আসিল। অপরাহ্নে আমি যাত্রা করিলাম।

লগুন হইতে গাড়ী পল্লী অঞ্চলে আসিতেই আমি শকট-চালককে জিজ্ঞাসা করিলাম, আকাশের অবস্থাটা খুব খারাপ দেখাইতেছে না কি?

সে বলিল যে, এ রকম আকাশের অবস্থা প্রায় দেখা যায় না। যে রকম ঝড়ের গতি দেখা যাইতেছে, তাহাতে সমুদ্রে নিশ্চয় প্রলয়-কাণ্ড ঘটবে।

সমস্ত দিনই বাতাসের বেগ প্রবলভাবে ছিল। এখন ঝড়ের প্রবল শব্দ বাড়িতে লাগিল। আকাশে মেঘ ক্রমেই গাঢ় হইতে গাঢ়তর হইতেছিল।



সন্ধ্যার সময় হইতেই সমস্ত আকাশ মেঘে আচ্ছন্ন হইয়া পড়িল। বাতাসের গতিবেগ ক্রমেই প্রচণ্ড হইয়া উঠিল। অশ্বদিগের পক্ষে সেই ঝড়িকার অগ্রসর হওয়াও সহজসাধ্য হইল না। ঝড়ের বেগে গাড়ী উড়িয়া যাইবে, এমন আশঙ্কাও দেখা গেল। সঙ্গে সঙ্গে বৃষ্টির ধারা নামিয়া আসিল। গাড়ী চালান অসম্ভব হইয়া উঠিল।

রাত্রি প্রভাত হইতেই ঝড়ের বেগ আরও প্রবল হইল। ইপ্‌স্টউইচ্ পর্য্যন্ত আসিতে অত্যন্ত বেগ পাইতে হইল। অনেক বাড়ীর চিমনি ঝড়ে ভূমিশয়ন গ্রহণ করিয়াছে দেখা গেল। এইখানে ঘোড়া বদল করা হইল। পথে বড় বড় গাছ ছিন্নমূল হইয়া ভূতলশায়ী হইয়াছে দেখা গেল। ঝড় থামিবার কোনও লক্ষণই দেখা গেল না।

অনেক কষ্টে আমরা ইয়ারমাউথে পৌঁছলাম। এই ভীষণ ছুর্যোগে ডাকগাড়ী কি করিয়া আসিল, তাহা দেখিবার জন্ম অনেক লোক সমবেত হইল। পুরাতন সরাইয়ে আমি উঠিলাম। তার পর সমুদ্রের অবস্থা দেখিতে গেলাম। পথে-চলাই অসম্ভব। সমুদ্র-সৈকতে আসিয়া আমি শুধু ছেলের দের দেখিলাম না। অর্ধেক সহর যেন ভাঙিয়া পড়িয়া সেখানে সমবেত হইয়াছে। সকলেই অট্টালিকার আশ্রয়ে দাঁড়াইয়া দৃশ্য দেখিতেছিল। কেহ কেহ সাহস করিয়া অগ্রসর হইয়া সমুদ্রের দিকে যাইতেছিল।

আমি জনতার ভিতর গিয়া পড়িলাম। বহু নারী শোক করিতেছিল। তাহাদের স্বামীরা মাছ ধরিবার জন্ম নৌকাতে সমুদ্রে গিয়াছিল। আশ্রয় পাইবার পূর্বেই হয় ত তাহাদের নৌকা জলে ডুবিয়া গিয়াছে। পাকা মাঝিরা আকাশ ও জলের অবস্থা দেখিয়া বিষমভাবে মাথা নাড়িতেছিল। জাহাজের মালিকরা অত্যন্ত উত্তেজিত ও উৎকণ্ঠিত হইয়া পড়িয়াছিল। নাবিকগণ দূরবীণ লইয়া সমুদ্র দেখিতেছিল।

প্রকাণ্ড পর্বতপ্রমাণ তরঙ্গ উপকূলে আসিয়া ঝাঁপাইয়া পড়িতেছিল। মনে হইতেছিল, এখনই বুঝি সমুদ্র সহরটিকে গ্রাস করিয়া ফেলিবে।

জনতার মধ্যে হাম্কে না দেখিয়া আমি তাহার বাড়ীর দিকে চলিলাম। তাহার বাড়ীর দরজা রুদ্ধ দেখিলাম। ডাকিয়া কাহারও সাড়া না পাইয়া, সে যেখানে কাজ করিত, সেইখানে গেলাম। আমি শুনিলাম যে, জাহাজ মেরামতের কাজের জন্ম সে লোয়েষ্টফে গিয়াছে। কাল সকালেই সে ফিরিয়া আসিবে।

আমি সরাইখানায় ফিরিয়া গেলাম। পরিষ্কার-পরিচ্ছন্ন হইয়া আমি ঘুমাইবার চেষ্টা করিলাম, কিন্তু ঘুম হইল না। তখন অপরাহ্ন ৫টা। হোটেলের পরিচারক আমাকে গল্প করিয়া গেল যে, কয়েক মাইল দূরে ছইখানা মালবোঝাই জাহাজ সমুদ্র-সমাধি লাভ করিয়াছে। মাঝিমালা সবই ডুবিয়া গিয়াছে। অল্প কয়েকখানা

জাহাজও বন্দরে ভিড়িবার জন্ম প্রাণপণ চেষ্টা করিতেছে। পাছে তীরে জাহাজ না লাগে, সে জন্ম যথাসাধ্য প্রয়াস পাইতেছে। তাহাদের অদৃষ্টে কি ঘটবে, কে জানে।

আমার মন অত্যন্ত অপ্রসন্ন হইয়া উঠিয়াছিল। বৈশেষতঃ হামের অনুপস্থিতিতে আমি সত্যই অসুস্থ ভাব করিতেছিলাম। আমার আশঙ্কা হইল, হাম যদি লোয়েষ্টফ হইতে জলপথে আসিতে চেষ্টা করিয়া থাকে, তাহা হইলে কি সর্বনাশ হইয়াছে, কে জানে! উবেগ-ব্যাকুল মনে আমি তাহার কক্ষস্থলে পুনরায় ঘুরিয়া আসিবার জন্ম বাহির হইলাম। যদি সেখানকার কেহ এমন অনুমান করে যে, সে হয় ত জলপথেও আসিতে পারে, তাহা হইলে আমি এখনই লোয়েষ্টফে গিয়া তাহাকে সেইরূপ প্রয়াস হইতে নিরস্ত করিব—সঙ্গে করিয়া তাহাকে লইয়া আসিব।

আমি আহাির শেষ করিয়া তাহার কক্ষস্থানে গেলাম। নৌ-নির্মািতা আমার কথা শুনিয়া হাসিয়া বলিল, হামের মত পাকা লোক এমন ঝড়ের সময় কখনই জলপথে আসিবে না। আমি তখন পুনরায় সরাইখানায় ফিরিয়া আসিলাম। ঝড়ের ভীষণতা ক্রমেই বাড়িতেছিল। দরজা-জানালা সশব্দে ঝড়ের তীব্রতা ঘোষণা করিতেছিল। প্রাতঃকালে সমুদ্রের যে অবস্থা ছিল, এ বেলাও তদপেক্ষা ভীষণ হইয়া উঠিল। সঙ্গে সঙ্গে হাম পেগটীর জন্ম আমার হৃদয়বনার অন্ত ছিল না।

আমি ডিনারে বসিলাম বটে, কিন্তু আহািরে আদৌ রুচি ছিল না। আমার সর্বদেহে কেমন একপ্রকার অবর্ণনীয় আতঙ্কের শিহরণ অনুভব করিতে লাগিলাম। আমি ঘরের মধ্যে পাদচারণা করিয়া বেড়াইতে লাগিলাম, বাহিরের বিভীষণ শব্দ কাণ পাতিয়া শুনিতে লাগিলাম। পাহুশালার কয়েকজন ভৃত্য প্রভাত না হওয়া পর্য্যন্ত জাগিয়া কাটাইবে শুনিলাম। আমি শয্যায় শয়ন করিলাম; কিন্তু নিদ্রা আসিল না।

জাগিয়া আমি বৃষ্টি ও ঝড়ের শব্দ শুনিতে লাগিলাম। কল্পনায় যেন অনুভব করিতে লাগিলাম, সমুদ্রে আর্ন্তকণ্ঠের চীৎকার উঠিতেছে। সহরের মধ্যে কোন কোন বাড়ী ভূমিশায়ী হইতেছিল, তাহার শব্দও শুনিতে পাইলাম। শয্যা ছাড়িয়া বহুবার আমি উঠিয়া দাঁড়াইলাম এবং বাহিরে দৃষ্টিপাত করিবার চেষ্টা করিলাম; কিন্তু কিছুই দৃষ্টিগোচর হইল না।

অবশেষে এমন অস্থির হইয়া পড়িলাম যে, আমি তাড়া-তাড়ি বেশভূষা করিয়া নীচে নামিয়া গেলাম। বড় রক্তনা-গারের মধ্যে হোটেলের চৌকীদাররা তরুভাবে বসিয়া রহিয়াছে। একটি যুবতী তাহার কক্ষপথে কাপড় শুঁড়িয়া দিয়া ঝড়ের ভৈরব গর্জনে প্রতিরোধের চেষ্টা করিতেছিল। আমাকে দেখিয়া সে যেন প্রেতবানি দেখিয়াছে, এমনই ভাবে চীৎকার করিয়া উঠিল। কিন্তু অল্প সকলে আমার

উপস্থিতিতে যেন সাহস অনুভব করিতে লাগিল। এক জন আমাকে প্রশ্ন করিল, যে দুইখানা জাহাজ ঝড়ে ডুবিয়া গিয়াছে, তাহার মাঝি-মাল্লাদের আত্মা এই ঝড়ে বাহির হইয়াছে কি না?

খুব সম্ভবতঃ দুই ঘণ্টাকাল আমি নীচে ছিলাম। একবার প্রান্তরের দরজা খুলিয়াছিলাম। কিন্তু বালুকা, সাগর-প্রাণ এবং তরঙ্গের ফেনা বাতাসের বেগে ঘরের মধ্যে প্রবেশ করিতেছে দেখিয়া তাড়াতাড়ি আমি উহা বন্ধ করিয়া দিলাম।

অবশেষে আমার নির্জন কক্ষে ফিরিয়া আসিলাম। বড়ই ক্লান্ত হইয়া পড়িয়াছিলাম। শয্যা শয়ন করিতে এবার গাঢ় নিদ্রায় অভিভূত হইয়া পড়িলাম। ঘুমাইয়া ঘুমাইয়াও ঝড়ের স্বপ্ন দেখিতে লাগিলাম।

কাণে যেন কামানের গর্জন শুনিতে লাগিলাম। অবশেষে চেষ্টা করিয়া জাগিয়া উঠিলাম। তখন বেলা প্রায় ষাট হইবে। ঝড় তখনও বেশ চলিতেছে। কেহ আমার দ্বারে কড়াঘাত করিতেছিল।

আমি বলিলাম, “কি হয়েছে?”

“একখানা ভাঙ্গা জাহাজ! কাছেই!”

আমি লক্ষ্য দিয়া শয্যা ত্যাগ করিয়া বলিলাম, “কোন ভাঙ্গা জাহাজ?”

“একখানা কুনার বোধ হয় স্পেন কি পোর্টুগাল থেকে কল ও মদ নিয়ে আসছিল। শীঘ্র আসুন, মশাই, যদি দেখতে চান। সমুদ্রের ধারে এসে পড়েছে, প্রতি মুহূর্তে ভেঙ্গে চুরমার হয়ে যাবার আশঙ্কা।”

আমি তাড়াতাড়ি জামাজোড়া পরিয়া ছুটিয়া পথে নামিলাম।

আমার অগ্রে বহু লোক দৌড়িয়া সমুদ্রের কূলের দিকে ছুটিতেছিল, আমিও সেই দিকে দৌড়িলাম। সকলকে পশ্চাতে ফেলিয়া উন্নত সমুদ্রের দিকে আমি ধাবিত হইলাম।

বাতাস এ সময়ে একটু পড়িয়া আসিয়াছিল। তবে সেরূপ ভাব কমে নাই। প্রথমে আসিয়া সমুদ্রকে সেরূপ দেখিয়াছিলাম, এখন তদপেক্ষা ভীষণ দেখিলাম। পর্বত-প্রমাণ চেউ উঠিতেছিল। সে দৃশ্য অত্যন্ত ভয়ঙ্কর।

আমি সমুদ্রের দিকে দৃষ্টিপাত করিলাম। জাহাজ কোথায়, দেখিবার চেষ্টা করিলাম, কিন্তু শুধু ফেনশীর্ষ তরঙ্গ ব্যতীত আর কিছুই দৃষ্টিগোচর হইল না।

এক জন ধীরে আমার পার্শ্বে দাঁড়াইয়াছিল। সে বামদিকে অঙ্গুলি নির্দেশ করিল। কি সর্বনাশ! জাহাজখানা আমাদেরই কাছে আসিয়া পড়িয়াছে!

একখানা মাস্তুল অর্ধভঙ্গ, ডেকের উপর সাত আট ফুট মাত্র জাগিয়া আছে। তাহার পাল, দড়াদড়ি সব এক হইয়া গিয়াছে। তরঙ্গঘাতে জাহাজ গড়াইতেছে—ভীষণ ভাবে তরঙ্গে আলোড়িত হইতেছে—এক মুহূর্ত বিশ্রাম নাই।

তখনও জাহাজের এই অংশটুকুকে কাটিয়া ফেলিবার চেষ্টা চলিতেছিল। দেখিলাম, জাহাজের মাঝিমাল্লারা কুঠার-হস্তে তখনও সে কার্যে ব্যাপৃত। তন্মধ্যে কৃষ্ণতকেশ এক ব্যক্তি সর্কাপেক্ষা ক্ষিপ্রহস্তে কাজ করিতেছিল। এমন সময় তীরভূমি হইতে একটা হায় হায় শব্দ উঠিল। ঝড় ও তরঙ্গের গর্জনকে ডুবাঁইয়া দিয়া সে ধ্বনি শ্রুতিগোচর হইল। সমুদ্রতরঙ্গ জাহাজের উপর দিয়া প্রবলবেগে সব ভাসাইয়া লইয়া গেল। মানুষ, পিপা, দড়িদড়া যাহা কিছু ছিল, সবই সমুদ্রগর্ভে বিলীন হইয়া গেল।

কিন্তু জাহাজের দ্বিতীয় মাস্তুল তখনও ভাসিয়া ভাসিয়া যায় নাই। ছিন্ন পাল তখনও তাহার অঙ্গে পতপত করিতেছিল। জাহাজ একবার তীরভূমিতে আহত হইল, দ্বিতীয়বার আবার আহত হইল। চারি জন ব্যক্তির মাথা জলের উপর ভাসিয়া উঠিল। তীরভূমি হইতে আবার হায় হায় শব্দ উথিত হইল। তাহারা বাকী মাস্তুল ধরিয়া রহিয়াছে। সকলের উপরিভাগে কৃষ্ণতকেশ সেই কর্মী মানুষটি।

পর্বতাকার তরঙ্গের অস্তরালে ধ্বংস-জাহাজ অস্তহিত হইল। আবার উহা দেখা গেল। চারি জনের মধ্যে দুই জন লোক কোথায় ভাসিয়া গিয়াছে। তীরের জনতা যত্নপর্য চীৎকার করিয়া উঠিল। নারীরা চীৎকার করিতে লাগিল, মুখ ফিরাইয়া লইল। কেহ কেহ সাহায্যের জন্য চীৎকার করিয়া তীরের দিকে ছুটিল। কিন্তু কে সাহায্য করিবে? আমি সকলকে বলিতেছিলাম, দুই জন লোককে সকলের সম্মুখে কি মরিতে দেওয়া হইবে?

তাহাদের নিকট শুনিলাম, এক ঘণ্টা হইল, জীবনরক্ষক নৌকা প্রেরিত হইয়াছে, কিন্তু তাহারা কিছুই করিতে পারে নাই। কোমরে দড়ি বাঁধিয়া এমন কোন সাহসী লোক নাই যে, ইহাদিগকে রক্ষা করিবার জন্য অগ্রসর হইতে পারে। চেষ্টার কোনও ক্রটি হয় নাই! এমন সময় জনতার মধ্যে একটি চাক্ষু দেখা গেল। আমি চাহিয়া দেখিলাম, হাম তাহাদিগকে সরাইয়া সম্মুখে আসিয়া দাঁড়াইয়াছে।

আমি তাহার কাছে দৌড়াইয়া গিয়া সাহায্যের আবেদনের পুনরাবৃত্তি করিলাম। যদিও আমার চিত্ত অত্যন্ত বিক্লিষ্ট অবস্থায় ছিল, তথাপি সে সময় হামের নয়নে যে দৃষ্টি দেখিয়াছিলাম, তাহাতে আমার মনে পড়িল, এমিলির পলায়নের পর যে দৃষ্টি হামের নয়নে দেখিয়াছিলাম, আজও যেন সেই দৃষ্টি ফিরিয়া আসিয়াছে। সুতরাং তাহার বিপদ আশঙ্কায় আমি মনে মনে শিহরিয়া উঠিলাম। তখনই আমি তাহাকে দুই হাতে জড়াইয়া ধরিলাম। সমবেত জনগণকে বলিতে লাগিলাম, তাহারা যেন হামকে ঘাইতে না দেয়, কুল ছাড়িয়া সে যেন সমুদ্রে ঝাঁপ না দেয়।

আবার তীরভূমি হইতে একটা চীৎকার উঠিল। চাহিয়া দেখিলাম, তরঙ্গের আঘাতে আঘাতে মাস্তুলের নিম্নভাগে যে

লোকটি ছিল, তাহার চিহ্নমাত্র নাই। শুধু কুক্কিভকেশ লোকটি মাস্তুলের উপরিভাগে রহিয়াছে।

হাম আমাকে বলিল, “মাষ্টার ডেভি, যদি আমার সময় হয়ে থাকে, ভালই। যদি না এসে থাকে, আমি ফিরে আসব। ভগবান তোমাদের মঙ্গল করুন। বন্ধুগণ, তোমরা আমাকে তৈরী করে দাও। আমি যাচ্ছি।”

আমনোৎসুক-কণ্ঠে সে আমার সহিত কথা বলিয়া আমাকে ছুই হাতে ছড়াইয়া ধরিয়াছিল। আমি কিন্তু কোনও মতে প্রবৃত্ত্যর মুখে তাহাকে যাইতে দিব না।

আমাকে সে সবলে সরাইয়া দিল বটে, কিন্তু তাহারও মধ্যে স্নেহের স্পর্শ অনুভব করিলাম। সে যাইবেই। কেহ তাহাকে সাহায্য না করিলেও সে যাইবে। সুতরাং তাহার রক্ষার ব্যবস্থায় আমি বাধা দিতে চাহিলাম না।

একদল লোক দড়ি-দড়া লইয়া তাহাকে ধরিয়া দাঁড়াইয়াছিল। তার পর দেখিলাম, সমুদ্রকূলে সে একা দাঁড়াইয়া, তাহার অঙ্গে নাবিকের পরিচ্ছদ। তাহার এক হাতে রজ্জু, কোমরে দড়ি বাঁধা। অদূরে কয়েক জন দক্ষ লোক দড়ির অপর প্রান্ত ধারণ করিয়া রাখিয়াছিল।

ভাঙ্গা জাহাজ ক্রমেই ভাঙ্গিয়া পড়িতেছিল। তাহার মধ্যস্থান ভাঙ্গিয়া ফাঁক হইয়া যাইতেছিল। মাস্তুলের উপরিস্থিত লোকটির জীবন একটা স্তরের উপর নির্ভর করিতেছে। কিন্তু তথাপি সে মাস্তুল ত্যাগ করে নাই—আঁকড়িয়া ধরিয়া রাখিয়াছিল। তাহার মাথায় এক বিচিত্র লোহিত টুপী, নাবিকের টুপীর মত নহে। মৃত্যু বিকট-বদন ব্যাদান করিয়া তাহার আশে-পাশে ঘুরিতেছে, কিন্তু সে যেন কিছুই গ্রাহ্য করিতেছে না। সে মাথার টুপী খুলিয়া আন্দোলিত করিতে লাগিল। সেই ভঙ্গী দেখিয়া সহসা আমার মনে কোন প্রিয়তম বন্ধুর কথা অকস্মাৎ জাগিয়া উঠিল।

হাম সমুদ্রের দিকে চাহিয়া লক্ষ্য করিতেছিল। একটি বিরাট তরঙ্গ তীরের দিকে আসিয়া ফিরিয়া যাইতেছিল। হাম পশ্চাতের লোকজনের দিকে চাহিয়া সেই সমুদ্রে প্রত্যাগমনশীল তরঙ্গের পশ্চাতে পশ্চাতে ঝাঁপাইয়া পড়িল। পরমুহূর্ত্তে সে জলের সহিত সংগ্রাম করিতে করিতে চলিল। তরঙ্গশীর্ষে তাহার মূর্ত্তি, তরঙ্গগর্ভে তাহার দেহ, ফেনপুঞ্জের অন্তরালে তাহার মূর্ত্তি! তাহাকে টানিয়া তীরে তোলা হইল।

সে আহত হইয়াছিল। তাহার আননে রক্ত দেখা গেল। কিন্তু হাম কোনও দিকে জ্রঙ্কণ করিল না। সে লোকগুলিকে কি উপদেশ দিল, তার পর পুনরায় পূর্বের মত ঝাঁপাইয়া পড়িল।

ভাঙ্গা জাহাজখানার দিকে সে আগাইয়া চলিল—তরঙ্গের উত্থান-পতনের সঙ্গে তাহার দেহও ভাসিয়া

উঠিতেছিল, ডুবিয়া যাইতেছিল। তাহার দেহ একবার তীরের দিকে নিক্ষিপ্ত হইতেছিল, আবার জাহাজের দিকে নীত হইতেছিল। বীরের জায় সে অগ্রসর হইতেছিল। দূরত্ব অতি সামান্য; কিন্তু সমুদ্রের প্রচণ্ড শক্তি, ঝটিকার প্রচণ্ড হুকার—তাহাকে প্রাণান্ত সংগ্রাম করিতে হইতেছিল। অবশেষে সে জাহাজের কাছে পৌঁছিল। জাহাজের সে এত কাছে গিয়া পড়িয়াছিল যে, অল্পমাত্র চেষ্টা করিলেই সে জাহাজের অঙ্গ ধারণ করিতে পারিত। এমন সময় পর্বতপ্রমাণ একটি তরঙ্গ তীরের দিকে ছুটিয়া আসিতে লাগিল। জাহাজ তলাইয়া গেল।

কাঠের টুকরাগুলি সমুদ্রবক্ষে ছড়াইয়া পড়িল। প্রত্যেকের মুখে ভীষণ আতঙ্কচিহ্ন। তাহারা তাহার দেহ টানিয়া তুলিল—আমারই পায়ের কাছে। তাহার দেহ চৈতন্যশূন্য—শরীরে প্রাণস্পন্দন থামিয়া গিয়াছে। সন্নিহিত একটি গৃহে সকলে তাহাকে বহন করিয়া লইয়া গেল। তাহার চৈতন্য-সম্পাদনের প্রাণপণ চেষ্টা চলিতে লাগিল। কিন্তু প্রচণ্ড তরঙ্গ তাহার প্রাণসংহার করিয়াছিল। সেই মহৎ হৃদয় আর স্পন্দিত হইবে না!

তাহার শয্যাপার্শ্বে আমি বসিয়াছিলাম। জীবনের সকল আশাই তখন পরিত্যক্ত হইয়াছিল। এক জন ধীবর বাল্যকাল হইতেই আমায় চিনিত। এমিলি ও আমাকে শৈশবে খেলা করিতে দেখিয়াছিল। সে দ্বারপ্রান্তে দাঁড়াইয়া অরমার নাম উচ্চারণ করিল।

সে অশ্রুপূর্ণ নেত্রে, কম্পিত বক্ষে বলিল, “মশাই, আপনি এ দিকে একটু আসবেন?”

তাহার নয়নে পূর্বপরিচয়ের স্মৃতি দেখিলাম। আমি তাহার বাহু অবলম্বন করিয়া চলিতে চলিতে সভয়ে বলিলাম, “আর একটা মৃতদেহ কি তীরে এসে লেগেছে?”

সে বলিল, “আজ্ঞে হ্যাঁ।”

আমি বলিলাম, “আমি তাকে চিনি?”

সে কোন উত্তর না দিয়া আমাকে সমুদ্র-সৈকতে লইয়া গেল। শৈশবে এমিলি ও আমি সৈকতের যে অংশে কড়ি ও শামুক কুড়াইয়া বেড়াইতাম, সেইখানে কয়েকখানা তক্তা ভাসিয়া আসিয়া ভীরলয় হইয়াছিল। সে তক্তাগুলি সেই পুরাতন নৌকা-বাড়ীর ভগ্নাবশেষ। কল্যা রাত্রির ঝড়ে তাহা ভাঙ্গিয়া গিয়াছিল। সেই ভগ্নগৃহের কাঠরাজির মধ্যে—যে গৃহের ভীষণ অনিষ্ট সে করিয়াছিল, তাহারই তক্তাগুলির মধ্যে তাহাকে শায়িত দেখিলাম—বাহুকে উপধান করিয়া সে যেভাবে বিছালয়ে ঘুমাইত, সেইভাবে তাহাকে শায়িত দেখিলাম।



মট পঞ্চাশৎ পরিচ্ছেদ

শেষ বিদায়ের দিনে সে আমাকে বলিয়াছিল, “আমার সম্বন্ধে যতটুকু ভাল পাবে, তাই মনে ক’রে আমাকে স্মরণ করো।” ষ্টিয়ারফোর্থ! সেই কথাই আমার মনে পড়িতেছে। এই দৃষ্ট দেখিয়া আমার সে চিন্তার কি পরিবর্তন হইতে পারে!

তাহারা একখানা চারপায়ী আনিয়া, তাহার উপর তাহার দেহ রক্ষা করিয়া উহা আবৃত করিয়া দিল। তার পর উহা বহন করিয়া লইয়া চলিল। যাহারা তাহাকে বহন করিতেছিল, সকলেই তাহার পরিচিত ছিল। তাহার সহিত তাহারা সকলেই সমুদ্রযাত্রা অনেকবার করিয়াছিল। তাহার সাহস ও ক্ষুণ্ণির সহিত তাহারা পরিচিত ছিল।

যে কুটারে জ্যাকের মৃতদেহ রক্ষিত ছিল, তাহার দ্বারদেশে শবদেহ রক্ষা করিয়া তাহারা পরস্পরের মুখের দিকে তাকাইল,—আমার দিকে চাহিয়া দেখিল। তাহারা ফিস্ ফিস্ করিয়া কি বলিল, তাহার অর্থ আমি বুঝিলাম। সেই একই ঘরে এই মৃতদেহ লইয়া যাওয়া সম্ভব নহে, ইহা তাহারা বুঝিয়াছিল।

আমরা সহরের দিকে চলিলাম। পাতালশালায় মৃতদেহ নীত হইল। একটু প্রকৃতিস্থ হইয়াই আমি জোরামকে সংবাদ পাঠাইলাম। তাহাকে বলিলাম যে, আমাকে আজ এই মৃতদেহ লগুনে লইয়া যাইতে হইবে, এজন্য যানের প্রয়োজন। তাহার মাতাকে এ সংবাদ জানাইয়া দেওয়া, মৃতদেহ পৌছাইয়া দেওয়া আমার অবশ্যকরণীয় কর্তব্য। সে কর্তব্যপালনের জন্ত আমি উৎকণ্ঠিত হইয়াছিলাম।

সেই রাত্রিতেই সহরত্যাগের জন্ত প্রস্তুত হইয়াছিলাম। নাগরিকগণের কৌতূহল হইতে পরিভ্রাণ পাইতে চাই। রাত্রি দ্বিপ্রহরে শব লইয়া যাত্রা করিবার সময়ও কিন্তু দেখিলাম, জনতা অল্প হয় নাই। পথেও জনতা দেখিলাম। আমার বাল্য ও কৈশোরের বন্ধুর মৃতদেহ ও স্মৃতি লইয়া আমি লগুনে যাত্রা করিলাম।

শবদেহবাহী গাড়ী কোথায় কখন যাইবে, সে বিষয়ে উপদেশ দিয়া আমি দিবাভাগে—হাইগেট অভিমুখে অগ্রে যাত্রা করিলাম। বাড়ীর অবস্থা পূর্ববৎই দেখিলাম। বাধান প্রাক্ষণে যেন জীবনের লক্ষণ নাই। ঘণ্টাঘনি করিতেই পরিচারিকা বাচিরে আসিল। সে আমার দিকে চাহিয়াই বলিল, “মশাই, আপনার কি অসুখ করেছে?”

“আমি বড় উত্তেজিত ও ক্লান্ত।”

“কোন কিছু ঘটেছে কি, মশাই? মিঃ জেম্—”

আমি বলিলাম, “চুপ কর। হ্যাঁ, কিছু ঘটেছে। মিসেস্ ষ্টিয়ারফোর্থকে সে কথা বলতে চাই। তিনি বাড়ী আছেন?”

পরিচারিকা উৎকণ্ঠিতভাবে বলিল যে, তাহার মনিব কক্ষাচিৎ কোথাও যান। তিনি ঘর ছাড়িয়া কোথাও যান

না। কাহারও সঙ্গে দেখা করেন না। তবে আমার সঙ্গে দেখা করিবেন। মিস্ ডার্টল ও তিনি ঘরেই আছেন। সে কি সংবাদ দিবে, তাহা আমার কাছে জানিতে চাহিল।

আমি তাহাকে আত্মসংবরণ করিতে উপদেশ দিয়া শুধু আমার নামের কার্ডখানা তাহার হাতে দিলাম। সেখানি সে মিসেস্ ষ্টিয়ারফোর্থকে প্রদান করিবে মাত্র। আমি বৈঠকখানা-ঘরে বসিলাম। তাহার পূর্ব-সৌচিব আর নাই। বীণা-যন্ত্র অযত্নে পড়িয়া আছে। বহু বহুদিন কেহ তাহা ব্যবহার করে নাই।

প্রাচীরগাত্রে ষ্টিয়ারফোর্থের বাল্যকালের ছবি ঝুলিতেছিল। যে আধারে তাহার মাতা তাহার পত্র রাখিতেন, তাহাও টেবলের উপর রক্ষিত। আমি ভাবিলাম, সে সব পত্র তিনি এখন পড়েন কি না। ভবিষ্যতে কখনও পড়িবেন কি?

বাড়ী একরূপ নিস্তব্ধ যে, পরিচারিকার পদক্ষেপের শব্দ পর্য্যন্ত আমি শুনিতো পাইতেছিলাম। সে তখন সিঁড়ি দিয়া উপরে উঠিতেছিল।

সে ফিরিয়া আসিয়া জানাইল যে, মিসেস্ ষ্টিয়ারফোর্থ এমন অসুস্থ যে, নীচে নামিয়া আসিতে পারিবেন না। তবে আমার যদি আপত্তি না থাকে, তাহা হইলে শয়নগৃহে তাঁহার সহিত আমার সাক্ষাৎ হইতে পারে। আমি তাঁহার সম্মুখে গিয়া দাঁড়াইলাম।

তিনি ষ্টিয়ারফোর্থের ঘরে ছিলেন—তাঁহার শয়নকক্ষে নহে। মনে হইল, তাহার কথা স্মরণ করিয়াই তিনি সেই ঘরে বাস করিতেছিলেন। তাহার বহুবিধ ক্রীড়া-সামগ্রী সেই ঘরে রক্ষিত ছিল।

তাঁহার আসনের পার্শ্বে রোজা ডার্টল ছিলেন। প্রথম হইতেই তাঁহার নয়নযুগল আমার উপর গুস্ত হইয়াছিল। তিনি বুঝিয়াছিলেন যে, আমি কোন কুসংবাদ লইয়া আসিয়াছি। তিনি আমাকে পুঙ্খানুপুঙ্খভাবে নিরীক্ষণ করিতে লাগিলেন।

মিসেস্ ষ্টিয়ারফোর্থ বলিলেন, “আপনার শোকপরিচ্ছদ দেখে আমি হুঃখিত হলাম, মশাই।”

বলিলাম, “আমি স্ত্রী-হারা হয়েছি।”

তিনি বলিলেন, “এত অল্পবয়সে এ রকম শোক বড় তীব্র। শুনে বড় হুঃখ পেলাম। আশা করি, সময়ে আপনার শোক দূর হবে।”

আমি তাঁহার দিকে চাহিয়া বলিলাম, “সময়ে আমাদের সকলেরই শোক-হুঃখ দূর হবে। প্রিয় মিসেস্ ষ্টিয়ারফোর্থ, আমাদের ভীষণ হুঃখ-শোকের সময় আমরা সেই রকম নির্ভরতা যেন রাখতে পারি।”

যে রূপ আগ্রহ ও আবেগভরে আমি কথাটা বলিলাম, তাহাতে যেন তিনি শঙ্কিত হইয়া উঠিলেন।

আমি আমার কণ্ঠস্বরকে সংযত করিয়া তাহার নাম উচ্চারণ করিলাম, কিন্তু তথাপি আমার স্বর কাঁপিয়া উঠিল। তিনি হুই তিনবার মৃদুস্বরে সে নাম উচ্চারণ করিলেন। তার পর চেষ্টাকৃত শব্দ কণ্ঠে তিনি বলিলেন—

“আমার পুত্র পীড়িত?”

“অত্যন্ত পীড়িত।”

“তার সঙ্গে আপনার দেখা হয়েছে?”

“হাঁ, দেখেছি।”

“হৃৎকেন্দ্র মধ্যে বোঝাপড়া হয়ে গেছে?”

আমি হাঁও বলিতে পারিলাম না, নাও বলিতে পারিলাম না। তিনি রোজার দিকে মুখ ফিরাইতেই আমি অশ্রুটস্বরে বলিলাম, “মারা গিয়েছে।”

দেখিলাম, রোজা ডার্টল তাঁহার হুই বাহু উর্ধ্বে উৎক্ষিপ্ত করিয়া ভীষণ নৈরাশ্রভরে আপনার মুখ হুই করে আবৃত করিলেন।

ষ্ট্রিয়ারফোর্থ-জননী আমার দিকে একদৃষ্টে চাহিয়া রহিলেন। তার পর ললাটে হাত রাখিলেন। আমি তাঁহাকে ধৈর্য্য ধরিতে অনুরোধ করিলাম। আমার কথা বলিব, তিনি শ্রবণ করুন, তাহা জানাইলাম। তাঁহার নয়নে আমি অশ্রু দেখিতে চাই; কিন্তু তিনি প্রস্তুতমুর্তির মত বসিয়া রহিলেন।

আমি স্থলিত কণ্ঠে বলিলাম, “এখানে শেষবার আমি যখন আসি, মিস্ ডার্টল আমার বলেছিলেন, সে এখানে সেখানে জাহাজে ক’রে ঘুরে বেড়াচ্ছে। গত পরশু রাত্রে সমুদ্রে ভীষণ ঝড় হয়ে গেছে। সে রাত্রিতে যদি সে জাহাজে থেকে থাকে এবং বিপৎসঙ্কল তীরভূমির কাছে জাহাজ এসে থাকে, শোনা যাচ্ছে তাই হয়েছে, আর যে জাহাজ দেখা গিয়েছিল, সেটা যদি সেই জাহাজ হয়—”

“রোজা, আমার কাছে এস!”

তিনি আসিলেন, কিন্তু তাঁহার ব্যবহারে কোমলতা বা মহামুভূতির লেশমাত্র ছিল না। তাঁহার নয়নে তখন ভীষণ দীপ্তি। সেই অগ্নিপূর্ণ দৃষ্টি তিনি মিসেস্ ষ্ট্রিয়ারফোর্থের দিকে নিক্ষেপ করিয়া ভীষণভাবে হাসিয়া উঠিলেন।

তিনি বলিলেন, “ক্যাপা নারী! এখন তোমার দস্ত অহঙ্কার চরিতার্থ হয়েছে ত? জীবন দিয়ে সে প্রায়শ্চিত্ত করেছে ত? ওন্টে পাচ্ছ—জীবন দিয়ে!”

মিসেস্ ষ্ট্রিয়ারফোর্থের দেহ চেয়ারে এলাইয়া পড়িল। তাঁহার কণ্ঠ হইতে শুধু শোকের তীব্র ব্যথার শব্দ নির্গত হইল। তিনি রোজার দিকে শুধু চাহিয়া রহিলেন।

বন্ধে করাঘাত করিয়া রোজা বলিলেন, “আমার দিকে চেয়ে দেখ! গৌঁ গৌঁ কর, শোক কর, আর সেই সঙ্গে আমার দিকে চাও! আমার এই কতচিহ্নের দিকে তাকাও—এ তোমার হেলেরই কীর্তি!”

মাতার মুখ হইতে মাঝে মাঝে যে শোকধ্বনি উঠিতেছিল, তাহা আমার হৃদয়কে বিদ্ধ করিতেছিল। সে শব্দ স্পষ্ট নহে, শুধু মস্তকের এক একটা আন্দোলনের সঙ্গে চাপা শব্দ। যেন তাঁহার দস্তপংক্তি কাঁপিয়া বসিয়া গিয়াছিল।

মিস্ ডার্টল বলিয়া চলিলেন, “তোমার মনে আছে, কবে সে আমার এ আঘাত দিয়েছিল? তোমার কাছ থেকে সে অহঙ্কার ও গর্ব উত্তরাধিকারস্বত্রে পেয়েছিল। সেই ক্রোধের বশে জীবনের মত সে আমার কুরূপা ক’রে দিয়েছে। সে কথা তোমার মনে পড়ে কি? চেয়ে দেখ, আমার ক’রে তাকাও! মৃত্যুকাল পর্যন্ত আমি তার অসহন্য চিহ্ন ধারণ ক’রে থাকব। তোমার জন্তই সে এইরূপ হয়েছিল, সে কথা মনে ক’রে তবে শোক কর।”

আমি বলিলাম, “মিস্ ডার্টল, দোহাই ভগবানের—”

“আমার কথা বলবার সময় এসেছে, এখন আমি বলব। আপনি চুপ ক’রে থাকুন। গর্বিতা মাতা, আমার দিকে চেয়ে দেখ! ভগ্ন পুত্রের গর্বিতা জননি, চোখ ভুলে চেয়ে দেখ! তোমার প্রদত্ত শিক্ষার জন্ত শোক কর, তার অধোগতির জন্ত শোক কর—সে তোমারই কীর্তি! তোমার যা সর্বনাশ হ’ল, তার জন্ত শোক কর! আমার যে ক্ষতি হ’ল, তার জন্ত শোক কর!”

তিনি হস্ত মুষ্টিবদ্ধ করিলেন। তাঁহার সমস্ত দেহ ভীষণভাবে আন্দোলিত হইতে লাগিল। যেন এখনই ক্রোধের বশে তাঁহার প্রাণবির্যোগ হইবে।

“তার অবাধ্যতা দেখে তুমি রাগ করছিলে! তার গর্বিত ব্যবহারে তুমি ক্রুদ্ধ হয়েছিলে! তার জন্ম থেকেই তুমি যে ভাবে তাকে গ’ড়ে তুলেছিলে, সে তাই হয়েছিল। যা সে হ’তে পারত, তুমি তাকে তা হ’তে দাওনি! এখন জীবনব্যাপী শিক্ষার পুরস্কার পেলে ত?”

“মিস্ ডার্টল, কি লজ্জা, কি ঘৃণা! কি নির্ভর আপনি!”

“আমি আপনাকে ত বলেছি, আমি কথা বলবই। পৃথিবীতে এমন কোন শক্তি নেই, যা আমাকে বাধা দিতে পারে। এত কাল ধ’রে আমি চুপ ক’রে ছিলাম, এখন কথা বলব না? আমি তাকে যত ভালবাসতাম, তুমি তা বাসনি! আমি তাকে ভালবেসেই যেতাম, প্রতিদান চাইতাম না। আমি যদি তার স্ত্রী হ’তে পারতাম, আমি তার খেয়ালের ক্রীত-দাসী হতাম, বছরে একটা কথা তার মুখ থেকে শোনবার জন্ত তাকে ভালবেসে যেতাম। আমার চেয়ে কি সে বেশী কথা জানে? তুমি তার মা, তার কাছে শুধু পাবার প্রত্যাশী ছিলে। তুমি স্বার্থপর, অহঙ্কারী, আত্মসর্বস্ব। আমার প্রেম শুধু ভালবেসেই কৃতার্থ হ’ত।”

প্রদীপনেজে চাহিয়া তিনি বকিয়া চলিলেন—

“চেয়ে দেখ! সে যখন বুকতে পেরেছিল যে, সে কি করেছে, তখন সে অন্ততপ্ত হয়েছিল। আমি তাকে গান শোনাতাম, গল্প করতাম, তার সকল কাজে উৎসাহ

পিতাম। তাতে ভীকে আমি আকৃষ্ট করেছিলাম। হ্যাঁ, সে আকৃষ্ট হয়েছিল। অনেক সময় সে আমাকে তার হৃদয়ে স্থান দিয়েছিল। আমার সে এমন মুগ্ধ করেছিল যে, আমি নেমে এসেছিলাম। তার পর সে যখন ক্লান্ত হ'ত, আমিও ক্লান্ত হতাম। তার পর যখন তার খেয়াল মিটে গেল, আমি তার উপর প্রভাব বিস্তার করতে চেষ্টা করিনি। আমি চেষ্টা করলে, সে আমাকে পত্নীরূপে গ্রহণ করতে বাধ্য হ'ত। আমরা পরস্পরের কাছে থেকে বিচ্ছিন্ন হই-ছিলাম—একটি কথাও হয়নি। তুমি নিশ্চয় তা লক্ষ্য করেছিলে, কিন্তু তাতে তোমার দুঃখ হয়নি। তখন থেকে তোমাদের দু'জনের কাছেই আমি একটা ভাঙ্গা তৈজসের মত হয়ে পড়েছিলাম। তোমাদের চোখ ছিল না, কাণ ছিল না, অনুভূতিও ছিল না—কোন স্মৃতি পর্যন্ত নেই। শোক কর! তাকে যেমন গড়েছিলে, তার জন্ত শোক করতে থাক। তোমার ভালবাসার জন্ত নয়। আমি ত বলেছি, এমন সময় ছিল, যখন আমি তোমার চেয়ে তাকে ভালবাসতুম।”

আমি বলিলাম, “মিস্ ডার্টল, আপনি যদি শোকসন্তপ্তা মাতার দুঃখ বুঝবেন না বলেই ঠিক ক'রে থাকেন—”

তিনি বলিলেন, “আমার দুঃখ কে বোঝে? এ ঔঁর নিজের হাতে তৈরী করা গাছ। ফল ঔঁকে ভোগ করতেই হবে!”

“যদি তার দোষ—”

আবেগভরে কাঁদিয়া ফেলিয়া তিনি বলিলেন, “দোষী? কে তার নামে অপবাদ দিতে পারে? তার কোন বন্ধুরই তার গুণের লক্ষ্যভাগের এক ভাগও নেই!”

আমি বলিলাম, “আমি তাকে যত ভালবেসেছিলাম, কেউ তা পারেনি। আমার স্মৃতিতে তার চেয়ে কারও উচ্চাসন নেই। আমি এই কথা বলতে চেয়েছি যে, যদি তার মার জন্ত আপনার কোন সহানুভূতি না থাকে, অথবা তার দোষ দেখে তার উপর তিক্ত অভিমত পোষণ ক'রে থাকেন—”

“মিথ্যাকথা, আমি তাকে ভালবাসতাম।”

“কিন্তু এ সময়ে আপনি কি সব কথা ভুলে যেতে পারেন না? ঔঁর দিকে চেয়ে দেখুন, কি অবস্থা ঔঁর হয়েছে। এ সময়ে ঔঁকে সাহায্য করা দরকার!”

সত্যই সেই শোকাচ্ছন্ন মাতার অবস্থা অত্যন্ত ভীষণ। তিনি শুধু মাঝে মাঝে অশ্রুট শব্দ করিতেছিলেন, তাহা ছাড়া তাঁহার জীবনের কোন লক্ষণ ছিল না। মিস্ ডার্টল সহসা জাহ্নু পাতিয়া বসিয়া মিসেস্ টিয়ারকোর্থের বসন গ্রহণ করিয়া দিতে লাগিলেন।

তার পর আমার দিকে মুখ ফিরাইয়া বলিলেন, “কি অশুভক্ষণেই আপনি এখানে এসেছিলেন। আপনাকে আমি অভিনন্দিত করছি। আপনি চ'লে যান!”

আমি কক্ষ হইতে বাহির হইয়া ঘণ্টাধ্বনি করিলাম। ভৃত্যগণকে তাড়াতাড়ি সেই ঘরে পাঠাইয়া দিলাম। মিস্ ডার্টল তখন সেই সংজ্ঞাশূন্য দেহ হই হাতে ধরিয়া ক্রন্দন করিতেছিলেন, তাঁহার গণ্ডে চুমা দিতেছিলেন।

সে দিন আরও খানিক পরে আমি মৃতদেহ তাহার মাতার কক্ষে লইয়া রাখিবার ব্যবস্থা করিলাম। মাতার অবস্থা পূর্ববৎই রহিয়াছে। মিস্ ডার্টল তাঁহার সান্নিধ্য ত্যাগ করেন নাই। চিকিৎসকগণ সংবাদ পাইয়া আসিয়াছেন। অনেক চেষ্টাতেও তাঁহার সংজ্ঞা ফিরে নাই—প্রস্তরমূর্তির মত তিনি নিষ্পন্দ অবস্থায় রহিয়াছেন। শুধু মাঝে মাঝে ক্ষীণ শোকশব্দ নির্গত হইতেছিল।

আমি ঘরের জানালাগুলি বন্ধ করিয়া দিলাম। তাহার নিষ্পন্দ হাত একবার বুকের উপর তুলিয়া লইলাম। তখন সমগ্র জগৎ যেন শুক হইয়া গিয়াছে।

### সপ্তপঞ্চাশৎ পরিচ্ছেদ

তখন আর একটা চিন্তা আমার মনে জাগিতেছিল। যাহারা দেশ ত্যাগ করিতেছে, তাহাদিগকে এই দুর্ঘটনার কথা জানান হইবে না। এ কার্য অবিলম্বে করিতে হইবে।

সেই রাত্রিতে আমি মিঃ মিক্‌বারকে একান্তে ডাকিয়া সব কথা বলিলাম। যে দুর্ঘটনা ঘটিয়াছে, মিঃ পেগ্‌টী যাহাতে তাহার আভাসমাত্র না পায়, তাহা তাঁহাকে করিতে হইবে। তিনি ভার লইলেন, কোন সংবাদপত্র—যাহাতে ঐ সকল ঘটনার উল্লেখ থাকিবে, তাহা মিঃ পেগ্‌টী প্রভৃতিকে পড়িতে দেওয়া হইবে না।

রাত্রিতে জিনিষপত্র নৌকাযোগে জাহাজে উঠিতেছিল। যাত্রীরা একটি ঘরে বসিয়াছিল, এমন সময় আমি ও ট্রাডেল্‌স্‌ সেখানে গেলাম। ট্রাডেল্‌স্‌কে আমি ঘটনার কথা জানাইয়াছিলাম। সেও ভীষণ আঘাত পাইল। কিন্তু সত্যগোপনে সেও আমাকে সাহায্য করিতে লাগিল।

ঠাকুরমা ও আগ্‌নেস্‌ সেখানে আনিলেন। পেগ্‌টী সেখানে ছিল। আমি মিঃ পেগ্‌টীকে জানাইলাম যে, পত্র আমি দিয়াছি। সকলেই ভাল আছে। তাহারা সকলেই সে সংবাদে স্তব্ধ হইল। আমার মনের শোক আমি তখন কিছু সবলে চাপিয়া গিয়াছিলাম।

পিতামহী জিজ্ঞাসা করিলেন, “মিঃ মিক্‌বার, জাহাজ কখন ছাড়বে?”

মিঃ মিক্‌বার বলিলেন, “ম্যাডাম, সকাল সাতটার মধ্যে আমাদের জাহাজে উঠতে হবে।”

“তবে ত বেশী দেরী নেই।”

মিঃ পেগ্‌টী বলিল, “গ্রেভসেণ্ডে যদি মাষ্টার ডেভি ও আমার বোন পরদিন বৈকালে জাহাজে নিজে ওঠে, তবে আমাদের সঙ্গে আবার দেখা হবে।”



আমি বলিলাম, “সে আমরা নিশ্চয় যাব।”

এমন সময় এক জন বালক ভৃত্য আসিয়া জানাইল, মিঃ মিক্‌বারকে নীচে ডাকিতেছে। মিঃ মিক্‌বার নীচে নামিয়া গেলেন। অনেকক্ষণ তিনি আসিলেন না। সেই বালকটি খানিক পরে একখানি পত্র লইয়া উপরে আসিল। তাহাতে লেখা ছিল, “হিপ্‌ বনাম মিক্‌বার।”

বুঝিলাম, আবার মিঃ মিক্‌বারকে পেয়াদা গ্রেপ্তার করিয়াছে। আমি তখনই নীচে গিয়া দেনা চুকাইয়া দিলাম। মিঃ মিক্‌বার গভীর আনন্দে আমায় আলিঙ্গন করিলেন। তার পর পকেট-বহি বাহির করিয়া টাকার অঙ্ক লিপিবদ্ধ করিলেন।

উপরে আসিয়া তিনি আর একখানা তমসুক লিখিয়া ট্রাডেলসএর হস্তে অর্পণ করিলেন।

তার পর অনেক কথার আলোচনার পর আমরা বিদায় লইলাম।

পরদিবস সকালে গিয়া দেখিলাম, সকলেই ভোরে পাঁচটায় নৌকাযোগে জাহাজে আরোহণ করিতে গিয়াছে।

পরদিবস অপরাহ্নে ধাত্রীমাতাকে লইয়া আমি গ্রেভসেণ্ডে গমন করিলাম। নদীতে জাহাজ দেখিলাম। তাহার চারিদিকে নৌকা। একখানি নৌকা ভাড়া করিয়া আমি জাহাজের দিকে চলিলাম, পেগটী সঙ্গে রহিল।

ডেকের উপর মিঃ পেগটী আমার প্রতীক্ষা করিতেছিল। সে বলিল, মিঃ মিক্‌বার এইমাত্র আবার দেনার দায়ে গ্রেপ্তার হইয়াছিলেন। আমার অহুরোধমত সে সেই টাকা শোধ করিয়া দিয়াছে। সে টাকা আমি মিঃ পেগটীকে প্রদান করিলাম। মিঃ মিক্‌বারের কাছে গুনিলাম যে, মিঃ পেগটী এখনও পর্য্যন্ত সেন্সরুর্ঘটনার আভাস পর্য্যন্ত পায় নাই।

কেবিনে গিয়া যাত্রীদিগকে তাহাদের জিনিষ-পত্রের মধ্যে দেখিলাম। অন্ধকারের মধ্যে দৃষ্টি অভ্যস্ত হইলে দেখিলাম, একটি বাগ্‌জের উপর মিঃ মিক্‌বারের একটি শিশুকে পার্শ্বে রাখিয়া এমিলির মত একটি মূর্ত্তি উপবিষ্ট। সে সময় আর একটি মূর্ত্তি দেখিলাম, তাহাকে আগ্নেস বলিয়া মনে হইল। এই সময় ঘণ্টাধ্বনি হইল। তাহার অর্থ দর্শকগণকে এখন জাহাজ ত্যাগ করিতে হইবে। আমার পার্শ্বে দাঁড়াইয়া আমার ধাত্রীমাতা কাঁদিতেছিল।

মিঃ পেগটী বলিল, “মাষ্টার ডেভি, শেষ কোন কথা আছে কি? বিদায়ের পূর্বে, কোন লোক বা কোন বিষয়কে ভুলে গেছি কি?”

আমি বলিলাম, “একটা ভুল হয়েছে। মার্শা!”

সে পার্শ্বে এক জন যুবতীকে স্পর্শ করিয়া দেখাইল। আমি দেখিলাম, সে মার্শা।

আমি বলিলাম, “ভগবান তোমার মঙ্গল করবেন, তুমি ওকে সঙ্গে নিয়ে ভালই করেছ!”

উত্তর দিল মার্শা। তাহাও উচ্ছ্বসিত মনে। আমি কথা বলিতে পারিলাম না। শুধু মিঃ পেগটীকে কন্‌মর্দন করিলাম। যদি কোনও মানুষ আমার কাছে শ্রদ্ধার অর্ঘ্য পাইয়া থাকে, তাহা হইলে এই মানুষটিকেই আমি হৃদয়ের শ্রেষ্ঠ শ্রদ্ধাজলি প্রদান করিয়াছি।

আগন্তুকগণ একে একে জাহাজ ত্যাগ করিতেছিল। আমি তখনও যাই নাই। আমি পেগটীকে জানাইলাম, হাম্‌ তাহাকে কি বিদায়বাণী জানাইয়াছিল। গুনিয়া মিঃ পেগটী অত্যন্ত বিচলিত হইল। কিন্তু যখন সে নিজের স্নেহ ও ভালবাসা তাহার জন্ত আমার মারফতে প্রেরণ করিল, তখন আমার পক্ষে আত্মসংবরণ করা কঠিন হইল। কারণ, আমি জানিতাম, সে কণ চিরদিনের জন্ত বধির হইয়াছে।

আর সময় নাই। আমি মিঃ পেগটীকে আলিঙ্গন করিবার পর পেগটীকে লইয়া জাহাজ হইতে নামিবার জন্ত প্রস্তুত হইলাম। পেগটী তখন কাঁদিতেছিল। ডেকের উপর মিসেস্‌ মিক্‌বারের কাছে বিদায় লইলাম। তিনি তখনও বলিলেন, জীবনে তিনি মিঃ মিক্‌বারকে ত্যাগ করিবেন না।

নৌকায় উঠিয়া কিছু দূরে আমরা প্রতীক্ষা করিতে লাগিলাম। তখন নদী স্থির, সূর্য্য অস্ত যাইতেছিল।

ক্রমে জাহাজের পালগুলিতে বাতাস লাগিল। জাহাজ চলিতে আরম্ভ করিল। যাবতীয় নৌকা হইতে আনন্দধ্বনি উথিত হইল। জাহাজ হইতেও আনন্দধ্বনি উথিত হইল। আমার হৃদয় সত্যই তখন যেন ফাটিয়া যাইবার উপক্রম করিল। জাহাজের দিকে চাহিয়া দেখিলাম, শত শত টুপী ঘূর্ণিত হইতেছে, রুমাল উড়িতেছে। তখন আমি তাহাকে দেখিলাম।

সে তাহার মাতুলের পার্শ্বে দাঁড়াইয়াছিল, তাহার দেহ কাঁপিতেছিল। মাতুলের স্বন্ধে সে মাথা রাখিয়াছিল। মিঃ পেগটী অঙ্গুলি দিয়া আশ্রয়ভরে আমাকে দেখাইতেছিল। সে আমাদিগকে দেখিতে পাইল। সেই সময় সে হাত দিয়া আমাকে শেষ বিদায়সম্ভাষণ জ্ঞাপন করিল। স্তন্যরী নতদেহা এমিলি, ঐ বৃকে তুমি তোমার ক্ষত হৃদয় রক্ষা কর। সে তোমাকে অন্তরের বিরাট স্নেহ দিয়া ঘিরিয়া রাখিয়াছে।

পরস্পর পরস্পরকে আশ্রয় করিয়া দাঁড়াইয়া রহিল। তাহাদের মূর্ত্তি ক্রমে অস্পষ্ট হইয়া মিলাইয়া গেল। কেণ্টের পাহাড়ের উপর তখন অন্ধকার ঘনাইয়া আসিতেছিল— আমরা তীরে অবতীর্ণ হইলাম। সেই অন্ধকার যেন আমার উপর চারিদিক হইতে ঘনাইয়া আসিল।

অষ্টপঞ্চাশৎ পরিচ্ছেদ

আমি ইংলণ্ড ত্যাগ করিলাম। তখন আমি জানিতাম না যে, আমাকে কিরূপ ভীষণ আঘাত সহ করিতে হইয়াছিল। আমার কাছে যাহারা প্রিয়, তাহাদের সকলকেই আমি ফেলিয়া আসিয়াছি।

প্রিয়জন-বিরহের ছুঃখ এক দিনে নহে, ক্রমে ক্রমে আমাকে অভিভূত করিতে লাগিল। যতই দিন যাইতে লাগিল, ততই আমার মনের অশান্তি বৃদ্ধি পাইতে লাগিল। ক্রমেই আমি অনুতাপ করিতে লাগিলাম, প্রেম, বন্ধুত্ব, ভালবাসা সবই আমি ফেলিয়া চলিয়া আসিয়াছি। আমার জীবনে যে আকাশ-ভূর্ণ রচনা করিয়াছিলাম, তাহা চূর্ণ-বিচূর্ণ হইয়া গিয়াছে। জীবন এখন শূন্য, চারিদিকে খালি জলাভূমি আমার চারিদিকে ধু ধু করিতেছে। দিক্চক্রবালে খালি বন্ধকার।

আমার ছুঃখ-শোক যে স্বার্থপরতাপূর্ণ, তাহা প্রথমে বুঝিতে পারি নাই। আমি বালিকা-পত্নীর অবদান-বিরোগে অধীর হইয়া পড়িয়াছিলাম। যে বন্ধু বাল্যকালেই আমার মন হরণ করিয়াছিল, বাঁচিয়া থাকিলে যে সহস্রসহস্র লোকের বিষয় ও ভালবাসা আকর্ষণ করিতে পারিত, তাহার জন্ম শোক প্রবল হইয়া উঠিয়াছিল। ভগ্নহৃদয়ে যুবক ঝড়ের দিনে সমুদ্রে চিরবিভ্রাম লাভ করিয়াছে, তাহার জন্ম আমার শোক উছলিয়া উঠিতেছিল।

এইরূপ একাধিক শোক এমনই ভাবে আমাকে আচ্ছন্ন করিয়া রাখিয়াছিল যে, তাহা হইতে উদ্ধারের কোনও আশা রহিল না। আমি বুকের বোকা লইয়া দেশদেশান্তরে ঘুরিয়া বেড়াইতে লাগিলাম। মনে হইল, এ জীবনে এ বোকা নাশিবে না।

যখন নৈরাশ্র ও ছুঃখের বোঝা অত্যন্ত ভারী হইয়া উঠিল, তখন ভাবিলাম, এইবার আমার মৃত্যু হইবে। কখনও কখনও মনে হইত, দেশে গিয়া মরিলেই ভাল হয়। তখনকার আমি দেশের দিকে সত্যই কিরিয়ামিলাম। অল্প সময়ে আমি নগর হইতে নগরান্তরে বেড়াইতাম। কি যে খুঁজিয়া বেড়াইতাম, তাহা আমি নিজেই জানি না। কি যে ফেলিয়া যাইতাম, তাহাও বুঝিতে পারিতাম না।

মনের এই অশান্ত অবস্থার কথা এখন স্মৃতিস্তরে বর্ণনা করা অসাধ্য। মাকুষ জীবনে এমন অনেক অশ্রু দেখে, বাহা পরে যথাযথভাবে বিবৃত করা যায় না। আমার এই সময়ের অবস্থা সেইরূপ অসম্বন্ধ ছিল। বৈদেশিক সহরের রাজপ্রাসাদ, ধর্মমন্দির, মন্দির, চিত্রাবলী, ভূর্ণ, স্মৃতিসৌধ এবং বিচিত্র রাজপথসমূহ দেখিয়া, ঐতিহাসিক ঘটনার কথা গুনিয়া অশ্রু বোঝার মত আবার সব ভুলিয়া যাইতাম।

বহু মাস ধরিয়া আমি শোকান্তর হৃদয়ে বেড়াইয়া বেড়াইতাম। গৃহে ফিরিব না, শেব এইরূপ সকল হইল।

কোন কোন সময় হাম হইতে স্থানান্তরে কিপ্রাণ না করিয়াই দেখিয়া বেড়াইতাম। আবার কোথাও বা দীর্ঘকাল অবস্থান করিতাম। আমার জীবনের তখন কোনও উদ্দেশ্যই ছিল না।

সুইজারল্যান্ডে আসিলাম। গাইড লইয়া আমি সহরের ইতস্ততঃ বেড়াইয়া বেড়াইতে লাগিলাম। পর্বতের বিরাট সৌন্দর্য্য, উত্তম শৃঙ্গমালা, জলপ্রপাতের দৃশ্য—ভূবারস্ত্র প্ৰভৃতি দেখিলাম, কিন্তু তাহাতে কিছুই শিখিলাম না।

এক দিন সায়াহ্নে সূর্যাস্তের পূর্বে একটি উপত্যকারে আমি আসিলাম। তাহার শান্ত সৌন্দর্য্য আমার হৃদয়ে প্রবেশ করিল। মনে হইল, হর ও আমার মনের পরিবর্তন ঘটতে পারে।

সে দিন আমি উপত্যকা-ভূমিতে আসিলাম। অপরাহ্নের সূর্য্য দূরবর্তী ভূবারকিরীটী শৃঙ্গকে উদ্ভাসিত করিয়া তুলিয়াছিল। পর্বতসামুদ্রদেশে ছোট একখানি গ্রাম— উপত্যকাভূমি তৃণশ্রামল শোভায় রমণীয় হইয়া উঠিয়াছে। তাহার কিছু উপরে “কার” বুকের গাট অরণ্য। তাহাদের উপরে ধাপে ধাপে পাহাড়ের শ্রেণী মাথা তুলিয়া দাঁড়ইয়া। পর্বতের স্থানে স্থানে ছোট ছোট দারু-কুটীর বিন্দুর মত দেখাইতেছিল। উপত্যকাভূমিতে গ্রামগুলিও ছোট ছোট বিন্দুর মত দেখাইতেছিল। শ্রোতবিনীর উপর দিয়া কার্ঠের সেতু—তাহার নিম্নে নিখরিনীর স্রোতোধারা বিপুল উচ্চানে বৃক্ষরাজির মধ্য দিয়া চলিয়াছে। শান্ত বায়ুপ্রবাহে ধানের স্তর ভাসিলা আসিতেছে, কোনও রাখাল-বালকের কণ্ঠে সে গান ঝঙ্কত হইয়া উঠিতেছিল। আমার মনে হইতেছিল, মেঘতর হইতে যেম সে গান ভাসিয়া আসিতেছে—উহা বেন পার্থিব কণ্ঠের গান মর্হে। এমন শান্ত কক্ষ সময়ে অকস্মাৎ প্রকৃতি বেন আমার সহিত কথা কহিতে লাগিল। আমি বেন মাক্ষনা লাভ করিয়া জামল তৃণরাজির উপর আমার ক্রান্ত মস্তক রক্ষা করিলাম। জোরার মুকুর পর এমন ভাবে আর অঙ্গপাত্ত করি নাই। আমার নয়নে বস্তু নাশিলা আসিল।

গ্রামে ফিরিয়া দেখিলাম, এক জাড়া পত্র আসিয়াছে। কিছু আগেই উহা এখানে আসিয়া পৌঁছিয়াছে। চিঠিগুলি লইয়া আমি গ্রামের বাহিরে যেলাম। তখন আহারের বিলম্ব ছিল। অগ্ণাণ চিঠি আমি পাই নাই—দীর্ঘকাল কোন পত্র আমার হাতে আসে নাই। দেশ হইতে বাত্ম করার পর, আমি শুধু জল আছি, বা অল্প স্থানে আসিয়াছি, ইহা হাড়া অশ্রু কিছুই আশি পত্রে লিখি নাই।

চিঠির তাড়া খুলিয়া আগনেসের লেখা পড়িলাম। সে স্নেহ আছে, কাষে লাগিয়াছে। তাহার কাজ ক্রমেই ভাল চলিতেছে। তাহার নিম্নের সময়ে সে আর বেশী কিছু লিখে নাই। বাকি সবই সে আমার স্নহে লিখিয়াছে।

সে আমাকে কোন উপদেশ দেয় নাই; কোনও কর্তব্যকর্মের ভার আমার উপর অর্পণ করে নাই; সে শুধু সাগ্রহে আমার জানাইয়াছে, সে আমার উপর কতখানি নির্ভর করে। সে জানে যে, আমার মত প্রকৃতির লোক শোক হইতে কল্যাণ আহরণ করিবেই। সে ভাল করিয়াই জানে, সংসারের দুঃখ-কষ্ট এবং মানসিক ঘাতপ্রতিঘাতের ফলে আমার মন শক্তিশালী হইয়া উঠিবে। যে সকল দুঃখ আমি সহ করিয়াছি, তাহা হইতে প্রচুর শক্তি লাভ করিয়া আমি দৃঢ়তার সহিত কর্মক্ষেত্রে জয়লাভ করিতে পারিব, ইহা সে জানে। আমার যশোলাভে সে গৌরবান্বিত হইয়া উঠিয়াছে, সে প্রত্যাশা করিয়া আছে যে, আমি আরও যশস্বী হইব, আরও পরিশ্রম করিব। সে জানে, শোক আমাকে দুর্বল করিবে না, সবল করিয়া তুলিবে। বাল্যকালে নানাবিধ দুঃখ, কষ্ট, শোক সহ করিয়া আমি বর্তমান অবস্থায় দাঁড়াইয়াছি, আরও বড় বড় দুঃখ আমাকে শক্তিশালী করিয়া তুলিবে, আমি আরও উন্নতি করিব; দুঃখ আমাকে শিক্ষা দিয়াছে, আমি অপরকে শিক্ষা দিব, ইহাই তাহার দৃঢ় বিশ্বাস। ভগবান্ আমার প্রিয়তমাকে তাহার কাছে ডাকিয়া লইয়াছেন, এ জন্ত আগ্নেস্ আমাকে ভগবানের উপর আস্থানির্ভর করিতে বলিয়াছে। ভগিনীর স্থায় স্নেহে সে চিরদিন আমাকে ভালবাসিয়াছে এবং আমি যেখানেই থাকি না কেন, সে সর্বদাই আমার পাশে রহিয়াছে। সে আমার কার্যকলাপে গর্ব অনুভব করিয়া থাকে এবং ভবিষ্যতে আমি যাহা করিব, তাহার জন্ত সে অশেষ আশা সঞ্চিত করিয়া রাখিয়াছে।

বহু, বহুবার আমি সে পত্র পাঠ করিলাম। শয়নের পূর্বে আমি তাহার পত্রের উত্তর লিখিলাম। তাহাতে জানাইলাম যে, তাহার সাহায্যই এখন আমার একমাত্র প্রয়োজন। সে না থাকিলে, সে সাহায্য না করিলে, আমি যাহা হইয়াছি, তাহা হইতে পারিতাম না। সে আমাকে প্রেরণা দিয়াছে, আমি কাজ করিয়াছি।

আমি চেষ্টা আরম্ভ করিলাম। আমার শোকের আরম্ভকাল হইতে নয় মাস কাটিয়াছে, আর তিন মাস হইলে এক বৎসর পূর্ণ হইবে। এই তিন মাস গত না হইলে আমি বিশেষ কোন চেষ্টা করিব না। সেই উপত্যকাত্মিতে আমি রহিলাম।

তিন মাস অতীত হইল। আরও কিছুদিন আমি বিদেশে বাসন করিব স্থির করিলাম। সুইজারল্যাণ্ডেই আমি কাটাইব। এইখানেই আমার লেখনী-ধারণ করিব।

উপত্যকাত্মিতে আমি বহুজনের সহিত ঘনিষ্ঠভাবে পরিচিত হইলাম। ইয়ারমাউথে আমার যেমন অনেক বন্ধুলাভ হইয়াছিল, এখানেও তাহাই হইল। শীতের প্রারম্ভে জেনেভায় চলিয়া গেলাম। তার পর আবার যখন উক্ত

উপত্যকাত্মিতে ফিরিয়া আসিলাম, বহুরা সমাদরে আমার অভ্যর্থনা করিল, অবশ্য ইংরাজী ভাষায় নহে।

আমি বহুক্ষণ ধরিয়া রচনাকার্যে আস্থানির্ভর করিলাম। অসীম ধৈর্য ও পরিশ্রম সহকারে আমি কাজ করিতে লাগিলাম। আমি একখানি উপন্যাস আরম্ভ করিয়াছিলাম। ব্যক্তিগত অভিজ্ঞতার ভিত্তির উপর উপন্যাসের গল্পাংশ গড়িয়া তুলিয়াছিলাম। পাণ্ডুলিপি টাইপের কাছে পাঠাইতে লাগিলাম। সে উহা ছাপিবার আশা করিল। আমার যশের কথা বহু পর্যটকের মুখে শুনিবার সুযোগও ঘটিল। কিছুদিন পরে আমার পূর্ব-উৎসাহ ফিরিয়া আসিল। নূতন কল্পনা আমাকে পাইয়া বসিল। যতই রচনা অগ্রসর হইতে লাগিল, আমার উৎসাহ অদম্য হইয়া উঠিল। ইহাই আমার তৃতীয় উপন্যাস। যখন অর্দ্ধাংশ লেখা হইয়াছে, সেই সময় আমি দেশে ফিরিবার সঙ্কল্প করিলাম।

দীর্ঘকাল ধরিয়া শুধু অধ্যয়ন ও রচনা লইয়া যথ থাকিলেও, ব্যায়াম আমি প্রত্যহ করিতাম। ইংলণ্ড হইতে যাত্রা করার সময় আমার শরীর অত্যন্ত ধার্ম্য হইয়াছিল। এখন আমার স্বাস্থ্য আবার ফিরিয়া আসিয়াছিল। বহু দৃশ্য দেখিয়াছি। বহু দেশে ভ্রমণ করিয়াছি। মনে হইল, আমি বহু অভিজ্ঞতা সঞ্চয় করিয়াছি।

দেশ হইতে বিদেশে অবস্থানকালে আমার মনে যত চিন্তার উদয় হইয়াছিল, সবই এখানে বসিয়া স্মরণ করিলাম, শুধু একটা বিষয়ের কথা এখানে বলিলাম না। আমার মনের কোনও চিন্তাকে আমি চাপিয়া বাইবার চেষ্টা করি নাই। কারণ, এই কাহিনী আমার লিখিত স্মৃতি। আমার মনে যে গোপন চিন্তাস্রোত বহিত, তাহাকে আমি স্বতন্ত্র করিয়া রাখিবার চেষ্টা করিয়াছিলাম। শেষ পর্য্যন্ত আমি তাহা করিয়াছি। কিন্তু সেই কথা এখন বলিব।

এত দিন আমি আমার হৃদয়ের রহস্যের সমাধান করিতে পারি নাই—কখন আমি আগ্নেসের উপর আমার হৃদয়ের প্রথম এবং উজ্জ্বলতম আশা স্থাপন করিতে পারিতাম, তাহা চিন্তা করিয়া দেখি নাই। আমার শোকের কোন সময়ে আমার মনে এই চিন্তার প্রথম সংস্রব ঘটিয়াছিল যে, আমার বালকোচিত উদ্দাম খেয়ালের বশে তাহার প্রেমের রত্নকে দূরে ফেলিয়া দিয়াছিলাম, এ কথা সম্মুদিত হইয়াছিল। আমার ধারণা ও বিশ্বাস যে, যখন আমার অভাব ও বিরোগ-জনিত ক্রতির পরিপূর্ণতার আর সম্ভাবনা ছিল না, তখন আমার মন কি যেন অক্ষুণ্ণে বসিয়া উঠিয়াছিল। কিন্তু সে চিন্তাতে আমার মনে শুধু অনুশোচনাই নূননভাবে জাগিয়া উঠিয়াছিল, নূতন বেশে ফুটিয়া উঠিয়াছিল—তখন আমি জগতে একা নির্বাসিত, ইহাই মনে হইয়াছিল।

মনের এইরূপ অবস্থায় যদি আমি তাহার সংস্রবে অধিককাল থাকিতাম, তাহা হইলে আমার এই দুর্বলতা



হয় ত গোপন করিতে পারিতাম না। ইংলণ্ড হইতে দূরে থাকিবার সময় এই ভয়ই আমার মনে জাগিয়াছিল। তাহার ভগিনী-স্নেহের সামান্যমাত্র অংশও যদি আমি হারাইতাম, তাহা আমি নিশ্চয় সহ্য করিতে পারিতাম না, তাহা সত্য, কিন্তু আমার মনের কথা প্রকাশ পাইলে, আমাদের উভয়ের মধ্যে আমি এমন একটা বাধার সৃষ্টি করিবার অবকাশ দিতাম, যাহা কখনও আমার জ্ঞানের গোচরীভূত হয় নাই।

আমি ভুলিতে পারিতেছিলাম না যে, সে এখন আমাকে যে ভাবে দেখিতেছে, তাহা আমারই স্বাধীন নির্বাচনের ফলেই ঘটিয়াছে। যদি অন্য ভাবে সে কখনও আমাকে ভালবাসিয়া থাকে—এক একবার মনে হইয়াছিল যে, সেরূপ ভাবে সে আমাকে ভালবাসিতে পারিত—আমি সে ভালবাসাকে প্রত্যাখ্যান করিয়াছি, হেলায় হারাইয়াছি। এখন তাহার কোন মূল্য নাই, আমি তাহাকে যে ভাবে ভাবিতে অভ্যস্ত হইয়াছি, যখন আমরা বালক-বালিকামাত্র ছিলাম, তখন হইতে যে ভাবে তাহাকে দেখিয়াছি, তাহার মূল্য এখন কোথায়? আমার হৃদয়ের আবেগ আমি অস্তুর উপর চাপ করিয়াছিলাম। যাহা আমার করা উচিত ছিল, তাহা আমি করি নাই। আগনেস্ এখন আমার কাছে যাহা, তাহা আমি এবং তাহার মহৎ হৃদয় গড়িয়া তুলিয়াছে।

যে পরিবর্তন ক্রমশঃ আমার ভিতর কার্য্য করিতেছিল, তাহার প্রথমাবস্থায় আমি আপনাকে ভাল করিয়া বুঝিবার চেষ্টা করিলাম। ব্রাহ্ম অতীতকে যদি বাদ দিতে পারা যাইত, তাহা হইলে আমি তাহাকে বিবাহ করিয়া ভগবানের আশীর্বাদ লাভ করিতে পারিতাম। কিন্তু যতই সময় যাইতে লাগিল, এই ছায়াচ্ছন্ন সম্ভাবনা ক্রমেই বিলীন হইয়া যাইতে লাগিল। যদি সে কখনও আমাকে ভালবাসিয়া থাকে, তাহাকে আমি আরও পুণ্যময়ী বলিয়া পূজা করিব। আমি তাহার কাছে আমার সকল কথাই জানাইয়াছিলাম, সে আমার ভ্রমপূর্ণ হৃদয়ের সকল ইতিহাসই জানিত, সেজ্ঞা সে যে আত্মত্যাগ করিয়াছে—আমার বন্ধু ও ভগিনীর আসন গ্রহণ করিতে সে সেরূপ ভাবে আপনাকে বিলাইয়া দিয়াছে, তাহাতে সেই বিজয়িনী হইয়াছে। তাহাকে পবিত্র বলিয়া পূজা করিব না? যদি সে কখনও আমাকে ভাল না বাসিয়া থাকে, এখন কি ভালবাসিতে পারিবে?

তাহার ধৈর্য্য ও-নিষ্ঠার সহিত তুলনা করিলে আমার হৃৎকলতা সম্পূর্ণ হইয়া উঠে। এখন তাহা আরও বেশী করিয়া অনুভূত হইতে লাগিল। আমি তাহার কাছে যাহাই কেন হইয়া থাকি, বা সে আমার কাছে সেরূপ আসনই পাইয়া থাকুক, আগে আমি তাহার যোগ্য হইতে পারিলেও এখন আমার সে যোগ্যতা নাই, এবং সেও তাহা পারিবে না। সে সময় চলিয়া গিয়াছে। আমারই দোষে সে সুযোগ

চলিয়া গিয়াছে, আমি তাহাকে হারাইয়াছি। তাহার জন্ত আমি দায়ী। উহা আমার প্রাপ্যই বটে।

এইরূপ চিন্তায় আমার মন অনুতাপ ও অনুশোচনার পূর্ণ হইয়া গেল। হুঃখে আমি অভিভূত হইলাম। আমি স্থির করিলাম, তাহার বিষয় এখন চিন্তা করা আমার পক্ষে লজ্জার কথা। কিন্তু এখন আমি গোপন করিব না যে, আমি সত্যই তাহাকে ভালবাসিয়া আসিয়াছি এবং আমি তাহার প্রতি ভক্তি পোষণ করিয়া আসিয়াছি। কিন্তু এখন হুঃখ করিয়া ফল নাই—বহু বিলম্ব হইয়া গিয়াছে। সুতরাং দীর্ঘকাল ধরিয়া যে সম্বন্ধ স্থাপন করিয়া আসিয়াছি, তাহাই বজায় রাখিতে হইবে।

এখন আমি সর্বদাই ভাবিতাম, ডোরা যে কথা বলিয়াছিল, যদি তেমন ঘটবার অবকাশ থাকিত, তাহা হইলে অবস্থা কি দাঁড়াইত? সে যাহা বলিয়াছিল, সময়ে সেই অবস্থা ঘটত বলিয়া এখন আমার ধারণা জন্মিতেছিল।

প্রথম যৌবনের নির্বুদ্ধিতার অবকাশে যদি আমরা চিরদিনের জন্ত বিচ্ছিন্ন না হইতাম, তাহা হইলে হয় ত ডোরার আশঙ্কাই মুক্তিগ্রহণ করিত। আমি আবার ভাবিতাম, যদি আগনেসের সহিত আমার বিবাহ হইত, তাহা হইলে আমার অবস্থা কি হইত? আমি আরও স্বার্থভ্যাগী হইতাম। প্রতিজ্ঞা দৃঢ়তর হইত, আমার ক্রটি-বিচ্যুতি সম্বন্ধে অবহিত হইতে পারিতাম। এইরূপ চিন্তা করার ফলে ক্রমে আমি বুঝিলাম, যাহা আমি হইতে পারিতাম, তাহা আর হইবার নহে।

তিন বৎসর পরে আমি যখন দেশে ফিরিবার জন্ত উদ্যত হইলাম, তখন আমার মনের অবস্থা এইরূপ। তিন বৎসর পরে সায়াহ্ন-কালে আমি দেশে ফিরিয়া আসিলাম।

তিন বৎসর! গণনায় সুদীর্ঘ, কিন্তু অতি শীঘ্র এই দীর্ঘকাল যেন চলিয়া গিয়াছে। গৃহ যেন আমার কাছে বড় মধুর বোধ হইল। আগনেস্ও আমার কাছে আরও প্রিয়তর বোধ হইল, কিন্তু সে ত আমার নহে—সে কখনও আমার হইবে না। সে হইতে পারিত, কিন্তু তাহা অতীতের গর্ভে সমাহিত!

### উনষষ্ঠিতম পরিচ্ছেদ

শীতার্ভ হেমস্তের অপরাহ্নে আমি লণ্ডনে পৌছিলাম। তখন অন্ধকার ঘনাইয়া আসিয়াছে, বারিপাতও হইতেছিল। এক বৎসরে এত কুয়াশা ও কন্দম কখনও দেখি নাই।

আমি একখানি খালি গাড়ীতে উঠিয়া পড়িলাম। পরিচিত বাড়ীগুলি যেন ক্ষুদ্র বলিয়া বোধ হইতে লাগিল।

পিতামহী অনেক দিন হইতেই ডোভারের বাড়ীতে স্থায়ী হইয়াছেন। ট্রাডেলস্ আদালতে কিরূপ পশুর জমাইয়া

লইরাছিল, ইহা আমি দেখিতে পিরাছিল্যম। এখন  
গ্রেজ্‌ইনএ সে, যর ভাড়া লইরাছিল। তাহার শেষ পক্ষে  
আমিরাছিল্যম যে, শীঘ্রই তাহার প্রণয়িনীর সহিত তাহার  
বিবাহ হইবে।

তাছাড়া ভাবিরাছিল, বড় দিনের সময় আমি গৃহে  
ফিরিব; এত শীঘ্র আমি আসিব, কেহই ভাবে নাই। আমি  
ইচ্ছা করিয়াই কাছাকেও আমার আগমন-সংবাদ দেই  
নাই। আমি ভাঙ্গাধিককে বিদ্রিক্ত করিয়া দিব স্থির করিয়া-  
ছিল্যম। কিন্তু কাহারও মাকর অভ্যর্থনা না পাইয়া আমি  
অসে মরে একটু বৈরাগ্য ও নিঃস্বলাহ অনুভব করিতে-  
ছিল্যম।

গাড়ী যখন গ্রেজ্‌ইন্ কক্ষিখানার কাছে থাকিল, তখন  
আমি অচমকটা প্রকৃতিস্থ হইয়াছি।

কক্ষিখানার অধিকৃষ্টের ধারে বসিয়া আমি বেহারাকে  
জিজ্ঞাসা করিলাম, “কহুতে পার, মিঃ ট্রাডেল্‌স্‌ এখানে  
কোথায় থাকেন?”

সে বলিল, “হ’লবরন্ হলবরন্ কোর্ট, মশাই।”

বলিলাম, “তিনি আইন-ব্যবসায়ে বোধ হয় বেশ উন্নতি  
করেছেন?”

“হ’তে পারে, তা জানি না, মশাই।”

অপেক্ষাকৃত পুরাতন অপর আর এক জন বেহারাকে  
ডাকিয়া পূর্বোক্ত অল্পবয়স্ক বেহারা তাহাকে ট্রাডেল্‌স্‌ সম্বন্ধে  
জিজ্ঞাসা করিল।

সে লোকটি বলিল, “তীর নাম ত গুনিনি, মশাই। কত  
দিন তিনি ওকালতী করছেন?”

আমি বলিলাম, “তিন বছরের বেশী নয়।”

সে চল্লিশ বৎসর এখানে কাজ করিতেছে। কিন্তু  
তাহার নাম সে শুনে নাই! তার পর আমি কি আহার  
করিক, তাহা জানিতে চাইল।

ট্রাডেল্‌স্‌এর জন্ত আমি কিছু মনমরা হইলাম, এ কথা  
অধীকার করিব না। বেচারার কোন আশা নাই  
দেখিতেছি।

যাহা হউক, আমি স্বসামান্য আহারের কথা তাহাকে  
বলিলাম। আহার শেষ করিয়া আমি অস্ত্র দ্বারপথে হনং  
হলবরন্ কোর্ট খুঁজিয়া বাহির করিবার জন্ত নির্গত হইলাম।  
অল্প সন্ধানেই সে কক্ষা পাওয়া গেল। ট্রাডেল্‌স্‌ উপরতলা  
ভাড়া লইয়াছে। বাহিরের লেখা দেখিয়া তাহা বুঝিলাম।  
আমি সোপানপ্রণী বাহিরা উপরে উঠিতে লাগিলাম।

সিঁড়িতে ভালভাবে আলো দিবার ব্যবস্থা নাই!  
কোনও মতে হৌচট খাইতে খাইতে পথ অভিক্রম করিতে  
লাগিলাম। উপরতলে বেশ হাসি-খুসীর শব্দ পাইলাম।  
সে হাসি পুরুষের কণ্ঠস্বিত মছে—নারী—তরুণী নারীর  
কলকণ্ঠের স্বরায় বলিয়া অনুভবিত হইল। সোপানাবলীর  
একটা তরুণ কেরম করিয়া ডাকিয়া দিয়াছিল, হুতরায়

আমি হৌচট খাইয়া মশকে পড়িয়া রাইভেই হাসির  
কলোচ্ছ্বাস অকস্মাৎ থামিয়া গেল।

আরও সতর্কভাবে উপরে উঠিতে লাগিলাম। উপরে  
উঠিয়া একটি দরজার বাহিরে ট্রাডেল্‌স্‌এর নামের সাইন-  
বোর্ড দেখিলাম। সে ঘরের দরজা খোলা। আমি ধারে  
আঘাত করিতে পরিচ্ছদের খসখস শব্দ শুনি গুনিলাম।  
আমি পুনরায় করাঘাত করিলাম।

একটি অল্পবয়স্ক চালাক চতুর বালক রুক্মিনীদাসে  
আমার সম্মুখে আনিয়া উপস্থিত হইল।

আমি তাহাকে জিজ্ঞাসা করিলাম, “মিঃ ট্রাডেল্‌স্‌ ঘরে  
আছেন?”

“আছেন মশাই, তবে তিনি এখন কাজে ব্যস্ত।”

“আমি তাঁর সঙ্গে দেখা করতে চাই।”

আমার দিকে ভীকৃ নৃষ্টিতে চাহিয়া সে আমাকে ভিতরে  
প্রবেশ করিতে দিতে মনস্থ করিল, বুঝিলাম। দরজার  
কপাট খুলিয়া দিয়া সে পার্শ্বের একটি ছোট কামরায় লইয়া  
গেল। সেখানে আমার বন্ধুকে কাজে ব্যস্ত দেখিলাম।

মুখ তুলিয়া চাইয়াই সে বলিয়া উঠিল, “এ কে?  
কপারফিল্ড, তুমি?” সঙ্গে সঙ্গে সে আমাকে জড়াইয়া  
ধরিল।

“সব ভাল, প্রিয় ট্রাডেল্‌স্‌?”

“সবই ভাল, ভাই কপারফিল্ড! সবই ভাল খবর!”

উভয়েই আনন্দে অশ্রুপাত করিলাম।

“ভাই কপারফিল্ড, আমার প্রিয়তম বন্ধু, তোমাকে  
ফিরে পেয়ে আমার কি যে আনন্দ হইছে, ভাই! তোমার  
রং একটু তামাটে হয়ে গেছে! স্বাস্থ্য ভাল হয়েছে দেখে  
কত আনন্দই যে হইছে! সত্যি বলছি, জীবনে এমন আনন্দ  
কখনো পাইনি, প্রিয়তম কপারফিল্ড, কখনো না!”

আমারও হৃদয় আনন্দে অভিভূত হইয়া পড়িয়াছিল।  
প্রথমতঃ আমি কোনও কথাই বলিতে পারিলাম না।

ট্রাডেল্‌স্‌ বলিল, “প্রিয় বন্ধু, কি সুখ্যাতিই তোমার  
হয়েছে! আমার কপারফিল্ড, তুমি কখন এলে ভাই?  
কোথা থেকে এলে? এত দিন কি করছিলে?”

প্রশ্নের উত্তরের প্রতীক্ষা না করিয়াই সে আমাকে  
একখানি আরাফ-কেদারায় বসাইয়া দিল। উভয়েই  
হাসিতেছিল্যম, উভয়েই চোখ মুছিতেছিল্যম। পরস্পরের  
কর পুনঃ পুনঃ কক্ষন করিতেছিল্যম।

ট্রাডেল্‌স্‌ বলিল, “তুমি এত শীঘ্র আসবে, তা কে  
ভেবেছিল। সেই এলে, অথচ উৎসর্গে তোমার পেমাম  
না।”

“কি উৎসর্গ, প্রিয় ট্রাডেল্‌স্‌?”

“কি সর্বনাশ! তুমি কি আমার পের চিঠি পাওনি?”

“তাতে যদি কোন উৎসর্গের কথা থাকে, তবে আমি  
নিশ্চয় তা পাইনি।”

ট্রাডেলস্ বলিল, “ভবে আর কি হবে! সোফীর সঙ্গে রেভারেণ্ড হোয়েন্স্ আমার বিয়ে দেবেন, সেই চিঠি ছিল। তাই, সোফী এই পর্দার আড়ালেই আছে। এই দেখ!”

সত্যই ট্রাডেলস্‌এর স্ত্রী হস্ত ও লজ্জাকরণ রাগে আনন্দ উদ্ভাসিত করিয়া তাহার গোপন স্থান হইতে বাহিরে আসিল। এমন আনন্দময়ী, সুহৃৎভাবা, প্রিয়দর্শিনী কণ্ঠা পৃথিবীতে সর্বদা দেখা যায় না। সুস্বাস্তন বহু হিসাবে আমি সমাদরে তাহার করচুম্বন করিলাম—তগবানের কাছে প্রার্থনা করিলাম, তাহার যুগলে যেন আনন্দময় জীবন বাসন করে।

ট্রাডেলস্ বলিল, “তোমার মুহূর্ত্ত সবলরূপে ফিরিয়ে পেয়ে আমার কি যে আনন্দ হয়েছে, তাবার তা প্রকাশ করে বলতে পারছি না।”

“আমারও তাই হয়েছে, বহু!”

লজ্জারসম্মুখে সোফী বলিলেন, “আমারও আনন্দ হচ্ছে।”

ট্রাডেলস্ বলিল, “আমরা সবাই খুসী। এমন কি, মেয়েগুলো পর্যন্ত খুসী হয়েছে। সত্যি, আমি তাদের কথা ভুলে গিয়েছিলুম।”

আমি বলিলাম, “কি ভুলে গিয়েছ?”

ট্রাডেলস্ বলিল, “বালিকাদের—সোফীর বোনদের কথা বলতে ভুলে গিয়েছিলুম। তারা এখন আমার এখানেই আছে। সহর দেখবার জন্য তারা এসেছে। আসল কথা হচ্ছে—আচ্ছা কপারফিল্ড, তুমি কি সিঁড়ির ওপর হামড়ি খেয়ে পড়ে গিয়েছিলে?”

হাসিতে হাসিতে বলিলাম, “হ্যাঁ, সে আমিই বটে!”

“ভাল কথা। তুমি যখন পড়ে গেলে, তখন আমি তাদের সঙ্গে ছুটোছুটি করছিলাম। অর্থাৎ তখন কাণামাছি খেলাই চলছিল। কিন্তু এখানে ত তা শোভা পায় না। যদি যেকোন আমাকে যে অবস্থায় দেখে ফেলে, এই ভেবে তারা গা-ঢাকা দিয়েছে। তারা ঐ ধারে দাঁড়িয়ে আমাদের সব কথাই শুনেছে কি?” এই বলিয়া ট্রাডেলস্ অস্ত্র কক্ষের দ্বারের দিকে দৃষ্টিনিবেশ করিল।

আমি হাসিতে হাসিতে বলিলাম, “ভবে ত আমি এসে তোমাদের আমোদ-প্রমোদ মাটী করে দিয়েছি!”

“সত্যি বলছি, কপারফিল্ড, তুমি যদি তাদের দৌড়-ঝাঁপ দেখতে, তোমার পতনশব্দে তারা বহন পালাছিল, সে দৃশ্য দেখতে, তা হলে ও কথা বলতে পারতেন না। প্রিয়ভয়ে, তুমি তাদের নিয়ে আসবে কি?”

সোফী নিঃশব্দে চলিয়া গেলেন। আমরা এ ঘরে বসিয়া গল্পগাফল, তিনি পানের ঘরে ঘাইতেই একটা মধুর হস্ত-তরঙ্গের রেশ তাঁহাকে অভ্যর্থনা করিয়া লইল।

“বেশ গানের বজ্রার নয় কি, কপারফিল্ড? শুভতে বড় ভাল লাগে।”

“এই পুরোনো ঘরগুলি ঐ কলঝঞ্ঝারে যেন সজীব হয়ে উঠছে। যে লোক এত দিন কোমার্যা-জীবন বরণ করে এসেছে, তার পক্ষে এমন জীবন পরম রমণীয়। সত্যি আমি মুগ্ধ হয়ে আছি। সোফীকে হারিয়ে ওদের অনেক কষ্ট হবে। সকলেই ওকে শ্রোণ দিয়ে ভালবাসত। বাস্তবিক মেয়েদের সাহচর্য্য ভারী আনন্দের ব্যাপার, কপারফিল্ড।”

আমার বোধ হইল, কথাটা বলিয়া ফেলিয়াই সে বেশ একটু অপ্রতিভ হইল। এ কথার পাছে আমার মনে ব্যথা লাগে, তাই সে বেশ সহসা গভীর হইয়া পড়িল। আমি তাহার মনে প্রেরণতা আনিবার জন্য সানন্দে ও সর্কাস্ত্রকরণে তাহার উক্তি সমর্থন করিলাম।

ট্রাডেলস্ তখন বলিল, “ভবে এখানে সোফীকে আলা ব্যবসার দিক দিয়ে উচিত করনি। ভবে আমাদের আর কোন থাকবার জায়গা নাই। তাই এখানেই আসতে হয়েছে। সোফী ভারী চমৎকার ম্যানেজার! তুমি দেখলে বিস্মিত হবে, এই অল্প জায়গার মধ্যে সে কেমন করে সকলে থাকবার জায়গা করে দিয়েছে।”

আমি জিজ্ঞাসা করিলাম, “মেয়েদের সংখ্যা কি খুব বেশী?”

“এক জন—সুন্দরীশ্রেষ্ঠা এখানে আছেন। তাঁর নাম কেরোলিন। সারাও আছে—তার মেঝুদণ্ডে পীড়া ছিল, তা তোমাকে অনেক আগে বলেছিলাম। সে এখন ভাল হয়ে গেছে। তার পর সকলের ছোট ছোট বোনও সঙ্গে এসেছে। সোফী তাদের পড়াত। তার পর লুইসাও আছে।”

আমি বলিলাম, “বটে!”

ট্রাডেলস্ বলিল, “এখানে আমার মাত্র তিনটি ঘর। কিন্তু সোফী তার বোনদের শরনের এমন চমৎকার ব্যবস্থা করে গেছে যে, তারা সকলেই আরামে ঘুমুতে পারে। ঐ ঘরে তিন জন শোয়, দুজন ওদিকের ঘরে।”

আমি চারিদিকে চাহিয়া বুঝিতে পারিলাম না, ট্রাডেলস্ সম্প্রতি কোথায় নিজা যায়। ট্রাডেলস্ বোধ হয় আমার মনের কথা বুঝিতে পারিল।

“আর আমাদের শয্যা?—গত সপ্তাহে এই ঘরের মেঝেতে আমাদের বিছানা করে নিয়েছিলাম। কিন্তু হালের উপর একটা ছোট ঘর আছে। ভারী সুন্দর ঘর। সোফী সেটা এমন করে সাজিয়েছে যে, দেখলে তুমি খুসী হবে। সেখানেই এখন আমরা শুই। সেখান থেকে বাইরের দৃশ্য চমৎকার দেখা যায়।”

আমি বলিলাম, “তুমি বিয়ে করে সুখী হয়েছ দেখে আমার এমন আনন্দ হচ্ছে, ট্রাডেলস্!”

“ধন্যবাদ, কপারফিল্ড। হ্যাঁ, সত্যি আমি খুব খুসী হয়েছি। ঐ দেখ সেই ফুমদানি, ঐ সেই টেক্স—আর্সেল পাথরের টেবল! তা ছাড়া যে সব আসবাবপত্র, খুবই সাদাসিধে। দেখ, আমাদের খামার গ্রেট বা চার ডাকুচে পর্যন্ত ছিল না।”



“সবই কিনে নিতে হ’ল?”

“ঠিক, সব কিনতে হবে। অবশ্য এখন চার চাম্চের কাজ আমরা অল্প রকমে সেরে নিচ্ছি।”

আমি বলিলাম, “এর পর রূপার চাম্চে হবে।”

“আমরাও সেই কথা বলাবলি করি। দেখ, কপারফিল্ড, একটা মোকদ্দমার আমি সওয়াল-জবাব করবার পর মোটা টাকা পেলাম। তখন আমি রেভারেণ্ড হোরেস্কে গিয়ে বললাম, সোফী ও আমি পরস্পর বাগ্‌দত্ত আছি। তাঁর কাছে সোফীর পাণিগ্রহণের প্রস্তাব জানালাম। তিনি বড় ভাল লোক। এত দিন তাঁর বিশপ হবার কথা। অন্ততঃ আরও বেশী উপার্জন তাঁর হওয়া উচিত ছিল। যাক, তাঁকে বললাম যে, অনেক দিন ধরে আমরা প্রতীক্ষা করে আছি, এবার আমাদের বিবাহে তিনি অহুমতি দিন। তিনি বললেন যে, মিসেস্ ক্রুলারের সঙ্গে পরামর্শ করে তিনি আমাকে জানাবেন। এ কথা শুনে তিনি বিব্রত হলেন। প্রথমে পা, তার পর বুক, সব শেষে মাথায় গিয়ে—”

আমি বলিলাম, “তার মানে?”

“ছুঃখ হ’ল। সেই ছুঃখের ভারে তাঁর বুক ও মাথা অবসন্ন হয়ে পড়ল। যাক, অনেক করে বোঝাবার পর তিনি রাজি হলেন। ছসপ্তাহ হ’ল আমাদের বিয়ে হয়েছে। বিয়ের পর ব্যাপার যদি দেখতে, তুমি চমকে যেতে। বাড়ী গুল্ল লোকের কি কাগা। মিসেস্ ক্রুলার আমাকে ক্ষমা করতেই পারেননি। তাঁর মেয়েটিকে আমি নিলাম বলে তাঁর বড় ছুঃখ হয়েছিল। কারণ, সোফীই ছিল তাঁদের সকলের প্রাণ—যেন অন্ধের নড়ি। কিন্তু আজ তিনি আমায় খুব ভাল পত্র লিখেছেন।”

আমি বলিলাম, “বন্ধু, তুমি জীবনের আশীর্বাদ লাভ করে সুখী হয়েছ, ভাই!”

“ওটা তুমি আমার ভালবাস বলেই বলছ। তবে সত্যি আমার এ সুখ, অল্পের পথে লোভনীয় হ’তে পারে। দেখ, আমি ভোর পাঁচটায় উঠে কাজ করি। মেয়েদের আমি দিনের বেলা লুকিয়ে রাখি। সন্ধ্যার পর তাদের নিয়ে আশোদ আহ্লাদ করি। তারা মজলবার চলে যাবে, সে জন্ত আমার ভারী কষ্ট হচ্ছে। কিন্তু—এই যে, তোমার সঙ্গে পরিচয় করিয়ে দেই। ইনি আমার বন্ধু মিঃ কপারফিল্ড, আর এঁরা—মিস্ ক্রুলার, মিস্ সারা, মিস্ লুইসা, মার্গারেট ও লুসি!”

হাঁ, তাহারা সকলেই গোলাপফুল বটে। তাহারা যেমন তাজা, তেমনই নয়নানন্দদায়ক। সকলেই সুন্দরী। তন্মধ্যে মিস্ কেরোলিন ভারী সুন্দরী। কিন্তু সোফী আমার চোখে যেমন প্রার্থনীয় মনে হইল, এমন কেহ নহে। আমি ট্রাডেল্‌স্‌এর পছন্দের প্রশংসা করিলাম। সে যে ভাল জিনিষই পছন্দ করিয়াছে, তাহা আমি সর্কাস্তঃকরণে স্বীকার করিলাম।

মিসেস্ ট্রাডেল্‌স্‌ চা তৈয়ার করিতে বসিলেন। তার পর টোষ্ট তৈয়ার করিবার সময় তিনি বলিলেন যে, তিনি আগ্নেস্কে দেখিয়াছেন। বিবাহের সময় ডিভনসায়ারে টম্, আগ্নেস্ ও আমার ঠাকুরমাকে লইয়া গিয়া সে সময়ে আমার কথা ছাড়া তাঁহারা আর কেহ বিষয়েরই আলোচনা করেন নাই। তাঁহার বিশ্বাস, তাঁহার স্বামীর মনে আমার চিন্তা সকল সময়েই জাগ্রত ছিল। টম্ তাঁহার জীবনের আদর্শ দেবতা, তিনি কায়মনঃপ্রাণে টমের একান্ত ভক্ত।

আরও দেখিলাম, ট্রাডেল্‌স্কে তাহার স্থালিকারা অভ্যস্ত ভালবাসে। সোফীর প্রতি তাহাদের যেমন একান্ত নির্ভরতা ও ভালবাসা আছে, ট্রাডেল্‌স্‌এর উপরেও তাহাই। এ দৃশ্য আমি জীবনে কখনও ভুলিতে পারি নাই।

বিদায় লইয়া আমি কাফিখানায় ফিরিয়া আসিলাম। ট্রাডেল্‌স্‌এর ভবিষ্যৎসম্বন্ধে আমি এখন নিঃসন্দেহ হইয়াছিলাম। তাহার উন্নতি অনিবার্য—অবশ্যজ্ঞাবী।

কাফিখানার অগ্নিকুণ্ডের ধারে আমি বসিয়া নিজের কথা ভাবিতে লাগিলাম। ভবিষ্যতে আমাকে বীরের মত চলিতে হইবে, তাহাও ভাবিলাম। গৃহ-সুখ আমার জীবনে আর ঘটবে না, ইহা স্ননিশ্চিত। যে নারী আমার জীবন প্রকৃত প্রেমের বন্ধ্যায় ভাসাইয়া দিতে পারিত, তাহাকে আমি ভগিনীর ভালবাসা শিখাইয়াছি। সে হয় ত বিবাহ করিবে। তাহার স্নেহ-প্রেমের তখন নূতন দাবীদার আসিবে। সে কোনও দিন জানিতে পারিবে না, আমার হৃদয়ে কি প্রেম তাহার জন্ত সঞ্চিত হইয়া রহিয়াছে। আমার আবেগজনিত নির্বুদ্ধিতার ফল আমাকে অবশ্যই ভোগ করিতে হইবে। যাহা স্বহস্তে বপন করিয়াছি, তাহার ফল ভোগ আমি করিব না?

ভাবিতেছিলাম, আমার হৃদয়কে যদি সংযত করিতে পারিয়া থাকি, দৃঢ়তার সহিত যদি ইহা সহ্য করিতে পারিয়া থাকি, তাহার গৃহে আমার স্থান রক্ষা করিয়া চলিতে পারি, সে যেমন আমার গৃহে স্থান রক্ষা করিয়া চলিতেছিল—ঠিক এমনই সময় এক জন লোকের প্রতি আমার দৃষ্টি পড়িল। তিনিও অগ্নিকুণ্ডের পাশে বসিয়াছিলেন।

তিনি ডাক্তার চিলিপ্। আমাকেই তিনি এ সংসারে ভূমিষ্ঠ হইবার বিষয়ে পুতিকাগারে সাহায্য করিয়াছিলেন। তিনি অদূরে বসিয়া সংবাদপত্র পাঠ করিতেছিলেন। বয়স এত দিনে তাঁহার অনেক হইয়াছিল। অতি শাস্ত ও ধীর প্রকৃতির মানুষ তিনি।

হয় সাত বৎসর হইল, মিঃ চিলিপ্ ব্লগারষ্টোন ত্যাগ করিয়া আসিয়াছিলেন। তদবধি আর তাঁহার সহিত দেখা হয় নাই।

আমি পাঠমগ্ন ডাক্তারের কাছে গিয়া দাঁড়াইলাম। বলিলাম, “কেমন আছেন, মিঃ চিলিপ্?”

এক জন অপরিচিত ব্যক্তির নিকট এই কথা শুনিয়া তিনি মুহূর্ত্ত স্বরে বলিলেন, “ধন্যবাদ, মশাই, আপনার বড় দয়া। আপনাকে ধন্যবাদ। আপনি ভাল আছেন?”

আমি বলিলাম, “আপনি আমায় চিন্তে পাচ্ছেন না?”

তিনি আমাকে লক্ষ্য করিতে করিতে মুহূর্ত্ত হাসিয়া বলিলেন, “আপনার চেহারা দেখে মনে হচ্ছে, আপনি অপরিচিত নন। কিন্তু নাম আমার মনে পড়ছে না।”

আমি বলিলাম, “কিন্তু আমার নাম আমি নিজে জানবার অনেক আগেই আপনি আমার নাম জানতেন।”

মিঃ চিলিপ্ বলিলেন, “তাই না কি? যখন আমি ডাক্তারের বদলে—”

বলিলাম, “হ্যাঁ তাই।”

মিঃ চিলিপ্ বলিলেন, “কি আশ্চর্য্য! কিন্তু সে সময় থেকে আপনার চেহারা পরিবর্তন হয়েছে।”

বলিলাম, হয় ত হবে।”

মিঃ চিলিপ্ বলিলেন, “অনুগ্রহ ক’রে আপনার নামটা আমায় বলতে হবে।”

নাম বলিবামাত্র তিনি অত্যন্ত বিচলিত হইয়া পড়িলেন। মজ্ঞারে তিনি আমার করকম্পন করিলেন।

“আপনি মিঃ কপারফিল্ড—এ কি সত্য? আর একটু ভাল ক’রে দেখলেই আমি আপনাকে চিন্তে পারতাম। আপনার বাবা ও আপনার চেহারার বিশেষ সাদৃশ্য ছিল।”

“হৃভাগ্যক্রমে আমার বাবাকে আমি কখনও দেখিনি।”

ডাক্তার বলিলেন, “খুব সত্য কথা। অত্যন্ত দুঃখের কথাও বটে। আপনি যে রকম খ্যাতিলাভ করেছেন, তা গ্রামে গ্রামে ছড়িয়ে পড়েছে, আমরা সে সম্বন্ধে অনভিজ্ঞ নহি। আমাদের অঞ্চলে আপনার খুব প্রসিদ্ধি।

তাঁহার পার্শ্বে বসিয়া জিজ্ঞাসা করিলাম, “এখন আপনি কোন্ অঞ্চলে আছেন?”

মিঃ চিলিপ্ বলিলেন, “বরিসেন্ট এডমণ্ডস্ এ আমি এখন আছি। ঐ অঞ্চলে মিসেস্ চিলিপ্ কিছু সম্পত্তি পেয়েছেন—তাঁর বাবা তাঁকে দিয়ে গেছেন! সেখানে আমার বেশ পসার হয়েছে। ভাল কথা, আপনার পরিবার নেই?”

আমি মাথা নাড়িলাম।

তিনি বলিলেন, “আপনি কিছুদিন আগে শোক পেয়েছেন, সে কথা আমি আপনার আইনসঙ্গত পিতার ভগিনীর কাছে শুনেছি।”

“কোথায় তাঁর সঙ্গে আপনার দেখা হয়েছিল, মিঃ চিলিপ্?”

তিনি বলিলেন, “আপনি বুঝি জানেন না যে, মিঃ মর্ডষ্টোন এখন আবার আমাদের প্রতিবেশী হয়েছেন?”

আমি বলিলাম, “না।”

মিঃ চিলিপ্ বলিলেন, “তিনি আবার এক জন তরুণীকে বিয়ে করেছেন। সেই অঞ্চলেই তাঁর বাড়ী। তাঁর বেশ ভাল সম্পত্তি, টাকা-কড়ি আছে।”

আমি বলিলাম, “তিনি আবার বিবাহ করেছেন, তা শুনেছি। আপনি সে পরিবারে চিকিৎসা করেন না কি?”

“ভেমন নয়। আমাকে ডাকা হয়েছিল, তাতে তাদের শক্তিময় দৃঢ়তা আরও যেন পরিপুষ্ট হয়ে উঠেছে—হুজুরই, ভাই-বোনের।”

ডাক্তার একটু থামিয়া বলিলেন, “মিঃ কপারফিল্ড, অনেক পুরানো কথা মনে পড়ছে।”

আমি বলিলাম, “ভাই-বোন, তাঁদের পুরাতন চাল চালাচ্ছেন তা’ হলে?”

ডাক্তার বলিলেন, “চিকিৎসাব্যবসায়ীদের চোখ-কাণ থাকে উচিত নয়। তবু আমি বলব, তাঁরা বড় কঠোর ব্যবহার করেন।”

আমি বলিলাম, “ওঁর প্রতি তাঁরা এখন কি রকম ব্যবহার করছেন?”

“এই তরুণীটি ভারী সুন্দরী, মধুরস্বভাবা ছিলেন।”

আমি বলিলাম, “বর্তমান মিসেস্ মর্ডষ্টোন?”

মিঃ চিলিপ্ বলিলেন, “ভারী ভাল মেয়ে, মশাই। যেমন বিনয়ী, তেমনই চমৎকার। মিসেস্ চিলিপ্ বলেন যে, বিয়ের পর মিসেস্ মর্ডষ্টোনের সে স্বভাব আর নেই। খালি বিমর্ষ হয়ে থাকেন, উন্মাদলক্ষণও প্রকাশ পাচ্ছে। মেয়েদের দৃষ্টি বড় তীক্ষ্ণ, মশাই।”

“আমার মনে হয়, তাঁকে ওরা ভেঙ্গে মুচড়ে ফেলেছে। ভগবান তাঁকে রক্ষা করুন।”

ডাক্তার চিলিপ্ বলিলেন, “প্রথমতঃ ভারী বগড়া বাধত। কিন্তু এখন তাঁর সব বদলে গেছে। বোনটি আসবার পর, দুই ভাই-বোনে মিলে মেয়েটিকে চূর্ণ ক’রে ফেলেছে।”

আমি তাঁহাকে বলিলাম যে, ইহা আমি সর্বাস্তঃকরণে বিশ্বাস করি।

মিঃ চিলিপ্ বলিলেন, “আপনার আমার মধ্যে কথা, আমি বলছি, বিয়ের আগে মেয়েটির কি উৎকলিতা দেখেছিলাম। এখন তার কিছুই নেই। দুই ভাই-বোনে এখন তাঁকে চৌকী দিয়ে রাখে—স্বামী-ননদের মত নয়।”

আমি বলিলাম, “লোকটা এখনও ধার্মিকের অভিনয় করে ত?”

ডাক্তার বলিলেন, “আপনি ঠিক ধরেছেন। মিসেস্ চিলিপ্ও ঐ কথা বলে থাকেন। মেয়েরা লক্ষ্য করতে মজবুত। তাঁদের দৃষ্টি ভারী তীক্ষ্ণ!”

আমি বলিলাম, “ওটা তাঁদের প্রকৃতসিদ্ধ গুণ।”

মিঃ চিলিপ্ বলিলেন, “মিঃ মর্ডষ্টোন একান্তে মাঝে মাঝে ধর্ম সম্বন্ধে বক্তৃতা দেন। সন্তোষের তাঁর বক্ত

বাক্যে, তাঁর ধর্মবক্তৃতায় তেমনই জীবন হয়ে উঠেছে। এটা হিসেব চিলিপের অভিজ্ঞতা।

আমি বলিলাম, “তিনি ঠিকই বলেছেন।”

ডাক্তার বলিলেন, “হুই তাই-রেনকে ওখানকার সকলেই অবজ্ঞা করে। তার কলে তাঁরা ক্রোধের লোকদের বিরুদ্ধে নানা কথা বলে থাকেন। তারাও তাঁদের কাছে নানা কথা রটনা করে।”

ক্রমে আমার ঠাকুরমার কথা উঠিল। আমি তাঁহাকে বলিলাম যে, আমি এখন সেখানেই বাইব। তাঁহাকে মিঃ চিলিপ আমার জন্মকালে যে রকম জীবন প্রকৃতির ভাবিয়া-ছিলেন, তিনি তাহা নহেন। তাঁহার দয়াভেই আজ আমি বর্তমান অবস্থায় আসিতে পারিয়াছি। তাঁহার সঙ্গে পরিচয় হইলে ডাক্তার বুঝিতে পারিবেন, তিনি কিরূপ উচ্চতরের নারী।

ডাক্তার বলিলেন, “তাই না কি? সত্য বলছেন?”

এই বলিয়া তিনি বাতি জালিয়া শয়ন করিতে গেলেন।

আমি বিশেষ ক্লান্ত হইয়াছিলাম। আমিও শয়ন করিতে গেলাম।

পরদিন আমি ডোভারগামী গাড়ীতে উঠিয়া বসিলাম। তার পর যথাসময়ে পিতামহীর বৈঠকখানায় উপনীত হইলাম। তিনি তখন চা-পান করিতেছিলেন। এখন তাঁহার চোখে চশমা দেখিলাম। মিঃ ডিক্, পেগটী এবং ঠাকুরমা আমাকে সমাদরে অভ্যর্থনা করিলেন। পেগটী এখন গৃহকর্মের ভার লইয়াছিল।

আমি ডাক্তার চিলিপের সহিত সাক্ষাতের কাহিনী পিতামহীর সহিত গল্প করার তিনি ভারী আমোদ অনুভব করিলেন। পেগটী ও পিতামহী আমার ভাগ্যবতী জননীরা দ্বিতীয় স্বামীর কথা অনেক বলিলেন। পিতামহী বলিলেন, “দ্বীহত্যাকারী নরপণ্ড ঐ লোকটা, এবং তার বোনটাও হত্যাকারিণী।” ঠাকুরমা এমনই জুড় হইয়া-ছিলেন যে, কোনও নামে উহাদিগকে অভিহিত করিতে চাহিলেন না।

### স্বপ্নিতম পরিচ্ছেদ

যখন সকলে রাজিতে বিশ্রাম করিতে গেল, তখন ঠাকুরমা ও আমি ঘরে বসিয়া অনেক রাজি পর্যন্ত গল্প করিলাম। বিদেশযাত্রীরা সেখান হইতে খালি গুল সংবাদই জ্ঞাপন করিয়া আসিতেছে। তাহাতে শুধু আমাদের সংবাদই তাঁহারা পাইয়াছেন। কেমন করিয়া মিঃ মিক্‌বার মাঝে মাঝে ধানের টকা পাঠাইতেছেন, কেমন করিয়া জেমস্ট আবার ডোভারে ফিরিয়া আসিয়া এক জন চটিওয়ালার স্ত্রী হইয়াছে এবং সুখে বসছেন আছে, সে সব কথা পিতামহী আমাকে জানাইলেন।

বিবাহব্যাপারে পিতামহী মিকেও খোঁস দিয়াছিলেন, এখন আর সে ব্যাপারে তাঁহার কিছুই নাই, তাহাও তিনি বলিলেন। মিঃ ডিক্ এখনও নকলের কাজ চালাইতেছেন। এখন আর শিখিবার সময় এখন চার্জমের কথা তাঁহার পাণ্ডুলিপিতে প্রবেশ করে না। এমন কি, মিঃ ডিক্ সানকে তাঁহার কাজ করিয়া বাইতেছেন।

তার পর আমার একখানি হাতের উপর বৃদ্ধ করাঘাত করিয়া ঠাকুরমা বলিলেন, “টুট, তুমি ক্যান্টারবেরিতে কবে যাচ্ছ?”

বলিলাম, ‘আপনি যদি সঙ্গে না যান, ঠাকুরমা, তা হ’লে কাল সকালে একটা বোড়া বোঁগাড় করে আমি সেখানে যাব।’

তিনি বলিলেন, “না, আমি এখন কোথাও যাব না, এখানেই থাকব।”

বলিলাম যে, তাহা হইলে অশুপৃষ্ঠেই আমাকে বাইতে হইবে। শুধু ঠাকুরমাকে দেখিবার জন্তই আমি ক্যান্টার-বেরিতে যাই নাই। নহিলে আমি সেখানেই বিশ্রাম করিতাম।

তিনি সুখী হইলেন, কিন্তু বলিলেন, “টুট, আমার বুড়া হাড় কাল পর্যন্ত বজায় থাকত, দাড়া।”

তিনি কোমলভাবে আমার হাতের উপর করাঘাত করিতে লাগিলেন। আমি অগ্নিকুণ্ডের দিকে চাহিয়া রহিলাম।

আমি ভাবিলাম, আগনেসের এত কাছে থাকিয়াও আমি এখানে না আসিয়া পারি নাই। আগে বাহা বুঝি নাই, শিখি নাই, এখন তাহা বুঝিতে পারিতেছি।

ঠাকুরমা যেন বলিয়া উঠিলেন, “হায় টুট, অঙ্ক, অঙ্ক, অঙ্ক!”

এখন তাঁহার কথার অর্থ যেন সুস্পষ্ট বুঝিতেছি।

কয়েক মুহূর্ত উভয়ে চুপ করিয়া থাকিলাম। চক্ষু ভুলিয়া চাহিতেই দেখিলাম, তিনি আমাকে নিরীকণ করিতেছেন। সম্ভবতঃ তিনি আমার মনের গতিবেগ লক্ষ্য করিয়া থাকিবেন। এখন আমার মনের কথা বুঝিতে পারা আদৌ কঠিন ছিল না।

ঠাকুরমা বলিলেন, “তার বাবাকে এখন পলিতকেশ বৃদ্ধ দেখবে। অবশ্য আর সব বিষয়ে এখন তিনি খুবই ভাল। তাঁর যেন পুনর্জন্ম হয়েছে। এখন তিনি নিজের মাপকাঠিতে মানবের চঃখ, শোক, স্বার্থ প্রকৃতির পরিমাপ করেন না। বাহা, আমার কথা বিশ্বাস কর, ঐ উপায়ে ঐ সব বিষয়ের পরিমাপ করা চলে না।”

আমি বলিলাম, “খুব সত্য কথা।”

ঠাকুরমা বলিয়া চলিলেন, “তাকে তুমি আগের মতই সুন্দরী, আগের মতই ভাল মেরে, আগের মতই আত্মবিক এবং স্বার্থত্যাগী দেখতে পাবে। যদি এর চেয়ে বেশী প্রশংসা



করিবার কিছু থাকত, আমি তা তাকেই নিবেদন করতাম, টুট।”

না, তাহাকে ইহার অপেক্ষা বড় প্রশংসা করিবার কিছুই নাই। আর আমাকে ভৎসনা করিবার মত বিশেষণও জায়গা নাই। হায়! আমি কোথায় যাইতে কোথায় আসিয়া গিয়াছি!

অশ্রুপূর্ণনেত্র পিতামহী বলিলেন, “যে সকল মেয়ের শিক্ষার ভার সে নিয়েছে, তাদের যদি সে নিজের মত করে গড়ে তুলতে পারে, ভগবান জানেন, তার জীবন ভালভাবেই কেটে যাবে! সুখে ও লোকের উপকারে—এ কথাটা সে নিজেই বলেছিল! সে লোকের উপকার—লোককে সুখী করবার জন্তই জন্মগ্রহণ করেছিল!”

আমি যেন আশ্চর্যতভাবেই বলিয়া উঠিলাম, “তার কি কোন—”

তীক্ষ্ণ-কণ্ঠে ঠাকুরমা বলিলেন, “কি বলছ? তার কি?”

আমি বলিলাম, “কোন প্রণয়প্রার্থী এসেছে?”

ক্রোধমিশ্রিত গর্ভভরে তিনি বলিলেন, “একটা? অমন অনেক। এত দিন তার বিশ্বাস বিয়ে হয়ে যেত। তুমি চলে যাবার পর অন্ততঃ বিশ জন তাকে বিয়ে করতে চেয়েছিল।”

আমি বলিলাম, “সে কথা ঠিক। কিন্তু তার যোগ্য পাত্র কেউ ছিল? আগনেস্ অযোগ্য পাত্রকে গ্রহণ করতে পারে না।”

ঠাকুরমা কিছুক্ষণ কি ভাবিতে লাগিলেন। কপোলে হাত রাখিয়া চিন্তা করিতে লাগিলেন। তার পর ধীরে ধীরে আমার দিকে নয়নক্ষেপ করিয়া তিনি বলিলেন,— “টুট, আমার সন্দেহ হয়, সে এক জনকে ভালবাসে।”

আমি বলিলাম, “লোকটা নিশ্চয় ভাল।”

গম্ভীরভাবে ঠাকুরমা বলিলেন, “তা আমি বলতে পারি না, টুট। সে কথা বলবার অধিকার আমার নেই। সে কোন দিন আমার কাছে যুগাকরেও তার আভাস দেয়নি। আমি শুধু অনুমান করছি মাত্র।”

আমি দেখিলাম, তিনি বিশেষভাবে আমাকে লক্ষ্য করিতেছেন। তাহার দেহে একটু কম্পনবেগ দেখিলাম। আমার মনে হইল, আমার মনে যে চিন্তাধারা বহিতেছে, তাহা তিনি অনুসরণ করিয়াছেন।

আমি বলিলাম, “তাই যদি হয়ে থাকে, আমার আশা তাই হোক—”

বাধা দিয়া ঠাকুরমা বলিলেন, “আমি ঠিক জানিনে। আমার অনুমান বা সন্দেহ দ্বারা চালিত হবে, তা আমি সঙ্গত বলে মনে করিনে। তুমি সে কথা মনে চেপে রেখ। হয় তা আমার সন্দেহ ঠিক নাও হ’তে পারে। এ বিষয়ে আমার বলবার কোন অধিকার নেই।”

আমি বলিলাম, “তাই যদি হয়ে থাকে, আগনেস্ সমস্ত মত আমাকে সে কথা জানাবে। যে বোনকে আমি বিশ্বাস

করে আমার সব কথা বলেছি, সে আমার কাছে তার নিজের কথা বলতে অনিচ্ছুক হবে না।”

পিতামহী আমার দিক হইতে তাঁহার দৃষ্টি ফিরাইয়া লইলেন। যেমন ধীরে ধীরে তিনি আমার দিকে চোখ তুলিয়া চাহিয়াছিলেন, তেমনই ধীরে ধীরে তিনি দৃষ্টি সরাইয়া লইলেন। তার পর চিন্তিতভাবে হাত দিয়া নয়ন আবৃত করিলেন।

ক্রমে ক্রমে তিনি অপর হাত:আমার স্বল্পদেশে রক্ষা করিলেন, কিন্তু একটি কথাও আর বলিলেন না। তার পর আমরা যে যাহার ঘরে শয়ন করিতে গেলাম।

পরদিন সকালবেলা অথারোহণে আমার পুরাতন ছাত্রজীবনের কর্মস্থানে যাত্রা করিলাম। আমার মনে আশ্চর্যজনিত আশার আনন্দ সত্যই অনুভব করিতে পারিতেছিলাম না। তাহার মুখ-চন্দ্র পুনরায় দেখিতে পাইব, সেরূপ আশা সবেও মনে সুখবোধ হইল না।

পূর্ব-পরিচিত স্থান অতিক্রম করিয়া জনবিরল রাজপথে আসিয়া পৌঁছিলাম। এখানকার প্রত্যেক ইষ্টক ও প্রস্তর আমার সুপরিচিত। পুরাতন বাড়ীতে আমি পদব্রজে গমন করিলাম। ভিতরে প্রবেশ করিতে আমার অন্তর ভাবাবেশে পূর্ণ হইল। আমি কিরিয়া আসিলাম; যাইতে যাইতে আমি বাতায়নপথে চাহিয়া দেখিলাম। যে ঘরে প্রথম উড়িয়া হিপ ও পরে মিঃ মিক্‌বারের বসিবার ঘর ছিল, সে ঘর এখন বৈঠকখানায় পরিণত হইয়াছে। কোনও আপিস এখন আর তথায় নাই। আর সকল বিষয়ে বাড়ীটি ঠিক পূর্বাঙ্গায় আছে।

নূতন পরিচারিকাকে আমি বলিলাম যে, সে যেন মিস্ উইক্‌ফিল্ডকে সংবাদ দেয়, এক জন ভদ্রলোক তাহার কোন প্রবাসী বন্ধুর নিকট হইতে দেখা করিতে আসিয়াছেন। পরিচারিকা আমাকে পুরাতন সোপানপথে লইয়া চলিল। পুরাতন ড্রয়িংরুমে প্রবেশ করিলাম। আগনেস্ ও আমি যে বই পড়িতাম, সেগুলি সেলফএ সাজান রহিয়াছে দেখিলাম। যে ডেস্কের ধারে বসিয়া আমি পাঠ করিতাম, তাহা ঠিক যথাস্থানে তেমনই ভাবে রহিয়াছে। হিপ্‌রা এখানে আসায় যে পরিবর্তন ঘটয়াছিল, এখন তাহা পুনরায় প্রথম অবস্থায় পরিবর্তিত হইয়াছে। সুখের দিনে যেমন ছিল, এখন ঠিক তেমনই দেখিলাম।

একটি বাতায়নের ধারে আমি দাঁড়াইয়া রাজপথের দিকে চাহিয়া রহিলাম। ওপারের বাড়ীগুলির দিকে বৃষ্টির দিনে সে যুগে যেমন চাহিয়া থাকিতাম, আজও ঠিক তেমনই ভাবে চাহিয়া দেখিতে লাগিলাম।

পার্শ্বের ছোট দরজা খোলার শব্দে আমি চমকিয় ফিরিয়া চাহিলাম। তাহার সুন্দর প্রশান্ত নয়নের দৃষ্টি সহিত আমার দৃষ্টি মিলিত হইল। সে আমার দিকে আগাইয়া আসিল। সন্ধ্যা সে দাঁড়াইয়া তাহার বন্ধোদে

হাত রাখিল। আমি তাহাকে হই বাছ দিয়া ধারণ করিলাম।

“আগনেস্, আমার প্রাণাধিকা! আমি হঠাৎ এসে পড়েছি।”

“না, না! তোমাকে দেখে আমি আনন্দে অভিভূত হয়েছি, ট্রটউড!”

“প্রাণাধিকা আগনেস্, তোমাকে আবার দেখতে পেয়ে আমার সুখের অবধি নেই!”

আমি তাহাকে বুকের কাছে টানিয়া আনিলাম। উভয়ে কিয়ৎকাল নীরবে দাঁড়াইয়া রহিলাম। তার পর পাশাপাশি বসিলাম। সারা বৎসর ধরিয়া স্বপ্নে ও জাগরণে আমি তাহার কাছে ষেরূপ অভ্যর্থনা কামনা করিতাম, তাহার দেবতুল্য আননে সেই অভিনন্দনের ছাপ মুদ্রিত দেখিলাম।

সে এত সুন্দর, এত ভাল, এত একনিষ্ঠ!—তাহার কাছে আমি এত বিষয়ে ঋণী, সে আমার এত প্রিয় যে, আমি তাহা প্রকাশের ভাষা খুঁজিয়া পাইলাম না। আমি তাহাকে বলিবার চেষ্টা করিলাম, কিন্তু আমার সকল চেষ্টা ব্যর্থ হইল। আমার প্রেম ও আনন্দ যেন আজ প্রকাশের ভাষা খুঁজিয়া না পাইয়া মুক হইয়া রহিল।

তাহার মাধুর্য্যভরা শাস্ত্রভাবের প্রভাবে ক্রমশঃ আমার উত্তেজনা শান্ত হইল। কথায় কথায় সে আমাকে বিদায়-দিনের সময়ে ফিরাইয়া লইয়া গেল। আমার কাছে এমিগির প্রসঙ্গ উত্থাপন করিল। গোপনে সে অনেকবার তাহার সহিত দেখা করিয়াছিল। ডোরার সমাধির কথা স্নেহভরে আলোচনা করিল। তাহার মহৎ হৃদয়ের অত্রান্ত প্রেরণাবশে সে আমার স্মৃতিবীণার তারগুলি এমনভাবে স্পর্শ করিতে লাগিল, যাহাতে কোনও তার বে-সুরে বাজিয়া উঠিল না—যরং একই সুরে যেন ঝঙ্কার উঠিতে লাগিল। সুদূরের সঙ্গীতে অভীত দুঃখের গানে আমি যেন মুগ্ধ হইয়া গেলাম। মনে হইল, এ গানের মাধুর্য্য যেন শেষ না হয়, আমি যেন আর জাগিয়া না উঠি। আগনেস্ আমার জীবনের—আমার অদৃষ্টাক্ষেপের প্রবর্তারা। এ দেবীকে ভুলিতে পারি না!

আমি বলিলাম, “তার পর আগনেস্, এখন তোমার কথা বল। এই দীর্ঘকালে তোমার জীবনে কি ঘটেছে, তা ত আমার কিছুই বললে না!”

সমুজ্জল হাস্য তাহার আননে প্রতিভাত হইল। সে বলিল, “আমার বলবার কি আছে? বাবা ভাল আছেন। আমাদের শান্তিপূর্ণ গৃহে আমরা আছি। আমাদের কোন বিষয়ে উদ্বেগ নেই, আমাদের বাড়ী আমরা ফিরে পেয়েছি। এই ত সব গুনলে, ট্রটউড। আর ত কিছু নেই।”

আমি বলিলাম, “সব বলেছ, আগনেস্?”

ঈর্ষৎ বিশ্বিতভাবে সে আমার দিকে চাহিল।

বলিলাম, “বোন, আর কিছু বলবার নেই?”

তাহার মুখের বর্ণ ম্লান হইয়া গিয়াছিল। আবার তাহা ফিরিয়া আসিল। আবার বিবর্ণ হইয়া গেল। সে হাসিল। শাস্ত্র বিষাদে যেন তাহার মুখে হাশ্বরেখা টিল। সে মাথা আন্দোলিত করিল।

ঠাকুরমা আমাকে যে ইঙ্গিত করিয়াছিল, সেই দিকে আমি তাহাকে টানিয়া আনিবার চেষ্টা করিলাম। অবশ্য তাহার মনের গোপন-কথা সে আমাকে প্রকাশ করিয়া বলিবার পর, সে সংবাদ আমার পক্ষে অসহনীয় হইবে বুঝিয়াছিলাম, কিন্তু আমার অসংযত অন্তরকে সংযত করিয়া তাহার সম্বন্ধে আমার কর্তব্য অবশ্যই পালন করিতে হইবে। আমি দেখিলাম, সে যেন কিছু অসামান্য অতুভব করিল। সুতরাং আমি সে কথা আর তুলিলাম না।

“আগনেস্, তোমাকে অনেক কাজ করতে হয়, না?”

সে প্রফুল্লভাবে আমার দিকে মুখ তুলিয়া চাহিয়া বলিল, “স্কুলের কথা বলছ?”

“হ্যাঁ। বড় পরিশ্রম সেখানে করতে হয়, কেমন নয়?”

সে বলিল, “কিন্তু সে পরিশ্রম এত আনন্দের যে, তাকে আমি পরিশ্রম বললে অকৃতজ্ঞতার কাজ হবে।”

আমি বলিলাম, “কোন ভাল কাজই তোমার কাছে কঠিন নয়।”

আবার তাহার মুখে পাণ্ডুরতা দেখা দিল। মাথা নত করিয়া সে যখন মূঢ় হাস্য করিল, বোধ হইল, তাহা বড় করুণ।

তখনই আনন্দোৎফুল্ল কণ্ঠে সে বলিল, “তুমি বাবার সঙ্গে দেখা করবার জন্ত নিশ্চয় থাকবে, আমাদের সঙ্গে সারাদিন কাটাবে? তোমার আগেকার সেই ঘরে ঘুমুবে ত? আমরা সবাই সে ঘরটাকে সকল সময় তোমার ঘর বলেই উল্লেখ করি।”

আজ রাত্রিতেই ফিরিয়া যাইব বলিয়া ঠাকুরমাকে কথা দিয়া আসিয়াছি, সুতরাং রাত্রিষাপন সম্ভবপর নহে। তবে সমস্ত দিনটা থাকিয়া যাইব। আনন্দেই সে সময় কাটিবে।

আগনেস্ বলিল, “খানিকক্ষণ আমি বন্দী। কিন্তু ট্রটউড, পুরাতন বইগুলো ওখানে আছে—পুরাতন বাগ-যন্ত্রও ঐ রয়েছে।”

চারিদিকে চাহিয়া আমি বলিলাম, “পুরাতন স্কুলের তোড়াও দেখছি। সব সে কালের সমানই আছে।”

হাসিতে হাসিতে আগনেস্ বলিল, “তুমি যখন এ দেশে ছিলে না, তখন আমাদের ছেলেবেলার সব জিনিষ এমনি ক’রে গুছিয়ে রাখতে আমার সুখ হ’ত। কারণ, সে সময়ে আমরা বড় সুখে ছিলাম।”

বলিলাম, “ভগবান জানেন, কত সুখী তখন আমরা ছিলাম।”

আমার দিকে তাহার প্রফুল্ল নয়নের দৃষ্টি নিক্ষেপ করিয়া আগনেস্ বলিল, “আমার ভাইকে, যে সব জিনিষ

দেখলে স্মরণ করিয়ে দেয়, আমার কাছে তারা প্রিয় সঙ্গী। এমন কি, এই চাবির গোছা থেকেও যেন সেই পুরাতন সুর বার হয়ে আসে।”

সে তাহার চাবির গোছা ও ঝুড়ি দেখাইল।

আবার তাহার মুখে সেই আনন্দ-দীপ্তি-সমুজ্জ্বল হাস্য। তার পর যে পথে সে আসিয়াছিল, সেই দ্বারপথেই সে অন্তর্হিত হইল।

সর্বপ্রথমে এই ভগিনী-স্নেহের সম্মান রক্ষা করিয়াই চলিতে হইবে। ইহাই আমার একমাত্র ঐশ্বর্য। যে পবিত্র বিশ্বাস আমার উপর ঋণ আছে, যদি তাহার ভিত্তি-রূপ আমার ব্যবহারে কম্পিত হইয়া উঠে, তাহা হইলে চিরদিনের জন্ত আমি সর্বহারা হইব, আর ফিরিয়া পাইব না। আমার সম্মুখে এই বিরাট দায়িত্ব বিদ্যমান। আমি তাহাকে সত্যই যদি প্রাণ দিয়া ভালবাসিয়া থাকি, তাহা হইলে এ কথাটা বিস্মৃত হইলে চলিবে না।

আমি পথে বাতির হইয়া চলিতে লাগিলাম। আমার বালাজীবনের প্রতিদ্বন্দী সেই কশাইকে দেখিলাম। সে এখন কনেষ্টবলের কাজ করে। যেখানে তাহার সহিত আমার লড়াই হইয়াছিল, সেই পুরাতন স্থানটি আবার দেখিয়া আসিলাম। সেইখানে দাঁড়াইয়া মিস্ সেফার্ড ও মিস্ লার্কিন্স—যাহাদিগকে উপলক্ষ করিয়া আমার অলীক, অলস প্রেম, অথবা ইচ্ছা-অনিচ্ছার উদ্ভব হইয়াছিল, তাহা স্মৃতিপথে আসিল। একমাত্র আগনেস্ ছাড়া আর কেহই আমার কাছে বাঁচিয়া নাই। আমার মাথার উপরে সেই সমুজ্জ্বল তারাটি কিরণ বিকীর্ণ করিয়া দীপ্তি পাইতেছে।

বেড়াইয়া ফিরিয়া মিঃ উইকফিল্ডের প্রত্যাবর্তন-সংবাদ পাইলাম। সহরের বাহিরে ছুই মাইল দূরে তাঁহার একটা বাগান আছে। সেখানে প্রায় প্রত্যহ তিনি গিয়া কাজ-কর্ম দেখেন। ঠাকুরমা তাঁহার যেরূপ বর্ণনা করিয়াছিলেন, তাঁহাকে সেই রকমই দেখিলাম। প্রায় ৬ জন ছাত্রীর সহিত আমরা ডিনারে বসিলাম। প্রাচীরবিনশ্চিত চিত্রে তাঁহার যে চেহারা দেখা যায়, এখন তিনি তাহার ছায়া মাত্র।

আবার পূর্বের সেই শান্তি যেন ফিরিয়া আসিয়াছে। আহা-শেষে মিঃ উইকফিল্ড স্মরণ করিলেন না। আমারও প্রয়োজন ছিল না। সকলে উপরে গমন করিলাম। আগনেস্ ও তাহার ছাত্রীরা গান-বাজনা করিল। চা-পানের পর ছাত্রীরা আমাদের নিকট হইতে চলিয়া গেল। আমরা তিন জন বসিয়া রহিলাম। অতীত জীবনের কথাই আমরা আলোচনা করিতেছিলাম।

পুরুষ মাথা নাড়িয়া মিঃ উইকফিল্ড বলিলেন, “সে সব কাজে আমার যে অংশ ছিল, তা গভীর পরিতাপের বিষয় হলেও আমি তা বাদ দিতে পারি না। আমার সামর্থ্য থাকলেও পন্থতাম না।”

সে কথা আমি বিশ্বাস করিতে প্রস্তুত।

“যে দৈর্য্য, ভক্তি-বিশ্বাস নিয়ে শিশুকন্ডার ভালবাসা পেয়েছিলাম, তা কি আমি ভুলতে পারি! না না, তা হলে নিজেকেই ভুলতে হয়।”

কোমল কণ্ঠে আমি বলিলাম, “আপনার কথা আমি বুঝি। আমার কাছে সে স্মৃতি পবিত্র—চিরদিন পবিত্রতম বলে আমি মনে রাখব।”

বৃদ্ধ বলিলেন, “কিন্তু কেউ জানে না, এমন কি, তুমিও জান না, ও কি করেছে, কত সহ করেছে, কত আঘাত পেয়েছে। প্রাণাধিক আগনেস্ আমার!”

আগনেস্ তাহার পিতার বাহুস্পর্শ করিয়া তাঁহাকে শান্ত হইতে অনুরোধ করিল। তাহার মুখ তখন অত্যন্ত বিবর্ণ।

মিঃ উইকফিল্ড বলিলেন, “ভাল কথা। ট্রট্‌উড, আগনেসের মার কথা তোমাকে কখনো বলিনি। বলিছ কি?”

“না মশাই।”

“বেশী কথা নয়। আমাকে তিনি তাঁর বাপের ইচ্ছার বিরুদ্ধে বিয়ে করেছিলেন। তাঁকে ক্ষমা করার জন্ত তাঁর বাবাকে তিনি অনুরোধ করেছিলেন। তখন আগনেস্ জন্ম-গ্রহণ করেনি। কিন্তু ভারী শক্ত লোক তিনি ছিলেন। আমার শাণ্ডী অনেক আগেই গত হয়েছিলেন! আমার স্ত্রীর বাবা তাঁকে ত্যাগ করেছিলেন। তাতেই তাঁর বুক ভেঙ্গে গিয়েছিল।”

আগনেস্ পিতার স্কন্ধে মাথা রাখিয়া একখানি বাহু দ্বারা তাঁহার গলদেশ বেঁধেন করিল।

“তাঁর ভারী নরম ও স্নেহপ্রবণ হৃদয় ছিল। সে বুক ভেঙ্গে গেল। আমি তাঁর কোমল অন্তরের কথা জানতাম। তিনি আমায় বড় ভালবাসতেন। কিন্তু কোন দিন সুখী হতে পারেন নি। তাই অকালে তিনি চলে গেছেন। আগনেস্ তখন মাত্র ১৫ দিনের শিশু। আমার মাথার পাকা চুল তোমার নিশ্চয় মনে পড়ে, যখন প্রথম এখানে এসেছিলে?”

আগনেসের গণ্ডদেশে তিনি চুমা দিলেন।

“আমার প্রাণাধিকা কন্ডার জন্ত যে স্নেহ, সেটা ব্যাধি-পূর্ণ ছিল। কারণ আমার মন তখন সুস্থ ছিল না। এ বিষয়ে বেশী কিছু বলব না, আমার নিজের কথা আমি বলছি না, ট্রট্‌উড, আমার স্ত্রীর কথাই বলছি। আগনেসের কথাই বলছি। আগনেস্ যে কি, তা আমি বলতে চাই না, তার চরিত্রে আমি তার মার কাহিনী পাঠ করেছি। অনেক দিন পরে আমরা তিন জন আবার একসঙ্গে মিলেছি। তাই আজ তোমাকে সব বললাম। এখন বলবার আর কিছু নেই—সবই বলা হয়েছে।”

তাঁহার অবনত মস্তক এবং আগনেসের পিতৃতত্ত্বি, পূর্ণ অপ্সরার মত আনন হইতে অনেক অর্থ আমার হৃদয়ঙ্গম হইল। এ সব অর্থ পূর্বে বুঝিতে পারি নাই।



আগনেস্ তাহার পিতার পার্শ্ব হইতে উঠিয়া দাঁড়াইল। তাহার পিয়ানোর পাশে গিয়া সে পুরাতন সুরের কয়েকটি গান বাজাইল।

পাশেই আমি দাঁড়াইয়াছিলাম। আগনেস্ বলিল, “আবার কি বিদেশে যাবার সংকল্প আছে?”

“আমার বোনের এ বিষয়ে পরামর্শ কি?”

“না, আর যাবে ব’লে মনে হয় না।”

“তা হ’লে আগনেস্, আমি আর যাব না!”

“আমার মনে হয়, তোমার আর যাওয়া সম্ভব হবে না, ট্রটউড! তুমি যখন আমায় জিজ্ঞাসা করছ, তখন এই কথাই আমি বলব। তোমার খ্যাতি যে রকম দিন দিন বাড়ছে, যেমন সাফল্য লাভ করছ, তাতে ভাল কাজ করবার শক্তিও তোমার বাড়ছে। আমার ভাই এখন আর কোথাও যেতে পারে না।”

“আমি যা হয়েছি, সে তোমার কীর্তি, আগনেস্। এ কথা তুমি সব চেয়ে ভাল জান।”

“আমি তোমায় গ’ড়ে তুলেছি, ট্রটউড?”

“হ্যাঁ, প্রাণাধিকা আগনেস্, তুমি। আজ প্রথম দেখা হবার পর সে কথা আমি তোমায় বলতে চেয়েছিলাম। ডোরার মৃত্যুর পর এই কথাটাই আমার মনে জেগে রয়েছে। আমাদের ছোট ঘরে তুমি যখন এসেছিলে, সেই সময় উপরের দিকে অঙ্গুলি নির্দেশ ক’রে তুমি যা বলেছিলে, আগনেস্, তা তোমার মনে থাকতে পারে।”

অশ্রুপূর্ণ নেত্রে সে বলিল, “ট্রটউড, “এমন ভালবাসা, এমন নির্দোষ, অথচ অত অল্পবয়স, তা কি আমি ভুলতে পারি?”

“তখন তুমি আমার বোন ছিলে, তার পর থেকে বরাবরই সেই স্থান তুমি অধিকার ক’রে রয়েছ। আগনেস্, চিরদিন তুমি উর্জদিকে আমাকে চালিয়ে নিয়ে চলেছ, ভাল কাজের দিকে আমার গতি নির্দেশ করেছ, উচ্চতর আদর্শের দিকে সকল সময়েই তুমি আমাকে পরিচালিত করেছ!”

সে শুধু মাথা নাড়িল। তাহার অশ্রুসিক্ত দৃষ্টিতে এখনও সেই প্রশান্ত করুণ হান্ত বিভাসিত হইতে দেখিলাম।

“আগনেস্, এ জন্ম আমি তোমার কাছে চিরকৃতজ্ঞ, চিরদিন আমি তোমার অধুরাগী। আমার এ অধুরাগের স্নেহের কোন বিশেষণ নেই। আমি তোমাকে জানাতে চাই, কিন্তু কেমন ক’রে বোঝাব, তার ভাষা নেই। চিরদিন আমি তোমার মুখের দিকেই চেয়ে থাকব, তুমি আমাকে পথ দেখাবে, আমাকে চালিয়ে নিয়ে যাবে। অতীতকালে অন্ধকারের মধ্য দিয়ে যেমন তুমি পথ দেখিয়ে নিয়ে এসেছ। আমাদের মধ্যে যত রকম পরিবর্তনই হয়ে থাকুক, যত রকম বন্ধনের পাকেই না আমরা জড়িয়ে পড়ি, আমি সব সময়েই তোমার দিকে চেয়ে থাকব, এখন যেমন ভালবাসি, তেমনই ভালই বাসব। চিরদিনই তোমায় ভালবেসে এসেছি,

আগনেস্! তুমিই আমার সাধনা, তুমি আমার সকল বিষয়ের উৎস। আগেও ছিলে, এখনও আছ, আগতেও থাকবে। যত দিন আমার মৃত্যু না হইবে, প্রাণাধিকা বোন, আমি সকল সময়েই দেখব, তুমি উর্জদে অঙ্গুলি নির্দেশ ক’রে আমায় পথ দেখাচ্ছ।”

সে আমার হাতে হাত রাখিল, বলিল যে, আমি যাহা বলিলাম, সে জন্ম সে গর্ব অনুভব করিতেছে। তবে আমি তাহাকে অতিরিক্ত প্রশংসা করিয়াছি।

তার পর সে কোমলভাবে পিয়ানো বাজাইতে লাগিল, কিন্তু তাহার দৃষ্টি আমার উপরেই স্থাপিত রহিল।

“আগনেস্, আজ এখন যা শুন্লাম, তুমি কি বিশ্বাস করবে, প্রথম যখন তোমাকে আমি দেখি, তখন আমার মনে এইরকম একটা অনুভূতি জেগে উঠেছিল?”

সে বলিল, “তুমি শুনেছিলে, আমার মা নেই, তাইতে তুমি আমার প্রতি করুণাপরবশ হয়েছিলে।”

“না, আগনেস্, তার চেয়ে অনেক বেশী। আমার মনে হয়েছিল, যেন তোমার চারপাশে একটা অবর্ণনীয় কোমলতা রয়েছে। দুঃখের একটা অনুভূতি আর কারও মনে থাকতে পারে, কিন্তু তোমাতে তা নেই।”

আমার দিকে তেমনইভাবে চাহিয়া সে বাজাইয়া যাইতে লাগিল।

“আগনেস্, এমন কল্পনার জন্ম তুমি কি হাসবে?”

“কখনই না!”

“অথবা আমি যদি বলি যে, আমার তখন বিশ্বাস হয়েছিল যে, যত রকম বাধা-বিঘ্ন আসুক না কেন, তুমি চিরদিন বিশ্বস্তভাবে স্নেহ বিলিয়ে যাবে, যত দিন বাঁচবে, একই ভাবে চলবে—তা হ’লে কি তুমি আমার এ স্বপ্ন দেখায় হেসে উঠবে?”

“নিশ্চয় না, কখনই না!”

মুহূর্তের জন্ম একটা বিপন্ন ভাবের ছায়া তাহার মুখের উপর দিয়া চলিয়া গেল। কিন্তু পরক্ষণেই তাহা বিলুপ্ত হইল। সে তেমনই প্রশান্ত হান্ত সহকারে আমার দিকে চাহিয়া বাজাইয়া যাইতে লাগিল।

অধারোহণে আমি যখন নির্জন রজনীতে কিরিয়া চলিলাম, বাতাস যেন অশান্ত স্মৃতির মত আমার চারি পাশে বহিতে লাগিল। আমি কথাটা চিন্তা করিতেই মনে হইল, সে স্মৃতি নহে। আমিও স্মৃতি নহি। কিন্তু এ পর্যন্ত আমি অতীতের উপর শীল-মোহর আঁটিয়া দিতে সমর্থ হইয়াছি। তাহার কথা ভাবিতে ভাবিতে—উর্জদিকে অঙ্গুলিনির্দেশের কথা চিন্তা করিতে করিতে ভাবিলাম, আমি তাহাকে এখনও এমনভাবে ভালবাসিতে পারি, যাহা পৃথিবীতে অপরিজ্ঞাত। তাহাকে বলিতে পারি যে, তাহাকে ভালবাসি বলিয়া আমার হৃদয়ে কি সংগ্রাম চলিয়াছে।

একমুষ্টিতম পরিচ্ছেদ

কিছুদিনের জন্ত—কয়েক মাস হইবে—আমার উপন্যাস শেষ করিবার জন্ত আমি ডোভারে পিতামহীর কাছে রহিলাম। যে ঘরে বসিয়া প্রথম রাত্রিতে আমি সমুদ্রে চন্দ্রের শোভা দেখিয়াছিলাম, সেই ঘরে বসিয়া আমার উপন্যাস রচনা করিতাম।

আমি সর্বান্তঃকরণ দিয়া গ্রন্থ-রচনায় মনোনিবেশ করিয়াছিলাম। তখন উদ্বেগ, উৎকর্ষা, জয়লাভের আনন্দ, আমার সৌন্দর্য্যজ্ঞানের প্রশংসা, এ সকল কিছুই আমার মনে স্থান পাইত না। যদি গ্রন্থখানির কোন মূল্য থাকে, তখন সবই পাওয়া যাইবে।

মাঝে মাঝে আমি লগুনে যাইতাম। ট্রাডেলস্‌এর সহিত বৈষয়িক পরামর্শ করিবার জন্তও বটে, আবার জনারণ্যমধ্যে আত্মগোপন করিবার জন্তও বটে। ট্রাডেলস্‌ আমার কাজের সুবন্দোবস্ত করিয়াছিল। আমার আর্থিক অবস্থার বিশেষ উন্নতি ছইতেছিল। বহুলোক—আমার অপরিচিত বহু ব্যক্তি আমাকে পত্র লিখিত। তাহার উত্তর দেওয়া সহজসাধ্য ছিল না। তাই ট্রাডেলস্‌এর আপিসে আমারও নাম আঁটিয়া দেওয়া হইয়াছিল। ডাকঘরের পিয়ন সেখানে ঝুড়ি ঝুড়ি পত্র রাখিয়া গাইত। সেখানে স্বরাষ্ট্র-সচিবের মত বিনা বেতনে আমি পরিশ্রম করিতাম। পত্রলেখকদিগের মধ্যে এমন অনেক ব্যবহারাজীব ছিলেন, যাহারা আমার নামে কমন্সএ ব্যবসা চালাইয়া আমাকে নির্দিষ্ট হারে লাভের অংশ দিবার প্রস্তাব করিতেন। আমি সে সকল প্রস্তাবে উপেক্ষা করিতাম। কারণ, আমি জানিতাম, একরূপ অনেক আইনব্যবসায়ী আছেন, যাহারা এইভাবে কাজ করিয়া কমন্সের দুর্নামের সহায়তা করেন। আমি ব্যবহারাজীবের কাজ না করিয়া এমন একটা প্রতারণার ব্যবসাতে লিপ্ত হইতে চাহিলাম না।

ট্রাডেলস্‌এর খালিকারা পল্লীতে ফিরিয়া গিয়াছিল। শুধু ট্রাডেলস্‌পত্নী ছিলেন। এমন গৃহকর্তী হস্তবন্দনা কর্তৃ-তৎপরা গৃহিনী সহসা দেখা চায় না।

আমি প্রায়ই দেখিতাম, সোফী একখানি খাতায় কি যেন লিখেন। আমি আসিলেই তিনি উহা ড্রয়ারে চাবিবদ্ধ করিয়া রাখেন। কেন তিনি এমন করেন? এক দিন গুপ্ত রহস্য প্রকাশ পাইল। ট্রাডেলস্‌ এক দিন তাহার ড্রয়ার হইতে একখানা কাগজ টানিয়া লইয়া বলিল যে, উহা কাহার হাতের লেখা, আমি বলিতে পারি কি না?

সোফী তখন ট্রাডেলস্‌এর চটিজুতা আঙুলে গরম করিতেছিলেন। তিনি বলিয়া উঠিলেন, “টম, না, না!”

টম আনন্দভরে বলিল, “কেন না? কপারফিল্ড এ লেখাটা দেখ ত!”

আমি বলিলাম, “এটা ত উকীলী লেখা। ভারী কড়া হাতের লেখা।”

ট্রাডেলস্‌ বলিল, “কোন মহিলার লেখা বলে মনে হয় কি?”

আমি বলিলাম, “মহিলার লেখা!”

ট্রাডেলস্‌ উচ্চ হাস্য করিয়া বলিল যে, তাহার এক জন কেরাণী রাখিবার প্রয়োজনের কথা শুনিয়া সোফী সে কার্য নিজে করিবেন সংকল্প করেন। এজন্ত তিনি একটি নমুনা দেখিয়া সেই ভাবের লেখা মঞ্জ করিতে থাকেন। তাহার ফলে এই ব্যাপার দাঁড়াইয়াছে! এখন সোফী মুহুরীর কাজ সমস্তই নিজে করেন। গৃহস্থালীর কাজের অবকাশে তিনি উহা করিয়া থাকেন। এজন্ত ট্রাডেলস্‌কে আর মুহুরী রাখিতে হয় নাই।

বলিলাম, “ট্রাডেলস্‌, কি চমৎকার স্ত্রী তুমি পেয়েছ, ভাই!”

ট্রাডেলস্‌ বলিল, “প্রিয় কপারফিল্ড, সত্যি, সোফী চমৎকার স্ত্রী। এখানকার কাজ সে এমন চমৎকারভাবে করে, তা আর কি বলব। মিতব্যয়ী, শৃঙ্খলজ্ঞা, গার্হস্থ্য কাজে এমন অভিজ্ঞতা, অতি চমৎকার! তার উপর কি আনন্দময়ী সে!”

“তুমি সুখী, ভাই। তোমরা যুগলে অতি সুখী।”

ট্রাডেলস্‌ বলিল, “আমরা দুজনে খুব সুখী, তা আমি স্বীকার করছি। ভোরবেলায় অন্ধকার থাকতে থাকতে সোফী ওঠে, তার পর দিনের কাজ আরম্ভ হয়। মুহুরীর আসবার আগেই বাজার-হাট শেষ করে ফিরে আসে—ঝড়-ঝুষ্টি-বাদলেই—সামান্য জিনিষ থেকে চমৎকার খাবার জিনিষ তৈরী করে। সব জিনিষ যথাস্থানে গোছান থাকে, পরিষ্কার-পরিচ্ছন্ন। তার পর আমার সঙ্গে অনেক রাত্রি পর্যন্ত বসে কাজ করা আছে। একটু বিরক্তি নেই, সব সময়েই হাসিমুখ, সব সময়ে উৎসাহ দেওয়া আছে। অনেক সময় মনে হয়, কি করে এত পারে! বাস্তবিক, আমি অবাক হয়ে থাকি, কপারফিল্ড!”

ট্রাডেলস্‌ বলিয়া চলিল, “অনেক সময় বিশ্বাস হয় না, ভাই। বাড়ীতে বসে বসে কত রকমের পর্দা তৈরী করেছে। রাত্তির যখন দু’জনে বেড়াতে বেরুই, জহরতের দোকানে নানা রকম অলঙ্কার দেখতে পাই। আমি বলি যে, তাকে একটা ভাল গয়না কিনে দেব, যদি টাকা জোটে। সোফীও বলে, যদি টাকা জোটে, সে আমায় একটা সোনার বড়ী কিনে দেবে। তার পর দু’জনেই ফিরে আসি, মনে হয়, যেন আমাদের জিনিষ পাওয়াই হয়ে গেছে। আধা টিকিটের থিয়েটারে গিয়ে দু’জনে থিয়েটার দেখি, আমোদ পাই। ভাই, সত্য কথা বলতে কি, যদি আমি লর্ড চ্যান্সলার হতুম, তবে এত আনন্দ আমাদের হত না।”

স্বাপন মমে বলিলাম, “তুমি বা কবুবে, ট্রাডেলস্‌, তাই সুন্দর, তাই চমৎকার।” তার পর প্রকাশে বলিলাম, “ভাই,

আজকাল স্কুলের মত সে অভ্যাস আছে ত? কাগজে মানুষের কক্ষাল একে থাকে?”

আরম্ভমুখে ট্রাডেল্‌স্‌ বলিল, “সত্যি বলতে কি, ভাই কপারফিল্ড, এখনো সে অভ্যাস ত্যাগ করতে পারিনি। সে দিন সকলের পেছনের বেঞ্চে বসেছিলুম। হাতে কোন কাজ ছিল না। তখন ঐ রকম যা তা আঁকতে শুরু করে দিলুম।”

উভয়ে প্রাণ ভরিয়া হাসিতে লাগিলাম। তার পর হাসিতে হাসিতে ট্রাডেল্‌স্‌ বলিল, “বুড়ো ক্রিকেল!”

আমি ট্রাডেল্‌স্‌এর মত সেই লোকটাকে ক্ষমা করিতে প্রস্তুত ছিলাম না। তাই বলিয়া উঠিলাম, “সে রাস্কেলটা আমাকে চিঠি লিখেছে, ভাই।”

ট্রাডেল্‌স্‌ বলিল, “স্কুলমাষ্টার ক্রিকেল? সত্যি বলছ?”

আমি বলিলাম, “আমার যশ: ও অর্ধভাগ্য দেখে যারা পত্র লিখেছে, তাদের মধ্যে এ লোকটাও এক জন। সে লিখেছে যে, সে বরাবরই আমার উপর ভাল ভাল পোষণ করত, ভালবাসত। তাই আমার সৌভাগ্য ও যশে সে আনন্দিত হয়েছে। এখন আর সে স্কুলমাষ্টারী করে না। সে কাজ ছেড়ে দিয়েছে। মিড্‌লসেক্সএ সে এখন ম্যাজিষ্ট্রেট।

ভাবিলাম, এ কথা শুনিয়া ট্রাডেল্‌স্‌ বোধ হয় বিস্মিত হইবে। কিন্তু সেরূপ কোন লক্ষণ তাহার ব্যবহারে প্রকাশ পাইল না।

আমি বলিলাম, “আচ্ছা, কি করে ও লোকটা মিড্‌লসেক্সএর ম্যাজিষ্ট্রেট হ’ল, বল ত, ট্রাডেল্‌স্‌?”

সে বলিল, “কথাটা বলা বড় শক্ত। হয় ত সে কাকেও ভোট দিয়েছিল বা টাকা ধার দিয়েছিল। অথবা কারও জন্তু কোন জিনিস কিনে দিয়েছিল, কিংবা এমন হ’তে পারে যে, কাকেও নানাপ্রকারে সন্তুষ্ট করেছিল। সেই লোকটার সঙ্গে হয় ত সেখানকার কোন বড় লোকের জানা-পাশা ছিল! সেই বড় লোকের সুপারিশে ক্রিকেল ঐ পদ পেয়েছে।”

“তা হ’তে পারে। বুড়ো আমার লিখেছে যে, কারাগারের নিয়ম-শৃঙ্খলা কি রকম চলছে, তা সে আমাকে দেখাতে পারে। আর সে নিয়মই ঠিক! তাতে পাকা বদমাসরাও অনুভব হয়। সেটা হচ্ছে নির্জ্বল কারাবাস। কি বল তুমি?”

ট্রাডেল্‌স্‌ গভীরভাবে বলিল, “কি? এই ব্যবস্থা সম্বন্ধে?”

আমি বলিলাম, “না, আমি তার এই নিমন্ত্রণ নেব কি না, আর তুমি আমার সঙ্গে যাবে কি না?”

ট্রাডেল্‌স্‌ বলিল, “আমার আপত্তি নেই।”

“তা হ’লে আমি লিখে দিই যে, আমরা যাব। এই ক্রিকেল তার ছেলেকে বাড়ী থেকে বার করে দিয়েছিল। আর কি রকম ভাবে তার স্ত্রী-কন্যার সঙ্গে ব্যবহার করত, তা ত জান?”

ট্রাডেল্‌স্‌ বলিল, “খুব মনে আছে।”

“এখন বুড়োর চিঠিখানা প’ড়ে দেখলে, লোকটার জে কয়েদীদের সম্বন্ধে কি রকম দরদবোধ। বোধ হয়, এ দরদ ঐ জাতীয় জীব ছাড়া আর কারও ওপর ওর নেই।” স্থির হইল যে, কবে আমরা দেখিতে যাইব।

নির্দিষ্ট দিনে আমার মিঃ ক্রিকেলের কারাগারে গমন করিলাম। একটি ঘরে পুরাতন স্কুলমাষ্টারের সম্মুখে আমরা নীত হইলাম। সে আমাকে সমাদরে অভ্যর্থনা করিল। ট্রাডেল্‌স্‌এর পরিচয় দিতে তাহাকেও বৃদ্ধ আমারই মত সমাদর করিল। বয়োবৃদ্ধির সঙ্গে তাহার উচ্চতা এখনও হ্রাস পায় নাই।

বৃদ্ধ আমাদিগকে কারাগারের সকল স্থান দেখাইল। এখানে প্রত্যেক বন্দীকে স্বতন্ত্র কক্ষে আবদ্ধ করিয়া রাখা হয়, কেহ কাহারও সহিত আলাপ-পরিচয় করিতে পারেনা। ইহার ফলে তাহারা না কি অনুভব হয়।

কিন্তু সমুদয় ব্যবস্থা দেখিয়া আমার মনে হইল, বন্দীরা পরস্পরের সহিত আলাপ করিবার যথেষ্ট সুযোগ পায়। তাহাদের মধ্যে আলাপ-আলোচনা ও রীতিমত চলিয়া থাকে।

কথায় কথায় শুনিলাম, ২৭ নম্বরের বন্দী না কি আদর্শ কয়েদী। সে ম্যাজিষ্ট্রেটের ভারী পেয়ারের। ২৮ নম্বরের আসামীও আদর্শ, কিন্তু ২৭ নম্বর তাহাকেও না কি নিষ্পত্তি করিয়া দিয়াছে। আমি এই দুইটি বন্দীকে দেখিবার ইচ্ছা প্রকাশ করিলাম। বিশেষতঃ যখন শুনিলাম, সাতাশ নম্বরের আসামী তাহার মাকে বড় চমৎকার ধর্ম উপদেশ মূলক পত্র লেখে, তখন তাহাকে দেখিবার জন্ত আমি বিশেষ ঔৎসুক্য অনুভব করিলাম।

মিঃ ক্রিকেল আমাদিগকে সাতাশ নম্বরের কারাক সম্মুখে লইয়া গেল। সে একটা ছিদ্রপথে ঘরের মধ্যে দৃষ্টিপাত করিয়া বলিল যে, বন্দী এখন স্তোত্র-গ্রন্থ পাঠ করিতেছে।

মিঃ ক্রিকেল ঐ কারাকক্ষের দ্বার মুক্ত করিতে আদেশ দিল। তার পর সাতাশ নম্বর আমাদিগের কাছে আসিতে আদিষ্ট হইল। কিন্তু আমরা এ কাহাকে দেখিতেছি? এই সাতাশ নম্বরের আসামী উড়িয়া হিপ্!

সে আমাদিগকে চিনিতে পারিয়া বলিল, “কেমন আছেন, মিঃ কপারফিল্ড? মিঃ ট্রাডেল্‌স্‌, আপনি ভাল আছেন ত?”

সকলেই তাহার ব্যবহারে প্রশংসা করিতে লাগিল। তাহার গর্ব নাই, অহঙ্কার নাই।

মিঃ ক্রিকেল বলিল, “ভাল, সাতাশ নম্বর, আজ তুমি কেমন বোধ করছ?”

উড়িয়া হিপ্ বলিল, “আমি অতি হীন।”

মিঃ ক্রিকেল বলিল, “সে ত তুমি বরাবরই আছ, সাতাশ নম্বর।”



আর এক ভদ্রলোক প্রশ্ন করিলেন, “তুমি বেশ স্বচ্ছন্দে বাহ ত ?”

প্রশ্নকারীর দিকে চাহিয়া উড়িয়া হিপ্ বলিল, “হ্যাঁ, আপনাকে ধন্যবাদ, মশাই! বাইরে আমি যত সুখে ছিলাম, তার চেয়ে এখানে আরামে আছি। এখন আমার বোকামীর কথা বুঝতে পারছি, মশাই। তাতেই আমার বেশী সুখ।”

সাতাশ নম্বর আমাদের কাছে দাঁড়াইয়া রহিল। তখন আটাশ নম্বরকে আনিবার আদেশ দেওয়া হইল।

আমি এতই বিশ্বয়বোধ করিয়াছিলাম যে, আটাশ নম্বর যখন সম্মুখে আসিল, তাহাকে লিটিমার বলিয়া চিনিতে পারিলাম। আমি হাল ছাড়িয়া দিলাম। সে একখানা বই পড়িতে পড়িতে আসিয়া উপস্থিত হইয়াছিল।

এক জন বলিলেন, “আটাশ নম্বর, তুমি গত সপ্তাহে কোকোর জন্ম অভিযোগ করেছিলে। তার পর হ’তে ভাল কোকো পাচ্ছ ত ?”

লিটিমার বলিল, “ধন্যবাদ, মশাই, এখন ভাল জিনিষই পাচ্ছি। তবে খাঁটি ছুধ দেওয়া হচ্ছে না। কিন্তু লগুনে তেজাল ছুধ খুব বেশী, কাজেই খাঁটি ছুধ পাওয়া যেতে পারে না।”

চশমাধারী লোকটি বলিলেন, “তোমার মনের অবস্থা এখন কেমন, আটাশ নম্বর ?”

লিটিমার বলিল, “ধন্যবাদ মশাই, আমার বোকামীর জন্ম আমি লজ্জিত। আমার আবার মঙ্গীদের পাপের কথা মনে পড়লে আমার মন খুব অনুভূত হয়। কিন্তু আমার বিশ্বাস, তারা ক্ষমা পাবে।”

প্রশ্ন হইল, “তুমি এখন বেশ সুখী আছ ?”

লিটিমার বলিল, “ভারী বাধিত হলাম, মশাই। ঠিক তাই।”

“এখন তোমার মনে কি হচ্ছে ? যদি কিছু থাকে, বলতে পার, আটাশ নম্বর।”

লিটিমার চক্ষু না তুলিয়া বলিল, “আমি যদি ভুল না দেখে থাকি, এখানে এমন ভদ্রলোক আছেন, যিনি আমার জীবনের পূর্বকথা জানেন। যুবকদের অধীনে কাজ করায় আমি যেমন তেমন ভাবে তখন কাল কাটাতাম। আমার অতীত দোষগুলি সে জন্মই হয়েছিল। তখন দুর্বল মুহুর্তে কাজ ক’রে ফেলতাম, মনের জোর ছিল না। আমি নিজের দোষের জন্ম অনুভূত। সেই ভদ্রলোকটি দলে প’ড়ে যে পাপের সহায়তা করেছিলেন, আশা করি, তার জন্ম তিনি অনুভূত হবেন।”

প্রশ্নকর্তা বলিলেন, “আটাশ নম্বর, এটা তোমার গুণের কথা বলতে হবে। আচ্ছা, আর কিছু আছে ?”

সে চক্ষু না তুলিয়াই বলিল, “এক জন তরুণী ব্রাহ্মপথে চলেছিলেন। তাঁকে আমি রক্ষা করার চেষ্টা করেছিলাম।

কিন্তু উদ্ধার করতে পারিনি। সেই ভদ্রলোকটিকে আমি অনুরোধ করছি, সেই যুবতীটিকে তিনি যেন জানিয়ে দেন যে, আমার সম্বন্ধে সেই স্ত্রীলোকটি যে মন্দ ব্যবহার করেছিলেন, আমি তাঁকে ক্ষমা করেছি। আর একটা কথা, সেই স্ত্রীলোকটি অনুভূত করেন যেন।”

প্রশ্নকর্তা বলিলেন, “তুমি যে ভদ্র লোকটির কথা বলছ, তিনি নিশ্চয় বুঝবেন, তুমি ঠিক কথাই বলেছ। আচ্ছা, আর তোমাকে আমরা আটকে রাখব না।”

লিটিমার বলিল, “ধন্যবাদ। ভদ্র মহোদয়গণ, বিদায়। আপনারা ও আপনারাদের আত্মীয়-স্বজন যেন নিজেদের মন্দ কাজগুলো দেখবার চেষ্টা করেন!”

আটাশ নম্বর বিদায়কালে একবার উড়িয়ার দিকে চাহিল। উড়িয়াও চাহিয়া দেখিল। মনে হইল, তাহারা পরস্পর পরিচিত। কোন না কোন উপায়ে তাহাদের মধ্যে সংবাদের আদান-প্রদান চলে। সে চলিয়া গেলে একটা প্রশংসাধ্বনি উখিত হইল যে, সে ভদ্রলোক।

মিঃ ক্রিকেল বলিল, “আচ্ছা, সাতাশ নম্বর, বল ত তোমার জন্ম কেউ কিছু করতে পারে কি না ? যদি থাকে, তা বল।”

“আমি সবিনয়ে জানাচ্ছি, আমার মাকে পত্র লিখবার আবার অনুমতি দিন।”

“সে অনুমতি তোমায় দেওয়া গেল।”

“ধন্যবাদ! আমার মার জন্ম ভারী উষ্মে আমার। তিনি নিরাপদে নেই ব’লে আমার আশঙ্কা হচ্ছে।”

কেহ জিজ্ঞাসা করিল, “বিপদ কিসের।” কিন্তু সকলেই বলিয়া উঠিল, “চূপ কর!”

উড়িয়া প্রশ্নকারীর দিকে চাহিয়া বলিল, “মা আমার অবস্থায় আসুন, এই আমি চাই। এখানে না এলে আমার এখনকার অবস্থা হত না। তাই আমার ইচ্ছে, মা এখানে আসুন। সকলের পক্ষেই এখানে এসে থাকা ভাল।”

ইহাতে উপস্থিত সকলেরই মনে সন্তোষ জন্মিল।

উড়িয়া বলিল, “এখানে আসবার আগে, আমি দোষ ক’রে বেড়াতাম। কিন্তু এখন আমার দোষের কথা আমি বুঝতে পারি। কারাগারের বাইরে খালি পাপ। মার মধ্যেও অনেক পাপ আছে। এখানে ছাড়া আর সব জায়গাতেই পাপ আছে।”

মিঃ ক্রিকেল বলিল, তোমার চমৎকার পরিবর্তন হয়েছে।”

অনুভূত বন্দী বলিল, “হ্যাঁ, মশাই।”

কেহ বলিল, “এবার ছাড়া পেলে আর পাপ কাজ করবে না ত ?”

“না, মশাই, কখনই নয়।”

মিঃ ক্রিকেল বলিল, “তুমি মিঃ কপারফিল্ডকে আ কিছু বলতে চাও ?”

উড়িয়া আমার দিকে চাহিয়া বলিল, “মিঃ কপারফিল্ড, আপনি আমার জানেন। আমি এখানে এসে বদলে গেছি। যারা আমার ওপর আমার বিনয় সত্বেও কড়া ব্যবহার করতেন, আমার দোষ সত্বেও আমি তাঁদের কাছে নত হয়েই ছিলাম। আমার ওপর আপনিও এক দিন ক্রোধ প্রকাশ করেছিলেন—আমার মুখে আপনি চড় মেরেছিলেন।”

অনেকে ক্রুদ্ধদৃষ্টিতে আমার দিকে চাহিল।

“কিন্তু মিঃ কপারফিল্ড, আমি আপনাকে ক্ষমা করেছি। সকলকেই আমি ক্ষমা করেছি। কারণ উপর বিষেষ পোষণ করা আমার উচিত নয়। আমি মুক্তকণ্ঠে আপনাকে ক্ষমা করছি। আমার আশা আছে, মিঃ ডব্লু অমৃতাপ করছেন, মিস্ ডব্লু করছেন। সেই পাপীর দল সকলকেই অমৃতাপ করতে হবে। মিস্ ডব্লু ও মিঃ ডব্লুও এখানে এলে ভাল করবেন। আপনাদের সকলকেই আমি বলছি, এখানে এলে আপনাদের ভাল হবে। যারা এখানে আসেননি, আমি তাঁদের রূপাপাত্র ব’লে মনে করি।”

প্রশংসা-ধ্বনির মধ্যে সে তাহার নির্জন কক্ষে ফিরিয়া গেল। তাহার কক্ষদ্বার রুদ্ধ হইলে আমি ও টাডেলস্ উভয়েই স্বস্তির নিশ্বাস ত্যাগ করিলাম।

ইহাদের এই অমৃতাপের অভিনয়-ভঙ্গী দেখিয়া কি অপরাধে ইহারা এখানে দণ্ডভোগ করিতেছে, তাহা জানিবার কৌতূহল হইল। উহারা কেহই নিজেদের অপরাধের কথা আভাস পর্য্যন্ত দেয় নাই। এক জন ওয়াটারকে ডাকিয়া আমি প্রশ্ন করিলাম।

তাহাকে জিজ্ঞাসা করিলাম, “তুমি বলতে পার, সাতাশ নম্বর কোন অপরাধে এখানে এসেছে?”

শুনিলাম, ব্যাকের মামলা।

বলিলাম, “ব্যাক অব ইংলণ্ডের জালিয়াতি মোকদ্দমায়?”

“হ্যাঁ, মশাই। জাল, জোচ্চুরী এবং ষড়যন্ত্র। ঐ লোকটার সঙ্গে আরো ক’জন ছিল। ঐ লোকটাই তাদের দিয়ে করিয়েছিল। খুব মোটা টাকা—গভীর ষড়যন্ত্র সে জগু হয়েছিল। সাত জন ধরা পড়েছিল, আর ঐ বদমাসটা নিরাপদে আড়াল ছিল। কিন্তু ব্যাকের কর্তারা অনেক চেষ্টা করে ওকে ধরেন—ঠিকই হয়েছে।”

“আটাশ নম্বরের অপরাধ কি, তুমি জান?”

সে চারিদিকে চাহিয়া মুছকণ্ঠে বলিল, “আটাশ নম্বর! ওরও যাবজ্জীবন দণ্ড হয়েছিল। ও লোকটা তার যুবা মনিবের আড়াইশ পাউণ্ড চুরি করে। বিদেশে যাবার রাখেই চুরি করে পালায়। এ মোকদ্দমাটা আমার বেশ মনে আছে, কারণ, এক জন বামন মোকদ্দমায় সাক্ষী ছিল।”

“কি বললে?”

“একটা ছোট মেয়েমানুষ, তার নামটা আমার মনে নেই।”

“মিস্ মাউচার কি?”

“হ্যাঁ, ঐ নামই বটে। শয়তানটা ছদ্মবেশে পুলিশের দৃষ্টি এড়িয়ে আমেরিকায় পালাবার যোগাড়ে ছিল। এমন ভোল বদলে ফেলেছিল যে, কেউ তাকে দেখে চিন্তে পারবে, তার যোটি ছিল না। সাউদামটনে সেই বামন মেয়েটির সঙ্গে ওর দেখা হয়। সে ওকে দেখেই ছদ্মবেশ সত্বেও ওকে চিনে ফেলে। তার পর ওর ছুপায়ের কাঁকের মধ্যে ঢুকে সে ওকে ফেলে দেয়। তার পর প্রাণপণে ধ’রে থাকে।”

“চমৎকার, মিস্ মাউচার!”

“আপনি যদি বিচারের দিন সাক্ষীর কাঠগড়ায় সেই ছোট মেয়েমানুষটিকে চেয়ারের উপর দাঁড়িয়ে সাক্ষী দিতে দেখতেন, তবে আপনিও আমার মত চমৎকৃত হতেন। লোকটা সেই মেয়েমানুষটির মুখ কেটে দিয়েছিল। তাকে ভীষণভাবে প্রহার করেছিল, কিন্তু মেয়েমানুষটি তবু ওকে ছাড়েনি। এমনভাবে তাকে আঁকড়ে ধরেছিল যে, পুলিশও তাকে ছাড়িয়ে নিতে পারেনি। তাই দু’জনকেই ধ’রে নিয়ে যেতে হয়েছিল। ভারী চমৎকার সাক্ষী সে দিয়েছিল। বিচারক তার ভারী প্রশংসা করেছিলেন। সকলে জয়ধ্বনি ক’রে তাকে তার বাসায় পৌঁছে দিয়েছিল। সে বলেছিল, লোকটা যদি শ্রামসনের মতও পালোয়ান হ’ত, তবু সে তাকে একা পাকড়াও করত। আমার বিশ্বাস, সে তা পারত।”

আমারও তাহাই বিশ্বাস। মিস্ মাউচারের প্রতি আমার হৃদয় শ্রদ্ধায় অবনত হইয়া পড়িল।

মিঃ ক্রিকেলকে এ কথা অবগত করান বুখা যে, সাতাশ ও আটাশ নম্বরের বন্দীরা কোন দিনই পরিবর্তিত হইবে না। ঠিক একভাবেই বরাবর তাহারা চলিয়াছে। ঐ উত্তরা আগেও যে ভগ্নমীর মুখোস পরিয়া থাকিত, এখনও তাহাই তাহাদের আছে। ইহজীবনে উহাদের মতিগতি ফিরিবে না, ভগ্নমীর মুখোস পরিয়াই চলিতে থাকিবে। কিন্তু বুদ্ধ ক্রিকেলকে সে কথা জানাইয়া কোন লাভ নাই।

আমরা সেখান হইতে চলিয়া আসিলাম।

### দ্বিষষ্টিতম পরিচ্ছেদ

বড়দিনের উৎসব সমাপ্ত হইল। বিদেশ হইতে আমি দুই মাস হইল দেশে ফিরিয়া আসিয়াছি। প্রায়ই আমি আগনেসের সহিত মিলিত হইতাম। সকলে উচ্চকণ্ঠে আমার প্রশংসাকীর্ণন ও উৎসাহদান করিলেও, আগনেস আমাকে সামান্ত ও স্বল্প কথায় প্রশংসা করিত।

সপ্তাহে অন্ততঃ একবার, কখনও কখনও তাহার অধিক বার আমি অধারোহণে তাহার কাছে যাইতাম এবং অপরাহ্নকাল পর্য্যন্ত সেখানে বাপন করিতাম। সাধারণতঃ

আমি ফিরিয়া আসিতাম। সকল সময়েই আমার মনে একটা অশান্তি বিরাজ করিত। রাত্রিকালে বাড়ী ফিরিবার সময় একা সেই চিন্তায় বিভোর হইয়া ফিরিতাম।

আমি যখন আগনেস্কে আমার রচনা পড়িয়া শুনাইতাম, যখন সে অভিনিবেশসহকারে সে রচনা শ্রবণ করিত, আর আমি তাহাকে লক্ষ্য করিতাম, তাহার মুখে আনন্দের হাস্য অথবা অশ্রুচিহ্ন দেখিতাম, তখন আমার মনে এই চিন্তা জাগিয়া উঠিত যে, তাহাকে পাইলে আমার জীবনের কি পরিণতি ঘটিত। কিন্তু শুধু চিন্তাই করিতাম। ডোরাকে বিবাহ করার পর আমি ভাবিতাম, আমার স্ত্রী কিরূপ হইবে, কিরূপ হওয়া উচিত, কিন্তু প্রকাশ করিতে পারিতাম না। এখনও আমি সেইরূপ ভাবে চিন্তাই করিতাম।

আগনেস্ আমাকে যে ভাবে ভালবাসিত, স্বার্থপরভাবে আমি সে ভালবাসাকে নিষ্পন্দ করিয়া দিয়াছিলাম। আর তাহার পুনরুজ্জীবন অসম্ভব! আমার ভাগ্যকে আমি নিজেই গড়িয়াছি, সুতরাং এখন আক্ষেপ করিয়া কোন ফল নাই, অধিকারও নাই। আমাকে সহ্য করিয়াই যাইতে হইবে।

আমি তাহাকে ভালবাসিতাম। এখন আমার মনকে এই সান্ত্বনা দিতাম, বহু যুগ পরে আমি এক দিন তাহার কাছে সে কথা স্বীকার করিব। তখন সব শেষ হইয়া যাইবে। সেই সময় আমি তাহাকে বলিব, “আমি দেশে যখন ফিরিয়া আসিয়াছিলাম, তখনই আমি এই ভালবাসা অনুভব করিয়াছিলাম। আগনেস্! এখন আমি বৃদ্ধ হইয়াছি, আর কাহাকেও সে সময় হইতে ভালবাসিতে পারি নাই।”

সে আমাকে এমন অবকাশ দেয় নাই যে, আমি বৃদ্ধিতে পারি, তাহার কোনও পরিবর্তন হইয়াছে। আমার কাছে সে যাহা ছিল, ঠিক সেই একভাবেই আছে। কোন পরিবর্তন তাহার হয় নাই।

বিদেশ হইতে ফিরিয়া আসিবার রাত্রিতে ঠাকুরমার সহিত এ সম্বন্ধে যে আলোচনা হইয়াছিল, তাহার পর আর হয় নাই। উভয়েই তাহার আলোচনা এড়াইয়া চলিয়াছিলাম। আমি বুঝিয়াছিলাম যে, পিতামহী আমার মনের কথা পড়িয়া ফেলিয়াছেন, তাই তিনি আমাকে আমার মনের কথা কল্পিত করিতে দিবার চেষ্টা করেন নাই।

বড়দিন সমাগত, অথচ আগনেস্ এত দিনের মধ্যে তাহার মনের কথা আমাকে জানাইল না, ইহাতে আমি আরও অস্থির হইয়া পড়িলাম। ভাবিলাম যে, আমার মনে যাহা দিতে চাহে না বলিয়াই হয় ত সে তাহার মনের কথা আমার বিশ্বাস করিয়া বলিতে পারিতেছে না। যদি ইহা সত্য হয়, তবে আমার আত্মোৎসর্গের কোন মূল্য নাই। আমি স্থির করিলাম, যদি এই কথা ভাবিয়াই সে কাহাকে ভালবাসে, সে কথা প্রকাশ করিতে কুণ্ঠা বোধ করিয়া থাকে,

তবে আজ রাত্রিতে তাহার সঙ্গে দেখা করিয়া সে ব্যবধান-প্রাচীর ভাঙ্গিয়া দিতেই হইবে। আজ তাহা করিব।

সে দিন প্রচণ্ড শীত। কয়েক ঘণ্টা পূর্বে তুষারপাত হইয়াছিল। এখনও তুষারে ভূমি আচ্ছন্ন। বাতায়ন-পথে দেখিলাম, সমুদ্রবক্ষে উত্তর-বাতাস বহিতেছে। আমি তখন ভাবিতেছিলাম, এইরূপ দিনে সুইজারল্যান্ডে তুষারপাতে মানুষের পথে বাহির হইবার উপায় থাকে না।

দরজার কাছে দাঁড়াইয়া ঠাকুরমা বলিলেন, “ট্রট, আজ ঘোড়ায় বাঁর হবে ত?”

আমি বলিলাম, “হ্যাঁ, আমি ক্যান্টারবেরি যাব। আজ ঘোড়ায় চড়বার দিন, ঠাকুরমা।”

পিতামহী বলিলেন, “তোমার ঘোড়ার যদি সেই রকম মনে হয়, তবে ত! এখন সে দরজায় মাথা ও কাণ নীচু করে দাঁড়িয়ে যেন ভাবছে, আস্তাবলই তার কাছে ভাল।”

ঠাকুরমা আমাকে নিষিদ্ধ জমীর উপর দিয়া ঘোড়া আনিতে দিতেন, কিন্তু গাধার প্রতি তিনি এখনও তেমনই নির্দয়।

আমি বলিলাম, “এখনি সে তাজা হয়ে উঠবে।”

আমার টেবলের উপরের কাগজগুলির প্রতি দৃষ্টিপাত করিয়া তিনি বলিলেন, “আর যাই হোক, ওর মনিবের যে তাতে ভাল হবে, সে বিষয়ে সন্দেহ নেই। বাছা, তুমি অনেকক্ষণ এই ঘরে কাটাও! বই যখন পড়তাম, তখন ভাবতে পারতাম না, বই লিখতে কত পরিশ্রম হয়।”

আমি বলিলাম, “কোন কোন সময় পড়াও শ্রমসাধ্য ব্যাপার। ঠাকুরমা, লেখাতেও একটা আনন্দ আছে।”

ঠাকুরমা বলিলেন, “তাই দেখছি! উচ্চাকাঙ্ক্ষা, সহানুভূতি, প্রশংসার আকর্ষণ, আরও অনেক কিছু আছে বোধ হয়? ভাল সবই তোমার সঙ্গে সঙ্গে যাবে!”

পিতামহী আমার পৃষ্ঠে করাঘাত করিতেছিলেন, আমি তাঁহার সম্মুখে স্থিরভাবে দাঁড়াইয়া রহিলাম। আমি বলিলাম, “আপনি আর কিছু জানেন, ঠাকুরমা? আগনেসের সেই আকর্ষণের বিষয়?”

উত্তর দিবার পূর্বে তিনি আমার দিকে অনেকক্ষণ চাহিয়া রহিয়া বলিলেন, “আমার মনে হয়, আমি জানি, ট্রট।”

জিজ্ঞাসা করিলাম, “আপনার সে ধারণা ঠিক ত?”

“আমার বিশ্বাস, ঠিক।”

তিনি আমার দিকে একদৃষ্টে চাহিয়া রহিলেন। সে দৃষ্টিতে এক প্রকার সন্দেহ অথবা করুণা, অথবা আরও কিছু যেন মিশ্রিত ছিল। অথচ তাহা এমন স্নেহপূর্ণ। ইহাতে আমি তাঁহার কাছে দৃঢ়তাসহকারে প্রকৃত্ততা দেখাইবার চেষ্টা করিলাম।

পিতামহী বলিলেন, “আরও কথা এই, ট্রট—”

আমি বলিলাম, “কি বলুন ত!”



“আমার মনে হয়, আগনেস্ বিয়ে করতে চলেছে।”

মানকে আমি বলিলাম, “ভগবান তার মঙ্গল করুন।”

তিনি বলিলেন, “ভগবান তার মঙ্গল করুন এবং তার স্বামীরও কল্যাণ করুন।”

আমিও তাহার প্রতিশ্রুতি করিলাম। তাঁহার নিকট হইতে নীচে নামিয়া আসিলাম। ঘোড়ার পৃষ্ঠে চাপিয়া বসিয়া পথে আসিলাম। আমি ঘাড়া করিবার বলিয়া সংকল্প করিয়াছিলাম, এখন তাহা করিবার যথেষ্ট কারণ বিদ্যমান।

শীতল দিনের অধারোহণ-যাত্রা আমার কেমন স্পষ্ট মনে আছে। বাতাসে ভূমি হইতে উখিত তুষারকণা আমার মুখমণ্ডলে আসিয়া লাগিতেছিল। অশ্বখুর হইতে যেন একটা সুর উখিত হইতেছিল—সে সুর যেন মাটির বুকেই সুষ্পষ্ট ছিল। অশ্বখুর তাহাকে বন্ধুত করিয়া তুলিতেছিল।

আমি আগনেসের দেখা পাইলাম। সে তখন একা ছিল। ছোট ছোট মেয়েরা তাহাদের গৃহে চলিয়া গিয়াছিল। অগ্নিকুণ্ডের ধারে সে একা বসিয়া বই পড়িতেছিল। আমাকে আসিতে দেখিয়াই সে বইখানি রাখিয়া দিল। স্বথারীতি আমাকে অভ্যর্থনা করিয়া সে তাহার সেলাই লইয়া বাতায়নের ধারে বসিল।

আমি তাহার পাশে গিয়া বসিলাম। তার পর আমার কাঙ্ক্ষের কথা—কবে আমার নূতন বইখানি শেষ হইবে, কতখানি লিখিয়া ফেলিয়াছি, সেই সব কথার আলোচনা হইল। আগনেস্ অত্যন্ত প্রফুল্ল ছিল। সে হাসিতে হাসিতে বলিল, আমি শীঘ্রই এত খ্যাতিলাভ করিব যে, এ সকল বিষয়ে আলোচনা করিবার আর সুযোগ হইবে না।

আগনেস্ বলিল, “তাই আমি এ সময়ে যতটা পারি, তোমার সঙ্গে এই সব কথার আলোচনা ক’রে নিচ্ছি।”

আমি তাহার কমনীয় সুন্দর মুখের দিকে চাহিলাম। সে তাহার সেলাই হইতে মুখ তুলিয়া তাহার স্নিগ্ধ প্রশান্ত দৃষ্টি আমার উপর স্তম্ভ করিতেই দেখিল যে, আমি তাহার দিকে চাহিয়া রহিয়াছি।

“টুটউড, আজ তুমি ভারি চিন্তিত দেখছি।”

“আগনেস্, সে কথাটা তোমায় বলতে পারি কি? আমি বলবার জন্মই আজ এসেছি।”

কোন প্রয়োজনীয় কথা আলোচনাকালে সে যেমন করিত, সেই ভাবে সে সেলাইয়ের কাজ একপাশে সরাইয়া রাখিল এবং মনোযোগ দিয়া আমার কথা গুনিবার জন্ম প্রস্তুত হইল।

“প্রাণাধিকা আগনেস্, আমি তোমার কাছে কপটতা করি ব’লে কি তোমার সন্দেহ হয়?”

সবিস্ময়ে আগনেস্ বলিল, “না!”

“চিরদিন আমি তোমার কাছে যা আছি, তাতেও কি সন্দেহ হয়?”

তেরনই ভাবে সে বলিল, “না!”

“আমি যখন বিদেশ থেকে ফিরে আসি, তখন আমি তোমাকে বলতে চেয়েছিলুম, তোমার কাছে আমি কত কৃতজ্ঞ, কত ঋণী। আগনেস্, কি আগ্রহভরে আমি তোমার দিকে আকৃষ্ট, তাও বলতে চেয়েছিলুম। প্রাণাধিকা আগনেস্—সব মনে পড়ে কি?”

স্নিগ্ধকণ্ঠে সে বলিল, “সে কথা আমার খুব মনে আছে।”

আমি বলিলাম, “তোমার একটা গোপন-কথা আছে। আগনেস্, সেই গোপন-কথা আমায় জানতে দেও—তার ভাগ নিতে দেও।”

সে দৃষ্টি নত করিল, তাহার দেহ কাঁপিতে লাগিল।

“তোমার নিজের ওষ্ঠে উচ্চারিত না হ’লে, সে কথা আমি কারও কাছ হতে শুনলে বুঝতে পারব না। আর কেউ আছে, যাকে তোমার প্রেমের ঐশ্বর্য্য তুমি অর্পণ করতে চাও? তোমার সুখের সঙ্গে যে জড়িত, তার কথা আমায় জানতে দাও। যদি তুমি আমায় বিশ্বাস করতে পার,—তুমি বলেছ, তা তুমি পার; আমি জানি, তুমি পার। তা হ’লে আমাকে তোমার বন্ধু ও ভ্রাতার আসনে বসিয়ে এ বিষয়ে তুমি আমার কাছে কিছু গোপন ক’র না।”

বাতায়নের সান্নিধ্য হইতে সে উঠিয়া দাঁড়াইল। তাহার নয়নে কাতরতা, প্রার্থনা। খানিক দূর অগ্রসর হইয়া, সে তাহার করপল্লবে মুখ আবৃত করিল, তার পর এমনভাবে কাঁদিতে লাগিল যে, আমার হৃদয় ব্যথায় চূর্ণ হইয়া যাইবার উপক্রম করিল।

কিন্তু ইহাতে, এই অশ্রুধারাতে আমার মনে একটা নূতন জিনিষ জাগিয়া উঠিল—আমার অন্তরে যেন আশার সঞ্চার হইল। সেই নির্মল হাসি ও এই অশ্রুপাত উভয়ের সমবায়ের আমার হৃদয়ে ঘাড়া আলোড়িত হইয়া উঠিল। তাহা হুঃখ নহে, আশঙ্কা নহে,—আশা।

“আগনেস্! বোন! প্রিয়তমা! আমি কি করলাম!”

“আমায় যেতে দাও, টুটউড। আমি ভাল নেই। আমাতে আমি নেই। এর পর আমি তোমাকে সব বলব। আর এক দিন। তোমাকে পত্র লিখব। কিন্তু এখন কোন কথা বলো না। না! না!”

আমি মনে করিয়া দেখিলাম, সে দিন রাত্রিতে আমি তাহাকে ঘাড়া বলিয়াছিলাম, তাহার উত্তরে সে বলিয়াছিল, তাহার স্নেহ প্রতিদান-কামনা করে না।

“আগনেস্, তোমার এ অবস্থা আমি সহ করতে পারছি না। মনে হচ্ছে, আমিই এর হেতু! প্রাণাধিকা, আমার জীবনে তোমার মত প্রিয় আর কিছু নেই। তোমার হুঃখ যদি থাকে, আমাকে তার অংশ দাও। সাহায্য, পরামর্শের যদি প্রয়োজন থাকে, আমাকে সে কাজ করতে দাও। যদি বুকে কোন বোঝা থাকে, আমাকে তা লঘুভার করবার অবকাশ দাও। আগনেস্, কার জন্ম আমি

এখন বেঁচে আছি? তোমার জন্ত যদি না হয়, তবে আমার জীবনের প্রয়োজন কোথায়?”

“ওগো, আমার কমা কর! আমি এখন আমাতে নেই। আর এক সময়!” এই কথা ছাড়া আর কিছু গুনিতে পাইলাম না।

স্বার্থহীন ভ্রমের বশেই কি আমাকে সরিষা বাইতে হবে? অথবা আশা করিবার ক্ষমতা পাইয়াছি? বাহা চিন্তা করিতে সাহস হয় নাই, তাহার কাছে পৌঁছিব, তাহার দেখা পাইবার পথ মুক্ত হইতেছে?

“না, আমাকে আরও বলতে হবে। এ অবস্থায় আমি তোমাকে ছেড়ে যেতে পারি না! ভগবানের দোহাই, আগনেস্, এতকাল পরে আর যেন পরস্পর আমরা ভুল না করি। এতকালে যা কিছু হয়েছে, চ’লে গেছে, সবই সেই ভুলের ফল! আমি স্পষ্ট ক’রেই বলতে চাই। তোমার মনে যদি কখনও এ চিন্তা হয়ে থাকে যে, যাকে তুমি সখী হতে দিতে চাও, আমি তার হিংসা করব—ঈর্ষা করব; তোমার নিজের পছন্দমত যে রফকের হাতে তুমি নিজেকে সঁপে দিতে চাও তার হাতে তোমায় আমি দিতে চাইব না; আমি স্থানচ্যুত হয়ে, সেইখান থেকে তোমার সুখ আনন্দ দেখে, আনন্দ পাব না; এ সব কথা যদি কখনো ভেবে থাক ত তা ভুলে যাও। কারণ, আমি তার উপযুক্ত নই। আমি বৃথা কষ্ট সহ করিনি। তুমি বৃথা আমার শিক্ষা দাওনি। তোমার সম্বন্ধে বা অনুভব করি, তাতে স্বার্থের পাণ মেশানো নেই।”

এখন সে অনেকটা প্রকৃতিস্থ হইয়াছিল। অল্পক্ষণ পরে সে তাহার বিবর্ণ আনন আমার দিকে ফিরাইয়া মুহূর্তে কিছু স্পষ্টভাবে বলিল—

“টুটউড, তোমার পবিত্র বন্ধুত্ব আমি কামনা করি, তাতে আমার বিন্দুমাত্র সন্দেহ নেই। কিন্তু তবু বলব, তুমি ভুল বুঝেছ। এ ছাড়া আর আমি কিছু বলতে পারব না। এতকালের মধ্যে যখন সাহায্য প্রয়োজন হয়েছে, আমি তা পেয়েছি, উপদেশ পেয়েছি। যদি কখনো অসুখী হয়ে থাকি, তা চ’লে গেছে। যদি আমার বৃকে বোঝা এসে থাকে, তা হাক্কা হয়ে গেছে। যদি আমার কোন গোপন কথা থেকে থাকে, সেটা মোটেই নতুন নয়। আর তুমি যা ভাবছ, তা নয়। আমি সে কথা বলতে পারব না। ভাগ দিতেও পারব না। দীর্ঘকাল তা আমারই হয়ে আছে, আর তাই থাকবে।”

“আগনেস্! দাঁড়াও! এক মুহূর্ত!”

সে চলিয়া গাইতেছিল। কিন্তু আমি তাহাকে যাইতে দিলাম না। আমি বাহু ধারা তাহার কটিদেশ আবদ্ধ করিলাম। “দীর্ঘকালের মধ্যে!” “সেটা মোটেই নতুন নয়!”—আমার মাথার মধ্য দিয়া নূতন চিন্তা—নূতন আশা বৈশ্ব আবর্তিত হইতে লাগিল। মনে হইল, জীবনের সমস্ত বর্ষ পরিবর্তিত হইয়া গিয়াছে।

“প্রিয়তমা আগনেস্! যাকে আমি প্রকা করি, সম্মান করি—যাকে সমগ্র মন দিয়ে ভালবাসি। আজ যখন আমি এখানে এসেছিলাম, আমি ভেবেছিলাম, আমার এ স্বীকারোক্তি কেউ আদায় ক’রে, নিতে পারবে না। ভেবেছিলাম, বুড়ো না হওয়া পর্যন্ত এ কথা আমার বুকের মধ্যেই থাকবে। কিন্তু আগনেস্, যদি নতুন আশা থাকে, তোমাকে বোনের চেয়ে—বোনের অপেক্ষা ভিন্ন প্রকারের সম্পর্কে যদি তোমার আমার ক’রে নিতে আশা দেও!—”

তখনও সে কাঁদিতোছিল, কিন্তু তাহা চুঃখের নহে—আনন্দের! আমার বাহুবন্ধনে সে আবদ্ধই ছিল। এমন সে কোন দিন থাকে নাই। আমি কখনও ভাবিতে পারি নাই, এ অবস্থায় তাহাকে কখনও পাইব!

“যখন আমি ডোরাকে খুব ভালবেসেছিলাম, আগনেস্ তুমি জান—”

সে আন্তরিকতা সহকারে বলিল, “হ্যাঁ, তা শুনে আমি খুসী।”

“যখন তাকে ভালবেসেছিলুম—তখনও সে ভালবাসা অসম্পূর্ণ থাকত, যদি তোমার সহায়ত্ব না পেতাম। আমি তা পেয়েছিলুম বলে তা সম্পূর্ণতা লাভ করেছিল। তার পর যখন তাকে হারালুম, তখন তোমাকে না পেলে আমি কি করতাম?”

সে তখন আমার বাহুবন্ধনে, বুকের অতি নিকটে—তাহার কম্পিত বাহু আমার স্বল্পদেশে অর্পিত, তাহার মধুর নয়নের দৃষ্টি অশ্রুসিক্ত—আমার উপর সংলগ্ন।

“আগনেস্, তোমাকে ভালবাসতে বাসতেই আমি দেশ-ছাড়া হয়েছিলুম। বিদেশে পড়েছিলুম—তখনও তোমার ভালবাসা। দেশে ফিরে এলুম, তখনও তোমার ভালবাসায় মন বিভোর।”

তাহাকে আমার হৃদয়ের সংগ্রামের কথা বলিলাম, কি সিদ্ধান্তে উপনীত হইয়াছিলাম, তাহাও বলিলাম। আমার সমস্ত হৃদয় ও মন তাহার কাছে উদঘাটিত করিয়া দেখাইলাম। তাহার সম্বন্ধে আমার কি কর্তব্য, তাহা স্থির করিয়া আমি নিজের দিকে চাই নাই। আজও সেই উদ্দেশ্য লইয়াই এখানে আসিয়াছিলাম। যদি সে আমাকে ভালবাসে ও আমাকে স্বামিরূপে গ্রহণ করিতে ইচ্ছা করে, তাহা হইলে সে তাহা করিতে পারে। কিন্তু আমার যোগ্যতা বিচার করিয়া নহে। তবে আমি তাহাকে ভালবাসি, ইহা সে বিশ্বাস করিতে পারে। আগনেস্, তোমার দৃষ্টির মধ্য দিয়া আজ আমি পরলোকগত বালিকা স্ত্রীর দৃষ্টি যেন অনুভব করিতেছি; সে যেন বলিতেছে—ইহা ঠিকই হইয়াছে। তোমারই মধ্য দিয়া সে যেন আমাকে স্মরণ করাইয়া দিতেছে, কুলাট অকালে করিয়া পড়িয়াছিল, তাহাকে যেন না বিস্মৃত হই!

যেত। ও-দেশে গিয়ে গরীব লোকের ছেলেমেয়েদের অসুখ হ'লে এমিলি তাদের সেবা করত, ছেলেমেয়েদের সঙ্গে সব সময় থাকত। এই রকমে সে সকল সময় কাজে ব্যস্ত থাকত। লোকের ভাল করতে থাকার তার মনও ভাল হতে লাগল।”

আমি বলিলাম, “সে খবরটা এমিলি কবে পেয়েছিল?”

মিঃ পেগটী বলিল, “আমি খবর আগে পেয়েছিলুম, কিন্তু এমিলিকে বলিনি। সে প্রায় এক বছর পরের কথা। সে সময় আমরা নির্জন অঞ্চলে থাকতাম। ভারী সুন্দর জায়গা। গাছপালা সব সুন্দর। এক দিন সেখানে এক জন লোক বেড়াতে-গেল, সে এক জন ভ্রমণকারী। নরফোক্ কি সকোকে তাঁর বাড়ী। আমরা তাকে বাড়ীতে নিয়ে গেলাম। সে দেশে সকলেই আগন্তুককে বাড়ী নিয়ে গিয়ে রাখে। তার কাছে পুরোনো খবরের কাগজ ছিল। ঝড়ের বিবরণ তাতে লেখা ছিল। তাই থেকে সে কেমন ক'রে সব জানতে পারে। রাতে যখন আমি বাড়ী এলাম, তখন বুঝলাম, সে খবর পেয়েছে।”

আমি বলিলাম, “সে খবর পেয়ে তার বিশেষ কোন পরিবর্তন হয়েছিল?”

“হ্যাঁ, অনেক দিন ধ'রে সেটা ছিল। অবশ্য এখন আর তেমন নেই। আমার মনে হয়, নির্জন জায়গার জন্তু—তার উপকার হয়েছিল। তার পর সে পাখী-পোষার দিকে ঝোক দিলে। মাষ্টার ডেভি, তাকে এখন দেখলে তুমি চিন্তে পার কি না সন্দেহ!”

“এত বদলে গেছে সে?”

“তা আমি জানিনে। আমি তাকে রোজ দেখি, তাই আমি বুঝতে পারিনে। কিন্তু এক এক সময় আমার ঐ রকম মনে হয়। ক্ষীণ শরীর, কোমল, বিষণ্ণ, নীল চোখ; কোমল মুখ, সুন্দর মাথা একটু নত হয়ে পড়েছে; শাস্ত গলার স্বর একটু যেন ভীত। এই আমার এমিলি।”

আমরা নীরবে বুদ্ধের দিকে চাহিয়া রহিলাম।

“কেউ কেউ বলে, সে যে লোককে ভালবেসেছিল, সে লোকটা অপদার্থ; কেউ বলে, পাত্রে হঠাৎ মৃত্যু হওয়াতে সে আর বিয়ে করেনি; কিন্তু কেউ আসল কথা জানে না। সেখানে খুব ভাল বিয়ে তার হ'তে পারত। কিন্তু আমরা বলেছি, ‘মামা, ও আর এ জীবনে নয়।’ সে আমার কাছে হাসিমুখেই থাকে। অল্প কেউ এলে সে স'রে যায়। ছোট ছেলে-মেয়েদের শেখাবার দরকার হলে, সে অনেক দূর হেঁটে চ'লে যায়। কারও অসুখ করেছে শুনে,—দূর হলেও সে সেবা করতে যায়। বিয়ের মেয়েদের অনেক কাজ সে করেছে, কিন্তু সে কোন বিয়েতে যোগ দেয়নি। তার মামাকে সে খুব ভালবাসে। সবাই—বুড়ো যুবা—সকলেই তাকে ভালবাসে। যাদের দুঃখ-কষ্ট আছে, তারা সকলে এমিলিকে খোজে। এই আমার এমিলি!”

আমি বলিলাম, “মার্থা তোমাদের সঙ্গে আছে?”

“মাষ্টার ডেভি, মার্থা বিয়ে করেছে। দ্বিতীয় বছর পড়তেই এক জন তাগড়া জোরান চাষী তাকে দেখে পছন্দ করে। সেখানে স্ত্রী পাওয়া বড় মুশ্কিল। মার্থা আমাকে বলে যে, আমি তার সব কথা যেন ছেলেটাকে শুনিয়ে দেই। তা শুনে যদি বিয়ে করতে চায়, তখন যা হয় হবে। আমি তাই করি। তার পর সে ছোকরা তাকে সব শুনে বিয়ে করে। তারা বেশ সুখে-স্বচ্ছন্দে আছে।”

“আর মিসেস্ গমিজ?”

এবার বুড়া হো হো করিয়া হাসিয়া উঠিল। সে বলিল, “মাষ্টার ডেভি, তুমি হয় ত প্রত্যয় যাবে না যে, তাকেও লোকে বিয়ে করতে চেয়েছিল!”

আমি আগনেস্কে কখনও এমন ভাবে হাসিতে দেখি নাই।

আমি অতিকষ্টে হাসি সামলাইয়া বলিলাম, “মিসেস্ গমিজ কি করলে?”

“আমার কথা যদি প্রত্যয় কর, তবে বলি, মাষ্টার ডেভি, মিসেস্ গমিজ লোকটাকে বললে যে, এ অবস্থায় সে আর অল্প কিছু হতে চায় না। এই বলে এমন ভাবে লোকটাকে বালতি নিয়ে তাড়া করেছিল যে, লোকটাকে শেষে আমি রক্ষা করি।”

আবার হাসির গবুরা আরম্ভ হইল।

আমি বলিলাম, “এইবার মিঃ মিক্‌বারের কথা বল। তিনি যত টাকা ধার করেছিলেন, সব শোধ দিয়েছেন। সুতরাং মনে হয়, তিনি এখন ভালই আছেন। কিন্তু তাঁর শেষ খবর কি?”

মিঃ পেগটী হাসিয়া পকেট হইতে এক তাড়া কাগজ বাহির করিল। তন্মধ্য হইতে একখানি সংবাদপত্র টানিয়া বাহির করিল।

“মাষ্টার ডেভি, এখন আমরা পোর্ট মিডলবে বন্দরে আছি। সেটাকে সকলে সহর বলে।”

আমি বলিলাম, “আগে মিঃ মিক্‌বার তোমাদের মত বনে-জঙ্গলে থাকতেন ত?”

“হ্যাঁ। এমন জেদী ভদ্রলোক আমি জীবনে দেখিনি। কি পরিশ্রমই তিনি করতেন। এখন তিনি হাকিম।”

“কি বললে, ম্যাজিষ্ট্রেট—হাকিম?”

সংবাদপত্রের একটা নির্দিষ্ট স্থান দেখাইয়া দিল। আমি পড়িলাম—

“আমাদের বন্ধু ঔপনিবেশিক, মিক্‌বার, ডিষ্ট্রিক্ট ম্যাজিষ্ট্রেট উইলকিন্স মিক্‌বার মহাশয়ের উদ্দেশ্যে একটি ভোজ প্রদত্ত হইয়াছিল। হোটেলে ভিলাধারণের স্থান ছিল না, এত লোক হইয়াছিল। সাতচল্লিশ জনকে ভোজ দেওয়া হইয়াছিল। তাহা ছাড়া সিঁড়িতে ও বারান্দায় কত লোক ছিল, তাহা বলা যায় না। সহরের সুন্দরীরা পর্যায় এই জনপ্রিয় মহাশয় ব্যক্তির প্রতি শ্রদ্ধা নিবেদন করিতে সমবেত



হইয়াছিলেন। মিডলবে উপমিবেশের সালেম হার্ডিস গ্রামার মূলের ডাক্তার মেল এই সভার নেতৃত্ব করিয়াছিলেন। তাঁহার দক্ষিণে এই মাননীয় অতিথি উপবেশন করিয়াছিলেন। ভোজশেষে মিকবারের পুত্র বিশুদ্ধ ও মনোরম সঙ্গীতের দ্বারা সকলের চিত্তবিনোদন করিয়াছিলেন। ডাক্তার মেল বক্তৃতায় বলিয়াছিলেন, এই মাননীয় অতিথি সহরের ভূষণ-রূপ। তিনি যেন আমাদের কখনও ত্যাগ করিয়া না যান। তার পর মিঃ মিকবার উত্তর দিবার জন্ম বক্তৃতা করেন। সে ভাষা যেমন বিশুদ্ধ, তেমনই চমৎকার। তাঁহার সে বক্তৃতা একটা অপূর্ব ব্যাপার। তাঁহার জীবনে কত কষ্ট ও দুঃখ আসিয়াছিল, তাহা বর্ণনা করিবার সময় সকলেরই চোখে জল আসিয়াছিল। তার পর মিসেস মিকবার ও মিঃ মিকবারের কন্যা (বর্তমানে মিসেস বিডার বেগ স্) এবং জুনিয়র উইলকিন্স মিকবারের প্রতি সকলে সম্মান প্রকাশ করেন। নৃত্যগীত প্রভৃতি ভোজশেষে আরম্ভ হয়।”

ডাক্তার মেলের কি দুর্দশা ছিল, তাহা আমার আগোচর ছিল না। বিদেশে গিয়া তাঁহার ঐশ্বর্যবুদ্ধির সংবাদে সুখী হইলাম। এমন সময় মিঃ পেগটী সংবাদপত্রের অগ্রত্ব আমার দৃষ্টি আকৃষ্ট করিল। দেখিলাম, আমারই নাম রহিয়াছে!—

“ডেভিড কপারফিল্ড, এস্কোয়ার,

“প্রসিদ্ধ গ্রন্থকার।”

“প্রিয় মহাশয়”

“কয়েক বৎসর পূর্বে আমি একখানি গ্রন্থ পাঠ করিবার সৌভাগ্য লাভ করিয়াছিলাম। সভ্য জগতের অধিকাংশ স্থানেই ইদানীং কল্পনাক্ষেত্রে ইহার পরিচয় ঘটিয়াছে।

“সে যাহাই হউক, প্রিয় মহাশয়, বাধ্য হইয়া আমার যৌবনের সঙ্গী ও বন্ধুর সহিত দেখা-সাক্ষাৎ বন্ধ। অবশু ইহার উপর আমার কোনও হাত নাই। কিন্তু তাহা বলিয়া তাঁহার উর্দ্ধগতি সম্বন্ধে আমি অমনোযোগী নহি। অথবা তাঁহার বুদ্ধিশক্তি, প্রতিভাপ্রসূত যে সকল বস্তু আমাদের সন্মুখে মেলিয়া ধরিয়াছেন, তাহার স্বাদ—অবশুই গ্রহণ করিয়াছি।

“এজন্য এখান হইতে এক জন লোকের যাত্রা উপলক্ষে— যাহাকে আমরা উভয়েই সম্মান করি, শ্রদ্ধা করি—আপনার উদ্দেশ্যে প্রকাশ্যভাবে শ্রদ্ধা নিবেদন না করিয়া পারিলাম না। আমি এখানে এইটুকু বলিতে চাই যে, পোর্ট মিডলবের অধিবাসিবৃন্দ আপনাকে শ্রদ্ধা জ্ঞাপন করিতেছে। কারণ, আপনিই তাহাদের উন্নতির পথ দেখাইয়া দিয়াছেন।

“প্রিয় মহাশয়, আপনি আরও লিখিয়া যান! আপনি এখানে অপরিচিত নহেন, আপনার রচনার বিশেষত্ব এখানে অনেকেই বুঝিতে পারিয়াছে। যদিও এখন বহুদূরে আছি,

কিন্তু বন্ধুত্ব-বর্জিত নহি। আপনি উর্দ্ধলোকে চলিয়াছেন, সে গতিবেগ চলিতে থাকুক। মিডলবের অধিবাসীরা আপনার উন্নতি সাগ্রহে লক্ষ্য করিতে থাকিবে।

“এ জগতে যাহাদের দৃষ্টি আপনার উপর লুপ্ত আছে, তাহাদের মধ্যে আমাদের এক জন সর্বদাই আপনার উপর দৃষ্টি রাখিবে। সে লোকটি কে জানেন?—

“সে ব্যক্তি

উইলকিন্স মিকবার

ম্যাজিষ্ট্রেট।”

উক্ত সংবাদপত্রের অগ্রত্ব অংশ দেখিয়া বুঝিলাম যে, মিঃ মিকবার এই পত্রের এক জন নিয়মিত লেখক। উক্ত সংবাদপত্রের পৃষ্ঠে মিঃ মিকবারের আর একখানি চিঠি প্রকাশিত হইয়াছে। একটা বিজ্ঞাপন আছে, তাহাতে মিঃ মিকবারের লিখিত অনেকগুলি প্রবন্ধ ও পত্র সংগৃহীত হইয়াছে। আমার মনে হইল, সংবাদপত্রের প্রধান প্রবন্ধটি তাঁহারই লেখা।

মিঃ মিকবারের সম্বন্ধে আমাদের অনেক আলোচনা হইল। যত দিন থাকিবার কথা, আমরা মিঃ পেগটীকে তত দিন আমাদের বাসায় রাখিলাম। প্রায় এক মাস মিঃ পেগটীকে আমাদের কাছে পাইলাম। পেগটী ও পিতামহী তাহার সহিত সাক্ষাতের জন্ম লগুনে আসিল।

মিঃ পেগটী ফিরিয়া যাইবার পূর্বে একবার ইয়ারমাউথে গিয়াছিল। হামের সমাধির উপর আমি একটা রচনা ক্ষোদিত করিয়া দিয়াছিলাম। মিঃ পেগটী সেই সমাধি দেখিতে গিয়াছিল। আমিও সঙ্গে ছিলাম। আমি যখন সমাধিক্ষেত্র হইতে উৎকীর্ণ লেখাটি নকল করিতেছিলাম, সেই সময় দেখিলাম, মিঃ পেগটী অবনত দেহে উক্ত সমাধি-মূল হইতে কিছু মৃত্তিকা ও তৃণগুচ্ছ সংগ্রহ করিতেছে।

সে বলিল, “এগুলি এমিলির জন্ম। মাষ্টার ডেভি, আমি তার কাছে অঙ্গীকার করে এসেছিলাম।” এই বলিয়া বুক-পকেটে সে ঐ স্মৃতিচিহ্ন রক্ষা করিল।

### চতুর্ষষ্টিতম পরিচ্ছেদ

আমার লিখিত কাহিনীর আর বাকি নাই। শেষ পাতা সমাপ্ত করিবার পূর্বে আমি আর একবার অতীতের দিকে মুখ ফিরাইতেছি।

আমার পার্শ্বে আগনেস্ উপবিষ্ট—উভয়ে জীবনের দীর্ঘ যাত্রা করিতেছি। আমাদের সম্ভ্রাম ও বন্ধুগণ আমাদের চারিপার্শ্বে রহিয়াছেন। বহু ব্যক্তির কর্তৃত্ব আমার শ্রবণেন্দ্রিয়ে প্রবেশ করিতেছে, কিন্তু তাহারা আমার সম্বন্ধে অমনোযোগী বলিয়া মনে হইল না।

জনারণ্যমধ্যে কোন কোন মুখ আমার কাছে সমুজ্জল-ভাবে বিস্তারিত ; তাঁহাদের সকলেরই দৃষ্টি আমার দিকে লুপ্ত !

আমার পিতামহী—তাঁহার চোখে আরও শক্তিশালী চশমা—এখন তাঁহার বয়স অশীতি বৎসর। কিন্তু এখনও তিনি সোজা হইয়া চলেন, বসেন। এ বয়সেও শীতকালে তিনি ৬ মাইল পথ না বিশ্রাম করিয়া হাঁটিতে পারেন।

তাঁহার পরেই পেগটার মুখ—আমার ধাত্রীমাতার আনন। তাঁহারও নয়নে চশমা। যখন রাত্রিতে বসনের কাজ করে, সেই সময়ে সে চশমা ধারণ করিয়া থাকে। তাঁহার কপোল ও বাহু এমন আরক্ত যে, বাল্যকালে আমার মনে হইত, পাখী কেন উহা ফল ভ্রমে না ঠোকরায়। এখন তাহা কৃষ্ণিত হইয়া পড়িয়াছে। কিন্তু এখনও সে যেমন বলিষ্ঠা, তেমনই কৰ্ম্মক্ষম আছে। আমার পিতামহীর দুঃখ এবার ঘুচিয়াছে। আমার একটি কন্টার ধর্ম্মমাতা হইয়া তিনি তাঁহার নাম বেটসি ট্রটউড রাখিয়াছেন। পরের মেয়েটির নাম ডোরা। সে বলে যে, তিনি বড় মেয়েটিকে আদর দিয়া নষ্ট করিতেছেন।

পেগটার পকেটে আমার বাল্যকালের পড়া কুমীরের গল্প নামক বইখানি সকল সময়ে থাকে। পেগটা সেই ছিন্নপ্রায় বইখানি পবিত্র স্মৃতিচিহ্নরূপ আমার সন্তানদিগকে দেখায়। উহাদেখিয়া আমার মনে হয়, আমার শৈশব যেন ঐ পুস্তকখানির অন্তরাল হইতে উঁকি মারিতেছে।

বর্তমান গ্রীষ্মের ছুটিতে এক জন বৃদ্ধ আমার পুত্রদিগকে অতিকায় ঘুঁড়ি নিষ্কাশন করিয়া উড্ডীয়মান ঘুঁড়ির দিকে চাহিয়া রহিয়াছেন। তাঁহার মুখে কি প্রসন্ন আনন্দ। তিনি আমার কাণে কাণে বলিলেন, “ট্রটউড, তুমি শুনে সুখী হবে, মেমোরিয়াল লেখা শেষ হবে। আর তোমার ঠাকুরমার মত স্ত্রীলোক আমি দেখলাম না।”

বাগানের মধ্যে এই বৃদ্ধা মহিলাটি কে? লাঠি ধরিয়া তিনি হাঁটেন। মুখ দেখিলেই মনে হয়, তাহাতে অতীত গর্ভ ও সৌন্দর্যের সংমিশ্রণ আছে। তাঁহার পার্শ্বে আর এক জন মহিলা—তাঁহার মুখে ক্ষতচিহ্ন। তাঁহারা কি বলিতেছেন, শোনা যাক।

“রোজা, এই ভদ্রলোকটির নাম আমি ভুলে গেছি।”

রোজা তাঁহার উপর নত হইয়া মিঃ কপারফিল্ড বলিয়া উল্লেখ করিল।

“আপনার সহিত দেখা হওয়ার সুখী হলাম। আপনার শোকবস্ত্র দেখে বড় দুঃখ বোধ করছি। আশা করি, সময়ে আপনার শোক উপশম পাবে।”

তাঁহার সঙ্গিনী অধীরভাবে তাঁহাকে সংশোধন করিয়া দিলেন যে, আমার এখন শোক-পরিচ্ছদ নাই। তাঁহাকে চাহিয়া দেখিতে বলিলেন।

বৃদ্ধা বলিলেন, “আমার পুত্রের সঙ্গে আপনার দেখা হয়েছে? দু’জনের মধ্যে মিল হয়ে গেছে ত?”

আমার দিকে নিবন্ধ দৃষ্টিতে চাহিয়া তিনি তাঁহার ললাটে হাত রাখিয়া গৌঁ গৌঁ করিতে লাগিলেন। তার পর ভীষণ চীৎকার করিয়া বলিলেন, “রোজা, আমার কাছে এস। সে ম’রে গেছে।” রোজা তাঁহার পার্শ্বে দাঁড়াইয়া তাঁহার সহিত কলহ করিতে লাগিলেন। এখন বলিলেন, “তোমার চেয়ে আমি তাকে বেশী ভালবাসতাম!” তার পর বৃদ্ধার মাথা বৃকের উপর রাখিয়া পীড়িত শিশুর স্থায় তাঁহাকে ঘুম পাড়াইয়া শান্ত করিতে লাগিলেন। এইভাবে আমি উদ্ভানমধ্যে তাঁহাদিগকে রাখিয়া চলিয়া আসিলাম। প্রায় এইভাবেই তাঁহাদিগকে দেখিতে পাই। একই ভাবে তাঁহারা বৎসরের পর বৎসর কাটাইয়া আসিতেছেন।

ভারতবর্ষ হইতে কোন্ জাহাজ ইংলণ্ডে আসিল? উহার আরোহীদিগের মধ্যে জুলিয়া মিলকে দেখিলাম। সে এক জন স্বচ ধনকুবেরকে বিবাহ করিয়াছে। স্বামীর সঙ্গে সে প্রায় কলহ করিয়া থাকে। তাহার বাড়ীতে নিমন্ত্রণ হইলে জ্যাক ম্যালডনকে সেখানে প্রায়ই দেখিতে পাওয়া যায়।

ডাক্তার ষ্ট্রং এখনও সঞ্চলনে ব্যস্ত। স্ত্রীর সহিত তিনি সুখে গার্হস্থ্য জীবন যাপন করিতেছেন। তাঁহার শাশুড়ী এখনও সেই ভাবেই আছেন।

ট্রাডেল্‌স্‌এর পসার বাড়িয়াছে। সে এখন বেশ নামী ব্যবহারাজীব।

আমি বলিলাম, “ট্রাডেল্‌স্‌, এখন সোফী যদি তোমার মুছুরী থাকতেন, তা হ’লে তাঁর একার পক্ষে এত কাজ করা সম্ভবপর হ’ত না।”

“সে কথা এখন বলতে পার, কপারফিল্ড। কিন্তু হ’লে কোর্টের সময়টাই চমৎকার ছিল। বল, তাই কি না?”

“যখন তিনি বলেছিলেন, তুমি জজ হবে? কিন্তু সে সময়ে সহরের লোকের মুখে সে কথা রটেনি!”

“যদি কোন দিন তা সত্যি ঘটে—”

“কেন, তুমি তা জান, এক দিন তুমি হবেই।”

“কপারফিল্ড, সে দিন যদি আসে, তখন আমি সত্যি তার গল্প ক’রে বেড়াব।”

বাহুতে বাহু লগ্ন করিয়া আমরা বেড়াইতে বাহির হইলাম। সোফীর জন্মদিন, তাই আজ ট্রাডেল্‌স্‌এর ওখানে নিমন্ত্রণ। পথে যাইতে যাইতে ট্রাডেল্‌স্‌ বলিল, “দেখ ভাই, রেভারেণ্ড হোরেস্‌ এখন সাড়ে চারশ পাউণ্ড বছরে পাচ্ছেন। ছুটি ছেলে সেখানে শিক্ষা পাচ্ছে। তিনটি মেয়ের ভাল বিয়ে হয়ে গেছে। তিন জন আমাদের কাছে আছে। মিসেস্‌ ক্রুনারের মৃত্যুর পর আর তিন জন রেভারেণ্ড হোরেসের কাছে রয়েছে। সবাই সুখে আছে।”

“বাদ কেবল—”

ট্রাডেলুস্ বলিল, “হ্যাঁ, কেবল আমার বড় শালিকাটি ধৌ হতে পারেনি। একটা হতভাগাকে বিয়ে করে তার গাথের নষ্ট হয়েছে। কিন্তু লোকটার এমনি বাইরের চটক ছিল যে, তাতেই বিউটি মজেছিল। যাক, এখন তাকে আমাদের বাড়ীতে রেখেছি। তার স্বামীটি আর তাকে বরজ করতে পারে না। আবার তাকে চাক্রা করে ফুলতে হবে।”

আমরা ট্রাডেলুস্‌এর বাড়ী পৌঁছলাম। তখন তাহার গানক-শালিকার বাড়ী পূর্ণ। আনন্দের কলহাস্ত্রে বাড়ী মুখর।

রচনা সম্পূর্ণ করিবার সময় সকলের মুখমণ্ডল দৃষ্টিপথ হইতে মিলাইয়া গেল। শুধু একখানি মুখ স্বর্গীয় আলোকদীপ্তি

বিচ্ছুরিত করিতেছিল। তাহারই আলোকে আমি আর সকল জিনিষ দেখিতে পাইতেছি। সে মুখ অনুক্রম আমার কাছে জাগ্রত।

মুখ ফিরাইলেই দেখি, আমার পার্শ্বে সেই মুখখানির শান্ত সৌন্দর্য্য প্রদীপ্ত হইয়া রহিয়াছে। অনেক রাত্রি পর্য্যন্ত লিখিয়াছি। কিন্তু যাহার সান্নিধ্য ব্যতীত আমি কিছুই করিতে পারিতাম না, সে আমার পার্শ্বে উপবিষ্ট।

আমার আগ্নেস্, আমার প্রাণ! যখন আমি চিরদিনের জন্ত নয়ন মুদ্রিত করিব, তখন তুমি আমার পার্শ্বে থাকিও। যখন বাস্তব জগৎ আমার নয়নে মিলাইয়া যাইবে, তখন তুমি আমার পার্শ্বে থাকিয়া উর্দ্ধদিকে তোমার অঙ্গুলি নির্দেশ করিয়া দেখাইও।

সমাপ্ত





# নবীন দম্পতির রেখাচিত্র.

## নবীন দম্পতি

কোণের বাড়ীটির ছাদের উপর আজ সকালে বিবাহের উৎসব হইবার কথা। পাচকের দল ইতিমধ্যেই অস্তিত্বঃ ছয়বার সেখানে হাজিরা দিয়াছে। মিস্ ইমা ফিল্ডিংএর সহিত যুবক মিঃ হারভির আজ বিবাহ।

৬ নম্বরের বাড়ীর পরিচারিকার মনে এই বিবাহ-ব্যাপার উপলক্ষে কিরূপ উজ্জ্বল আলোকপাত করিয়াছিল, তাহা শুধু ভগবানই জানেন। সমস্ত রাত্রি ধরিয়া ভাবনা-চিন্তায় সে একবারও চোখের পাতা বুজাইতে পারে নাই। এখন সে সম্মার্জনী-হস্তে ঐ বাড়ীটির দিকে চাহিয়া সোপানের উপর দাঁড়াইয়া রহিয়াছে। রুটীওয়াল, মুদী বা মাখনওয়ালার ছবি তাহার মানসপটে কি দৃশ্যের অবতারণা করিতেছিল, তাহা শুধু সর্বস্রষ্টা ভগবানই জানেন। সে যদি ভদ্রমহিলা হইত, তাহা হইলে সে কিরূপ বেশভূষা করিত, শুধু সেই কথাই তাহার চিন্তাক্ষেত্রে জাগিয়া উঠিতেছিল। ৬ নং বাড়ীর পরিচারিকার মন বিবাহ-বাড়ীর দিকে চাহিয়া চাহিয়া অধীর হইয়া উঠিয়াছিল, তাহার মাথার মধ্যেও সব গোলযোগ বাধাইয়া দিতেছিল।

এ সব ব্যাপার দেখিয়া আমরা হাস্য করি। করা উচিতও বটে। অবশ্য সে জন্ম আমাদের মনে একটা যুক্তি-তর্কের ধারাও থাকে।

তরুণী পরিচারিকাটি যেন স্বপ্ন হইতে জাগিয়া উঠিল। কারণ, তখন ঐ ইজ্জতালভরা বাড়ীর দিক হইতে তাহার বন্ধু জেন আডাম্‌স্ নতুন পরিচ্ছদে সজ্জিত হইয়া তাহার দিকে ছুটিয়া আসিতেছে। সে তাহার কাছে কথা দিয়াছিল যে, গোলমালের মধ্যে সে তাহার বন্ধুকে প্রাতরাশের সময় লইয়া গিয়া বিবাহ-দৃশ্য দেখাইবে। তাহার তরুণী মনিষ তখন বিবাহ-বেশে সজ্জিত হইয়া ধর্ম্মন্দিরে যাইবেন।

তার পর সত্য সত্যই তাহারা নিঃশব্দে, অগোচরে উপর-তলে গিয়া যখন দেখিল, মিস্ ইমা বসন-ভূষণে সজ্জিত হইয়া রহিয়াছেন, তখন তাহাদের মনে হইল, তিনি যেন একখানি ছবি। তাহার মাথায় সাদা বনেট। তাহাতে কুমলালেবুর ফুল। ঘরের মধ্যে মিস্ ইমার মা তখন অপ্রস্তুত করিতেছিলেন, মিস্ ইমার বাবা তাঁহাকে সাধুনা দিতেছিলেন। মিস্ ইমার ভগিনী তাঁহার গলদেশ বেঁধেন

করিয়া দাঁড়াইয়া। পাজীর সহচরী তখন হাসিতেছিলেন। ছোট ছোট ছেলে-মেয়েরাও কাঁদিতেছিল। সকলেরই অন্ধে হৃন্দর পরিচ্ছদ। সহোদরকে হারাইবার আশঙ্কায় ভ্রাতা-ভগিনীদিগের চোখে জল। এ দৃশ্য দেখিয়া ছুটি পরিচারিকাই কাঁদিয়া ফেলিল। জেন এডাম্‌স্ বলিল যে, মিস্ ইমা এতই ভাল যে, এক দিনও তিনি তাহাকে কড়া কথা বলেন নাই। এ জন্ম সে আশা করে যে, ইমা নিশ্চয়ই সুখী হইবেন।

জেন কিছু পরে বিবাহ-বাড়ীতে ফিরিয়া আসিল। প্রাতরাশের টেবলে চীনা পেয়লা-পিরীচ ঝক্‌ঝক্‌ করিতেছিল। ফুল ও মিষ্টান্ন থরে থরে সজ্জিত। টেবলের মধ্য-খানে প্রকাণ্ড কেক—পীঠা। তাহার দেহে জমাট চিনি।

এমন সময় মিঃ জন আসিয়া হাজির। জেন বলিল যে, ৬ নম্বরের এনি ছাড়া আর কেহ সেখানে নাই! জন বলিল, সে তাহা জানে, তার পর সে কেবলই চোখ টিপিতে লাগিল। ইহাতে এনি লজ্জিত হইয়া যেন একটু বিব্রত বোধ করিল। সে চলিয়া যাইতেছিল, এমন সময় জন বলিল যে, তাহাকে এক গ্লাস পান করিতে হইবে। সকালবেলা, তাহাতে দোষ কি? ইহাতে তাহার কোন ক্ষতি হইবে না। তাহারা দরজা বন্ধ করিয়া দিল। গ্লাসে সুরা ঢালা হইল। এনি জেনের স্বাস্থ্যকামনা করিয়া সুরা পান করিল, বলিল, “মিঃ জন, আপনার স্বাস্থ্যও পান করছি।” সেই সময় মিঃ জন অবস্থানরূপ রহস্যলাপ করিতেছিল। অবশেষে মিঃ জন সাহস সঞ্চয় করিয়া বলিল যে, বিবাহ উপলক্ষে সভায় চুম্বনের প্রথা আছে। একটু ধস্তাধস্তি করিয়া সে তাহা আদায় করিয়া লইল। সোপানপথে পদধ্বনি শুনিবামাত্র তাহারা অকস্মাৎ তথা হইতে পলায়ন করিল।

এমন সময় কণ্ঠকে ধর্ম্মন্দিরে লইয়া যাইবার জন্য একটা গাড়ী আসিয়া বিবাহ-বাড়ীর দ্বারে থামিল। ৬ নম্বরের বাড়ীর পরিচারিকা দ্বারপথ সম্মার্জনীর সাহায্যে পরিষ্কার করিবার অবকাশে দেখিল, বর-কন্যা কণ্ঠার সহচরী, মাতা, পিতা সকলেই গাড়ী চড়িয়া তাড়া তাড়ি চলিয়া গেলেন। শুধু তাহাই নহে। অস্ত্রা গাড়ীতে নিমন্ত্রিতরা আসিয়া উপস্থিত হইতে লাগিলেন। সকলেরই অন্ধে হৃন্দর পরিচ্ছদ। তাহাদের দিকে এনি চাহিয়া চাহিয়া দেখিতে লাগিল। কিন্তু তখনও তাহার অস্ত্র কাজ বাকি। কাজেই সে দরজা বন্ধ করিয়া দিয়া ভিতরে চলিয়া গেল।

নিমন্ত্রিতগণ প্রাতরাশ টেবলে সমবেত হইলেন। হাশের পরিবর্তে তখন অশ্রধারা বহিতেছিল। কারণ, বড় বড় বোতলের ছিপি তখন খোলা হইয়াছিল এবং বোতলের অন্তর্গত স্রুধাসার দ্রব্য অক্ষত হইতেছিল। মিঃ ইমার বাবা টেবলের গোড়ায় উপবিষ্ট। মিস্ ইমার মাতা টেবলের শেষ-প্রান্তে। তাঁহার পাশে ইমা এবং তাঁহার স্বামী। সত্যই এই নবীন দম্পতি বড়ই সুন্দর। টেবলের দুইধারে আরও তরুণী ও তরুণ। মিস্ ইমার এক জন চিরকুমারী পিসীমাতাও সেখানে সমাগত। তাঁহার না কি প্রচুর ধনসম্পদ আছে। ভ্রাতৃপুত্রী ও ভ্রাতৃপুত্রদিগকে তিনি খুব ভালবাসেন। কত্নাকে তিনি যথেষ্ট অলঙ্কার উপহার দিয়াছিলেন। শুধু তাহাই নহে, তিন মাস ধরিয়া ভ্রাতৃপুত্রীর পরিচ্ছদের ব্যয় তিনি নানাবিধ পোষাকে পূর্ণ করিয়া দিয়াছিলেন। সে সকল পরিচ্ছদ রাজকন্য়ারই উপযুক্ত। সকলে তাঁহাকে বৃদ্ধী কুমারী বলিলেও তিনি কুরূপা বা কর্কশভাবিণী নহেন। বরং তিনি প্রিয়দর্শনা ও সদানন্দময়ী। তাঁহার অন্তর দয়া-মায়ার পূর্ণ।

অতিথি-অভ্যাগতদিগের মধ্যে দুইটি বালক-বালিকার স্থান হইয়াছিল। ইহাদের মধ্যে এক জনের বয়স ছয় বৎসর। সে ইমার ভ্রাতা। অপরা আর একটি বালিকা। তাহারও অল্পবয়স। হয় ত কিছু ছোট হইতে পারে। বালকটি ওই বালিকাকে স্ত্রী বলিয়া ডাকে। প্রকৃত বর-কন্য়া পরস্পরের মত অমুরাগী, এই বালক-বালিকা তদপেক্ষা পরস্পরের প্রতি অধিকতর অমুরাগী। বালকটি বালিকার প্রতি ভালবাসার পূর্ণ হইয়া তাহার প্রতি অধিক মনোযোগ দিতেছিল। বালিকাও আরক্ত মুখ হইয়া উঠিতেছিল। বালক সকালে তাহাকে যে ফুলের তোড়া উপহার দিয়াছিল, সে তাহা লইয়া খেলা করিতেছিল—ছিন্ন দলগুলি প্রকৃতি-সুলভ খেলার ছলে সে বৃকের উপর রাখিতেছিল। তাহাদের বিকোভহীন স্বপ্নে তাহারা পরস্পর নিমগ্ন হইয়াছিল, কেহ তাহাদের মধ্যে কাহাকেও অপ্রশংসা করিলে, তাহারা মনে আঘাত পাইতেছিল। এমনই ভাবে এই শিশু প্রেমিকযুগল ব্যবহার করিতেছিল। পরবর্তী জীবনে তাহাদের অন্তরে এমনই উদার, মহৎ প্রেম-প্রেরণা তাহাদিগকে অভিব্যক্ত করিবে কি না, তাহা কে জানে!

এ দিকে বিবাহের উৎসবানন্দ চরমে উঠিয়াছিল। এমন সময় সংবাদ আসিল, যে গাড়ীতে চড়িয়া বিবাহিত দম্পতি পরী অঞ্চলে মধুচন্দ্র যাপন করিতে যাইবে, তাহা আসিয়াছে। দলের মধ্যে যাহারা আরও খানিক উৎসবানন্দ উপভোগ করিবার জন্ত ব্যাকুল, তাঁহারা বলিলেন, গাড়ী আসার সংবাদ সত্য নহে। কিন্তু তাহা হইল না। সত্যই গাড়ী আসিয়াছে। কন্য়া তখন বেশভূষা করিবার জন্ত কক্ষান্তরে চলিয়া গেলেন। মহিলারাও ভোজের টেবল হইতে উঠিয়া পড়িলেন। ইতিমধ্যে বরটিও হঠাৎ ঘর হইতে

বাহির হইয়া গেলেন। সম্ভবতঃ তিনি রহস্যকর কোন ইচ্ছিত পাইয়া থাকিবেন।

গত দেড় মাস ধরিয়া জল্পনা-কল্পনা হইয়াছিল। বিবাহের পরই দম্পতি সকলের অলক্ষ্যে মধুচন্দ্রযাপনে জগ্ন চলিয়া যাইবেন। কিন্তু তাঁহারা দ্বারপ্রাণ আসিয়া দাঁড়াইতে না দাঁড়াইতেই বাতায়ন, দ্বারপথ বারাণ্ডা—সর্বত্রই নরনারীর চাপে ছরতিক্রমণীয় হই দাঁড়াইল। চারিদিকে বিদায়সূচক ক্রমাৎ উড়িতে লাগিল হস্তচূষনের শব্দও ঘরের মধ্যে অমূরনিত হইতে লাগিল পুরুষদিগের মুখে বিদায়ের সহাস্র সস্তাষণ। হলঘর এ সোপানপথে পরিচারক-পরিচারিকারা ভিড় করিয়া দাঁড় ইল। তাহাদের সম্মুখভাগে সেই বালকবালিকা। তাহা হাত-ধরাধরি করিয়া দাঁড়াইয়াছিল। তাহাদের মনের মত তখন এই চিন্তা সমুদিত হইয়াছিল যে, ছুটিয়া গিয়া গাড়ী আরোহণ করে, আর যেন ফিরিয়া আসিতে না হয়।

কন্য়া একবার চকিত দৃষ্টিতে তাঁহার চিরপরিচিত বাড়ী দিকে চাহিলেন। তার পর দরজায় ঘন ঘন অশ্বখুরে শব্দ উথিত হইল। পরমুহূর্তে দম্পতিকে বহন করি গাড়ী বহু দূর চলিয়া গেল।

হলঘরে তখনও একদল পরিচারক-পরিচারিকা ভিড় করিয়া দাঁড়াইয়াছিল। তাহাদের মধ্যে ৬ নম্বরের এটি ছিল। সে কোনও অজুহতে পুনরায় এখানে পলাই আসিয়াছিল। দম্পতির বিদায়-দৃশ্য দেখিবার বিশেষ আগ্রহ ছিল।

## লৌকিক দম্পতি

লৌকিক দম্পতি জগতের মধ্যে সর্বাপেক্ষা অসব লোক। তাহাদের মুখভঙ্গী, কর্তব্য, পোষাক-পরিচ্ছদ, বাড়ী-ঘর, আসবাবপত্র, ভ্রমণ এবং চালচলন সবই বাধা নিয়মের অন্তর্গত। ইহাতে সরলতা, স্পষ্টতা, আন্তরিকতার কোন ছাপ নাই।

লৌকিক দম্পতির কাছে সবই যেন একটা বাধা-ধরা ব্যাপার। তাহারা যদি তোমার সহিত দেখা করিতে আসে, নিশ্চয় জানিবে, তোমার প্রয়োজনে নহে; তাহাদের প্রয়োজনে তাহারা আসে। তুমি কেমন আছ, তাহা জানিবার জন্ত নহে, তাহারা কেমন আছে, তাহা দেখাইবার জন্তই তাহারা আসিয়া থাকে। তোমার প্রতি সম্মানপ্রকাশ তাহাদের উদ্দেশ্য নহে, উদ্দেশ্য—আপনাদের প্রতি সম্মান প্রকাশ করা। কোনও বন্ধুর ছেলেমেয়ে মারা গেলে, লৌকিক দম্পতি অত্রান্তভাবে সহানুভূতি প্রকাশের জন্ত নিশ্চয়ই দেখা দিবে। কোন বন্ধুর গৃহে পরিজন-সংখ্যা



দুষ্টির সংবাদ পাইবামাত্র তাহারা ধাত্রীর অপেক্ষাও মনো-  
যোগ প্রদান করিবে। প্রকৃত-প্রস্তাবে লৌকিক দম্পতি  
প্রত্যেক ব্যাপারেই তাহাদের সামাজিক জ্ঞানের পূর্ণ পরিচয়  
প্রদান না করিয়া থাকিতে পারে না।

এইরূপ লৌকিক দম্পতির পুরুষটি পরিচিত বন্ধুবান্ধব-  
দিগের কাহারও গৃহে মৃত্যু ঘটিলে নিমন্ত্রিত হইয়া তথায়  
গমন করিবেন। একরূপ ক্ষেত্রে তাঁহার ভূমিকা তিনি নিভুল-  
ভাবে অভিনয় করিয়া থাকেন। কোন সময় কণ্ঠস্বর কতটুকু  
তুলিতে হইবে বা নামাইতে হইবে, কখন বিষন্ন মুর্ত্তি ধারণ  
করিতে হইবে, কেমন করিয়া শোকপ্রকাশক পদক্ষেপ  
করিতে হইবে, তাহা তিনি ভাল করিয়াই জানেন। শব-  
শোভাযাত্রার সময় কখন দীর্ঘশ্বাস ত্যাগ করিতে হয়,  
কখন সাদা রুমালে নাসিকা আবৃত করিতে হয়, কবরের  
মধ্যে কখন দৃষ্টিপাত করিতে হয়, কখনই বা মস্তক শোক-  
ভরে আন্দোলিত করিতে হয়; অশ্রোষ্টিক্রিয়ার পর কখনই  
বা মূকের স্থায় অভিনয় করিতে হয়, তাহা তাঁহার  
অজানা নাই।

যখন স্বামী বাড়ী ফিরিয়া আসেন, তখন লৌকিক দম্প-  
তির অন্ততমা অর্থাৎ পত্নী স্বামীকে প্রশ্ন করেন, “কি রকম  
অশ্রোষ্টিক্রিয়া দেখলে?” লৌকিক স্বামী উত্তরে বলেন,  
“এমন বিক্রী ব্যাপার দেখা যায় না! পালক মোটেই  
দেখলাম না।” পত্নী চীৎকার করিয়া বলেন, “পালক নেই?”  
তাঁহার কথার অর্থ এই যে, কালে পালকে ভর করিয়া  
গুতের আত্মা স্বর্গাভিমুখে উড়িয়া যাইবে। স্মরণ্য পালকের  
অভাবে আত্মা অন্যান্য অভিযোগ করিতে বাধ্য। তাঁহার  
স্বামী মাথা নাড়িয়া বলিতে থাকেন, “সব সাদা মদ!”  
পত্নী তখনই বিষয়ে চীৎকার করিয়া বলেন, “বল কি, সব  
সাদা?” স্বামী বলেন, “সেরি ও মেডিরিয়া ছাড়া আর  
কিছুই ছিল না।” “পোর্টমদ ছিল না?” “না, এক কোঁটাও  
নয়।” হায়! হায়! পোর্ট নাই, পালক নাই! পত্নী  
যেন তিরস্কারভরা কণ্ঠে বলিতে থাকেন, “প্রিয়তম, তোমার  
হৃদয় মনে আছে, এই বেচারার সঙ্গে যখন আমাদের প্রথম  
দেখা হয়, সে তখন আমার সঙ্গে পরিচিত হবার পূর্বেই  
দিনারে আমার সঙ্গে আলাপ শুরু করেছিল। আমি তখন  
বলে ফেলেছিলুম যে, ঐ পরিবারটি শিষ্টাচার বা সামাজিকতা  
জানে না। এখন ত তুমি দেখলে সব, এ রকম লোকের  
মৃত্যু হ'লে তুমি আর সেখানে যাবে না!” লৌকিক স্বামী  
উত্তরে বলেন, “না, তা আমি যাব না!”

লৌকিক দম্পতির যদি সম্ভানাদি হয় (প্রায়ই হয় না),  
তাহা হইলে তাহাদিগকে ছেলেমেয়ে বলা চলে না। তাহারা  
দেখিতে খর্বাকার হয়, মুখ তাহাদের বর্ণ-হীন, নাসিকা  
উন্নত দেখায়—শিশুতেই তাহারা বৃদ্ধ হইয়া যায়। তাহারা  
এমনভাবে লালিত-পালিত হয় যে, তাহারা যেন বামন  
তাহারা বাহিরের অন্তর্ধান সম্বন্ধে এমন পাকা হইয়া উঠে

যে, কোনও বালিকা দর্পণ ভাঙিয়া ফেলিয়াছে, পুত্র পিতা-  
মাতাকে পদাঘাত করিতেছে, এ দৃশ্য দর্শকের মনে অনেকটা  
আশার সঞ্চার করে।

এইরূপ দম্পতি যখন অভিনয় দর্শনে গমন করে, তখন  
তাহারা রঙ্গালয়ে আড়ষ্টভাবে বসিয়া থাকে। পাছে রঙ্গ-  
মঞ্চে কোন নীতিবিগর্হিত দৃশ্য অভিনীত হয়। এমন কোনও  
দৃশ্য যদি ঘটে—যাহার দুই রকম অর্থ করা যায়, ইহার  
তখনই বলিয়া বসে যে, তাহারা মনে বড় ব্যথা পাইয়াছে—  
তাহাদের চিত্তক্ষেত্রে বিপর্যয় ঘটাইয়াছে। এই কারণেই  
লৌকিক দম্পতি প্রকাশ্য প্রমোদালয়ে কদাচিৎ গমন করিয়া  
থাকে। রয়াল একাডেমীতে তাহারা কখনও কখনও যাব  
বটে, তবে সেখানকার রঙ্গমঞ্চে অপেক্ষাকৃত দুর্নীতিমূলক  
দৃশ্যের অবতারণা হয়, তখন মহিলাটি বলিয়া বসেন যে,  
মিঃ এটিকে আদালতে অভিযুক্ত করিয়া শাস্তি প্রদান করা  
উচিত।

আমরা একবার একটি শিশুর নামকরণ উৎসবে  
নিমন্ত্রিত হইয়াছিলাম। সেই নিমন্ত্রণ-সভায় একজোড়া  
এই শ্রেণীর লৌকিক দম্পতি ছিলেন। উৎসব উপলক্ষে  
কেহ কোন ঠাট্টা-তামাসা করিলে লৌকিক স্ত্রীটি যেন ভীষণ  
যন্ত্রণা সহ্য করিতেছিলেন, এমনই ভাব প্রকাশ করিতে-  
ছিলেন। শিশুটির এক জন ধর্মপিতা হইয়াছিলেন। তাঁহার  
মুখমণ্ডল লোহিত বর্ণের, বয়সও তাঁহার হইয়াছিল। দলের  
সকলেরই তিনি পরম প্রীতিভাজন ব্যক্তি ছিলেন। তিনি  
খুব ক্ষুর্ত্তির সহিত আপন মনে কথা বলিয়া যাইতেছিলেন।  
আহারের সময় ভদ্রলোকটির ক্ষুর্ত্তি চরম অবস্থায় উপনীত  
হইয়াছিল। আমরা খুব গম্ভীর প্রকৃতির লোক বলিয়া  
ঐ লৌকিক মহিলাটিকে ভোজনাগারে লইয়া যাইবার ভার  
পাইয়াছিলাম। তাঁহার পার্শ্বে বসিয়া মহিলাটির ভাবভঙ্গী  
নিরীক্ষণ করিবার অবকাশ আমাদের হইয়াছিল।

প্রথম হইতেই আমাদের সন্দেহ হইয়াছিল যে, প্রকাশ্য  
স্থানে শিশুটিকে বাহির করায় লৌকিক মহিলাটি ব্যাপারটিকে  
শোভন বলিয়া মনে করেন নাই। কিন্তু যখন এক জন  
গুরুকেশ ভদ্রলোক শিশুটির জন্ম স্বাস্থ্যকামনায় পান  
করিয়াছিলেন এবং শিশুর মাতাকে তাঁহার বাহুর মধ্যে  
গ্রহণ করিয়া আশীর্বাদ করিতেছিলেন, তখন আমরা  
নিশ্চিতই ভাবিয়াছিলাম যে, লৌকিক মহিলাটি ভীত হইয়া  
উঠিয়াছিলেন, এবং তিনি বুদ্ধকে পলিতকেশ ব্যভিচারী মনে  
করিয়া যেন ঘৃণাভরে শিহরিয়া উঠিয়াছিলেন। কিন্তু সে দৃশ্যও  
তিনি সহ্য করিয়াছিলেন। তার পর একটি হস্তরসায়ক  
সঙ্গীত গীত হয়। মহিলাটি ক্রুদ্ধভাবে তখন পাখার বাতাস  
সেবন করিতেছিলেন বটে, কিন্তু তাহাও তিনি সহ্য করিলেন।  
কিন্তু সর্বশেষে যখন উক্ত বৃদ্ধ ভদ্রলোকটির, শিশুটির ধর্ম-  
পিতার স্বাস্থ্যকামনায় সুরী পীত হইল, তখন তিনি উঠিয়া  
ধন্যবাদ জ্ঞাপনের জন্য একটি নাতিদীর্ঘ বক্তৃতা দিলেন। বক্তৃতা

এমনে তিনি ইতিহাসে ভবিষ্যৎ শিশুর আগমনের আভাস  
দিয়াছিলেন। এমন কথাও তিনি বলিয়াছিলেন যে, ভ্রাতার  
জন্ম আজ যেমন উৎসব হইতেছে, ভগিনীর জন্মও এইরূপ  
উৎসবের অনুষ্ঠান হইবে। এই কথা শুনিবার পর লৌকিক  
স্বীকৃতি আর সূত্র করিতে পারিলেন না। তিনি ক্রমশঃ অবনত-  
শিরে এবং গর্ভিতপদক্ষেপে সেই ভ্রূলোকটির পাশ দিয়া  
চলিয়া গেলেন। তাঁহার নয়নে অশ্রু। তাঁহার লৌকিক  
স্বামীটি তাঁহাকে সঙ্গে লইয়া চলিয়া গেলেন।

## প্রেমিক দম্পতি

পবিত্র বিবাহবন্ধনে আবদ্ধ দুই জন নরনারী পরস্পরকে  
ভালবাসে, ইহা খুবই ভাল। কিন্তু সকল বিষয়েরই একটা  
সীমা আছে এবং সময়ও আছে। প্রেমিক দম্পতি যদি  
সকল সময়েই সকলের সমক্ষেই প্রেমাত্মিনয় করিতে থাকে,  
তাহা হইলে উহা অসহ্য হইয়া উঠে।

আমরা বর্তমান কালের এবং ভবিষ্যতের দম্পতির জন্য  
এক প্রেমিক দম্পতির উদাহরণ প্রদান করিতেছি। সকলে  
মিঃ ও মিসেস্ লিভারের দৃষ্টান্তে উপকৃত হইতে পারেন।

মিসেস্ টোলিং এক জন বিধবা। অল্পবয়সে তিনি স্বামি-  
হারী হন। এই বিধবাটি মিঃ ও মিসেস্ লিভারকে আদর্শ-  
দম্পতি বলিয়া ঘোষণা করিতেন। এই কল্পনাবিলাসী মহিলাটি  
প্রায় বলিতেন, “আপনারা দেখিলেই বলিবেন, এই দম্পতির  
সবে বিবাহ হইয়াছে। বাস্তবিক তাহাদের মত সুখী কেহ  
নাই। তাঁহাদের প্রকৃতি এত কোমল, পরস্পর এত আসক্ত,  
পরস্পরের মধ্যে এমন প্রণয় যে, সত্যই এমন মধুর দৃশ্য আর  
দেখা যায় না।”

মিঃ লিভার বলেন, “অগষ্টা আমার প্রাণ।” মিসেস্  
লিভার বলেন, “অগষ্টস্ আমার জীবন।” মিঃ লিভারের মুখে  
যখন শোনা গেল, “প্রিয়তমে, তুমি একটা গান গাও।”  
মিসেস্ লিভার উত্তরে বলিলেন, “প্রিয়তম, আমি গান  
গাইতে পারিনে।” স্বামী বলিলেন, “আমার কপোতী,  
একটা গান কর।” “আমি ত গান জানি না, প্রাণাধিক।  
হুট, তোমার উচিত নয় আমাকে গান গাইতে বলা।” স্ত্রীর  
কথার স্বামী বলিলেন, “আমি হুট, প্রাণাধিক।” স্ত্রীমতী  
লিভার উত্তর দিলেন, “হ্যাঁ, তুমি বড় হুট, বড় নির্ভর।  
তুমি ত জান, আমার গলায় স্বা আছে। গান গাইলে আমার  
ব্যথা লাগবে। তুমি একটা রাক্ষস, আমি তোমায় স্বগা  
করি। চ’লে যাও!” মিসেস্ লিভার স্বামীকে চলিয়া  
যাইতে বলিলেন, তাহার কারণ, তাঁহার স্বামী তখন স্ত্রীর  
চিবুকে একটু চাপ দিয়াছিলেন। মিঃ লিভার চলিয়া না  
গিয়া পত্নীর পাশেই বসিয়া রহিলেন। মিসেস্ লিভার স্বামীর

গণ্ডে চপেটাঘাত করিলেন। মিঃ লিভারও পরিবর্তে স্ত্রী  
গণ্ডে মোলায়েম চপেটাঘাত করিলেন। সমাগতগণ তখন  
বুঝিলেন যে, অল্প দিকে চাহিয়া থাক। সে সময়ে প্রয়োজন  
তাঁহার দৃষ্টি ফিরাইয়া লইলেন। সেই সময়ে তাঁহার  
চুষনের শব্দ শ্রবণ করিলেন। ইহাতে মিসেস্ টোলিং সম্পূর্ণ  
ভাবে মত্তমুগ্ধ হইয়া গেলেন এবং পার্শ্ববর্তী বন্ধুর কাণে কাণে  
বলিলেন যে, প্রত্যেক বিবাহিত দম্পতি যদি এই ভাবে  
হইত, তাহা হইলে এই পৃথিবী স্বর্গে পরিণত হইয়া যাইত।

এই ঘটনা প্রেমিক দম্পতির বাড়ীতেই ঘটিয়াছিল।  
তখন তিন অথবা চারি জন বন্ধু সেখানে উপস্থিত ছিলেন।  
কিন্তু এ সকল ব্যাপারে অভ্যস্ত না থাকায় তাঁহার তার পর  
হইতে প্রায়ই দূরে দূরে থাকিতেন। বাস্তবিকক্ষে  
চড়িতাতি বা জলক্রীড়া উপলক্ষে এইরূপ প্রেমাত্মিনয়  
পরিপুষ্ট অবস্থায় প্রদর্শিত হইত। গত গ্রীষ্মকালে আমাদের  
এ দৃশ্য উপভোগ করিবার সৌভাগ্য হইয়াছিল।

জলক্রীড়ার জন্য একটা বড় দল গঠিত হইয়া টুইকেন-  
হাম্‌এ যাইবে, সেখানে আহারাদি হইবে। তার পর নদীর  
ধারে একটা খালি বাড়ীতে নৃত্যাদির ব্যবস্থা হইয়াছিল।  
সেই দলে মিঃ ও মিসেস্ লিভার ছিলেন। তাঁহারা যে  
নৌকায় ছিলেন, আমাদেরও সেই নৌকায় ভাগ্যক্রমে স্থান  
হইয়াছিল। যুবকরা দাঁড় টানিতেছিল। অল্প নৌকার  
সহিত আমাদের নৌকা পাল্লা দিয়া চলিতেছিল। আমাদের  
নৌকা আগাইয়া গেল।

এই সময়ে আমরা প্রথম মিঃ লিভারকে চিনিতে  
পারিলাম। তিনি ছদ্মবেশে দাঁড় টানিতেছিলেন। দাঁড়  
টানিতে টানিতে তিনি স্বয়ংক্রিয়কলেবর হইয়া প্রায় দাঁড়টানা  
বন্ধ করিয়া ফেলিয়াছিলেন বলিয়া সকলে তাঁহাকে আরও  
জোরে উৎসাহিত করিতেছিল। এমন সময় দেখা গেল  
ভ্রূলোক চিং হইয়া পড়িয়া দুই পা ছুড়িতেছেন। মিসেস্  
লিভার এই সময় চীৎকার করিয়া উঠিলেন, “উনি  
কি মারা গেলেন? আমাকে দয়া ক’রে বলুন, সত্যি উনি  
মারা গেলেন?”

অবশ্য মুহূর্তমাত্র চিন্তা করিলেই মহিলাটি বুঝিতে  
পারিতেন যে, যে ব্যক্তি অতি জোরে পা ছুড়িতেছে, সে  
কখনও মৃত নহে। কিন্তু তথাপি মিসেস্ লিভারের চীৎকার  
থামিল না। তিনি তথাপি বলিতে লাগিলেন, “সত্যি মারা  
গেলেন না কি?” সকলে বলিতেছিল, “না গো, না।”  
তার পর মিঃ লিভারকে বসাইয়া দেওয়া হইল এবং তাঁহার  
হাতে আবার দাঁড় তুলিয়া দেওয়া হইল। তখন মিসেস্  
লিভার বলিয়া উঠিলেন, “অগষ্টস্, আমার ধন, তুমি আমার  
কাছে এস।” তখন তাঁহার স্বামী বলিলেন, “প্রিয়তমে  
অগষ্টা, শান্ত হও, আমার কিছু হয়নি।” কিন্তু মিসেস্  
লিভার আরও করুণায় বলিলেন, “অগষ্টস্, আমার স্বামিক,  
তুমি আমার কাছে এস।” ব্যাপার দেখিয়া সকলের সমস্ত

মিসেস্ লিভারের পক্ষাবলম্বন করিল। কারণ, তাহা না হইলে লিভারের জন্য হয় ত সকলকেই জলে ডুবিতে হইবে। কয়েকই বলিল যে, পত্নীর পাশে তাঁহার বসাই উচিত। কারণ, এমন শ্রমসাধ্য ব্যায়ামে তিনি অভ্যস্ত নন। তাঁহার গড় টানিঃ আসাই উচিত হয় নাই। হুঃখিতচিত্তে মিঃ লিভার দাঁড় ছাড়িয়া উঠিলেন এবং মিসেস্ লিভারের চরণ-প্রান্তে শুইয়া পড়িলেন। তখন মিসেস্ লিভার তাঁহার উপর কুঁকিয়া পড়িয়া বলিলেন, “অগষ্টস্, এমন ক’রে তোমাকে তোমার ভয় দেখান উচিত হয়নি।” মিঃ লিভার বলিলেন, “প্রিয়তমে অগষ্টা, আমি তোমাকে ভয় দেখাতে চাইনি।” মিসেস্ লিভার বলিলেন, “তুমি মুচ্ছিত হয়েছিলে।” স্বামী বলিলেন, “তা হয়েছিলাম।” তার পর মিসেস্ লিভারের অবগুণ্ঠনের অন্তরালে তাঁহাদের প্রেম পাকিয়া উঠিল।

মিসেস্ ষ্টার্লিং সেই দলে ছিলেন। এ দৃশ্যে তিনি আনন্দে অভিভূত হইয়া পড়িয়াছিলেন। তিনি আপন মনে বলিতে-ছিলেন, “কি প্রেমিক দম্পতি তোমরা! কি সুখীই তোমরা দুজনে!” আমাদের কাছে তিনি কবিতাময়ী (আমাদের ব্রাতা-ভগিনীর সম্বন্ধ)। তিনি বলিতেছিলেন যে, এইরূপ মিলনই দাম্পত্য-জীবনের চরম, ইহাই স্বর্গ। আমরা উভয়ে অবশ্যই বলিতেছিলাম, “নিশ্চয়! নিশ্চয়! খুব সত্য কথা!” আমরা কখনও কখনও দীর্ঘশ্বাস ত্যাগ করিতেছিলাম। এই প্রেমিক-দম্পতির যে কোনও প্রেমাভিনয় দেখিয়া বিধবার মনে প্রশংসার বন্যা বহিয়া যাইতেছিল। তার পর যখন মিসেস্ লিভার স্বামীকে মাথার টুপী নামাইতে দিলেন না, পাছে রৌদ্রে তাঁহার মস্তিষ্কপীড়া ঘটে, তখন বিধবা আর অশ্রু সংবরণ করিতে পারিলেন না। তিনি বলিলেন যে, এ ব্যাপার তাঁহার কাছে আদম ও ইভার মিলনের দৃশ্য উদ্ঘাটিত করিতেছে।

প্রেমিক দম্পতি এইভাবে প্রেমের অভিব্যক্তি প্রকাশ করিতে করিতে টুইকেনহাম পর্য্যন্ত গমন করিলেন। সেখানে উপস্থিত হইয়া মিসেস্ লিভার মিঃ লিভারের দিকে লোষ্ট্র নিক্ষেপ করিতে লাগিলেন, মিঃ লিভার তৃণাচ্ছন্ন ক্ষেত্রের উপর দিয়া পত্নীর পশ্চাতে ধাবিত হইতে লাগিলেন। সে দৃশ্য যেমন অভিনব, তেমনই কৌতুকপূর্ণ। ডিনারে বসিয়া মিঃ লিভার পত্নীর জিহ্বাখণ্ড চুরী করিলেন, পত্নীও স্বামীর মুরগীর ঠ্যাং অপহরণ করিলেন। তার পর মিসেস্ লিভার যখন গলাদা চিংড়ি খাইতে গেলেন, মিঃ লিভার তাহাতে ষোর আপত্তি তুলিলেন। তিনি বলিলেন, ইহাতে পত্নীর পীড়া হইবে। ইহাতে মিসেস্ লিভার কোপের ভাণ করিয়া নানা প্রকার কথা বলিলেন। কিন্তু এ সব তাঁহাদের প্রেমরসের হান্তময় বহির্বিকাশ মাত্র। প্রেম-নদীর গভীর তলদেশের তত্ত্ব তখনও কেহ জানিতে পারে নাই। বাক্যমান ঘটনায় সকলে তাহা জানিতে পারিল।

যে অবিবাহিত যুবকগণ এই আনন্দের, এই উৎসবের আয়োজনে প্রথম হইতে উদ্যোগী হইয়াছিল, মিঃ লিভার তাহাদের ধন্যবাদ জ্ঞাপনের ভার লইয়াছিলেন। কথাপ্রসঙ্গে তিনি বলিয়া ফেলিলেন যে, তিনি এগ্নন কুমার নছেন, ছুঁভাগ্যক্রমে তিনি তাহাদের দল হইতে এখন ভ্রষ্ট। অবশ্য মিঃ লিভার পরিহাসভরেই কথাটা বলিয়াছিলেন, কিন্তু মিসেস্ লিভার সে পরিহাস পরিপাক করিতে পারিলেন না। তিনি বলিয়া উঠিলেন, “উনি আমায় ভালবাসেন না, উনি ভালবাসেন না!” এই বলিয়া মিসেস্ ষ্টার্লিংএর বাহুতে তিনি অতি করুণভাবে ঢলিয়া পড়িলেন। তখনই তাঁহার সংজ্ঞা লোপ পাইল। আর একটি ঘরে তখনই তাঁহাকে ধরাধরি করিয়া লইয়া যাওয়া হইল। সঙ্গে মিঃ লিভার গেলেন।

একটু পরেই মিঃ লিভার দৌড়াইতে দৌড়াইতে বাহিরে আসিয়া জিজ্ঞাসা করিলেন, দলের মধ্যে ডাক্তার কেহ আছেন কি না। এক জন চিকিৎসক ছিলেন, তিনি মিঃ লিভারের সঙ্গে ঘরের মধ্যে চলিয়া গেলেন।

প্রথমেই ডাক্তারটি ফিরিয়া আসিলেন। বন্ধুজনের মধ্যে তিনি ষেক্ষপ হাসিতে লাগিলেন, তাহাতে তাঁহাকে চিকিৎসাব্যবসায়ী বলা চলে না। মিঃ লিভার দেখা দিবামাত্র ডাক্তারটি অকস্মাৎ ভয়ানক গম্ভীর হইয়া প্রশ্নের উত্তর দিতে লাগিলেন। অগষ্টা ষেক্ষপ অভিমানিনী, তাহাতে তাঁহার সহিত উপহাস করাও চলে না। বিধবাটিও সে কথার সমর্থন করিলেন। যখন বৃষ্টিতে পারা গেল যে, আপাততঃ মিসেস্ লিভারের সম্বন্ধে কোনরূপ আশঙ্কার কারণ নাই, তখন তৃণশ্যামল ক্ষেত্রের উপর নৃত্য-গীতাদি চলিতে লাগিল। সকলেরই প্রাণে তখন আনন্দের জোয়ার বহিতেছিল।

সেই নৃত্যগীতের গোলমালে মিঃ ও মিসেস্ লিভার গোপনে নৌকায় গিয়া চড়িয়া বসিলেন। মিসেস্ লিভার স্বামীর স্কন্ধে মাথা রাখিয়া বসিলেন, স্বামী পত্নীর হাত চাপিয়া ধরিয়া তাঁহার মুখের দিকে দীন-নয়নে চাহিয়া রহিলেন। বিধবাটি কিছু দূরে বসিয়া একখানি পুস্তক পাঠের অভিনয় করিতেছিলেন, আর মাঝে মাঝে অপাঙ্গে দম্পতির দিকে চাহিয়া দেখিতেছিলেন। দলের অল্প লোকই এই দম্পতির অভাব অনুভব করিয়াছিলেন। কেহ কেহ তাঁহাদের অনুপস্থিতিতে স্বস্তির নিশ্বাস ত্যাগ করিয়াছিলেন।



## তর্কপ্রিয় দম্পতি

তর্কপ্রিয় দম্পতির মিল শুধু তর্কে। মিসেস্ বুবটনের ভোজসভা হইতে বাড়ী ফিরিবার সময় গাড়ীর এক কোণে স্বামী, অপর কোণে স্ত্রী। বাড়ী আসিয়া কুড়ি মিনিট পর্যন্ত কাহারও মুখে কোন কথা নাই। তার পর অগ্নিকুণ্ডের পার্শ্ব হইতে পুরুষ মুখ তুলিয়া বলিলেন—

“শার্লোটি, ভারী আশ্চর্য্য ব্যাপার, তুমি কেবল তর্ক করবে!” পত্নী বলিয়া উঠিলেন, “তর্ক আমি করি! ও কথা ত তুমি বলবেই।” স্বামী তীক্ষ্ণস্বরে বলিলেন, “আমি কি বলি?” স্ত্রী বলিলেন, “আমি তোমার সঙ্গে তর্ক করি, এই কথা তুমি বল।” স্বামী বলিয়া উঠিলেন, “তুমি কি বলতে চাও, আজ সারাদিন তুমি তর্ক করোনি? এখন কি তুমি বলতে চাও যে, তা তুমি কচ্ছ না?” শান্তভাবে স্ত্রী বলিলেন, “ও ভাবের কথা আমি তোমায় বলতে চাই না। তবে অস্তায় কিছু বল বা কর যদি, আমি তর্ক করবই।”

উল্লিখিত প্রকার কথোপকথনকালে স্বামী ত্রাণ্ডির সহিত জল মিশাইতেছিলেন। অপর পার্শ্বে পত্নী ড্রেসিং টেবলের সম্মুখে বসিয়া চিরুণী সহযোগে কেশ প্রসাধিত করিতেছিলেন। তাঁহার ভাবভঙ্গী তখন এমন যে, পুরুষের ঐর্ষ্যাচ্যুতি হওয়া অসম্ভব নহে।

চামচটা টেবলের উপর ফেলিয়া দিয়া স্বামী বলিয়া উঠিলেন, “পৃথিবীতে ষত একশত য়ে, গোয়ার এবং বিরুদ্ধবুদ্ধি মানুষ জন্মেছে, তার মধ্যে তুমি শ্রেষ্ঠ, এ কথা নিশ্চয় বলব, শার্লোটি!” স্ত্রী বলিলেন, “নিশ্চয়, নিশ্চয়, তোমার যা ইচ্ছে, তাই বলতে পার। তুমি দেখছ ত, আমি তোমার কথায় কোন প্রতিবাদ করছি?” পুরুষ বলিলেন, “ভোজের সময় তুমি আমার প্রতিবাদ করনি। না, না, না, সে তুমি কেন?” মহিলাটি বলিলেন, “হ্যাঁ, সে ত আমি। আমি ত করেইছি।” স্বামী বলিলেন, “তুমি তা হ’লে করেছ, সেটা স্বীকার করলে ত?” পত্নী উত্তর দিলেন, “সেটাকে যদি তুমি তর্ক বলে ধ’রে থাক, তা হ’লে আমি তা করেছি। আমি আবার বলছি, এডওয়ার্ড, তোমার ভুল হলেই আমি প্রতিবাদ করব। আমি তোমার কেনা বাদী নই।” তিক্তকণ্ঠে স্বামী বলিলেন, “কি বলছ, তুমি কেনা বাদী নও! আর তুমি এখনও বলতে চাও যে, ব্লাকবরণের নতুন বাড়ীটার চৌকটা দরজা!” চুলের গোছা বামতালুর উপর রাখিয়া প্রসাধন করিতে করিতে পত্নী বলিলেন, “আমি বলতে চাই যে, বাড়ীটার মোট দরজার সংখ্যা চৌকটা। তার বেশী নয়।” নৈরাশ্রভরে চেয়ার ছাড়িয়া উঠিয়া স্বামী কক্ষমধ্যে পাদচারণ করিতে করিতে বলিলেন, “দোহাই ঈশ্বরের, এ রকম কথাই মানুষের বুদ্ধি হ’লে যায়, যে পাগল হয়ে যায়।”

ক্রমে ক্রমে স্বামী আবার চেয়ারে আসিয়া বসিলেন, ললাটে হাত বুলাইতে লাগিলেন। তার পর গভীর নিস্তব্ধতা। খানিক পরে পত্নী বলিলেন, “আমার পাশে মিঃ জেক্সিস বসেছিলেন, তাঁকে বললাম—” বাধা দিয়া স্বামী বলিলেন, “মর্গানের কথা তুমি বলছ বোঝা যায়।” স্ত্রী বলিলেন, “না, তা আমি বলতে চাই নি।” স্বামী উর্দ্ধদিকে মুখ তুলিয়া বলিলেন, “না, এ অর্থে উনি মর্গানকে জেক্সিস বলে চালাতে চান!” স্ত্রী বলিলেন, “তুমি কি আমাকে বোকা ঠাওরাও? কার কি মত? আমি জানিনে, এই তুমি বলতে চাও? নীল-কোটের লোকটা যে মিঃ জেক্সিস, তা আমি জানিনে, এই মিঃ জেক্সিস চাও?” স্বামী বলিয়া উঠিলেন, “নীলকোটের লোকটা যে! ম’রে গেলেও যে কটারঙ্গের কোট ছাড়া পরে না, তা হ’লে জেক্সিস!” অশ্রুপূর্ণনেত্রে স্ত্রী বলিলেন, “তুমি আমায় মিথ্যাবাদী ঠাওরালে?” স্বামী বলিয়া উঠিলেন, “তুমি তর্কবাগীশ। তুমি খালি তর্ক জান। তাই তোমাকে নীল কোট পরতে দেখেছ। এমন কথা আমি শুধু মনে করেছ?”

স্বামী অতঃপর বাতি লইয়া শয্যার দিকে গেলেন। সেখানে গিয়া তিনি গভীর নিদ্রায় অভিভূত হইবার ভাগ করিয়া পড়িয়া রহিলেন। স্ত্রী তখন অশ্রুপূর্ণনেত্রে করিতে করিতে নিজের হৃদয়শর জন্ত শোক করিতে লাগিলেন এবং উপরতলে শয়নকক্ষে গমন করিলেন। ত্রাতাদের সহিত তাঁহার হৃর্ভাগ্যের জন্ত পরামর্শ লইয়া এমন কথাও অশ্রুপূর্ণনেত্রে বলিতে লাগিলেন। “আমি জানি, বাড়ীটার চৌকটা দরজা। আমি জানি, লোকটা যে মিঃ জেক্সিস। আমি জানি, তার গায়ে নীল রঙ্গের কোট। আমার জীবনের শেষ পর্য্যন্ত এ কথা আমি বলবই।”

তর্কবাগীশ দম্পতির যদি সম্মান-সম্মতি থাকে, তথাপি তাঁহাদের মধ্যে তর্ক বাধিবেই। ডিনার-ভোজের পর মাষ্টার জেম্‌স্ ও মিস্ শার্লোটি পিতামাতার কাছে আসিয়া উপস্থিত। মাষ্টার জেম্‌স্ তাহার মাতাকে প্রণাম করিল, মিসেস্ পাস্‌নন্স কত লম্বা। দৈর্ঘ্যে কি তিনি ৬ ফুট নহেন? মাতা বলিলেন, “আমার তাই মনে হয়, তিনি ৬ ফুট লম্বা।” স্বামী অমনই বলিয়া উঠিলেন, “শার্লোটি, ভগবানের দোহাই, ছেলেমেয়েদের কাছে অমন নিছক বোকার মত কথা বলা না। ৬ ফুট লম্বা!” স্ত্রী বলিলেন, “আমার নিজের একটা মতামত ত আছে। আমার মতে তিনি ৬ ফুট লম্বা—অন্ততঃ ৬ ফুট।” স্বামী বলিলেন, “ওটা তোমার মত নয়, তুমি শুধু তর্ক করবার জন্তই বলছ ৬ ফুট লম্বা।” স্ত্রী বলিলেন, “বা, তুমি খুব সজা লোক ত! এই সামান্য কথায় তুমি তর্ক করছ। কেন, ৬ ফুট লম্বা হওয়াটা অপরাধ না কি? আমি আবার বলছি, তিনি ৬ ফুট লম্বা। তুমি নিজে তা জান। তবে আমি বলেছি বলেই তুমি প্রতিবাদ করছ।” এইরূপ

বিদ্রোহে স্বামীর রক্ত গরম হইয়া উঠিল, কিন্তু তিনি নিজেকে সামলাইয়া লইলেন। তবে গর্ভিত কণ্ঠে বলিলেন, “হা, হা, মিসেস্ পাস্‌ন্স্‌ না কি ৬ ফুট লম্বা!” স্ত্রী বলিলেন, “নিশ্চয় ৬ ফুট লম্বা। তুমি যাই কেন ভাব না, আমি বলব, তিনি ৬ ফুট লম্বা।”

কমে এ বিষয়ের আলোচনা স্থগিত হইয়া গেল। পুত্র তখন মাতাকে পুনরায় প্রশ্ন করিল যে, চন্দ্র কি দিয়া নিশ্চিত। তাহাতে মাতা বলিলেন, এ কথা তাঁহাকে জিজ্ঞাসা করিবার প্রয়োজন নাই। কারণ, তিনি না কি ভুলই বলেন, ঠিক কথা বলিতে পারেন না। সে পিতাকে জিজ্ঞাসা করুক। তিনি কখনও ভুল করেন না। পিতা তখন ঘণ্টা বাজাইয়া বলিলেন যে, এই ভাবে যদি কথা চলিতে থাকে, তাহা হইলে ছেলেমেয়েরা ঘরে গিয়া ঘুমাইতে পারে। তাহাই হইল। তার পর পিতা সন্তানদের মাতার দিকে অপাঙ্গে দৃষ্টিপাত করিয়া পকেট হইতে রুমাল বাহির করিলেন এবং ঘুমাইবার চেষ্টায় উহা মুখের উপর ঢাকা দিলেন।

তর্কপ্রিয় দম্পতির বন্ধু-বান্ধবগণ সময়ে সময়ে বড় বিপন্ন হইয়া পড়েন। অবশ্য তাঁহারা ব্যাপারটিকে লঘু করিবার চেষ্টাও করিয়া থাকেন। বলিয়া থাকেন, দম্পতি পরস্পরের প্রতি বিশেষ আকৃষ্ট। সামান্য বিষয় লইয়াই তাঁহাদের তর্ক বাধে মাত্র। কিন্তু এ কথা কেহই ভাবিয়া দেখে না যে, সামান্য সামান্য ব্যাপার জড় করিয়া বৃহৎ ব্যাপার গড়িয়া উঠে এবং মানুষ তাহারই ফলে সুখ অথবা দুঃখ ভোগ করিয়া থাকে।

## অপরিসীম সন্তানাসক্ত দম্পতি

সন্তানের প্রতি অত্যাসক্ত দম্পতির সংখ্যাই অধিক। ইহার ফলে সন্তানগণ খুব সুস্থ সবল হয়, নয় ত অত্যন্ত হতভাগ্য হইয়া থাকে। কিন্তু উভয় ক্ষেত্রেই সন্তানগণ পিতামাতার বিশেষ উদ্বেগের হেতুরূপ হইয়া থাকে।

যে দম্পতি সন্তানসম্বন্ধে অত্যাসক্ত, তাহারা সন্তান-দিগের জন্ম-তারিখ, পীড়া অথবা স্বরণীয় ঘটনার দিনগুলিই মনে করিয়া রাখে। তাহারা মনে করিয়া রাখে, কোন্ তারিখে কুন্ডে টম্ বন্ধনাপারের সিঁড়ি হইতে পড়িয়া গিয়াছিল, নবেম্বর মাসের গন্‌ পাউডার প্লটের দিন এই তারিখে মেড্‌ ভূমিষ্ঠ হইয়াছিল। মিসেস্‌ হইপলার যত দিন বাঁচিবেন, তত দিন তাঁহার মনে থাকিবে—কোন্ তারিখে খোকসর নাকে চারিটি রক্তবিন্দু দেখা দিয়াছিল এবং তিনি উহা হাম বলিয়া আশঙ্কা করিয়াছিলেন। মিঃ ও মিসেস্‌ হইপলার এই সকল দিন সর্বদা স্মরণ করিয়া রাখিয়াছেন।

আমরা পূর্বেই বলিয়াছি, এই দম্পতির সন্তানগণ সম্বন্ধে কোন প্রকার মধ্য ব্যবস্থা নাই। হয় তাহারা সুস্থ সবল হইবে, নয় ত সর্বদাই রোগভোগ করিবে। মিঃ হইপলার আপিসে আসিয়া সর্বদাই বলিবেন, তাঁহার বড় ছেলোট কি রকম যন্ত্রণা-ভোগ করিতেছে। ঘেন আর কাহারও বড় ছেলে কখনও অসুখে ভুগিয়া কষ্ট পায় নাই। অথবা তিনি আসিয়া বলিবেন যে, তাঁহার ছেলের মত সুস্থ সবল ছেলে আর কাহারও নাই।

এই শ্রেণীর কোনও দম্পতির বাড়ীতে যদি কোন বন্ধু আমন্ত্রিত হন, তাহা হইলে তিনি অল্প কোন প্রশ্নের আলোচনাই শুনিতে পাইবেন না। শুধু সন্তানের আলোচনাই একমাত্র বিষয়।

মিঃ হইপলারের গৃহে তাঁহার বন্ধু মিঃ সগারস্‌ আসিয়াছিলেন। কৰ্ত্তা প্রথমেই প্রশ্ন করিলেন, “আমার যমজ ছেলেমেয়েকে দেখেছ তুমি?” বন্ধুর বুক দমিয়া গেল, কিন্তু তিনি বলিলেন, “নিশ্চয় দেখেছি।” মিঃ হইপলার বলিলেন, “বল ত তাদের চোখের রং কি রকম?” বন্ধু আমতা আমতা করিতে লাগিলেন। কারণ, কিছুই তাঁহার মনে ছিল না। মিঃ হইপলার বলিলেন, “তুমি তাদের লাল বস্তুতে পার না, কেমন?” বন্ধু ইতস্ততঃ করিতে লাগিলেন। তার পর বলিয়া উঠিলেন, “না, না, তা নয়। আমার মনে হয় নীল রং।” জয়গর্বে মিঃ হইপলার বলিয়া উঠিলেন, “ঠিক তাই।”

মিসেস্‌ হইপলার তার পর ছেলেদের গুণপণা প্রকাশ করিতে লাগিলেন। শুধু কথায় নহে, দৃষ্টান্তের উল্লেখও চলিতে লাগিল। তার পর ছেলের দলকে পুডিং খাইবার জন্ত আহ্বান করা হইল। ৮টি পুত্র-কন্যা আসিয়া হাজির। মিঃ সগারস্‌ ত মনে মনে অস্থির হইয়া উঠিলেন।

ছেলেমেয়ের দলকে বিদায় দিবার পর মিঃ হইপলার ও তাঁহার বন্ধু বসিয়া বসিয়া গল্প আরম্ভ করিলেন। গল্প শুধু ছেলেমেয়েদের লইয়াই চলিল। গৃহকর্ত্তা বলিলেন, “ছেলেমেয়েদের নিয়ে যে কি সুখ, তা ত বলা যায় না। তুমি বিয়ে করে ফেল না কেন, সগারস্‌?” এ কথার উত্তর দিতে গেলে হয় ত বন্ধুবিচ্ছেদ হইয়া যাইত। বন্ধুকে মিঃ হইপলার বলিলেন, “থাক্, তুমি চিরকুমার আছ, এটা সুখের কথা। অবশ্য এর মধ্যে স্বার্থ আছে। তুমি আমাদের একটা উপকার করবে, ভাই?” বন্ধুকে বলিতে হইল, সন্দেহে তিনি সে কার্য করিবেন। তখন মিঃ হইপলার বলিলেন, “তা হ’লে তুমি আমাদের একটি ছেলের ধর্মপিতা হও।” মিঃ সগারস্‌ বলিলেন, “কার কথা বলছ? ওদের সকলেরই নামকরণ হয়েছে না?” মিঃ হইপলার বলিলেন, “তা হয়েছে। ওদের কথা বলছি না। তুমি নবম সন্তানটির ধর্মপিতা হও।” সগারস্‌ চমকিয়া উঠিলেন, বলিলেন, “তাই না কি?” মিঃ হইপলার বলিলেন, “হ্যাঁ, ভাই। এস, মিসেস্‌ হইপলারের স্বাস্থ্য পান করা যাক্।”



ডাক্তার জনসন্ এক জন লোকের সম্বন্ধে একটা গল্প বলিতেন। সেই লোকটির একটামাত্র লক্ষ্য ছিল, সেটা ভুল উদ্দেশ্য। অতিমাত্রায় সম্ভানবৎসল দম্পতি ঘরেই থাকুক অথবা বিদেশেই যাক, তাহাদের একমাত্র ধ্যান ধারণা, তাহাদের মুখে শুধু সম্ভানদিগের কথা। ইহাতে বন্ধুবান্ধব বিরক্ত হইয়া উঠে। ক্রমে সেই বিরক্তি নিষ্পাপ শিশু সম্ভানদিগের উপরও সংক্রমিত হয়। এই শ্রেণীর পিতা-মাতা অল্পের সম্ভানদিগের হিংসা করে, তাহাদের ভাল দেখিতে পারে না। এইরূপ দম্পতির সংস্রব ত্যাগ করা কর্তব্য।

## উদাসীন দম্পতি

একটি পুরাতন ফ্যাসনের বাড়ীতে দুইটি দরজা। এক দিকে এক জন ভদ্রলোক, অপর দিকে এক জন মহিলা। যখন আকর্ষণ পরিকার থাকে, মহিলাটি বাহিরে যান, পুরুষটি ভিতরে প্রবেশ করেন। বর্ষার দিন ভদ্রলোক বাহিরে গমন করেন, মহিলাটি ভিতরে গিয়া বসেন। কেহ কাহারও সঙ্গ কামনা করেন না। সঙ্গলাভে কেহ উৎফুল্লও হন না, বিষাদিতও হন না। উভয়ের মধ্যে কোন বিষয়েই ঐক্য নাই। ইহারাই উদাসীন দম্পতি। তবে ব্যবহারে শিষ্টাচার ও বিবেচনাবুদ্ধির কিছু পরিচয় পাওয়া যায়।

উদাসীন দম্পতি কদাচিৎ উভয়ে একত্র থাকেন। যখন সেরূপ অবকাশ ঘটে, তখন স্বামীটি তুলিতে থাকেন, স্ত্রীটি মৌমভাবে অবস্থান করেন। কখনও কখনও যদি আলাপ-আলোচনা আরম্ভ হয়, তাহাতে শুধু বিজ্ঞপ দেখিতে পাওয়া যাইবে। স্বামীটি আরামকেদারায় হেলান দিয়া হাই তুলিতেছেন, এমন সময় তাঁহার স্ত্রী হয় ত প্রশ্ন করিলেন, চার্লস্, তুমি বোধ হয় বেশ আরাম পাচ্ছ? উত্তরে স্বামী বলিলেন, "হ্যাঁ, বেশ আরামে আছি।" স্ত্রী বলিয়া উঠিলেন, "পৃথিবীতে যত বিবাহিত লোক আছে, তোমার মত আত্মসুখ-সর্বস্ব স্বার্থপর লোক কেউ নেই।" স্বামীও উত্তরে বলিলেন, "তোমার মতও আত্ম-সুখপরায়ণা স্ত্রীও জগতে নেই।" স্ত্রী বলিলেন, "সে দোষ কার?" স্বামী যেন নিদ্রাতুর হইয়া পড়িয়াছেন, তাই সে কথার কোনও উত্তর দিলেন না। স্ত্রী আবার ঐ প্রশ্ন করিলেন, কিন্তু স্বামীর নিকট হইতে কোনও উত্তর আসিল না। স্ত্রী তখন বলিতে আরম্ভ করিলেন যে, সমগ্র পৃথিবীতে তাঁহার মত কেহ ঘরসংসারের অমুরাগিনী নছেন। সংসারের কাজে তাঁহার প্রগাঢ় আসক্তি, এমন কি, সংসারধর্ম-পালন ছাড়া মুহূর্তের জন্তও তিনি বাহিরের আমোদ-প্রমোদের অমুরাগিনী ছিলেন না। বিবাহের পূর্বে তিনি স্বপ্নেও কল্পনা করিতে পারেন নাই যে, তাঁহার

বর্তমান অবস্থা দাঁড়াইবে। তাঁহার পিতা প্রায়ই বলিতেন— সে কথা তিনি কোন দিনই ভুলিবেন না— "পৃথিবীতে লুইসা, যে ব্যক্তি তোমাকে বুঝতে পারবে, সে লোককে যদি তুমি বিয়ে কর, যে তোমার সুখ-স্বাস্থ্যের জন্ত সর্বদা অবহিত থাকবে, এমন লোক যদি তোমার স্বামী হয়, তা হ'লে তুমি যে কি রত্ন, সে বুঝতে পারবে!" তিনি জানেন, তাঁহার পিতা তাঁহার সম্যক পরিচয় পাইয়াছিলেন। তাই তিনি অমন কথা বলিয়াছিলেন। এখন তিনি কি করিবেন? বাড়ীতে যদি তিনি কোন আকর্ষণ না পান, সকল সময়েই একা থাকিতে হয়, স্বামী যদি সব সময়েই বাহিরে থাকেন, তাঁহার সাহচর্যে স্বামী কোন সুখ না পান, তাহা হইলে তিনি মাঝে মাঝে বাহিরে বন্ধুগণের সহিত দেখা না করিয়া, বিশ্রাম ভোগ না করিয়া কিরূপে থাকিতে পারেন? তাঁহাকে ত বাঁচিয়া থাকিতে হইবে। সহসা তাঁহার স্বামী নিদ্রাত্যাগ করিয়া বলিয়া উঠিলেন, "বেশ ত, লুইসা, তুমি আজ বাইরে যেও না, আমি বাড়ী থাকব।" স্ত্রী বলিলেন, "চার্লস্, তুমি ইচ্ছে ক'রেই আমার মনে দুঃখ বাড়িয়ে দিতে চাও। তুমি জান যে, আজ মিসেস্ মটিমারের সঙ্গে আমার কথা আছে যে, তাঁর সঙ্গে থিয়েটার দেখতে যাব, তিনি বক্স ভাড়া করে রেখেছেন, আমি না গেলে ভারী রুচতা প্রকাশ করা হবে। তা জেনেও তুমি আমায় বাড়ী থাকতে বলছ।" স্বামী বলিলেন, "এ তুমি বলবে, তা আমি জান্তাম। তুমি একটি বেলাও বাড়ী থাকতে পার না, এ আমার জানা কথা। শুনে রাখ, লুইসা, আমি বাড়ী থাকতে চেয়েছিলাম, কিন্তু তুমি রাজি নও। এ জন্ত পরে আমার দোষ দিও না যে, আমরা একসঙ্গে থাকি না।"

এই কথা বলিয়া স্বামী ক্লাবে চলিয়া গেলেন। সেখানে তাঁহার নিমন্ত্রণ ছিল। স্ত্রীও তাড়াতাড়ি বেশভূষা প্রসাদন সারিয়া মিসেস্ মটিমারের সঙ্গে থিয়েটার দেখিবার জন্ত যাত্রা করিলেন।

কিন্তু এমন সিদ্ধান্ত করা উচিত নহে যে, উদাসীন দম্পতি সকল সময়ে পরস্পর কলহ করেন। পরস্পরের কাছে জবাবদিহির ইহা একটা অজুহাত মাত্র। সাধারণতঃ এই শ্রেণীর দম্পতি বেশ সহজভাবে জীবনযাত্রা নির্বাহ করিয়া থাকে। সামান্য পরিচয়ের লোক দেখা-সাক্ষাৎ হইলে যেমন ব্যবহার করিয়া থাকে, ইহাদের ব্যবহারও তদ্রূপ। পরস্পরকে এড়াইয়া চলিবার চেষ্টাও নাই, কলহ-প্রবৃত্তিও নাই।

যখন এই শ্রেণীর দম্পতি সামাজিক ব্যাপারে যোগদান করে, তখন তাহারা খুব শিষ্ট ও ভব্য বলিয়া বিবেচিত হইয়া থাকে। স্ত্রী এক পাশে বসিয়া গল্প করিতেছেন, এমন সময় কোনও নারী-বন্ধু বলিয়া উঠিলেন, "ঐ যে আপনার স্বামীকে দেখছি।" ক্লান্ত স্বরে স্ত্রী বলিলেন, "তাই ত, ভারী



আশ্চর্য্য ত ! আমি ভেবেছিলাম, তিনি ডোভারে গেছেন ।” স্বামী তখন অগ্রসর হইয়া অগ্ন্যাণ্ড নারীদিগের সহিত আলাপ-প্রসঙ্গে স্ত্রীর দিকে চাহিয়া একটু ঘাড় নাড়িলেন । এইমাত্র তিনি ডোভার হইতে ফিরিয়াছেন, তাহাও জানাইলেন । স্ত্রী বলিলেন, “তুমি ভারী আশ্চর্য্য জীব ত ! এখানে এলে কেন, তাই ভাবছি ।” স্বামী বলিলেন, “তোমার জন্মই এসেছি ।” কথাটা এমনই পরিহাসপূর্ণ যে, স্ত্রীও তাহা শুনিয়া কৌতুক বোধ করিলেন । সম অবস্থার অগ্ন্যাণ্ড মহিলারাও কথাটা শুনিয়া সমান কৌতুক বোধ করিলেন । সকলেই যখন উহা লইয়া কৌতুকানন্দ উপভোগ করিতেছেন, তখন স্বামী মুখ ফিরাইয়া অগ্ন দিকে চলিয়া গেলেন ।

অবশ্য এমন একটা বিশিষ্ট সময় আছে, যখন স্বামীর আক-স্মিক আগমন স্ত্রী পছন্দ করেন না । স্ত্রী হয় ত কোন কোন বিশিষ্ট বস্তুকে চা-পানের জন্ম নিমন্ত্রণ করিয়াছেন, পরস্পর পরিনিন্দা করিবেন, বা অগ্ন ভাবে সময় কাটাইবেন, এইরূপ সংকল্প । এমন সময় স্বামী হঠাৎ উপস্থিত । হয় ত স্বামী অঙ্গ-ঘণ্টার অধিক বাড়ীতে থাকিবেন না, কিন্তু তাহাতেই স্ত্রী বলিয়া উঠিলেন, “আমি ত ওঁর কোন কাজে প্রতি-বন্ধক হইনে, তবে উনি কেন আমার কাজে বাধা দেন ? এসময় আমি চাইনি যে, উনি বাড়ী আসেন, কিন্তু উনি এমন সময় আসবেনই । এ ভারী বিরক্তিকর ও অপ্রীতিজনক । অথচ নিজের স্বখের জন্ম আমাকে একলা ফেলে রেখে যেতে ওঁর বাধে না ।” স্ত্রীর মনোভাব বুঝিতে পারিয়া ভদ্রলোক ভাবেন যে, সুখ বা সন্তোষ আর যেখানেই থাকুক না কেন, তাঁহার গৃহে নাই । ইহা মনে করিয়া তিনি টুপী ও ছড়ি লইয়া বাটীর বাহির হইয়া যান ।

এইরূপে অনেক উদাসীন দম্পতি পরিশেষে পরস্পরের সম্বন্ধে সম্পূর্ণ নির্লিপ্ত হইয়া পড়েন । এই ভাবেই তাঁহাদের জীবনের পরিসমাপ্তি ঘটে । এইরূপ সামান্য কারণে বহু ব্যক্তির সমুজ্জ্বল জীবন বিকশিত হইতে পারে নাই, নাম, যশঃ, কীৰ্ত্তি, বাহা তাঁহারা অর্জন করিতে পারিতেন, তাহা অর্জিত হইতে পারে নাই । চিরদিনই ইহা ঘটিয়া আসিতেছে । লোকমুখে এই প্রকার জনরব পেচারিত হয় । উদাসীন দম্পতিরও, অগ্ন উদাসীন দম্পতির প্রতি অঙ্গুলি নির্দেশ করিয়া দেখাইয়া বলে যে, তাহারা উদাসীন ।

## প্রশংসনীয় দম্পতি

প্রশংসনীয় দম্পতিদিগের অনেক প্রকার সংজ্ঞা আছে । “আনন্দময় দম্পতি”, “শ্লেহময় দম্পতি”, “অত্যন্ত প্রীতিজনক দম্পতি”, “সদাশয় দম্পতি” এবং “সহৃদয় দম্পতি” এইরূপ অনেক নাম উহার আছে । অর্থাৎ প্রশংসনীয় দম্পতি জাগতিক জ্ঞান-সম্পন্ন নরনারী ।

কোন কোন সংশয়বাদী পাঠক হয় ত প্রশ্ন করিয়া বসিবেন, “সত্যই কি জগতের সকলকে সন্তুষ্ট করা সম্ভবপর ?” কথাটা সত্য । কিন্তু একটা কথা আছে, সন্তুষ্ট করা খুব সোজা এবং সম্ভবপর বটে । অবশ্য উপায়টা সরল নহে, কোন কোন ক্ষেত্রে বিশী এবং নীচতাপূর্ণ । তবে ? প্রয়োজন-পীড়িত মানুষ জানে, কখন জামু গাড়িয়া নত হইতে হয়, কখন চক্ষু বুজিয়া থাকিতে হয়, কাণ তুলা দিয়া রক্ত করিতে হয়—কখন মাটির সঙ্গে মিশাইয়া যাইতে হয়, আবার কখন বা সোজা ভাবে দাঁড়াইতে হয় । আর জগৎ বলিতে যদি মানুষের চলাফেরার জায়গার অণুপরমাণু বলিয়া বুঝায়, তবে আশঙ্কা নাই, সে নিশ্চয় তাহাকে সুখী করিবে ।

সহজেই দেখিতে পাওয়া যায় যে, প্রশংসনীয় পুরুষ অথবা নারী সহজভাবে জগতের সকল প্রকার কাঁটা, গোঁচা, ঝাঁকা-ঝাঁকার সহিত আপনাকে রপ্ত করিয়া লইতে পারে, তাহা হইলে সেই পুরুষ বা নারী, অর্থাৎ দম্পতি, পরস্পরের হাতের ক্রীড়নক হইয়া একযোগে কার্যোদ্ধার করিয়া লইতে পারে । সুতরাং প্রশংসনীয় দম্পতি কদাচিত্ তাহাদের প্রচেষ্টায় ব্যর্থ হয় । এই রচনার পাঠক, বই পড়া বন্ধ করিয়া যদি তাঁহার পরিচিত নর-নারীদিগের সম্বন্ধে বিশেষ করিয়া চিন্তা করিয়া দেখেন, তাহা হইলে নিশ্চয় তিনি এইরূপ ভদ্রলোক ও ভদ্রমহিলার দেখা পাইতে পারেন ।

প্রশংসনীয় দম্পতির দৃষ্টি অণুবীক্ষণের জায় শক্তিশালী, তাঁহাদের দৃষ্টিপথ হইতে কিছুই এড়ায় না । তাঁহারা আপনাদের ভ্রম-প্রমাদ বা দোষ-ত্রুটির কথা বহুবাক্যবাদের নিকট প্রকাশ করিতে কোন দিনই কুণ্ঠিত হন না । কেহ খুব উদার, কেহ খুব স্পষ্টভাষী । অপর জন ভাবে, সমস্ত মানুষই তাহাদের মত, সুতরাং মনুষ্যজাতিকে তাহারা স্বর্গের দূতের মত মনে করিয়া থাকে । চতুর্থ শ্রেণীর এক দল আছে, তাহারা কাহারও দোষ দেখিলে, সে সম্বন্ধে উদারতা ও করুণা প্রকাশ করিতে অভ্যস্ত । প্রশংসনীয় দম্পতি বলিবে, “আমরা কাহারও স্তুতিবাদ করিনে, প্রিয় মিসেস্ জ্যাকসন্, আমরা মন খুলিয়া কথা বলি । আপনি অথবা মিঃ জ্যাকসন্‌এর বেশী দোষ নেই । কথাটা শুন্তে আশ্চর্য্যজনক বটে, কিন্তু তবু তা সত্য । আপনার বেশী দোষ নেই । আপনি আমাদের ব্যবহার জানেন, আমরা মন খুলে কথা বলি, সব সময়েই খোলা মনে কথা বলে থাকি । যদি এ

কথা বলার আমাদের মুখে ঝগড়া করতে ইচ্ছে হয়, তা করতে পারেন; কিন্তু তবু আমরা আবার বলব, আপনার দোষ বেশী নেই।”

প্রশংসনীয় দম্পতি সকল সময়েই পরস্পরকে ভালবাসে এবং একই সুরে তারা বাঁধা। স্বামী স্ত্রীকে বলেন “প্রাণাধিকা,” স্ত্রী বলেন, “প্রিয়তম।” স্বামি-স্ত্রীর কথায় পার্থক্য থাকে না। স্বামী যাহা বলেন, স্ত্রী তাহারই পুনরাবৃত্তি করেন।

এই শ্রেণীর দম্পতি এমন কোনও অসুস্থ ব্যক্তির প্রশংসা করে না, যাহার প্রশংসা-কীর্তনে উপস্থিত কোন না কোন লোক তাহা প্রশংসিত করিতে পারে। তাহার বলিবে, তাহাদের বন্ধু মিঃ প্লমেরি নিশ্চয়ই কৌশলী চিত্রকর, তাহার রচিত চিত্র খুব উচ্চদরে বিক্রীত হইতে পারিত, কিন্তু নির্ভর মিঃ ফিদাস পূর্বে হইতেই স্থান অধিকার করিয়া রহিয়াছেন। ফিদাস সেখানে উপস্থিত এবং কথাটা তাহার কর্ণগোচর হইয়াছিল। প্লমেরি সেখানে অসুস্থ।

মিসেস্ টেবলুউইক্ কি সত্যই বিশেষ সুন্দরী? প্রশ্নটা এতই বিভ্রান্তকর। কারণ, প্রকৃতপ্রস্তাবে মহিলাটি অত্যন্ত রূপবতী, তাহারা অনেক দিন হইতেই তাহার সহিত ঘনিষ্ঠভাবে পরিচিত। এক সময়ে তাহারা ভাবিয়াছিল যে, তাহার মত সুন্দরী আর কেহ নাই। তবে যদি কেহ তাহাদিগকে সত্য কথা জিজ্ঞাসা করে, তাহা হইল বলিতে হইবে, সোফায় উপবিষ্টা সুন্দরীকে তখন তাহারা দেখে নাই! ইহাকে দেখার পর, তাহাদের বিবেচনাশক্তি যে নিরপেক্ষতামূলক, তাহা তাহারা জোর গলায় বলিতে পারে না। মিসেস্ টেবলুউইক্ নিশ্চয়ই বিশেষ সুন্দরী, সোফায় উপবিষ্টা সুন্দরীরই মত, কিন্তু যদি ভাব-ভঙ্গীর কথা ধরিতে হয়, তাহা হইলে—তাই ত ভারী মুঞ্চিল!

প্রশংসনীয় দম্পতি যখন কাহাকেও খর্ক করিতে চাহে, সে অবস্থাতেও এমনভাবে বর্ণনা করে যে, তাহাতে তাহাদের সৌজন্য ও অনুকম্পা প্রকাশ পায়।

## চমৎকার দম্পতি

প্রাচীন-পন্থীদলে এক সময়ে এমন রীতি প্রচলিত ছিল যে, কোনও ভদ্রমহিলা বা ভদ্রলোক গান গাহিতে না পারিলে, গল্প বলিয়া বন্ধুবর্গকে পরিভূক্ত করিতেন। চমৎকার দম্পতির সংজ্ঞা-নির্দেশ করিতে না পারিয়া এ সম্বন্ধে একটা গল্প শুনাইয়া দিতে চাই।

মিঃ ও মিসেস্ চিরপ্ চমৎকার দম্পতি ছিলেন। মিঃ চিরপ্ ছোট পাখীর মত চঞ্চল, চপল ও চটুল ছিলেন। মিসেস্ চিরপ্ আকারে ছোট, কিন্তু খুব সুন্দরী ছিলেন।

তাঁহার চরণ-বৃগল অত্যন্ত কুদ্র এবং কণ্ঠস্বর বিশেষ মোলায়েম ছিল। তাঁহার হাসিটিও বড়ই মধুর ছিল, চুলগুলি কৃষ্ণিত, চক্ষু-বৃগল দীপ্ত এবং ব্যবহার অতি শাস্ত। এক কথায় ভারী মধুরপ্রকৃতি ও সুন্দরী তিনি ছিলেন। গৃহস্থালী কার্য্য এবং গৃহিনীর গুণ-পণা সবই তাঁহাতে বিদ্যমান ছিল।

মিঃ চিরপ্ পত্নীর গুণ জানিতেন। কিন্তু এমন ভাব প্রকাশ করিতেন, যেন তিনি কিছুই অবগত নহেন। তবে এমন পত্নীভাগ্যে তিনি গর্ভ অমুভব করিতেন, তাঁহার মত এ বিষয়ে এমন ভাগ্যবান আর কেহ নাই, ইহা তাঁহার ধারণা ছিল।

আমরা পূর্বেই বলিয়াছি, গৃহস্থালী কার্য্যে মিসেস্ চিরপ্ বিশেষ পারদর্শিনী ছিলেন। নানা প্রকার মিঠাই প্রস্তুত করা, এবং গৃহস্থালীর বন্দোবস্ত-কার্য্যে তাঁহার যোগ্যতা প্রশংসনীয়। তাহা ছাড়া, সূক্ষ্ম বস্ত্রে তিনি সূক্ষ্মতম কারুকার্য্য করিতে পারিতেন।

চিরপ্-দম্পতির সহিত ভোজনে বসা ভারী সুখকর। মিঃ চিরপের এক জন কুমার-বন্ধু ছিলেন। তাঁহাকে মিঃ চিরপ্ বিশেষ ভালবাসিতেন। ঘটনাক্রমে এই কুমার যুবকটি আবার মিসেস্ চিরপেরও বন্ধুস্থানীয় ছিলেন। সুতরাং চিরপ্-দম্পতির বাড়ীতে ভোজের নিমন্ত্রণ হইলেই এই কুমার-বন্ধুটিকে দেখিতে পাওয়া যাইত। সময়ে সময়ে দেখা যাইত, মিঃ চিরপ্ বন্ধুকে কোমার্য্য জীবন পালন করিতে দেখিয়া উপহাস করিতেন। উত্তরে বন্ধুটিও মিঃ চিরপের বিবাহিত জীবন লইয়া কৌতুক করিতেন। সে সময় অবিবাহিত বা বিধবা কোনও নারী উপস্থিত থাকিলে, তিনি হাসিয়া লুটোপুটি খাইতেন। আমরা একাধিকবার লক্ষ্য করিয়াছি যে, তাহারা যখন উক্ত অবিবাহিত বন্ধু প্রতি দৃষ্টিপাত করিতেন, তখন ইহাই প্রকাশ পাইত, তাঁহার অবস্থা নিরাপদ নহে। কারণ, আমরা দেখিয়াছি, এরূপ কুমারদিগের পক্ষে কাঁদ ও জাল এড়াইয়া চলা কঠিন—অনেক গল্পের এখানে সেখানে মুখব্যাদান করিয়া থাকে। এমনও আমরা দেখিয়াছি যে, এইরূপ কুমারগণ বেদীর রেলিংএর ধারে নতজাহু হইয়া এম্, অথবা এম্কে বিবাহিতা পত্নীরূপে গ্রহণ করিয়াছেন—অবশ্য ব্যাপারটা সম্যক অবধারণ করিবার পূর্বেই।

যাহা হউক, মিঃ চিরপের এ সকল বিষয়ে চিন্তা করিবার প্রয়োজন ছিল না। তিনি গল্প করেন, হাসেন এবং সুরা-পান করিয়া পরিভূক্ত হন। তার পর কথার তাজমহল গড়িয়া উঠে। তার পর ড্রিং-ক্রমের পালা আসিয়া পড়ে। মিসেস্ চিরপ্ তার পর চৌবাচ্চায় ছোট ছোট মাছ ছাড়িয়া দিয়া স্বামীকে কাছে আহ্বান করেন। তখন এই দম্পতিকে দেখিয়া মনে হয়, ইহারা মিলিয়াছেন ভাল। বাহুতে বাহু লগ্ন করিয়া তাহারা পথে বেড়াইতে বাহির হন, রুটির সময় একই হাতের অন্তরালে দুই জন আশ্রয় গ্রহণ

করেন। তার পর নিমন্ত্রিত ব্যক্তি যখন বিদায়গ্রহণ করেন, তিনি মনে মনে বলেন, মিঃ ও মিসেস্ চিরপ্ বড় চমৎকার দম্পতি। এইরূপ আমোদপ্রিয়, উদারচিত্ত দম্পতির সংখ্যা যত বৃদ্ধি পায়, ততই ভাল।

## আত্মবাদী দম্পতি

আত্ম-সর্বস্ব বা অহংবাদী লোক দুই শ্রেণীর। দুইটি দৃষ্টান্তের দ্বারা আমরা বক্তব্যটিকে বিশদ করিতে চাই।

আত্মবাদী দম্পতি, সুবা, বুদ্ধ, মধ্যবয়সী, ধনী, নির্ধন সবই হইতে পারে। তাহাদের পরিজনের সংখ্যা কমও হইতে পারে, আবার বেশীও হওয়া আশ্চর্য্য নহে। অথবা আত্মীয়-স্বজন কেহ নাও থাকিতে পারে। এমন কোন বাহ্য নিদর্শন নাই, যদ্বারা আত্মবাদী দম্পতির পরিচয় পাইয়া তাহাদিগকে পরিহার করা চলে। আকস্মিকভাবে তাহাদের সহিত তোমার সাক্ষাৎ হইয়া যাইতে পারে। তাহাদিগকে পরিহার করিবার কোন উপায় নাই। আত্মবাদী দম্পতির হাত হইতে রক্ষা পাইবার পূর্বাভাস কাহারও কাছে প্রকাশ পায় না।

আত্মবাদী দম্পতি সকল প্রকার সুখ-দুঃখের সহিত পরিচিত। তাহারা জানে না, এমন কোন কথাই তুমি তাহাদিগকে বলিবার অবকাশ পাইবে না। তাহারা সকল বিষয়েই অভিজ্ঞ। শুধু মৃত্যুর সহিত তাহাদের পরিচয় নাই। সময় সময় মনে হয়, এ বিষয়ে তাহাদের জ্ঞান থাকিলেই ভাল হইত। অবশ্য যখন আমরা বিরূপচিত্তে অবস্থান করি, তখনই এমন চিন্তা মনে আসে।

সে দিন সকালবেলা আত্মবাদী এক দম্পতির সহিত দেখা হইয়া গেল। কোনও বন্ধুর বাড়ী তাঁহার পারিবারিক অবস্থার সন্ধান লইতে গিয়া গুনিলাম, বাড়ীর গৃহিণীর শরীর ভাল নহে। আত্মবাদী মহিলাটি বলিয়া উঠিলেন, “ভাল না থাকার কথা আর বলবেন না। শেষবার আপনার সঙ্গে দেখা হবার পর আমাদেরও ঐ রকম হয়েছিল।” বাড়ীর গৃহিণী যখন বলিলেন, তাঁহার কর্তাটিরও শরীর ভাল নাই, তখন আত্মবাদী স্বামীটি বলিয়া উঠিলেন, “ত্রিগস্কে অভিযোগ করতে বারণ করবেন। আমি গত ছয় সপ্তাহের মধ্যে যে অবস্থায় পড়েছিলাম, তাতে ত্রিগসের জুখ করা উচিত নয়। অসুখ হওয়া যে কি কষ্টের, তা তিনি জানেন না। ধারণা করবার শক্তিও তাঁর নেই।”

তাঁহার স্ত্রী হাসিয়া বলিলেন, “প্রিয়তম, তুমি এমন ভাবে বলছ যে, মিঃ ত্রিগস্ আমাদের মত অসুস্থ না হয়ে যেন অপরাধ করে বসেছেন। তিনি ও মিসেস্ ত্রিগস্ প্রকৃত কষ্টের পরিচয় পাননি, সে জন্য তাঁরা ভগবানকে ধন্যবাদ দিতে পারেন।” স্বামীটি মুহূর্ত্তে বলিলেন, “প্রিয়তমে, তুমি আমাকে

ভুল বুঝেছ। যে মূল্যে আমাদের কষ্টের অভিজ্ঞতা সংগ্রহ করতে হয়েছে, আমাদের বন্ধুকে যেন সে মূল্য দিতে না হয়।”

মিসেস্ ত্রিগসের কথা ঢাপা দিয়া আত্মবাদী পুরুষটি আমাদের দিকে চাহিয়া বলিলেন যে, বিধবা মেজী সন্ন্যাসবাদের সহিত আমাদের জানা-গুনা আছে কি না। নাই, জানিয়া ভদ্রলোক বলিলেন যে, লর্ড প্লাংএর সহিত সর্বদা হয় ত আমাদের দেখা-গুনা হয়। কিংবা স্তার চিপকিন্স্ স্নগউনের সহিত নিশ্চয় আমাদের পরিচয় আছে। কিন্তু ঐ সকল বড়লোকের সহিত আমাদের কোনও পরিচয় নাই জানিয়া তিনি অত্যন্ত বিশ্বয়বোধ করিলেন। তার পর পত্নীকে উদ্দেশ্য করিয়া জিজ্ঞাসা করিলেন যে, আলু চৈহার চমৎকার গল্প কে বলিয়াছিলেন? আত্মবাদী মহিলাটি বলিলেন, “সার চিপকিন্স্ই সে কথা বলেছিলেন। এ কথা জিজ্ঞাসা করছ কেন? তোমার কি মনে নেই, তিনিই বলেছিলেন যে, রাজপুত্র ও রাজবধুর সঙ্গে আমাদের হৃৎকনের বেশ সৌন্দর্য্য আছে। মনে নাই তোমার সে কথা?” স্বামী বলিলেন, “খুব মনে আছে।” এই ভাবে অষ্টীয়ার সম্রাট, সম্রাটমহিষীর সহিত তাঁহাদের আলাপ-পরিচয়ের কথা তাঁহারা উত্থাপন করিলেন।

আত্মবাদী দম্পতি সকলকেই চেনেন। শুধু তাই নহে, কোন কোন বিশিষ্ট ঘটনার সহিত তাঁহাদের কি সংশ্লিষ্ট ছিল, তাহাও তাঁহারা বিবৃত করিতে ভুলেন না। আমরা গুনিলাম যে, রাজা তৃতীয় জর্জের জীবননাশের জন্য হাটফিল্ড যখন চেষ্টা করিয়াছিল, তখন আত্মবাদী ভদ্রলোকের পিতামহ, রাজার পার্শ্বেই উপবিষ্ট ছিলেন। তিনিই সর্বপ্রথম আততায়ীকে ধরিয় ফেলেন। আত্মবাদীর স্বামীর পত্নীর পিতামহী রাজার বসিবার আসনের সন্নিকটেই বসিয়াছিলেন, তিনি তখন গুনিয়াছিলেন, রাজা বলিতে-ছিলেন, “শার্লোটা, ভয় পেও না, ভয় পেয়ো না।” এ কথা আর কেহই গুনিতে পায় নাই।

এইরূপ নানা প্রসিদ্ধ ঘটনার সহিত আপনাদিগকে সংশ্লিষ্ট প্রতিপাদন করিয়া আত্মবাদী দম্পতি আরম্ভ করিলেন, কোন্ ঋতুতে তাঁহারা কোন্ দ্রব্য খাইয়া পরিপাক করিতে পারেন, কখন তাঁহারা নিদ্রা যান, কখন শয্যা ত্যাগ করেন, সে সকল বিষয়ের তালিকা দিয়া তাঁহারা বিদায় লইলেন। আমরাও বিদায় লইলাম।

আর এক শ্রেণীর আত্মবাদী দম্পতি আছে। তাহারা পরস্পর পরস্পরের প্রশংসা-কীর্ত্তন ছাড়া আর কিছুতেই তৃপ্ত নহে। সিলভারষ্টোন দম্পতি এই শ্রেণীর। স্বামীর প্রশংসা-কীর্ত্তন করার জন্য মিসেস্ সিলভারষ্টোন বেমন ব্যাগ, পত্নীর প্রশংসা-কীর্ত্তনেও তেমনই মিঃ সিলভারষ্টোনের আগ্রহ। এ জন্য অধিকসংখ্যক শ্রোতার প্রয়োজন। যত বেশী শ্রোতা জুটিবে, ততই তাহাদের আগ্রহ বাড়িবে।



## সাবধানী দম্পতি

মিসেস্ মেরিউইংকিলের কুমারী নাম চপার। চপার-দম্পতির তিনি একমাত্র সন্তান। অতি শৈশবে তিনি পিতৃহীন হন। কস্তার বিবাহ দিবস পর মিসেস্ চপার কস্তাজামাতার গৃহে বসবাস করিতে থাকেন।

মেরিউইংকিল-দম্পতি সর্বদা আপনাদিগকে চাকিয়া চুকিয়া রাখিতেন। ইহাতে মিসেস্ চপার সাহায্য করিতে থাকেন।

মিঃ মেরি উইংকিল অত্যন্ত রুশ এবং দীর্ঘজীব ভদ্রলোক। প্রায়ই তিনি ঠাণ্ডায় কষ্ট পাইতেন। তাঁহার মাথায় একটুতেই ঠাণ্ডা লাগিত। মিসেস্ মেরি উইংকিলেরও স্বাস্থ্য ভাল ছিল না, অল্পতেই তাঁহারও শরীরে ঠাণ্ডা লাগিত। মিসেস্ চপারও বহু দিন ধরিয়া ঔষধ সেবন করিয়া আসিতে-ছেন। তাঁহারও শরীর না কি সর্বদা অসুস্থ হইয়া পড়িত। কিন্তু বাহিরে দেখিতে তাঁহাকে সুস্থ সবলই মনে হইত।

মিঃ মেরিউইংকিল যখন বর্ষার দিনে কার্যব্যাপদেশে বাটার কাছির হইতেন, তখন বিয়াট আয়োজন হইত। মোজার উপর চামড়ার মোজা, বুটের উপর ইণ্ডিয়া রবার-জাত জুতা, ওয়েস্ট কোটের নীচে শশুকচর্মের আবরণ প্রভৃতি তিনি পরিধান করিতেন। তার পর একখানি শালের দ্বারা গলদেশ আবৃত করিতেন, মুখের উপর রেশমী রুমাল চাপা দিতেন। ওভার কোট ও ছাতা ত সঙ্গের থাকিত। আপিসে গিয়াই তিনি জানালাগুলি পরীক্ষা করিয়া দেখিতেন, সব ঠিক বন্ধ আছে কি না। তার পর ধীরে ধীরে উপরের জামা-জোড়া খুলিয়া ফেলিতেন। কুয়াশা সঙ্কে তিনি শীঘ্রই সংবাদ-পত্রে প্রবন্ধ লিখিবেন, এরূপ উক্তি প্রায়ই তাঁহার মুখে শোনা যাইত।

মিসেস্ মেরিউইংকিল এবং তাঁহার জননী মুখেও এইরূপ কথা সর্বদা বাহির হইত। কেহ তাঁহাদের সহিত দেখা করিতে আসিলে তাঁহার মাতা ও পুত্রী প্রায়ই বলিতেন, “এমন বিস্তী দিনে বাড়ী থেকে বেরুলেন কি ক’রে? এতে মৃত্যু হ’তে পারে।”

মিঃ মেরিউইংকিল গৃহে ফিরিয়া আসিবামাত্র পত্নী ও শাশুড়ী তাঁহাকে পরীক্ষা করিয়া দেখিতেন, তাঁহার পা আর্দ্র হইয়া গিয়াছে, তাঁহার আনন পাণ্ডুবর্ণ। তার পর তাঁহাকে উপরে টানিয়া লইয়া গিয়া শুক তোলালে দিয়া তাঁহার গা বসিয়া দেওয়া হইত। ইহাতে তাঁহার মুখ-মণ্ডলের ঘেরূপ চহারা হইত, তাহা আদৌ প্রীতিপ্রদ নহে। মোটা মোজা পরাইয়া দেহ ভালরূপে আবৃত করিয়া তবে তাঁহাকে নিয়ের ফক্ষে ডিনারে যাইতে দেওয়া হইত।

ডিনারে বসিয়া খাওয়া মন্দ হইত না। যতক্ষণ আহার্য-গ্রহণ চলিত, কাহাকে কোনও বিষয়ে নিরুৎসাহ দেখা যাইত

না। তার পর চুই এক গ্রাস স্বরাপানের পর তিন জনই ঘুমাইয়া পড়িতেন। নিদ্রাভঙ্গের পর তাঁহাদের মনে হইত, আবার পীড়ার লক্ষণসমূহ দেখা দিয়াছে। নৈশভোজের সময় সে সমস্ত লক্ষণ আর দেখা দিত না। কিন্তু শয়নে গমন করিবার পূর্বেই আবার ব্যাধির লক্ষণসমূহ প্রকটিত হইত। তখন গরম জলে পা ধুইয়া, স্বরাপান করিয়া মিঃ মেরিউইংকিল শয্যার মধ্যে আশ্রয় লইতেন। মিসেস্ মেরিউইংকিল কতিপয় ঔষধের বড়ী সেবন করিয়া রাত্রির মত শয্যায় গা ঢালিয়া দিতেন।

আর এক শ্রেণীর সাবধানী দম্পতি আছে, তাহারা সর্বদা দেহ আবৃত রাখে বটে, তবে সামান্য বস্ত্রের দ্বারা দেহ আচ্ছাদিত করে, স্বল্পমূল্যের আহার্য গ্রহণ করিয়া থাকে। রূপগতার জন্মই এমন হয়। পাঠকদিগকে জানাইয়া রাখিতেছি, এই শ্রেণীর দম্পতিমাত্রই স্বার্থপর এবং অলস। তাহারা বাতাস উঠিলেই অভিযোগ করে, বৃষ্টি পড়িলেই অভিসম্পাত করিতে থাকে। বাতাসে বাষ্প দেখিলেই তাহাদের অভিযোগের অন্ত থাকে না। নিজেদের প্রকৃতি অনুসারে প্রত্যেক ব্যাপারেই তাহারা অসন্তোষ প্রকাশ করিয়া থাকে। ইহারা জীবনকে কখনও উপভোগ করিতে পারে না।

## বৃদ্ধ দম্পতি

পিতামহ ও পিতামহী—তাহাদের অনেকগুলি পুত্র-কন্যা, এবং পৌত্র-পৌত্রী। তাহাদের দেহ বয়সের ভারে নত হইয়া পড়িয়াছে, পদক্ষেপে দৃঢ়তা নাই। চলিতে গেলেই হাত-পা কম্পিত হয়। বিবাহের সময় যাহারা আনন্দ-চঞ্চল ছিল, ইতিমধ্যে তাহারা এমন বৃদ্ধ ও অকর্মণ্য হইয়া পড়িয়াছে!

সে যেন সেদিনের ঘটনা। কিন্তু দুঃখ-কষ্ট, উৎকর্ষা, উদ্বেগে এই সময়ের মধ্যে তাহারা এমন অবস্থায় আসিয়াছে—যেন এক-শতাব্দী চলিয়া গিয়াছে! বিবাহের সুসময় দিনের পর এতদিনের কত প্রকার স্মৃতি তাহাদের হৃদয়ে বিরজিত! সে যুগ চলিয়া গিয়াছে, এখন নূতন যুগের আরম্ভ। এ যুগ তাহাদের জ্ঞানহে, অস্ত্রের জন্ম। অতীত ও বর্তমানের মধ্যে তাহার যেন একটা সংযোগ-চিহ্ন, কিন্তু মরিচাধরা বন্ধন। কখন, কোন্ মুহূর্তে তাহা ভাঙ্গিয়া পড়িয়া যাইবে।

সেদিনের কথা, তাহাদের তিনটি সন্তান সমাধি-শয়নলাভ করিয়াছে! যে বৃক্ষের ছায়া সমাধি-ক্ষেত্রে বিরাজিত, এই বৃক্ষও বেশ প্রাচীনতা লাভ করিয়াছে। একটি শিশু—দম্পতি তাঁহার জন্ত শোকাঙ্গনাত করিয়াছিল;

পরেরটি একটি বালিকা—এ জগতের জন্ম সে উপযুক্ত ছিল না—তাহার শোক দম্পতির কাছে অসহনীয় হইয়াছিল। তৃতীয়টি একটি প্রাপ্তবয়স্ক পুত্র। সে শোকও ক্রমে সহনযোগ্য হইয়া আসিয়াছিল।

ঘটনাগুলি যেন সেদিন ঘটয়াছিল। হান্তপ্রকুল আনন্দপূর্ণ আননগুলি প্রভাতে যে আনন্দদীপ্তি প্রদান করিয়াছিল, পৃথিবীর আলোকে তাহারা এখন বিচ্যুত নাই। তাহাদের কাহারও কাহারও মুখের অস্পষ্ট স্মৃতি এখনও আছে, তবে তাহা অস্পষ্ট হইয়া ক্রমেই যেন মিলাইয়া যাইতেছে। অবশিষ্টদিগকে স্বপ্নে দেখিতে পাওয়া যায়। কিন্তু তাহাদের আকৃতির যেন পরিবর্তন হইয়াছে—বার্দ্ধক্যের ক্ষীণ দৃষ্টিতে যেন তাহা পরিবর্তিত হইয়া গিয়াছে।

পোষাকের আলমারীতে বিবাহকালীন দুই একটি পরিচ্ছদ এখনও সময়ে সংরক্ষিত; কিন্তু তাহা নিতান্তই সেকেলে, এ যুগে তেমন পরিচ্ছদের রেওয়াজ নাই। ছবিতে সেরূপ পরিচ্ছদের নমুনা দেখা যায়। শ্বেত বসন এখন পীতাম্বু হইয়া উঠিয়াছে, উজ্জ্বল বর্ণ ম্লান হইয়া পড়িয়াছে। তোমার মনে বিশ্বয় জন্মিতেছে? আজ লোল চর্ম্মের উপর রেখাবলী আননের মন্থণতাকে হরণ করিয়াছে সত্য, কিন্তু এক দিন তোমারই মন্থণ আননের ত্রায় বৃদ্ধার আনন মন্থণ ও মনোজ্ঞ ছিল, তোমারই ত্রায় আয়ত আননের উজ্জ্বল দৃষ্টি এক দিন তাহাকেও সুন্দরী দেখাইত। কালের হস্ত আজ তাহার দেহে এই পরিবর্তন আনিয়াছে।

সে যুগের সে অঙ্গুর-অঙ্গুরীর ত্রায় দম্পতি কোথায় গেল? এখনও বৃদ্ধ দম্পতির কাণে পত্নী-দম্প-ভবনের ঘণ্টাধ্বনির রেশ মাঝে মাঝে ক্ষীণ অস্পষ্টভাবে মনে পড়ে। অদূরে ঐ যে বাতপীড়িত চিরকুমার বৃদ্ধ জগতের বিরুদ্ধে সংগ্রাম করিবার জন্ম নিয়ত উদ্ভূত, উহাকে প্রশ্ন কর, সে কোনও প্রিয় ক্রীড়াসঙ্গিনীর কথা মনে করিতে পারে কি না। তাহার নাম লুসী—সকলেই তাহাকে সেই নামে ডাকিত। বৃদ্ধ এখন বলিতে পারিবে না, কখনও তাহার বাল্যক্রীড়াসঙ্গিনীর বিবাহ হইয়াছিল কি না। সে বিদেশে মারা গিয়াছে কি না, তাহাও সে জানে না। সে বহু দিনের কথা, এখন তাহার কিছুই মনে নাই।

যে বৃদ্ধ দম্পতির কথা বলিতেছিলাম—তাহাদের জীবনে কি কোন সুখ—কোন তৃপ্তি নাই? চারিদিকে পৌত্র-পৌত্রী-প্রপৌত্রী-বেষ্টিত হইয়া তাহারা রহিয়াছে দেখা যাইতেছে। শিশু ও বালকদিগের অশিষ্টতা দেখিলে বৃদ্ধ দম্পতি তাহাদিগকে উপদেশ প্রদান করে। আপনাদের বাল্য-জীবনের দৃষ্টান্ত দেখাইয়া তাহাদিগকে সুশীল ও সুবোধ হইতে উপদেশ প্রদান করে।

বৃদ্ধের বয়স এখন আশী বৎসর। অশীতিপর হইলেও এক দিনও তাহার মাথা ধরে নাই। ক্ষৌরকার্যের সময়

নরসুন্দরকে সে সেই কথা বলিয়া থাকে। পরামাণিকটি যুবক। এই বয়সেই তাহার মাথাধরার রোগ দেখা দিয়াছে। পরামাণিক বলিয়া উঠে, “কর্ত্তা, আপনার আর বেশী বয়স কি?” কর্ত্তা সবিস্ময়ে উত্তর দেয়, “বল কি, আশী বৎসর বেশী বয়স নয়!” নরসুন্দর স-প্রতিভভাবে উত্তরে বলিয়া উঠিল, “আপনি যে রকম সুস্থ সবল আছেন, —তাতে আপনাকে ও কথা বলা যায় না।”

আজ বৃদ্ধ দম্পতি বেশ প্রফুল্ল ছিল। পুরাতন দিনের কথা তাহাদের মনে পড়িতেছিল। বৃদ্ধা কম্পিতকণ্ঠে ধর্ম্মগ্রন্থ হইতে একটা অংশ পাঠ করিতেছিল। বৃদ্ধ গভীর শ্রদ্ধাভরে তাহা শ্রবণ করিতেছিল। বই পড়া শেষ হইলে, উভয়ে অনেকক্ষণ নীরবে বসিয়া রহিল। তার পর আলোচনা আরম্ভ হইল—সম্ভবতঃ পরলোকগত সন্তানদিগের সম্বন্ধে।

বৃদ্ধ দম্পতির অভিনন্দনে আজ পুত্র, পৌত্র, প্রপৌত্রের দল আনন্দে কলরব করিতেছিল। প্রত্যেকেই নানা প্রকার উপহার আনিয়া বৃদ্ধের জন্মদিনে উপঢৌকন দিতেছিল, পকেট-বই, পেন্সিল, পিন, কুশন, কত রকমের স্মিলাইট। বৃদ্ধ দম্পতি সকলকে চুম্ব দিতেছিল। হর্ষোচ্চাসে সমগ্র ভবন উচ্ছ্বসিত হইয়া উঠিতেছিল।

ভোজের পর যখন সুরা ও ফলমূল আসিল, তখন সকলেই স্বাস্থ্যপানের জন্ম অগ্নিকুণ্ডের ধারে সমবেত হইল। এমন সময় বৃদ্ধা জেন আডাম্‌স্ লাঠির উপর ভর দিয়া সেখানে আসিল। সে এই সকল বালক-বালিকাকে, তাহাদের জনকদিগকে পালন করিয়া এখন বৃদ্ধা হইয়া পড়িয়াছে। তাহার আগমনে আবার হর্ষকোলাহল উখিত হইল।

বৃদ্ধ দম্পতি পাশাপাশি বসিল। পুরাতন দিনের স্মৃতি যেন সে দিনের কথা বলিয়া মনে হইতে লাগিল। জীবনের অতীত পথের দিকে তাহারা দৃষ্টি ফিরাইল। পথের ধূলি ও ভস্ম কোথায় অন্তর্হিত হইয়া গেল। যে সকল ফুল পথের দুই ধারে ফুটিয়া উঠিত, আজ যেন আবার তাহারা নব মুকুলিত হইয়া উঠিতে লাগিল। চারিপার্শ্বে যৌবনের তরুণ প্রবাহ—তন্মধ্যে অবগাহন করিয়া বৃদ্ধ দম্পতিও যেন সহসা যৌবনের স্পর্শ অহুভব করিতে লাগিল।

## উপসংহার

পূর্বোক্ত প্রবন্ধগুলিতে আমরা ষাট প্রকার বিবাহিত দম্পতির নমুনা দেখাইয়াছি। যাহারা পরীক্ষা করিতে চাহেন, এই নমুনাগুলি তাঁহাদের সাহায্য করিবে। পুরুষ ও নারী নবযুগের উভয় সম্প্রদায়ের কল্যাণকল্পে এই নমুনাগুলি প্রদত্ত হইল। তাঁহারা ইহা ইহাতেই অনেক সংবাদ সংগ্রহ করিতে পারিবেন। স্বতন্ত্রভাবে প্রত্যেক জাতীয় দম্পতির চিত্র প্রদত্ত হইয়াছে।

যে সকল ক্ষেত্রে নারী (স্ত্রী) সর্বময়কর্ত্রী, সেরূপ দৃষ্টান্ত আমরা ইচ্ছাপূর্বক প্রদান করি নাই। কারণ, এরূপ দৃষ্টান্ত স্বাভাবিক নহে। কাজেই এরূপ যত কম পারা যায়, প্রদর্শন করা সম্ভব।

আমাদের স্বেচ্ছাপ্রণোদিত কর্তব্য এইখানেই সমাপ্ত হইত, কিন্তু যে সকল তরুণ-তরুণী ধর্মমন্দিরের চারিদিকে এখনও একক জীবন লইয়া ঘোরান্দেবী করেন, এবং সেই রহস্যময় বিধানের আকর্ষণের প্রতীক্ষা করিতেছেন, তাঁহাদিগের সম্বন্ধেই আমাদের শেষ গোটাকয়েক কথা আছে।

বিবাহের পূর্বে ও পরে তাঁহারা যেন গৃহের অগ্নি-কুণ্ডকেই সকল প্রকার স্থায়ী সুখ ও আনন্দের কেন্দ্রস্থান বলিয়া গ্রহণ করিতে শিক্ষালাভ করেন। তাঁহাদের মনে যেন এই বিশ্বাস দৃঢ়নুল হয় যে, গৃহেই দাম্পত্য সুখ বর্তমান—ইংরাজের যাবতীয় গুণ গৃহসুখ হইতেই জাত। তাঁহারা বিশ্বাস করুন যে, গার্হস্থ্য দেবতাকে বেটন করিয়াই সম্ভাব ও শান্তি পুঞ্জীভূত হইয়া থাকে। তাঁহারা জানিয়া রাখুন, বহু সুখাঘেষী শকময় জগতে বিচরণ করিয়া বহু বিলম্বে শান্ত-কান্ত দেহ-মনে এই সত্যকে আবিষ্কার

করিয়াছেন এবং জীবনের অপরাধে যেন শান্তি ও প্রসুখ লাভ করিয়াছেন।

কন্যাদিগের শিক্ষা এবং জননীদিগের ব্যবহারে এ বিষয় সাফল্যলাভের কতখানি নির্ভর করে, আমাদের পুরাতন জাতীয় চরিত্রের উজ্জ্বলতম অংশ ধীরবুদ্ধির দ্বারা কতখানি স্থায়িত্ব প্রাপ্ত হইতে পারে, অথবা নির্লক্ষিতার জন্য তাঃ শ্রান ও ক্ষমকারাচ্ছন্ন হয়, কতটা নষ্ট হয়, প্রতিদিন ক নষ্ট হইতেছে, সে বিষয়ে আলোচনা এখানে সম্ভবপর নহে কিন্তু প্রত্যেক তরুণ দম্পতির এ বিষয়ে গভীর মনোবোগ্য চিন্তার বিশেষ প্রয়োজন আছে।

একটি তরুণ দম্পতির উজ্জ্বলতম ভাগ্যের উপরে জাতি ভাগ্য নির্ভর করিতেছে, ইংলণ্ডের তরুণগণকে ভাবি দেখিতে হইবে। সেই ভাগ্যবান দম্পতির দৃষ্টান্ত দেখি। সকলে শিক্ষা করুক যে, রাজসভার চাকচিক্য, রাজপ্রাসাদের ঐশ্বর্যসম্ভার, রাজসিংহাসনের মশঃ ও গৌরব সবই দাম্পত্য জীবনের সুখ ও গর্বের উপর নির্ভর করিয়া থাকে। সে একটি তরুণ দম্পতির জীবনাদর্শ হইতে তাহারা শিখিতে পারে যে, একটা সাম্রাজ্যের রাজমুকুট যতই রত্নসম্ভারে সমুজ্জ্বল হউক, রাণীর মনে সামান্য অসুখীয়াধারিণী নারী-প্রকৃতির প্রভাব অসামান্য। রাণী হইলেও নারীর অসুখের গোপন কোমলতাই তাঁহার পক্ষে সর্বশ্রেষ্ঠ গৌরব। নারীর প্রেম রাজমর্যাদার ধার ধারে না, প্রকৃতির প্রেরণারই মর্যাদা ঘোষণা করে। জনের আভিজাত্য তুচ্ছ, শুধু স্বপ্নের শিশু হইতে হইবে।

সর্বশ্রেষ্ঠ স্ত্রীর তরুণ দম্পতি এই সত্য কথা গুলিয়া রাখুন। তখন পুরুষরা তাহাদের টুপী উৎক্ষিপ্ত করিয়া স্নেহ-প্রেমপূর্ণ কণ্ঠে চীৎকার করিয়া বলিবে—

ভগবান্ তাহাদিগকে আশীর্বাদ করুন।